

UNIVERSITY OF TORONTO LIBRARIES

A standard linear barcode is located at the top of the label. It consists of vertical black bars of varying widths on a white background.

3 1761 01264389 6



Relig
Theol.

VERA CHRISTIANA RELIGIO,

CONTINENS

UNIVERSAM THEOLOGIAM
NOVÆ ECCLESIAÆ

DOMINO APUD DANIELEM CAP. VII: 13-14, ET IN
APOCALYPSI CAP. XXI: 1, 2. PRÆDICTÆ.

A B

EMANUELE SWEDENBORG,

DOMINI JESU CHRISTI
SERVO.

AMSTELODAMI,
MDCCCLXXI.

THE CHRISTIAN RELIGION.

ЗИДИРТМО

DANIEL Cap. VII. Verf. 13. 14.

*Videns fui in visionibus noctis, & ecce cum nubibus cælorum si-
cut FILIUS HOMINIS veniens fuit: Et Huic datum est Domi-
nium, & Gloria & Regnum, & omnes populi, gentes, & linguæ
Ipsum colent: Dominium Ejus Dominium seculi, quod non tran-
sibit, & Regnum Ejus quod non peribit.*

**ЛЮБОВЬ ОДИНОЧКА СУЩА СИЛА СИМВОЛЫ
APOCALYPSIS Cap. XXI: 1-2; 5-8; 18-**

Ego Johannes vidi Cælum Novum & Terram Novam: & vidi Urbem sanctam Hierosolymam novam, descendenter a Deo e Cælo, paratam sicut Sponsam ornatam Marito suo. Et Angelus loquutus est mecum, dicens, veni ostendam tibi SPONSAM AGNI UXOREM; & abstulit me in spiritu super montem magnum & altum, et ostendit mihi Urbem magnam sanctam Hierosolymam, descendenter e Cælo a Deo.

Sedens super Throno dixit, ecce Nova OMNIA FACIO; & dixit mihi, scribe, quia haec verba vera & fida sunt.

~~538^{н2} РГ
14/1959 г.~~
MANUFACTURE SWAROVSKI
CHRISTIAN SWAROVSKI
ОНАДА

INTRODUCTION

MDCCXXI

VERA CHRISTIANA RELIGIO,

CONTINENS

UNIVERSAM THEOLOGIAM NOVI CÆLI ET NOVÆ ECCLESIAE



FIDES NOVI CÆLI ET NOVÆ ECCLESIAE.

1.  Ides in forma universalis & singulari præmittitur, ut sit sicut Facies ante Opus, quod sequitur; ac ut sit sicut Porta, per quam fit ingressus in Templum; utque sit Summarium, in quo singula quæ sequuntur, suo modo continentur. Dicitur Fides Novi Cæli & Novæ Ecclesiæ, quia Cælum ubi sunt Angeli, & Ecclesia in qua Homines, unum agunt sicut Internum & Externum apud hominem; inde est quod homo Ecclesiæ, qui in bono amoris ex veris fidei est, ac in veris fidei ex bono amoris, sit quoad interiora mentis suæ Angelus cæli, quare etiam post mortem in Cælum venit, & ibi fruitur felicitate secundum statum conjunctionis illorum. Sciendum est, quod in Novo Cælo, quod hodie a Domino instauratur, sit hæc Fides, facies, porta & summarium ejus.

2. FIDES Novi Cæli ET Novæ ECCLESIAE IN UNIVERSALI FORMA, hæc est. Quod Dominus ab æterno, Qui est JEHOVAH, in Mundum venerit, ut subjugaret Inferna, & glorificaret Humanum suum; & quod absque eo nemo mortalium salvari potuerit; & quod salventur qui credunt in Ipsum.

Dicitur in Universali forma, quia hoc est Universale fidei, ac Universale fidei est, quod in omnibus & singulis erit. Universale fidei est, quod Deus sit Unus Essentia & Persona, in Quo est Divina Trinitas, & quod Dominus Deus Salvator Jesus Christus sit Ille. Universale fidei est quod nullus mortalium salvari potuerit, nisi Dominus in Mundum venerit. Universale fidei est, quod in Mundum venerit, ut removeret Infernum

4 UNIVERSAL THEOLOGIA

ab homine; & quod remoyerit illud per pugnas contra illud, & per victorias super illud; ita subjugavit illud, & redegit illud in ordinem, & sub suam obedientiam. Universale fidei est, quod in Mundum venerit, ut Humanum suum, quod in Munde suscepit, glorificaret, hoc est, uniret Divino a Quo; sic Infernum in ordine & sub obedientia sua, in æternum tenet. Quoniam hoc non potuit fieri, quam per Tentationes in Humanum suum admissas usque ad Ultimam illarum, & ultima illarum fuit Passio crucis, ideo illam subivit. Hæc sunt Universalia fidei de Domino.

Universale fidei a parte hominis est, ut credat in Dominum, nam per credere in Illum fit conjunctio cum Illo, per quam Salvatio: credere in Illum, est fiduciam habere quod Ille salvet; & quia fiduciam habere non potest, nisi qui bene vivit, ideo etiam hoc per credere in Ipsum intelligitur. Hoc dicit etiam Dominus apud Johannem „*Hæc est voluntas Patris, ut omnis qui credit in Filium, habeat vitam æternam*“ VI: 40. & alibi „*Qui credit in Filium, habet vitam æternam: qui vero non credit Filio, non videbit vitam, sed ira Dei manet super illo,* III: 20.

3. FIDES Novi CÆLI ET Novæ ECCLESIAE IN SINGULARI FORMA, hæc est: Quod Jehovah Deus sit Ipse Amor & Ipsa Sapientia, seu quod sit Ipsum Bonum & Ipsum Verum, & quod Ipse quoad Divinum Verum, quod est Verbum, & quod fuit Deus apud Deum, descenderit, & assumserit Humanum, propter finem, ut in ordinem redigeret omnia quæ in Cælo, & omnia quæ in Inferno, & omnia quæ in Ecclesia erant; quoniam tunc potentia Inferni valuit super potentiam Cæli, & in Terris potentia mali super potentiam boni, & inde totalis damnatio ante fores stetit & imminuit. Hanc futuram Damnationem Jehovah Deus per Humanum suum, quod erat Divinum Verum, sustulit, & sic Angelos & Homines redemit: ac postea in Humano suo univit Divinum Verum Divino Bono, seu Divinam Sapientiam Divino Amori, & sic rediit in suum Divinum in Quo ab æterno fuit, una cum & in glorificato Humano. Hæc intelliguntur per hoc apud Johannem „*Verbum erat apud Deum, & Deus erat Verbum: & Verbum Caro factum est, Cap. I. 1. 14;* & apud Eundem, *Exivi a Patre, & veni in Mundum; iterum relin-*

relinquo Mundum, & vado ad Patrem, Cap. XVI: 28. & porro per hoc „ Scimus quod Filius Dei venerit, & dederit nobis intelligentiam, ut cognoscamus Verum, & sumus in Vero in Filio. Iesus Christo: Hic est verus Deus & Vita æterna , Joh. I Epist. Cap. V: 20. 21. Ex his patet, quod absque adventu Domini in Mundum, nullus salvari potuerit. Simile est hodie ; quare nisi Dominus iterum in Mundum veniat in Divino Vero, quod est Verbum, nec quisquam potest salvari.

Singularia fidei a parte hominis sunt ; 1. Quod Deus sit Unus, in Quo Divina Trinitas, & quod Ille sit Dominus Deus Salvator Jesus Christus. 2. Quod Fides salvifica sit credere in Ipsum. 3. Quod non facienda sint mala , quia sunt diaboli & a diabolo. 4. Quod facienda sint bona, quia sunt Dei & a Deo. 5. Et quod hæc facienda sint ab homine ut ab Ipso ; at quod credendum sit, quod sint a Domino apud illum & per illum. Duo priora sunt Fidei, duo posteriora sunt charitatis; & quintum est conjunctionis charitatis & fidei, ita Domini & hominis.



C A P U T . P R I M U M

D E

D E O C R E A T O R E.

4. Ecclesia Christiana a tempore Domini transferat ætates ab Infantia ad ultimam Senectam; Infantia ejus fuit tempore quo vixerunt Apostoli, & in toto Mundo prædicaverunt Pænitentiam & Fidem in Dominum Salvatorem, quod duas illas, constat ex his in Actis Apostolorum, „ Paulus contestatus est & Iudeis „ & Græcis Pænitentiam ad Deum, & Fidem in Dominum nostrum Iesum Christum, ” Cap. XX: 21. Memorabile est, quod Dominus ante aliquot Menses convocaverit duodecim suos Discipulos, nunc Angelos, ac illos in Universum Mundum Spiritualem emiserit, cum mandato ut Evangelium e novo ibi prædicarent, quoniam Ecclesia a Domino per illos instaurata hodie in tantum consummata est, ut vix aliquæ reliquiae ejus supersint; & quod hoc evenerit, quia Divinam Trinitatem in tres Personas , quarum unaquævis est Deus & Dominus, partiti sunt; & quod inde emanaverit sicut phrenesis in universam Theologiam, & sic in Ecclesiam, quæ

6 UNIVERSA THEOLOGIA

a nomine Domini Christiana vocatur; dicitur phrenesis, quia mentes humanæ per id in tale delirium actæ sunt, ut non sciant num Deus unus sit, vel num tres sint, unus est in oris loquela, sed tres in mentis cogitatione, quare dissidet mens ab ore suo, seu cogitatio a loquela sua; ex quo dissidio resultat, quod nullus Deus sit; Naturalismus hodie regnans non aliunde est; expende, si libet, dum os loquitur unum, & mens cogitat tres, annon intus in media via unum expungit alterum vicissim; inde homo vix aliter de Deo cogitat, si cogitat, quam ex nuda voce Deus, absque aliquo sensu qui involvit cognitionem ejus. Quoniam idea de Deo, cum omni notione ejus, ita discerpta est, volo in suo ordine de Deo Creatore, de Domino Redemptore, & de Spiritu Sancto operatore, & demum de Divina Trinitate, agere, ob causam, ut discriptum resarcitur, quod fit, dum Ratio humana ex Verbo & inde lumine convincitur, quod Divina Trinitas sit, & quod hæc sit in Domino Deo Salvatore Iesu Christo, sicut Anima, Corpus, & Procedens in homine; & quod sic valeat hoc in Symbolo Athanasiano, *Quod in Christo Deus & Homo, seu Divinum & Humanum, non sint duo, sed in una Persona; & quod sicut Anima rationalis & Caro unus est homo, ita Deus & Homo unus sit Christus.*

DE UNITATE DEI.

5. Quoniam agnitus Dei ex cognitione Ejus est ipsa essentia & anima omnium in Universa Theologia, necessum est, ut exordium fiat de UNITATE DEI, quæ in ordine per Articulos demonstrabitur, qui erunt, I. Quod tota Scriptura Sacra, & inde Doctrina Ecclesiarum in Christiano Orbe doceant, quod Deus unus sit. II. Quod universalis influxus in animas hominum sit, quod Deus sit, & quod unus. III. Inde est, quod in Universo Mundo non detur Gens, cui religio & sana ratio, quæ non agnoscit Deum, & Deum unum esse. IV. Quod qualis ille Deus unus est, gentes & populi abi-
verint & abeant illi diversum, ex pluribus causis. V. Quod Ratio humana ex multis in Mundo percipere aut concludere possit, si vult, quod Deus sit, & quod unus sit. VI. Quod nisi unus Deus foret, non potuisset Universum creari & conservari. VII. Quod homo, qui non agnoscit Deum, ab Ecclesia sit excommunicatus, & damnatus. VIII. Quod apud hominem, qui non agnoscit unum Deum, sed plures, nihil Ecclesiæ cohæreat. Sed hæc singulatim evolventur.

6. I. QUOD TOTA SCRIPTURA SACRA, ET INDE OMNES DOCTRINÆ ECCLESIARUM IN CHRISTIANO ORBE, DOCEANT, QUOD DEUS SIT, ET QUOD UNUS SIT. Quod tota Scriptura sacra doceat, quod Deus sit, est quia in intimis ejus non aliud est, quam Deus, hoc est, Divinum quod procedit a Deo, est enim illa dictata a Deo, & non potest aliud procedere a Deo, quam quod Ipse est, & vocatur Divinum; hoc in intimis ejus est. In derivatis autem, quæ infra sunt, & inde sunt, est Sancta illa Scriptura accommodata perceptioni Angelorum & Hominum, in his est simili-
ter Divinum, sed in alia forma, & in hac vocatur id Divinum Cœlestis, Spirituale & Naturale, quæ non aliud sunt, quam integumenta Dei; quoniam Ipse Deus, qualis est in intimis Verbi, non potest ab ullo Creato videri; nam dixit ad Mosen, dum supplicavit ut videret gloriam Jehovæ, quod nemo possit videre Deum & vivere; simile est cum intimis Verbi, ubi Deus in suo Esse & in sua Essentia est: sed usque Divinum, quod intime est, ac integratur per talia, quæ accommodata sunt perceptionibus Angelorum & Hominum, elucet sicut Lux per formes Chry-
stallinas, sed varie secundum statum mentis, quem sibi homo a Deo vel a semet formavit; coram omni illo, qui statum mentis suæ formavit a Deo, est Scriptura-
sacra sicut Speculum, in quo videt Deum, sed quisque suo modo; Veritates, quas

ex

NOVI CÆLI ET NOVÆ ECCLESIAE.

7

ex Verbo discit, & pér vitam secundum illas imbuīt, illā Speculum componunt: ex his primum constat, quod Scriptura sacra sit plenitudo Dei. Quod illa non modo doceat, quod Deus sit, sed etiā quod Deus unus sit, constare potest ex Veritatibus, quæ, ut dictum est, Speculum illud conformant, quod in uno nexū cohærent, & faciant, quod homo non possit cogitare de Deo nisi unum; inde est, quod unusquisque, cuius ratio aliqua sanctitate ex Verbo imbuta est, sciat sicut ex se, quod Deus unus sit, & percipiat sicut insaniam dicere, quod plures sint; angeli non possunt aperire os ad enantiandum deos, aura enim cælestis, in qua vivunt, contranititur. Quod Deus unus sit, Scriptura sacra non modo universaliter ita, ut dictum est, doceat, sed etiam particulařiter multis in locis, ut in his,
 „Audi Iſrael, Jēhovah Deus noster, Jēhovah unus est, Deut. VI: 4. pariter Marc. XII: 29. Tantummodo inter te Deus, et præter Me non est Deus, Efaj. XLV: 14. 15. Nonne Ego Jēhovah, & non amplius Deus præter Me, Efaj. XLV: 20. 21. Ego Jēhovah Deus tuus, & Deum præter Me non agnosces, Hosech. XIII: 4. Sic dixit Jēhovah Rex Iſraelis. Ego Primus & Ultimus, & præter Me non Deus, Efaj. XLIV: 6. In die illo erit Jēhovah in Regem super totam Terram, in die illo erit Jēhovah unus, & Nomen Ipsius unum, Sach. XIV: 9.

7. Quod doctrinæ Ecclesiarum in Christiano Orbe doceant, quod Deus unus sit, notum est; docent, quia ex Verbo sunt omnes doctrinæ illarum, quæ cohærent, quantum unum Deum non solum ore, sed etiam corde agnoscunt: illi qui solum ore unum Deum, & tres corde confitentur, ut sit apud plures hodie in Christianismo, illis non aliud est Deus, quam duntaxat enuntiatum oris, & omne Theologicum illis non aliud est, quam sicut Idolum ex auro inclusum scrinio, ad quod clavis ad aperiendum est solum apud antistites, & illi quando legunt Verbum, non percipiunt aliquam lucem ibi & inde; & ne quidem quod Deus unus sit; Verbum illis est sicut litoris maculatum, & quoad unitatem Dei obiectum; hi sunt qui a Domino describuntur apud Matthæum „Auditu audietis, & non intelligetis, & videbitis, & non cernetis: oculos suos occluserunt, ne forte videant oculis suis, & auribus audiant, & corde intelligent, & convertant se, & sanem illos, Cap. XIII: 14. 15. Sunt omnes illi sicut qui lucem fugiunt, & intrant Cameras ubi non fenestræ sunt, & palpitant circum parietes, & querunt ubi victus & ubi nummi; & tandem færerantur visum noctuarum similem, & vident in tenebris: sunt hi similes mulieri, cui plures mariti sunt, quæ non est uxor, sed lasciva maretrix: suntque similes virginis, quæ a pluribus procis annulos accipit, & post nuptias cum uno locat noctes; & quoque cum reliquis.

8. II. QUOD UNIVERSALIS INFUXUS A DEO IN ANIMAS HOMINUM SIT, QUOD DEUS SIT, ET QUOD UNUS. Quod influxus sit a Deo in hominem, manifestum est ab omnium confessione, quod omne bonum, quod in se bonum est, & est in homine, & sit ab illo, sit a Deo, similiter omne charitatis & omne fidei, nam legitur, Non potest homo sumere quicquam, nisi sit dátum ei e Cælo, Joh. III: 27: & Jesus dixit, Sine Me non potestis facere quicquam, Joh. XV: 5, hoc est, non quicquam quod charitas & quod fidei est. Quod influxus ille sit in animas hominum, est quia anima est intimum & supremum hominis, ac influxus a Deo sit in illud, & inde descendit in illa quæ infra sunt, & vivificat illa secundum receptionem: Vera quæ fidei erunt, quidem influunt per auditum, & sic menti implantantur, ita infra animam, sed homo per hæc vera modo disponitur ad recipiendum influxum a Deo, per animam, & qualis dispositio est talis sit receptio, & talis transformatio fidei naturalis in fidem spiritualem. Quod influxus a Deo in animas hominum sit, quod Deus unus sit, est quia omne Divinum tam universaliter quam singulariter sumptum, est Deus, & quia omne Divinum cohæret ut unum, non potest non inspirare homini ideam Unius Dei; & hæc idea corroboratur indies, sicut homo a Deo elevatur in lucem Cæli; Angeli enim in sua luce non possunt cogere se ad enuntiation-

tiandum Deos, quare etiam loquela illorum in fine cuiusvis sensus terminatur quoad accentum in unum; quod non aliunde est, quam ex influxu in animas illorum, quod Deus unus sit. Quod tametsi in omnium hominum animas influit quod Deus unus sit, usque multi cogitent, quod Divinitas Ejus divisa sit in Plures ejusdem Essentiae, est causa, quod, cum Influxus ille descendit, illabatur in formas non correspondentes, & ipsa forma variat illum, quemadmodum fit in omnibus subjectis trium regnum naturæ; est idem Deus qui vivificat omnem bestiam, qui hominem, sed forma recipiens facit, quod bestia sit bestia & quod homo sit homo; similiter fit cum homine, dum ille menti suæ inducit formam bestiae: similis influxus a Sole est in omnem arborem, sed variatur ille secundum cujusvis formam, similis est in vitæ, qualis in spinam, sed si spina inoculatur viti, influxus ille invertitur & procedit secundum spine formam. Simile fit in subjectis Regni mineralis, lux influens in lapidem calcarium, & in adamantem, est eadem, sed pellucet in hoc, & opacatur in illo. Quod Humanas mentes attinet, illæ variantur secundum formas suas, quæ intus spirituales sunt secundum fidem in Deum & simul vitam a Deo, & formæ illæ fiunt pellucidæ & Angelicæ per fidem in unum Deum, at vicissim fiunt opacæ & ferinæ per fidem in plures Deos, quæ parum discriminatur a fide in nullum Deum.

9. III. INDE EST, QUOD IN UNIVERSO MUNDO NON DETUR GENS, CUI RELIGIO ET SANA RATIO EST, QUÆ NON AGNOSCIT DEUM, ET DEUM UNUM ESSE. Ex Influxu Divino in animas hominum, de quo mox supra, sequitur, quod sit internum dictamen apud unumquemvis hominem, quod Deus sit, & quod unus sit: quod usque dentur, qui Deum negant, & qui Naturam pro Deo agnoscunt, quique plures Deos, & quoque Simulachra pro diis colunt, est causa, quia interiora rationis suæ seu intellectus sui obstipaverunt mundanis & corporeis, & per hæc primitivam seu infantiam ideam de Deo obliteraverunt, & simul tunc Religionem a pectore intergum rejacerunt. Quod Christiani agnoscant unum Deum, sed quomodo, ex Symbolica illorum Confessione patet, quæ talis est, „*Fides Catholica habet, ut unum Deum in Trinitate, & Trinitatem in Unitate veneremur: sunt tres Personæ Divinæ, Pater, Filius, & Spiritus Sanctus, & tamen non sunt tres dii, sed unus est Deus: atque alia est Persona Patris, alia Filii, & alia Spiritus Sancti; & illarum est una Divinitas, æqualis Gloria, & coæterna Majestas; ita Deus est Pater, Deus est Filius, & Deus est Spiritus Sanctus: at quia singulatim unamquamque Personam Deum & Dominum confiteri Christiana veritate compellimus, ita tres Deos & tres Dominos dicere, Catholica Religione prohibemur: talis est fides Christiana de Unitate Dei; sed quod Trinitas Dei & Unitas Dei in illa confessione inter se dissident, in Capite de DIVINA TRINITATE videbitur. Gentes reliquæ in Mundo, quibus Religio & sana ratio est, adstipulantur, quod Deus unus sit: omnes Mahomedani in suis Imperiis; Africani in multis sui Orbis Regnis; & quoque Asiatici in pluribus suis; & insuper Judæi hodie. Antiquissimi in Sæculo aureo, illi, apud quos Religio fuit, coluerunt Deum Unum, quem nominaverunt JEHOVAM; similiter Antiqui in Sæculo sequente, antequam Imperia monarchica facta sunt, cum quibus incepérunt amores mundani, & demum corporei, occludere superiora intellectus, quæ prius fuerunt aperta, & tunc sicut Templæ & Adyta pro cultu unius Dei: at Dominus Deus ut recluderet illa, & sic restauraret cultum unius Dei, Ecclesiam apud Jacobi posteros instituit, & præfecit omnibus præceptis religionis illorum hoc, Non erit Deus alius ante faciem meam, Exod. XX: 3. Jehovah etiam, quem se e novo coram illis nominavit, significat supremum & unicum Ens, ex quo omne est, quod in universo est & existit. Prisci Gentiles pro supremo Deo agnoverunt Jovem, ita forte vocatum a Jehovah, & plures alios, qui componebant Aulam ejus, etiam Divinitate donaverunt; at Sapientes in sequenti ævo, ut Plato & Aristoteles, fassi sunt, quod hi non Dii, sed totidem proprietates, qualitates, & at- tribut-*

tributa unius Dei essent, quæ dii vocati sunt, quia singulis illis divinitas inerat.

10. Omnis Ratio sana, tametsi non religiosa, videt, quod omni divisum nisi pendeat ab uno, ex se dilabatur, quemadmodum Homo ex tot membris, visceribus, organis sensoriis & motoriis contextus, nisi ex una anima; & ipsum Corpus nisi ex uno corde. Similiter Regnum nisi ab uno Rege; Domus nisi ab uno herbo; & omnis functio, quæ multiplex est in unoquovis Regno, nisi ab uno officiario. Quid Exercitus valeret contra hostes absque Duce, cui suprema potestas, & ei præfecti subordinati, quibus singulis suum jus est super milites. Simile foret cum Ecclesia, nisi illa agnosceret unum Deum, & quoque cum Cælo angelico, quod est sicut caput Ecclesia in terris, in quibus Dominus est ipsa Anima; quare Cælum & Ecclesia Ipsiſus Corpus vocantur; quæ nisi agnoscerent unum Deum, foret utrumque sicut inanime corpus, quod, quia ad nihil utile, projiceretur, & sepeliretur.

II. IV. QUOD QUALIS ILLE DEUS UNUS EST, GENTES ET POPULI ABIVERINT, ET ABEANT IN DIVERSUM, EX PLURIBUS CAUSIS. Causa prima est, quod cognitio de Deo, & inde agnitus Dei, non dabilis sit absque Revelatione, & non cognitio de Domino & inde agnitus, quod in Ipsiſus omnī plenitudo Divinitatis habitet corporaliter, quam ex Verbo, quod est Revelationum Corona; nam homo ex data Revelatione potest obviam ire Deo, & influxum recipere, & sic a naturali fieri spiritualis: & primæva Revelatio pervagata est universum Orbem, & illam naturalis homo perverterat multis modis, unde divarications, dissensus, hereses, & schismata religionum. Secunda causa est, quod Naturalis homo non possit percipere aliquid de Deo, sed solum de Mundo, & hoc applicare ad se, quare inter canones Ecclesiæ Christianæ est, quod Naturalis homo sit contra Spiritualem, & quod pugnent inter se; inde est, quod illi, qui ex Verbo ex alia Revelatione cognoverunt quod Deus sit, abiverint & abeant in diversum de Qualitate Dei, & de Unitate Ipsiſus. Quapropter illi, quorum mentis visus pependit a sensibus corporis, & tamen voluerunt videre Deum, formaverunt sibi Simulacra ex auro, argento, lapide & ligno, ut sub illis, ut visus objectis, adorarent Deum: & quod alii, qui simulacra ex religione rejecerunt, sibi de Deo fixerint Imagines ex Sole & Luna, ex Astris, & ex variis super terra: at illi, qui crediderunt se supra vulgus sapere, & tamen naturales permanerunt, ex Dei immensitate & omnipotentiā in creando Mundum, Naturam, quidam illam in intimis, & quidam illam in ultimis, pro Deo agnoverunt: & quidam ut separarent Deum a natura, excoxitaverunt quoddam universalissimum, quod vocaverunt Ens universi; & quia nihil plus de Deo sciunt, sit hoc Ens apud illos ens rationis, quod significat non aliiquid. Quis non comprehendere potest, quod cognitiones de Deo sint specula Dei, & quod illi, qui nihil sciunt de Deo, non videant Deum in aliquo speculo oculis obverso, sed in speculo inverso seu a tergo, quod argentum vivum aut nigrum glutem obtegit, ac imaginem non reflectit, sed suffocat: Fides Dei intrat in hominem per Viām priorem, quæ est ab anima in superiora intellectus; at cognitiones de Deo intrant per Viām posteriorem, quia ex revelato Verbo ab Intellectu per sensus corporis hauriuntur, & in medio Intellectu sit conventus influxuum, & ibi naturalis fides, quæ modo est persuasio, sit spiritualis, quæ est ipsa agnitus; quare Intellectus humanus est sicut cambium, in quo fit permutatio.

12. V. QUOD RATIO HUMANA EX MULTIS IN MUNDO PERCIPERE AUT CONCLUDERE POSSIT, SI VULT, QUOD DEUS SIT, ET QUOD UNUS SIT. Hæc veritas per innumerabilia in Mundo aspectabili, confirmari potest; est ienime Universum sicut Theatrum, super quo Testimonia, quod Deus sit, & quod unus sit, continue exhibentur. Sed ad hoc illustrandum adducam MÉMORABILE hoc ē Mundo Spirituali. Quondam inter loquendum cum Angelis, aderant aliqui Novitii e Mundo naturali, quibus visis optabam felicem adventum, & narravi plurā ignota de Mundo Spirituali; & post sermonem de illis quæsivi, quam eruditonem de Deo.

& de Natura e Mundo sicutum ferrent, dicebant hanc, quod Natura operetur omnia quæ in Universo Creato sunt, & quod Deus post Creationem illi indiderit & impreseuerat facultatem & potentiam illam, & quod Deus solum sustentet & conservet illa ne pereant; quapropter cuncta quæ existunt, nascuntur & renascuntur super Tellure, Naturæ hodie adscribuntur: sed respondi, quod Natura ex se non operetur quicquam, sed Deus per naturam: & quia poscebant demonstrationem, dixi; illi qui credunt Divinam operationem in singulis naturæ, possunt ex permultis, quæ in Mundo vident, se confirmare pro Deo, multo plus quam pro Naturâ: illi enim, qui se confirmant pro Divina Operatione in singulis naturæ, attendunt ad Mirabilia, quæ conspicuntur in Productionibus tam Vegetabilium quam Animalium: in PRODUCTIONIBUS VEGETABILUM; quod ex seminulo jacto in terram exeat radix, per radicem caulis, & successive rami, termites, folia, flores, fructus, usque ad nova semina; prorsus sicut Semen sciret ordinem successionis seu processum, quo se renovaturum sit. Quis rationalis cogitare potest, quod Sol, qui est purus ignis, hoc sciat; aut quod possit indere calori suo & luci suæ, ut talia efficiat, & quod possit intendere usus; homo, cui rationale elevatum est, dum illa videt & rite expendit, non potest aliter cogitare, quam quod sint ab Ipsi, cui infinita Sapientia est, ita a Deo; illi qui Divinam Operationem in singulis naturæ agnoscunt, etiam confirmant se in eo, cum illa vident; at vicissim illi qui illam non agnoscunt, non vident talia oculis rationis in fronte, sed in occipito, qui sunt qui omnes ideas cogitationis suæ attrahunt ex sensibus corporis, & fallacias illorum confirmant, dicentes, nonne vides Solem per calorem suum & lucem suam omnia illa operantem; quid est quod non vides, num est aliquid. Illi, qui se confirmant pro Divino, attendunt ad MIRABILIA quæ vident in PRODUCTORIBUS ANIMALIUM; ut hic primum memorem in Ovis, quod in illis lateat pullus in suo semine cum omni requisito ad formationem, & quoque cum omni progressione post exclusionem usque dum fiat avis in forma geneticis. Porro, si attendunt ad Volatilia in genere, sustentur menti, quæ alte cogitat, talia, quæ creant stuporem, ut quod in minimis illorum ut in maximis, in invisibilibus ut in visibilibus, hoc est, in insectulis ut in aliis & bestiis magnis, sint organa sensuum, quæ sunt visus, odoratus, gustus & tactus, tum organa motuum, quæ sunt musculi, volant enim & gradiuntur; ut & viscera adhaerentia cordi & pulmoni, quæ actuantur a cerebris. Qui omnia Naturæ adscribunt, illi quidem vident talia, sed cogitant modo quod sint, & dicunt, quod Natura producat; & hoc dicunt, quia averterunt mentem a cogitando de Divino, & qui averterunt se a Divino, dum vident mirabilia in Natura, non possunt rationaliter, minus spiritualiter, de illis cogitare, sed cogitant sensualiter & materialiter, & tunc cogitant in natura a natura, & non supra illam; solum cum differentia a bestiis, quod rationalitate polleant, hoc est, quod possint intelligere, si volunt. Illi, qui averterunt se a cogitando de Divino, & per id facti sunt sensuales corporei, non cogitant, quod visus oculi tam crassus & materialis sit, ut plura insectula spectet ut unum obscurum, & tamen unumquodvis organizatum est ad sentiendum & ad se movendum, & sic quod prædictum sit fibris & vasibus, tum corculis, fistulis pulmonijs, viscerulis ac cerebris, & quod haec contexta sint a purissimis in natura, & quod contextus illi correspontent vita in ultimo gradu, & qua minutissima illorum distingue aguntur. Cum Visus oculi tam crassus est, ut plura cum innumerabilibus in unoquovis, appareant ei sicut parvum obscurum, & tamen illi, qui sensuales sunt, ex illo visu cogitant & judicant, patet quam incrassata est Mens illorum, & inde in qua caligine sunt de spiritualibus.

Quisque ex visibilibus in Natura potest se confirmare pro Divino, si vult, & quoque se confirmat, qui de Deo & Ipsi Omnipotentia in creando Universum, & de Ipsi Omnipræsentiæ in conservando illud, cogitat; ut dum videt Volatilia Cæli, quod

quod quælibet eorum species sciat sua alimenta, & ubi hæc sunt; cognoscat ex sono & visu consocios; tum inter aves, quænam earum amicæ, & quænam inimicæ sunt, quod congressus sub plumis sciant, connubia jungant, arte struant nidos, ibi ponant ova, incubent illis, tempus incubatus sciant, quo exacto excludent pullos, quos tenerime amant, sub alis fovent, escas porrigunt, & alunt, & hoc usque dum sui juris fiunt, & similia possunt agere. Omnis qui vult de Divino influxu per Mundum spiritualem in naturalem cogitare, potest eum in illis videre; potest ejam, si vult, corde suo dicere, tales Scientiæ non possunt illis dari ex Sole per ejus calorem & lucem, est enim Sol, ex quo Natura suum ortum & essentiam dicit, purus Ignis, & inde effluxus caloris & lucis ejus prorsus mortui; & sic possunt concludere, quod talia sint ex influxu Divino per Mundum spiritualem in ultima naturæ.

Quisque potest ex Visibilibus in Natura pro Divino se confirmare, dum videt Vermes, qui ex jucundo cujusdam amoris affectant & spirant mutationem sui status terrestris in statum quendam analogum status cælestis, & propterea repunt in loca, circumdant se tegmine, & sic mittunt se in uterum ut renascantur; & ibi fiant chryfallides, aureliae, nymphæ, & tandem papilioñ; & cum Metamorphosi subierunt, & secundum speciem pulchris induiti sunt alis, evolant in aere sicut in suum cælum, ac ibi genialiter ludunt, & agunt connubia, ponunt ova, ac prospiciunt sibi posteritatem; & tunc victu amæno & dulci ex floribus se nutriunt. Quis non, qui pro Divino ex visibilibus in natura se confirmat, non videt aliquam imaginem terrestris status hominis in illis ut vermbus, & imaginem status cælestis in illis ut papilionibus: at illi, qui pro Natura se confirmant, vident quidem illa, sed quia cælestem hominis statum rejecerunt ex animo, vocant illa meras naturæ operationes.

Quisque ex Visibilibus in Natura pro Divino se potest confirmare, dum attendit ad illa quæ nota sunt dæ Apibus, quod sciant ex rosis & floribus colligerè ceram, & exsugere mel, ac struere cellas sicut domunculas; & disponere illas in formam civitatis, cum plateis per quas intrent & per quas exeant; quod e longinquò odorent flores & herbas, ex quibus colligant ceras pro domo, & mella pro victu, & quod illis refertæ revolent secundum plagam ad suum alveare, & sic prospiciant sibi victum pro ventura hyeme, sicut illam præviderent: præficiunt etiam sibi dominam sicut Reginam, ex qua Posteritas propagetur, & pro illa quasi Aulam supra se struunt cum satellitiis circum, quæ, cum tempus partus instat, vadit in comitatu a satellitibus, qui vocantur Fuci, a cellula in cellulam, & ponit ova, quæ turba sequens circumlinit, ne lædantur ab aere; inde illis nova soboles: postea cum hæc ad ætatem suam proiecta est, ut similia possit facere, expellitur domo, & examen se primum colligit in turmam, ne consociatio divellatur, & dein evolat ad investigandum sibi domicilium: circa Autumnum fuci illi, quia nihil cerae aut mellis intrulerunt, educuntur & deprivantur alis, ne redeant, & escas suas, quibus nihil opera impenderunt, consumant; præter plura: ex quibus constare potest, quod illis, propter Usum, quem præstant Generi humano, ex influxu Divino per Spiritualem Mundum, sit forma regiminis, qualis est apud homines in terris, imo apud angelos in Cælis. Quis, cui ratio illibata est, non videt, quod talia apud illos non sint ex Naturali mundo; quid Sol, a quo Natura, commune habet cum Regimine æmulo & analogo Regiminis cælestis. Ex his & similibus apud Animalia bruta, confessor & cultor Naturæ confirmat se pro Natura, dum confessor & cultor Dei ex iisdem se confirmat pro Deo, nam Spiritualis homo videt spiritualia in illis, & Naturalis homo videt naturalia in illis, ita quisque qualis est: quod me attinet, talia mihi fuerunt testimonia Influxus Mundi Spiritualis in Naturalem a Deo. Expende etiam, num de aliqua Forma regiminis, aut de aliqua Lege civili, aut de aliqua Virtute morali, aut de aliqua

Veritate spirituali, potes analyticē cogitare, nisi Divinū ex Sapientia sua per Mundum Spirituale influat; quod ad me, non potui nec possum; animadvertis enim perceptibiliter & sensibiliter Influxum illum nunc per 26 annos continue, quare hoc dico ex testato.

Num Natura pro fine potest habere Usum, & disponere usus in ordines & formas, hoc non potest nisi quam Sapiens; ac Universum ita ordinare & formare non potest nisi Deus, Cui infinita Sapientia est; quis alius potest prævidere & prædictare quæ victus & amictus sunt, hominibus, victus ex messibus agri, fructibus terræ, & ex animalibus, & vestitus ex iisdem. Inter Mirabilia ibi est, quod viles illi vermes, qui vocantur Bombyces, serico vestirent, & magnifice ornarent & fæminas & viros, a Reginis & Regibus, usque ad ancillas & famulos; & quod viles illi vermes, qui vocantur Apes, suppeditarent Ceras pro luminaribus, ex quibus Templa & Aulæ in splendore sunt. Hæc & plura sunt Auctoramenta extantia, quod Deus a Se per Mundum Spirituale operetur omnia quæ in Natura fiunt.

His adjiciendum est, quod in Mundo Spirituali visi sint illi, qui pro Natura ex visibilibus in Mundo se confirmaverint, usque ut athei facti sint, & quod Intellectus eorum in Luce spirituali apparuerit apertus infra, sed occulus supra, ex causa, quia Cogitatione spectaverint deorsum ad terram, & non sursum ad Cælum: supra sensuale, quod est infimum intellectus, apparuit sicut velamen fulgurans ex igne infernali, apud quosdam atrum sicut fuligo, & apud quosdam lividum sicut cadaver. Cayeat itaque quisque sibi a confirmationibus pro Natura, sed confirmet se pro Deo, non deet supplex.

13. VI. QUOD NISI UNUS DEUS FORET, NON POTUSET UNIVERSUM CREARI ET CONSERVARI. Quod Unitas Dei concludi possit a creatione Universi, est quia Universum est Opus cohaerens sicut unum a primis ad ultimā, & quod pendeat a Deo uno sicut corpus a sua anima; Universum ita creatum est, ut Deus possit omnipræsens esse, ac sub auspicio suo omnia, & singula ejus tenere, ac ut unum continere in perpetuum, quod est conservare. Ex hoc quoque est, quod Jehovah Deus dicat, Quod sit, *Primus & Ultimus, Principium & Finis, Alpha & Omega*, Esaï. XLIV: 8. & alibi, *Quod faciat omnia, expandat cælos, & extendat Terram, a Se Ipso*, Esaï. XLIV: 24. Hoc magnum Systema, quod vocatur Universum, est Opus cohaerens ut unum a primis ad ultima, quia Deus in creando illud intendit unum Finem, qui fuit Cælum angelicum ex Humano Genere, & Media ad illum finem sunt omnia, ex quibus Mundus est; nam qui vult finem etiam vult media; quare qui contemplatur Mundum ut Opus, continens mediiorum ad illum finem, ille potest contemplari Universum creatum ut Opus cohaerens ut unum, & potest videre, quod Mundus sit Complexus usum in successivo ordine pro Humano Genere, ex quo Cælum Angelicum; Divinus Amor non potest alium finem intendere, quam Beatitudinem æternam hominum ex suo Divino, & Divina Ipsius Sapientia non potest producere aliud quam usus medios ad illum finem; ex lustrato Mundo in universali hac idea, omnis sapiens potest comprehendere, quod Creator universi sit unus, & quod Essentia Ipsius sit Amor & Sapientia; quare non datur singulare ibi, in quo non latet usus in propinquio aut elongatio pro homine; pro vietu ejus ex fructibus terræ, & quoque ex animalibus, ac vestitus ex iisdem. Inter mirabilia est, quod viles illi vermes, qui vocantur Bombyces, serico vestient & magnifice ornent & fæminas & viros, a Reginis & Regibus, usque ad ancillas & famulos; & quod Viles vermes, qui sunt Apes, suppeditent ceras pro luminaribus, ex quibus Templa & Aulæ in splendore sunt. Illi qui singulariter aliqua in Mundo, & non universaliter omnia in serie, in qua sunt fines, causæ mediæ, & effectus, lustrant, tum qui Creationem non a Divino Amore per Divinam Sapientiam deducunt, non videre possunt, quod Universum sit

Opifi-

NOVI CÆLI ET NOVÆ ECCLESIAE.

13

Opificium unius Dei; & quod in singulis usibus, quia in fine; habitet; omnis enim qui in fine est, etiam in mediis est, nam intime in omnibus mediis est finis; qui agit & dicit media. Qui non contemplantur Universum ut Opificium Dei, ac ut Habitaculum Amoris & Sapientiae Iusti, sed ut Opificium naturæ, ac ut Habitaculum caloris & lucis solis, illi superiora mentis suæ occludunt pro Deo, & Inferiora mentis suæ aperiunt pro diabolo & inde exuunt Humanum & induunt ferum, & se non modo credunt bestiis similes, sed etiam fiunt; fiunt enim vulpes quoad astutiam, lupi quoad ferociam, pardi quoad dolum, tigrides quoad saevitiam, crocodili, serpentes, bubones & noctuae quoad illorum naturam: illi qui tales sunt, etiam in Mundo Spirituali e longinquò apparent illis feris similes; amor mali illorum ita se figurat.

14. VII. QUOD HOMO, QUI NON AGNOSCIT DEUM, AB ECCLESIA SIT EXCOMMUNICATUS, ET DAMNATUS. Quod homo, qui non agnoscit Deum, ab Ecclesia excommunicatus sit, est quia Deus est omne Ecclesiae, & Divina, quæ vocantur Theologica, faciunt Ecclesiam, quare negatio Dei, est negatio omnium Ecclesiarum; & hæc ipsa negatio excommunicat illum; ita ipse homo se, & non Deus illum; quod ille damnatus sit, est quia excommunicatus ab Ecclesia; ille etiam excommunicatus est e Cælo; Ecclesia enim in terris & Cælum angelicum unum agunt, sicut Internum & Externum, ac sicut Spirituale & Naturale apud hominem; & homo a Deo creatus est, ut quoad Internum suum sit in Mundo spirituali, & quoad Externum suum in Mundo naturali; proinde quod creatus sit indigena utriusque Mundi, propter causam, ut spirituale, quod Cæli est, implantetur naturali quod Mundi est, quemadmodum fit cum semine in humo, & sic homo fiat constans & perdurans in æternum. Homo, qui per negationem Dei se excommunicavit ab Ecclesia, & sic a Cælo, occlusit Internum hominem apud se quoad voluntatem, ita quoad geniale suum amorem; voluntas hominis enim est receptaculum amoris ejus; & fit habitaculum hujus; at non potest occludere Internum suum hominem quoad Intellectum, nam si hoc posset & faceret, homo non foret homo amplius, sed amor voluntatis ejus superiora Intellectus infatuat falsis; inde fit Intellectus quasi occlusus quoad vera quæ fidei sunt, & quoad bona quæ charitatis, ita plus & plus contra Deum, & simul contra spiritualia Ecclesiae; & sic excluditur e communione cum Angelis Cæli, e qua cum exclusus est, se infert in communione cum Satanis Inferni, & unum cogitat cum illis; & omnes Satanæ negant Deum, ac de Deo & de spiritualibus Ecclesiae cogitant fatue; similiter homo conjunctus illis; hic dum in Spiritu suo est, quod fit quum domini sibi relictus patitur cogitationes duci a jucundis mali & falsi, quæ concepit & parturit apud se, tunc cogitat de Deo quod non fit, sed quod fit modo vox sonans ex pulpitibus, ad vincentium plebem ad obedientiam legum justitiae, quæ Societatis sunt; & quoque cogitat quod Verbum, ex quo ministri sonant Deum, sit visionarium & congettum quid, cui Sanctitas ex Auctoritate inducta est; tum quod Decalogus seu Catholismus sit libellus, qui postquam tritus est a manibus puerorum, rejectibilis sit, sanxit enim quod parentes honorandi sint, non occidendum, non scortandum, non furandum, non false testandum, & quis non ex lege civili eadem fecit: de Ecclesia cogitat, quod modo sit congregatio simplicium, ad credendum facilium, & pusillanimorum, qui vident quod non virulent: de homine, & de se ut homine, cogitat similiter ut de bestia; & de vita post mortem, similiter quod de vita bestiarum post illam. Ita cogitat Internus ejus homo, utcunque aliter loquitur Externus; nam, ut dictum, est cuivis homini Internum & Externum, & Internum ejus facit hominem, qui vocatur Spiritus, & vivit post mortem, & Externum, ex quo per moralitatem agit hypocritam, sepelitur; & tunc propter negationem Dei fit damnatus. Omnis homo quoad Spiritum suum est sui similibus consociatus in Mundo Spirituali, & est sicut unus cum illis; & datum est mihi saepius videre hominum adhuc:

adhuc viventium Spiritus in Societatibus, quorundam ibi in angelicis, & quorundam in infernalibus, & quoque per dies datum est loqui cum illis, & miratus sum quod ipse homo in suo corpore adhuc vivens de hoc prorsus nihil sciret; exinde patuit, quod qui negat Deum, jamdum inter damnatos sit, & quod post mortem colligatur ad suos.

15. VIII. QUOD APUD HOMINES, QUI NON AGNOSCUNT UNUM DEUM, SED PLURES, NIHIL ECCLESIE COHÆREAT. Qui unum Deum fide agnoscit & corde colit, ille in communione Sanctorum in terris est, & in communione Angelorum in cælis, illæ dicuntur communiones, & sunt, quia in uno Deo sunt & unus Deus in illis: iidem etiam in conjunctione sunt cum Universo Cælo Angelico, & ausim dicere, cum omnibus & singulis ibi, sunt enim omnes sicut filii & posteri ex uno Patre, quorum animi, mores & facies similares sunt, a quibus se mutuo cognoscunt. Cælum Angelicum coordinatum est in Societates secundum omnes varietates amoris boni, quæ varietates ad universalissimum unum Amorem collimant, qui est in Deum, ex hoc Amore propagati sunt omnes, qui Deum unum Creatorem universi, & simul Redemptorem, & Regeneratorem, fide agnoscunt & corde colunt. Sed aliter prorsus illi, qui non unum, sed plures Deos adeunt & adorant, sive hoc fiat, quod unum ore & tres cogitatione, ut faciunt illi in hodierna Ecclesia, qui Deum in tres Personas distinguunt, & unāquamque Personam declarant Deum per se, & cuique separatas qualitates, seu proprietates quæ non alterius sunt, attribuunt; inde fit, quod unitas Dei non modo actualiter dividatur, sed etiam ipsa Theologia, & quoque Mens humana in qua illa erit, similiter; quid inde nisi perplexum & non cohærens in rebus Ecclesiæ resultat; quod talis sit status Ecclesiæ hodiernæ in Appendice post hoc Opus, demonstrabitur: hoc veritas est, quod divisio Dei, aut Essentiæ Divinæ in tres Personas, quarum quælibet per se aut singulatim est Deus, inducat negationem Dei; est sicut quis in Templum ad adorandum intrat, & in Tabula super Altari videt pīctum unum Deum sicut Antiquum dierum, Alterum sicut Pontificem maximum, & Tertium sicut Aëolum volantem, & subscriptum, hi tres sunt Unus Deus: aut forsan sicut ibi videret Unitatem & Trinitatem pīctas sicut hominem cum tribus Capitibus super uno corpore, aut cum tribus corporibus sub uno Capite, quæ forma monstrosa est, cum qua idea si quis intraret Cælum, certe præceps de jiceretur, tametsi diceret, quod Caput aut Capita significant Essentiam, & Corpus aut Corpora Proprietates distinctas.



16. His adjiciam unum MEMORABILE: Vidi aliquos novos Advenas e Mundo naturali in Mundum Spiritualem, inter se loquentes de Tribus Personis Divinis ab æterno; fuerunt Canonici, & unus ex illis Episcopus; hi ad me acceſſerunt, & post aliquem sermonem de Mundo Spirituali, de quo antea non quicquam sciverant, dixi, audivi vos loquentes de tribus Personis Divinis ab æterno; & quæſo, ut magnum hoc Mysterium secundum ideas vestras, quas cepistis in Mundo naturali, e quo nuper venistis, aperiatis: & tunc Primas me intuens, dixit, video quod sis Laicus, quare ideas cognitionis meæ de magno hoc Mysterio aperiam, & docebo; ideæ meæ fuerunt; & adhuc sunt, quod Deus Pater, Deus Filius & Deus Spiritus Sanctus, in Medio Cælo super magnificis & altis Soliis seu Thronis sedeant; Deus Pater super Throno ex obryzo auro cum Sceptro in manu; Deus Filius ad dextram Ipsius super Throno ex purissimo argento cum Corona super capite; & Deus Spiritus Sanctus juxta illos super Throno ex splendido Chryſtallo, tenens Columbam in manu; & quod circum circa illos in triplici ordine penſiles lampades

des ex lapidibus pretiosis coruscarent; & quod e longinquo ab hoc Circo starent innumerabiles Angeli, omnes adorantes & glorificantes: & insuper, quod Deus Pater cum suo Filio jugiter de Justificandis colloquatur, & quod inter se decernant & sanciant, quinam in terris digni essent, quos inter Angelos recepturi, ac vita æterna coronaturi sint: & quod Deus Spiritus Sanctus ex auditis illis quoad nomina, illico percurrat terrarum Orbem ad illos, secum ferens dona justitiae, totidem auctoramenta salutis pro justificandis, & actutum ut advenit & afflat, dissipet peccata, sicut ventilator fumum e fornace, & hanc dealbat; & quoque auferat e cordibus durities lapidis, & infert mollities carnis, & simul innovat Spiritus seu mentes eorum, & generat e novo, ac facies infantiles illis inducit; & denique ob-signat frontes eorum signo crucis, & vocat electos & filios Dei. Hoc sermone finito Primas ille ad me dixit, ita illud magnum mysterium in Mundo enodavi; & quia plerique ex nostro Ordine ibi illis meis effatis adplauerunt, persuasus sum, quod etiam tu, qui laicus es, illis fidem adjungas. Postquam illa a Primate dicta sunt, inspexi illum & simul canonicos cum illo, & animadverti, quod omnes ple-no assensu favarent, quare exorsus sum respondere, & dixi; expendi tuæ fidei enuntiata, & ex illis collegi, quod de Deo Triuno prorsus naturalem & sensualem, imo materialem ideam, captaveris & foveas, ex qua inevitabiliter fluit idea trium Deorum; estne sensuāliter cogitare de Deo Patre, quod sedeat super Throno cum Sceptro in manu, & de Filio, quod super suo Throno cum Corona super capite, & de Spiritu Sancto, quod super suo cum Columba in manu, & quod secundum auscultata percurrat terrarum Orbem; & quia talis idea inde resultat, non possum dictis tuis adjungere fidem: ego enim ab infantia mea non potui in mentem meam aliam ideam quam UNUS Deus admittere, & cum hanc solum admissi & retineo, cadunt apud me omnia illa quæ dixisti; & tunc vidi, quod per Thronum, super quo Jehovah secundum Scripturam dicitur sedere, intelligatur Regnum, per Sceptrum & Coronam Regimen & Dominium, per sedere ad dextram Omnipotentia Dei per Humanum suum; & quod per illa, quæ de Spiritu Sancto perhibentur, Operationes Divinæ Omnipræsentia: assume Domine, si placet, idem UNUS DEI, & illam rite volve in Ratiocino tuo, & tandem perspicue deprehendes, quod ita sit. Vos quidem etiam dicitis, quod Deus unus sit, & hoc quia Essentiam facitis unam & quoque individuam trium illarum Personarum, atqui non permittitis ut aliquis dicat, quod unus ille Deus sit una Persona, sed quod usque sint tres, & hoc facitis, ne idea trium deorum, qualis vestra est, perireat; & quoque addicatis cuivis proprietatem separatam ab alterius, annon sic Essentiam vestram Divinam dividitis; quando ita est, quomodo dicere potestis & simul cogitare quod Unus Deus sit; ignorcerem, si dixeritis quod unum Divinum sit: quomodo quis, dum audit, quod Pater sit Deus, Filius sit Deus, Spiritus Sanctus sit Deus, & quod unaquævis Persona singulatim sit Deus, potest cogitare quod unus Deus sit, estne contradic̄tio, cui fides nusquam adjungi potest; quod non dici possit unus Deus sed simile Divinum, illustrari potest per hæc; de pluribus hominibus, qui simul unum Senatum, Synedrium, aut Concilium conformant, non potest dici quod unus homo sint, sed dum omnibus & singulis una sententia est, potest dici quod unum sentiant: nec potest de tribus adamantibus unius substantiae dici, quod unus Adamas sint, sed quod unum quoad substantiam sint, & quoque quisque Adamas, ab altero differat pretio secundum proprium pondus; sed non ita si unus sit, & non tres. Ast percipio, quod tres Divinas Personas, quarum unaquævis per se seu singulatim Deus est, dicatis unum Deum, & injunxeritis, ut quisque in Ecclesia ita loquatur, propter causam, quia Ratio illustrata & sana in Universo terrarum Orbe agnoscit, quod Unus Deus sit, & ideo pudore suffunderemini, si non etiam vos loqueremini similiter; at usque dum unum Deum pronuntiatis, tametsi cogitatis tres, non tamen pudor ille intrahit binas illas voces in os, sed elo-quimini.

quimini. His dictis & auditis recessit Episcopus cum suis Canonicis, & in rece-
dendo convertit se, & voluit exclamare, est Unus Deus, sed non potuit, quia
cogitatio ejus retraxit linguam ejus; & tunc diducto ore efflavit tres Deos. Ad-
stantes, hoc portento viso riserunt cum cachinno, & abiverunt.

17. Postea quæsivi, ubinam offendere ex Eruditis illos, qui acutissimo ingenio
sunt, & pro Trinitate Divina in tres Personas divisa stant; & aderant tres, ad
quos dixi, quomodo potestis Divinam Trinitatem in tres Personas dividere, &
asserere, quod unaquævis Persona per se seu singulatim sit Deus & Dominus,
numne sic confessio oris, quod Deus Unus sit, tantum a cogitatione distat, quan-
tum meridies a septentrione; ad quod responderunt, non hilum distat, quia tri-
bus Personis est Una Essentia, & Divina Essentia est Deus; nos sumus in Mun-
do Tutores Trinitatis Personarum, ac Pupillus, cuius tutelam gessimus, fuit fides
nostra, in qua unaquævis Persona Divina partem suam nacta est, Deus Pater
illam partem quod imputet ac donet, Deus Filius illam quod intercedat & me-
diat, & Deus Spiritus Sanctus illam quod imputationis & mediationis usus effi-
ciat. At quæsivi, quid per Divinam Essentiam intelligitis, dixerunt, intelligimus
Omnipotentiam, Omniscentiam, Omnipræsentiam, Immensitatem, Aeternitatem,
Aequalitatem Majestatis; ad quæ dixi, si Essentia illa facit ex pluribus diis Unum,
potestis adhuc plures addere, ut pro exemplo quartum, qui apud Mosen, Eze-
chielem & Hiobum memoratur, & vocatur Deus Schiddai: similiter etiam fece-
runt Antiqui in Græcia & Italia, qui parilia attributa & sic similem essentiam as-
signaverunt suis diis, ut Saturno, Jovi, Neptuno, Plutoni, Apollini, Junoni,
Dianæ, Minervæ, imo etiam Mercurio & Veneri, sed usque non potuerunt di-
cere, quod omnes illi unus Deus essent: & quoque vos, qui tres estis, ac, ut
percipio simili eruditione, & sic simili essentia quoad illam, usque non potestis
vos combinare in unum hominem cruditum; sed ad hæc riserunt, dicentes, jo-
caris, aliter est cum Essentia Divina, hæc est una, & non tripartita, & est in-
dividua & sic non divisa, partitio & divisio non cadit in illam: his auditis reges-
si, descendamus in hanc aream, & dicemus; & quæsivi, quid intelligitis per
Personam, & quid significat illa, & dixerunt, *Nomen Personæ significat non partem*
aut qualitatem in alio, sed quod proprie subsistit, ita omnes, Primores Ecclesiæ Per-
sonam definiunt, & nos cum illis; & dixi, est hæc definitio Personæ, & respon-
derunt, est; ad quæ retuli, ita non est aliqua pars Patris in Filio, nec aliqua
utriusque in Spiritu Sancto, ex quo sequitur, quod quisque sit sui arbitrii, juris &
potestatis, & sic non aliquid quod conjungit, nisi voluntas, quæ cuivis propria est,
& sic communicabilis ex beneplacito; suntne ita tres Personæ tres distincti Dii:
audite adhuc, definitivis etiam Personam, quod fit quod proprie subsistit, con-
sequenter quod sint tres substantiae, in quas partimini Essentiam Divinam, &
tamen hæc, ut quoque dicitis, est impartibilis, quia una & individua; & insuper
unicuique substantiæ, hoc est, Personæ, attribuitis proprietates quæ non sunt in
altera, & quoque quæ non communicari possunt alteri, quæ sunt Imputatio,
Mediatio, & Operatio, quid tunc inde resultat aliud, quam quod tres Personæ sint
tres dii; ad hæc dicta retraxerunt se, dicentes, ventilabimus illa, & post ventilatio-
nem respondebimus. Adstitit quidam Sapiens, hic audiens illa dixit, ego non
volo per tam subtilem transfennas hanc supremam rem inspicere, sed extra subtili-
tates illas video in clara luce, quod in ideis cogitationis vestrae sint tres Dii;
sed quia pudoris est coram universo Mundo propalare illas, nam si propalaveris,
vocabimini insani & fatui, quare prodest ad evitandum ignominiam, ut unum
Deum ore confiteamini: sed ad hæc illi tres tenaces sententiæ suæ nihil attende-
runt, & in abeundo emurmurabant aliquos terminos commodatos ex Arte Metha-
physica, ex quo animadvertis, quod illa esset illorum tripos, ex qua responsa vel-
lent dare.

DE

DE DIVINO ESSE, QUOD EST JEHOVAH.

18. Agitur primum de Divino Esse, & postea de Divina Essentia: apparet sicut duo illa unum idem sint, sed usque Esse est Universalius quam Essentia, Essentia enim ponit Esse, & ex Esse fit Essentia: Esse Dei, seu Esse Divinum non potest describi, quia est supra omnem ideam cogitationis humanæ, in hanc non cadit aliud, quam quod creatum & finitum est, non autem Increatuum & Infinitum, ita non Esse Divinum: Esse Divinum est ipsum Esse, ex quo omnia sunt, & quod in omnibus erit ut sint. Ulterior notio de Esse Divino potest influere ex Articulis sequentibus, qui sunt, I. Quod Unus ille Deus dicatur Jehovah ex Esse, ita ex eo, quia Solus Est, Fuit, & Erit, & quia est Primus & Ultimus, Principium & Finis, Alphah & Omegah. II. Quod Unus ille Deus sit ipsa Substantia & ipsa Forma, & quod Angeli & Homines sint substantiae & formæ ex Ipso, & quod quantum illi in Ipso sunt, & Ipse in illis, tantum sint imagines & similitudines Ipsius. III. Quod Divinum Esse sit Esse in se, & simul Existere in se. IV. Quod Divinum Esse & Existere in se, non possit producere aliud Divinum quod sit Esse & Existere in se, consequenter quod Deus alius ejusdem Essentia non dabilis sit. V. Quod Pluralitas deorum in Seculis antiquis, & quoque hodiernis, non aliunde existiterit, quam ex non intellecto Divino Esse. Sed hæc singulatim elucidanda sunt.

19. I. QUOD UNUS ILLE DEUS DICATUR JEHOVAH EX ESSE, ITA EX EO QUIA SOLUS EST, ET ERIT, ET QUIA EST PRIMUS ET ULTIMUS, PRINCIPIUM ET FINIS, ALPHAH ET OMEGAH, Quod Jehovah significet Sum & Esse, notum est; & quod Deus ab antiquissimis temporibus ita vocatus sit, constat ex Libro Creationis seu Genesi, ubi in Primo Capite nominatur Deus, at in Secundo & sequentibus Jehovah Deus: & postea cum filii Abrahæ ex Jacobo per commemorationem in Agypto oblii sunt nominis Dei, in memoriam revocatum est; de quo ita; „*Mosæ dixit ad Deum, quodnam Nomen tuum, dixit Deus, SUM qui SUM; sic dices filiis Israelis, SUM misit me ad vos, & dices, JEHOVAH Deus Patrum vestrorum misit me ad vos: hoc Nomen meum in æternum, & hoc Memorabile meum a generatione in regenerationem*“ Exod. III: 14. 15. Quoniam solus Deus est Sum & Esse, seu Jehovah, ideo non datur in Universo Creato aliquid, quod non dicit suum esse ab Ipso; sed quomodo, videbitur infra: hoc idem etiam intelligitur per hæc, *Ego sum Primus & Ultimus, Principium & Finis, Alphah & Omegah*, Esaj. Cap. XIV: 16, & Apoc. Cap. I: 8. 11. Cap. XXII: 13; per qua significatur, Qui est Ipsum & Unicum a primis ad ultima, ex quo omnia. Quod Deus dicatur Alphah & Omegah, Principium & Finis, est quia Alphah est Prima & Omegah est Ultima Syllaba in Alphabeto Græco, & inde significant Omnia in complexu; causa est, quia unaquævis Litera Alphabetica in Mundo spirituali significat aliquam rem, & Vocalis, quia inservit sono, aliquid affectionis seu amoris; ex hac origine est Loquela Spiritualis seu angelica, & quoque Scriptura ibi: sed hoc est Arcanum haec tenus ignotum; est enim Lingua Universalis, in qua sunt omnes Angeli & Spiritus, & hæc nihil commune habet cum aliqua Lingua hominum in Mundo; in hanc Linguam venit omnis homo post mortem, est enim illa cuivis homini ex creatione insita; quare unusquisque alterum in Universo Mundo Spirituali intelligere potest: datum est mihi saepius illam Linguam audire, & contul illam cum linguis in Mundo, & compertus sum, quod ne quidem in aliquo minimo unum faciat cum aliqua Lingua naturali in terris; dissert ab his

ex primitivo suo, quod est, quod unaquævis litera cuiusvis vocis significet aliquam rem. Inde nunc est quod Deus dicatur Aphah & Omegah; per quod significatur, quod sit Ipsum & Unicum a primis ad ultima, ex Quo omnia: sed de hac Lingua & ejus Scriptura fluente ex Spirituali cogitatione Angelorum, videatur in Opere de Amore Conjugiali, n. 326 ad 329, & quoque in sequentibus.

20. II. QUOD UNUS ILLE DEUS SIT IPSA SUBSTANTIA ET IPSA FORMA, ET QUOD ANGELI ET HOMINES SINT SUBSTANTIAE ET FORMÆ EX IPso; ET QUANTUM ILLI IN IPso SUNT, ET IPSE IN ILLIS, TANTUM SINT IMAGINES ET SIMILITUDINES IPSIUS. Quoniam Deus est Esse, etiam est Substantia, nam Esse nisi sit substantia, est ens rationis, substantia enim est ens substens; & qui est substantia, etiam est forma, nam substantia nisi sit forma, est ens rationis; quare de Deo praedicari potest utraque, sed ita, quod sit Substantia & Forma unica, ipsa, & prima: quod hæc Forma sit ipsa Humana, hoc est, quod Deus sit Ipse Homo, cuius omnia Infinita suat, in SAPIENTIA ANGELICA DE DIVINO AMORE ET DIVINA SAPIENTIA, Amstelodami Anno MDCCCLXIII, vulgata, demonstratum est; similiter quod Angelii & Homines sint substantiae & formæ creatæ & organizatae ad recipiendum Divina per Cælum influentia in se; quare in Libro creationis vocantur Imagines & Similitudines Dei, Cap. I: 26. 27, & alibi, quod sint filii Ipsius & nati ab Ipso; at quod quantum homo sub auspicio Divino vivit, hoc est, patitur se duci a Deo, tantum fiat Ipsius imago interius & interius, in serie hujus Operis, multis demonstrabitur. Nisi de Deo formetur idea, quod sit prima Substantia & Forma, & de Forma Ipsius quod sit ipsa Humana, Mentes humanae sibi facile inducerent phantasias sicut spectra de Ipso Deo, de exortu hominum, & de Creatione Mundi; de Deo non aliam notiōnem sibi sumerent, quam sicut de Natura universi in suis primis, ita sicut de ejus Expanso, aut sicut de inani aut nihilo; de exortu hominum, sicut de confluxu elementorum in talem formam ex fortuito; de Creatione Mundi, quod origo substantiarum & formarum ejus sit ex punctis & dein lineis geometricis, quæ quia nullius prædicationis, ita in se non aliquid sunt; apud tales est omne Ecclesie sicut Styx aut caligo in tartaro.

21. III. QUOD DIVINUM ESSE SIT ESSE IN SE, ET SIMUL EXISTERE IN SE. Quod Jehovah Deus sit Esse in se, est quia est Sum, Ipsum, Unicum & Primum, ab æterno in æternum, a quo omne est quod est, ut sit aliquid; ita & non aliter est Principium & Finis, Primus & Ultimus, & Alphah & Omegah: non potest dici, quod sit suum Esse a se, quia hoc ex se ponit prius & sic tempus, quod non cadit in Infinitum, quod vocatur AB ÆTERNO, & quoque ponit alium Deum, qui Est Deus in se, ita Deum a Deo, aut quod Deus se Ipsum formaverit, & sic non foret Increatns, nec Infinitus, quia sic se a se vel ex altero finivit. Ex eo, quod Deus sit Esse in se, sequitur quod sit Amor in se, Sapientia in se, ac Vita in se, & quod sit Ipsum, a Quo omnia sunt, & ad quod omnia se referunt, ut sint aliquid; quod Deus sit Vita in se, & sic Deus, constat ex Domini Verbis apud Johanneum Cap. V: 26. Et apud Esajam, Ego Jehovah facio omnia, expando Cælos Solus, & extendo Terram, a Me Ipso, Caput XLIV: 24. Et quod sit Solus Deus, & præter Ipsum non Deus, Esaj. XLV: 14. 15. 20. 21. Hosch. XIII: 4. Quod Deus non modo sit Esse in se, sed etiam Existere in se, est quia Esse nisi Existat, non est aliquid, pariter Existere nisi sit ex Esse, quare dato uno dabitur alterum; similiter nisi substantia etiam sit forma, de Substantia nisi sit forma, non est aliquid prædicabile, & hoc, quia non habet quale, est in se nihil. Quod hic dicuntur Esse & Existere, & non Essentia & Existentia, est quia distinguendum est inter Esse & Essentiam, & inde inter Existere & Existentiam, sicut inter prius & posterius, ac prius est universalius quam posterior; ad Divinum Esse se applicat Infinitas & Æternitas, at vero ad Divinam Essentiam & Existentiam se

applicat Divinus Amor & Divina Sapientia, & per hæc duo Omnipotentia & Omnipræsentia, de quibus ideo in suo ordine agetur.

22. Quod Deus sit Ipsum, Unicum & Primum, quod vocatur Esse & Existere in se, ex Quo omnia quæ sunt & existunt, Naturalis homo ex sua ratione nequam potest refutare, nam Naturalis homo ex sua ratione non aliud potest desumere, quam quod naturæ est, hoc enim quadrat cum ejus essentia, quia in illam nihil aliud ab infantia & pueritia intravit; at quoniam homo creatus est ut quoque sit Spiritualis, quia victurus est post mortem, & tunc inter Spirituales in illorum Mundo, ideo Deus providit Verbum, in quo non modo Semet Ipsum revelavit, sed etiam quod Cælum & Infernum sint, & quod in illorum uno aut altero omnis homo victurus sit in æternum, quisque secundum vitam & simul fidem suam; & quoque in Verbo revelavit, quod sit Sum seu Esse, ac Ipsum & Unicum quod in se est, & sic Primum seu Principium, ex quo omnia. Ex hac Revelatione est, quod Naturalis homo possit se elevare supra naturam, ita supra se, & videre talia quæ Dei sunt, sed usque tamen sicut e loginquo, tametsi Deus est in propinquó apud omnem hominem, est enim in illo cum sua Essentia; & quia ita est, est in propinquó apud illos, qui Ipsum amant, & illi amant Ipsum, qui vivunt secundum præcepta Ipsius & credunt in Ipsum, hi sicut vident Ipsum; quid fides nisi spiritualis visus quod sit, & quid vita secundum præcepta Ipsius, quam actualis agnitus, quod ab Ipso sit salus & vita æterna; at vero illi, quibus non est fides spiritualis sed naturalis, quæ modo est scientia, & inde similis vita, illi vident quidem Deum, sed e longinquo, & hoc solum quando loquuntur de Illo; differentia inter hos & illos est, sicut inter illos qui stant in clara luce, & vident homines prope se, & tangunt illos, ac inter illos qui stant in denso nimbo, & ex eo non possunt videre, num homines sint, vel num arbores aut faxa. Aut sicut qui stant super alto Monte, ubi Urbs, ac vadunt huc illuc & loquuntur cum consociis Urbanis; ac sicut qui e Mente illo spectant deorsum, & non cognoscunt num homines vel num bestiæ aut statuæ sint, quæ vident. Imo est sicut inter illos, qui in aliquo planetario Orbe stant, & vident suos ibi, & inter illos qui in alio planetario orbe sunt cum tubis opticis in manibus, & spectant illuc, & dicunt quod videant homines ibi, cum tamen non vident nisi universaliter terræ ut lucidum lunare, & aquæ ut maculas. Simile discrimen est inter videre Deum, & Divina quæ procedunt ab Ipso in sua mente, apud illos qui in fide & simul in vita charitatis sunt, & inter illos qui modo in scientia de illis sunt; proinde inter Naturales & Spirituales homines. Illi autem qui Divinam Sanctitatem Verbi negant, & usque illa quæ Religionis sunt portant sicut in facco super tergo, illi non vident Deum; sed modo sonant Deum, cum exigua differentia a psittacis.

23. IV. QUOD DIVINUM ESSE ET EXISTERE IN SE, NON POSSIT PRODUCERE ALIUD DIVINUM QUOD SIT ESSE ET EXISTERE IN SE, CONSEQUENTER QUOD DEUS ALIUS EJUSDEM ESSENTIAE NON DABILIS SIT. Quod Deus unus, qui Creator Universi, sit Esse & Existere in se, ita Deus in se, hactenus offendit est; inde sequitur, quod non dabilis sit Deus a Deo, quia ipsum Essentiale Divinum, quod est Esse & Existere in se, non dabile est in illo; perinde est, sive dicatur a Deo gigni, sive procedere, est tamen usque a Deo produci, & hoc parum differta creari; quare introducere in Ecclesiam fidem, quod sint tres Divinæ Personæ, quarum quælibet singulatum est Deus, & ejusdem Essentiae, ac unus natus ab æterno, & tertius procedens ab æterno, est prorsus abolere ideam Unitatis Dei, & cum hac omnem notionem Divinitatis, & sic efficere ut omne Spirituale rationis in exilium ejiciatur; inde homo non fit homo amplius, sed totus quantus Naturalis, qui non plus differt a bestia, quam quod loqui possit, & qui est contra omnia spiritualia Ecclesiæ, hæc enim naturalis homo vocat deliria; inde & non aliunde tam enormia hæretica de Deo scaturiverunt; quapropter Divina Trinitas divisa in Personas intulit non mo-

do noctem in Ecclesiam, sed etiam mortem. Quod identitas trium Essentiarum Divinarum sit rationis scandalum, constitit mihi ex Angelis, qui dixerunt, quod ne quidem possint enuntiare tres Divinitates aequales; & si quis ad illos veniret, & vellet enuntiare, non posset quin avertat se, & quod post enuntiationem fiat sicut truncus humanus, & projiciatur deorsum, & postea abeat ad illos in Inferno, qui non aliquem Deum agnoscunt. Veritas est, quod implantare infanti & pueru ideam trium Personarum Divinarum, cui inevitabiliter adharet idea trium deorum, sit auferre illis omne laetitium spirituale, & deinde omnem cibatum Spiritualem, & demum omne ratiocinium spirituale, & apud illos, qui se in eo confirmant, inducere mortem spiritualem. Discriumen inter illos, qui fide & corde colunt unum Deum Creatorem Universi, & Hunc simul Redemptorem & Regeneratorem, est sicut fuit Urbs Zion tempore Davidis, & Urbs Hierosolymæ tempore Salomonis, postquam Templum aedificatum est; at Ecclesia, quæ credit in tres Personas, & in unamquamque ut in singularem Deum, est similis urbi Zioni & Hierosolymæ a Vespasiano destructis, & Templo ibi incenso. Porro, homo, qui colit unum Deum, in Quo Divina Trinitas est, & sic qui una Persona est, fit plus & plus vivus, & homo angelus; at qui se in pluralitate Deorum ex pluralitate Personarum confirmat, fit successive sicut Statua facta cum articulis mobilibus, in cuius medio stat Satanas, & loquitur per os articulatum ejus.

24. V. QUOD PLURALITAS DEORUM IN SÆCULIS ANTIQUIS, ET QUOQUE HODIERNIS, NON ALIUNDE EXSTITERIT, QUAM EX NON INTELLECTO DIVINO ESSE. Quod Unitas Dei cujusvis hominis menti intime inscripta sit, quoniam illa est in medio omnium quæ in animam hominis a Deo influunt, supra n. 8, ostensum est; sed quod usque in Intellectum humanum non inde descenderit, est causa, quia defuerunt cognitiones, per quas hominem oportet Deo obviam ascendere; quisque enim parabit Deo viam, hoc est, præparabit se ad receptionem, & hoc fiet per cognitiones. Cognitiones, quæ defuerunt, quod Intellectus non potuerit penetrare illuc, ut vide-ret, quod Deus unus sit, & quod non dabile sit Divinum Esse nisi Unicum, & quod Omnia Naturæ sint ab Illo, sunt sequentes, 1. Quia hactenus nemo aliquid sciverat de Mundo Spirituali, ubi sunt Spiritus & Angeli, & in quem omnis homo post mortem venit. 2. Pariter tunc, quod in illo Mundo sit Sol, qui est purus Amor a Jehovah Deo, qui in medio ejus est. 3. Quod ex illo Sole procedat Calor, qui in essentia sua est Amor, & Lux quæ in essentia sua est Sapientia. 4. Quod inde omnia quæ in illo Mundo sunt, Spiritualia sint, & afficiant Internum hominem, & faciant ejus Voluntatem & Intellectum. 5. Quod Jehovah Deus ex suo Sole non modo produxerit Mundum Spiritualem, & omnia Spiritualia ejus, quæ innumerabilia sunt, & substancialia, sed etiam quod produxerit Mundum naturalem, & omnia naturalia ejus, quæ etiam innumerabilia sunt, sed materialia. 6. Quod hactenus non aliquis sciverit discriumen inter Spirituale & Naturale, imo nec quid Spirituale in sua essentia. 7. Neque quod tres Gradus Amoris & Sapientiae sint, secundum quos Cæli angelici ordinati sunt. 8. Et quod Mens humana in totidem gradus distincta sit, ob causam ut possit in unum ex tribus Cælis post mortem elevari, quod fit secundum ejus vitam & simul fidem. 9. Et denique, quod omnia illa non potuerint quoad unum punctum existere, nisi a Divino Esse, quod est Ipsum in fœ, & sic Primum & Principium ex quo omnia. Hæ cognitiones hactenus defuerunt, per quas tamen homo ascendet, & Divinum Esse cognoscet. Dicitur, quod homo ascendet, sed intelligitur quod a Deo elevetur; nam homini est Liberum arbitrium comparandi sibi Cognitiones, & sicut comparat sibi illas ex Verbo, medio Intellectu, ita explanat viam, per quam Deus descendant, ac illum elevet. Cognitiones, per quas fit Intellectui humano ascensus, Deo te-nente illum in manu, & ducente, comparari possunt gradibus Scalæ viæ Jacobo, quæ fuit erecta super terram, cujus caput pertigit in Cælum, & per quam Angeli af-

ascendebant, & Jehovâh consistebat supra illam, Genes. XXVIII: 12. 13. aliter prorsus cum illæ Cognitiones deficiunt, aut homo illas spernit; tunc Elevatio intellectus comparari potest Scalæ e terra ad fenestram primæ mansionis magnifica Palatii erectæ, ubi commorantur homines, & non ad fenestras secundæ mansionis, ubi Spiritus, & minus ad fenestras tertiae mansionis, ubi Angeli; inde fit, quod homo non nisi quam in naturæ atmosphæris & materialibus, in quibus oculos, aures, & nares tenet, maneat, ex quibus non alias ideas de Cælo & de Dei Esse & Essentia haurit, quam atmosphæricas & materiales, & ex his homo cogitans non judicat quicquam de Deo, num sit vel non sit, vel num unus, aut num plures; & adhuc minus, qualis est quoad suum Esse & quoad suam Essentiam. Inde exorta est Pluralitas deorum in Sæculis antiquis, & quoque in hodiernis.



25. His adjiciam hoc MEMORABILE: Quondam experitus a somno, incidi in profundam meditationem de DEO; & cum suspesi, vidi supra me in Cælo Lucem candidissimam in forma ovali; & cum fixi intuitum in Luce illa, recedebat Lux ad latera, & intrabat in peripherias, & tunc ecce patuit mihi Cælum, & vidi magnifica, & Angelos stantes in forma Circi a latere meridionali aperturæ, & loquebantur inter se; & quia accendebar desiderio audiendi quid loquebantur, ideo dabatur mihi primum audire Sonum, qui plenus erat amore cœlesti, & postea Loquela, quæ plena erat sapientia ex illo amore; loquebantur inter se de DEO UNO, & de CONJUNCTIONE CUM Ispo, & inde SALVATIONE: loquebantur ineffabilia, quorum pleraque non possunt cadere in voces alicujus Linguæ naturalis; sed quia aliquoties fueram in consortio cum Angelis in ipso Cælo, & tunc in simili loquela cum illis, quia in simili statu, ideo potui nunc intelligere illos, & ex sermone illorum desumere aliqua, quæ possunt expromi vocibus Linguæ naturalis rationaliter. Dicebant, quod DIVINUM ESSE SIT UNUM, IDEM, IPSUM, ET INDIVIDUUM. Hæc illustrabant per ideas spirituales; dicendo, quod Divinum Esse non possit cadere in plures, quorum unicuique sit Divinum Esse, & usque illud esse Unum, Idem, Ipsum, & Individuum; cogitaret enim quisque ex suo Esse ex se, & singulatim per se, si tunc etiam ex alteris & per alteros unanimiter, forent plures Dii unanimi, & non Deus unus, nam unanimitas, quia est consensus plurium, & simul cuiusvis ex se & per se, non concordat cum unitate Dei, sed cum pluralitate; non dixerunt Deorum, quia non potuerunt; Lux enim Cæli, ex qua cogitatio illorum, & aura in qua procedebat sermo illorum, contranitebatur; dicebant etiam, quod cum vellent enuntiare Deos, & quemlibet ut Personam per se, cadat conatus enuntiandi illico in Unum, imo in Unicum Deum. His addebat, quod Divinum Esse sit DIVINUM ESSE IN SE, non a se, quia a se ponit Esse in se ab alio priori, ita ponit Deum a Deo, quod non datur; quod a Deo est, non vocatur Deus, sed vocatur Divinum; quid enim est Deus a Deo, ita quid Deus a Deo natus ab æterno; & quid Deus a Deo per Deum natum ab æterno procedens, nisi voces, quibus nihil lucis e Cælo inest. Porro dicebant, quod Divinum Esse, quod in se est Deus, sit IDEM, non Idem simplex, sed infinitum, hoc est, Idem ab æterno in æternum; est Idem ubivis, ac Idem apud unemquemvis, & in unoquovis, sed quod omne varium & mutabile sit in recipiente, status recipientis hoc facit. Quod Divinum Esse, quod est Deus in se, fit IPSUM, ita illustrabant; Deus est Ipsum, quia est ipse Amor & ipsa Sapientia, seu quia est ipsum Bonum & ipsum Verum, & inde ipsa Vita; quæ nisi forent Ipsum in Deo, illa non forent aliquid in Cælo & Mundo, quia non foret aliquid illorum relativum ad Ipsum; omne quale sortitur suum quale ex eo, quod sit Ipsum ex quo est, & ad quod se refert ut sit tale. Hoc Ipsum, quod est Esse Di-

vinum, non est sit loco, sed apud illos & in illis qui sunt in loco secundum receptionem, quoniam de Amore & Sapientia, seu de Bono & Vero, & inde Vita, quae sunt ipsum in Deo, imo Ipse Deus, non praedicari potest locus, nec progressio ex loco in locum, unde Omnipresentia; quare dicit Dominus, *Quod sit in medio illorum; tum Ipse in illis, & illi in Ipso.* At quia non recipi potest ab ullo Qualis in se est, apparet qualis in Essentia sua est, ut Sol supra Caelos Angelicos, a quo procedens ut Lux est Ipse quoad sapientiam, ac ut Calor est Ipse quoad Amorem; Ipse non est Sol ille, sed Divinus Amor & Divina Sapientia exiens ab Ipso proxime, circum circa ipsum, coram Angelis apparent ut Sol; Ipse in Sole est Homo, est DOMINUS NOSTER JESUS CHRISTUS, TAM QUAOD DIVINUM A QUO, QUAM QUAOD DIVINUM HUMANUM; quoniam ipsum, quod est ipse Amor & ipsa Sapientia, fuit Anima Ipsi a Patre, ita Divina Vita, quae est Vita in se; aliter in unoquovis homine, in illo anima non est Vita, sed recipiens vitæ: Dominus etiam hoc docet, dicendo, *Ego sum Via, Veritas, & Vita:* & alibi, *Quemadmodum Pater habet VITAM IN SE, Ipsi, ita etiam dedit Filio VITAM HABENDAM IN SE IPSO,* Joh. V: 26. Vita in Se Ipso est Deus. His addiderunt, quod illi qui in aliqua Luce spirituali sunt, ex his possint percipere, quod Divinum Est, quia est Unum, Idem, Ipsum, & inde Individuum, non possit dari in pluribus; & quod si diceretur dari, forent manifestæ contradictiones in adjectis.

26. His auditis percepérunt Angeli in cogitatione mea ideas communæ Ecclesiæ Christianæ de Personarum Trinitate in Unitate, & illarum Unitate in Trinitate de Deo; tum etiam de Nativitate Filii Dei ab æterno: & tunc dixerunt, quid cogitas, cogitasne illa ex Luce naturali, cum qua Lux nostra spiritualis non concordat, quare nisi removes illius cogitationis ideas, oculidimus tibi Cælum, & abimus. Sed tunc dixi, intrate, quæso, penitus in cogitationem meam, & forte videbitis concordantiam; & fecerunt ita, & videbant, quod per tres Personas intelligam Tria Attributa Divina procedentia, quæ sunt CREATIO, REDEMPTIO, & REGENERATIO, & quod illa Attributa sint Unius Dei; & quod per Nativitatem Filii Dei ab æterno, intelligam Nativitatem Ipsius ab æterno prævisam, & in tempore provisam; & quod non supra-naturale & rationale, sed contra naturale & rationale sit cogitare, quod aliquis Filius a Deo natus sit ab æterno; aliter vero, quod Filius a Deo per Virginem Mariam natus in tempore sit Filius Dei Unicus, & Unigenitus; & quod aliter credere, sit immanis error. Et tunc narravi, quod naturalis mea cogitatio de Personarum Trinitate & Unitate, & de Nativitate Filii Dei ab æterno, fuerit mihi ex Doctrina fidei Ecclesiæ, quæ ab Athanasio nomen habet: tunc dixerunt Angeli, Bene; & rogaverunt, ut ex ore illorum dicam, quod si quis non adit ipsum Deum Cæli & Terræ, non possit in Cælum venire, quia Cælum est Cælum ex Unico illo Deo, & QUOD ILLE DEUS SIT JESUS CHRISTUS, QUI EST JEHOVAH DOMINUS AB ÆTERNO CREATOR, IN TEMPORE REDEMPTOR AC IN ÆTERNUM REGENERATOR, ita Qui simul est Pater, Filius, & Spiritus Sanctus, & quod hoc sit Evangelium, quod prædicandum est. Post hæc, Lux cœlestis prius visa super aperturam rediit, & successive se inde demisit, & implevit interiora mentis meæ, ac illustravit ideas meas de Trinitate & Unitate Dei; & vidi tunc ideas de illis initio captas, quæ fuerant mere naturales, separatas, sicut separantur paleæ a tritico ex ventilabro agitato, & ablatas sicut vento in Septentrionem Cæli, & disparatas.

DE DEI INFINITE, SEU IMMENSITATE ET ÆTERNITATE.

27. Sunt duo Propria Mundi naturalis, quæ faciunt ut omnia ibi finita sint, unum est SPATIUM, & alterum est TEMPUS; & quia Mundus ille creatus est a Deo, & una cum illo Mundo creata sunt Spatia & Tempora, & haec finiunt illum, ideo de duobus initis illorum, quæ sunt IMMENSITAS & ÆTERNITAS, agendum est; Immensitas Dei enim se refert ad Spatia, ac Æternitas ad Tempora, & INFINITAS comprehendit & Immenositatem & Æternitatem. At quia Infinitas transcendent finitum, & cognitio illius Mentem finitam, ideo ut aliquo modo percipiatur, de illa in hac serie transigendum est. I. Quod Deus, quoniam Est & Existit in se, & omnia in Universo sunt & existunt ex ipso, Infinitus sit: II. Quod Deus, quoniam ante Mundum fuit, ita antequam Spatia & Tempora orta sunt, sit Infinitus: III. Quod Deus, postquam Mundus factus est, sit in Spatio absque Spatio, & in Tempore absque Tempore: IV. Quod Infinitas respective ad Spatia dicatur Immensitas, & respective ad Tempora, dicatur Æternitas, & quod tametsi hi respectus sunt, usque nihil Spatii in Ipsius Immensitate, & nihil Temporis in Ipsius Æternitate sit. V. Quod illustrata Ratio ex permultis in Mundo videre possit Infinitatem Dei Creatoris. VI. Quod omne creatum sit finitum, & quod Infinitum sit in finitis ut in receptaculis, & quod in hominibus ut in suis imaginibus. Sed haec singulatim explicabuntur.

28. I. QUOD DEUS, QUONIAM EST ET EXISTIT IN SE, ET OMNIA IN UNIVERSO SUNT ET EXISTUNT EX IPSO, INFINITUS SIT. Haec tenus ostensum est, quod Deus unus sit, & quod sit Ipsius, & quod sit primum Esse omnium, & quod cuncta, quæ in Universo sunt, existunt & subsistunt, sint ex Illo; inde sequitur, quod Infinitus sit: quod Ratio humana ex permultis in Universo creato id videre possit, in sequentibus demonstrabitur. Sed tametsi Mens humana ex illis agnoscere potest, quod primum Esse seu primum Esse infinitum sit, usque non potest cognoscere, quale illud est, proinde non definire illud aliter, quam quod sit Infinitum Omne, & quod subsistat in se, & inde quod sit ipsa & unica Substantia, & quia de substantia nihil praedicabile est, nisi sit forma, - quod sit ipsa & unica Forma: ast quid tamen haec, non sic apparet quale est Infinitum; ipsa enim Mens humana, etiam summe analytica & elevata, est finita, & finitum in illa non potest removeri, quare nequicquam capax est videre Infinitatem Dei, qualis est in se, ita Deum, sed potest Deum in umbra videre a tergo, sicut dictum est ad Moses, dum supplicavit videre Deum, quod positus sit in foramine petrae, & viderit posteriora Ipsius, Exod. XXXIII: 20, ad 23; per posteriora Dei intelliguntur visibilia in Mundo, & in specie perceptibilia in Verbo: ex his patet, quod vanum sit, velle cognoscere, qualis Deus est in suo Esse, aut in sua Substantia; sed quod satis sit agnoscere Ipsum ex finitis, hoc est, creatis, in quibus est infinite; homo qui ultra satagit, comparari potest pisci extracto in aërem; aut avi immixtæ siphoni pneumatico; quæ, sicut exantatur aer, singultat, & demum exspirat: & quoque comparari potest navi, quæ dum vincitur a procella, & non obsequitur gubernaculo, fertur in scopulos & syrtes; sic sit illis, qui Infinitatem Dei volunt ab intra cognoscere, non contenti quod possint illam ab extra ex manifestis indiciis agnoscere. Legitur de quodam Philosopho inter Antiquos, quod quia Æternitatem Mundi non potuit in lumine mentis suæ videre aut comprehendere, se in mare projector; quid idem, si voluisset Infinitatem Dei.

29. II. QUOD DEUS, QUONIAM ANTE MUNDUM FUIT, ITA ANTEQUAM SPATIA ET TEMPORA ORTA SUNT, INFINITUS SIT. In Mundo naturali sunt Tempora & Spatia; at vero in Mundo spirituali non ita actualiter, sed usque apparenter: quod Tempora & Spatia in Mundos introducta sint, erat causa, ut distingueretur unum ab altero, magnum a parvo, multum a paucio, ita quantum a quanto, & sic quale a quali; & quod per illa sensus corporis possent distinguere sua objecta, & sensus mentis sua, & sic affici, cogitare ac eligere. Tempora in Mundum naturalem inducta sunt, per quod Tellus circum axem suum rotet, & quod rotationes illae a statione ad stationem secundum zodiacum pergant, & quod hæ vicissitudines apparent fieri a Sole, a quo est Universo Orbi terraquo suus calor & sua lux; inde tempora Diei, quæ sunt mane, meridies, vepera & nox; & tempora Anni, quæ sunt ver, æstas, autumnus, & hyems; tempora Dierum pro luce & tenebris, & tempora Annorum pro calore & frigore. Spatia autem in Mundum naturalem introducta sunt, per quod Tellus conglomerata sit in Orbem, & impleta materiis, quarum partes inter se distinctæ sunt, ac simul extensa. In Mundo spirituali autem non sunt Spatia materialia, & Tempora illis correspondencia, sed usque sunt apparentia illorum, & apparentia sunt secundum discrimen statuum, in quibus sunt Mentes spirituum & angelorum ibi, quare Tempora & Spatia ibi se conformant cum affectionibus voluntatis & inde cogitationibus intellectus illorum; sed apparentia illæ sunt reales, quia constantes secundum status illorum. Communis opinio de Statu Animarum post mortem, & inde quoque Angelorum & Spirituum, est, quod non sint in aliquo Extenso, proinde non in Spatio & Tempore, ex qua idea dicitur de animabus post mortem, quod sint in Pus Ubi, & quod Spiritus & Angeli sint Pneumata, de quibus non aliud cogitatur, quam sicut de æthere, aere, halitu aut vento; cum tamen sunt substantiales homines, ac inter se vivunt sicut homines Mundi naturalis super Spatiis & in Temporibus, quæ, ut dictum est, determinata sunt secundum status mentium illorum; si aliter foret, hoc est, absque illis, potuisset Universum illud, in quod alluant Animæ, & ubi commorantur Angeli & Spiritus, per foram acus traduci, aut super uno apice capilli concentrari; quod possibile foret, si non Extensem substantiale ibi foret; at quoniam hoc ibi est, ideo Angeli inter se tam discrete & distincte, imo distinctius, habitant, quam homines, quibus est Extensem materiale, inter se. Sed tempora ibi non distincta sunt in Dies, Septimanas, Menses & Annos, quia Sol ibi non appetet oriri & occidere, nec circumferri, sed manet status in Oriente in Gradu medio inter Zenith & Horizontem: & Spatia illis sunt, quia omnia in illo Mundo substantialia, quæ in Mundo naturali materialia, sunt: sed de his plura in Lemmate hujus Capitis de Creatione, dicentur. Ex supradictis comprehendendi potest, quod Spatia & Tempora finiant omnia & singula, quæ in utroque Mundo sunt, & inde quod homines non modo quoad corpora, sed etiam quord animas, finiti sint, pariter Angeli & Spiritus. Ex his omnibus concludi potest, quod Deus Infinitus sit, hoc est, non finitus, quia Ipse, ut Creator, Formator & Factor Universi, finivit omnia, & finivit illa per suum Solem, in cuius medio est, qui ex Divina Estantia, quæ ex Ipso sicut Sphæra exit, consistit; ibi & inde est primum finitionis; at progressivum ejus vadit usque ad ultima in natura Mundi; quod Ipse in se Infinitus sit, quia In-creatus, sequitur. Ast infinitum appetet homini sicut non aliquid, ex causa, quia homo finitus est, & ex finitis cogitat, quare si finitum, quod adhaeret cogitationi ejus, auferretur, perciperet sicut residuum non esset aliquid; veritas tamen est, quod Deus sit infinite omne, & quod homo respective non aliquid ex se.

30. III. QUOD DEUS, POSTQUAM MUNDUS FACTUS EST, SIT IN SPATIO ABSQUE SPATIO, ET IN TEMPORE ABSQUE TEMPORE. Quod Deus & Divinum, quod immediate ab Ipso procedit, non sit in Spatio, tametsi est Omnipræsens, & apud unum.

unumquemvis hominem in Mundo, & apud unumquemvis Angelum in Cælo, & apud unumquemvis Spiritum sub cælo, non potest idea mere naturali comprehendendi, sed potest aliquatenus idea spirituali: quod non possit idea mere naturali comprehendendi. est, quia in illa est Spatium, formata enim est ex talibus, quæ in Mundo sunt, in quorum omnibus & singulis, quæ spectantur oculis, est Spatium; omne magnum & parvum ibi est Spatii, omne longum, latum & altum ibi est Spatii, verbo omnis mensura, figura & forma ibi est Spatii. Sed usque potest homo aliquatenus comprehendere id cogitatione naturali, modo in illam admittat aliquid lucis spiritualis: sed primum aliquid dicetur de idea cogitationis spiritualis; hæc non trahit aliquid ex Spatio, sed omne suum trahit ex Statu; Status dicitur de amore, de vita, de sapientia, de affectionibus, de gaudiis, in genere de bono & vero; idea vero Spiritualis de illis non commune habet cum Spatio, est superior, & spectat ideas Spatii sub se, sicut cælum spectat terram. Quod Deus præfens sit in Spatio absque spatio, & in Tempore absque tempore, est causa, quia Deus est semper idem, ab æterno in æternum, ita qualis ante Mundum creatum, talis post illum, & in Deo & coram Deo ante creationem non fuerunt spatia & tempora, sed post illam; quare quia est Idem, est in Spatio absque spatio, & in Tempore absque tempore; inde sequitur, quod natura separata sit ab Ipso, & tamen in illa omnipræsens sit; vix aliter quam sicut vita in omni substantiali & materiali hominis, tametsi non cum illis se commiscet; comparative sicut lux in oculis, sonus in auribus, gustus in linguis, aut sicut æther in terris & aquis, per quem Orbis terraqueus continetur & circumagit, & sic porro; quæ Agentia si auferrentur, substantiata & materiata illa momento conciderent aut dilaberentur; imo Mens humana, si Deus non in illa ubivis & omni tempore præfens esset, diffueret sicut bulla in aërem, ac utrumque Cerebrum, in quibus ex principiis agit, in spumam abiret, & sic omne humandū fieret pulvis terræ, & odor volans in atmosphæra. Quoniam Deus in omni tempore est absque tempore, ideo in Verbo suo de præterito & de futuro loquitur in præsenti, ut apud Esajam „Puer natus est nobis, Filius datus est, cuius nomen est, Heros, Princeps pacis, Cap. IX: 5. & apud Davidem, Annuntiabo de statuto, Je-hovah dixit ad me, Filius meus Tu, Hodie genui te, Psalm II: 7. hæc de Domino venturo: quare etiam dicitur apud Eundem „Mille anni in oculis tuis sicut dies hesternus Psalm XC: 4. Quod ubivis sit præfens in Universo Mundo, & tamen non aliquid Mundi proprium in Ipso, hoc est, non aliquid, quod spatii & temporis est, ex pluribus aliis locis a videntibus & vigilantibus in Verbo potest perspici, ut ex hoc apud Jeremiam, Numne Deus in propinquo Ego, & non Deus e longinquio; num occultabitur vir in latibulis ut Ego non videam; omne Cælum & omnem Terram Ego impleo, Cap. XXIII: 23. 24.

31. IV. QUOD INFINITAS DEI RESPECTIVE AD SPATIA DICATUR IMMENSITAS, ET RESPECTIVE AD TEMPORA DICATUR ÆTERNITAS, ET QUOD TAMETSI HI RESPECTUS SUNT, USQUE NIHIL SPATII SIT IN IPSIUS IMMENSITATE, ET NIHIL TEMPORIS IN IPSIUS ÆTERNITATE. Quod Infinitas Dei respective ad spatia dicatur Immensitas, est quia Immensum prædicatur de Magno & Amplo, & quoque de Extenso, & in hoc de Spatioso: quod autem Infinitas Dei respective ad tempora dicatur Æternitas, est quia in Æternum, prædicatur de progressivis, quæ per tempora mensurantur, absque fine: ut pro exemplo; de Orbe terraquo in se spectato prædicantur illa quæ spatii sunt, & de ejus rotatione & progressione prædicantur illa quæ temporis sunt, hæc quoque faciunt tempora, & illa faciunt spatia, ac sicut sunt ita ex sensibus in perceptione mentium reflectentium; at in Deo nihil spatii & temporis est, ut supra ostensum est, & tamen a Deo sunt initia illorum; inde sequitur, quod Infinitas Ipsius respective ad spatia intelligatur per Immensitatem, & quod Infinitas Ipsius respective ad tempora intelligatur per

Æternitatem. At in Cælo ab Angelis per Immenitatem Dei percipitur Divinitas quoad Esse, & per Æternitatem Divinitas quoad Existere; tum etiam per Immenitatem Divinitas quoad Amorem, & per Æternitatem Divinitas quoad Sapientiam; causa est, quia Angeli a Divinitate abstracti sunt spatio & tempore, & tunc illæ notiones resultant. Sed quoniam homo non potest aliter quam ex ideis e talibus quæ spatii & temporis sunt captis cogitare, non potest de Dei Immenitate ante spatium, & de Ipsiis Æternitate ante tempora aliquid percipere, imo cum vult illa percipere, est sicut mens ejus cadat in deliquum, pæne sicut qui illapsus aquis in statu naufragii est, aut in motu terræ subsidens in statu absorptionis est; imo si usque instat penetrare in illa, potest facile contrahere delirium, & ex hoc inferri in negationem Dei. Semel etiam ego in simili statu fui, cogitando quid Deus ab æterno, quid ante Mundum conditum, egit, numne deliberavit de Creatione, & excogitavit ordinem secundum quem, num in pure vacuo dabilis esset cogitatio deliberativa, præter irrita alia; sed ne per talia auferrer in deliria, a Domino elevatus sum in sphæram & lucem, in qua sunt angelii interiores, & postquam idea spatii & temporis, in qua prius cogitatio mea fuit, ibi paulo remota est, datum est comprehendere, quod Æternitas Dei non sit æternitas temporis, & quod quia tempus non fuit ante Mundum, prorsus vanum esset de Deo cogitare aliqua talia; tum quia Divinum ab æterno, ita ab omni tempore abstractum, non involvit dies, annos & sæcula, sed quod omnia hæc essent Deo Instans, conclusi quod Mundus a Deo creatus sit, non in tempore, sed quod tempora a Deo cum creatione introducta sint. His adjiciam hoc Memorabile, apparent binæ Statuæ in humana monstrosa forma cum diductis oribus & dilatatis fauibus in una extremitate Mundi Spiritualis, a quibus videntur sibi deglutiri, qui de Deo ab æterno vana & dementia cogitant; sed sunt phantasie, in quas se conjiciunt illi, qui de Deo ante Mundum creatum absonta & indebita cogitant.

32. V. QUOD ILLUSTRATA RATIO EX PERMULTIS IN MUNDO VIDERE POSIT: INFINITATEM DEI. Enumerabuntur aliqua, ex quibus Ratio humana Infinitatem Dei videre potest, quæ sunt. I. Quod in Universo Creato non dentur duo quæ Idem sunt; quod non detur illa Identitas, in simultaneis, Eruditio humana ex ratione vidit & confirmavit, & tamen substantialia & materialia ejus individuatim spectata infinito numero sunt; quod nec detur Identitas duorum effectuum in successivis in Mundo, concludi potest ex gyratione Telluris, quod excentricum ejus in polis faciat, ut nusquam aliquod idem redeat; quod ita sit, evidenter constat ex faciebus humanis, quod in Universo Mundo non detur una facies prorsus similis seu eadem cum alterius, & quod nec dari possit in æternum; hæc infinita varietas nequaquam potest existere, nisi ex Infinitate Dei Creatoris. II. Quod non detur unius Animus prorsus similis alterius, quare dicitur, quot capita tot animali; proinde, quod non detur Unius Mens, hoc est, voluntas & intellectus, prorsus similis seu eadem cum alterius; consequenter non unius loquela quoad sonum & quoad cogitationem ex qua, neque unius actio: quoad gestum & quoad affectionem, ad amissim æquales alterius, ex qua infinita varietate etiam sicut in speculo Infinitas Dei Creatoris videri potest.. III. Quod omni semini tam animalium quam vegetabilium sit infusa quædam immensitas ac æternitas; immensitas, quod multiplicari possit in infinitum, ac æternitas, quod multiplicatio illa a creatione Mundi absque interruptione huc usque persistet, & quod in perpetuum persistat: e Regno animali sume pisces maris, quæ si secundum copiam seminum multiplicarentur, intra 20 aut 50 Annos implerent Oceanum, usque ut constaret ex meritis piscibus, & inde Aqua ejus universam Terram inundaret & sic perderet; sed ne hoc fieret, a Deo provisum est, ut pisces cederet pisci in escam. Simile foiet cum seminibus vegetabilium, quæ si totidem, quot ex uno quotannis exsurgerent, pluntarentur, intra 20 aut 30 annos implerent superficiem non modo unius telluris,

telluris, sed etiam plurium; dantur enim virgulta, quorum unumq[ue]nqv[er]o vis semen producit centena & millena alia; experire illud calculo, ducendo productionem unius continue in 20 aut 30, & videbis; ex his & illis potest Divina Immensitas & Æternitas, ex quibus non potest non instar produci, in communi quadam facie, videri. IV. Infinitas Dei coram Ratione illustrata etiam potest apparere ex infinitate, in quam crescere potest unaquævis scientia; & inde cujuusvis intelligentia & sapientia, quarum una & altera crescere potest sicut arbor ex seminibus, ac sylva & horti ex arboribus, nam non datur finis illarum, memoria hominis est illarum humus, ac intellectus est ubi illarum germinatio, ac voluntas ubi illarum fructificatio; ac binæ hæ facultates, intellectus & voluntas, tales sunt, at excoli & perfici possint in Mundo ad finem vitæ, & postea in æternum. V. Infinitas Dei Creatoris etiam videri potest ex infinito numero Stellarum, quæ totidem Soles sunt, & inde totidem Mundi; quod in Cælo astrifero etiam dentur Tellures, super quibus homines, bestiæ, aves, & vegetabilia, sunt, in quodam Opusculo ex visis descripto ostensus est. VI. Infinitas Dei adhuc evidenter mihi constitit ex Cælo Angelico, & quoque ex Inferno, quod illa duo in inumeras Societates aut Congregationes secundum omnes varietates amoris boni & mali, ordinata & coordinata sint, & quod unusquisque secundum suum amorem sortiatur locum; sunt enim omnes ibi ex Humano Genere, a Creatione Mundi collecti, & in Sæcula sæculorum colligendi; & quod tametsi unicuivis est suus locus seu sua sedes, usque omnes ibi ita conjuncti sint, ut Universum Cælum Angelicum unum Divinum Hominem, ac Universum Infernum unum monstrosum Diabolum, repræsentet; ex his duobus & ex infinitis mirabilibus in illis, Immensitas una cum Omnipotentia Dei, manifeste sistitur videnda. VII. Quis etiam non potest intelligere, si parum elevat ratiocinium mentis suæ, quod vita in æternum, quæ cuius homini post mortem est, non dabilis sit, nisi a Deo Æterno. VIII. Præter illa est quædam Infinitas in multis, quæ cadunt in lumen naturale, & in lumen spirituale apud hominem; in lumen naturale, quod sunt variæ Series in Geometris, quæ vadunt in infinitum: quod inter tres gradus altitudinis sit progressio in infinitum, nempe quod Gradus primus qui vocatur naturalis, non possit perfici ac elevari ad perfectionem gradus secundi, qui vocatur spiritualis, nec hic ad perfectionem tertii, qui vocatur cœlestis: simile est inter finem, causam & effectum, ut quod effectus non possit perfici, ut fiat sicut sua causa, nec causa ut fiat sicut suus finis: hoc illustrari potest per atmospheras, quarum tres gradus sunt, datur enim aura suprema, æther sub illa, & aer infra hunc; & qualitas aliqua aeris non potest elevari ad aliquam qualitatem ætheris, nec hujus ad aliquam qualitatem auræ; & tamen elevatio perfectionum in infinitum datur in unaquavis: In lumen spirituale, quod non possit amor naturalis, qui est bestiæ, elevari in amorem spiritualem, qui a creatione inditus est homini; simile est cum intelligentia naturali bestiæ respective ad intelligentiam spiritualem hominis: sed hæc quia adhuc ignota sunt, explicabuntur alibi. Ex his constare potest, quod universalia Mundi sint perpetui typi Infinitatis Dei Creatoris: quomodo autem singularia æmulantur universalia, & repræsentant Infinitatem Dei, est Abyssus, & est Oceanus, in quo Mens humana potest sicut navigare, sed cavebit sibi a procella e naturali homine exsurgente, quæ navem cum malis & velis, a puppi, ubi naturalis homo sibi confidens stat, submerget.

33. VI. QUOD OMNE CREATUM SIT FINITUM, ET QUOD INFINITUM SIT IN FINITIS UT IN RECEPTACULIS, ET QUOD IN HOMINIBUS UT IN SUIS IMAGINIBUS. Quod omne creatum sit finitum, est quia a Jehovah Deo omnia per Solem Mundi spirituallis, qui proxime ambit Ipsum, & Sol ille est ex substantia quæ ex Ipso exivit, cuius essentia est amor; ex illo Sole per calorem & lucem ejus creatum est Universum a primis ad ultima ejus; sed progressum creationis in ordine exponere,

non hujus loci est, in sequentibus dabitur aliquod ejus schema. Hic modo interest scire, quod unum formatum sit ab altero, & quod inde facti sint gradus, tres in spirituali Mundo, & tres illis correspondentes in naturali Mundo, ac totidem in quiescentibus, ex quibus Globus terraqueus consistit; sed unde illi Gradus, & quales sunt, in SAPIENTIA ANGELICA DE DIVINO AMORE ET DIVINA SAPIENTIA, Amstelodami An: 1763. evulgata; & in Codicillo de COMMERCIO ANIMÆ ET CORPORIS, Londini An: 1769. edito, plene expositum est: per hos gradus factum est, quod omnia posteriora sint receptacula priorum, & haec adhuc priorum, & sic in ordine receptacula primitivorum, ex quibus Sol Cæli Angelici consistit, & sic quod finita sint receptacula infiniti; hoc quoque coincidit cum Veterum sapientia, ex qua est, quod omnia & singula divisibilia sint in infinitum. Vulgaris idea est, quod, quia finitum non est capax infiniti, finita non possint receptacula infiniti esse; sed ex illis, quæ in OPERIBUS MEIS de Creatione tradita sunt, constat, quod Deus Infinitatem suam primum finiverit per substantias ex Ispo emissas, ex quibus proximus ejus ambitus, qui facit Solem Mundi spiritualis, exstitit; & quod deinde per illum Solem reliquos ambitus usque ad ultimum, qui ex quiescentibus consistit perfecerit, & quod sic Mundum per gradus plus & plus finiverit: haec allata sunt propter finem, ut rationi humanæ, quæ nisi videt causam non quiescit, satisfiat.

34. Quod Infinitum Divinum sit in hominibus, ut in suis imaginibus, constat ex Verbo, ubi legitur hoc „Tandem dixit Deus, faciamus hominem in Imagine nostra, secundum similitudinem nostram; creavit itaque Deus hominem in Imaginem suam, in imaginem Dei creavit illum, Gen. I: 26. 27. ex quibus sequitur, quod homo sit Organum recipiens Dei, & quod sit Organum secundum quale receptionis. Mens humana, ex qua & secundum quam homo est homo, in tres Regiones secundum tres gradus formata est, in Primo gradu est illa cælestis, in quo etiam sunt Angeli supremi Cæli; in Secundo gradu est illa spiritualis, in quo etiam sunt Angeli medii Cæli; & in Tertio gradu est illa naturalis, in quo etiam sunt Angeli ultimi Cæli; Mens humana secundum tres illos gradus organizata, est receptaculum Divini influxus, sed usque Divinum non ulterius influxit, quam sicut homo explanat viam, seu aperit januam; si hoc facit usque ad supremum seu cælestem gradum, tunc homo fit vere imago Dei, & post mortem fit Angelus supremi Cæli; at si explanat viam seu aperit januam modo ad medium seu spirituale gradum, tunc homo quidem fit imago Dei, sed non in illa perfectione, & post mortem fit Angelus medii Cæli; at si modo explanat viam, seu aperit januam solum ad ultimum seu naturalem gradum, tunc homo, si agnoscit Deum, & Illum pietate actuali colit, fit imago Dei in ultimo gradu, & post mortem fit Angelus ultimi Cæli: at si non agnoscit Deum, & non colit Illum pietate actuali, exiit imaginem Dei, & fit simulis cuidam animali, præter quod gaudeat facultate intelligendi & inde loquendi; si tunc occludit gradum supremum naturale, qui correspondet supremo cælesti, fit quoad amorem similis bestia terræ; at si occludit medium gradum naturale, qui correspondet medio spirituali, fit quoad amorem sicut vulpis, & quoad visum intellectus sicut avis vesperæ; at si etiam ultimum gradum naturale quoad spirituale ejus occludit, fit quoad amorem sicut fera, & quoad intellectum veri sicut pisces. Vita Divina, quæ per influxum ex Sole Cæli Angelici actuat hominem, comparari potest cum Luce ex Sole Mundi, & cum ejus influxu in objectum diaphanum; receptio vitæ in supremo gradu cum influxu lucis in adamantem; receptio vitæ in secundo gradu cum influxu lucis in chrySTALLUM, & receptio vitæ in ultimo gradu cum influxu lucis in vitrum, aut in membranam transparentem; at si hic gradus quoad ejus spirituale prorsus occluderetur, quod fit dum negatur Deus, & colitur satanas, receptio vitæ a Deo comparari potest cum influxu lucis in opaca terræ, ut in lignum putre, aut in cespitem paludis, aut in fium, & sic porro; fit enim homo tunc cadaver spirituale.

35. His

◆ ◆ ◆ ◆ ◆

35. His adjiciam hoc MEMORABILE. Quondam eram in stupore de ingente multitudine hominum, qui Creationem addicunt Naturæ, & inde omnia quæ sub Sole, & omnia quæ supra Solem sunt, dicentes ex agnitione cordis, cum vident aliquid, annon hoc Naturæ est; & cum interrogantur, quare dicunt illa naturæ esse, & cur non Dei, cum tamen aliquoties cum Communione dicunt, quod Deus creaverit Naturam, & inde possunt tam æque dicere, quod illa, quæ vident, Dei sint, quam quod naturæ sint; sed respondent tono interno pæne tacito, quid Deus nisi Natura: apparent illi omnes ex persuasione de creatione Universi ex Natura, & ex insania illa sicut ex sapientia, gloriosi, adeo ut aspiciant omnes qui agnoscunt Creationem Universi a Deo, sicut formicas, quæ repunt humi, & terunt stratam viam, & quosdām sicut papilioes, qui in aere volant, vocantes illorum dogmata, somnia, quia vident quæ non vident, dicentes, quis videt Deum, & quis non videt Naturam. Quando in stupore de multitudine talium eram, adstitit mihi a latere Angelus, & dixit mihi, quid meditaris, & respondi, de multitudine talium, qui credunt, quod Natura sit ex se, & sic creatrix Universi, & dixit mihi Angelus, totum Infernum ex talibus est, & vocantur ibi Satanæ & Diaboli, Satanæ qui confirmaverunt se pro Natura, & inde negaverunt Dèum, Diaboli qui fascinorose vixerunt, & sic e cordibus omnem agnitionem Dei rejecerunt: sed deducam te ad Gymnasia, quæ in Plaga meridionali occidentali sunt, ubi tales, & nondum in Inferno sunt: & prehendit me manu, & deduxit; & vidi domunculas, in quibus Gymnasia, & in medio illarum unam, quæ erat sicut Prætorium reliquorum; hoc constructum erat ex lapidibus piccis, qui superinducti erant lamellis sicut vitreis ex auro & argento quasi micantibus, quales sunt quæ vocantur scelerites seu lâpides speculâres; & hic & ibi erant intersperfa Conchilia nitentia. Huc accessimus & pulsavimus, & mox unus aperuit sanuam, & dixit, beneventote; & eucurrit ad mensam, & apportavit quatuor libros, & dixit, hi Libri sunt Sapientia, cui multitudine Règnorum hodie adplaudit, huic Libro seu Sapientiae adplaudunt multi in Gallia, huic multi in Germania, huic aliqui in Batavia, & huic aliqui in Britannia: porro dixit, si vultis videre, faciam ut hi quatuor Libri coram oculis vestris luceant; & tunc gloriam famæ suæ effudit & circumfudit; & Libri mox sicut ex luce fulserunt; sed hæc lux coram oculis nostris illæco evanuit: & tunc quæsivimus, quid nunc scribit, & respondit, quod nunc illa quæ intima sapientiae sunt e thesauris suis educat & exprimat, quæ in compendio sunt hæc; I. Num Natura sit Vitæ, vel num Vita sit Naturæ. II. Num Centrum sit Expansio, vel num Expansum sit Centrum. III. De Centro Expansi & Vitæ. His dictis reposuit se super Solio ad mensam, nos vero in Gymnasio ejus, quod erat spatiose, ambulavimus; ille super mensa habebat Candalam, quia non Lux solaris ibi erat, sed Lux nocturna lunaris; & quod miratus sum, candela visa est circum circa ibi ferri, & illuminare; at quia illa non erat emuncta, illuminabat parum; & cum scripsit, vidimus imagines in variis formis e mensa in parietes volantes, quæ in nocturna illa luce lunari apparebant sicut volucres pulchræ Indicæ; sed cum aperruimus januam, ecce illæ in Luce diurna solari apparebant sicut aves vesperæ, quibus alæ retiformes sunt; erant enim verisimilitudines, quæ per confirmationes factæ sunt fallaciae, quæ ingeniose in series ab illo erant connexæ. Postquam hæc vidimus, accessimus ad mensam, & quæsivimus illum, quid nunc scribit, dixit, de PRIMO illo, NUM NATURA SIT VITÆ, VEL NUM VITA SIT NATURÆ; & de hoc inquit, quod possit utrumque confirmare, & facere ut sit verum; sed quia intus latet aliquid reconditum, quod timet, non ausit confirmare nisi hoc, quod NATURA SIT VITÆ; hoc est, ex Vita, non autem quod Vita sit Naturæ; hoc est, ex

Natura: quæsivimus blonde, quid est quod intus latet reconditum quod timet, respondit, quod sit quod vocari possit Naturalista, & sic Atheus a Clericis, & Vir non sanæ rationis a Laicis, quoniam hi & illi sunt vel credentes ex cæca fide, vel videntes ex visu confirmantium illam. Sed tunc ex quadam indignatione zeli pro veritate alloquuti sumus illum, dicentes, amice, valde falleris, sapientia tua, quæ est ingeniositas scribendi, seduxit te, & gloria famæ induxit te ad confirmandum, quod non credis: noftine quod Mens humana sit elevabilis supra sensualia, quæ sunt quæ in cogitationibus sunt ex sensibus corporis, & quod cum elevatur, videat illa quæ Vitæ sunt supra, & illa quæ Naturæ sunt infra; quid Vita aliud quam Amor & Sapientia, & quid Natura aliud quam illorum receptaculum, per quod operentur suos effectus seu usus; num hæc possunt unum esse, quam sicut principale & instrumentale; num potest lux unum esse cum oculo, num sonus cum aure, unde horum sensus nisi ex vita, & illorum formæ nisi ex natura: quid Corpus humanum nisi quam Organum vitæ; annon omnia & singula ibi organicae formatae sunt ad producendum illa quæ Amor vult ac Intellectus cogitat, suntne organa corporis ex natura, ac Amor & Cogitatio ex vita, suntne illa inter se prorsus distincta: eleva aciem ingenii adhuc parum altius, & videbis, quod vitæ sit affici & cogitare, & quod affici sit amoris, & cogitare sapientiae, ac utrumque vitæ, nam, ut dictum est, Amor & Sapientia sunt vita: si adhuc facultatem intelligendi elevas parum altius, videbis, quod non detur Amor & Sapientia, nisi alicubi sit illorum origo, & quod origo illorum sit Ipse Amor & Ipsa Sapientia, & inde Ipsa Vita; & hæc sunt Deus a quo Natura. Póstea loquuti sumus cum illo de ALTERO, NUM CENTRUM SIT EXPANSI, VEL NUM EXPANSUM SIT CENTRI; & quæsivimus cur hoc ventilat, respondit propter finem, ut concludat de Centro & Expanso Naturæ & Vitæ, ita de origine unius & alterius; & cum interrogavimus, quæ eius Mens, respondit de his similiiter ut prius, quod utrumque possit confirmare, sed quod ex timore jaætræ famæ confirmer, quod Expansum sit Centri, hoc est, a Centro; tametsi scio quod ante Solem fuerit aliquid, & hoc ubivis in Expanso, & quod hoc in ordinem a se confluerit, ita in Centrum. Sed tunc iterum alloquuti sumus illum ex zelo indignantem, & diximus, amice, insanis; & cum hoc audivit, retraxit solium a mensa, & timide nos aspexit, & tunc attendit aurem, sed ridens: at continuavimus dicendo, quid insanus est dicere, quam quod Centrum sit ab Expanso; per Centrum tuum intelligimus Solem, & per Expansum tuum intelligimus Universum; & sic quod Universum exstiterit absque Sole; facitne Sol Naturam & omnes ejus proprietates, quæ unice dependent a Luce & Calore procedentibus a Sole per Atmosphæras; ubinam hæc prius, sed unde hæc in sequente ventilatione dicemus; suntne Atmosphæræ, & omnia que super Tellure, sicut Superficies, & Sol illorum Centrum; quid illa omnia absque Sole, num possunt uno momento subsistere, inde quid illa omnia ante Solem, num potuerunt existere, estne substantia perpetua existentia: cum itaque omnium Naturæ substantia est a Sole, sequitur quod etiam omnium existentia; hoc videt, & ex autopsia agnoscit unusquisque; annon posterius sicut existit etiam subsistit a priori, si superficies foret prius, & centrum posterius, annon prius subsisteret ex posteriori, quod tamen est contra leges ordinis; quomodo possunt posteriora producere priora, aut exteriora interiora, aut crassiora puriora; inde quomodo possunt superficies, quæ faciunt Expansum, producere Centrum, quis non videt quod hoc sit contra naturæ leges: adduximus hæc argumenta ex Analysis rationis, ad confirmandum, quod Expansum existat a Centro, & non vicissim, tametsi unusquisque, qui juste cogitat, absque illis argumentis hoc videt. Dixisti, quod Expansum confluerit in Centrum a se, num sic fortuito in tam mirabilem & stupendum ordinem, ut unum sit propter alterum, & omnia & singula propter hominem, & ejus vitam æternam; num Natura ex aliquo amore per aliquam sapientiam potest intendere fines, prospicere causas, &

& sic providere effectus, ut talia in suo ordine existant; & num potest ab hominibus facere Angelos, & ex his Cælum, & facere, ut illi qui ibi sunt, vivant in æternum: pone hæc, & cogita, & cadet tua idea de existentia naturæ a natura. Post hæc quæsivimus illum, quid cogitaverat, & quid nunc cogitat de TERTIO, DE CENTRO ET EXPANSO NATURÆ ET VITÆ; num credit quod Centrum & Expansum Vitæ sit idem cum Centro & Expanso Naturæ; dixit, quod hæreat, & quod prius cogitaverit, quod interior activitas Naturæ sit Vita, & quod Amor & Sapientia, quæ essentialiter faciunt hominis vitam, sint inde; & quod ignis Solis per calorem & lucem, mediis atmosphæris, producat illam; at quod nunc ex auditis de hominum vita post mortem, in ambiguo sit, & quod hoc ambiguum ferat mentem jam sursum jam deorsum, & cum sursum, agnoscat Centrum, de quo prius non aliquid noverat, & cum deorsum, videat Centrum quod credidit Unicum, & quod Vita sit ex Centro, de quo prius non aliquid sciverat, & quod Natura sit ex Centro, quod prius credit unicum esse, & quod utrumque Centrum habeat Expansum circum se. Ad hæc diximus, Bene, modo etiam velit ex Centro & Expanso Vitæ spectare Centrum & Expansum Naturæ, & non vice versa: & instruximus illum, quod supra Cælum Angelicum sit Sol, qui est purus Amor, ad apparentiam igneus sicut Sol mundi, & quod ex Calore, qui procedit ex illo Sole, sit angelis & hominibus Voluntas & Amor, & quod ex Luce inde sit illis Intellectus & Sapientia; & quod illa quæ inde sunt, dicantur spiritualia, & quod illa quæ ex Sole Mundi procedunt, sint continentia seu receptacula vitæ, & dicantur Naturalia: tum quod Expansum Centri vitæ dicatur MUNDUS SPIRITALIS, qui ex suo Sole subsistit, & quod Expansum Centri Naturæ dicatur MUNDUS NATURALIS, qui ex suo Sole subsistit. Nunc quia de Amore & Sapientia non prædicari possunt Spatia & Tempora, sed pro illis Status, sequitur quod Expansum circum Solem Cæli Angelici, non sit Externum, sed usque in Extenso Solis naturalis, & apud subiecta viva ibi secundum receptiones, & receptiones secundum formas & status. Sed tunc quæsivit, unde ignis Solis mundi seu naturæ, respondebamus, quod sit ex Sole Cæli Angelici, qui non est ignis, sed Divinus Amor proxime procedens a Deo, Qui in medio ejus est: hoc quia miratus est, demonstravimus ita; Amor in sua essentia est spiritualis ignis, inde est, quod ignis in Verbo in spirituali ejus sensu significet amorem, unde orant in Templis Sacerdotes, ut Ignis cælestis impleat corda, per quem intelligunt amorem; ignis Altaris, & ignis Candelabri in Tabernaculo apud Israelitas, non aliud quam Divinum Amorem repræsentavit; Calor sanguinis, seu Calor vitalis hominum, & in genere animalium, non aliunde est, quam ex amore, qui facit vitam illorum; inde est, quod homo incendatur, incalescat & inflammetur, dum amor ejus exaltatur in zelum, aut excitatur in iram & excandescientiam: quare ex eo, quod Calor spiritualis, qui est Amor, producat calorem naturalem apud homines, usque ut accendat & inflammet illorum facies & artus, constare potest, quod Ignis Solis naturalis non aliunde extiterit, quam ex Igne Solis spiritualis, qui est Divinus Amor. Nunc quia Expansum oritur ex Centro, & non vicissim, ut supra diximus, & Centrum vitæ, quod est Sol Cæli Angelici, est Divinus Amor proxime procedens a Deo, Qui in medio illius Solis est; & quia inde est Expansum illius Centri, quod vocatur Mundus spiritualis, & quia ex illo Sole extiterat Sol Mundi, & ex hoc Expansum ejus, quod vocatur Mundus naturalis, patet, quod Universum a Deo creatum sit. Post hæc abivimus, & ille comitatus est nos extra atrium sui Gymnasii, & loquutus est cum nobis de Cælo & Inferno, & de Divino auspicio, ex nova ingenii sagacitate.

DE DEI ESSENTIA, QUÆ EST DIVINUS AMOR ET DIVINA SAPIENTIA.

36. Distinximus inter Esse Dei & Essentiam Dei, quia inter Infinitatem Dei & Amorem Dei, ac Infinitas applicate dicitur de Esse Dei, ac Amor de Essentia Dei; est enim, ut supra dictum, Esse Dei universalius quam Essentia Dei, similiter Infinitas universalior quam Amor Dei, quapropter Infinitum fit adjectivum Essentialium & Attributorum Dei, quæ omnia Infinita dicuntur, sicut de Divino Amore quod Infinitus sit, de Divina Sapientia quod Infinita, de Divina Potentia similiter: non quod Esse Dei præexistat, sed quia ingreditur Essentiam ut adjunctivum co-hærens, determinans, formans, & simul elevans. Sed hoc Membrum hujus Capitatis, ut priora, in sequentes Articulos dispegetur. I. Quod Deus sit ipse Amor & ipsa Sapientia, & quod hæc duo faciant Essentiam Ipsius. II. Quod Deus sit ipsum Bonum & ipsum Verum, quia Bonum est amoris, & Verum est Sapientiae. III. Quod ipse Amor & ipsa Sapientia sint ipsa Vita, quæ est Vita in se. IV. Quod Amor & Sapientia in Deo unum faciant. V. Quod Essentia amoris sit amare alios extra se, velle unum cum illis esse, & beatificare illos ex se. VI. Quod hæc amoris Divini fuerint causa creationis Universi, & quod sint causa conservationis ejus. Sed de his singulatim.

37. I. QUOD DEUS SIT IPSE AMOR ET IPSA SAPIENTIA, ET QUODILLA DUO FACIANT ESSENTIAM IPSIUS. Quod Amor & Sapientia sint duo Essentialia, ad quæ se referunt omnia Infinita, quæ in Deo sunt, & quæ a Deo procedunt, prima Antiquitus vidit; sed Ætates sequentes successive, sicut mentes detraxerunt e Cælo, & illas mundanis & corporeis immerserunt, non potuerunt videre; inceperunt enim non scire quid Amor in sua essentia, & inde quid Sapientia in sua, nescientes quod Amor abstractus a forma non dabilis sit, & quod in forma & per formam operetur. Nunc quia Deus est ipsa, & unica, & sic prima Substantia & Forma, quarum Essentia est Amor & Sapientia, & quia ex Ipso facta sunt omnia quæ facta sunt, sequitur, quod Universum cum omnibus & singulis ejus ex Amore per Sapientiam creaverit, & quod inde Divinus Amor una cum Divina Sapientia in omnibus & singulis subjectis creatis sit: est quoque Amor, non modo Essentia formans omnia, sed etiam uniens & conjungens illa, & sic continens formata in nexus. Hæc illustrari possunt per innumerabilia in Mundo; sicut per CALOREM & LUCEM & Sole, quæ sunt duo Essentialia & Universalia, per quæ super Tellure omnia & singula existunt & subsistunt; hæc ibi sunt, quia Divinò Amori & Divinæ Sapientiæ correspondent, Calor enim, qui e Sole Mundi spiritualis procedit, in sua essentia est Amor, & Lux inde in sua essentia est Sapientia. Illustrari etiam hæc possunt per duo essentialia & universalia, per quæ Mentes humanæ existunt & subsistunt, quæ sunt VOLUNTAS & INTELLECTUS; ex his duobus enim cujusvis Mens consistit, & illa duo in omnibus & singulis ejus sunt & operantur; causa est, quia Voluntas est receptaculum & habitaculum amoris, ac Intellectus sapientiae similiter; quapropter duo illa correspondent Divino Amori & Divinæ Sapientiæ, ex quibus originitus sunt. Porro eadem illa illustrari possunt per duo Essentialia & Universalia, per quæ Corpora humana existunt & subsistunt, quæ sunt COR & PULMO, seu systole & diastole cordis, ac respiratio pulmonis, quod hæc duo operentur in omnibus & singulis ibi, notum est, causa est, quia Cor correspondet amori, & Pulmo sapientiae, quæ Correspondentia in SAPIENTIA ANGELICA DE DIVININO AMORE ET DIVINA SAPIENTIA, Amstelodamij evulgata, plene demonstrata est. Quod Amor sicut sponsus & maritus

por-

producat seu generet omnes formas, sed per sapientiam ut sponsam & uxorem, ex innumerabilibus in utroque Mundi, Spirituali & Naturali, convinci potest: hoc solum memorandum est, quod Universum Cælum Angelicum disponatur in suam formam, & contineatur in illa, ex Divino Amore per Divinam Sapientiam: illi, qui aliunde quam ex Divino Amore per Divinam Sapientiam, deducunt creationem Mundi, & non sciunt quod duo illa faciant Divinam Essentiam, illi descendunt a visu rationis ad visum oculi, & Naturam ut creatricem Universi osculantur, & inde concipiunt chimeras, & parturunt larvas; cogitant fallacias, ex illis ratiocinantur, & concludunt ova, in quibus sunt aves noctis; tales non vocari possunt Mentes, sed Oculi & Aures absque intellectu, seu Cogitationes absque anima; loquuntur de coloribus sicut exiterent absque luce, de existentia arborum sicut absque semine, & de omnibus Mundi sicut absque Sole, quoniam principiata faciunt principia, & causata causas, & sic resupinant omnia, & vigilias rationis sopiunt, & sic somnia vident.

38. II. QUOD DEUS SIT. IPSUM BONUM ET IPSUM VERUM, QUIA BONUM EST AMORIS, ET VERUM EST SAPIENTIAE. Universaliter notum est, quod omnia se referant ad bonum & verum, indicium quod omnia ex Amore & Sapientia existerint, omne enim quod procedit ex amore, vocatur bonum, hoc enim sentitur, & jucundum, per quod amor se manifestat, est cuius bonum; omne autem id quod procedit ex Sapientia, vocatur verum, sapientia enim non nisi quam ex veris consistit, & afficit sua objecta amæna lucis, & hoc amænum, dum percipitur, est verum ex bono; quare Amor est complexus omnium bonitatum, & Sapientia est complexus omnium veritatum; sed haec & illæ sunt a Deo, qui est ipse Amor & inde ipsum Bonum, ac ipsa Sapientia & inde ipsum Verum. Inde est, quod in Ecclesia sint duo essentialia, quæ vocantur Charitas & Fides, ex quibus omnia & singula ejus consistunt, & quæ in ejus omnibus & singulis erunt; causa est, quia omnia bona Ecclesiae sunt charitatis, & vocantur Charitas, & omnia vera ejus sunt fidei, & vocantur fides: jucunda amoris, quæ etiam sunt jucunda charitatis, faciunt ut jucunda dicantur bona, & amæna sapientiae, quæ etiam sunt amæna fidei, faciunt ut vera dicantur vera, nam jucunda & amæna faciunt vitam illorum; absque vita ex illis, bona & vera sunt sicut inanimata, & quoque sunt sterilia. Sed Iucunda amoris sunt duplicitis generis, similiter Amæna, quæ apparent sicut sapientiae; nempe jucunda Amoris boni, & jucunda amoris mali, & inde amæna fidei veri & amæna fidei falsi; duo illæ jucunda Amoris in subjectis, in quibus sunt, ex sensatione illorum, vocantur bona, & duo illæ amæna fidei, ex perceptione illorum etiam vocantur bona, sed quia in intellectu sunt, non aliud sunt quam vera; tametsi sibi opposita sunt, ac unius amoris bonum est bonum, & alterius amoris bonum est malum, tum unius fidei verum est verum, & alterius fidei verum est falsum: sed Amor, cuius jucundum est essentialiter bonum, est sicut calor Solis fructificans, vivificans, & operans in humum fertilem, inque arbores usus, & in segetes; & ubi operatur, fit sicut paradisus, hortus Jehovæ, & sicut terra Canaan; & amænum veri ejus, est sicut lux e Sole tempore veris, & sicut lux influens in vas chrystillinum, in quo sunt flores pulchri, & ex quo aperto exspiratur suaveolentum; at jucundum amoris mali est sicut calor Solis exsiccans, enecans, & operans in humum sterilem, & in arbores noxae, ut in spinas & fentes, & ubi operatur, fit desertum Arabiacæ, ubi serpentes hydræ & presteres; & amænum falsi ejus, est sicut lux e Sole tempore hyemis, & sicut lux influens in utrem, in quo sunt vermes natantes in aceto, & reptilia nidoris terti. Sciendum est, quod omne bonum se formet per vera, & quoque se amiciat per illa, & sic se ab alio bono distinguat; & quoque quod bona unius prosapia se in fasciculos ligent, & simul hos amiciant, & sic se ab aliis distinguant; quod ita facit formationes, patet ex omnibus & singulis in Corpore humano; quod simile

fiat in Mente humana, constat ex causa, quod perpetua Correspondentia omnium mentis sit cum omnibus corporis: inde sequitur, quod Mens humana organizata sit, interius ex substantiis spiritualibus, & exterius ex substantiis naturalibus, & demum ex materialibus; Mens, cuius amoris jucunda sunt bona, interius ex substantiis spiritualibus, quales sunt in Cælo, at Mens, cuius jucunda sunt mala, interius ex substantiis spiritualibus, quales sunt in inferno, & hujus mala ligantur in fasciculos per falsa, & illius bona in fasciculos per vera; quoniam tales colligationes bonorum & malorum sunt, ideo Dominus dicit, *quod Zizania in fasciculos colligenda sint ad comburendum, & similiter offendicula*, Matth. XIII: 30, 40, 41. Joh. XV: 6.

39. III. QUOD DEUS, QUA EST IPSE AMOR ET IPSA SAPIENTIA, SIT IPSA VITA, QUA EST VITA IN SE. Dicitur apud Johannem, *Verbum erat apud Deum, & Deus erat Verbum, in Ipsi Vita erat, & Vita erat Lux hominum*, Cap. I: 1, 4; per Deum ibi intelligitur Divinus Amor, & per Verbum Divina Sapientia; ac Divina Sapientia proprie est Vita, ac Vita proprie est Lux, quæ procedit a Sole Mundi spiritualis, in cuius medio est Jehovah Deus: Divinus Amor format Vitam, sicut ignis format lucem: in Igne sunt duo, Causticitas & Splendor, ex causticitate ejus procedit calor, & ex splendore ejus procedit lux; similiter in Amore sunt duo, unum cui causticitas ignis correspondet, & est quoddam intime afficiens voluntatem hominis, & alterum, cui splendor ignis correspondet, & est quoddam intime afficiens intellectum hominis; inde est homini amor & intelligentia; nam, ut supra aliquoties dictum est, ex Sole Mundi spiritualis procedit Calor, qui in essentia sua est amor, & Lux quæ in essentia sua est sapientia; illa duo influunt in omnia & singula Universi, & illa intime afficiunt, & apud homines in eorum voluntatem & intellectum, quæ duo creata sunt receptacula influxus, voluntas receptaculum amoris, ac intellectus receptaculum sapientiae: inde patet, quod vita hominis habitet in Intellectu, & quod talis sit, qualis est sapientia ejus, & quod amor voluntatis modifiet illam.

40. Apud Johannem etiam legitur; *Quemadmodum Pater habet vitam in Seipso, ita dedit etiam Filio vitam habere in Seipso*, Cap. V: 26; per quod intelligitur, quod quemadmodum ipsum Divinum quod fuit ab æterno, vivit in Se, ita quod Humanum, quod suscepit in tempore, vivat in Se; Vita in se, est ipsa & unica Vita, e qua omnes angeli & homines vivunt. Ratio humana potest hoc videre ex Luce quæ procedit ex Sole Mundi naturalis, quod hæc non creabilis sit, sed quod formæ recipientes illam creatæ sint, oculi enim sunt ejus formæ recipientes, & lux influens e Sole facit, ut illi videant: simile est cum Vita, quæ, ut dictum, est Lux procedens ex Sole Mundi spiritualis, quod non creabilis sit, sed quod influat continue, ac sicut illuminat, etiam vivificet Intellectum hominis: consequenter, quod quia Lux, Vita, & Sapientia, unum sunt, Sapientia non creabilis sit, similiter nec fides, nec verum, nec amor, nec charitas, nec bonum, sed quod formæ recipientes illa, creatæ sint; Mentes humanae & angelicæ sunt formæ illæ. Cayeat itaque sibi quisque, ut persuadeat sibi, quod vivat ex se, tum quod sapiat, credat, amet, verum percipiat, & bonum velit & faciat ex se; quantum enim quis illa sibi persuadet, tantum mentem suam e Cælo in terram dejicit, & a spirituali fit naturalis, sensualis, & corporeus, occludit enim superiores regiones: Menti suæ, unde quoad omnia quæ Dei, quæ Cæli, & quæ Ecclesiae sunt, fit cæcus, & tunc omne, quod de illis forte cogitat, ratiocinatur, & loquitur, fit in fatuitate, quia in tenebris, & tunc simul attrahit fiduciam quod illa sint sapientiæ; occlusis enim regionibus mentis superioribus, ubi lux vitæ vera habitat, aperit se regio mentis infra illas, in quam modo lumen Mundi admittitur, & hoc lumen separatum a luce superiorum, est lumen fatuum, in quo falsa apparent sicut vera, & vera sicut falsa, ac ratiocinatio ex falsis sicut sapientia, & ex veris sicut

cut insania, & tunc ille credit se acie aquilæ pollere, tametsi illa quæ sapientia sunt, non plus videt quam vespertino in luce diurna.

41. IV. QUOD AMOR ET SAPIENTIA IN DEO UNUM FACIANT. Omnis Sapiens in Ecclesia novit, quod omne bonum amoris & charitatis sit a Deo, similiter omne verum sapientiae & fidei; quod ita sit, Ratio humana etiam videre potest, dummodo scit, quod origo amoris & sapientiae sit e Sole Mundi spiritualis, in cuius modo est Jehovah Deus, seu quod idem est; quod sit a Jehovah Deo per Solem, qui circum circa Illum est; Calor enim procedens e Sole illo in essentia sua est amor, & Lux inde procedens in essentia sua est sapientia; inde ut in clara die pater, quod amor & sapientia in illa origine unum sint, proinde in Deo, ex Quo origo illius Solis. Illustrari etiam hoc potest, ex Sole Mundi naturalis, qui est purus Ignis, quod ex igneo ejus procedat calor, & quod ex splendore ignei ejus procedat lux, & sic quod utrumque in origine sua unum sit. Quod autem in procedendo dividantur, constat ex subjectis, quorum aliqua plus calor, & aliqua plus lucis recipiunt; hoc imprimis fit apud homines; in his Lux vitæ, quæ est intelligentia, & calor vitæ qui est amor, dividuntur; quod fit ex causa, quia homo reformandus & regenerandus est, & hoc non fieri potest, nisi Lux vitæ, quæ est Intelligentia, doceat quid volendum & amandum est: sciendum tamen est, quod Deus continue operetur conjunctionem amoris & sapientiae apud hominem, sed quod homo nisi spectet ad Deum, & credat in Ipsum, continue operetur divisionem; quare quantum duo illa, bonum amoris aut charitatis ac verum sapientiae aut fidei, conjunguntur apud hominem, tantum homo fit imago Dei, ac elevatur ad Cælum & in Cælum ubi sunt angeli; & vicissim, quod quantum duo illa dividuntur ab homine, tantum homo fiat imago Luciferi & Draconis, & dejiciatur e Cælo in terram, & dein sub terram in Infernum: ex Conjunctione duorum illorum, fit status hominis sicut status arboris tempore veris, quando calor se ex æquo conjungit cum luce, unde ejus germinatio, florescentia, & fructificatio; at vicissim ex divisione duorum illorum, fit status hominis sicut status arboris tempore hyemis, quando calor a luce recedit, unde ejus denudatio & decalvatio, ab omni folio & fronde. Quando spiritualis calor, qui est amor, separat se a spirituali luce, quæ est sapientia, seu, quod idem est, charitas a fide; fit homo sicut humus acescens aut putrescens, in qua nascuntur vermes, & si producit virgultæ, folia illorum implentur pediculis, & consumuntur; illecebræ enim amoris mali, quæ in se sunt concupiscentiae, erumpunt, quas Intelligentia non domat & refrænat, sed diligit, educat & nutrit: verbo, dividere amorem & sapientiam, seu charitatem & fidem, quæ duo Deus continue conatur conjugere, comparative est sicut orbare faciem rubore, unde pallor sicut mortui, aut auferre candorem a rubore, unde facies fit sicut fax inflammata: & quoque fit sicut vinculum conjugiale solvere inter duos, & facere ut uxor fiat meretrix, & vir adulter; amor enim aut charitas est sicut maritus, ac sapientia aut fides est sicut uxor, & cum duo illa separantur, fit spiritualis meretricio & scortatio, quæ sunt falsificatio veri & adulteratio boni.

42. Praeter hæc sciendum est, quod tres gradus amoris & sapientiae, & inde tres gradus vitæ sint, & quod Mens humana secundum hos gradus sicut in regiones formata sit, & quod vita in suprema regione in supremo gradu sit, in secunda regione in minore gradu, & quod in ultima regione in infimo gradu; hæ regiones aperiuntur successively apud homines; ultima regio, ubi vita in infimo gradu est, ab infantia ad pueritiam, & hoc fit per scientias; secunda regio, ubi vita est in majore gradu, a pueritia ad adolescentiam, & hoc fit per cogitationes ex scientiis; & suprema regio, ubi vita in supremo gradu est, ab adolescentia ad juventutem, & porro, & hoc fit per perceptiones veritatum & moralium & spirituum: ulterius sciendum est, quod perfectio vitæ non consistat in cogitatione, sed in perceptione veri ex luce veri; differentiae vitæ apud homines inde possunt con-

cludi; dantur enim qui illico dum audiunt verum, percipiunt quod verum sit, hi in Mundo spirituali repræsentantur per aquilas; dantur qui non percipiunt verum, sed concludunt illud ex confirmationibus per apparentias, hi repræsentantur per aves canoras; dantur qui credunt verum esse, quia dictatum a viro auctoritatis, hi repræsentantur per picas; & insuper dantur, qui non volunt, tum qui non possunt, percipere verum, sed modo falsum, causa est, quia in luce fatua sunt, in qua luce falsum apparet sicut verum, ac verum vel sicut aliquod supra caput in densa nube, absconditum, vel sicut meteoron, vel sicut falsum, horum cogitationes repræsentantur per noctuas, & loquelæ per ululas; illi ex his, qui confirmaverunt sua falsa, non sustinent audire vera, ac ut primum aliquod verum auris eorum ostium pulsat, ex aversatione repellunt illud, vix aliter quam stomachus biliosis differtus cibum ex nausea evomit.

43. V. QUOD ESSENTIA AMORIS SIT AMARE ALIOS EXTRA SE, VELLE UNUM CUM ILLIS ESSE, ET BEATIFICARE ILLOS EX SE. Sunt duo, quæ faciunt essentiam Dei, Amor & Sapientia, at sunt tria quæ faciunt essentiam amoris Ipsiœ, amare alios extra se, velle unum cum illis esse, & beatificare illos ex se; eadem tria etiam faciunt essentiam sapientiae Ipsiœ, quia Amor & Sapientia in Deo unum faciunt, ut supra ostensum est, at Amor vult illa, & Sapientia producit illa. PRIMUM ESSENTIALE, quod est amare alios extra se, agnoscitur ex amore Dei erga totum Genus humanum, & propter illud amat Deus omnia quæ creavit, quia sunt media, nam qui amat finem, etiam amat media: omnes & omnia in Universo sunt extra Deum, quia sunt finita, & Deus est Infinitus: amor Dei vadit & extendit se non modo ad bonos & bona, sed etiam ad malos & mala, proinde non modo ad illos & illa, quæ in Cælo sunt, sed etiam ad illos & illa quæ in Inferno sunt, ita non modo ad Michaelem & Gabrielem, sed etiam ad diabolum & satanam, est enim Deus ubivis & ab æterno in æternum Idem; dicit etiam, quod faciat Solem suum exoriri super bonos & malos; ac quod pluviam mittat super justos & injustos, Matth. V: 45; sed quod usque mali sint mali, ac mala sint mala, est in ipsis subjectis & objectis, quod non recipiant amorem Dei qualis est, & intime inest, sed quales ipsi sunt, similiter ut facit spina & urtica cum calore solis, & cum pluvia cæli. SECUNDUM ESSENTIALE AMORIS DEI, quod est velle unum cum illis esse, agnoscitur etiam ex conjunctione Ipsiœ cum Cælo Angelico, cum Ecclesia in terris, cum unoquovis ibi, & cum omni bono & vero, quæ hominem & Ecclesiam ingrediuntur & faciunt; amor etiam in se spectatus non aliud est quam natus ad conjunctionem: quapropter ut hoc essentia amoris obtinereatur, Deus creavit hominem in imaginem & similitudinem suam, cum qua conjunctione fieri potest: quod Amor Divinus continue intendat conjunctionem, patet a Domini verbis, quod velit ut unum sint, Ipse in illis & illi in Ipsiœ, ac ut amor Dei in illis sit, Joh. XVII: 21. 22. 23. 26. TERTIUM ESSENTIALE AMORIS DEI, quod est beatificare illos a se, agnoscitur ex vita æterna, quæ est beatitudo, faustitas, & felicitas absque fine, quam Deus dat illis, qui amorem Ipsiœ in se recipiunt; Deus enim sicut est ipse Amor, etiam est ipsa Beatitudo, nam omnis amor jucundum a se exspirat, & Divinus amor ipsum beatum, faustum, & felix in æternum, ita Deus beatificat Angelos, ac homines post mortem a se, quod sit per conjunctionem cum illis.

44. Quod Divinus Amor talis sit, cognoscitur ex Sphæra ejus, quæ pervadit Universum, ac afficit unumquemvis secundum ejus statum; illa imprimis afficit Parentes, ex qua est quod tenere ament liberos suos, qui sunt extra illos, quod veliat unum cum illis esse, & quod velint beatificare illos ex se; hæc Divini Amoris Sphæra non modo afficit bonos sed etiam malos, & non modo homines, sed etiam bestias & aves omnis generis; quid mater aliud cogitat dum peperit factum, quam se illi sicut unire, & prospicere ejus bono; quid avis aliud, cum exclusit pullos ex ovis, quam fovere illos sub alijs, & per oscula inferre escas in guttura illorum; quod

quod dracones & viperæ etiam suam progeniem ament, notum est. Universalis illa sphæra afficit in specie illos qui Amorem illum Dei in se recipiunt, qui sunt qui credunt in Deum, & amant proximum, charitas apud illos est imago illius amoris. Amicitia inter non bonos illum amorem etiam simulat; amicus enim ad mensam suam dat amico potiora, illum osculatur, palpat & conjuigit manus, ac pollicetur officia usus. Sympathica ac nifus homogeneorum & similium ad conjunctionem non aliunde ducunt originem. Eadem illa Divina Sphæra operatur etiam in inanimata, ut in arbores & herbas, sed per Solem Mundi, & ejus calorem & lucem, calor enim intrat illas ab extra, conjungit se cum illis, & facit ut germinent, florescant, & fructifcent, quæ vice beatitudinis sunt in animatis, hoc facit ille calor, quia correspondet calori spirituali, qui est amor. Operationis hujus amoris repræsentationes dantur etiam in variis subjectis Regni mineralis; typica ejus sistuntur in exaltationibus illorum ad usus & inde pretiositates.

45. Ex descriptione Essentialæ Divini amoris, videri potest qualis est essentia amoris diabolici, hoc videri potest ex opposito; amor diabolicus est amor sui, & hic vocatur amor, sed in se spectatus est odium, non enim amat quemquam extra se, nec vult conjungi alii ^{ut} benefaciat illis, sed modo ut sibi; ex intimo sui continue affectat imperare super omnes, & quoque possidere omnium bona, & demum ut adoretur sicut Deus: quæ causa est, quod illi qui in Inferno sunt, non agnoscent Deum, sed pro diis illos, qui potestate super alios valent, ita inferiores & superiores, seu minores & majores deos secundum extensionem potestatis; & quia quisque ibi id corde gerit, flagrat etiam odio contra suum deum, & hic contra illos qui sub imperio ejus sunt, & reputat illos ut viles servos, cuin quibus quidem blande loquitur, quamdui adorant, sed furit sicut ex igne contra reliquos, & quoque interius seu in corde contra clientes; est enim amor sui idem cum amore latronum, qui se mutuo osculantur, quando in latrociniis sunt, sed postea ardent cupidine occidendi illos, ut illorum prædas etiam latrocinentur. Hic amor in causa est, quod cupiditates ejus in Inferno, ubi regnat, e longinquo apparent sicut variae species færarum, quædam sicut vulpes & pardi, quædam sicut lupi, & tigrides, & quædam sicut crocodili & serpentes venenati: & quod deserta, ubi vivunt, non consistant nisi ex strubis lapidum, aut ex nuda glarea, intermixtis paludibus, in quibus crocitant ranæ; & quod super mapalia illorum volent aves lugubres, & ululent: ochim, tziim, & jiim, qui in propheticis Verbi, ubi de amore imperandi ex amore sui, nominantur, non aliud sunt, Esaj. XIII: 21. Jerem. L: 39. Psalm. LXXIV: 14.

46. VI. QUOD HÆC AMORIS DIVINI FUERINT CAUSA CREATIONIS UNIVERSI, ET QUOD SINT CAUSA CONSERVATIONIS EJUS. Quod illa tria Essentialia amoris Divini fuerint causa Creationis, ex scrutinio & examine illorum perspici potest; quod hoc PRIMUM, quod est amare alios extra se, fuerit causa, constat ex Universo, quod sit extra Deum, sicut Mundus est extra Solem, & in quod potest amorem suum extendere, & in quo illum exercere, & sic quiescere; legitur etiam, quod postquam Deus creaverat Cælum & Terram, quieverit, & quod inde factus sit dies Sabbathi, Gen. II: 2. 3. Quod SECUNDUM, quod est velle unum esse cum illis, fuerit causa, constat ex creatione hominis in imaginem & similitudinem Dei, per quas intelligitur, quod homo factus sit forma recipiens amorem & sapientiam a Deo, ita cum quo Deus se potest unire, & propter illum cum omnibus & singulis Universi, quæ non aliud sunt quam media; nam conjunctio cum causa finali est quoque conjunctio cum causis mediis; quod omnia propter Hominem creati sint, patet etiam ex Libro Creationis seu Genesi, Cap. I: 28. 29. 30. Quod TERTIUM, quod est beatificare illos ex se, sit causa, constat ex Cœlo Angelico, quod provisum est omni homini, qui amorem Dei recipit, ubi omnium beatificatio est a Solo Deo. Quod tria illa essentialia amoris Dei etiam sint causa conservationis Uni-

Universi, est quia Conservatio est perpetua Creatio, sicut subsistens est perpetua existentia; ac Divinus Amor ab aeterno in aeternum est idem, ita qualis fuit in creando Mundum, talis est & manet in illo creato.

47. Ex his rite perceptis videri potest, quod Universum sit Opus cohaerens a primis ad ultima, quia est opus continens Finium, Causarum, & Effectuum in nexu indissolubili: & quia in omni amore est finis, in omni sapientia est promotio finis per causas medias, & per has ad effectus, qui sunt usus, consequitur etiam quod Universum sit Opus cohaerens Divini Amoris, Divinæ Sapientiæ, & Usuum, & sic omnino Opus cohaerens a primis ad ultima. Quod Universum consistat ex perpetuis Usibus productis a Sapientia ac initiatis ab Amore, omnis sapiens potest contemplari sicut in speculo; dum communem ideam de Creatione universi sibi comparat, & in illa particularia tuerit, particularia enim adaptant se suo communi, & commune disponit illa in formam ut concordent; quod ita sit, in sequentibus per plura illustrabitur.



48. His adjicitur hoc MEMORABILE. Quondam cum duobus Angelis loquutus sum, unus erat e Cælo orientali, alter e Cælo meridionali; qui cum perceperunt quod Arcana sapientiæ de Amore meditarer, dicebant, noscere aliquid de Ludis sapientiæ in nostro Mundo, respondi quod nondum; & dixerunt, sunt plures, & quod illi, qui amant vera ex affectione spirituali, seu vera quia vera sunt, & quia per illa est sapientia, ad datum signum convenient, ac ventilent & concludant illa quæ profundioris intellectus sunt. Illi tunc prehenderunt me manu, inquietus, sequere nos, & videbis & audies, datum est hodie signum conventus. Ducebar per planitatem ad collem, & ecce ad pedem collis porticus ex palmis, continuatus usque ad ejus caput; intravimus illum, & ascendimus; & super capite seu vertice collis visus est Lucus, inter eius arbores humus elevata formabat sicut Theatrum, intra quod erat Planum lapillis varie coloratis stratum: circum illud in forina quadrata posita erant Solia, super quibus sedebant amatores sapientiæ; & in medio Theatri erat Mensa, super qua posita fuit Charta sigillo obsignata. Sedentes super Soliis invitabant nos ad Solia adhuc vacua, & respondi, hic ductus sum a duobus Angelis, ut videam & auscultem, & non ut sedeam: & tunc bini illi Angeli in medium Plani ad mensam ibant, & sigillum chartæ solvebant, & coram sedentibus legebant arcana sapientiæ Chartæ inscripta, quæ nunc ventilarent & evolverent; scripta fuerunt ab Angelis tertii Cæli, & super mensam demissa; erant tria Arcana, PRIMUM, quid *Imago Dei*, & quid *Similitudo Dei*, in quas homo creatus est. SECUNDUM, cur homo non nascitur in scientiam ullius amoris, cum tamē Bestiæ & Aves, tam nobiles quam ignobiles nascuntur in scientias omnium suorum amorum. TERTIUM, quid significat Arbor vita, & quid Arbor scientiæ boni & mali, & quid *Ejus ex illis*: his subscriptum erat, conjungite illa tria in unam sententiam, & scribite hanc super Charta nova, & illam reponite super hac Mensa; & videbimus; si sententia super lance æquilibris & justa appetet, dabitur cuique vestrum præmium sapientiæ. His lectis recesserunt bini Angeli, ac sublati sunt in suos Cælos. Et tunc Sedentes super Soliis incipiebant ventilare & evolvere Arcana illis proposita; & loquuti sunt in ordine, primum, qui sedebant ad Septentrionem, dein illi qui ad Occidentem, postea qui ad Meridiem, & ultimo qui ad Orientem; & assumerunt Primum subiectum ventilationis, quod erat, *Quid IMAGO DEI, ET QUID SIMILITUDO DEI, IN QUAS HOMO CREATUS EST;* & tunc primum ex Libro creationis coram omnibus lecta sunt hæc „*Dixit Deus, faciamus hominem in IMACINEM NOSTRAM, secundum SIMILITUDINEM NOSTRAM:* & *creavit Deus hominem*

hominem in: IMAGINEM SUAM, in SIMILITUDINEM DÆI fecit eum, Gen. I: Quo die Deus creavit hominem, in SIMILITUDINEM DÆI fecit eum. Genes. V: 16.

Illi qui sedebant ad SEPTENTRIONEM primum loquuti sunt, dicentes, quod Imago Dei & Similitudo Dei, sint binae Vitæ homini a Deo inspiratae, quæ sunt Vita voluntatis & Vita intellectus, nam legitur, *Jehovah Deus inspiravit in nares Adami animam VITARUM, & factus est homo in Animam viventem, Genes. II: 7;* per quæ videtur intelligi, quod ei inspirata sit Voluntas boni, & Perceptio veri, & sic Anima vitarum; & quia vita a Deo illi inspirata est, Imago & Similitudo significant integratem ex amore & sapientia, exque justitia & judicio in illo. His illi qui sedebant ad OCCIDENTEM favebant, adjiciendo tamen hoc, quod status integratatis illi a Deo inspiratus, cuivis homini post illum continue inspiratur; sed quod in homine sit sicut in receptaculo, ac homo, sicut est receptaculum, est imago & similitudo Dei. Postea Tertiis in ordine, qui erant qui sedebant ad MERIDIEM, dixerunt; Imago Dei & Similitudo Dei sunt duo distincta, sed in homine a creatione unita, & videmus sicut ex quadam luce interiore, quod imago Dei possit disperdi ab homine, non autem similitudo Dei; hoc apparet sicut per transennam ex eo, quod Adamus retinuerit similitudinem Dei, postquam amiserat imaginem Dei, nam legitur post maledictionem, *Ecce homo est sicut unus ex nobis, sciendo bonum & malum, Gen. III: 22.* & postea vocatur similitudo Dei, & non imago Dei, Gen. VI: 1, sed relinquamus consociis nostris, qui ad Orientem sedent, & inde in superiore luce sunt, dicere, quid proprie imago Dei, & quid proprie similitudo Dei. Et tunc post silentium factum, Sedentes ad Orientem e foliis surrexerunt, & suspicerunt ad Dominum, & post remiserunt se super folia, & dixerunt; quod Imago Dei sit receptaculum Dei, & quia Deus est ipse Amor & ipsa Sapientia, quod Imago Dei sit receptio amoris & sapientiae a Deo in illo: at quod Similitudo Dei sit perfecta similitudo & plena apparentia sicut amor & sapientia sint in homine, & inde prorsus sicut ejus; homo enim non sentit aliter, quam quod amet a se & sapiat a se, seu quod bonum velit & verum intelligat a se; cum tamen ne hilum a se, sed a Deo; Solus Deus amat a se, & sapit a se, quia Deus est ipse Amor & ipsa Sapientia; similitudo seu apparentia, quod amor & sapientia, seu bonum & verum, sint in homine sicut ejus, facit ut homo sit homo, utque possit conjungi Deo, & sic vivere in æternum; ex quo fluit, quod homo sit homo ex eo, quod possit velle bonum ac intelligere verum prorsus sicut a se, & usque scire & credere quod a Deo, nam sicut hoc seit & credit, ponit Deus imaginem suam in homine; aliter si crederet quod a se & non a Deo. His dictis, supervenit illos zelus ex amore veritatis, ex quo loquuti sunt hæc; quomodo potest homo recipere aliquid amoris & sapientiae, ac retinere illud, & reproducere illud, nisi sentiat illud sicut suum; & quomodo potest conjunctio dari cum Deo per amorem & sapientiam, nisi datum sit homini aliquid reciprocum conjunctionis, nam absque reciproco nulla conjunctio dabilis est; & reciprocum conjunctionis est, quod homo amet Deum, & faciat illa quæ Dei sunt, sicut a se, & tamen credit quod a Deo; tum quomodo potest homo vivere in æternum, nisi conjunctus sit Deo æterno; consequenter quomodo homo potest esse homo, absque illa similitudine in illo. His dictis faverunt omnes, & dixerunt, fiat Concilium ex his, & factum est hoc: Homo est receptaculum Dei, & Receptaculum Dei est Imago Dei; & quia Deus est ipse Amor & ipsa Sapientia, est homo Receptaculum illorum, ac Receptaculum fit imago Dei sicut recipit: & quod homo sit similitudo Dei ex eo, quod sentiat in se, quod illa quæ a Deo sunt, sint in illo sicut ejus; at usque quod tantum ex similitudine illa sit Imago Dei, quantum agnoscit, quod amor & sapientia, seu bonum & verum, non sint in illo ejus, & inde nec ab illo, sed solum in Deo, & inde a Deo.

Post hæc Alterum objectum ventilationis assumserunt, *CUR HOMO NON NASCITUR?*

TUR IN SCIENTIAM ULLIUS AMORIS, CUM TAMEN BESTIAE ET AVES, TAM NOBILES QUAM IGNOBILES, NASCUNTUR IN SCIENTIAS OMNIVM SUORVM AMORVM. Primum veritatem propositionis confirmabant per varia, ut de homine, quod nascatur in nullam scientiam, ne quidem in scientiam amoris conjugalis; & inquisiverunt, & a rimatoribus audiverunt, quod infans ne quidem ex connata scientia sciat uber matris, sed quod ex matre seu nutrice hoc per admotiones discat, & quod modo sciat fugere, & quod hoc hauserit ex continua suetione in utero matris; & quod postea non sciat gradiri, nec articulare sonum in aliquam vocem humana, imo nec sonare affectiones amoris, sicut bestiae; porro quod non sciat aliquam alimoniam sibi conducibilem, sicut bestiae, sed quod arripiat obvium, sive sit mundum sive immundum, & inferat in buccam: rimatores dixerunt, quod homo absque instructione, prorsus nihil sciat de modis amandi sexum, & quod hos ne quidem virgines & adolescentes absque eruditione ab aliis: verbo, homo nascitur corporeus sicut vermis; & manet corporeus, nisi discat scire, intelligere & sapere ex aliis. Post hæc confirmabant, quod Bestiae tam nobiles quam ignobiles, ut animalia terræ, volucres cœli, reptilia, pisces, vermiculi qui vocantur insecta, nascantur in omnes scientias amorum vitæ suæ, ut in omnia quæ nutritionis sunt, in omnia quæ habitationis sunt, in omnia quæ amoris sexus, & proliferationis sunt, inque omnia quæ educationis fætuum suorum sunt: hæc confirmabant per mirabilia, quæ revocabant in memoriam ex visis, auditis & lectis in Mundo naturali, in quo prius vixerunt, in quo non representativa sed reales bestiae dantur. Postquam veritas propositionis ita comprobata est, intendebant mentes ad indagandum & inveniendum causas, per quas hoc Arcanum evolverent & detegarent; & dixerunt omnes, quod illa non possint non ex Divina Sapientia existere, ut homo sit homo, & bestia sit bestia, & sic quod imperfectione nativitatis hominis sit ejus perfectio, & perfectio nativitatis bestiae sit ejus imperfectione.

Cæperunt tunc SEPTENTRIONALES primum aperire suam mentem, & dixerunt, quod homo nascatur absque scientiis, ut recipere possit omnes, at si nascetur in scientias non possit recipere ullam, præter illas in quas natus est, & tunc nec possit sibi appropriare ullam; quod illustrabant per hanc comparationem, homo primum natus est sicut humus, cui nulla semina implantata sunt, sed quæ usque potest recipere omnia, ac proferre & fructificare illa; at bestia est sicut humus jamdum sata, ac impleta graminibus & herbis, quæ non recipit alia semina quam insita, si alia, suffocaret illa; inde est, quod homo adolescat per plures annos, intra quos potest sicut humus excoli, ac proferre sicut omnis generis segetes, flores & arbores; bestia autem per paucos, per quos non potest in alia, quam in connata excoli. Postea OCCIDENTALES loquuti sunt, & dixerunt, quod homo non nascatur scientia sicut bestia, sed quod nascatur Facultas & Inclinatio, Facultas ad sciendum, & Inclinatio ad amandum, & quod nascatur Facultas non modo ad amandum illa, quæ sui & mundi sunt, sed etiam illa quæ Dei & Cœli sunt; consequenter quod homo nascatur Organum, quod vix sensibus externis, nisi obscure vivit, at nullis internis, propter causam, ut successive vivat, & fiat homo, primum naturalis, postea rationalis, & demum spiritualis; quod non fieret, si nasceretur in scientias & amores, sicut bestiae; Scientiae enim & affectiones amoris connatae finiunt illam progressionem, at solum facultates & inclinationes connatae nihil finiunt; quapropter homo potest perfici scientia, intelligentia & sapientia in æternum. MERIDIONALES exceperunt, & ediderunt suum effatum, dicentes, quod impossibile sit homini sumere aliquam scientiam a se, sed sumet illam ab aliis, quoniam nulla scientia ei connata est; & quia non potest ullam scientiam sumere a se, nec potest ullum amorem, quoniam ubi non scientia ibi non amor, sunt scientia & amor individui comites, nec possunt plus separari quam voluntas &

& intellectus, aut affectio & cogitatio, imo non plus quam essentia & forma; quare sicut homo sumit scientiam ab aliis, ita se ei adjungit amor ut ejus comes: universalis amor qui se adjungit, est amor sciendi, & postea intelligendi & sapienti; hi amores sunt soli homini, & nulli bestiae, ac influunt a Deo. Nos convenimus cum sodalibus nostris ab Occidente, quod homo non nascatur in ullum amorem, & inde nec in ullam scientiam, sed quod solum nascatur in inclinationem ad amandum, & inde in facultatem ad recipiendum scientias, non a se sed ab aliis, hoc est, per alios; per alios dicitur, quia nec hi receperunt aliquid a se, sed originatus a Deo. Convenimus etiam cum sodalibus nostris ad Septentrionem, quod homo primum natus sit sicut humus, cui non aliqua femina implantata sunt, sed cui omnia tam nobilia quam ignobilia implantari possunt; inde est quod Homo dictus sit ab Humo, ac ADAM ab Adama quæ est Humus. His adjicimus, quod Bestie nascantur in naturales amores, & inde in scientias illis correspondentes, & quod usque non aliquid ex scientiis sciant, cogitent, intelligent, & sapient, sed quod ad illas ex amoribus suis ferantur, pñne sicut cæci per plateas a canibus, quoad intellectum enim cæcæ sunt; at potius sicut noctambuli, qui ex cæca scientia, sopito intellectu, faciunt quæ faciunt. Ultimo loquuti sunt ORIENTALES, & dixerunt, consencimus ad illa, quæ fratres nostri loquuti sunt, quod homo nihil sciat ex se, sed ex aliis & per alios, ut cognoscat & agnoscat, quod omnia quæ scit, intelligit & sapit, sint ex Deo; & quod homo non possit aliter nasci & generari a Deo, ac fieri Ipsius imago & similitudo; nam imago Dei fit, per quod agnoscat & credat, quod omne bonum amoris & charitatis, & omne verum sapientia & fidei, acceperit & accipiat ex Deo, & ne hilum ex se; & similitudo Dei est, per quod sentiat illa in se sicut a se; hoc sentit, quia non nascitur in scientias, sed accipit illas, & quod accipiat, apparet illi sicut a se; ita sentire etiam datur homini a Deo, ut sit homo & non bestia, quoniam per id quod velit, cogitet, amet, sciat, intelligat & sapiat sicut ex se, recipit scientias, & exaltat illas in intelligentiam, & per illarum usus in sapientiam, ita Deus conjungit hominem sibi, & homo se Deo: hæc non fieri potuissent, nisi a Deo provisum fuerit, ut homo in totali ignorantia nasceretur. Post hoc effatum voluerunt omnes, ut ex ventilatis fieret Conclusum, & factum est hoc, „Quod homo nascatur in nullam scientiam, ut possit venire in omnem, & progredi in intelligentiam, & per hanc in sapientiam; & quod nascatur in nullum amorem, ut possit venire in omnem, per applicationes scientiarum ex intelligentia, & in amorem in Deum per amorem erga proximum, & sic conjungi Deo, & per illud fieri homo, & vivere in æternum.

Post hæc sumserunt Chartam, & tertium Objectum ventilationis legerunt, quod erat, QUID SIGNIFICAT ARBOR VITÆ, QUID ARBOR SCIENTIÆ BONI ET MALI, ET QUID ESUS EX ILLIS; & rogaverunt omnes, ut illi qui ab Oriente erant, evoluerent hoc Arcanum, quia profundioris intellectus est, & quia illi qui ex Oriente sunt, in flammea luce, hoc est, in amoris sapientia sunt, & hæc sapientia intelligitur per Hortum Edenis, in quo illæ duæ Arbores positæ fuerunt; & respondebunt, dicemus, sed quia homo non sumit quicquam ex se, sed ex Deo, dicemus ex Ipso, at usque a nobis sicut a nobis; & tunc dixerunt: Arbor significat hominem, & fructus ejus bonum vitæ, inde per Arborem vitæ significatur homo vivens ex Deo; & quia amor & sapientia, ac charitas & fides, seu bonum & verum, faciunt vitam Dei in homine, per Arborem vitæ significatur homo in quo illa sunt a Deo, & inde illi vita æterna: similia significantur per Arborem vitæ, e qua dabitur edere, Apoc. II: 7. Cap. XXII: 2. 14. Per Arborem scientiæ boni & mali significatur homo credens quod vivat ex se, & non a Deo, ita quod amor & sapientia, charitas & fides, hoc est, bonum & verum, sint in homine ejus & non Dei, hoc credens quia cogitat & vult, ac loquitur & facit, in omni

similitudine & apparentia sicut ex se ; & quia homo inde sibi persuadet , quod etiam sit Deus , ideo dixit serpens „ Novit Deus , quo die comederitis de fructu illius arboris , aperientur Oculi vestri , & eritis sicut Deus ; scientes bonum & malum , Genes. III: 5. Per Esum ex illis arboribus , significatur receptio & appropriatio , per Esum ex arbore vitae receptio vitae æternæ , & per Esum ex arbore scientiae boni & mali , receptio damnationis ; per Serpentem intelligitur diabolus quoad amorem sui & fastum propriæ intelligentiæ , & ille Amor est possessio illius arboris , & homines qui in fastu ex illo amore sunt , illæ arbores sunt . Sunt itaque illi in enormi errore , qui credunt Adamum sapuisse & bonum fecisse ex se , & hoc fuisse statum ejus integratatis , cum tamen ipse Adamus propter illam fidem maledictus est ; hoc enim significatur per Edere ex arbore scientiæ boni & mali ; quare tunc excidit ex statu integratatis , qui illi fuit ex eo , quod crederet se sapere & bonum facere ex Deo & nihil ex se , hoc enim intelligitur per Edere ex Arbore vitae . Solus Dominus , cum fuit in Mūndo , sapuit ex Se , & bonum fecit ex Se , quia Ipsum Divinum a nativitate fuit in Ipso & Ipsiis , quare etiam ex propria potentia factus est Redemptor & Salvator . Ex his & illis Conclusum fecerunt hoc „ Quod per Arborem vitae , & per Arborem scientiæ boni & mali , & per Esum ex illis , intelligatur , quod Vita homini sit Deus in illo , & quod tunc ei Cælum & Vita æterna ; & quod Mors homini sit persuasio & fides , quod vita homini non sit Deus sed ipse , unde ei Infernum & Mors æterna , quæ est damnatio .

Post hæc inspicerunt Chartam ab Angelis super mensa relictam , & viderunt subscriptum . CONJUNGITEILLA TRIA IN UNAM SENTENTIAM ; & tunc collegerunt illa , & viderunt , quod Tria illa in una serie cohærerent , & quod séries seu sententia illa sit hæc „ Quod Homo creatus fit , ut recipiat amorem & sapientiam a Deo , & tamen in omni similitudine sicut a se , & hoc propter receptionem & conjunctionem ; & quod ideo homo non nascatur in aliquem amorem , nec in aliquam scientiam , & ne quidem in aliquam potentiam amandi & sapiendi ex se : quapropter si addicit omne bonum amoris , & omne verum sapientiæ Deo , fit Homo vivus ; ast si addicit illa sibi , fit homo mortuus „ Hæc inscripserunt nova Chartæ , & hanc posuerunt super Mensa ; & ecce subito Angeli in candida nube aderant , & Chartam in Cælum deportabant , & postquam ibi lecta est , Sedentes super soliis audiverunt inde voces , bene , bene , bene . Et aëtatum apparuit unus inde sicut volans , cui sicut duæ alæ circa pedes , & duæ circa tempora , ferens præmia , quæ erant Togæ , Pilæ , & Laureæ , ac demisit se , ac illis qui federunt ad Septentrionem dedit Togas coloris opalini ; illis qui ad Occidentem Togas coloris coccinel ; illis qui ad Meridiem Pileos , quorum limbos ornabant fasciæ ex auro & margaritis , & sinistri lateris elevationes Adamantes secti floriformes ; illis autem qui , ad Orientem dedit Laureas in quibus rubini & sapphiri : & omnes his præmiis decorati e Ludo sapientiæ domum cum gaudio abiverunt .

DE DEI OMNIPOTENTIA, OMNI- SCIENTIA, ET OMNIPRÆSENTIA.

49. Actum est de DIVINO AMORE & DIVINA SAPIENTIA, & ostensum, quod hæc duo sint DIVINA ESSENTIA; sequitur nunc de Dei OMNIPOTENTIA, OMNISCIEN-
TIA & OMNIPRÆSENTIA, quia hæc Tria procedunt ex Divino Amore & Divina Sa-
pientia, vix aliter quam potentia & præsentia Solis in hoc Mondo, ac in omnibus
& singulis ejus per calorem & lucem; etiam Calor e Sole Mundi spiritualis, in
cujus medio Jehovah Deus est, in essentia sua est Divinus amor, & Lux inde in-
essentia sua est Divina Sapientia: ex quo patet, quod sicut Infinitas, Immensitas
ac Æternitas pertinent ad DIVINUM ESSE, ita Omnipotentia, Omniscientia, Om-
nipræsentia ad DIVINAM ESSENTIAM. Sed quia Tres illæ Divinæ Essentiae Prædi-
cationes universales hæc tenus non intellectæ sunt, quia progressio illarum secun-
dum vias suas, quæ sunt leges Ordinis, ignota fuit, oportet ilias luce donare
per distinctos Articulos, qui erunt, I. Quod Divinæ Sapientiæ ex Divino Amore
sit Omnipotentia, Omniscientia, & Omnipræsentia. II. Quod Dei Omnipotentia, Om-
niscientia & Omnipræsentia non possint cognosci, nisi sciat quid Ordo, & nisi scian-
tur hæc ejus, quod Deus sit Ordo, & quod una cum Creatione introduxerit Ordinem
tam in Universum, quam in omnia & singula ejus. III. Quod Dei Omnipotentia in
Universo ac in omnibus & singulis ejus secundum leges sui Ordinis procedat & operetur.
IV. Quod Deus Omnisciens sit, hoc est, percipiat, videat, & sciat omnia & singula
usque ad minutissima, que sunt secundum Ordinem; & ex illis etiam quæ sunt contra
Ordinem. V. Quod Deus Omnipræsens sit a primis ad ultima sui Ordinis. VI. Quod
Homo creatus sit forma Divini Ordinis. VII. Quod Homo tantum in potentia contra-
malum & falsum ex Divina Omnipotentia sit, quodque tantum in sapientia de bono &
vero ex Divina Omniscientia sit, & quod tantum in Deo ex Divina Omnipræsentia
sit, quantum secundum Divinum Ordinem vivit. Sed hæc singulatim evoluenda sunt.

50. I. QUOD DIVINÆ SAPIENTIÆ EX DIVINO AMORE SIT OMNIPOTENTIA, OM-
NISCIENTIA, ET OMNIPRÆSENTIA. Quod Divinæ Sapientiæ ex Divino amore sit
Omnipotentia, Omniscientia & Omnipræsentia, non autem Divino Amori per
Divinam Sapientiam, est Arcanum e Cælo, quod nondum in aliquis intellectu
illuxit, quia nullus adhuc scivit, quid Amor in sua essentia, & quid Sapientia
inde in sua, & minus adhuc de influxu unius in alterum, qui est quod Amor cum
omnibus & singulis sui influat in Sapientiam, & in hac resideat sicut Rex in suo
Regno, aut sicut herus in sua domo, ac omne regimen justitæ relinquat suo ju-
dicio, & quia justitia est amoris, & judicium est sapientiæ, omne regimen amo-
ris relinquat suæ sapientiæ: sed hoc Arcanum fænerabitur lucem in sequentibus,
interea inserviat hoc ut canon. Quod Deus Omnipotens, Omnisciens, & Omni-
præsens sit per Sapientiam amoris sui, intelligitur etiam per hæc apud Johannem,
,,In principio erat Verbum, & Verbum erat apud Deum, & Deus erat Verbum; om-
nia per Ipsum facta sunt, & sine Ipso factum est nihil quod factum est. In Ipso vita
erat, & Vita erat Lux hominum; & Mundus per Ipsum factus est: & Verbum Caro
factum est. Cap. I: 1, 3; 4, 10, 14; per Verbum ibi intelligitur Divinum Verum,
seu quod in idem recidit, Divina Sapientia, quare etiam vocatur Vita & Lux, ac
Vita & Lux non aliud sunt quam Sapientia.

51. Quoniam in Verbo Justitia prædicatur de Amore, & Judicium de Sapientia;
ideo adducentur aliqua loca, quod Regimen Dei per illa duo in Mondo fiat, quæ
sunt

sunt „JEHOVAH, JUSTITIA & JUDICIUM fulcrum Throni tui, Psalm LXXXIX: 15. De hoc gloriatur qui gloriatur, quod JEHOVAH faciat JUDICIUM & JUSTITIAM in terra, Jerem. IX: 23. Exalteatur JEHOVAH, quia implevit terram JUDICIO & JUSTITIA, Esaï. XXXIII: 5. Fluet sicut aqua JUDICIUM, & JUSTITIA sicut torrens fortis, Amos V: 24. JEHOVAH JUSTITIA TUA sicut montes Dei, JUDICIA TUA abyssus magna, Psalm XXXVI: 7. JEHOVAH educet sicut lucem JUSTITIAM suam, & JUDICIUM sicut meridiem, Psalm XXXVII: 6. JEHOVAH judicabit populum suum in JUSTITIA, & miseros suos in JUDICIO, Psalm LXXII: 2. Cum didicero JUDICIA JUSTITIE tuae, septies in die laudo Te super JUDICIS JUSTITIE tuae, Psalm CXIX: 7. 164. Desponsabo Me tibi in JUSTITIA & JUDICIO, Hosch. II: 19. Zion in JUSTITIA redimetur, & reduces in JUDICIO, Esaï. I: 17. Sedebit super Throno Davidis, & super Regno Ipsius, ad stabiliendum illud in JUDICIO & JUSTITIA, Esaï. IX: 6. Suscitabo Davidi germen iustum, qui regnet Rex, & faciat JUDICIUM & JUSTITIAM in terra, Jerem. XXIII: 5. Cap. XXXIII: 15: & alibi, quod facere debeant Justitiam & Judicium, ut Esaï. I: 21. Cap. V: 16. Cap. LVIII: 2. Jer. IV: 1. Cap. XXXII: 3. 13. 15. Ezech. XVIII: 5. Cap. XXXIII: 14. 16. 19. Amos VI: 12. Mich. VII: 9. Deut. XXXIII: 21. Joh. XVI: 8. 10. 11.

52. II. QUOD DEI OMNIPOTENTIA, OMNICIENTIA, ET OMNIPRESENTIA NON POSSINT COGNOSCI, NISI SCIATUR QUID ORDO, ET NISI SCIENTUR HEC EJUS, QUOD DEUS SIT ORDO, ET QUOD UNA CUM CREATIONE INTRODUXERIT ORDINEM TAM IN UNIVERSUM, QUAM IN OMNIA ET SINGULA EJUS. Quot & quales fatuitales in mentes humanas, & inde per Capita instauratorum in Ecclesiam irrepserunt, per quod non intellexerint Ordinem, in quem Deus Universum, ac omnia & singula ejus creavit, ex sola recensione illarum in sequentibus constare poterit. Sed hic pri-
mum aperiens Ordinem per quandum generali definitionem ejus, quae hæc est; *Quod Ordo sit qualitas dispositionis, determinationis & activitatis partium, substantiarum aut entium, quæ faciunt formam, unde status, cuius perfectionem sapientia ex suo amore producit, aut cuius imperfectionem infania rationis ex cupiditate excudit.* In hac definitione nominantur Substantia, Forma, & Status, & per Substantiam simul intelligimus formam, quia omnis substantia est forma, ac qualitas formæ est status ejus, cuius perfectio aut imperfectio ex ordine resultat. Sed hæc, quia Metaphysica sunt, non possunt nisi in caligine esse, at hæc discutietur in sequenti-
bus per applicationes ad exempla, quæ illustrabunt.

53. Quod Deus sit Ordo, est quia est ipsa Substantia & ipsa Forma; Substan-
tia, quia ex Ipso omnia quæ subsistunt, exstiterunt & existunt; Forma, quia omnis qualitas substantiarum, ab Ipso exorta est & oritur, non aliunde quam ex forma datur qualitas. Nunc quia Deus est ipsa, unica & prima Substantia & Forma, & simul ipse & unicus Amor, ac ipsa & unica Sapientia, & quia sapien-
tia ex amore facit formam, & hujus status & qualitas est secundum ordinem inibi, sequitur quod Deus sit ipse Ordo; consequenter quod Deus ex Se intro-
duxerit Ordinem tam in Universum, quam in omnia & singula ejus; & quod in-
troduxit Ordinem perfectissimum, quia cuncta quæ creavit bona fuerunt, ut in Libro creationis legitur; quod mala una cum Inferno, ita post creationem ex-
stiterint, suo loco demonstrabitur. Sed ad talia, quæ Intellectum proprius intrant,
clarioris illustrant, & mitius afficiunt.

54. Qualis autem Ordo est, in quem Universum est creatum, non potest nisi
quam per plures membranas exponi; quædam schiographia ejus in sequente Lem-
mate de Creatione exhibebitur. Tenendum est, quod in Universo omnia & sin-
gula, ut per se subsistant, in suos ordines creata sint, & quod a principio ita,
ut cum universi ordine se conjungant, propter causam ut singulares ordines sub-
sistant in Universali, & sic unum faciant: sed ad quædam Exempla; Homo in
suum ordinem creatus est, & quoque unumquodvis ejus in suum, sicut Caput in

in suum, corpus ejus in suum, Cor, Pulmo, Hepar, Pancreas, Ventriculus in suos, omne organum motus quod vocatur Musculus in suum, & omne Organum sensus, ut oculus, auris, lingua, in suum, imo non datur arteriola & fibrilla ibi, quæ non in suum, & tamen innumerabilia hæc se conjungunt cum communia ejus, & se ei injungunt ita, ut simul unum faciant: simile est cum reliquis, quorum sola recensio ad illustrationem sufficit; omnis Bestia terræ, omnis Avis cœli, omnis Piscis maris, omne reptile, imo omnis vermis usque ad blattam, in suum ordinem creatum est; pariter omnis arbor, omne arbustum, virgultum, & legumen, in suum: & insuper omnis lapis, & omnis minera, usque ad unumquemvis pulverrem terræ, in suum.

55. Quis non videt, quod non datur Imperium, Regnum, Ducatus, Respublica, Civitas, Domus, quæ non constabiliuntur per leges, quæ faciunt Ordinem, & sic formam regiminis ejus; in singulis illis Leges justitiae sunt supremo loco, Leges politicae secundo, & Leges Economicæ tertio, quæ si comparantur cum Homine, Leges justitiae faciunt Caput ejus, Leges politicae Corpus ejus, & Leges Economicæ Vestes, quare etiam hæc sicut veltæ mutari possunt. Quod autem concernit Ordinem, in quem Ecclesia a Deo instaurata est, est rille, ut Deus sit in omnibus & singulis ejus, & proximus erga quemque Ordo exercendus est; Leges illius ordinis sunt totidem quot Veritates in Verbo, Leges quæ spectant Deum, facient Caput ejus, Leges quæ spectant proximum, facient Corpus ejus, ac Ceremoniaæ facient Vestes, nam nisi hæc continerent illas in suo Ordine, foret sicut nudaretur Corpus, ac exponeretur æstui in æstate, & frigori in hysme; aut sicut e Templo auferrentur parietes & lacunaria, & sic Adytum, Ara, & Pulpitum sub diu variis exposita violentiis prostant.

56. III. QUOD DEI OMNIPOTENTIA TAM IN UNIVERSO, QUAM IN OMNIBUS ET SINGULIS EJUS SECUNDUM LEGES SUI ORDINIS PROCEDAT ET OPERETUR. Deus est Omnipotens, quia omnia potest ex Se, & omnes alii ex Ipso; Ipsius Posse & Velle unum sunt, & quia non Vult nisi quam Bonum, ideo non potest facere nisi quam Bonum; in Mundo spirituali nemo potest aliquid facere contra suam voluntatem, hoc trahunt ibi ex Deo, quod Ipsius posse & velle unum sint: est etiam Deus ipsum Bonum, quare dum Bonum facit, in Se est, & egredi ex Se non potest; inde patet, quod Omnipotentia Ipsius progrediatur & operetur intra Sphaeram extensionis Boni, quæ infinita est; hæc enim sphaera ab intimo implet Universum, & omnia & singula ibi, & ab intimo regit illa quæ extra sunt, quantum hæc secundum suos ordines se conjungunt, & si non se conjungunt, usque sustinet illa, & omni conatu allaborat illa in ordine in concorde in universali, in quo Ipse Deus in Omnipotentia sua est, & secundum quem agit, reducere, & si hoc non fit, rejiciuntur extra Ipsum, ubi nihilominus sustinet illa ab intimo. Ex his constare potest, quod Omnipotentia Divina nequaquam possit a Se exire ad contactum alicujus mali, nec id promovere a Se, malum enim avertit se, inde fit quod malum sit prorsus separatum ab Ipso, & conjectum in Infernum, inter quod & Cælum, ubi Ipse est, ingens hiatus est. Ex his paucis videri potest, quantum delirant illi, qui cogitant, & plus qui credunt, & adhuc plus qui docent, quod Deus possit aliquem damnare, alieui maledicere, aliquem in Infernum conjicere, alicujus animam prædestinare ad mortem æternam, injurias ulcisci, irasci, punire; imo nec potest avertere se ab homine, & illum dura fronte aspicere; hæc & similia sunt contra Essentiam Ipsius, & contra hanc est contra Se Ipsum.

57. Opinio hodie regnans est, quod Omnipotentia Dei sit qualis est absoluta potentia Regis in Mundo, qui potest ex libitu facere quicquid vult, absolvere & condemnare quemque vult, fontem facere insontem, infidelem declarare fidelem, indignum & immeritum evehere supra dignum & merentem, imo quod possit sub

quocunque praetextu subditis sua bona eripere, tum adjudicare morti, praeter similia alia. Ex hac fatua opinione, fide & doctrina de Omnipotentia Divina, tot fallitatis, fallaciæ, & chimerae in Ecclesiam influxerunt, quot sunt momenta, articulationes & generationes fidei ibi, & adhuc possunt influere, quot possunt urnæ impleri aquis e magno lacu, aut quot serpentes e cavernis suis subrepere, & in aprico solis jucundari in deserto Arabiæ; quid opus est nisi duobus vocabulis, OMNIPOTENTIA & FIDES, & tunc coram vulgo spargere conjecturas, fabulas & nugas, quot in sensu corporis incident, ab utraque enim ejicitur ratio; at quid ejcta ratione cogitatio hominis præstat rationi avis supra caput volantis; aut quid tunc Spirituale, quod homini est præ bestis, nisi qualis est nidor in bestiaris, qui feris ibi congruit, & non homini nisi similis sit. Si extensio Omnipotentiae Divine æque foret ad faciendum malum sicut bonum, quodnam discriben inter Deum & diabolum foret, num aliud quam inter duos Monarchs, quorum unus est Rex & simul tyrannus, & alter Tyrannus, cuius potestas ligata est, unde non Rex dicendus est; aut inter Pastorem, cui permissum est agere ovem & quoque pardum, & inter pastorem cui hoc non permissum est. Quis non potest scire, quod Bonum & Malum sint opposita, & quod si Deus ex Omnipotentia sua posset unum & alterum velle, & ex velle facere, prorsus nihil posset, ita ei nulla potentia, minus Omnipotentia foret; esset hoc sicut binæ rotæ in contrario versu in se mutuo agerent, ex qua reaktione utraque rota subsisteret, & omnimode quiescerent; aut sicut Navi in torrente contra viam ejus agente, quæ nisi super anchora quiesceret, abriperetur & periret: aut sicut homo cui binæ voluntates inter se dissentientes sunt, quarum una dum agit, altera necessario quiescit, at si utraque simul ageret, mentem ejus delirium aut vertigo invaderet.

Si Omnipotentia Dei foret secundum fidem hodiernam absoluta tam ad bonum quam ad malum faciendum, nunne possibile, imo facile foret Deo elevare totum Infernum in Cælum, & convertere diabolos & satanas in Angelos, & in terris unumquemvis impium momento purificare a peccatis, innovare, sanctificare, regenerare, a filio ira facere filium gratiæ, hoc est, justificare, quod fieret solum per addictionem & imputationem justitiae Filii sui; sed Deus ex Omnipotentia sua hoc non potest, quia est contra leges Ordinis sui in Universo, & simul contra leges Ordinis cuivis homini indictas, quæ sunt ut se mutuo ab utraque parte conjungant; quod ita sit, in sequentibus hujus Operis videbitur. Ex fatua illa opinione & fide de Omnipotentia Dei resultaret, quod Deus unumquemvis hominem hircum posset convertere in hominem ovem, & ex beneplacito a sinistro ad dextrum suum latus transferre; tum quod posset Spiritus draconis ex beneplacito transmutare in Angelos Michaelis, & quod posset hominem cuius intellectus est sicut talpæ donare visu aquilæ, verbo ex homine bubone facere hominem columbam, hæc Deus, quia est contra leges Ordines Ipsius nequit, tametsi continue hoc vult & conatur. Si talia potuisset, non permisisset Adamo auscultare serpenti, & fructum ex Arbore scientiæ boni, & mali desumere, & illum admovere ori; si illud potuisset, non permisisset Caino occidere fratrem suum; Davidi numerare populum; Salomonis fana pro idolis exfruere, ac Regibus Judæ & Israelis prophanare Templum, quod toties fecerunt; imo si illud potuisset, per Redemptionem Filii sui Universum genus humanum nullo excepto salvavisset, & totum Infernum extirpavisset. Gentiles antiqui tales Omnipotentiam addixerunt diis & deabus suis, unde orta sunt fabulosa illorum, ut de Deucalione & Pyrrha, quod lapides jacti post tergum facti sint homines; de Apolline quod Daphnem converterit in laurum; de Diana quod venatorem in cervam; & quod alias ex diis eorum virginis Parnassi vetterit in picas. Similes fides de

Om.

Omnipotens Divina est hodie; unde tot fanaticæ & inde haeretica in omni Regione, ubi Religio, in Mundum illata sunt.

59. IV. QUOD DEUS OMNISCİUS SIT, HOC EST, PERCIPİAT, VİDEAT, ET SCIAT OMNIA ET SINGULÀ USQUE AD MINUTISSIMA, QUAE FIUNT SECUNDUM ORDINEM, ET EX ILLIS ETIAM QUAE FIUNT CONTRA ORDINEM. Quid Deus sit Omnisclus, hoc est, percipiat, videat & sciat omnia, est quia est ipsa Sapientia & ipsa Lux, & ipsa Sapientia percipit omnia, & ipsa Lux videt omnia; quod Deus sit ipsa Sapientia, supra ostensum est; quod sit ipsa Lux, est quia est Sol Cæli Angelici, qui omnium tam Angelorum quam hominum intellectum illustrat; nam sicut oculus illuminatur a Luce Solis naturalis, ita intellectus illuminatur a Luce Solis Spiritualis; nec solum illuminatur, sed etiam impletur intelligentia secundum amorem recipiendi illam, quoniam Lux haec in sua essentia est Sapientia; quare apud Davidem dicitur, QUOD DEUS IN LUCE INACCESSIBILI HABET; inquit Apocalypsi, Quod in Nova Hierosolyma non opus habent lucerna, quia Dominus Deus illustrat illos: & apud Johannem, Quod Verbum, quod erat apud Deum, & erat Deus, sit Lux, quae illuminat omnem hominem venientem in Mundum, per Verbum intelligitur Divina Sapientia. Inde est, quod Angeli, quantum in sapientia sunt, tantum in candore lucis sint: & inde quoque est, quod in Verbo, ubi nominatur Lux, intelligatur sapientia.

60. Quod Deus percipiat, videat, & sciat omnia usque ad minutissima, quæ secundum ordinem fiunt, est quia Ordo est Universalis ex singularissimis, nam singularia simul sumta nuncupantur Universale, sicut particularia simul sumta Commune: Universale una cum singularissimis suis est Opus cohaerens ut unum, adeo ut non queat unum tangi & affici, nisi aliquid sensus inde ad reliqua redundet. Ex hac qualitate ordinis in Universo est quod simile sit in omnibus in Mundo creatis; sed illustrabitur hoc per comparationes ex visibilibus desumendas; in toto homine sunt communia & particularia, ac communia involvunt particularia ibi, & se concinnant per talem connexum, ut unum sit alterius; hoc fit per quod commune involucrum sit circum omne membrum ibi, & quod hoc insinuet se in singulas partes ibi, ut unum in quolibet officio & usu agant; pro exemplo, involucrum cuiusvis musculi intrat in singulas fibras motrices, & ex se amicit illas; similiter involucrum hepatis, pancreatis & lienis in singula sua quæ intus sunt: similiter in veluerum pulmonis; quod pleura vocatur, in interiora ejus; & similiter pericardium in omnia & singula cordis: & communiter peritonæum per anastomoses cum involucris omnium viscerum; similiter Meninges Cerebri, haec per fila a se excerpta in omnes substratas glandulas intrant; & per has in omnes fibras, & per has in omnia corporis; inde est, quod Caput ex Cerebris regat omnia & singula sibi subdita. Haec allata sunt modo propter causam, ut ex visibilibus formetur aliqua idea, quomodo Deus percipit, videt & scit omnia usque ad minutissima quæ secundum ordinem fiunt.

61. Quid Deus ex illis quæ Ordinis sunt, percipiat, sciat, & videat omnia & singula usque ad minutissima quæ contra Ordinem fiunt, est quia Deus non tenet hominem in malo, sed detinet illum a malo, ita non dicit illum sed luctatur cum illo; ex perpetua illa reluctance, irrenitentia, resistentia, repugnantia, & refectione mali & falsi contra suum Bonum & Verum; ita contra Se, percipit & quantum & quale illorum; hoc sequitur ex Oinnipräsentia Dei in omnibus & singulis sui Ordinis, & simul ex Omnipotenti omniū & singulorū ibi, comparative sicut ejus auris in harmonico & consono est, exakte animadvetit, dissonium & dissōnum quantum & qualiter discrepant dum intrat; similiter ejus sensus in jucundo est dum injucundum interpolat; pariter ejus visus in formofo est, id exakte videt dum aliquod deforme a latere est, quare solenne est pictoribus faciem deformem, juxta formosam adponere; simile est cum bono & verbo iniquo bono.

ro dum contra illa relutant malum & falsum; quod hæc ex illis distincte percipiuntur; omnis enim qui in bono est potest percipere malum, & qui in vero potest videre falsum; causa est quia bonum in calore cœli est, ac verum in luce ejus; at malum in frigore inferni est, & falsum in caligine ejus; quod illustrari potest per hoc, quod Angeli cœli possint videre quicquid peragit in inferno, tum qualia monstra sunt; at vicissim spiritus Inferni ne hilum possunt videre quid peragit in Cœlo, & ne quidem Angelos, plus quam cœcus; aut plus quam occlus spectans in aerem aut ætherem nudum. Illi, quorum Intellectus in luce ex sapientia sunt, sunt similes illis, qui tempore meridiei super Monte stant, & omnia quæ infra sunt, perspicue vident; & qui in adhuc superiore luce sunt, comparative sunt sicut illi, qui per tubos opticos vident circumiacentia & inferiora tanquam præsentia; at illi qui in fatua luce Inferni ex confirmatione falsitatum sunt, similes sunt illis, qui in eodem Monte tempore noctis stant cum lucernis in manibus, & non vident nisi proxima, & ibi formas indistincte, & colores confuse. Homo qui in aliqua luce veri est, & tamen in malo vitæ, is dum in jucundo amoris sui mali est, non videt vera aliter in principio, quam sicut vespertino lintea appensa in aliquo horto, ad quæ volat sicut ad sua azyla, & postea fit sicut noctua, & demum sicut bubo; & tunc fit sicut fuliginarius qui in furvo camini hæret, qui dum sursum elevat oculos, trans fumum videt cælum, & cum deorsum spectat, videt focum, e quo ille fumus.

62. Tenendum est, quod perceptio oppositorum alia sit, quam perceptio relativorum; opposita enim sunt quæ extra sunt, & contra illa quæ intra; oppositum enim exoritur, dum unum proorsus definit esse aliquid, & alterum tunc exsurgit cum conatu agendi contra prius illud, sicut rota quæ agit contra rotam, & flumen contra flumen. Relativa autem sunt dispositionis plurium & multiplicium in ordinem ut convenient & concordent, sicut lapides pretiosi diversorum colorum in fascia super pectore Reginæ, aut sicut flores diversicolores in ferto ad procurandum amænitatem visus; sunt ergo relativa in utroque opposito, tam in bono quam in malo, & tam in vero quam in falso, ita tam in cœlo quam in Inferno, sed relativa in inferno sunt omnia opposita relativis in cœlo: Nunc quia Deus percipit & videt, & inde cognoscit omnia relativa in Cœlo ex Ordine in quo Ipse est, & inde percipit, videt & cognoscit omnia opposita relativa in Inferno, ut ex supradictis sequitur, patet, quod Deus omniscius sit in Inferno sicut in cœlo, similiter apud homines in Mundo; ita quod percipiat videat & cognoscat illorum mala & falsa ex bono & vero, in quibus Ipse est, & quæ in sua essentia sunt Ipse: dicit enim, *Si ascendero in Cœlos, ibi Tu; si sternam me in Inferno, ecce ibi Tu;* Psalm CXXXIX: 8. & alibi, *Si perfoderint in Infernum, inde manus mea recipiet eos;* Amos IX: 2. 3.

63. V. QUOD DEUS OMNIPRÆSENS SIT A PRIMIS AD ULTIMA SUI ORDINIS. Quod Deus omnipræsens sit a primis ad ultima sui Ordinis, est per Calorem & Lumen e Sole Mundi Spiritualis, in cujus medio est, per hunc Solem factus est Ordo, & ex illo emittit calorem & lumen, quæ peradunt Universum a primis ad ultima ejus, ac producunt vitam, quæ est homini, & cuivis animali, & quoque animam vegetativam, quæ est cuivis germini super Tellure, & illa duo influunt in omnia & singula, & faciunt ut unumquodvis subjectum vivat & crescat secundum Ordinem illis a creatione inditum; & quia Deus non est extensus, & usque implet omnia extensa Universi, omnipræsens est; quod Deus in omni spatio sit absque spacio, & in omni tempore absque tempore, & quod inde Universum quoad essentiam & ordinem sit plenitudo Dei, alibi ostensum est, & quia ita est, per omnipræsentiam percipit omnia, per Omnipotentiam providet omnia, & per Omnipotentiam operatur omnia; unde patet, quod Omnipræsencia, Omnipotentia & Omnipotentia unum faciant, seu quod una ponat alteram, & sic quod separari nequeant.

64. Omnipræsentia Divina illustrari potest per mirabilem præsentiam Angelorum & Spirituum in Mundo Spirituali, in hoc Mundo quia non est spatium, sed modo apparentia spatii, potest angelus seu spiritus momento præsens fisti alteri, modo in similem affectionem amoris & inde cogitationem veniat, nam hæc duo faciunt apparentiam spatii; quod talis præsentia omnium ibi sit, patuit mihi ex eo, quod videre potuerim Africanos & Indos ibi in propinquuo, tametsi tot miliaribus distant in Tellure; imo quod potuerim præsens fisti illis qui in Planetis hujus Mundi sunt, & quoque illis, qui in Planetis in aliis Mundis extra Solarem hunc sunt: propter talem præsentiam non loci sed apparentiæ loci, loquutus sum cum Apostolis, cumque defunctis Papis, Imperatoribus & Regibus, cum Ecclesiæ hodiernæ instauratoribus, Luthero, Calvino, & Melanchtone, cumque aliis ex dissitis regionibus; quando talis præsentia Angelis & Spiritibus est, quid non præsentia Divina in universo, quæ infinita est. Causa quod Angelis & spiritibus talis præsentia sit, est causa, quia omnis affectio amoris & inde cogitatio intellectus est in spatio absque spatio, & in tempore absque tempore, potest enim quis cogitare de fratre, affini aut amico, qui in Indiis est, & tunc habere illum sicut præsentem apud se; similiter potest affici illorum amore ex recordatione. Per hæc, quia cognita homini, potest Omnipræsentia Divina quodammodo illustrari; tum etiam per cogitationes humanas, quod cum aliquis in memoriam revocat quæ in peregrinatione vidi in variis locis, quod sit in illis tanquam præsentibus. Imo visus corporis æmulatur eandem illam præsentiam, ille distantia non animadvertisit, nisi quam per intermedia, quæ sicut mensurant; ipse Sol prope oculum, imo sicut in oculo foret, nisi intermedia detegent quod tam distans sit; quod ita sit, Scriptores optices in Libris suis etiam observarunt. Talis præsentia est utriusque visui tam intellectuali quam corporeo hominis, quia spiritus ejus videt per oculos ejus, at similis non est ulli bestie, quia illis non est aliquis visus spiritualis. Ex his constare potest, quod Deus Omnipræsens sit a Primis ad Ultima sui Ordinis; quod etiam sit Omnipræsens in Inferno, in priori Articulo ostensum est.

65. VI. QUOD HOMO CREATUS SIT FORMA DIVINI ORDINIS. Quod homo creatus sit forma Divini Ordinis, est quia creatus est imago & similitudo Dei, & quia Deus est ipse Ordo, creatus est imago & similitudo Ordinis. Sunt duo ex quibus Ordo exstitit, & per quæ subsistit; Divinus Amor & Divina Sapientia, & homo creatus est receptaculum eorum, quare etiam creatus est in ordinem, secundum quem illa duo agunt in Universo, & principaliter secundum quem agunt in Cælo angelicè, inde totum illud Cælum est in maxima effigie forma Divini Ordinis, & Cælum illud in conspectu Dei est sicut unus Homo; & quoque est plenaria correspondentia inter Cælum illud & hominem; non enim datur in Cælo aliqua Societas, quæ non correspontet allicui membro, viscere aut organo in homine; quare dicitur in Cælo, quod hæc Societas sit vel in provincia Hispanis, vel Pancreatis, vel Lienis, vel Ventriculi, vel Oculi, vel Auris, vel Linguæ, & sic porro; ipsi Angeli etiam sciunt in qua ditione alicujus Partis hominis habitant: quod ita sit, ad vivum mihi scire datum est; vidi Societatem ex aliquot millibus Angelorum constantem ut unum hominem; ex quo patuit, quod Cælum in complexu sit imago Dei, & imago Dei est forma Divini Ordinis.

66. Sciendum est, quod omnia, quæ procedunt ex Sole Mundi spiritualis, in cuius medio est Jehovah Deus, referant hominem, & quod inde quæcumque in illo Mundo existunt, conspicient ad formam humanam, & illam in intimis suis fistant, unde omnia objecta, quæ fistuntur oculis ibi, sunt representativa hominis: apparent ibi omnis generis Animalia, & hæc sunt Similitudines affectio num amoris & inde cogitationum angelorum; pariter arboreta, floreta, & vireta

ta ibi; & datum est scire, quam affectionem hoc & illud objectum repræsentat: & quod mirabile est, quando illis aperitur visus intimus, cognoscunt suam imaginem in illis; & hoc sit, quia omnis homo est suus amor & inde sua cogitatio; & quia affectiones & inde cogitationes apud unumquemvis hominem sunt variæ & multiplices, & aliquæ illarum referunt hujus animalis affectionem, & aliquæ alterius, ideo fistuntur affectionum illorum imagines ita; sed de his plura videbuntur in Membro sequente de Creatione. Ex his etiam patet veritas, quod finis creationis fuerit Cælum Angelicum ex Humano Genere, consequenter Homo, in quo Deus ut in suo Receptaculo posset habitare: inde est causa, quod homo creatus sit forma Divini Ordinis.

67. Deus ante Creationem fuit ipse Amor & ipsa Sapientia, & hæc duo in conatu faciendi usus, nam Amor & Sapientia absque usu sunt modo volatilia rationis, & quoque evolant, nisi in usum se conferant; sunt quoque priora duo separata a tertio sicut aves, quæ super magno Oceano volant, & tandem lassæ volatu decidunt, & submerguntur: inde constat, quod Universum a Deo creatum sit, ut existant usus, quare etiam Universum vocari potest Theatrum usuum; & quia homo est principalis finis creationis, sequitur quod omnia & singula creatæ sint propter hominem, & inde quod omnia & singula ordinis in illum collata sint, & in illo concentrata, ut Deus per illum usus primarios faciat. Amor & Sapientia absque tertio suo, quod est Usus, æquiparari possunt calori & luci solis, quæ nisi operarentur in homines, animalia & vegetabilia, forent res inanes, at fiunt reales per influxum in illa, & per operationem in illis. Sunt etiam tria, quæ in ordine consequuntur, Finis, Causa & Effectus, & securt in Literato Orbe, quod finis non sit aliquid nisi spectet causam efficientem, & quod finis & hæc causa non sint aliquid, nisi fiat effectus; possunt quidem finis & causa abstracte in Mente volvi, sed usque propter aliquem effectum, quem finis intendit, & causa procurat; simile est cum amore, sapientia, & usu, & usus est quem amor intendit, & per causam producit, & cum usus est productus, amor & sapientia realiter existunt, & in illo habitationem & sedem sibi faciunt, & sicut in sua domo requiescant; simile est cum homine, in quo amor & sapientia Dei sunt, dum usus facit; ecce ut usus Dei faciat, creatus est imago & similitudo, hoc est, forma Divini Ordinis.

68. VII. QUOD HOMO TANTUM IN POTENTIA CONTRA MALUM ET FALSUM EX DIVINA OMNIPOTENTIA SIT, QUODQUE TANTUM IN SAPIENTIA DE BONO ET VERO EX DIVINA OMNISCIENTIA SIT, ET QUOD TANTUM IN DEO EX DIVINA OMNIPRÆSENTIA SIT, QUANTUM SECUNDUM DIVINUM ORDINEM VIVIT. Quod homo tantum in potentia contra mala & falsa ex Divina Omnipotentia fit, quantum secundum Divinum Ordinem vivit, est causa, quia nemo potest resistere malis & inde falsis, quam Solus Deus; omnia enim mala & inde falsa sunt ex Inferno, & in Inferno coherent sicut unum, prorsus sicut omnia bona & inde vera in Cælo; nam ut supra dictum est, totum Cælum coram Deo est sicut unus Homo, ac vicissim Infernum sicut unus Gigas qui Monstrum, quare agere contra unum malum & inde falsum est contra monstrorum illum Gigantem seu Infernum, & hoc nemo potest nisi Deus quia est Omnipotens; ex his patet, quod homo nisi aeat Deum Omnipotentem, contra malum & inde falsum ex se non plus valeat, quam pescis contra Oceanum, quam pulex contra balanam, & quam pulvis contra montem cadentem, & multo minus quam locusta contra elephantem, aut musca contra camelum: & insuper homo adhuc minus contra malum & inde falsum valet, quia natus est in malum, & malum contra seipsum non potest agere. Ex his sequitur, quod nisi homo secundum Ordinem vivit, hoc est, nisi agnoscat Deum, Ipsius Omnipotentiam, & ex hac tutelam contra Infernum, tum nisi homo a sua parte etiam pugnet cum malo apud se, nam hoc una cum illo est or-

NOVI CÆLI ET NOVÆ ECCLESIAE.

51

ordinis, non possit aliter quam imergi inferno & submergi, & ibi agi a malis, uno post alterum, sicut cymba in mari a procellis.

69. Quod homo tantum in sapientia de bono & vero ex Divina Omnipotencia sit, quantum secundum Divinum ordinem vivit, est causa, quia omnis amor boni & omnis sapientia veri, seu omne bonum amoris & omne verum sapientiae, est a Deo; quod ita sit, etiam est secundum confessionem omnium Ecclesiarum in Christiano Orbe; ex quibus sequitur, quod homo non possit in ullo vero sapientiae interius esse, nisi a Deo, quia Deo Omnipotencia est, hoc est, infinita sapientia. Mens humana distincta est in tres gradus, quemadmodum Cælum Angelicum, & inde potest in superiore & superiore gradum elevari, & quoque potest in inferiorem & inferiorem deferri, quantum autem in gradus superiores elevatur, tantum in sapientiam, quia tantum in lucem Cæli, & hoc non potest fieri nisi a Deo; & quantum illuc elevatur, tantum est homo, at quantum in gradus inferiores defertur, tantum in lucem fatuam inferni, & tantum non est homo sed bestia; homo etiam ideo stat erectus super pedibus, & facie spectat versus cælum, & hanc potest elevare ad zenith, at bestia ideo stat super pedibus in situ paralelo cum terra, ac toto vultu illuc spectat, nec potest nisi cum ægritudine illum extollere ad cælum. Homo, qui ad Deum elevat mentem suam, & agnoscit quod omne verum sapientiae ab Ipsi sit, & simul secundum ordinem vivit, est sicut qui in excelsa turri stat, & videt populosam civitatem infra se, & simul quicquid ibi in plateis agitur; at homo, qui confirmat apud se, quod omne verum sapientiae sit ex naturali lumine apud se, ita a se, est sicut qui in caverna sub illa turri moratur, & per foramina ibi ad eandem urbem spectat, is non nisi quam parietem unius domus in illa urbe videt, & quomodo lateres ibi coharent. Porro homo, qui sapientiam haurit ex Deo, est sicut avis volans in alto, & circumspicit omnia que in hortis, sylvis & villis sunt, & advolat ad illa quæ ejus usus sunt; at homo qui talia quæ sapientiae sunt haurit ex se, absque fide quod illa usque sint a Deo, est sicut crabro, qui volat juxta humum, & ubi videt sterquilinium, involat, & in ejus nidore se jucundat. Omnis homo, quamdiu vivit in Mundo, ambulat in medio inter Cælum & Infernum, & inde est in æquilibrio, & sic in libero arbitrio spectandi sursum ad Deum aut deorsum ad infernum; si spectat sursum ad Deum, agnoscit quod omnis sapientia a Deo sit, & is quoad spiritum suum actualiter cum Angelis in Cælo est; at qui deorsum spectat, quod facit omnis ille qui in falsis ex malo est, is quoad spiritum suum actualiter cum diabolis in Inferno est.

70. Quod homo tantum in Deo ex Divina Omnipotencia sit, quantum secundum ordinem vivit, est quia Deus Omnipotens est, & quia ubi in Divino suo ordine est, ibi est sicut in Se, quia Ipsi est Ordo, ut supra ostensum est: nunc quia homo creatus est forma Divini Ordinis, est Deus in illo; verum quantum homo vivit secundum Divinum Ordinem plene; at si non vivit secundum Divinum Ordinem, est usque Deus in illo, sed in supremis ejus, ac dat ut possit intelligere verum & velle bonum, hoc est, dat ei facultatem ad intelligendum & inclinationem ad amandum; at quantum homo contra ordinem vivit, tantum occcludit inferiora mentis seu spiritus sui, & sic inhibet ne Deus descendat, ac impleat inferiora ejus praesentia sua, inde est Deus in illo, sed ille non in Deo: communis canon est in Cælo, quod Deus sit in omni homine tam malo quam bono, sed quod homo non sit in Deo, nisi vivat secundum ordinem; Dominus enim dicit, *quod velit ut homo sit in Ipsi, & Ipsi in homine*, Joh. XV: 4. Quod homo per vitam secundum ordinem sit in Deo, est quia Deus Omnipotens est in Universo inque omnibus & singulis ejus, in intimis illorum, haec enim sunt in ordine, at in illis quæ sunt contra ordinem, quæ solum sunt illa quæ extra intima sunt, Deus est Omnipotens per continuam luctationem cum illis, & per continuum

nisum redigendi in ordinem; quamobrem quantum homo sinit se redigi in ordinem, tantum Deus in toto ejus omnipræsens est, consequenter tantum est Deus in illo, & ille in Deo. Absentia Dei ab homine non plus dabilis est, quam absentia Solis per calorem & lumen a tellure; at hujus objecta non sunt in virtute ejus, nisi quantum recipiunt illa duo procedentia ab illo Sole, quod fit tempore veris & æstatis: hæc ita applicari possunt Dei Omnipræsentiae, quod homo tantum sit in calore spirituali & simul in luce spirituali, hoc est, in bono a moris & in veris sapientiae, quantum in ordine est; sed calor & lux spiritualis, non sunt sicut calor & lux naturalis, nam calor naturalis recedit a Tellure & ejus objectis temporibus hyemis, & lux recedit temporibus noctis, & hoc fit quia Tellus per circum rotationes & circumlationes suas facit illa tempora; sed calor spiritualis & lux spiritualis non ita, Deus enim per suum Solem præsens cum utroque est, & non vices agit, sicut apparenter Sol mundi; ipse homo se avertit comparative sicut Tellus a suo Sole, & cum se avertit a veris sapientiae, est sicut tellus a suo Sole temporibus noctis, & cum homo se avertit a bonis amoris, est sicut tellus a suo Sole temporibus hyemis; talis correspondentia est inter effectus & usus e Sole Mundi spiritualis, & inter effectus & usus e Sole Mundi naturalis.

171. His adjiciuntur tria MEMORABILIA, PRIMUM: hoc: Quondam audivi sub me sicut strepitum maris, & quæsivi quid hoc, & dixit mihi quidam, quod esset tumultus inter Congregatos in Terra inferiore, quæ proxime est super Inferno; & mox hiabat humus, quæ faciebat tectum super illos, & ecce per hiatus evolabant in catervis aves noctis, quæ se diffundebant ad stragum; & statim post illos exsurgebant locustæ, quæ super gramine humi saliebant, & ubiavis fecerunt desertum, & post paulo alternis vicibus ex nocturnis illis avibus audiebam sicut ululatus, & ad latus, clamorem inconditum sicut ex spectris in sylvis. Post hæc vidi aves pulchras e Cælo, quæ se effundebant ad dextrum, aves illæ insignitæ fuerunt alis sicut aureis, cum interspersis striis & guttis sicut argenteis, & super quarundam capitib' erant crista in forma coronarum. Hæc cum vidi & miratus, subito ex Terra inferiore, ubi tumultus ille erat, se extulit spiritus, qui se in Angelum lucis efformare potuit, & clamabat, ubi ille, qui de Ordine, cui Deus Omnipotens se quoad hominem adstrinxit, loquitur & scribit, hæc trans tectum infra audiimus; ille dum supra Terram illam erat, percurrit viam stratam, & tandem ad me venit, & statim fixit se Angelum Cæli, & loquens tono non proprio dixit; es tu, qui de Ordine cogitas & loqueris, dic mihi in summa quid ordo, & aliqua quæ ordinis sunt, & respondi, dicam tibi summaria, sed non particulaaria, quia hæc non capis, & dixi. I. Quod Deus sit Ipse ordo. II. Quod Hominem ex Ordine, in Ordine & in Ordinem creaverit. III. Quod Mensem ejus rationalem creaverit secundum Ordinem totius Mundi spiritualis, & Corpus ejus secundum Ordinem totius Mundi naturalis, quapropter Homo ab Antiquis vocatus est MicroUranos & Microcosmus. IV. Quod inde Lex ordinis sit, ut homo ex suo MicroUrano seu Mundulo spirituali recturus sit suum Microcosmum seu Mundulum naturalēm; sicut Deus ex suo MacroUrano seu Mundo spirituali regit Macrocosmum seu Mundum naturalēm in omnibus & singulis ejus. V. Quod Lex ordinis inde sequens sit, quod oporteat hominem se introducere in fidem per veritates ex Verbo, & in charitatem per bona opera, & sic se reformatre & regenerare. VI. Quod Lex ordinis sit, quod homo suam opera & potentiam se a peccatis purificet, ac non stet in fide impotentias, & expectet, ut Deus immediate ejus peccata absterget. VII. Lex Ordinis etiam est, ut Homo Deum ex tota sua anima & ex toto suo corde amet, & proximum ut seip-

seipsum, & non moretur & exspectet, ut uterque ille amor in mentem & cor ejus, sicut panis e pistore in os, - a Deo immediate inferatur; præter similia plura. His auditis Satanæ ille blanda voce, in qua intus erat astus, regessit, quid hoc quod dicas, quod homo se ex sua potentia introduxeretur sit in ordinem per facere illas ejus leges, numne scis quod homo non sub lege sit, sed sub gratia, quod omnia gratis donentur, & quod non possit sibi quicquam sumere nisi ei datum sit e Cælo, & quod in spiritualibus non possit ex se, plus agere quam statua uxori Lothi, aut non plus quam idolum Philistæorum in Ekrone, Dagon, & inde quod homini impossible sit se justificare, quod fieri per Fidem & Charitatem; sed ad hæc solum hoc respondi, Lex ordinis etiam est, ut homo sua opera & potentia sibi comparaturus sit fidem per veritates ex Verbo, & tamen credet, quod non granum fidei sit a semet, sed a Deo, tum etiam, quod homo sua opera & potentia se justificaturus sit, sed tamen credet, quod ne quidem punctum justificationis sit a semet, sed a Deo: nonne mandatum est, quod homo crediturus sit in Deum, & amaturus Deum omnibus suis viribus, & proximum ut seipsum cogita & dic, quomodo hæc potuerunt a Deo mandari, si homini nulla potentia obediendi & faciendi foret. His auditis Sananas illè mutatus est quoad faciem, quæ a candida primum facta est luria, & mox atra, & ex hujus ore loquutus dixit, loquutus es paradoxa contra paradoxæ; & illico tunc subsidit ad suos, & evanuit; ac aves a sinistris una cum spectris ediderunt sonos insolitos, & se in mare, quod ibi vocatur mare Suph, conicerunt, & locustæ sequebantur illos saltibus, & mundatus est aer, & mundata est terra aferis illis, ac tumultus infra cessavit, & factum est tranquillum & serenum.

72. SECUNDUM MEMORABILE, Quondam audivi insolens murmurare longinquum, & ego in spiritu sequutus sum tramitem soni, & accessi, quum ad principium ejus veni, ecce erat Cohors spirituum ratiocinantium de IMPUTATIONE & PRÆDESTINATIONE, erant Batavi & Britanni, & aliqui ex aliis Regnis intermixti, & hi in fine singularum rationum clamaverunt, *Miramur, Miramur*; disceptatio fuit, cur Deus non omnibus & singulis a se creatis, & postea ut redemptis imputat meritum & justitiam Filii sui, estne Omnipotens; potestne si vult Luciferum, Draconem, & omnes Hircos facere Archangelos, estne Omnipotens; cur permittit ut in justitia ac impietas diaboli triumphet super justitiam Filii sui, & super pietatem cultorum Dei, quid facilius Deo est, quam omnes dignari fide & sic salute, quid opus nisi verbum ad hoc; & si non, facitne contra verba sua, quæ sunt, quod velit omnium salutem, & nullius mortem; dicite itaque, a quo & in quo ergo est causa damnationis illorum qui pereunt. Et tunc quidam Prædestinatus Supralapsarius ex Batavis dixit; estne hoc in benefacito Omnipotentis, num argilla incrementatura est figurum, quod ex se testam lotii faciat; & alius dixit, salus cuiusvis in manu Ipsius est sicut bilanx in manu ponderantis. Steterunt ad latera aliqui simplices fide & recti corde, quidam oculis inflammati, quidam sicut stupefacti, quidam sicut inebrinati, & quidam sicut suffocati, mussitantes inter se, quid nobis cum illis deliriis, fides illorum infatuavit illos, quæ est quod Deus Pater imputet justitiam Filii sui cui vult & quando vult; & mittat Spiritum Sanctum ad operandum justitiae istius auctoramenta; & ne homo sibi granum vindicet in salutis suæ ministerio, erit omnino sicut lapis in justificationis negotio, & sicut stipes in spiritualibus: & tunc quidam ex illis intrusus se in Cohortem, & loquutus alte dixit; o dementes, ratiocinatio vestra est de lana caprina; nescitis plane, quod Deus Omnipotens sit ipse Ordo, & quod leges Ordinis sint myriades, quot nimirum Veritatis in Verbo, & quod contra illas non possit facere, quia facere contra illas, foret contra Scipium, & sic non modo contra Justitiam sed etiam contra Omnipotentiam suam; & vidit e longinquum ad dextrum sicut ovem & agnum, & volantem columbam, & ad sinistrum sicut hircum, lupum & vulturem, & dixit, creditis quod

Deus ex Omnipotentia sua possit convertere hircum illum in ovem, vel lupum illum in agnum, vel vulturem illum in columbam, aut vicissim, minime, est enim contra leges ordinis Ipsius, e quibus ne quidem apex potest cadere in terram, secundum Ipsius verba, quomodo tunc potest justitiam redemptionis Filii sui inferre in aliquem refractarium contra leges justitiae Ipsius, quomodo potest ipsa Justitia injustitiam facere, & aliquem praedestinare ad infernum, & conjicere in ignem, ad quem diabolus cum facibus in manu stat & fomentat; o dementes, vacui spiritu, fides vestra seduxit vos, estne illa in manibus vestris sicut laqueus ad captandum columbas; his auditis, quidam Magus ex fide illa fecit sicut laqueum, & appendit in arbore, dicens, videbitis quod captaturus sim columbam illam, & mox advolavit accipiter, ac collum insertavit laqueo, & peperdit, & columba viso accipitre prætervolavit; adstantes mirati sunt, & clamaverunt, hic ludus usque est auctoramentum justitiae.

73. Postridie ad me venerunt aliqui, ex Cohorte, qui in Fide praedestinata & imputata erant, & dixerunt, sumus sicut temulenti, non ex vino, sed ex sermone hesterno istius viri, loquutus est de Omnipotentia & simul de Ordine, & conclusit quod sicut Omnipotentia est Divina, ita etiam Ordo sit Divinus, imo quod ipse Deus sit Ordo, & dixit quod totidem sint leges Ordinis, quot veritates in Verbo, quæ non modo chiliades sunt, sed myriades myriadum, & quod Deus obstrictus sit ad suas leges ibi, & quod homo ad suas; quid tunc Omnipotentia Divina, si ligata est legibus, sic etenim ab Omnipotentia omne absolutum recedit, estne sic Deo minor potestas quam Regi Mundi qui est Monarcha, hic potest leges justitiae vertere sicut suas palmas, ac agere absolute sicut Octavius Augustus, & quoque absolute sicut Nero; nos postquam cogitavimus de Omnipotentia ad leges ligata, tanquam temulenti facti sumus, ac proni ad delinquum, si non subito mendela affertur; nos enim ex fide nostra oravimus, ut Deus Pater nostri misereatur propter Filium suum, & credimus quod misereri possit cuius lubet, ac remittere peccata cui placet, ac salvare quem vult, & non ausi sumus aliquid minimum subtrahere ex Omnipotentia Ipsius, quare obstringere Deum aliquarum suarum legum catenis aspicimus ut nefas, quia ut contradictorium Omnipotentiae Ipsius. His dictis inspicerunt me, & ego illos, & vidi attonitos, & dixi, supplicabo ad Dominum, & afferam inde medelam, illustrando hanc rem, sed nunc duntaxat per exempla, & dixi; Deus Omnipotens cravit Mundum ex Ordine in se, ita in Ordinem in quo sit, ac secundum quem regat, ac indidit Universo & omnibus & singulis ejus suum ordinem, homini suum, bestiæ suum, avi & pisci suum, vermi suum, cuivis arbori, imo gramini suum; sed ut exempla illustrent, breviter adducam sequentia; leges Ordinis homini indictæ sunt, ut homo acquirat sibi veritates ex Verbo, ac naturaliter, & quantum valet, rationaliter cogitet illas, & sic fidem naturalem sibi comparet; leges Ordinis tunc a parte Dei sunt, quod approxinet, impleat veritates Divina sua luce, & sic fidem ejus naturalem, quæ modo est scientia & persuasio, Divina essentia, sic & non aliter fit fides salvifica; simile est cum charitate; sed breviter recensemus aliqua; Deus non potest secundum suas leges alicui homini remittere peccata, nisi quantum homo secundum suas leges desistit ab illis, Deus non potest spiritualiter regenerare hominem, nisi quantum homo secundum suas leges se naturaliter regenerat; Deus in perpetuo conatus est regenerandi & sic salvandi hominem, sed hoc non potest efficere nisi sicut homo parat se receptaculum, & sic applanat Deo viam, & aperit januam; non potest sponsus intrare thalamum virginis non despontatae, haec oculudit januam, & clavem intus apud se custodit, sed postquam virgo sponsa facta est, dat clavem sponso. Deus non potuit ex sua Omnipotentia redimere homines, nisi Homo factus sit nec potuit; Humanum suum Divinum facere, nisi Humanum Ipsius primum esset sicut Humanum infantis, & postea sicut Humanum pueri, &

nisi Humanum postea formaret se in receptaculum & habitaculum in quod Pater Ipsius intraret, quod factum est per quod impleverit omnia Verbi, hoc est, omnes leges ordinis ibi, & quantum hoc perfecit, tantum Se univit Patri, & Se Pater Ipsius. Sed haec sunt pauca, illustrationis causa adducta, ut videatis, quod Omnipotentia Divina sit in ordine, ac regimen Ipsius, quod vocatur Providentia, sit secundum Ordinem, & quod agat continue & in æternum secundum leges Ordinis sui, & quod contra illas nequeat, nec illas quoad apicem mutare, quia Ordo cum omnibus ejus legibus est Ipse. His dictis splendor lucis in colore aureo per teatum influxit, & cherubos volantes formavit in aere, & rutilum inde illustravit quorandum tempora a parte occipitii, sed nondum a parte frontispicij, murmurabant enim, ignoramus adhuc quid Omnipotentia; & dixi, revelabitur illa, postquam haec tenus dicta apud vos aliquam lucem fænerata sunt.

74. TERTIUM MEMORABILE. Vidi e longinquo plures congregatos cum pileis super capitibus, quosdam cum pileis circumcinctis ferico, qui ex Ordine Ecclesiastico erant, quosdam cum pileis quorum limbos ornavant fasciæ aureæ, qui ex Ordine Civili erant, omnes hi docti & eruditæ; & insuper vidi quosdam cum tiaris, qui erant indocti; accessi, & audivi illos inter se loquentes de Divina Potentia illimitata, & quod si illa progrederetur secundum alias leges quæ factæ sunt ordinis, non illimitata sed limitata foret, & sic potentia & non Omnipotentia; at quis non videt, quod non aliqua necessitas legis possit Omnipotentiam adigere ad faciendum ita & non aliter; certe, dum cogitamus de Omnipotentia & simul de legibus Ordinis, secundum quas obligatur progreedi, cadunt ideæ nostræ præceptæ de Omnipotentia sicut manus fracto scipione. Illi cum me viderunt prope se, accurrerunt aliqui, & in quadam vehementia dixerunt; es tu qui circumscripti Deum legibus sicut vinculis, hoc quam petulans est; sic etiam discerpisti fidem nostram, super qua fundatur salus nostra, in cuius medio ponimus justitiam Redemptoris, super illa Omnipotentiam Dei Patris, & appendicem facimus operationem Spiritus Sancti, & efficaciam ejus in hominis absoluta impotentia in spiritualibus, cui fatus est loqui de plenitudine justificationis, quæ ex Omnipotentia Dei inest fidei isti; sed audivi, quod tu inanitatem in illa videoas, quia nihil ordinis Divini ab homine in illa. His auditis aperui os, & alta voce loquens dixi, discite leges Ordinis Divini, & postea aperite illam fidem, & videbitis vastam solitudinem, & in hac Leviathanem tortuosum & oblongum, & circum circa illam, retia circum voluta sicut in nodum inexplicabilia, sed facite sicut legitur de Alexandro, cum vedit Nodus Gorgium, quod nudaverit ensem, & bissecuerit illum, & sic contortus ejus dissolverit, & projecerit in terram, & calceo fila ejus contriverit. Ad hæc dicta congregati mordebant linguas, volentes acuere illas in dictoria, sed non ausi sunt, quia videbant super me Cælum apertum, & audiebant vocem inde, auscultate primum cum moderamine, quid Ordo, secundum cuius leges Deus Omnipotens agit; Deus a Se ut Ordine, in ordine, ad ordinem, creavit Universum; similiter hominem in quo leges ordinis sui stabilivit, ex quibus imago & similitudo Dei factus est, quæ in summa sunt, ut credat in Deum, & amet proximum, & quantum illa duo ex naturali potentia facit, tantum se receptaculum Divinæ Omnipotentiae facit, & tantum Deus conjungit Se illi, & illum Sibi, inde ejus fides fit viva & salvifica, & ejus facere fit charitas, etiam viva & salvifica: at sciendum est, quod Deus perpetuo adsit, & continue conetur & agat in homine, & quoque tangat liberum ejus arbitrium, sed nusquam violet, si enim liberum arbitrium hominis violaret, periret habitatio hominis in Deo, & foret Solius Dei in homine, & hæc habitatio est in omnibus tam qui in terris sunt, quam qui in cælis, & quoque in illis qui in infernis, inde enim est posse, velie, & intelligere illorum; sed non est habitatio reciproca hominis in Deo, nisi apud illos qui vivunt secundum leges ordinis in Verbo latas, & hi sunt imagines & similitudines Ipsius, & his datur paradisus in posse.

sessionem, & fructus arboris vitæ in cibum; at reliqui congregant se circum arborem scientiæ boni & mali, & colloquuntur cum Serpente ibi, & comedunt, at postea expelluntur Paradiso; attamen illos Deus non relinquit, sed illi relinquunt Deum. Hæc illi in pileis intellexerunt, & approbaverunt, at illi in tiaris negaverunt, & dixerunt, numne sic Omnipotentia est limitata, ac Omnipotentia limitata est contradic̄tio; sed respondi, non est contradic̄tio omnipotenter agere secundum leges justitiae cum judicio, aut secundum leges Amoris inscriptas ex Sapiencia; at contradic̄tio est, quod Deus posset agere contra leges Justitiae & Amoris sui, & hoc foret ex non judicio & sapientia; talem contradictionem involvit fides veltra, quæ est, quod Deus injustum possit ex mera gratia justificare, & omnibus salutis donis & vita præmiis insignire. Sed dicam paucis, quid Omnipotentia Dei; Deus ex Omnidotentia sua creavit Universum, & simul introduxit omnibus & singulis ejus Ordinem; Deus etiam ex Omnipotentia sua conservat Universum, & custodit ibi Ordinem cum suis legibus in perpetuum, & dum aliquid elabatur ex ordine, reducit illud & redintegrat. Porro Deus ex Omnipotentia sua instauravit Ecclesiam, & leges Ordinis ejus revelavit in Verbo; & cum Illa clapsa est ex ordine, restauravit illam, & cum totaliter elapsa est, Ipse descendit in Mundum, & per assumptum Humanum induit Omnipotentiam, & restituit. Deus ex Omnipotentia & quoque Omniscientia explorat unumquemque post mortem, ac præparat justos seu oves ad loca sua in Cælo, & ex his condit Cælum, ac præparat injustos seu hircos ad loca sua in inferno, & ex his condit Infernum; ac disponit utrumque in Societates & congregaciones secundum omnes varietates amoris illorum, quæ in Cælo totidem sunt, quot stellæ in firmamento Mundi, ac Societates in Cælo conjungit in unum, ut sint sicut unus Homo coram Se; similiter congregaciones in Inferno, ut sint sicut unus Diabolus, & hos ab illis separat per hiatum, ne Infernum inferat violentiam Cælo, & ne Cælum inferat cruciatum Inferno; nam illi qui in Inferno sunt, tantum cruciantur, quantum influit Cælum. Hæc & illa nisi Deus ex Omnipotentia sua omni instanti faceret, ferinum intraret homines, usque ut amplius non possent legibus alicujus Ordinis coerceri, & sic periret Genus humanum: hæc & similia evenirent, nisi Deus esset Ordo, & in Ordine Omnipotens. His auditis illi qui teuti pileis erant, abiwerunt pileis sub ulnis, laudantes Deum, nam in illo Mundo intelligentes teguntur pileis, at teuti tiaris non ita, quia calvi sunt, & calvities significat obesitatem; & hi abiwerunt ad sinistrum, at illi ad dextrum.

DE CREATIONE UNIVERSI.

75. Quoniam in Primo hoc Capite de Deo Creatore agitur, etiam de Creatione Universi ab Ipo agendum est, sicut in sequente Capite de Domino Redemptore, etiam de Redemptione; sed non potest aliquis justam ideam de Creatione Universi sibi comparare, nisi aliquæ cognitiones universales præmissæ intellectum in statum perceptionis immittant, quæ erunt sequentes. I. Quod duo Mundi sint, Mundus spiritualis, in quo sunt Angeli & Spiritus, & Mundus naturalis in quo sunt homines. II. Quod in utroque Mundo sit Sol, & quod Sol Mundi spiritualis sit purus Amor ex Jehovah Deo, Qui in medio ejus est; & quod ex illo Sole procedant calor & lux, & quod Calor inde procedens in sua essentia sit amor, & quod Lux inde procedens, in sua essentia sit sapientia; & quod illa duo afficiant voluntatem & intellectum hominis, calor ejus voluntatem, & lux ejus intellectum: at quod Sol Mundi naturalis sit purus Ignis, & quod ideo Calor inde sit mortuus,

similiter Lux, & quod inserviant Calori & Luci spirituali pro amiculo & adminiculo ut ad hominem transeant. III. Tum quod illa duo, quæ procedunt a Sole Mundi spiritualis, & inde omnia quæ per illa ibi existunt, sint substantialia & dicantur spiritualia, & quod similia duo quæ procedunt a Sole Mundi naturalis, & inde omnia quæ per illa hic existunt, sint materialia & dicantur naturalia. IV. Quod in utroque Mundo sint tres Gradus, qui vocantur gradus altitudinis, & inde tres Regiones, secundum quas ordinati sunt tres Cæli angelici, & secundum quas ordinatae sunt Mentes humanæ, quæ sic tribus illis Cælis angelicis correspondent; & quod similiter reliqua hic & ibi. V. Quod sit Correspondentia inter illa quæ in Mundo spirituali sunt, & inter illa quæ in Mundo naturali. VI. Quod sit Ordo, in quem omnia & singula utriusque Mundi creata sunt. VII. Quod de his omnino primum comparanda sit idea; quod nisi sit, Mens humana ex mera ignorantia de illis, facile cadat in ideam de Creatione Universi a Natura, & ex sola Autoritate Ecclesiastica dicat quod Natura a Deo creata sit; sed quia nescit quomodo, si interius de illa re scrutatur, labatur pronus in Naturalissimum negantem Deum. Verum enim vero, quia illa singulatim exponere & demonstrare, sicut oportet, magni Voluminis opus foret, & quoque non proprio Systema Theologicum quod hujus Libri est, ut lemma aut argumentum, ingreditur, volo solum aliqua MEMORABILIA afferre, ex quibus idea de Creatione Universi a Deo potest concipi, & ex conceptione aliquis fatus repræsentans illam gigni.



76. PRIMUM MEMORABILE. Quodam die in meditatione de Creatione Universi sui, & quia hoc percepserunt Angeli supra me a latere dextro, ubi erant qui de eadem aliquoties meditati & ratiocinati sunt, quare unus descendit & invitavit me, & factus sum in spiritu, & comitatus sum illum, & postquam intravi, deductus sum ad Principem, in cuius Aula congregatos ad centenos vidi, & Princeps in medio illorum: & tunc unus ex illis dixit, percepimus hic quod meditatus sis de Creatione Universi, & nos in simili meditatione aliquoties fuimus, sed non potuimus concludere, quoniam cogitationibus nostris inhaesit idea de Chao, quod hoc sicut magnum Ovum fuerit, ex quo exclusa fuerunt omnia & singula Universi in suo Ordine; cum tamen nunc percipimus, quod tantum Universum non potuerit ita excludi; tum etiam inhaesit mentibus nostris idea alia, quæ erat, quod a Deo omnia creata sint ex nihilo, & tamen nunc percipimus, quod ex nihilo nihil fiat; & ex his duabus ideis Mentes nostræ nondum se potuerunt evolvere, & in aliqua luce videre Creationem quomodo facta est; quapropter evocavimus te e loco ubi eras, ut de illa tuam meditationem expromas. His auditis, respondi, expromam; & dixi, de hoc diu meditatus sum, sed in vanum; at postea cum a Domino intromissus sum in vestrum Mundum, percepvi quod vanum esset aliquid de Creatione Universi concludere, nisi prius sciatur, quod duo Mundi sint, Unus in quo Angeli sunt, & alter in quo homines, & quod hi per mortem e suo in alterum transcendent; & tunc etiam vidi quod duo Soles essent, unus ex quo omnia Spiritualia profluunt, & alter ex quo omnia Naturalia, & quod Sol, ex quo omnia spiritualia profluunt, sit purus Amor a Jehovah Deo, Qui in medio ejus est, & quod Sol, ex quo omnia naturalia profluunt, sit purus Ignis. His cognitis, quondam cum in illustratione eram, datum est percipere, quod a Jehovah Deo per Solem, in cuius medio est, Universum creatum sit; & quia Amor non dabilis est nisi una cum Sapientia, quod a Jehovah Deo ex suo Amore per suam Sapientiam Universum creatum sit; quod ita sit, convincunt omnia & singula, quæ vidi in Mundo, ubi vos estis, & quæ vidi in Mundo, in quo

ego corpore sum. Quomodo autem a primordio suo progressio Creationis facta est, nimis prolixum est exponere; sed cum in illustratione fui, percepī, quod mediis Luce & Calore ex Sole vestri Mundi creatæ sint atmosphæræ spirituales, quæ in se sunt substanciales, una ex altera; quæ quia tres sunt, & inde tres gradis earum; tres Cæli facti sunt, unum pro Angelis qui in supremo gradu amoris & sapientiae sunt, alterum pro Angelis qui in secundo gradu, & tertium pro Angelis qui in ultimo gradu. Sed quia Universum hoc spirituale non potest existere absque Universo naturali, in quo illud ageret suos effectus & usus, quod simul tunc Sol, ex quo omnia Naturalia procedunt, creatus sit, & per hanc similiter, mediis luce & calore, tres atmosphæræ ambientes priores illas, sicut putamina nucleos, aut phylæ ligna, & tandem per has Orbis terraqueus, ubi homines, bestiæ, pisces, tum arbores, frutices & herbæ, ex terris quæ ex humis, lapidibus & mineris consistunt. Ast hæc est sciagraphia communissima Creationis & ejus progressionis, at particularia & singularia non possunt exponi, nisi per Volumina librorum; verum omnia concludunt hoc, quod Deus no[n] creaverit Universum ex nihilo, quia, ut dixistis, ex nihilo nihil fit, sed per Solem cæli angelici, qui est ex Ese Ip[s]ius, & inde purus Amor una cum Sapientia: quod Universum, per quod intelligitur uterque Mundus, Spiritualis & Naturalis, ex Divino Amore per Divinam Sapientiam creatum sit, omnia & singula ejus testantur & contestantur, & vos, si illa in ordine & connexu expenditis, ex luce, in qua perceptiones intellectus vestri sunt, potestis clare videre: at tenendum est, quod Amor & Sapientia, quæ in Deo unum faciunt, non sunt Amor & Sapientia in sensu abstracto, sed in Ipso ut Substantia, nam Deus est ipsa, unica & inde prima Substantia & Essentia, quæ in se Est & Subsistit. Quod omnia & singula ex Divino Amore & Divina Sapientia creata sunt, intelligitur per hæc apud Johannem, „Verbum erat apud Deum, & Deus erat Verbum, omnia per Ipsum facta sunt, & Mundus per Ipsum factus est, Cap. I: 1. 3. 10.“ Deus ibi significat Divinum Amorem, & Verbum significat Divinum Verum, seu Divinam Sapientiam, quare Verbum ibi appellatur Lux, & per Lucem, ubi de Deo, intelligitur Divina Sapientia. His peractis, cum vale dicarem, micæ lucis e Sole ibi per Cælos angelicos delapsæ sunt in oculos illorum, & per hos in habitacula mentis illorum; & sic illustrati dictis a me faverunt, & postea in atrium me sequuti sunt, & prior comes ad domum ubi eram, & abinde in Societatem suam reascendit.

77. SECUNDUM MEMORABILE. Quodam mane, cum evigilatus e somno, in luce matutina & serena ante plenam vigiliam meditans, vidi trans fenestrā sicut fulgur micans, & mox audivi sicut tonitru crepans; cum miratus sum unde hoc, audivi e Cælo, quod sint aliqui non procul a me, qui acriter ratiocinantur de DEO ET NATURA, & quod vibratio lucis sicut fulgoris, & crepor aeris sicut tonitru, essent correspondentiae & inde apparentiae pugnæ & collisionis argumentorum, ab una parte pro Deo, & ab altera pro Natura: principium hujus spirituallis pugnæ fuit hoc: erant aliqui Satanae in Inferno, qui dixerunt inter se, utinam liceret nobis cum Angelis Cæli loqui, ac prorsus & plene demonstrabimus, quod Natura sit quam vocant Deum a quo omnia, ita ut Deus sit modo vox, nisi intelligatur Natura; & quia Satanae illi toto corde & tota anima id crediderunt, & cupiverunt cum Angelis cæli loqui, datum est illis e luto ac e tenebris Inferni ascendere, & cum duobus Angelis tunc descendantibus e Cælo loqui; erant in Mundo spirituum, qui inter Cælum & Infernum medius est: Satanae ibi visis Angelis, velociter accurrerunt, & furiosa voce clamabant, estis vós Angeli Cæli, cum quibus ratiocinando de Deo & de Natura licet congregari; vocamini sapientes, quia agnoscitis Deum, sed oh quam simplices estis; quis vidit Deum, quis intelligit quid Deus, quis capit quod Deus regat & regere possit Universum, ac omnia & singula ejus; quis nisi plebs & vulgus agnoscit quod non videat & intelligit; quid-

existans est, quam quod Natura sit omne in omnibus, quis vidit aliud oculo quam naturam, quis audivit aliud aure quam naturam, quis odoravit aliud nare quam naturam, quis gustavit aliud lingua quam naturam, quis aliquo tactu manus & corporis sensit aliud quam naturam, suntne sensus corporis nostri testes veritatum, quis non potest ex illis jurare quod ita sit, estne respiratio ex qua etiam vivit corpus nostrum, testis, quid respiramus aliud quam naturam; suntne capita nostra & vestra in natura, unde influxus in cogitationes Capitum, nisi ex illa, si aufertur illa, num potestis cogitare quicquam; præter plura simiis farinæ alia. His auditis Angeli responderunt, vos ita loquimini, quia estis mere sensuales, omnes in Inferno ideas cogitationum sensibus corporis habent immersas, nec possunt supra illos elevare mentes, quare nos ignoscimus vobis, vita mali & inde fides falsi occlusit interiora mentium vestrarum, usque ut elevatio supra sensualia apud vos non dabilis sit, nisi in statu remoto a malis vitæ & a falsis fidei; nam Satanæ æque ac Angelus potest intelligere verum cum illud audit, sed non retinet, quia malum obliterat verum, & inducit falsum; sed percipimus, quod vos sitis in statu remoto, & quod sic possitis intelligere verum quod loquimur, quare attendite ad hæc quæ dicemus, & dixerunt: fuistis in Mundo naturali, & obivistis ibi, & nunc estis in Mundo spirituali, num prius quam nunc scivistis aliquid de vita post mortem, numne prius negavistis eam, & fecistis vos pares bestiis; num prius aliquid scivistis de Cælo & Inferno, num aliquid de luce & calore hujus Mundi; num de eo, quod non amplius sitis intra Naturam, sed supra illam, est enim hic Mundus, & sunt omnia ejus spiritualia, & spiritualia sunt supra naturalia, adeo ut ne quidem minimum naturæ, in qua fuistis, possit in hunc Mundum influere: sed vos, quia Naturam credidistis Deum aut Deam, creditis etiam Lucem & Calorem hujus Mundi esse lucem & calorem Mundi naturalis, cum tamen ne hilum sit, nam Lux naturalis hic est Caligo, & Calor naturalis hic est Frigus; num aliquid scivistis de Sole hujus Mundi, ex quo nostra Lux & noster Calor procedunt; num scivistis, quod hic Sol sit purus Amor, & quod Sol Mundi naturalis sit purus Ignis, & quod Sol Mundi, qui est purus ignis, sit ex quo Natura existit & subsistit, & quod Sol cæli, qui est purus Amor, sit ex quo ipsa Vita, quæ est amor una cum sapientia, existit & subsistit; & sic quod Natura, quam facitis Deum aut Deam, sit plane mortua. Vos potestis, si custodia vobis datur, cum nobis ascendere in Cælum, & nos possumus, si custodia datur, cum vobis descendere in Infernum, & videbitis in Cælo magnifica & splendida, at in Inferno turpia & immunda; discrimina illa sunt, quia omnes in Cælo colunt Deum, & omnes in Inferno colunt Naturam, ac magnifica & splendida illa in Cælis, sunt correspondentiae affectionum amoris boni & veri, at turpia & immunda illa in Infernis, sunt correspondentiae affectionum amoris mali & falsi. Ex his & illis concludite nunc, num Deus vel num Natura sit omne in omnibus. Ad hæc Satanæ responderunt, in statu, in quo nunc sumus; possumus ex auditis concludere, quod Deus sit, sed cum jucundum mali occupat mentes nostras, non videmus nisi Naturam. Duo illi Angeli, & Satanæ non procul a me stabant, quare illos vidi & audivi, & ecce vidi circum illos multos, qui celebres eruditio in Mundo naturali fuerant, ac miratus sum, quod Erudit illi nunc starent juxta Angelos, nunc juxta Satanam, & quod illis, juxta quos stabant, faverent, & dictum mihi est, quod mutations situs illorum, essent mutations status illorum mentis faventis nunc parti uni nunc parti alteri, erant enim quoad fidem sicut vertumnus: & dicemus tibi mysterium, despeximus in Terram ad celebres eruditio, & invenimus sexcentos ex mille pro Natura, & reliquos pro Deo, & hos pro Dco, quia non ex intellectu, sed modo ex auditis quod Natura sit a Deo, frequenter loquuti sunt, & frequens loquela ex memoria & reminiscencia, tametsi non simul ex cogitatione & intelligentia, infert speciem fidei. Post hæc data est Satanis custodia, & cum duobus Angelis ascenderunt in Cælum,

ac viderunt magnifica & splendida, & tunc in illustratione a luce cæli ibi agnoverunt quod Deus sit, & quod Natura creata sit ad inserviendum vitæ, quæ a Deo est, & quod Natura in se mortua sit, & quod sic a se nihil agat, sed a vita agatur: Illis visis & perceptis descenderunt, & sicut descendebant, rediit amor mali, & occlusit intellectum illorum supra, & aperuit illum infra, & tunc supra illum apparuit sicut umbraculum fulgurans ex igne infernali; & actutum cum tetigerunt terram pedibus, hiabat solum sub illis, & relapsi sunt ad suos.

78. TERTIUM MEMORABILE. Postridie ad me venit Angelus ex alia Societate Cæli, & dixit ibi, quod propter meditationem de Creatione Universi arcessitus sis in Societatem nostræ propinquam, & quod ibi narraveris de Creatione talia, quibus tunc faverunt, & postea lætati sunt; ego nunc tibi monstrabo, quomodo Animalia & Vegetabilia omnis generis a Deo producta sunt; & deduxit me in latum Campum viridem, & dixit, circumspice, & circumspexi, & vidi Aves pulcherimè coloratas, quasdam volantes, quasdam super arboribus sedentes, & quasdam super campo foliola excerpentes rosas; inter aves etiam erant Columbae & Cygni. Postquam hæc a conspectu meo evanuerunt, vidi non procul a me Greges ovium cum agnis, hædorum & caprarum, & circum circa greges illos vidi Armenta ex Bobus & Vitulis, tum ex Camelis & Mulis, & in quadam Iuco Cervas cum altis cornibus, & quoque Unicorns. Post hæc visa, dixit, converte faciem ad Orientem, & vidi Hortum, in quo Arbores fructus, Aurantiae, Citri, Oleæ, Vites, Ficus, Malogranata, & quoque Arbusta quæ ferebant bacca-s. Postea dixit, specta nunc ad Meridiem, & vidi Messes ex varii generis frumentis, ex triticis, minii, hordeis, & fabis, & circum illa Floreta ex rosis pulchre variegantibus colores: ad Septentrionem autem Némora plena castaneis, palmis, tiliis, platanis, & aliis arboribus foliaceis. His visis dixit, sunt omnia illa, quæ vidisti, Correspondentiae affectionum amoris Angelorum, qui in propria quo-funt, & narrabant, quibus affectionibus singula correspondebant; & insuper, quod non solum illa, sed etiam singula reliqua, quæ coram oculis nostris fistuntur videnta, sint Correspondentiae, prout Domus, Utensilla in illis, Mensæ & Cibi, Vestes, tum etiam monetæ ex auro & argento, ut & adamantes, & alii lapides pretiosi, quibus Uxores & Virgines in Cælis exornantur; nos ex his & illis percipimus qualis unusquisque est quoad amorem & sapientiam; illa quæ in domibus nostris sunt, & usibus inserviunt, constanter ibi manent, at coram illis, qui a societatibus in societas vagantur, talia mutantur secundum confortia. Hæc tibi ostensa sunt, propter causam ut in Typo particulari videoas Creationem Universalem; Deus enim est ipse Amor & ipsa Sapientia, & Amoris Ipsius sunt infinitæ affectiones, & Sapientiae Ipsius sunt infinitæ perceptiones, & harum Correspondentiae sunt omnia & singula quæ super Tellure apparent, inde aves & bestiæ, inde arbores & frutices, inde segetes & messes, & inde herbae & gramina: nam Deus non est extensus, sed usque in extenso ubi-vis, ita in Universo a primis ejus ad ultima ejus, & quia Omnipræsens est, tales Correspondentiae affectionum Amoris & Sapientiae Ipsius in toto Mundo naturali sunt; at in nostro Mundo, qui vocatur Mundus Spiritualis, sunt similes correspondentiae apud illos, qui a Deo affectiones & perceptiones recipiunt; discriminem est, quod talia in nostro Mundo secundum affectiones Angelorum a Deo momento creentur, in vestro autem Mundo in principio similiter creata sunt, at provisum est ut per generationes, unius ab altera, perenniter renoventur, & sic Creatio continuetur: Causa quod in nostro Mundo sit Creatio momentanea, & in Vestro Creatio durans per generationes, est quia Atmosphærae & terræ nostri Mundi sunt spirituales, & Athmosphærae & terræ Vestri Mundi sunt naturales, ac naturalia creata sunt ut investiant spiritualia, sicut cutes corpora hominum & animalium, cortices & libri caudicēs & ramos arborum, matres & meninges cerebra, tunica nervos, & philyræ illorum fibras.

& sic porro; indè est; quod omnia illa quæ in vestro Mundo sunt, constantia sint,
& conlitanter in annis redeant. His addidit; hæc quæ vidisti & audivisti, refer
incolis tui Mundi, - quia hæc tenus in plenaria ignorantia fuerunt de Mundo Spiritu-
tuali, & absque ejus notitia nemo potest scire, & ne quidem augurari, quod Creatio
continua sit in nostro Mundo, & quod huic consimilis fuerit in Vestro, dum
Universum a Deo creatum est.

Post hæc loquuti sumus varia, & tandem de Inferno, quod prorsus nihil ex
talibus, quæ in Cælo, ibi videantur, sed modo opposita, quoniam affectiones
amoris illorum, quæ sunt cupiditates mali, oppositæ sunt affectionibus amoris,
in quibus sunt Angeli Cæli; quare apud illos in Inferno, & in genere in Desertis
illorum, apparent Aves noctis, ut vespertilioes, ululæ & bubones, & quoque
lupi, pardi, tigrides, mures majores & minores; tum omnis generis serpentes
venenati, ut dracones & crocodili; & ubi aliquid gramineum est, ibi succrescant
fentes, urticæ, spinæ & cardui, & aliquæ herbae toxicatae, quæ per vices eva-
nescunt, & tunc modo apparent strues lapidum, ac paludes, in quibus ranæ cro-
citant: hæc & illa sunt quoque Correspondentiae, sed ut dictum est, Correspondentiae affectionum amoris illorum, quæ sunt cupidates mali. Attamen talia non
a Deo creantur ibi, nec creata sunt in Mundo naturali, ubi similia existunt; nam
omnia, quæ Deus creavit & creat, fuerunt & sunt bona; ast talia super Tellure
exorta sunt una cum Inferno, quod ex hominibus, qui per aversionem a Deo,
post mortem facti sunt diaboli & satanæ, exstinxit. Sed quia hæc dira inceperunt
lædere aures nostras, avertimus cogitationes ab illis, & recollegimus illa, quæ
in Cælis vidiimus.

79. QUARTUM MEMORABILE. Quondam cum in cogitatione de Creatione Uni-
versi eram, accesserunt aliqui ex Orbe Christiano, qui suo tempore Philosophi
inter celeberrimos fuerunt, & præ reliquis reputati sapientes, & dixerunt, per-
cipimus quod cogites de Creatione, dic nobis quæ tua mens de illa; sed respondi,
dicite primum quæ vestra; & dixit unus, mens mea est, quod Creatio sit a Na-
tura, & sic quod Natura seipsum creaverit, & quod hæc fuerit ab æterno; non
enim datur vacuum, nec dabile est; atqui quid aliud spectamus oculis, captamus
auribus, odoramus naribus, & respiramus pectore, quam Naturam, & hæc quia
extra nos est, etiam intra nos est. Alter hec audiens dixit, nominas Naturam,
& hanc facis creatricem universi, sed non scis, quonodo Natura operata est Uni-
versum, quare dicam; convolvit se in vortices, qui inter se colliserunt sicut
nubes inter se, & sicut do[n]is in terræ motu, dum collabuntur, & quod ex illis
collisione crassiora se contulerint in unum, unde Tellus, & quod fluidiora se ex
his secreverint, & quoque se contulerint in unum, unde Maria, & quod ex his
etiam leviora se separaverint, unde æther & aer, & ex horum levissimis Sol; vi-
distine, quod dum Oléum, Aqua, & Pulvis terræ commiscerent una, se sponte
dividant, & in ordine unum supra alterum collocent. Tunc alias illud auscul-
tans, dixit, loquimini ex phantasia, quis non scit, quod omnium prima origo
fuerit chaos, quod magnitudine quartam partem Universi impleverat, & quod in
medio ejus fuerit Ignis, circum circa illum æther, & circum hunc materia, &
quod illud Chaos rimas duxerit, & per hos Ignis eruperit, sicut ex Ætna & Ve-
suvio, inde Sol; & quod post hunc æther se evolverit & circum fuderit, unde
Atmosphæra; & tandem materia residua se glomeraverit in orbem, unde Tellus:
quod Stellas attinet, sunt illæ modo luminaria in Expanso Universi, ex Sole &
ejus igne & luce exorta; Sol enim primum fuit sicut Oceanus igneus, qui ne
incenderet Tellurem, excerpit ex se flammulas lucentes, quæ locum fortitæ in
ambitu perfecerunt Universum, inde ejus Firmamentum. Sed stetit unus inter
illos, qui dixit, erratis, vos videmini vobis sapientes, & ego vobis video simplicis,
at usque in simplicitate mea credidi & credo, quod Universum a Deo
crea-

creatum sit, & quia naturalis est universi, quod simul tunc universa natura sit. si Naturam seipsum creaverit, fuisse ne illa ab æterno, sed oh quale delirium: & tunc unus ex sapientibus ita dictis occurrit proprius & proprius ad hunc loquenter, & admovit sinistram auren ad os ejus, dextra ejus auris erat obturata sicut goslypion, & quæfavit quid loquutus est, & is repetit idem; & tunc ille qui occurrit, circumspexit, num aliquis Sacerdos adestet, & vidi unum a latere loquenter, & tunc replicuit dicens, fateor etiam ego, quod universa natura sit a Deo, sed; & tunc abiit, susurrans cum sociis, & inquit, hoc dixi quia praestiterat Sacerdos vos & ego scimus, quod natura sit a natura, & quia sic natura est Dei, dixi quod universa natura sit a Deo, Sed. At sacerdos audiens susurros illorum, dixit, sapientia vestra quæ est mere philosophica, seduxit vos, & occlusit interiora mentium vestiarum, adeo, ut non Lux aliqua ex Deo & e Cælo Ipsius, potuerit influere, & illustrare vos, extinxistis illam; & dixit, ventilate itaque, & decidite inter vos, unde sunt Animæ vestrae, quæ immortales sunt, num ex Natura, vel num fuerunt in magno illo Chao simul; quibus auditis abiuit prior ad consocios, rogans ut illi una cum ipso hunc nodum questionis solverent, & concluserunt, quod Anima humana non sit nisi quam æther, & quod cogitatio non nisi quam modicatio ætheris per lucem solis, ac æther est naturæ; & dixerunt, quis non scit, quod loquamus per aerem, & quid cogitatio nisi quam loquela in puriore aere, qui vocatur æther, inde est quod cogitatio & loquela unum faciant, quis hoc non potest animadvertere ex homine dum infans est, is primum dicit loqui, & successivè loqui secum, & hoc est cogitare; quid tunc cogitatio aliud quam modicatio ætheris, ac sonus loquela quid aliud quam modulamen ejus, ex quibus decidimus, quod Anima, quæ cogitat, sit naturæ. Sed aliqui ex illis, quidem non dissenserunt, sed statim questionis illustraverunt, dicentes, quod Animæ exortæ sint, cum æther ex magno illo Chao se egloberavit, & quod tunc in suprema regione se divisorit in innumerabiles individuas formas, quæ se infundunt in homines, dum incipiunt ex aere puriore cogitare, quæ tunc vocantur Animæ. Hoc audito, dixit alius, concedo, quod formæ individuæ ab æthere in regione superiori formate fuerint innumerabiles, sed usque homines a creatione Mundi nati numerum illarum excesserunt, quomodo tunc formæ illæ æthereæ sufficere potuerunt, quare mecum cogitavi, quod Animæ exeuntes ex ore hominum dum obeunt, post aliquot millia annorum redeant ad eosdem, ac similem priori vitam ineant & peragant; quod multi ex sapientibus parilia & Metempsychosin credant, notum est. Præter hos etiam a reliquis sparßæ sunt alias conjecturæ, quas, quia erant infanæ, prætero. Post horulam rediit Sacerdos, & tunc ille, qui prius de Creatione Universi a Deo loquutus est, narravit illi decisa illorum de Anima; quibus auditis Sacerdos dixit illis, vos loquuti estis prorsus quemadmodum in Mundo cogitavistis, nescientes quod non in illo Mundo, sed in alio, qui vocatur Mundus Spiritualis, sitis; omnes illi qui sensuales corporei facti sunt ex confirmationibus pro Natura, non sciunt aliter, quam quod sint in eodem Mundo, in quo nati & educati sunt; causa est, quia ibi fuerunt in corpore materiali, hic autem sunt in corpore substantiali, & homo substantialis videt se & socios circum se, prorsus sicut homo materialis videt se & socios circum se; est enim substantiale primitivum materialis, & quia cogitatis, videtis, odoratis, gustatis, & loquimini similiter ut in Mondo naturali; ideo creditis, quod eadem Natura hic sit, cum tamen hujus Mundi natura tantum differt & distat ab illius Mundi natura, quantum substantiale a materiali, seu spirituale a naturali, seu prius a posteriori; & quia Natura Mundi, in qua prius vixistis, est respective mortua, ideo vos ex confirmationibus pro illa facti estis sicut mortui, sed in illis quæ Dei, Cæli & Ecclesiæ sunt, & quoque in illa re, quæ Animæ vestras spectat; sed usque omnis homo, tam

malus quam bonus, potest quoad intellectum elevari usque in lucem in qua sunt Angeli Cæli, & tunc videre quod Deus sit, & quod vita post mortem sit, & quod Anima hominis non sit ætherea, & sic ex natura istius Mundi, sed spirituialis, & ideo victura in æternum; intellectus in angelica illa luce potest esse, dum modo amores naturales, qui sunt ex Mundo & pro illo ejusque natura, & ex corpore & pro illo ejusque proprio removentur; & illico tunc a Domino, remoti sunt illi amores, & datum est illis loqui cum Angelis, & ex illorum sermone in illo statu percepunt quod Deus sit, & quod post mortem in alio Mundo vivant, quare pudore suffusi sunt, & exclamaverunt, insanivimus, insanivimus; sed quia hic status non fuit illorum proprius, & inde post aliquot minuta tædiosus & ingratuus factus est, averterunt se a Sacerdote, & non voluerunt audire ejus loquam amplius, & sic redierunt in amores priores, qui erant mere naturales, mundari & corporei, & abiverunt ad sinistrum, a societate in societatem, & tandem venerunt ad viam, ubi jucunda amorum illorum afflaverunt illos, & dixerunt, hanc viam eamus, & iverunt, & descenderunt, & tandem venerunt ad illos, qui in jucundis similibus amorum erant, ac ulterius; & quia jucundum illorum erat jucundum malefaciendi, & in via quoque malum fecerunt multis, incarcerauti sunt, & facti dæmones; & tunc jucundum illorum conversum est in injucundum, quia per pœnas & harum timores, a priori suo jucundo, quod fecit naturam illorum, coerciti & refrænati sunt; & quæsiverunt illos, qui in eodem carcere erant, num ita in æternum victuri sint, respondebant aliqui ibi, nos fuimus hic aliquot sæculis, & mansuri sumus in sæcula sæculorum; quoniam natura, quam contraximus in Mundo, non mutari potest, nec expelli per pœnas, & dum per has expellitur, usque post brevem temporis elapsum recurrat.

80. QUINTUM MEMORABILE. Quondam unus Satanes cum venia ex Inferno ascendit una cum fæmina, & accessit ad domum ubi erat, quibus vissis occlusi fenestram, attamen trans illam cum illis loquebar, & quæsivi Satanam unde veniret, dixit, ex confortio suorum, & quæsivi unde fæmina, dixit simuliter, hæc erat ex turba Sirenum, quæ callent per phantasias sibi inducere omnes habitus & figuræ pulchritudinis & ornatus, nunc figurant pulchritudinem Veneris, nunc decorum oris sicut esset Parnassis, nunc exornant se sicut Reginæ coronis & chlamydis, & super baculo argenteo innixa, magnifice ambulant; tales in Mündio Spirituum sunt meretrices, & plantas student; phantasia fit per cogitationem sensualem occlusis ideis ex cogitatione aliqua interiori. Quæsivi Satanam, num illa esset ejus Uxor, respondit, quid-uxor, hoc nescio, & nescit societas mea, est mea meretrix, & tunc illa inspiravit viro lasciviam, quod etiam Sirenæ dextre callent, quæ recepta osculatus est illam, & dixit, ah mea Adonis. Sed ad seria; interrogavi Satanam, quæ ejus functio, & ait, functio mea est Eruditio, videsne laurum super capite meo, hanc Adonis ejus per artem suam conflavit, & a tergo imposuit: & dixi, quoniam e societate, ubi magisteria sunt, advenis, dic mihi, quid credis, & quid credunt consocii tui de Deo; retulit, Deus nobis est Universum, quod etiam vocamus Naturam, & quod simplices nostratum vocant Athmosphærā, quæ illis est aer, at sapientes Atmosphærā quæ etiam est Æther; Deus, Cælum, Angeli, & similia, de quibus multi multa fabulantur in hoc Mundo, sunt vocabula inania, & figmenta capta ex Meteoris, quæ ludunt coram oculis plurium hic, suntne omnia, quæ super Tellure apparent, a Sole creata, numne omni adventu ejus tempore veris nascuntur Vermes cum aliis & absque aliis, & ex calore ejus Volucres se mutuo amat & prolificant, & Terra æstu ejus tepefacta semina educit in germina, & tandem in fructus ut proles, annon sic Universum est Deus, & Natura est Dea, & hæc ut Universi conjunx concipit, parit, educat, & alit illa. Porro interrogavi, quid credit Societas ejus, & ille, de Religione; respondit, quod Religio nobis præ vulgo eruditis, non sit nisi;

nisi quam fascinum plebis, quod circum sensitiva & imaginaria illorum mentis est sicut aura, in qua volant pietatis ideæ tanquam papilio in aere, & fides illorum, quæ connectit ideas illas sicut in catenam, tanquam bombyx in volvulo ferico, e quo evolat ut rex papilionum; amat enim Communio inerudita imagines supra sensualia corporis & inde cogitationis, propter cupidinem ut volent, ita etiam faciunt sibi alas, ut sicut aquilæ elevent se, & se jactent coram terricolis, dicturi, ecce me; nos autem credimus quod videmus, & amamus quod tangimus, & tunc tetigit Meretricem suam, & dixit, hoc credo, quia video & tango; verum nos talia ludibria per speculares nostras fenestras ejicimus, & sufflatu risus abigimus. Postea quæsivi, quid una cum consociis credit de Cælo & Inferno, respondit eum cachino, quid Cælum nisi firmamentum æthereum in sua altitudine, & quid Angeli ibi nisi quam maculae errantes circum Solem, & Archangeli nisi quam cometæ cum longa cauda, super qua habitat eorum turba; & quid Infernum nisi paludes, ubi ranæ & crocodili in phantasia illorum sunt diaboli; præter has ideas de cælo & inferno, reliqua sunt nugæ, a quodam Primate ad capessendum gloriam a populo ignaro introductæ; sed hæc omnia loquutus est, prorsus ut de illis cogitaverat in Mundo, nesciens quod viveret post mortem, & oblitus omnium, quæ, dum primum intravit Mundum Spirituum, audivit; quare etiam ad interrogationem de vita post mortem retulit quod sit ens imaginarium, & quod forte aliquod effluvio sum exsurgens ex cadavere in tumulo in forma sicut homo, aut quoddam quod vocatur spectrum, de quo fabulantur aliqui, tale quid in phantasias hominum introduxerat. His auditis non potui amplius retinere risum, quin erumperet & dixi, Satana, insanus insanendo, quid tu nunc, esne in forma homo, numne loqueris, vides, audis, gradiris, reminiscere, quod vixeris in alio Mundo, cuius oblitus es, & quod nunc post mortem vivas, & quod loquutus sis prorsus sicut prius; & data est ei reminiscens, & recordatus est, & tunc puduit illum, & clamavit, insanio, vidi cælum supra, & audivi angelos ibi loquitos ineffabilia, sed hoc quando huc nuper allui; at nunc retinebo hoc narraturus sociis meis, a quibus recessi, & forte tunc pudebit illos similiter; ac tenuit in ore quod illos vocaret insanios, sed sicut descendit, oblivio expulit reminiscentiam, & cum ibi erat, insanivit consimiliter, & vocavit illa, quæ a me audivit, insanias. Talis est status cogitationis & ferenciationis Satanarum post mortem: vocantur Satanæ illi, qui confirmaverunt apud se falsa usque ad fidem, & Diaboli illi qui confirmaverunt mala apud se per vitam.

CAPUT SECUNDUM⁶⁵

DE DOMINO REDEMPTORE.

81. In priori Capite actum est de Deo Creatore, & simul tunc de Creatione, in hoc autem Capite agendum est de Domino Redemptore, & simul etiam de Redemptione, & in sequente Capite de Spiritu Sancto, & simul de Divina Operatione: per Dominum Redemptorem, intelligimus Jehovah in Humano; nam quod Ipse Jehovah descendenterit, & Humanum assumserit, propter finem ut Redemptionem ageret, in sequentibus demonstrabitur. Quod dicatur Dominus & non Jehovah, est causa quia Jehovah in Veteri Testamento vocatur Dominus in Novo, ut constare potest ex his; dicitur apud Mosen „Audi Israel, JEHOVAH DEUS vester, JEHOVAH unus est: amabis JEHOVAM DEUM ex toto corde tuo, & ex tota anima tua, Deutr. VI: 4. 5. at apud Marcum „DOMINUS Deus vester DOMINUS unus est: amabis DOMINUM DEUM tuum ex toto corde tuo, & ex tota anima tua „, Cap. XII: 29. 30. Tum, apud Esajam „Parate viam JEHOVÆ, complanate in solitudine semitam Deo nostro, Cap. XL: 3: at apud Lucam „Præibante faciem DOMINI, ad parandum viam Ipsi „, Cap. I: 76, præter alibi: & quoque Dominus mandavit Discipulis suis, ut Ipsum vocarent Dominum, & ideo ab Apostolis in Epistolis eorum ita vocatus est, & postea ab Ecclesia Apostolica, ut patet a Symbolo ejus, quod vocatur Symbolum Apostolicum: causa fuit, quia Judæi non ausi sunt nominare Jehovah propter sanctitatem, & quoque per Jehovah intelligitur Divinum Esse, quod fuit ab æterno, & Humanum, quod assumserit in tempore, non fuit id Esse: quid Divinum Esse seu Jehovah, in superiori Capite, n. 18 ad 26, & n. 27 ad 35, ostensum est: propter hanc rem, hic & in sequentibus per Dominum intelligimus Jehovah in Humano suo. Nunc quia cognitio de Domino excellentia excedit omnes cognitiones, quæ in Ecclesia dantur, imo quæ in Cælo, erit dispositio ordinata, ut cognitio illa veniat in lucem, quæ itaque hæc erit. I. Quod Jehovah Creator Universi descendenterit & assumserit Humanum, ut redimeret & salvaret homines. II. Quod descendenterit ut Divinum Verum, quod est Verbum, & tamen quod non separaverit Divinum Bonum. III. Quod assumserit Humanum secundum Divinum suum ordinem. IV. Quod Humanum, per quod se misit in Mundum, sit quod vocatur Filius Dei V. Quod Dominus per actus redemptionis se justitiam fecerit. VI. Quod per eosdem actus se univerit Patri, & Pater Se Ipsi; etiam secundum Divinum ordinem. VII. Quod sic Deus factus sit Homo, & Homo Deus in Una Persona. VIII. Quod progressio ad unionem fuerit status exinanitionis Ipsius, & quod ipsa Unio sit status glorificationis Ipsius. IX. Quod posthac nullus ex Christianis in Cælum veniat, nisi qui in Dominum Deum Salvatorem credit, & Ipsum solum adit. Sed hæc singulatum explicabuntur.

82. I. QUOD JEHOVAH DEUS DESCENDERIT ET ASSUMSERIT HUMANUM, UT REDIMERET ET SALVARET HOMINES. In Ecclesiis Christianis hodie creditur, quod Deus Creator Universi genuerit Filium ab æterno, & quod Hic descendenterit & assumserit Humanum ad redimendum & salvandum homines; sed hoc erroneum est, & cadit ex se, dummodo cogitatur, quod Deus unus sit, & quod plus quam fabulosum sit coram ratione, quod Deus unus ab æterno aliquem Filium genuerit, & quoque quod Deus Pater una cum Filio & cum Spiritu Sancto, quorum quisque singulatum Deus est, sit unus Deus; hoc fabulosum prorsus dissipatur, sicut Stella caduca in aerem, dum e Verbo demonstratur, quod Ipse Jehovah Deus descendenterit, & Homo factus sit, & quoque Redemptor. Quod primum attinet, quod Ipse Jehovah Deus descendenterit, & Homo factus sit, constat ex his

his locis, „Ecce Virgo concipiet, & pariet Filium, qui vocabitur DEUS NOBISCUM“ Efaj. VII: 14. Matth. I: 22. 23. *Puer natus est nobis, Filius datus est nobis, super cuius humero Principatus, & vocabitur Nomen Ipsius.* Mirabilis, DEUS, HEROS, PATER AETERNITATIS, Princeps pacis, Efaj. IX: 5. 6. *Dicitur in die illo, ecce Deus noster Hic, quem exspectavimus ut liberet nos, Hic Jehovah, quem exspectavimus, exultemus & lætemur in salute Ipsius,* Efaj. XXV: 9. *Vox clamantis in deserto, parate viam JEHOVÆ, complanante in solitudine semitam DÉO NOSTRO, & videbunt omnis caro simul,* Efaj. XL: 3. 5. *Ecce DOMINUS JEHOVIH in forti venit, & brachium IPSIUS dominabitur IPSI, ecce merces IPSIUS cum IPO, sicut PASTOR gregem suum pasceret,* Efaj. XL: 10. 11. *Dixit JEHOVAH, jubila & lætare filia Sionis, ecce Ego venio, ut habitem in medio tui: tunc adhærebunt Gentes multæ JEHOVÆ in die illo;* Sach. II: 14. 15. *Ego JEHOVAH, vocavi Te in iustitia, & dabo Te in fædus populi, Ego JEHOVAH, HOC NOMEN MEUM, GLORIAM MEAM NON ALTERI DARO,* Efaj. XLII: 1. 6. 7. 8. *Ecce dies venientes, cum suscitaro Davidi germen iustum, qui regnet Rbx, faciatque judicium & iustitiam in terra, & hoc Nomen Ipsius, JEHOVAH JUSTITIA NOSTRA,* Jerem. XXIII: 5. 6. Cap. XXXIII: 15. 16. Præter in locis, ubi adventus Domini vocatur DIES JEHOVÆ, ut Efaj. XIII: 6. 9. 13. 22. Ezech. XXXI: 15. Joel I: 15. Cap. II: 1. 2. 11. Cap. III: 2. 4. Cap. IV: 1. 14. 18. Amos V: 13. 18. 20. Zeph. I: 7 ad 18. Sach. XIV: 1. 4 ad 21, præter alibi. Quod Ipse Jehovah descenderit & assumferit Humanum, constat aperte apud Lucam, ubi hæc „*Maria dixit ad Angelum, quomodo fiet hoc, quoniam virum non cognosco, cui respondit Angelus, SPIRITUS SANCTUS SUPERVENIET TE, ET VIRTUS ALTISSIMI OBUMBRABIT TE, unde quod nascitur ex te SANCTUM, vocabitur FILIUS DEI,* Cap. I: 34. 35. Et apud Matthæum „*Dixit Angelus ad Josèphum sponsum Marie in somnio, quod in illa natum est, ex Spiritu Sancto est: & Josèphus non cognovit illam usque dum peperit Filium, & vocavit nomen Ipsius Jesum,* Cap. I: 20. 25: quod per Spiritum Sanctum intelligatur Divinum quod a Jehovah Deo procedit, in Capite Tertio hujus Operis videbitur: quis non scit, quod ex Patre fit Anima & Vita proli, & quod ex Anima fit Corpus, quid itaque apertius dicatur quam quod Domino ex Jehovah Deo fuerit Anima & Vita, & quia Divinum non potest dividi, quod ipsum Divinum Patris fuerit Ejus Anima & Vita; quare Dominus toties Jehovah Deum vocavit Patrem suum, & Jehovah Deus. Ipsum vocavit Filium suum: Quid ergo ludicrius potest audiri, quam quod Anima Domini nostri fuerit ex Maria matre, sicut hodie sommiant & Romano Catholici & Reformati, nec adhuc vigiles facti sunt ex Verbo.

83. Quod aliquis Filius ab æterno natus descenderit & Humanum assumferit, prorius ut erroneum cadit & dissipatur ex locis in Verbo, in quibus Ipse Jehovah dicit, quod Ipse Salvator & Redemptor sit, quæ sunt sequentia „*Nonne Ego JEHOVAH, & non amplius Deus præter Me, Deus justus & SALVATOR NON PRÆTER ME,*“ Efaj. XLV: 21. 22. *EGO JEHOVAH ET NON PRÆTER ME SALVATOR,* Efaj. XLIII: 11. *EGO JEHOVAH DEUS TUUS, & Deum præter Me non agnoscet, & SALVATOR NÓN PRÆTER ME,* Hosch. XIII: 4. *Ut sciat omnis caro, quod Ego JEHOVAH SALVATOR TUUS ET REDEMPTOR TUUS,* Efaj. XLIX: 26. Cap. LX: 16. *Quod ad REDEMPTOREM NOSTRUM, JEHOVAH ZEBAOTH NOMEN IPSIUS,* Efaj. XLVII: 4. *REDEMPTOR EORUM, FORTIS JEHOVAH ZEBAOTH NOMEN IPSIUS,* Jerein. L: 34. *Jehovah Petra mea, & Redemptor meus,* Psalm XIX: 15. *Sic dixit JEHOVAH REDEMPTOR TUUS, Sanctus Isralis, Ego JEHOVAH Deus TUUS,* Efaj. XLVIII: 17. Cap. XLIII: 24. Cap. XLIX: 7. *Sic dixit JEHOVAH REDEMPTOR TUUS; Ego JEHOVAH faciens omnia, & solus a Me Ipsi,* Efaj. XLIV: 24. *Sic dixit JEHOVAH Rex Israëlis, & REDEMPTOR EJUS JEHOVAH ZEBAOTH, Ego Primus & Ultimus, & præter Me non Deus,* Efaj. XLIV: 6. *Tu JEHOVAH Pater noster, REDEMPTOR NOSTER a secunda Nomen tuum,* Efaj. LXIII: 16. *Cum misericordia aeternitatis miserebor, sic dixit RE-*

REDEMPTOR TUUS JEHOVAH, Esaj. LIV: 8. REDEMPTER *me* JEHOVAH VERITATIS, Psalm XXXI: 6. *Speret Israël in JEHOVAH, quia cum JEHOVAH Misericordia, plurima cum Ipso* REDEMPTRIO; Ille REDIMET Israelem ab omnibus iniquitatibus ejus, Psalm CXXX: 7. 8. JEHOVAH Deus, & REDEMPTOR TUUS Sanctus Israëlis, Deus totius TERRÆ VOCABITUR, Esaj. LIV: 5. Ex his locis & per plurimis aliis, omnis homo, cui oculi, & Mens per oculos aperta est, videre potest, quod Deus, qui unus est, descenderit, & Homo factus sit, propter finem, ut Redemptionem ageret, quis hoc non videre potest ut in luce matutina, dum attendit ad ipsa illa effata Divina, quæ adducta sunt: at vero qui in umbra noctis sunt ex confirmatione pro nativitate alterius Dei ab æterno, ac de hujus descensu & Redemptione, illi ad Divina illa Effata claudunt palpebras, & sub illis cogitant, quomodo illa applicent ad sua falsa & pervertant.

84. Quod Deus non potuerit Redimere homines, hoc est, a damnatione & Inferno extrahere illos, nisi per assumptum Humanum, sunt plures causæ, quæ in serie in sequentibus detegentur; Redemptio enim fuit subjugatio Inferorum, & ordinatio Cælorum, & post has instauratio Ecclesie; hæc Deus ex sua Omnipotentia non potuit efficere, nisi per Humanum; sicut non quis operari potest nisi ei sit brachium, etiam Humanum Ipsius in Verbo vocatur Brachium Jehovah, Esaj. XL: 10. Cap. LIII: 1; tum sicut quis non potest Urbem aliquam munitam aggredi & fana idolorum quæ inibi sunt, destruere, nisi per Potentias medias; quod Deo in hoc Divino Opere Omnipotentia per suum Humanum fuerit, etiam ex Verbo patet; Deus enim, qui est in intimis & sic purissimis, nequicquam potuit ad ultima, in quibus Inferna sunt, & in quibus homines istius temporis fuerunt, aliter transire, comparative sicut anima non aliquid absque corpore potest agere; aut sicut quis non potest vincere hostes, qui non in conspectum ejus veniunt, aut ad quos non aliquibus armis, ut hastis, clypeis aut sclopeticis, potest accedere & appropinquare; absque Humano Redemptionem agere, tam impossibile fuit Deo, sicut homini est subjugare Indos, & non transferre illuc milites per naves; tum sicut facere arbores crescere solum per calorem & lucem, nisi creatus sit aer per quem transeant, & creata sit terra, e qua producantur; imo tam impossibile est, sicut emittere retia in aeren, & ibi captare pisces, & non in aquis: Jehovah enim, qualis est in se, ex Omnipotentia sua non potest contingere aliquem diabolum in Inferno, nec aliquem diabolum super terra, ac illum & ejus furorem compescere, & violentiam domare, nisi in ultimis sit sicut est in primis; in ultimis est in Humano suo, quare in Verbo vocatur Primus & Ultimus, Alphali & Omegah, Principium & Finis.

85. II. QUOD JEHOVAH Deus DESCENDERIT UT DIVINUM VERUM, QUOD EST VERBUM, ET TAMEN QUOD NON SEPARAVERIT DIVINUM BONUM. Sunt duo quæ faciunt Essentiam Dei, Divinus Amor & Divina Sapientia, seu quod idem est, Divinum Bonum & Divinum Verum; quod Essentia Dei sint illa duo, supra n. 36. ad 48, demonstratum est. Illa duo in Verbo intelliguntur etiam per JOHOVAM DEUM, per Jehovah Amor seu Divinum Bonum, & per Deum Divina Sapientia seu Divinum Verum, inde est quod in Verbo distinguantur variis modis, & nunc solum nominetur Jehovah, nunc solum Deus, ubi enim agitur de Divino Bono, ibi dicitur Jehovah, & ubi de Divino Vero, ibi Deus, & ubi de utroque, ibi Jehovah Deus. Quod Jehovah Deus descendenter ut Divinum Verum, quod est Verbum, constat apud Johannem, ubi hæc „*In principio erat Verbum, & Verbum erat apud Deum. & Deus erat Verbum, omnia per Ipsum facta sunt, & sine Ipso factum est nihil quod factum est. Et Verbum Caro factum est, & habitavit inter nos,*“ Cap. I: 13. 14: quod per Verbum ibi intelligatur Divinum Verum, est quia Verbum, quod in Ecclesia est, est ipsum Divinum Verum, est enim ab Ipso Jehovah dictatum, & quod a Jehovah dictatur est pure Divinum Verum, nec

potest esse aliud; sed quia illud transivit Caelos usque in Mundum, accommodatum factum est Angelis in Caelo, & quoque hominibus in Mundo; inde inest Verbo sensus spiritualis, in quo Divinum Verum est in luce, & sensus naturalis in quo Divinum Verum est in umbra; quare Divinum Verum in hoc Verbo est quod apud Johannem intelligitur: hoc adhuc patet ex eo, quod Dominus in Mundum venerit, ut impieret omnia Verbi, quare toties legitur, quod hoc & illud Ipsi factum sit, ut impleretur Scriptura. Nec aliud quam Divinum Verum per Messiam seu Christum, nec aliud per Filium hominis, neque aliud per Paracletum Spiritum Sanctum, quem Dominus post exitum suum misit, intelligitur. Quod in Transformatione coram tribus Discipulis super monte, Matth. XII: Marc. IX: & Luc. IX, & quoque coram Johanne in Apocalypsi Cap. I: 12 ad 16, Se ut Verbum illud representaverit, in Capite de SCRIPTURA SACRA, videbitur: Quod Dominus in Mundo fuerit Divinum Verum, patet ex his Ipsiis verbis, *Ego sum Via, VERITAS, & Vita*, Joh. XIV: 6. & ex his, *Scimus quod Filius Dei venerit, & dederit nobis Intellectum, ut cognoscamus VERITATEM, & sumus in VERITATE, IN FILIO IPSIUS IESU CHRISTO: Hic est verus Deus, & vita eterna*, Joh. I Epist. Cap. V: 20. 21. Et adhuc per quod dicatur Lux, ut in his locis, „*LUX VERA erat, quae illuminat omnem hominem venientem in Mundum*, Joh. I: 4. 9. *Jesus dixit, adhuc breve tempus LUX VOBISCUM est; ambulate quousque LUCEM habetis, ne tenebra vos apprehendant: quousque LUCEM habetis, credite in LUCEM, ut FILII LUCIS SITIS*, Joh. XII: 35. 36. 46. Ego LUX MUNDI SUM, Joh. IX: 5. *Simeon dixit, viderunt oculi mei Salutare tuum, LUCEM in revelationem gentium*, Luc. II: 30. 31. 32. *Hoc est judicium, quod LUX VENIT IN MUNDUM, QUI FACIT VERITATEM, VENIT AD LUCEM*, Joh. III: 19. 21, præter alibi, per Lucem intelligitur Divinum Verum.

86. Quod Jehovah Deus in Mundum ut Divinum Verum descenderit, erat causa ut Redemptionem ageret, & Redemptio fuit subjugatio Inferorum, & ordinatio Cælorum, & post has instauratio Ecclesiae: ad efficiendum illa, non valet Divinum Bonum, sed Divinum Verum ex Divino Bono; Divinum Bonum in se speciatum est sicut umbo ensis rotundus, aut sicut lignum obtusum, aut sicut nudus arcus, aut Divinum Verum ex Divino Bono, est sicut ensis acutus, & sicut lignum hastile, & sicut arcus cum telis, quæ contra hostes valent; per enses, hastas, & arcus, in sensu spirituali Verbi etiam intelliguntur vera pugnantia, videatur Apoc. Revelata, n: 52. 299. 436, ubi hoc demonstratum est; nec aliter falsa & mala, in quibus Universum Infernum fuit, & perpetuo est, potuit quam per Divinum Verum ex Verbo impugnari, vinci, & subjugari; nec per aliud potuit novum Cælum, quod etiam tunc factum est, conditi, formari, & ordinari; nec per aliud potuit nova Ecclesia in terris instaurari: præterea omne robur, omnis virtus & potentia Dei, est Divini Veri ex Divino Bono: Hæc causa fuit, quod Jehovah Deus ut Divinum Verum, quod est Verbum, descenderit; propterea dicitur apud Davidem, „*Accinge gladium tuum super femur, o POTENS, & in honore tuo ascende, EQUITA SUPER VERBO VERITATIS, docebit Te mirabilia dextra tua, tela tua acuta, hostes tui cadent sub te*”, Psalm XLV: 4. 5. 6; hæc de Domino, & de pugnis Ejus cum Infernis, deque victoriis super illa.

87. Quale Bonum est absque Vero, & quale Verum ex bono, manifeste apparet ex homine; omne bonum ejus residet in Voluntate, & omne verum ejus in Intellectu, ac Voluntas ex bono suo ne hilum potest agere nisi per Intellectum, non potest operari, non potest loqui, nec potest sentire, omnis virtus & potentia ejus est per intellectum, proinde per verum, nam intellectus est receptaculum & habitaculum veri. Cum his simile est quemadmodum cum operatione Cordis & Pulmonis in Corpore, Cor absque respiratione Pulmonis non aliquem motum, nec aliquem sensum producit, sed hæc duo facit respiratio pulmonis ex corde, quod evidens est in deliquiis apud suffocatos ac illaplos aquis, in quibus cessat respiratio,

perstante adhuc systolica activitate cordis, quod illis non sit motus nec sensus, notum est; simile est cum embryonibus in uteris matrum; causa est, quia Cor correspondet Voluntati & ejus bonis, & Pulmo Intellectui & ejus veris. In Mundo spirituali maxime conspicua est potentia veri; Angelus qui in Divinis Veris a Domino est, tametsi quoad corpus invalidus est sicut infans, potest usque turmam spirituum infernalium, apparentium sicut Enakim & Nephilim, hoc est, sicut Gigantes, dejicere in fugam, persequi ad Infernum, ac detrudere in cavernas ibi; e quibus dum exeunt, non hiscunt accedere ad angelum. Sunt illi qui in Divinis veris a Domino sunt, in illo Mundo sicut leones, tametsi quoad corpora non plus valent quam oves. Simile est cum hominibus, qui in Divinis veris a Domino sunt, contra mala & falsa, proinde contra phalanges diabolorum, qui in sua essentia spectati non aliud sunt quam mala & falsa. Quod Divino Vero tale robur insit, est causa, quia Deus est ipsum Bonum & ipsum Verum, & per Divinum Verum Creavit Universum; & omnes leges ordinis, per quas conservat universum, sunt veritates; quare dicitur apud Iohannem; *Quod per Verbum omnia facta sunt, & sine Illo factum sit nihil quod factum est*, Cap. I: 3. 10. & apud Davidem „*Per Verbum Jehovæ Cæli facti sunt, & per Spiritum oris Ipsius omnis exercitus eorum*” Psalm XXXIII: 6.

88. Quod Deus tametsi descendit ut Divinum Verum, usque non separaverit Divinum Bonum, constat ex Conceptione, de qua legitur, quod virtus Altissimi adumbraverit Mariam, Luc: I: 35, & per virtutem Altissimi intelligitur Divinum Bonum: idem constat ex locis, ubi Ipse dicit, quod Pater in Ipso sit, & Ipse in Patre; quod omnia Patris sint Ipsi; & quod Pater & Ipse unum sint, præter plura, per Patrem intelligitur Divinum Bonum.

89. III. QUOD DEUS ASSUMSERIT HUMANUM SECUNDUM DIVINUM SUUM ORDINEM. In Paragrapho de Divina Omnipotentia & Omniscientia, ostensum est, quod Deus una cum Creatione introduxit Ordinem tam in Universum quam in omnia & singula ejus; & quod ideo Dei Omnipotentia in Universo & in omnibus & singulis ejus secundum leges sui Ordinis procedat, & operetur, de quibus in serie a n. 49 ad 74, supra actum est. Nunc quia Deus descendit, & quia Ipse est Ordo, ut quoque ibi demonstratum est, non potuit aliter, ut actualiter etiam homo fieret, quam concipi, gestari in utero, nasci, educari, & successive scientias addiscere, per illas in intelligentiam & sapientiam introduci; quapropter quoad Humanum fuit infans sicut infans, puer sicut puer, & sic porro; cum sola differentia, quod citius, plenius & perfectius quam alii, progressionem illam perfecerit: quod ita secundum Ordinem progressus sit, constat ex his apud Lucam „*Iesus puer crevit & corroboratus est spiritu, ac profecit sapientia, atque, & gratia apud Deum & homines*”, Cap. II: 40. 52; quod citius, plenius & perfectius quam alii, patet ex illis, quæ de Ipso apud eundem Evangelistam dicuntur, ut quod dum *Puer 12 annorum erat, in Templo in medio Doctorum sederit & docuerit, & quod obstupuerint omnes audientes Ipsum super Intelligentia & Responsionibus Ipsi*”, Cap. II: 46. 47; & postea Cap. IV: 16 ad 22. 32. Hoe factum est, quia Divinus Ordo est, ut homo seipsum præparet ad receptionem Dei, & sicut se præparat, ita Deus in illum, ut in suum habitaculum & demum intret, & præparatio illa fit per cognitiones de Deo & de spiritualibus quæ Ecclesiæ sunt, & sic per intelligentiam & sapientiam; nam Lex Ordinis est, quod quantum homo accedit & appropinquat ad Deum; quod faciet prorsus sicut a se, tantum Deus accedat & appropinquet ad hominem, & in medio ejus se conjungat cum illo: quod Dominus secundum hunc Ordinem usque ad Unionem cum suo Patre progressus sit, in sequentibus ulterius demonstrabitur.

90. Qui non sciunt, quod Divina Omnipotentia procedat & operetur secundum ordinem, illi possunt plura sanæ rationi opposita, & contradictoria exphantasia:

tasia excludere, sicut cur Deus non immediate sine tali progressione assumit Humanum; cur non ex Elementis e quatuor plagiis Mundi sibi creavit aut composuit corpus; & sic ut Deum Hominem coram populo Judaico, imo coram Universo Mondo, se exhibuerit videndum; aut si voluit nasci, cur non ipsi embryoni, aut sibi infanti infudit omne Divinum suum; aut cur non post partum se erexit in staturam adulti, & ex Divina Sapientia illico loquutus est; talia & similia possunt illi, qui de Divina Omnipotentia absque ordine cogitant, concipere & parere, & sic deliriis & nugis implere Ecclesiam; sicut etiam factum est: quemadmodum quod Deus potuerit gignere Filium ab æterno, ac facere ut Tertius Deus a Se & Filio etiam tunc procederet; tum quod potuerit irasci Generi humano, illud devotioni dare, & velle per Filium reduci in misericordiam, & hoc per intercessionum, & recordationem crucis Ipsius; & insuper Filii sui justitiam in hominem immittere, & indere hanc in cor ejus sicut substantiam simplicem Wolffianam, in qua, sicut ipse Auctor dicit, omnia meriti Filii sunt, sed quod dividi nequeat, quoniam si dividatur cadit in nihilum; & insuper quod possit sicut per Bullam Papalem reremittere peccata cuiuscunq; vult, seu purificare maxime impium ab atris ejus malis, & sic nigrum sicut diabolum facere candidum sicut Angelum lucis, præter quod homo se moveat plus quam lapis, aut dum stat ut statua, vel ut idolum; præter plures alias insanias, quas illi, qui Divinam Potentiam absolutam absque cognitione & agnitione alicujus ordinis statuunt, possunt spargere sicut ventilator paleas in aerem: hi possunt in spiritualibus, quæ Cæli & Ecclesiæ, & inde vita æternæ sunt, a veris Divinis aberrare, sicut cæcus in sylva, qui nunc cadit super lapides, nunc impingit frontem in arborem, nunc intricat crines ramis ejus.

91. Miracula Divina etiam secundum Divinum Ordinem facta sunt, sed secundum ORDINEM INFLUXUS MUNDI SPIRITALIS IN MUNDUM NATURALEM, de quo Ordine haec tenus nemo aliquid scivit, quia nemo aliquid de Mundo Spirituali: qualis autem ille Ordo est, manifestabitur suo tempore, quando de MIRACULIS DIVINIS, & de MIRACULIS MAGICIS.

92. IV. QUOD HUMANUM, PER QUOD DEUS SE MISIT IN MUNDUM, SIT FILIUS DEI. Dominus frequenter dixit, quod Pater Ipsum miserit, ac quod missus sit a Patre, ut Matth. X: 40. Cap. XV: 24. Joh. III: 17. 34. Cap. V: 23, 24, 36, 37, 38. Cap. VI: 29, 39, 40, 44, 57. Cap. VII: 16, 18, 28, 29. Cap. VIII: 16, 18, 29, 42. Cap. IX: 4; & persæpius alibi; & hoc dicit, quia per mitti in Mundum, intelligitur descendere, & inter homines venire, & hoc factum est per Humanum, quod per Mariam virginem assumit; & quoque Humanum est actualiter Filius Dei, quia a Jehovah Deo, ut Patre conceptum, secundum Luc. Cap. I: 32. 35. Vocatur Filius Dei, Filius hominis, & Filius Mariæ, & per Filium Dei intelligitur Jehovah Deus in suo Humano, per Filium hominis Dominus quoad Verbum, & per Filium Mariæ proprie Humanum quod assumit; quod per Filium Dei & per Filium hominis illa duo intelligantur, in sequentibus demonstrabitur: quod per Filium Mariæ intelligatur mere Humanum, constat manifeste ex generatione hominum, quod anima sit ex patre, & corpus ex matre; semini enim patris inest anima, & hæc induitur corpore apud matrem, seu quod idem, omne spirituale, quod homini est, a patre est, & omne materiale ei a matre est; quoad Dominum, Divinum quod Ipsi fuit, a Jehovah Patre erat, & Humanum Ipsi a matre; hæc duo unita sunt Filius Dei; quod ita sit, constat clare ex nativitate Domini, de qua hoc apud Lucam, „Angelus Gabriel ad Mariam dixit. Spiritus sanctus veniet super te, & virtus Altissimi obumbrabit te, unde quod nascitur ex te Sanctum, vocabitur Filius Dei, Cap. I: 35. Dominus se vocavit Missum a Patre, etiam propter causam, quia per Missum significatur simile quod per Angelum, Angelus enim in Lingua originali est Missus, dicitur enim apud Esajam, ANGELUS FACIERUM JEHOVÆ liberavit eos, ob amorem suum & clementiam suam redemit illos „, Cap. LXIII: 9; &

& apud Malachiam „*Subito veniet ad Templum suum DOMINUS, quem vos queritis;* & ANGELUS FÆDERIS, quem vos desideratis, Cap. III: 1. præter alibi. Quod Divina Trinitas, Deus Pater, Filius, & Spiritus sanctus, sit in Domino, & quod Pater in Ipso sit Divinum a quo, Filius Divinum Humanum, & Spiritus sanctus Divinum procedens, in Capite hujus Operis III^{to}, ubi de Divina Trinitate, videbitur.

93. Quoniam a Gabriele Angelo ad Mariam dictum est, quod SANCTUM, quod nasceretur ex te vocabitur Filius Dei, ex Verbo afferentur loca, quod Dominus quoad Humanum dicatur SANCTUS ISRAELIS, quæ sunt „*Videns fui in visionibus, ecce Vigil & SANCTUS e Cælo descendens*, Dan. IV: 10. 20. *Deus e Thebane veniet, & SANCTUS e monte Paran*, Habak. III: 3. *Ego Jehovah SANCTUS, Creator Israelis SANCTUS VESTER*, Efaj. XLIV: 11. 15. *Sic dixit Jehovah Redemptor Israelis SANCTUS IPSIUS*, Efaj. XLIX: 7. *Ego Jehovah Deus tuus, SANCTUS ISRAELIS SALVATOR TUUS*, Efaj. XLIII: 1. 3. *Quod ad REDEMPTOREM nostrum, Jehovah Zebaoth domen Ipsius SANCTUS ISRAELIS*, Efaj. XLVII: 4. *Dixit Jehovah REDEMPTOR uester SANCTUS ISRAELIS*, Efaj. XLIII: 14. Cap. XLVIII: 17. *Jehovah Zebaoth nomen Ipsius, & REDEMPTOR TUUS SANCTUS ISRAELIS*, Efaj. LIV: 5. *Tentarunt Deum, & SANCTUM ISRAELIS Psalm LXXVIII: 41. Dereliquerunt Jehovam, & provocarunt SANCTUM ISRAELIS*, Efaj. I: 4. *Dixerunt, cessare facite a faciebus nostris SANCTUM ISRAELIS: propterea sic dixit SANCTUS ISRAELIS*, Efaj. XXX: 11. 12. *Qui dicunt, properet opus Ipsius ut videamus, & appropinquet & veniat consilium SANCTI ISRAELIS*, Efaj. V: 19. *In die illo innitentur Jehove, SANCTO ISRAELIS in veritate*, Efaj. X: 20. *Exclama & jubila filia Sionis, quia magnus in medio tui SANCTUS ISRAELIS*, Efaj. XII: 16. *Dictum Dei Isralis, in die illo oculi ejus ad SANCTUM ISRAELIS spectabunt*, Efaj. XVII: 7. *Egeni hominum in SANCTO ISRAELIS exultabant*, Efaj. XXIX: 19. Cap. XLI: 16. *TERRA PLENA EST REATU CONTRA SANCTUM ISRAELIS*, Jerem. L: 29. & præterea Efaj. LV: 5. Cap. LX: 9, & alibi. Per Sanctum Israelis intelligitur Dominus quoad Divinum Humanum, nam Angelus ad Mariam dixit, SANCTUM quod nasceretur ex te, vocabitur FILIUS DEI, Luc. I: 35. Quod JEHOVAH & SANCTUS ISRAELIS unum sint, tametsi distincte nominantur, constare potest ex locis etiam hic allatis, quod Jehovali sit ille Sanctus Isralis. Quod Dominus dicatur DEUS ISRAELIS, constat etiam ex perplurimis locis, ut Efaj. XVII: 6. Cap. XXI: 10. 17. Cap. XXIV: 15. Cap. XXIX: 23. Jerem. VII: 3. Cap. IX: 14. Cap. XI: 3. Cap. XIII: 12. Cap. XVI: 9. Cap. XIX: 3. 15. Cap. XXIII: 2. Cap. XXIV: 5. Cap. XXV: 15. 27. Cap. XXIX: 4. 8. 21. 25. Cap. XXX: 2. Cap. XXXI: 29. Cap. XXXII: 14. 15. 36. Cap. XXXIII: 4. Cap. XXXIV: 2. 13. Cap. XXXV: 13. 17. 18. 19. Cap. XXXVII: 7. Cap. XXXIII: 17. Cap. XXXIX: 16. Cap. XLII: 9. 15. 18. Cap. XLIII: 10. Cap. XLIV: 2. 7. 11. 25. Cap. XLVIII: 1. Cap. L: 18. Cap. LI: 33. Ezech. VIII: 4. Cap. IX: 3. Cap. X: 19. 20. Cap. XI: 2. Cap. XLIII: 2. Cap. XLIV: 2. Zeph. II: 9. Psalm XLI: 14. Psalm LIX: 6. Psalm LXVIII: 9.

94. In hodiernis Ecclesiis Christianis commune est vocare Dominum Salvatorem nostrum Filium Mariae, & raro Filium Dei, nisi tunc intelligent Filium Dei natum ab æterno; hoc inde est, quia Romano-Catholici Mariam Matrem super reliquos sanctificavit, & illam sicut Deam seu Reginam omnibus Sanctis suis præfecit; cum tamen Dominus, cum glorificavit Humanum suum, omne Matris suæ exuit, & omne Patris induit, quod in sequentibus hujus Operis plene demonstrabitur. Ex communi hoc in omnium Ore, quod dicatur Filius Mariae, plures e-normitates influxerunt in Ecclesiam, imprimis apud illos, qui non in judicium suum admiserunt illa, quæ in Verbo de Domino dicta sunt, ut quod Pater & Ipse unum sint, quod Ipse in Patre, & Pater in Ipso sit, quod omnia Patris sint Ipsius, quod Ipse Jehovah vocaverit Patrem suum, & Jehovah Pater ipsum Filium suum. Enormitates, quæ in Ecclesiam influxerunt ex eo quod nominent ipsum

Filiū Mariæ & non Filiū Dei, sunt, quod de Domino pereat idea Divinitatis, & cum hac omne id quod in Verbo de Ipso ut Filio Dei dicta sunt; tum quod per id intret Judaïsmus, Arianismus, Socinianismus, Calvinismus qualis hic fuit in principio, & tandem Naturalismus, & cum hoc Fanatismus, quod Filius Mariæ ex Josepho fuerit, tum quod Animæ ei fuerit ex Matre, & inde quod dicatur Filius Dei & non sit; consulat se quisque, tam Clericus quam Laicus, num aliam ideam de Domino ut Filio Mariæ, quam ut de mero homine, conceperit & fo- veat. Quoniam talis idea jamdum Sæculo tertio, quando surrexerunt Ariani, in- ter Christianos incepit prævalere, ideo Concilium Nicænum ad vindicandum Di- vinitatem Domino, fixerunt Filiū Dei natum ab æterno, sed per hoc figmen- tum elevabatur quidem tunc, & apud plures etiam hodie elevatur Humanum Do- mini ad Divinum, verum non apud illos, qui per Unionem hypostaticam intelligunt unionem sicut inter duos, quoruī unus est supra & alter est infra. Sed quid aliud inde resultat, quam quod Universa Ecclesia Christiana pereat, quæ unice super cultu Jehovæ in Humano fundata est, proinde super Deo Homi- ne; quod nemo possit videre Patrem, nec cognoscere Ipsum, nec venire ad Ip- sum, nec credere in Ipsum, nisi per Humanum Ipsius, Dominus multis in locis declarat; si hoc non sit, vertitur omne semen Ecclesie nobile in semen ignobile; semen oleæ in semen pinus, semen aurantii, citri, pomii, pyri, in semen salicis, ulmi, tiliæ, illici, vitis in juncum palustrem, triticum & hordeum in paleas, imo omnis cibus spiritualis fit sicut pulvis, quo serpentes vescuntur; nam in homine lux spiritualis fit naturalis, & tandem sensualis-corporea, quæ in se spectata est lux fatua; imo fit homo tunc sicut avis, quæ dum volat in alto, abscessis alis de- cedit in terram, ubi gradiens non plus videt circum se, quam quod ante pedes ja- cet; & tunc de spiritualibus Ecclesiæ, quæ erunt pro vita æterna, non aliter ac quam hariolus cogitat; hæc fiunt, dum homo Dominum Deum Redemptorem & Salvatorem spectat ut merum Filiū Mariæ, ita ut merum hominem.

95. V. QUOD DOMINUS PER ACTUS REDEMPTIONIS SE JUSTITIAM FECERIT. Quod Domino Soli meritum & justitia per obedientiam quam Deo Patri in Mundo præstítit; & imprimis per passionem crucis, in Ecclesiis Christianis hodie dicitur & creditur, sed autumatum est, quod Passio crucis fuerit ipse actus redēptionis, cum tamen illa non fuit actus redēptionis, sed actus glorificationis Humani Ipsius, de qua re in sequente Lemmate de REDEMPTIONE; actus Redēptionis, per quos Dominus se fecit justitiam, fuit quod Ultimum judicium, quod factum est in Mundo spiri- tuali, peregerit, & tunc malos a bonis & hircos ab ovibus separaverit, & illos qui unum fecerunt cum bestiis draconis e Cælo expulerit, & ex dignis condide- rit Novum Cælum, & ex indignis Infernum; & successive omnia in ordinem utro- bivis redegerit; ac insuper Novam Ecclesiā instauraverit; hi actus fuerunt actus Redēptionis, per quos Dominus se Justitiam fecit; justitia enim est facere omnia secundum Divinum Ordinem, ac redigere in ordinem, quæ ex ordine elapsa sunt, nam ipse Divinus Ordo est Justitia. Illa intelliguntur per hæc Domini Verba, *Conveniens Mihi est implere OMNEM JUSTITIAM DEI*, Matth. III: 15; & per hæc in Veteri Testamento, *Ecce dies venient, cum suscitabo Davidi German JUSTUM, qui regnabit Rex, & faciet JUSTITIAM IN TERRA, & hoc nomen Ipsius, JEHOVAH JUSTIA NOSTRA*, Jerem. XXIII: 5. 6. Cap. XXXIII. 15. 16. *Loquor in JUSTITIA, ma- gnum ad salvandum, Efaj. LXIII: 1. Sedebit super throno Davidis, ad stabiliendum illud in JUDICIO ET JUSTITIA, Efaj. IX: 6. Zion in JUSTITIA redimetur*, Efaj. I: 27.

96. Nostrates, qui primatum in Ecclesia gerunt, prorsus aliter describunt Justitiam Domini, & quoque per inscriptionem ejus apud hominem fidem suam salvificam faciunt, cum tamen veritas est; quod Justitia Domini, quia talis & inde est, & in se pure Divina, non possit conjungi alicui homini, & sic non aliquam salvationem producere, plus quam Divina Vita, quæ est Divinus Amor & Divina Sapientia,

Do-

Dominus cum his apud unumquemvis hominem intrat, sed nisi homo secundum ordinem vivit, inest quidem Vita illa, sed prorsus nihil ad salutem confert, dat modo facultatem intelligendi verum & faciendi bonum. Vivere secundum Ordinem, est secundum præcepta Dei, & quando homo, ita vivit & facit, tunc comparat sibi justitiam, non justitiam redemptoris Domini, sed ipsum Dominum ut Justitiam; hi sunt qui intelliguntur per hæc „*Nisi abundaverit justitia vestra super scribarum & phariseorum, non intrabis in Regnum cœlorum*, Matth. V: 19, Beati qui persequitionem patiuntur propter JUSTITIAM, quia eorum est Regnum Cœlorum „, Matth. V: 10. In consummatione seculi exhibent Angeli, & separabunt malos e medio iustorum, Matth. XIII: 49, præter alibi; per iustos in Verbo intelliguntur qui secundum Divinum ordinem vixerunt, quoniam Divinus ordo est Justitia. Ipsa Justitia, quæ per actus redemptoris factus est Dominus, non potest homini adscribi, inscribi, adaptari & conjungi, aliter quam potest lux oculo, sonus auri, voluntas muscularis agentis, cogitatio labris loquentis, aer pulmoni respiranti, calor sanguinali, & sic porro, quæ quod influant, & se adjungant, præter quod se conjugant, quisque ex se percipit. Sed justitia acquiritur, quantum homo justitiam exercet, & justitiam exercet, quantum ex amore iusti & veri cum proximo agit; in ipso bono, seu in ipso usu, quem facit, justitia habitat; Dominus enim dicit, quod omnis arbor ex fructu ejus cognoscatur; quis non cognoscit alterum ex operibus ejus, si attendit ad illa, ex quo fine & proposito voluntatis, & ex qua intentione & causa fiunt; ad hæc attendunt omnes Angeli, & quoque omnes sapientes in nostro Mundo; in genere, omne genimen & germe terra cognoscitur ex suo flore & semine, & ex hujus usu; omne metallum ex sua bonitate; omnis lapis ex sua qualitate; omnis ager ex sua, omnis cibus ex sua, tum omne animal terræ, & omnis avis Cœli ex sua; quid non homo. Sed de qualitate opérum hominis, unde est, in Capite de FIDE aperietur.

97. VI. QUOD DOMINUS PER EOSDEM ACTUS SE UNIVERIT PATRI ET PATER SE IPSI. Quod unio facta sit per actus redemptoris, est quia Dominus illos ex Humano suo operatus est, & sicut operatus est, ita Divinum quod intelligitur per Patrem proprius accessit, adjuvit & cooperatum est, & tandem se conjunxerunt ita, ut non duo sed unum essent; & hæc Unio est Glorificatio, de qua in sequentibus.

98. Quod Pater & Filius, hoc est, Divinum & Humanum, in Domino unita sint, sicut Anima & Corpus, est quidem ex fide hodiernæ Ecclesiæ, & quoque ex Verbo, sed usque vix quinque inter centum, aut quinquaginta inter mille, hoc norunt; causa est Doctrina justificationis per fidem, cui plerique ex Clero, qui famam eruditionis propter honores & lucrationes ambient, omni studio incumbunt, usque dum illa doctrina omne punctum mentis eorum hodie ferat & obsideat, & quia hæc cogitationes illorum sicut spiritus vinosus alcohol dictus inebrivavit, ideo sicut ebrii essentialissimum, hoc Ecclesiæ, quod Jehovah Deus descenderit, & Humanum assumferit, non viderunt; cum tamen per hanc Unionem homini cum Deo unice datur conjunctio, & per conjunctionem salvatio: quod salus ex cognitione & agnitione Dei pendeat, constare potest unicuius qui expendit, quod Deus: sit omne in omnibus Cœli, & inde omne in omnibus Ecclesiæ, consequenter omne in omnibus Theologiæ. Sed primum hic demonstrabitur, quod Unio Patris & Filii, seu Divini & Humani in Domino, sit sicut unio animæ & corporis, & postea quod Unio illa sit reciproca; Unio sicut animæ & corporis constabilita est in Symbolo Athanasii, quod in Universo Christiano Orbe pro Doctrina de Deo receptum est; ibi hæc leguntur „*Noster Dominus Jesus Christus est Deus & Homo; & quāvis est Deus & Homo, usque non sunt duo, sed est unus Christus; est unus, quia Divinum suscepit ad se Humanum; imo est prorsus unus, & est una Persona, nam sicut Anima & Corpus unus est homo, ita Deus & Homo unus est Christus;* sed hic intelligitur, quod talis unio sit Filii Dei ab æterno cum Filio nato in tempore; verum-

rum quia Deus est unus & non tres, dum illa Unio intelligitur cum Deo uno ab aeterno, concordat illa Doctrina cum Verbo; in Verbo haec leguntur „Quod conceptus sit a Jehovah Patre, „Luc. I: 34, 35; inde Ipsa anima & vita, quare dicit, quod Ipsa & Pater unus sint, Joh. X: 30. Quod qui Ipsum videt & cognoscit, videat & cognoscat Patrem, Joh. XIV: 9. Si Me noſſetis, etiam Patrem meum noſſetis, Joh. VIII: 19. Qui Me ſuſcipit, ſuſcipit Ipſum qui miſit Me, „Joh. XIII: 20. Quod in ſinu Patris ſit, Joh. I: 18. Quod omnia quecumque Pater habet, ſua ſint, Joh. XVI: 15. Quod dicatur Pater aeternitatis, Esaj. IX: 5. Quod inde Ipſu ſit potestas omnis carnis, Joh. XVIII. Et omnis potestas in Caelo & in Terra, Matth. XXVIII: 18. Ex his & pluribus in Verbo clare videri potest, quod Unio Patris & Ipsiſus ſit ſicut Anima & Corporis; quare etiam in Veteri Testamento Ipſe ſapientia nominatur Jehovah, Jehovah Zebaoth, & Jehovah Redemptor, videatur ſupradicte n. 83.

99. Quod Unio illa ſit reciproca, conſtat clare ex his locis in Verbo, „Philippe, nonne credis, quod Ego in Patre, & Pater in Me ſit. Credite Mihi, quod Ego in Patre, & Pater in Me ſit, „Joh. XIV: 6. Ita. Ut cognofcatis & credatis, quod Pater in Me, & Ego in Patre, „Joh. X: 36, 38. Ut omnes unum ſint, ſicut Tu Pater in Me, & Ego in Te, „Joh. XVII: 21. Pater omnia Mea Tua ſunt, & Omnia Tua Mea, „Joh. XVII: 10. Quod Unio reciproca ſit, eft quia non datur aliqua Unio ſeu conjunctio inter duos, niſi unus ad alterum vicifim accedat; omnis Conjunctione in Universo Caelo, & in universo Mundo, & in toto homine; non aliunde eft, quam ex reciproca accessione unius ad alterum, & tunc quod alter cum altero unum velit; inde fit homogeneum & sympatheticum, ac unanimum & concors, in ſingulis utriusque; talis conjunctione reciproca eft animae & corporis apud unum quemvis hominem; talis conjunctione eft spiritus hominis cum organis sensoriis & motoriis ejus corporis; talis conjunctione eft cordis & palmonis; talis conjunctione eft voluntatis & intellectus; talis conjunctione eft omnium membrorum & viscerum in ſe & inter ſe, in homine; talis conjunctione mentium eft inter omnes qui ſe interius amant, eft enim illa omni amori & amicitiae inscripta, amor enim vult amare & vult amari. Reciproca conjunctione eft omnium in Mundo, quae inter ſe ſarte conjunctione ſunt; ſimilis conjunctione eft caloris ſolis cum calore ligni & lapidis, caloris vitalis cum calore omnium fibrarum in animatis; ſimilis eft arboris cum radice, per radicem cum arbore, & per arborē cum fructu, talis eft magnetis cum ferro, & ſic porro. Nisi conjunctione per accessionem unius ad alterum reciproce & vicifim fiat, non fit niſi externa conjunctione & non interna, & haec a ſe mutuo, tempore dilabitur, & quandoque ut ſe non amplius cognofcant.

100. Nunc quia non dabilis eft conjunctione quaeritur conjunctione, niſi ſit reciproce & vicifim, ideo conjunctione Domini & hominis non alia eft, ut manifeſte patet ex his locis, Qui manducat meam carnem, & bibit meum sanguinem, in Me MANET, Ego in illo, „Joh. VI: 56. MANET IN ME, ET EGO IN VORIS; QUI MANET IN ME, ET EGO IN ILLO, hic fert fructum multum, „Joh. XV: 4, 5. Qui aperit januam, ingrediar ad illum, & CENABO CUM ILLO, ET ILLE MECUM, Apoc. III: 20; praeter alibi; haec conjunctione fit, per quod homo accedit a Dominum, & Dominus ad illum; nam certa & immutabilis Lex eft, quod quantum homo accedit ad Dominum, tantum Dominus accedit ad hominem; ſed de hoc, in Capit. de CHARITATE & FIDE plura videbuntur.

101. VII. QUOD SIC DEUS FACTUS SIT HOMO, ET HOMO DEUS IN UNA PERSONA. Quod Jehovah Deus factus ſit Homo, & Homo Deus in una Persona, ſequitur ut concludum ex omnibus praemissis Articulis hujus Capitis, imprimis ex his duobus, „Quod Jehovah Creator universi descenderit & affumferit Humanum, ut redimearet & salvaret homines, de quo supra n. 82, 83, 84; & quod Dominus per actus Redemptionis univerit Se Patri, & Pater Se Ipsi, ita reciproce & vicifim, de quo supra n. 97 ad 100; ex reciproca illa Unione evidenter patet, quod Deus factus

sit Homo, & Homo Deus in una Persona: idem etiam consequitur ex Unione utriusque, quod sit sicut Animæ & Corporis; quod hoc sit secundum fidem hodiernæ Ecclesiæ ex Symbolo Athanasi, videatur supra, n. 89; tum secundum fidem Evangelicorum in Capite librorum Orthodoxiæ illorum, quod vocatur FORMULA CONCORDIÆ, ubi valde stabilitur, tam ex Scriptura Sacra, quam ex Patribus, & quoque per rationes, quod Humana Christi Natura ad Divinam Majestatem, Omnipotentiam & Omnipræsentiam exaltata sit, tum quod in Christo Homo sit Deus & Deus Homo, de hoc ibi p. 607. 765 præterea in hoc Capite evictum est, quod Jehovah Deus quoad Humanum suum in Verbo dicitur Jehovah, Jehovah Deus, Jehovah Zebaoth, tum Deus Israelis; quare Paulus dicit, *Quod in Iesu Christo omnis plenitudo Divinitatis habitat corporaliter*, Coloss. II: 9; & Johannes, *Quod Jesus Christus Filius Dei sit verus Deus, & Vita æterna*, i. Epist. V: 20. 21; quod per Filium Dei propriæ intelligatur Humanum Ipsius, videatur supra n. 92 seq. & præterea, Jehovah Deus & Se & Ipsum vocat Dominum; legitur enim, *dixit DOMINUS DOMINO meo, sede a dextris meis*, Psalm CX: 1: & apud Esajam, *Puer natus est nobis, Filius datus est nobis, cuius nomen DEUS, PATER ÆTERNITATIS*, Cap. IX: 5. 6; per Filium etiam intelligitur Dominus quoad Humanum apud Davidem, *Annuntiabo de statuto, Jehovah dixit, FILIUS MEUS TU, Ego HODIE genui Te, osculamini FILIUM, ne irascatur, & pereatis in via*, Psalm II: 7. 12; hic non intelligitur Filius ab æterno, sed Filius natus in Mundo, nam est propheticum de Domino venturo, quare vocatur Statutum, de quo Jehovah annuntiavit Davidi, & in Psalmo illo præmititur, *Ego inuxi Regem meum super Sionem*, Vers. 6, & sequitur, *dabo gentes Illis in hereditatem*, Vers. 8; quare Hodie ibi non est ab æterno, sed in tempore, nam apud Jehovah futurum est presens.

102. Creditur quod Dominus quoad Humanum non modo fuerit, sed etiam sit Filius Mariæ, sed in hoc Orbis Christianus hallucinatur; quod fuerit Filius Mariæ verum est, sed quod adhuc sit non verum est, nam per actus Redemptionis exuit Humanum ex Matre & induit Humanum ex Patre, inde est quod Humanum Domini sit Divinum, & quod in Ipso Deus sit Homo & Homo Deus. Quod exuerit Humanum ex matre, ac induerit Humanum ex Patre, quod est Divinum Humanum, videri potest ex eo, quod Ipse Mariam nusquam vocaverit suam matrem, ut constare potest ex his, *Dixit Mater Iesu ad Ipsum, vinum non habent*, dixit illi Jesus, *quid Mihi & tibi, MULIER, nondum venit hora mea*, Joh. II: 4. Et alibi, *Iesus e cruce videt Matrem, & Discipulum adstantem quem amabat, dicit Matri sua, MULIER ecce filius tuus, deinde dicit Discipulo, ecce Mater tua*, Joh. XIX: 26. 27: & semel quod non agnoverit illam, *Nuntiatum est Iesu a dicentibus, Mater tua & fratres tui foris stant, & volunt Te videre*; *Iesus respondens dixit, Mater mea, & fratres mei hi sunt, qui audiunt Verbum Dei & faciunt illud*, Luc. VIII: 20. 21. Matth. XII: 46 ad 49, Marc. III: 31 ad 35, ita Dominus non vocavit illam Matrem sed Mulierem, & dedit illam Iohanni in Matrem; in aliis locis vocatur illa Mater Ipsius, sed non ab Ipsius ore. Hoc etiam confirmatur per hoc, quod non agnoverit Se esse Filium Davidis; legitur enim apud Evangelistas, *Interrogavit Jesus Pharisæos, dicens, quid vobis videtur de Christo, cuius Filius est*, dicunt Ipsi, Davidis; *dixit illis, quomodo ergo David illum in spiritu Dominum suum vocat, dicens, dixit DOMINUS DOMINO MEO, sede a dextris meis, donec posuero inimicos tuos scabellum pedum tuorum; si ergo David vocat Ipsum Dominum, quomodo filius ejus est; & nemo poterat Ipsi respondere verbum*, Matth. XXII: 39 ad 44. Marc. XII: 35. 36. 37. Luc. XX: 41 ad 44. Psalm CX: 1., His adjiciam hoc novum; semel mihi datum est loqui cum Maria Matre; præterit quondam, & visa est in Cælo supra caput meum in vestitu albo ut ex serico, & tunc paulum morata dixit, quod Mater Domini fuerit, quia a se natus, sed quod factus Deus exuerit omne Humanum, ex illa, & quod ideo adoret Ipsum ut suum Deum, & quod nolit ut quisquam Ipsi sum.

sum pro Bilio suo agnoscatur; quia in Ipsi omne Divinum est".] Ex his nunc eluet hæc veritas, quod ita Jehovah sit Homo ut in primis etiam in ultimis, secundum hæc, Ego sum Alpha & Omegah, Principium & Finis; Ille qui Est, qui Erit, & qui Venturus est, Omnipotens, Apoc. I: 8. [¶] Johannes cum vidit Filium hominis in medio septem candelabrorum, cecidit ad pedes Ipsius sicut mortuus; sed imposuit dextram suam super illo, dicens, Ego sum Primus & Ultimus, Apoc. I: 13. 17. Cap. XXI: 6. Ecce venio cito, ut dem unicuique secundum opus ejus, Ego sum Alpha & Omegah, Principium & Finis, Primus & Ultimus, Apoc. XXII: 12. 13. Et apud Esajam, Sic dixit Jehovah Rex Israelis, & Redemptor ejus Jehovah Zechariah, Ego sum Primus & Ultimus, Cap. XLIV: 6. Cap. XLVIII: 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. His adjungam hoc Arcanum; quod Anima quæ est ex Patre, sit ipse homo, & quod Corpus quod est a matre, non sit homo in se, sed ex illo; hoc duntaxat, est indumentum ejus, contextum ex talibus quæ e Mundo naturali sunt, at vero Anima ex talibus quæ in Mundo spirituali; omnis homo post mortem deponit naturale, quod a matre tulit, & retinet spirituale quod a patre, una cum aliquo limbo ex purissimis naturæ circum illud; sed hic limbus apud illos, qui in Cælum veniunt, est infra, & spirituale supra, at limbus ille, apud illos qui in Infernum veniunt, est supra & spirituale infra; inde est, quod homo angelus loquatur e Cælo, ita bonum & verum, at quod homo diabolus loquatur ex inferno dum ex corde suo, & tanquam e Cælo dum ex ore; hoc facit foris, illud autem domini. Quoniam Anima hominis est ipse homo, & illa spiritualis ex origine sua, patet unde est, quod mens, animus, indoles, inclinatio, & affectio amoris Patris inhabitet proli post prolem, ac redeat & conspicuat se fistata generatione in generationem; inde est, quod plures familie, immo gentes a suo primo Patre cognoscantur, est communis imago in singulis faciebus progeniei, quæ se manifestat; & hæc imago non mutatur nisi quam per spiritualia Ecclesie: quod communis imago Jacobi & Jude adhuc in posteris illorum permaneat, & quod per illam ab aliis dignoscantur, est causa, quia suo Religioso firmiter huc usque adhaerunt; est enim in semine cuiusvis, ex quo concipitur, tradux seu propago Animæ patris in suo pleno intra quoddam involucrum ex elementis e natura, per hæc in utero matris formatur corpus ejus, quod potest fieri vel ad similitudinem patris, vel ad similitudinem matris, remanente usque imagine patris intra illam, quæ jugiter al laborat se educere, quare si id non potest in prima sohola, præstat id in sequentibus. Quod imago patris in pleno sit in semine, est causa, quia, ut dictum est, Anima est spiritualis ex origine sua, & spirituale non commune habet cum spatio, quare simile sibi est in parvo volumine, ut in magno. Quod ad Dominum attinet, Ille, dum in Mundo fuit, per actus redēptionis exiit omne Humanum ex Matre, & induit Humanum ex Patre, quod est Divinum Humanum, inde est, quod in Ipsi Homo sit Deus & Deus Homo.

104. VIII. QUOD PROGRESSIO AD UNIONEM FUERIT STATUS EXINANITIONIS IPSIUS, ET QUOD IPSA UNIO SIT STATUS GLORIFICATIONIS IPSIUS. Quod Domino, cum fuit in Mundo, bini Status, qui vocantur Exinanitionis & Glorificationis, fuerint, notum est in Ecclesia; prior Status, qui fuit Exinanitionis, describitur multis in locis in Verbo, imprimis in Psalmis Davidis, & quoque apud Prophetas, & singulariter apud Esajam Cap. LIII, ubi dicitur, quod usque ad mortem exinaniverit animam suam, Vers. 12; idem hic Status fuit status humiliationis Ipsius coram Patre, nam in illo oravit ad Patrem, ac dicit quod voluntatem Ipsius faciat, & adscribit omnia quæ operatus & loquutus est Patri, quod oraverit ad Patrem, constat ex his locis, Matth. XVII: 43. Marc. I: 35. Cap. VI: 46. Cap. XIV: 32 ad 39. Luc. V: 15. Cap. VI: 12. Cap. XXII: 41 ad 44. Joh. XVII: 9, 15. 20. Quod fecerit voluntatem Patris, Joh. IV: 34. Cap. V: 30; quod adscriperit omnia quæ operatus & loquutus est Patri, Joh. VIII: 26. 27. 28. Cap. XII: 49. 50. Cap. XIV:

XIV: 10; immo super cruce exclamavit, Deus mihi, Deus mihi, quare derelinquis Me, Matth. XXVII: 47. Marc. XV: 34; & præterea, absque hoc statu non potuit crucifigi. Status Glorificationis est etiam Status Unionis; in hoc statu fuit, cum Transformatus fuit coram tribus suis Discipulis, & quoque cum Miracula fecit, & quoties dixit quod Pater & Ipse unus sint, quod Pater in Ipso & Ipse in Patre sit, quod omnia Patris Ipsi sunt; & post plenariam Unionem, quod Ipsi esset potestas omnis carnis, Joh. XVII: 2. ac omnis potestas in Cælo & in Terra, Matth. XXVIII: 18; præter plura.

105. Quod bini illi status, Exinanitionis & Glorificationis, fuerint Domino, fuit causa, quia non alia progressio ad Unionem dabilis est, quoniam est secundum Divinum Ordinem, qui immutabilis est; Divinus Ordo est, ut homo disponat se ad receptionem Dei, ac paret se receptaculum & habitaculum, in quod Deus ingrediatur, ac ut in suo Templo habitet; hoc faciet homo a seipso, sed usque agnoscat quod sit a Deo; hoc agnoscat, quia non sentit presentiam & operationem Dei, tametsi Deus omne bonum amoris & omne verum fidei apud hominem praesentissime operatur: secundum hunc Ordinem progreditur & progressurus est omnis homo, ut a naturali fiat spiritualis: similiter Dominus, ut Humanum Naturale suum Divinum faceret; inde est, quod oraverit ad Patrem, quod fecerit Voluntatem Ipsi, quod omnia, quæ operatus & loquutus est, Ipsi attribuerit, & quod super cruccem dixerit, Deus mihi, Deus mihi, cur derelinquis Me; in hoc enim statu Deus appetit absens: at post hunc statum venit alter, qui est status Conjunctionis cum Deo, in hoc agit homo similiter, sed tunc ex Deo, nec tunc opus habet, ut similiter sicut prius, tribuat Deo omne bonum quod vult & agit, & omne verum quod cogitat & loquitur, quia hoc inscriptum est cordi ejus, & inde est intus in omni actione & loquela ejus. Similiter Dominus se univit suo Patri, & Pater Se Ipsi: verbo, Dominus glorificavit suum Humanum, hoc est, Divinum illud fecit, quemadmodum Dominus regaerat hominem, hoc eit, illum spiritualem facit.

Quod quisque homo, qui a naturali fit spiritualis, binos status subeat, & quod per primum intret in alterum, & sic e Mundo ad Cælum, in Capitibus de LIBERO ARBITRIO, de CHARITATE ET FIDE, & de REFORMATIONE & REGENERATIONE, plene demonstrabitur: hic solum, quod in Primo statu, qui vocatur Reformationis, homo sit in plena libertate agendi secundum Rationale intellectus sui, & quod in secundo, qui est status Regenerationis, sit quoque in simili libertate, sed quod tunc velit & agat, ac cogitet & loquatur ex novo amore & nova intelligentia, quæ sunt a Domino; in primo enim statu Intellectus agit primas partes & voluntas secundas, in altero agit voluntas primas ac intellectus secundas, at usque intellectus a voluntate, non autem voluntas per intellectum; coniunctio boni & veri, charitatis & fidei, ac interni & externi hominis, non aliter fit.

106. Bini illi Status representantur per varia in Universo, causa est, quia sunt secundum Divinum ordinem, & Divinus Ordo omnia & singula usque ad singulissima in Universo implet: Primus status representatur apud omnem hominem per statum infantiae & pueritiae ejus usque ad ephebatum, adolescentiam & juventutem ejus, qui status est humilationis ejus coram parentibus, & tunc obedientiae, & quoque informationis a magistris & ministris; alter autem status representatur per statum ejusdem dum sit sui juris & arbitrii, sive sue voluntatis & sui intellectus, in quo illi est potestas in sua domo. Primus Status sic representatur per statum Principis seu filii Regis, aut Dicis; antequam sit Rex aut Dux; similiter per statum cuiusvis civis, antequam sit persona magistratus; cuiusvis subditi antequam aliquo officio fungitur; tum cuiusvis gymnasiste qui initiatur in ministerium antequam sit facerdos, & postea hujus antequam sit pastor, & deinde hujus antequam sit Primas; tum cuiusvis virginis antequam sit uxor, & cuiusvis an-

cillæ antequam fit hera; in genere cuiusvis tironis antequam fit mercator, cuiusvis militis antequam fit præfetus, & cuiusvis famuli antequam fit herus; primus horum status est servitutis, & alter est propriæ voluntatis & inde intellectus. Bini illi status repræsentantur etiam per varia in Regno Animali, primus per bestias & aves quamdiu sunt apud matres & patres, quos tunc jugiter sequuntur, ac ab illis aluntur & ducuntur; & alter status dum relinquent illos, & sibi ipsis prospiciunt; similiter per vermes, primus dum repunt & ex foliis nutriuntur, secundus dum exuvias deponunt, & sunt papiliones. Bini illi status repræsentantur etiam in subjectis Regni vegetabilis, primus dum vegetable ex semine exsurgit, ac ramis, frondibus & foliis insignitur, & alter dum fructus fert, & nova semina producit; hoc æquaparari potest conjunctioni veri & boni, quoniam omnia quæ arboris sunt correspondentiæ veris, & fructus bonis. At homo, qui subsistit in Primo statu, & non intrat alterum, similis est arbori, quæ solum folia fert, & non fructus, de qua dicitur in Verbo, quod exstirpanda & conjicienda in ignem, Matth. XXI: 19. Luc. I: 9. Cap. XIII: 6 ad 10. Joh. XV: 5. 6. estque sicut servus, qui non vult liber esse, de quo statutum erat, quod adduceretur ad januam vel ad pastem, & perforaretur auris ejus subula, Exod. XXI: 6. servi sunt qui non conjuguntur Domino, at liberi qui Ipsi conjuguntur, nam dicit Dominus, Si Filii vos liberos facit, vere liberi estis. Joh. VIII: 8.

107. IX. QUOD POSTHAC NULLUS EX CHRISTIANIS IN CÆLUM VENIAT, NISI QUI IN DOMINUM DEUM SALVATOREM CREDIT, ET IPSUM SOLUM ADIT. Legitur apud Esajam „Ecce Ego creo Cælum novum & Terram novam, & non commemorabuntur priora, neque ascendent super cor; & ecce creaturus sum Hierosolymam exultationem, & populum ejus letitiam, Cap. LXV: 17. & in Apocalypsi „Vidi Cælum novum & Terram novam, & vidi Sanctam Hierosolymam descendente a Deo e Cælo, param sicut Sponsam Marito suo: & dixit Sedens super throno, ecce omnia nova faciam, Cap. XXI: 1. 2. 5. & plures, quod non alii ingressuri sint Cælum, quam qui scripti sunt in Libro vitae Agni, Apoc. XIII: 8. Cap. XVII: 8. Cap. XX: 12. 15. Cap. XXI: 26. per Cælum ibi non intelligitur Cælum coram oculis nostris apectabile, sed Cælum Angelicum; per Hierosolymam non aliqua Urbs e Cælo, sed Ecclesia quæ e Cælo illo a Domino descendet: & per Librum vitae Agni non intelligitur aliquis liber scriptus in Cælo qui aperietur, sed Verbum, quod est a Domino, & de Ipso. Quod Jehovah Deus, qui Creator & Pater vocatur, descendenter, & assumferit Humanum, etiam propter causam, ut possit adiri & conjugi, in præcedentibus hujus Capitis confirmatum, evictum & stabilitum est; quis enim, qui accedit ad hominem, adit Animam ejus, & quis hoc potest, sed adit ipsum hominem, quem videt facie ad faciem, & cum quo loquitur ore ad os; simile est cum Deo Patre & Filio, est enim Deus Pater in Filio, sicut Anima in suo Corpore. Quod in Dominum Deum Salvatorem credendum sit, constat ex his in Verbo „Adeo Deus dilexit Mundum, ut Filium suum Unigenitum derit, ut omnis qui credit in Ipsum, non pereat, sed vitam æternam habeat, Joh. III: 15. 16. Qui CREDIT IN FILIUM, non judicatur, qui autem NON CREDIT, jam judicatus est, quia non credidit in nomen unigeniti Filii Dei, Joh. III: 18. Qui CREDIT IN FILIUM, habet vitam æternam; qui vero NON CREDIT FILIO, non videbit vitam, sed ira Dei manebit super illo, Joh. III: 36. Panis Dei est, qui descendit e Cælo, & vitam dat Mondo; qui venit ad Me, non esuriet, & qui CREDIT IN ME, non sitiet unquam, Joh. VI: 33. 35. Hæc est voluntas Ipsi, qui misit Me, ut omnis qui videt Filium & CREDIT IN IPSUM, habeat vitam æternam, & resuscitem Ego illum in extremo die, Joh. VI: 40. Dixerunt ad Jesum, quid faciemus ut operemur opera Dei, respondit Jesus, hoc est opus Dei, ut CREDAT IS IN IPSUM, quem misit Pater, Joh. VI: 28. 29. Amen dico vobis, qui CREDIT IN ME, habet vitam æternam, Joh. VI: 47. Jesus clamavit diebus, si quis suiverit, venito ad Me, & bibito, QUILQUIS CREDIT

DIT IN MÈ, Flumina e^r ventre illius fluent aquæ viventis, Joh. VII: 37. 38. *Nisi credidieritis quod Ego sum m^riciemini in peccatis vestris, Joh. VIII: 24.* Iesu dixit, *Ego sum resurrectio & vita, qui credit in Me, et si m^riciatur, vivet: omnis vero qui vivit, & credit in Me, non morietur in aeternum, Joh. XI: 25. 26.* Jesus dixit, *Ego Lux in M^{und}um veni, ut omnis qui credit in Me, in tenebris non maneat, Joh. XII: 46.* Cap. VIII: 12. *Quousque Lucem habetis, credite in Lucem, ut filii Lucis sitis, Joh. XII: 36.* *Quod mansuri sint in Domino, & Dominus in illis, Joh. XIV: 20.* Cap. XV: 1 ad 5. Cap. XVII: 23, quod fit per fidem Paulus contestatus & Iudæis & Græcis penitentiam in Deum, & FIDEM IN DOMINUM NOSTRUM JESUM CHRISTUM, Act. Apost. Cap. XX: 21. *Ego sum Via, Veritas & Vita, nemo venit ad Patrem nisi per Me, Joh. XIV: 6.* Quod qui credit in Filium, credit in Patrem; quoniam ut supra dictum, Pater est in Ipso, sicut Anima in Corpore, constat ex his, *Si Me nossetis, etiam Patrem meum nossetis, Joh. VIII: 19.* Cap. XIV: 7. *Qui videt Me, videt Ipsum qui misit Me, Joh. XII: 45.* Qui Me suscipit, suscipit Ipsum qui misit Mè Joh. XIII: 20. Causa est, quia nemo potest videre Patrem, & vivere. Exod. XXXIII: 20. quare dicit Dominus, *Deum nemo vidit unquam, Unigenitus Filius qui in sinu Patris est, Ille exposuit Joh: I: 18.* Non Patrem vidit quis, nisi qui est apud Patrem, Hic vidit Patrem, Joh. VI: 6. Non vocem Patris audivisti unquam, neque speciem Ipsius vidisti, Joh. V: 37. Illi autem, qui non sciunt aliquid de Domino, ut plerique in duabus Partibus Orbis, Asia & Africa, & quoque in Indiis, hi si credunt in Deum unum & vivunt secundum præcepta Religionis suæ, ex sua fide & vita salvantur, riam imputatio est illis qui norunt, & non illis qui ignorant, sicut non est cæsim dum impingunt, nam dicit Dominus, *Si cæci esetis, non haberetis peccatum, iam vero dicitis quod videatis, ideo peccatum vestrum manet, Joh. IX: 41.*

108. Ad hoc ulterius confirmandum referam quæ scio, quia vidi & ideo testari possum, quæ sunt; quod hodie a Domino Novum Cælum Angelicum condatur, & quod condatur ex illis, qui in Dominum Deum Salvatorem credunt, & Ipsum immediate adeunt, & quod reliqui rejiciantur; quare si posthac aliquis ex Christiano Orbe in Mundum Spiritualem venit, quod fit omni homini post mortem, & non in Dominum credit, & illum solum adit, & hoc tunc non potest recipere, quia male vixit, aut in falsis se confirmavit, in primo vestigio ad Cælum repellitur, & facies ejus inde avertitur, & convertitur ad Terram Inferiorem, quo etiam abit, & se conjungit cum illis ibi, qui in Apocalypsi per Draconem & Pseudo prophetam intelliguntur. Omnis etiam homo in Terris Christianis, qui non credit in Dominum, posthac nec exauditur, ejus preces in Cælo sunt sicut odores maleolenti, ac sicut eructiones ex pulmone faucio; & si putatur quod oratio ejus sit sicut suffitus ex thure, usque non ascendet ad Cælum angelicum aliter quam sicut fumus incendi; qui a procella deorsum cadente rejicitur in oculos ejus, aut sicut suffitus ex thuribulo sub pallio monachi, ita fit post hoc tempus cum omni pietate, quæ determinatur ad Trinitatem discretam, & non ad conjunctam; quod in Domino Divina Trinitas conjuncta sit, est hujus Operis principale objectum. Hic Novum hoc adjiciam, quod ante aliquot Menses duodecim Apostoli a Domino convocati sunt, & in Universum Mundum Spiritualem, sicut prius in Mundum naturalem, emissi, cum mandato ut hoc Evangelium prædicerent, & tunc cuivis Apostolo sua Regio addicata est; quod mandatum etiam omni zelo & opera obeunt. Sed de his in Ultimo Capite hujus Libri, ubi de CONSUMMATIONE SÆCULI, de ADVENTU DOMINI, & de NOVA ECCLESIA, in specie transfigetur.

UNIVERSA THEOLOGIA
COROLLARIUM.

109. Omnes Ecclesiæ, quæ ante Adventum Domini fuerant, Ecclesiæ Representativæ fuerunt, quæ Divina Vera non videre potuerunt nisi quam in Umbra; at post adventum Domini in Mundum, Ecclesia ab Ipso instituta est, quæ Divina Vera vidit, aut potius, videre potuit in Luce; differentia est, qualis inter Vesperam & Mane; Status Ecclesiæ ante Adventum Domini in Verbo etiam vocatur Vespera, & Status Ecclesiæ post adventum Ipsius, vocatur Mane. Dominus ante adventum suum in Mundum, quidem præsens fuit apud homines Ecclesiæ, sed mediate per Angelos qui repræsentabant Ipsum, at post adventum suum præsens est apud homines Ecclesiæ immediate, nam in Mundo induit quoque DIVINUM NATURALE, in quo apud homines præsens est: Glorificatio Domini est glorificatio Humani Ipsius, quod assumptus in Mundo, ac Humanum Domini glorificatum est DIVINUM NATURALE: Quod ita sit, evidens est ex eo, quod Dominus cum toto suo Corpore, quod in Mundo habuit, e sepulchro resurrexerit, nec quicquam in illo reliquerit, proinde quod ipsum Humanum Naturale a primis ad ultima ejus inde secum tulerit: quapropter dixit Discipulis post resurrectionem credentibus videre Spiritum, *Videte Manus meas & Pedes meos, quod Ipse Ego sim, palpate Me & videte, nam Spiritus carnem & ossa non habet, sicut Me videtis habere*, Luc. XXIV: 37. 39. Ex quibus patet, quod Naturale Ipsius Corpus per Glorificationem Divinum factum sit; quare dicit Paulus, *Quod in Christo habitat omnis plenitudo Divinitatis corporaliter*, Coloss. II: 9, & Johannes, *Quod Filius Dei Jesus Christus fit Verus Deus*, Epist. V: 20. 21. Ex his sciunt Angeli, quod solus Dominus in Universo Mundo Spirituali sit plenus Homo.

Notum est in Ecclesia, quod omnis Cultus apud Gentem Israeliticam & Judaicam fuerit mere Externus, & quod adumbraverit Cultum Internum, quem Dominus aperuit; & quod sic Cultus ante adventum Domini constiterit in typis & figuris, quæ repræsentabant Cultum verum in sua justa effigie. Ipse Dominus apud Antiquos quidem viuis est, nam dixit ad Iudeos, *Abraham Pater vester exultavit ut videret diem meum, & vidit, & gavisus est: dico vobis, priusquam Abraham fuit, Ego fui*, Joh. VIII: 56. 58. Sed quia tunc solum repræsentabatur Dominus, quod factum est per Angelos, ideo omnia Ecclesiæ apud illos repræsentativa facta sunt; at postquam in Mundum venit, repræsentationes illæ evanescunt; hujus rei interior causa fuit, quia Dominus in Mundo etiam induit Divinum Naturale, & ex hoc non modo illustrat Internum spiritualem hominem, sed etiam Externum naturalem, quæ duo nisi simul illustrantur, homo est sicut in umbra, at dum uterque simul illustratur, est sicut in die; dum enim solus Internus homo illustratur & non simul Externus, aut dum solum Externus & non simul Internus, est sicut quis dormit & somniat, & mox dum expergiscitur, recolligit somnum, & ex illo concludit varia, quæ tamen imaginaria sunt; & est quoque sicut ambulans in somno, & objecta quæ videt, putat videri in luce diurna. Discremen inter statum Ecclesiæ ante adventum Domini, & post adventum Ipsius, est quoque sicut qui noctu in luce Lunæ & Stellarum legit scripturam, & sicut qui in luce solis; quod oculus in priore luce, quæ modo est candida, erret, & in posteriore, quæ etiam est flammea, non erret, liquet: quare de Domino legitur, *Dixit Deus Israelis, mihi loquuta est Petra Israelis, ille fecit Lux matutæ, dum oritur Sol, matutæ sine nubibus*, II Sam. XXIII: 3. 4, Deus Israelis, & Petra Israelis est Dominus: & alibi, *Erit lux Lunæ sicut lux Solis, & lux Solis erit septupla, sicut Lux septem dierum, in die quo obligabit Jehovah fracturam populi sui*, Esai. XXX:

XXX: 25. 26: hæc dicuntur de Statu Ecclesiæ post adventum Domini. Verbo, Status Ecclesiæ ante adventum Domini comparari potest Vetulæ, cuius facies fucata fuit, & ex purpura fuci apparuit sibi pulchra; at Status Ecclesiæ post adventum Domini comparari potest Virginis ex purpura nativa formosæ: Et quoque Status Ecclesiæ ante adventum Domini comparari potest crustæ alicujus fructus, ut aurantii, pomi, pyri, uvæ, & ejus sapori, at status Ecclesiæ post adventum Ipsius comparari potest Interioribus illorum fructuum, & horum sapori; præter cum similibus aliis: & hæc propter illam causam, quia Dominus, postquam induit etiam Divinum Naturale, illustrat Internum spiritualem hominem & Externum naturalem simul, nam dum modo Internus homo illustratur & non simul Externus, fit umbra, similiter dummodo Externus & non simul Internus.



110. Hic adducentur hæc MEMORABILIA. PRIMUM. Quondam in Mundo Spirituali vidi Ignem fatuum in ære delapsum in terram, & lucidum circum circa illum, erat meteoron quod vulgus vocat Draconem; notavi locum ubi decidit, sed hoc in diluculo fiboriente Sole disparatum est, sicut fit cum omni fatuo Igne. Post matutam accessi ad locum, ubi delapsum ejus in nocte vidi, & ecce ibi humus ex miscela sulphuris, ramentorum ferri, & argillæ luti: & subito tunc visa sunt duo Tentoria, unum directe supra locum, & alterum a latere versus meridiem, & suspexi, & vidi quendam Spiritum e cælo sicut fælmen decadentem, & injectum in Tentorium, quod directe supra locum delapsus meteori stetit, & ego in altero quod juxta erat versus meridiem, in ostio hujus steti, & vidi Spiritum in altero etiam in ostio sui tentorii stantem; & tunc quæsivi illum, cur ita decidit e Cælo; ad quod ille respondit, quod dejectus sit ut angelus Draconis ab angelis Michaelis, quia aliqua de Fide mea; in qua me confirmavi in Mundo, loquutus sum; inter quæ fuit hoc, quod Deus Pater & Deus Filius sicut duo, & non unus; omnes enim in Cælis hodie credunt, quod sint unum sicut anima & corpus; & omnis dictio contra id, est sicut stimulus in naribus illorum, & sicut subula perforans aures illorum, unde illis fit emotio & dolor, & propter hoc contradicens mandatur exire, & si tergiversatur, dejicitur: hoc audito ad illum dixi, cur non credidisti sicut illi, retulit, quod post excessum e Mundo nemo posset credere aliud, quam quod per confirmationem sibi impresserat, hoc manet infixum, & non potest avelli, in primis id quod quis apud se confirmavit de Deo; quoniam in Cælis cuivis est locus secundum ideam Dei: porro interrogavi, per quæ confirmaverat quod Pater & Filius essent duo, dixit, per hæc in Verbo, quod Filius oraverit ad Patrem, non modo ante Passionem crucis, sed etiam in illa; ut & quod se coram Patre suo humiliaverit; quomodo tunc possunt unus esse, sicut anima & corpus unum sunt in homine, quis orat sicut ad alium, & humiliat se sicut coram alio, dum ipse ille est, ita nullus facit, minus Filius Dei: & præterea, Universa Ecclesia Christiana meo tempore divisit Divinitatem in Personas, ac unaquævis Persona est unum per se, ac definitur. quod sit quod proprie subsistit. His ab illo auditis, respondi, percepi ex sermone, quod prorsus nihil scias, quomodo Deus Pater & Filius unum sunt, & quia non scis quomodo, confirmaveras te in falsis, in quibus Ecclesia adhuc est de Deo; nonne scis, quod Dominus, cum erat in Mundo, fuerit anima sicut omni alii homini, unde hæc Illi, nisi ex Deo Patre; quod ita sit, ex Verbo Evangelistarum abunde patet, quid tunc quod vocatur Filius nisi Humanum, quod a Divino Patris conceptum est, & a Maria Virgine natum; Mater non potest concipere Animam, hoc totaliter repugnat Ordini, secundum quem omnis homo nascitur; nec potest Deus Pater indere An-

mam ex se & deinde recedere, sicut omnis pater in Mundo, quoniam Deus est sua Divina Essentia, & hæc est una & individua, & quia est individua est Ipse; inde est, quod Dominus dicat, quod Pater & Ipse unum sint, & quod Pater in Ipso & Ipse in Patre, præter plura similia: hoc etiam conceptores Symboli Athanasiani e longinquo viderunt, quare postquam Deum in tres Personas partiti sunt, usque dicunt quod in Christo Deus & Homo, hoc est, Divinum & Humanum, non sint duo, sed unum sicut anima & corpus in homine. Quod Dominus in Mundo oraverit ad Patrem sicut ad alinm, & quod humiliaverit se coram Patre sicut coram alio, fuit secundum Ordinem a Creatione constabiliū, qui immutabilis, secundum quem omnis ad conjunctionem cum Deo progredietur; ordo ille est, quod sicut homo per vitam secundum leges ordinis, quæ sunt præcepta Dei, se conjungit Deo, ita Deus se conjungat homini, & a naturali illum spiritualem faciat; similiter Dominus se univit suo Patri & Deus Pater se Ipsi; fuitne Dominus dum Infans sicut infans, dum Puer sicut puer, legiturne quod profecerit sapientia & gratia, & postea, quod rogaverit Patrem, ut Nomen suum, hoc est, Humanum suum, glorificaret, glorificare est per Unionem secundum Divinum facere; inde patet, quod Dominus in statu exinanitionis sue, qui status fuit status progressionis Ipsius ad Unionem, oraverit ad Patrem. Idem ille Ordo a Creatione cuivis homini inscriptus est, nimirum quemadmodum homo per veritates ex Verbo parat intellectum suum, ita adaptat illum ad recipiendum fidem a Deo, & quemadmodum per opera charitatis parat voluntatem, ita accommodat illam ad recipiendum amorem a Deo; nam quemadmodum artifex fecat adamantem, ita applicat illum ad recipiendum & emitendum splendorem lucis; & sic porro: parare fe ad receptionem Dei & conjunctionem, est vivere secundum Divinum Ordinem, & leges ordinis sunt omnia præcepta Dei; hæc Dominus ad omnem apicem implevit, & sic se fecit receptaculum Divinitatis in omni plenitudine; quare Paulus dicit, quod in Jesu Christo omnis plenitudo Divinitatis habitet corporaliter, & Ipse Dominus quod omnia Patris sint Ipsius. Ulterius tenendum est, quod Dominus apud hominem solus activus sit, & quod homo ex se mere passivus sit, at quod per influxum vitæ a Domino etiam activus; ex hoc perpetuo influxu a Domino apparet homini sicut sit activus ex se; & quia ita est, & ei liberum arbitrium est, & hoc ei datum est ut semet paret ad recipiendum Dominum, & sic ad conjunctionem, quæ non dabis est, nisi sit reciproca, & reciproca sit dum homo ex suo libero agit, & tamen ex fide attribuit Domino omne activum.

Post hæc interrogavi, num ille sicut alii ejus sodales confessus est, quod Deus unus sit, respondebat, quod confessus; & tunc dixi, at vereor, quod cordis tui confessio sit, quod nullus Deus sit, numne omnis loquela oris procedit ex cogitatione mentis, quare non potest aliter, quam ut confessio oris, quod unus Deus sit, expellat cogitationem e mente, quod tres sint, ac vicissim quod cogitationis expellat ex ore confessionem quod unus sit, quid inde resultat aliud, quam quod nullus Deus sit, numne sic evacuatur omne interstitium, quod est a cogitatione ad os, & ab ore retro ad cogitationem, & quid tunc a mente aliud concluditur de Deo, quam quod Natura sit Deus, & de Domino quod Anima Ipsi vel a Matre vel a Josepho fuerit; a quibus duobus, ut ab horrendis & abominabilibus, omnes Angeli cœli se avertunt. His dictis, Spiritus ille ablegatus est in Abyssum, de qua in Apocalypsi Cap. IX: 2 seqq, ubi Angeli Draconis ventilant mystica de sua Fide. Postridie cum prospexi ad eundem locum, vidi loco Tentoriorum duas Statuas in similitudine hominum, factas ex pulvere terræ, quæ erat miscela sulphuris, ferri & argillæ, & una Statua visa est habere sceptrum in manu sinistra, coronam super capite, & librum in manu dextra, tum pectorale oblique cinctum fascia ex lapidibus pretiosis, & a tergo togam fluentem ad alteram Statuam,

tuam, sed hæc Statuæ illi inducta fuerunt per phantasiæ; & tunc vox audita est inde a quodam Draconico, hæc Statuæ repræsentat Fidem nostram ut Reginam, & altera post illam, Charitatem ut famulam ejus: hæc erat ex simili miscela pulverum conflata, & posita post extremitatem togæ defluentis a tergo Reginæ, & tenuit chartam in manu, super qua erat scriptum, cave ne propius accedas & togam tangas. At subito tunc imber e cælo decidit, & penetravit utramque Statuam, quæ quia ex miscela sulphuris, ferri & argillæ constabant, ebulliebant, sicut fieri solet miscela illorum pulverum, dum aqua super illam immittitur, & sic accensæ igne intestino diffuebant, & factæ acervi, qui postea sicut tumuli sepulchrales super terra illa eminebant.

III. SECUNDUM MÆMORABILE. In Mundo naturali est homini duplex loquela, quia duplex cogitatio, Externa & Interna, potest enim homo loqui ex cogitatione interna, & simul tunc ex cogitatione externa, & potest loqui ex cogitatione extera & non ex interna, imo contra internam, inde simulationes, assentationes & hypocrisies: at in Mundo Spirituali non est homini duplex loquela, sed simplex, loquitur ibi sicut cogitat, alioquin sonus stridet, & laedit aures; at usque potest silere, & sic non evulgare mentis suæ cogitata; quare hypocrita, cum inter sapientes venit, vel abit, vel proripit se ad angulum in concilavi, & facit se inconspicuum, & sedet mutus. Quondam erant multi in Mundo Spirituum congregati, & de hac re inter se loquebantur, dicentes, quod non posse loqui nisi sicut cogitat, sit durum illis in bonorum consortio, qui non juste cogitaverunt de Deo & de Domino. In medio congregatorum erant Reformati, & multi ex Clero, & juxta illos Pontificii cum monachis; ac hi & illi primum dixerunt, quod hoc non durum sit, quid opus aliter loqui quam sicut cogitat, & si forte non juste cogitet, potestne comprimere labia, & tenere silentium; & Clerus dixit, quis non cogitat juste de Deo & de Domino: sed aliqui ex congregatis dixerunt, tentemus illos; & dixerunt illis, qui se confirmaverunt in Trinitate Personarum de Deo, ut ex cogitatione dicerent Unum Deum; sed non potuerunt, contorserunt & plicaverunt labia in plures sinus, & non potuerunt articulare sonum in voces alias, quam ideis cogitationis illorum confonas, quæ erant trium Personarum, & inde trium Deorum. Porro dictum est illis, qui confirmaverunt Fidem Separatam a charitate, ut nominarent JESUM, sed non potuerunt, at omnes potuerunt dicere Christum, & quoque Deum Patrem; hoc mirati sunt & quæfiverunt causam, & invenerunt hanc, quod oraverint ad Deum Patrem propter Filium, & non oraverint ad Ipsum Salvatorem, & JESUS significat Salvatorem. Porro dictum est illis, ut ex cogitatione de Humano Domini dicereat DIVINUM HUMANUM; sed nemo ex Clero, qui ibi aderat, potuit, at aliqui ex Laicis potuerunt, quare hoc in seriam ventilationem missum est; & tunc I. lecta sunt coram illis hæc apud Evangelistas, *Pater dedit omnia in manum Filii*, Joh. III: 35. *Pater dedit Filio potestatem omnis carnis*, Joh. XVII: 2. *Omnia Mihi tradita sunt a Patre*, Matth. XI: 7. *Data est Mihi omnis potestas in Cælo & in Terra*, Matth. XXVIII: 18. & dictum est illis, tenete inde in cogitatione, quod Christus tam quoad Divinum quam quoad Humanum suum sit Deus Cæli & Terræ, & sic enuntiate DIVINUM HUMANUM, sed usque non potuerunt, & dixerunt, quod quidem exinde tenerent aliquid cogitationis ex intellectu de eo, sed usque non aliquid agnitionis, & quod ideo non possent. II. Postea lectum est coram illis ex Luca Cap. I: 32: 34. 35; quod Dominus quoad Humanum esset Filius Jehovæ Dei, & quod ibi dicitur Filius Altissimi, & ubivis alibi Filius Dei, & quoque Unigenitus, & petierunt ut hoc tenerent in cogitatione, & quoque quod Unigenitus Filius Dei natus in Mundo non possit non esse Deus sicut Pater est Deus, & eloquerentur DIVINUM HUMANUM; sed dixerunt, non postumus, quia spiritualis nostra cogitatio, quæ est interior, non admittit in cogitationem proximam loquæ alias ideas

quam similes, & quod inde percipient, quod nunc non licet cogitationes suas dividere, sicut in Mundo naturali. III. Deinde lecta sunt coram illis verba Domini ad Philippum, haec, *Dixit Philippus, Domine, monstra nobis Patrem, & dixit Dominus, qui videt Me videt Patrem, nonne credis, quod Ego in Patre & Pater in Me.* Joh. XIV: 8 ad 11; & quoque alia loca, *quod Pater & Ipse unum sunt*, ut Joh. X: 30; & dictum est illis, ut tenerent id in cogitatione, & sic dicerent DIVINUM HUMANUM, sed quia illa cogitatio non fuit radicata in agnitione, quod Dominus esset Deus etiam quoad Humanum, contorserunt labia in plicas usque ad indignationem, & voluerunt cogere os suum ad edicendum, sed non valuerunt; causa erat, quia idea cogitationis, quae fluunt ex agnitione, unum faciunt cum vocibus linguae apud illos qui in Mundo Spirituali sunt, & ubi idee illae non sunt, non dantur voces, nam ideae sunt voces in loqua. IV. Porro, lecta sunt coram illis ex Doctrina in Universo Christiano Orbe recepta, haec, *Quod Divinum & Humanum in Domino non sunt duo, sed unum, in una Persona, unita sicut anima & corpus in homine,* haec ex Fide symbolica Athanasiana, & agnita a Conciliis; & dictum est illis, exinde poteritis omnino habere ideam ex agnitione, quod Humanum Domini sit Divinum, quia Anima Ipsius est Divina, est enim ab Ecclesiae vestrae doctrina, quam in Mundo agnoveratis; insuper Anima est ipsa hominis essentia, & corpus est hujus forma, ac essentia & forma unum faciunt, sicut esse & existere, & sicut causa efficiens effectus & ipse effectus; retinuerunt illam ideam, & voluerunt ex illa enunciare DIVINUM HUMANUM, sed non potuerunt, interior enim idea de Humano Domini exterminavit & expunxit ideam hanc novam adscitiam, ut illam vocabant. V. Adhuc coram illis lectum est ex Johanne, hoc, *Verbum erat apud Deum, & Deus erat Verbum, & Verbum Caro factum est,* I: 1. 14, & quoque hoc, *Iesus Christus est verus Deus, & Vita æterna,* I Epist. V: 21. & ex Paulo, „*In Christo Iesu habitat omnis plenitudo Divinitatis corporaliter*“ Coloss. II: 9; & dicebatur illis ut similiter cogitarent, nempe quod Deus qui fuit Verbum factus sit Homo; quod esset verus Deus; & quod omnis plenitudo Divinitatis in Ipsi habitaret corporaliter; & fecerunt ita, sed solum in externa cogitatione, quare non potuerunt propter renisum internæ eloqui DIVINUM HUMANUM, dicentes aperte, quod non possent habere ideam Divini Humanii, quia Deus est Deus, & homo est homo, & Deus est Spiritus, & de spiritu non aliter cogitavimus, quam sicut de Vento aut æthere. VI. Tandem dictum est illis, nos tis quod Dominus dixerit, *Manete in Me, & Ego in vobis, qui manet in Me & Ego in illo, hic fert fructum multum, quia sine Me non potestis facere quicquam,* Joh. XV: 4. 5; & quia aliqui ex Clero Angliae aderant, lectum est coram illis ex una illorum Oratione ad Sanctam Communionem, *For, when we spiritually eat the flesh of Christ and drinck the blood, then we dwel in Christ, and Christ in us;* si nunc cogitatis, quod hoc non dari possit, nisi Humanum Domini sit Divinum, enuntiate itaque DIVINUM HUMANUM ex agnitione in cogitatione, sed usque non potuerunt, fuit enim idea illis tam alte impressa, quod Divinum non posset esse Humanum, & Humanum non Divinum, & quod Divinum Ipsius esset a Divino Filii ab æterno, & Humanum simile humano alterius hominis: at dictum est illis, quomodo potestis ita cogitare, num rationalis Mens potest usquam cogitare, quod aliquis Filius a Deo sit natus ab æterno. VII. Postea converterunt se ad Evangelicos, dicentes, quod Augustana Confessio & Lutherus docuerint, quod Filius Dei & Filius hominis in Christo sit una Persona, & quod Ipse etiam quoad Humanam Naturam sit Omnipotens & Omnipræsens, & quod quoad illam ad dextram Dei Patris sedeat, & gubernet omnia in Cælis & in Terris, impletat cuncta, nobiscum sit, & in nobis habitet & operetur; & quod non sit adorationis differentia, quia per Naturam, quæ cernitur, adoratur Divinitas quæ non cernitur; & quod in Christo Deus sit Homo & Homo Deus: his auditis respon-

derunt, num est ita, & circumspéxerunt, & móx dixerunt, hæc prius non novimus, quare non possumus dicere Divinum Humanum: at unus & alter dixit, legimus id & scripsimus id, sed usque cum de eo in nobis cogitavimus, fuerunt modo verba, quorum ideam interiorem non habuimus. VIII. Tandem conversi ad Pontificios dixerunt, forte vos potestis nominare DIVINUM HUMANUM, quia creditis quod in vestra Eucharistia in Pâne & Vino, & in omni eorum parte sit integer Christus, & quoque adoratis Ipsum; cum monstratis & circumfertis hostias, ut Sanctissimum Deum, tum quia vocatis Mariam Deiparam seu Dei genetricem, consequenter agnoscitis quod genuerit Deum, hoc est, Divinum Humanum; & illi tunc voluerunt enuntiare illud, sed quia subiit tunc materialis idea de Corpore & Sanguine Christi, & quoque fides quod Humanum Ipsius a Divino separabile sit, & quod actualiter separatum sit apud Papam, in quem solum Humana Ipsius potestas, & non Divina translata est, non enuntiare potuerunt: & tunc surrexit unus Monachus, & dixit, quod possit cogitare Divinum Humanum de Sanctissima Virgine Maria, & quoque de Sancto Monasterii sui; & alter Monachus accedit, dicens, ego possum ex idea cogitationis meæ, quam nunc foveo, dicere Divinum Humanum de Sanctissimo Papa, potius quam de Christo; sed tunc aliqui ex Pontificiis retraxerunt illum, & dixerunt, pudeat te. Post hæc visum est Cælum apertum, & visæ sunt Linguæ sicut flammulae descendentes & influentes apud quosdam, & illi tunc celebrabant DIVINUM HUMANUM DOMINI, dicentes, removete ideam trium Deorum, & credite quod in Domino hábitet omnis plenitudo Divinitatis corporaliter, & quod Pater & Ipse unum sint sicut anima & corpus unum sunt, & quod Deus non sit ventus & æther, sed quod sit Homo, & tunc coniungemini Cælo, & a Domino poteritis nominare JESUM, & dicere DIVINUM HUMANUM.

112. TERTIUM MEMORABILE. Quondam post diluculum evigilatus exivi in horum ante domum, & vidi orientem Solem in suo jubare, & circum circa illum cincturam primum tenuem & postea extantiorum sicut ex auro splendentem, & sub limbo ejus ascendentem nubem, quæ pyropi instar, a flamma solis coruscabat; & tunc incidi in meditationem ex fabulis vetustissimorum, quod finxerint Aurora alatam pennis argenteis in ore ferentem aurum. Cum Mens deliciabatur in his, factus sum in spiritu, & audivi aliquos inter se loquentes, & dicentes, utnam daretur loqui cum Novatore, qui pomum Erjdis inter Antifites Ecclesie projectit, ad quod cucurrerunt multi ex Laicis, & desumptum obtulerunt oculis nostris; per pomum illud intellexerunt Codicillum inscriptum, SUMMARIA EXPOSITIO DOCTRINÆ NOVÆ ECCLESIAE; & dixerunt est sane schismaticum a nemine hac tenus cogitatum; & audivi tunc unum ex illis clamantem, quid Schismaticum, est Hæreticum; sed aliqui a latere ejus regerebant, tace, obmutescere, non est Hæreticum, allegat copiam dictaminum Verbi, ad quæ peregrini nostri, per quos intelligimus laicos, attendunt & adstipulantur. Cum hæc audivi, quia in spiritu eram, accessi, & dixi, adsum, quid rei; & statim unus ex illis, qui, ut postea audivi, fuit Germanus, nativus ex Saxonia, & tono auctoritatis loquutus dixit, unde tibi audacia invertendi Cultum in Orbe Christiano per tot sœcula constabilitum; qui fuit, quod Deus Pater ut Creator Universi, & ejus Filius ut Mediator, & Spiritus sanctus ut Operator, invocarentur, & tu Primum & Ultimum Deum ex Personalitate nostra separas; cum tamen Ipse Dominus dicit, quando oratis, orate ita, PATER NOSTER, QUI EST IN CÆLIS, SANCTIFICETUR NOMEN TUUM, VENIAT REGNUM TUUM, itane mandatum est, ut invocaremus Deum Patrem: his dictis silentium factum est, & omnes, qui illi favebant, steterunt sicut fortis milites super Navibus bellicis cum vident Classem hostilem, clamaturi, pugnemus nunc, certa est victoria; & tunc exorsus sum loqui, & dixi, quis vestrum non scit, quod Deus de Cælo descenderit, & factus sit homo; nam legitur, *Verbum erat apud*

*apud Deum, & Deus erat Verbum, & Verbum Caro factum est; tum quis vestrum non scit, & spectavi ad Evangelicos, inter quos erat Dictator ille, qui me allocutus est, quod in Christo ex Maria Virgine nato, Deus sit Homo & Homo Deus; sed ad hæc Cætus obstrepuit, quare dixi, scitisne hoc, est secundum doctrinam confessionis vestræ, quæ vocatur FORMULA CONCORDIÆ, ubi hoc dicitur, & multis corroboratur; & tunc Dictator ille se convertit ad Cætum, & quæsi vitnum nossent hoc, & responderunt, nos parum studuimus in Libro illo de PERSONA CHRISTI, sed sudavimus ibi in Articulo de JUSTIFICATIONE per solam fidem; at usque si illud ibi legitur, acquiescimus; & tunc unus ex ilis recordatus dixit, legitur, & plus adhuc, quod Humana Christi Natura ad Divinam Majestatem & ad omnia ejus attributa, exaltata sit, & quoque quod Christus in Illa fedeat ad dextram sui Patris. His auditis conticuerunt; post hunc consensum iterum loquutus sum, dicens, quum ita est, quid tunc Pater nisi Filius & Filius nisi etiam Pater, sed quia hoc iterum obstrepuit auribus illorum, continuavi dicens; audite ipsa verba Domini, ad quæ si non prius attenderitis, attendite nunc; dixit enim, *Pater & Ego unum sumus; Pater in Me est & Ego in Patre; Pater omnia Mea tua sunt & omnia Tua Mea; qui videt Me videt Patrem,* quid illa aliud, quam quod Pater in Filio sit & Filius in Patre, & quod unum sint sicut Anima & Corpus in homine, & sic quod sint una Persona; hoc quoque erit fidei vestræ, si creditis Symbolo Athanasiano, ubi consimilia dicuntur; sed assumite ex allatis solum hoc effatum Domini, *Pater, omnia Mea Tua sunt & omnia Tua Mea,* quid hoc aliud, quam quod Divinum Patris sit Humanus Filius, & Humanum Filius Divini Patris, consequenter quod in Christo Deus sit Homo & Homo Deus, & sic quod unum sint sicut anima & corpus unum sunt; simile etiam potest omnis homo de sua anima & suo corpore dicere, videlicet, omnia tua mea sunt & omnia mea tua, tu in me es & ego in te, qui videt me videt te, nos unum sumus quoad personam & quoad vitam; causa est, quia anima est in toto & in omni parte hominis, vita enim animæ est vita corporis, & mutuum est inter illos: ex his patet, quod Divinum Patris sit anima Filius, & quod Humanum Filius sit corpus Patris; unde anima filii nisi a patre, & unde corpus ejus nisi a matre; dicitur Divinum Patris, ac intelligitur Ipse Pater, quoniam Ipse & suum Divinum est idem, hoc etiam est unum & individuum; quod ita sit, constat etiam ex his Angeli Gabrielis verbis ad Mariam, *Virtus Altissimi obumbrabit te, & Spiritus Sanctus superveniet te, & sanctum quod nasceretur ex te, vocabitur Filius Dei,* & mox supra vocatur *Filius Altissimi;* & alibi, *Filius Unigenitus;* vos autem, qui solum nominatis Ipsum Filium Mariæ, desperditis ideam Divinitatis Ipsiū, sed hanc non perdunt alii, quam Docti e Clericis ac Eruditis e Laicis, qui dum elevate cogitationes supra sensualia corporis sui, spectant gloriam famæ suæ, quæ non modo adumbrat, sed etiam extinguit lucem, per quam intrat gloria Dei. Sed redeamus ad Orationem Dominicam, ubi dicitur, *Pater noster qui est in Cælis, sanctificetur Nomen tuum, veniat Regnum tuum; vos, qui hic estis, intelligitis per illa Patrem in Solo Divino suo;* ego autem Ipsum in Humano suo, & Hoc quoque est Nomen Patris, nam Dominus dixit, *Pater glorifica Nomen tuum,* hoc est, Humanum tuum; & quando hoc fit, tunc venit Regnum Dei, & hæc Oratio inaudita est pro hoc tempore, videlicet, ut Deus Pater audeatur per Humanum suum; dixit etiam Dominus, *Nemo venit ad Patrem nisi per Me:* & apud Prophetam, *Puer natus est nobis, Filius datus est nobis, cuius Nomen DEUS, Heros, PATER ETERNITATIS;* & alibi, *Tu Jehovah Pater noster, Redemptor noster a seculo nomen tuum,* & millies alibi, ubi Dominus Salvator noster vocatur Jehovah. Hæc est vera explicatio verborum istius Orationis. Postquam hæc dicta sunt, inspexi illos, & animadvertei mutationes vultuum secundum mutationes status mentis illorum, quosdam faventes & me intuentes, quosdam non faventes & a me se avertentes: & tunc ad dextrum vidi Nubem opalini coloris, &*

ad sinistrum Nubem fuscam, & sub utraque sicut depluvium, & sub hac sicut imbris emporie seri autumni, & sub illa sicut roris tempore primi veris; & subito tunc a spiritu factus sum in corpore, & sic e Mundo spirituali redivi in Mundum naturalem.

113. QUARTUM MEMORABILE. Prospexi in Mundum Spirituum, & vidi Exercitum super Equis rufis & nigris; Sedentes super illis apparebant sicut Simiæ, versæ quoad faciem & pectus ad lumbos & caudas Equorum, & quoad occipitum & tergum ad cervices & capita illorum, & capistra pendebant circum colla Equitanum, & clamabant contra Equitantes super Equis albis, & movebant utrisque manibus suis capistra, at sic retrahebant Equos a pugna; & hoc continue. Tunc e Cælo se demiserunt duo Angeli, & venerunt ad me, & dicebant, quid vides, & narrabam, quod videam tam ludicrum Equitatum, & quæsivi quid hoc, & quinam illi, & responderunt Angeli, sunt e loco, qui vocatur Armageddon, Apoc. Cap. XVI: 16, in quem congregati sunt ad aliquot millia ad pugnandum contra illos, qui e Nova Domini Ecclesia, quæ vocatur Nova Hierosolyma, sunt; loquebantur in loco illo de Ecclesia & Religione, & tamen apud illos non erat aliquid Ecclesiæ, quia non aliquid spirituale verum, nec aliquid Religionis, quia non aliquid spirituale bonum; loquebantur ibi ore & labiis de hac & de illa, sed ex causa, ut per illas dominarentur; didicerunt in juventute confirmare Solam Fidem, & aliquid de Deo, sed cum ad eminentiora Officia in Ecclesia proiecti sunt, aliquamdiu retinuerunt illa; at quia tunc cæperunt non magis cogitare de Deo & de Cælo, sed de Se & de Mundo, ita non de beatitudine & felicitate æterna, sed de eminentia & opulentia temporali, rejecerunt doctrinalia in juventute attracta e Mentis rationalis interioribus, quæ communicant cum Cælo, & inde in luce Cæli sunt, in Mentis rationalis exteriora, quæ communicant cum Mundo, & inde in lumine Mundi sunt, & tandem detruserunt illa in naturale sensuale; unde doctrinalia Ecclesiæ apud illos facta sunt solius oris, & non amplius cogitationis ex ratione, & adhuc minus affectionis ex amore; & quia se tales fecerunt, non admittunt ullum Divinum verum quod Ecclesiæ est, nec ullum genuinum bonum quod Religionis; comparative facta sunt Interiora mentis eorum sicut Utres repleti ramentis ferri cum pulvere sulphureo commixtis, in quæ si immittitur aqua, sit primum incandescentia & postea flamma, ex qua utres illi rumpuntur; similiter illi, cum audiunt aliquid de aqua viva, quæ est genuinum verum Verbi, & hoc intrae per aures, vehementer excandescunt & inflammantur, & id rejiciunt sicut tale, quod rumperet capita illorum. Hi sunt, qui tibi apparuerunt sicut Simiæ equitantes inverso corpore super Equis rufis & nigris cum capistris circum colla, quoniā illi, qui non amant verum & bonum Ecclesiæ ex Verbo, non volunt spectare anteriora alicujus Equi, sed posteriora ejus; Equus enim significat intellectum Verbi, Equus rufus intellectum Verbi deperditum quoad bonum, & Equus niger intellectum Verbi deperditum quoad verum: quod clamaverint ad pugnam contra Equitantes super Equis albis, est quia Equus albus significat intellectum Verbi quoad verum & bonum; quod visi collo retrahere suos Equos, erat quia timebant pugnam, ne verum Verbi ad multos veniret, & sic in lucem: hæc est interpretatio.

Angeli porro dixerunt, nos sumus e Societate Cæli, quæ vocatur Michael, & a Domino mandati sumus descendere in locum dictum Armageddon, unde Equitatus tibi visus erupit: per Armageddon apud nos in Cælo significatur status & animus pugnandi ex falsificatis veris, oriundus ex amore dominandi & eminenti super omnes; & quia percipimus apud te desiderium sciendi de Pugna illa, aliquid narrabimus. Post descensum e Cælo accessimus ad locum illum dictum Armageddon, & vidimus illuc congregatos ad aliquot millia; verum non intravimus in Cætum illum, sed erant aliquæ Domus ad latus meridionale istius loci, ubi erant Pueri cum Magistris; illuc intravimus, qui nos exceperunt benigne; delectabamur a confor-

tio illorum; erant omnes quoad faciem speciosi ex Vita in oculis, & ex Zelo in sermone, vita in oculis erat illis ex perceptione veri, & zelus in sermone ex affectione boni; quare etiam dedimus illis Pileos, quorum l̄imbos ornabant fasciæ ex filis aureis intertextæ margaritis, & quoque dedimus Vests ex colore albo & hyacinthino variegatas: quæsivimus illos, num in locum propinquum, qui vocatur Armageddon, spectaverint, dixerunt, quod per fenestram, quæ sub tecto domus, & quod congregationem ibi viderint, sed sub variis figuris; nunc ut homines proceres, & nunc non ut homines, sed ut Status & Idola sculpta, & circum illos Cætum flectentem genua; hi etiam sub variis formis nobis apparuerunt, quidam sicut homines, quidam sicut pardi, & quidam sicut hirci, & hi cum cornibus deorsum protensis, quibus effodiebant humum; nos interpretati sumus metamorphoses illas, quos repræsentabant, & quid significabant. Sed ad rem, Congregati illi, cum audiverunt, quod intraverimus in Domos illas, dixerunt inter se, quid illi apud Pueros illos, mittamus e nostro Cætu aliquos, qui ejiciant illos; etiam miserunt, & cum venerunt, dixerunt ad nos, cur intravistis in Domus illas, unde estis, nos ex imperio mandamus; ut abeat; sed respondebamus, non potestis id ex imperio mandare, estis quidem vos in oculis vestris sicut Enachim, & illi qui hic sunt sicut homunciones, sed usque nihil potestatis & juris habetis hic, nisi per astutias, que tamen non valebunt, quare renuntiate vestris, quod nos e Cælo huc missi sumus, ad visitandum, num apud vos sit Religio vel non, si non, e loco isto ejiciemini; quare proponite illis hoc, in quo est ipsum Essentiale Ecclesiæ & Religionis, quomodo intelligunt hæc verba in Oratione Dominica, PATER NOSTER QUI ES IN CÆLIS, SANCTIFICETUR NOMEN TUUM, ADVENIAT REGNUM TUUM; his auditis, dixerunt primum, quid hoc, & deinde quod proponerent; & abiherunt, & dixerunt illa ad suos, qui responderunt, quæ & qualis illa propositio; at intellexerunt arcanum, quod velint scire, num illa confirmant viam fidei nostræ ad Deum Patrem, quare dixerunt, sunt clara verba quod orandum sit ad Deum Patrem, & quia Christus est noster Mediator, quod orandum sit ad Deum Patrem propter Filiū; & mox in indignatione decreverunt, quod adirent nos, & dictarent id oretenus, dicendo etiam quod vellicarent aures nostras; etiam e loco illo exiverunt, & intraverunt in Lucum Domibus illis, in quibus erant pueri cum magistris, propinquum, in cuius medio erat Planum sicut Palæstra elevatum, ac tenebant se manibus, & intraverunt in palæstram illam, ubi eramus, & exspectavimus; erant ibi cespites ex humo sicut colliculi, super illis se reponebant, nam dixerunt inter se, coram illis non stabimus sed sedebimus. Et tunc unus ex illis, qui potuit facere, ut appareret sicut Angelus lucis, cui a reliquis injunctum fuit cum nobis loqui, dixit, proposuistiis nobis ut aperiamus mentes nostras de primis verbis in Oratione Dominica, quomodo illa intelligimus; dico itaque vobis, quod intelligamus illa ita, quod orandum sit ad Deum Patrem, & quia Christus est Mediator noster, & per Ipsius meritum salvamur, quod orandum sit ad Deum Patrem ex fide in Ipsius meritum. Sed tunc diximus illis, sumus ex Societate Cæli, que vocatur Michael, & missi sumus ad visitandum & inquirendum, num vobis in locum illum congregatis sit aliqua Religio vel non; idea enim Dei intrat in omne religionis, & per illam fit conjunctio, & per conjunctionem salvatio; nos in Cælo legimus quotidie illam Orationem sicut homines in Terra; & tunc non cogitamus de Deo Patræ; quia invisibilis, sed de Ipso in Divino Humano suo, quia in Hoc est visibilis; & Ipse in Hoc a vobis vocatur Christus, sed a nobis Dominus, & sic Dominus nobis est Pater in Cælis; docuit etiam Dominus, quod Ipse & Pater unum sint; Quod Pater in Ipso & Ipse in Patre sit; & quod qui videt Ipsum videat Patrem; tum quod nemo veniat ad Patrem nisi per Ipsum; & quoque quod voluntas Patris sit, ut credant in Filium, & quod qui non credit Filio, non videat vitam, immo quod ira Dei maneat super illo; ex quibus patet, quod audeatur Pater per Isum

sum & in Ipso; & quia ita est, etiam docuit, quod Ipsi data sit omnis potestas in Cælo & in Terra: dicitur in Oratione illa, SANCTIFICETUR NOMEN TUUM, VENIAT REGNUM TUUM, & demonstravimus ex Verbo, quod Divinum Humanum Ipsius sit Nomen Patris, & quod Regnum Patris tunc sit, quando Dominus immediate adiutatur, & prorsus non cum Deus Pater immediate; quare etiam Dominus mandavit Discipulis, ut predicarent Regnum Dei, & hoc est Regnum Dei. His auditis dixerunt Antagonistæ, recitatis multa ex Verbo, sed talia forte legimus ibi, sed non reminiscimur, quare aperite coram nobis Verbum, & legite illa inde, imprimis id ibi, quod Regnum Patris tunc veniat, quando Regnum Domini; & tunc dixerunt Pueris, apportate Verbum, & apportabant, & inde legimus hæc sequentia; *Johannes predicans Evangelium Regni, dixit, completum est tempus, appropinquavit REGNUM DEI, Marc. I: 14. 15.* Matth. III: 2. *Ipse Jesus prædicavit Evangelium Regni, & quod appropinquaret REGNUM DEI, Matth. V: 17. 23. Cap. IX: 35. Jesus mandavit Discipulis, ut predicarent & evangelizarent REGNUM DEI, Marc. XVI: 15.* Luc. VIII: 1. Cap. IX: 60. *similiter Septuaginta, quos emisit, Lue. X: 9. 11.* præter alibi, ut Matth. XI: 5. Cap. XVI: 27. 28. *Marc. VIII: 35. Cap. IX: 1. 27. Cap. X: 29. 30. Cap. XI: 10. Lue. I: 19. Cap. II: 10. 11. Cap. IV: 43. Cap. VII: 22. Cap. XXI: 30. 31. Cap. XXII: 18.* Regnum Dei, quod evangelizabatur, erat Regnum Domini, & sic Regnum Patris; quod ita sit, patet ex his, *Pater dedit omnia in manum Filii, Joh. III: 35. Pater dedit Filio potestatem omnis carnis, Joh. XVII: 2. Omnia Mihi tradita sunt a Patre, Matth. XI: 27. data est Mihi omnis potestas in Cælo & in Terra, Matth. XXVIII: 16.* Et porro ex his,, *Jehovah Zebaoth Nomen Ipsius, & Redemptor Sanctus Israelis, Deus totius Terræ vocabitur, Efaj. LIV: 5. Vidi. & ecce sicut FILIUS HOMINIS, cui datum est Dominium, gloria & regnum, & omnes populi & gentes Ipsum colent, Dominium Ipsius dominium sæculi, quod non transibit, & Regnum Ipsius, quod non peribit, Dan. VII: 13. 14. Cum septimus Angelus clamxit, factæ sunt voces magnæ in Cælis, dicentes facta sunt Regni mundi Domini nostri & Christi Ipsius, & regnabit in secula sæculorum, Apoc. XI: 15. Cap. XII: 10.* Et insuper instruximus illos ex Verbo, quod Dominus in Mundum venerit non modo ut redimeret Angelos & Homines, sed etiam ut unirentur Deo Patri per Ipsum & in Ipso, nam docuit, quod qui credunt in Ipsum, sit in illis & illi in Ipso, Joh. VI: 56. Cap. XIV: 20. Cap. XV: 4. 5. His auditis, quæsiverunt, quomodo ergo Dominus vester potest vocari Pater, diximus, ex illis quæ letta sunt, & quoque ex his,, *Puer natus est nobis, Filius datus est nobis, cujus Nomen DEUS, Heros, PATER ETERNITATIS, Efaj. IX. 5. Tu Pater noster, Abraham non cognoscit nos, & Israel non agnoscit nos, Tu JEHOVAH PATER NOSTER RÉDEMPTEUR NOSTER A SÆCULO NOMEN Tuum, Efaj. LXIII: 16.* Dixitne ad Philippum volenter videre Patrem, *Philippe non nosti Me, qui videt Me videt Patrem: Joh. XIV: 9. Cap. XII: 45;* quis tunc alias est Pater, quam quem Philippus oculis suis vidit. His addimus hoc, dicitur in toto Christiano Orbe, quod illi, qui ab Ecclesia sunt, faciant Christi Corpus, & sint in Ipsius Corpore, quomodo tunc potest homo Ecclesiæ adire Deum Patrem, nisi per Ipsum, in cuius corpore est, si aliter, omnino exibit e Corpore & adibit. Ultimo informavimus illos, quod hodie Nova Ecclesia a Domino instauretur, quæ intelligitur per Novam Hierosolymam in Apocalypsi, in qua Cultus solius Domini erit, sicut in Cælo, & quod sic Omne complebitur, quod in Oratione Dominica a principio ad finem continetur: Confirmavimus omnia ex Verbo apud Evangelistas, & apud Prophetas, & ex Apocalypsi, in qua de illa Ecclesia a principio ad finem agitur, in tanta copia, ut defatigantur audire.

His cum indignatione auditis, voluerunt Armageddoni passim interpolare sermonem nostrum; & tandem ruperunt illum, & exclamaverunt, loquuti estis contra Doctrinam Ecclesiæ nostræ, quæ est, quod Deus Pater immediate adiundus sit.

& credendum in Illum, sic reos vos fecistis violationis fidei nostræ, quare exite abhinc, & si non, ejiciemini: & animi illorum accensi a minis in conatûm venerunt; sed tunc ex potentia nobis data percussimus illos cæcitate, ex qua non vi dentes nos eruperunt, & in errore discurrebant, & quidam inciderunt in abyssum, de qua in Apocalypsi, Cap. IX: 2, quæ nunc est in Plaga meridionali versus Orientem; ubi sunt qui confirmant justificationem per solam fidem; & illi ibi qui confirmant illam ex Verbo, emittuntur in desertum, in quo feruntur usque ad extremitatem Orbis Christiani, & commiscentur paganis.

DE REDEMPTIONE.

114. Quod in Domino sint Duo Munia, SACERDOTALE & REGIUM, notum est in Ecclesia, sed pauci sciunt, in quo unum & in quo alterum consistit, quare dicitur; Dominus ex Munere Sacerdotali dictus est Jesus, & ex Munere Regio CHRISTUS; & quoque ex Munere Sacerdotali in Verbo vocatur Jehovah & Dominus, & ex Munere Regio Deus & Sanctus Israelis, ut & Rex: hæc duo distinguuntur inter se, sicut Amor & Sapientia, seu quod idem, sicut Bonum & Verum inter se; quamobrem quicquid Dominus egit & operatus est ex Divino Amore seu Divino Bono, ex Munere suo sacerdotali egit & operatus est, at quicquid ex Divina Sapientia seu Divino Vero, ex Munere suo Regio; in Verbo etiam Sacerdos & Sacerdotium significat Divinum Bonum, ac Rex & Regium Divinum Verum; illa duo repræsentabant Sacerdotes & Reges in Ecclesia Israelitica. Quod Redemptionem concernit, pertinet illa ad utrumque Munus; sed quid ejus ad unum, & quid ejus ad alterum, in sequentibus detegetur. Sed ut singula distincte percipi antur, expositio de illa dispescetur in Canones seu Articulos, qui erunt I. *Quod ipsa Redemptio fuerit subjugatio Inferorum, & ordinatio Cælorum, & per illa præparatio ad novam Ecclesiam spiritualem.* II. *Quod absque illa Redemptione nullus homo salvari potuerit, nec Angeli in statu integritatis subsistere.* III. *Quod Dominus sic non modo homines, sed etiam Angelos redemerit.* IV. *Quod Redemptio fuerit opus pure Divinum.* V. *Quod ipsa hæc Redemptio non fieri potuerit quam per Deum incarnatum.* VI. *Quod Passio crucis fuerit ultima Tentatio quam ut maximus Propheta sustinuit, & quod fuerit medium Glorificationis Humani Ipsijs, hoc est, unionis cum Divino Patris sui, & non Redemptio.* VII. *Quod Passio crucis credatur fuisse ipsa Redemptio, sit fundamen talis error Ecclesiæ: & quod ille error, una cum errere de tribus Personis Divinis ab æterno, perverterit totam Ecclesiam, adeo ut non aliquid residuum spirituale in illa superfit.* Hæc, nunc singulatim evolvenda sunt.

115. I. *QUOD IPSA REDEMPTIO FUERIT SUBJUGATIO INFERNORUM, ET ORDINATIO CÆLORUM, ET PERILLA PRÆPARATIO AD NOVAM ECCLESIAM SPIRITUalem.* Quod hæc tria sint Redemptio, possum in omni certitudine dicere, quoniam Dominus etiam hodie facit Redemptionem, quæ inchoavit Anno 1757. una cum ULTIMO JUDICIO, quod tunc factum est; ab illo tempore perstitit hæc Redemptio huc usque; causa est, quia hodie est SECUNDUS ADVENTUS DOMINI, & Nova Ecclesia instituenda est, quæ non institui potest, nisi præcedat subjugatio Inferorum & ordinatio Cælorum; & quia mihi datum est videre omnia, possum describere, quomodo subjuga ta sunt Inferna, & quomodo Novum Cælum conditum & ordinatum est, sed hoc foret integri operis; quomodo autem Ultimum Judicium peractum est, aper tum feci in Codicillo An: 1758 Londini edito. Quod subjugatio Inferorum; ordinatio Cælorum; ac instauratio Novæ Ecclesiæ suerint Redemptio; est quia absque illis nullus homo salvari potuit; sequuntur etiam in ordine, primum enim subjuganda sunt Inferna, antequam Novum Cælum Anglicum conformari potest.

& hoc prius conformandum est, antequam Nova Ecclesia in terris institui potest, nam homines in Mundo cum Angelis Cæli & cum spiritibus Inferni ita conjuncti sunt, ut in mentium interioribus utrinque unum faciant: sed de hoc in Capite ultimo hujus Operis, ubi de *CONSUMMATIONE SÆCULI, DE ADVENTU DOMINI, & de NOVA ECCLESIA*, in specie transigendum est.

116. Quod Dominus dum in Mundo fuit, pugnaverit contra Inferna, ac illa vice-rit & subjugaverit, & sic illa sub suam obedientiam miserit, constat ex multis locis in Verbo, ex quibus haec pauca depromam; apud Esajam, *Quis Hic qui venit ex Edom, conspersus vestes ex Bozra, hic honorabilis in vestitu suo, incedens in multitudine roboris sui: Ego qui loquor in justitia, magnus ad salvandum; quare rubicundus quoad vestem tuam. & vestis tua sicut calcantis in torculari, torcular calcavi solus, & de populo non vir mecum: propterea calcavi illos in ira mea, & conculcavi illos in excandescientia mea, inde sparja est victoria eorum super vestes meas; nam dies vindictæ in corde meo, & annus Redemptorum meorum venit, salutem præstítit Mihi brachium meum; descendere feci in terram victoriam eorum: dixit, ecce populus meus illi, filii, ideo factus est illis in Salvatorem; ob amorem suum & ob clementiam suam Ille redemit eos, LXIII: i ad 9.* Hæc de pugna Domini contra Inferna; per vestem, in qua honorabilis, & quæ rubicunda, intelligitur Verbum, cui violentia a populo Judaico illata est; ipsa pugna contra Inferna, & victoria super illa, describitur per quod calcaverit illos in ira sua, & conculcaverit in excandescientia sua; quod solus & ex propria potentia pugnaverit, describitur per haec, de populo non vir Mecum, salutem Mihi præstítit brachium meum, descendere feci in terram victoriam eorum; quod per id salvaverit & redemerit, per haec, ideo factus est illis in Salvatorem, ob amorem & ob clementiam suam Redemit illos; quod hoc fuerit causa adventus Ipsius, intelligitur per haec, dies vindictæ in corde meo, & annus Redemptorum meorum venit. Iterum apud Esajam, *Vidit quod non quisquam, & obslupuit quod non esset intercedens; ideo salutem præstítit Ipsi brachium suum, & Justitia suscitavit Ipsum; inde induit Justitiam sicut loricam, & galeam salutis super caput suum, & induit vestes vindictæ, & texit Se zelo sicut pallio; tunc venit Zioni Redemptor; LIX: 16. 17. 20.* Apud Jeremiam, *Illi confernati sunt, fortes eorum contusi sunt; fugam fugerunt, nec respexerunt; dies ille Domino. Jehovah Zebaoth, dies ultionis, ut vindictam sumat de hostibus suis, comedat gladius & saturetur, XLVI: 5. 10,* haec & illa de pugna Domini contra Inferna, & de victoria super illa. Apud Davidem, *Accinge gladium super femur, Potens; tela tua acuta, populi cadent sub Te, e corde hostes Regis: Thronus tuus in sæculum & aeternum, amasti Justitiam, propterea unxit Te Deus, Psalm XLV: 4 ad 7;* præter in permultis aliis locis. Quoniam Dominus Solus vicit Inferna, cum nulla ope alicuius Angeli, ideo vocatur HEROS & VIR BELLORUM, Esaj. XLII: 15. Cap. IX: 5. REX GLORIÆ, JEMOVAH FORTIS, HEROS PELLI, Psalm XIV: 8. 10. FORTIS JACOBI, Psalm CXXXII: 2; & multis in locis Jehovah Zebaoth, hoc est, Jehovah Exercituum: & quoque Adventus Ipsius, vocatur Dies Jehovah terribilis, crudelis, indignationis, excandescientæ, ire, vindictæ, exitii, belli, buccinæ, clangoris, tumultus, &c. Apud Evangelistas leguntur haec, *Nunc Iudicium est Mundi, Princeps Mundi hujus ejicitur foras, Joh. XII: 31. Princeps hujus Mundi judicatus est, Joh. XVI: 11. Confidite, Ego vici Mundum, Joh. XVII: 33. Vidi Satanam sicut fulmen e Calo cadentem, Luc. X: 18;* per Mundum, Principem mundi, Satanam & Diabolum, intelligitur Infernum. Præter haec in Apocalypsi a principio ad finem describitur, qualis Ecclesia Christiana hodie est, tum quod Dominus iterum venturus sit, ac Inferna subjugaturus, ac Novum Cælum Angelicum facturus sit, & deinde Novam Ecclesiam in terris instauraturus. Hæc omnia ibi prædicta sunt, sed non prius quam hodie detecta; causa est, quia Apocalypsis, sicut omnia Prophetica Verbi, conscripta fuit per meras Correspondentias, quæ nisi a Domino detectæ suis-

fuissent, vix aliquis potuisset rite intelligere unum versiculum ibi, at nunc propter Novam Ecclesiam, oiniae quæ ibi, in APOCALYPSI REVELATA, Amstelodami Ab: 1766 edita, detecta sunt, & videbunt illa, qui credunt Verbo Domini apud Matthæum Cap. XXIV, de statu Ecclesiæ hodiernæ, & de adventu Ipsius; sed hæc fides vacillat solum apud illos adhuc, qui fidem hodiernæ Ecclesiæ de Trinitate Personarum Divinarum ab æterno, & de Passione Christi quod fuerit ipsa Redemptio, tam alte impresserunt cordibus suis, ut eradicari non possit; sed hi sunt, ut in MEMORABILE suprà n: 113, dictum est, sicut utres repleti raimentis ferri, & pulvere sulphureo, in quæ si immittitur aqua, sit primum incandescentia, & postea flamma, ex qua utres illi rumpuntur, similiter illi, dum audiunt aliquod de aqua viva, quæ est genuinum verum Verbi, & hoc intrat per oculos aut aures, vehementer excandescunt & inflammantur, & rejiciunt sicut tale, quod rumperet Capita illorum.

117. Subjugatio Inferiorum, ordinatio Cælorum, & deinde instauratio Ecclesiæ, illustrari possunt per varias similitudines; illustrari possunt per similitudinem cum Exercitu prædonum aut rebellium, qui invadunt Regnum aut Urbem, & ibi incendunt domos, depopulantur incolarum bona, & dividunt prædas inter se, & se inde lætificant & glorificant; ipsa autem Redemptio illustrari potest per similitudinem cum Rege justo, qui cum suo Exercitu aggreditur illos, & partem illorum sub gladium mittit, & partem orgastulis includit, ac auferit illis prædas, ac subditis restituit, ac postea Regnum ordinat, & tutum a similium insultu reddit. Illustrari etiam potest per similitudinem cum feris congregatis erumpentibus e sylva, quæ invadunt græges & armenta, & quoque homines, propter quæ hominem aëribus suæ urbis non audet exire, & colere terram, unde campi erunt deserti, & urbani fame perituri sunt; ac Redemptio illustrari potest per internectionem & profligationem ferarum illarum, & per tutationem agrorum & camporum a talium ulteriore invasione. Illustrari etiam potest per locutas consumentes omne viride lumen, & per media ne ulterius progrediantur: pariter per vermiculos tempore primo restatis, qui depravant arbores foliis, & sic etiam fructibus, ut stent nudæ sicut in media hyeme, & per excussionem illorum, & sic restitucionem horti in statum suæ efflorescentie & fructificationis. Simile fieret cum Ecclesia, nisi Dominus per Redemptionem separavisset bonos a malis, & hos in Infernum conjecisset, & illos in Cælum elevavisset; quid foret cum Imperio & Regno, ubi non justitia & judicium, per quæ mali e medio bonorum auferantur, & boni tumentur a violationibus, ut quisque in securitate in sua domo vivat, ac sicut in Verbo dicitur, sub sua siccæ & vite in tranquillo sedeat.

118. II. QUOD ATQUE ILLA RÉDEMPTIONE NULTUS HOMO SALVARI POTUERIT, NEC ANGELI IN STATU INTEGRITATIS SUSTINERE. Primum dicetur quid Redemptio; Redimere significat liberare a damnatione, vindicare a morte æterna, eripere ex Inferno, ac auferre captivos & vincitos e manu diaboli: hoc a Domino factum est per quod subjugaverit Inferna, & condiderit novum Cælum, quod homo alioquin non salvare potuerit, est quia Mundus Spiritualis cum Mondo naturali, talem nexum habet, ut separari nequeant, principaliter cum interioribus hortum quæ Anima & Mentes eorum vocantur, bonorum cum animalibus & mentibus angelorum, & malorum cum animabus & mentibus spirituum infernali; talem unionem habent, ut si illi ab homine removerentur, homo caderet mortuus sicut stipes, similiter nec Angeli & Spiritus possunt subsistere, si illis subtraherentur homines. Inde patet, quamobrem Redemptio facta est in Mundo spirituali, & quam obrem, Cælum & Infernum prius ordinanda sunt, antequam Ecclesia in terris instaurari possit: quod ita sit patet clare in Apocalypsi, quod postquam Novum Cælum factum est, ex Cælo illo descenderit Nova Hierosolyma, quæ est Nova Ecclesia, Cap. XXI: 1. 2.

119. Quod nisi Redemptio facta sit a Domino, nec Angeli in statu integratatis potuerint subsistere, est causa, quia Universum Cælum Angelicum una cum Ecclesia in terris, coram Domino est sicut unus Homo, cuius Internum constituit Cælum Angelicum, & Externum Ecclesia; aut specialius, cuius Caput constituit Cælum supremum, Pectus & Mediam corporis Regionem Cælum secundum & ultimum, ac Lumbos & Pedes Ecclesia in terris, & Ipse Dominus est Anima & Vita totius hujus Hominis; quare nisi Dominus Redemptionem fecisset, destructus fuisset hic Homo; quoad Pedes & Lumbos, quando Ecclesia in terris recedit, quoad Regionem gastricam quando Cælum Ultimum, quoad Thoracem quando Cælum Secundum, & tunc Caput, quia non habet correspondentiam cum Corpore, in deliquium cadit. Sed hoc per similitudines illustrabitur; est sicut cum Caro morticina invadit pedes, & morticinium ejus progresivo scandit, ac inficit primus lumbos, & deinde viscera abdominis, & tandem invadit vicinias Cordis, quod tunc homo morte succumbat, notum est. Illustrari etiam potest per similitudinem cum morbis viscerum, quæ infra Diaphragma sunt, quod quando illa fathiscunt, Cor incipiat palpitare, & Pulmo graviter anhelare, & quod tandem cessent. Illustrari etiam potest per similitudinem cum Interno & Extero homine, quod Internus homo valeat, quamdui Externus obdienter obit ejus functiones, at si Externus homo non obedit, sed repugnat, & plus si illum impugnat, tandem Internus labefactatur, & demum aufertur a jucundis Externi, usque dum ei favet & assentit. Et quoque illustrari potest per similitudinem cum homine stante super Monte, & infra se videt terras inundatas, & quod aquæ successive assurgant, & cum ad altitudinem, in qua ipse stat, emergunt, etiam ille inundatur, nisi per quandam nāvicolam, quæ per undas alluit, saluti suæ possit consulere: similiter si quis ex Monte videt densum nimbum plus & plus e terra assurgentem, & abscondentem campos, villas & urbes, & postea dum nimbosum illud usque ad illum pertingit, non videt quicquam, nec semet ubi est. Simile est cum Angelis, dum Ecclesia in terris perit, quod tunc etiam Celi inferiores abeant; causa est, quia Cæli ex hominibus e terra consistunt, & dum amplius non aliiquid bonum cordis & verum Verbi superest, inundantur Cæli a malis quæ assurgunt, & ab illis sicut ex aquis Stygiis suffocantur; sed usque a Domino reconduntur alicubi, & ad diem ultimi Judicii reservantur, & tunc in Cælum Novum attolluntur; hi sunt qui intelliguntur in Apocalypsi per hos, „Vidi sub Altari animas occisorum propter Verbum Dei, & propter Testimonium quod habebant; & clamabant voce magna, dicentes, usque quo Domine, qui Sanctus & Verus, non judicas & vindicas sanguinem nostrum de habitantibus super Terra; & date singulis stola alba; & dicitur eis, ut requiescant adhuc tempus parvum, usque dum complentur, & conservi & fratres eorum, qui futuri occidi sicut illi, Cap. VI: 9. 10. 11.

120. Quod absque Redemptione a Domino iniuntas & malitia pervagaretur totum orbem Christianum in utroque Mundo; Naturali & Spirituali, sunt plures cause, inter quas etiam haec est, quia omnis homo potest mortem in Mundum spirituum venit, & tunc sibi prorsus similis est, qualis prius, ac in introitu nemino arceri potest a colloquio cum defunctis parentibus, fratribus, affinibus & amicis, quisque maritus tunc primum querit uxorem suam, & quæque uxor maritum suum, & ab his & illis introducuntur in varia consortia taliam, qui extrinsecus sicut oves apparent, ac intrinsecus sicut lupi sunt, & ab his pervertuntur etiam illi, qui pietati studuerunt; inde, & ex artibus nefandis in Mundo naturali ignotis, ille Mundus ita repletus est malitiosis, prout stagnum ex oculis ranarum virideſſens; quod consortia cum malis ibi hoc etiam efficiant, ex his conspiuum reddi potest, est enim sicut quis commoratur cum prædonibus aut piratis, tandem fit illis similis: atque est sicut quis habitat cum adulteris & scortis; tandem adulteria prōnihil reputat, est quoque sicut quis immiscet rebellibus, tandem

nihil facit violentias inferre cuicunque: omnia enim mala sunt contagiosa, & comparari possunt pesti, quæ ex sola aspiratione & exhalatione inficit; & quoque cancro & gangræna, quæ serpit & putrefacit vicina & successiva remotiora, usque dum totum corpus perit; jucunda mali, in quæ quisque nascitur, in causa sunt. Ex his nunc constare potest, quod absque Redemptione a Domino, nullus salvari possit, nec Angeli in statu integratissimo subsistere: unicum refugium, ne quis pereat, est ad Dominum, nam dicit, *Manete in Me, etiam Ego in vobis, quemadmodum palmes non potest fructum ferre a se ipso, nisi manserit in vite; ita vos nisi in Me manseritis: Ego sum Vitis, vos palmites, qui manet in Me, & Ego in illo, hic fort fructum multum; quia sine Me non potestis facere quicquam: nisi quis manserit in Me, ejecitus est foras, & arefactus in ignem conjicitur, & comburitur*, Joh. XV: 4. 5. 6.

121. III. QUOD DOMINUS SIC NON MODO HOMINES, SED ETIAM ANGELOS REDEMERT. Hoc sequitur ex dictis in Articulo præcedente, quod absque Redemptione a Domino nec Angeli potuerint subsistere; ad causas supradictas accedunt hæc, 1. Quod tempore Primi Adventus Domini Inferna succreverint in altum, usque ut implerent Universum Mundum spirituum, qui medius est inter Cælum & Infernum, & sic non modo confuderint Cælum, quod vocatur ultimum, sed etiam aggressi Cælum medium, quod mille modis infestaverunt; quod nisi Dominus sustinuerit, destruetum iret. Talis insultus Infernorum intelligitur per Turrim ædificatam in terra Schinaar, cuius caput pertingeret usque ad Cælum, & quorum conatus per confusionem labiorum inhibitus est, & illi dispersi sunt, ac urbs vocata est Babel, Gen. XI: 1 ad 9; quid ibi per Turrim, & per confusionem laborum intelligitur, in ARCANIS CÆLESTIBVS Londini editis, explicatum est. Causa, quod Inferna in talem altitudinem succreverint, fuit, quod tempore, quo Dominus in Mundum venit, Universus orbis per idololatrias & magias se prorsus a Deo abalienaverit, & Ecclesia, quæ fuerat apud filios Israëlis, & demum apud Judæos, per falsificationem & adulterationem Verbi plane destruxta fuerit; & omnes hi & illi post mortem in Mundum Spirituum alluerunt, ubi tandem ita adacti & multiplicati sunt, ut non inde potuerint expelli, nisi per descensum Ipsiœ Dei, & tunc per robur Divini brachii Ipsiœ, quod quomodo factum est, in Opusculo Londini anno 1758 de ULTIMO JUDICIO edito, descriptum est: hoc peractum est a Domino, cum in Mundo fuit: simile etiam hodie a Domino factum est, quoniam, ut supra dictum est, hodie est Secundus Adventus Ipsiœ, qui in Apocalypsi ubivis, & apud Matthæum Cap. XXIV: 3. 30. apud Marcum Cap. XIII: 26; apud Lucam Cap. XXI: 27, & in Actis Apost. Cap. I: 11, & alibi, prædictus est; discrinem est, quod in Primo Ipsiœ Adventu Inferna in tantum acreverint ex idololâtris, magis & falsificatoribus Verbi, at in hoc Secundo ex Christianis ita vocatis, tam illis qui naturalisimum imberunt, quam illis qui falsificaverunt Verbum per confirmationes fabulosæ fidei suæ de tribus Personis Divinis ab æterno, & de Passione Domini quod fuerit ipsa Redemptio; hi enim sunt qui per Draconem & binas ejus Bestias in Apocalypsi Cap. XII: & XIII, intelliguntur. 2. Secunda causa, quod Dominus etiam redemerit Angelos, est, quod non modo unusquisque homo, sed etiam unusquisque Angelus a Domino detineatur a malo, & teneatur in bono; nullus enim sive Angelus sive homo, est in bono a se, sed omne bonum est a Domino; cum itaque scabellum pedum Angelorum, quod illis est in Mundo spirituum, surreptum est, tunc factum est cum illis, sicut cum fedente super solio, dum ejus stylobate auferuntur. Quod Angeli coram Deo non sint puri, constat ex propheticis Verbi, & quoque ex Hiobo; tum ex eo, quod non detur aliquis Angelus, qui non prius fuerat homo. Per hæc confirmantur illa, quæ in FIDE Novi CÆLI ET Novæ ECCLESIAE IN UNIVERSALI ET SINGULARI FORMA, huic Operi præmissa, dicuntur, videlicet „Quod Dominus in

„ Mun-

„ Mundum venerit, ut removeret Infernum ab homine, & quod id removerit
 „ per pugnas contra illud, & per victorias super illud, ita subjugaverit illud,
 „ & redegerit illud sub suam obedientiam. Tum per hæc ibi, „ quod Jehovah
 „ Deus descenderit & assumferit Humanum, propter finem, ut in ordinem redi-
 „ geret omnia quæ in Cælo, & omnia quæ in Ecclesia erunt, quoniam tunc po-
 „ tentia Diaboli, hoc est, Inferni, valuit super potentiam Cæli, & in terris po-
 „ tentia mali super potentiam boni, & inde totalis damnatio ante fores stetit &
 „ imminuit; hanc futuram damnationem Jehovah Deus per Humanum suum su-
 „ stulit, & sic homines & angelos redemit: ex quibus patet, quod absque adven-
 „ tu Domini nullus salvari potuerit. Simile est hodie, quare nisi Dominus iterum
 „ in Mundum veniat, nec quisquam potest salvari" vide supra n. 2. 3.

122. Quod Dominus vindicaverit Mundum Spiritualem, & per hunc vindicaturus sit Ecclesiam ab universali damnatione, illustrari potest per comparationem cum Rege, qui suos filios principes ab hoste captos, carceribus inclusos, & catenis vincitos, per victorias super illum liberat, & in Aulam suam reducit. Tum per comparationem cum Pastore, qui oves suas e faucibus leonis aut ursi, sicut Simpon & David, eripit, aut feras illas erumpentes e sylvis in prata, ejicit, & persegitur usque ad extre mos terminos, & demum urget illas in stagna, aut in deserta, & postea credit ad oves, & in securitate pascit illas, & ex fontibus aquæ limpidæ potat illas. Illustrari etiam potest cum aliquo, qui videt serpentem in spiram tortum, jacentem in via, ac intendenter infligere plagam calcaneo viatoris, ac prehendit caput ejus, & illum, tametsi se circum manum ejus contorquet, usque domum portat, & ibi caput ejus amputat, & reliquum in ignem conjicit. Illustrari etiam potest cum sposo aut marito, qui dum videt adulterum tentantem inferre violentiam suæ sponsæ aut uxori, illum aggreditur, & vel manum ejus gladio fauci at, vel crura & lumbos ejus plagi corripit, vel per servos suos ejicit in plateas, qui fustibus illum usque ad domum ejus perseguuntur, & sic liberatam in thalamum suum abducit: per Sponsam & Uxorem etiam in Verbo intelligitur Ecclesia Domini, & per adulteros intelliguntur violatores ejus, qui sunt, qui Verbum Ipsi s adulterant; quod quia Judæi fecerunt, a Domino vocati sunt gens adultera.

123. IV. Quid REDEMPTIO FUERIT OPUS PURE DIVINUM. Qui scit quale Infernum est, & qualis ejus altitudo & inundatio super universum Mundum Spirituum tempore adventus Domini fuit, tum qua potentia Dominus infernum dejecit & dissipavit, & postea illud una cum Cælo in ordinem redigit, non potest non obstupescere, & exclamare, quod omnia illa pure Divinum Opus fuerint. Primum, *Quale Infernum est*, consistit illud ex myriadibus myriadum, quoniam ex omnibus illis, qui a creatione Mundi per mala vita & falsa fidei ab alienaverunt se a Deo. Alterum, *qualis altitudo & inundatio inferni super universum Mundum Spirituum tempore adventus Domini fuit*, aliquantum in praecedentibus Articulis expostum est; qualis fuit tempore primi Adventus, non alicui notum factum est, quia non in sensu literæ Verbi revelatum; sed qualis fuit tempore secundi Adventus Ipsi s, oculis meis videre datum est, ex quo de priori concludi potest, & hoc descriptum est in Opusculo de ULTIMO JUDICIO Londini an: 1758 edito, pariter, *qua potentia Dominus infernum illud dejecit & dissipavit*; sed huc trans ferre illa, quæ ex autopsia in illo Opusculo descripta sunt, vanum opus est, quia exstat, & adhuc Exemplaria in copia Londini apud Typographum reservata sunt; quisque, qui illud legit, clare videre potest, quod id Omnipotens Dei Opus fuerit. Quartum, *quomodo Dominus omnia tam in Cælo quam in Inferno postea in ordinem redigit*, nondum a me est descriptum, quoniam ordinatio cælorum & infernorum, a die Ultimi Judicij usque ad hodiernum tempus perstitit, & adhuc perstat; ast post hunc Librum editum, si desideratur, in publicum dabitur; quod

me attinet, quoad hanc rem, quovis die vidi & video Omnipotentiam Divinam Domini sicut in facie; at postremum hoc proprie est Redemptoris, prius autem illud proprie est Ultimi judicii, qui duo illa distincte intuentur, illi possunt plura, quæ in propheticis Verbi sub figuris concelecta sunt, & tamen descripta, dum per explicationem correspondentiarum in lucem intellectus protrahuntur, videre. Hoc & illud opus Divinum, non aliter illustrari potest, quam per comparationes, sed usque parum; illustrari potest per comparationem, cum pugna contra Exercitus omnium Gentium in Universo Mundo instructos hastis, scutis, gladiis, scopetis & bombardis, habentes duces & praefectos callidos & astutos; hoc dicitur, quia plerique in Inferno artes in Mundo nostro ignotas ecallent, in quibus se inter se exercent, quomodo aggressuri, insidiaturi, obsessuri & impugnaturi illos qui e Cælo sunt. Pugna Domini cum Inferno etiam potest comparari, attamen parum, cum pugna cum feris totius Orbis terrarum, ac cum illarum strage & domatione, usque dum nulla illarum hiscat prodire, & insultum in illum hominem, qui in Domino est, facere, unde si quis minacem vultum exserit, subito retrahit se, sicut sentiret vulturem in sinu pectoris sui, tentantem perforare illum usque ad cor; per feras etiam in Verbo describuntur Spiritus infernales; hi quoque per feras, cum quibus Dominus 40 dies erat, apud Marcum Cap. I: 13, intelliguntur. Comparari etiam potest, cum resistentia contra universum Oceanum, cum fluctibus suis irrumptem in regiones & urbes, disruptis vallis; subjugatio Inferni a Domino etiam intelligitur per quod compescuerit Mare per quod dixerit, *sile, obmutesc*, Marc. IV: 38. 39. Matth. VIII: 26. Luc. VIII: 23. 24; per Mare enim ibi, ut in pluribus aliis locis, significatur Infernum. Dominus ex simili potentia Divina, hodie pugnat contra Infernum apud unumquemvis hominem, qui regeneratur, nam Infernum omnes illos diabolico furore aggreditur, cui nisi Dominus resistit, & illud domat, homo non potest non succumbere: Infernum enim est sicut unus homo monstrosus, ac sicut immanis Leo, cum quo etiam in Verbo comparatur, quare nisi Dominus illum Leonem aut illud Monstrum manicis & pedicis vincit teneret, non potuisset aliter, quin ut homo, dum ab uno malo eripitur, in alterum, & porro in plura, ex se incidenter.

124. V. QUOD IPSA HÆC REDEMPTIO NON FIERI POTUERIT, QUAM PER DEUM INCARNATUM. In præcedente Articulo ostensum est, quod Redemptio fuerit Opus pure Divinum, consequenter quod non fieri potuerit nisi a Deo Omnipotente: quod non nisi quam per Se incarnatum, hoc est, factum Hominem, causa est, quia Jehovah Deus, qualis est in infinita sua essentia, non potest appropinquare ad Infernum, minus intrare in illud, est enim in purissimis & primis; quare Jehovah Deus, in se talis, si modo afflaret illos qui in Inferno sunt, momento enearet illos, nam dixit ad Mosen volentem videré Ipsum, *Non poteris videre facies meas, quia non videbit Me homo & vivet*, Exod. XXXIII: 20; cum itaque Moses non potuit, minus adhuc illi qui in Inferno sunt, ubi omnes sunt in ultimis, & crassissimis, & sic in remotissimis, sunt enim naturales infimi; quamobrem nisi Jehovah Deus assumserit Humanum, & sic se induerit corpore, quod in ultimis est, frustra aliquam Redemptionem ingredi potuit; quis enim potest aliquem hostem aggredi, nisi approximet, ac instructus fit armis ad pugnam: aut quis potest abigere & destruere dracones, hydras & basilicos in quadam deserto, nisi circumdet corpus lorica & caput galea, & cum hasta in manu: aut quis potest balænas in mari captare, absque navi & adminiculis accommodatis ad capturam: per hæc & similia non ita comparari potest, sed illustrari pugna Dei Omnipotentis cum Infernis, quam inire non posset, nisi Humanum prius induerit. At sciendum est, quod pugna Domini cum Infernis, non fuerit pugna oralis, sicut inter ratiacinantes & litigantes, talis pugna prorsus nihil ibi efficit, sed fuit pugna spiritualis,

quæ

quæ est Divini Veri ex Divino Bono, quod erat ipsum Vitale Domini; hujus in fluxui, medio visu, nemo in Infernis potest resistere; talis potentia illi ineft, ut infernales genii solum ad perceptionem ejus aufugiant, se in profundum decifiant, & in cryptas intrudant, ut se abscondant: hoc idem est quod describitur apud Esajam „Intrabunt in cavernas petrarum; & in fissuras pulveris, propter favorem Jehovæ, quando surget ad terrendum terram, Cap. II: 19. Et in Apocalypsi „Omnes abscondent se in speluncis petrarum, & in petris montium, dicentque montibus & petris, cadite super nos, & abscondite nos a facie Sedentis super Throno, & ab ira Agni, Cap. VI: 15. 16. 17. Qualis potentia Domino, quod Ipsi est ex Divino Bono, dum Ultimum Judicium Anno 1757, peregit, fuit, constare potest ex illis, quæ in Opusculo de illo Judicio descripta sunt; ut quod colles & montes, quos Infernales in Mundo spirituum occupaverunt, e suis locis evulserit, & in dilata transtulerit, & quosdam subsidere fecerit, quodque urbes, villas & campos. illorum diluvio inundaverit, & terras illorum e fundo eruerit, & illas una cum incolis in voragine, stagna, & paludes conjecterit, præter plura: & hæc omnia a Solo Domino per potentiam Divini Veri ex Divino Bono.

125. Quod Jehovah Deus non potuerit talia nisi per Humanum suum in actum mittere & efficere, illustrari potest per varias comparationes; ut quod inconspicuus non possit conserere manus, nec loquela, nisi cum conspicuo; ne quidem angelus & spiritus cum homine, tametsi juxta corpus ejus & ante faciem ejus staret. Nec potest alicuius anima cum aliquo loqui & agere nisi per suum corpus. Non potest Sol cum sua luce & suo calore intrare in alienum hominem, bestiam & arborem, nisi prius intret aerem, & per hunc agat; similiter nec in pisces nisi per aquas; aget enim per elementum, in quo subiectum est. Ne quidem potest aliquis desquamare pisces cultro, & deplumare corvum, absque digitis; nec descendere in profundum lacus absque campana urinatoria: verbo, unumquodvis accommodatum erit alteri, antequam sit communicatio, & operatio contra illum aut cum illo.

126. VI: QUOD PASSIO CRUCIS FUERIT ULTIMA TENTATIO, QUAM DOMINUS UT MAXIMUS PROPHETA SUSTINUIT, ET QUOD FUERIT MEDIUM GLORIFICATIONIS HUMANI IPSIUS, HOC EST, UNIONIS CUM DIVINO PATRIS SUI, ET NON REDEMPTIO. Sunt duo, propter quæ Dominus in Mundum venit, & per quæ salvavit homines & Angelos, videlicet Redemptio & Glorificatio Humani sui; hæc duo inter se distincta sunt, sed usque unum ad salvationem faciunt. Quid REDEMPATIO, in antecedentibus Articulis ostensum est, nempe quod fuerit Pugna cum Infernis, subjugatio illorum, & postea ordinatio Cælorum: Glorificatio autem est Unitio Humani Domini cum Diuino Patris sui, hæc successiva facta est, & plenarie per Passionem crucis; omnis enim homo a sua parte accedere debet ad Deum, & quantum homo accedit, tantum Deus a sua parte intrat: hoc simile est sicut cum Templō, hoc primum ædificandum est, & hoc fit manibus hominum, & postea inaugurandum est, & demum orandum, ut Deus præsens sit, ac uniat se cum Ecclesia ibi. Quod ipsa Unio plene facta sit per Passionem crucis, est causa, quia fuit ultima Tentatio, quam Dominus in Mundo subivit, & per Tentationes fit conjunctio; in his enim homo ad apparentiam sibi soli relinquitur, tametsi non relictus est, nam Deus tunc in intimis ejus præsentissime adest, ac suffulcit; quare cum aliquis in tentatione vincit, intime conjugitur Deo, ac Dominus tunc Deo Patri suo intime unitus est. Quod Dominus in Passione crucis sibi relictus sit, constat ex hac Ipsius exclamacione super cruce, Deus quare reliquisti Me, & quoque ex his Domini verbis „Nemo tollit animam a Me, sed Ego pono illam a Me Ipso; potestatem Ego habeo ponendi illam, & potestatem habeo recipiendi illam, hoc præceptum accepi a Patre meo, Joh. X: 18. Ex his nunc constare potest, quod Dominus non quoad Divinum, sed quoad Humanum passus

N fit,

sit, & quod tunc intima & sic plenaria unio facta sit. Hoc illustrari potest per hoc, quod dum homo patitur quoad corpus, anima ejus non patiatur, sed modo doleat; alt Deus dolorem hunc post victoriam aufert, & abstergit sicut quis lachrymas ex oculis.

127. Hæc duo, Redemptio & Passio crucis, distincte percipienda sunt, alioquin incidit mens humana sicut navis in syrtes aut in scopulos, ac perit una cum gubernatore, nauclero & nautis, hoc est, errat in omnibus illis, quæ salvationi a Domino sunt: nam homo absque distincta idea de duobus illis, est tanquam insomnio & videt vana, & auguratur ex illis, quæ credit realia esse, cum tamen sunt ludicia; aut est sicut qui ambulat in nocte, & dum arripit frondes alicujus arboris, credit crines hominis esse, & accedit proprius, & suos crines eis impliecat. Sed tametsi Redemptio & Passio crucis duo distincta sunt, usque ad salvationem unum faciunt, quoniam Dominus per Unionem cum suo Patre, quæ per Passionem crucis peracta est, factus est Redemptor in æternum.

128. De GLORIFICATIONE, per quam intelligitur unitio Divini Humani Domini cum Divino Patris, quod per Passionem crucis plene peracta est, Ipse Dominus ita apud Evangelistas loquitur, Postquam Iudas exitivit, dixit Iesus, nunc Glorificatus est Filius hominis, & Deus Glorificatus est in Ipsi; si Deus Glorificatus est in Ipsi, etiam Deus Glorificabit Ipsi in Seipso, & statim Glorificabit Ipsi, Joh: XIII: 31: 32. hic Glorificatio dicitur & de Deo Patre & de Filio, nam dicitur, Deus Glorificatus est in Ipsi, & Glorificabit Illum in Seipso, quod hoc sit uniri, patet: Pater, venit hora, glorifica Filium tuum, ut etiam Filius tuus glorificet Te, Joh: XVII: 1: 5, ita dicitur, quia unitio fuit reciproca, ac ut dicitur, Pater in Ipsi & Ipse in Patre. Nunc anima mea turbata est, & dixit, Pater, glorifica Nomen tuum, & exit vox ex Calo, & Glorificavi, & rursum Glorificabo, Joh: XII: 27: 28. hoc dictum est, quia Unitio successive facta fuit. Nonne hoc oportebat pati Christum, & ingredi in gloriam suam, Luc: XXIV: 26. gloria in Verbo, ubi de Domino, significat Divinum Verum unitum Divino Bono. Ex his claret, quod Humanum Domini sit Divinum.

129. Quod Dominus usque ad Passionem crucis voluerit tentari, fuit causa, quia erat Ipse Propheta, & Prophetæ olim significabant doctrinam Ecclesiæ ex Verbo, & inde repræsentabant Ecclesiam, qualis illa fuit, per varia, & quoque per iniqua, dura & queque nefaria, quæ illis a Deo injuncta fuerunt. Dominus autem quia fuit ipsum Verbum, per Passionem crucis ut Ipse Propheta repræsentavit Ecclesiam Judaicam, quomodo illa ipsum Verbum prophanavit: huic causæ accedit hæc, quod sic pro Salvatore utriusque Mundi agnosceretur in Cælis, omnia enim Passionis Ipsi significabant talia quæ prophanationis Verbi sunt, & Angeli illa spiritualiter, dum homines Ecclesiæ naturaliter intelligunt. Quod Dominus fuerit ipse Propheta, constat ex his locis. Dominus dixit, non est PROPHETA minus honoratus, quam in Patria sua, & in Domo sua, Matth: XIII: 57. Marc: VI: 4. Luc: IV: 24. Iesus dixit, non est conveniens PROPHETAM interire extra Hierosolymam, Luc: XIII: 33. Cepit timor omnes, laudantes Deum, dicentes, quod PROPHETA MAGNUS suscitatus fit inter illos, Luc: VII: 16. Dixerunt de Iesu, ILLE PROPHETA a Nazareth, Matth: XXI: 26. Joh: VII: 40, 41. Quod PROPHETA excitaretur e medio fratrum, cuius verbis obedirent Deuter: XVIII: 15 ad 19.

130. Quod Prophetæ repræsentaverint statum Ecclesiæ suæ quoad doctrinam ex Verbo, & quoad vitam secundum illam, constat ex his locis; mandatum est Esajæ Prophetæ, ut dissolveret faccum desuper lumbis suis, & calceum desuper pede suo, ac iaret nudus & discalceatus tres annos, in signum & prodigium, Esaj: XX: 2, 3. Mandatum est Ezechielii Prophetæ, ut repræsentaret statum Ecclesiæ, per quod faceret via migrationis, & migraret in locum alium in oculis filiorum Israelis, & educeret via interdui, & exiret in vespera per effosum parietem, & obtegeret facies ut non vide-

videret terram, & quod sic prodigium esset domui Israelis, & diceret, ecce ego prodigium vestrum, quemadmodum feci. sic fiet vobis, Ezech. XII: 3 ad 7, 11. Mandatum est Hoscheæ prophetæ, ut repræsentaret statum Ecclesiæ, per quod acciperet sibi Meretricem in uxorem; & quoque accepit, & illa peperit ei tres filios, quorum unum vocavit Sisreel, alterum non Misericordum, & tertium non Populum. Ac iterum ei mandatum est, ut abiret & amaret Mulierem amatam socio, & adulteram, quam etiam sibi comparavit, Hosea: I: 2 ad 9. & Cap: III: 2, 3. Prophetæ cuidam etiam mandatum, ut cinerem super oculos mitteret, & pateretur se percuti & verberari. 1 Reg: XX: 35, 37. Mandatum est Ezechieli Prophetæ, ut repræsentret statum Ecclesiæ, per quod sumeret laterem, & sculperet super eo Hierosolymam, poneret obsidionem, & daret vallum & aggerem contra illam, poneret sartaginem ferri inter se & urbem, & cubaret super latere sinistro, & super latere dextro. Tum quod sumeret trit ca, hordea, lentes, milium & zeas, & ex illis faceret panem; & quoque placentam hordeorum cum stercore fini hominis; & quia hoc deprecatus est, permisum est, ut faceret illam cum excrementis bovis. Dicatum est illi, Tu cuba super latere sinistro, & pone INIQUITATEM DOMUS ISRAELIS super illud; numerum dierum, quibus cubabis super illo, PORTABIS INIQUITATEM EORUM; Ego enim dabo tibi annos iniurias eorum juxta numerum dierum 390 dies, ut PORTES INIQUITATEM DOMUS ISRAELIS: quum vero absolveris hos, jacebis super latere tuo dextro secundum, ut PORTES INIQUITATEM DOMUS JEHUDÆ, Ezech: IV: 1 ad 15. Quod Propheta per haec portaverit iniurias Domus Israelis & Domus Iehudæ, & non abstulerit, illas, & sic expiaverit, sed modo repræsentaverit & monstraverit, patet a sequentibus ibi; Sic inquit Jehovah, comedent filii Israelis panem suum immundum: ecce Ego frangens baculum panis, ut careant pane & aqua, & desolentur vir & frater ejus, & contabescant propter iniquitatem eorum, Vers: 13, 16, 17. in eodem Capite. Simile itaque intelligitur de Domino, ubi dicitur, Morbos nostros Ille tulit, dolores nostros PORTAVIT; Jehovah incurrit in Illum iniurias omnium nostrum; per scientiam suam justificavit multos, eo quod INIQUITATES EORUM IPSE PORTAVERIT, Esaj. LIII: 1. ubi in toto Capite agitur de Passione Domini. Quod Dominus ut ipse Propheta repræsentaverit statum Ecclesiæ Judaicæ quoad Verbum, patet ex singulis passionis Ipsiis „ Ut quod a Juda proditus fuerit: quod a Principibus sacerdotum & a Senioribus comprehensus & condemnatus sit: quod colaphos impegerint: quod caput calamo percusserint; quod imposuerint coronam ex spinis: quod vestimenta Ipsiis diviserint, & super tunicam jecerint fortem: quod crucifixerint: quod dederint Ipsi acetum ad bibendum: quod transfoderint latus: quod sepultus, & quod tertio die resurrexerit. Quod a Juda proditus fuerit, significabat, quod a gente Judaica, apud quam tunc erat Verbum, nam Judas illam repræsentabat: quod a Principibus sacerdotum & Senioribus comprehensus & condemnatus sit, significabat quod ab omni illa Ecclesia: quod colaphos impegerint, spuerint in faciem, flagellaverint, & caput calamo percusserint, significabant quod similiter fecerint cum Verbo, quoad Divina vera ejus: quod imposuerint coronam ex spinis, significabat quod illa fallificaverint & adulteraverint: quod vestimenta diviserint, & super tunicam jecerint fortem, significabat quod omnia vera Verbi disperserint, sed non sensum ejus spiritualem, hunc tunica Domini significabat: quod crucifixerint, significabat quod totum Verbum destruxerint & prophanaverint: quod præbuerint Ipsi acetum ad bibendum, significabat quod mere falsificata, quare illad non bibit: quod transfoderint latus, significabat quod plene extinxerint omne verum Verbi & omne bonum ejus: quod sepultus, significabat rejectionem residui a matre: quod tertio die resurrexerit, significabat Glorificationem seu Unionem Humani Ipsi cum Diuino Patris. Ex his nunc patet, quod per Portare iniurias, non intelligatur auferre illas, sed repræsentare prophanationem veritatum Verbi.

131. Hæc quoque illustrari possunt per comparationes, quod fit propter simplificationes,

ces, qui ex comparationibus melius vident, quam ex deductionibus analytice ex Verbo & simul ratione formatis: Omnis civis aut subditus unitur Regi, per quod mandata ejus & præcepta faciat, & plus si pro illo sustinet gravia, & adhuc plus si mortem pro illo subit, quod fit in pugnis & præliis: pariter amicus unitur amico, filius patri, & famulus hero, per quod illa, quæ voluntatis eorum sunt, faciant, & plus si contra inimicos illos defendunt, & adhuc si plus pro illorum honore dimicant. Quis non unitur virginis, quam in sponsam ambit, qui pugnat cum illis, qui diffariant illam, & qui ad vulnera cum rivali: quod per talia uniantur, est secundum legem naturæ inscriptam. Dominus dicit, *Ego sum Pastor bonus, Pastor bonus animam ponit pro ovibus, propter quod Pater me amat,* Joh: X: 11: 17.

132. VII: QUOD PASSIO CRUCIS CREDATUR FUISE IPSA REDEMPATIO, SIT FUNDAMENTALIS ERROR ECCLESIE; ET QUOD ILLE ERROR UNA CUM ERRORE DE TRIBUS PERSONIS DIVINIS AB ETERNO, PERVERTERIT TOTAM ECCLESIAM, ADEO UT NON ALIQUID RESIDUUM SPIRITUALE INILLA SUPERSIT. Quid plus hodie libros Orthodoxorum implet & farcit, & quid in Gymnasiis ardentius docetur & inspiratur, ac e suggestis frequentius prædicatur & exclamatur, quam quod Deus Pater iratus contra genus humanum, non modo renoverit illud a se, sed etiam concluserit illud sub damnatione universali, peoinde illud excommunicaverit; sed quia gratus est, quod persuaferit, aut exfuscataverit Filium suum, ut descenderet, & definitam damnationem in se susciperet, & sic iram Patris sui expiareret, & quod sic & non aliter posset ex aliquo favore aspicere hominem; tum quod hoc etiam factum sit per Filium, ut quod damnationem Generis humani in se suscipiendo passus sit se a Iudeis flagellari, in faciem spui, & dein sicut maledictio Dei crucifi, Deut: XXI: 23, & quod Pater post hoc factum propitiatus sit, & ex amore erga Filium retraxerit damnationem, sed modo ab illis, pro quibus intercederet, & quod sic Mediator coram Patre suo in perpetuum factus sit. Hæc & similia hodie in Templis sonant, & reverberantur e parietibus, sicut echo e sylvis, & implent omnium aures ibi. Sed quis, cui Ratio illustrata & fana facta est e Verbo, non potest videre, quod Deus, qui est ipsa Misericordia & Clementia, quia est ipse Amor & ipsum Bonum, & quod illa sint Ipsius Essentia, & inde quod contradic̄tio sit dicere, quod ipsa Misericordia seu ipsum Bonum possit aspicere hominem ex ira, & damnationem ejus concludere, & usque manere sua Divina Essentia, talia vix cadunt in hominem probum sed in improbum, nec in Angelum Cæli, sed in spiritum Inferni; quare infandum est illa addicare Deo. Sed si inquiritur in Causam, est hæc, quod Passionem crucis pro ipsa Redemptione assumferint, inde effluxerunt illa, sicut ex uno Fallo falsa in continua serie, aut sicut ex Cado aceti non nisi quam acetum, aut ex Mente insana non nisi quam insanum; ex uno enim Concluso sequuntur theorematæ ejusdem prosapiae, latente intus in Concluso, & successive inde prodeunt, & ex illo de Passione crucis quod sit Redemptio, plura adhuc scandalosa & Deo ignominiosa possunt prodire & protrahi, usque ut fiat, sicut dicit Esajas „*Sacerdos & Propheta errant per sacerdatis titubani iudicio, omnes mensæ plene sunt vomitu egestionis,* Cap: XXVIII: 7, 8.

133. Ex idea hac dc Deo & de Redemptione, universa Theologia, a spirituali facta est infra naturalis, quod fit quia proprietates mere naturales Deo attributæ sunt, & tamen ab idea Dei & ab idea Redemptionis, quæ unum facit cum Salvatione, pendet omnne Ecclesiæ; est enim illa idea sicut Caput, ex quo procedunt omnia corporis, quare dum illa est spiritualis, omnia Ecclesiæ sunt spirituallia, & dum illa est naturalis, omnia Ecclesiæ sunt naturalia, quapropter quia idea de Deo & de Redemptione facta est mere naturalis, hoc est, sensualis & corporea, ideo mere naturalia sunt omnia, quæ Ecclesiæ Capita & Membra in suis dogmaticis tradiderunt & traadunt: quod inde non nisi quam falsa possint excludi, est quia

naturalis homo continuè agit contra spiritualē, & inde spiritualia spectat sicut larvas & phantasmatā in aere, quare dici potest, quod propter sensualem illam ideam de Redēptione & inde de Deo, viæ ad Cælum, quæ sunt ad Domiuum Deum Salvatorem, oblesse sint furib⁹ & latronib⁹, Joh: X: 1, 8, 9, & quod in Temp̄is valvæ dejectæ sint, & sic intraverint dracones, ululae, tzjim & juim, ac discorditer concentent. Quod hæc idea de Redēptione & de Deo, ingesta sit fidei hodiernæ, notum est, quæ est ut orent ad Deum Patrem, ut propter etiā & sanguinem Filii sui remittat delicta, & ad Dēlin Filium ut oret & intercedat pro illis, & ad Dēum spiritū sanctū ut iustificet & sanctificet; quid hoc aliud est, quam supplicare ad tres Deos in suo ordine, & quid tunc cogitatio de Regino Divino alia quam de Regino Aristocratico aut Hierarchico; aut sicut de Triumviratu, qualis feme fuit Romæ, at pro Triumviratu vocari potest Triumpersonatus; & quid tunc facilius est Diabolo, quam facere sicut dicitur, divide & impera, hoc est, discindere animos, & excitare motus rebelles, nunc contra sūnum Deum, nunc contra alterum, quemadmodum ab Arii tempore hac usque factum est, & sic Dominum Deum Salvatorem, Cui est omnis potestas in Cælo & Terra, Matth: XXVIII: 18, dejicere e Throno, & quendam suum Clientem superimponere, & huic cultum addicere, aut cultum, quia huic, etiam ipsi Domino adimere.

134. His adiungentur hæc MEMORABILIA: PRIMUM; Quondam intravi Templum in Mondo spirituum, ubi plures erant congregati, & ante Concionem int̄ se ratiocinati sunt de REDEMPTIONE. Templum erat quadratum, & non aliquæ fenestræ in parietibus, sed magna apertura supra in medio tecti, per quam lux e Cælo intrabat, & plus illuminabat, quam si fuissent fenestræ a lateribus: & ecce subito, cum in sermocinatione de Redēptione erant, Nubes atra e Septentrione alluens obtexit aperturam, unde tenebrae factæ sunt, ut non videret unus alterum, & vix quisquam palmam suam; cum propter hoc obstupefacti steterunt, ecce atra illa nubes fitdebat in medio, & per fissuram visi sunt angeli demissi e Cælo, & hi Nubem ab utraque parte discusserunt, ex quo in Templo iterum factum est lumenosum; & tunc Angeli demiserunt unum ex se in Templum, qui vice eorum interrogabat congregatos, de qua re contendunt, quoniam tam obscura Nubes superveniens sustulit lucem, & induxit tenebras; responderunt, quod de Redēptione, & quid hæc facta sit a Filio Dei per Passionem crucis, & quod per illam expiaverit, & liberaverit Genus humānum à damnatione & morte æterna; sed ad hæc dixit Angelus demissus, quid per Passionem crucis, exponite cur per illam; & tunc Sacerdos venit, & dixit, ego exponam in serie, quæ scimus & credimus, quæ sunt, quod Deus Pater iratus contra Genus humanum, damnaverit Illud, & a clementia sua excluderit, & declaraverit omnes devotos & maledictos, & adixerit Inferno; & quod voluerit, ut Filius Ipsi⁹ damnationem illam in se suscipiat, & quod Filius annulerit, & propter id descenderit, & resumserit Humanum, & pasus se crucifigi, & sic damnationem Generis humani in se transferri, nam legitur, Malèdictus omnis suspensus super ligno crucis; & quod Filius sic propitiaverit Patrem intercedendo & mediando; & quod tunc Pater ex amore erga Filium, & ex miseria visa in Illo super ligno crucis commotus sanciverit, quod condonaturus sit, sed solum illis quibus imputo Iustitiam tuam, hos faciam ex filiis iræ & maledictionis filios gratiæ & benedictionis, ac justificabo & salvabo; reliqui manent, sicut prius sancitum est, filii iræ; hæc est fides nostra, & illa sunt iustitia, quam Deus Pater infert fidei nostræ, quæ sola justificat & salvat. Angelus his

auditis diu conticuit, hæsit enim in stupore, & post solvit silentium, & fatus est hæc; potest Orbis Christianus in tantum insanire, & a sana ratione in talia deliria abscedere, & ex illis Paradoxis fundamentale salutis dogma concludere; quis non potest videre, quod illa e diametro sint contra ipsam Divinam Essentiam, hoc est, contra Divinum Ipsius Amorem & Divinam Ipsius Sapientiam, & simul contra Ipsius Omnipotentiam & Omnipræsentiam; ita facere non potest ullus herus probus contra famulos suos & ancillas suas; imo nec fera contra catus & pullos suos, est infandum: estne contra Divinam Essentiam Ipsius annihilare Vocationem, quæ facta est ad omnes & singulos ex Genere humano; estne contra Divinam Essentiam immutare Ordinem ab æterno constabiliū, qui est, ut quisque secundum suam vitam judicetur; estne contra Divinam Essentiam subtrahere amorem & misericordiam alicui homini, & plus universo generi humano; estne contra Divinam Essentiam ex visa in Filio miseria reduci in miserieordiam, & quia misericordia est ipsa Dei Essentia, reduci in suam Essentiam, ac nefandum est cogitare, quod usquam ex illa exiverit; est enim illa Ipse ab æterno in æternum. Estne etiam impossibile inferre in aliquod ens, quale est fides vestra, Justitiam redemptio-
nis, quæ in se est Divinæ Omnipotentiæ, & illam imputare & addicare homini, & hunc absque ullis aliis mediis declarare justum, purum, & sanctum; estne impossibile remittere alicui peccata, ac aliquem innovare, regenerare & sal-
vare ex sola imputatione, & sic injustitiam vertere in justitiam, & maledictionem in benedictionem, potestne sic Infernum vertere in Cælum, & Cælum in Infernum, aut Draconem in Michaelem, & Michaelem in Draconem, & sic discindere pugnam inter illos; quid opus nisi uni subtrahere fidei vestrae imputationem, & indere alteri; ita nos, qui in Cælo sumus, trepidabimus in æternum. Nec est justitia & judicium, ut alter in se suscipiat alterius nefas, & nefarius insons fiat, & nefas sic diluatuerit; hocne est contra Justitiam & Divinam & humanam. Orbis Christianus ignorat adhuc, quod Ordo sit, & plus quid Ordo, quem Deus, cum Mundum creavit, simul introduxit, & quod Deus non possit agere contra illum, quoniam tunc ageret contra Se; est enim Deus ipse Ordo. Sacerdos illa ab An-
gelo dicta intellexit, quia Angelii, qui supra erant, infuderunt lucem e Cælo; & tunc gemuit & dixit, quid faciendum, omnes hodie ita prædicant, & orant, & credunt; in ore omnium est hoc, Pater bone miserere nostri, & remitte nobis peccata nostra, propter sanguinem Filii tui, quem pro nobis super cruce effudit; & ad Christum, Domine intercede pro nobis; & nos Sacerdotes illis addimus, mitte nobis Spiritum sanctum; & tunc dixit Angelus, animadverti, quod Sacerdotes par-
tent collyria ex Verbo non interius intellecto, quæ super oculos per fidem illorum occæcatos illinunt, aut faciunt inde sibi sicut emplastrum, quod super vulnera a dogmatibus illorum inficta ponunt, sed usque non sanant illa, quia inveterata; quare adi illum, qui ibi stat, & monstravit me digito, ille docebit te a Domino, quod Passio crucis non fuerit Redemptio, sed unitio Humani Domini cum Divino Patris; at quod Redemptio fuerit subjugatio inferorum, & ordinatio Cælorum, & quod absque illis a Domino, cum fuit in Mndo, peractis, non fuisset salus alicui in Terris, nec alicui in Cælis, & docebit amplius ordinem a creatione induc-
tum, secundum quern vivant ut salventur, & quod qui secundum illum vivunt, numerentur inter Redemptos, & dicantur Electi. His dictis, in Templo factæ sunt fenestræ a lateribus, per quas luminosum a quatuor plagiis Mundi influxit, & apparebant Cherubi volantes in splendore lucis; & sublatus est Angelus ad suos supra aperturam; & læti recessimus.

135. SECUNDUM MEMORABILE: Quodam mane evigilatus a somno, apparuit mihi Sol Mundi spiritualis in suo jubare, & sub illo vidi Cælos distantes, sicut Tellus a suo Sole; & tunc e Cælis auditæ sunt voces ineffabiles, quæ simul collectæ articulabantur in hoc effabile, quod unus Deus, qui Homo, sit, cujus habitacu-

lum est in Sole illo; hoc articulatum decidit per Cælos medios ad Infimum, & ex hoc in Mundum spirituum, ubi eram; & appercepi, quod idea unius Dei, quæ erat Angelis, secundum gradus delapsus verteretur in ideam trium Deorum; quod cum observabam ingressus sum loqui cum illis, qui tres Deos cogitabant, dicens, oh, quæ enormitas, unde vobis illa; & respondebant, cōgitamus tres ex idea perceptiva nostra de Deo Trino, sed hæc usque non cadit in os nostrum, cum loquimur, nos semper dicimus pleno ore quod Deus unus sit, si in mentibus nostris alia est, sit, modo non defluat, & scindat unitatem Dei in ore; at usque tempore a tempore defluit, quia inest, & tunc si eloqueremur, dicturi essemus tres Deos, sed ab hoc cavemus, ne exponamur risui audientium: & tunc aperte ex cogitatione loquebantur, dicentes, nonne sunt tres Dii, quia sunt tres Personæ Divinae, quarum unaquævis est Deus, nec possumus aliter cogitare, quum Antistes Ecclesiæ nostræ ex scrinio sanctorum sutorum dogmatum, adscribit uni Creationem, alteri Redemptionem, & tertio Sanctificationem, & plus cum proprietates, cuivis suam, quas afferit incomunicabiles, illis attribuit, quæ non modo sunt Creatio, Redemptio, & Sanctificatio, sed etiam Imputatio, Mediatio & Operatio, estne tunc unus qui creavit nos, & ille quoque imputat, alter qui redemit nos, & hic quoque mediat, & tertius qui imputationem mediatam operatur, & hic quoque sanctificat: quis non scit, quod Filius Dei a Deo Patre in Mundum missus sit, ut Genus humanum redimeret, & sic fieret Expiator, Mediator, Propitiator, & Intercessor, & quia hic unus est cum Filio Dei ab æterno, suntne duæ Personæ a se distinctæ; & quia hæc duæ in Cælo sunt, una sedens ad dextram alterius, eritne tertia Persona quæ decreta in Cælo exsequitur in Mundo. His auditis, tacui, at mecum cogitavi, oh quæ fatuitas, non sciunt quicquam quod in Verbo per Mediationem intelligitur: & tunc ex mandato Domini descendérunt tres Angeli e Cælo, & mihi associantur, propter causam, ut ex interiore perceptione cum illis, qui in idea trium Deorum erant, loquerer, & in specie de Mediatione, Intercessione, Propitiatione, & Expiatione, quæ ab illis tribuuntur Secundæ Personæ, seu Filio, sed non prius quam postquam Homo factus est, & Homo factus est post plura saecula a Creatione, quando quatuor illa salutis media nondum fuerunt, & sic Deus Pater non propitiatus, Genus humanum non expiatum, & non aliquis e Cælo est missus qui intercessit & mediavit; & tunc ex inspiratione illata loquutus sum cum illis, dicens, adeste quot possunt, & audite, quid in Verbo per Mediationem, Intercessionem, Expiationem, & Propitiationem, intelligitur; sunt illæ quatuor Prædicationes gratiæ unius Dei in Humano suo; Deus Pater nusquam potest adiri, nec Ipse potest ullum hominem adire, quia est Infinitus & in suo Esse quod est Jehovah, a Quo si adiret hominem, dissolveret illum, sicut ignis lignum, & redigit illud in favillam; hoc patet ab his, quod dixerit ad Mosen volentem videre Ipsum, quod nemo possit videre Ipsum & vivere; Exod. XXXIII: 20; & Dominus dicit, Quod Deum nemo viderit unquam, nisi Filius qui in sinu Patris est, Joh. I: 18. Matth. XI: 27; tum, Quod nemo vocem Patris audiverit, nec speciem Ipsius viderit, Joh. V: 37; legitur quidem, quod Moses viderit Jehovah facie ad faciem, & loquutus cum Illo ore ad os, sed hoc factum est per Angelum, similiter apud Abrahamum & Gideonem. Nunc quia talis est Deus Pater in se, placuit Ipsi assumere Humanum, & in hoc admittere homines, & sic audire illos, & loqui cum illis; & hoc Humanum est quod vocatur Filius Dei, & Hoc est, quod mediat, intercedit, propitiat & expiat. Dicam itaque, quid illa quatuor Prædicata de Humano Dei Patris significant: MEDIATIO significat, quod Illud sit intermedium, per quod homo possit adire Deum Patrem, & Deus Pater hominem, & sic docere & ducere eum ut salvetur, quare Filius Dei, per quem intelligitur Humanum Dei Patris, vocatur Salvator, & in Mundo Jesus, hoc est, Salus. INTERCESSIO significat perpetuanus

Mediationem, nam ipse Amor cuius est Misericordia, clementia & gratia, perpetuo intercedit, hoc est, mediat, pro illis qui faciunt precepta Ipsi, quos amat. EXPIATIO significat amotionem peccatorum, in qua homo rueret, si nudum Jehovam adiret. PROPRIATIO significat clementiae & gratiae operationem, ne homo per peccata in damnationem se inferat, similiter tutelam, ne sanctitatem prophetet, hoc significabat Propitiatorium super Arca in Tabernaculo. Notum est, quod Deus in Verbo per apparentias loquutus sit, ut quod irascatur, vindicet, tentet, puniat, conjiciat in infernum, damnet, imo quod malum faciat, cum tamen nemini irascitur, non vindicat, tentat, puniat, conjicit in infernum, damnet, haec tam longe absunt a Deo, sicut Infernum a Caelo, & infinite plus, quare sunt loquitiones apparentiae; loquitiones apparentiae in alio sensu etiam sunt Expiatio, Propitiatio, Intercellio & Mediatio, per quas intelliguntur predicationes accessus ad Deum, & gratiae Deo, per Humanum suum: quae quia non intellectae sunt, divisorunt Deum in Tres, & super Tribus his omnem doctrinam Ecclesiae fundaverunt, & sic Verbum falsificarunt; inde est ABOMINATIO DESOLATIONIS, a Domino apud Danielem, & porro apud Matthaeum Cap. XXIV: praedicta. His dictis recessit Cohors spirituum a circum me, & animadverti, quod illi qui actualiter cogitabant tres Deos, spectarent versus Infernum, & qui unum Deum, in quo Divina Trinitas, & quod haec sit in Domino Deo Salvatore, versus Caelum, & his Sol Celi, in quo Jehovah in suo Humano est, appauuit.

136. TERTIUM MEMORABILE. Vidi elonginquo quinque Gymnasia, lux e Caelo circumfudit unumquodvis, Gymnasium primum circumfudit lux purpurea, qualis est in nubibus ante solis ortum tempore matutino in terris; Secundum Gymnasium circumfudit lux flavescens, qualis est aurora post solis ortum: Tertium Gymnasium circonfudit lux candida, qualis est in Mundo tempore meridiei: Quartum Gymnasium circumfudit lux media, qualis est cum incipit immisceri umbras vesperae: & Quintum Gymnasium in ipsa umbra vesperae stetit. Gymnasia in Mundo spirituum sunt Curiæ; ubi convenienter Eruditæ, & ventilant varia arcana, quæ illorum scientiae, intelligentiae & sapientiae inserviunt. Illis visus invasit me desiderium abeundi ad unum ex illis, & abiivi in spiritu ad illud, quod luce media circumfusum erat, ac intravi, & visus est Cætus ex Eruditis congregatus, qui inter se ventilabat, quid involvit id, quod de Domino dicitur, quod sublatus in Caelum consedeat a dextris Dei, Marc. XVI: 19. Plerique ex congregatis dixerunt, quod illa prorsus secundum verba intelligenda sint, quod Filius ita sedeat juxta Patrem: at quæsitum est cui ita, dixerunt aliqui quod Filius a Patre ad dextram locatus sit propter Redemptionem quam perfecit, aliqui quod ita sedeat ex amore, aliqui quod propterea, ut Consiliarius Eius sit, & quia talis ut Illi honor ab Angelis, & aliqui quod ideo, quia datum ei a Patre regnare vice Eius, nam legitur quod Ipsi data sit omnis potestas in Caelo & in Terra; at multa pars, ut audiat a dextris pro quibus intercedit; omnes enim in Ecclesia hodie aduent Deum Patrem, & orant, ut misereatur propter Filium, & hoc efficit, ut Pater se vertat ad illum, ut mediationem excipiat; at aliqui dixerunt, quod solum Filius Dei ab æterno ad dextram Patris sedeat, ut communicet Divinitatem suam cum Filio hominis nato in Mundo. His auditis, miratus sum valde, quod Eruditæ, tametsi aliquo tempore in Mundo spirituali commorati suntr, usque tam ignari rerum cœlestium esent; sed percepit causam, quod ex fiducia propriæ intelligentiae non se passi sint a sapientibus instrui. Verum ne diutius in ignorantia de sessione Filii ad dextram Patris permanenter, sustuli palmam, rogans, ut præbeant aures ad pauca, quæ de illa loqui desidero; & quia annuerunt, dixi, nostisne ex Verbo, Quod Pater & Filius unum sint, & quod Pater sit in Filio & Filius in Patre, haec Dominus aperte dicit, Joh. X: 30, & Cap. XIV: 10. 11; si haec non creditis,

dividitis Deum in duos, quo facto non potestis aliter quam naturaliter, sensualiter, imo materialiter, de Deo cogitare, quod etiam factum est in Mundo a tempore CONCILII NICÆNI, quod introduxit Tres Personas Divinas ab æterno, & per id Ecclesiam vertit in Theatrum, cui appendit Aulæa picta, intra quæ personati novas scenas repræsentabant; quis non scit & agnoscit, quod Deus Unus sit, si hoc corde & spiritu agnoscitis, dissipantur ex se omnia quæ loquuti estis, & refluiunt in aerem sicut nugæ ab aure sapientis. Ad hæc dicta multi accensi ira ardebant vellicare aures meas, & mandare silentium; sed Præful congregationis in indignatione dixit, hic non sermo est de unitate & pluralitate Dei, quia utramque credimus, sed de hoc, quid involvit, quod Filius sedeat ad dextram sui Patris, si de hoc aliquid novisti, fare; & respondi, fabor, sed quæso, inhibe strepitus; & dixi, per federe ad dextram non intelligitur sedere ad dextram, sed intelligitur Omnipotentia Dei per Humanum quod assumptum in Mundo, per hoc in ultimis est sicut in primis, & per hoc intravit, destruxit & subjugavit Inferna, & per hoc ordinavit Cælos, ita per hoc redemit & homines & angelos, & redimit in æternum: si consulitis Verbum, & talcs estis, ut queatis illustrari, apperceperit estis, quod per Dextram ibi intelligatur Omnipotentia, ut apud Davidem, MANUS MEA FUNDAVIT Terram, & DEXTRA MEA pugillavit Cælos, Psalm XLVIII: 13. Furavit Deus per DEXTRAM SUAM, & per Brachium roboris sui, Psalm LXII: 8. DEXTRA TUA sustentat me, Psalm XVIII: 36. Respic ad Filium confortaveras Tibi, MANUS TUA pro VIRO DEXTRÆ, pro Filio hominis confortasti Tibi, Psalm CXX: 16. 17. Inde patet quomodo intelligitur hoc, Dictum Jehovæ ad Dominum meum, sede ad DEXTRAM MEAM, usque dum posuero inimicos tuos scabellum pedum tuorum; sceptrum roboris tui mittet Jehovah e Zione, dominare in medio inimicorum tuorum, Psalm: CX: 1. 2, agitur in toto illo Psalmo de pugna Domini cum Infernis, & de illorum subjugatione; quoniam Dextra Dei significat Omnipotentiam, ideo Dominus dicit quod sessurus a sit a DEXTRIS POTENTIÆ, Matth. XXVI: 63. 64: & A DEXTRIS VIRTUTIS DEI, Luc. XXII: 69. Sed ad hæc Cætus obstrepuit, at dixi: cavete vobis, forte e Cælo appareat Manus, quæ cum appareret, sicut apparuerat mihi, incredibilem terrorem potentiae incutit, quod mihi confirmationi fuit, quod Dextra Dei significet Omnipotentiam; vix hoc dictum est, & visa est extensa Manus sub Cælo, qua visâ tantus terror invalit, ut coacervatim ruerent ad portas, & quidam ad fenestras ut se ejicerent, & quidam deficientes anhelitu succumbebant; at ego non territus mansi, & post illos lente abivi; & ad distantiam inde converti me, & vidi Gymnasium illud nube obscura circumiectum; & dictum est mihi e Cælo, quod ita factum sit, quia ex fide trium Deorum loquuti sunt, & quod Lux prior circum illud redditura sit, quando saniores ibi congregabuntur.

137. QUARTUM MEMORABILE. „ Audivi quod convocatum sit Synedrium ex famigeratis in Scriptis & eruditione de Fide hodierna & de justificatione electorum per illam, hoc erat in Mundo spirituum, & dabatur mihi in spiritu adesse praesens, & vidi convocatos ex Clero consentientes & dissentientes; a parte dextra stabant illi, qui in Mundo vocati sunt Patres Apostolici, & vixerunt in sæculis ante Concilium Nicænum; & a sinistra parte stabant viri post illa sæcula incluti ex membranis typo impressis aut exscriptis a tironibus, multi ex his errant mento calvo & tecti capillitiis ex crine muliebri cincinnatis, & quidam horum in collariis ex volvulis, & quidam in collariis ex aliis; illi autem erant mento barbato, & in capillis nativis; ante hos & illos stetit Vir Judex & Arbitrus scriptorum hujus sæculi cum scipione in manu, qui pulsavit solum, & induxit silentium; hic aspergit gradum superiore Cathedræ & exspiravit gemitum, & ex illo voluit clamare alte, sed halitus gemens retraxit clamorem retro in guttur, at tandem loquutus dixit; Fratres, oh quale sæculum, surrexit ex caterva Laicorum unus, cui non pallium, tiara, & laurus, & fidem nostram

„ detraxit e Cælo, & projectit in stygem; oh facinus; & tamen illa sola est Stella
 „ nostra, quæ lucet sicut Orion in noctibus, & sicut Lucifer in matutis; ille vir
 „ tametsi annosus, prorsus cæcutit in mysteriis Fidei nostræ, quia non aperuit il-
 „ lam, & vidit in illa justitiam Domini Salvatoris, & ejus mediationem & propi-
 „ tatiouem, & cum hæc non vidit, nec vidit justificationis ejus mirabilia, quæ
 „ sunt remissio peccatorum, regeneratione, sanctificatio & salvatio; hic vir loco
 „ nostræ Fidei summe salvificæ, quia in tres Personas Divinas, ita in totum
 „ Deum, transtulit in Secundam Personam, nec in illam, sed in Humanum il-
 „ lius, quod quidem dicimus Divinum ex incarnatione Filii ab æterno; sed quis
 „ de illo cogitat aliud quam mere Humanum, & quid tunc inde aliud quam fides,
 „ ex qua ut ex fonte scaturit Naturalismus; & talis fides, quia non est spiritua-
 „ lis, parum differt a fide in Vicarium, aut in Sanctum; nostis quid Calvinus suo
 „ tempore de Cultu ex hac fide dixerat: &, quæso, dic unus ex vobis, unde est
 „ Fides, numne immediate a Deo, cui sic omnia faluris insunt. Ad hæc sodales
 „ sinistri lateris, qui mento calvo, in capellitiis cincinnatis, & in cinctura co-
 „ ronali circum collum erant, comploserunt palmas, & vociferati, sapientissime
 „ fatus es, nos scimus quod non possimus quicquam sumere, quod non datur e
 „ Cælo; dicat nobis ille propheta, unde fides, & quid fides nisi illa; impossibile
 „ est, ut alia & aliunde sit; aliam fidem, quæ fides, quam hanc expromere, tam
 „ impossibile est, ut est equitare ad quendam asterismum in Cælo, & inde captar-
 „ e stellam, ac illam recondere in bursa togæ, & deportare, hoc dixit, ut con-
 „ socii ad omnem novam fidem riderent. His auditis, indignati sunt Viri lateris
 „ dextri, qui mento barbato & in capillis nativis erant; & surrexit unus ex il-
 „ lis, Senex, sed usque visus ut juvenis postea, erat enim Angelus e Cælo; ubi
 „ omnis ætas juvenescit, ille loquens dixit, audivi qualis est vestra fides, quam
 „ Vir cathedralis ita magnificavit; sed quid illa fides, nisi sepulchrum Domini
 „ nostri post resurrectionem, iterum clausum a militibus Pilati; aperui illam, nec
 „ vidi quicquam quam baculos præstigiorum, per quos magi in Ægypto fece-
 „ runt miracula; imo est fides vestra extrinsecus in oculis vestris sicut scrinium
 „ conflatum ex auro, & obsumum lapidibus pretiosis, quod dum aperitur, est
 „ vacuum, nisi forte in angulis ejus sit pulvis ex reliquiis Pontificiorum, nam his
 „ illa eadem est, modo quod hodie ab his obtecta sit sanctitatibus externis; est
 „ quoque, ut similitudinibus utar, sicut Vesta antiquorum; quæ extinxit ignem
 „ sacrum, infossa terræ; & asseverare possum, quod illa coram meis oculis sit
 „ sicut vitulus aureus, circum quem filii Israelis, postquam Moses abivit & af-
 „ cendit in montem Sinai ad Jehovaham, saltayerunt: ne miremini quod loquutus
 „ sim de Fide vestra per tales comparationes, quia ita loquimur de illa nos in
 „ Cælo-Nostra autem Fides est, fult & erit in æternum, in Dominum Deum Sal-
 „ vatorem, cuius Humanum est Divinum & Divinum est Humanum, ita accom-
 „ modata receptioni, & ex qua Divinum spirituale unitur hominis naturali; &
 „ fit fides spiritualis in naturali, unde naturale fit sicut diaphanum ex luce spiri-
 „ tuali in qua nostra fides est; veritates ex quibus consistit, sunt totidem quo
 „ versiculi in sacro Codice; veritates illæ sunt omnes sicut stellæ, quæ lucibus
 „ suis manifestant & conformant illam; homo assumit illam ex Verbo medio na-
 „ turali suo lumine, in quo est scientia, cogitatio & persuasio, sed Dominus apud illos qui in Ipsum credunt, facit ut fiat convictio, fiducia, & con-
 „ fidentia, ita fit spiritualis naturalis, & per charitatem viva; Fides hæc apud
 „ nos est sicut Regina ornata lapidibus pretiosis, quot murus sanctæ Hierosoly-
 „ mæ, Apocalypsi Cap. XXI: 17 ad 20. Sed ne credatis, quod hæc, quæ dixi,
 „ sint solum verba exaltationis, quæ ne ideo floccipendantur prælegam aliqua
 „ ex sancto Verbo, ex quibus patebit, quod Fides nostra non sit in Hominem,
 „ ut vos creditis, sed in verum Deum, in quo est omne Divinum; Johannes di-
 „ cit,

„ cit , *Jesus Christus est verus Deus , & Vita æterna* , i Epist. V: 21. Paulus
 „ In Christo habitat omnis plenitudo Divinitatis corporaliter , Coloss. II: 9 ; & in
 „ actis Apostolorum , *Quod prædicaverit & Judeis & Græcis pænitentiam in Deum* ,
 „ & fidem in Dominum nostrum Jesum Christum , Cap. XX: 21 ; & Ipse Dominus ,
 „ quod Ipsi data sit omnis potestas in Cælo & in Terræ Matth. XXVIII: 18 ; sed
 „ hæc pauca sunt. Post hæc , Angelus me inspexit , & dixit , tu scis quid Evan-
 „ gelici ita dicti credunt aut credituri sunt de Domino Salvatore , recita aliqua
 „ ut sciamus num in illa fatuitate sint , ut credant , quod Humanum Ipsiis sit
 „ mere Humanum , & num aliquid Divini Illi adscribunt , aut quomodo ; & tunc
 „ coram Cætibus , ex collectis e Libro Orthodoxiæ eorum , FORMULA CONCORDIÆ
 „ vocato , & Lipsiæ An: 1756 excuso , prælegi hæc sequentia ; *Quod in Christo*
 „ *Divina & Humana Natura ita unitæ sint , ut faciant unam Personam* , pag. 606.
 „ 762. *Quod Christus vere Deus & Homo in indivisa Persona sit , & maneat in æter-*
 „ *num* , pag. 609. 673. 762. *Quod in Christo Deus sit Homo , & Homo Deus* ,
 „ pag. 607. 765. *Quod Humana Natura Christi ad omnem Majestatem Divinam*
 „ *exaltata sit , hoc etiam ex multis Patribus* , pag. 844 ad 852. 860 ad 865. 869
 „ ad 878. *Quod Christus quoad Humanam Naturam Omnipræsens sit & impletat om-*
 „ *niam* , p. 768. 783. 784. 785. *Quod Christo quoad Humanam Naturam omnis po-*
 „ *testas sit in Cælo & in Terra* , pag. 775. 776. 780. *Quod Christus quoad Humanam*
 „ *Naturam ad dextram Patris sedeat* , pag. 608. 764. *Quod Christus quoad Humanam*
 „ *Naturam invocandus sit , confirmatum ex dictis Scripturæ ibi* , pag. 226. *Quod*
 „ *Augustana Confessio illum Cultum maxime probet* , pag. 19. Postquam hæc præ-
 „ lecta sunt , converti me ad Virum cathedralę , & dixi , scio quod omnes hic con-
 „ sociati sint cum similibus sui in Mundo naturali , dic , precor , num scis cum
 „ quo tu es , respondit tono gravi , scio , consociatus sum cum Viro incluto , Præ-
 „ tore phalangum ab Exercitu illustrium Ecclesiæ ; & quia tono tam gravi respon-
 „ dit , dixi , ignosce quod interrogem , num scis ubi Prætor ille inclutus habitat ,
 „ & dixit , scio , habitat non procul a busto Lutheri ; ad hæc subridens dixi , cur
 „ dicis bustum , scisne quod Lutherus resurrexerit , & quod hodie abdicaverit
 „ sua erronea de justificatione per fidem in tres Personas Divinas ab æterno , &
 „ ideo translatus sit inter Novi Cæli felices , & quod videat & rideat insanientes
 „ post se ; & regesfit , scio , sed quid hoc ad me : & tunc tono simili , quo ille ,
 „ alloquutus sum , dicens , inspira tuo Incluto cum quo consociatus es , quod
 „ verear , quod contra Orthodoxiam Ecclesiæ suæ illo instanti subtraxerit Domi-
 „ no Divinum Ipsiis , aut passus sit calamum suum arare fulcum , in quem impro-
 „ vise inseminavit Naturalismum , quando contra cultum Domini Salvatoris nostri
 „ scripsit : ad hæc respondit , hoc non possum , quia ego & ille quoad hanc rem
 „ pæne unam mentem facimus , sed illa quæ ego dico , ille non intelligit ; sed om-
 „ nia quæ ille , perspicue intelligo ; Mundus enim spiritualis intrat in Mundum
 „ naturalem , & percipit cogitata hominum ibi , sed non vicissim , hic status con-
 „ soeiationis spirituum & hominum est . Nunc quia incepi loqui cum Viro cathé-
 „ dræ , dixi , interpolabo , si licet , adhuc aliqua interrogatione , num scis , quod
 „ Orthodoxia Evangelicorum in Libro manuali Ecclesiæ eorum FORMULA CON-
 „ CORDIÆ appellato , doceat , quod in Christo Deus sit Homo & Homo Deus ; &
 „ quod Divinum & Humanum Ipsiis in indivisa Persona sit & maneat in æternum ,
 „ quomodo tunc ille potuit ac tu potes fædere cultum Domini naturalismo ; ad
 „ quæ respondit , illud scio & tamè non scio , quare continuavi dicendo ; illum ,
 „ tametsi absens est , aut te loco ejus , interrogō , unde Anima Domini Salvatoris
 „ nostri , si responditis quod a Matre , infantis ; si a Josepho , prophanatis Verbum ;
 „ si vero a Spiritu sancto , recte dicitis , modo per Spiritum Sanctum intelligitis
 „ Divinum procedens & operans , ita quod sit Filius Jehovæ Dei . Iterum inter-
 „ rogo , quid Unio hypostatica , si responditis quod sit sicut inter duos , unum su-

„ pra & alterum infra, insanitis, sic etenim potuissetis facere Deum Salvatorem
 „ duos, sicut Deum tres; at si dixeritis, quod sit unio personalis, sicut est Animæ
 „ & Corporis, recte dicitis, hoc quoque est secundum Doctrinam vestram, tum
 „ etiam Patrum, consule FORMULAM CONCORDIÆ, pag. 765 ad 768. Et consule
 „ SYMOLUM ATHANASII, ubi hæc, *Est Fides recta, ut credamus & confiteamur;*
 „ *quod Dominus noster Jesus Christus, Deus & Homo sit; Qui licet Deus est & Ho-*
 „ *mo, non duo tamen, sed unus est Christus, unus omnino, non confusione substantia;*
 „ *sed unitate Personæ: nam sicut anima rationalis & caro unus est homo, ita Deus &*
 „ *Homo est unus Christus.* Interrogo adhuc, quæ fuit damnabilis Hæresis ARII,
 „ propter quem Concilium Nicaenum ab Imperatore Constantino Magno convo-
 „ catum est, aliud quam quod negaverit. Divinitatem Humani Domini. Porro
 „ dicite, Quem intelligitis per hæc apud Jeremiam, *Ecce dies venient, cum sus-*
 „ *citabo Davidi Germen justum, qui regnabit Rex, & hoc Nomen Ipsiſus JEHOVAH*
 „ *JUSTITIA NOSTRA,* Cap. XXIII: 5. 6. Cap. XXXIII: 15. 16; si dicitis Filium ab
 „ æterno, insanitis, ille non fuit Redemptor, si autem dicitis Filium natum in
 „ tempore, qui Unigenitus Filius Dei fuit, Joh. I: 18. Cap. III: 16, recte dicitis,
 „ Hic per Redemptionem factus est Justitia, ex qua facitis Fidem vestram. Le-
 „ gite etiam Esaj. IX: 5, præter alia loca, in quibus prædictitur, quod Ipse Je-
 „ hovah in Mundum venturus esset. Ad hæc Vir. cathedræ filuit & avertit se.
 „ Postquam hæc peracta sunt, voluit Præses oratione finire Synedrium, sed su-
 „ bito tunc Vir e finistro Cætu erupit, cui tiara super capite, & pileus super illa,
 „ & tetigit digito pileum, & loquitus dixit, ego etiam consociatus sum. Viro in
 „ Mundo tuo, qui ibi in eminenti honore constitutus est, hoc scio, quia loquor
 „ ex illo sicut ex me; & quæsivi, ubi Eminens ille commoratur, respondit, Go-
 „ thoburgi, & ex illo quondam cogitavi, quod nova tua Doctrina sapiat Mahu-
 „ medismum; ex qua voce audita vidi omnes a dextris, ubi stabant Patres Apo-
 „ stolici, attonitos & mutatos facies, & audivi ex mentibus illorum per ora illo-
 „ rum exclamatas voces, oh facinus, o quale saeculum; sed ad sedandum justam
 „ excandescientiam illorum, exporrexii manum, & petivi auscultationem, qua data,
 „ dixi, scio quod vir istius eminentiae tale quid impinxerit Epistolæ, quæ postea
 „ typo impressa est, sed si tunc scivisset, qualis illa blasphemia est, sane discep-
 „ sisset illam digitis, & tradidisset Vulcano ad comburendum, talis contumelia
 „ illa est, quæ intelligitur per Domini verba ad Judæos dicentes, quod Christus
 „ ex alia potestate quam ex Divina fecerit miracula, Matth. XII: 22 ad 32; præ-
 „ ter illa ibi etiam dicit Dominus, *Quisquis non est Mecum, contra Me est;* &
 „ *quisquis non congregat Mecum, dispergit;* Vers. 30: his dictis, consociatus ejus
 „ demisit vultum, sed mox sustulit illum, & dixit, duriora a te audivi quam us-
 „ quam; sed regeſſi, in causa sunt duæ formulæ, Naturalismus & Mahomedismus,
 „ quæ sunt Mendacia nefaria astu inventa, & duo stigmata mortifera ad averten-
 „ dum voluntates & deterendum a Sancto Cultu Domini: & converti me ad
 „ posteriorem consociatum, & dixi, dic illi in Gothoburgo, si potes, ut legat
 „ illa quæ a Domino dicta sunt in Apocalypsi Cap. III: 18. & quoque illa, quæ
 „ Cap. II: 16, ibi. His dictis, factus est strepitus; sed hic sedatus est per lucem
 „ e Cælo demissam, ex qua plures ex illis qui a sinistris erant, transiverunt ad il-
 „ los qui a dextris, remanentibus illis, qui non cogitant nisi vana, & ideo pendent
 „ ab ore cujusvis magistri, & quoque illis, qui non nisi quam Humanum de Do-
 „ mino credunt; ab his & illis Lux e Cælo demissa, visa est sicut repercuti, ac-
 „ insuere in illos, qui transiverunt a parte sinistra ad partem dextram.

CAPUT TERTIUM

D E

SPIRITU SANCTO;

E T D E

DIVINA OPERATIONE.

138. Omnes e Sacro Ordine, qui aliquam iustam ideam de Domino Salvatore nostro foverunt, dum intrant Mundum spiritualem, quod ut plurimum fit tertio die post obitum, primum instruuntur de Divina Trinitate; & in specie de Spiritu Sancto, quod non sit Deus per se, sed quod per Illum in Verbo intelligatur Divina Operatio procedens a Deo Uno & Omnipræsente; causa quod de Spiritu Sancto in specie instruantur, est quia plerique Enthusiastæ post mortem incidunt in vesanam phantasiam, quod ipsi sint Spiritus Sanctus; & quod multi ab Ecclesia, qui in Mundo crediderunt, quod Spiritus Sanctus per illos loquutus sit, terreat alios per verba Domini apud Matthæum, quod dicere contra illa, quæ Spiritus Sanctus inspiravit illis, sit peccatum irremissibile, Cap. XII: 31. 32; illi qui post instructionem recedunt a fide, quod Spiritus Sanctus sit Deus per se, informantur postea de Unitate Dei, quod non sit tripartita in Personas, quarum unaquævis singulatim est Deus & Dominus secundum Symbolum Athanasianum, sed quod Divina Trinitas sit in Domino Salvatore, sicut Anima, Corpus, & Virtus procedens, apud quemvis hominem; hi deinde præparantur ad recipiendum fidem Novi Cæli, & his, postquam præparati sunt, aperitur via ad Societatem in Cælo, ubi similis fides est, & datur illis mansio cum confratribus, cum quibus in beatitudine vivent in æternum. Nunc quia actum est de Deo Creatore, & de Domino Redemptore, necessarium est, ut quoque de Spiritu Sancto agatur; quæ Transactio, sicut reliquæ dispescenda est in fuos Articulos, qui sunt sequentes. I. Quod Spiritus Sanctus sit Divina Veritas, & quoque Divina Virtus & Operatio procedens a Deo Uno, in quo Divina Trinitas est, ita a Domino Deo Salvatore. II. Quod Divina Virtus & Operatio, quæ intelligitur per Spiritum Sanctum, sint in genere Reformatio & Regeneratio, & secundum has Innovatio, Vivificatio, Sanctificatio & Justificatio, & secundum has Purificatio a malis & Remissio peccatorum, & tandem Salvatio. III. Quod Divina illa virtus & operatio, quæ intelligitur per missionem Spiritus Sancti, apud Clericos in specie sit Illustratio & Instructio. IV. Quod Dominus operetur illas Virtutes in illis qui credunt in Ipsum. V. Quod Dominus operetur ex Se a Patre, & non vicissim VI. Quod spiritus hominis sit ejus Mens, & quicquid ex illa procedit.

139. I. QUOD SPIRITUS SANCTUS SIT DIVINA VERITAS, ET QUOQUE DIVINA VIRTUS ET OPERATIO PROCEDENS A DEO UNO, IN QUO EST DIVINA TRINITAS, ITA A DOMINO DEO SALVATORE. Per Spiritum Sanctum proprie significatur Divinum Verum, ita quoque Verbum, & in hoc sensu est Ipse Dominus etiam Spiritus Sanctus; sed quia in Ecclesia hodie per Spiritum Sanctum describitur Divina Ope-

ratio, quæ est actualis Justificatio; ideo hæc pro Spiritu Sancto hic assumitur, & de hac præcipue agitur, etiam ex causa, quia Divina Operatio fit per Divinum Verum, quod ex Domino procedit, & id quod procedit, est unius & ejusdem essentiae cum Ipso a quo procedit, sicut Tria hæc, Anima, Corpus, & Procedens, quæ simul faciunt unam Essentiam, apud hominem mere Humanam, apud Dominum autem Divinam & simul Humanam, post Glorificationem ita unitas, sicut prius eum suo Posteriori, ac sicut Essentia cum sua Forma; ita tria Essentialia, quæ vocantur Pater, Filius, & Spiritus Sanctus in Domino unum sunt. Quod Dominus sit ipsum Divinum Verum, seu Divina Veritas, supra ostensum est; quod autem Spiritus Sanctus sit illud, constat ex his locis, *Exibit virga e truncu Ii/haii, quefecet super Ipso Spiritus Jehovæ, Spiritus sapientiae & intelligentie, Spiritus consilii & virtutis, percutiet terram virga oris sui, & spiritu labiorum suorum occidet impium, erit justitia cingulum lumborum Ejus, & Veritas cingulum feminum ejus, Efaj. XI: 1. 4. 5. Veniet sicut flumen angustum, Spiritus Jehovæ signum inferet in Illum, tunc veniet Zioni Redemptor, Efaj. LIX: 19. 20. Spiritus Domini Jehovih super Me, unxit Me. Jehovah, ad evangelizandum pauperibus misit Me, Efaj. LXI: 1. Luc. IV: 18. Hoc fædus meum, Spiritus meus qui super Te, & verba mea non recedent ex ore tuo a nunc & in eternum, Efaj. LIX: 21. Quoniam Dominus est ipsa Veritas, inde omne id quod procedit ex Ipso est veritas, & hoc intelligitur per Paracletum, qui etiam nominatur Spiritus veritatis, & Spiritas Sanctus; hoc constat ex his locis, *Ego VERITATEM vobis dico, prodest vobis ut Ego abeam, si enim non abirem, Paracletus non veniet ad vos; si vero abivero, mittam illum ad vos, Joh. XVI: 7. Quando venerit ille SPIRITUS VERITATIS, ducet vos in OMNEM VERITATEM: non lequetur a se ipso, sed quacunque audiverit, loquetur, Joh. XVI: 13. Ille Me glorificabit, quia ex MEO accipiet, & annuntiabit vobis: omnia quæcunque Pater habet, Mea sunt, propter hoc dixi, quod a MEO accepturus fit, & annuntiatur vobis, Joh. XVI: 14. 15. Ego regabo Patrem, ut alium Paracletum det vobis, SPIRITUM VERITATIS, quem Mundus non potest accipere, quoniam non videt illum, nec cognoscit illum, vos autem cognoscitis illum, quia apud vos manet, & in vobis erit, non relinquam vos orphanos, venio ad vos, & vos videbitis Me, Joh. XIV: 16. 17. Quando venerit Paracletus, quoniam Ego missurus sum vobis a Patre, SPIRITUS VERITATIS, Ille testabitur de Me, Joh. XV: 26: vocatur Ille Spiritus Sanctus, Joh. XIV: 26. Quod Dominus per Paracletum seu Spiritum Sanctum intellexerit Se ipsum, patet ab illis Domini verbis, quod Mundus illum adhuc non cognosceret, vos autem cognoscitis illum; non relinquam vos orphanos, venio ad vos, vos videbitis Me: & alibi, Ecce Ego vobiscum sum omnibus diebus usque ad consummationem sæculi, Matth. XXVIII: 20. tum ex illis, non loquetur ex Seipso, sed quod ex Meo accepturus fit.**

140. Nunc quia per Spiritum Sanctum intelligitur Divina Veritas, & hæc fuit in Domino, & Ipse Dominus, Joh. XIV: 6, & sic quia non potuit aliunde procedere, ideo dixit, *Nondum erat Spiritus Sanctus, quia Jesus nondum gloriificatus erat, Joh. VII: 39; & post Glorificationem, inspiravit in Discipulos, & dixit, accipite Spiritum Sanctum, Joh. XX: 22. Quod Dominus alpiraverit discipulos, & illud dixerit, fuit causa, quia aspiratio erat signum representativum externum Divinae inspirationis: Inspiratio autem est insertio in societas angelicas. Ex his ab intellectu comprehendi potest hoc de Conceptione Domini ab Angelo Gabriele dictum, Spiritus Sanctus veniet super te, & Virtus Altissimi obumbrabit te, unde quod nascitur ex te Sanctum, vocabitur Filius Dei, Luc. I: 35. Tum, Angelus Domini in somnio dixit Josepho, ne timeas accipere Mariam Sponsam tuam, nam quod in ea natum, ex Spiritu Sancto est; & Josephus non tetigit illam, usque dum peperit Filium suum primogenitum, Matth. I: 20. 25. Spiritus Sanctus ibi est Divinum Verum procedens a Jehovah Patre, & hoc Procedens est Virtus Altissimi, quæ tunc obum-*

bravit Mātrem: hoc itaque coincidit cum hoc apud Johannem, *Verbum erat apud Deum, & Deus erat Verbum, & Verbum Caro factum est*, Cap. I: 1. 14; quod pér Verbum ibi intelligatur Divinum Verum, vide in FIDE Novæ ECCLESIAE, supra n. 3.

141. Quod Divina Trinitas sit in Domino, supra demonstratum est, & amplius in sequentibus ubi de illa ex professo agendum est, demonstrabitur; hic solum aliqua absonta ex Trinitate illa divisa in Personas sequentia, adducentur; hoc fōrēt, sicut quis Ecclesiæ Minister e suggesto docet quid credendum & quid faciendum est, & juxta illum alius Minister stat, & immurmurat auri ejus, hoc recte dicens, & insuper aliquid adhuc; & dicunt tertio, qui in scala stat, descendit in Templum, aperi aures eorum, & infunde illa cordibus illorum, & simul fac ut sint puritates, sanctitatis, & justitiae pignora. Divina Trinitas divisa in Personas, quarum unaquævis singulatim est Deus & Dominus, similis etiam est tribus Sōlibus in uno Mundo, in alto unus juxta alterum, & tertius infra, qui circumfundit angelos & homines, ac infert duorum calorem & lucem cum omni potentia in mentes, corda & corpora illorum, & illos sicut ignis in retortis acuit, clarificat & sublimat materias; quis non videt, si ita fieret, quod homo combureretur usque in cinerem. Regimen trium Divinarum Personarum in Cælo, etiam simile foret regimini trium Regum in uno Regno; aut regimini trium Ducum ejusdem potestatis super uno Exercitu; aut potius Regimini Romano ante Cæsarum tempora, quando fuerunt Consul, Senatus, & Tribunus plebis, inter quos quidem divisa est potestas, at usque summa apud omnes simul; quis non videt absolum, ludicum, & delirum, tale Regimen introducere in Cælum, ac introducitur cum potestas sicut summi Consulis addicitur Deo Patri, potestas sicut Senatus Filio, & potestas sicut Tribuni plebis Spiritui Sancto, quod fit cum functio propria attribuitur cuivis, & plus si additur, quod proprietates illæ non communicabiles sint.

142. II. QUOD DIVINA VIRTUS ET OPERATIO, QUÆ INTELLIGITUR PER SPIRITUM SANCTUM, SINT IN GENERE REFORMATIO ET REGENERATIO, ET SECUNDUM HAS INNOVATIO, VIVIFICATIO, SANCTIFICATIO, ET JUSTIFICATIO, ET SECUNDUM HAS PURIFICATIO A MALIS, ET REMISSIO PECCATORUM, ET TANDEM SALVATIO. Hæ sunt in suo ordine Virtutes, quas Dominus operatur apud illos qui credunt in Ipsum, ac se accommodant, & disponunt ad receptionem & habitationem Ipsius, & hoc fit per Divinum Verum, & apud Christianos per Verbum, hoc enim est unicum medium, per quod homo ad Dominum accedit, & in quod Dominus intrat; nam ut supra dictum est, Dominus est ipsum Divinum Verum, & quicquid procedit ex Ipso, est illud: sed intelligendum Divinum Verum ex Bono, quod idem est cum Fide ex Charitate, fides enim non aliud est, quam veritas, & charitas non aliud quam bonitas. Per Divinum Verum ex Bono, hoc est, per Eidem ex Charitate, homo reformatur & regeneratur, tum innovatur, vivificatur, sanctificatur, justificatur, & secundum horum progressiones & incrementa purificatur a malis, & purificatio ab his est remissio peccatorum. Sed omnes hæ Operationes Domini non possunt hic singulatim exponi; quia unaquævis suam Analysin confirmatam ex Verbo, & illustratam a ratione postulat, & hoc hujus loci non est, quare remittitur Lector ad illa quæ ordine sequuntur in hoc Opere, quæ sunt de Charitate, Fide, Libero Arbitrio, Pænitentia, & de Reformatione & Regeneratione. Secundum est, quod Dominus illas salutes continuo operetur apud unumquemvis hominem, sunt enim gradus ad Cælum, Dominus enim vult omnium salutem, quare salus omnium Ipsi est finis, & qui vult finem, vult media: propter salutem hominum fuit Adventus, Redemptio & Passio crucis Ipsi, Matth. XVIII: 11. Luc. XIX: 10, & quia salus hominum Ipsi fuit & in æternum est finis, sequitur quod supramemoratae operationes sint fines medii, & salvatio finis ultimus.

143. Operatio harum virtutum est Spiritus Sanctus, quem Dominus mittit ad illos qui credunt in. Ipsum & se disponunt ad recipiendum Ipsum, ac intelligitur per Spiritum in his locis „*Dabo novum Cor & SPIRITUM NOVUM; SPIRITUM MEUM dabo in medio vestri, & faciam ut in salutis via ambuletis*, Efaj. XXXVI: 26 27. Ezech. XI: 19. *Cor iuundum crea in nobis Deus, & SPIRITUM FIRMUM innova in medio mei, reduc mihi gaudium salutis tuę, & SPIRITUS SPONTANEUS sustentet me*, Psalm. LI: 12. *Tehoval format SAIRITUM HOMINIS in medio ejus*, Sach. XII: 11. *Anima mea exspectavi Te nocte, & SPIRITU MEO in medio mei exspectavi Te mane*, Efaj. XXXVI: 9. *Facite vobis Cor novum & Spiritum novum, quare moriemini Domus Israelis*, Ezech. XVIII: 31: præter alibi. In locis illis per Cor novum intelligitur voluntas boni, & per Spiritum novum intellectus veri; quod Dominus operetur hæc apud illos qui faciunt bonum & credunt verum, ita apud illos qui in fide charitatis sunt, patet clare ab his ibi, Deus dat animam ambulantibus in ea, & ex hoc, quod dicatur Spiritus spontaneus; & quod homo operatus sit ex sua parte, ex his, Facite vobis cor novum, & spiritum novum, quare moriemini domus Israelis.

144. Legitur, quod cum Jesus baptizabatur, Cæli aperti sunt, & Johannes videt Spiritum Sanctum descendente sicut Columbam, Matth. III: 16. Marc. I: 10. Luc. III: 11. Joh. I: 32. 33. hoc factum est, quia Baptismus significat Regenerationem & purificationem, similiter Columba; quis non percipere potest, quod Columba non esset Spiritus Sanctus, nec quod Spiritus Sanctus esset in columba; in Cælo saepius apparent Columbae, & quoties apparent, sciunt Angeli, quod sint correspondentiae affectionum & inde cogitationum de regeneratione & purificatione apud quosdam qui in vicinia stant, quare ut primum ad illos accedunt, & cum illis de quadam alia re, quam quæ in cogitationibus illorum fuit, cum apparatio illa erat, loquuntur, columbae illico evanescunt: hoc simile est sicut cum multis, quæ visa sunt Prophetis, ut quod Johanni visus sit Agnus super monte Sionis, Apoc. XIV: 1, & alibi; quis non scit, quod Dominus non fuerit ille Agnus, neque in Agno, sed quod Agnus esset representatio innocentiae Ipsiœ; inde elucet error illorum, qui ex Columba visa super Domino cum baptizabatur, & ex voce e Cælo audita tunc, *Hic est Filius meus dilectus*, tres Personas Trinitatis deducunt. Quod Dominus hominem regeneret per fidem & charitatem, intelligitur per hoc quod Johannes Baptista dixit, *Ego vos baptizo aqua in penitentiam, qui vero post me venturus est, ille baptizabit SPIRITU SANCTO, & igne*, Matth. III: 15. Marc. I: 8. Luc. III: 16; baptizare Spiritu Sancto & igne, est regenerare per Divinum Verum quod est fidei, & per Divinum Bonum quod est charitatis. Simile significatur per hæc verba Domini, *Nisi quis generatus fuerit aqua & spiritu, non potest ingredi in Regnum Dei*, Joh. III: 5, per aquam hic ut alibi in Verbo, significatur verum in naturali seu externo homine, & per spiritum verum ex bono in spirituali seu interno.

145. Nunc quia Dominus est ipsum Divinum Verum ex Divino Bono, & hoc est ipsa Essentia Ipsiœ, & quisque ex Essentia sua agit quod agit, constat, quod Dominus continue velit, nec possit aliud velle, quam implantare verum & bonum, seu fidem & charitatem, cuivis homini. Hoc illustrari potest ex multis in Mundo, ut ex his, quod omnis homo ex essentia sua velit, & cogitet, & quantum licet, loquatur & agat, ut pro exemplo, homo fidelis cogitat & intendit fidelia, homo honestus, probus, pius & religiosus, honesta, proba, pia & religiosa, & vicissim homo fastuosus, astutus, dolosus, avarus, talia quæ cum essentia sua unum faciunt; hariolus non vult nisi hariolari; & stultus non nisi quam contra illa quæ sapientiae sunt, garrire; verbo, Angelus non volvit & molitur nisi cælestia, & diabolus non nisi quam infernalia. Simile est cum omni subjecto inferioris fortis in Regno animali, ut cum ave, bestia, pisces, verme alato & non alato, unumquodvis cognoscitur ex sua essentia seu natura, ex hac & secundum

dum hanc est cuiusvis instinctus. Similiter in Regno vegetabili, omnis arbor, omne virgultum, & omne olus, cognoscitur ex suo fructu & semine, quibus essentia sua innata est, nec potest quicquam exinde aliud produci quam sibi simile & suum imo ab essentia de omni humo, de omni argilla, de omni lapide tam nobilem, ignobili, deque omni minera & metallo, iudicatur.

146. III. QUOD DIVINA ILLA VIRTUS ET OPERATIO, QUÆ INTELLIGITUR PER MISSI-
NEM SPIRITUS SANCTI, APUD CLERICOS IN SPECIE SIT ILLUSTRATIO ET INSTRUCTIO.
Operationes Domini, in praecedente Articulo recensitæ, quæ sunt reformatio, re-
generatio, innovatio, vivificatio, sanctificatio, justificatio, purificatio, remissio
peccatorum, & demum salvatio, tam apud Clericos quam apud Laicos a Domi-
no influunt, & recipiuntur ab illis qui in Domino sunt & Dominus in illis, Joh.
VI: 56. Cap. XIV: 20. Cap. XV: 4. 5. quod autem in specie Illustratio & Instruc-
tio, sunt causæ, quia illæ munera eorum sunt, ac inaugratio in ministerium il-
las secum portat, & quoque credunt, quod dum ex zelo concionantur, inspiren-
tur, sicut discipuli Domini, in quos Dominus inspiravit dicens, accipite Spiritum
Sanctum, Joh. XX: 22, & præter quæ Marc. XIII: 11; quidam etiam testantur,
quod influxum sentierint. Sed probe caveant, ne sibi persuadeant, quod zelus,
a quo multi corripiuntur, dum concionantur, sit Divina operatio in cordibus eo-
rum, datur enim similis, & adhuc ardenter apud Enthusiastas, & quoque apud
illos qui in extremis falsis doctrinæ sunt, imo apud illos qui Verbum floccipen-
dunt, ac naturam pro Deo colunt, & fidem & charitatem sicut in saccum post
tergum rejiciunt; & dum prædicant & docent ante faciem appendunt sicut quen-
dam ventriculum ruminatorum, ex quo expromunt & egurgitant talia, quæ sciunt
victui inservire auditoribus. Zelus enim in se spectatus est excandescens natura-
lis hominis, si intus in illa est amor veri, tunc est illa sicut ignis facer, qui influ-
xit in Apostolos, de quo ita in Aëtis illorum, *visæ sunt illis divisæ Linguae, tan-
quam ignis, sed itaque super unumquemvis eorum, unde impleti sunt omnes Spiritu Sancto*, Cap. II: 3. 4. at vero si intus in zelo aut excandescens illa latet amor falsi,
tunc est sicut ignis incarceratedus ligno, qui erumpit & incendit domum: tu, qui
Sanctitatem Verbi, & Divinitatem Domini negas, desume quæso tuum saccum
e dorso, & aperi illum, quod libere facis domi, & videbis. Scio, quod illi, qui
per Luciferum apud Esajam intelliguntur, qui sunt qui ex Babele, dum intrant
Templum, & plus dum scandunt pulpitum, imprimis qui ex societate Jesu se nominant,
abripiantur a zelo, qui multis est ex amore infernali, ac inde vehementius voca-
ferentur, & suspiria altius e pectore trahant, quam illi, qui in zelo ex amore cœ-
lesti sunt. Quod apud Clericos adhuc duæ operationes spirituales sint, videatur
infra, n. 155.

147. Ecclesia adhuc fere nescit, quod in omni voluntate & cogitatione & inde
actione & loquela hominis sit Internum & Externum, & quod homo ab infantia edoc-
tus sit loqui ab Extero utcunque dissentit Internum, inde simulationes, assentationes & hypocrites; consequenter quod sit duplex, & ille modo simplex, cujus
Externum cogitat & loquitur, atque vult & agit ab Interno, hi quoque per sim-
plices intelliguntur in Verbo, ut Luc. VIII: 15. Cap. XI: 34, & alibi, tametsi
plus sapientes sunt, quam duplices. Quod duplicitas & triplicitas sit in omni
creato, constat ab his in corpore humano; omnis Nervus ibi consistit a fibris, &
fibra a fibrillis; ipsis Musculus ex fasciculis fibrarum, & hi ex fibris motricibus;
omnis Arteria ex tunicis in triplici serie; simile est in Mente humana, cujus organi-
smus spiritualis est talis; hoc est quod, ut supra dictum est, Mens humana in
tres regiones distincta sit, quarum suprema, quæ etiam est intima, vocatur cœ-
lestis, media spiritualis, & infima naturalis. Mentes omnium hominum, qui ne-
gant sanctitatem Verbi & Divinitatem Domini, cogitant in regione infima, sed
quia ab infantia didicerunt etiam spiritualia quæ Ecclesiæ sunt, & hæc recipiunt, at
illæ

illa ponunt infra-naturalia, quæ sunt varia scientifica, politica & civilia moralia, & quia infime & proxime loquelæ in mente sedent, ex illis loquuntur in templis & in cætibus, &, quod mirum est, non aliter sciunt tunc, quam quod loquantur & doceant ex fide illorum, cum tamen, quando in suo libero sunt, quod sit domini, aperitur janua, quæ occlusit internum mentis eorum, & tunc quandoque rident ad illa, quæ coram cætu fermocinati sunt, dicentes corde, quod Theologica sint speciosi laquei ad captandum columbas.

148. Internum & Externum talium æquiparari possunt Venenis obductis crustis saccharinis: tum colycinthidis, quas pueri prophetarum colligentes miserunt in pulmentum, quod dum comedenter, clamabant, mors in olla, II Reg. IV: 38 ad 43. Et quoque comparari possunt Bestiæ ex mari, quæ habebat duo cornua sicut Agni, & loquuta est sicut draco, Apoc. XIII: 11, in sequentibus bestia illa vocatur pseudopropheta. Et sunt sicut latrones in Urbe, ubi cives morati, qui in illa moraliter agunt & rationaliter loquuntur, at enim redeunt in sylvas, feræ sunt: aut etiam sicut piratae, qui super terra homines sunt, at in mari crocodili: hi & illi incedunt dum super terra aut in urbe sunt, sicut pantheræ induitæ pellibus ovis; aut sicut simiæ amictæ vestibus humanis, ante ejus vultum appositus est typus faciei hominis. Assimilari etiam possunt meretrici, quæ inungit se balsamo, fucat faciem purpura, ac investit se terico albo cum intextis floribus, quæ cum in domum suam reddit, nudat se coram lupercis, ac inficit illos sua lepra. Quod tales sint, qui sanctum Verbo & Divinum Domino corde derogant, per annorum experientias in Mundo Spirituali mihi datum est cognoscere, ibi enim omnes primum tenentur in externis suis, at postea his ademptis immittuntur in Interna, & tunc coædum eorum fit tragicum.

149. IV. QUOD DOMINUS OPERETUR ILLAS VIRTUTES IN ILLIS, QUI CREDUNT IN IPSUM. Quod Dominus operetur illas virtutes, quæ per missionem Spiritus Sancti intelliguntur, in illis qui credunt in Ipsum, hoc est, quod illos reformat, regeneret, innovet, vivificet, sanctificet, iustificet, purificet a malis, & demum salvet, constat ex omnibus illis locis in Verbo, quæ confirmant, quod salus & vita æterna sit illis qui credunt in Dominum, quæ adducta supra n. 108. videantur; & insuper ab hoc „Dixit Jesus; quisquis CREDIT IN ME, sicut dicit Scriptura, flumina ex ventre ejus fluent aquæ viventis, hoc dixit de SPIRITU, quem accepturi sunt CERTIDENTES IN IPSUM, Joh. VII: 38. 39. Tum ex hoc, TESTIMONIUM JESU EST SPIRITUS PROPHETÆ, Apoc. LIX: 10; per spiritum prophetæ intelligitur Verum doctrinæ ex Verbo, prophetia non aliud significat quam doctrinam, ac prophetae docere illam, & per testimonium Jesu intelligitur confessio ex fide in Ipsum, simile intelligitur per Testimonium Ipsius in hoc loco „Michaelis Angeli vicerunt draconem per sanguinem Agni, & per Verbum TESTIMONII Ipsius: & Draco abiit, ut faceret bellum cum reliquis seminis Ipsius, qui tenebant mandata Dei, & habent Testimonium Jesu Christi, Apoc. XII: 11. 17.

150. Quod credentes in Dominum Jesum Christum accepturi sint spirituales illas virtutes, est quia Ipse est Salus & Vita æterna, Salus est quia Salvator, hæc quoque est nomen Ipsius Jesus, Vita æterna, quia illis in quibus Ipse est & illi in Ipso, est vita æterna, quare etiam Ipse vocatur Vita æterna apud Johannem Epist. V: 21; nunc quia est Salus & Vita æterna, sequitur quod etiam sit omne id per quod salus & vita æterna obtinentur, proinde quod sit omnis reformationis, regenerationis, innovationis, vivificationis, sanctificationis, iustificationis, purificationis a malis, & tandem Salvatio; Dominus apud unumquemvis hominem operatur illa, hoc est, conatur inferre illa, & cum homo se accommodat & disponit ad receptionem, infert illa; ipsum activum accommodationis & dispositionis etiam est a Domino, sed si homo non spontaneo spiritu recipit illa, tunc præter conatum, qui jugiter perstat non potest inferre.

151. Credere in Dominum, non solum est agnoscere Ipsum, sed etiam facere præcepta Ipsius, nam modo agnoscere Ipsum est solum cogitationis ex aliquo intellectu, at facere præcepta Ipsius, est quoque agnitionis ex voluntate; Mens hominis consistit ex Intellectu & Voluntate, ac Intellectus est cogitare, ac Voluntas est facere; quare dum homo solum agnoscit ex cogitatione intellectus, duntaxat ex dimidia mente adit Dominum, at vero cum facit, tunc ex tota, & hoc est credere: alioquin potest homo dividere cor suum, ac superficiem ejus adigere, ut se elevet sursum, dum caro ejus se invertit deorsum, & sic volat sicut aquila inter Cælum & Infernum, & tamen homo non sequitur aspectum suum, sed jucundum carnis suæ, & hoc quia est in Inferno, ideo devolat illuc, & postquam ibi litavit voluptatibus suis, & libavit mustum dæmonibus, induit vultum ex faciis & visum ex scintillis ignis, & sic mentitur angelum lucis: tales satanæ fiunt illi post mortem, qui agnoscunt Dominum, & non faciunt præcepta Ipsius.

152. In superiori Articulo ostensum est, quod salus & vita æterna hominum sicut finis primus & ultimus Domini; & quia finis primus & ultimus continent fines medios in se, sequitur quod supramemoratae virtutes spirituales insimul sint in Domino, & quoque a Domino in homine, sed usque successice prodeunt; Mens enim humana crescit sicut corpus ejus, sed hoc statura, illa autem sapientia, ita quoque hæc exaltatur e regione in regionem, nempe a naturali in spiritualem, & ab hac in cælestem, in hac regione est homo sapiens, in illa est intelligens, in insima sciens; sed hæc exaltatio mentis non fit nisi tempore a tempore, & fit sicut homo comparat sibi vera & conjungit illa bono: hoc simile est, sicut qui ædificat domum, primum comparat sibi materias ad illam, ut lateres, tegulas, tigna, asseres, & sic ponit fundamentum, exstruit muros, distinguit in cameras, his apponit januas, & in parietibus fenestras, ac struit scalas a mansione in mansionem; hæc omnia insimul insunt fini, qui est commoda & honorifica habitatio, quam ille prævidet & providet. Simile est cum Templo, quum hoc construitur, omnia ejus constructionis insunt fini, qui est cultus Dei. Simile est cum omnibus aliis, ut cum hortis & agris, & quoque cum officiis & negotiis, ad quæ ipse finis adminicula sibi parat.

153. V. QUOD DOMINUS OPERETUR EX SE A PATRE, ET NON VICISSIM. Per Operari hic simile intelligitur, quod per mittere Spiritum Sanctum, quoniam supramemoratae Operationes, quæ sunt in genere, Reformatio, Regeneratio, Innovatio, Vivificatio, Sanctificatio, Justificatio a malis, Remissio peccatorum, quæ hodie attribuuntur Spiritui Sancto ut Deo per se, sunt Operationes Domini: quod hæc sint ex Domino a Patre, & non vicissim, primum confirmabitur ex Verbo, & postea per plura quæ rationis sunt, illustrabitur: ex-Verbo ab his „Quando venerit Paracletus, quem ego missurus sum a Patre, Spiritus veritatis, qui a Patre exit, ille testabitur de Me, Joh. XV: 26. Si non abivero, Paracletus non veniet ad vos, si vero abivero, mittam illum ad vos, Joh. XVI: 7. Paracletus, Spiritus veritatis, non loquetur ex se ipso, sed ex me accipiet & annuntiabit vobis, omnia quæcumque Pater habet, mea sunt; propter hoc dixi, quod ex me accepturus sit, & annuntiatus vobis, Joh. XVI: 13. 14. 15. Spiritus Sanctus nondum erat, quia Jesus nondum glorificatus est, Joh. VII: 39. Jesus inspiravit in Discipulos, & dixit, accipite Spiritum Sanctum, Joh. XX: 22. Quocunque petieritis in nomine meo, HOC FACIAM, ut glorificetur Pater in Filio, si quid petieritis in nomine meo, Ego FACIAM, Joh. XIV: 13. 14. Ex his locis manifeste patet, quod Dominus mittat Spiritum Sanctum, hoc est, operetur illa, quæ hodie adscribuntur Spiritui Sancto ut Deo per se; dixit enim quod missurus sit illum a Patre, quod missurus sit illum ad vos, quod nondum fuerit Spiritus Sanctus, quia Jesus nondum glorificatus est, quod post glorificationem inspiraverit in Discipulos & dixerit accipite Spiritum Sanctum; tum quod dixerit, quocunque petieritis in nomine meo, Ego fa-

faciam, ut &, qnod Paracletus ex Meo accepturus sit quod annuntiabit: quod Paracletus sit idem cum Spiritu Sancto, videatur Joh. XIV: 26. Quod Deus Pater non operetur illas virtutes ex se per Filium, sed quod Filius ex se a Patre, constat ex his, *Deum nemo vidit unquam, Unigenitus Filius, qui in sinu Patris est ille exposuit.* Joh. I: 18. & alibi, *Non vocem Patris audivisti usquam; nec speciem Ipsius vidiisti,* Joh. V: 37. Ex his itaque sequitur, quod Deus Pater operetur in Filio & in Filium, sed non per Filium, verum quod Dominus operetur ex Se a suo Patre, nam dicit, *Omnia Patris mea sunt,* Joh. XVI: 14. *Quod Pater omnia dederit in manum Filii,* Joh. III: 35. Tum *Quod sicut Pater habet vitam in se Ipso, ita dederit Filio vitam habere in se ipso,* Joh. V: 26. ut &, *Verba que Ego loquor, spiritus & vita sunt,* Joh. VI: 63. Quod Dominus dicat quod Spiritus veritatis exeat a Patre, Joh. XV: 26, est quia a Deo Patre exit in Filium, & ex Filio a Patre; quare etiam dicit, *In illa die cognoscetis quod Pater in Me, & Ego in Patre, & vos in Me & Ego in vobis,* Joh. XIV: 11. 20. Ex his perspicuis effatis Domini manifeste patet error in Christiano Orbe, qui est, quod Deus Pater mittat Spiritum Sanctum ad hominem; & error Ecclesiæ Græcæ, quod Deus Pater Illum immediate mittat: hoc, quod Dominus ex Se a Deo Patre illum mittat, & non vicissim, est e Cælo, & Angeli illud vocant Arcanum, quia nondum in Mundo detectum.

154. Hæc per plura, quæ rationis sunt, illustrari possunt; ut per hæc: notum est, quod Apostoli, postquam donati sunt Spiritu Sancto a Domino, prædicaverint Evangelium per multum orbis, & quod hoc promulgaverint ore & scriptis, & hoc fecerunt ex se ipsis a Domino; aliter enim docuit & scripsit Petrus, aliter Jacobus, aliter Johannes, & aliter Paulus, quisque secundum suam intelligentiam, Dominus implevit omnes suo spiritu, sed quisque desumpst inde sportam secundum qualitatem suæ perceptionis, & exsequi sunt secundum qualitatem suæ potentiae. Omnes Angeli in cælis impleti sunt Domino, sunt enim in Domino & Dominus in illis, sed usque quisque loquitur & agit secundum statum suæ mentis, quidam simpliciter, quidam sapienter, ita cum infinita varietate, & tamen unusquisque loquitur ex se a Domino. Simile est cum omni Ministro Ecclesiæ, tam illo qui in veris quam qui in falsis est, cuique est suum os & sua intelligentia, & quisque loquitur ex sua mente, hoc est, ex suo spiritu quem possidet. Omnes Protestantes, five dicantur Evangelici five Reformati, postquam instructi sunt dogmaticis a Luthero, Melanctone vel Calvinio traditis, hi seu dogmatica eorum non loquuntur ex se per illos, sed ipsis ex se ab illis; unumquodvis dogma etiam potest mille modis exponi, est enim quodvis sicut cornucopia, ex quo quisque depromit quod suo genio favet & adæquatur, & exponit secundum suam dotem. Hoc illustrari potest per cordis actionem in pulmone & in illum, & per pulmonis reactionem ex se a corde, hæc sunt duo distincta, at usque reciproce unita, pulmo respirat ex se a corde, non autem cor per pulmonem, si hoc fieret subsisteret utrumque; simile etiam est cum cordis actione in visceribus & in viscera totius corporis, cor emittit sauginem undeque, sed viscera inde hauriunt, quodlibet suum pensum secundum quale usus, quod præstat, & quoque secundum hoc agit, ita diversimode. Idem hoc potest illustrari per hæc; malum a parentibus, quod vocatur hæreditarium, agit in homine & in hominem; similiter bonum a Domino, hoc supra aut intra, illud infra vel extra, si malum ageret per hominem, homo non foret reformabilis, neque foret culpabilis, similiter si bonum a Domino ageret per hominem, nec foret reformabilis, sed quia utrumque pendet a libera electione hominis, fit reus dum ex se a malo agit, & insons dum ex se a bono: nunc quia malum est diabolus, & bonum est Dominus, fit reus si agit a diabolo, ac insons si a Domino; ex libera illa electione, quæ cuivis homini est, est quod homo reformari possit. Simile est cum omni Interno & Extero apud ho-

hominem, hæc sunt duo distincta, sed usque reciproce unita; Internum agit in Extero & in illud, sed non agit per Externum, Internum enim millia volvit, ex quibus Externum modo desumit acommodata usui; in Interno enim hominis, per quod intelligitur Mens ejus voluntaria & perceptiva, sunt congeries idearum in volumine, quæ si effluerent per os hominis, foret sicut ventosum ex folle; Internum, quia universalia volvit, comparari potest Oceano, aut Floreto, aut Horto, ex quibus Externum deponit quantum satis est pro usu: Verbum Domini est sicut Oceanus, Floretum & Hortus, quando Verbum est in aliqua plenitudine in Interno hominis, tunc homo loquitur & agit ex se a Verbo, & non Verbum per illum: simile est cum Domino, quia Ipse est Verbum, hoc est Divinum Verum & Divinum Bonum ibi, Dominus ex se seu ex Verbo agit in homine & in illum, non autem per illum, quia homo libere agit & loquitur a Domino dum a Verbo. Sed hoc proprius illustrari potest per mutuum commercium animæ & corporis, quæ duo distincta sunt, sed reciproce unita, Anima agit in corpore & in corpus, sed non per corpus, at corpus agit ex se ab anima; quod anima non agat per corpus, est quia non consultant & deliberant inter se, nec anima mandat aut roget, ut corpus hoc aut illud agat, vel ex ore suo loquatur, neque corpus poscit aut petit, ut anima aliquid det & suppeditet, omne enim animæ est corporis, mutuo & vicissim: simile est cum Divino & Humano Domini, est enim Divinum Patris Anima Humanæ Ipsiœ, & Humanum est Corpus Ipsiœ, & Humanum non petit a Divino suo ut dicat quid loquutur & operatur est, quare dicit Dominus, *In illo die in Nominе meо petetis & non dico vobis, quod Ego petiturus sim Patrem pro vobis, Ipse namque Pater amat vos, quia Me amastis,* Joh. XVI: 26. 27: in illo die est post glorificationem, hoc est, post perfectam & absolutam unionem cum Patre. Hoc Arcanum est ab Ipso Domino pro illis qui e nova Ipsiœ Ecclesia erunt.

155. Supra in Articulo Tertio ostensum est, quod Divina illa Virtus, quæ intelligitur per operationem Spiritus Sancti apud Clericos, in specie sit Illustratio, & Instructio, sed his duabus accedunt due intermedia, quæ sunt Perceptio & Dispositio, quare sunt quatuor, quæ apud Clericos ordine sequuntur, Illustratio, Perceptio, Dispositio, & Instructio: ILLUSTRATIO est a Domino: PERCEPTIO est apud hominem, secundum statum mentis ejus formatum per doctrinalia, quæ si vera sunt, fit perceptio clara a luce quæ illustrat, at si falsa sunt, fit perceptio obscura, quæ tamen potest apparere sicut clara ex confirmationibus, sed hoc est ex luce fatua, quæ coram visu mere naturali est similis claritatis. DISPOSITIO autem est ex affectione amoris voluntatis, jucundum hujus amoris disponit, si hoc amoris mali & inde falsi est, excitat zelum, qui extrinsecus asper, hispidus, ardens & ignivomus est, ac intus est ira, rabies & immisericordia; si autem est boni & inde veri, est extrinsecus laevis, glaber, tonans & flagrans, ac intus est charitas, gratia & misericordia. INSTRUCTIO autem sequitur ut effectus ex illis ut causis. Ita Illustratio, quæ est a Domino, vertitur in varias luces & in varios calores, apud unumquemvis secundum statum ejus mentis.

156. VI. QUOD SPIRITUS HOMINIS SIT EJUS MENS, ET QUICQUID EX ILLO PROCEDIT. Per Spiritum hominis in concreto non aliud intelligitur quam Mens ejus, hæc enim est quæ vivit post mortem, & tunc vocatur spiritus, si bonus, Spiritus angelicus & postea angelus, si malus, Spiritus satanicus, & postea satanas. Mens cuiusvis hominis est Internus ejus homo, qui actualiter est homo, & intus in Extero homine, qui facit corpus ejus, quare dum rejicitur corpus, quod fit per mortem, est in plena forma humana. Errant itaque, qui credunt quod Mens hominis mōdo sit in Capite, ibi solum est in principiis, ex quibus primum exit omne quod homo ex intellectu cogitat & ex voluntate agit, in corpore autem est in principiatis, formatis ad sentiendum & agendum; & quia intus adhæret cor-

poreis, infert illis sensum & motum, & quoque inspirat perceptionem, sicut corpus cogitet & agat ex se, sed quod hoc sit fallacia, omnis sapiens novit. Nunc quia spiritus hominis ex intellectu cogitat & ex voluntate agit, & corpus non ex se sed ex illo, sequitur quod per spiritum hominis intelligatur ejus intelligentia & amoris affectio, & quicquid ex illis procedit & operatur. Quod spiritus hominis talia quae mentis sunt, significet, constat ex multis locis in Verbo, quae dum modo adducuntur, a quovis videri potest, quod non aliud sint: ex multis sunt haec pauca, *Bezaaeel & impletus spiritu sapientiae, intelligentiae & scientiae*, Exod. XXXI: 3. *Nebuchadnezar de Daniele, quod spiritus excellens, scientiae, intelligentiae & sapientiae esset in eo*, Dan. IV: 5. *Impletus est Jehoschua spiritu sapientiae*, Deut. XXXIV: 9. *Facite vobis cor novum & spiritum novum*, Ezech. XVIII: 31. *Beati pauperes spiritu, quia talium est Regnum Cælorum*, Matth. V: 3. *Habito in contrito & humili spiritu, ad vivificandum spiritum humilium*, Esaj. LVII: 15. *Sacrificia Dei spiritus fractus*, Psalm. LI: 19. *Dabo pallium laudis loco spiritus contracti*, Esaj. LXI: 3. præter apibi, Quod spiritus significet talia quae Mentis perversæ & iniquæ sunt, constat ex his: *Dixit prophetis stultis, qui abeunt post spiritum suum*, Ezech. XIII: 3. *Concipite quisquilias, parite stipulam, quoad spiritum vestrum, ignis comedet vos*, Esaj. XXXIII: 11. *Vir qui vagabundus spiritu, & mendacium effutus*, Mich. II: 8. *Generatio, cuius non constans cum Deo spiritus*, Psalm LXXVIII: 8. *Spiritus scortationum*, Hosch. V: 4. Sach. IV: 12. *Ut liquefacat omne cor, & contrahatur omnis spiritus*, Ezech. XXI: 12. *Quod ascendit super spiritum vestrum, non fiet unquam*, Ezech. XII: 32. *Modo non in spiritu ejus dolus*, Psalm XXXII: 2. *Spiritus Pharaonis turbatus est*, Gen. XLI: 8. *similiter Nebuchadnezaris*, Dan. II: 3. Ex his & per pluribus aliis locis manifeste constat, quod spiritus significet mentem hominis, & talia quae Mentis sunt.

157. Quoniam per Spiritum hominis intelligitur Mens ejus, ideo per esse in SPIRITU, quod aliquoties in Verbo dicitur, intelligitur status mentis separatae a corpore, & quia in illo statu Prophetæ viderunt talia, quae in Mundo Spirituali existunt, ideo vocatur ille Visio Dei; status ille fuit tunc illis, qualis est ipsis Spiritibus & Angelis in illo Mundo; in illo statu spiritus hominis, sicut mens ejus quoad visum, transferri potest e loco in locum, manente corpore in suo. Hic status est, in quo ego nunc per 26 annos fuéram, cum discrimine, quod in spiritu & simul in corpore, & modo aliquoties extra corpus. Quod Ezechiel, Sacharias, Daniel, & Johannes cum scripsit Apocalypsin, in illo statu fuerint, constat ex sequentibus; dicit EZECHIEL: *Spiritus sustulit me, & reduxit me in Chaldaeam ad Captivitatem in Visione DEI, in SPIRITU DEI, ita ascendit super me VISIO, quam vidi*, Cap. XI: 1. 24. *Quod sustulerit illum Spiritus, & audiverit post se terræ motum*, Cap. III: 12. 14. *Quod sustulerit illum Spiritus inter Terram & Cælum, & abduxerit Hierosolymam, & viderit abominationes*, Cap. VIII: 3. seq. *Quod viderit quatuor Animalia, que erant Cherubi, & varia apud illos*, Cap. I. & Cap. X. *Tum novam Terram & novum Templum, & Angelum metientem illa*, Cap. XL ad XLVIII, quod tunc fuerit in Visione & in Spiritu, Cap. XL: 2. Cap. XLIII: 15. Simile factum est cum SACHARIA, in quo tunc Angelus fuit, cum vidi *Virum equitantem inter myrtos*, Cap. I: 8. seq. *Quatuor cornua, & virum in cuius manu funiculus mensurae*, Cap. II: 1. 5. seq. *Joschua Sacerdotem magnum*, Cap. V: 1. 6. *Quatuor Carrus exeentes inter duos montes, & Equos*, Cap. VI: 1. seq. In simili statu fuit DANIEL, cum vidi *quatuor Bestias ascendentes ex mari, & plura de illis*, Cap. VII: 1. seq. cum vidi *Pugnas arietis & hirci*, Cap. VIII: 1. seq. Quod viderit illa in Visione, Cap. VII: 1. 2. 7. 13. Cap. VIII: 2. Cap. X: 1. 7. 8. Quod Angelus Gabriel *vixit et sit in Visione, & loquiuit cum illo*. Simile factum est cum JOHANNE, quando scripsit Apocalypsin, qui dicit se fuisse in Spiritu die Dominica, Apoc. I: 10; quod delatus in desertum in Spiritu, Cap. XVII: 3. super montem altum in Spiritu, Cap.

Cap. XXI: 10. Quod viderit in *Visione*, Cap. IX: 17: & alibi, quod *Viderit* illa, quæ descripsit, ut cum vidit Filium hominis in medio septem candelabrorum; Tabernaculum, Templum, Arcam & Altare in Cœlo: Librum obsignatum septem sigillis. & ex illo excientes Equos: quatuor Animalia circa Thronum: 12000 Electos, ex unaquavis Tribu; Agnum tunc super Monte Sionis: Locutas ascendentes ex abysso; Draconem & ejus pugnam cum Michaeli: Mulierem parientem filium masculum, ac fugientem in desertum propter Draconem: Bestias duas, unam ascendentem ex mari, & alteram ex terra: Mulierem sedentem super Bestia coccinea: Draconem ejectum in stagnum ignis & sulphuris: Equum album & Cænām magnam: Urbe Sanctam Hierosolymam descendenter, descriptam quoad portas, murum & hujus fundamenta; Fluvium aquæ vivæ, & arbores vita facientes fructus quovis mense; præter plura. In simili statu fuerunt Petrus, Jacobus & Johannes, cum viderunt Jesum transformatum; & Paulus cum audivit e Cœlo incessabilia.

COROLLARIUM.

158. Quoniam in hoc Capite de SPIRITU SANCTO actum est, meretur omnino memorare, quod in Verbo Veteris Testamenti nullibi nominetur Spiritus Sanctus, sed modo Spiritus sanctitatis in tribus locis, semel apud Davidem Psalm LI: 13; & bis apud Esajam Cap. LXIII: 10. 11. Verum in Verbo Novi Testamenti, tam apud Evangelistas, quam in Actis Apostolorum, & in hogum Epistolis frequenter, causa est, quia tunc primum erat Spiritus Sanctus, quando Dominus in mundum venit, ille enim ex Ipso a Patre procedit; nam DOMINUS EST SOLUS SANCTUS, Apoc. XV: 4; quare etiam dicitur ab Angelo Gabriele ad Mariam Matrem, SANCTUM quod nasceret ex te, Luc. I: 35. Quod dictum sit, Nondum erat Spiritus Sanctus quia Jesus nondum glorificatus est, Joh. VII: 39, & tamen prius dicatur, quod Spiritus Sanctus impleverit Elisabetham, Luc. I: 41, tum Sachariam Luc. I: 67; ut & Simeonem Luc. II: 25, erat causa, quia Spiritus Jehovah Patris implevit illos, qui Spiritus Sanctus vocatus est propter Dominum, qui jamdum in Mundo erat. Hæc causa est, quod in Verbo Veteris Testamenti nullibi dicatur, quod Prophetæ loquuti sint a Spiritu Sancto, sed a Jehovah; ubivis enim dicitur, JEHOVAH LOQUITUR. EST AD ME, VERBUM A JEHOVAH FACTUM EST AD ME, DIXIT JEHOVAH, DICTUM JEHOVAE; ut nemo dubitet quin ita sit, volo solum ex JEREMIA afferre, ubi hæc dicuntur, Cap. I: 4. 7. 11. 12. 13. 14. 19. Cap. II: 1. 2. 3. 4. 5. 9. 19. 22. 29. 31. Cap. III: 1. 6. 10. 12. 14. 16. Cap. IV: 1. 3. 9. 17. 27. Cap. V: 1. 1. 14. 18. 22. 29. Cap. VI: 6. 9. 12. 15. 16. 21. 22. Cap. VII: 1. 3. 11. 13. 19. 20. 21. Cap. VIII: 1. 3. 12. 13. Cap. IX: 2. 6. 8. 12. 14. 16. 21. 23. 24. Cap. X: 1. 2. 13. Cap. XI: 1. 6. 9. 11. 17. 18. 21. 22. Cap. XII: 14. 17. Cap. XIII: 1. 6. 9. 11. 12. 13. 14. 15. 25. Cap. XIV: 1. 10. 14. 15. Cap. XV: 1. 2. 3. 6. 11. 19. 20. Cap. XVI: 1. 3. 5. 9. 14. 16. Cap. XVII: 5. 9. 20. 20. 21. 24. Cap. XVIII: 1. 5. 6. 11. h3. Cap. XIX: 1. 3. 6. 12. 16. Cap. XX: 4. Cap. XXI: 1. 4. 7. 8. 11. 12. Cap. XXII: 2. 5. 6. 11. 18. 24. 29. 30. Cap. XXIII: 2. 5. 7. 12. 15. 24. 29. 31. 38. Cap. XXIV: 3. 5. 8. Cap. XXV: 1. 3. 7. 8. 9. 15. 27. 28. 29. 32. Cap. XXVI: 1. 2. 18. Cap. XXVII: 1. 2. 4. 8. 11. 16. 19. 21. 22. Cap. XXVIII: 2. 12. 14. 16. Cap. XXIX: 4. 8. 9. 16. 19. 20. 21. 25. 30. 31. 31. Cap. XXX: 1. 2. 3. 4. 5. 8. 10. 11. 12. 17. 18. Cap. XXXI: 1. 2. 7. 10. 15. 16. 17. 23. 27. 28. 31. 32. 33. 34. 35. 36. 37. 38. Cap. XXXII: 1. 6. 14. 15. 25. 26. 28. 30. 36. 41. Cap. XXXIII: 1. 2. 4. 10. 12. 13. 17. 19. 20. 23. 25. Cap. XXXIV: 1. 2. 4. 8. 12. 13. 17. 22. Cap.

Cap. XXXV: 1. 13. 17. 18. 19. Cap. XXXVI: 1. 6. 27. 29. 30. Cap. XXXVII: 6. 7. 9. Cap. XXXVIII: 2. 3. 17. Cap. XXXIX: 15. 16. 17. 18. Cap. XL: 1. Cap. XLII: 7. 9. 15. 18. 19. Cap. XLIII: 8. 10. Cap. XLIV: 1. 2. 7. 11. 24. 25. 26. 30. Cap. XLV: 1. 2. 5. Cap. XLVI: 1. 23. 25. 28. Cap. XLVII: 1. Cap. XLVIII: 1. 8. 12. 30. 35. 38. 40. 43. 44. 47. Cap. XLIX: 2. 5. 6. 7. 12. 13. 16. 18. 26. 28. Cap. LI: 30. 32. 35. 37. 38. 39. Cap. L: 1. 4. 10. 18. 20. 21. 30. 31. 33. 35. 40. Cap. LI: 25. 33. 36. 39. 52. 58: Hæc solum apud JEREMIAM; simile dicitur apud omnes reliquos Prophetas, & non quod loquutus sit Spiritus Sanctus, nec quod Jehovah loquutus sit ad illos per Spiritum Sanctum.



159. His adjiciam hæc MEMORABILIA. PRIMUM: Quondam cum fui in consortio cum Angelis in Cælo, vidi ad distantiam iofra magnum Fumum, & ex illo per vices erumpentem ignem, & tunc Angelis mecum confabulantibus dixi, quod pauci hic sciant, quod fumus in Infernis visus exoriatur ex falsis per ratiocinia confirmatis, & quod ignis sit ira excandescens contra illos qui contradicunt; quibus addidi, quod hoc tam ignotum sit in hoc Mundo, sicut est in meo, ubi corpore vivo, quod flamma non aliud sit quam incensus fumus; quod ita sit, saepius sum expertus, in foco enim vidi fumos ex lignis ascendentibus, & cum eis intuli ignem per titionem, vidi fumos illos verti in flamas, & has in simili forma cum illis, singulae enim particulae fumi fiunt scintillulæ, quæ conjunctim flagrant, sicut etiam sit cum pulvere pyrio accenso: simile est cum hoc Fumo, quem infra videamus, hic consistit ex totidem falsis, & ignis erumpens ut flamma ibi est excandescens zeli pro illis. Tunc mihi dixerunt Angeli, oremus ad Dominum ut licet descendere & accedere, ut percipiamus quænam falsa sunt quæ apud illos ita fumant & flagrant, ac datum est; & ecce apparuit columna lucis circum nos continua ad locum illum; & tunc vidimus quatuor Turmas spirituum, qui strenue confirmabant, quod Deus Pater, quia invisibilis, adeundus & colendus sit, & non Filius Ipsiœ natus in Mundo, quia homo & visibilis: cum spectavi ad latera, ad sinistrum visi sunt Docti ex Clericis, & post illos indocti; & ad dextrum Eruditæ ex Laicis, & post illos ineruditæ; at inter nos & illos erat hians intercapedo, quæ non transfiri potuit: sed oculos & aures vertimus ad sinistrum, ubi erant Docti ex Clericis & post illos indocti, & audivimus de Deo ita ratiocinantes; novimus ex Doctrina nostræ Ecclesiæ, quæ una est de Deo in toto Europæo Orbe, quod Deus Pater, quia invisibilis est, adeundus sit, & simul tunc Deus Filius & Deus Spiritus Sanctus, qui etiam invisibilis sunt, quia coæterni cum Patre; & quia Deus Pater est Creator universi, & inde in Universo, quocunque vertimus oculos nostros, præsens est, & cum ad Illum oramus, gratiœ exaudit, & post Mediariensem a Filio acceptam, mittit spiritum sanctum, qui in corda nostra infert gloriam justitiae Filii sui, & nos beatificat; nos creati Doctores Ecclesiæ, dum concionati sumus, sanctam missionis istius operationem in pectoribus nostris sensimus, & anhelavimus devotionem ex præsentia illius in mentibus nostris; ita afficimur, quia omnes sensus nostros dirigimus ad Deum invisibilem, qui non singulariter in visu intellectus nostri, sed universaliter in toto systemate mentis & corporis nostri per spiritum emissarium suum operatur; tales effectus non sisteret cultus Dei visibilis, seu coram mentibus conspicui sicut homo. His dictis indocti ex Clericis, qui steterunt post illos, adplauserunt, & adjecerunt hoc, unde est Sanctum nisi a Divino inconspicuo & imperceptibili; ad hoc, ut primum tangit ostium auditus nostri, expandimus vultus facierum nostrarum, ac laetificamur sicut ex mulcimine auræ odoriferæ, & quoque plangimus pectora nostra, aliter ad perspicuum & perceptibile, hoc

hoc dum intrat aurem, fit mere naturale, & non Divinum: propter similem causam Romano-Catholici Missas suas latino idiomate exclamat, & hostias, de quibus Divina mystica edunt, ex adytis altarium depromunt & monstrant, ad quæ, ut ad arcanissima, populus cadit super genua, & respirat sanctum. Post hæc convertimus nos ad dextrum, ubi Eruditæ, & post illos ineruditæ ex Laicis constiterunt, & ab Eruditæ audivi haec, novimus quod sapientissimi ex Antiquis, Deum inconspicuum coluerint, quem vocaverunt Jehovam, at quod post hos in ævo quod successit fecerint sibi deos ex defunctis Monarchis, ex quibus erant Saturnus, Jupiter, Neptunus, Pluto, Apollo, tum Minerva, Diana, Venus, Themis, & illis exstruxerint fana, & Divinum cultum addixerint, ex quo cultu, quum tempore descendit, exorta est idolatria, ex quo totus orbis tandem insanivit; nos ideo ad sacerdotium & presbyterium nostrum consensu unanimiter accedimus, quod tres Divinæ Personæ ab æterno, quarum unaquævis Deus, fuerint & sint; satis nobis est quod inconspicui sint: his ineruditæ post illos adjecterunt, consentimus, numne Deus est Deus, & homo est homo; sed scimus, quod si quis proponit Deum hominem, Communio plebeja, cui sensualis idea de Deo est, accessura sit. Post hæc dicta, aperti sunt oculi illorum, & viderunt nos prope se, & illi tunc ex indignatione quod audiverimus illos, obmuterunt; at Angeli tunc ex potentia sibi data occluserunt exteriora seu inferiora cogitationum illorum, ex quibus loquuti sunt, & aperuerunt interiora seu superiora, & ex his adegerunt illos loqui de Deo, & tunc loquuti dixerunt, quid Deus, non vidimus speciem Ipsius, nec audivimus vocem Ipsius, quid itaque Deus nisi quam Natura in suis primis & ultimis, hanc vidimus, quia lucet in oculis nostris, & hanc audivimus quia sonat in auribus nostris: his auditis, diximus illis, num usquam videritis Socinum, qui solum Deum Patrem agnovit, aut Arium qui Divinum Domini Salvatoris negavit, aut aliquos asseclas illorum, ad quæ responderunt, non vidimus; sunt diximus in profundo sub vobis, & mox inde aliqui arcessiti sunt, & quæsiti de Deo, similiter ac illi prius loquuti sunt, ac insuper, quid Deus, possumus facere deos, quotcunque volumus; & tunc diximus, incassum est cum vobis de Filio Dei nato in Mundo loqui, sed usque eloquemur hoc, quod ne fides de Deo, in Ipsum & ab Ipso, propterea quod ne no viderit Ipsum, & illa fit tanquam bulla aquæ in aere in prima & secunda ætate pulchre colorata, & in tertia & sequente diffueret in nihilum, placuerit Jehovæ Deo descendere & assumere Humanum, & sic Se in conspectum mittere, & convincere, quod Deus non sit Ens rationis, sed Ipsum quod Fuit, Est & Erit ab æternum, & quod Deus non sit vox trium syllabarum, sed quod sit omne rei ab Alphah ad Omegah, consequenter quod sit Vita & Salus omnium qui credunt in Ipsum visibilem, & non illorum qui dicunt se credere in Deum invisibilem, nam credere, videre & cognoscere, unum faciunt; quare dixit Dominus ad Philippum, qui videt & cognoscit Me, videt & cognoscit Patrem, & alibi; quod voluntas Patris sit, ut credant in Filium, & qui credit in Filium, habeat vitam æternam, at qui non credit Filio, non videbit vitam, sed ira Dei super illum maneat, hæc & illa dicit apud Johannem Cap. III: 15. 16. 36. Cap. XIV: 6 ad 15. His auditis, multi ex quatuor Turmis excanduerunt in tantum, ut fumus & ignis exiret ex naribus illorum; quare abi- vimus, & Angeli, postquam me comitati sunt domum, ascenderunt in suum Cælum.

160. SECUNDUM MEMORIALE: Quondam in comitatu cum Angelis ambulavi in Mundo spirituum, qui medius est inter Cælum & Infernum, in quem omnes homines post mortem primum veniunt, & præparantur, boni ad Cælum, & mali ad Infernum, & colloquitus cum illis de pluribus, inter quæ etiam de hoc, quod in Mundo, ubi sum corpore, tempore noctis, innumerabiles Stellæ, majores & minores, apparent, & quod illæ sint totidem soles; qui modo lucem in Mundum nostri solis transmittunt; & cum vidi, quod in vestro Mundo etiam conspiciantur

Stel.

Stellæ, autumavi quod hæ totidem sint, quot in Mundo, ubi sum : Angeli ex hoc sermone delectati, dicebant, quod forte totidem sint, quoniam unaquævis Societas Cæli, coram illis qui sub cælo sunt, quandoque lucet sicut Stella, & Societates Cæli sunt innumerabiles, omnes ordinatae secundum varietates affectionum amoris boni, quæ in Deo infinitæ sunt, & inde ex illo innumerabiles; & quia hæ ante creationem prævisæ sunt, arbitror quod secundum illarum numerum provisæ, hoc est, creatæ sint totidem Stellæ in Mundo ubi homines, qui in naturali materiali corpore erunt. Cum ita confabulabamur, vidi in septentrione Viam stratam, Spiritibus ita constitutam, ut vix vestigii locus daretur inter duos, & dixi Angelis, quod hanc viam etiam prius viderim, ac Spiritus sicut turmas exercitus super illa, & quod audiverim, hanc viam esse, quam omnes, qui e Mundo naturali decedunt, pertransiunt: quod Via illa tanto numero Spirituum operata sit, est causa, quia aliquot myriades hominum quavis septimana obeunt, & omnes illi post mortem in hunc Mundum transmigrant: his addiderunt Angelii, quod via illa terminetur in hoc Mundo in ejus medio, ubi jam nos fumus; quod in medio ejus, sit causa, quia a latere versus Orientem sunt Societates quæ in Amore in Deum & erga proximum sunt, & ad sinistrum versus Occidentem Societates ex illis qui contra illos amores sunt, & antrorsum in meridie Societates ex illis qui intelligentiores reliquis sunt; inde est, quod recentes e Mundo naturali huc primum alluant: quando hic sunt, tunc in externis, in quibus proxime in priori Mundo fuerunt, sunt, & postea successive immittuntur in sua interna, & explorantur quales sunt, & post explorationem feruntur boni ad sua loca in Cælo, & mali ad sua loca in Inferno.

Constitimus in medio, in quod terminabatur via affluxus, & diximus, moremur hic parumper, & loquamur cum quibusdam novis advenis; & ex alluentibus elegimus duodecim; & quia omnes erant recentes ex Mundo naturali, non sciebant aliter, quam quod adhuc ibi essent; & interrogavimus illos, quid de CÆLO & INFERNO, & quid de VITA POST MORTEM, sentiunt; ad quæ UNUS ex illis respondit, quod Sacer noster Ordo imprefserit mihi fidem, quod victuri simus post mortem, & quod Cælum & Infernum sint, & inde ego credidi, quod omnes qui moraliter vivunt, in Cælum veniant, & quia omnes moraliter vivunt, quod nemo in Infernum, & sic quod Infernum sit fabula efficta a Clero, ut deterreantur a male vivere: quid refert, si de Deo cogitem ita vel ita, cogitatio est modo sicut gluma aut bulla super aqua, quæ difflit & abit. ALTER prope illum dixit, mea fides, est, quod Cælum & Infernum sint, & quod Deus regat Cælum & Diabolus Infernum, & quia hostes sunt, & inde sibi oppositi, unus vocat malum quod alter bonum, & quod moralis homo simulator, qui potest facere ut malum appareat sicut bonum & bonum sicut malum, ab utriusque parte stet, quid tunc interest, sive cum uno aut altero Domino sim, modo faveat, jucundat homines æque malum ac bonum. TERTIUS a latere ejus dixit; quid mea refert, si credam quod Cælum & Infernum sint, nam quis inde venit & narravit, si omnis homo post mortem viveret, cur non ex tanta multitudine unus rediisset & nuntiavisset. QUARTUS juxta illum dixit, informabo te cur non quis redierit & nuntiaverit, causa est, quia homo dum exspiravit animam, & mortuus est; tunc vel fit larva & dissipatur, vel est sicut spiritus oris, qui modo est ventus, quomodo potest talis redire, & cum aliquo loqui. QUINTUS exceptit & dixit, amici, exspectate ad diem Ultimi judicii, quia omnes tunc redibunt in sua corpora, & videbitis illos, & loquemini cum illis, & narrabit tunc quisque sua fata alteri. SEXTUS e diametro stans, & ridens dixit, quomodo potest spiritus, qui est ventus, redire in corpus a vermisbus exesum, & simul in ejus skeleton Sole exustum ac in pulverem dilapsum, & quomodo aliquis Ægyptius factus Mumi, & a pharmacopola immixtus extractis vel emulis, lepotis aut comeditis, redire & aliquid narrare, quare exspectate si vobis est fides, ultimum illum diem, sed exspectatione perenni & perenni frustra.

SEPTIMUS post hunc dixit, si crederem Cælum & Infernum, & inde vitam post mortem, crederem etiam aves & bestias æque victuras, suntne aliquæ ex his æque morales & rationales ut homines; negatur quod bestiæ vivant, quare ego nego quod homines, est par ratio, unum sequitur ex altero; quid homo nisi animal. OCTAVUS a tergo hujus stans accessit & dixit, credite si vultis Cælum, sed ego non credo Infernum, estne Deus Omnipotens, & potest salvare unumquemvis. Tunc NONUS palpans iranum ejus, & dixit, Deus non modo est Omnipotens, sed etiam gratiosus, non potest aliquem mittere in ignem æternum, & si quis ibi est, non potest quin illum inde eximat & attollat. DECIMUS excurrit ex ordine in medium, & dixit, nec ego credo Infernum, nonne Deus misit Filium suum, & Ille expiavit & sustulit totius Mundi peccata, quid tunc valet Diabolus contra id, & quia non valet, quid tunc Infernum. UNDECIMUS, qui fuit Sacerdos, hoc audito excanduit, & dixit, numne scis, quod illi qui adepti sunt fidem, cui meritum Christi inscriptum est, salvantur, & quod illi quos Deus eligit, adipiscantur illam fidem, estne Eleæcio in Arbitrio Omnipotentis, & in Ipsius Judicio, quinam sunt digni, quis potest contra illa. DUODECIMUS, qui erat Politicus, tacuit, at rogatus ut coronaret responsa, dixit, non quicquam de Cælo, Inferno, & de Vita post mortem e pectori expromam, quoniam de illis non quisquam aliquid scit, sed usque absque vituperatione finite, ut Sacerdotes prædicent illa, sic etenim mentes vulgi ab invisibili vinculo tenentur obstrictæ legibus & ducibus, pendentes ab hoc Salus publica;

Nos talibus auditis obstupuimus, & diximus inter nos, hi tametsi Christiani nominantur, non sunt homines nec bestiæ, sed homines bestiæ: verum ad excitandum illos e somno, diximus, est Cælum & Infernum, & est Vita post mortem, quod sint, convincemini, dum ignorantiam de statu vitæ, in quo nunc estis, discutimus; quisque enim primis diebus post mortem, non aliter scit, quam quod adhuc vivat in eodem Mundo, in quo prius, tempus enim præterlapsum est sicut somnus, ex quo cum quis expurgescitur, non sentit aliter quam quod sit ubi fuit; simile est cum vobis hodie, quare loquuti estis similiter ut cogitavistis in Mundo priori: & Angeli excusserunt ignorantiam, & tunc se viderunt in alio Mundo, ac inter illos, quos non cognoverunt, & tunc exclamabant, oh ubi sumus; & diximus, non amplius in Mundo naturali sed in Mundo spirituali, & nos sumus Angeli: tunc post evigilationem, dixerunt, si estis vos Angeli, monstrate nobis Cælum, & respondebamus, moremimi hic paulisper, & redibimus, & post semissim horæ reversi vidimus illos exspectantes nos, & diximus, sequimini nos in Cælum, & sequuti sunt, & cum illis ascendimus, & quia nos eramus cum illis, custodes aperiebant portam, & immittebant; & nos diximus illis, qui in limine excipiebant advenas, explorate illos; & illi circumverterunt illos, & viderunt quod Occipitia illorum essent valde excavata; & tunc dixerunt, recedite ab hinc, quia jucundum amoris malefaciendi vobis est, & inde non conjuncti estis Cælo, cordibus enim vestris negavistis Deum, & sprevistis religionem: & nos tunc diximus illis, ne moremimi, quia alioquin ejiciemini, & festinabat deorsum & abiverunt.

In via domum loquuti sumus de causa, cur Occipitia illorum, quibus jucundum malefaciendi est, in hoc Mundo excavata sint, & dixi hanc causam, quod homini duo Cerebra sunt, unum in Occipitio, quod vocatur Cerebellum, & alterum in Frontispicio, quod vocatur Cerebrum, & quod in Cerebello habitat amor voluntatis, & in Cerebro cogitatio intellectus, & quod dum cogitatio intellectus non dicit amorem voluntatis hominis, intima Cerebelli, quæ in se cælestia sunt, concidunt, inde Excavatio.

161. TERTIUM MEMORABILE. Quondam in Mundo Spirituali audivi sonum sicut Molæ, erat in Plaga ejus Septentrionali: primum miratus sum quid hoc, sed recordatus sum, quod per Molam & Molere intelligatur ex Verbo inquirere quod in-

servit Doctrinæ, quare accessi ad locum, ubi auditus est ille Sonus, & cum prope eram, evanescerat sonus; & tunc videbam lacunatum quid supra terram, ad quod patebat aditus per antrum, quo viso descendere & intravi; & ecce erat Camera, in qua vidi Virum senem sedentem inter libros, tenentem ante se Verbum, & inquirentem inde quid inserviebat doctrinæ ejus; schedulæ jacebant circum, quibus inservientia inscripsit; in Camera contigua erant scribæ, qui schedulas colligebant, & illa quæ super illis scripta erant, integræ chartæ mandabant. Quæsivi primum de Libris circum illum, dixit, quod omnes agerent de FIDE JUSTIFICANTE, profunde illi ex Suonia & Danemarchia, profundius illi qui ex Germania, & adhuc profundius illi qui ex Britannia, & profundissime illi qui ex Batavia, & addidit, quod in variis discrepant, sed in Articulo de Justificatione & Salvatione per solam fidem, omnes convenient. Postea dixit, quod ex Verbo nunc colligat hoc primum Fidei justificantis, quod Deus Pater exciderit gratia erga Genus humana propter iniquitates ejus, & quod ideo Divina necessitas ad salvandum homines fuerit, ut fieret satisfactio, reconciliatio, propitiatio, mediatio per aliquem, qui in se susciperet damnationem justitiae, & quod hoc nullatenus potuerit fieri quam per unicum suum Filium; & quod postquam hoc factum est, apertus sit accessus ad Deum Patrem propter Ipsum, nam dicimus, Pater miserere nostri propter Filium; & dixit, video & vidi quod hoc sit secundum omnem rationem & scripturam, quomodo alioquin potuisset Deus Pater adiri, nisi per fidem in meritum Filii. Audivi hoc, & obstupui, quod dixerit id esse secundum rationem & secundum scripturam, cum tamen est contra rationem & contra Scripturam, quod etiam aperte ei dixi: ille tunc in excandescencia zeli sui regessit, quomodo potes ita loqui: quare aperui mentem, dicens, annon contra rationem est cogitare, quod Deus Pater exciderit gratia pro Genere humano, & reprobaverit & excommunicaverit illud; estne Divina Gratia attributum Divinae Essentiae, quare excidere gratia foret excidere Divina Essentia, & excidere Divina sua Essentia foret non magis esse Deus, num potest Deus ab alienari a Seipso; crede mihi, quod Gratia a parte Dei, sicut est infinita, etiam sit æterna; gratia Dei a parte hominis potest amitti, si non recipit illam; si gratia a Deo recederet, actum foret cum Universo Cælo & cum universo Genere humano; quare permanet gratia a parte Dei in æternum, non modo erga Angelos & Homines, sed etiam erga diabulos in Inferno: cum hoc secundum rationem est, cur dicas quod ad Deum Patrem unicūs accessus sit per fidem in meritum Filii, cum tamen perpetuus est per gratiam. Sed cur dicas accessum ad Deum Patrem propter Filium, & non per Filium, estne Filius Mediator & Salvator, cur non adis Ipsum Mediatorem & Salvatorem, estne Ille Deus & Homo, quis in terris adit immediate aliquem Cæsarem, Regem aut Principem, annon procurator & introductor erit, scisne quod Dominus in Mundum venerit, ut Ipse introducat ad Patrem, & quod non detur nisi per Ipsum accessus, & quod hic accessus perpetuus sit, quum immediate adis ipsum Dominum, quoniam Ipse est in Patre & Pater in Ipso; inquire nunc in Scriptura, & visiturus es, quod hoc sit secundum illam, & quod tua via ad Patrem sit contra illam, sicut est contra rationem; dico tibi etiam, quod sit protervitas scandere ad Deum Patrem, & non per Ipsum, qui in sinu Patris est, & solus apud Illum, anne legisti Joh. XIV: 6. His auditis Senex ille excanduit in tantum, ut exsiliaret folio, & clamaret ad Scribas suos, ut me ejicerent, & cum actutum a me ipso egressus sum, projectis post me extra fines Librum, quem forte manus ejus apprehendit, & ille Liber erat Verbum.

162. QUARTUM MEMORABILE. Exorta est lis infer Spiritus, num quisquam posset videre aliquod verum doctrinale Theologicum in Verbo, nisi a Domino: in eo convenerunt omnes, quod nemo possit nisi a Deo, *quia non potest homo sumere quicquam, nisi sit datum illi Cælo*, Joh. III: 27, quapropter litebatur, num aliquis pos-

possit, nisi adeat immediate Dominum; dixerunt ab una parte, quod Dominus directe adeundus sit, quia est Verbum, ab altera parte, quod etiam videatur verum doctrinale, cum Deus Pater immediate aditur; quare declinabat lis in hoc primum, num alicui Christiano liceat Deum Patrem immediate adire, & sic scandere supra Dominum, & annon hoc sit insolentia & audacia indecens & temeraria, quia Dominus dicit, quod nemo *veniat ad Patrem nisi per Ipsum*, Joh. XIV: 6: sed hoc reliquerunt, & dixerunt, quod homo possit videre verum doctrinale ex Verbo a suonet lumine naturali, sed hoc rejectum est; quare institerunt, quod videri possit ab illis, qui ad Deum Patrem orant; & lectum est coram illis aliquid ex Verbo, & tunc orabant super genibus, ut Deus Pater illustraret illos, & ad verba quæ lecta coram illis ex Verbo, dixerunt, quod hoc & illud esset verum ibi, sed erat falsum; ita aliquoties usque ad tedium; tandem fassi sunt quod non possint: at ab altera, qui immediate adiverunt Dominum, videbant vera, & informabant illos. Post hanc item ita diremtam, ascenderunt aliqui ex Abyssō, qui apparuerunt primum sicut Locustæ, & postea sicut homunciones; erant, qui in Mundo oraverunt ad Deum Patrem; & Justificationem per solam fidem confirmaverunt; erant iidem, de quibus in Apocalypsi Cáp. IX: 1 ad 11, agitur; hi dicebant, quod videant id quod homo justificetur per solam fidem absque operibus legis in clara luce, & quoque ex Verbo; interrogati sunt per quam fidem, responderunt in Deum Patrem; sed postquam explorati sunt, dictum est illis e Cælo; quod ne quidem unum Verum doctrinale ex Verbo sciant; at regesserunt, quod usque videant Vera sua, in luce; tunc dictum est illis, quod videant illa in luce fatua; quæ siverunt, quid est lux fatua, informati sunt, quod lux fatua sit lux confirmationis falsi, & quod illa lux corraspondeat luci, in qua sunt Noctuae & Vespertiones, quibus tenebræ sunt lux, & lux sunt tenebræ: hoc confirmabatur per id, quod cum spectabant sursum ad Cælum, ubi ipsa Lux, viderent tenebras, & cum specabant deorsum ad Abyssum, unde erant, viderent lucem. Ex hac confirmatione indignati dixerunt, quod sic Lux & Tenebrae non sint aliquid, sed modo status oculi, ex quo dicitur quod lux sit lux, & quod tenebrae sint tenebrae; at ostensum est, quod Lux fatua, quæ est lux confirmationis falsi, illis esset, & quod lux eorum modo esset activitas mentis eorum oriunda ex igne concupiscentiarum, non assimilis luci felum, quorum oculi ex ardente appetitu murium in cellariis nocturno tempore apparent sicut candelæ. His auditis irati dixerunt, quod non sint feles, nec sicut feles, quia possunt si volunt; sed quia timebant interrogationem, cur non volunt; recesserunt; & demiserunt se in Abyssum suam; voeantur etiam illi qui ibi, & similes illis, ab Angelis Noctuae & Vespertiliones, & quoque Locustæ.

Dum illi venerunt ad suos in Abyssō, & narraverunt quod Angeli dixerint, quod nos non sciamus ullum verum doctrinale, ne quidem unum, & quod appellaverint nos Noctuae, Vespertiones, & Locustas, factus est ibi tumultus, & dicebant, oremus a Deum, ut liceat ascendere, & clare demonstrabimus, quod nobis sint multa vera doctrinalia, quæ ipsi Archangeli agnoscunt; & quia orabant ad Deum, data est venia, & ascenderunt usque ad trecentos, & visi supra terram dixerunt; nos fuimus in Mundo Celebres & Famigerati, quia novimus & docuimus arcana Justificationis per solam fidem, & ex confirmationibus non modo vidi mus lucem, sed etiam illam sicut jubar coruscans, & similiter nunc in nostris cellis, & tamen audivimus ex sociis nostris, qui apud vos fuerunt, quod lux illa non esset lux sed tenebrae, ex causa quia non habemus, ut dixistis, ullum Verum doctrinale ex Verbo; scimus quod omne verum Verbi luceat, & credidimus quod inde sit coruscatio nostra dum arcana nostra profunde meditati sumus; quare demonstrabimus quod Vera ex Verbo nobis sint in multa copia; & dixerunt, annon hoc Verum nobis est, quod sit Trinitas, Deus Pater, Filius & Spiritus sanctus, & quod in Trinitatem credendum sit; annon hoc Verum nobis est, quod Christus sit

noster Redemptor & Salvator: annon hoc Verum nobis est, quod Christus solus fit Justitia, & quod Ipsi Soli sit Meritum, & quod injustus & impius sit, qui sibi aliquid meriti & justitiae Ipsius vult addicare: annon hoc Verum nobis est, quod nemo mortalium aliquod bonum spirituale possit facere a seipso, & quod omne bonum, quod in se bonum est, sit a Deo: annon hoc Verum nobis est, quod detur bonum meritorium, & hypocriticum, & quod illa bona sint mala: annon hoc Verum nobis est, quod usque bona opera facienda sint: annon hoc Verum nobis est, quod fides sit, & quod in Deum credendum sit, & quod quisque sicut credit, vitam habeat, praeterea plura alia ex Verbo; quis vestrum potest negare unum ex illis, & tamen dixistis, quod nobis in nostris palæstris non sit aliquod Verum, ne quidem unum; annon nobis ingratias talia objecistis. Sed tunc responsum tulerunt, omnia illa, quæ attulisti, in se sunt vera, sed apud vos falsificata, quæ ex principio falso trahunt, quod sint falsa. Quod ita sit, etiam demonstrabimus ad oculum; est non procul ab hinc locus, in quem lux e Cælo directe insluit; est in Medio ibi Mensa, dum super illa aliqua charta, cui Verum ex Verbo inscriptum est, ponitur, charta illa ex Vero inscripto lucet, sicut Stella; inscribite ergo veltra Vera chartæ, & ponatur illa super Mensam, & videbitis: fecerunt ita, & dederunt illam custodi, qui posuit illam super Mensam, qui tunc dixit illis, removete vos, & specitate ad mensam, & removerunt se & spectabant, & ecce Charta illa lucebat sicut stella; & tunc dixit custos, videtis quod Vera sint, quæ vos chartæ inscriptissimæ sed accedite proprius & intuitum vestrum figite in charta, & fecerunt ita, & subito tunc lux disparata est, & charta facta est nigra, sicut fuligine fornacis super-rindueta: & porro dixit custos, tangite chartam manibus vestris, sed cavete, ne tangatis scripturam; & cum fecerunt ita, flamma erupit & consumit: postquam hæc visa sunt, dicebatur illis, si tetigissetis scripturam, audivissetis strepitus, & combussissetis digitos vestros: & tunc dictum est illis ab adstantibus a tergo, vindictis nunc, quod veritates, quibus abusi estis ad confirmandum Justificationis vestræ Arcana, sint Veritates in se, sed quod sint Veritates falsificatae in vobis: illi tunc suspexerunt, & apparuit illis Cælum sicut sanguis, & postea sicut caligo; & illi visi sunt coram oculis Spirituum angelicorum, quidam sicut vespertilioes, quidam sicut noctuae, & aliqui sicut bubones, ac aufugerunt in tenebras suas, quæ coram oculis illorum fatue lucebant.

Spiritus Angelici, qui aderant, mirati sunt, quia de loco illo & de mensa ibi non aliquid prius sciverunt: & tunc vox ad illos e meridionali Plaga venit, dicens, accedite huc, & videbitis adhuc mirabilius; & accesserunt, & intraverunt in Cameram, cuius parietes fulgebant sicut ex auro, & viderunt ibi quoque Mensam, super qua depositum jacuit Verbum, circum cinctum lapidibus preciosis in forma cælesti: & dixit Angelus custos, dum aperitur Verbum, emicat inde lux candoris ineffabilis, & tunc simul ex lapidibus preciosis appetere sicut Iris supra & circum Verbum: quando aliquis Angelus e Cælo tertio illuc venit, appetere supra & circum Verbum Iris in plano rubro; dum Angelus e Cælo secundo illuc venit, & spectat, appetere Iris in plano cæruleo; dum Angelus ex ultimo cælo illuc venit & spectat, appetere Iris in plano candido; dum aliquis spiritus bonus illuc venit & spectat, appetere variégatio lucis sicut marmoris; quod ita sit, etiam ad oculum illis ostensum est. Porro dixit Angelus custos, si quis accedit qui falsificaverat Verbum, tunc primum dissipatur splendor; & si appropinquat, & figit oculos in Verbo, fit sicut sanguis circum, & tunc monetur ut discedat, quia perieulum est. At quidam, qui in Mundo fuerat Auctor antesignanus doctrinæ de Sola Fide justificante, audacter accessit, & dixit, ego, dum fui in Mundo, non falsificavi Verbum, exaltavi una cum fide etiam Charitatem, & docui quod homo in statu fidei, in quo facit charitatem & ejus opera, a spiritu Sancto renovetur, regeneretur & sanctificetur, tum quod Fides tunc non detur solitaria, hoc est, absque

bonis operibus, sicut non arbor bona absque fructu, sol absque luce, & ignis absque calore; & quoque culpavi illos, qui dixerunt, quod bona opera non essent necessaria; ac insuper quod præcepta Decalogi, & quoque pænitentiam magnificerim, & quod sic mirabili modo omnia Verbi inapplicuerim Articulo de Fide, quam usque solam salvificam esse detexi & demonstravi. Ille in fiducia assertio[n]is suæ, quod non falsificaverit Verbum, accessit ad Mensam, & contra monitum Angeli tetigit Verbum; at tunc subito effluxit ignis cum fumo ex Verbo, & facta est explosio cum fragore, ex quo ille conjectus ad angulum Cameræ, & ibi jacuit per horulam sicut mortuus. Hoc mirati sunt Spiritus Angelici, sed dictum est illis, quod hic Præsul præ reliquis exaltaverit bona charitatis sicut procedentia ex Fide, sed quod usque non intellexerit alia Opera quam politica, quæ etiam vocantur moralia & civilia, quæ propter Mundum & prosperitatem ibi facienda sunt, & minime propter salutem; tum etiam quod supposuerit opera inconspicua a Spiritu Sancto, de quibus homo nihil scit, quæ ingenerantur Fidei in statu ejus.

Tunc loquuti sunt Spiritus Angelici inter se de falsificatione Verbi, & in eo convenerunt, quod falsificare Verbum, sit desumere ex illo Vera, & applicare illa ad confirmandum falsa, quod est extrahere illa ex Verbo extra illud, & occidere; ut pro exemplo, omnia illa Vera, quæ supra ab illis ex Abyssō allata sunt, applicare ad Fidem hodiernam, & explicare ex illa; quæ quod imprægnata sit falsis, in sequentibus demonstrabitur. Tum desumere ex Verbo hoc Verum, quod Charitas exercenda sit, & quod bonum proximo faciendum sit, si tunc quis confirmat quod faciendum sit, sed non salutis causa, quoniam omne bonum ab homine non est bonum quia meritum, ille trahit id Verum ex Verbo extra Verbum, & trucidat illud, quoniam Dominus in Verbo suo injungit cuivis homini, qui salvari vult, amare proximum & ex amore illi facere bonum. Similiter in reliquis.

DE DIVINA TRINITATE.

163. Actum est de Deo Creatore, & tunc simul de Creatione, & postea de Domino Redemptore & simul tunc de Redemptione, & demum de Spiritu Sancto, & simul de Divina Operatione, & quia sic de Deo Triuno actum est, necessum est ut etiam de Divina Trinitate, quæ in Orbe Christiano nota est, & tamen ignota, agatur; per hanc enim solam comparatur justa idea de Deo, & iusta idea de Deo, est in Ecclesia sicut adytum & ara in Templo; ac sicut Corona super capite, & sceptrum in manu Regis sedentis super Throno, inde enim pendet, sicut catena a suo capite, universum corpus Theologicum; & si credere vultis, quisque sortitur suum locum in Cælis secundum ideam Dei, est enim illa sicut Lapis lydius, per quem exploratur aurum & argentum, hoc est, bonum & verum, qualia hæc sunt apud hominem; non enim datur apud illum aliquod bonum salvificum nisi a Deo, nec aliquod verum, quod non quale suum trahit ex sinu boni. Sed ut ambobus oculis videatur, quid Divina Trinitatis, Expositio ejus in Articulos dispescenda est, qui sequentes erunt; I. Quod Divina Trinitas sit, quæ est, Pater, Filius, & Spiritus Sanctus; II. Quod tres illi, Pater, Filius, & Spiritus Sanctus, sint tria Essentialia unius Dei, quæ faciunt unum, quemadmodum Anima, Corpus & Operatio apud hominem. III. Quod ante Mundum creatum non fuerit hæc Trinitas, sed quod post Mundum creatum, quando Deus incarnatus est, provisa & facta sit, & tunc in Domino Deo Redemptore & Salvatore Iesu Christo.

Christo. IV. Quod Trinitas Divinarum Personarum ab aeterno, seu ante Mundum creatum: sit in ideis cogitationis Trinitas Deorum, & quod haec non aboliri possit per confessionem oralem unius Dei. V. Quod Trinitas Personarum ignota fuerit in Ecclesia Apostolica, sed quod exclusa sit a Concilio Nicano, & inde introducta in Ecclesiam Romanam Catholicam, & ab hac in Ecclesias separatas ab illa. VI. Quod ex Trinitate Nicena & simul Athanasiana, exorta sit Fides, que totam Ecclesiam Christianam perverterat. VII. Quod inde sit illa abominatione desolationis, & afflictio qualis non fuit nec futura est, quas Dominus apud Danielem & Evangelistas & in Apocalypsi praedixerat. VIII. Tum hoc, quod nisi Novum Celum, & Nova Ecclesia a Domino conduntur, non conservaretur ulla caro. IX. Quod ex Trinitate Personarum, quarum unaquaevis singulatim est Deus, secundum Symbolum Athanasianum, plures absone ac heterogeneæ idea de Deo extiterint, que sunt phantasie & abortus. Hæc nunc singulatim explicabuntur.

164. I. QUOD DIVINA TRINITAS SIT, QUÆ EST, PATER FILIUS, ET SPIRitus SANCTUS. Quod Divina Trinitas sit, Pater, Filius, & Spiritus Sanctus, constat manifeste ex Verbo, & ex his ibi,, Angelus Gabriel dixit ad Mariam, SPIRitus SANCTUS veniet super te, & VIRTUS ALTISSIMI obumbrabit te, unde quod nascitur ex te Sanctum, vocabitur FILIUS DEI, Luc. I: 35; hic tres, Altissimus, qui est Deus Pater, Spiritus Sanctus, & Filius Dei, nominantur. Cum baptizatus est Jesus, ecce aperi sunt Celi, & Johannes videt SPIRITUM SANCTUM, descendente sicut Columbam, venientem super Ipsum, & vox e Cælo dicens, Hic est FILIUS MEUS dilectus, in Quo complacuit Mihi, Matth. III: 16. 17. Marc. I: 10. 11. Joh. I: 32. Adhuc apertius ex his Domini verbis ad Discipulos , Euntes discipulos facite omnes gentes, baptizantes illos in nomine PATRIS, ET FILII, ET SIRITUS SANCTI, Matth. XXVIII: 19; & insuper ex his apud Johannem, Tres sunt qui testificantur in Cælo, PATER, VERBUM, ET SPIRitus SANCTUS, Epist. I: Cap. V: 7. Et præter hæc, quod Dominus oraverit ad Patrem suum, & quod loquutus de Ipso, & cum Ipso, & quod dixerit, quod Spiritum Sanctum missururus sit, & quoque quod misserit. Ac insuper, quod Apostoli in Epistolis suis frequenter nominaverint & Patrem, & Filium, & Spiritum Sanctum. Ex his patet, quod Divina Trinitas sit, quæ est, Pater, Filius & Spiritus Sanctus.

165. Sed quomodo illa intelligenda sunt, siue quod tres Dii sint, qui essentia & inde nomine unus Deus sunt, siue quod tria objecta unius subjecti, ita quod sint modo qualitates aut attributa unius Dei, quæ ita nominantur, siue aliter, Ratio sibi relictæ nullatenus potest videre; sed quid consili, non datur aliud, quam ut homo adeat Dominum Deum Salvatorem, & sub Ipsius auspicio legat Verbum, est enim ille Deus Vébi, & illustrabitur, & videbit Veritates, quas Ratio etiam agnoscet. At vero, si non adis Dominum, si millies legeris Verbum, & videris ibi Divinam Trinitatem, & quoque Unitatem, nequicquam aliud intellecturus es, quam quod tres Divinæ Personæ sint, quarum unaquævis singulatim est Deus, & sic tres Dii; at quia hoc repugnat communi perceptioni omnium hominum in Universo Mundo, ideo ad evitandum contumelias, invenerunt, quod tametsi tres sunt in veritate, usque fides efflagitet, ut non tres Dii nominentur, sed Uuu; ac insuper, ne vituperis circumfundantur, quoad hoc imprimis incarcerabitur intellectus, & sub obedientia fidei vincitus tenebitur; & hoc erit sanctum ex Christiano Ordine in Ecclesia Christiana posthac. Talis fætus paralyticus natus est ex eo, quod non sub auspicio Domini legerint Verbum, & omnis qui non sub Ipsius auspicio legit Verbum, ille legit illud sub auspicio propriæ intelligentiæ, & hæc est sicut noctua in talibus quæ in spirituali luce sunt, qualia sunt omnia essentia-lia Ecclesiæ; & hic dum legit illa quæ Trinitatis sunt in Verbo, & ex illis cogitat, quod tametsi tres, usque unum sint, apparet hoc illi simile responso ex tripode, quod quia non intelligit, volvit illud inter dentes, nam si poneret il- lud

Iud ante oculos, foret ænigma, quod quo plus fatagit evolvere, eo plus se intricat tenebris, usque dum incipit de illo absque intellectu cogitare, quod simile est sicut videre absque oculo; in summa, legere Verbum sub auspicio propriae intelligentiae, quod fit omnibus, qui non agnoscunt Dominum pro Deo Cæli & Terræ, & inde Ipsum unice adeunt & colunt, assimilari possunt pueris ludentibus, qui panniculetum ligant ante oculos, & volunt recta gradiri, & quoque credunt quod recta gradiantur; & tamen pede a pede declinant ad latus, & tandem in oppositum pergunt, & impingunt in lapidem, & cadunt. Et quoque sunt similes naucleris, qui absque pyxide magnetica navigant, & dirigunt navem in scopulos, & pereunt: & quoque sunt sicut ille, qui perlatum campum in opaco nimbo ambulat, & videt scorpium & credit eis avem, & hanc vult palma arripere & elevare, & tunc vulnere lethalicitur: similis etiam est mergo aut milvo, qui videt paucum tergi a pisces magno super aquas, ac involat ac insigit ei rostrum, ac a pisces subtrahitur & suffocatur: & quoque est sicut, qui labyrinthum absque duce aut filo intrat, & quo interius penetrat, eo plus sibi obliterat vias exitus. Homo qui non sub auspicio Domini legit Verbum, sed sub auspicio propriæ intelligentiae, credit se lynceum, & plus ocularem quam Argus, cum tamen intus ne hilum veri videt, sed modo falsum, quod cum sibi persuasit, appetet hoc illi sicut cynosura, ad quam omnia vela cogitationis suæ dirigit, & tunc non videt vera plus quam talpa, & si videt, inflectit illa ad favorem phantasie suæ, & sic pervertit & falsificat sancta Verbi.

166. II. QUOD TRES ILLI, PATER, FILIUS ET SPIRITUS SANTUS, SINT TRA-
ESSENTIALIA UNIUS DEI, QUAÆ FACIUNT UNUM, QUEMADMODUM ANIMA, CORPUS ET
OPERATIO APUD HOMINEM. Dantur Essentialia unius rei communia, & quoque particularia, & hæc cum illis faciunt unam Essentialiam; Essentialia communia unius hominis, sunt ejus anima, corpus & operatio; quod hæc faciunt unam Essentialiam, videri potest ab hoc, quod unum sit ab altero, & propter alterum, in continua serie, inchoat enim homo ab anima, quæ est ipsa essentialia feminis, hæc non modo initiat, sed etiam producit in suo ordine illa quæ corporis sunt, & postea, quæ ex duobus illis, anima & corpore simul procedunt, quæ vocantur operationes, quare ex productione unius ab altero, & inde insitione & coniunctione, patet quod tria hæc sint unius essentialia, quare vocantur tria essentialia.

167. Quod in Domino Deo Salvatore illa tria Essentialia fuerint & sint, vide licet Anima, Corpus & Operatio, quisque agnoscat; quod Anima Ipsius fuerit a Jehovah Patre, non potest nisi ab Antichristo negari, nam in Verbo utriusque Testamenti vocatur Filius Jehovah, Filius Dei Altissimi, Unigenitus; est itaque Divinum Patris, ut Anima in homine, primum Essentialie Ipsius; quod Filius, quem Maria peperit, sit Corpus Divinæ Illius Animæ, inde sequitur, non aliud enim quam Corpus ab anima conceptum & derivatum in utero matris paratur, hoc itaque est alterum Essentialie; quod Operationes faciant tertium Essentialie, est quia illæ procedunt ex anima & corpore simul, & quæ procedunt sunt ejusdem essentialia cum illis quæ producunt. Quod tria Essentialia, quæ sunt Pater, Filius & Spiritus Sanctus, in Domino unum sint, sicut anima, corpus & operatio in homine, constat manifeste ex Domini verbis, quod Pater & Ipse unum sint, & quod Pater in Ipso & Ipse in Patre; similiter quod Ipse & Spiritus Sanctus, quoniam Spiritus Sanctus est Divinum procedens ex Domino a Patre, ut supr. n. 153. 154. plene ex Verbo demonstratum est; quare hoc iterum demonstrare, foret rumen superfluum, & sicut onerare mensam cibis post satietatem.

168. Quando dicitur, quod Pater, Filius & Spiritus Sanctus, sint tria Essentialia unius Dei, quemadmodum anima, corpus & operatio apud hominem, coram Mente humana appetet sicut tres Personæ sint tria illa Essentialia, quod non dabile est; sed dum intelligitur, quod Divinum Patris, quod facit Animam, & Divinum Filii, quod facit Corpus, & Divinum Spiritus Sancti seu Divinum pro-

cedens, quod facit Operationem, sint tria Essentialia unius Dei, tunc cadit id in intellectum: est enim Deus Pater suum Divinum, Filius ex Patre suum, & Spiritus Sanctus ex utroque suum, quæ quia unius essentiae ac unanima sunt, faciunt unum Deum. Si autem tria illa Divina dicuntur Personæ, & unicuique attribuitur sua proprietas, ut Patri imputatio, Filio mediatio, & Spiritui Sancto operatio, tunc fit Essentialia Divina divisa, quæ tamen est una & individua, ita non alius ex tribus in plenitudine est Deus, sed quisque in potentia subtriplicata, quod intellectus fanus non potest non rejicere.

169. Quis itaque non potest percipere Trinitatem in Domino, ex Trinitate in unoquovis homine, in unoquovis homine est anima, corpus & operatio, similiter in Domino, *in Domino enim habitat omnis plenitudo Divitatis corporaliter*, secundum Paulum, ad Coloss. II: 9, quare Trinitas in Domino est Divina, in homine autem humana. Quis non videt, quod in hoc mystico, quod tres Personæ Divinae sunt, & tamen unus Deus & quod hic Deus, licet unus est, usque non sit una Persona, Ratio non aliquam partem habeat, sed quod insopita usque adigat os loqui sicut psittacus; quando Ratio insopita est, quid tunc loquela oris nisi inanimata; dum eloquitur, a quo Ratio abit in diversum & dissentit, quid tunc loquela nisi fatalis Hodie est Ratio humana quoad Divinam Trinitatem vinclata, sicut vinclatus manicis & pedicis in carcere, & potest comparari virgini Vestae infossa terræ, quia sacram ignem extinxit; cum tamen Divina Trinitas in mentibus hominum Ecclesia sicut lampas lucere debet, quoniam Deus in Trinitate sua & in hujus unitate est omne in omnibus sanctitatibus Cœli & Ecclesiæ. Quid enim foret ex Anima facere unum Deum, ex Corpore alterum, & ex Operatione tertium, aliter quam ex tribus illis Essentialibus unius hominis facere tres partes in se distinctas, & quid hoc nisi eum truncare & occidere.

170. III. QUOD ANTE MUNDUM CREATUM NON FUERIT HÆC TRINITAS, SED QUOD POST MUNDUM CREATUM, QUANDO DEUS INCARNATUS EST, PROVISA ET FACTA SIT, ET TUNC IN DOMINO DEO REDEMPTORE ET SALVATORE JESU CHRISTO. In Ecclesia Christiana hodie agnoscitur Divina Trinitas ante Mundum creatum, quæ est, quod Iehovah Deus ab æterno genuerit Filium, & quod ex utroque tunc exiverit Spiritus Sanctus, & quod quisque ex Tribus illis per se aut singulatim sit Deus; quia quisque est una Persona subsistens ex se; sed hoc, quia non cadit in ullam rationem, vocatur mysterium, in quod solum intrari potest per hoc, quod Tribus illis una Divina Essentialis sit, per quam intelligitur Æternitas, Immensitas, Omnipotencia, & inde æqualis Divinitas, Gloria & Majestas; sed quod hæc Trinitas sit trium Deorum, & sic non aliqua Trinitas Divina, in sequentibus demonstrabitur; at vero quod Trinitas, quæ etiam est Patris, Filii & Spiritus Sancti, quæ postquam Deus incarnatus est, ita post Mundum creatum, provisa & facta est, sit Divina Trinitas, quia est unius Dei, ex cunctis quæ præcedunt, evidens est. Quod Divina hæc Trinitas sit in Domino Deo Redemptore & Salvatore Jesu Christo, est quia tria Essentialia unius Dei, quæ unam Essentialiam faciunt, in Ipsò sunt: quod in Ipsò omnis plenitudo Divinitatis sit, secundum Paulum, constat etiam ex Ipsi Domini verbis, quod omnia Patris sint Ipsi, & quod Spiritus Sanctus non loquatur ex se sed ex Ipsò; ac insuper, quod ex sepulchro eum resurrexit, defunserit totum Humanum suum Corpus tam quoad Carnem quam quoad Offa, Matth. XXVIII: 1 ad 8. Marc. XVI: 5. 6. Luc. XXIV: 1. 2. 3. Joh. XX: 11 ad 15, sicut ac omnis aliis homo; quod etiam ad vivum testatus est Discipulis, dicens, *Videte manus meas & pedes meos, quod Ipse Ego sum, palpate Me & videte, nam Spiritus non carnem & offa habet, sicut Me videtis habet*, Luc. XXIV: 39: ex hoc omnis homo potest convinci, si vult, quod Humanum Domini sit Divinum, proinde quod in Ipsò Deus sit Homo & Homo Deus.

171. Trinitas, quam Ecclesia Christiana hodierna amplexa est, & quam in finem

dem suam intulit, est quod Deus Pater genererit Filium ab æterno; & quod Spiritus sanctus ab utroque tunc exiverit, & quod quisque fit Deus per se: hæc Tri-nitas non aliter a mentibus humanis concipi potest, quam ut Triarchia, ac sicut Regimen trium Regum in uno Regno, aut trium Ducum super uno Exercitu, aut trium Dominorum in una domo, quorum cuique sit æqualis potestas, quid inde nisi destrœctio: & si quis hanc Triarchiam vult figurare aut adumbrare coram visu mentis, & simul tunc illorum unitatem, non aliter potest illam suæ contemplationi sistere, quam sicut hominem trium capitum super uno corpore, aut trium corporum sub uno capite; talis monstrorsa imago Trinitatis apparitura est coram illis, qui credunt tres Personas Divinas, & quamlibet Deum per se, & illas con-jungunt in unum Deum, & negant quod Deus quia est unus sit una Persona. Quod Filius Dei ab æterno genitus descenderit & assūmferit Humanum, comparari po-test cum fabulis Veterum, quod Animæ humanæ ab initio Mundi creatæ sint, & quod intrent in corpora & fiant homines; tum etiam absonis illis, quod unius anima transeat in alterum, sicut plures in Ecclesia Judaica crediderunt, ut quod anima Eliæ in corpus Johannis Baptiste, & quod David redditurus sit in suum aut alterius corpus, & regnaturus super Israelem & Judam, quia dicitur apud Ezechielem *Excitabo super illos Pastorem unum, qui pascet illos, servum meum Davidem, hic erit illis in Pastorem, & Ego Jehovah ero illis in Deum, & David princeps in medio eorum, Cap. XXXIV: 23. 24. 25,* præter alibi; non scientes, quod per Davidem ibi intelligatur Dominus.

172. IV. QUOD TRINITAS DIVINARUM PERSONARUM AB ÆTERNO, SEU ANTE MUNDUM CREATUM, SIT IN IDEIS COGITATIONIS TRINITAS DEORUM, ET QUOD HÆC NON AEOLERI POSSIT PER CONFESSIONEM ORALEM UNIUS DEI. Quod Trinitas Divinarum Personarum ab æterno sit Trinitas Deorum, manifeste constat ex his in Symbolo Athanasiano; *Alia est Persona Patris, alia Filii, & alia Spiritus sancti: Deus & Dominus est Pater, Deus & Dominus est Filius, ac Deus & Dominus est Spiritus Sanctus; sed tamen non tres Dii & Domini sunt, sed unus Deus & Dominus:* quia sicut singulatim unamquamque Personam Deum & Dominum confiteri, Christiana veritate compellimur, ita tres Deos aut tres Dominos dicere, Catholica Religione prohibemur: hoc Symbolum ut Æcumenicum seu universale a tota Ecclesia Christiana receptum est, & omne quod hodie scitur de Deo & agnoscitur, inde est; quod ab illis, qui fuerunt in Concilio Nicæno, a quo symbolum, quod vocatur Athanasianum, ut factus posthumus, prodiit, non alia Trinitas, quam Trinitas Deorum, intellecta fuerit, quisque qui modo apertis oculis illud legit, videre potest: quod Trinitas Deorum non modo ab illis intellecta fuerit, sed etiam quod non alia Trinitas in Christiano Orbe intelligatur, sequitur, quia inde est omnis cognitio de Deo, & quisque manet in fide verborum ibi. Quod non alia Trinitas quam Trinitas Deorum hodie in Christiano Orbe intelligatur, provoco ad quemcunque, tam Laicum quam Clericum, tam ad laureatos Magistros & Doctores, quam ad consecratos Episcopos & Archiepiscopos, & quoque ad purpuratos Cardinales, imo ad ipsum Pontificem Romanum; consulat se quisque, & tunc eloquatur ex ideis mentis suæ; ex verbis hujus universaliter receptæ Doctrinæ de Deo, hoc tam manifestum & diaphanum est, sicut aqua per Chrystallinum Schyphum; ut quod sint tres Personæ, & unaquævis illarum sit Deus & Dominus; tum quod ex Veritate Christiana singulatim unamquamque Personam Deum & Dominum debeant confiteri seu agnoscere, sed quod Religio seu Fides Catholica aut Christiana prohibeat tres Deos & Dominos dicere seu nominare; & sic quod Veritas & Religio, seu veritas & fides, non res una sint, sed res duas sibi contrariantes. Quod autem adjectum sit, quod non tres Dii & Domini sint, sed unus Deus & Dominus, factum est, ne coram Universo Mundo exponerentur risui, nam quis non cachinnaret ad tres Deos; sed quis non videt contradictionem in adjecto. Si autem dixis-

sent, quod Divina Essentia sit Patri, Divina Essentia Filio, & Divina Essentia Spiritus Sancto, sed quod non tres Essentiæ. Divinæ sint, sed una & individua, tunc mysterium illud explicabile esset, videlicet dum per Patrem intelligitur Divinum a quo, per Filium Divinum Humanum inde, & per Spiritum Sanctum Divinum procedens, quæ tria Unius Dei sunt; aut si per Divinum Patris simile intelligitur quod apud hominem per Animam, per Divinum Humanum simile quod per Corpus illius animæ, & per Spiritum Sanctum simile quod per Operationem, quæ ab utroque procedit, tunc intelliguntur tres essentiæ, quæ unius ejusdemque Personæ sunt, & sic simul unam & individuum Essentiam faciunt.

173. Quod idea trium Deorum non aboleri possit per Confessionem oralem unius Dei, est quia illa a pueritia inseminata est memorie, & omnis homo ex illis quæ ibi sunt, cogitat; Memoria apud homines est sicut Ventriculus ruminatorius apud aves & bestias, hæc in illum ingerunt cibos, quibus successive alantur, & per vicces illos inde deponunt, & demittunt in ipsum Ventriculum, in quo cibi illi digeruntur, & ad omnes usus corporis dispensantur; Intellectus humanus est hic Ventriculus, sicut Memoria est prior. Quisque videre potest, quod idea trium Personarum Divinarum ab æterno, quæ eadem est cum idea trium Deorum, per oralem confessionem unius Dei non aboleri possit, solum ex eo, quod nondum abolita sit, & quod sint inter Celebres, qui non volunt ut aboleatur, nam instant quod tres Personæ Divinæ Deus unus sint, sed refractarie negant, quod Deus, quia unus est, etiam sit una Persona; sed quis Sapiens non secum cogitat, quod omnino per Personam non intelligatur persona, sed prædicatio alicujus qualitatis, at quænam non scitur, & quia non scitur, manet inseminatum memorie a pueritia, sicut radix arboris in terra, e qua, si excinditur, usque enascitur surculus; sed mi amice, non modo abscinde illam arborem; sed etiam extirpa radicem ejus, & tunc horto tuo implanta arbores boni fructus; cave itaque ne menti tuae infideat idea trium Deorum, & os, cui nulla idea inest, sonet unum Deum, quid tunc Intellectus supra memoriam, qui cogitat tres Deos, ac Intellectus infra illam, ex quo os eloquitur unum Deum, simul, quam sicut hariolus super theatro, qui potest duas personas agere, transcurrente ab una parte in alteram, & ab una parte aliquid dicere, & ab altera contradicere, & sic altercando fœ vocare hic sapientem & se illic dementem, quid inde resultat aliud, quam ut dum stat in medio, & spectat utrinque, cogitet, quod unum & alterum non sit aliquid, & sic forsitan, quod non sit unus Deus, nec quod sint tres, ita nullus; naturalismus hodie regnans non ex alia origine est. In Cælo nemo potest edicere Trinitatem Personarum quarum unaquævis singulatim est Deus, ipsa enim aura cœlestis, in qua cogitationes illorum, sicut soni in nostro aere, volant & undulant, contranititur; sed solus hypocrita ibi id potest, verum sonus loquelæ ejus in aura cœlesti stridet sicut dens collisus denti, aut strepit sicut corvus volens canere sicut oscinis. Audivi etiam e Cælo, quod abolere fidem per confirmationes menti infastam pro Trinitate deorum per confessionem oralem unius Dei, tam impossibile sit, sicut est traducere arborem per semen ejus, aut mentum hominis per capillum barbare ejus.

174. V: QUOD TRINITAS PERSONARUM IGNOTA FUERIT IN ECCLESIA APOSTOLICA, SED QUOD EXORTA SIT A CONCILIO NICÆNO, ET INDE INTRODUCTA IN ECCLESIA ROMANO-CATHOLICAM, ET AB HAC IN ECCLESIAS SEPARATAS AB ILLA. Per Ecclesiam Apostolicam intelligitur non modo Ecclesia, quæ variis in locis fuit tempore Apostolorum, sed etiam binis & trinis saeculis post illorum tempora: sed tandem incepert e cardine suo evellere januam Templi; & sicut fures irrumpere in adytum ejus; per Templum intelligitur Ecclesia, per Januam Dominus Deus Redemptor, & per Adytum Ipsius Divinitas; dicit enim Jesus, AMEN DICO vobis, qui non ingreditur per Januam in Ovile, sed ASCENDIT ALIUNDE, fur & latro est: Ego sum

in eum

sum Janua, per Me si quis introiverit, salvabitur. Hoc facinus factum est ab Ario & ejus affectis; quapropter a Constantino Magno convocatum est Concilium in Nicæam Urbem in Bethynia, & a convocatis ibi, ad ejiciendum damnosam Arii hæresin, inventum, conclusum & sancitum est, quod Tres Personæ Divinæ, Pater, Filius, & Spiritus Sanctus, ab æterno fuerint, quarum cuique personalitas, existentia & subsistentia per se & in se esset; tum, quod Secunda Persona, seu Filius, descendenter & assumserit Humanum, & Redemptionem fecerit, & quod inde Humano Ipsius per Unionem hypostaticam Divinitas, & quod per hanc unionem Ipsius esset æcta affinitas cum Deo Patre; ex illo tempore cœperunt glomeres nefandarum hæresium de Deo, & de Persona Christi, e terra evolvi, & Antichristi extollere caput, ac dividere Deum in tres, & Dominum Salvatorem in duos, & sic destruere Templum a Domino per Apostolos erectum, & hoc eosque, dum non lapis super lapide, qui non dissolutus, relinquetur, secundum Ipsius verbâ, Matth. XXIV: 2, ubi per Templum non modo intelligitur Templum Hierosolymitanum, sed etiam Ecclesia, de cuius consummatione seu fine in toto illo Capite agitur. Sed quid aliud a Concilio illo, & a Sequentibus, quæ Divinitatem similiiter tripartita sunt, & Deum incarnatum sub illis super scabello pédum eorum posuerunt, exspectari potuit; removerunt enim Caput Ecclesiae a suo Corpore per id, quod ascenderint aliunde, hoc est, præteriverint Ipsum, & transcederint ad Deum Patrem ut ad alium, solum cum vocabulo Meriti Christi in ore, ut miseratur propter illud, & quod sic immediate influeret Justificatio cum toto comitio ejus, quod est remissio peccatorum, renovatio, sanctificatio, regeneratio, & salvatio, & hæc absque omni mediato ab homine.

175. Quod Ecclesia Apostolica ne hilum sciverit de Trinitate Personarum, seu de tribus Personis ab æterno, constat manifeste a SYMBOLO istius Ecclesie, quod vocatur APSTOLICUM, ubi hæc sunt, *Credo in Deum, Patrem Omnipotentem, Creatorem Cæli & Terræ: & in Jesum Christum, Filium Ejus unicum, Dominum nostrum;* qui conceptus est de Spiritu Sancto, natus a Maria Virgine: & in Spiritum sanctum: ibi nulla mentio fit alicujus Filii ab æterno, sed Filii concepti a Spiritu Sancto, & nati a Maria Virgine; scientes ex Apostolis, quod Jesus Christus esset verus Deus i Joh. V: 21; & quod in Ipso omnis plenitudo Divinitatis habitaret corporaliter, Colosi. II: 9; & quod Apostoli fidem in Ipsum prædicaverint, Act. Apost. XX: 21: & quod Ipsi esset omnis potestas in Cælo & in Terra, Matth. XXVIII: 18.

176. Quid fidendum est Conciliis, dum non immediate adeunt Deum Ecclesie, estne Ecclesia Corpus Domini, & Ipse ejus Caput, quid Corpus absque Capite, & quale est Corpus cui imposita sunt tria Capita, sub quorum auspicio consulta ineunt, & decreta faciunt; anno tunc Illustratio, quæ a Solo Domino, qui est Deus Cæli & Ecclesie, & simul Deus Verbi, est spiritualis, fit plus & plus naturalis, & tandem sensualis, & tunc non odoratur aliquod genuinum verum Theologicum in ejus forma interna, quin illico e cogitatione intellectus rationalis ejiciatur, & sicut palea e ventilabro in aerem disjiciatur; in quo statu tunc loco veritatum subeunt fallacie, & loco radiorum lucis tenebrae, & tunc stant sicut in caverna, cum perspicillis super naribus, & cum candela in manu, & occludunt palpebras ad Vera spiritualia, quæ in luce Cæli sunt, at aperiunt illas ad sensualia, quæ in luce fatua sensuum Corporis sunt; similiter postea fit dum legitur Verbum, tunc Mens obdormit ad vera, ac evigilat ad falsa, & fit sicut describitur Bestia a mari, quoad os sicut leo, quoad corpus sicut pardus, & quoad pedes sicut ursus, Apoc. XIII: 2. In Cælo dicitur, quod dum Concilium Nicæanum peractum est, coinciderint hæc, quæ Dominus predixit Discipulis, Sol obscurabitur, & Luna non dabit lumen suum, & Stellæ cadent de Cælo, & Virtutes cælorum commovebuntur, Matth. XXIV: 29, & actualiter Ecclesia Apostolica fuit sicut Stella nova apparet in Cælo astrifero, at Ecclesia post duo Concilia Nicæna, facta est sicut eadem Stella postea opacata.

& disparata, quemadmodum etiam in Mundo naturali secundum observationes Astronomorum aliquoties evenerat. In Verbo legitur, quod Jehovah Deus habiret in Luce inaccessibili, quis ergo potest Ipsum adire, nisi habitaret in luce accessibili, hoc est, nisi descenderit, & assumferit Humanum, & in hoc Lux Mundi factus sit, Joh. I: 9. Cap. XII: 46; quis non videre potest, quod adire Jehovah Patrem in sua Luce, tam impossibile sit, sicut est sumere sibi alas ex Aurora, & per illas volare ad Solem, aut pascerre se ex radiis Solis, & non ex cibo elementari, aut est Avi volare in æthere, ac Cervo currere in aere.

177. VI. QUOD EX TRINITATE NICÆNA ET SIMUL ATHANASTIANA EXORTA sit FIDES, quæ totam ECCLESIAM CHRISTIANAM PERVERTERAT. Quod Trinitas Nicæna & simul Athanastiana sit Trinitas Deorum, ex Symbolis illorum supra n. 172, ostensum videatur; inde exorta est Fides hodierna Ecclesiæ, quæ est in Deum Patrem, Deum Filium, & Deum Spiritum Sanctum; in Deum Patrem, ut imputet justitiam Salvatoris Filii sui, ac illam adscribat homini, in Deum Filium ut intercedat & constipuletur, in Spiritum Sanctum, ut actualiter justitiam Filii imputatam inscribat, & constabilitam sigillet, hominem justificando, sanctificando & regenerando; hæc est Fides hodierna, quæ sola testari potest, quod Trinitas Deorum sit, quæ agnoscitur & colitur. Ex Fide cuiusvis Ecclesiæ redundat non modo omnis Cultus ejus, sed etiam omne dogmaticum ejus, quare dici potest, quod qualis fides est, talis sit doctrina ejus; quod illa Fides, quia est fides in tres Deos, perverterit omnia Ecclesiæ, inde sequitur, nam Fides est principium, & doctrinalia sunt principiata, & principiata a principio trahunt suam essentiam. Si quis sub examen mittit singula doctrinalia, sicut id quod de Deo, de Persona Christi, de Charitate, de Pænitentia, de Regeneratione, de Liberio Arbitrio, de Electione, de usu Sacramentorum, Baptismi & Sanctæ Cænæ, manifeste videbit, quod Trinitas Deorum singulis insit, & si non actualiter appetat inesse, usque ex illa sicut ex suo fonte scaturiat: sed quia tale examen hic non fieri potest, & tamen operæ pretium est ad aperiendum oculos ut fiat, ideo huic operi adjungetur Appendix, in qua hoc demonstrabitur. Fides Ecclesiæ de Deo, est sicut Anima corporis, & doctrinalia sunt sicut membra hujus; & insuper Fides in Deum est sicut Regina, & dogmatica sunt sicut officiarii aulæ ejus, & sicut hi pendent ex ore Reginæ, ita dogmatica ab effato fidei; ex illa fide duntaxat videri potest, quomodo intellegitur Verbum in ejus Ecclesia, fides enim inapplicat sibi, & trahit sicut per funes ad se quæcumque potest, si fides falsa est, meretricatur illa cum omni vero ibi, ac trahit ad finistrum & falsificat illud, & facit hominem in spiritualibus insanire; si autem Fides vera est, tunc favet totum Verbum, & Deus Verbi, qui est Dominus Deus Salvator, infundit lucem, & aspirat Divino suo assensu, & facit hominem sapere. Quod hodierna Fides, quæ in interna forma est trium Deorum, in externa autem unius Dei, extinxerit lucem in Verbo, & removerit Dominum ab Ecclesia, & sic mane ejus præcipitaverit in noctem, in Appendix etiam videbitur; hoc factum est ab hæreticis ante Concilium Nicænum, ac deinde ab hæreticis ex illo & post illud: sed quid fidendum est Conciliis, quæ non per Januam intrant in Ovile, sed ASCENDUNT ALIUNDE, secundum Domini verba apud Johannem Cap. X: 1. 9; est illorum deliberatio non absimilis ambulationi cæci in die, aut oculati in nocte, quorum uterque non videt foveam, priusquam in illam illapsi sunt. Quid pro exemplo fidendum est Conciliis, quæ constabiliwerunt Vicariatum Papæ, Apotheosin mortuorum, & horum sicut Numinum invocationem, eorundem imaginum venerationem, indulgentiarum auctoritatem, & Eucharistia divisionem, præter plura. Tum quid fidendum est Concilio, quod constabiliuit infandam Prædestinationem, & hanc ut Palladium religionis ante tempora Ecclesiæ suæ appenderunt. Sed, mi amice! adi Deum Verbi, & sic Verbum, ac ta intra per Januam in Ovile, hoc est, in Ecclesiam, & illustraberis, & tunc ipse visu-

visurus es sicut e monte, non modo plurium, sed etiam priores tuos gressus & errores in sylva opaca sub monte.

178. Fides cuiusvis Ecclesiae est sicut semen, ex quo omnia dogmata ejus exoriantur, & comparari potest semini arboris ex quo omnia ejus usque ad fructus enascuntur, & quoque semini hominis, ex quo proles & familiæ in successiva serie progignuntur; quare dum seitur Fides primaria, quæ ex prædominio salvifica vocatur, cognoscitur Ecclesia qualis est: hoc illustrari potest per hoc exemplum: sit Fides, quod Natura sit creatrix Universi, ex hac sequuntur hæc, quod Universum sit quod vocatur Deus; quod Natura sit ejus Essentia; quod Æther sit Deus supremus, quem antiqui vocaverunt Jovem, quod Aer si Dea, quam antiqui vocaverunt Junonem, & fecerunt Jovis conjugem, quod Oceanus sit Deus infra illos, qui cum antiquis vocari potest Neptunus, & quia Divinitas Naturæ pertinet etiam ad Centrum Terræ, quod ibi etiam sit Deus, qui cum Antiquis vocari potest Pluto; quod Sol sit omnium deorum Curia, in qua conveniunt, dum Jupiter Concilium convocat; ac insuper quod Ignis sit vita a Deo; & quod sic Aves volent in Deo, Bestiæ gradiantur in Deo, & Pisces natent in Deo: & porro, quod cogitationes sint solum modificationes ætheris, sicut loquelaæ ex illis sunt modulationes aeris; & quod Affectiones amoris sint mutationes status occasionales ex influxu radiorum solis in illas; inter hæc, quod Vita post mortem, una cum Cælo & Inferno, sit fabula a Clero ad aucupandum honores & lucra, efficta, sed tametsi est fabula quod usque utilis sit, & palam non subsannanda, quia inservit Publico ad continendum animos simplicium in vinculo obedientiæ erga Magistratus; sed quod usque illi, qui inescati sunt religioni, sint homines abstracti, cogitationes illorum phantasmata, & actiones illorum ludieræ, & quod sint mediastini sacerdotum, qui credunt quæ non vident, & vident quæ excedunt sphæram mentis eorum. Hæc consecraria, & plura alia similia, continentur in Fide illa, quod Natura sit creatrix universi, ac procedunt ex illa dum aperitur. Hæc allata sunt, ut sciat, quod in Fide hodiernæ Ecclesiae, quæ in Interna sua forma est in Tres Deos, in Externa in unum, insint falsitates in turmis, & quod inde protrahi possint totidem, quot araniolæ sunt in glomere ab una arachnipara; quis, cui Mens e luce a Domino vere rationalis facta est, hoc non videt; sed quomodo alias id visurus est, dum janua ad illam fidem & ejus propagines, obice occlusa est, per statutum, quod illicitum fit rationi in mysteria ejus introspicere.

179. QUOD INDE SITILLA ABOMINATIO DESOLATIONIS, ET AFFLICTIO QUALIS NON FUIT NEC FUTURA EST, QUAS DOMINUS APUD DANIELEM ET EVANGELISTAS, ET IN APOCALYPSI, PRÆDIXERAT. Apud DANIELEM leguntur hæc, *Tandem super avem abominationum desolatio, & usque ad consummationem & decifum, stillabit super devastationem.* Cap. IX: 2. Apud EVANGELISTAM MATTHÆUM, dicit Dominus hæc, *Tunc multi Pseudopropheta exsurgent, & seducunt multos: cum itaque videritis Abominationem desolacionis predictam a Daniele Propheta, stantem in loco sancto, qui legit, probe notet.* Cap. XXIV: 15, & postea in eodem Capite, *Erit tunc Afflictio magna, qualis non fuit ab initio Mundi, usque nunc, nec fiet,* Vers. 21. De hac afflictione & illa abominatione actum est in Septem Capitibus in APOCALYPSI, illæ sunt quæ intelliguntur per *Equum nigrum*, & per *Equum pallidum*, exeuntes e Libro, cuius sigilla Agnus aperuit, Apoc. Cap. VI: 5 ad 8. Tum per Bestiam ascendentem ex abysso, quæ fecit bellum cum binis testibus, & occidit illos, Cap. XI: 7 seq. Ut & per Draconem, qui stetit coram Muliere paritura, ut fatum ejus devoraret, & persequutus illam in desertum, & ibi ex ore suo ejecit aquam ut flumen, ut absorberet illam. Cap. XII: Et quoque per Bestias draconis, unam ex Mari, & alteram ex terra, Cap. XIII: Tum per tres Spiritus similes ranis, qui ex ore draconis, ex ore bestie, & ex ore pseudopropheta exiverunt, Cap. XVI: 13. Ac insuper per hæc, quod postquam septem Angeli effuderunt phialas iræ Dei, in quibus erant septem plagæ ultimæ;

*in terram, in mare, in fontes & fluvios, in solem, in thronum bestie, in Euphrat, & tandem in aerem, factus sit terrae motus magnus, qualis non fuerat, ex quo homines facti sunt, Cap. XVI: terra motus significat Ecclesiæ inversionem, quæ fit per falsa & falsificationes veri, simile quod significat afflictio magna, qualis non fuit ab initio Mundi, Matth. XXIV: 21. Similia intelliguntur per hæc, *Angelus misit falcem, & vindemiavit vineam terre, & conjectit in torcular ira Dei magnum, & calcatum est torcular, & exivit sanguis usque ad fræna equorum a stadiis milie sexcentis, Cap. XIV: 19. 20.* sanguis significat falsificatum verum: præter plura in Septem illis Capitibus.*

180. Apud Evangelistas, Matth. XXIV. Marc. XIII: & Luc. XXI: descriptæ sunt successivæ declinationes & corruptiones Ecclesiæ Christianæ, & ibi per afflictionem magnam, qualis non fuit ab initio Mundi, nec fiet, intelligitur, ut passim alibi in Verbo, infestatio veri a falsis, usque dum non superfit aliquod verum, quod non falsificatum & consummatum est; hoc etiam intelligitur per abominationem desolationis ibi, & hoc quoque intelligitur per desolationem super avem abominationum, & per consummationem & decūsum, apud Danielē; & hoc idem describitur in Apocalypsi, per illa, quæ mox supra inde adducta sunt. Hoc effectum est, per quod Ecclesia Unitatem Dei in Trinitate, & Trinitatem Ipsiū in Unitatē, non agnoverint in una Persona, sed in Tribus, ac inde fundaverint Ecclesiam in Mente super Idea trium Deorum, & in Ore super Confessione unius Dei, sic etenim separaverunt se a Domino, & tandem eosque, ut nullam ideam Divinitatis in Humana Ipsiū Natura residuam habuerint, cum tamen est Ipse Deus Pater in Humano, quare etiam vocatur Pater æternitatis, Esaj. IX: 5; & dicit ad Philippum, Qui videt Me, videt Patrem, Joh. XIV: 7. 9.

181. Sed quæritur, unde est ipsa vena fontis, ex qua talis abominationis desolationis, qualis describitur apud Danielē, Cap. IX: 27, & talis afflictio qualis non fuit, nec fiet Matth. XXIV: 21, scaturivit; & respondeatur quod ex ipsa Fide universalis in Christiano Orbe, & ex ejus influxu, operatione & imputatione, secundum traditiones. Mirabile est, quod doctrina justificationis per solam illam fidem, tametsi non est fides, sed chimera, in Ecclesiis Christianis omnē punctum ferat, hoc est, illa ibi pæne ut unicum Theologicum in Ordine Sacro regnet; illa est, quam omnes Novitii e Clero in Lyceis avide addiscunt, hauriunt & insorbent; & postea sicut inspirati cœlesti sapientia in Templis docent, in Libris vulgant, & per quam superioris eruditio nomen, famam, & gloriam sectantur & fænerantur, ut & propter quam diplomata, auctoramenta, & premia, donantur; & hæc fiunt, tametsi per illam solam fidem hodie obscuratus est Sol, lumine suo orbata est Luna, Stellæ cœlorum ceciderunt, & Virtutes cœlorum commota sunt, secundum verba prædictionis a Domino apud Matthæum, Cap. XXIV: 29; quod doctrina istius fidei hodie occæcaverit mentes in tantum, ut non velint, & inde sicut non possint, videre aliquod Divinum Verum intus in luce solis, nec in luce lunæ, sed modo extus in quadam scabra superficie in luce foci noctu, testatum mihi factum est; quare possum vaticinari, quod si Divina Vera de genuina eonjunctione charitatis & fidei, de Cœlo & Inferno, de Domino, de Vita post mortem, deque Felicitate æterna, argenteis literis exarata, e Cœlo demitterentur, a Justificatoribus & Sanc-tificatoribus per solam fidem, non lectu digna censerentur; at propterea aliter, si Charta de Justificatione per solam fidem, ab inferis submitteretur, hanc exsume-rent, oscularentur, & in sinu domum deportarent.

182. VIII. TUM HOC, QUOD NISI NOVUM CÆLUM ET Nova ECCLESIA A DOMINO CONDUNTUR, NON CONSERVARETUR ULLA CARO. Legitur apud Matthæum, Erit tunc afflictio magna, qualis non fuit, ab initio Mundi usque nunc, nec fiet; immo nisi abbreviarentur dies illi, non conservaretur ulla caro, Cap. XXIV: 21. 22; agitur in illo Capite de Consummatione sæculi, per quam intelligitur finis Ecclesiæ ho-dier-

dier næ; quare per abbreviare dies illos, intelligitur finire illam, & instaurare novam. Quis non scit, quod nisi Dominus in Mundum venisset, & Redemptionem fecisset, nulla caro salvati potuerit; per Redemptionem facere, intelligitur novum Cælum & novam Ecclesiam condere. Quod Dominus denuo in Mundum venturus sit, prædictus apud Evangelistas, Matth. XXIV: 30. 31. Marc. XIII: 26. Luc. XII: 40. Cap. XXI: 27; inque Apocalypsi, imprimis in Capite ultimo: quod etiam hodie Redemptionem faciat, condendo novum Cælum & instaurando novam Ecclesiam, propter finem ut homo salvati possit, in Lemmate de Redemptione, supra ostensum est. Magnum Arcanum, quod nisi Nova Ecclesia a Domino instauratur, non conservari possit ulla caro, est hoc; quod quamdiu Draco cum sua turba in Mundo spirituum, in quem conjectus est, commoratur, tamdiu non possit aliquod Divinum Verum unitum Divino bono pertransire ad homines telluris, quin pervertatur & falsificetur, aut pereat; id est quod intelligitur in Apocalypsi per hoc, *Draco projectus est in terram, & Angeli ejus cum illo projecti sunt; vñ habitantibus Terram & Mare, quia descendit Diabolus ad illos habens iram magnam*, Cap. XII: 9. 12. 13. at postquam Draco projectus est in Infernum, Cap. XX: 10, tunc Johannes videt Cælum novum & Terram novam, ac videt novam Hierosolymam descendenter a Deo e Cælo, Cap. XXI: 1. 2. Per Draconem intelliguntur, qui in fide hodiernæ Ecclesiæ sunt.

Aliquoties in Mundo spirituali loquutus sum cum Justificatoribus hominum per solam fidem, & dixi, quod Doctrina illorum sit erronea, & quoque absonta, quodque inducat securitatem, cæcitatem, somnum & noctem in rebus spiritualibus, & inde lethum animæ; exhortans ut ab illa desistant; sed responsum tuli, quid desistere, nonne excellentia eruditio Clericorum præ Laicis ab illa sola dependet; sed retuli, quod sic non pro aliquo fine spectent salutem animarum, sed excellentiam suæ famæ, & quod quia falsis suis principiis applicuerunt vera Verbi, & sic adulteraverunt illa, sint Angeli abyssi, vocati ABRADONES & APOLLYONES, Apoc. IX: 11, per quos significantur Perditores Ecclesiæ per totalem falsificationem Verbi; fed responderunt, quid hoc, sumus per scientiam mysteriorum illius fidei Oracula, & ex illa ut ex adyto reddimus responsa, quare non sumus Apollyones sed APOLLINES; ex his indignatus dixi, si estis Apollines, estis etiam LEVIATHANES, primi vestrum Leviathanes tortuosæ, & secundi vestrum Leviathanes oblongi, quos Deus gladio suo duro & magno visitabit, Efaj. XXVII: 1; sed ad hæc riserunt.

183. IX. QUOD EX TRINITATE PERSONARUM, QUARUM UNAQUÆVIS SINGULATIM EST DEUS, SECUNDUM SYMBOLUM ATHANASIANUM, PLURES ABSONÆ ET HETEROGENÆ IDEÆ DE DEO EXSTITERINT, QUÆ SUNT PHANTASIÆ ET ABORTUS. Ex Doctrina Trium Personarum Divinarum ab æterno, quæ in se est Caput omnium doctrinalium in Ecclesiis Christianis, exortæ sunt plures indecoræ ideæ de Deo, indignæ Christiano Orbi, qui tamen & debet esse & potest esse Luminare omnibus populis & gentibus in quatuor Telluris partibus de Deo & ejus Unitate; omnes qui extra Ecclesiam Christianam habitant, tam Mahomedani quam Judæi, & præter hos Gentiles, cujusvis cultus, aversantur Christianismum unice propter fidem trium Deorum ibi; propagatores ejus hoc sciunt; quare carent sibi fummpore Trinitatem Personarum, qualis est in Symbolis, Nicæno & Athanasiano, propalare, quoniam tunc aufugerent & subsannarent. Ideæ absonæ, ludicræ & frivolæ, quæ ex Doctrina trium Personarum Divinarum ab æterno, exortæ sunt, & apud unumquemvis, qui manet in fide verborum istius Doctrinæ, exoriuntur, & ex auribus & oculis in visum cogitationis, exfurgunt, sunt hæ. Quod Deus Pater supra caput in alto sedeat, ac Filius ad dextram Ejus, ac Spiritus sanctus antillis auscultans, & actutum percurrent terrarum Orbem, & secundum decifum dispenset dona justificationis, ac inscribat illa, ac faciat illos a filiis iræ filios:

gratiae, & a damnatis electos; provoco ad doctos e Clericis & ad eruditos e Lai-
cis, num alium visum, quam hunc idealem, in mentibus suis foveant, influit enim
ille sua sponte ex ipsa Doctrina, vide MEMORABILE supra n. 16. Influit etiam
curiositas conjecturandi, quid ante Mundum creatum inter se colloquuti sunt,
numne de Mundo creando, numne etiam de praedestinandis ac justificandis secundum
Supralapsarios, numne etiam de Redemptione: pariter quid colloquuntur inter se
post Mundum creatum, Pater ex auctoritate & potentia imputandi, & Filius ex
potestate mediandi, & quod imputatio, quæ est electio, sit ex misericordia Filii
intercedentis pro omnibus, & singulatim pro aliquibus, & quod pro illis gratia sit
Patri commoto ex amore in Filium, & ex miseria visa in illo super ligno crucis.
Sed quis non potest videre, quod talia sint deliria mentis de Deo, & tamen illa in
Ecclesiis Christianis sunt ipsa Sancta, quæ ore osculanda sunt, sed non lustranda
aliquo visu mentis, quia suprationalia sunt; quæ si ex memoria elevantur in in-
tellectum, insanit homo; sed usque hoc non tollit ideam trium Deorum, sed in-
ducit fidem stupidam, ex qua homo cogitat de Deo, sicut dormiens in somnio
ambulans in caligine noctis, aut sicut cœcius a nativitate in luce diei.

184. Quod Trinitas Deorum insideat Christianorum Mentibus, tametsi ex pu-
dore contradicunt, constat clare ex ingeniositate plurium demonstrandi, quod tria
sint unum ac unum tria, per varia in Geometricis, Stereometricis, Arithmetricis,
& Physicis, & quoque per plicaturas vestium & chartarum; ita cum Trinitate Di-
vina ludunt sicut harjoli inter se. Horum hariolatio de illa comparari potest visui
oculi febricitantium, qui unum objectum, sive sit homo, sive mensa, sive candela,
vident ut tria, aut tria ut unum. Comparari etiam potest cum ludibrio illorum,
qui ceram mollem versant inter digitos, & compingunt illam in varias formas,
nunc in triangularem ut ostendant Trinitatem, nunc in sphæricam ut ostendant
unitatem, dicentes estne usque substantia una & eadem. Cum tamen Trinitas Di-
vina, est sicut Unio maximi pretii, at illa divisa in Personas, est sicut unio divisa
in tres partes, ex quo illa porsus & plane perit.



185. His adjungentur hæc MEMORABILIA. PRIMUM hoc: In Mundo spirituali
sunt æque Climata & Zonæ sicut in Mundo naturali, non datur quicquam in hoc
quod non etiam in illo; sed differunt origine; in Mundo naturali sunt varietates:
Climatum secundum distantias Solis ab Äquatore, in Mundo spirituali sunt illæ
secundum distantias affectionum voluntatis & inde cogitationum intellectus a vero
amore & vera fide; horum correspondentiæ sunt omnia ibi. In Zonis frigidis im-
Mundo Spirituali apparent similia quæ in Zonis frigidis in Mundo naturali; appa-
rent ibi Terræ constrictæ gelu, similiter aquæ, & quoque nive super illis. Ve-
niunt illuc & habitant ibi, qui in Mundo obsopiverunt intellectum ex inertia co-
gitandide spiritualibus, & simul inde in inertia faciendi aliquos usus, fuerunt: vocantur
Spiritus boreales. Quondam me incessit cupidus videri aliquam Regionem in Zona
frigida, ubi boreales illi erant; & ideo in spiritu perductus sum in Septentrionem,
usque ad tractum, ubi omnis terra apparet nivis obiecta, & omnis aqua glacie
obstricta, erat dies Sabbathi, & vidi homines, hoc est, spiritus similis staturæ in
qua sunt homines Mundi; sed propter frigus induiti erant quoad Caput pelle leoni-
nis, cuius os applicatum erat ori illorum, quoad Corpus autem ab antica & po-
litica parte usque super lumbos testi erant pellibus pardorum, & quoad Pedes pelle
ex ursis; & quoque vidi plures vectos curribus, ac quosdam in curribus exsculp-
tis in forma draconis, cuius cornua protensa erant antrorum; trahebantur currus
illi a parvis equis, a quibus caudæ absissa erant, currebant sicut terribiles fe-
ra;

ræ, ac vector tenens lora palmis illos jugiter impellebat & urgebat in cursum: vidi denique quod turbæ confluenter ad Templum, quod quia nive obteatum non visum erat, at Templi custodes emoliebantur nivem, & per effosionem parabant introitum advenis cultoribus; qui descenderunt & intraverunt. Datum mihi etiam est videre Templum ab intra; erat illuminatum lampadibus & lucernis in copia; Altare ibi ex lapide sexto erat, post quod appensa erat Tabula, super qua scriptum erat, TRINITAS DIVINA, PATER, FILIUS ET SPIRITUS SANTUS, QUI ESSENTIA LITER UNUS DEUS SUNT, SED PERSONALITER TRES. Tandem Sacerdos ad Altare stans, postquam ter ad Tabulam Altaris flexerat genua, cum Libro in manu ascendit suggestum; & inchoavit sermonem a Divina Trinitate, & exclamavit, O quantum Mysterium, quod Deus in Altissimo generit Filium ab æterno, & per Illum eduxerit Spiritum Sanctum, qui Tres conjunxerunt se per Essentiam, at se junxerunt se per proprietates, quæ sunt Imputatio, Redemptio & Operatio; sed si hæc intuemur ratione, caligat visus, & ante illum fit macula, sicut ante oculum ejus qui intuitum figit in nudo Sole; quare, mi Auditores, quoad hoc captemus intellectum sub obedientia fidei. Post hæc, iterum exclamavit, dicens, O quantum Mysterium est Sancta Fides nostra, quæ hæc est, quod Deus Pater imputet justitiam Filii, & mittat Spiritum Sanctum, qui ex illa imputata operatur auctoramenta Justificationis, quæ in summa sunt remissio peccatorum, innovatio, regeneratio, & salvatio, de cuius influxu seu actu homo non scit plus quam statua salis in quam versa est uxor Lothi, & de cuius inhabitatione seu statu non plus scit quam piscis in mari; sed mi amici, latet thesaurus in illa, ita circumseptus & reconditus, ut non pateat mica ejus; quare quoad illam etiam captemus intellectum sub obedientia fidei. Post aliqua suspiria iterum exclamavit, dicens, O quantum mysterium est Electio, Electus fit cui Deus imputat fidem illam, quam ex libero placito & ex pura gratia infundit cuicunque vult & quando vult, & homo est sicut truncus cum infunditur, sed fit sicut arbor cum infusa est; verum fructus, qui sunt bona opera, quidem pendent ex arbore illa, quæ in sensu repræsentativo est fides nostra, sed non usque cohærent, quare arboris istius pretium non est ex fructu; sed quia hoc sonat sicut heterodoxon, & tamen est veritas mystica, mi Fratres, captemus intellectum sub obedientia fidei hujus. Et porro post aliquam intercapedinem, stans sicut adhuc aliquid ex memoria extraheret, continuavit dicens; ex acervo Mysteriorum depromam adhuc unum, quod est, quod homini in spiritualibus non sit granum Liberi arbitrii; dicunt enim Primates & Antifites Reguli nostri, in Theologicis suis Canonibus, quod homo in illis quæ fidei & salutis sunt, quæ in specie vocantur spiritualia, non possit quicquam velle, cogitare, intelligere, & ne quidem ad illa haurienda se accommodare & applicare, quare ego dico ex me, quod homo ex se de illis non aliter possit ex ratione cogitare, & ex cogitatione garrisce, quam sicut psittacus, pica aut corvus, ita quod homo in spiritualibus sit vere asinus, & in naturalibus solum homo; sed mi Confosci, in hoc, ne infestet rationem vestram; ut in cæteris, captemus intellectum sub obedientia fidei; est enim Theologia nostra abyssus absq[ue] fundo, in quam si immittis intellectus visum, immergeris & peribis naufragus; at usque audite, sumus nihilominus in ipsa luce Evangelii, quæ alte supra capita nostra fulget; sed proh dolor, capillitia nostra, & oslla calvariæ nostræ, inhibent & arcent, ne illa penetrat in conclave intellectus nostri. His dictis descendit, & postquam ad Altare votiva precatus est, & finitus est Cultus, accessi ad aliquos loquentes inter se, ubi etiam Sacerdos, cui circumstantes dixerunt, gratias tibi immortales agimus propter tam magnificum ac uberem sapientia sermonem; sed tunc dixi illis, num aliquid intellexistis, & responderunt, captavimus omnia plenis auribus, sed cur queritis num intellexerimus, stupetne intellectus in talibus; & Sacerdos illis dictis addidit hoc, quia audivistis & non intellexistis, beati estis, quoniam inde vobis salus.

Postea loquutus sum cum Sacerdote, & quæsivi, num illi esset laureatus, respondit, sum laureatus Magister, & tunc dixi, Magister, audivi te concionantem Mysteria, si illa scis & non aliquid quod continent, nihil scis; sunt enim illa modo sicut scrienia tribus seris occlusa, quæ nisi aperis & introspicis, quod fiet per intellectum, nescis num inibi sint pretiosa, vel num vilipensa, vel num noxia, possunt esse ova aspidis, & telæ araneæ, secundum descriptionem apud Esajam Cap. LIX: 5; his dictis Sacerdos torvo vultu me aspexit; & Cultores recesserunt, & ascenderunt fuos currus, inebrati paradoxis, infatuati inanitatibus, & circumfusi caligine in omnibus rebus fidei & mediis salutis.

186. SECUNDUM MEMORABILE. Quondam cogitatione versavi in quam Regione Mensis resident Theologica apud hominem, quæ quia spiritualia & cælestia credidi primum quod in suprema; Mens enim humana distincta est in tres Regiones, sicut domus in tres mansiones, similiter sicut habitationes Angelorum in tres Cælos: & tunc adstitit Angelus, & dixit, Theologica apud illos qui amant Verum quia est verum, emergunt usque in supremam Regionem, quia ibi est Cælum illorum, & in luce sunt in qua Angeli; Moralia autem theoretice lustrata & percepta se locant sub illis in secunda Regione, quia communicant eum spiritualibus, & Politica sub his in prima; Scientifica autem, quæ multiplicia sunt, ac in genera & in species referri possunt, faciunt januam ad superiora illa; Illi, apud quos spiritualia, moralia, politica, & scientifica, ita subordinata sunt, ex justitia & judicio cogitant quæ cogitant, & faciunt quæ faciunt; causa est, quia Lux veri, quæ etiam est Lux Cæli, e supra Regione illuminat consequentia, sicut Lux Solis transiens ætheseres, & progressive aerem illuminat visum hominum, bestiarum & pescium. Altero vero Theologica apud illos, qui non amant verum quia est verum, sed solum propter gloriam famæ suæ; apud hos resident Theologica in ultima Regione ubi Scientifica, cum quibus apud quosdam se commiscere, & apud quosdam se non possunt commiscere; sub his in eadem regione sunt Politica, & sub his moralia, quoniam apud hos binæ Regiones superiores non apertæ sunt a parte dextra, quare illis non est aliqua interior ratio judicii, nec affectio justitiae, sed modo ingeniositas, ex qua de omni re possunt loqui sicut ex intelligentia, & confirmare quicquid obvenit sicut ex ratione; sed objecta rationis, quæ principalius amant, sunt falsa, quia haec cum fallaciis sensuum coluerent. Inde est, quod dentur tot in Mundo, qui vera Doctrinæ ex Verbo non plus vident quam cœci nati, & cum audiunt illa, compriment nares, ne odor illorum infester & nauseam moveat; at vero ad falsa aperiunt omnes sensus, & hauriunt illa sicut balæna aquas.

187. TERTIUM MEMORABILE. Quondam cum meditabar de Dracone, Bestia & Pseudopropheta, de quibus in Apocalypsi, apparuit mihi Spiritus Angelicus, & quæsivit, quid meditaris, & dixi, quod de Pseudopropheta; tunc ille dixit, deducam te ad locum, ubi sunt, qui per Pseudoprophetam intelliguntur, & inquit, quod iidem sunt, qui in Capite XIII Apocalypses intelliguntur per Bestiam ex terra, quæ habebat duo cornua similia Agno, & loquuta est sicut Draco. Sequutus sum illum, & ecce vidi turbam, in cuius medio erant Antistites Ecclesie, qui docuerunt, quod nihil hominem salvet, quam Fides in meritum Christi, & quod Opera sint bona, sed non ad salutem, & quod usque docenda sint ex Verbo, ut Laici, imprimis simplices, strictius in vinculis obedientiae erga Magistratus teneantur, ac sicut ex Religione, ita interius, ad Charitatem moralem exercendam adiungantur. Et tunc unus ex illis me videns dixit, vis videre nostrum Fanum, in quo est imago representativa nostræ Fidei; accessi & vidi, & ecce erat magnificum, & in medio ejus imago Mulieris, induitæ veste coccinea, tenentis in dextra Numen aureum, & in sinistra Catenam ex Unionibus: sed erant & Imago & Fanum inducta per phantasiam; possunt enim Spiritus infernales per fantasias representare.

tare magnifica, oclūdendo interiora mentis, & aperiendo solum exteriora ejus. Sed cūm animadvertis, quod tales p̄æstigia erent, oravi ad Dominum, & subito aperta sunt interiora mentis meæ, & tunc vidi loco magnifici Fani Domum rimosam a teſto usque ad imum, in qua nihil cohaeret; & vidi loco Mulieris in Domo illa pendens Simulachrum, cuius Caput erat simile Draconi, Corpus simile Pardo, Pedes sicut Ursi, & Os sicut Leonis; ita prorsus sicut describitur Bestia e mari, Apoc. XIII: 2; & loco Soli etat Palus, in qua multitudo ranarum: & dictum est mihi, quod sub Palude esset Lapis magnus cæſus, sub quo jaceret Verbum penitus reconditum. His visis dixi ad p̄æstigiatorem, est hoc Fanum vestrum, & dixit, quod sit; at subito tunc aperiebatur etiam illi visus interior, ex quo vldit similia quæ ego; quibus visis clamavit clamore magno, quid hoc, & unde hoc; & dixi, quod sit ex luce ē Cælo, quæ detegit qualitatem cujusvis formæ, & sicut qualitatem vestræ Fidei separatae a Charitate spirituali: & illico flavit Ventus orientalis, & sustulit Fanum eum Imagine, & quoque exsiccabat Paludem, & sic nudabat Lapidem, sub quo jactuit Verbum: & post hæc spiravit Calor sicut verinalis e Cælo, & ecce tunc in eodem loco visum est Tabernaculum, quoad formam externam simplex; & dicebant Angeli qui apud me erant, ecce Tabernaculum Abrahami, quale id fuit, quando tres Angeli ad illum venerunt, & annuntiabant de Isaco nascituro, hoe appetet coram oculis simplex, sed usque fit secundum influxum lucis e Cælo plus & plus magnificum; & datum est illis aperire Cælum, in quo erant Angeli spirituales, qui in sapientia sunt, & tunc ex Luce inde influente apparebat Tabernaculum illud sicut Templum simile Hierosolymitanum; quod cum introspexi, vidi Lapidem fundi, sub quo Verbum erat reposatum, circum obsitum lapidibus pretiosis, e quibus sicut fulgur emicuit in parietes, super quibus erant formæ cheruborum, & pulchre variegavit illos coloribus. Cum hæc admiratus sum, dixerunt Angeli, videbis adhuc mirabilius, & datum est illis aperire Cælum Tertium, in quo erant Angeli cælestes, qui in amore sunt, & tunc ex Luce flammea inde influente, totum illud Templum evanuit, & loco ejus visus est Dominus Solus, stans super Lapide fundi, qui erat Verbum, in simili effigie, in qua visus est Johanni Cap. I. Apoc. At quia sanctitas tunc implevit interiora mentis Angelorum, ex qua illis fuit nisus procidendi super facies, subito obstruebatur a Domino via Lucis e Cælo tertio; & aperiebatur via Lucis e Cælo secundo, ex quo rediit aspectus prior Templi, & quoque Tabernaculi, sed hoc in medio Templi. Ex his illustratum est, quid intelligitur in Apoc. Cap. XXI: per hoc, Ecce Tabernaculum Dei cum hominibus, & habitabit cum illis, Vers. 3; & per hoc, Templum non vidi in Nova Hierosolyma, quia Dominus Deus Omnipotens Templum ejus, & Agnus, Vers. 22.

188. QUARTUM MEMORABILE: Quoniam a Domino datum est mihi videre Mirabilia, quæ in Cælis & sub Cælis sunt, ex mandato me oportet memorare quod visum est. Visum est Palastrum magnificum, & in ejus intimo Templum; in medio ejus erat Mensa ex auro, super qua erat Verbum, cui adstabant bini Angeli. Circum illam erant Solia in triplici ordine; Solia primi ordinis erant obtecta panno holoserico purpurei coloris; Solia secundi ordinis panno holoserico cærulei coloris; & Solia tertii ordinis panno albo. Sub teſto alte supra Mensam apparuit, Aulæcum expansum, fulgens ex lapidibus pretiosis, e quoram splendore effulgit sicut Iris cum serenatur Cælum post pluviam. Subito tunc visi sunt totidem ex Clero sedentes super soliis, omnes induti vestibus Ministerii sacerdotalis. Ad unum latus erat Cimeliarchium, ubi stetit Angelus custos, & inibi in pulchro ordine jacebant Vestiæ splendidae. Erat CONCILIUM CONVOCATUM a DOMINO, & audivi vocem in Cælo dicentem, DELIBERATE, sed dicebant, de qua re, dictum est de DOMINO SALVATORE, & de SPIRITU SANCTO; at cum de illis cogitabant, non erant in illustratione, quare supplicabant, & tunc Lux defluxit e Cælo, quæ primum illuminabat

bat Occipitia illorum, & postea Tempora, & demum Facies illorum; & tunc inchoabant, ac ut mandatum est, PRIMUM, DE DOMINO SALVATORE; ac Propositio & Ventilatio Prima fuit, QVIS ASSUMSIT HUMANUM IN MARIA VIRGINE; & Angelus stans ad Mensam, super qua erat Verbum, legit coram illis haec apud Lucam „Angelus dixit ad Mariam, ecce concipies in utero, & paries Filium, & vocabis Nomen ejus JESUM, Hic erit Magnus, & Filius ALTISSIMI vocabitur. Et Maria dixit ad Angelum, quomodo hoc fieri, quoniam virum non cognosco, & respondens Angelus dixit, SPIRITUS SANCTUS VENIET SUPER TE, ET VIRTUS ALTISSIMI OBUMBRABIT TE, unde quod nascitur ex te SANCTUM, vocabitur FILIUS DEI, Cap. I: Vers. 31, 32, 34, 35. Tum etiam legit haec apud Matthaeum „Angelus dixit Josepho in somnio, Joseph, fili Davidis, ne timeas accipere Mariam sponsam tuam, NAM QUOD INILLA NATUM EST, EX SPIRITU SANCTO EST. Et JOSEPH NON COGNOVIT ILLAM, usque dum peperit Filium suum Primogenitum; & vocavit nomen Ejus JESUM, Cap. I: 20, 25; & praeter haec legit plura ex Evangelistis, ut Matth. III: 17. Cap. XVII: 5. Joh. I: 18. Cap. III: 16, Cap. XX: 31, & multoties alibi, ubi Dominus quoad Humanum suum vocatur FILIUS DEI, & ubi Ipse ex Humano suo Jehovam vocat PATREM SUUM; ut & ex Prophetis, ubi prædictetur, quod Ipse Jehovah in Mundum venturus esset; inter quæ etiam haec duo, apud Esajam „Dicetur in die illo, ECCE DEUS NOSTER HIC, quem exspectavimus ut liberet nos, Hic JEHOVAH, quem exspectavimus, exultemus & latemur in Salute Ipsius, Cap. XXV: 9. Vox clamantis in deserto, parate viam JEHOVAE, complanate in solitudine semitam Deo nostro, revelabitur enim GLORIA JEHOVAE; & videbunt omnis caro simul: ECCE DOMINUS JEHOVIH IN FORTI VENIT, sicut PASTOR gregem suum pascet, Esaj. XL: 3, 5, 10, 11. Et Angelus dixit, quoniam Ipse Jehovah in Mundum venit, & assumit Humanum, ideo Ipse apud Prophetas vocatur SALVATOR & REDEMPTOR; & tunc coram illis legit haec sequentia „Tantummodo inter te DEUS, & præterea non Deus, profecto Tu DEUS occulus, DEUS ISRAELIS SALVATOR, Esaj. XLV: 14, 15. Nonne Ego JEHOVAH, & non amplius Deus præter Me, DEUS JUSTUS ET SALVATOR PRÆTER ME, Esaj. XLV: 21, 22. Ego JEHOVAH, ET NON PRÆTER ME SALVATOR, Esaj. XLIII: 11. Ego Jehovah Deus tuus, & Deum præter Me non agnoscet, ET SALVATOR NON PRÆTER ME, Hosch. XIII: 4. Ut sciat omnis caro, quod Ego JEHOVAH SALVATOR TUUS ET REDEMPTOR TUUS, Esaj. XLIX: 26. Cap. LX: 16. QUOD REDEMPTOREM NOSTRUM, JEHOVAH ZEBAOTH NOMEN IPSIUS, Esaj. XLVII: 4. REDEMPTOR EORUM, FORTIS JEHOVAH ZEBAOTH NOMEN IPSIUS, Jerem. L: 24. JEHOVAH Petram & REDEMPTOR MEUS, Psalm XIX: 15. Sic dixit JEHOVAH REDEMPTOR TUUS, Sanctus Israëlis, Ego Jehovah Deus tuus, Esaj. XLVIII: 17. Cap. XLIII: 24. Cap. XLIX: 7. Cap. LIV: 8. Tu JEHOVAH Pater noster, REDEMPTOR NOSTER a seculo nomen tuum, Esaj. LXIII: 16. Sic dixit JEHOVAH, REDEMPTOR TUUS, Ego Jehovah faciens omnia, & Solus a Me ipso, Esaj. XLIV: 24. Sic dixit Jehovah Rex Israëlis, & REDEMPTOR ejus JEHOVAH ZEBAOTH, Ego Primus & Ultimus, & præter Me non Deus, Esaj. XLIV: 6. JEHOVAH ZEBAOTH nomen Ipsius, & REDEMPTOR TUUS Sanctus Israëlis, DEUS TOTIUS TERRÆ VOCABITUR, Esaj. LIV: 5. Ecce dies venient, cum suscitabo Davidi Germen justum, qui regnabit Rex, & hoc Nomen Ipsius, JEHOVAH JUSTITIA NOSTRA, Jerem. XXIII: 5, 6. Cap. XXXIII: 15, 16, In die illo erit Jehovah in Regem super totam Terram. IN DIE ILLO ERIT JEHOVAH UNUS, ET NOMEN IPSIUS UNUM, Sach. XIV: 9. Ex his & illis Sedentes super soliis confirmati unanimiter dixerunt, quod Ipse Jehovah assumferit Humanum, ad redimendum & salvandum homines. Sed tunc audita est vox ex Romano-Catholicis, qui occultaverant se post Altare, dicens, quomodo potest Jehovah Deus Homo fieri, estne Creator Universi; & convertit se unus ex Sedentibus super soliis secundi ordinis, & dixit, Quis tunc, & ille post Altare tunc stans juxta Altare respondit, FILIUS AB ÆTERNO; sed responsum tulit, estne Filius ab Æterno secundum

dum vestram Confessionem etiam Creator universi; & quid Filius ac Deus natus ab æterno; & quomodo potest Divina Essentia, quæ est una & individua, separari, ac unum ejus descendere, & non simul totum. ALTERA VENTILATIO DE DOMINO ERAT, Annon sic Pater & Ipse unum sunt, sicut Anima & Corpus unum sunt, dixerunt, quod hoc consequens sit, quia a Patre est Anima. Tunc unus ex illis qui sedebant super solis in tertio ordine, legebat ex Symbolica Fide, quæ Athanasiana vocatur, hæc; *Tametsi noster Dominus Jesus Christus Filius Dei est Deus & Homo, usque non sunt duo, sed unus Christus, immo est prorsus Unus, est UNA PERSONA, QUONIAM SICUT ANIMA ET CORPUS FACIUNT UNUM HOMINEM, ITA DEUS ET HOMO EST UNUS CHRISTUS;* dixit Legens, quod Symbolum illud, ubi illa verba sunt, receptum sit in Universo Christiano orbe, etiam a Romano Catholicis; & dixerunt, quid pluribus opus est, sunt Deus Pater & Ipse unum, siue Anima & Corpus unum sunt: & dixerunt, quia ita est, videmus, quod Humanum Domini sit Divinum, quia est Humanum Jehovæ; tum quod Dominus quoad Divinum Humanum adeundis sit, & quod sic & non aliter adiri possit Divinum quod Pater vocatur. Hoc illorum conclusum confirmavit Angelus per plura ex Verbo, inter quæ fuerunt hæc, *Puer natus est nobis, Filius datus est nobis, Cuius Nomen Mirabilis, Consiliarius, Deus, Heros, PATER AETERNITATIS, Princeps pacis,* IX: 5. apud Eundem, *Abraham non cognoscit nos, & Israel non agnoscit nos, Tu JEHOVAH PATER NOSTER, REDEMPTOR NOSTER A SÆCULO NOMEN TUUM,* LXIII: 16. Et apud Johannem, *Iesus dixit qui credit in Me, credit in Ipsum qui misit Me, & qui videt Me, videt ipsum qui misit Me,* Joh. XII: 44. 45. *Dixit Philippus ad Iesum, monstra nobis Patrem,* dicit illi Iesus, *qui videt Me, videt PATREM, quomodo ergo tu dicis, monstra nobis Patrem, nonne credis, quod Ego in PATRE ET PATER in Me, credite Mihi,* QUOD EGO IN PATRE ET PATER IN ME, Joh. XIV: 8. 9. *Iesus dixit, Ego et PATER UNUM SUMUS,* Joh. X: 30. Tum, omnia quæ Pater habet Mea suæ, & omnia Mea Patris, Joh. XVI: 15. Cap. XVII: 10. Demum, *Iesus dixit, Ego sum Via, Veritas & Vita, nemo venit ad Patrem, nisi per Me,* Joh. XIV: 6, his Legens addidit, quod similia quæ a Domino de Se & Suo Patre hic dicta sunt, etiam ab homine de se & sua anima dici possint. His auditis dixerunt omnes uno ore & corde, quod Humanum Domini sit Divinum, & quod hoc adeundum sit ut adeatur Pater; quoniam Jehovah Deus, per illud se misit in Mundum, & se fecit visibilem oculis hominum, & sic accessibilem: pariter fecit se visibilem, & sic accessibilem in Forma Humana Antiquis, sed tunc per Angelum; sed quia Hæc Forma fuit repræsentativa Domini Venturi, ideo omnia Ecclesiæ apud Antiquos fuerunt repræsentativa.

Post hac sequebatur Deliberatio de SPIRITU SANCTO, & primum detecta est plurium Idea de DEO PATER, FILIO, & SPIRITU SANCTO, quæ erat, quod Deus Pater sederet in alto, & Filius ad dextram Ipsius, & a Se emitterent Spiritum Sanctum, ad illustrandum, docendum, justificandum & sanctificandum homines. At tunc audita est vox e Cælo, dicens, non sustinēmus illam cogitationis ideam, quis non scit, quod Jehovah Deus sit Omnipræsens; qui hoc scit & agnoscit, etiam agnosceret, quod Ipse illustreret, doceat, justificet & sanctificet, & quod non sit Deus medians, distinctus ab Ipso, minus a duobus, ut persona a persona, quare removeatur prior idea, quæ est vana, & recipiatur hæc, quæ est justa, & videbitis hoc clare. Sed tunc audita est vox a Romano-Catholicis, qui juxta Altare-Templi stabant, dicens, quid tune est SPIRITUS SANCTUS, qui in Verbo nominatur apud Evangelistas, & apud Paulum, a Quo tot docti e Clero, imprimis a nostro, se dicunt duci; quis hodie in Christiano Orbe Spiritum Sanctum, & ejus operaciones, negat; ad hæc convertit se unus ex illis, qui super solis secundi ordinis sedebant; & dixit, vos dicitis, quod Spiritus Sanctus sit Persona per se, & Deus per se, sed quid est Persona exiens & procedens a Persona, nisi Operatio exiens & pro-

procedens, non potest una persona ex altera exire & procedere, sed operatio potest; aut quid est Deus exiens & procedens a Deo, nisi Divinum exiens & procedens, non potest Deus unus ab altero per alterum exire & procedere, sed Divinum potest ex Deo Uno. His auditis Sedentes super solis unanimiter conluse-
runt, quod Spiritus Sanctus non sit Persona per se, ita nec Deus per se, sed quod sit Sanctum Divinum exiens & procedens ex Unico Deo Omnipræsente, qui est Dominus. Ad hæc dixerunt Angeli stantes ad Mensam auream, super qua erat Verbum, BENE, non legitur ullibi in Vetere Fædere, quod Prophetæ loquuti sint Verbum ex Spiritu Sancto, sed ex Jehovah; & ubi in Novo Fædere dicitur Spiritus Sanctus, intelligitur Divinum procedens, quod est Divinum illustrans, docens, vivificans, reformans & regenerans. Post hæc successit altera Ventilatio de Spi-
ritu Sancto, quæ erat, a Quo procedit Divinum, quod intelligitur per Spiritum Sanctum, num ex Patre vel num ex Domino; & cum hoc ventilabant, affulsi lux e Cælo, ex qua viderunt, quod Sanctum Divinum, quod intelligitur per Spiritum Sanctum, non procedat ex Patre per Dominum, sed ex Domino a Patre, compa-
rative sicut apud hominem, ejus activum non procedit ab anima per corpus, sed ex corpore ab anima. Hoc Angelus stans ad Mensam confirmavit per hæc e Ver-
bo, Ille, quem misit Pater, verba Dei loquitur, non ex mensura dedit Illi Spiritum; Pater amat Filium, & omnia dedit in manum Ipsius, Joh. III: 34. 35. Exibit Virga de trunco Iisachari, quiescat super Ipso Spiritus Jehovah, Spiritus sapientiae & intelligentiae, spiritus consilii & virtutis, Esaj. XI: 1. Quod Spiritus Jehovah datus sit su-
per Illum, & quod esset in illo, Esaj. XLII: 1. Cap. LIX: 19. 20. Cap. LXI: 1. Luc. IV: 18. Quando venerit Spiritus Sanctus, QUEM EGO MISSURUS SUM VOBIS A PATRE, Joh. XV: 26, Ille Me glorificabit, quia ex MEO ACCIPIET, & annuntiabit vobis; OMNIA, QUÆCUNQUE PATER HABET, MEA SUNT, PROPTER HOC DIXI, QUOD EX MEO ACCEPTURUS SIT, ET ANNUNTIATURUS VOBIS, Joh. XVI: 14. 15. Si abivero, MITTAM PARACLETUM AD VOS, Joh. XVI: 7. Quod Paracletus sit SPIRITUS SANCTUS, Joh. XIV: 26. NONDUM ERAT SPIRITUS SANCTUS, quia JESUS NONDUM GLO-
RIFICATUS ERAT, Joh. VII: 39. Post Glorificationem autem, JESUS INSPIRAVIT. ET DIXIT DISCIPULIS, ACCIPITE SPIRITUM SANCTUM, Joh. XX: 22. Et in Apocalypsi „Quis non glorificet Nomen tuum, Domine, quia SOLUS SANCTUS ES, Cap. XV: 4. Quoniam Divina Operatio Domini ex Divina Omnipræsentia. Ipsius per Spiritum Sanctum intelligitur, ideo cum ad Discipulos loquutus est de Spiritu Sancto, Quem Ipse a Patre missurus est, etiam dixit, Non relinquam vos orphanos, ABEO ET VENIO AD VOS; & in die illo cognoscetis, quod EGO IN PATRE MEO, ET VOS IN ME, ET EGO IN VOBIS, Joh. XIV: 18. 20. 28. Et mox antequam abivit e Mundo, dixit, Ecce Ego vobiscum sum omnibus diebus usque ad Consummationem sæculi, Matth. XXVIII: 20. His coram illis lectis, dixit Angelus, ex illis & pluribus aliis ex Verbo patet, quod Divinum, quod vocatur Spiritus Sanctus, procedat ex Domino a Patre. Ad hæc Sedentes super solis, dicebant, HOC EST DIVINA VERITAS.

Demum factum est decretum, hoc, Quod ex deliberatis in hoc Concilio clare viderimus, & inde pro Sancta Veritate agnoscamus, quod in Domino Deo Salva-
tore Jesu Christo, sit Divina Trinitas, quæ est, Divinum a Quo Quod, vocatur
Pater, Divinum Humanum quod vocatur Filius, & Divinum procedens quod vo-
catur Spiritus Sanctus; conclamantes, QUOD IN CHRISTO OMNIS PLENITUDIS DIVI-
NITATIS HABET CORPORALITER, Coloss. II: 9. Ita est unus Deus in Ecclesia.

Postquam hæc in magnifico illo Concilio conclusa sunt, surrexerunt; & venit Angelus custos ex Cimeliarchio, & apportabat cuivis ex illis, qui super Solis con-
federunt, Vesteſ splendidas, hic & ibi intertextas filis aureis, & dixit, accipite VESTES NUPTIALES. Et deducti sunt in gloria in Novum Cælum Christianum, cum quo Ecclesia Domini in Terris, quæ est Nova Hierosolyma, conjuncta erit.

CAPUT QUARTUM

DE

SCRIPTURA SACRA

SEU

VERBO DOMINI.

I.

Quod Scriptura Sacra seu Verbum sit ipsum Divinum Verum.

189. In omnium ore est, quod Verbum sit a Deo, Divinitus inspiratum, & inde Sanctum; sed usque-hactenus nescitum est, ubinam in illo Divinum est; nam Verbum in litera apparet sicut Scriptum vulgare, stylo peregrino, non sublimi nec lucente, sicut ad apparentiam sunt Scripta fæculi. Ex eo est, quod homo, qui Naturam pro Deo, aut qui illam præ Deo colit, & inde ex se & suo proprio, & non e Cælo a Domino, cogitat, facile in errorem de Verbo, & in contemptum ejus possit cadere, & secum dicere, cum id legit, quid hoc, quid illud, an hoc est Divinum, an Deus, Cui infinita Sapientia est, ita loqui potest; ubi & unde Sanctum ejus, nisi ex Religioso, & inde persuasione.

190. Sed qui ita cogitat, ille non considerat, quod Jehovah Dominus, qui est Deus Cæli & Terræ, loquitus sit Verbum per Mosen & Prophetas, & quod inde non possit esse quam Divinum Verum, nam quod Ipse Jehovah Dominus loquitur, hoc illud est: nec considerat, quod Dominus Salvator, qui est idem cum Jehovah, loquitus sit Verbum apud Evangelistas, multa ex suo ore, & reliqua ex Spiritu oris sui, qui est Spiritus Sanctus, per duodecim suos Apostolos: inde est, ut Ipse dicit, quod in Verbis suis sit Spiritus & Vita, & quod Ipse sit Lux quæ illustrat, & quod sit Veritas; quod patet a sequentibus his locis, *Jesus dixit, verba quæ Ego loquor vobis, Spiritus sunt, & Vita sunt, Joh. VI: 63.* *Jesus dixit mulieri ad fontem Jacobi; si scires donum Dei, & quis est qui dicit tibi, da mihi bibere, tu peteres ab Illo; & daret tibi Aquam viventem: qui bibit ex Aqua, quam Ego dabo, non sicut in æternum, sed Aqua, quam Ego dabo, fiet in illo fons Aquæ salientis in vitam æternam,* Joh. IV: 6. 10. 11. per Fontem Jacobi significatur Verbum, ut quoque Deuter. XXXIII: 28, quare etiam Dominus, quia est Verbum, ibi sedet, & loquitus est cum muliere; & per Aquam viventem significatur verum Verbi. *Jesus dixit, si quis sit veritatem, venito ad Me, & bibito; quisquis credit in Me, sicut dicit Scriptura,*

T

flu-

146 UNIVERSA THEOLOGIA

*M*erum ex ventre illius fluent aquæ viventis, Joh. VII: 37. 38. Petrus dixit ad Iesum, verba Vita æternæ habes, Joh. VI: 63. Iesus dixit, Cælum & Terra transibunt, verba mea non transibunt, Marc. XIII: 31. Quod verba Domini sint Veritas & Vita, est quia Ipse est Veritas & Vita, ut docet apud Johannem, Ego sum Via, Veritas, & Vita, Cap. XIV: 6. Et apud Eundem, In principio erat Verbum, & Verbum erat apud Deum, & Deus erat Verbum; in Illo Vita erat, & Vita erat Lux boninum, Joh. I: 1. 2. 3. Per Verbum intelligitur Dominus quoad Divinum Verum, in quo Solo Vita est, & Lux est. Inde est, quod Verbum, quod est a Domino, & quod est Dominus, dicatur FONS AQUARUM VIVARUM, Jerem. II: 13. Cap. XVII: 13. Cap. XXXI: 9. FONS SALUTIS, Esaj. XI: 1. 3. FONS, Sach. XIII: 1. ac FLUVIUS AQUE VITÆ, Apoc. XXII: 1; ac dicitur, Quod Agnus, qui in medio Throni, pascet illos ad vivos Fontes aquarum, Apoc. VII: 17. Præter aliis in locis, ubi Verbum etiam vocatur SANCTUARIUM & TABERNACULUM, in quo Dominus habitat cum homine.

191. Sed homo naturalis ex his usque non persuaderi potest, quod Verbum sit ipsum Divinum Verum, in quo Divina Sapientia est & Divina Vita, spectat enim illud a Stylo, in quo non videt illa. Sed stylus Verbi est ipse Stylus Divinus, cum quo omnis alius Stylus, utcunque sublimis & excellens appareat, non comparari potest. Stylus Verbi talis est, ut Sanctum sit in omni sensu, inque omni voce, imo alicubi in ipsis literis; inde Verbum conjungit hominem Domino, & aperit Cælum. Sunt duo, quæ procedunt a Domino, Divinus Amor & Divina Sapientia, seu quod idem, Divinum Bonum & Divinum Verum, Verbum in sua Essentia est utrumque hoc; & quia illud conjungit hominem Domino, & aperit Cælum, ut dictum est, ideo Verbum implet hominem Bonis Amoris & Veris sapientiae, Voluntatem ejus bonis amoris, ac Intellectum ejus veris sapientiae, inde homini est vita per Verbum. At probe sciendum est, quod illis solis sit vita ex Verbo, qui illud legunt propter finem, ut Divina Vera ex illo ut ex suo Fonte hauriant, & simul propter finem, ut Divina Vera inde hausta applicent vitæ: & quod contrarium fiat illis, qui Verbum legunt duntaxat propter finem, ut aucupent honores, & lucentur Mundum.

192. Omnis homo, qui nescit, quod Sensus quidam Spiritualis insit Verbo, sicut Anima corpori, non potest aliunde judicare de Verbo, quam ex Sensu literæ ejus, cum tamen hic est sicut Theca continens pretiosa, quæ sunt Sensus spiritualis ejus; cum itaque Internus hic Sensus nescitur, non potest de Divina Sanctitate Verbi alter judicari, quam sicut de lapide pretioso ex matrice quæ involvit & quandoque appetat sicut lapis vulgaris, aut sicut ex Arca confecta ex jaspide, lapide lazuli, amiantho seu lapide speculari, aut Achate, in qua in suo ordine jacent adamantes, rubini, sardonyces, topazii orientales, &c: hoc dum nescitur, non mirum est si arca illa non plus aestimatur quam secundum pretium materiæ ejus, quæ ad oculum appetat: simile est cum Vero quoad Sensum literæ ejus. Ne itaque homo in dubio esset, quin Verbum sit Divinum & Sanctissimum, revelatus mihi est a Domino Sensus internus ejus, qui in sua essentia est Spiritualis, qui Sensui externo, qui est naturalis, inest, sicut anima corpori; ille sensus est spiritus, qui vivificat literam; quare ille sensus potest de Verbi Divinitate & Sanctitate testari, & convincere etiam naturalem hominem, si vult convinci.

*Quod in Verbo Sensus Spiritualis sit,
hactenus ignotus.*

193. Quis non agnoscit & annuit quando dicitur, quod Verbum, quia est Divinum, in sinu suo spirituale sit; sed quis hue usque scivit, quid Spirituale, & ubinam illud in Verbo reconditum est; sed quid Spirituale, in MEMORABILI post hoc Caput manifestabitur, & ubinam illud in Verbo latet, in nunc sequentibus. Quod Verbum in sinu spirituale sit, est quia descendit a Jehovah Domino, ac pertransiit Cælos Angelicos, & ipsum Divinum, quod in se est ineffabile & imperceptibile, in descentu factum est adæquatum perceptioni Angelorum, & demum perceptioni hominum, inde est Sensus spiritualis qui est intus in Naturali, quemadmodum anima in homine, cogitatio intellectus in loquela, & affectio voluntatis in actione; & si comparare licet cum talibus, quæ ante oculos in Mundo naturali apparent, est Sensus spiritualis in Sensu naturali, sicut Universum Cerebrum intra Meninges aut Matres suas; aut sicut palmitæ arboris intra libros & phlyras suas, imo sicut omnia generationis pulli intra testam ovi, & sic porro. Sed quod talis sit Sensus spiritualis Verbi in Sensu naturali ejus, a nemine huc usque divinatum est, quare necessum est, ut hoc Arcanum, quod in se eminens est præ omnibus Arcanis hactenus detectis, pateat coram intellectu, quod fiet, dum in hoc ordine illud exponitur, I. Quid Sensus spiritualis. II. Quod ille Sensus in omnibus & singulis Verbi sit. III. Quod ex illo sit, quod Verbum Divinitus inspiratum sit, ac in omni voce sanctum. IV. Quod ille Sensus hactenus ignotus fuerit. V. Quod non alicui post hoc detur, nisi qui in genuinis veris a Domino est. VI. Mirabilia de Verbo ex Sensu spirituali ejus. Hæc nunc singulatim evolventur.

194. I. QUID SENSUS SPIRITUALIS. Sensus spiritualis non est ille, qui e sensu literæ Verbi eluet, quando quis scrutatur & explicat Verbum ad confirmandum Ecclesiæ quoddam dogma, hic sensus potest vocari sensus Verbi literalis & Ecclesiasticus; sed Sensus spiritualis non appareat in sensu literæ, est intus in illo, sicut anima in corpore, sicut cogitatio intellectus in oculis, ac sicut affectio amoris in facie. Ille sensus principaliter facit, ut Verbum sit spirituale, non modo pro hominibus, sed etiam pro angelis; quare Verbum per illum Sensem communicat cum Cællis. Quoniam Verbum interius est Spirituale, ideo per meras Correspondentias conscriptum est, & quod scriptum est per Correspondentias, hoc in sensu ultimo scriptum est tali stylo, quali apud Prophetas, Evangelistas, & in Apocalypsi, qui tametsi apparer vulgaris, usque ille Sapientiam Divinam, & omnem Angelicam in se recondit. Quid Correspondentia, videri potest in Opere de CÆLO & INFERO Londini 1753 edito, ubi actum est de Correspondentia omnium Cæli cum omnibus hominibus, n: 87 ad 102. Et de Correspondentia omnium Cæli cum omnibus Telluris, n: 103 ad 115; & amplius videbitur ab Exemplis e Verbo infra adducendis.

195. A Domino procedit DIVINUM CÆLESTE, DIVINUM SPIRITUALE, & DIVINUM NATURALE, unum post alterum. DIVINUM CÆLESTE vocatur quicquid procedit a Divino Amore Ipsius, & omne id est Bonum: DIVINUM SPIRITUALE vocatur quicquid procedit a Divina Sapientia Ipsius, & omne id est Verum. DIVINUM NATURALE est ex utroque, est illorum complexus in ultimo. Angeli Regni Cælestis, ex quibus est Tertium seu Supremum Cælum, sunt in Divino quod procedit a Domino, quod Cælestis vocatur, nam sunt in Bono amoris a Domino. Angeli Regni spiritualis Domini, ex quibus est Secundum seu Medium Cælum, sunt in Divino quod procedit a Domino, quod Spirituale vocatur, nam sunt in Divina

sapientia à Domino: Angeli Regni Naturalis Domini, ex quibus est Primum seu infimum Cælum, sunt in Divino quod procedit a Domino, quod Divinum Naturale vocatur, & sunt in fide charitatis a Domino. Homines autem Ecclesiæ, sunt secundum amorem sapientiam, ac fidem eorum, in uno ex illis Regnis, & in quo sunt, in illud etiam post mortem veniunt. Quale est Cælum, tale etiam est Verbum Domini, in ultimo suo sensu est Naturale, in interiori est Spirituale, ac in intimo Cælesti, & in singulis Divinum; quare accommodatum est Angelis Trium Cælorum, & quoque Hominibus.

196. II. QUOD SENSUS SPIRITALIS IN OMNIBUS ET SINGULIS VERBI SIT, non melius videri potest, quam ab Exemplis; quæ sunt hæc sequentia. Dicit Johannes in Apocalypsi, *Vidi Cælum apertum, cum ecce Equus Albus, & qui Sedens super eo vocabatur Fidelis & Verus, qui in Justitia judicat & pugnat: & Oculi ejus flamma ignis; ac super Capite Ejus diademata multa habens Nomen scriptum, quod nemo scit nisi Ipse: & induitus erat vestimento tincto sanguine; & vocatur Nomen Ipsi⁹ VERBUM DEI. Exercitus Ejus in Cælo sequebantur Ipsum super Equis albis, induiti byssinum album & mundum. Habet super vestimento & super femore suo Nomen scriptum REX REGUM ET DOMINUS DOMINORUM.* Vidi porro unum Angelum stantem in Sole, qui clamavit vox magna. venite & congregamini ad Cænam magnam, ut comedatis carnes regum, & carnes chiliarchorum, & carnes fortium, & carnes equorum & sedentium super illis, & carnes omnium liberorum & servorum, & parvorum & magnorum. Cap. XIX: 11 ad 18. Quid hæc significant nemo videre potest nisi ex Sensu spirituali Verbi, & nemo Sensum spirituale nisi ex scientia Correspondentiarum; nam omnes voces sunt correspondientiae, & nulla vox est vana. Scientia Correspondentiarum dœcit, quid significat Equus albus, quid Sedens super illo, quid Oculi qui sicut flamma ignis, quid Diademata quæ super capite, quid Vestimentum tinctum sanguine, quid Byssinum album, quo induiti qui ab exercitu Ipsi⁹ in Cælo, quid Angelus stans in Sole, quid Cæna magna ad quam venirent & congregarentur, tum quid Carnes regum & chiliarchorum, & plurium aliorum, quas comederent. Quid autem singula illa in Sensu spirituali significant, in Apocalypsi REVELATA a n: 820 ad 1838, & quoque in Opusculo de Equo ALBO, explicatum videatur, quare illa ulterius explicare supersedetur. Ibi ostensum est, quod Dominus quoad Verbum ibi describatur, & quod per Oculos Ipsi⁹ qui sicut flamma ignis, intelligatur Divina Sapientia Divini Amoris Ipsi⁹; & per Diademata quæ super Capite, & quod per Nomen, quod nemo seit nisi Ipse, intelligatur Divina Vera Verbi ab Ipsi⁹, & quod quale est Verbum in sensu spirituali nemo videat quam Dominus, & cui Ipse revelat; tum, quod per Vestimentum tinctum sanguine, intelligatur sensus naturalis Verbi, qui est sensus literæ ejus, cui violentia illata est; quod sit Verbum, quod ita describitur, manifeste patet, nam dicitur, VOCATUR NOMEN EJUS VERBUM DEI; quod sit Dominus, qui intelligitur, etiam manifeste patet, nam dicitur quod Nomen Sedentis super Equo ALBO esset, REX REGUM ET DOMINUS DOMINORUM, similiter ut in Apocalypsi XVII: 14, ubi dicitur, *Et Agnus vincet illos, quia EST DOMINUS DOMINORUM ET REX REGUM.* Quod Sensus spiritualis Verbi aperiendus sit in fine Ecclesiæ, significatur non modo per illa quæ de Equo ALBO & de Sedente super illo dicta sunt, sed etiam per Cænam magnam, ad quam per Angelum in Sole stantem, omnes invitati sunt ut venirent, & ederent carnes regum, & chiliarchorum, &c, per quæ significatur appropriatio omnium bonorum a Domino. Omnes ibi expressiones forent voces vanæ, & absque vita & spiritu, nisi Sensus spiritualis intus in illis esset, sicut anima in corpore.

197. In Apocalypsi Cap. XXI, describitur ita Nova Hierosolyma, *Quod in illa esset Luminare simile Lapii pretiosissimo, sicut Lapii jaspidi, instar Chrystallis splendentis. Quod haberet Murum magnum & altum, habentem Portas duodecim, &* su-

uper portis Angelos duodecim, & Nominia scripta duodecim Tribuum fillorum Israelis. Quod Murus effet 144 cubitorum, quæ est mensura hominis, hoc est, Angeli; & quod structura Muri effet Jaspis, & fundamenta ejus ex omni Lapis pretioso, ex jaspite, sapphirono, chalcedonio, smaragdo, sardonyche, sardio, chrysolitho, berylo, topazio, chrysopraso, hyacintho, & amethysto. Quod Portæ effent duodecim Margaritæ. Quod ipsa Urbs effet aurum purum, simile viro puro; & quod effet quadrangularis; Longitudo, Latitudo & Altitudo æqualia, 1200 stadiorum, præter plura. Quod omnia hæc spiritualiter intelligenda sint, constare potest ex eo, quod per Novam Hierosolymam intelligatur Nova Ecclesia, quæ a Domino instauranda est, ut in APOCALYPSI REVELATA, n: 880, ostensum est; & quia per Hierosolymam ibi significatur Ecclesia, sequitur, quod omnia quæ dicuntur de illa ut Urbe, de Portis ejus, de Muro ejus, de Fundamentis muri, tum quæ de mensuris eorum, sensum spirituali continent, quoniam illa quæ Ecclesiæ sunt, spiritualia sunt; quid autem significant, in APOCALYPSI REVELATA, a n: 896 ad 925, demonstratum est, quare ulterius illa demonstrare, superfluum foret. Satis est, ut inde sciatur, quod Sensus spiritualis insit singulis descriptionis ejus, ut Anima corpori, & quod absque illo sensu nihil Ecclesiæ intelligeretur in illis quæ ibi scripta sunt, ut quod Urbs illa effet ex puro auro, portæ ejus ex margaritis, murus ex jaspite, fundamenta muri ex lapidibus pretiosis, quod murus effet 144 cubitorum, quæ mensura hominis, hoc est, Angeli, & quod Urbs effet longitudine, latitudine, & altitudine 12000 stadiorum, præter plura; qui autem ex Scientia Correspondientiarum Sensem spirituali novit, is intelligit illa, ut quod Murus & Fundamenta ejus significant doctrinalia illius Ecclesiæ ex Sensu literæ Verbi; & quod Numeri 12. 144. 12000, omnia ejus significant, seu vera & bona ejus in uno complexu.

198. Ubi Dominus de Consummatione sæculi, quæ est ultimum tempus Ecclesiæ, coram Discipulis suis loquitur, ad finem prædictionum de successivis status mutationibus ejus, dicit, *Statim post afflictionem dierum illorum Sol obscurabitur, Luna non dabit lumen suum, & Stellæ cadent de Cælo, & Potentia cælorum commovebunitur. Et tunc apparebit Signum Filii hominis in Cælo, & tunc plangent omnes Tribus terræ, & videbunt Filium hominis venientem in nubibus Cæli cum potentia & gloria multa; & emittet Angelos cum tubæ voce magna, & congregabunt electos Ipsius a quatuor ventis ab extremo Cælorum usque ad extremum illorum*, Matth. XXIV: 29. 30. 31. Per hæc in sensu spirituali non intelligitur, quod Sol & Luna obscurarentur, quod Stellæ caderent de Cælo, quodque apparitum sit signum Domini in Cælis, & quod visuri Ipsum in nubibus, & simul Angelos cum tubis; sed per singula verba ibi intelliguntur spiritualia, quæ Ecclesiæ sunt, de cuius statu in fine, illa dicta sunt; in Sensu enim spirituali per Solem qui obscurabitur, intelligitur amor in Dominum, per Lunam, quæ non dabit lumen suum, intelligitur fides in Ipsum, per Stellas quæ eadent de Cælo, intelliguntur cognitiones veri & boni; per signum Filii hominis in Cælo, intelligitur apparitio Divini Veil in Verbo ab Ipso; per Tribus terræ quæ plangent, intelligitur defectus omnis veri quod fidei est, & omnis boni quod amoris; per adventum Filii hominis in nubibus Cæli cum potentia & gloria, intelligitur præsentia Domini in Verbo & revelatio, per nubes cæli significatur Verbi sensus literæ, & per gloriam Verbi sensus spiritualis; per Angelos cum tubæ voce magna, intelligitur Cælum unde Divinum Verum; per congregare electos a quatuor ventis ab extremo Cælorum ad extremum illorum, intelligitur novum Cælum & nova Ecclesia ex illis, qui fidem in Dominum habent, & vivunt secundum præcepta Ipsius. Quod non intelligatur obscuratio solis & lunæ, ac delapsus stellarum in terram, constat manifeste ex Prophetis, apud quos similia dicuntur de Ecclesiæ statu, quando Dominus in Mundum venturus est, ut apud Esajam, *Ecce dies Jehovæ veniet sevis, & excandescens ira; Stellæ cælorum, & sidera illorum non lucebunt luce sua, obtenebrabitur Sol in ortu suo, & Luna non splendere*.

dere faciet lumen suum; visitabo super Orbem malitiam, XXIV: 21, 23. Apud Ioeleim. Venit dies Jehovæ, dies tenebrarum & caliginis, Sol & Luna atrati erunt, & Stelle contrahent splendorem suum, III: 4. Cap. IV: 15. Apud Ezechielem „Obtegam Cælos, & atrabo Stellas, Solem nube obtegam, & Luna non lucere faciet lumen suum; omnia Luminaria lucis obtegam; & dabo tenebras super terra, XXII: 7, 8; per Diem Jehovæ intelligitur adventus Domini, qui fuit, quando non amplius erat aliquod bonum amoris & verum fidei in Ecclesia residuum, & non aliqua cognitio Domini, ideo vocatur Dies tenebrarum & caliginis.

199. Quod Dominus, cum in Mundo fuit, loquutus sit per Correspondentias, ita etiam spiritualiter cum naturaliter, constare potest a Parabolis Ipsius, quorum singulis verbis inest sensus spiritualis; exemplo sit Parabola de decem Virginibus: dixit, „Simile est Regnum Cælorum decem Virginibus, quæ accipientes Lampades suas exiverunt in occursum Sponsi: quinque ex illis erant Prudentes, quinque vero Stultæ: quæ erant Stultæ, accipientes Lampades suas non acceperunt oleum, Prudentes vero acceperunt oleum in lampadibus suis. Tardante vero Sponso, dormitarunt omnes, & obdormierunt: media autem nocte clamor factus est, ecce Sponsus venit, exite in occursum Ejus; tunc expargefactæ omnes Virgines istæ, & adornabant Lampades suas, verum Stultæ Prudentibus dicebant, date nobis de Oleo vestro, quia Lampades nostræ extinguuntur: sed respondebant Prudentes, dicentes, ne forte sufficiat nobis & vobis; abite potius ad Vendentes, & emite vobis ipsos. At absuntibus illis ad emendum, venit Sponsus, & parata ingressa sunt cum Ipso ad nuptias; & ostium clausum est. Et tandem veniunt etiam reliqua Virgines, dicentes, Domine, Domine, aperi nobis; Ille vero respondens dixit, amen dico vobis, non novi vos, Matth. XXV: 1 ad 12. Quod in singulis his sit Sensus spiritualis, & inde Sanctum Divinum, non videt, nisi qui novit, quod Sensus spiritualis sit, & qualis ille. In Sensu spirituali per Regnum cælorum, intelligitur Cælum & Ecclesia; per Sponsum Dominus; per Nuptias Conjugium Domini cum illis per bonum amoris & verum fidei; per Virgines illi qui ab Ecclesia sunt; per Decem omnes; per Quinque aliqua pars; per Lampades illæ quæ fidei sunt; per Oleum illa quæ boni amoris; per Dormire & Expercisci, vita hominis in Mundo quæ naturalis, & vita ejus post mortem quæ spiritualis; per Emerere, comparare sibi; per ire ad Vendentes & Emerere Oleum, comparare sibi bonum amoris ab alijs post mortem; & quia tunc non amplius comparatur, ideo tametsi cum lampadibus & empto Oleo ad ostium, ubi nuptiae erant, venerunt, usque illis dictum est a Sponso, non novi vos; causa est, quia homo post vitam in Mundo, manet qualis in Mundo vixerat. Ex his patet quod Dominus per meras Correspondentias loquutus sit, & hoc quia ex Divino, quod in Ipso & Ipsius erat. Quia Virgines significant illos qui ab Ecclesia sunt, ideo toties in Verbo Prophecyco dicitur Virgo & Filia Sionis, Hierosolymæ, Jehudæ, Israelis; & quia Oleum significat bonum amoris, ideo omnia Sancta Ecclesiæ oleo ungebantur. Simile est in reliquis Parabolis, & in omnibus verbis, quæ Dominus loquutus est; inde est quod Dominus dicat, quod verba Ipsius spiritus & vita sint, Joh. VI: 63.

200. III. QUOD EX SENSI SPIRITALI SIT, QUOD VERBUM DIVINITUS INSPIRATUM SIT, AC IN OMNI VOCE SANCTUM. Dicitur in Ecclesia, quod Verbum sit Sanctum, & hoc quia Jehovah Dominus illud loquutus est, sed quia Sanctum ejus in solo Senso literæ non appetet, ideo qui propterea de Sanctitate ejus semel dubitat, illo postea cum legit Verbum, se per multa ibi confirmat, dicit enim secum, num hoc Sanctum, num hoc Divinum. Ne itaque talis Cogitatio apud multos influat, & postea invaleseat, & inde Verbum sicut Scriptum vile rejiciatur, & per id conjunctione Domini cum homine illo pereat, placuit Domino nunc Sensum spiritualem, ejus revelare, propter finem, ut sciat, ubinam Sanctum Divinum in illo lateret. Sed Exempla hoc illustrant: in Verbo nunc agitur de Ægypto, nunc de Aschure, nunc de Edomo, de Moabo, de filiis Ammonis, de Philistæis, de Tyra & Zidone;

de Gogo; qui non scit, quod per Nomina illorum significantur res Cæli & Ecclesiæ, in errorem abduci potest, quod Verbum multum de Populis & Gentibus habet, & modo parum de Cælo & Ecclesia, ita multum de Mundanis, & parum de Cælestibus; sed cum ille scit, quid per illos seu per Noniina illorum significatur, ab errore in veritatem potest reduci. Similiter dum in Verbo videt, quod ibi toties nominentur Horti, Luci, Sylvæ, tum Arbores illorum, ut Olea, Vitis, Cedrus, Populus, Quercus; & quod toties Agnus, Ovis, Hircus, Vitulus, Bos; & quoque Montes, Colles, Valles, & ibi Fontes, Fluvii, Aquæ, & plura similia; ille, qui nihil scit de Sensu spirituali Verbi, non potest aliter credere, quam quod solum illa sint, quæ intelliguntur; non scit enim quod per Hortum, Lucum, Sylvam, intelligentur Sapientia, Intelligentia, & Scientia; quod per Oleam, Vitem, Cedrum, Populum, & Quercum, intelligentur Ecclesiæ bonum & verum cælestis, spirituale, rationale, naturale & sensuale; quod per Agnum, Ovem, Hircum, Vitulum, Bovem, intelligentur innocentia, charitas, & affectio naturalis; quod per Montes, Colles & Valles, intelligentur superiora, inferiora & infima Ecclesiæ. Tum quod per Aegyptum significetur scientificum, per Aschurem rationale, per Edomum naturale, per Moabum adulteratio boni, per filios Ammonis adulteratio veri, per Philistæos fides absque charitate, per Tyrum & Zidonem cognitiones boni & veri, per Gogum cultus externus absque interno: in genere per JACOBUM in Verbo intelligitur Ecclesia naturalis, per ISRAELEM Ecclesia spiritualis, & per JEHUDAM, Ecclesia cælestis. Quando homo hæc & illa scit, tunc ille potest cogitare, quod Verbum non agat nisi quam de Cælestibus, & quod Mundana illa modo sint subjecta in quibus illa sunt. Sed Exemplum ex Verbo hoc quoque illustret; legitur apud Esajam „In die illo erit semita ex Aegypto in Aschurem, ut veniat Aschur in Aegyptum, & Aegyptus in Aschurem, serviantque Aegyptii cum Aschure: in die illo erit Israel trina Aegyptio & Aschuri, benedictio in medio terræ: Cui benedicet Jehovah Zebooth, dicendo, benedictus populus meus Aegyptus, & opus manuum mearum Aschur, & benedictio mea Israel, Cap. XIX: 23. 24. 25. Per hæc in sensu spirituali intelligitur, quod tempore Adventus Domini, Scientificum, Rationale, & Spirituale, unum factura sint, & quod tunc Scientificum inservitrum sit Rationali, ac utrumque Spirituali; nam, ut dictum est, per Aegyptum significatur scientificum, per Aschurem rationale, & per Israelem spirituale: per diem bis nominatum intelligitur Primus & Secundus adventus Domini.

201. IV. QUOD SENSUS SPIRITALIS VERBI HACTENUS IGNOTUS FUERIT. Quod omnia & singula quæ in Natura sunt, corresponeant Spiritualibus, similiter omnia & singula quæ in Corpore humano, in Opere de CÆLO ET INFERNO, n: 87 ad 105, ostensum est. Sed quid CORRESPONDENTIA, hactenus nescitum est; verum in Antiquissimis temporibus notissima fuit; illis enim, qui tunc vixerunt, fuit Scientia correspondentiarum scientia scientiarum, & tam universalis, ut omnes illorum Codices & Libri per Correspondentias scripti sint: Liber Hiobi, qui est Liber Antiquæ Ecclesiæ, Correspondentiis plenus est. Hieroglyphica Aegyptiorum, & quoque Fabulosa Vetustissimorum non alia fuerunt; omnes Ecclesiæ Antiquæ fuerunt Ecclesiæ repræsentativæ spiritualium; Ritus illarum, & quoque Statuta, secundum quæ institutus fuit Cultus illarum, constabant ex meris Correspondentias; similiter omnia Ecclesiæ apud filios Israelis; Holocausta, Sacrificia, Minchæ & Libamina cum singulis illorum Correspondentiae fuerunt; similiter Tabernaculum cum omnibus inibi; tum etiam Festa illorum, ut Festum azymorum, Festum tabernaculorum, & Festum primitiarum; etiam Sacerdotium Aharonis & Levitarum, ut & Vestes sanctitatis illorum; quænam autem Spiritualia essent, quibus hæc & illa corresponebant, in ARCANIS CÆLESTIBUS Londini editis, ostensum est; præter hæc, etiam omnia Statuta & Judicia, quæ cultum & vitam illorum concernebant, correspondentiae erant. Nunc quia Divina in Mundo se sistunt in Corresponden-

dentiis, ideo Verbum per meras Correspondentias scriptum est; quare Dominus, quia loquutus est ex Divino, loquutus est per Correspondentias, nam quod a Divino est, hoc in Natura cadit in quæ Divinis correspondent, & quæ tunc Divina, quæ vocantur Cælestia & Spiritualia, in sinu suo recondunt.

202. Instructus sum, quod homines Antiquissimæ Ecclesiæ, quæ fuit ante Diluvium, tam cælesti genio fuerint, ut loquuti sint cum Angelis Cæli, & quod loqui potuerint cum illis per Correspondentias; inde status sapientiæ illorum factus est talis, ut quicquid viderent in Tellure, non modo cogitarent de illo naturaliter, sed etiam simul spiritualiter, ita quoque conjunctim cum Angelis Cæli. Insuper instructus sum, quod CANOCHE, de quo memoratur in Genesi Cap. V: 21 ad 24. cum consociis ejus, ex ore illorum collegerit Correspondentias, ac Scientiam illarum propagaverit ad posteros; ex quo factum est, quod Scientia Correspondentiarum in multis Regnis Asiae non modo nota fuerit, sed etiam exculta, imprimis in Terra Canaane, Ægypto, Asyria, Chaldæa, Syria, Arabia, in Tyro, Zidone, Ninive, & quod inde translatæ sit in Græciam; sed ibi versa in Fabulosa, ut constare potest a Vetustissimorum scriptis ibi.

203. Ut videri possit, quod Scientia Correspondentiarum diu conservata fuerit apud Gentes in Asia, sed apud illos qui vocabantur Divinatores & Sapientes, & a quibusdam Magi, adducere volo Unum Exemplum ex Sam. Cap. V & VI. Ibi memoratur, quod Arca, in qua binæ Tabulæ, quibus inscriptus erat Decalogus, fuerunt, a Philisthæis capta sit, & posita in Fano Dagonis in Aschdodo, & quod Dagon coram illa in terram deciderit, & postea Caput ejus cum volis manuum a corpore divulsum super limine Fani jaceret; & quod Aschdodæi & Ekronitæ propter Arcam percussi sint hæmorrhoidibus ad plura millia, & quod Terra illorum devastata sit a muribus: & quod Philisthæi propterea convocaverint Satrapas & Divinatores, & quod ad obviam eundem interitui illorum, concluderint quod facerent quinque Hæmorrhoides, & quinque Mures ex auro, ac Plaustrum novum, & super hoc ponerent Arcam, & juxta illam hæmorrhoides & mures ex auro, & per binas Vaccas, quæ boabant in via ante Plaustrum, Arcam ad Filios Israëlis remitterent, a quibus Vaccæ & Plaustrum sacrificabantur, & sic Deus Israëlis propitiatus est. Quod omnia hæc a Divinatoribus Philisthæorum excogitata fuerint Correspondentia, constat ex significatione illorum, quæ hæc est; ipsi Philisthæi significabant illos qui in fide separata a charitate sunt; Dagon repræsentabat Religiosum illud; Hæmorrhoides, quibus percussi sunt, significabant amores naturales, qui separati ab amore spirituali immundi sunt; ac Mures significabant devastationem Ecclesiæ per falsifications veri; Plaustrum novum significabat Doctrinam Ecclesiæ naturalem; nam Currus in Verbo doctrinam ex veris spiritualibus; Vaccæ significabant Affectiones bonas naturales; hæmorrhoides ex auro significabant amores naturales purificatos & factos bonos; Mures ex auro, significabant vastationem Ecclesiæ per bonum sublatam; Aurum enim in Verbo significat bonum; Vaccarum boatio in via significabat difficultem conversionem concupiscentiarum mali naturalis hominis in affectiones bonas; quod Vaccæ cum Plaustro in holocaustum oblatæ sint, significabat quod sic Deus Israëlis propitiatus sit. Hæc omnia, quæ Philisthæi ex Suau Divinotorum suorum fecerunt, fuerunt Correspondentia; ex quibus patet, quod Scientia illa apud gentes diu conservata fuerit.

204. Quoniam Repræsentativi Ritus Ecclesiæ, qui erant Correspondentia, temporis tractu cæperunt verti in Idololatria, & quoque in Magica, tunc illa Scientia, ex Divina Domini Providentia successive deperdita est, & apud Gentem Israeliticam & Judaicam prorsus oblitterata. Cultus quidem hujus Gentis constabat ex meritis Correspondentii, & inde erat repræsentativus Cælestium, sed usque nesciebant; quid aliquid significabat; erant enim prorsus Naturales homines, & inde non scire volebant nec poterant aliquid de Spiritualibus & Cælestibus, proin-

proinde nec aliquid de Correspondentiis, nam Correspondentiæ sunt Repræsentationes Spiritualium & Cælestium in Naturalibus.

205. Quod Idolatriæ Gentium Antiquis temporibus ex scientia Correspondentiæ traxerint originem, erat ex causa, quia omnia, quæ apparent super Terram, correspondent, ita non modo Arbores, sed etiam Bestiæ & Aves omnis generis, tum Pisces & reliqua. Antiqui, qui in scientia Correspondentiæ fuerunt, fecerunt sibi Imagines, quæ Cælestibus correspondabant, & illis delebantur quia significabant talia, quæ Cæli & Ecclesiæ erant, & ideo illa non modo in suis Templis, sed etiam in suis Domibus posuerunt, non adorationis causa, sed recordationis rerum cælestium, quas significabant: inde in Ægypto & alibi fuerunt in imagine Vituli, Boves, Serpentes, tum Pueri, Senes, Virgines, quia Vituli & Boves significabant affectiones & vires Naturalis hominis, Serpentes prudentialiam & quoque astutiam sensualis hominis; Pueri innocentiam & charitatem, Senes sapientiam; ac Virgines affectiones veri; & sic porro. Posteriori, quando scientia Correspondentiæ obliterata est, cæperunt Imagines & Simulachra ab Antiquis posita, quia in Templis, & juxta illa, colere ut Sancta, & tandem ut Numina. Inde erat Antiquis etiam Cultus in Hortis & in Lucis secundum Arborum species; tum etiam super Montibus & Collibus; Horti enim & Luci significabant sapientiam & intelligentiam, & unaquævis Arbor aliquid illarum, sicut Olea bonum amoris, Vitis verum ex illo bono; Cedrus bonum & verum rationale; Mons Cælum supremum, & Collis Cælum sub illo. Quod scientia Correspondentiæ permanserit apud plures Orientales usque ad Adventum Domini, constare etiam potest ex Sapienibus ab Oriente, qui venerunt ad Dominum cum natu est, quare illis præivit Stella, & illi secum tulerunt dona, Aurum, Thus & Myrrham, Matth. II: 1. 2. 9. 10. 11; Stella enim, quæ præivit, significabat cognitionem e Cælo, Aurum significabat bonum cæleste, Thus bonum spirituale, & Myrrha bonum naturale, ex quibus tribus est omnis Cultus. Sed usque Scientia Correspondentiæ prorsus nulla fuit apud Gentem Israeliticam & Judaicam, tametsi omnia Cultus eorum & omnia Statuta & Judicia illis per Mosen data, & omnia Verbi, erant meræ Correspondentiæ; causa fuit, quia illi corde Idololatræ erant, & inde tales, ut ne quidem scire vellent, quod aliquid Cultus illorum significaret Cæleste & Spirituale, credebant enim quod illa omnia essent Sancta ex se; quare si illis Cælestia & Spiritualia detecta fuissent, non modo rejecissent illa, sed etiam prophanavissent; quapropter Cælum illis ita clausum fuit, ut vix scirent, quod Vita æterna daretur; quod ita sit, manifeste patet ex eo, quod non agnoverint Dominum, tametsi universa Scriptura Sacra de Ipso prophetavit, & Adventum Ipsius prædictum; rejecerunt Ipsum propter illam solam causam, quia illos de Régno cælesti, & non de Régno terrestri docuit, voluerunt enim Messiam, qui illos super omnes Gentes in universo Mundo exaltaret, & non aliquem Messiam, qui saluti æternæ eorum consuleret.

206. Quod Scientia Correspondentiæ, per quam datur Sensus spiritualis Verbi, post illa tempora non detecta fuerit, fuit causa, quia Christiani in Primitiva Ecclesia perquam simplices fuerunt, ut coram illis non detegi potuerit, nam si detecta, illis nullius usus fuisset, nec intelligeretur. Post illorum tempora oboitæ sunt tenebrae super universum Christianum Orbem, primum per Hæretica plurium circumsparsa, & mox postea per consulta & decreta CONCILII NICÆNI de tribus Personis Divinis ab æterno, & de Persona Christi ut Filio Mariæ, & non ut Filio Iehovæ Dei; inde securivit Fides justificationis hodierna, in qua adeuntur tres Dñi in suo ordine, ex qua fide pendent omnia & singula hodiernæ Ecclesiæ, sicut membra corporis a suo Capite: & quia omnia Verbi ad confirmandum erroream hanc Fidem applicuerunt, non potuit Sensus spiritualis detegi, nam si detecta fuisset, ad illam etiam Sensem cum applicuissent, & per id ipsum Sanctum Ver-

Verbi prophana vissent, & sic sibi Cælum prorsus occulussent, & Dominum ab Ecclesia removissent.

207. Quod Scientia Correspondiarum, per quam datur Sensus spiritualis, hodie revelata sit, est causa, quia nunc Divina Vera Ecclesia in lucem prodeunt, & haec sunt, ex quibus Sensus spiritualis Verbi consistit, & dum haec in homine sunt, sensus literæ Verbi non perverti potest: Sensus enim literæ Verbi potest flecti, hoc illuc, sed si flectitur ad Falsum, tunc perit ejus Sanctitas interna & cum hac externa, at si flectitur ad Verum manet illa; sed de his in sequentibus plura dicentur. Quod Sensus spiritualis hodie aperiretur, intelligitur per quod Johannes viderit Cælum apertum, & tunc Equum album, tum quod viderit & audiverit, quod Angelus stans in Sole omnes ad Cænam magnum convocaverit, de quibus in Apocalypsi Cap. XIX: 11 ad 18. Quod autem diu non agnosceretur, intelligitur per Bestiam & per Reges terræ, qui facturi bellum cum Sedente super Equo albo, Apoc. XIX: 19; ut & per Draconem, quod persequutus sit Mulierem, quæ peperit Filium, usque in desertum, & ibi ex ore suo ejecerit aquas, sicut flumen, ut illam submergeret, Apoc. XII: 13 ad 17 p.

208. V. QUOD SENSUS SPIRITALIS VERBI NON ALICUI POSTHAC DETUR, NISI QUI IN GENUINIS VERIS A DOMINO EST: Causa est, quia nemo potest Sensum spiritualem videre, nisi a solo Domino, & nisi in Divinis veris a Domino sit; Sensus enim spiritualis Verbi agit de Solo Domino & de Ipsi Regno, & ille Sensus est in quibus sunt Angeli Ipsi in Cælo, est enim Divinum Ipsi Verum ibi; hoc homo violare potest, si in Scientia Correspondiarum est, & per illam vult Sensus spiritualem Verbi ex propria intelligentia explorare, nam ex aliquibus Correspondientiis sibi notis potest Sensus illum pervertere, & illum ad confirmandum etiam Falsum trahere, & hoc foret violentiam inferre Divino Vero, & sic quoque Cælo, in quo illud habitat, quare si quis a se, & non a Domino, Sensus illum aperire vult, clauditur Cælum, quo clauso, homo aut nihil veri videt, aut spiritualiter infant. Causa etiam est, quia Dominus per Verbum unumquemvis doceat, & docet ex illis cognitionibus quæ apud hominem sunt, & non immediate novas infundit, quare nisi homo in Divinis veris sit, aut si modo in paucis veris & simul in falsis, potest ex his falsificare vera; ut quoque sit ab unoquovis Hæretico quoad ipsum Sensus literæ Verbi. Ne itaque aliquis in Sensus spiritualem intret, ac genuinum Verum, quod illius Sensus est, pervertat; Custodias a Domino positæ sunt, quæ in Verbo per Cherubos intelliguntur.

209. VI. MIRABILIA DE VERBO EX SENSI SPIRITALI EJUS. In Mundo naturali non existunt aliqua Mirabilia ex Verbo, quia Sensus spiritualis ibi non apparet; nec intus ab homine recipitur, qualis illæ in se est; at in Mundo spirituali apparent Mirabilia ex Verbo, quia omnes ibi spirituales sunt, ac spiritualia afficiunt hominem spiritualem, sicut naturalia naturalem. Mirabilia, quæ in Mundo spirituali ex Verbo existunt, sunt plura, ex quibus pauca hic memorabo. Ipsi Verbum in adytis Templorum ibi lucet coram oculis Angelorum sicut magna Stella, quandoque sicut Sol, & quoque ex jubare circum circa apparent sicut Irides pulcherrimæ; hoc fit ut primum aperitur adytum. Quod omnia & singula Vera Verbi luceant, hoc mihi constare potuit ex hoc, quod quando aliquis versiculus ex Verbo super Charta exscribitur, & Charta projicitur in aerem, ipsa Charta luceat in tali forma, in quam secta est, quare possunt Spiritus per Verbum producere varias formas luceentes, & quoque avium & piscium. Tum, quod adhuc mirabilius est, quod dum aliquis fricat faciem, aut manus, aut vestes, quibus induitus est, Verbo aperto applicando ejus scripturam illis, ipsa facies, manus & vestes, luceant, sicut staret in Stella luce ejus circumfusus; hoc persæpe vidi & miratus sum; inde constabat mihi, unde erat, quod facies Mosis luceret, quem Tabulas fæderis e Monte Sinai deportaret.

Præter illa dantur plura alia Mirabilia ibi, quæ ex Verbo sunt, ut, quod si quis in falsis est, spectat ad Verbum in loco sancto jacens, oboriatur Caligo oculis ejus, & inde Verbum illi apparet nigrum, & quandoque sicut fuligine obsitum; si autem idem tangit Verbum, fit explosio cum fragore, & ille projicitur ad Angulum conclavis, & per horulam ibi jacet sicut mortuus. Si aliquid ex Verbo super charta a quodam qui in falsis est, exscribitur, & Charta projectetur versus Cælum, tunc in aere inter oculum ejus & Cælum fit similis explosio, & Charta discerpitur in floccos & evanescit: simile fit, si charta illa projectetur ad angulum, qui in propinquuo stat; hoc saepius vidi. Exinde patuit mihi, quod nulla communicatio cum Cælo per Verbum sit illis, qui in falsis doctrinæ sunt, sed quod lectio illorum diffusat in via, & pereat sicut pulvis pyrius Chartæ inclusus, dum accenditur & ejicitur in aerem. Contrarium fit apud illos, qui in veris doctrinæ per Verbum a Domino sunt; lectio Verbi ab illis penetrat usque in Cælum, & facit conjunctionem cum Angelis ibi. Ipsi Angeli, cum descendunt de Cælo ad aliquod munus obeundum infra, apparent circumobsiti stellis parvis, imprimis circum caput, quod signum est, quod Divina vera ex Verbo in illis sint.

Præterea in Mundo spirituali dantur similia quæ in terris, sed omnia & singula ibi ex origine spirituali, ita quoque datur aurum & argentum, & dantur Lapidès pretiosi omnis generis, & horum origo spiritualis est Sensus literæ Verbi; inde est, quod in Apocalypsi fundamenta muri Novæ Hierosolymæ describantur per duodecim Lapides pretiosos, causa est, quia per Fundamenta muri ejus significantur doctrinalia Novæ Ecclesiæ ex sensu literæ Verbi; inde etiam est, quod in Ephodo Aharonis etiam fuerint duodecim Lapides pretiosi, Urim & Thummim vocati, & quod per illos responsa ex Cælo data sint. Præter hæc, sunt adhuc plura Mirabilia ex Verbo, quæ concernunt potentiam Veri ibi, quæ tam immensa est, ut si describeretur, excederet omnem fidem; potentia enim talis est, ut evertat montes & colles ibi, illos transferat in longinquum, & projectat in mare, præter plura; in summa, Potentia Domini ex Verbo est infinita.

I. I. I.

*Quod Senus literæ Verbi sit Basis, Continens, & Firmamentum
Sensus spiritualis & cœlestis ejus.*

210. In omni Divino est Primum, Medium & Ultimum, ac Primum vadit per Medium ad Ultimum, & sic existit & subsistit; inde Ultimum est BASIS. Tum Primum est in Medio, & per Medium in Ultimo, ita Ultimum est CONTINENS; & quia Ultimum est Continens & Basis, est etiam FIRMAMENTUM. Ab Erudito comprehenditur, quod illa Tria nominari possint Finis, Causa & Effectus; tum Esse, Fieri & Existere; & quod Finis sit Esse, Causa sit Fieri, & Effectus sit Existere; consequenter quod in omni re completa, sit Trinum, quod vocatur Primum, Medium, & Ultimum, tum Finis, Causa & Effectus. Cum hæc comprehenduntur, etiam comprehenditur, quod omne Divinum Opus in Ultimo sit Completum & Perfectum; & quoque quod in Ultimo, sit Omne, quia in illo Priora simul.

211. Ex eo est, quod per TRIA in Verbo in Sensu spirituali intelligatur completum & perfectum, tum omne simul; & quia hæc per illum Numerum significantur, ideo toties in Verbo adhibetur, quoties tale designatur; ut in his, Quod Esajas iret Nudus & discalceatus TRES ANNO, Esaj. XX: 3. Quod Jehovah TER vocaverit Samuel, & quod Samuel TER eucurrerit ad Eli, & quod Eli TERTIA VICE intellexerit, i Sam. III: 1 ad 8. Quod Jonathān diceret ad Davidem, quod occultaret se in

in agro TRIBUS DIEBUS, quod Jonathani postea ad latus lapidis jacularetur TRES SAGITTAS; & quod deinde David se incurvaret TRIBUS VICIBUS, coram Jonathane, i Sam. XX: 5, 12 ad 42. Quod Elias se mensus sit super filium Vidua TRIBUS VICIBUS, i Reg. XVII: 21. Quod Elias jussit ut funderent aquam super Holocaustum TRIBUS VICIBUS, i Reg. XVIII: 34. Quod Jesus dixerit, quod Regnum Cælorum sit simile fermento, quod accipiens mulier abcondidit in TRIBUS SATIS, donec fermentaretur totum; Matth. XIII: 33. Quod Jesus dixerit ad Petrum, quod TER abnegaturus sit Ipsum, Matth. XXVI: 34. Quod Jesus TER dixerit Petro, amasne Me, Joh. XXI: 15. 16. 17. Quod Jonas fuerit in ventre Ceti TRIBUS DIES ET TRITUS Noctibus, Jon. II: 2. Quod Jesus dixerit, quod Templum dissolvet, & Ipse illud per TRES DIES reædificaret, Matth. XXVI: 31. Quod Jesus in Gethsemane TRIBUS VICIBUS oraverit, Matth. XXVI: 39 ad 44. Quod Jesus TERTIO DIE refurrexerit, Matth. XXVIII: 1: præter multis aliis in locis, ubi Tria nominantur; & nominantur, ubi agitur de Opere finito & perfecto, quia hoc per illum Numerum significatur.

212. Sunt Tres Cæli, Supremum, Medium, & Infimum; Supremum Cælum facit Regnum Cælestis Domini, Medium Cælum facit Regnum Spirituale Ipsius, & Infimum Cælum facit Regnum Ipsius Naturale: quemadmodum Tres Cæli sunt, ita quoque Tres Sensus Verbi sunt, Cælestis, Spiritualis, & Naturalis; cum quibus etiam coincidunt illa, quæ supra in: 210 dicta sunt, videlicet quod Primum sit in Medio, & per Medium in Ultimo, prorsus sicut finis in causa, & per causam in effectu. Inde patet, quale est Verbum, quod nempe in Sensu literæ ejus, qui est Naturalis, sit interior Sensus qui est Spiritualis, & in hoc intimus qui est Cælestis; & sic quod Ultimus Sensus, qui est Naturalis & vocatur Sensus literæ, sit binorum Sensuum interiorum Continens, ita Basis & Firmamentum.

213. Ex his sequitur, quod Verbum absque Sensu literæ ejus, foret sicut Palatium absque fundamento, ita sicut Palatium in aere, & non super Terra, quod modo foret umbra ejus, quæ evanesceret. Tum quod Verbum absque Sensu literæ ejus, foret sicut Templum, in quo plura Sancta sunt, & in medio ejus Adytum, absque tecto & pariete, quæ sunt Continentia ejus; quæ si abessent, vel si auferrentur, Sancta ejus a furibus diriperentur, & a bestiis terræ, & a volucribus Cæli violarentur, & sic dissiparentur. Similiter foret sicut Tabernaculum filiorum Israelis in deserto, in cuius intimo fuit Arca fæderis, ac in medio ejus Candelabrum aureum, Altarē aureum super quo suffimenta, tum Mensa super qua panes facierum, absque ultimis suis, quæ erant aulae, vela & columnæ. Imo foret Verbum absque Sensu literæ ejus, sicut Corpus humanum, absque integumentis ejus, quæ vocantur Cutis, & absque sustentaculis, quæ vocantur Ossa, absque his & illis diffuerent omnia interiora ejus. Ac foret sicut Cor & Pulmo in Thorace, absque integumento suo quod vocatur Pleura, & sustentaculis suis, quæ vocantur Costæ. Aut sicut Cerebrum, absque integumentis suis, quæ vocantur dura & pia Mater, & absque communī Tegumento, Continente & Firmamento suo, quod vocatur Cranium. Simile foret cum Verbo absque Sensu literæ ejus, quare dicitur apud Esajam, Quod Jehovah creet super omni gloria obtegumentum, Cap. IV: 5.

I V.

*Quod Diviuū Verum in Sensu literæ Verbi, sit in suo Pleno,
in suo Sancto, & in sua Potentia.*

214. Quod Verbum in Sensu literæ sit in suo Pleno, in suo Sancto, & in sua Potentia, est quia bini Sensus priores seu interiores, qui vocantur Spiritualis & Cælestis, in Sensu

naturali, qui est Sensus literæ, sunt simul, ut supra n: 210 & 212; dictum est; sed quomodo sunt simul, porro dicetur. Datur in Cælo & in Mundo Ordo successivus, & Ordo simultaneus, in Ordine successivo succedit & sequitur unum post alterum, a supremis usque ad infimum; in Ordine autem simultaneo est unum juxta alterum, ab intimis usque ad extima. Ordo successivus est sicut Columna cum gradibus a summo ad imum; at Ordo simultaneus est sicut opus cohærens cum peripheriis a Centro usque ad ultimam superficiem. Nunc dicetur, quomodo Ordo successivus fit in Ultimo Ordo simultaneus; fit hoc modo; suprema Ordinis successivi sunt intima Ordinis simultanei, & infima Ordinis successivi sunt extima Ordinis simultanei; est comparative sicut Columna graduum subsidens fit Corpus cohærens in plano. Ita formatur Simultaneum a Successivo, & hoc in omnibus & singulis Mundi naturalis, & in omnibus & singulis Mundi spiritualis, nam ubi vis est Primum, Medium & Ultimum, ac Primum per Medium tendit & vadit ad suum Ultimum: sed probe intelligendum est, quod sunt puritatis gradus; secundum quos sit uterque Ordo. Nunc ad Verbum; Cælestis, Spirituale & Naturale, procedunt a Domino in Ordine successivo, & in Ultimo sunt in Ordine simultaneo; ita nunc Sensus cælestis & spiritualis Verbi sunt in Sensu ejus naturali simul. Dum hoc comprehenditur, videri potest, quomodo Sensus naturalis Verbi est continens, basis & firmamentum Sensus spiritualis & cælestis ejus; tum quomodo Divinum bonum & Divinum verum in Sensu literæ Verbi est in suo Pleno, in suo Sancto, & in sua Potentia. Ex his constare potest, quod Verbum sit ipsum Verbum in suo Sensu literæ, in hoc enim intus est spiritus & vita: hoc est, quod Dominus dicit, *Verba, quæ Ego loquor vobis, Spiritus & Vita sunt,* Joh. VI: 63. Dominus enim verba sua in Sensu naturali loquitus est. Sensus cælestis & spiritualis non sunt Verbum absque Sensu naturali, sunt enim sicut spiritus & vita absque corpore; & sunt, ut prius n: 213, dictum est, sicut Palatium cui non fundamentum.

215. Vera Sensus literæ Verbi quoad partem non sunt nuda vera, sed sunt apparentiae veri; ac sicut similitudines & comparationes, desumptæ ex talibus quæ in natura sunt, ita quæ accommodata & adæquata sunt captui simplicium & quæ iisque puerorum; sed quia si nul sunt Correspondientiæ, sunt genuini veri receptacula & habitacula; & sunt vasa quæ continent, quemadmodum Poculum chryſtallinum continet nobile Vinum, Patina argentea edules cibos, & quemadmodum Vesteſ quæ amiciunt, ut fasciæ infantem, & decori amictus virginem; sunt etiam sicut scientifica naturalis hominis, quæ in se comprehendunt perceptiones & affectiones veri spiritualis. Ipsa nuda vera, quæ includuntur, continentur, investiuntur & comprehenduntur, sunt in Verbi Sensu spirituali, & nuda bona sunt in ejus Sensu cælesti. Sed hoc e Verbo illustretur „*Jesus dixit, vœ vobis Scribe & Pharisæi, quia purgatis exterius poculi & patina, interiora vero sunt plena rapina & intemperantia;* Pharisæe cece, purga prius interius poculi & patinæ, ut sit etiam exterius mundum, Matth. XXIII: 25. 26: hic loquitus est Dominus per similitudines & comparationes, quæ simul sunt correspondientiæ, & dixit poculum & patinam, & per Poculum non modo intelligitur sed etiam significatur Verum Verbi, per poculum enim intelligitur Vinum, & per vinum significatur verum; per Patinam autem intelligitur cibus, & per cibum significatur bonum; quare per purgare interius poculi & patinæ, significatur purificare interiora mentis, quæ sunt voluntatis & cogitationis, per Verbum; per ut sic exterius mundum sit, significatur quod sic exteriora purificata sint, quæ sunt opera & sermones, nam hæc ab illis trahunt suam essentiam. Adhuc; *Jesus dixit, homo quidam erat dives, qui in duebatur purpura & byſſo; & oblectabat se quotidie splendide: & pauper quidam erat nomine Lazarus, qui projectus ad vestibulum ejus ulcerosus,* Luc. XVI: 19. 20; hic etiam Dominus loquitus est per similitudines & comparationes, quæ erant correspondientiæ, & con-

tinebant spiritualia; per hominem divitem intelligitur Gens Iudaica; qui dives vocatur, quia habebat Verbum, in quo sunt divitiae spirituales; per purpuram & byssum, quibus induitus erat, significatur bonum & verum Verbi, per purpuram bonum ejus, & per byssum verum ejus; per oblectare se quotidie splendide, significatur oblectatio quod illud haberent, & ex illo audirent plura in Templis & Synagogis; per Lazarum pauperem intelliguntur Gentes, quia non habebant Verbum; quod illæ contemta & rejecta a Judæis essent, intelligitur per quod Lazarus ad vestibulum divitis esset projectus; per ulcerosum significatur, quod gentes ex ignorantia veri in multis falsis essent. Quod Gentes per Lazarum intelligentur, fuit, quia Gentes amabantur a Domino; sicut Lazarus, qui a mortuis resuscitatus est, amabatur a Domino, Joh. XI: 3, 5, 36, & vocatur Ipsiſus amicus, Joh. XI: 11; & accumbebat ad mensam cum Domino, Joh. XII: 2. Ex his binis locis patet, quod vera & bona Sensus literæ Verbi, sint sicut vasa, & sicut vestes nudi boni & veri, quæ duo in Sensu spirituali & cœlesti Verbi latent. Quoniam Verbum in Sensu literæ tale est, sequitur, quod illi, qui in Divinis veris sunt, & in fide, quod Verbum intus in suo sinu Sanctum Divinum sit, & magis illi, qui in fide sunt quod Verbum tale sit ex Sensu Spirituali & Cœlesti ejus, dum in illustratione a Domino legunt Verbum; videant Divina vera in luce naturali; nam Lux Cœli, in qua est Sensus spiritualis Verbi, influit in Lucem naturalem, in qua est Sensus literæ Verbi, ac hominis Intellectuale, quod vocatur Rationale, illuminat, & facit ut videat & agnoscat Divina vera ubi exstant & ubi latent: hæc cum Luce Cœli influunt apud quosdam, quandoque etiam cum nesciunt.

216. Quoniam Verbum in intimo suo sinu ex Sensu cœlesti ejus, est sicut mitis flamma quæ incendit, & in medio suo sinu ex Sensu spirituali ejus, est sicut lux quæ illustrat, inde Verbum in ultimo suo ex Sensu ejus naturali, est sicut Obiectum diaphanum recipiens utrumque, quod ex flamma rubet sicut purpura, & ex luce candet sicut nix; ita est respective sicut Rubinus & sicut Adamas, ex flamma cœlesti sicut Rubinus, & ex luce spirituali sicut Adamas. Quia tale est Verbum in Sensu literæ, ideo Verbum in hoc Sensu intelligitur, I. per *Lapides pretiosos*, ex quibus constabant fundamenta Novæ Hierosolymæ. II. Tum per *Urim* & *Thummim* super *Ephodo Atharonis*; III. Et quoque per *Lapides pretiosos* in *Horto Edenis*, in quo Rex Tyti dicitur fuisse. IV. Ut & per *Aulaea*, *Vela* & *Columnas* *Tabernaculi*. V. Pariter per *Externa Templi Hierosolymitanæ*. VI. Quod Verbum in sua gloria representatum sit in Domino, cum transformatus. VII. Quod Potentia Verbi in ultimis representata sit per *Naziræos*. VIII. De ineffabili Potentia Verbi. Sed hæc singulatim illustranda sunt.

217. I. QUOD VERA SENSUS LITERÆ VERBI INTELLIGANTUR PER LAPIDES PRETIOSOS, EX QUIBUS CONSTABANT FUNDAMENTA NOVÆ HIEROSOLYMAE, IN APOCALYPSE Cap. XXI: 17 ad 21. Supradicte memoratum est, quod in Mundo Spirituali, æque dentur Lapides pretiosi sicut in Mundo naturali, & quod origo Spiritualis illorum sit ex Veris in Sensu literæ Verbi: hoc apparet incredibile, at usque est Veritas: inde est, quod ubicunque in Verbo nominantur Lapides pretiosi, per illos in Sensu spirituali intelligantur vera. Quod per Lapides pretiosos, ex quibus fundamenta muri circum Urbem Novam Hierosolymam dicuntur constructa, significentur Vera Doctrinæ novæ Ecclesiæ, inde sequitur, quia per Novam Hierosolymam intelligitur Nova Ecclesia quoad Doctrinam ex Verbo; quare per Murum ejus, & per muri Fundamenta non aliud potest intelligi, quam Verbi Externum, quod sit Sensus literæ ejus; nam hic est, ex quo Doctrina est, & per Doctrinam Ecclesia, & ille est sicut Murus cum fundamentis, qui Urbem concludit & tutatur. De Nova Hierosolyma & de ejus fundamentis, leguntur hæc in Apocalypsi, Angelus mensus est Murum Urbis Hierosolymæ 144 Cubitorum, quæ erat mensura hominis, hoc est, Angeli: & Murus habebat Fundamenta duodecim, omni Lapide pretiosa

tioſo exornata: Fundamentum primum jaspis, ſecundum ſapphirus, tertium chalcedonius, quartum ſmaragdus, quintum ſardonyx, ſextum ſardius, septimum chryſolithus, octavum beryllus, novum topazius, decimum chrysoprasus, undecimum hyacinthus, duodecimum amethystus. Cap. XXI: 17 ad 20: quod fundamenta muri duodecim, ex totidem Lapidibus pretiosis, fuerint, eſt cauſa, quia numerus duodecim ſignificat omnia veri ex bono, hic itaque omnia doctrinæ. Sed haec, ut & que praecedunt & ſequuntur in illo Capite, particulariter explicata, & ex paralelis locis ex Verbo Prophético confirmata, videantur in APOCALYPSI NOSTRA REVELATA.

218. II. QUOD BONA ET VERA VERBI IN SENSU LITERÆ EJUS INTELLIGANTUR PER URIM ET THUMIM SUPER EPHODO AHARONIS. Urim & Thumim erant ſuper Ephodo Aharonis, per cuius Sacerdotium repræſentatus eſt Dominus quoad Divinum Bonum, & quoad Opus ſalvationis; per Vestes Sacerdotii ſeu ſanctitatis ejus repræſentata ſunt Divina Vera a Domino; per Ephodum repræſentatum eſt Divinum Verum in ſuo Ultimo, ita Verbum in Senſu literæ, nam hoc eſt Divinum Verum in ſuo ultimo; inde per duodecim Lapiſes pretiosos, cum Nominibus duodecim Tribuum Iſraelis, quæ fuerunt Urim & Thumim, repræſentata ſunt Divina Vera ex Divino Bono in omni complexu. De his ita legitur apud Mofen. Facient Ephodum ex Hyacinthino & Purpura, coccineo Dibapho & Xyli intertexto, Poſtea facient Pectorale iudicij, ſecundum opus Ephodi, & opplebis illud oppleturis lapidis; quatuor ordines lapis, Pyropus, Topazius, Smaragdus, primus ordo: Chrysoprasus, Sapphirus & Adamas, ſecundus ordo: Cyanus, Achates, & Amethystus, tertius ordo: Thalassius, Sardius & Jaspis, quartus ordo. Lapiſes hi erunt juxta Nomina filiorum Iſraelis; ſculptura ſigilli juxta Nomini ſuum erunt pro duodecim Tribubus; & portabit Aharon ſuper Pectorale iudicij Urim & Thumim; ſintque ſuper corde Aharonis, cum ingredietur ante Jeſovam, Exod. XXXVIII: 6. 15 ad 21. 30. Quid per Vestes Aharonis, ejus Ephodum, Pallium, Tunica, Cidarim, Baltheum, repræſentatum eſt, in ARCANIS CÆLESTIBUS Londini editis ſuper illo Capite, explicatum eſt, tibi oſtentum; quod per Ephodum repræſentatum ſit Divinum Verum in ſuo ultimo; quod per Lapiſes pretiosos ibi repræſentata ſint Vera pellucentia ex bono; per duodecim in quaterno ordine, omnia illa a primis ad ultima; per duodecim Tribus, omnia Ecclesiæ; per Pectorale, Divinum Verum ex Divino Bono in Senſu universalis; per Urim & Thumim, exſplendefcentia Divini Veri ex Divino Bono in ultimis; Urim enī eſt ignis lucens, & Thumim exſplendefcentia in Lingua Angelica, & integritas in Lingua Hebreæ; tum, quod Reſponſa data ſint per Lucis variegationes, & ſimul per tacitam perceptionem, vel per vi-viam vocem, praeter plura. Ex his conſtare potest, quod per hos Lapiſes etiam significata ſint vera ex bono in Senſu ultimo Verbi; nec per alia dantur reſponsa ē Cælo, quia in illo Senſu eſt Divinum procedens in ſuo Pleno.

219. III. QUOD SIMILIA INTELLIGANTUR PER LAPIDES PRETIOSOS IN HORTO EDENIS, IN QUO REX TYRI DICTITUR FUISSER. Legitur apud Ezechielem, Rex Tyri, tu obſignans demenſum tuum, plenus ſapientia, & perfectus pulchritudine; in Eden Horto Dei fuisti; omnis Lapis pretiosus tegumentum tuum, Rubinus, Topazius & Adamas, Tharsichis, Sardonyx & Jaspis, Sapphirus, Chrysoprasus & Smaragdus, & Aurum, Cap. XXVIII: 12. 13. Per Tyrum in Verbo ſignificatur Ecclesia quoad cognitiones boni & veri; per Regem ſignificatur Verum Ecclesiæ; per Hortum Edenis ſignificatur sapientia & intelligentia ex Verbo; per Lapiſes pretiosos ſignificant vera pellucentia ex bono, qualia ſunt in Senſu literæ Verbi, & quia haec per illos Lapiſes ſignificantur; ideo vocantur Tegumentum eius; quod Senſus literæ tegat interiora Verbi; vidcantur ſupra n: 213.

220. IV. QUOD VERA ET BONA IN ULTIMIS, QUALIA SUNT IN SENSU LITERÆ VERBI, REPRÆSENTATA SUNT PER AULÆA, VELA, ET COLUMNAS TABERNACULI. Per Tabernaculum per Mofen in deferto exstructum repræſentatum eſt Cælum & Ecclesia,

clesia, quare forma ejus a Jehovah super monte Sinai ostensa est; inde per omnia, quæ in Tabernaculo illo erant, quæ erant Candelabrum, Altare aureum pro suffitu, & Mensa super qua Panes facierum, repræsentata & significata sunt Sancta Cæli & Ecclesiæ; & per Sanctum sanctorum, ubi erat Arca fæderis, repræsentatum & inde significatum est intimum Cæli & Ecclesiæ; & per ipsam Legem inscriptam binis Tabulis, significatum est Verbum, perque Cherubos supra illam significata sunt custodiæ ne sancta Verbi violentur. Nunc quia Externa suam effientiam trahunt ab Internis, & hæc & illa ab Intimo, quod ibi erat Lex, ideo Sancta Verbi per omnia Tabernaculi repræsentata & significata sunt; inde sequitur, quod per ultima Tabernaculi, quæ erant Aulæa, Vela & Columnæ, quæ erant tegumenta, continentia, & firmamenta, significata sunt ultima Verbi, quæ sunt Vera & Bona Sensus literæ ejus: quia illa significata sunt, ideo *omnia Aulæa & Vela facta sunt ex xylinio intertexto, & hyacinthino & purpura, & coccineo dibapho, cum Cherubis*, Exod. XXVI: 1. 31. 36. Quid per Tabernaculum, & per omnia, quæ in illo erant, in genere & in specie repræsentatum & significatum est, in ARCANIS GÆLESTIBUS super illo Capite Exodi, explicatum est, & ibi ostensum, quod per Aulæa & Vela repræsentata sint Externa Cæli & Ecclesiæ, ita quoque Externa Verbi; tum quod per xylinum seu byssinum significatum sit Verum ex origine spirituali, per hyacinthinum Verum ex origine cœlesti, per purpuram Bonum cœlesti, per coccineum dibaphum Bonum spirituale; & per Cherubos custodiæ interiorum Verbi.

221. V. QUOD PARITER PER EXTERNA TEMPLI HIEROSOLYMITANI, est causa, quia per Templum æque ac per Tabernaculum repræsentatum est Cælum & Ecclesiæ, sed per Templum Cælum in quo sunt Angeli spirituales, at per Tabernaculum Cælum ubi sunt Angeli cœlestes; Angeli spirituales sunt qui in Sapientia ex Verbo sunt, Angeli cœlestes autem qui in Amore ex Verbo sunt. Quod per Templum Hierosolymitanum in supremo Sensu significatum sit Divinum Humanum Domini, docet Ipse apud Johannem, *Solvite Templum hoc, & in Tribus diebus exfuscitabo illud; Ipse loquebatur de TEMPO CORPORAIS SUI*, II: 19. 21; & ubi intellegitur Dominus, etiam intelligitur Verbum, quia Ipse est Verbum. Nunc quia per Interiora Templi repræsentata sunt Interiora Cæli & Ecclesiæ, ita quoque Verbi, ideo per Exteriora ejus etiam repræsentata & significata sunt Exteriora Cæli & Ecclesiæ, ita quoque Verbi, quæ Sensus literæ ejus sunt. De Exterioribus Templi legitur, *Quod edificata sunt ex Lapide integro non Cafo, & ex Cedro intus; & quod omnes Parietes ejus intus sculpti essent Cherubis, Palmis, & Aperturis florum; & quod Solum obductum esset auro*, I Reg. VI: 7. 29. 30; per quæ omnia etiam significantur Externa Verbi, quæ Sancta Sensus literæ ejus sunt.

222. VI. QUOD VERBUM IN SUA GLORIA REPRÆSENTATUM SIT IN DOMINO, CUM TRANSFORMATUS EST. De Domino coram Petro, Jacobo & Johanne, transformato legitur, *Quod Facies Ipsius fulserit sicut Sol; Vestimenta Ipsius facta sunt sicut Lux: & quod vij sint Moses & Elias cum Ipso loquentes: & quod Nubes lucida Discipulos obtexerit: & quod ex Nube auditæ sit vox, dicens, Hic est Filius meus dilectus, Ipsum audite*, Matth. XVII: 1 ad 5. Instructus sum, quod Dominus tunc repræsentaverit Verbum; per Faciem, quæ fulsit sicut Sol, repræsentatum est Divinum Bonum Divini Amoris Ipsius; per Vestimenta, quæ facta sicut Lux, Divinum Verum Divinæ Sapientiae Ipsius; per Mosen & Eliam, Verbum Historicum & Propheticum, per Mosen Verbum quod per illum scriptum est, & in genere Verbum Historicum, & per Eliam omne Verbum Propheticum; per Nubem lucidam, quæ obtexit Discipulos, Verbum in Sensu literæ; quare ex hac Vox auditæ est, dicens, *Hic est Filius meus dilectus, Ipsum audite: omnia enim Enuntiata & Responsa e Cælo, nusquam fiunt nisi per Ultima, qualia sunt in Sensu literæ Verbi; fiunt enim in pleno a Domino*.

223. VII. QUOD POTENTIA VERBI IN ULTIMIS, REPRÆSENTATA SIT PER NAZIRÆOS. Legitur in Libro Judicum, de Simione, quod Naziræus esset ab utero matris, & quod Potentia ejus constaret in Crinibus; per Naziræum & Naziræatum etiam significatur Crinis; quod Potentia ejus in Crinibus confisteret, manifestavit ipse, dicens, *Novacula non ascendit super Caput meum, quia Nazireus ego ab utero matris mee; si rador, tunc recedet a me robur meum, & reddar infirmus, & ero sicut quivis homo*, Jud. XVI: 17. Nemo scire potest, cur Naziræatus, per quem significatur Crinis, institutus est, & unde est, quod Simoni fuerit robur ex Crinibus, nisi sciat quid per Caput in Verbo significatur; per Caput significatur Intelligentia, quæ est Angelis & Hominibus a Domino per Divinum Verum, inde per Crines significatur intelligentia in ultimis seu extremis ex Divino Vero. Quia hoc per Crines significabatur, ideo statutum pro Naziræis erat, *Quod non raderent comam Capitis sui, quia illa est Naziræatus Dei super Capite eorum*, Num. VI: 1 ad 21; & quoque ideo statutum est, *Quod Summus Sacerdos, ac Filii ejus, non raderent Caput suum; ne morerentur, ac univerfa Domus Iraelis irasceretur*, Levit. X: 6. Quoniam Crines propter illam significationem, quæ est ex correspondentia, tam sancti erant, ideo FILIUS HOMINIS, qui est Dominus quoad Verbum, describitur etiam quoad Crines, *Quod essent tanquam Lana candida, tanquam nix*, Apoc. I: 14: similiiter ANTIQUUS DIERUM, Dan. VII: 9. Quoniam Crines significant Verum in ultimis, ita Sensum literæ Verbi, ideo illi qui contemnunt Verbum in Mundo spirituali sunt Calvi, & vicissim illi, qui Verbum magnipenderunt & Sanctum habuerunt, apparent in Comis decentibus: propter hanc correspondentiam factum est, quod 42 pueri, quia Elisæus vocabant Calvum, a duabus Ursis discripti sunt, II Reg. II: 23. 24; nam Elisæus repræsentabat Ecclesiam quicad Doctrinam e Verbo, & Ursæ significant potentiam veri in ultimis. Quod Potentia Divini Veri, seu Verbi sit in Sensu literæ ejus, est quia Verbum ibi est in suo Pleo, & quia in illo sunt Angeli utriusque Regni Domini & Homines simul.

224. VIII. DE INEFFABILI POTENTIA VERBI. Vix aliquis hodie novit, quod aliqua Potentia insit Veris, putatur enim, quod modo sit verbum dictum a quodam qui in Potentia est, quod ideo faciendum sit, proinde quod Verum sit modo sicut halitus ex ore, & Sonus in aure; cum tamen Verum & Bonum sunt Principia omnium in utroque Mundo, Spirituali & Naturali, & quod sint, per quæ Universum creatum est, & per quæ Universum conservatur; & quoque per quæ Homo factus est; quare duo illa sunt omne in omnibus. Quod Universum per Divinum Verum creatum sit, aperte dicitur apud Johannem, „*In principio erat Verbum, & Deus erat Verbum, omnia per Illud facta sunt quæ facta. Et Mundus per Illud factus est*”, Cap. I: 1. 3. 10; & apud Davidem, „*Per Verbum Jehovah Cali facti sunt*”, Psalm XXXIII: 6; per Verbum utrinque intelligitur Divinum Verum. Quoniam Universum per Illud creatum est, ideo etiam Universum per Illud conservatur, nam sicut Subsistens est perpetua Existentia, ita Conservatio est perpetua Creatio. Quod Homo per Divinum Verum factus sit, est quia omnia hominis se referunt ad Intellectum & Voluntatem, ac Intellectus est Réceptaculum Divini Veri, & Voluntas Divini Boni; proinde Mens humana, quæ ex duobus illis principiis consistit, non aliud est, quam Forma Divini Veri & Divini Boni spiritualiter & naturaliter organizata, Cerebrum humanum est illa Forma; & quia totus Homo a sua Mente pendet, sunt omnia, quæ in corpore ejus sunt, appendicula, quæ a duobus illis principiis actuantur & vivunt. Ex his nunc constare potest, quam ob causam Deus ut Verbum in Mundum venit, & Homo factus est; quod hoc fuerit propter Redemptionem; tunc enim Deus per Humanum, quod erat Divinum Verum, induit omnem Potentiam, & Inferna, quæ usque ad Cælos, ubi erant Angeli, succreverant, dejecti, subjugavit & sub suam obedientiam regedit, & hoc non per Verbum orale, sed per Verbum Divinum, quod est Divinum

num Verum; ac postea magnum Hiatum inter Inferna & Cælos aperuit, quem non quisquam ab Inferno transcendere potest; si conatur, in primo vestigio crucatur, sicut serpens super lamina ferri igniti, aut super acervo formicarum positus; diaboli & satanae enim, ut primum odorant Divinum Verum, actutum se in profundum præcipitant, & se in cavernas injiciunt, & obturant illas tam exacte ut ne pateat rima: causa est, quia voluntas eorum est in malis ac Intellectus in falsis, ita in oppositis Divino Bono & Divino Vero, & quia totus homo a duobus illis vitæ principiis consistit, ut dictum est, ideo toti a capite ad calcem ad sensum oppositi tam graviter percelluntur. Ex his constare potest, quod Potentia Divini Veri sit ineffabilis; & quia Verbum, quod in Ecclesia Christiana est, est continens Divini Veri in tribus gradibus, patet, quod illud sit, quod apud Johannem Cap. I: 3, 10, intelligitur: quod hujus Potentia ineffabilis sit, possum ex multis experientiae documentis in Mundo spirituali, confirmare, sed quia excedunt fidem, seu apparent incredibilia, illa adducere supersedeo, aliqua tamen videoas supra n: 209 memorata. Ex his hoc MEMORIALE dabitur, quod Ecclesia, quæ in Divinis Veris a Domino est, valeat super Inferna, & quod sit illa, de qua Dominus dixit ad Petrum, *Super hanc Petram ædificabo Ecclesiam meam, & portæ Inferni non prævalebunt illi*, Matth. XVI: 18; hæc dixit Dominus, postquam Petrus confessus est, *Quod Christus esset Filius Dei viventis*, Vers. 16; hæc Veritas intelligitur ibi per Petram; per Petram enim ubivis in Verbo intelligitur Dominus quoad Divinum Verum.

V.

Quod Doctrina Ecclesiæ ex Sensu literæ Verbi haurienda sit, & per illum confirmanda.

225. In præcedente Articulo ostensum est, quod Verbum in Sensu literæ sit in suo Pleno, in suo Sancto, & in sua Potentia, & quia Dominus est Verbum, ac Primus & Ultimus, ut Ipse dicit in Apocalypsi Cap. I: 17, sequitur, quod Dominus in illo Sensu sit maxime præsens, & quod ex illo doceat & illustrèt hominem; sed hæc demonstranda sunt in hoc ordine, I. *Quod Verbum absque Doctrina non intelligatur*. II. *Quod Doctrina ex Verbi Sensu literæ haurienda sit*. III. *At quod Divinum Verum, quod Doctrina est, non appareat aliis, quam quæ in illustratione a Domino sunt*.

226. I. QUOD VERBUM ABSQUE DOCTRINA NON INTELLIGATUR, causa est, quia Verbum in Sensu literæ ex meris Correspondentiis consistit, ob finem ut Spiritualia & Cælestia inibi simul sint, ac unaquævis vox illorum continens & fulerum sit; idcirco Divina Vera in Sensu literæ raro sunt nuda, sed vestita, quæ vocantur Apparentiæ veri, & sunt plura accommodata captui simplicium, qui cogitationes non supra talia quæ vident ante oculos, elevant; & aliqua, quæ apparent sicut contradictiones, cum tarnen in Verbo in spirituali sua luce spectato nulla contradictione datur; & quoque in quibusdam locis apud Prophetas sunt Nomina locorum & personarum collata, ex quibus non aliquis Sensus potest elici. Cum itaque Verbum in Sensu literæ tale est, constare potest, quod non possit absque Doctrina intelligi. Sed Exempla illustrent; dicitur, *Quod Jehovam paniteat*, Exod. XXXII: 12. 14. Jon. III: 9, Cap. IV: 2; & quoque dicitur, *Quod Jehovam non paniteat*, Num. XXIII: 19. I Sam. XV: 29; hæc absque Doctrina non conformantur. Dicitur, quod *Jehovab visitet iniquitatem Patrum super filios ad tertiam & quartam generationem*, Num. XIV: 18; & quoque dicitur, *Quod non morietur pater propter* si.

filium, nec filius propter patrem, sed quisque in peccato suo, Deut. XXIV: 16; hæc non discordant sed concordant per Doctrinam. Dicit Jesus, Petite, & dabitur vobis, querite & invenietis, & pulsanti aperietur, Matth. VII: 7. 8. Cap. XXI: 21. 22; absque Doctrina crederetur, quod quisque accepturus sit, quod petit; sed ex Doctrina scitur, quod quicquid homo petit ex Domino, hoc detur; hoc etiam Dominus docet, Si manseritis in Me, & verba mea in vobis manserint, quicquid volueritis petite, & fiet vobis, Joh. XV: 7. Dicit Dominus, Beati pauperes, quia illorum est Regnum Dei, Luc. VI: 20; absque Doctrina cogitari potest, quod Pauperibus sit Cælum, & non Divitibus; sed Doctrina docet, quod Pauperes spiritu intelligentur, nam dicit Dominus, Beati pauperes spiritu, quia eorum est Rcgnum cælorum, Matth. V: 5. Porro dicit Dominus, Ne judicate ne judicemini, cum quo judicio judicatis, judicabimini, Matth. VII: 1. 2. Luc. VI: 37; absque Doctrina potest quis adduci ad confirmandum, quod non judicandum sit de malo quod sit malus; sed ex Doctrina licet judicare, at juste, dicit enim Dominus, Justum judicium judicate, Joh. VII: 24. Jesus dicit „Nolite vocari Doctor, quia unus est Doctor uester, Christus: ne vocetis patrem vestrum in terra; unus namque est Pater uester in Cælis: nec vocemini Magistri, unus enim est uester Magister, Christus, Matth. XXIII: 8. 9. 10, absque Doctrina foret, quod non liceat vocare aliquem Doctorem, Patrem, & Magistrum, sed ex Doctrina scitur, quod liceat in naturali Sensu, sed non in spirituali. Jesus dixit ad Discipulos, Quando sedebit Filius hominis super Throno gloriae sue, sedebitis etiam vos super duodecim Thronis judicantes duodecim Tribus Israelis, Matth. XIX: 28, ex his verbis concludi potest, quod etiam Discipuli Domini judicaturi sint, cum tamen neminem judicare possunt; Doctrina itaque revelabit hoc arcanum per hoc, quod Solus Dominus, qui est Omnisclus, & novit omnium corda, judicaturus sit, & judicare possit; & quod per duodecim Discipulos Ipsi, intelligatur Ecclesia quoad omnia vera & bona, quæ ei sunt a Domino per Verbum; ex quo Doctrina concludit, quod illa judicatura sint unumquemvis, secundum Domini verba apud Johannem Cap. III: 17. 18. Cap. XII: 47. 48. His similia sunt plura alia in Verbo, ex quibus manifeste patet, quod Verbum absque Doctrina non intelligatur.

227. Verbum per Doctrinam non modo intelligitur, sed etiam in intellectu lucet, est enim sicut Candelabrum cum accensis lucernis; homo tunc videt plura quam prius viderat, & quoque intelligit illa, quæ non prius intellexerat; obscura & discordantia vel non videt & præterit, vel videt & explicat ut cum Doctrina concordent. Quod Verbum ex Doctrina videatur, & quoque secundum illam explicetur, testatur Experiencia in Christiano Orbe; Omnes Reformati vident Verbum ex sua Doctrina, & Verbum secundum illam explicant; similiter Pontificii ex sua, & secundum illam; imo Judæi ex sua, & secundum illam; consequenter falsa ex Doctrina falsa, & vera ex Doctrina vera. Ex his patet, quod Doctrina vera sit instar lucernæ in tenebris, ac instar indicis in viis.

228. Ex his constare potest, quod qui Verbum absque Doctrina legunt, sint in obscuro de omni veritate, & quod Mens eorum sit vaga & incerta, prona in errores, & quoque facilis ad hæreses, quas etiam amplectuntur, si favor aut auctoritas aspirat, & fama non pereclitatur: est enim Verbum illis tanquam Candelabrum absque lumine, ac vident in umbra sicut multa, & tamen vix aliiquid vident, nam sola Doctrina est lucerna: vidi tales exploratos ab Angelis, ac inventos, quod confirmare possent ex Verbo quocunque volunt, & quod confirmant, imprimis illa quæ sunt amoris sui, & amoris illorum, quibus favent: at vidi illos nudatos vestibus, signum quod essent absque veris; uestes ibi sunt vera.

229. II. QUOD DOCTRINA EX SENSI LITERÆ VERBI HAURIENDA SIT, ET PER ILLUM CONFIRMANDA; causa est, quia Dominus ibi est præsens, ac docet & illustrat, nam Dominus nusquam operatur aliquid nisi in pleno, & Verbum in Senso literæ est

in suo pleno, ut supra ostensum est; inde est, quod Doctrina e Sensu literæ haurienda sit. Doctrina genuini Veri ex Sensu liserali Verbi etiam plene potest hauriri, nam Verbum in illo Sensu est tanquam homo vestitus, cui facies est nuda, & quoque manus sunt nudæ, omnia quæ ad fidem & vitam hominis, ita quæ ad salutem ejus, pertinent, sunt ibi nuda; reliqua autem vestita; & in multis locis, ubi vestita sunt, transparent, sicut obvia mulieri per tenue sericum ante faciem: etiam vera Verbi, sicut multiplicantur ex amore illorum, & sicut per hunc ordinantur, ita clarius & clarius pelluent & apparent.

230. Credi potest, quod Doctrina genuini veri comparari possit per Sensum spiritualem Verbi, qui datur per scientiam correspondentiarum; at Doctrina per illum non comparatur, sed modo illustratur & corroboratur, nam ut prius n. 208 dictum est, potest homo Verbum per aliquot Correspondentias notas falsificare, conjungendo & applicando illas ad confirmandum id quod Menti ejus ex principio capto inhæret. Præterea Sensus spiritualis non datur alicui nisi a Solo Domino, & custoditur ab Ipso, sicut custoditur Cælum angelicum, nam hoc in illo est.

231. III. QUOD GENUINUM VERUM, QUOD DOCTRINÆ ERIT, IN SENSU LITERÆ VERBI, NON APPAREAT ALIIS, QUAM QUI IN ILLUSTRATIONE SUNT A DOMINO. Illustratio est a Solo Domino, & apud illos, qui amant vera quia vera sunt, & faciunt illa usus vitae; apud alios non datur illustratio in Verbo. Quod illustratio fit a Solo Domino, est quia Verbum est ab Ipso, & inde Ipse in illo; quod illustratio fit illis, qui amant vera quia vera sunt, & faciunt illa usus vitae, est quia illi in Domino sunt & Dominus in illis, est enim Dominus ipsa Veritas, ut in Capite de Domino ostensum est; & tunc Dominus amat, quando vivitur secundum Divina Ipsius vera, ita quando fiunt usus ex illis, secundum hæc apud Johannem „In die illo cognoscetis, quod vos in Me, & Ego in vobis; qui habet præcepta mea & facit illa, ille amat Me, & Ego amo illum, & manifestabo illi Me Ipsum, & ad illum veniam, & mansio nem apud illum faciam, Cap. XIV: 20. 21. 23.“ Hi sunt, qui in illustratione sunt, cum legunt Verbum, & apud quos Verbum lucet & translucet. Quod Verbum apud illos luceat & translucet, est quia singulis Verbi Sensus spiritualis & Cælestis inest, & hi Sensus sunt in luce Cæli, quare Dominus per illos & illorum lucem, influit in Sensum naturalem Verbi, & in hujus lucem apud hominem; inde homo ex interiore perceptione agnoscit Verum, & dein in cogitatione sua videt illud, & hoc quoties in affectione veri propter Verum est; ex affectione enim venit perceptio, ex perceptione cogitatio, & sic fit agitio, quæ fides vocatur.

232. Contrarium fit illis, qui ex Doctrina Religionis falsæ legunt Verbum; & plus illis, qui Doctrinam illam ex Verbo confirmant; & tunc spectant ad sui gloriam & ad Mundi opes; apud hos Vera Verbi sunt sicut in Umbra noctis, & falsa sicut in luce diei; legunt Vera, sed non vident illa, & si umbras illorum vident, falsificant illa; sunt hi, de quibus Dominus dicit, *Quod oculos habeant, & non videant, & quod aures, & non intelligent*, Matth. XIII: 14. 15. Inde fit lux eorum in rebus spiritualibus, quæ Ecclesiæ sunt, mere naturalis, & visus mentis illorum sicut videntis larvas in lecto dum expergiscitur, aut sicut noctambuli, qui credit se vigilem cum dormit.

233. Datum est loqui cum multis post mortem, qui crediderunt se sicut Stellas lucituros in Cælo, quia, ut dixerunt, sanctum habuerunt Verbum, saepius perlegerunt illud, plura inde collegerunt, per quæ fidei suæ dogmata confirmaverunt, & propter id ut Doctri celebrati sunt, ex quo crediderunt se Michaelis & Raphaëles futuros; sed plures ex illis explorati sunt, ex quo amore studuerunt Verbo, ac inventi, quod aliqui ex amore sui, ut sicut Primates Ecclesiæ colerentur, & aliqui ex amore Mundi, ut lucrarentur opes; hi dum etiam explorati sunt, quid scirent ex Verbo, compertum est, quod inde nihil genuini veri scirent, sed modo

tale, quod vocatur Verum falsificatum, quod in se est putre falsum, in Cælo enim putet; & dictum est illis, quod hoc illis esset ex causa, quia Ipsi & Mundus essent fines, dum legerunt Verbum, & non verum fidei & bonum vitæ; & cum ipsi & mundus sunt fines, tunc Mens in legendō Verbum hæret in seipsis & in mundo, & inde cogitare jugiter ex suo proprio, & Proprium hominis in caligine quoad omnia, quæ Cæli & Ecclesiæ sunt, est; in quo statu non potest homo a Domino subduci, & elevari in lucem Cæli, proinde nec aliquem influxum a Domino per Cælum recipere. Vidi etiam hos in Cælum admissos, & cum ibi inventi sunt quod absque veris essent, dejecti sunt; sed usque apud illos remansit fastus quod meruerint. Aliter factum est cum illis, qui studuerunt Verbo ex affectione sciendi Verum quia est verum, & inservit usibus vitæ, non modo sive, sed etiam proximi; illos vidi elevatos in Cælum, & sic in lucem, in qua est Divinum Verum ibi, & simul tunc exaltatos in Sapientiam Angelicam, & in felicitatem ejus, in qua sunt Angeli Cæli.

VI.

*Quod per Sensum literæ Verbi sit conjunctio cum Domino,
& consociatio cum Angelis.*

234. Quod per Verbum sit conjunctio cum Domino, est quia Ipse est Verbum, hoc est, ipsum Divinum Verum & Divinum Bonum inibi: quod per Sensum literæ sit conjunctio, est quia Verbum in illo Sensu est in suo pleno, in suo sancto, & in sua potentia, ut supra in suo Articulo ostensum est: Coniunctio illa non appetat homini, sed est in affectione veri, & in perceptione ejus. Quod per Sensum literæ sit consociatio cum Angelis cæli, est quia illi Sensu inest Sensus spiritualis & Sensus cœlestis; & in his Sensibus sunt Angelii, Angelii Regni Spiritualis Domini in Sensu spirituali Verbi, & Angelii Regni cœlestis Ipsius in Sensu cœlesti ejus; hi bini Sensus evolvuntur ex Sensu naturali Verbi, dum homo, qui sanctum habet Verbum, legit illud. Evolutio est instantanea, proinde etiam consociatio.

235. Quod Angelii spirituales in Sensu spirituali Verbi sint, ac Angelii cœlestes in Sensu cœlesti ejus, manifestatum est mihi per multam experientiam: datum est percipere, quod cum legi Verbum in Sensu literæ ejus, communicatio facta sit cum Cælis, nunc cum hac Societate ibi, nunc cum illa; quæ ego secundum Sensum naturalem intellexi, Angelii spirituales secundum Sensum spiritualem, & Angelii cœlestes secundum Sensum cœlestem, intellexerunt; & hoc in instanti; quia hæc communicatio, per aliquot millenas vices percepta est, de illa non relista est mihi ulla dubitatio. Sunt etiam Spiritus, qui infra Cælos sunt, & hac communicatione abutuntur, recitant enim aliquot dicta ex Sensu literæ Verbi, & illico animadvertis & notant Societatem, cum qua communicatio fit; hoc etiam saepè vidi & audivi. Ex his per vivam experientiam datum est scire, quod Verbum quoad Sensum literæ ejus, sit Divinum medium conjunctionis cum Domino, & consociationis cum Angelis Cæli.

236. Sed illustrabitur per Exempla, quomodo Angelii spirituales percipiunt suum Sensum, & Angelii Cœlestes suum, ex Sensu naturali, quando homo legit Verbum: Exemplis sint quatuor præcepta decalogi; ut QUINTUM PRÆCEPTUM, *Non occides;* homo per hoc non modo intelligit occidere, sed etiam odio habere, & vindictam spirare usque ad necem: Angelus spiritualis pro occidere intelligit diabolum ageare, & necare animam hominis: Angelus autem cœlestis pro occidere intelligit Dominum odio habere, & Verbum. SEXTUM PRÆCEPTUM, *Non adulteraberis;*

homo per adulterari intelligit scortari, obsecna facere, lasciva loqui, & spurca cogitare: Angelus spiritualis pro adulterari intelligit adulterare bona Verbi, & falsificare vera ejus: Angelus autem cælestis pro adulterari intelligit adulterare bona Verbi, & prophanare Verbum. SEPTIMUM PRÆCEPTUM, *Non furaberis*; homo per furari intelligit furari, defraudare, & sub aliqua specie proximo auferre sua bona: Angelus spiritualis pro furari intelligit deprivare alios suæ fidei veris & bonis per falsa & mala; Angelus autem cælestis pro furari intelligit attribuere sibi illa quæ Domini sunt, ac vindicare sibi justitiam & meritum Ipsius. OCTAVUM PRÆCEPTUM, *Non false testaberis*; homo per false testari etiam intelligit mentiri, & aliquem diffamare: Angelus pro false testari intelligit dicere & persuadere, quod falsum sit verum, ac malum sit bonum, & viceversa: Angelus autem cælestis pro false testari intelligit blasphemare Dominum, & Verbum. Ex his videri potest, quomodo evolvitur & extrahitur spirituale & cælestis ex Sensu naturali Verbi, cui insunt; & quod mirabile est, Angeli extrahunt sua, præter quod sciant, quid homo cogitat; at usque cogitationes Angelorum & hominum unum faciunt per Correspondentias, sicut finis, causa, & effectus; fines etiam actualiter sunt in Regno cælesti, causæ in Regno spirituali, & effectus in Regno naturali: inde nunc est consociatio hominum cum Angelis per Verbum.

237. Quod Angelus spiritualis ex Sensu literæ Verbi extrahat & evocet spiritualia, & Angelus Cælestis cælestia, est quia illa naturæ illorum concordant, & homogenea sunt; quod ita fiat, illustrari potest per similia in Tribus naturæ Regnis, Animali, Vegetabili & Minerali. In REGNO ANIMALI; ex Cibo, cum factus est Chylus, hauriunt & evocant Vasa suum sanguinem, fibræ nerveæ suum succum, ac substantiæ, quæ sunt origines fibrarum, suum spiritum. In REGNO VEGETABILI; Arbor cum trunco, ramis, foliis, & fructibus stat super Radice sua, & ex humo per radicem extrahit & evocat succum crassiorem pro trunco, ramis & foliis, puriorem pro carne fructuum, & purissimum pro seminibus intra fructus. In REGNO MINERALI; in gremio terræ in quibusdam locis sunt Mineræ imprægnatae auro, argento, cupro & ferro; ex halitibus & effluviis e petris, trahit aurum suum elementum, argentum suum, & ferrum suum, & aqueum vehit illa circum circa.

238. Verbum in litera est sicut Theca, in qua in ordine jacent lapides pretiosi, uniones, & diademata; homo, qui sanctum habet Verbum, & propter usus vitæ legit illad, ejus mentis cogitationes sunt comparative, sicut qui thecam talem in manu tenet, & mittit illam ad Cælum, & hæc in ascensu aperitur, & pretiosa inibi ad Angelos veniunt, qui ex illis visis & lustratis penitus delectantur; hæc lorum delectatio communicatur cum homine, & facit consociationem, & quoque communicationem perceptionum. Propter hanc consociationem cum Angelis, & simul conjunctionem cum Domino, instituta est SANCTA CÆNA, in qua PANIS fit in Cælo Divinum Bonum & VINUM fit Divinum Verum, utrumque a Domino: talis Correspondentia est ex Creatione, propter finem, ut Cælum Angelicum & Ecclesia in terris, & in genere Mundus spiritualis cum Mundo naturali, unum faciat, & Dominus scilicet cum utroque simul conjungat.

239. Quod Consociatio hominis cum Angelis fiat per Sensum naturalem seu literalem Verbi, est quoque causa, quia in unoquovis homine ex creatione sunt tres Gradus vitæ, cælestis, spiritualis, & naturalis; sed homo in naturali est, quamdiu in Mundo, & tunc tantum in spirituali angelico, quantum in genuinis veris est, & tantum in cælesti, quantum in vita secundum illa est; at usque non venit in ipsum spirituale & cælesti, quam post mortem, quia hæc duo inclusa & recondita sunt in ideis naturalibus ejus; quare cum naturale per mortem abit, remanet spirituale & cælesti, ex quibus tunc fiunt ideæ cogitationis ejus. Ex his constare potest, quod in Solo Verbo sit spiritus & vita, sicut Dominus dicit,

Ver-

Verba, quæ Ego loquor vobis, spiritus & vita sunt, Joh. VI: 63. Aqua, quam Ego dabo vobis, fiet fons aquæ salientis in vitam æternam, Joh. IV: 14. Homo non ex solo pane vivit, sed ex omni Verbo egrediente ex ore Dei, Matth. IV: 4. Operamini cibum, qui manet in vitam æternam, quem Filius hominis vobis dabit, Joh. VI: 27.

VII.

Quod Verbum in omnibus Cælis sit, & quod inde sapientia angelica.

240. Quod Verbum in Cælis sit, non est haec tenus notum, nec potuit notum fieri, quādū Ecclesia ignoravit, quod Angeli & Spiritus sint homines, prorsus similes facie & corpore hominibus in nostro Mundo, & quod apud illos similia sint quæ apud homines in omnibus, cum sola differentia, quod illi Spirituales sint, & quod omnia quæ apud illos sunt, ex origine spirituali sint, & quod homines in Mundo naturales, & quod omnia apud eos, ex origine naturali sint. Quādū hoc latuit, non potuit sciri, quod Verbum etiam in Cælis sit, & quod legatur ab Angelis ibi, & quoque a Spiritibus qui sub Cælis sunt. Sed ne hoc lateret in perpetuum, datum est mihi in consortio esse cum Angelis & Spiritibus, & loqui cum illis, & videre quæ apud illos, & postea referre plura quæ vidi & audivi; hoc factum est in Opere de CÆLO & INFERNO, Londini Anno 1758 edito; ex quod videri potest, quod Angeli & Spiritus sint homines, & quod omnia in copia apud illos sint, quæ apud homines in Mundo: Quod Angeli & Spiritus homines sint, videatur in illo Opere, n: 73 ad 77. & n: 453 ad 456. Quod similia sint apud illos, quæ apud homines in Mundo, n: 170 ad 190: tum etiam, quod Cultus Divinus, & quod Prædicationes in Templis, apud illos sint, n: 221 ad 227. Et quod Scripturæ & quoque Libri, n: 253 ad 264; & quod Scriptura sacra seu Verbum: n: 259.

241. Quod Verbum in Cælo attinet, hoc scriptum est stylo spirituali, qui prorsus differt a stylo naturali; stylus spiritualis consistit ex meris literis, quarum unaquævis involvit quendam Sensum, & sunt lineolæ, strophæ & punctuationes supra & inter literas, & in illis, quæ exaltant Sensum. Literæ apud Angelos Regni spiritualis sunt similes literis typographicis in nostro Mundo; & literæ apud Angelos Regni Cælestis sunt apud quosdam similes literis Arabicis, apud quosdam literis vetustis Hebraicis, sed inflexis supra & infra, cum signaturis supra, inter, & intra, harum etiam quælibet involvit integrum Sensum. Quia talis est scriptura illorum, ideo Nomina personarum & locorum in Verbo apud illos signata sunt, inde a sapientibus intelligitur quid spirituale & cæleste per quodlibet significatur, sicut per Mosen Verbum Dei per illum scriptum, & in communi sensu Verbum Historicum, per Eliam Propheticum, per Abrahamum, Iacum & Jacobum Dominus quoad Divinum cæleste, Divinum spirituale, & Divinum naturale; per Aharonem Sacerdotium, per Davidem Regium, utrumque Domini; per Nomina filiorum Jacobi, seu duodecim Tribuum Israelis, varia Cæli & Ecclesiæ; similia per Nomina duodecim Discipulorum Domini; per Zionem & Hierosolymam Ecclesia quoad doctrinam e Verbo; per terram Canaanem ipsa Ecclesia; per Loca & Urbes ibi & trans Jordanem, varia quæ Ecclesiæ & ejus doctrinæ sunt. Simile est cum Numeris, hi nec in Verbis quæ in Cælo, sunt, sed pro illis res, quibus numeri correspondent: Ex his constare potest, quod Verbum in Cælo sit quoad Sensum literalem simile, & simul correspondens nostro Verbo, & sic quod unum sint. Hoc mirabile est, quod Verbum in Cælis ita scriptum sit, ut sim,

simplices illud simpliciter intelligent, ac ut sapientes sapienter; sunt enim plures strophæ & signaturæ supra literas, quæ, ut dictum est, exaltant Sensum; simplices ad illas non attendunt, nec illas norunt; at sapientes attendunt, quisque secundum suam Sapientiam, usque ad summam. Exemplar Verbi ab Angelis a Domino inspiratis scriptum, apud unamquamque Societatem majorem, in Sacrario ejus, repositum est, ne Verbum quoad aliquod punctionem alibi immutetur. Verbum, quod in nostro Mundo est, simile est Verbo Cæli in eo, quod simplices illud simpliciter intelligent, & sapientes sapienter; sed hoc fit alio modo.

242. Quod omnis sapientia sit Angelis per Verbum, hoc fatentur ipsi, nam quantum in Verbi intellectu sunt, tantum in luce sunt; Lux Cæli est Divina Sapientia, quæ coram oculis eorum est Lux. In Sacrario, in pro Exemplar repositum est, est Lux flammea & candida, excedens omnem gradum lucis, quæ extra illud in Cælo est. Sapientia Angelorum Cælestium excedit Sapientiam Angelorum spiritualium, pæne sicut sapientia horum Angelorum excedit sapientiam hominum; & hoc ex causa, quia Angeli cælestes in bono amoris a Domino sunt, & Angeli spirituales in veris sapientiæ a Domino sunt; & ubi bonum amoris est, ibi residet sapientia simul; at ubi vera sunt, ibi non residet plus sapientiæ, quam quantum simul bonum amoris. Hæc causa est, quod Verbum in Regno Cælesti Domini alter scriptum sit quam in Regno Spirituali Ipsiœ; nam in Verbo Regni cælestis sunt expressa bona amoris, & signa sunt affectiones amoris, at in Verbo Regni spiritualis sunt expressa vera sapientiæ, & signa sunt perceptiones interiores veri. Ex his concludi potest, qualis Sapientia in Verbo, quod in Mundo est, recondita latet; in illo enim latet omnis Sapientia angelica, quæ ineffabilis est; & in illum venit homo post mortem, qui a Domino per Verbum angelus fit.

VIII.

Quod Ecclesia sit ex Verbo, & quod talis sit apud hominem, qualis ei est intellectus Verbi.

243. Quod Ecclesia sit ex Verbo, hoc non cadit in dubium, nam supra ostensum est, quod Verbum sit Divinum Verum, n: 189 ad 192; Quod ex Verbo sit Doctrina Ecclesiæ, n: 225 ad 233, & quod per Verbum sit conjunctio cum Domino, n: 234 ad 239; sed quod intellectus Verbi faciat Ecclesiam, hoc in dubium vocari potest, quoniam sunt qui credunt, quod ab Ecclesia sint quia Verbum habent, id legunt, vel a Prædicatore audiunt, & aliquid ex sensu literæ ejus sciunt; sed quomodo hoc & illud in Verbo intelligendum est, non sciunt, & quidam nontanti æstiment: quare hic confirmabitur, quod non Verbum faciat Ecclesiam, sed intellectus ejus, & quod Ecclesia talis sit, qualis est intellectus Verbi apud illos, qui in Ecclesia sunt:

244. Quod Ecclesia sit secundum intellectum Verbi, est quia Ecclesia est secundum vera fidei & bona charitatis, & haec duo sunt universalia, quæ non modo circumsparsa sunt per tolem sensum literalem Verbi, sed etiam intus latent sicut pretiosa in thesauris: coram omni homine apparent illa quæ in Sensu literalis ejus sunt, quia influunt directe in oculos, at quæ in Sensu spirituali latent, illa non apparent nisi eis, qui amant vera quia vera sunt, & faciunt bona quia bona; coram his manifestatur thesaurus, quem Sensus literalis tegit & custodit; & haec sunt, quæ essentialiter faciunt Ecclesiam.

245. Quod Ecclesia sit secundum Doctrinam ejus, & quod Doctrina sit ex Verbo,

bo, notum est; sed usque Doctrina non instaurat Ecclesiam, sed integritas & puritas Doctrinæ, consequenter intellectus Verbi; sed specialem Ecclesiam, quæ est apud hominem in singulari, non instaurat & facit Doctrina, sed fides & vita secundum illam; similiter Verbum non instaurat & facit Ecclesiam in specie apud hominem, sed fides secundum vera, & vita secundum bona, quæ inde haurit & fibi applicat. Verbum est sicut Fodina, in qua aurum & argentum in profundo in omni copia sunt, ac sicut Fodina, in qua interius & interius lapides plus & plus pretiosi latent, haec fodinæ aperiuntur secundum intellectum Verbi; absque intellectu Verbi, qualis est in se, in suo sinu, & in sua profunditate, illud non plus faceret Ecclesiam apud hominem, quam Fodinæ illæ in Asiatico orbe facerent Europæum divitem; aliter si foret inter illarum possessores & operarios. Verbum apud illos, qui scrutantur vera fidei & bona vitae inde, est sicut sunt Gazæ apud Regem Persiæ, aut apud Imperatores Mogolis & Chinæ, & homines Ecclesiæ sicut præfecti illarum, quibus data est venia ad suos usus desumere quantum libet; at illi qui Verbum modo possident, ac legunt illud, & tamea non inquirunt genuina vera pro fide, & genuina bona pro vita, sunt sicut illi qui ex novellis sciunt, quod tantæ gazæ ibi sint, sed ex illis ne quidem nummum accipiunt. Illi, qui Verbum possident, & non aliquem intellectum genuini veri & voluntatem genuini boni inde hauriunt, sunt sicut qui credunt se divites ex opibus mutuo acceptis ab aliis, aut possessionatos ab aliorum prædiis, domibus & mercibus, quod hoc sit phantasticum, quisque videt. Similes etiam sunt illis, qui incedunt in magnificis vestibus, vehuntur in auratis curribus cum satelliis a tergo & ad latera, & præcursoribus, & tamen non quicquam ex illis sue proprietatis sunt.

246. Talis fuit Gens Judaica, quare illa, quia possidebat Verbum, a Domino assimilabatur Diviti, qui indutus erat purpura & bysso, & splendide vivebat quotidie, & usque ex Verbo ne quidem tantum veri & boni hauserat, ut miseretur pauperis Lazari, ante ostium ejus ulcerosus jacentis; illa Gens non solum non aliqua vera ex Verbo appropriavit sibi, sed falsa in tali copia, ut tandem illis non appareret aliquod verum; nam vera per falsa non modo obteguntur, sed etiam obliterantur & rejiciuntur; inde erat, quod nec agnoverint Messiam, tametsi omnes Prophetæ Ipsiis Adventum annuntiaverant.

247. Multis in locis apud Prophetas describitur Ecclesia apud Gentem Israeliticam & Judaicam, quod prorsus destruxta & nulla facta sit per id, quod Sensum seu Intellectum Verbi falsificaverint; nam aliud non destruit Ecclesiam. Intellectus Verbi, tam verus quam falsus, describitur apud Prophetas per EPHRAIMUM, imprimis apud Hoscheam, nam per Ephraim in Verbo significatur intellectus Verbi in Ecclesia. Quoniam intellectus Verbi facit Ecclesiam, ideo Ephraim vocatur FILIUS PRETIOSUS, & NATUS DÉLICIAS, Jerem. XXXI: 21. PRIMOGENITUS, Jerem. XXXI: 20. ROBUR CAPITIS JEHOVÆ, Psalm LX: 9. Psalm CVIII: 9. POTENS, Sach. X: 7. IMPLETUS ARCU, Sach. IX: 13; & filii Ephraimi vocantur ARMATI ET JACULATORES ARCUS, Psalm LXXXVIII: 9; per Arcum enim significatur Doctrina ex Verbo pugnans contra falsa. Ideo etiam Ephraim ad dextram Israelis translatus est, & benedictus; tum loco Rubenis acceptatus est, Genes. XLVIII: 5. 11; seq. Et ideo, Ephraim cum fratre suo Menasse a Mose in Benedictione filiorum Israelis sub nomine Josephi patris illorum supra omnes exaltatus est, Deut. XXXIII: ad 17. Qualis autem Ecclesia est, quando intellectus Verbi est deperditus, per Ephraim apud Prophetas etiam describitur, imprimis apud Hoscheam; ut in his, Israel & Ephraim corruent. Ephraim in solitudinem erit. Ephraim oppressus & confusus judicii, Hosch. V: 5. 9. 11. 12. 13. 14. Quid faciam tibi Ephraim, quia sanctitas tua sicut nubes auroræ, & sicut ros mane cadens, abit, Hosch. VI: 4. Non habitabunt in terra Jehovæ, revertetur Ephraim in Ægyptum, & in Assyria immundum comedet, Hosch. IX: 3; terra Jehovæ est Ecclesia, Ægyptus est scientificum na-

turalis hominis; Assyria est ratiocinatio inde, ex quibus duobus simul Verbum quoad intellectum ejus interiore falsificatur; ideo dicitur quod Ephraim in Ægyptum revertetur, & in Assyria immundum comedet. *Ephraim pascens ventum, & persequitur eurum; omni die mendacium & vastationem multiplicat; fædus cum Assyria pangit, & oleum in Ægyptum defertur,* Hosch. XII: 2, pascere ventum, persequi eurum, ac multiplicare mendacium & vastationem, est falsificare vera, & sic deltruere Ecclesiam. Simile etiam significatur per scortationem Ephraimi, nam scortatio significat falsificationem intellectus Verbi, hoc est, genuini veri ejus; in his, *Ego novi Ephraimum, quod omnino scortatus sit, & pollutus sit Israel,* Hosch. V: 3. *In domo Israelis vidi rem fædam, ibi scortatus est Ephraim, & pollutus est Israel,* Hosch. VI: 10, Israel est ipsa Ecclesia, & Ephraim est intellectus Verbi, ex quo & secundum quem est Ecclesia; quare dicitur, scortatus est Ephraim, & pollutus est Israel. Quoniam Ecclesia apud Gentem Israeliticam & Judaicam per falsificationes Verbi plane destruxta fuit, ideo de Ephraimo dicitur, *Dabo te Ephraim, tradam te Israel, sicut Adamam, & ponam te sicut Zeboim,* Hosch. XI: 8. Nunc quia apud Prophetam Hoscheam a Primo Capite ad Ultimum de Falsificatione genuini intellectus Verbi, & de destructione Ecclesiæ per illam, & quia per scortationem significatur falsificatio veri ibi, ideo mandatum est illi Prophetæ, ut repræsentaret illum statum Ecclesiæ, per *quod acciperet sibi Scortum in Uxorem, & ex illa gigneret filios,* Cap. I: ac iterum, *ut acciperet Mulierem adulteram,* Cap. III. Hæc allata sunt, ut ex Verbo sciatur & confirmetur, quod Ecclesia talis sit, qualis est intellectus Verbi in illa, præstans & pretiosa, si intellectus sit ex genuinis veris ex Verbo, at destruxta, imo fæda, si ex falsificatis.

IX.

*Quod in singulis Verbi sit Conjugium Domini & Ecclesiæ,
& inde Conjugium boni & veri.*

248. Quod in singulis Verbi sit Conjugium Domini & Ecclesiæ, & inde Conjugium boni & veri, hactenus non visum est, nec videri potuit, quia Sensus spiritualis Verbi non prius detectus est, & id conjugium non videri potest nisi per illum: sunt enim bini Sensus in Verbo, latentes in Sensu literæ ejus, qui vocantur Spiritualis, & Cœlestis; in Spirituali Sensu in Verbo se referunt illa quæ ejus sunt, maxime ad Ecclesiam, & in Cœlesti maxime ad Dominum; tum in Spirituali sensu se referunt illa quæ ejus sunt ad Divinum Verum, & in Cœlesti ad Divinum Bonum; inde est in Verbo illud Conjugium. Sed hoc non appetat alicui, nisi qui ex Sensu spirituali & cœlesti Verbi scit vōcūm & nominum significations, nam quædam voces & nomina prædicantur de Bono, & quædam de Vero, & quædam includunt utrumque; quare absque illa cognitione Conjugium illud in singulis Verbi non videri potuit: hæc causa est, quod hoc Arcanum non prius detectum fuerit. Quoniam tale conjugium in singulis Verbi est, ideo multoies in Verbo sunt binæ Expressiones, quæ apparent sicut Repetitiones unius rei; attamen non sunt Repetitiones, sed una se refert ad bonum, & altera ad verum, ac utraque simul sumpta, facit conjunctionem illorum, ita unam rem. Inde etiam est Divina sanctitas Verbi; nam in omni Opere Divino est Bonum conjunctum Vero, ac Verum conjunctum Bono.

249. Dicitur quod in singulis Verbi sit conjugium Domini & Ecclesiæ, & inde conjugium boni & veri; quia ubi conjugium Domini & Ecclesiæ est, ibi etiam conjugium boni & veri est, est enim hoc conjugium ab illo; nam dum Ecclesia seu ho-

homo Ecclesiæ in veris est, tunc Dominus in vera ejus influit cum bono, & illa vivificat; seu quod idem, dum homo Ecclesiæ in intellectu veri est, tunc Dominus per bonum charitatis in intellectum ejus influit, & sic ei infundit vitam. Sunt binæ Facultates vitæ apud unumquemvis hominem, quæ Vocantur Intellectus & Voluntas; Intellectus est receptaculum veri, & inde sapientia, ac voluntas est receptaculum boni, & inde charitatis; hæ duæ Facultates unum facient, ut homo sit homo Ecclesiæ, ac unum faciunt, dum homo Intellectum format ex genuinis veris, & hoc fit ad apparentiam sicut ab illo, & dum Voluntas ejus impletur bono amoris, hoc fit a Domino; inde homini vita veri & vita boni est, vita veri in Intellectu, & vita boni in Voluntate, quæ dum unitæ sunt, non duas sed unam vitam faciunt. Hoc est Conjugium Domini & Ecclesiæ, tum Conjugium boni & veri apud hominem.

250. Quod in Verbo sint binæ Expressiones, quæ apparent sicut Repetitiones ejusdem rei, a legentibus, qui ad id attendunt, potest videri, ut frater & socius, pauper & egenus, vastitas & solitudo, vacuitas & inanitas, hostis & inimicus, peccatum & iniquitas, ira & excandescētia, gens & populus, gaudium & lætitia, luctus & lachrymatio, justitia & judicium, &c; quæ apparent sicut synonyma, cum tamen usque non sunt, nam frater, pauper, vastitas, hostis, peccatum, ira, gens, gaudium, luctus, justitia, prædicantur de bono, & in opposito sensu de malo; at socius, egenus, solitudo, inanitas, inimicus, iniquitas, excandescētia, populus, lætitia, lachrymatio, judicium, prædicantur de vero, & in opposito sensu de falso; & tamen appetit legenti, qui hoc arcanum non novit, quod pauper & egenus, vastitas & solitudo, vacuitas & inanitas, &c, una res sint, & tamen non sunt, verum una res sunt per conjunctionem. In Verbo etiam conjunguntur plura, ut ignis & flamma, aurum & argentum, æs & ferrum, lignum & lapis, pānis & vinum, purpura & byssus, &c: quia ignis, aurum, æs, lignum, panis, purpura, prædicantur de bono, at flamma, argentum, ferrum, lapis, aqua, vinum & byssus, prædicantur de vero. Similiter quod dicatur, quod amaturi sint Deum ex toto corde & ex tota anima, tum quod Deus creaturus sit in homine novum cor & novum spiritum, cor enim prædicatur de bono amoris, ac anima & spiritus de veris fidei. Dantur etiam voces, quæ quia de utroque tam bono quam vero participant, solitarie absque adjunctis aliis dicuntur; sed hæc & plura alia non existant nisi coram Angelis & coram illis, qui dum in Sensu naturali, etiam in Sensu spirituali, sunt.

251. Quod binæ tales Expressiones in Verbo sint, quæ apparent sicut Repetitiones ejusdem rei, prolixum foret ex Verbo ostendere, nam chartas impleret; sed ut tollatur dubium, volo loca afferre, ubi GENS & POPULUS, & ubi GAUDIUM & LÆTITIA, simul dicuntur. Loca, ubi Gens & Populus nominantur, sunt hæc: *Væ GENTI peccatrici, POPULO gravi iniquitate*, Efaj. I: 4. *POPULI ambulantes in tenebris viderunt lucem magnam, multiplicasti GENTEM*, Efaj. IX: 1. 2. *Aſchur virga iræ meæ, contra GENTEM hypocritam mittam illum, contra POPULUM excandescētiae meæ mandabo illum*, Efaj. X: 5. 6. *Fiet in die illo Radicem Iſchaji, qui stans in signum POPULORUM, GENTES querent*, Efaj. XI: 10. *Jehovah percutiens POPULOS plaga non curabili, Dominans cum ira GENTIEUS*, Efaj. XVI: 6. *In die illo adducetur munus Jehovæ Zebaoth POPULUS distractus, expilatus, & GENS delineata & conculcata*, Efaj. XVI: 2. *Honorabunt Te POPULUS validus, urbs GENTIUM potentium timebunt Te*, Efaj. XXV: 3. *Jehovah absorbebit obvelationem super omnes POPULOS, velamen super omnes GENTES*, Efaj. XXV: 8. *Appropinquate GENTES, & POPULI auſcultate*, Efaj. XXXIV: 1. *Vocavi Te in fædus POPULI, in lucem GENTIUM*, Efaj. XLII: 6. *Omnes GENTES congregentur una, & conveniant POPULI*, Efaj. XLIII: 9. *Ecce tollam erga GENTES manum meam, & erga POPULOS signum meum*, Efaj. XLIX: 22. *In Testem POPULIS dedi Ipsum, Principem & Legislatorem GEN-*

GENTIRUS, Esaj. LIV: 4. 5. *Ecce POPULUS veniens e terra septentrionis, & GENS magna e lateribus terrae, Jérem. VI: 22. 23. Non audire te faciam amplius calumniam GENTIUM, & opprobrium POPULORUM non portabis amplius, Ezech. XXXVI: 15. Omnes POPULI & GENTES Ipsi colent, Dan. VII: 14. Ne dicterium de illis faciant GENTES, & dixerint in POPULIS ubi Deus eorum, Joel II: 7. Reliquiae POPULI mei depraedabuntur illos, & residui GENTIS meæ hæreditabunt illos, Zeph. II: 9. Venient POPULI multi, & GENTES numerosæ ad quærendum Jehovam in Hierosolyma, Sach. VIII: 22. Viderunt oculi mei Salutare tuum, quod præparasti ante faciem omnium POPULORUM, lumen in revelationem GENTIUM, Luc. II: 30. 31. 32. Redemisti nos sanguine tuo ex omni POPULO & GENTE, Apoc. V: 9. Oporiet te rurus prophetare super POPULOS & GENTES, Apoc. X: 11. Pones me in caput GENTIUM, POPULUS, quem non noveram, servient mihi, Psalm XVIII: 44. Jehovah reddit consilium GENTIUM, subvertit cogitationes POPULORUM, Psalm XXXIII: 10. Ponis nos proverbum inter GENTES, motioquem capitum inter POPULOS, Psalm XLIV: 15. Jehovah subieciet POPULOS sub nos, & GENTES sub pedes nostros; regnat Jehovah super GENTES, spontanei POPULORUM cœgregati sunt, Psalm XLVII: 4. 9. 10. Confitebuntur Te POPULI, & jubilabunt GENTES; eo quod judicaturus sis POPULOS in reütidine, & GENTES in Terra ducturus sis, Psalm LXVII: 3. 4. 5. Memento mei Jehovah in beneplacito POPULI tui, ut later in gaudio GENTIUM tuarum, Psalm CXI: 4. 5; præter alibi. Quod Gentes & simul Populi dicantur, est quia per Gentes intelliguntur qui in bono sunt, & in opposito sensu qui in malo; & per Populos qui in veris, & in opposito sensu qui in falsis: quare illi qui e Spirituali Regno Domini sunt, vocantur Populi, & illi qui e Cœlesti Régno Domini sunt, vocantur Gentes, nam in spirituali Regno sunt omnes in Veris & inde Intelligentia, in Cœlesti autem Regno sunt omnes in Bohis & inde Sapientia.*

252. Simile est cum multis aliis; sicut quod ubi dicitur GAUDIUM etiam dicatur LÆTITIA, ut in his; *Ecce GAUDIUM & LÆTITIA occidere bovem, Esaj. XXII: 13. GAUDIUM & LÆTITIA affipientur, fugient TRISTITIA & gemitus, Esaj. XXXV: 10. Cap. LI: 11. Excisum est e Domo Dei nostri LÆTITIA & GAUDIUM, Joel I: 16. Abrogabitur vox GAUDII & vox LÆTITIE, Jérém. VII: 34. Cap. XXV: 10. Jejunium decimi erit domui. Jehudæ in GAUDIUM & LÆTITIAM, Sach. VIII: 19. LÆTEMINI in Hierosolyma, GAUDETE in ea, Esaj. LXVI: 10. GAUDE & LÆTARE filie Edomi, Thron. IV: 21. LÆTABUNTUR Cali, & GAUDEBIT Terra, Psalm LXVIII: 4. Audire me facient GAUDIUM & LÆTITIAM, Psalm Lk: 10. GAUDIUM & LÆTITIA invenietur in Zione, Confessio & vox cantus, Esaj. LI: 3. Erit LÆTITIA, & multi super nativitate Ipsius GAUDEBUNT, Luc. I: 14. Cessare faciam vocem GAUDII & vocem LÆTITIE, vocem sponsi & vocem sponsæ, Jérém. VII: 34. Cap. XVI: 9. Cap. XXV: 10. Adhuc audietur in loco hoc vox GAUDII & vox LÆTITIE, ac vox sponsi & vox sponsæ, Jérém. XXXIII: 10. 11; & alibi. Quod utrumque tam Gaudium quam Lætitia dicatur, est quia Gaudium prædicatur de Bono, & Lætitia de Verro, seu Gaudium de Amore, & Lætitia de Sapientia; est enim Gaudium Cordis & Lætitia Spiritus, seu Gaudium est Voluntatis, & Lætitia est Intellectus. Quod Conjugium Domini & Ecclesiae etiam in his sit, patet ex eo, quod dicatur, *Vox Gaudii & vox Lætitiae, vox Sponsi & vox Sponsæ, Jér. VII: 34. Cap. XVI: 9. Cap. XXV: 10. Cap. XXXIII: 10. 11; & Dominus est Sponsus & Ecclesia est Sponsa; quod Dominus sit Sponsus, videatur Matth. IX: 15. Marc. II: 19. 20. Luc. V: 3, & quod Ecclesia sit Sponsa, Apoc. XXI: 2. 9. Cap. XXII: 17; quare Johannes Baptista dixit de Jesu, Qui habet sponsam Sponsus est, Joh. III: 29.**

253. Propter Conjugium Divini Boni & Divini Veri in singulis Verbi, permultis in locis dicitur Jehovah Deus, tum Jehovah & Sanctus Israelis, sicut forent duo; cum tamen unum sunt; per Jehovah enim intelligitur Dominus quoad Divinum Bonum Divini Amoris, & per Deum & per Sanctum Israelis intelligitur Dominus quoad

quoad Divinum Verum Divinæ Sapientiæ. Quod Jehovah & Deus, ac Jehovah & Sanctus Isralis in permultis locis in Verbo dicantur, & tamen intelligatur Unus, in DOCTRINA DE DOMINO REDEMPTORE videatur.

X.

Quod Hæreses ex Sensu literæ Verbi captari possint, sed quod confirmare illas damnosum sit.

254. Supra ostensum est, quod Verbum non possit intelligi absque Doctrina, & quod Doctrina sit sicut Lucerna, ut genuina Vera videantur; & hoc ex causa, quia Verbum per meras Correspondentias conscriptum est; inde est, quod plura ibi Apparentiae veri sint, & non nuda vera; & plura ad captum mere naturalis hominis scripta, & tamen ita, ut Simplices illud simpliciter possint intelligere, & intelligentes intelligenter, ac sapientes sapienter. Nunc quia Verbum tale est; possunt Apparentiae veri, quæ sunt vestita vera, pro nudis veris captari, quæ dum confirmantur, fiunt fallacie, quæ in se sunt falsa. Ex eo, quod Apparentiae veri, pro genuinis veris captæ & confirmatae sint, enatæ sunt omnes Hæreses, quæ in Christiano Orbe fuerunt, & adhuc sunt. Ipsæ Hæreses non damnant homines, sed confirmationes falsitatum, quæ in Hæresi sunt, ex Verbo, & per ratiocinia ex naturali homine, & vita mala damnant. Quisque enim nascitur in Religionem Patriæ suæ aut Parentum suorum; ab infantia iniciatur in illam, & postea retinet illam, nec potest semet ipsum educere ex falsis ejus, tam propter negotia in Mundo, quam propter imbecillitatem intellectus in perspiciendis veris illius profapiæ; sed vivere male, & confirmare falsa usque ad destructionem genuini veri, hoc damnat: nam qui manet in sua Religione, & credit in Deum, ac intra Christianissimum credit in Dominum, & Verbum sanctum habet, & secundum præcepta Decalogi ex religione vivit, is non jurat in falsa, quare dum audit vera, & suo modo percipit illa, potest illa amplecti, & sic a falsis educi; non autem ille, qui falsa Religionis suæ confirmaverat, nam falsum confirmatum manet, & non potest extirpari; est enim falsum post confirmationem, sicut quis juraverit in illud, imprimis si cohæret cum amore sui, aut cum fastu propriæ intelligentiæ.

255. Loquutus sum cum quibusdam in Mundo spirituali, qui ante plura Sæcula vixerunt, & se confirmaverunt in falsis Religionis suæ, & compertus sum, quod in iisdem adhuc constanter manerent: & quoque loquutus sum cum quibusdam ibi, qui in eadem Religione fuerunt, & cogitaverunt sicut illi, sed non confirmaverunt falsa ejus apud se, & compertus sum, quod instructi ab Angelis falsa rejecerint, & vera receperint, & quod hi salvati sint, non autem illi. Unusquisque homo post mortem instruitur ab Angelis, & recipiuntur illi qui vera vident, & ex veris falsa; sed modo illi vident vera, qui se non confirmaverunt in falsis, sed qui se confirmaverunt, illi non volunt videre vera, & si vident, se retro vertunt, & tunc vel ad illa rident, vel illa falsificant; genuina causa est, quod Confirmatione intret voluntatem, ac voluntas est ipse homo, & disponit intellectum ad nutum; at nuda cognitio modo intrat intellectum, & hic non aliiquid jus in voluntatem habet, ita non est in homine, aliter quam sicut qui stat in atrio aut in porta, & non adhuc in domo.

256. Sed hoc illustretur per Exemplum: in Verbo multis in locis tribuitur Deo ira, excandescientia, vindicta, & quod puniat, dejicit in Infernum; tentet, & plura similia; qui hoc simpliciter & sicut infans credit, & propterea timet Deum, & si qui cavet a peccare contra Ipsum, ille propter simplicem illam fidem, non

damnatur. Sed qui apud se confirmat illa eo usque, ut credat, quod ira, excandescientia, vindicta, & sic talia quæ mali sunt, apud Deum sint, & quod ex ira, excandescientia & vindicta hominem puniat, ac in infernum dejiciat, ille damnatur, quia genuinum verum destruxit; quod est, quod Deus sit ipse Amor, ipsa Misericordia, & ipsum Bonum, & Qui est illa, non potest irasci, excandescere, & vindicare; quod illa in Verbo tribuantur Deo, est quia ita appetet; talia sunt apparentiæ veri.

257. Quod plura in Sensu literæ Verbi sint Apparentiæ veri, in quibus vera genuina latet, & quod non damnosum sit secundum apparentias veri simpliciter cogitare, & quoque loqui, sed quod damnosum sit illas confirmare, quoniam per confirmationem destruitur Divinum Verum quod intus latet, illustrari etiam potest per Exemplum in natura, quod adfertur, quia Naturale clarius illustrat & docet, quam Spirituale. Coram oculis appetet, sicut quod Sol quovis die circum Tellurem feratur, & quoque semel quotannis; inde dicitur, quod Sol oriatur & occidat, quod faciat mane, meridiem, vesperam, & noctem, & quoque tempora veris, æstatis, autumni, & hyemis, & sic dies & annos; cum tamen Sol immotus stat, est enim Oceanus igneus, & Tellus circumvolvitur quotidie, & circumfertur quotannis: homo, qui ex simplicitate & ex ignorantia cogitat, quod Sol circumferatur, non defrui veritatem naturalem, quæ est, quod Tellus rotetur circum axem, & quotannis feratur secundum Ecclipticam: at qui confirmit apparentem Solis motum, per ratiocinia ex naturali homine, & plus qui per Verbum quia ibi dicitur quod Sol oriatur & occidat, ille infirmat veritatem, & disruit illam; & postea vix potest videre illam, tametsi ad oculum ostenderetur, quod universum Cælum astriferum similiter quotidie & quotannis ad apparentiam circumferatur, & tamen ne quidem una Stella e loco suo fixo ab altera removeatur. Quod Sol moveatur, est apprens verum, at quod non moveatur, est genuinum verum; attamen quisque loquitur secundum apprens verum, dicendo quod Sol oriatur & occidat, & hoc licet, quia non potest aliter, sed cogitare secundum illud ex confirmatione, hoc intellectum rationale hebetat & opacat.

258. Quod damnosum sit confirmare apparentias veri, quæ in Verbo sunt, quoniam per id fit fallacia, & sic Divinum Verum, quod intus latet, destruitur, ipsa causa est, quia omnia & singula Sensus literæ Verbi communicant cum Cælo, nam ut supra ostensum est, omnibus & singulis sensus literæ ejus inest sensus spiritualis, & hic aperitur dum transit ab homine ad cælum; ac omnia Sensus spiritualis sunt genuina vera; quare dum homo in falsis est, & applicat sensum literæ ad illa, tunc inibi falsa sunt, & dum intrant falsa, dissipantur vera; quod fit in via ab homine ad cælum; & hoc fit comparative sicut vesica nitida felle repleta, projicitur ad alterum, quæ antequam ad illum venit, in aere frangitur, & fel circumspargitur, ad quod, dum alter aerem felle infectum sentit, se avertit, & quoque occludit os, ne tingat linguam ejus; & est sicut Uter cinctus termitibus cedri, in quo acetum vermiculis plenum est, ac uter in via rumpitur, ac nidor ejus sentitur ab altero, qui tunc illico ex nausea, nidorem ejus, ne influat in narēs ejus, quodam ventilabro dissipat. Est quoque sicut amygdatum in crusta, intra quam loco amygdali est coluber recens natus, & crusta illa evellitur, & colubellus ille appetet vento ferri in oculos alterius, quod hic se avertat, ne id fiat, ex se patet. Simile est cum lectione Verbi ab homine, qui in falsis est, & ad falsa sua applicat aliqua sensus literæ Verbi, quod tunc rejiciatur in via ad Cælum, ne tale quid influat, ac Angelos infestet; falsum enim dum tangit verum, est sicut acumen acus dum tangit fibrillam nervi, aut pupillam oculi; quod fibrilla nervi se illico revolvat in spiram & se in se recipiat, notum est, similiter quod oculus ad primum tactum ejus palpebris se obvolvat. Ex his patet quod verum falsificatum auferat

com-

communicationem cum Cælo, & claudat illud. Hæc causa est, quod confirmare aliquod falsum hæreticum, damnosum sit.

259. Verbum est sicut Hortus, qui Paradisus Cælestis vocandus est, in quo cupidiae & deliciæ omnis generis sunt, cupidiæ ex fructibus & deliciæ ex floribus, in cuius medio sunt Arbores vitæ, juxta quas fontes aquæ vivæ: & circum Hortum sunt arbores sylvæ. Homo qui ex Doctrina in Divinis veris est, in medio est, ubi sunt Arbores vitæ, & actualiter cupidiis & deliciis ejus fruitur; homo autem qui non ex Doctrina in veris est, sed ex solo Sensu literæ, is in circuitu est, & videt modo sylvestria: at qui in Doctrina Religionis falsæ est, & falsum ejus apud se confirmavit, ne quidem in Sylva est, sed extra illam in Campo arenoso, ubi nec gramen. Quod etiam talis status illorum post mortem sit, in Operæ DE CÆLO ET INFERNO, ostensum est.

260. Insuper sciendum est, quod Sensus literæ sit custodia pro genuinis veris, quæ intus latent, ne lœdantur; & in eo est custodia; quod ille Sensus possit hoc illuc verti, & explicari secundum captum, & tamen Internum ejus non lœdi & violari; non enim nocet, quod Sensus literæ aliter ab uno quam ab altero intelligatur, sed id nocet, si homo falsa infert, quæ contra Divina vera sunt, quod unice fit ab illis, qui se in falsis confirmaverunt; per hoc infertur Verbo violentia: ne hoc fiat, custodit Sensus literæ, & custodit apud illos, qui in falsis sunt ex Religione, & falsa ejus non confirmant. Sensus literæ Verbi ut Custodia, significatur per Cherubos in Verbo, & quoque per illos describitur ibi. Hæc Custodia significatur per Cherubos, qui, postquam Adamus cum Uxore ejectus est ex Horto Edenis, ad introitum ejus positi sunt, de quibus hæc leguntur, *Cum Jehovah Deus expulerat hominem, habitare fecit ab Oriente horti Edenis CHERUBOS, & flammarum gladii hinc inde vertentis se, ad custodiendum viam Arboris vite*, Genef. III: 23. 24. Quid hæc significant nemo videre potest, nisi sciat, quid per Cherubos significatur, & quid per Hortum Edenis, & per Arborem vitæ ibi, & dein quid per Flammam gladii hinc inde vertentis se; hæc singula in ARCANIS CÆLESTIBUS Londini editis ad hoc Caput explicata sunt; videlicet, quod per Cherubos significetur Custodia; per viam Arboris vitæ significatur introitus ad Dominum, qui hominibus est per Vera Sensus Spiritualis Verbi; per flammarum gladii vertentis se, significatur Divinum Verum in ultimis, quod est sicut Verbum in Sensu literæ, qui ita verti potest. *Simile intelligitur per CHERUBOS EX AURO POSITOS super duabus extremitatibus Propitiatorii, quod erat super Arca, in Tabernaculo*, Exod. XXV: 18 ad 21; per Arcam significabatur Verbum, quia Decalogus in illa erat primitivum ejus, per Cherubos ibi significabatur custodia, quare Dominus cum Mose inter illos loquutus est, Exod. XXV: 22. Cap. XXXVI: 9. Num. VII: 89. & loquutus est in Sensu naturali, nam cum homine non loquitur nisi in pleno, & in Sensu literæ est Divinum Verum in suo pleno, videatur sapra n: 214 ad 224. Nec aliud significatum est per CHERUBOS super Aulæs Tabernaculi, & super Velo, Exod. XXVI: 31. nam Aulæ & Vela Tabernaculi significabant ultima Cæli & Ecclesiæ, ita quoque Verbi, videatur supra, n: 220. Similiter per CHERUBOS sculptos super parietibus & super foribus Templi Hierosolymitani, I Reg. VI: 29. 32. 35, videatur supra n: 221. pariter per CHERUBOS in Novo Templo, Ezech. XLI: 18. 19. 20. Quoniam per Cherubos significabatur Custodia ne Dominus, Cælum, & Divinum Verum, quale est intus in Verbo, immediate adeantur, sed mediate per ultima, ideo de Regem Tyri ita dicitur, *Tu ob signans demensum, plenus sapientia & perfectus pulchritudine, in Eden Horto fuisti, omnis lapis pretiosus tegumentum tuum, tu CHERUBE expansio contingens: perdidi te, CHERUBE CONTEGENS, in modio lapidum ignis*, Ezech. XXVIII: 12. 13. 14. 16. per Tyrum significatur Ecclesia quoad cognitiones veri & boni, & inde pe Regem Tyri Verbum ubi & unde cognitiones illæ sunt; quod Verbum hic in suo ultimo per illum, & per Cherubum Custodia significetur, patet, nam

dicitur, tu obsignans demensum, omnis lapis pretiosus tegumentum tuam, tu Cherube expansio contegentis, ut & Cherube contegens; quod per Lapidem pretiosos, qui etiam ibi nominantur, intelligantur illa quæ Sensus literæ sunt, videatur supra n: 217. 218. Quoniam per Cherubos significatur Verbum in ultimis, & quoque Custodia, ideo dicitur apud Davidem, *Jehovah inclinavit Cælos, & descendit, & equitavit supor Cherubo*, Psalm XVIII: 10. 11. *Pastor Israelis, qui sedet super Cherubis, effulge*, Psalm LXXX: 2. *Jehovah insidens Cherubis*, Psalm XCIX: 1. equitare super Cherubis, sedere super illis, est super sensu ultimo Verbi. Divinum Verum in Verbo, & ejus quale, describitur per quatuor Animalia, quæ etiam vocantur Cherubi, apud Ezechiel Cap. I: IX & X:; & quoque per quatuor Animalia in medio Throni, & juxta Thronum, Apoc. IV: 6. seq. Videatur APOCALYPSIS REVELATA a me Amstelodami edita, n: 239. 275. 314.

XL.

Quod Dominus in Mundo impleverit omnia Verbi, & per id factus sit Verbum, hoc est, Divinum Verum, etiam in ultimis.

261. Quod Dominus in Mundo impleverit omnia Verbi, & quod per id factus sit Divinum Verum, seu Verbum, etiam in ultimis, intelligitur per hæc apud Johannem, & Verbum Caro factum est, & habitavit inter nos, & vidimus Gloriam Ipsiœ, Gloriam sicut Unigeniti a Patre, plenus gratia & veritate, I: 14. fieri Caro est fieri Verbum in ultimis: Qualis Dominus fuit ut Verbum in ultimis, ostendit Discipulis cum transformatus est, Matth. XVII: 2. seq. Marc. IX: 2. seq. Luc. IX: 28. seq. & ibi dicitur, quod Moses & Elias visi sint in gloria, per Mosen intelligitur Verbum quod per illum scriptum est, & in genere Verbum Historicum, & per Eliam Verbum Propheticum. Dominus ut Verbum in ultimis, etiam representatus est coram Johanne, in Apocalypsi Cap. I: 13 ad 16., ubi omnia descriptionis Ipsiœ significant ultima Divini Veri, seu Verbi. Dominus prius quidem fuerat Verbum seu Divinum Verum, sed in Primis, nam dicitur, *In principio erat Verbum, & Verbum erat apud Deum, & Deus ERAT VERBUM*, Joh. I: 1. 2.; sed quando Verbum Caro factum est, tunc Dominus factus est Verbum etiam in ultimis; ex eo est, quod dicatur PRIMUS & ULTIMUS, Apoc. I: 8. 11. 17. Cap. II. 8. Cap. XXI: 6. Cap. XXII: 12. 13. Esaj. XLIV: 6.

262. Quod Dominus impleverit omnia Verbi, patet ex locis, ubi dicitur, quod ab Ipsi impleta fit Lex & Scriptura, & quod omnia consummata sint, ut ex his, dixit Jesus, *nolite putare, quod venerim ad solvendum LEGEM & PROPHETAM, non veni ad solvendum, SED AD IMPLENDUM*, Matth. V: 17. 18. *Iesus intravit in Synagogam, & surrexit ad legendum, tunc traditus est Ipsi Liber Esajæ Prophetæ, & evolvit Librum, & invenit Locum scriptum: Spiritus Jehovæ super me, propter quod unxit me, ad evangelizandum pauperibus misit me, ad sanandum contritos corde, ad evangelizandum vincit remissionem, & cæcis visum, ad prædicandum Annum Domini acceptum: Postea convolvens Librum, dixit, HODIE IMPLETA EST SCRIPTURA HÆC IN AURIBUS VESTRIS*, Luc. IV: 16 ad 21. Ut SCRIPTURA IMPLERETUR, qui comedit Mæcum panem, sustulit super Me calcaneum, Joh. XIII: 18. *Nemo ex illis perire, nisi filius perditionis, ut SCRIPTURA IMPLERETUR*, Joh. XVII: 12. Ut IMPLERETUR VERBUM, quod dixit, quos dedisti Mihi, non perdidi ex illis unum, Joh. XVIII: 19. *Iesus dixit Petro, absconde tuum gladium in loco suo, QUOMODO ERGO IMPLERETUR SCRIPTURA, quod sic oporteat fieri: hoc autem factum est ut IMPLERETUR SCRIPTURA*, Matth. XXVI: 54. 56. *Filius hominis abiit sicut SCRIPTUM EST de Ipsi, ut IMPLERETUR*

RENTUR SCRIPTURÆ, Marc. XIV: 21. 24. Sic IMPLETA EST SCRIPTURA, quæ dixit, cum impiis reputatus est, Marc. XV: 28. Luc. XXII: 37. Ut SCRIPTURA IMPLERETUR, divisorunt vestimenta sua sibi, & super tunicam meam jecerunt sortem, Joh. XIX: 24. Post hoc sciens Jesus, quod omnia jam Consummata essent, ut IMPLERETUR SCRIPTURA, Jöh. XIX: 28. Cum Jesus accepisset acetum, dixit CONSUMMATUM est, hoc est, IMPLETUM, Joh. XIX: 30. Facta hæc sunt, ut SCRIPTURA IMPLERETUR, os non confringetis in eo; & rursus alia SCRIPTURA DICIT, videbunt, quem transfoderunt, Joh. XIX: 36. 37. Quod omne Verbum de Ipso scriptum sit, & quod in Mundum venerit ut illud impleret, docuit etiam Discipulis antequam abivit, his verbis; Dicit ad illos, stulti & tardi corde ad credendum omnibus, quæ loquuti sunt Prophetæ, nonne hoc oportebat pati Christum, & ingredi in gloriam: incipiens porro a MOSE ET AB OMNIBUS PROPHETIS, & interpretatus est in illis IN OMNIBUS SCRIPTURIS DE IPSO, Luc. XXIV: 25. 26. 27. Porro, Jesus dixit, QUOD OPOERET IMPLERI OMNIA, QUÆ SCRIPTA SUNT IN LEGE MOSIS, ET PROPHETIS, ET PSALMIS DE ME, Luc. XXIV: 44. 45. Quod Dominus in Mundo impleverit omnia Verbi, usque ad singularissima ejus, patet ab his Ipsius verbis, Amen dico vobis, usque dum prætereat Cælum & Terra, IOTHA UNA, AUT UNUM CORNICULUM NON PRÆTERIBIT DE LEGE, DONEC OMNIA FIANT, Matth. V: 18. Ex his nunç clare videri potest, quod per id quod Dominus impleverit omnia Legis, non intelligatur, quod impleverit omnia præcepta Decalogi, sed quod omnia Verbi. Quod omnia Verbi per Legem etiam intelligantur, constare potest ex his, Jesus dixit, nonne scriptum est in LEGE VESTRA, Ego dixi, dñi es tu, Joh. X: 34. hoc scriptum est, Psalm: LXXI: 6. Respondit turba, nos audivimus ex LEGE, quod Christus maneat in æternum, Joh. XII: 34. hoc scriptum est Psalm: LXXXIX: 30. Psalm CX: 4. Dan. VII: 14. Ut impleretur Verbum scriptum in LEGE ILLORUM, odio habuerunt Me sine causa, Joh. XV: 25. hoc scriptum est Psalm: XXXV: 19. Facilius est Cælum & Terram transfire, quam Legis unum apicem cadere, Luc. XVI: 17. per Legem ibi, ut quoque passim alibi, intelligitur tota Scriptura Sacra.

263. Quomodo Dominus est Verbum, a paucis intelligitur; cogitant enim quod Dominus per Verbum possit homines illustrare & docere, & tamen non inde potest vocari Verbum; at sciant, quod unusquisque homo sit sua Voluntas & suus Intellectus, & sic unus distinctus ab altero; & quia Voluntas est receptaculum Amoris, & sic omnium bonorum quæ illius Amoris sunt, ac Intellectus est receptaculum Sapientiæ, & sic omnium veri quæ illius sapientiæ sunt, sequitur quod unusquisque homo sit suus amor & sua sapientia, seu quod idem est, suum bonum & suum verum; homo non aliunde est homo, & non aliud apud illum est homo. Quod Dominum attinet, est Ille ipse Amor & ipsa Sapientia, ita ipsum Bonum & ipsum Verum, quæ factus est per quod impleverit omne bonum & omne verum quod in Verbo est; nam qui non cogitat & loquitur nisi quam Verum, fit illud verum, & qui non vult & facit nisi quam bonum, fit illud bonum; & Dominus, quia implevit omne Divinum Verum & Divinum Bonum, quæ sunt in Verbo, tam quæ sunt in Sensu ejus naturali, quam quæ sunt in Sensu ejus spirituali, factus est ipsum Bonum & ipsum Verum, ita Verbum.

XII.

*Quod ante hoc Verbum, quod hodie est in Mundo, fuerit Verbum,
quod deperditum est.*

264. Quod ante Verbum per Mosen & Prophetas apud Gentem Israeliticam datum, Cultus per Sacrificia notus fuerit, & quod ex ore Jehovæ prophetaverint, ex memoratis in Libris Mosis, constare potest: **Quod CULTUS PER SACRIFICIA NOTUS FUERIT**, ex his; Mandatum est, ut filii Israëlis Gentium Altaria everterent, illarum Statuas confringerent, & illarum Lucos exscinderent, Exod. XXXIV: 13. Deut. VII: 5. Cap. XII: 3. Quod Israel in Schittim cæperit scortari cum filiabus Moabi, vocaverint populum ad SACRIFICIA deorum suorum, & quod populus comederit, Num. XXV: 1. 2. 3. Quod Bileamus, qui sicut ex Syria, fecerit extenuere Altaria, & SACRIFICAVERIT boves & pecudes, Num. XXII: 40. Cap. XXIII. 1. 2. 14. 29. 30. Quod etiam PROPHETAVERIT DE DOMINO, dicendo, Quod oriatur Stella ex Jacobo, & Sceptrum ex Israele, Num. XXIII: 17. **QUODQUE PROPHETAVERIT EX ORE JEHOVÆ**, Num: XXII: 13. 18. Cap. XXIII: 3. 5. 8. 16. 26. Cap. XXIV. 1. 13. Ex quibus patet, quod Cultus Divinus pæne similis Cultui apud Gentem Israeliticam per Mosen instituto, apud Gentes fuerit. Quod etiam ante Abrahami tempus, elucet ex verbis apud Mosen Deutr. XXXII: 7. 8. sed evidentius ex MALCHIZEDECHO Rege Schalem, quod eduxerit PANEM ET VINUM, & benedixerit Abramo, & quod Abram illi dederit DECIMAS de omnibus, Gen. XIV: 18 ad 20; & quod Malchizedech representaverit Dominum, nam vocatur Sacerdos Deo Altissimo, Gen. XIV: 18; & de Domino Dicitur apud Davidem, *Tu Sacerdos in æternum, juxta modum Malchizedechi*, PSALM: CX: 4.; inde erat, quod Melchizedech eduxerit Panem & Vinum, ut Sanctissima Ecclesiae, sicut in Sacra Cæna Sancta sunt. Hæc præter plura sunt indicia existantia, quod ante Verbum Israeliticum fuerit Verbum, ex quo tales Revelationes.

265. Quod Verbum apud Antiquos fuerit, constat apud Mosen, a quo nominatur, & aliquod desumptum est, Num. XXI: 14. 15. 27 ad 30; & quod Historica illius Verbi vocata sint BELLA JEHOVÆ, ac Prophética ENUNTIATA. Ex Historicis istius Verbi a Mose desumptum est hoc, *Propterea dicitur in LIBRO BELLORUM JEHOVÆ: vadebam in Supha, & fluvios Arnonem, & aquæ ductum fluviorum, qui declinavit usq; habitatur Ar, & sedit se ad terminum Moabi*, Num. XXI: 14. 15. per Bella Jehovæ in illo Verbo, sicut in nostro, intellectæ & descriptæ sunt Pugnæ Domini cam Inferni, & Victoriae super illa, quando in Mundum venturus est: eadem etiam pugnæ multis in locis intelliguntur & describuntur in Historicis nostri Verbi, ut in Bellis Josuæ cum Gentibus terræ Canaanis, & in Bellis Judicum & Regum Israelis. Ex Propheticis istius Verbi hæc desumpta sunt. *Propterea dicunt ENUNTIATORES: ingredimini Chesbonem; ædificabitur & confirmabitur Urbs Sichonis; nam ignis exivit ex Chesbone, flamma ex urbe Sichonis; comedit Ar Moabi, possessores excelorum Arnonis: Væ tibi Moabe, periisti popule Kemoshi, dedit filios suos evaiores, & filias suas in captivitatem Regi Emorri Sichoni; cum telis confecimus eos: periit Chesbon usque ad Dibonem, & devastavimus usque ad Nophach, quod usque ad Medebam*, Num. XXI. 27 ad 30. Translatores vertunt PROVERBIORUM COMPOSITORES, sed vocandi sunt ENUNTIATORES seu ENUNTIATA PROPHETICA, ut constare potest ex significatione vocis MOSHALIM in Lingua Hebræa, quod non modo sint Proverbia, sed etiam Enunciata Prophetica, ut Num. XXIII: 7. 18. Cap.

Cap. XXIV: 3. 15, ubi dicitur, quod Bileamus ediderit ENUNTIATUM SUUM, quod fuit Propheticum, etiam de Domino, Enuntiatum ejus vocatur MASCHAL in singulare; accedit, quod illa a Mose inde desumpta non sint Proverbia, sed Prophetica. Quod illud Verbum similiter Divinitus inspiratum fuerit, patet apud Jeremiah, ubi pæne similia dicuntur „*Ignis exivit ex Chesbone, & flamma ab inter Sichonem, quæ comedit angulum Moabi, & verticem filiorum Schaon: vœ tibi Moabe, perit populus Kemechi, nam rapti sunt filii tui in captivitatem, & filiae tue in captivitatem*”, Cap. XLVIII: 45. 46. Præter illa nominatur Liber Propheticus Verbi vetusti, vocatus LIBER JASCHAR seu Liber Recti, a Davide & a Joschua: a Davide, *Lamentatus est David super Schaule & super Jonathane, & inscripsit ad docendum filios Jehudæ arcum, ecce scripta in LIBRO JASCHAR*, II Sam. I: 17. 18. Et a Josua „*Dixit Joschua, Sol in Gibeone quiesce, & Luna in valle Ajalonis; nonne hoc scriptum in LIBRO JASCHAR*”, Cap. X: 12.

266. Ex his constare potest, quod Verbum Antiquum in Orbe, imprimis Asiatico, fuerit, ante Verbum Israeliticum. Quod hoc Verbum conservetur in Cælo apud Angelos qui in illis Sæculis vixerunt; et quoque quod hodie adhuc sit apud Gentes in TARTARIA MAGNA, in TERTIO MEMORABILI, post hanc de Scriptura Sacra Transactionem, videatur.

XIII.

*Quod per Verbum etiam sit Lux illis, qui extra Ecclesiam sunt,
& non habent Verbum.*

267. Non potest dari conjunctio cum Cælo, nisi alicubi in Tellure sit Ecclesia, ubi est Verbum, & per id Dominus notus, quia Dominus est Deus Cæli & Terræ, & absque Domino nulla salus: quod per Verbum sit conjunctio cum Domino, & consociatio cum Angelis, videatur supra n: 234. ad 240. Satis est, ut Ecclesia sit ubi Verbum, tametsi illa sit ex paucis respectiue, per id usque Dominus præsens est in universo terrarum Orbe, nam per id Cælum conjunctum est Humano Generi.

268. Quomodo autem præsentia & conjunctio Domini & Cæli datur in omnibus Terris per Verbum, dicetur. Universum Cælum Angelicum coram Domino est sicut unus Homo, similiter Ecclesia in terris, quod etiam actualiter apparet ut Homo, videatur in Opere de CÆLO & INFERNO, n: 59 ad 87. In illo Homine est Ecclesia, ubi Verbum legitur, & per id Dominus notus est, sicut COR & sicut PULMO, Regnum Cælestis Domini ut Cor, & Regnum Spirituale Ipsius ut Pulmo: sicut ex his binis Fontibus vitæ in Humano corpore omnia reliqua Membra, Viscera & Organa, subsistunt & vivunt, ita quoque omnes illi in Terrarum Orbe, apud quos Religio est, & Deus unus colitur, & bene vivitur, & per id in illo Homine sunt, & referunt Membra & Viscera extra Thoracem, in qua sunt Cor & Pulmo; ex coniunctione Domini & Cæli per Verbum cum Ecclesia, subsistunt & vivunt, nam Verbum in Ecclesia Christiana, est vita reliquis a Domino per Cælum, sicut membrorum & viscerum totius Corporis est vita ex Corde & Pulmone; est quoque communicatio similis: quæ etiam causa est, quod Christiani, apud quos Verbum legitur, constituant Pectus illius Hominis: sunt etiam in medio omnium, & circum illos sunt Pontificii, circum hos sunt Mahomedami, qui agnoscunt Dominum ut maximum Prophetam, ac ut Filium Dei; post hos sunt Africani; & ultimam Circumferentiam faciunt Populi & Gentes in Asia & Indiis.

269. Quod ita sit in universo Cælo, concludi potest a simili in unaquavis Socie-

cietate cœli, nam unaquævis Societas est Cælum in minore forma, quæ quoque est sicut Homo; quod ita fit, videatur in Opere de CÆLO & INFERNO, n: 41 ad 87. In omni Societate Cæli, illi qui in medio ejus sunt, similiter referunt Cor & Pulmonem, & apud illos est maxima lux; ipsa Lux & inde Perceptio veri, a medio illo se propagat versus peripherias quaquaversum, ita ad omnes qui in Societate sunt, & facit vitam illorum spiritualem: ostensum est, quod quando illi qui in medio erant, & provinciam Cordis & Pulmonis constituebant, & apud quos maxima lux erat, auferrentur, illi qui circum erant, in umbra intellectus essent, & tunc in tam exili perceptione veri, ut lamentarentur; sed mox ut redierunt, visa est lux, & fuit illis perceptio veri sicut prius. Comparatio fieri potest cum calore & luce ex Sole Mundi, quæ vegetationem dant arboribus & virgultis, etiam illis quæ ad latera, & sub nube stant, modo Sol ortus sit. Ita Lux & Calor Cælica Domino ut Sole ibi, quæ Lux in essentia sua est Divinum Verum, ex quo omnis intelligentia & sapientia est angelis & hominibus; quare dicitur de Verbo quod erat apud Deum & erat Deus, quod illuminet omnem hominem venientem in Mundum; & quod Lux illa etiam in tenebris appareat, Joh. I: 1. 5. 9: per Verbum ibi intelligitur Dominus quoad Divinum Verum.

270. Ex his constare potest, quod Verbum, quod est apud Protestantes & Reformatos, illustret omnes Gentes & Populos per communicationem spiritualem, tum quod provideatur a Domino, ut in Tellure semper sit Ecclesia ubi Verbum legitur, & per id Dominus notus fiat; Quare cum Verbum a Pontificiis pæne rejectum est, ex Divina Domini Providentia. Reformatio facta est, & inde Verbum sicut e latebris extractum est, & missum in usum. Quando etiam Verbum apud Gentem Judaicam prorsus falsificatum & adulteratum erat, & quasi nullum factum est, tunc placuit Domino e Cælo descendere, ac ut Verbum venire, ac implere illud, & per id redintegrare & restituere illud, ac iterum dare lucem. Incolis telluris, secundum hæc Domini verba, *Populus sedens in tenebris vidit Lucem magnam; sedentibus in regione & umbra mortis, Lux exorta illis est*, Esaj. IX: 1. & Math. IV: 16.

271. Quoniam prædictum est, quod in fine hujus Ecclesiæ etiam oborirentur tenebrae ex non cognitione Domini, quod sit Deus Cæli & Terræ, & ex Fidei separatione a Charitate, ne per id genuinus intellectus Verbi periret, & sic Ecclesia, ideo placuit Domino nunc revelare SENSUM SPIRITUALEM VERBI, & manifestare quod Verbum in illo Sensu, & ex illo in Sensu naturali, contineat innumerabilia, per quæ Lux veri ex Verbo pæne extincta, restituatur. Quod Lux veri in fine hujus Ecclesiæ pæne extingueretur, prædictur multis in locis in Apocalypsi; & quoque intelligitur per hæc Domini verba, *Statim post afflictionem dierum istorum Sol obscurabitur, & Luna non dabit lumen suum, & Stellæ cadent e. Cælo; & Virtutes Cælorum commovebuntur: & tunc videbunt Filium hominis venientem in nubibus Cæli cum gloria & virtute*, Matth. XXIV: 29. 30; per Solem ibi intelligitur Dominus quoad amorem; per Lunam Dominus quoad fidem; per Stellas quoad cognitiones veri & boni; per Filium hominis Dominus quoad Verbum; per Nubem Sensus literæ Verbi; per Gloriam Sensus spiritualis Verbi, ac transparentia ejus per Sensum literæ ejus; & per Virtutes potentia ejus.

272. Per multam experientiam mihi scire datum est, quod per Verbum sit homini communicatio cum Cælo: dum perlegi Verbum a Primo Capite Esajæ usque ad Ultimum Malachiæ, & Psalmos Davidis, & tenui cogitationem in Sensu spirituali illorum, datum est clare percipere, quod unusquisque Versus communiqueret cum aliqua Societate Cæli, & quod sic totum Verbum cum Universo Cælo: ex quo patuit, quod sicut Dominus est Verbum, etiam Cælum sit Verbum, quoniam Cælum est Cælum a Domino, & Dominus per Verbum est omne in omnibus Cæli.

XIV.

*Quod nisi Verbum foret, nemo sciret Deum, Cælum & Infernum,
& Vitam post mortem, & minus Dominum.*

273. Quoniam illi, qui statuunt, & apud se confirmaverunt, quod homo absque Verbo scire posset existentiam Dei, & quoque Cæli & Inferni, tum reliqua, quæ Verbum docet, ideo non licet cum illis ex Verbo agere, sed ex naturali rationis lumine, nam non credunt Verbo, sed sibi. Ex lumine rationis inquire & invenies, quod duas Facultates vitae sint apud hominem, quæ vocantur Intellectus & Voluntas, & quod Intellectus subjectus sit Voluntati, & non Voluntas Intellectui. Intellectus enim modo docet & monstrat quid ex Voluntate faciendum est: inde est, quod multi qui acuto ingenio sunt, & præ aliis intelligunt vitæ moralia, & tamen non vivunt secundum illa; aliter foret, si vellent illa. Inquire etiam, & invenies, quod Voluntas hominis sit ejus proprium, & quod hoc a nativitate sit malum, & quod inde sit falsum in intellectu. Quidam hæc inveneris, videbis, quod homo ex se non velit aliud intelligere, quam quod est ex proprio voluntatis ejus, & quod nisi alibi sit, unde id sciat, homo ex proprio voluntatis suæ non velit aliud intelligere, quam quod sui & mundi est; quicquid supra est, in caligine est; ut dum videt Solem, Lunam, & Stellas, si tunc forte cogitaret de ortu illorum, non alter possit cogitare, quam quod a se sint; num altius quam plures Docti in Mundo, qui tametsi sciunt ex Verbo Creationem omnium a Deo, usque agnoscent Naturam; quid tunc iidem, si nihil ex Verbo scivissent. Num credis, quod Veteres Sophi, ut Aristoteles, Cicero, Seneca, & alii, qui de Deo, & de Immortalitate animæ scriperant, id primum ex proprio intellectu sumserint; non, sed ex aliis per traducem ex illis, qui id primum sciverunt ex Verbo Vetus, de quo supra. Scriptores Theologiae naturalis, nec hauriunt quicquam tale ex se, sed modo confirmant illa, quæ sciunt ab Ecclesia, in qua est Verbum, per rationalia; & possunt dari inter illos, qui confirmant, & tamen non credunt.

274. Datum est videre Populos in Insulis natos, quoad civilia rationales, qui ne hilum sciverunt de Deo; illi in Mundo spirituali apparent sicut Sphinges, at quia homines nati sunt, & inde in facultate recipiendi vitam spiritualem, instruuntur ab Angelis, & per cognitiones de Domino ut Homine vivificantur. Qualis est homo ex se, appareat evidenter ex iis, qui in Inferno sunt, inter quos etiam alii qui Antistites & Eruditi sunt, qui ne quidem volunt audire de Deo, & propterea nec possunt nominare Deum; hos vidi, & cum illis loquutus sum; & quoque loquutus sum cum illis, qui in ignem iræ & excandescientia venerunt, cum audirent aliquem loquenter de Domino: expende itaque, qualis homo foret, qui nihil audit de Deo, cum quidam tales sunt, qui loquuti sunt de Deo, scriperunt de Deo, & prædicaverunt de Deo. Quod tales sint, est ex voluntate, quæ mala est, & hæc, ut prius dictum est, ducit Intellectum, & aufert veram, quod ibi est ex Verbo. Si homo ex se potuisset scire, quod Deus sit, & quod Vita post mortem, cur non sciverat, quod homo sit homo post mortem, cur credit quod anima seu spiritus ejus sit sicut ventus aut æther, qui non videt oculis, & audit auribus, & loquitur ore, priusquam conjungitur & coalescit cum suo cadavere & cum suo sceleto. Pone itaque Doctrinam ex solo Lumine rationali exclusam, annon foret ut ipse coleretur, ut factum est a saeculis, & quoque hodie fit ab illis, qui sciunt ex Verbo; quod Solus Deus colendus sit: cultus alias ex proprio hominis non dari potest; ne quidem cultus solis & lunæ.

275. Quod ab antiquissimis temporibus fuerit Religio, & Incolæ Orbis ubivis noverint de Deo, & aliquid de vita post mortem, non fuit ex ipsis, aut ex propria illorum intelligentia, sed ex Verbo Vetero, de quo supra n: 264 ad 266, & postea ex Verbo Israelitico: ex duobus Verbis Religiosa emanaverunt in Indias & illarum Insulæ, perque Ægyptum ac Æthiopiam in Regna Africæ, & ex Maritimis Asiae in Græciam, & inde in Italiam: sed quia Verbum non potuit aliter quam per Repræsentativa esse conscriptum, quæ sunt talia in Mundo quæ correspondent Cœlestibus, & inde significant illa, ideo Religiosa Gentium versa sunt in Idololatrica, & in Græcia in Fabulosa, ac Attributa & Prædicata Divina in totidem Deos, quibus præfecerunt Supremum, quem vocaverunt Jovem forte a Jehovah; quod illis cognitio fuerit de Páradiso, de Diluvio, de Igne sacro, de quatuor Ætatis, a Prima aurea ad Ultimam ferream, ut apud Danielem Caput II: 31 ad 35, notum est.

276. Illi qui credunt posse ex propria intelligentia comparare sibi cognitiones de Deo, de Cælo & Inferno, & de Spiritualibus quæ Ecclesiæ sunt, non sciunt quod Naturalis homo in se spectatus sit contra Spirituale, & quod ideo spiritualia quæ intrant, velit extirpare, aut involvere fallaciis, quæ sunt sicut vermes, qui radices olerum & segetum consumunt. Assimilari possunt illis, qui somniant quod sedent super Aquilis & ferantur in alcum; aut super Pegasis & volant super collum Parnassum ad Heliocenium: & sunt actualiter sicut Luciferi in Inferno, qui ibi adhuc se vocant filios auroræ, Esaj. XIII: 12. Et sunt sicut illi in Valle terræ Schinear, qui aggressi sunt ædificare turrim, cuius caput in Cælo, Gen. XI: 2. 4; & confidunt sibi sicut Goliath, non prævidentes quod possint sicut ille a lapide fundæ fronti impacto prostrandi. Dicam qualis fors illos post mortem manet, pri-
mum sunt sicut ebrii, postea sicut fatui, & demum stupidi, & sedent in tenebris:
Caveant itaque sibi a tali delirio.

277. His adjiciam sequentia MEMORABILIA: PRIMUM hoc; Quodam die in spiritu pervagatus sum varia loca in Mundo spirituali, propter finem ut observarem Repræsentationes cœlestium, quæ in multis locis ibi exhibentur; & in quadam Domo, ubi angeli erant, vidi magnas Crūmenas, in quibus reconditum fuit argenteum in multa copia; & quia apertæ erant, perceptum est, sicut unusquisque posset argentum ibi repōsitus depromere, imo diripere: sed juxta Crūmenas illas sedebant duo Juvenes, qui custodes: locus ubi repositæ erant, apparebat sicut præsepe in stabulo: in Camera proxima visæ sunt Virgines modestæ, cum Uxor casta; & prope illam Cameram stabant bini Infantes, & dictum est, quod cum illis non infantiliter ludendum sit, sed sapienter agendum. Postea apparebat Scortum, tum Equus jacens mortuus. Postquam hæc visæ sunt, instructus sum, quod per illa repræsentatus sit Sensus naturalis Verbi, in quo Sensus spiritualis: magnæ illæ Crūmenæ argento plenæ significabant cognitiones veri in multa copia; quod apertæ essent, & tamen a juvenibus custoditæ, significabat quod quisque posset inde cognitiones veri desumere, sed quod caveatur, ne aliquis Sensem spiritualem, in quo increæ veritates sunt, violet; Præsepe sicut in stabulo, significabat nutritionem spiritualem pro intellectu; hoc significat præsepe, quia equus, qui inde edit, intellectum: Virgines modestæ, quæ in Camera proxima visæ sunt, significabant affectiones veri, & Uxor casta conjunctionem boni & veri; Infantes significabant innocentiam sapientiae, nam Angeli supremi Cæli, qui sapientissimi sunt, ex innocentia apparente longinquo sicut infantes; Scortum cum Equo mortuo, significabat falsificationem veri a multis hodie, per quam omnis intellectus veri pe-

perit; scortum significat falsificationem; & lequus mortuus intellectum verum nullum.

278. SECUNDUM MEMORABILE. Quondam ad me e Cælo demissa est chartula exarata literis Hebraicis, sed scriptis sicut apud Antiquos, apud quos illæ literæ, quæ hodie quoad aliquam partem lineares sunt, fuerunt inflexæ cum corniculis sursum vergentibus; & dicebant Angeli, qui tunc apud me erant, quod scirent integros Sensus ex ipsis literis, & quod illos scirent imprimis ex flexuris linearum & apicum literæ, & explicabant, quid significarent seorsim & quid coniunctim, dicentes quod H, quod additum est nominibus Abrami & Sarai, significaret Institutum ac Æternum; explicabant etiam coram me Sensem Verbi Psalm XXXII: 2, ex solis literis seu syllabis, quod Sensus illarum in summa esset, Quod DOMINUS ETIAM MISERICORS SITE ILLIS, QUI MALEFACIUNT: informabant me, quod Scriptura in Tertio Cælo ex literis inflexis & varie incurvatis, quarum unaquævis contineret quandam Sensem, cónstaret; & quod Vocales ibi essent pro sono, qui correspondet affectioni, & quod in illo Cælo non possent enuntiare vocales i & e, sed pro illis y & eu, & quod vocales a, o, & u, illis in usu essent, quia dant sonum plenum; tum quod non exprimérent aliquas Literas consonantes aspere, sed molliter, & quod inde sit, quod literæ quædam Hebraicas intus punctatae sint, in signum ut molliter enuntientur, dicentes quod asperitas in literis esset in usu in spirituali Cælo, ex causa quia ibi in veris sunt, ac verum admittit asperum, non autem bonum, in quo sunt Angeli Regni cœlestis Domini seu Tertiæ Cæli: dicebant etiam quod Verbum apud se conscriptum haberent literis inflexis cum corniculis & apicibus significativis; ex quo patuit, quid etiam significant haec Domini verba, Non Yotha & Corniculum præteribit de Lege, donec omnia fiunt, Matth. V: 18. Tum, Facilius est Cælum & Terram transire, quam Legis unum Apicem cadere, Luci XVI: 17.

279. TERTIUM MEMORABILE. Ante septennium, quando recollegi illa, quæ Moses ex binis illis Libris, BELLA JEHOVAE & ENUNTIATA, vocatis, Num. XXI, scripsit, aderant quidam Angeli, & mihi dixerunt, quod illi Libri carent Verbum vetustum, cuius HISTORICA vocata sunt BELLA JEHOVAE, & PROPHETICA vocata sunt ENUNTIATA, & dixerunt, quod id Verbum adhuc in Cælo conservatum sit, & in usu apud Antiquos ibi, apud quos, cum in Mūndo fuerunt, id Verbum fuit. Antiqui illi, apud quos illud Verbum in Cælo adhuc in usu est, fuerunt quoad partem ex terra Canaane, & ex confinijs ejus, ut ex Syria, Mesopotamia, Arabia, Chaldaea, Assyria, ex Ægypto; ex Zidone, Tyro, Ninive, quoruim omnium Regnorum incole fuerunt in Cultu representativo, & inde in Scientia correspondentiarum; Sapientia illius temporis fuit ex illa Scientia; & per illam fuit illis perceptio interior, & communicatio cum Cælis: illi qui correspondentias illius Verbi neverunt, vocati sunt Sapientes & Intelligentes, ac postea Divinatores & Magi. Sed quia id Verbum erat plenum talibus Correspondentiis, quæ remote significabant Cælestia & Spiritualia, & inde a multis incepit falsificari, ideo ex Divina Domini Providentia id successu temporis evanuit, & aliud Verbum per Correspondentias non ita remotas conscriptum, datum est, & hoc, per Prophetas apud filios Israelis. In hoc Verbo retenta sunt plura Nomina locorum, non modo quæ in terra Canaane, sed etiam quæ circum circa in Asia fuerunt, quæ omnia significabant res & status Ecclesiæ; at significaciones ex Verbo vetusto illo erant. Propter illam causam Abram in illam Terram ire jussus est, & ejus posteri ex Jacobo in illam introdueti sunt.

De Verbo illo vetusto, quod in Asia ante Verbum Israeliticum fuerat, referre licet hoc Novum, quod illud ibi adhuc reservatum sit apud Populos qui in Magna Tartaria habitant; loquutus sum cum Spiritibus & Angelis, qui in Mūndo spirituali inde erant, qui dixerunt, quod possideant Verbum, & quod id ab antiquis tem-

temporibus possederint, & quod secundum hoc Verbum Divinum suum cultum obeant, & quod id ex meritis Correspondentiis consistat: dixerunt, quod in illo etiam Liber JASCHAR sit, qui memoratur apud Joschuram Cap. X: 12. 13, & in Libro II Samuelis Cap. I: 17. 18: tum etiam, quod apud illos sint Libri, BELLA JEHOVÆ ac ENUNTIATA, qui memorantur a Mose, Num. XXI: 14. 15 & 27 ad 30; & cum legi coram illis verba, quæ Moses inde desumserat, inquisiverunt num illa ubi existent, & invenerunt: ex his patuit mihi, quod Verbum vetustum adhuc apud illos sit. Inter loquendum cum illis dixerunt, quod Jehovam colant, quidam ut Deum invisibilem, quidam ut visibilem. Porro retulerunt, quod non patientur, ut Extranei ad illos intrent, præter Chinenses, cum quibus pacem collunt, quia Imperator Chinensis inde est: cum etiam, quod tam populosi sint, ut non credant aliquam Regionem in Universo Mundo populosorem esse; quod etiam credibile est ex Muro tot milliarum, quem Chinenses pro tutela sua contra invasionem ab illis olim exstruxerant. Præterea audivi ab Angelis, quod Prima Capita Genesios, in quibus de Creatione, de Adamo & Chaiva, de Horto Edenis, deque Filiis & posteris illorum usque ad Diluvium, & quoque de Noacho & ejus Filiis, agitur, in illo Verbo etiam sint, & sic quod a Mose inde exscripta sint. Angeli & Spiritus e Magna Tartaria apparent in Plagâ meridionali a latere Orientis, & a reliquis separati sunt, per quod in Expanso eminentiori habitent: & quod non aliquem e Christiano Orbe ad se admittant, & quod si aliqui ascendunt, illos custodiant, ne exeat. Causa separationis istius est, quia aliud Verbum possident.

280. QUARTUM MEMORABILE. Quondam e longinquo vidi Ambulacra inter ordinates arborum, & ibi Juvenes congregatos in turmis, tortidem Consortia de rebus sapientiae confabulantium, hoc erat in Mundo spirituali: accessi, & cum prope eram, vidi unum, quem reliqui venerabantur ut suum Primatem, propter cayam, quia præ reliquis sapientia excelluit; hic cum me vidit, dixit, miratus sum, cum vidi te in via accedentem, quod nunc incideris in conspectum meum, nunc excideris ex illo, seu nunc mihi visus sis, & subito non visus, certe non es in statu vitae nostratum; ad hæc subridens respondi, non sum ludio, nec vertumnus, sed sum alternum, nunc in luce vestra, & nunc in umbra vestra, ita hic peregrinus & quoque indigena; ad hæc Sapiens ille aspexit me, & dixit, loqueris aliena & mira; dic mihi quis es, & dixi, sum in Mundo, in quo vos fuistis, & e quo vos exivistis, qui vocatur MUNDUS NATURALIS, & quoque sum in Mundo, in quo vos estis, qui vocatur MUNDUS SPIRITALIS; inde est, quod sim in statu Naturali, & simul in statu Spirituali; in statu Naturali cum hominibus telluris, & in statu Spirituali cum vobis, & quando in Statu naturali sum; non videor vobis, at quando in Statu spirituali, videor; quod talis sim, datum est a Domino: Tibi, Vir illustrate, notum est, quod homo Mundi naturalis non videat hominem Mundi spiritualis, nec viceversa, quare cum immisi Spiritum meum in Corpus, non tibi visus sum, sed cum emisi illum e corpore, visus sum: & hoc existit ex discrimine inter Spirituale & Naturale. Ille cum audivit discrimen inter Spirituale & Naturale, dixit, quid discrimen, estne id sicut inter purum magis & minus, ita quid Spirituale nisi purius Naturale; & respondi, discrimen non tale est, Naturale nusquam per subtilisationem potest approximare ad Spirituale ita ut fiat illud, est enim discrimen quale inter prius & posterius, inter quæ ratio finita non datur; est enim prius in posteriori, sicut causa in suo effectu, ac posterior est ex priori, ut effectus ex sua causa; inde est, quod unum non appareat alteri. Ad hæc dixit ille Sapiens, meditatus sum de hoc discrimine, sed huc usque in vanum, utinam id percepero; & dixi, non modo discrimen inter Spirituale & Naturale percipies, sed etiam vidabis; & tune dixi hæc, Tu es in Statu spirituali dum apud tuos, at in Statu naturali apud me, loqueris enim cum tuis Lingua spirituali, quæ est communis omni-

spiritui & angelo, at cum me loqueris Lingua mea vernacula, nam omnis Spiritus & Angelus loquens cum homine loquitur ejus Linguam propriam, ita cum Gallo gallicam; cum Græco græcam, cum Arabe arabicam, & sic porro. Ut itaque fcias discrimen inter Spirituale & Naturale quoad Linguas, fac ita, intra ad tuos, & loquere aliquid ibi, ac retine voces, & cum his in memoria redi, & coram me enuntia illas; ac fecit ita, & rediit ad me cum vocibus illis in ore, & effatus est illas, & erant voces prorsus alienæ & peregrinæ, quæ non dantur in aliqua Lingua Mundi naturalis; per hanc experientiam aliquoties iteratam clare patuit, quod omnibus in Mundo spirituali sit Lingua spiritualis, quæ nihil commune cum aliqua Lingua naturali obtinet, & quod omnis homo in illam Linguam post obitum ex se veniat: semel etiam expertus sum, quod ipse Sonus Linguae spiritualis a Sono Linguae naturalis differret in tantum, ut Sonus spiritualis etiam altus ne hilum audiretur ab homine naturali, nec Sonus naturalis ab homine spirituali. Postea rogavi illum & circumstantes, ut intrarent ad suos, & scriberent aliquam sententiam super Charta, & cum charta illa exirent ad me, & legerent; fecerunt ita, & redierunt cum Charta in manu, at cum legerent, non potuerunt, quoniam Scriptura illa constabat modo ex aliquibus Literis alphabeticis cum strophis supra, quarum unaquævis aliquem sensum rei significabat: quia unaquævis Litera in Alphabeto significat ibi aliquem Sensum, patet unde est, quod Dominus dicatur Alpha & Omega: cum illi iterum & iterum intrarent, scriberent, & redirent, comperti sunt, quod Scriptura illa involveret & comprehendenderet innumera, quæ nusquam aliqua Scriptura naturalis posset exprimere; & dictum est, quod hoc sit, quia spiritualis homo cogitat incomprehensibilia & ineffabilia Naturali homini, & quod hæc in aliam Scripturam & in aliam Linguam inferri nequeant. Tunc quia adstantes non voluerunt comprehendere, quod Spiritualis cogitatio in tantum excederet cogitationem naturalem, ut sit respective ineffabilis, dixi illis, facite experientiam, intrate in Societatem vestram spiritualem, & cogitate aliquam rem, ac retinete illam, & redite, & coram me expromite illam; ac intraverunt, cogitaverunt, retinuerunt, exiverunt, & cum exprimerent rem cogitatam, non potuerunt, non enim invenerunt ullam ideam cogitationis naturalis adæquatam alicui ideæ cogitationis pure spiritualis, ita non alias voces exprimentes illam, nam ideæ cogitationis sunt voces loquæ; & postea reintrabant, & redibant, & confirmabant se, quod ideæ spirituales essent supranaturales, inexpressibiles, ineffabiles, & incomprehensibiles Naturali homini; & quia tam supereminentes sunt, dicebant, quod Spirituales ideæ seu cogitationes respective ad Naturales essent ideæ idearum, & cogitationes cognitionum, & quod ideo per illas exprimerentur qualitates qualitatum, & affectiones affectionum; consequenter quod Cogitationes spirituales essent initia ac origines cognitionum naturalium: inde etiam patuit, quod Sapientia spiritualis esset Sapientia sapientiæ, ita inexpressibilis alicui Sapienti in Naturali Mundo. Tunc dictum est e Cælo superiori, quod adhuc sit Sapientia interior seu superior, quæ vocatur Cælestis, cuius respectus ad Sapientiam spiritualem, similis est respectui hujus ad naturalem, & quod hæc in ordine secundum Cælos influant ex Divina Domini Sapientia, quæ est Infinita. Ad hæc dixit Vir loquens mecum, hoc video, quia percepit, quod una idea naturalis sit continens plurimum idearum spiritualium; & quoque quod una idea spiritualis sit continens plurimum idearum cœlestium; ex his fit etiam hoc consequens, quod divisum non fiat plus & plus simplex, sed plus & plus multiplex, quia proprius & proprius accedit ad Infinitum, in quo infinite omnia sunt. His peractis dixi ad adstantes; ex his tribus experientiæ documentis videtis quale est discrimen inter Spirituale & Naturale, & quoque causam, cur Naturalis homo non appetet Spirituali, & Spiritualis homo non Naturali, tametsi uterque in perfecta forma humana est, & ex hac forma videtur ipsi sicut unus videret alterum, sed sunt interiora, quæ Mentis sunt, quæ faciunt

illam formam, ac Mens spirituum & Angelorum formata est ex spiritualibus, & Mens hominum, quamdiu in Mundo vivunt, ex naturalibus. Post hæc, audita est vox e superiori Cælo ad quendam, qui adstitit, dicens, ascende huc, & ascendi, & rediit, & dixit, quod Angeli non prius noverint differentias inter Spirituale & Naturale, propter causam, quia non prius apud quendam hominem, qui in utroque Mundo simul fuit, aliqua copia collationis data est, & differentiae illæ absque collatione & relatione non noscibles sunt.

Antequam secessimus, iterum loquuti sumus de hac re, & dixi, quod discrimina illa non aliunde existant, quam quia vos in Mundo spirituali, & etis substancialis, & non materiales, ac substantialia sunt initia materialium, quid materia nisi congregatio substancialium; vos itaque estis in principiis, & sic in singularibus, nos autem in principiatis & compositis; vos estis in particularibus, nos autem in communibus, & sicut communia non possunt intrare in particularia, ita nec possunt naturalia, quæ sunt materialia, intrare in spiritualia, quæ sunt substantialia; prorsus sicut funis nauticus non potest intrare seu traduci per foramen acus netorii, aut sicut nervus non potest induci in unam ex fibris, ex quibus ille est. Hæc nunc causa est, quod Naturalis homo non possit cogitare illa quæ Spiritualis homo, & inde nec loqui illa; quare Paulus illa quæ audivit e Tertio Cælo vocat ineffabilia. Accedit, quod Spiritualiter cogitare sit absque tempore & spatio cogitare, & quod Naturaliter sit cum tempore & spatio; adhæret enim omni ideae cognitionis naturalis aliquid et tempore & spatio, non autem alicui ideae spirituali; causa est, quia Spiritualis Mundus non est in spatio & tempore, sicut Mundus naturalis, sed est in duorum istorum apparentia; in hoc differunt etiam cognitiones & perceptiones: quapropter vos potestis cogitare de Dei Essentia & Omnipræsentia ab æterno, hoc est, de Deo ante creationem Mundi, quia cognitionis de Dei Essentia absque tempore, & de Ipsius Omnipræsentia absque spatio, & sic comprehenditis talia, quæ ideas naturales hominis transcendunt: & tunc narravi, quod semel cogitaverim de Dei Essentia & Omnipræsentia ab æterno, hoc est, de Deo ante Creationem Mundi, & quod quia nondum potui removere spatia & tempora ab ideis cognitionis meæ, anxius factus sum, quoniam intravit idea Naturæ pro Deo; sed dictum mihi est, remove ideas spatii & temporis, & videbis; & datum est removere, & vidi; & ab illo tempore potui cogitare Deum ab æterno, & prorsus non Naturam ab æterno, quia Deus in omni tempore est absque tempore, & in omni spatio est absque spatio, Natura autem in omni tempore est in tempore, & in omni spatio est in spatio, & Natura cum suo tempore & spatio non potuit non inchoare, non autem Deus, qui est absque tempore & spatio; quare Natura a Deo est, non ab æterno, sed in tempore una cum suo tempore & spatio.

281. QUINTUM MEMORABILE. Quoniam a Domino mihi datum est simul in Mundo spirituali & in Mundo naturali esse, & inde loqui cum Angelis sicut cum hominibus, & per id cognoscere Status illorum, qui post mortem alluant in haec nus ignotum illum Mundum, loquatus enim sum cum omnibus meis affinibus & amicis, & quoque cum Regibus & Ducibus, ut & cum Eruditis, qui fata sua obiverunt, & hoc nunc continue per viginti septem Annos; quapropter ab Experiencia viva possum describere Status hominum post mortem, quales sunt illorum qui bene vixerunt, & illorum qui male; sed hic modo aliqua memorabo de Status illorum, qui in falsis Doctrinæ se confirmaverunt ex Verbo, qui sunt in specie illi qui pro Justificatione per solam fidem id fecerunt; status horum successivi sunt sicut nunc sequitur, I. Quando defuncti sunt, & quoad spiritum revivunt; quod fit communiter tertio die postquam Cor cessavit pulsare, apparent sibi in simili Corpore; in quo prius in Mundo, usque adeo, ut non sciant aliter, quam quod adhuc in priori Mundo vivant, verum non in Corpore materiali, sed in Corpore sub-

substantiali, quod coram sensibus illorum appetit sicut materiale, tametsi non est. II. Post aliquot dies vident, quod in Mundo sint, ubi sunt variae Societates institutæ, qui Mundus vocatur MUNDUS SPIRITUUM, & est medius inter Cælum & Infernum; omnes Societates ibi, quæ innumeræ sunt, mirabiliter ordinatæ sunt secundum affectiones naturales bonas & malas; Societates ordinatæ secundum affectiones naturales bonas, communicant cum Cælo, & Societates ordinatæ secundum affectiones malas, communicant cum Inferno. III. Novitus spiritus, seu Spiritualis homo, deducitur & transfertur in varias Societates, tam bonas quam malas, & exploratur num afficitur bonis & veris, & quomodo, vel num afficitur malis & falsis, & quomodo. IV. Si afficitur bonis & veris, abducitur a Societatibus malis, & inducitur in Societas bonas, & quoque in varias, usque dum venit in Societatem suæ affectioni naturali correspondentem, & ibi fruitur bono isti affectioni correspondenti, & hoc usque dum naturalem affectionem exuit, & spirituali-lem induit, & tunc elevatur in Cælum; sed hoc fit illis, qui in Mundo vixerunt vitam charitatis, & sic quoque vitam fidei, quæ est, quod crediderint in Dominum, & fugerint mala ut peccata. V. At illi qui se in falsis confirmaverunt per rationalia, imprimis per Verbum, & sic non aliam vitam quam mere naturalem ita malam vixerunt, nam mala comitantur falsa, & falsis adhærent mala, hi quia non afficiuntur bonis & veris, sed malis & falsis, abducuntur a Societatibus bonis, ac inducuntur in Societas malas, & quoque in varias, usque dum veniunt in aliquam sui amoris concupiscentiis correspondentem. VI. Sed quia in Mundo simulaverunt affectiones bonas in externis, tametsi in internis illorum, non essent nisi affectiones malæ seu concupiscentiæ, tenentur per vices in externis; & illi qui in Mundo præfuerunt Cætibus, præficiuntur hic & ibi in Mundo Spirituum Societatibus, in communi aut in parte secundum amplitudinem officiorum quibus prius functi fuerant: sed quia non amant verum, nec amant justum, nec illustrari possunt usque ut sciant quid verum & justum, ideo post aliquot dies abrogantur; vidi tales translatos ab una Societate in alteram, & ubivis datam illis administrationem, sed post breve tempus toties abrogatos. VII. Post frequentes abdicaciones quidam ex tædio non volunt, quidam ex timore jacturæ famæ non audent amplius ambire functiones; quare recedunt, & sedent tristes, & tunc abducuntur in solitudinem, ubi sunt casæ, quas intrant, & ibi datur illis aliquid opus ad faciendum, & sicut faciunt, recipiunt cibum, & si non faciunt, esuriunt, & non recipiunt, quare necessitas cogit. Cibi ibi sunt similes cibis in nostro Mundo, sed sunt ex origine spirituali, & dantur e Cælo a Domino omnibus secundum usus quos faciunt, otiosis, quia inutiles sunt, non dantur. VIII. Post aliquod tempus fastidiunt opus; & tunc exeunt e casis; & si fuerunt Sacerdotes, volunt ædificare; & illico tunc apparent strues lapidum cæforum, laterum, afferum, tabularum, tum acervi ex cannis & juncis, ex argilla, calce, & bitumine; quæ cum vident, incenditur libido ædificandi, & incipiunt struere domum, sumendo nunc lapidem, nunc lignum, nunc cannam, nunc lutum, & ponunt unum supra alterum inordinate, at in illorum visu ordinate; sed quod interdiu ædificant, noctu dilabitur, at sequente die colligunt ex rudere lapsa, ac iterum ædificant, & hoc tamdiu, usque dum illos tædet ædificare: hoc fit ex correspondentia, quæ est, quod congererint loca ex Verbo, ad confirmandum falsa fidei, & falsa illorum non aliter ædificant Ecclesiam. IX. Postea abeunt ex tædio, ac sedent solitarii & otiosi, & quia otiosis non datur cibus e Cælo, ut dictum est, incipiunt esurire, & non aliud cogitare, quam quomodo accepturi sunt cibum, & fedatur famem: cum in hoc statu sunt, veniunt ad illos aliqui, a quibus petunt stipem, & dicunt, cur ita otiosi sedetis, venite nobiscum in nostras domus, & dabimus vobis opera ad faciendum, & cibabimus vos; & tunc læti surgunt, & abeunt cum illis in domus illorum, & ibi cuilibet datur suum opus, & propter opus datur cibus; sed quia omnes, qui se

confirmaverunt in falsis fidei, non facere possunt opera boni usus, sed opera mali usus, nec faciunt fideliter, sed fraudulentiter, ut & invito, quare relinquunt sua opera, & modo amant conuersari, loqui, ambulare, & dormire; & quia tunc ab heris non possunt adduci amplius ad opera, ideo sicut inutiles amandantur. X. Quando amandati sunt, aperitur illis oculus, & vident viam tendentem ad quandam Cavernam; quo cum veniunt, aperitur ostium, ac intrant, & quærunt num ibi cibus; & cum respondeatur quod ibi cibus, petunt ut ibi liceat manere, & dicitur quod liceat, ac introducuntur, & post illos clauditur ostium; & tunc venit Præfus illius Cavernæ, & dicit illis, non potestis amplius exire; videte Sodales vestros, omnes laborant, & sicut laborant victus e Cælo illis datur, hoc dico vobis ut sciatis; & quoque dicunt Sodales, Præfus noster novit ad quod opus quisque idoneus est, & tale cuiilibet injungit quotidie, quo die id absolvitis, datur vobis cibus, & si non, non datur cibus nec vestis; & si quis malum facit alteri, conjicxitur ad angulum cavernæ, in quandam lectum ex pulvere damnato, ubi misere cruciatur, & hoc usque dum Præfus videt signum pænitentiae apud illum, & tunc eximitur, & mandatur ei ut faciat opus suum; & quoque dicitur ei, quod cuique liceat post opus suum ambulare, confabulari, & posse dormire: & deducitur interius in Cavernam, ubi sunt Scorta, ex quibus licet unicuique aliquam sibi sumere, & nominare suam mulierem, at sub pena interdicitur scortari promiscue. Ex talibus Cavernis, quæ non sunt nisi quam æterna Ergastula, consistit Infernum. Datum mihi est intrare in alias, & videre, propter finem ut notum facerem, & vidi sunt omnes ut viles; nec unus ex illis scivit, quis & in quo munere fuerat in Mundo; sed Angelus, qui mecum erat, dixit mihi, quod hic fuerit in Mundo famulus, hic miles, hic præfectus, hic sacerdos, hic in dignitate, hic in opulentia, & tamen omnes non sciunt aliter, quam quod Servi & similes Sodales fuerint, hoc ex causa quia interius similes fuerant, tametsi exterius dissimiles, ac interiora confociant omnes in Mundo Spirituali.

Quod Inferna in genere attinet, consistunt illa ex meris talibus Cavernis & Ergastulis, sed ex dissimilibus ubi sunt Satanæ, & ubi sunt Diaboli; Satanæ dicuntur qui in falsis & inde malis fuerunt, & Diaboli qui in malis & inde falsis. Satanæ apparent in luce Cæli lividi sicut cadavera, & quidam nigri sicut mumia; at Diaboli apparent in luce Cæli furve igniti, & quidam atri sicut fuligo; at omnes quoad facies & corpora monstrosi; sed in sua luce, quæ est instar lucis ex carbonibus ignitis, non ut monstra, sed ut homines; hoc illis datum est, ut consociari possint.

CAPUT QUINTUM

CATECHISMUS

S: EU:

DECALOGUS;

QUO AD SENSUM EJUS EXTERNUM ET
INTERNUM EXPLICATUS.

282. Non datur Gens in Universo terrarum Orbe, quae non novit, quod Malum sit Occidere, Adulteria committere, Furari, false Testari; tum quod nisi Mala illa per Leges caverentur, actum foret cum Regno, Republica, & cum quavis Societate constabilita: quis itaque autumare potest, quod Gens Israelitica praeterea aliis tam stupida fuerit, ut ignoraverit, quod illa essent Mala, quapropter mirari quis potest, quod Leges illae universaliter in terris notae cum tanto Miraculo e Monte Sinai ab Ipsò Jehovah promulgatae fuerint. Sed audi, cum tanto Miraculo promulgatae fuerunt, ut scirent, quod Leges illae non modo Leges civiles & morales essent, sed etiam Leges Divinæ, & quod facere contra illas, non modo esset malum facere contra proximum, hoc est, concivem & societatem, sed etiam esset peccare contra Deum; quare Leges illae per promulgationem e Monte Sinai a Jehovah, factæ etiam sunt Leges religionis; evidens est, quod quicquid Jehovah præcipit, præcipiat ut Religionis sit, & sic quod faciendum sit salutis causa. Sed antequam Præcepta explicantur, præmittendum est de Sanctitate illorum, ut pateat quod Religio illis insit.

*Quod Decalogus fuerit ipsa Sanctitus in Ecclesia
Israelitica.*

283. Præcepta Decalogi, quia fuerunt Primitiæ Verbi, & inde Primitiæ Ecclesiæ apud Gentem Israeliticam instaurandæ, & quia erant in brevi summario Complexus omnium Religionis, per quæ conjunctio Dei cum homine, & hominis cum Deo datur, ideo tam sancta fuerunt, ut nihil sanctius. Quod sanctissima fuerint, evidenter patet a sequentibus his: Quod Ipse Jehovah Dominus descendenter super Monte Sinai in igne & cum Angelis, & illa viva voce inde promulgaverit, & quod Mons circumseptus fuerit, ne quis accederet & moreretur; quod nec Sacerdotes neque Seniores appropinquarent, sed Moses solus. Quod Præcepta illa binis

Tabulis lapideis digitō Dei inscripta fuerint. Quod cum Moses, Tabulas illas secundā vice deportavit, facie radiaverit. Quod Tabula postea reposita fuerint in Arca; & hæc intime in Tabernaculo; & super illam datum sit Propitiatorium, & super hoc positi Cherubi ex auro: quod Intimum illud in Tabernaculo, ubi Arca erat, vocaretur Sanctum sanctorum. Quod extra Velum, intra quod illa Arca fuit, collocata sint plura, quæ repræsentaverunt sancta Cæli & Ecclesiæ, quæ erant, Mensa obducta auro super qua Panes facierum, Altare aureum super quo suffimenta, & Candelabrum aureum cum septem Lucernis; tum Aulæa circum circa ex bysso, purpura, & coccino: Sanctitas totius hujus Tabernaculi non aliunde fuit, quam ex Lege quæ fuit in Arca. Propter Sanctitatem Tabernaculi ex Lege in Arca, universus Populus Israeliticus circum illud in ordine secundum Tribus ex mandato castramentatus est; & in ordine post illud profectus; & tunc supra illud fuit Nubes interdiu, & Ignis noctu. Propter Sanctitatem Legis illius, & præsentiam Jehovah in illa, loquebatur Jehovah super Propitiatorio inter Cherubos cum Mose; & Arca vocabatur Jehovah ibi. Quod non lieuerit Aharoni intrare intra Velum, nisi cum sacrificiis & suffitu, ne moreretur. Propter Jehovah præsentiam in Lege illa & circum illam, etiam Miracula per Arcam, in qua Lex illa fuit, facta sunt: ut quod Aquæ Jordanis discissæ sint, & quamdiu Arca in medio ejus quiescebat, Populus in sicco transiverit. Quod per circumlationem ejus Muri Jerichuntis conciderint. Quod Dagon Deus Philistæorum coram illa primum super faciebus suis deciderit, & postea abscissus a capite cum duabus volis manuum super limine fani jacuerit: quod propter illam percussi sint Bethschemitæ ad plura millia. Quod Usa, quia tetigit illam, mortuus fit. Quod Arca illa introducta sit cum sacrificio & jubilis in Zionem a Davide; & quod postea a Salomone in Templo Hierosolymitanum, ubi faciebat ejus adytum; præter plura; ex quibus patet, quod Decalogus fuerit ipsa Sanctitas in Ecclesia Israelitica.

284. Illa, quæ de Legis iustius Promulgatione, Sanctitate, & Potentia, supra alata sunt, inveniuntur in his locis in Verbo. Quod Jehovah descendenter super Montem Sinai in igne, & quod tunc Mons fumaverit & contremuerit, & quod fuerint toritura, fulgura, nubes gravis, & vox buccinæ, Exod. XIX: 16 ad 18. Deut. IV: 11. Cap. V: 19 ad 23. Quod Populus ante descensum Jehovah se præparaverit, & sanctificaverit per tres dies, Exod. XIX: 10. II, 15. Quod Mons circumseptus fuerit, ne quisquam ad ima ejus appropinquaret & accederet ne moreretur, & quod nec Sacerdotes, sed Moës solus, Exod. XIX: 12, 13. 20 ad 23. Cap. XXIV: 1. 2. Lex promulgata e Monte Sinai, Exod. XX: 2 ad 14. Deut. V: 6 ad 18. Quod Lex inscripta sit binis Tabulis Lapideis, & quod scripta sit Digeo Dei, Exod. XXXI: 18. Cap. XXXII: 15. 16. Deut. IX: 10. Quod Moses cum illas Tabulas secunda vice e Monte deportavit, facie radiaverit ita, ut faciem velo obtigeret dum loquebatur cum populo, Exod. XXXIV: 29 ad 35. Quod Tabula reposita sint in Arca, Exod. XXV: 16. Cap. XL. 20. Deut. X: 5. I Reg. VIII: 9. Quod super Arcam datum sit Propitiatorium, & quod super hoc positi sint Cherubi ex auro, Exod. XXV: 17 ad 21. Quod Arca cum Propitiatorio & Cherubis missa sit in Tabernaculum, & quod ejus Primum & sic Intimum fecerit; & quod Mensa super qua Panes facierum obducta auro, Altare suffimenta ex auro, & Candelabrum cum lucernis ex auro, Externum Tabernaculi fecerint, & decem Aulæa ex bysso; purpura, & coccino, Extimum ejus, Exod. XXV: 1 ad fin. Cap. XXVI: 1 ad fin. Cap. XL: 17 ad 28. Quod Locus, ubi erat Arca, vocatus sit Sanctum Sanctorum, Exod. XXVI: 33. Quod Universus Populus Israeliticus circum Tabernaculum in Ordine secundum Tribus castramentatus sit, & in ordine post illud profectus, Num. II: 1 ad fin. Quod tunc super Tabernaculum fuerit Nubes interdiu, & Ignis noctu, Exod. XL: 38. Num. IX: 15. 16 ad fin. Cap. XIV: 14. Deut. I: 33. Quod Jehovah loquutus sit cum Mose supra Arcam inter Cherubos, Exod. XXV: 22. Num. VII: 89. Quod Arca ex Lege in illa, dicta sit

Jehovah ibi, dixit enim Moës cum Arca proficiscebatur, SURGE, JEHOVAH, & cum quiescebat, REDI JEHOVAH, Num. X: 35. 36. & porro, II Sam. XI: 2. Psalm. CXXXII: 7. 8. Quod propter sanctitatem illius Legis, non licuerit Aharoni intrare intra velum, nisi cum sacrificiis & suffitu, Levit. XVI: 2 ad 14. seq. Quod ex praesentia Potentiae Domini in Lege, quæ in Arca, Aquæ Jordanis discisse sint, & quādiu illa in medio quiescebat, Populus in secco transuerit, Jos. III: 1 ad 17. Cap. IV: 5 ad 20. Quod ad circumlationem Arcæ, Muri Fericuntis conciderent, Jos. VI: 1 ad 20. Quod Dagon Deus Philistæorum eoram Arca in terram deciderit, & postea superlimine fani jaceret divulsus a Capite, & volvis manuum excisis, I Sam. V: Quod Bethschemita propter Arcam percussi sint ad plura millia, I Sam. V & VI: Quod Uſa, quia teteget Arcam, mortuus sit, II Sam. VI: 7. Quod Arca introducta sit in Zionem a Davide cum sacrificiis & jubilis, II Sam. VI: 1 ad 19. Quod Arca a Salomonе introducta sit in Templum Hiesolymitanum, ubi faciebat adytum, I Reg. VI: 19. seq. Cap. VIII: 3 ad 9.

285. Quoniam per Legem illam est conjunctio Domini cum homine, & hominis cum Domino, ideo vocatur illa FÆDUS & TESTIMONIUM, Fædus quia conjungit, & Testimonium quia pacta fæderis confirmat, nam Fædus in Verbo significat conjunctionem, Testimonium paectorum ejus confirmationem & testificationem. Propterea Tabulæ illæ erant binæ, una pro Deo, & altera pro homine; conjunctio fit a Domino, sed tunc quando homo facit illa quæ in ejus Tabula scripta sunt; Dominus enim continue præsens est, & vult ingredi, sed homo ex libero, quod illi est a Domino, aperiet, nam dicit, Ecce sto ad januam & pulso, si quis audiverit vocem meam, & aperuerit januam, ingrediar ad illum, & canabo cum illo, & ille Mecum, Apoc. III: 20. Quod Tabulæ lapideæ, quibus Lex erat inscripta, dicta sunt TABULÆ FÆDERIS, & Arca ex illis dicta sit ARCA FÆDERIS, & ipsa Lex FÆDUS, videatur Num. X: 33. Deut. IV: 13. 23. Cap. V: 2. 3. Cap. IX: 9. Jos. III: 11. I Reg. VIII: 19. 21. Apoc. XI: 19. & alibi: quoniam Fædus significat conjunctionem, ideo de Domino dicitur, Quod erit in Fædus populo, Esaj. XLII: 6. Cap. XLIX: 9. & vocatur ANGELUS FÆDERIS, Malach. III: 1. & Sanguis Ipsiæ SANGUIS FÆDERIS, Matth. XXVI: 28. Sach. IX: 11. Exod. XXIV: 4 ad 10. & ideo Verbum vocatur FÆDUS VETUS ET FÆDUS NOVUM: Fædera enim sunt amoris, amicitiae, confociationis & conjunctionis causa.

286. Tanta Sanctitas & tanta Potentia inerat illi Legi ex causa, quia erat complexus omnium religionis, inscripta enim fuit binis Tabulis, quarum Una continet in complexu omnia quæ spectant Deum, & Altera in complexu omnia quæ spectant hominem, ideo Legis istius Præcepta vocantur DECEM VERBA, Exod. XXXIV: 28. Deut. IV: 13. Cap. IX: 4; ita dicta sunt, quia Decem significant omnia, ac Verba significant Vera; fuerunt enim plura quam decem verba. Quod Decem significant omnia, & quod Decimæ propter illam significationem instituta sint, videatur in APOCALYPSI REVELATA, n: 101. & quod Lex illa sit complexus omnium Religionis, videbitur in Sequentibus.

Quod Decalogus in Sensu literæ contineat communia Præcepta
Doctrinæ & Vitæ; in Sensu autem Spirituali &
Cælesti Universaliter omnia.

287. Notum est, quod Decalogus in Verbo in eminentia dicatur Lex, quia continet omnia quæ Doctrinæ & Vitæ sunt, nam non modo omnia quæ spectant Deum, sed etiam omnia quæ spectant hominem, quare Lex illa inscripta est duabus Tabulis, quarum una agit de Deo, altera de homine. Notum etiam est, quod omnia Doc-

Doctrinæ & Vitæ se referant ad amorem in Deum, & ad amorem erga proximum, horum amorum omnia continentur in Decalogo: quod totum Verbum non aliud doceat, constat ex his Domini verbis, Iesus dixit, amabis Dominum Deum tuum ex toto corde tuo, & in tota anima tua, & in tota mente tua; & Proximum sicut te ipsum; ex his duobus mandatis Lex & Prophetæ pendent, Matth. XXII: 35. 36. 37. Lex & Prophetæ significant totum Verbum. Et porro, Unus Legisperitus tentans JESUM, dixit, Magister, quid faciam, ut vitam æternam hæreditem; & JESUS ad illum dixit, in Lege quid scriptum est, quomodo legis, & ille respondens dixit, amabis Dominum Deum tuum ex toto corde tuo, & ex tota anima tua, & ex toto robore tuo, & ex tota mente tua, & proximum sicut te ipsum; & Jesus dixit, HOC FAC ET VIVES, Luc. X: 25 ad 28. Nunc quia Amor in Deum, & Amor erga proximum, sunt omnia Verbi, & Decalogus in Prima Tabula in summario continet omnia amoris in Deum, & in Secunda Tabula omnia amoris erga proximum, sequitur quod continet omnia quæ Doctrinæ & Vitæ sunt. Ex vīs biniā Tabulis patet, quod ita conjunctæ sint, ut Deus ex sua Tabula spectet hominem, & quod homo ex sua spectet Deum vicissim, & sic quod sit Aspectus reciprocus, qui talis est, ut a parte Dei nusquam desit, quin spectet hominem, ac operetur talia quæ salutis ejus sunt, & si homo recipit & facit illa quæ in sua Tabula sunt, fiat conjunctio reciproca; & tunc fit secundum Domini verba ad Legisparitum, *Hoc fac & vive.*

288. In Verbo saepius nominatur Lex, & dicetur quid per illam in stricto Sensu intelligitur, & quid per illam in latiori, & quid in latissimo; in stricto Sensu per Legem intelligitur Decalogus, in latiori intelliguntur Statuta per Mosen filiis Israelis data, & in latissimo intelligitur totum Verbum: QUOD PER LEGEM IN STRICTO SENSU INTELLIGATUR DECALOGUS, notum est: QUOD AUTEM PER LEGEM IN LATIORI SENSU INTELLIGANTUR STATUTA PER MOSEN FILIIS ISRAELIS DATA, constat ex singulis statutis in Exodo, quod dicantur Lex, ut *Hec Lex sacrificii*, Lev. VII: 1. *Hec Lex sacrificii pacificorum*, Lev. VII: 7. 11. *Hec Lex minchæ*, Lev. VI: 7, seq. *Hec Lex pro Holocausto*, pro *Mincha*, pro *Sacrificiis peccati & reatus*, pro *Impletionibus*, Lev. VII: 32. *Hec Lex bestie & avis*, Lev. XI: 46. seq. *Hec Lex parentis pro filio & filia*, Lev. XII: 7. *Hec Lex leproæ*, Lev. XIII: 59. Cap. XIV: 2. 32. 54. 57. *Hec Lex fluxu affecti*, Levit. XV: 31. *Hec Lex Zelotypæ*, Num. V: 29. 30. *Hec Lex Naziræi*, Num. VI: 13. 21. *Hec Lex mundationis*, Num. XIX: 14. *Hec Lex de vacca rufa*, Num. XIX: 2. *Lex pro Rege*, Deuter. XVII: 15. ad 19. Imo totus Liber Mosis vocatur Lex, Deut. XXXI: 9. 11. 12. 26. Præter etiam in Novo Testamento, ut Luc. II: 22. Cap. XXIV: 44. Joh. I: 46. Cap. VII: 22. 23. Cap. VIII: 5. & alibi. Quod hæc Statuta per Opera legis intelligantur a Paulo, ubi dicit, *Quod homo Fide justificetur sine Operibus legis*, Rom. III: 28, manifeste patet a sequentibus ibi, tum ex verbis ejus ad Petrum, quem increpavit quod iudaizaret, ubi ter in uno Versu dicit, *quod nemo per Opera legis justificetur*, Gal. II: 14. 15. QUOD PER LEGEM IN LATISSIMO SENSU INTELLIGATUR TOTUM VERBUM patet ex his, *Iesus dixit, nonne scriptum est in LEGE VESTRA*, dicitur estis, Joh. X: 34, hoc scriptum est Psalm LXXI: 6. *Respondit turba, nos audivimus ex LEGE, quod Christus maneat in æternum*, Joh. XII: 34, hoc scriptum est Psalm LXXXIX: 30. Psalm CX: 4. Dán. VII: 14. Ut impleretur Verbum scriptum in LEGE ILLORUM, odio habuerunt Me sine causa, Joh. XV: 25, hoc scriptum est Psalm XXXV: 19. dixerunt Pharisei, num quis ex Principibus credidit in Ipsum, sed turba quæ non novit LEGEM, Joh. VII: 48. 49. Facilius est Cœlum & Terram transire, quam LEGIS UNUM APICEM cadere, Luc. XVII: 17; per Legem ibi intelligitur tota Scriptura Sacra: præter in mille locis apud Davidem.

289. Quod Decalogus in Sensu Spirituali & Cœlesti contineat Universaliter omnia Præcepta Doctrinæ & Vitæ, ita omnia Fidei & Charitatis, est causa, quia Verbum in Sensu litteræ in omnibus & singulis ejus, seu in communis & in omni parte

recondat binos Sensus interiores, unum qui vocatur Spiritualis, alterum qui Cælestis, & quod in his Sensus sit Divina Veritas in sua luce, & Divina bonitas in suo calore: nunc quia Verbum in communī & in omni parte est tale, necessum est, ut Decalogi decem Præcepta secundum tres illos Sensus, qui vocantur Naturalis, Spiritualis, Cælestis, explicitentur. Quod Verbum tale sit, constare potest ex illis, quæ in Capite de SCRIPTURA SACRA seu VERBO, supra n: 193 ad 208, demonstrata sunt.

290. Nemo, nisi sciat quale est Verbum, potest aliqua idea assequi, quod in singulari ejus sit infinitas, hoc est, contineat innumerabilia, quæ ne quidem Angeli possunt exhaustire: quodlibet ibi potest assimilari semini, quod ex humo potest excrescere in magnam arborem, & producere copiam seminum, ex quibus iterum similes arbores, quæ simul faciunt hortum, & ex hujus seminibus iterum horti, & sic in infinitum: tale est Verbum Domini in singulis, & talis est imprimis Decalagus, nam hic quia docet amorem in Deum, & amorem erga proximum, est brevis complexus totius Verbi. Quod Verbum tale sit, Dominus per similitudinem etiam exponit, ita, *Simile est Regnum Dei grano finapis, quod accipiens seminavit in agro suo, quod minus est omnibus seminibus, quando autem excreverit, majus est oleribus, & fit arbor, ita ut veniant volatilia Cæli, & nidulentur in ramis ejus,* Matth. XIII: 31. 32. Marc. IV: 31. 32. Luc. XIII: 18. 19. Confer etiam Ezechielem, Cap. XVII: 2 ad 8. Quod talis infinitas sit seminum spiritualium seu veritatum in Verbo, constare potest ex Sapientia Angelica, quæ omnis est ex Verbo, hæc crescit apud illos in æternum, & illi, quo sapientiores fiunt, eo clarior vi- dent, quod Sapientia sit absque fine, & percipiunt, quod ipsi modo sint in atrio ejus, & quod non possint quoad minutissimum attingere Sapientiam Divinam Domini, quam vocant Abyssum. Nunc quoniam Verbum est ex hac Abysslo, quia a Domino, patet quod in omnibus ejus sit quædam Infinitas.

PRIMUM PRÆCEPTUM.

Non erit Deus alius coram faciebus meis.

291. Hæc sunt verba Primi Præcepti, Exod. XX: 3. Deut. V: 7; per quæ in SENSI NATURALI, qui est Sensus literæ, proxime intelligitur, quod non colenda sint Idola, nam sequitur, *Non facies tibi Sculptile aut ullam Figuram, quæ in Cælis defuper, & quæ in Terra infra, & quæ in Aquis sub terra: non incurvabis te illis, & non coles illa, quia Ego JEHOVAH DEUS TUUS, DEUS ZELOTES,* Exod. XX: 3. 4. 5. 6. Quod per hoc Præceptum proxime intelligatur, quod non colenda sint Idola, erat causa, quia ante hoc tempus, & post illud usque ad Aventum Domini, in multo Orbe Asiatico fuit Cultus idololatricus; causa illius cultus fuit, quod omnes Ecclesiæ ante Dominum fuerint repræsentativæ & typicæ, ac typi & repræsentationes erant tales, ut Divina sisterentur sub variis Figuris & Sculpturis, quas Vulgus, dum significationes illarum oblitteratæ sunt, incepserunt colere pro diis. Quod Gens Israelite etiam in tali cultu fuerit, quando in Ægypto, constare potest ex Vitulo Auro, quem loco Jehovæ colebant in deserto; & quod postea ab illo Cultu non alienati fuerint, constat ex multis locis in Verbo tam Historico quam Prophetico.

292. Per hoc Præceptum, *Non erit Deus alius coram faciebus meis*, in Sensu naturali etiam intelligitur, quod non aliquis Homo defunctus aut vivus colendus sit sicut Deus, quod quoque in Orbe Asiatico, & circum illum variis in locis factum est; multi dii Gentium non fuerunt alii, sicut Baal, Astaroth, Chemos, Milkom, Beelsebub; ac Athenis & Romæ Saturnus, Jupiter, Neptunus, Pluto, Apollo, Pal-

Pallas, &c., quorum aliquos primum coluerunt ut Sanctos; postea ut Numina, & denique ut Deos. Quod etiam coluerint Homines vivos ut deos, constat ex Edicto Darii Medi, quod nemo intra 30 dies peteret aliquidum Deo; sed a Rege solo; si secus, conjiceretur in foveam leonum, Dan. VI: 8 ad fin.

293. In Sensu naturali, qui est Sensus literæ, per hoc Præceptum etiam intelligitur, quod non quisquam præter Deum, & quod non quicquam præter id quod procedit a Deo, super omnia amandum sit, quod etiam est secundum verba Domini, Matth: XXII: 35 ad 37. Luc: X: 25 ad 28, nam qui & quod super omnia amat, ille & illud amatori est Deus & Divinum; sicut qui se super omnia amat, aut quoque Mundum, illi est Ipse aut Mundus suus Deus; quæ causa est quod idem corde non agnoscant aliquem Deum; hi ideo conjuncti sunt consimilibus in Inferno, ubi collecti sunt omnes, qui se & mundum super omnia amaverunt.

294. SENSUS SPIRITALIS hujus Præcepti est, quod non aliis Deus quam DOMINUS JESUS CHRISTUS colendus sit, quia Ipse est Jehovah, qui in Mundum venit, & Redemptionem fecit, sine qua non salvari potuit ullus homo, nec ullus Angelus. Quod præter Ipsum non aliis Deus sit, constat ex his in Verbo, „Dicetur in die illo, ecce Deus noster Hic, quem exspectavimus ut liberet nos: hic Jehovah, quem exspectavimus, exultemus & lætemur in Salute Ipsius, Esaj. XXV: 9. Vox clamantis in deserto, parate viam Jehovæ, complanate in solitudine semitam Deo nostro; revelabitur enim Gloria Jehovæ, & videbunt omnis caro simul; ecce Dominus Jehovah in forti venit, sicut Pastor gregem suum pascet, Esaj. XL: 3. 5. 11. Tantummodo inter te Deus, præterea non Deus, profecto Tu Deus occutus, Deus Israëlis SALVATOR, Esaj. XLV: 14. 15. Nonne Ego Jehovah, & non amplius Deus præter Me, Deus justus & SALVATOR præter Me, Esaj. XLV: 21. 22. Ego Jehovah, & non præter Me SALVATOR, Esaj. XLIII: 11. Hosch. XIII: 4. Ut sciat omnis caro, quod Ego Jehovah SALVATOR TUUS & REDEMPTOR TUUS, Esaj. XLIX: 26. Cap. LX: 16. Quod ad REDEMPTOREM NOSTRUM, Jehovah Zebaoth Nomen Ipsius, Esaj. XLVII: 4. Jer. L: 34. Jehovah Petra mea, & REDEMPTOR MEUS, Psalm: XIX: 10. Sic dixit Jehovah REDEMPTOR TUUS, Sanctus Israëlis, Ego Jehovah Deus tuus, Esaj. XLVIII: 17. Cap. XLIII: 24. Cap. XLIX: 7. Cap. 8. Sic dixit Jehovah REDEMPTOR tuus, Ego Jehovah faciens omnia, & Solus a Me Ipso, Esaj. XLIV: 24. Sic dixit Jehovah Rex Israëlis, & REDEMPTOR ejus Jehovah Zebaoth, Ego Primus & Ultimus, & præter Me non Deus, Esaj. XLIV: 6. Jehovah Zebaoth nomen Ipsius, & REDEMPTOR TUUS Sanctus Israëlis, Deus totius terra vocabitur, Esaj. LIV: 8. Abraham non cognoscit nos, Israel non agnoscit nos, Tu Jehovah Pater noster, REDEMPTOR a seculo Nomen tuum, Esaj. LXIII: 16. Puer natus est nobis, Filius datus est nobis, cuius nomen Mirabilis, Consiliarius, Deus, Heros, PATER ÆTERNITATIS, Princeps pacis, Esaj. IX: 5. Ecce dies venient, cum suscitabo Davidi Germen justum, qui regnabit Rex, & hoc Nomen Ipsius, JEHOVAH JUSTITIA NOSTRA, Jerem. XXIII: 5. 6. Cap. XXIII: 15. 16. Dixit Philipus ad Jesum, monstrata nobis Patrem, dixit illi Jesus, qui videt Me videt Patrem, nonne credis quod Ego in Patre & Pater in Me, Joh. XIV: 8. 9. In Jesu Christo omnis plenitudo Divinitatis habitat corporaliter, Coloss. II: 9. Sumus in Veritate in Jesu Christo: Hic est verus Deus & Vita eterna; filio Icavete vobis ab idolis, I Joh. V: 20. 21. Ex his clare patet, quod Dominus Salvator noster sit ipse Jehovah, qui simul est Creator, Redemptor, & Regenerator. Hic est hujus Præcepti Sensus spiritualis.

295. SENSUS CÆLESTIS HUJUS PRÆCEPTI EST; quod Jehovah Dominus sit Infinitus, Immensus & Æternus; quod sit Omnipotens, Omniscius & Omnipræfens; quod sit Primus & Ultimus, Principium & Finis, Qui Fuit, Est, & Erit; quod sit ipse Amor & ipsa Sapientia, seu ipsum Bonum & ipsum Verum, proinde ipsa Vita; ita Unicus ex Quo omnia.

296. Omnes, qui alium Deum, quam Dominum Salvatorem Jesum Christum, qui

qui est ipse Jehovah Deus in Humana forma, agnoscunt & colunt, contra Primum hoc Praeceptum peccant; consimiliter etiam illi, qui Tres Personas Divinas ab æterno actualiter existentes, sibi persuadent; hi sicut se confirmant in illo errore, fiunt plus & plus naturales & corporei, & tunc non possunt aliquod Divinum Verum interius comprehendere, & si audiunt & recipiunt illud, usque fallaciis inquianter & obvolvunt illud: quapropter hi comparari possunt illis, qui in infima aut subterranea mansione domus habitant, & ideo non audiunt quicquam quod illi, qui in secunda & tertia mansione sunt, inter se loquuntur, quia testa supra caput arcant, ne sonus penetret: Mens humana est sicut trium mansionum Domus, in cuius infima sunt illi, qui pro tribus Diis ab æterno se confirmaverunt, in secunda & tertia sunt illi, qui Deum unum sub visibili Humana forma, & Dominum Deum Salvatorem esse Illum, agnoscunt & credunt: Sensualis & corporeus homo, quia est mere naturalis, in se spectatus est prorsus animalis, nec plus differt ab Animali bruto, quam quod loqui & ratiocinari possit, quare est sicut degens in Bestiario, ubi fera omnis generis, & ibi nunc agit leonem, nunc ursum, nunc tigridem, pardum aut lupum; imo etiam potest agere ovem, sed tunc corde suo ridet, Homo mere naturalis de Divinis veris non cogitat nisi ex mundanis, ita ex sensuum fallaciis, non enim super illas potest elevare mentem, quare ejus fidei Doctrina potest comparari pulci ex paleis, quam comedit ut lautitias; aut sicut mandatum est Ezechieli Prophetæ, quod commisceret tritica, hordea, fabas, lentes, Zeas, cum stercore hominis aut bovis, & faceret sibi panem & placentas, & sic representaret Ecclesiam, qualis erat apud Gentem Israeliticam, Cap. IV: 9. seq. simile est cum Doctrina Ecclesiæ, quæ fundata & ædificata est super tres Divinas Personas ab æterno, quarum unaquævis singulatim est Deus: quis non vide-ret enormitatem istius fidei, si illa sisteretur qualis est in se, in pictura coram oculis, ut si tres in ordine juxta se starent, Primus insignitus sceptro & corona; Secundus tenens dextra manu Librum, qui est Verbum, & in sinistra Crucem ex au-ro sparsam sanquine, & Tertius incinctus alis stans super uno pede in conatu volandi & operandi, quibus super scriptum est, HÆ TRES PERSONÆ TOTIDEM DII, SUNT UNUS DEUS; quis sapiens hanc picturam videns secum non diceret, heu quæ phantasias; aliter vero dicturus esset, si videret picturam unius Personæ Divinæ cum radiis lucis cœlestis circum caput, cum superscripto, HIC EST NOSTER Deus, SIMUL CREATOR, REDEMPTOR ET REGENERATOR, IRA SALVATOR; annon Sapiens ille hanc picturam oscularetur, & in sinu portaret domum, & per ejus aspectum iustificaret animum & sūm, & uxoris, & liberorum & famulorum.

SECUNDUM PRÆCEPTUM.

Non sumes Nomen Jehovæ Dei tui in vanum, quia non infontem habebit Jehovah, qui sumserit Nomen Ipsius in vanum.

297. Per sumere Nomen Jehovæ Dei in vanum, in SENSI NATURALI, qui est Sensus literæ, intelligitur ipsum Nomen, & Ejus abusus in variis colloquiis, imprimis in falsiloquio seu mendaciis, inque juramentis absque causa, & propter finem excusationis in intentionibus malis, quæ sunt exsecrations, inque præstigiis & incantationibus. At vero jurare per Deum & Ejus Sanctitatem, Verbum & Evangelium, in Coronationibus, in Inaugurationibus in Sacerdotium, in Initiationibus fidelitatis, non est sumere Nomen Dei in vanum, nisi Jurator sponsiones suas et vanas postea rejicit, Nomen autem Dei, quia est ipsum Sanctum, jugiter usurpan-

pandum est in rebus Sanctis quae Ecclesiæ sunt, ut in Orationibus, Psalmis, & in omni Cultu, & quoque in Prædicationibus, & in Scriptis de rebus Ecclesiasticis; causa est, quia Deus est in omnibus Religionis, & cum rite invocatur, per Nomen suum præsens est, & audit; in his Nomen Dei sanctificatur. Quod Nomen Jehovæ Dei in se sanctum sit, constat ex Nomine illo, quod Judæi post primum tempus eorum non ausi sint, nec audeant Jehovam dicere, & quod propter illos nec Evangelistæ & Apostoli voluerint, quare loco Jehovæ dixerunt Dominum, ut constat ex variis locis ex Vereri Testamento translati in Novum, ubi pro JEHOVAH nominatur DOMINUS, ut Matth. XXII: 35, Luc. X: 27, collatis cum Deut. VI: 5, & alibi. Quod Nomen Jesus similiter Sanctum sit, notum est ex Apostolo dicente, quod ad Nomen illud flecantur & flectenda sint genua in Cælis & in Terris; & insuper quod a nullo diabolo in Inferno possit nominari. Nomina Dei sunt plura, quæ non in vanum sumenda sunt, sicut Jehovah, Jehovah Deus, Jehovah Zebaoth, Sanctus Israelis, Jesus & Christus, Spiritus Sanctus.

298. In SENSU SPIRITUALI per Nomen Dei intelligitur omne id, quod Ecclesia ex Verbo docet, & per quod Dominus invocatur & colitur, cuncta illa sunt Nomen Dei in complexu; quare per sumere Nomen Dei in vanum, intelligitur sumere aliquid inde in vaniloquiis, falsiloquiis, mendaciis, exsecrationibus, præstigiis, & incantationibus, nam hoc quoque est conviciari & blasphemare Deum, ita Nomen Ejus. Quod Verbum & quod inde est Ecclesiæ, & sic omnis Cultus, sit Nomen Dei, constare potest ex his locis „Ab ortu solis invocabitur Nomen meum, Esaj. XXVI: 8. 13. Ab ortu solis usque ad occasum, magnum Nomen meum inter Gentes: & in omni loco suffitus allatus Nomini meo. Vos profanatis Nomen meum, cum dicitis Mensa Jehovæ polluta est: atque exsufflatis Nomen meum, cum adducitis rapatum, claudum & ægrotum, Malach. I: 11. 12. 13. Omnes Populi ambulant in Nominis Dei sui, & nos ambulabimus in Nominis Jehovæ Dei nostri, Mich. IV: 5. Coruent Jehovam in uno loco, ubi ponet Nomen suum, Deut. XII: 5. 11. 13. 14. 18. Cap. XVI: 2. 6. 11. 15. 16, hoc est, ubi Cultum suum: Jesus dixit, ubi sunt duo aut tres congregati in Nominis meo, ibi sum in medio eorum, Matth. XVIII: 20. Quotquot Ipsum receperunt, dedit illis potestatem ut filii Dei essent, creditibus in Nomen Ipsius, Joh. I: 12. Qui non credit, jam judicatus est, quia non credit in Nomen Unigeniti Filii Dei, Joh. III: 17. Credentes vitam habebunt in Nominis Ipsius, Joh. XX: 3. Jesus dixit, manifestavi Nomen tuum hominibus, & nō tuum feci illis Nomen tuum, Joh. XVII: 26. Dominus dixit, habeo paucia Nomina in Sardibus, Apoc. III: 4, præter in pluribus aliis locis, in quibus sicut in præcedentibus per Nomen Dei intelligitur Divinum quod procedit a Deo, & per quod colitur. Per Nomen autem JESU CHRISTI intelligitur omne Redemptionis, & omne Doctrinæ Ipsius, & sic omne salvationis; per Jesum omne salvationis per Redemptionem; & per Christum omne salvationis per Doctrinam Ipsius.

299. In SENSU CÆLESTI, per sumere Nomen Dei in vanum, intelligitur id quod Dominus dixit ad Pharisæos, Omne peccatum & blasphemia remittetur homini, spiritus vero blasphemia non remittetur, Matth. XII: 11. 12; per Spiritus blasphemiam intelligitur blasphemia contra Divinitatem Humani Domini, & contra Sanctitatem Verbi. Quod Divinum Humanum Domini per Nomen Jehovah Dei in Cælesti seu supremo Sensu intelligatur, constat ex his, Jesus dixit, PATER GLORIFICA NOMEN TUUM, & exiuit vox e Cælo, dicens, & glorificavi & rursus glorificabo, Joh. XII: 28. Quodcunque petieritis in Nominis meo, hoc faciam, ut Pater glorificetur in Filio; si quid petieritis in Nominis meo, hoc faciam, Joh. XIV: 13. 14. In Oratione Dominica per Sanctificetur Nomen tuum, in Cælesti sensu nec aliud significatur; pariter per Nomen, Exod. XXIII: 21. Esaj. LXIII: 16. Quoniam blasphemia Spiritus non remittitur homini secundum verba Matth. XII: 31. 32, & hoc in Sensu

cælesti intelligitur, ideo huic Præcepto adjicitur, *Quia non insontem habebit Jehova illum, qui sumserit Nomen Iesu in vanum.*

300. Quod per Nomen alicujus non intelligatur solum nomen, sed etiam omne quale ejus, patet a nominibus in Mundo Spirituali, ibi non aliquis homo retinet nomen, quod tulit in baptismate & a patre aut stemmate, in Mundo, sed unusquisque ibi secundum quale suum nominatur, ac Angeli vocantur secundum moralem & spiritualem illorum vitam; hi etiam sunt qui intelliguntur per haec Domini, *Iesu dixit, Ego sum Pastor bonus, oves vocem ejus audiunt, & proprias oves vocat nomine, & educit illas, Joh. X: 3.* pariter per haec, *Habeo pauca Nomina in Sardibus. quæ non polluerunt vestimenta sua. Qui vicerit, scribam super eum Nomen urbis novæ Hierosolymæ, & Nomen meum novum,* Apoc. III: 4. ¶2. Gabriel & Michael non sunt nomina duarum Personarum in Cælo, sed per illa Nomina intelliguntur omnes in Cælo, qui in sapientia sunt de Domino & colunt Ipsum. Per Nomina etiam Personarum & locorum in Verbo nec intelliguntur Personæ & loca, sed res Ecclesiæ: In Mundo naturali per Nomen nec intelligitur solum Nomen, sed simul quale ejus, quia hoc nomini ejus adhaeret, in communi enim sermone dicitur, hoc facit propter Nomen suum, aut propter Nominis famam, hic magnum Nomen habet, per quod significatur, quod sit celebris ex talibus quæ in illo sunt, ut ex ingeniositate, eruditione, meritis, & sic porro. Quis non novit, quod qui vituperat & calumniatur aliquem quoad Nomen, etiam vituperet & calumnietur acta vita ejus, conjuncta sunt in idea, inde perit fama nominis ejus: consimiliter qui Nomen Regis, Dicis, Magnatis, ignominiose enuntiat, ille quoque Majestatem & Dignitatem illorum opprobrio afficit; pariter qui Nomen alicujus sano contemptus profert, ille ejus acta vitae simul vilipendit; simile est cum omni Persona, cuius Nomen, hoc est, qualitatem & inde famam, secundum leges omnium Regnorum, non licet insufflare & convitiis lacefliere.

TERTIUM PRÆCEPTUM.

Memento Diei Sabbathi, ut sanctifices eum; sex dies laborabis;
& facies omne opus tuum, at dies septimus Sabbathum
Jehovæ Deo tuo.

301. Quod hoc sit Tertium Præceptum, videatur Exod. XX: 8. 9. 10, & Deut. V: 12. 13, per hoc in SENSU NATURALI, qui est Sensus literæ, intelligitur, quod sex dies sint pro homine & ejus laboribus, & Septimus pro Domino, & pro quiete hominis ex Ipso; Sabbathum in Lingua originali significat Quietem. Sabbathum apud filios Israelis fuit Sanctitas sanctitatum, quia representabat Dominum, sex dies Ipsi labores & pugnas cum Infernis, & Septimus Ipsi victoriam super illa, & sic Quietem; & quia dies ille erat repræsentativus clausulæ totius Redemptoris Domini, ideo erat ille ipsa Sanctitas. At vero cum Dominus in Mundum venit, & inde Repræsentationes Ipsi cessaverunt, factus est Dies ille dies instructionis in Divinis rebus, & sic etiam dies quietis a laboribus, ac meditacionis in talibus quæ salutis & vitae æternæ sunt, ut & dies amoris erga proximum. Quod factus fit dies instructionis in rebus Divinis, patet ex eo, quod Dominus die illo docuerit in Templo & Synagogis, Marc. VI: 2. Luc. IV: 2. Lue. IV: 16. 31. 32. Cap. XIII: 10; & quod dixerit Sanato, *Tolle lectum & ambula;* & ad Phariseos, *quod licuerit Discipulis die Sabbathi colligere spicas & comedere,* Matth. XII: 1 ad 9. Marc. II: 23 ad fin: Luc. VI: 1 ad 6. Joh. V: 9 ad 19; per quæ singula

in sensu spirituali significatur instrui in doctrinalibus; quod Dies ille etiam factus sit Dies amoris erga proximum, constat ex illis, quæ Dominus die Sabbathi fecit & docuit, Matth. XII: 10 ad 14; Marc. III: 1 ad 9. Luc. VI: 6 ad 12. Cap. XIII: 10 ad 18. Cap. XIV: 1 ad 7. Joh. V: 9 ad 19. Cap. VII: 22. 23. Cap. IX: 14: 16. Et his & illis patet, cur Dominus dixit, quod etiam sit Dominus Sabbathi, Matth. XII: 8. Marc. II: 28. Luc. VI: 5; & quia hoc dixit, sequitur, quod dies ille fuit representativus Ipsiis.

302. Per hoc Præceptum in SENSU SPIRITUALI significatur homini Reformatio & Regeneratio a Domino; per sex dies laboris pugna contra carnem & ejus concupiscentias, & simul tunc contra mala & falsa quæ apud se ab Inferno sunt; & per diem Septimum significatur ejus conjunctio cum Domino, & per id regeneratione; quod quamdiu pugna illa persistat, sit homini Labor Spiritualis, at quod cum regeneratus est, sit illi Quies, constabit ex illis, quæ in Capite de REFORMATIO-NE & REGENERATIONE posthac dicentur; imprimis ex his ibi, I. *Quod Regeneratio fiat ad instar sicut homo concipitur, gestatur in utero, nascitur, & educatur.* II. *Quod Primus actus novæ Generationis dicatur Reformatio qui est intellectus, & quod Secundus ejus dicatur Regeneratio, qui est Voluntatis & inde intellectus.* III. *Quod Internus homo primum reformandus sit, & per hunc Externus.* IV. *Quod tunc pugna inter Internum & Externum hominem oriatur, & quod qui vincit, dominetur super alterum.* V. *Quod homini Regenerato sit nova Voluntas & novus Intellectus, &c.* Quod Reformatio & Regeneratio hominis per hoc Præceptum in spirituali sensu significatur, est quia coincidit cum laboribus & pugnis Domini cum Infernis, & cum Victoria super illa, & tunc Quietè; nam modo, quo Dominus glorificavit Humanum suum, & illud Divinum fecit, illo etiam reformat & regenerat hominem, & eum spiritualem reddit; hoc est quod intelligitur per SEQUI IPSUM. Quod Pugnæ Domino fuerint & dicantur Labores, patet apud Esaiam Cap. LIII & LXIII; & quod similia dicantur Labores de hominibus, Esaj. LXV: 23. Apoc. II: 2. 3.

303. In SENSU CÆLESTI per hoc Præceptum intelligitur conjunctio cum Domino, & tunc Pax, quia tutatio ab Inferno; per Sabbathum enim significatur Quies, & in supremo hoc sensu Pax, quare Dominus vocatur Princeps pacis, & quoque se vocat Pacem; ut constat ex his locis, *Puer natus est nobis, Filius datus est nobis, super cuius humero Principatus, & vocabitur Nomen Ipsiis Mirabilis, Consiliarius, Deus, Heros, Pater æternitatis, PRINCEPS PACIS; multiplicanti Principatum & PACEM non erit finis,* Esaj. IX: 5. 6. *Jesus dixit, PACEM relinquo vobis, PACEM MEAM do vobis,* Joh. XIV: 27. *Jesus dixit, hæc loquutus sum, ut IN ME PACEM HABEATIS,* Joh. XVI: 33. *Quam jucundi sunt super montibus pedes EVANGELIZANTIS & audire facientis PACEM, dicentis, regnat Rex tuus,* Esaj. LII: 7. *Jehovah redimer in Pace animam meam,* Psalm LV: 19. *EST OPUS JEHOVAE PAX, LABOR JUSTITIA & QUIES, ET SECURITAS IN ÆTERNUM, UT HABENT IN HABTACULO PACIS, ET IN TENTORIIS SECURITATIS, ET IN QUIETIEBUS TRANQUILLIS,* Esaj. XXXII: 17. 18. *Jesus dixit ad Sepiuaginta quos emisit, in quam domum intraveritis, primum dicite PACEM DOMINI, & si fuerit Filius PACIS, requiescat super illo PAX vestra,* Luc. X: 5. 6. Matth. X: 12. 13. 14. *Jehovah loquetur PACEM ad populum suum, JUSTITIA ET PAX osculabuntur se,* Psalm LXXXV: 9. 10. *Cum Ipse Dominus apparuit Discipulis, dixit, PAX VOBISQUM,* Joh. XX: 19. 21. 26. Præterea de Statu Pacis, in quem venturi sunt a Domino, agitur apud Esaiam Cap. LXV & LXVI, & alibi; & in illum venturi sunt, qui in Novam Ecclesiæ, quæ hodie a Domino instauratur, recipiuntur. Quid Pax in sua essentia, in qua sunt Angeli Cæli, & illi qui in Domino sunt, videatur in Opere de CÆLO ET INFERNO, n: 284 ad 290. Ex his etiam patet, cur Dominus se vocat Dominum Sabbathi, hoc est, Quietis & Pacis.

304. Pax cælestis, quæ est pro Infernis, ne mala & falsa inde afflignant & invadant, comparari potest cum Pace naturali in multis, sicut cum Pace post bella,

quæ

quando quisque in securitate pro hostibus, & tutus in sua urbe, in sua domo, in que suis praediis & hortis vivit, est sicut dixit Propheta, ubi de Pace cœlesti naturaliter loquitur, *Sedebunt vir sub Vite sua & sub fico sua, non terrens*, Mich. IV: 4. Esaj. LXV: 21. 22. 23. Comparari etiam potest cum recreationibus animi, & quietibus post graves labores. Cum Solatiis matrum post partus, quando amori iliarum storge vocatus manifestat sua jucunda. Comparari etiam potest cum Serenitate post tempestates, nubes atras, & tonitrua: & quoque cum Vere post exactam horridam hyemem, & tunc cum laetificatione ex novellis in agris, & ex efflorescentiis in hortis, campis & sylvis. Pariter cum Statu mentium apud illos, qui post procellas & pericula in mari attingunt portum, & mittunt pedes in expectatam terram.

Q U A R T U M P R A E C E P T U M.

Honora Patrem tuum & Matrem tuam, ut prolongentur dies tui, & ut beue tibi sit super terra.

305. Hoc Præceptum legitur ita Exod. XX: 12, & Deutr. V: 16. Per honore Patrem tuum & Matrem tuam in SENSU NATURALI, qui est Sensu literæ, intelligitur honorare Parentes, obedire illis, applicare se illis, & gratias agere illis pro benefactis, quæ sunt, quod alant & vestiant illos, ac introducant in Mundum, ut in illo civiles & morales Personas agant; & quoque in Cælum per præcepta religionis, ita consulunt illorum prosperitati temporariæ, & quoque felicitati æternæ; & haec omnia faciunt ex amore, in quo sunt a Domino, Cujus vice funguntur. In Sensu respectivo intelligitur honor Tutorum a pupillis, si parentes mortui sunt. In latiori Sensu per hoc Præceptum intelligitur honorare Regem & Magistratus; quoniam hi proficiunt omnibus necessitates in communi, quas Parentes in particulari. In latissimo sensu per hoc præceptum intelligitur amare Patriam, quia haec nutrit illos, & tutatur illos, quare Patria vocatur a Patre: sed huic & illis honores præstāndi sunt a Parentibus, & ab his implantandi liberis.

306. In SENSU SPIRITUALI, per honorare Patrem & Matrem intelligitur venerari & amare Deum & Ecclesiam; in hoc Sensu per Patrem intelligitur Deus, qui est Pater omnium, & per Matrem Ecclesia; Infantes & Angeli in Cælis non alium Patrem, nec aliam Matrem sciunt, quoniam a Domino per Ecclesiam ibi e novo nati sunt; quare Dominus dicit, *Patrem ne vocetis vestrum in terra, unus namque est Pater vester, qui in Cælis est*, Matth. XXIII: 9; haec dicta sunt pro Infantibus & Angelis in Cælo, non autem pro infantibus & hominibus in terra. Simile docet Dominus in Oratione Ecclesiarum Christianarum communi, *Pater noster, qui es in Cælis, sanctificetur Nomen tuum*. Quod per Matrem in sensu spirituali, intelligatur Ecclesia, est quia sicut Mater in terra alit suos liberos vietu naturali, ita Ecclesia illos vietu spirituali; quare etiam Ecclesia in Verbo passim vocatur Mater, ut apud Hoscheam, *Contendite cum MATRE VESTRA, non illa uxor mea*; & *Ego non Matri*ritus ejus, Cap. II. 2. 5. Apud Esajam, *Ubi est libellus repudii MATRIS VESTRAE, quam dimiserim*, Cap. L: 1 & Ezech. XVI: 45. Cap. XIX: 10. Et apud Evangelistas, *Iesus extenderis manum suam ad Discipulos, dixit, MATER MEA, & fratres mei sunt, qui audiunt Verbum Dei, & faciunt illud*, Matth. XII: 48-49. Marc. III: 33. 34. 35. Luc. VIII: 21. Joh. XIX: 25. 26. 27.

307. In SENSU CÆLESTI, per Patrem intelligitur Dominus noster Jesus Christus, & per Matrem Communio Sanctorum, per quam intelligitur Ecclesia Ipsius per un-

universum orbem sparsa. Quod Dominus sit Pater, constat ex his, *Puer natus est nobis, Filius datus est nobis, Cujus Nomen Deus, Heros, PATER AETERNITATIS, Princeps pacis*, Esaj. IX: 15. *Tu PATER NOSTER*, Abraham non cognoscit nos, & Israël non agnoscit nos, *Tu PATER NOSTER, Redemptor noster a sacerculo Nomen tuum*, Esaj. LXIII: 16. Dixit Philippus, *mōstra nobis Patrem, dicit illi Iesu, qui VIDET ME VIDET PATREM, quomodo ergo tu dicis, mōstra nobis Patrem; credite Mihi, quod Ego in Patre, & Pater in Me sit*, Joh. XV: 7 ad 11. Cap. XII. 45. Quod per Matrem in hoc sensu intelligatur Ecclesia Domini, constat ex his, *Vidi Urbem, sanctam Hierosolymam novam, paratam sicut sponsam ornatam marito*, Apoc. XXI: 2. *Angelus dixit ad Iohannem, veni, ostendam tibi sponsam Agni uxorem, & ostendit urbem sanctam Hierosolymam*, Apoc. XXI: 9. 10. *Venit tempus nuptiarum Agni, & Uxor Ejus paravit se; beati, qui ad canam nuptiarum Agni vocati sunt*, Apoc. IX: 7. 9; & præterea, Matth. IX: 15. Marc. II: 19. 20. Luc. V: 34. 35. Joh. III: 29. Cap. 25. 26. 27: quod per Novam Hierosolymam intelligatur Nova Ecclesia, quæ a Domino hodie instauratur, videatur APOCALYPSIS REVELATA n: 880. 881; hæc Ecclesia, & non prior, est Uxor & Mater in hoc sensu. Proles spirituales, quæ ex hoc Conjugio nascuntur, sunt bona charitatis & vera fidei, & illi qui in his a Domino sunt, vocantur filii nuptiarum, filii Dei, & nati ab Ipso.

308. Tenendum est, quod a Domino continue procedat Sphæra Divina cælestis amoris erga omnes, qui Ecclesiæ Ipsiœ doctrinam amplectuntur, & qui sicut infantes in Mundo patri & matri, obediunt Ipsi, se applicant Ipsi, & volunt nutriri, hoc est, instrui ab Ipso: ex hac cælesti Sphæra oritur Naturalis Sphæra, quæ est amoris erga infantes & liberos, quæ universalissima est, & non modo afficit homines, sed etiam aves & bestias, usque ad serpentes; nec solum animata, sed etiam inanimata, sed ut Dominus in haec, sic ut in spiritualia operetur, creavit Solem, qui in Naturali Mundo esset sicut Pater, ac Terra sicut Mater; est enim Sol sicut communis Pater, & Terra sicut communis Mater, ex quorum conjugio existunt omnes germinationes, quæ Telluris superficiem exornant: ex influxu cælestis illius Sphæræ in naturalem Mundum existunt mirabiles illæ progressiones vegetationum a semine ad fructus & ad nova semina: inde quoque est, quod sint plura Virgultorum genera, quæ interdiu vertunt sicut facies suas ad Solem, & avertunt illas cum Sol occidit: inde quoque est, quod sint Flores, qui oriente Sole se aperiunt, & occidente se occludunt: inde quoque est, quod oscines in prima matuta dulciter canant, & similiter postquam a Terra matre sua nutriti sunt; ita hæc & illa honorant patrem suum & matrem suam; hæc omnia sunt testimonia, quod Dominus per Solem & Terram in Mundo naturali prospiciat vivis & non vivis unnes necessitates; quare dicitur apud Davidem, *Laudate Jehovam e celis, laudate Ipsum Sol & Luna; laudate Ipsum e terra, balænae & abyssi, laudate Ipsum arbor fructus, omnes cedri; fera & omnis bestia, reptile, & avis alæ; Reges terræ, & omnes populi, juvenes & virgines*, Psalm CXLVII: 7 ad 12. & apud Hiobum, *Quare quofo bestias, & docebunt te, aut aves cali & annuntiabunt tibi, aut virgultum terræ & instruet te, & narrabunt tibi pisces marii; quis non novit ex his omnibus, quod manus Jehovæ fecerit illud*, Cap. XII: 7. 8. 9; quare & docebunt, significat specta, attende, & judica ex illis, quod Dominus Jehovih creaverit illa,

QUINTUM PRÆCEPTUM.

Non Occides.

309. Per hoc Præceptum, *Non occides*; in SENSU NATURALI intelligitur non Occidere hominem, & non aliquam plagam, ex qua mori potest, ei infligere, & quoque non mutilare ejus corpus; & insuper non aliquod malum internecinum ejus nomini & famæ inferre, quoniam fama & vita apud plures pari passu vadunt. In Sensu latiori naturali per homicidia intelliguntur inimicitæ, odia, & vindictæ, quæ spirant necem; in illis enim latet homicidium, sicut ignis in ligno sub cincere; ignis infernal nec aliud est, quare dicitur ardescere odio & flagrare vindicta. Hæc sunt Homicidia in intentione, non autem actu, & si aufurretur illis timor pro lege, proque talione & vindicta, erumperent in actum, imprimis si intentioni inest dolus aut ferocitas. Quod odium sit homicidium, constat ex his Domini verbis; *Audi viſtis, quod a vēteribus dictum sit, non occides. & quisquis occiderit, obnoxius erit iudicio: Ego vero dico vobis, quod quisquis irascitur fratri suo temere, obnoxius erit gehennæ ignis*, Matth. V: 21. 22. Causa est, quia omne quod est intentionis etiam est voluntatis, & sic in se facti.

310. In SENSU SPIRITUALI, per homicidia intelliguntur omnes modi occidendi & perdendi Animas hominum, qui sunt varii & multiplices, sicut avertere illos a Deo, Religione, & Cultu Divino, injiciendo scandala contra illa, & persuadendo talia quæ faciunt aversionem, & quoque aversionem: tales sunt omnes diaboli & satanæ in Inferno, cum quibus violatores & prostitutes sanctitatum Ecclesiæ in hoc Mundo conjuncti sunt. Illi qui Animas per falsa destruunt, intelliguntur per Regem abyssi, vocatum Abaddon aut Apollyon, hoc est, perditor, in Apoc. Cap. IX: 11; 11; & in Verbo Prophetico per Occisos, ut in his, *Dixit Jehovah Deus, paſce oves Occiſionis. quas poffeffores eaurum occiderunt*, Sach. XI: 4. 5. 7. *Occisi ſumus omni die, reputati ſumus ſicut grec mactationis*, Psalm XLIV: 23. 24. *Venturos radicabit Jacob, num juxta cædem Occiſorum ejus occiſus eſt*, Efaj. XXVII. 6. 7. *Alienus non venit, niſi ut furetur & mactet oves*, *Ego veni ut vitam & abundantiam habeant*, Joh. X: 10; præter alibi, ut Efaj. XIV: 21. Cap. XXVI: 21. Cap. XXVII: 9. Jerem. IV: 31. Cap. XII: 3. Apoc. IX: 4. Cap. XI: 7. Inde est quod Diabolus dicatur *Homicida ab initio*, Joh. VIII: 44.

311. In SENSU CÆLESTI, per Occidere, intelligitur irasci temere Domino, odio Illum habere, & velle nomen Ipsius delere: hi sunt, de quibus dicitur, quod crucifigant Ipsum; quod etiam facerent similiter ut Judæi, si in Mundum, ut prius, veniret: hoc intelligitur per *Agnum ſtantem ſicut occiſum*, Apoc. V: 6. Cap. XIII: 8. Et per *Crucifixum*, Apoc. XI: 8. Hebr. VI: 6. Gal. III: 1.

312. Quale est Internum hominis, niſi a Domino reformatur, patuit mihi ex diabolis & satanis in Inferno, hi enim continue in animo gerunt occidere Dominum, & quia hoc non poſſunt, in conatu ſunt occidendi illos, qui Domino addicti ſunt, ſed quia hoc non poſſunt ſicut homines in Mundo, aggrediuntur omniniſu perdendi animas illorum, hoc eſt, deſtruendi fidem & charitatem apud illos. Ipsi odia & vindictæ apud illos apparent ſicut ignes furvi, & ſicut ignes candidi, odia ſicut ignes furvi, & vindictæ ſicut ignes candidi, atqui non ſunt ignes, ſed apparetia: ſævitiae cordis illorum quandoque viſuntur ſuper illos in ære ſicut dimicationes cum Angelis, & ſicut horum cædes & strages, ſunt illorum iræ & odia contra Cælum, ex quibus dira talia ludibria exſurgunt. Insuper iidem

iidem e longinquo apparent sicut feræ omnis generis, sicut tigrides, pardi, lupi, vulpes, canes, crocodili, & sicut omnis generis serpentes, & quando vident informis repræsentativis bestias mites, has in phantasia aggrediuntur & conantur trucidare: in conspectum meum venerunt sicut dracones stantes juxta mulieres apud quas erant infantes, quos conabantur sicut devorare, secundum illa quæ in Apocalypsi Cap. XII: memorantur, quæ nequæ aliud sunt, quam repræsentationes odii contra Dominum, & Ipsius novam Ecclesiam. Quod homines in Mundo, qui Ecclesiam Domini volunt destruere, similes illis sint, non appetet coram sociis; causa est, quia corpora, per quæ moralitates exercent, absorbent & celant illa; sed usque coram Angelis, qui non corpora, sed Spiritus eorum spectant, appetit in similibus formis, sicut diaboli illi, de quibus supra. Quis talia potuisse scire, nisi Dominus aperuerit alicui visum, & dederit copiam intropisciendi in Mundum spiritualem, nonne hæc cum dignissimis aliis rebus coram hominibus alioquin latuissent occultata in æternum.

SEXTUM PRÆCEPTUM.

Non Mæchaberis.

313. In SENSU NATURALI, per hoc Præceptum intelligitur non modo Mæchari, sed etiam obscena velle & facere, & inde lasciva cogitare & loqui: quod modo concupiscere sit mæchari, constat ex his Domini verbis, *Audivistis quod a veteribus dictum, non mæchaberis; Ego vero dico vobis, quod si quis aspicerit mulierem alienam, ita ut concupiscat eam, jam adulterium cum illa commiserit in corde suo,* Matth. V: 27. 28: causa est, quia concupiscentia fit sicut factum, dum in voluntate est, nam in Intellectum modo intrat illecebra, at in voluntatem intentio, ac intentio concupiscentiae est factum: sed plura de his videantur in Opere de AMORE CONJUGIALI, ET DE AMORE SCORTATORIO, Amstelodami An: 1768 edito, in quo actum est, de Oppositione Amoris conjugialis, n: 423 ad 443. de Fornicatione, n: 444 ad 460. de Adulteriis & illorum generibus & gradibus, n: 473 ad 499. De Libidine deflorationis, n: 501 ad 505. De Libidine varietatum, n: 506 ad 510. De Libidine violationis, n: 511. 512. De Libidine seducendi innocentias, n. 513. 514. De Imputatione utriusque amoris, scortatorii & conjugialis, n. 523. ad 531. Hæc omnia intelliguntur per hoc Præceptum in Naturali Sensu.

314. In SENSU SPIRITUALI per Mæchari, intelligitur adulterare bona Verbi, & falsificare vera ejus: quod hæc etiam per Mæchari intelligantur, haec tenus ignotum fuit, quia Sensus spiritualis Verbi haec tenus latuit; quod non aliud per Mæchari, adulterari, & scortari in Verbo significetur, constat manifeste ex his locis; *Discurrete per plateas Hierosolymæ, & querite, si inveniatis virum, qui FACIT JUDICIA, ET QUERIT VÉRITATEM, cum saturavi eos, SCORTATI SUNT,* Jerem: V: 1. 7. In Prophetis Hierosolymæ vidi obfirmationem horrendam, ADULTERANDO ET EUNDO IN MENDACIO, Jerem. XXIII: 14. *Fecerunt stultitiam in Israele,* SCORTATI SUNT, ET LOQUUTI SUNT VERBUM MEUM MENDACITER, Jerem. XXIX: 23. SCORTABANTUR, quia Iehovam dereliquerunt, Hosch. IV: 7. *Exscindam animam, quæ respicit ad pythones & hariolos* AD SCORTANDUM POST ILLOS, Levit. XX: 5. Non pangendum est fædus cum habitatoribus terræ, ne SCORTENTUR POST DEOS illorum, Exod. XXXIV: 3. Quoniam Babylon præ caeteris adulterat & falsificat Verbum, ideo illa vocatur MAGNA MERETRICK, & hæc de illa dicuntur in Apocalypsi, *Babylon a vino ire Scortationis sue potavit omnes Gentes,* Cap. XIV: 8. *Angelus dixit, monstrabo tibi judicium Me-*

retricis magnæ, cum qua scortati sunt Reges terræ; Cap. XVII: 1. 2. Judicavit Mætricem magnam, quæ corruptit terram scortatione sua; Cap. XIX: 2. Quoniam Gens Judaica falsificaverat Verbum, ideo illa a Domino vocata est GENERATIO ADULTERA, Math. XII: 39. Cap. XVI: 4. Marc. VIII: 38. Et SEMEN ADULTERI, Esaj. LVI: 3. Prater multis aliis in locis, ubi per adulteria & scortationes intelliguntur adulterations & falsifications Verbi, ut Jerem. III: 6. 8. Cap. XIII: 27. Ezech. XVI: 15. 16. 26. 29. 32. 33. Cap. XXIII: 2. 3. 5. 7. 11. 14. 16. 17. Hosch. V: 3. Cap. VI: 10. Nah. III: 1. 3. 4.

315. In SENSU CÆLESTI, per Mæchari intelligitur negare Sanctitatem Verbi, & prophanare illud: quod hoc intelligatur in hoc Sensu, sequitur ex priori Spirituali, qui est adulterare bona & falsificare vera ejus. Sanctitatem Verbi negant & prophanant illi, qui ad omnia Ecclesiæ & religionis corde rident; nam omnia Ecclesiæ & Religionis in Christiano Orbe sunt ex Verbo.

316. Sunt variae causæ, quæ faciunt, quod homo appareat non modo aliis sed etiam sibi ipfi castus, & tamen totus incastus est, nescit enim, quod concupiscentia, dum in voluntate est, sit factum, & quod illa non removeri possit nisi a Domino post pænitentiam; abstinentia a faciendo, non facit castum, sed abstinentia a volendo, dum potest, quia peccatum est, facit; quemadmodum si quis abstinet ab Adulteriis & Scortationibus solum ex timore legis civilis & ejus pænarum; ex timore jacturæ famæ & inde honoris; ex timore morborum ex illis; ex timoreurgiorum domi ab uxore, & inde intranquillitatis vitæ; ex timore vindictæ a marito & affinibus, & verberum ab illorum famulis; aut ex avaritia; aut ex imbecilitate oriunda vel ex morbo, vel ex abusu, vel ex ætate, vel ex alia causa impotentiae: imo si abstinet ab illis ex lege aliqua naturali aut morali, & non simul ex lege spirituali, is usque tamen interius adulter & scortator est, nihilominus enim credit, quod non peccata sint, & inde illa coram Deo non illicita facit in suo spiritu, & sic in spiritu committit illa, tametsi non coram Mundo in corpore, quare post mortem cum fit spiritus, aperte loquitur pro illis. Præterea adulteri comparari possunt cum fædfragis, qui violent pacta: tum cum Veterum Satyris & Priapis, qui vagabantur in Sylvis, & vociferabantur, ubi virgines, sponsæ & uxores, cum quibus ludamus; adulteri etiam in Mundo Spirituali actualiter apparent ut Satyri & Priapi. Comparari etiam possunt cum hircis qui olen, ut & cum canibus, qui discurrunt per plateas, ac circumspiciunt & odorant ubi sunt canes, cum quibus lasciviant, & sic porro. Virilis illorum potentia, quando mariti sunt, comparari potest efflorescentiæ Tuliparum tempore veris, quæ post mensem dierum deflorantur & emarcescunt.

SEPTIMUM PRÆCEPTUM.

Non furaberis.

317. In SENSU NATURALI, per hoc Præceptum intelligitur secundum literam non furari, latrocinari, & piratam tempore pacis agere; & in genere non alicui sua bona elanculum aut sub aliquo prætextu auferre. Extendit etiam se ad omnes imposturas & illegitimos quæstus, usuras, & exactiones; tum etiam ad defraudationes in pendendis tributis & vectigalibus, & in solvendis debitibus. Operarii contra hoc Præceptum prævaricantur, qui opera sua insincere & subdole faciunt: Mercatores, qui fallunt mercibus, pondere, mensura, & calculis. Præfecti, qui stipendiis militibus subtrahunt. Judices, qui pro amicitia, munere, affinitate, aut allis

alii causis judicant, pervertendo leges aut quæstiones, & sic alios suis bonis, quæjure possident, deprivant.

318. In SENSU SPIRITUALI per furari intelligitur deprivare alios suæ fidei veris, quod fit per falsa & hæretica: Sacerdotes, qui solum propter lucrum aut honoris ambitum ministrant, ac docent talia, quæ vident aut possunt videre ex Verbo, quod non vera sint, spirituales fures sunt, quoniam media salutis, quæ sunt vera fidei, populo auferunt; hi quoque vocantur fures in Verbo in his locis, *Qui non ingreditur per januam in ovile, sed ascendit aliunde, is est fur & latro, fur non venit nisi ut furetur, mactet & perdat,* Joh. X: 1. 10. *Reponite thesauros non in terra, sed in Cælo, ubi fures non veniunt, & furantur,* Matth. VI: 19. 20. *Si fures veniam tibi, si eversores noctu, quomodo excisus eris, nomine furabuntur quod illis satis.* Obad. Vers. 5. *In Urbe discurrent, in muro current, in domos ascendent, per fenestras ingredientur, sicut fur,* Joel II: 9. *Fecerunt mendacium, & fur venit, & diffundit se turma foras,* Hosch. VII: 1.

319. In SENSU CÆLESTI per fures intelliguntur, qui Divinam Potestatem Domini no auferunt; tum qui Ipsi Meritum & Justitiam sibi vindicant; hi tametsi adorant Deum, usque non fidunt Ipsi, sed sibi, & quoque non in Deum, sed in se credunt.

320. Illi qui falsa & hæretica docent, & vulgo persuadent quod sint vera & orthodoxa, & tamen Verbum legunt, & inde possunt scire quid falsum & quid verum; tum qui falsa religionis per fallacias confirmant & seducunt, comparari possunt cum impostoribus & imposturis omnis modi, quæ quia in se sunt Furta in spirituali sensu, comparari possunt cum impostoribus qui falsas Monetas cudunt, inaurant illas, aut illis colorem auri inducunt, & venditant pro puris: tum etiam cum illis, qui sciunt dextre fecare & expolire Chryftalla, ac indurare illa, & vendunt illa pro adamantibus: ut & cum illis, qui sphinges aut simias vestitas ut homines, & velatas quoad facies, super equis aut mulis per urbes circumferunt, & clamant, quod sint nobiles ex antiquo stemmate. Sunt etiam similes illis qui facies lusorias coloratis fucis inunctas applicant faciebus vivis & nativis, & illarum pulchritudines abscondunt. Et sunt similes illis, qui selenites & lapides speculares, qui nitent sicut ex auro & argento, ostentant, & pro venis pretiositatis venditant. Assimilari etiam possunt illis, qui per theatralia abducunt a vero Cultu Divino, & a templis ad domos ubi sunt ludi scenici. Illi, qui confirmant omnis generis falsa, nihil pendentes vera, & qui modo propter lucrum & honoris ambitum, sacerdotio funguntur, ac ita sunt fures spirituales, assimilari possunt illis furibus, qui portant claves, per quas omnium domuum fores possunt aperire: tum etiam pardis & aquilis, qui acutis oculis circumspiciunt ubi sunt opimæ prædex.

OCTAVUM PRÆCEPTUM.

Non respondebis contra proximum tuum falsus testis.

321. Per responderē contra proximum falsus testis, seu false testari, in SENSU NATURALI proxime intelligitur non falsum testem agere coram judice, aut coram aliis extra judicium, contra aliquem, qui alicujus mali temere inculpat, & hoc asseverare per nomen Dei, aut per aliud sanctum, aut per se, & talia sui quæ alicujus nominis famæ sunt. Per hoc Præceptum in Sensu Naturali latiori intelliguntur omnis generis mendacia & hypocrites politicæ, quæ malum finem spectant;

tant; tum proximum traducere & diffamare, unde ejus honor, nomen & fama, ex quibus character totius hominis pendet, labefactantur. In Sensu naturali latissimo intelliguntur infidiae, doli, & mala proposita, contra aliquem ex variis originibus, ut ex inimicitia, odio, vindicta, invidia, æmulatione, &c. hæc enim mala, in se recondunt testationem falsi.

322. In SENSU SPIRITUALI per false testari, intelligitur persuadere, quod falsum fidei sit verum fidei, & quod malum vitæ sit bonum vitæ, & viceversa; sed hoc & illud facere ex proposito, non autem ex ignorantia, ita illa facere postquam seit quid verum & bonum, non autem antea, nam Dominus dicit, *Si cœci effetis non haberetis peccatum, jam vero dicitis, quod videmus; ideo peccatum vestrum manet*, Joh. IX: 41. Hoc Falsum in Verbo intelligitur per Mendacium, & Propositum per Dolum in his locis, *Exciāimus fædus cum morte, & cum inferno facimus visum, posuimus mendacium in fiduciam, & in falsitate latuimus*, Esaj. XXVIII: 15. *Populus rebellionis illi, filii mendaces, non volunt audire legem Jehovæ*, Esaj. XXX: 9. a Prophetæ uque ad Sacerdotem, qui quis facit mendacium, Jerem. VIII: 10. *Habitores loquuntur mendacium, & quoad linguam dolus in ore illorum*, Mich. V: 12. *Perdes loquentes mendacium, virum dolii abominatur Jehovah*, Psalm V: 7. *Docuerunt linguam suam loqui mendacium, habitare illorum in medio dolii*, Jerem. IX: 15. Quia per Mendacium intelligitur Falsum, ideo Dominus dicit, *quod Diabolus loquatur Mendacium ex propriis suis*, Joh. VIII: 14, Mendacium significat falsum, & falsiloquium, etiam in his locis, Jerem. IX: 4. Cap. XXIII: 14. 32. Ezech: XIII: 15 ad 19. Cap. XXI: 24. Hosch. VII: 1. Cap. XII: 1. Nah. III: 1. Psalm CXX: 2. 3.

323. In SENSU CÆLESTI, per false testari intelligitur blasphemare Dominum & Verbum, & sic ipsam Veritatem profligare ab Ecclesia, nam Dominus est ipsa Veritas, pariter Verbum. Viceversa per Testari in hoc Sensu intelligitur Veritatem loqui, & per Testimonium ipsa veritas; inde quoque est quod Decalogus dicitur Testimonium, Exod. XXIV: 16. 21. 22. Cap. XXX: 7. 18. Cap. XXXII: 15. 16. Cap. XL: 20. Levit. XVI: 13. Num. XVII: 19. 22. 25. Et quia Dominus est ipsa Veritas, dicit de Se quod Ipse testetur; quod Dominus sit ipsa Veritas, Joh. XIV: 6. Apoc. III: . & quod Ipse testetur, & sit sui testis, Joh. III: 11. Cap. VIII: 13 ad 19. Cap. XV: 26. Cap. XVIII: 37. 38.

324. Illi qui falsa loquuntur ex dolo aut proposito, & illa sôno æmulo affectio-
nis spiritualis pronuntiant, & plus si intermiscent vera ex Verbo, quæ sic falsificant,
ab Antiquis dicti sunt Incantatores, de quibus videatur APOCALYPsis REVE-
LATA, n: 462; tum Pythones & Serpentes arboris scientiæ boni & mali. Hi fal-
sarii, mendaces & dolosi, assimilari possunt illis qui blande & amice loquuntur
cum inimicis, & cum loquuntur, a tergo tenent pugionem, cum qua interimant.
Et assimilari possunt illis, qui gladios veneno tingunt, & sic aggrediuntur hostes:
& illis, qui aquis immiscent aconita, ac mustis & pastis saccharinis virus. Assi-
milari etiam possunt scortis venustis & allicientibus luc maligna infectis; tum vir-
gultis aculeatis, quæ admota naribus fibrillas olfactus lælunt: ut & venenis
ejulcoratis: & quoque simis, qui siccati tempore autumni odorem fragrantem
spargunt. Tales in Verbo describuntur per pardos, videatur APOCALYPsis REVE-
LATA, n: 572.

NONUM, ET DECIMUM PRÆCEPTUM.

Non concupisces Domum proximi tui, Non concupisces Uxorem proximi tui, non Servum ejus & Ancillam ejus, & Bovem ejus & Asinum ejus, & omne quod Proximo tuo.

325. Hæc in Catechismo, qui hodie in manibus est, in duo Præcepta distincta sunt, in unum, quod facit NONUM, quod est, *Non concupisces Domum proximi tui, & in alterum, quod facit DECIMUM, quod est, Non concupisces Uxorem proximi tui, & servum ejus, & ancillam ejus & bovem ejus & asinum ejus, & omne quod proximo tuo;* hæc duo Præcepta, quia unam rem faciunt, & Exod. XX: 14. & Deutr. V: 18, unum Versum, suscepit de duobus illis Præceptis simul agere, sed non propterea, quod velim ut in unum Præceptum conjungantur, sed in duo sicut prius distinguantur, quoniam Præcepta illa dicuntur DECIM YERBA, Exod. XXXIV: 28. Deutr. IV: 13. Cap. X: 4.

326. Hæc duo Præcepta spectant omnia illa Præcepta quæ præcedunt, ac docent & injungunt quod mala non facienda sint, ut quoque nec concupiscentia, proinde ut non solum sint Externi hominis, sed etiam Interni, nam qui non facit mala, & tamen concupiscit illa facere, usque facit illa; Dominus enim dicit, *Si quis concupiscit alterius uxorem, jamdum adulterium cum illa commisit in corde suo,* Matth. V: 27. 28; & Externus homo non prius fit Internus, seu cum Interno unum agit, quam dum concupiscentiae remotæ sunt; hoc quoque Dominus docet, dicens, *Væ vobis Scribe & Pharisæi, quia purgatis exterius poculi & patinæ, interiora vero sunt plena rapina & intemperantia; Pharisæe cæce, purga prius internum poculi & patinæ, ut sit etiam externum mundum,* Matth. XXIII: 25. 26, & præterea in toto illo Capite a principio ad finem; Interna quæ sunt Pharisajca, sunt concupiscentiae ad illa, quæ in Præceptis I. II. V. VI. VII. VIII., mandantur non facienda. Notum est, quod Dominus in Mundo docuerit Interna Ecclesiæ, ac Interna Ecclesiæ sunt non concupiscere mala, & sic docuit, ut Internus & Externus homo unum faciant, & hoc est e novo generari, de quo Dominus ad Nicodemum loquutus est, Joh. III, & nemo potest e novo generari seu regenerari, proinde Internus fieri, nisi a Domino. Ut duo hæc Præcepta spectent omnia illa quæ præcedunt, ut non concupiscentia sint, ideo primum nominatur Domus, postea Uxor, & deinde, servus, ancilla, bos & asinus, ac ultimo omne quod est proximo; Domus enim involvit sequentia omnia, nam in illa est maritus, uxor, servus, ancilla, bos & asinus; uxor quæ postea nominatur, deinde involvit illa quæ sequuntur, nam illa est Domina, sicut maritus est Dominus in domo, servus & ancilla sunt sub illis, ac boves & asini sub his, & demum omnia quæ infra seu extra sunt, per quod dicatur omne quod proximo tuo est; ex quibus patet, quod omnia priora spectentur in duobus his Præceptis in Communi & in Particulari, & in lato & in stricto sensu.

327. In SENSU SPIRITALI per hæc Præcepta prohibentur omnes concupiscentiae, quæ sunt contra spiritum, ita quæ sunt contra spiritualia Ecclesiæ, quæ se ad fidem & charitatem principaliter referunt, quia nisi concupiscentiae domarentur, Caro secundum liberum suum rueret in omne nefas; nam ex Paulo notum est, *Quod caro concupiscat contra spiritum, & spiritus contra carnem,* Gal. V: 17: & a Jacobo, *Quilibet tentatur a propria concupiscentia; dum inescatur, deinde Concupiscentia, postquam concepit, parit peccatum, & peccatum quando consummatum est, partu-*

rit mortem, Epist. Cap. I: 14. 15: tum a Petro, *Dominus injustos in diem judicij puniendos reservat, maxime illos, qui post carnem in Concupiscentia ambulant,* II. Epist. II: 9. 10. In summa, haec duo Præcepta in spirituali sensu intellecta, spectant omnia illa, quæ in Sensu spirituali prius allata sunt, quod non concupiscenda sint: similiter omnia, quæ prius in CÆLESTI SENSU; sed illa reassumere, supervacaneum est.

328. Concupiscentiæ carnis, oculorum, & reliquorum sensuum, separatae a concupiscentiis, hoc est, affectionibus, desideriis & jucundis spiritus, sunt prorsus similes concupiscentiis bestiarum, quare in se sunt ferinæ; at affectiones Spiritus sunt quales Angelis sunt, & inde dicendæ vere Humanæ; quapropter quantum quis concupiscentiis carnis indulget, tantum est bestia & fera, at quantum quis desideriis spiritus litat, tantum est homo & Angelus. Concupiscentiæ Carnis comparari possunt cum torridis & ambustis uvis & cum labruscis, at affectiones Spiritus cum uvis succulentis & sapidis, & quoque cum gustu vini ab illis expressi. Concupiscentiæ carnis comparari possunt cum stabulis in quibus sunt asini, hirci & sues, & affectiones spiritus cum stabulis, in quibus sunt generosi equi, & quoque oves & agni; differunt etiam sicut asinus & equus, ac sicut hircus ac ovis & agnus & sus, in genere sicut scoria & aurum, & sicut calx & argentum, sicut corallium & rubinus, & sic porro. Concupiscentia & factum cohærent sicut sanguis & caro, sicut flamma & oleum, est enim concupiscentia in facto sicut aer ex pulmone dum fit respiratio & loquela, & sicut ventus in velo dum perstat navigatione, & sicut aqua in rota, ex qua motus & actio machinæ.

*Quod Decem Præcepta Decalogi contineant omnia quæ amoris
in Deum, & omnia quæ amoris erga proximum sunt.*

329. In octo Præceptis Decalogi, in Primo, Secundo, Quinto, Sexto, Septimo, Octavo, Nono & Decimo, non dicitur aliquid quod est amoris in Deum, & amoris erga proximum, non enim dicitur quod Deus amandus sit, nec quod Nomen Dei sanctificandum, neque quod proximus amandus sit, ita non quod sincere & recte cum illo agendum sit, sed modo quod non erit Deus alias coram faciebus meis, non sumes nomen Dei in vanum, non occides, non mæchaberis, non furaberis, non false testaberis, non concupisces illa quæ proximi sunt; ita in genere quod malum non volendum, cogitandum, & faciendum, contra Deum, nec contra proximum. Sed causa, quod non talia quæ directe amoris & charitatis sunt, mandata sunt, sed modo talia quæ illis opposita sunt quod non facienda sunt, est quia quantum homo fugit mala ut peccata, tantum vult bona quæ amoris & charitatis sunt. Quod Primum amoris in Deum & amoris erga proximum sit non facere malum, & quod secundum illorum sit facere bonum, videbitur in Capite de CHARITATE. Sunt duo Amores sibi oppositi, amor volendi & faciendo bonum, & amor volendi & faciendo malum, hic amor infernalis est, & ille amor cœlestis est, totum enim Infernum in amore faciendo malum est, & totum Cælum in amore faciendo bonum est: nunc quia homo natus est in mala omnis generis, proinde a nativitate inclinat ad illa quæ Inferni sunt, & quianisi denuo nascitur, hoc est, regeneratur non possit venire in Cælum, necessum est, ut primum removeantur mala quæ Inferni sunt, antequam potest velle bona quæ Cæli sunt; non enim quis potest adoptari a Domino, antequam separatur a Diabolo: quomodo autem removentur mala, & homo fertur ad facieudum bona, in binis Capitibus, uno de PÆNITENTIA, & altero de REFOR-

MATIONE & REGENERATIONE, demonstrabitur. Quod primum amovenda sint mala, antequam bona, quæ homo facit, fiunt bona coram Deo, docet Dominus apud Esajam „*Lavate vos, purificate vos, removete malitiam operum vestrorum a coram oculis meis, discite bonum facere, tunc si fuerint peccata vestra sicut coccinea, sicut nix albescens, si rubra fuerint sicut purpura, sicut lana erunt*“ Cap. I: 16. 17. 18. Huic simile est hoc apud Jeremiam; „*Sia in porta Domus Jehovæ, & proclama ibi verbum hoc, sic dixit Jehovab Zebaoth, Deus Israelis, bonas reddite vias vestras, & opera vestra, ne confidite vobis super verbis mendacii, dicendo, Templum Jehovæ, Templum Jehovæ, Templum Jehovæ hic (hoc est, Ecclesia), num furando, occidendo & mæchando; & jurando per mendacium, deinde venietis & stabitis coram Me in Domino hac, super qua nominatur Nomen meum, & dicetis, erexit sumus, dum facitis omnes abominationes has; num spelunca latronum facta est Domus hæc, etiam Ego ecce vidi, dictum Jehovæ, Cap. VII: 2. 3. 4. 9. 10. 11.* Quod ante lavationem seu purificationem a malis, preces ad Deum non audiantur, etiam docetur apud Esajam. Dicit Jehovah vobis genii peccatrici, populo gravi iniquitate, abalienaverunt se retrorsum, unde quando expanditis manus vestras, occulto oculos meos vobis, imo si multiplicaveritis orationem, Ego non audio, Cap. I: 4. 15. Quod qui facit præcepta Decalogi, fugiendo mala, amor & charitas sequantur, constat ex his Domini verbis apud Johannem; „*Iesus dixit, qui habet præcepta mea & facit illa, ille est qui amat Me, qui vero amat Me, amabitur a Paire meo, & Ego amabo illum, & manifestabo illi Meipsum, & mansionem apud illum facientem*“, Cap. XIV: 21. 23: per Præcepta ibi intelliguntur in specie præcepta Decalogi, quæ sunt quod mala non facienda nec concupiscenda sunt, & quod sic amor hominis in Deum, & amor Dei erga hominem, sequantur, sicut bonum postquam remotum est malum.

330. Dictum est, quod quantum homo fugit mala, tantum velit bona, causa est, quia mala & bona sunt opposita, mala enim sunt ex Inferno, & bona e Cælo, quare quantum removetur Infernum, hoc est, malum, tantum appropinquatur cælum, & homo spectat bonum; quod ita sit, manifeste patet ab octo præceptis Decalogi ita visis; quemadmodum. I. Quantum quis non colit deos alios, tantum colit Deum verum. II. Quantum quis non sumit Nomen Dei in vanum, tantum amat illa quæ a Deo sunt. III. Quantum quis non vult occidere, & ex odio & vindicta agere, tantum vult bene proximo. IV. Quantum quis non vult mæchari, tantum vult caste cum uxore vivere. V. Quantum quis non vult furari, tantum sinceritatei sectatur. VI. Quantum quis non vult false testari, tantum vult vera cogitare & loqui. VII & VIII. Quantum quis non concupiscit illa, quæ proximi sunt, tantum vult ut proximo ex suis bene sit. Ex his constat, quod præcepta Decalogi continent omnia quæ amoris in Deum & amoris erga proximum sunt: quare dicit Paulus, „*Qui amat alterum, legem implevit, nam illud non mæchaberis, non occides, non furaberis, non falsus testis eris, non concupisces, & si quod aliud mandatum, in hoc verbo comprehenditur; amabis proximum tuum sicut teipsum: Charitas proximo non malum operatur; plenitudo ergo Legis est Charitas*“, Rom. XIII: 8. 9. 10. His addendi sunt duo Canones Novæ Ecclesiæ inservituri, I. Quod nemo possit mala ut peccata fugere, & bona facere quæ bona sine coram Deo, a se; sed quod quantum quis fugit mala ut peccata, tantum faciat bona non a se, sed a Domino. II. Quod homo debeat fugere mala ut peccata, & pugnare contra illa sicut a se, & quod si quis fugit mala ex quacunque alia causa, quam quia peccata sunt, non fugiat illa, sed modo faciat ut non appareant coram Mundo.

331. Quod malum & bonum non possint simul esse, & quod quantum removetur malum, tantum spectetur & sentiatur bonum, est certa, quia in Mundo spirituali ab unoquovis exhalatur Sphæra amoris ejus, quæ se circum circa dispergit & afficit, & facit sympathias & antipathias; per has sphæras separantur boni a malis. Quod malum removendum sit, antequam bonum cognoscitur, percipitur & amatur,

tur, comparari potest cum multis rebus in Mundo Naturali, ut cum his; non potest aliquis adire alterum, qui leopardum & pantheram in conclavi suo custodit, & quia dat illis edere securus cum illis habitat, nisi prius feras illas removerit. Quis invitatus ad mensam Regis & Reginæ non prius laverit facies & manus, antequam accedit; & quis in thalamum intrat cum sponsa post nuptias, nisi prius se laverit totum, & veste nuptiali se amiciverit. Quis non per ignem purificat mineras, & fecerit a scoriis, antequam aurum & argentum purum adipiscitur. Quis non Zizania separat a messle tritici, antequam hoc infert in horreum: & quis non cristas e messle hordei excutit fustibus triturre, antequam colligit illud in Dominum. Quis non despumat crudam camem coctione, antequam ille fit edulis, & apponitur super mensa. Quis non excutit vermes ex foliis arborum in horto, ne consumantur folia, & sic pereat fructus. Quis non aversatur sordida in domibus & atriis, & mundat illa, imprimis dum exspectatur princeps, aut sponsa filia principis. Quis amat virginem, & cum illa nuptias intendit, quæ malignis inescata est, aut pustulis & varicibus obsita, utcunque illa infucat faciem, splendide se investit, & amoris illecebras per blanditias oris inferre studet. Quod homo seipsum purificare debeat a malis, & non espetet, ut Dominus imimide hoc faciat, est comparative sicut servus incedens facie & veste conspurcatis fuligine & stercore accederet ad herum suum, ac diceret, Domine, ablue me, annon illi herus dicturus est, serve stulte, quid dicis, ecce ibi aqua, sapo, & linteum, suntne tibi manus, & posse in illis, ablue te ipsum; & Dominus Deus dicturus est, sunt media purificationis a Me, & quoque est tuum velle & tuum posse a Me, quare utere illis meis donis & dotibus sicut tuis, & purificaberis: & sic porro. Quod Externus homo purgandus sit, sed per Internum, docet Dominus apud Matthæum Cap. XXIII, a principio ad finem.

332. His adjicientur QUATUOR MEMORABILIA: PRIMUM: hoc. Quondam audivi vociferationes, quæ sicut per aquas egurgitabant ex inferis, unam ad sinistrum, O QUAM JUSTI; alteram ad dextrum, O QUAM ERUDITI; & tertiam a tergo, O QUAM SAPIENTES, & quia incidit in cogitationem meam, num etiam in Inferno Justi, Eruditæ, & Sapientes sunt, afficiebar desiderio videndi, num tales ibi sunt; & dictum mihi est e Cælo, videbis & audies; & exivi domo in spiritu, & vidi ante me Aperturam, illuc accessi, & despexi, & ecce scala, per hanc descendit; & cum infra eram, vidi campestria obsita arbustis cum intermixtis spinis & urticis; & quæsivi num hic Infernum, dixerunt, est Terra inferior, quæ proxime supra Infernum est: & tunc perrexii secundum Clamores in ordine; ad Primum, O QUAM JUSTI, & vidi Cætum ex illis, qui in Mundo fuerant Judices amicitiæ & munerum: dein ad Clamorem secundum, O QUAM ERUDITI, & vidi Cætum ex illis, qui in Mundo fuerunt Ratiocinatores; & ad Clamorem tertium, O QUAM SAPIENTES, & vidi Cætum ex illis, qui in Mundo fuerunt Confirmatores: sed ab his deflexi ad Primum, ubi erant Judices amicitiæ & munerum & proclamati Justi: & vidi a latere sicut Amphitheatrum structum ex lateribus, & tectum tegulis nigris; & dicebatur mihi, quod ibi esset illorum TRIBUNAL; in illud patebant tres aditus a latere septentrionali, & tres a latere occidentali; & nulli a latere meridionali & orientali, indicium quod Judicia illorum non essent Jūdicia justitiæ, sed Arbitria. In medio Amphitheatri visus est Focus, in quem ministri focales injiciebant tædas sulphuratas & bituminosas, e quibus luces in parietes incrustatos evibratæ siste-

bant imagines picturatas avium vesperæ & noctis; sed focus ille; & inde evibrations lucis in formas imaginum istarum, erant representationes Judiciorum illorum, quod possent res cuiusvis questionis colorare fucis, & eis inducere species secundum favorem. Post semihoram vidi Senes & Juvenes in praetextis & palliis intrantes, qui depositis pileis se super Soliis ad Menas reponebant, selluri judiciaz; ac audivi & percepī, quam solerter & ingeniose ex aspectu amicitiae declinarent & inverterent judicia in apparentias justitiae, & hoc eousque, ut ipsi non viderent inustum aliter quam justum, ac vicissim justum ut inustum; persuasions de illis tales apparebant ex faciebus illorum, & audiebantur ex sonis loquelæ illorum; data mihi tunc fuit illustratio e Cælo, ex qua singula num juris aut non juris essent, percepī; & vidi, quam industrie obvelarent inustum, ac inducerent ei visionem justi, & ex legibus eligerent faventem, ad quam reflecterent rem questionis, & reliquas per ratiocinia solerter removerent ad latus.. Post judicia, Sententiae exportabantur ad cientes, amicos, & fautores, & hinc retribuendum illis favorem, per longam viam clamabant, O QUAM JUSTI, O QUAM JUSTI. Post haec loquutus sum de illis cum Angelis Cæli, & narravi illis aliquai de visis & auditis; & Angeli dicebant, quod tales judices apparent alijs sicut acutissima acie intellectus prædicti, cum tamen ne hilum justi & æqui vident, si tollis amicitiam pro aliquo, sedent in judiciis sicut statuæ, & modo dicunt, accedō, conformo me cum hoc aut illo; causa est quia omnia judicia illorum sunt præjudicia, & præjudicium cum favore sequitur causam ab initio ad finem ejus; inde nihil aliud vident quam quod amici est; ad omne id quod contra illum est, obliquant oculos, & ex hirsquistentur, & si reassumunt, involvunt id ratiociniis, sicut aranea capturas filis, & consumunt; inde est, quod si non sequuntur telam sui præjudicij, nihil juris videant; explorati sunt, num possunt videre, ac inventi sunt quod non; quod ita sit, mirabuntur incole tui Mundi, sed dic illis, quod hoc sit veritas ab Angelis Cæli explorata.. Quoniam illi nihil justi vident, ideo in Cælo non contemplamur illos ut homines, sed ut monströsas imágines hominis, quarum capita faciunt illaque amicitiae sunt, pectora illa quæ injustitiae, manus & pedes illa quæ confirmationis, ac plantæ illa quæ justitiae, quæ si non favent amico, supplantant & procultant.. Quales autem in se spectati sunt, videbis, instant enim finis illorum; & ecce turc subito hiabat solum, & mensæ super mensas cederunt, & una cuncto Amphitheatro absorbiti sunt, & conjecti in cavernas, & incacerati; & tunc dictum est mihi, vis videre illos ibi, & ecce visi sunt quoad faciem sicut ex populo chalybe, quoad corpus a cervice ad lambos sicut sculptilia vestita pellibus pardi, & quoad pedes sicut colubri: & vidi Libros Legis, quos super Mensis repositos habuerant, versos in Chartas lusorias; & nunc loco quod judicarent, datum est illis munus, ut pararent minia in fucos, quibus oblinirent facies meretricum, & illas sic verterent in pulchritudines. Postquam haec visa sunt, volui abiire ad duos reliquos Cætus, ad unum, ubi erant mere Ratiocinatores, & ad alterum, ubi erant mere Confirmatores, sed mihi dicebatur, quiesce paulum, dabuntur tibi comites Angeli ex Societate proxima supra illos, per hos tibi dabitur lux a Domino; & videbis mirabilia.

333. SECUNDUM MEMORABILE. Post aliquod tempus audivi iterum ex infera Terra, voces quas prius, O QUAM ERUDITI, O QUAM ERUDITI, & circumspexi quinam adessent, & ecce erant Angeli, qui in Cælo immediate supra illos, qui clamabantur, O QUAM ERUDITI, erant; & loquutus cum illis de clamore, & dixerunt, quod Eruditii illi essent, qui solum ratiocinantur, Num sit, VEL NON sit, & raro cogitant QUOD ITA sit, quare sunt sicut Venti qui flant & transuent, ac sicut cortices circum arbores quæ absque medulla sunt; & sicut crustæ circum amygdala absque nucleo; aut sicut superficies circum fructus absque carne, nam

MEN-

Mentes illorum sunt absque interiori judicio, & modo unitæ cum Sensibus corporis, quare si non ipsi Sensus judicant, nihil possunt concludere; verbo sunt mere Sensuales, & a nobis vocantur RATIOCINATORES; vocantur Ratiocinatores, quia nusquam concludunt aliquid, sed assumunt quicquid audiunt, & disputant, num sit, jugiter contradicendo; nihil plus amant, quam aggredi veritates, & sic illas discerpere mittendo in lites; hi sunt, qui credunt se præ omnibus in Mundo Eruditos. His auditis, rogavi Angelos, ut deducerent me ad illos, & deduxerunt ad Cævum, a quo gradus ad inferiorem terram tendebant, & descendimus, & sequuti sumus Clamorem, O quam Eruditii, & ecce erant aliquot centeni stantes in uno loco pulsantes humum, hoc miratus quæsivi, cur stant ita & plantis pulsant humum, & addidi, sic possunt pedibus excavare solum; ad hoc subriserunt Angeli, & dixerunt, appetat quod ita stent, quia nihil cogitant de aliqua re quod ita sit, sed solum num ita sit, ac litigant, & cum cogitatio non ultra progreditur, apparent modo calcare & terere unam glebam, & non progredi: & dixerunt Angeli, illi qui e Mundo Naturali in Hunc alluunt, & audiunt, quod in alio Mundo sint, colligunt se multis in locis in Cætus, & querunt ubi Cælum & ubi Infernum, ut & ubi Deus; at postquam instructi sunt, usque incipiunt ratiocinari, disputare & altercari, Num DEUS sit, hoc faciunt, quia hodie in Mundo naturali tam multi Naturalistæ sunt, & hi inter se & cum aliis, quando loqua est de Religione, hoc in ventilationem mittunt, & haec propositio & ventilatio raro terminatur in affirmativo fidei, quod Deus sit; & hi postea plus & plus consociant se cum malis, & hoc fit, quia nemo potest aliquod bonum ex amore boni facere nisi a Deo. Postea deductus sum ad congregationem, & ecce apparebant mihi homines facie non indecora, & in vestibus ornatus; & dixerunt Angeli, apparent tales in propria luce, at si lux e Cælo infuit, mutantur facies, & quoque vestes; & factum est ita, & tune apparebant faciebus furvis, induti fassis nigris; sed luce hac subtracta, visi sunt ut prius. Mox loquutus sum cum aliquibus ex congregatione, & dixi, audivi Clamorem turbæ circum vos, O quam Eruditii, quare licet de rebus, quæ summæ Eruditionis sunt, vobiscum sociare sermonem, & responderunt, dic quicquid lubet, & satisfaciemus; & quæsivi, qualis erit Religio, per quam salvatur homo; & dixerunt, dispescemus hanc interrogationem in plures, & antequam has conclusimus, non possumus responsum dare; ac ventilatio erit, 1. Num Religio sit aliquid. 2. Num salvatio sit vel non. 3. Num una Religio plus efficiat quam altera. 4. Num Cælum & Infernum sit. 5. Num vita æterna post mortem sit; præter plura; & quæsivi de Primo, Num Religio sit aliquid, & cæperunt ventilare hoc copia argumentorum; & petivi ut referrent hoc ad Congregationem, ac retulerunt; & commune responsum fuit, quod Propositio illa egeat tam multa inquisitione, ut non possit finiri intra vesperam; at quæsivi, num a vobis possit finiri intra annum, & unus dixit, quod non possit intra centum annos; & dixi, interea estis absque Religione, & quia salvatio inde pendet, estis absque idea, fide, & spe salvationis; & respondit, annon demonstrabitur primum, num Religio sit, & quid illa, & num sit aliquid, si est, erit etiam pro sapientibus, si non est, erit solum pro vulgo; notum est, quod Religio dicatur Vinculum, sed queritur pro quibus, si modo pro vulgo, in se non est aliquid, si etiam pro sapientibus, est. His auditis dixi, nihil minus quam Eruditii estis, quia non potestis aliud cogitare, quam num sit, & hoc versare in utramque partem; quis potest Eruditus esse, nisi aliquis pro certo sciat, & progrediatur in illud, sicut homo progressetur e vestigio in vestigium, & successive in sapientiam; alioquin Veritates ne quidem tangitis ungue, sed plus & plus e conspectu removetis illes; quare ratiocinari solum num sit, est ratiocinari ex pileo, qui nunquam imponitur, aut ex calceo qui non induitur; quid inde profluat, nisi quod non sciatis, num detur ali-

quid, & num sit quicquam nisi idea, ita num detur salvatio, num vita æterna post mortem, num una Religio præstet alteri, num Cælum & Infernum sint; de his non cogitare aliquid potestis, quamdiu haereticis in primo passu, & pulsatis arenam ibi, & non ferendo fertis pedem ultra pedem, & progredimini. Cavete vobis, ne Mentes vestræ dum ita foris extra judicium stant, intus indurescant & fiant statuæ falsis. His dictis abivi, & illi ex indignatione conjecterunt lapides post me, & tunc mihi viisi sunt sicut sculptilia, quibus nihil rationis humanae ineſt. Et quæſivi Angelos de forte illorum, & dixerunt, quod infimi illorum demittantur in profundum, & ibi in desertum, & adiganter ad portandum sarcinas, & tunc quia non possunt aliquid proferre ex ratione, garriunt & loquuntur vana, & ibi e longinquæ apparent sicut asini portantes onera.

334. TERTIUM MEMORABILE. Post hæc dixit unus ex Angelis, sequere me ad locum, ubi vociferantur, O QUAM SAPIENTES, & dixit, videbis portenta hominum, videbis facies & corpora, quæ sunt hominis, & tamen non sunt homines, & dixi, suntne tunc bestiæ, respondit, non sunt bestiæ, sed bestiæ homines; sunt enim, qui prorsus non videre possunt, num verum sit verum, vel non, & tamen possunt facere, ut appareat sicut verum quicquid voluit; tales apud nos vocantur CONFIRMATORES. Et sequenti sumus vociferationem, & venimus ad locum, & ecce Cætus Virorum, & circum Cætum turba, & in turba aliqui ex nobili stemmate, qui dum audiverunt, quod confirmarent omnia quæ dicebant, & sibi tam manifesto consensu faverent, se converterunt, & dixerunt, O QUAM SAPIENTES. Sed dixit mihi Angelus, ne adeamus illos, sed evocemus e Cætu unum; & evocavimus, & cum illo fecessimus, & loquuti sumus varia, & ille confirmabat singula, usque ut prorsus apparerent sicut vera; & quæſivimus illum num etiam possit confirmare contraria, dixit, quod tam bene ut priora, dixit tunc aperte, & ex corde, quid verum, num datur aliquid verum in rerum natura, quam quod homo facit verum; dic quicquid placet, & faciam id ut sit verum; & dixi, fac hoc Verum, quod Fides sit omne Ecclesiæ, & fecit hoc ita dextre & solerter, ut Eruditi circumstantes admirati sint, & aplauserint; postea petii, ut faceret verum, quod Charitas esset omne Ecclesiæ, ac fecit; & postea, quod Charitas sit nihil Ecclesiæ, ac investivit utrumque, & exornavit apparentiis, ut adstantes inspicerent se mutuo, & dicerent, estne hic Sapiens? & dixi, nonne scis, quod bene vivere sit Charitas, & quod bene credere sit Fides, numne qui bene vivit, etiam bene credit, & sic quod fides sit charitatis, & charitas fidei, videsne quod hoc verum sit, respondit, faciam id verum, & videobo, ac fecit, & dixit, nunc video; at mox fecit contrarium ejus, ut esset verum, & tunc dixit, video etiam quod hoc verum sit: ad hæc subrisimus, & diximus, suntne contraria, quomodo possunt duo contraria videri vera; ad hæc, indignatus respondit, erratis, est utrumque verum, quoniam non aliud est verum, quam quod homo facit verum. Stabat prope aliquis, qui in Mundo fuerat Legatus primi gradus, ille hoc miratus est, & dixit, agnosco, quod aliquid simile in Mundo sit, sed usque tu insanis, fac si potes ut sit verum, quod Lux sit Caligo, & Caligo Lux; & respondit, hoc faciam facile; quid Lux & Caligo nisi Status Oculi, numne mutatur lux in umbram, dum oculus ex aprico venit, ut & dum homo oculum intense figit in solem, quis non scit, quod status oculi tunc mutetur, & quod lux inde appareat ut umbra, ac vicissim dum status oculi redit, quod umbra illa appareat ut lux: nonne Noctua videt caliginem noctis ut lucem diei, & lucem diei ut caliginem noctis, & tunc omnino ipsum Solem ut globum opacum & furvum; si quis homo haberet oculos sicut noctua, quid vocaret lucem, & quid caliginem; quid tunc Lux nisi status oculi, & si modo est status oculi, numne Lux est Caligo, & Caligo Lux, quare unum est verum & alterum est verum. Sed quia hæc confirmatio confudit quosdam,

dam, dixi, animadvertis; quod confirmator ille non sciat, quod detur Lux vera, & Lux fatua, & quod ambæ illæ Luces apparent sicut sint luges, sed usque Lux fatua in se non est Lux, sed respective ad Lucem veram est caligo; in Luce fatta est Noctua, est enim intra oculos ejus cupiditas insectandi & vorandi aves, & hæc Lux facit oculos ejus tempore noctis videre, prorsus similiter ut Feles, quorum oculi in cellis apparent sicut candelæ, est lux fatua oriunda ex cupiditate insectandi & vorandi mures intus in oculis illorum, quæ id producit; inde patet, quod Lux Solis sit Lux vera, & quod Lux cupidinis sit lux fatua. Post hæc, Legatus rogavit Confirmatorem, ut faceret hoc ut si verum, quod Corvus sit albus & non niger, & respondit, etiam hoc faciam facile, & dixit, sume acum seu novacula, & aperi pennas & plumas Corvi, tum remove pennas & plumas, & specta Corvum a cute, nonne est albus; quid nigrum, quod circum est, nisi umbra, e qua non judicandum est de colore Corvi; quod nigrum sit modo umbra, consule gnatros Scientiæ optices, & dicent, aut mole nigrum lapidem aut vitrum in tenuem pulverem, & videbis quod pulvis sit albus; sed respondit Legatus, apparetne Corvus niger coram visu; at Confirmator ille respondit, vis tu, qui es homo, cogitare aliquid ex apparentia, potes quidem loqui ex apparentia, quod Corvus sit niger, sed non potes id cogitare; ut pro exemplo, potes loqui ex apparentia, quod Sol oriatur & occidat, sed quia es homo, non potes cogitare id, quia Sol stat immotus, & Tellus progreditur; simile est cum Corvo, apparentia est apparentia; dic quicquid vis, Corvus est totus quantus albus, absicit etiam cum senescit, hoc vidi: post hæc adstantes inspicerunt me, quare dixi, quod verum sit, quod pennæ & plumæ Corvi intus trahant ex albedine, pariter ejus cutis, sed hoc datur non modo apud corvos, sed etiam apud omnes aves in Universo; & omnis homo aves distinguit ex apparentia coloris illarum, si hoc non fieret, diceremus de omni ave quod sit alba, quod absurdum & irritum est. Postea Legatus quæsivit, num possit facere verum, quod tu insanires, & dixit, possum sed non volo, quis non insanit. Deinde rogaverunt illum, ut diceret ex corde, num joculetur, vel num credit, quod non sit aliquid verum, nisi quod homo facit verum, & respondit, juro quod credam. Post hæc universalis ille Confirmator missus est ad Angelos, qui explorarent illum qualis est, & hi post explorationem dixerunt, quod ille ne quidem granum intellectus possideat, quoniam omne id quod supra rationale est, apud illum occlusum est, & solum id quod infra rationale est, apertum est; supra Rationale est Lux spiritualis, ac infra Rationale est Lux naturalis, & hæc Lux apud hominem talis est, ut confidere possit, quicquid lubet; at si non Lux Spiritualis influit in lucem naturalem, homo non videt num aliquid verum sit verum, & inde nec quod aliquid falsum sit falsum, & hoc & illud videre, est ex luce spirituali in luce naturali, & Lux spiritualis est ex Dœ Cæli, qui est Dominus; quare universalis ille Confirmator non est homo nec bestia, sed est bestia homo. Quæsivi Angelos de sorte talium, num possint una esse cum viyis, quia vita homini est ex Luce spirituali, & ex hoc est intellectus ejus: & dixerunt, quod tales, cum soli sunt, non possint aliquid cogitare, & inde loqui, sed quod stent sicut automata muti, & sicut in alto sopore; at quod expurgiscantur, ut primum auribus captant aliquid; & addiderunt, quod illi fiant tales, qui intime mali sunt; in hoc non potest Lux Spiritualis a superiori influere, sed modo aliquid spirituale per Mundum, unde illi factus confirmandi est. His dictis audivi vocem ex Angelis, qui exploraverunt illum, dicens, fac ex auditis illis universale Conclusum, & feci hoc, *Quod posse confirmare quicquid ubet, non sit Intelligentis, sed quod posse videre, quod verum sit verum, & quod falsum sit falsum, & id confirmare, sit Intelligentis.* Post hæc spectavi ad Cætum, ubi stabant Confirmatores, & turba circum illos clamabat.

O QUAM SAPIENTES, & ecce Nubes fusca obvelavit illos, & in Nube volabant ululæ & vespertilioes; & dicebatur mihi, ululæ & vespertilioes in Nube illa volantes, sunt correspondentia & inde apparentia cogitationum illorum; quoniam confirmationes falsitatum usque ut appareant sicut veritates, repræsentantur in hoc Mundo sub formis avium noctis, quarum oculos fatua lux intus illuminat, ex qua vident objecta in tenebris sicut in luce: talis Lux fatua spirituallis est illis, qui confirmant falsa, usque dum videntur ut vera, ac postea creduntur vera; sunt omnes illi in visione posteriore, & non in aliquo visu priori.

335. QUARTUM MEMORABILE. Quodam diluculo eum evigilatus sum a somno, vidi sicut Larvas in varia effigie ante oculos; & postea, cum erat mane, vidi Luces fatuas in diversis formis, quasdam sicut membranas scripturis plenas, quæ iterum & iterum complicatae tandem apparebant sicut Stellaræ cadueæ, quæ delapsæ in aere evanescabant, & quasdam sicut Libros apertos, quarum aliqui mitebant sicut lunulæ, & aliquæ ardebat sicut candelæ; inter hos erant libri qui se sustulerunt in altum, & in altitudine peribant, & alii qui deciderunt in terram, & in pulverem ibi dissolvebantur. Ex his visis augurabar, quod infra Meteora illa starent, qui de rebus imaginariis, quas reputabant magni momenti, litigarent; nam in Mundo spirituali talia Phænomena in atmosphæris ex ratiociniis infra stantium apparent; & mox apertus est mihi visus spiritus mei, & animadvertisi numerum Spirituum, quorum Capita cincta erant foliis ex lauri, & corpore induiti togis florificatis, quæ signabant, quod essent spiritus, qui in Mundo naturali fama eruditionis incluti fuerunt; & quia eram in spiritu, accessi, & Cœtui me immiscui; & tunc audivi, quod inter se acriter & ardenter disceptarent de IDEIS CONNATIS, num aliquæ hominibus a nativitate inessent, ut Bestiis; illi qui negabant, se avertabant ab illis qui affirmabant, & tandem segregati steterunt vicissim, sicut phalanges duorum Exercituum mox pugnatui episibus, sed quia non erant illis enes, acuminibus verborum pugnabant. At subito tunc Spiritus quidam Angelicus in medio eorum constitutus, & alta voce loquens dixit, audiri e distantia non procul a vobis, quod utrinque ardeatis in lite de Ideis connatis, num aliquæ essent hominibus ut bestiis, ego vero dico vobis, QUOD NON SINT ULLÆ IDEÆ CONNATÆ HOMINIBUS, ET QUOD NEC SINT ULLÆ IDEÆ BESTIIS, quare rixamini de nihilo, aut sicut dicitur, de lana caprina, aut de barba hujus sæculi. His auditis exceduerunt omnes, & vociferabantur, ejicite hunc, loquitur contra Sensum communem; at cum in conatu ejiciendi erant, viderunt illum cinctum Luce cælesti, per quam non potuerunt irrumpere, erat enim Spiritus Angelicus, quare recedebant, & parvum se removebant ab illo; & postquam lux illa tracta est, dixit illis, cur excandescitis, audite primum, & colligit rationes quas afferam, & vos ipsi ex illis conclusum facite; & prævideo, quod illi, qui judicio pollent, accessuri sint, & tempestates in mentibus vestris obortas sedaturi: ad hæc dicta, sono tamen indignantibus dicebant, Loquere itaque, & audiemus; & tunc exorsus loqui dixit; vos creditis, quod Bestiis ideæ connatae sint, & hoc conclusistis ex eo, quod actus illarum apparent sicut ex cogitatione, & tamen illis ne hilum cogitationis est, ac ideæ non prædicabiles sunt nisi inde, & cogitationis character est, ut faciant proper hoc aut illud ita vel ita: expedite itaque, num Aranea, quæ artificioissime texit telam, in suo pusillo capite cogitet, in hæc ordine fila extendam, & illa transversis filis colligabo, ne tela mea ingruente aeris vibratione difficiat; ac in terminis primis filorum, qui facient meditullium, parabo mihi sedem, in qua percipiam quocunque incidit, ut illuc accurram, ut si musca involat, irretiat illa, ac cito invadam & circumligabo illam, & cedet mihi in escam. Porro num Apis in pusillo suo capite cogitat, evolabo, scio ubi campi florescentes sunt, & ibi

ibi ex his floribus ceram; & ex illis mel exsugam; & ex cera extraham cellulas contiguas in serie, illo modo, ut ego cum sociis, sicut per plateas libere intremus & exeamus, & postea in illis reponemus, mel abundantem, ut satis sit etiam præventura hyeme, ne moriamur; præter alia mirabilia, in quibus prudenteriam politiam & æconomicam humanam non modo æmulantur, sed in quibusdam excedunt; (videatur supra p. 11); Adhuc, nam Fucus major in pusillo suo capite cogitat, ego cum foellis meis fabricabimus domunculam ex tenui papyro, cuius parietes intus circumducemus in formam labyrintheam, ac intime parabimus sicut forum, in quod erit ingressus & a quo egressus, & hoc eo artificio, ut non aliud vivum, quam quod ex nostra prosapia est, reperiat viam ad intimum, ubi congregamur. Iterum, num bombyx, dum vermis, in pusillo suo capite cogitat, nunc tempus est ut præparem me ad nendum sericum, & propter finem, ut quando netum est, evolem, & in aere, in quem non prius eniti potui, ludam cum comparibus, & prospiciam mihi progeniem. Similiter reliqui vermes, dum subrepunt per parietes, & fiunt nymphæ, aurelia, chrysalides, & demum papilioes. Num musca aliquam idem de congressu cum alia musca habet, quod hic & non ibi. Simile est cum animalibus grandioris corporis, sicut est cum illis animalculis, ut cum avibus & pennatis omnis generis, quando congrederuntur, tum quando parant nidos, ponunt inibi ova, incubant illis; excludunt pullos, his porrigunt escas, educant usque dum evolant, & postea abigunt a nidis sicut præolem non suam, præter innumera alia: simile etiam est cum bestiis terræ, cum serpentibus, & cum piscibus; quis vestrum non potest ex supradictis videre, quod actus illarum sponte non profluant ex aliqua cogitatione, de qua unice prædicabilis est idea: error, quod bestiis sint ideæ, non aliunde profluxit, quam ex persuasione, quod illæ æque ac homines cogitent, & quod modo loquela faciat discrimen. Post haec, Spiritus angelicus circumspexit, & quia vidit illos adhuc hæsistantes, num bestiis sit cogitatio vel non, continuavit sermonem, & dixit; percipio quod ex actibus animalium brutorum similaribus cum humanis, adhuc vobis inhæreat idea visionaria de cogitatione illorum; quare dicam, unde illi actus; videlicet, est cuivis bestiæ, cuivis volucri, cuivis piscei, reptili, & insecto, suus amor naturalis sensualis ac corporeus, cuius habitacula sunt illorum capita, & in his cerebra, per hæc influit Mundus spiritualis in Sensus corporis eorum immediate, & per hos determinat actus, quæ causa est, quod Sensus corporis illorum præ humanis fiat multo exquisitiores. Influxus ille e Mundo spirituali, est qui vocatur Instinctus, ac Instinctus vocatur, quia absque media cogitatione existit: dantur etiam accessoria Instinctus ex assuetudine. At amor illorum, per quem e Mundo Spirituali fit determinatio ad actus, est solum pro Nutritione & Propagatione, non autem pro aliqua scientia, intelligentia & sapientia, per quas successiva fit amor apud homines.

Quod nec homini aliquæ idæ connatae sint, evidenter constare potest ex eo, quod non aliqua cogitatio ei connata sit, & ubi non cogitatio ibi nec idea, una enim est alterius vicissim; hoc concludi potest ex Infantibus recens natis, quod præter lactere & respirare nihil possint; quod possint lactere, non est ex connato, sed ex continua suctione in utero matris, & quod possint respirare, est quia vivunt; hoc enim est universale vitæ; ipsi Sensus corporis eorum sunt in summa obscuritate, & ab hac successive enituntur per objecta, similiter illorum motus per assuetudines; & successive sicut discunt effutire voces, & sonare illas primum absque idea, exoritur aliquod obscurum phantasiam, quod sicut clarescit, nascitur obscurum imaginationis, & inde cogitationis; secundum hujus status formationem existunt ideæ, quæ, ut supra dictum est, cum cogitatione unum faciunt, & cogitatio a nulla increscit per instructiones; quare ideæ honinibus sunt, verum non

connatæ, sed formatæ, & ex his fluunt loquela & actus illorum. Quod homini non aliud connascatur quam facultas ad sciendum, intelligendum, & sapiendum, ut & inclinatio ad amandum non modo illas, sed etiam proximum & Deum, videatur supra in MEMORABILI, n: 48; & quoque infra in quodam MEMORABILI. Post hæc circumspexi, & vidi in propinquo LEIBNITIUM & WOLFIUM, qui intendebant rationibus a Spiritu Angelico prolati; & tunc accessit Leibnitzius, & assensu favit, at Wolfius abivit & negans & affirmans, non epim pollebat interiori judicio quo Leibnitzius.



CAPUT SEXTUM

D E

F I D E.

346. Ex sapientia Antiquorum profluxit hoc dogma, quod Universum ac omnia & singula ejus se referant ad Bonum & Verum, & sic quod omnia Ecclesiae ad Amorem seu Charitatem & Fidem, quoniam omne id vocatur Bonum, quod profluxit ex Amore seu Charitate, & omne id vocatur Verum quod profluxit ex Fide: nunc quia Charitas & Fides distincte duo sunt, sed usque unum faciunt in homine, ut sit homo Ecclesiae, hoc est, ut Ecclesia in homine sit, ideo apud antiquos controversum & disceptatum est, quid ex duobus illis Primum erit, & sic quid jure vocandum est Primogenitum; quidam ex illis dixerunt, quod Verum, consequenter quod Fides, & quidam quod Bonum, consequenter quod Charitas; videbunt enim, quod homo statim post nativitatem discat loqui & cogitare, & per haec perfici intellectu, quod fit per scientias, & sic discere & intelligere quid Verum, & quod his mediis postea discat & intelligat quid Bonum, proinde quod primum quid Fides, & postea quid Charitas: illi qui hanc rem ita comprehenderunt, putaverunt, quod Verum fidei sit Primogenitum, & quod Bonum Charitatis sit post natum, quapropter etiam Fidei Primogeniturae eminentiam & jus prærogativum attribuerunt: sed hi obruerunt intellectum suum copia argumentorum pro Fide, usque ut non viderent, quod Fides non sit fides nisi conjuncta Charitati, & quod nec Charitas sit charitas nisi conjuncta Fidei, & sic quod unum faciant, & quod si non, una & altera non sit aliquid in Ecclesia; quod prorsus unum faciant, in sequentibus demonstrabitur. „ Sed in hac Præfatione paucis detegam quomodo „ seu qua ratione unum faciunt, hoc enim interest, ut sequentia in aliqua luce „ sint; videlicet, Fides, per quam etiam intelligitur Verum, est Primum tempore, „ at Charitas, per quam etiam intelligitur Bonum, est Primum fine, & id „ quod Primum fine est, hoc actualiter Primum est, quia Primarium, ita quoque „ Primogenitum, ac id quod Primum est tempore, id non Primum est actualiter, „ sed appartenet, sed hoc ut comprehendatur, illustrabitur per Comparationes, „ quod fiet cum exstructione Templi, ut & Domus, & cum constructione Horti, „ & cum præparatione Agri: cum EXSTRUCTIONE TEMPLI; Primum tempore „ est, ponere fundamentum, erigere muros, superimponere tectum, & postea „ immittere Altare, & exstruere Suggestum, Primum fine autem est Cultus Dei in „ illo, propter quem sicut illa. Cum EXSTRUCTIONE DOMUS, Primum tempore „ est ædificare Externa ejus, & quoque illam instruere variis quæ necessitatibus sunt; „ at Primum fine est Habitatio commoda pro se & pro reliquis qui in Domo ejus „ erunt. Cum CONSTRUCTIONE HORTI, Primum tempore est explanare solum, & „ præparare humum, ac implantare arbores, ac inseminare talia, quæ usui in- „ servient, at Primum fine est usus fructus ex illis. Cum PRÆPARATIONE AGRI, „ Primum tempore est, terram applanare, arare, occare, & deinde inserere semi- „ na, at Primum fine est Messis, ita quoque usus. Ex his Comparationibus quis- „ que potest concludere, quid in se Primum est, nonne omnis dum vult ædificare „ Tem-

„ Templum autem Domum, ut & construere Hortum, & elaborare agrum, Primum intèndit Usum, & hunc continue in Mente tenet & versat, dum media ad illum procurat; concludimus ergo, quod Vérum fidei sit Primum tempore, at quod Bonum charitatis sit Primum fine, & quod hoc ideo quia Primarium, sit actualiter in mente Primogenitum". Sed necessum est, ut sciatur quid Fides & quid Charitas, quæque in sua essentia, & hoc non sciri potest, nisi utraque dispescatur in Articulos, Fides in suos, & Charitas in suos: Fidei itaque Articuli sunt hi; I. Quod Fides Salvifica sit in Dominum Deum Salvatorem Jesum Christum. II. Quod Fides in summa sit, quod qui bene vivit, & rite credit, a Domino salvetur. III. Quod homo Fidem accipiat, per quod Dominum adeat, veritates ex Verbo discat, & secundum illas vivat. IV. Quod copia veritatum sicut in fasce cohærentium exalteat & perficiat fidem. V. Quod Fides absque charitate non sit fides, & quod Charitas absque fide non sit charitas, & quod utraq[ue] nisi a Domino non sit viva. VI. Quod Dominus, Charitas & Fides unum faciant, sicut Vita, Voluntas & Intellectus in homine. & quod si dividuntur, unumquodvis pereat, sicut Unio dilapsa in pollinem. VII. Quod Dominus sit Charitas & Fides in homine, & quod homo sit Charitas & Fides in Domino. VIII. Quod Charitas & Fides simul sint in Operibus bonis. IX. Quod sit Fides vera, Fides spuria, & Fides hypocrita. X. Quod nulla fides sit apud malos. Hæc nunc singulatim explicanda sunt.

Quod Fides Salvifica sit in Dominum Deum Salvatorem Jesum Christum.

337. Quod Fides salvifica sit in Deum Salvatorem, est quia Ille est Deus & Homo, & Ipse in Patre & Pater in Ipso, & sic unum, quare qui Ipsum adeunt, simul etiam Patrem adeunt, & sic Deum unum & unicum, & fides salvifica non datur in aliud. Quod credendum seu fides habenda sit in FILIUM DEI, Redemptorem & Salvatorem, conceptum a Jehovah & natum a Maria Virgine, nominatum JESUS CHRISTUS, constat ex mandatis frequenter iteratis ab Ipso, & postea ab Apostolis. Quod fides in Ipsum mandata sit ab Ipso, manifeste patet ex his locis; *Jesus dixit, haec est voluntas Patris qui misit Me, ut omnis qui videt Filium, & credit in IPSUM, habeat vitam æternam, & resuscitem Ego illum extremo die,* Joh. VI: 40. *Qui credit in FILIUM, habet vitam æternam, qui vero non credit Filio, non videbit vitam, sed ira Dei manet super illo.* Joh. III: 36. *Ut omnis qui credit in FILIUM, non pereat, sed vitam æternam habeat: adeo namque Deus dilexit Mundum, ut Filium suum Unigenitum dederit, ut OMNIS QUI CREDIT IN IPSUM non pereat, sed habeat vitam æternam,* Joh. III: 15. 16. *Jesus dixit, Ego sum resurrectio & vita, qui credit in ME, non morietur in eternum,* Joh. XI: 25. 26. *Amen, amen dico vobis, qui credit in ME, habet vitam æternam, Ego sum Panis vita,* Joh. VI: 47. 48. *Ego sum Panis vita, qui venit ad ME, non esuriet, & qui credit in ME, non sitiet unquam;* Joh. VI: 35. *Jesus clamavit dicens, si quis sit veritatem, venite ad ME, & bibite, quisquis credit in ME, sicut dixit Scriptura, flumina ex ventre ejus fluent aquæ viventis,* Joh. VII: 37. 38. *Dixerunt ad Jesus, quid faciemus ut operemur opera Dei, respondit Jesus, hoc est opus Dei, ut CREDATIS IN IPSUM, QUEM MISIT PATER,* Joh. VI: 28. 29. *Quousque Lucem habetis, CREDITE IN LUCEM, ut filii Lucis sitis;* Joh. XII: 36. *Qui credit in FILIUM DEI, non judicatur, qui autem non credit, jam judicatus est, quia non CREDIDIT in Nomen Uni-*

Unigeniti Filii Dei, Joh. III: 18. Hæc scripta sunt, ut credatis quod Jesus sit Filius Dei, & ut credentes vitam habeatis in nomine Ipsiœ, Joh. XX: 31. NISI CREDIDERITIS QUOD EGO SIM, moriemini in peccatis vestris, Joh. VIII: 24. Jesus dixit, cum venerit Paracletus spiritus veritatis, arguet Mundum de Peccato, Justitiam & Iudicio; de Peccato, quod non credant in Me, Joh. XVI: 8.

338. Quod Fides Apostolorum non alia fuerit quam in Dominum Iesum Christum, conitat ex multis locis in Epistolis illorum, ex quibus solum hæc adducam, *Vivo non amplius ego, sed vivit in me Christus; quod vero nunc vivo in carne, in fide vivo, quæ est in filium Dei, Gal. II: 20. Paulus contestatus est Iudeis & Gracis penitentiam in Deum, & fidem in dominum nostrum Iesum Christum. Act. Apost. XX: 21. Qui eduxit Paulum foras, dixit, quid me oportet facere ut salver, ille dixit, CREDE IN DOMINUM IESUM CHRISTUM, ita salvaberis tu & domus tua. Act. Apostol. XVI: 30. 31. Qui habet filium, habet vitam, qui vero non habet filium Dei, vitam non habet: hæc scripsi vobis, qui creditis in Nomen filii Dei, ut sciat quod vitam aeternam habeatis, & ut credatis in Nomen filii Dei, i Joh. V: 12. 13. Nos ex natura Iudei, & non ex gentibus peccatores, cum scimus quod non justificetur homo ex operibus legis, sed per fidem Iesu Christi, etiam nos in Iesum Christum credidimus, Gal. II: 15. 16. Quoniam fides illorum fuit in Iesum Christum, & quoque est ab Ipsi, ideo vocabant illam, Fidem Iesu Christi, ut nunc supra Gal. II: 16, & in sequentibus his, *Justitia Dei per fidem Iesu Christi, in omnes & super omnes qui crediderint. Ut sit justificans eum, qui ex fide Iesu est. Rom. III: 22. 26. Habeat justitiam, quæ ex fide Christi, justitiam quæ ex deo fidei, Philipp. III: 9. Hi servantes mandata Dei, & fidei Iesu Christi, Apoc. XIV: 12. Per fidem quæ in Christo Iesu est, II Timoth. III: 15. In Iesu Christo est fides per charitatem operans, Gal. V: 6. Ex his constare potest, quia fides a Paulo intellecta est in dicto hodie in Ecclesia trito, CONCLUDIMUS ERGO FIDEI JUSTIFICARI HOMINEM SINE OPERIBUS LEGIS, Rom. III: 28, quod non in Deum Patrem, sed in Ipsiœ filium, minus in tres Deos in ordine, in unum a quo, in Alterum propter quem, & in Tertium per quem; quod credatur in Ecclesia, quod tripersonalis ejus Fides in illo dicto a Paulo intellecta sit, est causa, quia Ecclesia intra quatuordecim saecula, seu usque a Concilio Nicæno, non aliam fidem agnoscit, & inde non aliam novit, credentes sic quod unica esset, & non alia dabilis; quare ubique in Verbo Novi Testamenti legitur Fides, creditum est, quod illa esset, & ad illam ibi applicerunt omnia ibi; inde periret fides unice Salvifica, quæ est in Deum Salvatorem, & inde quoque tot fallaciae in doctrinas illorum irrepererunt, & tot paradoxa fanæ rationi adversantia; omnis enim doctrina Ecclesiæ, quæ docebit & monstrabit viam ad Cælum, seu ad salutem, dependet a fide; & quia in illam irrepererunt tot fallaciae & paradoxa, ut dictum est, ideo necessarium fuit, ut proclamarent dogma, quod Intellectus captandus sit sub obedientia fidei. Nunc quoniam in dicto Paulino Rom. III: 28, per fidem non intelligitur fides in Deum Patrem, sed in Ipsiœ filium, & per opera legis ibi non intelliguntur opera legis Decalogi, sed opera Legis Mosaicæ pro Iudeis, ut patet a sequentibus ibi, & quoque ex similibus in Epist. ad Galatas Cap. II: 14. 15, cadit fundamentalis lapis Fidei hodiernæ, & insuper fanum superinstructum, sicut domus subsidens in terram, cuius summitas tecti modo exstar.**

339. Quod credendum, hoc est, fides habenda sit in Deum Salvatorem Iesum Christum, est causa; quia est in Deum visibilem in quo invisibilis, ac fides in Deum visibilem, qui est Homo & simul Deus, intrat hominem; Fides enim in sua essentia est spiritualis, sed in sua forma naturalis, quare apud hominem sit illa spiritualis naturalis, omne enim spirituale recipitur in naturali, ut sit aliquid apud hominem; nudum Spirituale quidem intrat in hominem, sed non recipitur, est sicut æther qui influit & effluit præter quod afficiat; ut enim afficiat, erit perceptio & sic recep-

tio, utraque in Mente hominis; & hoc non datur apud hominem quam in ejus naturali. Vicissim autem Fides mere naturalis, seu Fides orba essentia Spirituali, non est fides, sed modo persuasio aut scientia, persuasio aemulatur fidem in exteriori, sed quia in interiori ejus non est Spirituale, ideo nec est aliquod Salvificum; talis est fides apud omnes illos, qui negant Divinitatem Humani Domini; talis fuit fides Ariana, & quoque est fides Sociniana, quia uterque rejectit Divinitatem Domini: Quid fides absque termino ad quem, estne sicut visus in universum, qui cadit sicut in inane, & perit; & est sicut avis volans supra atmosphaeram in aethera, ubi tanquam in vacuo, exspirat: habitatio hujus fidei in mente hominis comparari potest habitationi ventorum in alis Aeoli, tum habitationi lucis in stella caduca, exoritur sicut cometa cum longa cauda, sed transit sicut illa, & disparatur; verbo, Fides in Deum invisibilem actualiter est cæca, quia Mens humana non videt suum Deum, & hujus fidei lux, quia non est Spiritualis naturalis, est Lux facta; & haec Lux est instar lucis in verme noctiluco, & instar lucis in paludibus aut super glebis sulphuratis tempore noctis, & instar lucis in ligno putrescente; ex hac luce nihil aliud existit quam quod phantasia est, in qua creditur apprens sicut sit, & tamen non est; Fides in Deum invisibilem non lucet alia luce, & maxime, cum cogitatur quod Deus sit Spiritus, & de Spiritu cogitatur sicut de aetherem, quid inde sequitur aliud, quam quod homo aspiciat Deum sicut aspicit aetherem, & sic querit Illum in Universo, & dum non invenit illum ibi, credit Naturam Universi esse Deum; ex hac origine est Naturalismus hodie regnans; dixitne Dominus, Quod nemo unquam vocem Patris audiverit, neque speciem Ipsius viderit, Joh. V: 37. & quoque, Quod Deum nemo viderit unquam, & quod Unigenitus Filius, qui in sinu Patris est, Ille revelaverit, Joh. I: 18. Non Patrem vidi quis, nisi qui est apud Patrem, Hic vidi Patrem, Joh. VI: 6. Tum Quod nemo veniat ad Patrem quam per Ipsum, Joh. XIV: 6. & porro, Quod homo videat & cognoscat Patrem, qui videt & cognoscit Ipsum, Joh. XIV: 7 seq. Alia autem est Fides in Dominum Deum Salvatorem, qui quia est Deus & Homo, & adiri potest, & videri in cogitatione, non est Fides interminata, sed habet terminum a quo & ad quem, & semel recepta manet; sicut quis dum vidi Imperatorem aut Règem, quoties ejus recordatur, imago illorum reddit. Visus illius fidei, est sicut quis videt Nubem candidam, & in ejus medio Angelum, qui invitat hominem ad se, ut elevetur in Cælum: ita Dominus apparebat illis qui fidem in Ipsum habent, & appropinquat ad unumquemvis, sicut is cognoscit & agnoscit Ipsum, quod fit sicut novit & facit precepta Ipsius, quæ sunt, fugere mala & facere bona, & tandem in domum ejus venit, & mansionem una cum Patre, qui in Ipso est, apud illum facit, secundum haec apud Johannem, Jesus dixit, qui habet precepta mea, & facit illa, ille est qui amat Me; & qui amat Me, amabitur a Patre meo, & Ego amo illum, & manifestabo illi Meipsum, & ad illum veniemus, & mansionem apud illum faciemus, Cap. XIV: 21. 23. Haec scripta sunt in praesentia duodecim Apostolorum Domini, qui dum haec scriberem, a Domino ad me missi sunt.

P.R.

Quod Fides in summa sit, quod qui bene vivit, & rite credit, a Domino salvetur.

340. Quod homo ad vitam æternam creatus sit, & quod omnis homo possit hereditare illam, modo secundum media salutis, quæ præscripta sunt in Verbo, vivat, omnis Christianus & quoque Ethnicus, cui religio & sana ratio est, ad stipula-

latur: verum media salutis sunt plura, sed omnia & singula se referunt ad bene vivere, & rite credere; ita ad Charitatem & Fidem, Charitas enim est bene vivere, & Fides est rite credere. Hæc duo Communia mediorum salutis, homini non modo præscripta sunt in Verbo, sed etiam mandata, & quia mandata sunt, sequitur, quod homo per illa possit sibi providere vitam æternam ex potentia illi indita & data a Deo, & quod quantum homo illa potentia utitur, & simul spectat ad Deum, tantum Deus corroboret illam, ut faciat omne id quod Charitatis naturalis est ut sit charitatis Spiritualis, ac omne id quod Fidei naturalis est ut sit Fidei spiritualis, sic Deus mortuam Charitatem & Fidem facit vivas, & simul hominem. Sunt duo quæ simul erunt, ut dici queat, quod homo bene vivat & rite credat; hæc duo videntur in Ecclesia Internus homo & Externus homo; quando Internus homo bene vult, & Externus bene agit, tunc uterque unum faciunt, Externus ex Interno, ac Internus per Externum, ita homo ex Deo, & Deus per hominem: vicissim autem si Internus homo male vult, & usque Externus bene agit, tunc nihilominus uterque agit ex Inferno, velle enim ejus inde est, & facere ejus est hypocriticum, & in omni hypocrita latet intus velle ejus, quod est infernale, sicut serpens in herba, & sicut vermis in flore. Homo qui non modo scit quod sint Internus & Externus homo, sed etiam quid sunt, & quod possint unum agere actualiter, & quoque unum agere apparet, & insuper quod Internus homo vivat post mortem, & Externus sepeliatur, ille in potentia possidet arcana Cæli & quoque Mundii in copia; & qui conjungit duos illos homines apud se in bonum, fit felix in æternum, at qui dividit illos, & plus qui conjungit illos in malum, sit infelix in æternum.

341. Credere, quod homo qui bene vivit & rite credit, non salvetur; & quod Deus possit salvare & damnare ex libero & placito quemcumque vult, homo qui perit, potest jure arguere Deum immisericordiae & inclemencie, & quoque saevitiae, imo negare Deum esse Deum; & insuper quod in Verbo suo loquitus sit vanus, & præceperit talia quæ nihil sunt, aut quæ nugæ sunt; & porro, si homo, qui bene vivit & rite credit, non salvatur, potest ille etiam arguere Deum violacionis fæderis sui, quod pepigit super monte Sinai, & suo dactilo inscriptis diaboli Tabulis: quod Deus non possit nisi salvare illos qui secundum præcepta Ipsi vivit, & fidem habent in Ipsi, constat ex Domini verbis, apud Johannem Cap: XIV: 21 ad 24, & potest unusquisque, cui religio & fana ratio est, se confirmare in eo, dum cogitat, quod Deus, qui constanter est apud hominem, & dat ei vitam, & quoque facultatem intelligentiæ & amandi, non possit aliter quam amare illum, & per amorem conjungere se illi, qui bene vivit & rite credit, est ne hoc a Deo inscriptum omni homini & omni creaturæ, num potest pater & mater rejicere infantes suos, num avis pullos suos, num animal catulos suos, hoc ne quidem possunt tigrides, pantheræ, & serpentes; aliter facere, foret contra ordinem, in quo Deus est, & secundum quem agit, & quoque contra ordinem, in quem creavit hominem. Nunc sicut impossibile est Deo damnare aliquem qui bene vivit, & rite credit, ita vicissim impossibile est Deo, salvare aliquem qui male vivit, & inde falsa credit, hoc alterum etiam est contra ordinem, proinde contra Omnipotentiam Ipsi, quæ non potest procedere quam per viam Justitiae, & leges: Justitiae sunt veritates; quæ non possunt mutari, nam Dominus dicit, *Facilius est Cælum & Terram transire, quam Legis uram apicem cadere*, Luc: XVI: 17, omnis, qui aliquid novit de essentia Dei, & de Libero arbitrio homidis, hoc potest percipere; sicut pro exemplo, Adamo fuit liberum edendi ex arbore vitae, & quoque ex arbore scientiæ boni & mali, si modò edidisset ex Arbore seu arboribus vitae, num possibile fuisset Deo expellere illum ex Horto, credo quod non, at postquam edidit de Arbore scientiæ boni

& mali, num possibile fuisse Deo retinere illum in Horts, credo etiam quod non; similiter quod Deus non possit aliquem Angelum receptum in Cælo dejicere in Infernum, nec aliquem judicatum diabolum immittere in Cælum; quod utrumque ex Divina sua Omnipotentia non possit facere, videatur in Transactione de DIVINA OMNIPOTENTIA supra n: 49 ad 70.

342. In Lemmate præcedente, a n: 256 ad 239, ostensum est, quod Fides salvifica sit in Dominum Deum Salvatorem Jesum Christum, sed queritur, quid Primum fidei in Ipsum est, & respondetur, quod sit AGNITIO QUOD FILIUS DEI sit; hoc Primum fidei fuit, quod Dominus, dum in Mundum venit, revelavit & annuntiavit: nam nisi primum agnoverissent, quod esset FILIUS DEI, & sic Deus a Deo, frustra prædicavisset Ipse, & postea Apostoli, fidem in Ipsum. Nunc quia simile quid est hodie, sed apud illos, qui ex proprio cogitant, hoc est, ex solo Extero seu naturali hominie, dicentes secum, quomodo potest Jehovah Deus concipere filium, & quomodo potest Homo esse Deus, necessum est ut hoc Primum fidei ex Verbo confirmetur & constabiliatur; quare sequentia loca inde adducentur; Dixit Angelus ad Mariam, concipies in utero, & paries, & vocabis Nomen Ejus JESUS, Hic erit magnus, & FILIUS ALTISSIMI vocabitur; & Maria dixit ad Angelum, quomodo fiet hoc, quoniam virum non cognosco, respondit Angelus, Spiritus Sanctus veniet super te, & VIRTUS ALTISSIMI obumbrabit te, unde quod nascitur ex te SANCTUM, vocabitur FILIUS DEI, Luc: I: 31, 32, 34, 35. Quando Jesus baptizabatur, vox e Cælo venit, dicens, HIC EST FILIUS MEUS DILECTUS, in quo complacuit Mihi, Matth: III: 16, 17. Marc: I: 10, 11. Luc: III: 21, 22. Tum, quando Jesus transformatus est, etiam vox e Cælo venit, dicens, HIC EST FILIUS MEUS DILECTUS, in quo complacuit Mihi, Ipsum audite., Matth: XVII: 5, Marc: IX: 7. Luc: IX: 35. Jesus interrogavit Discipulos suos, quem Me dicunt homines esse, respondit Petrus, Tu es CHRISTUS, FILIUS DEI VIVENTIS; & Jesus dixit, beatus es Simon, fili Jona; Ego tibi dico, super hac petra ædificabo Ecclesiam meam, Matth: XVI: 13, 16, 17, 18. dixit Dominus, quod super hac Petra ædificaturus sit Ecclesiam tuam, nempe super Veritate & Confessione, quod sit Filius Dei; Petra enim significat veritatem, & quoque Dominum quoad Divinum Verum, quare apud quem non confessio illius veritatis est, quod sit Filius Dei, non est Ecclesia; ideo supra dictum est, quod hoc sit primum fidei in Jesum Christum, ita fides in sua origine; Johannes Baptista vidit & testatus est, quod sit FILIUS DEI, Joh: I: 34. Nathanael Discipulus dixit Jesu, Tu es FILIUS DEI, TU ES REX ISRAELIS, Joh: I: 50. Dixerunt duodecim Discipuli, nos credidimus, quod TU SIS CHRISTUS FILIUS DEI VIVENTIS, Joh: VI: 69. Vocatur UNIGENITUS FILIUS DEI, UNIGENITUS A PATRE, qui in sinu Patris est, Joh: I: 14, 18. Cap: III: 16. Ipse Jesus coram Sacerdote magno confessus est, quod esset FILIUS DEI, Matth: XXVI: 63, 64. Cap: XXVII: 43. Marc: XIV: 41, 42. Luc: XXII: 70. Illi qui in nave erant, venientes adorabant Jesus, dicentes, VERE FILIUS DEI TU ES, Matth: XIV: 33. Eunuchus, qui voluit baptizari, dixit ad Philippum, CREDO FILIUM DEI ESSE JESUM CHRISTUM, Act: Ap: VIII: 37. Paulus quando conversus est prædicavit Jesus, QUOD ESSET FILIUS DEI, Act: IX: 20. Jesus dixit, veniet hora quando mortui audient vocem Filii DEI, & qui audiunt, vivent, Joh: Vs: 25. Qui non credit, jam judicatus est. quia non credit in NOMEN UNIGENITI FILII DEI, Joh: III: 18. Hæc scripta sunt, ut credatis quod JESUS SIT CHRISTUS, FILIUS DEI, ut credentes vitam habeatis in NOME IPSIUS, Joh: XX: 31. Hæc scripta nobis, qui creditis in NOME FILII DEI, ut sciatis, quod vitam habeatis aeternam, & ut credatis in NOME FILII DEI, i Joh: V: 13. Scimus quod FILIUS DEI venerit, ac dederit, ut cognoscamus Verum, & sumus in Vero in Filio Iesu CHRISTO: Hic est verus Deus, & vita aeterna, i Joh: V: 20, 21. Quisquis confessus fuerit, quod JESUS SIT FILIUS DEI, Deus in illo manet, & ille in Deo, i Joh: V: 5. Tum all.

alibi, ut Matth: Viii: 29. Cap. XXVII: 40, 43, 54. Marc: I: 1. Cap: III: 11. Cap: XV: 39. Luc: VIII: 28. Joh: IX: 35. Cap. X: 36. Cap: XI: 4, 27. Cap: XI: 7. Rom: I: 4. II Cor: I: 19. Gal: II: 20. Eph: IV: 13. Hebr: IV: 14. Cap: VI: 6. Cap. VII: 3. Cap: X: 29. I Joh: III: 8. Cap: V: 10. Apoc: II: 18. Præter multis in locis, ubi a Jehovali vocatur Filius, & Ipse vocat Jehovam Deum suum Patrem, ut in hoc, *Quicquid PATER facit, hoc FILIUS facit: sicut PATER suscitat mortuos & vivificat, ita FILIUS; sicut PATER habet vitam in se Seipso, ita dedit FILIO vitam habere in Seipso;* ut omnes, honorent FILIUM, sicut honorant PATREM, Joh: V: 19 ad 27. & perplurimes alibi: & quoque apud Davidem, *Annuntiabo de statuto, Jehovah dixit ad me, FILIUS MEUS Tu, Ego hodie genui te: Oculamini FILIUM, ne irascatur, & pereatis in via; quia exardebis brevi ira ejus: BEATI OMNES CONFIDENTES IN IPSUM,* Psalm: H: 7, 12. Ex his nunc fit hoc conclusum, quod omnis, qui vult vere Christianus esse, & a Christo salvari, credere debeat, quod JESUS SIT FILIUS DEI VIVENTIS; qui hoc non credit, sed modo quod sit Filius Mariæ, implantat sibi varias ideas de Ipso, quæ damnoſæ & deſtructivæ ſalutis illius ſunt, de quibus videatur ſupra n: 92, 94, 102. de hiſ ſimile potest dici quod de Judæis, quod loco coronæ regiae imponant Capiti Ipsius coronam ex spinis, & quoque quod dent Ipsius acetum bibere, & clamant, si Filius Dei es, descende de cruce; aut ſicut dixit diabolus tentator, si Filius Dei es, dic, ut lapides hi panes fiant, aut si Filius Dei es mitte Te deorſum, Matth: IV: 3, 6. Hi Eccleſiam Ipsius & Templaum Ipsius prophanant, & faciunt hoc speluncam latronum. Hi ſunt, qui Cultum Ipsius faciunt ſimilem cultui Mahumedis; & non diſtinguunt inter verum Christianiſum qui eſt cultus Domini & Naturaliſum: affiſimilari poſſunt illis qui feruntur curru aut rheda ſuper tenui glacie, & glacies rumpitur ſub illis, & ſubmerguntur, ac illi & equi & currus aqua glaciali operiuntur. Affiſimilari etiam poſſunt illis, qui naviculam contexunt ex juncis & cannis, & conglutinant illam piece, ut cohæreat, & ſuper illa ſe immittunt in pelagum, ſed quod ibi conglutinatio pieca ſolvatur, & illi ſuffocati aquis polagi abſorbeantur, & in fundo ejus ſepeliantur.

III.

*Quod homo Fidei accipiat, per quod adeat Dominum, Veritatem
ex Verbo dicat, & ſecundum illas vivat.*

343. Antequam ingredior demonſtrare ORICINEM FIDEI, quæ eſt, ut adeatūr Dominus, addiſcantur veritates ex Verbo, & vivatur ſecundum illas; neceſſum eſt, ut Summaria fidei præmittantur, ex quibus communis notio in ſingulis fidei partibus haberi potest; ſic etenim plus conſpicue comprehendiri poſſunt non modo quæ in hoc Capite de Fide, ſed etiam quæ in ſequentiibus de Charitate, de Libero Arbitrio, de Pænitentia, de Reformatione & Regeneratione, deque Imputacione, traduntur; nam in omnes & ſingulas partes Iyfematis Theologici intrat Fides ſicut ſanguis in membra corporis, & vivificat illa. Quid hodierna Ecclesia de Fide tradit, in Orbe Christiano generaliter notum eſt, & ſpecifice in Ordine ejus Ecclesiastico, nam Libri de Fide ſolum & de Fide ſola implent Libraria Doctorum Ecclesiæ, vix enim quicquam ut proprie Theologicum præter illam hodie cenſetur: ſed antequam illa, quæ hodierna Ecclesia de ſua Fide tradit, affumuntur, lustrantur, & expenduntur, quod fiet in APPENDICE, afferentur Communia, quæ Nova Ecclesia de ſuā Fide docet, quæ ſunt haec ſequentia.

344. ESSE FIDEI Novæ ECCLESIAE est 1. Confidentialia in Dominum Deum Salvatorem Jesum Christum 2. Fiducia, quod ille qui bene vivit & rite credit, ab Ipso salvetur. ESSENTIA FIDEI NOVÆ ECCLESIAE, est Veritas ex Verbo. EXISTENTIA FIDEI NOVÆ ECCLESIAE est 1. Visus Spiritualis. 2. Concentus veritatum. 3. Convictio. 4. Agnitio inscripta menti. STATUS FIDEI NOVÆ ECCLESIAE sunt, 1. Fides infans, Fides adolescens, Fides adulta. 2. Fides genuini veri, & Fides apparentiarum veri. 3. Fides memoriae, Fides rationis, Fides lucis. 4. Fides naturalis, Fides spiritualis, Fides cœlestis. 5. Fides viva & Fides miraculosa. 6. Fides libera & Fides coacta. IPSA FORMA FIDEI NOVÆ ECCLESIA IN IDEA UNIVERSALI ET IN IDEA PARTICULARI, videatur supra n: 2 & 3.

345. Quoniam in summario adducta sunt illa quæ Fidei spiritualis sunt, in summario etiam adducentur illa quæ Fidei mere naturalis sunt, quæ in se est persuasio mentiens fidem, & est persuasio falsi & vocatur Fides hæretica: Denominationes ejus sunt 1. Fides spuria, in qua falsa commixta sunt veris. 2. Fides meretrix, ex falsificatis veris, & adultera ex adulteratis bonis. 3. Fides occlusa aut cæca, quæ est rerum mysticarum, quæ creduntur, tametsi nescitur num sint vera vel falsa, aut num sint supra rationem vel contra illam. 4. Fides erratica, quæ est in plures Deos. 5. Fides lusca, quæ est in alium Deum quam in Verum, & apud Christianos quam in Dominum Deum Salvatorem. 6. Fides hypocrita seu pharisaica, quæ est oris & non cordis. 7. Fides visionaria & præpostera, quæ est apparentia falsi sicut veri ex ingeniosa confirmatione.

346. Supra dictum est, quod Fides quoad suam existentiam apud hominem sit Visus spiritualis; nunc quia visus spiritualis qui est intellectus & sic mentis, & visus naturalis qui est visus oculi & sic corporis, sibi mutuo correspondent, ideo potest omnis status fidei comparari cum statu oculi & ejus visus, status fidei veri cum omni statu integro visus oculi, & status fidei falsi cum omni statu perverso visus oculi: sed correspondentias duorum illorum visuum, mentis & corporis, quoad statu utriusque perversos, comparabimus; FIDES SPURIA, in qua falsa commixta sunt veris, comparari potest cum vitio oculi & inde visus, quod vocatur Macula alba supra corneam, visum reddens obscurum. FIDES MERETRIX, quæ est ex falsificatis veris; & FIDES ADULTERA, quæ est ex adulteratis bonis, comparari potest cum vitio oculi & inde visus, quod vocatur Glaucoma, & est exsiccatio & induratio humoris chrySTALLINI. FIDES OCCLUSA aut CÆCA, quæ est rerum mysticarum, quæ creduntur tametsi nescitur num sint vera vel falsa, aut num sint supra rationem aut contra illam, comparari potest cum vitio oculi, quod vocatur Gutta serena & Amaurosis, quod est jaætura visus & tamen oculus appetet sicut integre videns, oriunda ex obstructione nervi optici. FIDES ERRATIVA.

ERRATICA quæ est in plures Deos; comparati potest eum vitio oculi quod vocatur Cataracta, quæ est jactura visus oriunda ex obliquatione inter tunicam scleroticiam & uream. FIDES LUSCA quæ est in alium Deum quam in verum, & apud Christianos quam in Dominum Deum Salvatorem, comparari potest cum vitio oculi quod vocatur Strabismus. FIDES HYPOCRITICA seu PHARISAICA, quæ est oris & non cordis, comparari potest cum Atrophia oculi & inde jactura visus. FIDES VISIONARIA & PRÆPOSTERA, quæ est apparentia falsi sicut veri ex ingeniosa confirmatione, compatri potest cum vitio oculi quod vocatur Nyctolopia, quæ est visio ex luce fatua in tenebris.

347. Quod autem FORMATIONEM FIDEI attinet, formatur illa per quod homo audeat Dominum, Veritates ex Verbo discat, & secundum illas vivat. *Primum, Quod fides formetur per quod homo audeat Dominum,* est quia fides quæ fides, ita quæ fides salutis, est a Domino & in Dominum; quod a Domino patet a verbis Ipsiis ad Discipulos, *Manete in Me, & Ego in vobis, quia sine Me, non potestis facere quicquam,* Joh: XV: 4, 5. Quod fides sit in Dominum, patet ex illis locis, quæ in copia supra n: 237, 238, adducta sunt, quæ sunt, *quod credendum sit in Filium.* Nunc quia Fides est a Domino & in Dominum, dici potest quod Dominus sit ipsa Fides, vita enim & essentia ejus est in Domino, ita a Domino. SECUNDUM, *Quod fides formetur per quod homo veritates ex Verbo discat,* causa est, quia Fides in sua essentia est Veritas, omnia enim, quæ ingrediuntur fidem, sunt veritates, quare Fides non aliud est, quam complexus veritatum in mente hominis Iacentium: Veritates enim docent, non modo quod credendum sit, sed etiam in quem credendum, & quid credendum. Quod Veritates desumendæ sint ex Verbo, est quia omnes veritates, quæ conducunt ad salutem, ibi sunt, in quibus est efficacia, quia datae sunt a Domino, & inde inscriptæ universo Cælo Angelico; quare cum homo veritates ex Verbo addiscit, in communionem & consociationem cum Angelis venit, præter quod id sciat: Fides absque veritatibus est sicut semen orbum substantia medullari, quod commolitum dat modo paleas, at Fides ex veritatibus est sicut semen frugi, quod commolitum dat farinam: verbo, Fidei essentia sunt veritates, quæ si non insunt & componunt, est fides modo sicut vox canora sibili, at cum insunt & componunt, est fides sicut vox rei salutiferæ. TERTIUM, *quod fides formetur per quod homo secundum veritates vivat,* est quia vita spiritualis est vita secundum veritates, ac veritates non actualiter vivunt priusquam sunt in factis, veritates abstractæ a factis, sunt solius cogitationis, quæ si non sunt etiam voluntatis, sunt modo in limine ad hominem, & sic non intus in illo, voluntas enim est ipse homo, & cogitatio est tantum & talis homo, quantum & qualiter sibi adjunxit voluntatem. Qui veritates discit & non facit illas, est sicut quis semina circumspargit super agrum, & non occat, inde semina a pluvia tumescunt, & fiunt vappæ, at qui veritates discit & facit illas, est sicut qui seminat, & sementem debeat, unde semina a pluvia excrescunt in segetem, & fiunt usui pro nutritione: dicit Dominus, *si hæc scitis, beati estis si faciatis illa,* Joh. XII: 17. Et alibi, *Qui in terram bonam seminatus est, hic est qui Verbum audit & attendit, & inde fructum fert & facit,* Matth. XIII: 23. Tuim, *Omnis qui audit mea verba, & facit illa, comparabo viro prudenti, qui ædificavit domum suam super petram; at omnis audiens verba mea, sed non faciens illa, comparabitur viro stulto, qui ædificavit domum suam super arenam,* Matth. VII: 24. 26; verba Domini sunt omnia veritates.

348. Ex supra dictis patet, quod tria sint per quæ formatur Fides apud hominem, nempe quod Primum sit adire Dominum, secundum veritates ex Verbo discere, & Tertium vivere secundum illas; nunc quia tria sunt, ac unum non est alterum, sequitur quod possint separari, potest enim quis adire Dominum, & non scire veritates de Deo & de Domino, nisi quam historicas; & quoque potest quis-

scire veritates ex Verbo in copia, & tamen non vivere secundum illas; sed apud hominem, apud quem tria illa separata sunt, hoc est, unum absque altero, non est Fides salutis; sed haec fides oritur, quando tria illa conjunguntur, & fides illa sit talis, qualis est conjunctio. Ubi tria illa separata sunt, ibi est Fides sicut semen sterile, quod missum in terram fathiscit in pulverem; at ubi tria illa conjuncta sunt, ibi est Fides sicut semen in terra, quod excrescit in arborem, cuius fructus est secundum conjunctionem. Ubi tria illa separata sunt, est Fides sicut ovum, in quo non aliquid prolificum est, at ubi tria illa conjuncta sunt, est Fides illa sicut ovum prolificum avis pulchrae. Fides apud illos, apud quos tria illa separata sunt, assimilari potest oculo pisces aut caneri cocti, at Fides apud quos tria illa conjuncta sunt, assimilari potest oculo pellucido a chrystillino humore usque in & trans uvam pupillæ. Fides separata est similis picturæ ex coloribus trahentibus ex nigro super lapide nigro, at fides conjuncta est similis picturæ ex coloribus pulchris super Chrystilllo pellucido. Lux fidei separatae comparari potest cum luce torris in manu viatoris tempore noctis, at lux fidei conjunctæ comparari potest cum luce facis, ex qua vibrata patent singula gressus. Fides absque veritatibus est instar vitis ferentis labruscas, at fides a veritatibus est instar vitis ferentis botros vini nobilis. Fides in Dominum expers veritatum comparari potest cum stella nova apparente in Expanso Cæli, quæ tempore opacatur, at fides in Dominum cum veritatibus comparari potest cum stella fixa, quæ perstat in perpetuum. Veritas est essentia fidei, quapropter qualis est veritas, talis est fides, quæ absque veritatibus est vaga, at cum illis est fixa; etiam fides veritatum lucet in cælo sicut stella.

IV.

Quod copia veritatum sicut in fasce cohærentium exaltet & perficiat fidem.

349. Ex perceptione de fide quæ hodie est, non potest cognosci, quod fides in suo ambitu sit complexus veritatum, & adhuc minus quod homo ad fidem sibi comparandam possit aliquid conferre, cum tamen fides in sua essentia est veritas, est enim veritas in sua luce, & quod sicut veritas potest comparari, ita quoque fides; quis non potest adire Dominum si vult, & quis non potest ex Verbo colligere veritates si vult; & omnis veritas in Verbo & ex Verbo lucet, ac veritas in luce est fides; Dominus qui est ipsa Lux, influit apud omnem hominem, & in quo veritates ex Verbo sunt, in illo facit ut luceant, & sic fiant fidei; & hoc est, quod Dominus dicit apud Johannem, *Ut inaneant in Domino, & verba Ipsius in illis*, Cap. XV:7, verba Domini sunt veritates. Sed ut rite comprehendatur, quod copia veritatum sicut in fasce cohærentium exaltet & perficiat fidem, commentatio dispescenda est in haec momenta, 1. *Quod veritates fidei sint multiplicabiles in infinitum.* 2. *Quod dispositio illarum sit in series, ita sicut in fasciculos.* 3. *Quod secundum copiam & cohærentiam illarum perficiatur fides.* 4. *Quod veritates utcunque numerosæ sunt, & diversæ apparent, a Domino, qui est Verbum, Deus Cæli & Terra. Deus omnis carnis, Deus Vineæ seu Ecclesiæ, Deus fidei, & ipsa Lux, Veritas, & Vita æterna, unum faciant.*

350. *Quod veritates fidei sint multiplicabiles in infinitum*, constare potest ex sapientia Angelorum Cæli, quod crescat in æternum, dicunt etiam Angeli, quod nusquam aliquis finis sapientiae sit, ac sapientia non aliunde est, quam ex Di-

Divinis Veris analyticē in formas dispestis mediā luce influente a Domino: intelligentia humana, quæ vere intelligentia est, nec aliunde est. Multiplicabilitas Divini Veri in infinitum est ex causa, quia Dominus est ipsum Divinum Verum, seu Verum in sua infinitate, & attrahit omnes ad se, sed venam attractionis non sequi possunt angeli & homines, quia finiti sunt, quam per sua demensa, perstante jugiter attractionis nisu in infinitum, Verbum Domini est abyssus veritatum, ex qua est omnī sapientia angelica, tametsi illud coram homine, qui non scit aliquid de Sensu spirituali & cœlesti ejus, non plus appetet quam sicut aqua in hydra. Multiplicatio veritatum fidei in infinitum; comparari potest cum seminibus hominum, ex quorum uno propagari possunt familiæ in sæcula sæculorum. Prolificatio veritatum fidei etiam comparari potest cum proliferatione seminum agri & horti, quæ propugari possunt in myriades myriadum, & in perpetuum; per Semen in Verbo nec aliud intelligitur quam Verum, per agrum Doctrina, & per Hortum sapientia. Mens humana est sicut Humus, cui vera spiritualia, & naturalia, sicut semina, implantantur, & multiplicari possunt absque fine; hoc trahit homo ex Infinitate Dei, qui cum sua luce & suo calore, & cum facultate generandi, perpetuo ineſt.

35¹. QUOD DISPOSITIO VERITATUM FIDEI SIT IN SERIES, ITA SICUT IN FASCICULOS; quod ita sit, adhuc ignoratur, & ignoratur quia Veritates spirituales, ex quibus totum Verbum contextum est, propter mysticam & ænigmaticam fidem, quæ facit omne punc̄tum Theologiæ hodiernæ, non potuerunt apparere, & ideo, sicut horrea subsiderunt in terram. Ut sciatur quid intelligitur per series & fasciculos, explicabitur; Primum Caput hujus Libri, quod agit de Deo Creatore, distinctum est in Series, quarum prima est de Unitate Dei, secunda de Esse Dei seu Jehovah, tertia de Infinitate Dei, quarta de Essentia Dei, quæ est Divinus Amor & Divina Sapientia, quinta de Omnipotentia Dei, & sexta de Cr̄atione; articulationes cujusvis faciunt series, confasciant illa quæ inibi sicut in manipulos. Hæ series in communi & in particulari, ita conjunctim & seorsim, continent veritates, quæ secundum copiam & simul cohærentiam exaltant & perficiunt fidem. Qui non scit, quod Mens humana sit organizata, aut quod sit organismus spiritualis desinens in organismum, naturalem, in quo & secundum quem Mens operatur suas ideas seu cogitat, non potest alter opinari, quam quod perceptiones, cogitationes & ideæ non sint aliud quam radiationes & variationes lucis influentes in caput, & sistentes formas, quas homo videt & agnoscit ut rationes; sed hoc delirum est, nam quisque scit, quod Caput sit plenum Cerebris, & quod Cerebra sint organizata, & quod Mens illis inhabitet, & quod ejus ideæ inibi figantur & manent sicut acceptæ & confirmatæ sunt; queritur itaque, qualis est illa organizatio, respondetur, quod sit ordinatio omnium in series, sicut in fasciculos, & quod veritates quæ fidei sunt in Mente humana ita dispositæ sint: quod ita sit, illustrari potest per sequentia hæc, Quod Cerebrum consistat ex binis substantiis, quarum una est glandularis, & vocatur corticalis & cinceritia, ac altera fibrillaris & vocatur medullaris; prima substantia quæ est glandularis, disposita est in racemos, sicut uva in vite, racemationes illæ sunt ejus series: altera substantia, quæ vocatur medullaris, constat ex perpetuis confasciculationibus fibrillarum prodeuntium ex glandulis prioris substantiæ, hæ confasciculationes sunt ejus series, omnes Nervi qui inde procedunt, & demittuntur in corpus ad fungendum variis munis, non sunt nisi quam manipuli & fasciculi fibrarum, pariter omnes musculi, & in genere omnia viscera & organa corporis: hæc & illa talia sunt, quia correspondent series, in quas organismus mentis dispositus est. Præterea in universa Natura non datur aliquid, quod non confasciculatum est in series: omnis arbor, omne arbustum, virgulum & legumen, imo omnis spica & herba, in communi & in parte, ita est. Causa universalis est, quia Divinæ Veritates ita conformatæ sunt, nam legitur,

quod omnia per Verbum, hoc est, Divinum Verum, creata sunt, & quod Mundus etiam per illud factus est, Joh. I: 1 seq. Ex his videri potest, quod nisi in Mente humana talis ordinatio substantiarum esset, non foret homini aliquo analyticum rationis, quod cuivis est secundum ordinatiōnem, ita secundum copiam veritatum sicut in fasce coherentium, & ordinatio secundum usum rationis ex liberō.

352. QUOD SECUNDUM COPIAM ET COHERENTIAM VERITATUM PERFICIATUR FIDES, sequitur ex supradictis, & manifestat se coram omni qui colligit rationes, & perspicit, quid series multiplicatæ, dum coherent ut unum, efficiunt, nam tunc unum firmat & confirmat alterum, & faciunt simul formam, quæ dum agitur, unum actum sistunt; Nunc quia fides in sua essentia est veritas, sequitur quod illa secundum veritatum copiam & coherentiam, fiat plus & perfectius spiritualis, ita minus & minus naturalis sensualis, exaltatur enim in superiorem mentis regionem, unde sub se videt cohortes confirmationum sui in natura Mundi: Fides vera per copiam veritatum sicut in fascie coherentium fit etiam illustrior, perceptibilior, evidentior & clarior; fit quoque conjungibilior cum bonis Charitatis, & inde abalienabilior a malis, & successive remotior ab illecebris oculi & a concupiscentiis carnis, proinde in se felicior; fit imprimis potentior contraria-mala & falsa, & inde plus & plus viva & salvifica.

353. Supra dictum est, quod omnis veritas in Cælo luceat, & inde quod veritas lucens sit fides in essentia; quare fidei pulchritudo & decor ex illustratione illa, dum veritates ejus multiplicantur, comparari potest cum variis formis, objectis & picturis, formatis ex diversis coloribus coaptatis secundum convenientias; proinde cum lapidibus pretiosis diversicoloribus in Pectorali Aharonis, qui simul Urim & thumim vocati sunt; pariter cum lapidibus pretiosis, ex quibus fundamenta muri novæ Hierosolymæ construenda sunt, de quibus in Apocalypsi Cap. XXI; comparari etiam potest cum lapidibus pretiosis diversicoloribus in Corona Regis; lapides pretiosi etiam significant veritates fidei; Comparatio etiam fieri potest cum pulchritudine iridis, cumque pulchritudine campi floriferi, & quoque horti efflorescentis, tempore primi veris. Lux & gloria fidei ex copia veritatum concinnantium illam, comparari potest cum illustratione Templorum ex multiplicatis candelabris, domum ex lychnaribus, ac platearum ex lampadibus. Fidei exaltatio per copiam veritatum illustrari potest per comparationem cum exaltatione clangoris & simul ex pluribus instrumentis musicis in concentu; & quoque cum exaltatione fragrantiae ex consertione florum dulce halantium, & sic porro. Potentia fidei ex pluralitate veritatum conformatæ contra falsa & mala, comparari potest cum firmitate Templi ex lapidibus dispositæ connexis, & ex columnis muro ejus adstructis, & laqueari ejus substructis; comparari etiam potest cum agmine quadrato, in quo milites conserunt latera lateribus, & sic unum robur formant & agunt; comparari etiam potest cum musculis, ex quibus totum corpus est circumtextum, qui tametsi numerosi & dissipati sunt, usque unam potentiam in actionibus faciunt, & sic amplius.

354. QUOD VERITATES FIDEI, UTCUNQUE NUMEROSE SUNT, ET DIVERSÆ APPARENT, A DOMINO, QUI EST VERBUM, DEUS CÆLI ET TERRE, DEUS OMNIS CAR-
NIS, DEUS VINEÆ SEU ECCLESIAE, DEUS FIDEI, ET IPSA LUX, VERITAS, ET VITA
ÆTERNA, UNUM FACIANT. Veritates fidei sunt variæ & coram homine apparent diversæ, sicut pro exemplo, aliae de Deo Creatore, aliae de Domino Redemptore, aliae de Spiritu Sancto & Divina Operazione, aliae de Fide deque Charitate, & aliae de Libero Arbitrio, Pænitentia, Reformatione & Regeneratione, Imputacione, & sic porro; usque unum faciunt in Domino, & apud hominem a Domino, sicut multi palmites in una Vite, Joh. V: 1. seq. Dominus enim conjungit veritates sparsas & divisas sicut in unam formam, in qua unum conspectum præbent, & unum actum sistunt: hoc illustrari potest per comparationem cum membris,

visceribus, & organis in uno corpore, quæ tametsi varia sunt, & coram visu hominis diversa, usque tamen homo, qui est communis forma illorum, non sentit nisi unum, & cum ex omnibus agit, agit sicut ut ex uno. Simile est cum Cælo, quod tametsi in innumerabiles Societates distinctum est, usque illud coram Domino apparet ut unum; quod sicut unus Homo, supra ostensem est. Simile etiam est sicut cum Regno, quod tametsi in plures administraturas, & quoque provincias & urbes divisum est, usque tamen illad sub Rege, cui est justitia & judicium, unum facit. Quod simile sit cum Veritatibus fidei, ex quibus Ecclesia est Ecclesia, a Domino, est quia Dominus est Verbum, Deus Cæli & Terræ, Deus omnis carnis, Deus Vineæ seu Ecclesiæ, Deus fidei, & ipsa Lux, Veritas, & Vita æterna. Quod Dominus sit Verbum, & sic omne Verum Cæli & Ecclesiæ, constat apud Johannem, *Verbum erat apud Deum, & Deus erat Verbum, & Verbum Caro factum est*, Cap. I: 2. 14. Quod Dominus sit Deus Cæli & Terræ, constat apud Matthœum, *Jesus dixit, data est Mihi omnis potestas in Cælo & in Terra*, Cap. XXVIII: 18. Quod Dominus sit Deus omnis Carnis, apud Johannem „*Pater dedit Filio potestatem omnis carnis*”, Cap. XVI: 2. Quod Dominus sit Deus Vineæ seu Ecclesiæ, apud Esajam, *Vinea fuit dilecta meo*, Cap. V: 1. 2. & apud Johannem, *Ego sum Vitis & vos palmites*, Joh. XV: 5. Quod Dominus sit Deus fidei, apud Paulum, *Habes justitiam, quæ ex fide Christi, ex Deo fidei*, Philipp. III: 9. Quod Dominus sit ipsa Lux, apud Johannem, *Erat vera Lux, quæ illuminat omnem hominem venientem in Mundum*, Cap. I: 9; & alibi, Jesus dixit, *Ego Lux in Mundum veni, ut omnis qui credit in Me, in tenebris non maneat*, Cap. XII: 46. Quod Dominus sit ipsa Veritas, apud Johannem, *Jesus dixit, Ego sum Via, Veritas, & Vita*, Cap. XIV: 6. Quod Dominus sit Vita æterna, apud Johannem „*Scimus quod Filius Dei in Mundum venerit, ut cognoscamus veritatem, & sumus in Veritate in Jesu Christo; His est Verus Deus, & Vita æterna*”, I Epist. Cap. V: 20. 21. His adjiciendum est, quod homo propter sua negotia in Mundo non possit sibi comparare Veritates fidei nisi paucas; sed usque si adit Dominum, & Ipsum Solum cœlit, in potentiam cognoscendi omnes veritates venit, quapropter omnis vere Cultor Domini, ut primum audit aliquam veritatem fidei, quam prius non noverat, illico videt, agnoscit & recipit illam, causa est, quia Dominus est in illo, est ille in Domino, consequenter est Lux veritatis in illo, & ille in luce veritatis, nam ut supra dictum est; Dominus est ipsa Lux, & ipsa Veritas. Hoc confirmari potest ex hac experientia, visus mihi est Spiritus, qui in consortio aliorum apparuit simplex, ex causa quia Solum Dominum pro Deo Cæli & Terræ agnovit, & haec suam fidem per alias veritates ex Verbo stabilivit, ille sublatus est in Cælum inter Angelos sapientes, & dictum milii est, quod ibi æque Sapiens esset ut illi, imo quod loquitur sit veritates in copia, prorsus ut ex se, de quibus nihil quicquam noverat prius. Similis status erit illis, qui in Novam Domini Ecclesiam venturi sunt: idem hic status est, qui describitur apud Jeremiam „*Hoc fædus erit quod pangam cum Domo Israëlis post dies hos; dabo legem meam in medio illorum, & super cor illorum scribam illam: neque docebunt amplius vir socium suum, aut vir fratrem suum, dicendo cognoscite Dominum, omnes enim cognoscent Me, a minimo eorum usque ad maximum eorum*”, Cap. XXXI: 33. 34. Erit etiam status ille, qualis describitur apud Esajam „*Exibit virga de truncu Fischaji, erit Veritas cingulum feminum ejus; tunc commorabitur lupus cum agno, & pardus cum hædo cubabit; ludet fugens super foramine viperæ, & super speluncam basilisci ablaestatus manum impellat; quia plena erit Terra scientia Jehovæ, sicut aquæ mare contingunt; in die illo Radicem Fischaji gentes querent, & erit quies Ejus gloria*”, Cap. XI: 6 ad 10.

V.

*Quod Fides absque Charitate non sit fides, & quod Charitas
absque fide non sit charitas; & quod utraque nisi a
Domino non vivat.*

355. Quod hodierna Ecclesia fidem separaverit a Charitate, dicendo, quod Sola Fides absque operibus legis justificet & salvet, & quod sic Charitas non possit cum Fide conjungi, quoniam Fides est a Deo, ac Charitas quantum est actualis in operibus, ab homine, nusquam in alicujus Apostoli mente venit, ut manifeste patet ex Epistolis illorum: sed hæc separatio & divisio in Ecclesiam Christianam introducta est, quando Deum unum partiti sunt in tres Personas, & unicuique addicaverunt æqualem Divinitatem. Quod autem non sit Fides absque Charitate, nec Charitas absque fide, & quod utriusque non sit vita nisi a Domino, in sequente Lemmate illustrabitur; hic ad applanandam viam demonstrabitur. 1. Quod homo sibi comparare possit fidem. 2. Quod etiam Charitatem. 3. Et quoque utriusque Vitam. 4. At quod usque nihil fidei, nihil charitatis, & nihil vitæ utriusque sit ab homine, sed a Solo Domino.

356. I. QUOD HOMO SIBI POSSIT COMPARARE FIDEM, in Lemmate Tertio supra n: 243 ad 248 ostensum est, & per id, quod Fides in sua essentia sit Veritas, ac Veritates ex Verbo posint comparari ab unoquovis, & quantum quis comparat sibi illas, & amat illas, tantum initiet sibi fidem: quibus addentur hæc, quod nisi homo posset comparare sibi fidem, irrita forent omnia quæ de Fide in Verbo mandantur; legitur enim ibi, *Quod Voluntas Patris sit, ut credant in Filium, & quod qui credit in Ipsum, vitam aeternam habeat, & quod qui non credit, non visurus sit vitam:* legitur etiam, *quod Jesus missurus sit Paracletum, qui arguet Mundum de peccato, quia non credunt in Me,* præter plura, quæ supra n: 237. 238. adducta sunt: insuper quod omnes Apostoli prædicaverint Fidem, & hanc in Dominum Deum Salvatorem Jesum Christum. Quid hæc & illa omnia, si homo staret remissis manibus sicut sculpta statua, cum articulis mobilibus, & exspectaret influxum, & tunc articuli, præter quod ad illum recipiendum se applicare possent, intrinsecus ad quoddam non fidei, excitarentur: nam Orthodoxya hodierna in Orbe Christiano a Romano-Catholicis separato, ita docet, *Quod homo ad bonum prorsus corruptus & mortuus sit, ita ut in hominis natura post lapsum ante regenerationem ne scientilla quidem spiritualium virium manferit aut refert, quibus ille ad gratiam Dei præparari, aut oblatam apprehendere, aut ejus gratiae ex se & per se capax esse, aut in spiritualibus intelligere, credere, amplecti, cogitare, veille, inchoare, perficere, agere, operari, cooperari, aut se ad gratiam applicare aut accommodare, aut aliquid ad conversionem ex toto, vel ex dimidia, vel ex minima parte, ex se potest.* Quodque homo in spiritualibus, quæ ad animæ salutem spectant, sit instar statue salis Iothi, ac similis trunco ac lapidi vita carenti, quæ non oculorum, oris, aut ullorum sensuum usum habent. *Quod usque loco motivam potentiam habeat, seu externa membra regere, ad Cetus publicos accedere, ac Verbum & Evangelium audire posse:* hæc in Libro Ecclesiæ Evangelicorum, FORMULA CONCORDIA vocato in Editione Lips. 1756, p. 656. 658. 661. 662. 663. 671. 672. 673, in quem Librum, & sic in quam fidem, Sacerdotes dum inaugurarunt, jurant: similis fides est Reformati: sed quis, cui ratio & religio, non illa ut absonta & ridicula exhibilaturus est, nam diceret secum, si ita foret, ad quid tunc Verbum, ad quid Religio, ad quid Sacerdotium, & ad quid

quid Prædicatio, nisi quoddam ïnane aut sonorum nullius rei. Dic talia ad quendam paganus, cui judicium, quem convertere vis, quod talis sit quod conversionem & fidem, annon ille Christianismum aspectaret sicut quis vas vacuum; aufer enim omnem potentiam credendi ab homine ut a se, quid tune ille aliud. Sed hæc clariore luce donabuntur in Capite de LIBERO ARBITRIO.

357. II. QUOD HOMO SIBI POSSIT COMPARARE CHARITATEM; est similis res quæ cum fide; quid enim aliud docet Verbum, quam Fidem & Charitatem, quia hæc sunt duo essentialia salutis; legitur enim *Anabis Dominum ex toto corde tuo & ex tota anima tua. & proximum ut te ipsum*, Matth. XXII: 34 ad 39; & Jesus dixit, mandatum do vobis, ut ametis vos invicem; ex hoc cognoscemini quod mei discipuli sitis quod ametis vos invicem, Joh. XIII: 34. 35. pariter Cap. XV: 9. Cap. XVI: 27: tum, quod homo facturus sit fructus sicut bona arbor; & quod qui bona facit, remuneraretur in resurrectione; præter plura similia: ad quid hæc nisi homo ex se posset Charitatem exercere, ac illam ullo modo sibi comparare; potestne dare elemosynas, opitulari egentibus, facere bona in sua domo, inque suo officio; potestne vivere secundum præcepta Decalogi, estne illi anima ex qua potest agere illa, & quoque Mens rationalis, ex qua se ducere potest ad agendum propter hunc aut illum finem, potestne cogitare quod fructurus sit illa, quia mandata sunt in Verbo, & sic a Deo; non ulli homini deest hæc potentia; quod non desit, est quia Dominus dat illam unicuique; & dat illam sicut aliquam proprietatem; quis enim novit aliter, dum charitatem facit, quam quod faciat ex se.

358. III. QUOD ETIAM HOMO SIBI COMPARARE POSSIT VITAM FIDEI ET CHARITATIS, etiam similis res est; comparat enim illam sibi, dum adit Dominum, qui est ipsa Vita, & aditus ad Ipsum non alicui homini est præstructus, invitat enim continuo omnem hominem, ut veniat ad Se; dicit enim, qui venit ad Me non esuriet, & qui credit in Me, non sitiet unquam; & venientem ad Me, non ejiciam foras, Joh. VI: 35. 37. Jesus stetit & clamavit, si quis sitiverit, venito ad Me & bibito, Joh. VII: 37. & alibi, Simile est Regnum Celorum, qui fecit nuptias Filio suo. & misit servos suos ut vocarent invitatos, & tandem dixit, ite ad exitus aquarum, & quoscunque inveneritis, vocate ad nuptias, Matth. XVII: 1 ad 9; Quis non scit, quod Invitatio seu vocatio sit universalis, & quoque gratia receptionis. Quod homo, per quod adeat Dominum, Vitam sortiatur, est quia Dominus est ipsa Vita, non solum Vita fidei, sed etiam Vita charitatis; quod Dominus sit illa, & homini a Domino, constat ex his locis, In principio erat Verbum, in Ipso Vita erat, & VITA erat lux hominum, Joh. I: 1. 4. Quenadmodum Pater suscitat mortuos & vivificat, ita Filius, quem vult, vivificat, Joh. V: 21. Quenadmodum Pater habet Vitam in Se Ipso, ita dedit Filio VITAM HABERE IN SE IPSO, Joh. V: 26. Panis Dei est, qui descendit e Cælo, & VITAM dat Mondo, Joh. VI: 31. Verba, quæ Ego loquor vobis, spiritus & VITA SUNT, Joh. VI: 63. Jesus dixit, qui Me sequitur, habebit LUCEM VITÆ, Joh. VIII: 12. Ego veni, ut VITAM HABEANT, & abundantiam habeant, Joh. X: 10. Qui credit in Me, et si mariatur, VIVET, Joh. XI: 25. Ego sum via, veritas, & VITA, Joh. XIV: 6. QUA EGO VIVO, ETIAM VOS VIVETIS, Joh. XIV: 9. Hæc scripta sunt, ut VITAM habeatis in nomine Ipsius, Joh. XX: 31. Quod sit VITA ÆTERNA, i Joh. V: 21. Per Vitam in Fide & Charitate, intelligitur Vita spirituialis, quæ a Domino datur homini in Vita ejus naturali.

359. IV. QUOD TAMEN USQUE NIHIL FIDEI, ET NIHIL CHARITATIS, ET NIHIL VITÆ UTRIUSQUE, SIT AB HOMINE, SED A SOLO DOMINO: legitur enim, quod homo non possit sumere quicquam, nisi sit datum illi e Cælo, Joh. III: 27. Et Jesus dixit, qui manet in Me, & Ego in illo, hic fert fructum multum, quia sine Me non potestis facere quicquam, Joh. XV: 5; sed hoc ita intelligendum est, quod homo ex se non possit aliam Fidem sibi comparare, quam naturalem, quæ est persuasio quod ita sit quoniam vir auctoritatis ita dixit; nec aliam charitatem quam naturalem, quæ est

est operatio ad favorem propter aliquam remunerationem ; in quibus duabus est proprium hominis , & nondum vita a Domino , sed usque homo per utramque præparat se ut sit receptaculum Domini , & quemadmodum se præparat , ita intrat Dominus , & facit ut Fides ejus naturalis fiat Fides spiritualis , similiter Charitas , & sic utraque viva ; & hæc fiunt , dum homo adit Dominum , ut Deum Cæli & Terræ . Homo quia creatus est imago Dei , creatus est habitaculum Dei , quare dicit Dominus , *Qui habet præcepta mea , & facit illa , illo est qui amat Me , & Ego amabo illum , & ad illum veniam , & mansionem apud illum faciam* , Joh. XIV: 21. 23. Tum , *Ecce sto ad januam & pulso , si quis audiverit vocem , & aperuerit januam , ingrediar ad illum , & cœnabo cum illo , & ille Mecum* , Apoc. III: 20. Ex his sequitur hoc conclusum , quod sicut homo se naturaliter præparat ad recipiendum Dominum , ita Dominus intrat , & facit omnia apud illum intus spiritualia , & sic viva . Vice versa autem , quantum homo se non præparat , tantum removet Dominum a se , & facit omnia ipse ex se , & quod homo ipse ex se facit , hoc non habet aliquid vitæ in se . Sed hæc non posunt adhuc in aliqua luce sisti videnda , priusquam de CHARITATE & de LIBERO ARBITRIO actum est , & videbuntur postea in Capite de REFORMATIONE & REGENERATIONE .

360. In autecedentibus dictum est , quod Fides in principio apud hominem sit naturalis , & quod sicut homo accedit ad Dominum , fiat spiritualis , similiter Charitas ; sed nemo adhuc novit disserien quod est inter Fidem & Charitatem naturalem & spiritualem , quare hoc magnum Arcanum detegendum est . Sunt duo Mundi , Naturalis & Spiritualis , & in utroque Mundo est Sol , & ex utroque Sole procedit Calor & Lux , sed Calor & Lux e Sole Mundi spiritualis in se vitam habent , vita illis est a Domino qui in medio illius Solis est ; at Calor & Lux e Sole Mundi naturalis nihil vitæ in se habent , sed inserviunt duobus prioribus receptaculis , sicut solent causæ instrumentales suis principalibus , ad promotionem illorum aq̄ homines ; sciendum itaque est , quod Calor & Lux e Sole Mundi spiritualis sint ex quibus sunt omnia spiritualia , sunt etiam spirituales , quia spiritus & vita illis insunt , at Calor & Lux e Sole Mundi naturalis sunt ex quibus omnia naturalia sunt , quæ in se spectata sunt absque spiritu & vita . Nunc quia Fides est lucis , & Charitas est caloris , patet , quod quantum homo est in Luce & Calore procedentibus e Sole Mundi spiritualis , tantum sit in Fide & Charitate spirituali , at quod quantum est in Luce & calore procedentibus e Sole Mundi naturalis , tantum sit in Fide & Charitate naturali . Ex his constat , quod sicut Lux Spiritualis est intus in Luce naturali ut in suo receptaculo aut in sua theca , & similiter Calor spiritualis intus in Calore naturali , ita quoque Fides spiritualis intus in Fide naturali sit , & similiter Charitas spiritualis intus in Charitate naturali ; & hoc fit eo gradu , quo homo progreditur e Mundo naturali in Mundum spiritualem , & progreditur sicut credit in Dominum , qui est ipsa Lux , Via , Veritas , & Vita , ut Ipse docet . Quoniam ita est , patet , quod quando homo est in Fide spirituali , tunc etiam sit in Fide naturali , est enim , ut dictum est , Fides spiritualis intus in Fide naturali , & quia Fides est lucis , sequitur , quod per illam insertionem , Naturale hominis fiat sicut diaphanum , & quod qualiter conjungitur cum charitate , fiat pulchre coloratum ; causa est , quia Charitas rubet , & Fides candet , Charitas rubet ex flamma ignis spiritualis , & Fides candet ex spendori lucis inde . Contrarium evenit , si Spirituale non intus est in Naturali , sed Naturale intus in Spirituali , hoc fit apud homines , qui rejiciunt fidem & charitatem ; apud hos Internum mentis eorum , in quo sunt quando sibi relieti cogitant , est infernale , & quoque ex Inferno cogitant , tametsi id nesciunt ; at Externum mentis illorum , ex quo loquuntur cum consociis in Mundo , est sicut spirituale , sed hoc refertum est talibus immundis , qualia sunt in Inferno ; quare hi sunt in Inferno ; sunt enim in statu inverso respective ad priores illos .

361. Dum itaque scitur, quod spirituale sit intus in naturali apud illos qui infide sunt in Dominum, & simul in Charitate erga proximum, & quod inde Naturale apud illos sit diaphanum, sequitur, quod homo tantum in spiritualibus sapiat, & quoque inde tantum in naturalibus, videt enim intus in se dum cogitat aut aliquid legit & audit, num veritas sit vel non; percipit hoc ex Domino, a quo lux & calor spiritualis in intellectus ejus sphæram superiorem influit. Quantum apud hominem Fides & Charitas fiunt spirituales, tantum ille abstrahitur a proprio, & non spectat se, mercedem & remunerationem, sed solummodo jucundum percipiendi Vera fidei, & faciendi bona amoris; & quantum spiritualitas illa augetur, tantum illud jucundum fit beatum; ex hoc est salus ejus, quæ vocatur vita æterna. Hic status hominis comparari potest cum pulcherrimis & amoenissimis in Mundo, & quoque cum illis in Verbo comparatur, sicut cum fructiferis Arboribus, cumque Hortis in quibus illæ; cum Campis floriferis; cum Lapidibus pretiosis; cumque Cupidiis; & quoque cum Nuptiis, & tunc Festivitatibus & Lætificationibus. Quando autem inversum est, scilicet dum Naturale est intus in Spirituali, & inde homo in Internis suis est Diabolus, & in Externis sicut Angelus, tunc comparari potest cum Mortuo in loculo ex pretioso ligno & aurato: comparari etiam potest cum Sceleto ornato vestibus sicut homo, & vecto in Curru magnifico; & quoque cum Cadavere in sepulchro ædificato sicut Templum Dianæ: imo Internum ejus simile potest sibi globo serpentum in caverna, at Externum ejus papilionibus, quorum alæ sunt tinctæ coloribus omnis generis, qui tamen spurca ova agglutinant foliis arborum usus, ex quibus fructus illarum consumuntur. Imo Internum illorum comparari potest cum Accipitre, & Externum eorum cum Columba, & ejus Fides & Charitas cum Accipitris volatu supra columbam fugientem, quam demum delassat, & tunc involat & devorat.

VI.

Quod Dominus, Charitas & Fides, unum faciant, sicut Vita, Voluntas, & Intellectus in homine; & quod si dividuntur, unumquodvis pereat, sicut unio dilapsa in pollinem.

362. Primum memorabuntur aliqua, quæ in Orbe Eruditæ & inde in Ordine Ecclesiastico haec tenus ignota fuerunt, & tam ignota, sicut quæ infossa terræ sunt, cum tamen sunt Thesauri sapientiæ, qui nisi effodiuntur, & donantur Publico, frustra homo satagit venire in aliquam justam cognitionem de Deo, de Fide, de Charitate, deque suæ vitæ Statu, quomodo illum moderatus sit & præparatus ad statum vitæ æternæ. Ignota illa sunt hæc; Quod homo sit merum Organum vitæ: Quod vita cum omnibus ejus influat a Deo Cæli, qui est Dominus: Quod duas Facultates vitæ sint in homine, quæ vocantur Voluntas & Intellectus; & quod Voluntas sit receptaculum amoris, ac Intellectus receptaculum sapientiæ; & sic etiam quod Voluntas sit receptaculum Charitatis, ac Intellectus receptaculum Fidei: Quod omnia quæ homo vult, & omnia quæ intelligit, ab extra influant; bona quæ amoris & charitatis sunt, ac vera quæ sapientiæ & fidei sunt, a Domino; at omnia quæ contra illa sunt, ab Inferno: Quod provisum sit a Domino, ut homo illa quæ ab extra influant, sentiat in se sicut sua, & inde producat illa a se sicut sua, tametsi ex illis nihil ejus sunt: Quod tamen illa imputentur ei ut ejus, propter Liberum arbitrium, in quo est Velle & Cogitare ejus, & propter datas cognitiones boni & veri, ex quibus libere potest eligere quicquid ejus Vitæ temporali.

& Vitæ æternæ conductit. Homo qui hæc allata obliquo oculo seu hirquis intuetur; potest ex illis concludere plura quæ infaniæ sunt, at homo qui illa recto oculo seu pupilla intuetur, potest ex illis concludere plura quæ sapientiæ sunt; ut hoc fiat, & non illud, necessum fuit præmittere judicia & dogmata de Deo & de Divina Trinitate, & post illa stabilire judicia & dogmata de Fide & Charitate, de Libero Arbitrio, deque Reformatione & Regeneratione, ut & de Imputatione; & quoque de Pænitentia, de Baptismo, deque Sancta Cæna, ut medii.

363. Ut autem hic Articulus fidei, qui est, quod Dominus, Charitas & Fides, unum faciant, sicut Vita, Voluntas & Intellectus in homine, & quod si dividuntur unumquodvis pereat, sicut unio dilapsa in pollinem, ut veritas videatur & agnoscatur, intereat ut in hoc ordine expendatur, I. Quod Dominus cum omni Divino suo amore, cum omni Divina sua Sapientia, ita cum omni Divina sua Vita influat apud omnem hominem. II. Proinde cum omni Essentia Fidei & Charitatis, III. Sed quod illa recipiantur ab homine secundum ejus formam. IV. Quod autem homo qui dividit Dominum, Charitatem & Fidem, non sit Firma recipiens, sed Forma destruens illa.

364. I. QUOD DOMINUS CUM OMNI DIVINO SUO AMORE, CUM OMNI DIVINA SUA SAPIENTIA, ITA CUM OMNI DIVINA SUA VITA, INFLUAT APUD OMNEM HOMINEM. In Libro Creationis legitur, quod homo creatus sit Imago Dei, & quod Deus inspiraverit in nates ejus animam vitam, Gen. Cap. I: 27. Cap. II: 7, per quæ describitur, quod homo sit Organum vitæ, & non vita; Deus enim non potuit creare alium sibi similem, si hoc potuisset, forent totidem dii, quot homines; neque potuit creare vitam, sicut nec creari potest lux, sed potuit creare hominem formam vitæ, sicut creavit oculum formam lucis; nec potuit nequè potest Deus dividere suam essentiam, hæc enim est una & individua. Cum itaque Deus Solis est vita, sequitur indubie, quod Deus ex sua Vita vivificet omnem hominem; & quod homo absque illa vivificatione foret quoad Carnem mera spongia, & quoad ossa merum iccleton, cui non plus vita iæset quam horologio, quod mobile est ex pendulo & simul pondere aut elatere. Cum res talis est, sequitur etiam, quod Deus influat apud quemcumque hominem cum omni Divina sua Vita, hoc est, cum omni suo Divino Amore & Divina sua Sapientia, hæc duo faciunt Divinam Ipsius Vitam, videatur supra p: 39. 40; Divinum enim non potest dividi. Quomodo autem Deus cum omni sua Divina Vita influat, percipi potest quodammodo simili idea, qua percipitur quod Sol Mundi cum omni sua essentia, quæ sunt calor & lux, influat in omnem arborem, inque omnem fruticem & florem, inque omnem lapidem tam vitem quam nobilem, & quod unumquodvis objectum ex communi hoc influxu hauriat suum pensum, & quod Sol non partiatur lucem suam & calorem suum, & dispenset partem ad hoc & partem ad illud. Simile est cum Sole Cæli, ex quo Divinus amor ut calor procedit, & Divina Sapientia ut lux, hæc duo in Mentes humanas influunt, sicut calor & lux Solis Mundi in corpora, & vivificat illas secundum qualitatem formæ, quarum unaquævis ex communi influxu desumit suum necessum. His applicabile est hoc, quod Dominus dicit; *Pater vester Solem suum exoriri facit super malos & bonos; & pluviam mittit super justos & injustos;* Matth. V: 45. Est quoque Dominus omnipræfens, & ubi præfens est, ibi cum tota sua Essentia est, & Ipsi impossibile est aliiquid ex illa detrahere, & inde dare uni partem & alteri partem, sed dat illam totam, & homini copiam ut parum aut multum assumat; dicit etiam, quod apud illos, qui præcepta Ipsius faciunt, mansio nem habeat, tum quod fideles in Ipso sint, & Ipse in illis: verbo omnia sunt plena Deo, & quisque ex plenitudine illa accipit suam portionem. Simile est cum omni communi, sicut cum Atmosphærâ & Oceanis; Atmosphæra talis est in minimis, qualis in maximis, hæc non dispensat partem sui ad respirationem hominis, adque volatum avis, neque ad vela navis, & ad alas molæ, sed unumquodvis

accipit inde suum demensum, & sibi applicat quantum satis est; simile etiam est sicut cum horreo pleno frumento, ex hoc accipit possessor quotidie suum penum, & horreum non destribuit.

365. II. PROINDE QUOD DOMINUS CUM OMNI ESSENTIA FIDEI ET CHARITATIS APUD OMNEM HOMINEM INFLUAT: hoc sequitur ex Theoremate priori, quoniam Vita Divina Sapientæ est Essentia fidei, & Vita Divini Amoris est Essentia charitatis, quare cum Dominus præsens est cum illis quæ proprie Ipsius sunt, quæ sunt Divina Sapientia & Divinus Amor, etiam præsens est cum omnibus veris quæ Fidei sunt, & cum omnibus bonis quæ Charitatis; per Fidem enim intelligitur omne Verum quod homo a Domino percipit, cogitat, & loquitur, & per Charitatem intelligitur omne bonum, quo a Domino afficitur, & quod inde vult & facit. Supradictum est, quod Divinus Amor, qui procedit a Domino ut Sole, percipiatur ab Angelis ut Calor, & quod Divina Sapientia inde ut Lux; at qui non ultra apparentiam cogitat, potest opinari, quod Calor ille sit nudus Calor, & quod Lux illa sit nuda Lux, quales sunt Calor & Lux procedentes a Sole nostri Mundi; sed Calor & Lux procedentes a Domino ut Sole, in sinu suo continent omnes Infinitates, quæ in Domino sunt, Calor omnes Infinitates amoris Ipsius, & Lux omnes Infinitates sapientiæ Ipsius, ita quoque in Infinitate omne bonum quod Charitatis est, & omne Verum quod fidei est; causa est, quia ipse ille Sol præsens est ubivis in suo calore & in sua luce, & Sol ille est Circulus proximus ambiens Dominum, emanans ex Divino Ipsius Amore & simul ex Divina Ipsius sapientia, nam ut supra aliquoties dictum est, Dominus est in medio illius Solis. Ex his nunc patet, quod nihil deesse possit, quin homo ex Domino, quia omnipræsens est, posset desumere omne bonum quod charitatis est, & omne Verum quod fidei est. Quod non aliquid ex illis desit, constat ex amore & sapientia Angelorum cœli, quæ illis a Domino sunt, quod sint ineffabiles, & naturali homini incomprehensibiles, & quoque multiplicabiles in æternum. Quod Infinita insint Calori & Luci, quæ procedunt a Domino, tametsi appercipiuntur ut simpliciter calor & lux, illustrari potest per varia in Mundo naturali, ut per hæc; Sonus vocis & loquela hominis auditur modo sicut simplex sonus, & tamen Angeli dum audiunt illum, percipiunt in illo omnes amoris ejus affectiones, & quoque manifestant quæ & quales sunt; quod illa intus in sono lateant, homo etiam aliquatenus ex sono loquentis secum potest percipere, sicut nūm inibi sit contemtus, aut subsannatio, aut odium, tum etiani nūm inibi sit Charitas, benevolentia, aut lætitia, vel aliae affectiones; similia latent in radiis oculi, dum aspectat aliquem. Illustrari etiam potest per fragrantias ex amplifico Horto, & per fragrantias ex campus extensis floriferis, fragnans Odor ex illis exspiratus consistit ex millibus & myriadibus variis, & usque sentiuntur ut unum: simile est cum multis aliis, quæ tametsi extrinsecus apparent uniformia, usque intrinsecus sunt multiplicia, sympathiaæ & antipathiaæ non aliud sunt, quam exhalationes affectionum ex mentibus, quæ afficiunt alterum secundum similitudines, ac aversationi sunt secundum dissimilitudines; hæc tametsi innumera sunt, & non sentiuntur aliquo sensu corporis, usque percipiuntur sensu animæ ut unum, & secundum illas fiunt omnes conjunctiones & consociationes in Mundo spirituali. Hæc allata sunt, ut illustrentur illa, quæ supra dicta sunt de Spirituali Luce quæ procedit a Domino, quod illi omnia sapientiæ; & inde omnia fidei insint, & quod illa Lux sit, ex qua Intellectus videt & percipit analytice rationalia, sicut oculus videt & percipit symmetrice naturalia.

366. III. QUODILLA QUÆ INFLUUNT A DOMINO, RECIPIANTUR AB HOMINE SECUNDUM EJUS FORMAM, per formam hic intelligitur status hominis quoad ejus amorem & simul sapientiam, proinde etiam quoad affectiones bonorum charitatis & simul perceptiones veritatum fidei ejus. Quod Deus sit unus, individuus, & idem ab æterno in æternum, non idem simplex sed infinitum, & quod omne varium sit

in subjecto in quo est, supra ostensum est; quod Forma seu status recipiens inducat variationes, constare potest ex Vita infantum, puerorum, adolescentium, adultorum & senum, eadem Vita, quia eadem anima, unicuique ab infancia ad senectam inest, sed sicut status ejus secundum aetates & accommodaciones variatur, ita quoque percipitur vita. Vita Dei in omni plenitudine non modo est apud homines bonos & pios, sed etiam apud homines malos & impios, similiter apud Angelos Caeli, & apud Spiritus Inferni; discrimen est, quod mali praestruant viam & occludant januam ne intret Deus in inferiora mentis eorum, boni autem explanant viam & aperiant januam, & quoque invitent Deum, ut intret in inferiora mentis eorum sicut in supremis ejus habitat, & sic formant statum voluntatis ad influxum amoris & charitatis, & statum intellectus ad influxum sapientiae & fidei, proinde ad receptionem Dei; mali autem praestruunt illum influxum per varias concupiscentias carnis, & inquinamenta spiritualia, quae substernunt, ac arcent transitum; sed usque Deus in supremis illorum cum omni Divina sua essentia residet, & dat illis facultatem volendi bonum, & intelligendi verum, quae facultas cuivis homini est, quae nequaquam illi esset, nisi vita a Deo anima ejus inesset; quod haec facultas etiam malis sit, a pluri experientia scire datum est. Quod quisque recipiat vitam a Deo secundum suam formam, illustrari potest per comparationes cum vegetabilibus omnis generis; unaquaevis arbor, unumquodvis arbustum, unumquodvis virgultum, & unumquodvis gramen, recipit influxum caloris & lucis secundum suam formam, ita non modo illa quae boni usus sunt, sed etiam illa quae mali usus sunt; & Sol cum suo calore non mutat formas illorum, sed formae in se mutant ejus effectus; Simile est cum subiectis Regni mineralis, unumquodvis illorum, tam excellens quam vilipensum, recipit influxum secundum formam contextus partium in se, ita diversimode unus lapis & alter, una minera & altera, ac unum metallum & alterum, quædam ex illis se pulcherrimis coloribus variegant, quædam transmittunt lucem absque variegatione, & quædam illam in se confundunt & suffocant. Ex his paucis constare potest, quod sicut Sol Mundi cum suo calore & cum sua luce æque præsens est in uno objecto sicut in altero, sed quod formæ recipientes varient ejus operationes, similiter Dominus ex Sole Caeli, in cuius medio est, cum suo calore, qui in essentia sua est amor, & cum sua luce, quæ in essentia sua est sapientia, sed quod forma hominis, quæ inducta est per status vita ejus, variet operationes; consequenter quod Dominus non in causa sit, quod non homo renascatur & salvetur, sed quod ipse homo.

367. IV. QUOD AUTEM HOMO, QUI DIVIDIT DOMINUM, CHARITATEM, ET FIDEM, NON SIT FORMA RECIPIENS, SED FORMA DESTRUENS. Qui enim separat Dominum a Charitate & Fide, is separat ab his vita, qua separata Charitas & Fides vel non sunt, vel sunt abortus; quod Dominus sit ipsa vita, videatur supra, n: 358. Qui agnoscit Dominum, & separat charitatem, is non agnoscit Ipsum nisi labili; agnitione & confessio ejus est modo frigida, in qua non est fides, caret enim essentia spirituali, nam charitas est essentia fidei. Qui autem facit Charitatem, & non agnoscit Dominum quod sit Deus Caeli & Terræ, unum cum Patre, sicut Ipse docet, non aliam charitatem facit, quam mere naturalem, in qua non est vita æterna; homo Ecclesiæ scit, quod omne bonum quod in se bonum est, sit a Deo, consequenter a Domino, qui est verus Deus & vita æterna, Joh: V: 21, similiter Charitas, quia bonum & Charitas unum sunt. Quod Fides separata a Charitate non sit fides, est quia Fides est Lux vita hominis, & Charitas est Calor vita ejus, quare si Charitas separatur a fide, est sicut dum Calor separatur a Luce, inde fit status hominis qualis est status Mundi tempore brumæ, quo omnia super Tellure emoriuntur: Charitas & Fides, ut Charitas sit charitas & Fides sit fides, non plus separari possunt, quam Voluntas & Intellectus, quæ si separantur, sit Intellectus nihil, & mox etiam Voluntas; quod simile sit cum Charitate & Fide, est quia Cha-

Charitas residet in Voluntate, & Fides in Intellectu. Charitatem a Fide separare, est sicut separare essentiam a forma; in Erudito Orbe notum est, quod Essentia absque forma & Forma absque essentia non sit aliquid, non enim est Essentia aliquod quale nisi a Forma, nec est Forma aliquod ens subsistens nisi ab Essentia, proinde non est aliqua prædicatio de utrisque a se invicem separatis; est quoque Charitas essentia fidei; & fides forma Charitatis, prorsus, sicut supra dictum est, quod Bonum sit essentia veri, ac Verum forma boni. Sunt hæc duo, videlicet Bonum & Verum, in omnibus & singulis, quæ essentialiter existunt, quare charitas quia est boni, & fides quia est veri, possunt illustrari per comparationes cum pluribus in Corpore humano, & cum pluribus super Tellure: Coincidit comparatio cum Respiratione pulmonis & cum motu systolico cordis, non enim plus separari potest charitas a fide, quam potest cor a pulmone, cessante enim pulsu cordis actum cessat respiratio pulmonis; ac cessante respiratione pulmonis, fit de liquum omnium sensuum, & quoque privatio motus omnium musculorum, & brevi post cessat etiam cor, & dissipatur omne vita; coincidit hæc comparatio, quoniam Cor correspondet Voluntati & inde quoque Charitati, ac respiratio Pulmonis Intellectui & inde quoque Fidei, nam, ut supra dictum est, Charitas residet in Voluntate, & Fides in Intellectu; nec aliud in Verbo intelligitur per Cor & Spiritum. Separatio Charitatis & Fidei etiam coincidit cum separatione sanguinis & carnis, sanguis enim separatus a carne est crux & fit sanies, & caro separata a sanguine successive putriscit, & ei innascuntur vermiculi; sanguis etiam in spirituali sensu significat Verum sapientiae & fidei, & Caro bonum amoris & charitatis, quod sanguis illud significet, ostensum est in APOCALYPSI REVELATA, n: 379: & quod Caro illud, n: 832. Charitas & Fides, ut una & altera sit aliquid, non plus separari possunt, quam apud hominem Cibus & Aqua, aut quam Panis & Vinum, Cibus enim & Panis absque aqua & vino assumti modo distendunt ventrem, ac sicut indigestæ moles perdunt illum, & fiunt sicut putre Cænum; Aqua & Vinum absque cibo & pane etiam distendunt ventrem, & quoque vasa & poros, quæ sic cassa nutritione emaciant corpus usque ad mortem, hæc comparatio etiam quadrat, quoniam cibus & panis in spirituali sensu significant bonum amoris & charitatis, & aqua & vinum verum sapientiae & fidei, videatur APOCALYPSIS REVELATA, n: 50. 316. 778. 932. Charitas conjuncta fidei & Fides vicissim charitati, assimilari potest facie Virginis formosæ ex rubore & candore pulchritudinibus inter se commixtis, quæ similitudo etiam coincidit, quoniam Amor & inde Charitas in Mundo spirituali ex igne Solis ibi rubet, ac Veritas & inde Fides ex luce istius Solis candet; quare Charitas separata a fide assimilari potest facie inflammatæ cum pustulis, & Fides separata a charitate assimilari potest facie pallidæ mortui. Fides separata a charitate etiam assimilari potest Paralyssi unius lateris, quæ vocatur Hæmiplexia, ex qua, dum invalescit, homo moritur; & quoque assimilari potest Saltui S: Vitis seu Guy, qui homini accidit ex iactu tarantulæ; huic simile fit rationale, hoc sicut ille saltat cum furore, & credit se tunc vivum, & tamen non plus potest rationes in unum colligere, & de veris spiritualibus cogitare, quam sicut cubans in lecto oppressus incubo. Hæc sufficiunt ad demonstrationem duorum Thematum hujus Capitis, Prioris, Quod Fides absque charitate non sit Fides, & quod Charitas absque fide non sit Charitas, & quod utraque nisi a Dominâ non vivat: & Posterioris, Quod Dominus, Charitas, & Fides, unum faciant, sicut Vita, Voluntas & Intellectus in homine; & quod si dividuntur, unumquodvis pereat, sicut unio dilapsa in pollinem.

VII.

**Quod Dominus sit charitas & Fides in homine, & quod Homo
sit Charitas & Fides in Domino.**

368. Quod homo Ecclesia sit in Domino, & Dominus in illo, constat ex his in Verbo, *Iesus dixit, MANET IN ME, ET EGO IN VOBIS: Ego sum Vitis & vos palmites, QUI MANET IN ME, ET EGO IN ILLO, hic fert fructum multum, Joh: XV: 4, 5. Qui manducat meam Carnem & bibit meum Sanguinem, IN ME MANET ET EGO IN ILLO, Joh: VI: 56. In die illo cognoscetis, quod Ego in Patre meo, & vos in ME, ET EGO IN ILLO, Joh: XIV: 20. Quisquis confessus fuerit, quod Jesus sit Filius Dei, Deus in illo manet, & ille in Deo, i Joh: IV: 15.* Sed non potest ipse homo in Domino esse, sed Charitas & Fides, quae a Domino apud hominem sunt, ex quibus duabus homo essentialiter est homo. Verum enim vero ut hoc Arcanum in aliqua luce coram intellectu appateat, rimanduim est in hac serie. I: Quod conjunctio cum Deo sit, per quam homini salus & vita aeterna. II: Quod non dabilis sit conjunctio cum Deo Patre, sed cum Domino, & per Ipsum cum Deo Patre. III: Quod Conjunctio cum Domino sit reciproca, quae est quod Dominus sit in homine, & homo in Domino. IV: Quod reciproca haec conjunctio fiat per charitatem & fidem. Quod haec ita sint, patebit a sequente explicatione.

369. I: **Quod i CONJUNSTIO ACUM DEO sit, PER QUAM HOMINI SALUS ET VITA AETERNA.** Homo creatus est, ut possit conjungi Deo, est enim creatus Indigena Cæli, & quoque Indigena Mundi, & quatenus est indigena Cæli, est illæ spiritualijs, at quatenus est indigena Mundi, est illæ naturalijs, & Spiritualijs homo potest cogitare de Deo, & percipere talia quæ Dei sunt, & quoque potest amare Deum, & affici illis quæ a Deo sunt; ex quibus sequitur, quod possit conjungi i Deo. Quod homo possit cogitare de Deo, & percipere talia quæ Dei sunt, extra omnem dubitationis aleam est, potest enim cogitare de Unitate Dei, de Esse Dei quod est Jehovah, de Immensitate & Aeternitate Dei, de Divino Amore & Divina Sapientia, quæ faciunt Essentiam Dei, de Omnipotentia, Omniscientia, & Omnipräsentia Dei; de Domino Salvatore Filio Ipsius, deque Redemptione & Mediacione; tum etiam de Spiritu sancto, & denique de Divina Trinitate; quæ omnia sunt Dei, imo sunt Deus; & insuper de Operationibus Dei, quæ principaliter sunt Fides & Charitas, præter plura quæ ab illis duabus procedunt. Quod homo non modo possit cogitare de Deo, sed etiam amare Deum, constat ex duabus Ipsius Dei Mandatis, quæ ita sonant, *Amabis Dominum Deum tuum ex toto corde tuo, & in tota anima tua; hoc est Primum & Magnum Mandatum: secundum simile est illi, amabis proximum tuum sicut te ipsum, Matth: XXII: 35, 36, 37, Deut: VI: 5.* Quod homo possit facere præcepta Dei, & quod hoc sit amare Deum, & amari a Deo, constat ex his, *Iesus dixit, qui habet præcepta mea, & facit illa, ille est qui amat Me, que vero amat Me, amabitur a Patre meo, & Ego amabo illum, & manifestabo illi Me ipsum, Joh: XIV: 21.* Praeterea, quid Fides aliud, quam conjunctio cum Deo per vera, quæ intellectus & inde cogitationis sunt; & quid Amor nisi conjunctio cum Deo per bona quæ voluntatis & inde affectionis sunt. Conjunctio Dei cum homine est Conjunctio spiritualis in naturali; & Conjunctio hominis cum Deo, est conjunctio naturalis a spirituali. Propter hanc Conjunctionem ut finem, Homo creatus est Indigena Cæli, & simul Mundii,

di, ut Indigena Cæli est ille spiritualis, acut Indigena Mundi est ille naturalis: si itaque Homo sit Spiritualis rationalis & simul Spiritualis moralis, est ille conjunctus Deo, & per conjunctionem est illi salus & vita æterna; ast vero si homo est modo naturalis rationalis & quoque naturalis moralis, est quidem conjunctio Dei cum illo, sed non conjunctio illius cum Deo, inde illi est mors spiritualis, quæ in se spectata est vita naturalis absque spirituali; est enim spirituale, in quo vita Dei est, apud illum extinctum.

370: II: QUOD NON DABILIS SIT CONJUNCTIO CUM DEO PATRE, SED CUM DOMINO ET PER IPSUM CUM DEO PATRE; hoc Scriptura docet, & Ratio videt: Scriptura docet, quod Deus Pater nusquam visus & auditus sit, & quod nec videri & audiri possit, proinde non aliquid ex Se, qualis est in suo Esse & in sua Essentia, apud hominem operari; dicit enim Dominus, *Déum nemo vedit quis, nisi qui est apud Patrem, Ille vedit Patrem*, Joh: VI: 46. *Non Patrem quisquam cognoscit, nisi Filius;* & cui voluerit *Filius revelare*; Matth: XI: 27. *Non vocem Patris audiuitis unquam, neque speciem Ipsiſus vidiſtis;* Joh: V: 37; causa est, quia Ipſe in omnium Primis & Principiis est, ita eminentissime super omnem sphaeram mentis humanæ; est enim in Primis & Principis omnium Sapientiae & omnium Amoris, cum quibus homini nulla conjunctio dabilis est; quare si Ipſe accederet ad hominem, aut homo ad Ipſum, homo consumeretur & colliqueceret, sicut lignum in foco magni speculi cauſtici, aut potius sicut simulachrum conjectum in ipsum Solem; quare dictum est Mosi, qui cupivit videre Deum, *Quod homines non posse videre Ipsum & vivere,* Exod: XXXIII: 20. Quod autem Deus Pater conjugatur per Dominum, constat ex mox allatis, *Quod non Pater, sed Unigenitus Filius, qui in ſinu Patris est & vedit Patrem, illa quæ Dei & a Deo sunt, exponuerit & revelaverit; & insuper ex his, In die illo cognoscetis, quod Ego in Patre meo, & vos in Me & Ego in vobis,* Joh: XIV: 20. *Ego gloriam, quam dedisti Mihi, dedi illis;* ut sint unum, sicut nos unum sumus, *Ego in illis, & Tu in Me,* Joh: XVII: 22, 23, 26. *Iesu dixit, Ego sum Via, Veritas, & Vita;* *nemo venit ad Patrem, niſi per Me;* & tunc Philippus voluit videre Patrem, cui Dominus respondit, *Qui Me vident, etiam Patrem vident, & qui me cognoscit etiam Patrem cognoscit,* Joh: XIV: 6, 7. seq: & alibi, *Qui vident Me, vident Ipsiſum qui misit Me,* Joh: XII: 45. Ac insuper dicit, *Quod sit Fānua, & quod qui per Ipsiſum ingreditur, salvetur, & quod qui ascendit aliunde, fit fur & latro;* Joh: X: 1, 9. Et quoque dicit, *quod qui non maneat in Me, ejicietur foras, & sicut palmes arefactus in ignem concicietur,* Joh: XV: 6. Causa est, quia Dominus noster Salvator, est Ipse Jehovah Pater in Forma humana; Jehovah enim descendit, & Homo factus est, ut accedere posset ad hominem, & homo ad Ipſum, & sic fieret conjunctio, & per conjunctionem homini salus & vita æterna; quando enim Deus factus est Homo, & sic quoque factus Homo Deus, tunc accommodatus ad hominem potuit accedere, & ei conjungi ut Deus Homo & Homo Deus. Sunt tria quæ sequuntur ordine, ACCOMMODATIO, APPLICATIO, & CONJUNCTIO. Accommodatio erit, antequam datur Applicatio, atque Accommodatio & simul Applicatio, antequam datur Conjunctio; Accommodatio a parte Dei fuit, quod factus sit Homo, Applicatio a parte Dei est perpetua, quantum homo se applicat vicissim; & sicut hoc sit, etiam sit Conjunctio. Haec tria sequuntur & procedunt in suo ordine, in omnibus & singulis, quæ unum fiunt & coexistunt.

371: III: QUOD CONJUNCTIO CUM DOMINO SIT RECIPROCA, quæ est quod DOMINUS SIT IN HOMINE ET HOMO IN DOMINO. Quod Conjunctio sit reciproca, Scriptura docet, & quoque Ratio videt: Dominus de sua Conjunctione cum suo Patre, docet quod sit reciproca, nam dicit ad Philippum, *Nomine credis, quod Ego in Patre & Pater in Mé sit, credite Mihi, quod Ego in Patre, & Pater in Mé sit;* Joh: XIV: 10, 11. Ut cognoscatis & creditis, quod Pater in Mé sit & Ego

in Patre, Joh: X: 38. *Iesus dixit, Pater venit hora, glorifica Filium tuum, ut etiam Filius tuus glorificet Te, Joh: XVI: 1. Pater omnia Mea Tua sunt, & omnia Tua Mea, Joh: XVII: 10.* Simile dicit Dominus de Conjunctione sua cum homine, videlicet quod sit reciproca; dicit enim, *Manete in Me & Ego in vobis; qui MANET IN ME ET EGO IN ILLO, is fert fructum multum, Joh: XV: 4, 5. Qui manducat meam Carnem & bibit meum Sanguinem, IN ME MANET ET EGO IN ILLO, Joh: VI: 56. In die illo cognoscetis, quod Ego in Paire meo, ET VOS IN ME ET EGO IN vobis, Joh: XIV: 20. Qui mandata Christi facit, in IPso MANET ET IPSE IN ILLO, I Joh: III: 24. Cap: IV: 13. Quisquis confessus fuerit, quod Christus sit Filius Dei, Deus in ILLO MANET ET ILLE IN DEO, I Joh: IV: 15. Qui audit vocem meam, & aperit januam, ad illum ingrediatur, & CÆNABO CUM ILLO, ET ILLE MECUM, Apoc: III: 20.* Ex perspicuis his effatis evidens est, quod Conjunction Domini & hominis sit reciproca, & quia est reciproca, sequitur omnino, quod homo se conjungere debeat cum Domino, ut Dominus se conjugat cum illo; & quod alioquin non fiat conjunction, sed recessio & inde separatio, verum haec non a parte Domini, sed a parte hominis. Ut reciproca haec conjunction sit, data est homini Libera Electio, ex qua potest ingredi viam ad Cælum, aut viam ad Infernum; ex hoc Libero dato homini profuit ejus reciprocum, quod possit se conjungere cum Domino, & quod possit se conjungere cum diabolo; sed Libertas illa, qualis est, & propter quam causam data est homini, in sequentibus, ubi de Libero Arbitrio, de Pænitentia, de Reformatione & Regeneratione, deque Imputatione, transfigendum est, illustrabitur. Dolendum est, quod Conjunction reciproca Domini & hominis, tametsi in Verbo tam clare exstat, usque in Ecclesia Christiana ignota sit; quod ignota sit, est propter Hypothetica de Fide & de Libero Arbitrio; i Hypothetica de Fide sunt, Quod Fides donetur præter quod homo ad illam capessendam quisquam conferat, neque ad illam recipiendam se accommodet & applicet plus quam truncus: Hypothetica de Libero Arbitrio sunt, quod homini ne quidem granum Liberi arbitrii in spiritualibus sit. Sed ne Conjunction reciproca Domini & hominis, ex qua salus generis humani pendet, diutius lateat ignota, ipsa necessitas injungit, ut detegatur, quod non melius fieri potest, quam per Exempla, quia haec illustrant. Sunt duæ Reciprocationes, per quas fit Conjunction, una est ALTERNA, & altera est MUTUA, ALTERNA reciprocatio, per quam conjunction fit, illustrari potest per animationes pulmonis, homo attrahit aerem, & per id dilatat Thoracem, & mox attractum aerem remittit, & per id comprimit Thoracem; attractio illa & inde dilatatio fit media incumbentia aeris secundum columnam suam, at remissio illa & inde compressio, fit mediis costis ex vi muscularum; talis reciproca conjunction est aeris & pulmonis, ex qua pendet vita sensuum & motuum totius corporis; nam cessante respiracione fit duorum illorum deliquium. Conjunction reciproca, quæ fit per alterna, illustrari etiam potest per conjunctionem cordis cum pulmone & pulmonis cum corde, cor e dextro suo thalamo infundit sanguinem in pulmonem, & pulmo refundit illum in sinistrum thalamum cordis, ita fit haec conjunction reciproca, ex qua vita totius corporis prorsus pendet. Similis Conjunction est sanguinis cum corde, & vicissim, sanguis totius corporis per venas influit in cor, & e corde per arterias effluit in totum corpus, actio & reactio faciunt hanc conjunctionem. Similis actio & reactio, per quam persistat conjunction, est inter embryonem & uterum matris. Sed talis conjunction reciproca non est Domini & hominis, sed est conjunction mutua, quæ non fit per actus & reactus; sed per cooperationes, Dominus enim agit, & homo recipit actionem a Domino, & operatur sicut a se, immo ex se a Domino; haec operatio hominis a Domino imputatur ei, ut ejus, quoniam a Domino in Libero arbitrio jugiter tenetur; Liberum arbitrium inde resultans est, quod possit velle & quod possit cogitare a Domino, hoc est, ex Verbo, & quoque quod possit velle & cogitare ex diabolo, hoc est, contra Dominum &

& Verbum, hoc Liberum dat Dominus homini, ut possit reciproce se conjugere, & per conjunctionem vita & beatitudine æterna donari, nam hæc absque reciproca conjunctione non dabilis est. Reciproca hæc Conjunctionio, quæ est mutua, etiam illustrari potest per varia in homine & in Mundo, talis conjunctionio est animæ & corporis apud unumquemvis hominem; talis conjunctionio est voluntatis & actionis, & talis est cogitationis & loquelæ; & talis est duorum oculorum inter se, & duarum aurium inter se, & duarum narium inter se; quod conjunctionio duorum oculorum inter se sit suo modo reciproca, patet a Nervo optico, in quo fibrae ex utroque Cerebro complicantur inter se, & sic complicatae tendunt ad utrumque oculum; simile est cum auribus & naribus. Similis conjunctionio reiproca mutua est Lucis & Oculi, Soni & Auris, Odoris & Naris, Gustus & Linguae, ac Tactus & Corporis, oculus enim est in luce & lux in oculo, sonus est in aure, & auris in sono, odor est in nare & naris est in odore, gustus est in lingua & lingua in gustu, ac tactus est in corpore & corpus in tactu. Conjunctionio hæc reciproca comparari etiam potest cum conjunctione Equi & Currus, Bovis & Aratri, Rotæ & Machinæ, Veli & Venti, Tibiae & Aeris; in summa, talis conjunctionio reciproca est Finis & Causæ, & talis est Causæ & Effectus; sed hæc & illa singulatim exponere, non vacat, quia est plurimum membranarum opus.

372. IV: QUOD HÆC RECIPROCA CONJUNCTIO DOMINI ET HOMINIS SIT PER CHARITATEM ET FIDEM. Hodie scitur, quod Ecclesia faciat Corpus Christi, & quod unusquisque, in quo Ecclesia est, sit in aliquo Membro istius Corporis, secundum Paulum, Ephes. I: 24. 1 Cor: XII: 27. Rom: XII: 4, 5. Sed quid Corpus Christi, nisi Divinum Bonum & Divinum Verum, hoc intelligitur per Domini verba apud Johannem, *Qui manducat meam Carnem & babit meum Sanguinem, in Me manet & Ego in illo*, Cap: VI: 56, per Carnem Domini ut & per Panem, intelligitur Divinum Bonum, & per Sanguinem Ipsiut & per Vinum, intelligitur Divinum Verum, quod hæc intelligantur, videbitur in Capite de SANCTA CÆNA; inde sequitur, quod quantum homo in Bonis charitatis & in Veris fidei est, tantum sit in Domino & Dominus in illo; conjunctionio enim cum Domino est Conjunctionio spiritualis, & conjunctionio spiritualis unice fit per Charitatem & Fidem. Quod Conjunctionio Domini & Ecclesiæ, & inde Boni & Veri, sit in omnibus & singulis Verbi, in Capite de SCRIPTURA SACRA n: 248 ad 253, ostensum est; & quia Charitas est Bonum, & Fides est Verum, est ubivis in Verbo Conjunctionio charitatis & fidei. Ex his nunc sequitur, QUOD DOMINUS SIT CHARITAS ET FIDES IN HOMINE, ET QUOD HOMO SIT CHARITAS ET FIDES IN DOMINO; est enim Dominus Charitas & Fides spiritualis in Charitate & Fide naturali hominis, & Homo est Charitas & fides naturalis a spirituali Domini, quæ conjunctione faciunt Charitatem & Fidem spiritualem naturalem.

VIII.

Quod Charitas & Fides simul sint in Operibus bonis.

373. In omni Opere quod procedit ab homine, est homo totus quantus qualis est quoad animum seu qualis essentialiter est; per animum intelligitur ejus amoris affectio & inde cogitatio, hæc formant ejus naturam, in genere ejus Vitam; si opera ita intuemur, sunt illa sicut specula hominis: hoc illustrari potest per simile apud bestias & feras, bestia est bestia, ac fera est fera, in omni saeclu, lupus est lupus in omni suo, tigris est tigris in omni suo, vulpis est vulpis

pis in omni suo, & leo est leo in omni suo, pariter ovis & hædus in omnibus suis; similiter homo, sed hic talis est, qualis est in Interno suo homine, si in hoc est sicut lupus aut sicut vulpis, est omne ejus opus interius lupinum & vulpinum, vicissim si est sicut ovis aut agnus; sed quod talis sit in omni suo opere, non patet in externo ejus homine, quia hic versatilis est circum Internum, sed usque intus in hoc latet; dicit Dominus, *Bonus homo ex bono thesauro cordis sui profert bonum, & pravus homo ex pravo thesauro cordis sui profert pravum;* Luc: VI: 45. *tum etiam, Omnis Arbor ex proprio fructu cognoscitur, non ex spinis colligunt fructus, neque ex rubo vindemiant uam,* Luc: VI: 44. Quod homo talis sit in omnibus & singulis quæ procedunt ab ipso, qualis est in Interno suo homine, hoc ad vivum se apud illum manifestat post mortem, quoniam ille tunc vivit Internus homo, & non amplius Externus. Quod bonum sit in homine, & quod omne opus quod procedit ex illo sit bonum, quando Dominus, Charitas & Fides in Interno ejus homine resident, in hac serie demonstrabitur I. Quod Charitas sit bene velle, & quod bona Opera sint ex bene velle bene facere. II: Quod Charitas & Fides sint modo res mentales & caducæ, nisi, dum fieri potest, determinentur in Opera, & in illis coexistent. III: Quod sola Charitas non producat bona opera, & minus adhuc sola Fides, sed quod Charitas & Fides simul. Sed de his singulatim.

374. I: QUOD CHARITAS SIT BENE VELLE, ET QUOD BONA OPERA SINT BENE FACERE EX BENE VELLE. Charitas & Opera inter se distincta sunt, sicut Voluntas & Actio, ac sicut Mentis affectio & Corporis operatio, proinde etiam sicut Internus homo & Externus, & hi inter se sunt sicut Causa & Effectus, quoniam omnium causæ formantur in Interno homine, & omnes effectus fiunt inde in Externo, quapropter Charitas, quia est Interni hominis est bene velle, & Opera, quia sunt Externi hominis, sunt benefacere ex bene velle. Sed usque infinita diversitas est inter unius bene velle & alterius, omne enim id creditur aut appetit profluere ex bene velle seu benevolentia, quod ab aliquo ad alterius favorem; sed usque non seitur, num benefacta sunt ex charitate, minus ex qua charitate, genuina vel spuria; infinita illa diversitas inter benevole unius & alterius, trahit originem a Fine, Intentione, & inde Proposito, haec intus in Voluntate beneagendi latent, qualitas cuiusvis voluntatis inde est; ac voluntas querit media & modos pervenienti ad fines suos, qui sunt effectus, in Intellectu, & inibi se mittit in lucem, ut non modo videat rationes, sed etiam ansas quando & quomodo se determinatura est in actus, & sic productura suos effectus, qui sunt opera, & simul in Intellectu se mittit in potentiam agendi; ex quibus sequitur, quod Opera sint essentialiter Voluntatis, formaliter Intellectus, & actualiter Corporis, ita Charitas descendit in bona Opera. Haec illustrari possunt per comparationem cum arbore; ipse Homo quoad omnia ejus est sicut Arbor, in hujus semine latet tanquam finis, intentio & propositum producendi fructus, in his Semen correspondet Voluntati apud hominem, in qua tria illa sunt, ut dictum est; deinde Semen ex interioribus suis pullulat e terra, & induit se ramis, frondibus & foliis, & sic parat sibi media ad fines, qui sunt fructus, in his correspondet Arbor Intellectui apud hominem; & denique dum tempus instat, & datur copia determinationis, efflorescit, & producit fructus, in his correspondet Arbor bonis Operibus apud hominem; quæ quod sint essentialiter feminis, formaliter frondium & foliorum, & actualiter ligni arboris, patet. Hoc etiam illustrari potest per comparationem cum Templo; Homo est Templum Dei secundum Paulum, I Cor: III: 16, 17. II Cor: VI: 16. Ephes: II: 21, 22; finis, intentio & propositum sunt homini, ut Templo Dei, falsus & vita æterna, in his correspondentia est cum voluntate, in qua tria illa sunt; postea haurit doctrinalia fidei & charitatis ex parentibus, magistris & præparatoribus, & cum sui judicii sit, ex Verbo & ex Libris dogmaticis, quæ omnia sunt media ad finem, in his correspondentia est cum Intellectu; denique

que fit determinatio in usus secundum doctrinalia ut media, quæ fit per actus corporis, qui vocantur bona opera, ita Finis per Causas medias producit Effectus, qui essentialiter sunt finis, formaliter doctrinalium Ecclesiæ, & actualiter usum: ita fit homo Templum Dei.

375. II: QUOD CHARITAS ET FIDES SINT MODO RES MENTALES ET CADUCÆ, NISI, DUM FIERI POTEST, DETERMINENTUR IN OPERA, ET IN ILLIS COEXISTANT. Estne homini Caput & Corpus, & conjunctio illorum per Cervicem, estne in Capite Mens quæ vult & cogitat, & in Corpore potentia, quæ facit & exsequitur; si itaque homo solum bene vellet, seu cogitaret ex Charitate, & non benefaceret, & age-ret usus inde, foretne homo sicut solum Caput & sic sicut sola Mens, quæ sola absque corpore non subsistere possunt, quis inde non videt, quod Charitas & Fides non sint charitas & fides, dum solum & capite & ejus mente sunt, & non in corpore; sunt enim tunc sicut aves volantes in aere absque aliqua sede super terra; & quoque sicut aves imprægnatae ovis absque nidis, ex quibus ova elaberentur in aerem, aut super ramasculum alieujus arboris, ac deciderent in terram, & caffarentur. Non datur aliquid in Mente, cui non correspondet aliquid in corpore, & hoc quod correspondet, vocari potest illius corporatura, quare Charitas & Fides dum solum in mente sunt, non sunt incorporatae homini, & tunc assimilari possunt homini aereo, qui dicitur Larva, qualis a veteribus picta est Fama cum lauro circum caput, & cornucopia in manu; qui quia tales Larvæ sunt, & usque possunt cogitare, non possunt non exagitari ex phantasii, quod etiam fit per ratiocinia ex variis sophisticis, vix aliter quam cannæ palustres ex Vento, sub quibus in fundo jacent conchæ, & in superficie crocitant ranæ; quis non videre potest quod talia fiant, dum modo sciunt aliqua ex Verbo de Charitate & Fide, & non faciunt illa; dicit etiam Dominus, OMNIS QUI AUDIT VERBA MEA, ET FACIT ILLA, comparabo viro prudenti, qui ædificavit domum suam super petra; at OMNIS AUDIENS VERBA MEA ET NON FACIENS ILLA, comparabitur viro stulto, qui ædificavit domum suam super arenam, aut super humum absque fundamento, Matth: VII: 24, 26. Luc. VI: 47, 48, 49. Charitas & Fides cum illarum ideis factitiis, dum homo non operatur illas, comparari etiam possunt cum papilionibus in aere, quos ad visos passer advolat & deglutit; dicit etiam Dominus, Exiit seminans ad seminandum, & alia ceciderunt super viam duram, & venerunt Aves & comederunt ea, Matth: XIII: 3, 4.

376. Quod Charitas & Fides nihil conducant homini, dum solum in ejus corporis hæmispherio, hoc est, in ejus Capite, hærent, & non firmata sunt in operibus, constat ex mille locis in Verbo, e quibus solum hæc afferam, Omnis Arbor, quæ non FACIT FRUCTUM BONUM, exscinditur & in ignem conjicitur, Matth: VII: 19, 20, 21. Ille qui in terram bonam seminatus est, hic est qui Verbum audit & attendit, & FRUCTUM FERT ET FACIT; cum hæc dixit Jesus, exclamabat, divens, qui habet au- res ad audiendum, audiat, Matth: XIII: ad 9, 23. Jesus dixit, Mater mea, & fra-tres mei hi sunt, qui audiunt Verbum Dei & FACIUNT ILLUD, Luc: VIII: 21. Scimus quod peccatores Deus non audiat, sed si quis Deum colit, & VOLUNTATEM EJUS FACIT, hunc audit, Joh: IX: 31. Si hæc scitis, beati estis si FECERITIS ILLA, Joh: XII: 17. Qui habet precepta mea, & FACIT ILLA, is est qui amat Me, & Ego amabo illum, & manifestabo illi Me ipsum, & ad illum veniam, & mansionem apud illum faciam, Joh. XIV: 14, 15 ad 21. Ia hoc giorificatus est Pater meus, ut FRUCTUM MULTUM FERATIS, Joh. XV: 15, 16. Non auditores Legis iustificantur a deo, sed factores Legis, Rom. II: 13. Jac. I: 22. Deus in die iræ & iusti judicij, reddet unicuique SECUNDUM OPERA EJUS, Rom. II: 5, 6. Omnes nos manifestari oportet coram Tribunalis Christi, ut reportet quilibet ea, QUÆ PER CORPUS PROUT ILLA EECIT, sive bonum sive malum, II. Cor. V: 10. Venturus est Filius hominis in gloria Patris sui, & tunc REDDET UNI-CUIQUE SECUNDUM FACTA EJUS, Matth. XVI: 27. Audivi vocem e Cœlo dicentem, beati mortui, qui in Domino moriuntur a nunc; dicit Spiritus, ut requiescant ex labo-

ribus suis, OPERA ILLORUM SEQUUNTUR CUM ILLIS, Apoc. XIV: 13. *Liber apertus est qui est vita, & iudicati sunt mortui juxta ea qui scripta in libro, OMNES SECUNDUM OPERA ILLORUM,* Apc. XX: 12, 13. *Ecce venio cito, & merces mea Mecum, ut dēm unicus secundum opus ejus,* Apoc. XXII: 12. *Jehovah, cuius oculi aperti sunt super omnes vias hominum, ad dandum cuivis secundum vias ejus, & SECUNDUM FRUCTUM OPERUM EJUS,* Jerem. XXXI: 19. *Visitabo secundum vias ejus, & OPERA EJUS RETRIBUAM ILLI,* Hosch. IV: 9. *Jehova iuxta vias nostras, & JUXTA OPERA NOSTRA FACIT NOBISCUM,* Sach. I: 6. præter in millenis aliis locis. Ex his constare potest, quod Charitas & Fides non sint charitas & fides priusquam in Operibus sunt, & quod si modo supra Opera sunt in Expanso, seu in Mente, sunt sicut imagines Tabernacali aut Templi in aere, quæ non sunt nisi Meteora, & disparantur a seipsis: & quod sunt sicut Picturæ super charta, quas blattæ consumunt: ut & quod sunt sicut Hâbitacula super Tecto, ubi non cubile, & uon in domo. Ex his nunc videri potest, quod Charitas & Fides sunt res caducæ, dum solum sunt mentales, nisi, dum fieri potest, determinentur in Opera, & in illis co-existent.

377. III. QUOD SOLA CHARITAS NON PRODUAT BONA OPERA, MINUS ADHUC SOLA FIDES, SED QUOD CHARITAS ET FIDES SIMUL; causa est quia Charitas absque fide non & charitas, neque Fides absque charitate est fides, ut supra n. 355 ad 358, ostensum est, quare solitaria Charitas non datur, nec solitaria Fides, inde nec dici potest, quod Charitas per se aliqua bona opera producat, nec quod Fides per se; hoc simile est, quemadmodum cum Voluntate & Intellectu, solitaria Voluntas non datur, quare nec aliquid producit, neque solitarius Intellectus datur, nec aliquid producit, sed omnis productio fit ab utroque simul, & fit ab Intellectu ex Voluntate; quod hoc simile sit, est quia Voluntas est habitaculum charitatis, ac Intellectus est habitaculum fidei; dicitur, quod adhuc minus sola Fides, est quia Fides est Veritas, & ejus operatio est facere Veritates, & hæ illuminant charitatem & ejus exercitia; quod illuminent, docet Dominus, dicendo, *Qui FACIT VERITATEM, VENIT AD LUCEM, ut manifestentur ejus Opera, quoniam in Deo facta sunt,* Joh. III: 21; quare dum homo facit bona opera secundum veritates, facit illa in luce, hoc est, intelligenter & sapienter. CoguntioCharitatis & Fides est sicut conjugium mariti & uxoris, ex marito ut patre & ex uxore ut matre nascuntur omnes proles naturales, similiter ex Charitate ut patre & ex fide ut matre nascuntur omnes proles spirituales, quæ sunt cognitiones boni & veri; ex his cognoscitur generatio familiarium spiritualium; etiam in Verbo in spirituali sensu per Maritum & Patrem significatur Bonum Charitatis, ac per Uxorem & Matrem Verum fidei; ex his etiam patet, quod non sola Charitas nec sola Fides producere possit bona opera, sicut non solus maritus nec sola Uxor aliquas proles. Veritates fidei non modo illuminant charitatem, sed etiam qualificant illumam, ac insuper nutriunt illam, quare homo qui charitatem habet & non veritates fidei, est sicut ambulans in Horto tempore noctis, & arripit fructus ex arborebus, & nescit num sint boni usus aut mali usus. Quoniam veritates fidei non modo charitatem illuminant, sed etiam hanc qualificant, ut dictum est, sequitur quod charitas absque veritatibus fidei sit sicut fructus absque succo, siue torrida ficus, ac sicut uva postquam ex illa vinum est expressum: quoniam veritates nutriendi fidem, ut quoque dictum est, sequitur, quod si charitas est absque veritatibus fidei, non alia ei nutritio sit, quam est homini ex esu panis adusti. & simul potu aquæ immundæ ex quadam stagno.

IX.

Quod sit Fides vera, Fides spuria, & Fides hypocritica.

378. Ecclesia Christiana ab incunabulis suis incepit a schismatibus & hæresibus infestari, ac discindi, et successu temporis lacerari & dilaniari, vix aliter quam sicut legitur de homine, qui descendit a Hierosolyna Jerichuntem, a latronibus circumdatus est, qui postquam exuerunt illum, & plagas inflixerunt, reliquerunt illum semi-mortuum, Luc. X: 30, unde factum est sicut legitur de Ecclesia illa apud Danielem, Tandem super avem abominationum desolatio, & usque ad consummationem & decimum, stillabit super devastationem, Cap. IX: 27, & secundum hæc a Domino, Tunc veniet finis, cum videbitis abominationem desolationis prædictam a Daniele Propheta; Matth. XXIV: 14, 15. Sois ejus comparari potest cum Navimereibus maximi pretii onusta, quæ a portu dum exivit, illico agitata est procellis, & post paulo in mari facta naufraga subdidit, & tunc merces ejus partim corrupta ab aquis, & partim distractæ a piscibus. Quod Ecclesia Christiana ab Infantia sua ita vexata & discissa fuerit, constat ex Historia Ecclesiastica, ut quod ipso tempore Apostolorum a SIMONE, qui sicut gente Samaritanus, & arte Magus, de quo in act. Apost. Cap. VIII: 9, seq. & quoque ab HYMENÆO & PHILETO, qui memorantur a Paulo in Epist. ad Timotheum; ut & a NICOLAO, a quo Nicolaitæ ita dicti, qui nominantur Apoc. II: 6, & Actor. VI: 5, præter a CORINTHO. Post Apostolorum tempora insurrexerunt plures alii, ut MARCTIONIÆ, Noctiani, VALENTINIANI, ENCRATITÆ, CATAPHRÝGES, QUARTO DECIMANI, ALOGIANI, CATHARI, ORIGENISTÆ seu ADAMANTINI, SABELLIANI, SAMOSATENI, MÁNICHÆI, MELETIANI, & demum ARIANI. Post horum tempora, etiam phalanges Hæresiarcharum Ecclesiam invaserunt, ut DONATISTÆ, PHOTINTANI, ACATIANI seu SEMIRIANI, EUNOMIANI, MACEDONIANI, NESTORIANI, PRÆDESTINATIANI, PAPÆI, ZWINGLIANI, ANABAPTISTÆ, SWENCKFELDIANI, SYNERGISTÆ, SOCINIANI, ANTETRINITARI, QUAQUERI, HEERENHUTERI, præter alias plures; & tandem his prævaluerunt, LUTHERUS, MELANCHTON, & CALVINUS, quorum dogmata hodie regnant. Causæ tot discidiorum & seditionum in Ecclesia sunt principaliter tres; PRIMA, quod Divina Trinitas non intellecta sit; SECUNDA, quod non aliqua justa cognitio Domini fuerit; TERTIA, quod Passio crucis pro ipsa Redemptione assunta sit; dum hac Trinitas ignoratur, quæ tamen sunt ipsa Essentialia Fidei, ex qua Ecclesia est et nominatur Ecclesia, non potest aliter, quam quod omnia ejus in sinistrum & diversum trahentur, & tandem in oppositum, & cum ibi est, usq[ue] credere quod sit in vera Fide in Deum, & in Fide omnium Veritatum Dei: cum his simile est sicut cum illis, qui velant oculos peniculamento, & sic in phantasia sua gradintur recta via, & tamen gressus post gressus obliquant, & reflectunt tandem in oppositum, ubi caverna, in quam cadunt. Sed homo Ecclesiæ non aliter potest ab erratico suo reduci in viam veri, quam per quod sciat, quid Fides vera, quid Fides spuria, & quid Fides hypocritica, quare demonstrabitur I. Quod Fides vera sit unica, & quod sit in Dominum Deum Salvatorem Jesum Christum, & quod sit apud illos qui credunt ipsum esse Filium Dei, Deum Cæli & Terræ, ac unum cum Patre. II. Quod Fides spuria sit omnis Fides, quæ recedit a vera, quæ est unicæ, & quod sit apud illos, qui aliunde ascendunt, & Dominum non ut Deum, sed colummodo ut Hominem spectant. III. Quod Fides hypocritica sit nulla fides.

379. I. QUOD FIDES VERA SIT UNICA, ET QUOD SIT IN DOMINUM DEUM SALVATOREM JESUM CHRISTUM, ET QUOD SIT APUD ILLOS, QUI CREDUNT IPSUM ESSE

FILIUM DEI, DEUM CÆLI ET TERRÆ, AC UNUM CUM PATRE. Quod Fides vera sit unica, est quia fides est veritas, ac veritas non potest confringi & bissicari, ut pars ejus vergat ad sinistrum & pars ad dextrum, & maneat sua veritas: Fides in communi sensu constat ex innumeris veritatis, est enim complexus illarum, sed innumeræ illæ faciunt sicut unum Corpus, & in illo Corpore sunt Veritates, quæ faciunt membra ejus, quædam faciunt membra quæ pendent a peſtore, ut brachia & manus, quædam quæ pendent a lumbis, ut pedes & plantæ; veritates autem interiores faciunt Caput, & veritates quæ proxime inde procedunt, faciunt Sensoria quæ in facie sunt; quod Veritates interiores faciant Caput, est quia dum nominatur Interius, intelligitur etiam Superioris, nam in Mundo spirituali omnia interiora sunt etiam Superiora, ita est cum tribus Cælis ibi; hujus Corporis & omnium ejus membrorum Anima & Vita, est Dominus Deus Salvator, inde est, quod Ecclesia a Paulo vocata sit Corpus Christi, & quod homines Ecclesiæ secundum status charitatis & fidei apud illos faciant membra ejus; quod Fides vera sit unica, etiam docet Paulus ita, *Est unum Corpus & unus Spiritus, unus Dominus, UNA FIDES, unum Baptisma, unus Deus; dedit opus ministerii in ædificationem CORPORIS CHRISTI, usque dum perveniamus omnes in UNITATEM FIDEI, & cognitionem Filii Dei, & vitam perfectam in mensuram ætatis plenitudinis Christi,* ad Ephes. IV: 4. 5. 6. 12. 13. Quod Fides vera, quæ est unica, sit in Dominum Deum Salvatorem Jesum Christum, supra n: 337. 338: 339, plene ostensum est. Quod autem Fides vera sit apud illos qui credunt Dominum esse Filium Dei, causa est, quia illi etiam credunt quod sit Deus, & fides non est fides nisi in Deum; quod hoc fidei sit primarium omnium veritatum quæ ingrediuntur Fidem, & formant illam, constat ex Domini verbis ad Petrum, cum dixit, *TU ES CHRISTUS FILIUS DEI VIVENTIS, beatus es Simon, tibi dico, super hac Petra ædificabo Ecclesiam meam, & portæ Inferni non prævalebunt illi,* Matth. XVI: 16. 17; per Petram hic, ut alibi in Verbo, intelligitur Dominus quoad Divinum Verum, & quoque Divinum Verum a Domino; quod hoc Verum sit Primarium, & sicut diadema super capite, & sicut scepter in manu Corporis Christi, constat ex verbis Domini, quod super illam Petram ædificaturus sit Ecclesiam suam, & quod portæ Inferni non prævalituræ sint illi: quod hoc fidei tale sit, constat etiam ex his apud Iohannem, *Quisquis confessus fuerit, quod Jesus fit Filius Dei, Deus in eo manet, & ille in Deo,* Epist. IV: 15. Præter hoc Characteristicum quod sint in vera fide quæ unica, est etiam alterum, quod credant Dominum esse Deum Cæli & Terræ, hoc sequitur ex priori, quod sit Filius Dei, & ex his, *Quod in Ipso sit omnis plenitudo Divinitatis,* Coloss. II: 9. *Quod sit Deus Cæli & Terræ,* Matth. XXVIII: 18. *Quod omnia Patris Ipsius sint,* Joh. III: 35. Cap. XVI: 15. Tertium indicium, quod illi qui credunt in Dominum, sint interius in fide in Ipsum, ita in vera fide quæ unica, credant quod Dominus sit unum cum Deo Patre, quod unus sit cum Deo Patre, & quod sit ipse Pater in Humano, plene ostensum est in Capite de Dominio & Redemptione, & evidenter constat ab Ipsius Domini verbis, *Quod Pater & Ipse unum sint,* Joh. X: 30. *Quod Pater in Ipso & Ipse in Patre sit,* Joh. X: 38. Caq. XIV: 10. 11. *Quod dixerit ad Discipulos, quod a nunc viderint & cognoverint Patrem,* & quod apercerit Philippum, & dixerit, *quod nunc videat & cognoscat Patrem,* Joh. XIV: 7. seq. Quod hæc tria sint Testimonia Characteristica, quod sint in fide in Dominum, ita in vera fide quæ est unica, est quia non omnes illi qui adeunt Dominum, in fide in Ipsum sunt, vera enim fides est interna & simul externa, illi apud quos tres illæ pretiositates fidei sunt, tam in internis illius fidei quam in externis ejus sunt, ita est illa non modo thesaurus in corde illorum, sed etiam cimelium in ore illorum; aliter apud illos, qui non agnoscunt Ipsum Deum Cæli & Terræ, & non Unum cum Patre, hi interius etiam spectant ad alios Deos, quibus est similis potestas, sed quod hæc exercenda sit a Filio, aut sicut Vicario, aut sicut qui propter Re-

demptionem meruit regnare super illos quos redemit; sed hi veram fidem diffingunt per divisionem unitatis Dei, qua diffracta non amplius est fides, sed modolarva fidei, quæ naturaliter visa apparet sicut aliqua imago ejus, sed spiritualiter visa sit chimera: quis potest negare, quin vera fides sit in unum Deum, qui est Deus Cæli & Terræ, consequenter in Deum Patrem in forma humana, ita in Dominum. Illi tres Charakteres, Testes, & Indices, quod fides in Dominum sit ipsa fides, sunt sicut Lapi des lydi, per quos cognoscitur aurum & argentum: & sunt sicut lapides aut manus in viis, qui monstrant viam ad Templum, ubi unus & verus Deus colitur: & sunt sicut lampades super petris in mari, ex quibus nava gantes in noctibus sciunt ubi sunt, & quo vento dirigent naves; Primus Character fidei, qui est, quod Dominus sit Filius Dei viventis, est sicut Stella matutina omnibus, qui intrant in Ipsius Ecclesiam.

380. II. QUOD FIDES SPURIA SIT OMNIS FIDES, QUÆ RECEDIT A VERA QUÆ EST UNICA, ET QUOD SIT APUD ILLOS, QUI ALIUNDE ASCENDUNT, ET DOMINUM NON UT DEUM SED SOLUMmodo UT HOMINEM SPECTANT. Quod Fides spuria sit omnis fides, quæ a vera quæ est unica, recedit, ex se patet, nam dum unica est verum, sequitur quod id quod recedit, non sit verum; omne bonum & verum Ecclesiae propagantur a Conjugio Domini & Ecclesiae, ita omne id quod essentialiter est charitas, & essentialiter fides, est ex illo conjugio, at vero quicquid duarum illarum non ex illo est, non est ex toro legitimo, sed illegitimo, ita vel ex toro seu con jugio polygamico, vel ex adulterio; ex polygamico est omnis fides, quæ agnoscit Dominum, & adoptat falsa hæresium; & fides ex adulterio est, qui agnoscit tres Dominos unius Ecclesiae, est enim vel sicut fæmina meretrix, aut sicut mulier iuxta uni viro, & locat noctes duobus aliis, & dum cubat cum illis, vocat quemlibet suum virum; inde est, quod fides illarum dicuntur spuriae; hos Dominus multis in locis vocat adulteros, & quoque hos intelligit per fures & latrones apud Jo hannem, *Amen dico vobis, qui non ingreditur per Januam in Ovile, sed ascendit aliunde, is est fur & latro: Ego sum Janua, per Me si quis introiverit, salvabitur,* Cap. X: 1. 9; ingredi in Ovile est in Ecclesiam, & quoque est ingredi in Cælum; quod etiam sit in Cælum, est quia unum faciunt, & non aliad facit Cælum quam Ecclesia ibi; quapropter quemadmodum Dominus est Sponsus & Maritus Ecclesiae, ita quoque est Sponsus & Maritus Cæli. Explorari & cognosci potest, num Fides fit proles legitima, vel num proles spuria, ex tribus illius indiciis, de quibus supra, quæ sunt, Agnitio Domini pro Filio Dei, agnitio Ipsius pro Deo Cæli & Terræ, & agnitio quod unus sit cum Patre, quantum itaque Fides aliqua recedit ab his essentialibus suis, tantum est spuria. Fides spuria & simul adultem est apud illos, qui Dominum non ut Deum, sed solummodo ut hominem spectant: Quod ita sit, manifeste patet a binis nefandis Hæresibus, ARIANA & SOCINIANA, quæ in Ecclesia Christiana anathemizatae & ex illa excommunicatae sunt, & hoc ideo quia Divinitatem Domini negant, & aliunde ascendunt: sed vereor, quod abominationes illæ in communi spiritu hominum Ecclesiae hodie lateant occultatae: Hoc mirabile est, quod quo quis credit se eruditione & judicio præstantiorem aliis, eponius arripiat & appropriet sibi ideas de Domino, quod sit Homo & non Deus, & quod quia est Homo non possit esse Deus, & qui illas ideas sibi appropriat, is in sodalituin Arianorum & Socinianorum, qui in Mundo spirituali in Inferno sunt, se infert. Quod communis spiritus hominum Ecclesiae hodie talis sit, est causa, quia apud unumquemvis hominem est spiritus consocius, nam homo absque eo non potest analyticè, rationaliter & spiritualiter cogitare, ita non esset homo sed brutum; & quisque homo adsciscit sibi spiritum similem suæ voluntatis affectioni & inde intellectus perceptioni, ille qui inducit se in affectiones bonas per veritates ex Verbo & per vitam secundum illas, huic adjungitur Angelus e Cælo, at qui se inducit in affectiones malas per confirmationes falsitatum & per vitam malam, huic

se adjungit Spiritus ex Inferno, quo adjuncto, homo plus & plus init sicut fraternitatem cum Satanis, & tunc plus & plus se confirmat in falsis contra vera in Verbo, & in abominatione Ariana & Sociniana contra Dominum; causa est, quia omnes Satanæ non sustinent audire aliquid verum ex Verbo, nec nominari Jesum; quæ si audiunt, fiunt sicut furæ, discurrent & blasphemant; & tunc si lux e Cælo influit, præcipites se conjiciunt in cavernas, & in caliginem suam, in qua illis est lux sicut est Noctis in tenebris, & qualis Felibus in cellis dum insectantur mures: tales fiunt omnes post mortem qui Divinitatem Domini & Sanctitatem Verbi corde & fide negant: Internus illorum homo talis est, utcunque Externus agit Mimum, & mentitur Christianum; quod ita sit, scio, quia vidi & audivi. Omnes qui Dominum ut Redemptorem & Salvatorem honorant solum ore & labiis, at corde & spiritu Ipsum ut merum hominem aspiciunt, illi dum illa loquuntur & docent, bucca illorum est sicut uter mellis, at cor sicut uter fellis; verba eorum sunt sicut panes faeccharini, at cogitationes sicut mulsa ex aconitis; & sunt sicut volvuli placentarum, in quibus sunt acontiae; si sunt sacerdotes, sunt sicut piratae in mari, qui appendunt vexillum regni pacis, at dum propinquia Navis ad illos ut amicos appellit, vexillum piraticum loco prioris attollunt, & navem cum populo ejus abducunt in captivitatem; illi etiam sunt sicut Serpentes arboris scientia boni & mali, qui accedunt sicut Angeli lucis, tenentes in manu poma inde picta coloribus fulvis; sicut desumpta ex Arbore vitæ, ac porrigit & dicunt, *sicut Deus quo die comederitis ex illis, aperientur oculi vestri, & eritis sicut Deus, scientes bonum & malum*, Gen. III: 5, & cum comederunt, sequuntur Serpentem in Oreum, & cohabitant; circum Orcum illum sunt Satanæ, qui ex pomis Arii & Socini comedebunt: Intelliguntur etiam per illum, qui non induitus yeste nuptiarum intravit, qui conjectus est in tenebras exteriores, Matth. XXII: 11. 12. 13; vestis nuptiarum est Fides in Dominum ut Filium Dei, Deum Cæli & Terræ, ac unum cum Patre. Illi qui Dominum solum ore & labiis honorant, at corde & spiritu Ipsum ut merum hominem aspiciunt, si aperiunt sua cogitata & persuadent aliis, sunt Spirituales homicidæ, ac pestili illorum spirituales anthropophagi, vita enim homini est ex amore & fide in Dominum, at si removetur hoc essentiale fidei & amoris, quod Dominus sit Deus Homo & Homo Deus, sit vita ejus mors; sic itaque occiditur homo, ac devoratur sicut agnus a lupo.

381. III. QUOD FIDES HYPOCRITICA SIT NULLA-FIDES. Homo fit hypocrita, dum multum cogitat de se, & se præfert aliis, ita enim cogitationes & affectiones mentis suæ determinat & infundit in corpus suum, & cum hujus sensibus illas conjungit; inde fit homo naturalis, sensualis & corporeus, & tunc Mens ejus non potest extrahi a carne, cum quæ cohæret, & elevari ad Deum, & videre aliquid Dei in luce Cæli, hoc est, non aliquid spirituale; & quia est carneus homo, spiritua quæ intrant, quod fit per auditum in intellectum, non aliter apparent ei quam larvæ, & quam flocci in acre, imo sicut muscae circum caput currentis & sudantis equi, quopropter corde subsannat illa; nam quod Naturalis homo spectet illa quæ Spiritus sunt, seu spiritualia, ut deliria, notum est. Hypocrita inter naturales homines est insigne naturalis, est enim sensualis, nam Mens ejus arcte ligata est cum sensibus corporis ejus, & inde non aliud amat videre, quam quod Sensus ejus suggestur, & Sensus quæ in natura sunt, adiungit Mentem cogitare de omnire ex Natura, ita quoque de omnibus fidei. Si Hypocrita ille fit Concionator, retinet in memoria talia quæ dicta sunt de fide in puerili & adolescentiæ ætate; sed quia intus in illis nihil spirituale est, sed mera naturale, dum profert illa coram Cætu, non sunt nisi quam voces inanimatae; quod sonent sicut animatae, est hoc ex jucundis amoris sui & Mundi, ex quibus secundum facundiam clangunt, ac aures, vix aliter quam solent harmonia cantus, mulcent. Hypocrita concionator post sermonem cum domum redit, ad omnia quæ de fide, & quæ ex Verbo coram

ram Cætu protulit, ridet, & forte secum dicit, projeci tete in lacum, & captavi rhombos & conchas, nam ut tales apparent in phantasia ejus omnes qui in vera fide sunt. Est hypocrita sicut sculptile, cui duplex caput, unum intra alterum, caput internum cohæret cum trunco seu corpore, externum quod est rotatile circum internum, est anterius pictum coloribus germanis sicut facies humana, non absimile capitibus ligneis expositis ad tabernas artificium qui capillamenta coceinant. Est sicut Navicula, quam nauta per applicacionem veli cum vento & contra ventum ad lubitum potest dirigere, faventia ejus pro omni, qui carnis & sensuum ejus jucundis indulget, talis velificatio est. Ministri, qui hypocritæ sunt, perfecti comædi, mimi, & histriones sunt, qui agere possunt personas Regum, Ducum, Primatum, Episcoporum, & mox dum exuunt vestes theatrales, intrant lupanaria & cum scortis cohabitant. Sunt quoque sicut Januæ pendentes a rotundo cardine, qui verti possunt cis & retro; talis est Mens illorum, hæc enim potest aperiri a parte inferni, & a parte cæli, & cum aperta est versus unum latus, occlusa est versus alterum; nam, quod mirabile est, tempore quo ministrant sancta, & docent vera ex Verbo, non sciunt aliter quam quod credant illa, est enim tunc janua a parte inferni occlusa; at mox ut domum redeunt, non credunt hilum, est enim tunc janua a parte cæli occlusa. Apud summe hypocritas est inimicitia intestina contra vere spirituales homines, est enim qualis est Satanarum contra Angelos Cæli; quod ita sit, ab illis non sentitur tempore quo vivunt in Mundo, sed se manifestat post mortem, quando externum illorum, per quod mentiti sunt spiritualem hominem, ablatum est, quoniam est Internus illorum homo, qui talis Satanus est. Sed dicam, qualiter spirituales hypocritæ, qui sunt *qui in indumentis ovium incedunt, & intrinsecus sunt lupi rapaces*, Matth. VII: 15, apparent coram Angelis Cæli, apparent sicut harioli ambulantes super palmis manuum, orantes, qui ore ex corde clamant ad dæmones, & osculantur illos, sed complodunt calceos in aere, & sic sonant ad Deum; at cum stant super pedibus, apparent quoad oculos sicut pardi, quoad gressus sicut lupi, quoad os sicut vulpes, quoad dentes sicut crocodili, & quoad fidem sicut vultures.

X.

Quod nulla fides sit apud malos.

382. Omnes illi mali sunt, qui negant creationem Mundi a Deo, & sic Deum, nam sunt Naturalistæ athei; quod omnes illi mali sint, est quia omne bonum, quod non modo naturaliter sed etiam spiritualiter bonum est, a Deo est, quare illi, qui negant Deum, non volunt & ideo non possunt recipere aliquod bonum aliunde, quam ex suo proprio, & proprium hominis est concupiscentia carnis ejus, & quicquid ex hac procedit, spiritualiter malum est, utcunque naturaliter appetit bonum: hi sunt theoretice mali; at practice mali sunt, qui nihil faciunt Praecepta Divina, quæ in summa exstant in Decalogo, & vivunt sicut exleges, quod illi quoque corde negent Deum, tametsi multi ex illis ore confitentur Deum, est quia Deus & Praecepta Ipsiis unum faciunt, quapropter decem Praecepta Decalogi vocata sunt JEHOVAH IBI, Num. X: 35. 36. Psalm CXXXII: 7. 8. Sed ut manifestius pateat, quod nulla fides sit malis, conclusio fiet ex his duobus Problematisbus, I. *Quod Malis nulla fides sit, quia malum est Inferni, & fides est Cæli.* II. *Quod omnibus illis in Christianismo nulla fides sit, qui reprobant Dominum & Verbum, tametsi moraliter vivunt, ac rationaliter, etiam de fide, loquuntur, docent & scribunt; sed de his singulatim.*

383. I. QUOD MALIS NULLA FIDES SIT, QUIA MALUM EST INFERNI, ET FIDES EST CÆLI. Quod malum sit Inferni, est quia omne malum inde est, quod fides sit Cæli, est quia omne verum quod fidei est, e Cælo est; homo quamdiu in Mundo vivit, in medio inter Cælum & infernum tenetur & ambulat, & ibi in æquilibrio spirituali, quod est Liberum ejus arbitrium; Infernum est sub pedibus ejus, & Cælum est supra caput ejus, & quicquid ex Inferno ascendit, est malum & falsum, at quicquid e Cælo descendit, est bonum & verum; homo, quotiam in medio inter duo illa opposita est, & simul in æquilibrio spirituali, potest eligere, adoptare & sibi appropriare unum aut alterum ex libero, si malum & falsum, conjungit se cum Inferno, at si bonum & verum, conjungit se cum Cælo; ex his non modo patet, quod malum sit Inferni & fides cæli, sed etiam quod duo illa non possint simul esse in uno subiecto seu homine, si enim simul forent, distraheretur homo tanquam circumligatus duobus funibus, & traheretur ab uno sursum, & ab altero deorsum, & sic fieret sunt pendulus in aere; & hoc foret tanquam volaret, sicut merula, nunc sursum & nunc deorsum, & cum sursum adoraret Deum, & cum deorsum adoraret Diabolum, quod hoc profanum sit, quisque videt; *Quod nemo possit duobus Dominis servire, quin unum odio habeat, & alterum diligat;* docet Dominus apud Matthæum Cap. VI: 24. Quod ubi malum, non sit fides, illustrari potest per varias comparationes, ut per has; malum est sicut ignis, ignis infernalis nec aliud est quam amor mali, ac consumit fidem sicut stipulam, & redigit illam & omnia ejus in cinerem: Malum habitat in caligine, ac fides in luce, & malum per falsa extinguit fidem, sicut caligo lucem: Malum est nigrum sicut atramentum, & fides est alba sicut nix, & candida sicut aqua, ac malum denigrat fidem, sicut atramentum nivem & aquam: Porro malum & verum fidei non possunt conjungi aliter quam putidum cum aromatico, quam lotium cum vino saporis, & non possunt simul esse, quam sicut mortuus graveolens cum vivo in uno lecto; & non possunt commorari, plus quam sicut lupus in caula ovium, & sicut acci-ter in columbario, & sicut vulpis in gallinario.

384. II. QUOD OMNIBUS ILLIS IN CHRISTIANISMO NULLA FIDES SIT, QUI REPROBANT DOMINUM ET VERBUM, TAMETSI MORALITER VIVUNT, AC RATIONALITER, ETIAM DE FIDE, LOQUUNTUR, DOCENT, ET SCRIBUNT, Hoc sequitur ut Conclusum ex omnibus quæ præcedunt; ostensum enim est, quod Fides, quæ vera & unica, sit in Dominum & a Domino, & quod Fides, quæ non est in Ipsum & ab Ipso, non sit Fides spiritualis, sed naturalis, & fides mere naturalis non essentiam fidei in se habet. Insuper Fides est ex Verbo, non aliunde est quia Verbum est a Domino, & inde Ipse Dominus est in Verbo, quare dicit, *quod sit Verbum*, Joh. I: 1. 2; inde sequitur, quod qui reprobant Verbum, etiam reprobent Dominum, cohærent enim ut unum; tum quod qui reprobant unum aut alterum, etiam reprobent Ecclesiam, quia Ecclesia est a Domino per Verbum; & porro, quod qui reprobant Ecclesiam, sint extra Cælum, nam Ecclesia introducit in Cælum, & qui extra Cælum sunt, inter damnanatos sunt, & his nulla fides est. Quod illis, qui reprobant Dominum & Verbum, nulla fides sit, tametsi moraliter vivunt, & rationaliter, etiam de fide, loquuntur, docent & scribunt, est causâ, quia illis non est vita moralis spiritualis, sed naturalis, nec mens rationalis spiritualis, sed naturalis, ac moralitas & rationalitas mere naturalis in se est mortua, quare illis ut mortuis non est aliqua fides. Homo mere naturalis, & quoad fidem mortuus, potest quidem de Fide, de Charitate, & de Deo loqui & docere, sed non ex Fide, ex Charitate & ex Deo. Quod illis solis sit Fides, qui credunt in Dominum, & quod aliis non sit fides, constat ex his locis, *Qui credit in Filium, non judicatur, qui autem non credit, jam judicatus est, quia non credidit in Nomen Unigeniti Filii Dei*, Joh. III: 18. *Qui credit in Filium, habet vitam eternam: qui vero non credit Filio, non videbit vitam, sed ira Dei manet super illo*, Joh. III: 36. *Iesus dixit, cum venerit Spiritus veritatis,*

arguet Mundum de peccato, quod non credant in Me, Joh. XVI: 8. 9: & ad Iudeos, *Nisi credideritis quod Ego sim, moriemini in peccatis vestris*, Joh. VIII: 24. Quare dicit David, *Annuntiabo de statuto, Jehovah dixit, Filius meus Tu, Ego hodie genui Te; osculamini Filium, ne irascatur & pereatis in via; beati omnes confidentes in Ipso*, Psalm II: 7. 12. Quod nulla fides, quia nulla in Dominum, ut *Filiū Dei, Deum Cæli & Terræ, ac usum cum Patre, in Consummatione sæculi, quæ est ultimum tempus Ecclesiæ, futura sit, prædictit Dominus apud Evangelistas*, dicendo, *Quod futura sit abominationis desolationis, & quod afflictio, qualis non fuit, nec futura est: & quod Sol obscurabitur, & Luna non dabit lumen suum, & Stellæ carent de Cælo*, Matth. XXIV: 15. 21. 29; & in Apocalypsi, *Quod Satanus solutus e custodia sua, exhibet ad seducendum gentes, quæ in quatuor angulis Terræ, quarum numerus sicut arena maris*, Cap. XX: 8. Et quia Dominus hoc prævidit, etiam dixit, *VERUMTAMEN FILIUS HOMINIS VENIENS NUM INVENIET FIDEM SUPER TERRA*, Luc. XVIII: 8.



385. His adjungentur hæc MEMORABILIA; PRIMUM. Quondam mihi dixit aliquis Angelus, vis videre clare quid FIDES & CHARITAS, ita quid Fides separata a Charitate, & quid Fides conjuncta Charitati, & demonstrabo ad oculum; respondi, demonstra; & dixit, cogita pro Fide & Charitate Lucem & Calorem, & clare videbis; Fides in sua essentia est Veritas quæ sapientiæ, & Charitas in sua essentia est Affectio amoris, ac Veritas sapientiæ in Cælo est Lux, & Affectio amoris in Cælo est Calor; Lux & Calor in quo sunt Angeli, essentialiter non aliud sunt; exinde videre potes clare, quid Fides separata a Charitate, & quid Fides conjuncta Charitati. Fides separata a Charitate est sicut Lux hyemalis, ac Fides conjuncta Charitati est sicut Lux vernalis: Lux hyemalis, quæ est Lux separata a Calore, quæ quia est conjuncta frigori, prorsus denudat arbores, etiam a foliis, enecat gramen, indurat terram, & congelat aquas: Lux autem vernalis, quæ est Lux conjuncta calori, vegetat arbores, primum in folia, tum in flores, & denique in fructus, aperit & emolliit terram, ut producat gramina, herbas, flores & fructices, & quoque solvit glaciem, ut fluant e fontibus aquæ. Prorsus simile est cum Fide & Charitate; Fides separata a Charitate mortificat omnia, & Fides conjuncta Charitati vivificat omnia: Vivificatio hæc & Mortificatio illa, ad vivum possunt videri in Mundo nostro spirituali; quia hic est Fides Lux, & Charitas Calor; ubi enim Fides conjuncta Charitati est, ibi sunt Horti paradisiaci, Floreta & Vireta in sua amænitate secundum conjunctionem: at ubi Fides separata a Charitate est, ibi ne quidem gramen est, & ubi viride, est id ex vepribus & sentibus: Erant tunc non procul aliqui ex Clero, quos Angelus vocabat Justificatores & Sanctificatores hominum per solam fidem, & quoque Arcanistas; eadem hæc diximus illis, & demonstravimus usque ut viderent quod ita sit, & cum quæsivimus, annon ita, averterunt se, & dixerunt, non audivimus; at clamavimus ad illos dicendo, audite itaque adhuc, sed tunc ponebant ambas manus ante aures, ac vociferati, non volumus audire.

Post hæc auditæ loquutus sum cum Angelo de Fide solitaria, & dixi, quod per vivam experientiam mihi datum sit scire, quod illa Fides sit sicut Lux hyemalis; & narravi, quod per aliquot annos præteriverint me Spiritus ex varia fide, & quod quoties approximarunt illi, qui separaverunt Fidem a Charitate, tale frigus invaserit pedes meos, & successive lumbos & demum pectus, ut vix scirem alter quam quod omne vitale corporis mei extinctum iret; quod etiam evenisset, nisi Dominus abegisset Spiritus illos, & me liberavisset: hoc mirabile mibi visum est,

est, quod ipsi illi Spiritus non sentirent aliquod frigus in se; hoc fassi sunt, quare comparavi illos cum piscibus sub glacie, qui nec aliquod frigus sentiunt, quoniam vita & inde natura eorum in se est frigida: percepti tunc, quod frigus illud ex luce fatua fidei illorum emanaverit, similiter ut sit ex locis palustribus & sulphureis temporibus mediae hyemis postquam Sol occidit; talem lucem fatuam & frigidam viatores passim vident. Illi comparari possunt montibus ex mera glacie divulsis e locis suis in terris borealibus, qui in Oceano hic & ibi feruntur, de quibus narratum audivi, quod ad approximationem illorum omnes qui super navibus sunt, ex frigore contremiscant; quare Cætus ex illis, qui in fide separata a charitate sunt, assimilari possunt illis montibus, & si lubet ita etiam vocari. Notum est ex Verbo, quod Fides absque charitate sit mortua, at dicam unde ejus mors; mors ejus est ex frigore, & ex quo Fides illa exspirat sicut avis in intensa bruma, quæ primum moritur quoad visum, & simul tune quoad volatum, & demum quoad respirationem, & tunc præceps e ramo decidit in nivem, & inseperitur.

386. SECUNDUM MEMORABILE. Quodam mane experitus e somno vidi duos Angelos descendentes e Cælo, unum e Meridie Cæli, & alterum ex Oriente Cæli, utrumque in Curribus, quibus alligati sunt Equi albi; Currus in quo vescus est Angelus e Meridie Cæli, splendebat sicut ex argento, & Currus, in quo vescus est Angelus ex Oriente Cæli, splendebat sicut ex auro, & habenæ, quas tenebant manibus, fulgebant sicut ex luce flammæ auroræ: ita mihi visi sunt duo illi Angeli e longinquo, sed cum prope venerunt, non apparebant in Curru, sed in suâ Forma angelica, quæ est humana; ille, qui ab Oriente Cæli venit, in Veste splendente purpurea erat, & ille qui a Meridie Cæli, in veste hyacinthina. Hi cum sub Cælis in inferioribus erant, accurrebat unus ad alterum, sicut amularentur quis prior, & se mutuo amplexi & osculati sunt; audivi quod duo illi Angeli, dum in Mundo vixerunt, fuerint amicitia interiore conjuncti, sed nunc unus in Cælo Orientali, alter in Cælo Meridionali; in Cælo orientali sunt qui a Domino in amore sunt, in Cælo autem Meridionali, qui a Domino in sapientia sunt. Illi, postquam aliquamdiu colloquuti sunt de magnificis in Cælis suis, venit in sermonem illorum hoc, num Cælum in essentia sua sit Amor, vel num Sapientia; conveniebant illio, quod unum sit alterius, sed cuius ab origine, ventilabant. Ille Angelus, qui e Cælo sapientiæ erat, quæsivit alterum, quid Amor, & respondit, quod Amor oriundus a Domino ut Sole, sit Calor vitæ angelorum & hominum, ita esse vitæ illorum; & quod derivationes amoris dicantur affectiones, & quod per has producantur perceptiones & sic cogitationes; ex quo fluit, quod Sapientia ex origine sua sit Amor, consequenter quod Cogitatio ex origine sua sit Affectionis illius amoris, & quod videri possit ex derivationibus in suo ordine lustratis, quod Cogitatio non aliud sit quam Forma affectionis, & quod hoc nesciatur, quia Cogitationes in luce sunt, sed Affectiones in Calore, & quod ideo super Cogitationes reflectatur, non autem super Affectiones. Quod Cogitatio non aliud sit quam forma affectionis alicujus amoris, etiam illustrari potest per loquelas, quod hæc non aliud sit, quam forma soni; simile etiam est, quia Sonus correspondet affectioni, & loquela cogitationi, quare affectio sonat, & cogitatio loquitur; hoc etiam potest perspicuum fieri, cum dicitur, aufer sonum a loquela, num detur aliquid loquela, similiter aufer affectionem a cogitatione, num detur aliquid cognitionis: inde nunc patet, quod Amor sit omne Sapientiæ, consequenter quod Essentia Cælorum sit Amor, & quod Existentia illorum sit Sapientia, seu idem, quod Cæli sint ex Divino Amore, & quod existant ex Divino Amore per Divinam Sapientiam, quare, ut prius dictum est, unum est alterius. Tunc apud me erat novius Spiritus, qui audiens hæc interrogabat, num simile est cum Charitate & Fide, quia Charitas est affectionis, & Fides est cognitionis; & respondit Angelus, est prorsus simile, Fides non aliud est quam forma charitatis, plane sicut Sonus est forma

forma loquela, formatur etiam fides à charitate, sicut formatur loquela à sono; formationis modum etiam novimus in Cælo, sed non vacat illam hic exponere. Adjecit, per Fidem intelligo Fidem spiritualis, in qua vita & spiritus unice est a Domino per Charitatem, nam hæc spiritualis est, & per illam fides; quare Fides absque Charitate, est Fides mere naturalis, & hæc Fides est mortua, conjungit etiam se cum affectione mere naturali, quæ non aliud est, quam concupiscentia. Angeli de his loquebantur spiritualiter, ac spiritualis loquela complectitur millia, quæ loquela naturalis non potest exprimere, & quod mirum, quæ ne quidem possunt in ideas cogitationis naturalis cadere. Postquam Angeli hæc & illa loquuti sunt, abiverunt, & cum recesserunt quisque ad suum Cælum, apparebant stellæ circum capita ilorum, & cum ad distantiam a me elongati sunt, vissi sunt iterum in Cœribus, ut prius.

387. TERTIUM MEMORABILE. Postquam duo illi Angeli extra meum conspectum erant, vidi quandam Hortum a latere dextro, ubi erant oleæ, ficus, laurus & palmæ, in ordine secundum correspondentias positiæ: illuc prospexi, & inter arboreæ vidi Angelos & Spiritus vadentes & colloquentes: & tunc ad me respexit unus Spiritus angelicus; Spiritus Angelici vocantur, qui in Mundo spirituum præparantur ad Cælum; ille ab Horto illo ad me venit, & dixit, vis mecum venire in nostrum Paradisum, ac auditurus & visurus es mirabilia; & abiui cum illo, & tunc dixit mihi, hi quos vides, erant enim plures, sunt omnes in amore veri, & inde in luce sapientiae; est quoque hic Palatum, quod vocamus TEMPLUM SAPIENTIAE, sed illud non aliquis videre potest, qui credit se multum sapere, minus qui credit se sati sapere, & adhuc minus qui credit se sapere ex se, causa est, quia illi non in receptione lucis Cæli ex amore genuinæ sapientiae sunt; genuina sapientia est, quod homo e iude Cæli videat, quod quæ scit, intelligit, & sapit, tam parum sint respective ad illa quæ non scit, intelligit, & sapit, sicut est gutta ad Oceani, consequenter vix aliquid: omnis qui in hoc Horto paradisiaco est, & ex perceptione ac visu in se agnoscit, quod tam parum sapiat respective, is videt illud TEMPLUM SAPIENTIAE, nam lux interior in mente hominis dat id videre, non autem lux exterior ejus absque illa. Nunc quia ego illud sèpius cogitavi, & ex scientia, & dein ex perceptione, & demum ex luce interiori, agnovi, quod homo tam parum sapiat, ecce datum est mihi videre illud Templum. Erat quoad formam mirabile, erat valde elevatum supra humum, quadrangulare, parietes ex chrystallo, testuñ ex jaspide pellucido eleganter arcuatæ, substructio ex vario Lapide pretioso; erant gradus per quos in illud ascendebat, ex alabastro polito; ad latera graduum apparetant sicut leones cum catulis. Et tunc quæsivi, num liceat intrare, & dictum est quod liceat, quare ascendi, & cum intravi, vidi sicut Cherubos volantes sub testo, sed mox evanescentes: Solum, super quo ambulatur, ex cedris erat, & totum Templum ex pelluentia testi & parietum, exstructum fuit ad formam lucis. Intrabat mecum Spiritus Angelicus, cui retulit quæ audiveram ex duobus Angelis de AMORE & SAPIENTIA, & de Charitate & Fide, & tunc dixit, annon etiam loquuti sunt de Tertio; quid tertium dixi, respondit, est BONUM USUS; Amor & Sapientia absque Bono usus non sunt aliquid, sunt modo Entia idealia, nec fiunt realia, priusquam sunt in Usu; sunt enim Amor, Sapientia & Usus, tria, quæ non separari possunt, si separantur, neutrum est aliquid; non est Amor aliquid absque Sapientia, sed in Sapientia formatur ad aliquid, hoc aliquid, ad quod formatur est Usus, quare cum amor per Sapientiam in usu est, tunc realiter est, quia actualiter existit; sunt prorsus sicut finis, causa & effectus, finis non est aliquid, nisi per causam sit in effectu; si solvitur unus ex illis tribus, solvitur omne, & sit sicut nihil. Simile etiam est cum Charitate, Fide, & Operibus; Charitas absque fide non est aliquid, nec Fides absque charitate, neque Charitas & Fides absque Operibus, at in Operibus sunt aliquid, & tale

aliquid, quale est Operum Usus. Simile est cum Affectione, Cogitatione & Operatione, & simile est cum Voluntate, Intellectu & Actione, nam Voluntas absque intellectu, est sicut oculus absque viisu; ac uterque absque actione est sicut mens absque corpore; quod ita sit, clare videri potest in hoc Templo, quia Lux, in qua hic sumus, est Lux illustrans mentis interiora. Quod non detur completum & perfectum, nisi sit Trinum, etiam docet Geometria, non enim est Linea aliquid, nisi fiat Area, nec est Area aliquid, nisi fiat Corpus, quare ducetur unum in alterum, ut existant, & coexistunt in Tertio. Sicut est in hoc, etiam est in omnibus & singulis creatis, quæ finita sunt in Tertio. Inde nunc est, quod TRIA in Verbo significant completum & prorsus. Quoniam ita est, non potui non mirari, quod quidam profiteantur Solam Fidem, quidam Solam Charitatem, quidam Sola Opera, cum tamen unum absque altero, atque unum & simul alterum absque tertio, non est aliquid. Sed tunc quæsivi, potestne homo Charitatem & Fidem habere, & usque non Opera; potestne homo esse in dilectione & in cogitatione de aliqua re, & tamen non in operatione ejus, & respondit mihi Angelus, non potest nisi modo idealiter, at non realiter, erit usque in conatu aut voluntate ad operandum, ac voluntas seu conatus est actus in se, quia est continuus nitus ad agendum, qui fit actus in externis accidente determinatione; quare conatus & voluntas, sicut actus internus, acceptatur ab omni sapiente, quia acceptatur a Deo, prorsus sicut actus externus; modo non deficiat, quando datur copia.

388. QUARTUM MEMORABILE, Loquutus sum cum quibusdam, qui in Apocalypsi intelliguntur per draconem; & unus ex illis dixit, veni mecum, & jucunditates oculorum & cordium nostrorum ostendam; & duxit me per sylvam opacam, & super collem, e quo potui spicere draconum jucunda, & vidi Amphitheatrum in Circi formam erectum cum scannis circum circa oblique sursum structis, super quibus spectatores sedebant; illi, qui sedebant super scannis infimis, apparebant mihi & longinquo sicut Satyri & Priapi, quidam cum velamine tegente pudenda, & quidem nudi absque illo; in scannis supra illos sedebant scortatores & meretrices, tales mihi ex gesticulationibus illorum apparebant: & tunc dixit Draco ad me, nunc videbis Ludum monstrum, & vidi in Aream Circi tanquam juvencos, arietes, oves, hædos, & agnos immisso, & postquam illi immisso sunt, aperiebatur porta, & irruerant tanquam leones juvenes, pantheræ, tigrides, & lupi, & cum furore invadebant gregem, ac dilaniabant & mactabant illos: at Satyri post cruentam illam cædem spargebant arenam super locum macerationis. Tunc dixit mihi Draco, hi sunt nostri Ludi, qui jucundant animos nostros: & respondi, abi Dæmon, post aliquod tempus videbis Amphitheatrum hoc conversum in stagnum ignis & sulphuris: ad hæc ille risit & abivit: & postea mecum cogitabam, cur talia a Domino permittuntur, & tuli responsum in corde meo, quod permittantur quamdiu in Mundo spirituum sunt, sed postquam tempus illorum in illo Mundo peractum est, vertuntur tales Scenæ theatræ in diras infernales. Omnia illa quæ visa sunt, inducta fuerunt a Dracone per phantasias, quare non erant juvenci, arietes, oves, hædi & agni, sed fecerunt ut ita apparerent genuina bona & vera Ecclesiæ, quæ odio habebant; leones, pantheræ, tigrides & lupi, erant apparentiæ cupiditatum apud illos, qui visi sunt sicut satyri & priapi; hi absque velamine circum pudenda erant, qui crediderunt quod mala non apparerent coram Deo, & qui cum velamine, erant qui crediderunt quod apparet, sed non damment, modo sint in fide; scortatores & meretrices erant falsificatores veritatum Verbi, scortatio enim significat falsificationem veri: in Mundo spirituali omnia apparent secundum correspondentias & longinquo, quæ cum apparent in formis, vocantur representationes spiritualium in objectis naturalium similibus.

Postea videbam illos exentes e sylva; Draconem in medio satyrorum & pri-

porum, & calones & lixæ, quæ erant scortatores & meretrices, post illos; audiabantur agmen in via, & tunc audivi, quid inter se loquebantur; dicebant, quod viderent in prato gregem ovium cum agnisi, & quod hoc signum sit, quod una Urbs ex urbibus Hierosolymitanis, ubi charitas primarium est, prope adesset; & dixerunt, eamus & capiamus illam urbem, & ejiciamus habitatores, & deprædemur bona illorum; accesserunt, sed erat murus circum illam, & angeli custodes super muro; & tunc dixerunt, capiamus illam per dolum, mittamus quendam peritum missationis, qui potest dealbare nigrum & denigrare album, & infucare rem cuiusvis objecti; & inventus est unus gnarus artis metaphysicæ, qui potuit vertere ideas rerum in ideas terminorum, ac ipsas res occultare sub formulis, & sic avolare sicut accipiter cum præda sub aliis. Ille instrutus quomodo cum Urbanis loqueretur, quod essent consocii in Religione, & immitterentur. Ille accedens ad portam pulsavit, quæ aperta dixit, quod cum sapientissimo illius urbis vellet loqui; ac intravit, deductus est ad quendam; & tunc ad illum loquebatur, dieens; sunt mei fratres extra urbem, & petunt ut recipiantur, sunt consocii in Religione, vos & nos facimus Fidem & Charitatem duo essentialia Religionis, discrimen solum est, quod vos dicatis Charitatem esse primarium & inde Fidem, & nos dicimus Fidem esse primarium & inde charitatem; quid resert si unum aut alterum dicatur primarium, cum utrumque creditur. Sapiens urbis respondit, non loquamur de hac re soli, sed in præsentia plurium, qui sint arbitri & judices, alioquin non sit decisio; & mox arcessiti sunt, ad quos Draconicus similia verba, quæ prius, loquebatur; & tunc respondit Vir sapiens urbis, dixisti, quod simile sit, sive Charitas sumatur primarium Ecclesiæ sive Fides, modo consensus sit, quod utraque faciat Ecclesiam & ejus Religionem, & tamen discrimen est, quale inter prius & posterius, inter causam & effectum, inter principale & instrumentale, & inter esse entiale & formale; talia dico, quia animadvertis quod sis artis Metaphysicæ gnarus, quain artem nos vocamus missationem, & aliqui incantationem; sed relinquamus illos terminos, est discrimen sicut inter id quod supra est, & id quod infra est, imo si vis credere, est discrimen sicut inter Mentes illorum qui habitant in superis, & Mentes illorum qui in inferis in hoc Mundo; nam quod Primarium est, hoc facit Caput & Pectus, & quod inde est, hoc facit Pedes & horum plantas: sed couveniamus primum, quid Charitas & quid Fides, quod Charitas sit affectio amoris faciendi bonum proximo propter Deum, salutem & vitam æternam, & quod Fides sit cogitatio ex fiducia de Deo, salute & vita æterna: sed dixit Emissarius, concedo quod hoc sit Fides, & quoque concedo, quod Charitas sit illa affectio propter Deum, quia propter mandatum Ipsiœ, non autem propter salutem & vitam æternam; post hanc conventionem & dissensionem, dixit Sapiens urbis, annon affectio seu dilectio est primarium, & cogitatio inde; at missus a Dracone dixit, hoc nego; sed responsum tulit, non potes id negare, annon homo cogitat ex quadam dilectione, aufer dilectionem, num cogitare potest quicquam, est prorsus sicut auferres sonum de loquela, si auferres sonum, num poteris loqui quicquam, sonus etiam est affectionis cuiusdam amoris, & loquela est cogitationis, nam amor sonat & cogitatio loquitur: & quoque est, sicut flamma & lux, si aufers flammam annon perit lux, simile est cum Charitate, quia hæc est amoris, & cum Fide, quia hæc est cogitationis; numime sic potes capere, quod primarium sit omne in secundario, prorsus sicut flamma & lux; ex quibus patet, quod si non facis primarium id quod primarium est, non sis in altero; quare si Fidem, quæ est in secundo loco, ponis in primo, non apparitus es aliter in Cælo, quam sicut inversus homo, cuius pedes stant fursum, & caput deorsum, aut sicut hariolus qui inverso corpore ambulat super palmis manus; quum tales appetitis in Cælo, qualia tunc sunt vestra bona Opera, quæ sunt Charitas actu, nisi qualia facturus esset hariolus ille suls pedibus, quia

non potest manibus; inde est, quod Charitas vestra sit naturalis, & non spirituialis, quia est inversa. Emissarius intellexit hoc, nam omnis diabolus potest intelligere verum, cum illud audit, sed non potest retinere, quia affectio mali, quæ inse est concupiscentia carnis, cum reddit, ejicit cogitationem veri: & postea sapiens urbis offendit multis, qualis est Fides, quando acceptata est pro primario, quod sit mere naturalis, & quod sit persuasio absque ulla vita spirituali, consequenter quod non sit fides: ac pñne dicere possum, quod in Fide vestra non plus spirituale sit, quam in cogitatione de Regno Mogolis, de Fodina adamantina ibi, deque Imperatoris illius Thesauro aut Aula. His auditis Draconicus iratus abivit, & renuntiavit suis extra Urbem, & cum audiverunt, quod dictum sit, quod Charitas sit affectio amoris faciendi bonum proximo propter salutem, & vitam æternam, clamaverunt omnes, hoc mendacium est, & ipse Draco, heu facinus, nonne omnia Opera, quæ sunt Charitatis, propter salutem, sunt meritoria. Tunc inter se dixerunt, convocemus adhuc plures ex nostris, & obsideamus hanc Urbem, & ejiciamus Charitates illos: at cum hoc moliti sunt, ecce apparuit sicut ignis e Cælo qui consumpsit illos; sed ignis e Cælo fuit apparentia iræ & odii contra illos qui in Urbe erant, quoniam Fidem e primo loco in secundum, imo in infimum sub Charitate, quia dixerunt, quod non esset fides, dejecerunt; quod apparerent sicut igne consumi, erat quod sub pedibus eorum aperiretur infernum, & deglutiarentur. His similia contigerunt in pluribus locis die ultimi Judicij, quod ctiam per hoc intelligitur in Apocalypsi, *Exibit Draco ad seducendum Gentes, quæ in quatuor angulis terræ, ut congreget eos in bellum; & ascendebant super planitatem terræ, & circumdederunt castra sanctorum, & Urbem dilectam; sed descendit ignis a Deo e Cælo, & consumpsit illos*, Cap. XX: 8, 9.

389. QUINTUM MEMORABILE. Quondam visa est Charta e Cælo demissa in unam Societatem in Mundo spirituum, ubi erant duo Praesules Ecclesiæ cum Canonicis & Presbyteris sub illis: in Charta illa suit exhortatio, ut agroscerent Dominum Jesum Christum pro Deo Cæli & Terræ, prout Ipse docuit, Matth. XXVIII: 18, ac ut recederent a doctrina de Fide justificante sine operibus legis, quia erronea. Charta illa lecta & exscripta fuit a multis, & de illis, quæ in ea erant, cogitabant & loquebantur multi ex judicio. At postquam receperunt illam, dixerunt inter se, audiamus Praesules, & auditi sunt, sed contradixerunt & improbaverunt: verum Praesules illius Societatis erant duri corde ex falsis in Mundo priori imbutis, quare post brevem consultationem inter se, remiserunt Chartam ad Cælum, unde venit: quo facto, post aliquod murmur, plerique Laici a consensu priori suo recesserunt, & tunc lux judicij illorum in spiritualibus, quæ prius exsplenduit, subito extincta est; postquam iterum admoniti fuerunt, at frustra, vidi Societatem illam subsidentem, sed quam profunde, non vidi, ita subductam e conspectu illorum, qui unice colunt Dominum, & solam fidem justificantem aversantur. Sed post aliquos dies vidi ascendentis pñne ad centum ex inferiore terra, quo usque parva ille Societas subsedit, qui accesserunt ad me, & e quibus unus loquutus dixit, audi mirabile; dum subsidimus, apparuit nobis locus sicut stagnum, sed mox sicut terra sicca, & postea sicut parva urbs, in qua multis fuit sua domus; post diem consultavimus inter nos, quid faciendum, dixerunt multi, quod duo illi Praesules Ecclesiæ adeundi sint, & mite arguendi, quia remiserunt Chartam in Cælum e quo demissa est, & propter id contigit nobis hoc; elegerunt etiam aliquos, qui abiverunt ad Praesules, & dixit mecum loquens, quod esset unus ex illis; & tunc quidam inter nos sapientia præpollens loquebatur ad Praesules, ita; credidimus quod apud nos præ reliquis esset Ecclesia, & Religio, quia dictum audivimus, quod in summa luce Evangelii sumus; sed data est quibusdam e nobis illustratio e Cælo, & in illustratione perceptio, quod hodie in Orbe Christiano non sit amplius Ecclesia, quia non Religio. Dixerunt Praesules, quid loqui.

loquimini, estne Ecclesia ubi est Verbum, ubi Christus Salvator notus est, & ubi sunt Sacra menta: ad hæc respondit noster, illa sunt Ecclesiae, nam illa faciunt Ecclesiam, sed non faciunt illam extra hominem, sed intra hominem: & porro dixit, potest Ecclesia esse ubi coluntur tres Dii; potest Ecclesia esse, ubi tota ejus Doctrina fundatur super unico Pauli dicto falso intellecto, & inde non super Verbo; potest Ecclesia esse, dum Salvator Mundi, qui est ipse Deus Ecclesiae, non aditur: quis negare potest, quin Religio sit fugere malum & facere bonum, num est aliqua Religio, quod sola fides salvet, & non simul charitas; num est Religio, ubi docetur, quod Charitas procedens ab homine non sit nisi quam Charitas moralis & civilis, quis non videt, quod in illa Charitate non sit aliquid religionis; num est in sola Fide aliquod facti seu operis, cum tamen in facere consistit religio: num datur in universo terrarum orbe Gens, quæ excludit omne salvificum a bonis Charitatis, quæ sunt bona Opera, cum tamen omne Religionis consistit in bono, & omne Ecclesiae in Doctrina, quæ docet vera, & per vera bona; quæ gloria nobis fuisset, si acceptaverimus illa, quæ Charta e Cælo demissa in sinu suo portavit. Tunc Præfules dixerunt, loqueris nimis alte, annon Fides actu, quæ est Fides plene justificans & salvans, est Ecclesia, & annon Fides statu, quæ est Fides procedens & perficiens, est Religio; apprehendite hoc filii: sed tunc Sapiens noster dixit, audite Patres, annon homo concepit Fidem actu sicut stipes secundum vestrum dogma, num stipes potest vivificari in Ecclesiam; annon Fides statu est secundum vestram ideam continuatio & progressio Fidei actu, & cum secundum vestrum dogma, omne salvificum est in Fide, & non aliquid in bono Charitatis ab homine, ubi tunc est Religio. Tunc dixerunt Antistites, amice, loqueris ita, quia non scis Arcana justificationis per solam Fidem, & qui illa non scit, non scit viam salvationis ab interiori, tua via est externa & plebeja, vade illam si vis, at scias modo, quod omne bonum sit a Deo, & nihil ab homine, & quod sic homo in spiritualibus nihil possit a se, quomodo tunc potest homo facere bonum, quod est bonum spirituale, a se. Ad hæc Noster loquens cum illis, valde indignatus, respondit, scio Arcana justificationis vestra plus quam vos, & aperte vobis dico, quod interius in Arcanis vestris non viderim nisi quam spectra; annon Religio est agnoscere Deum, ac fugere & odio habere diabolum; estne Deus ipsum Bonum, & Diabolus ipsum Malum, quis in Universo terrarum orbe, cui ast religio, hoc non novit; estne agnoscere & amare Deum, facere bonum, quia hoc est Dei & a Deo, & estne fugere & odio habere Diabolum, non facere malum, quia hoc est Diaboli & a Diabolo, seu quod idem, vestra Fides actu, quam vocavisti Fidem plene justificantem & salvantem, seu quod idem, vestra Actus justificationis per solam fidem, num docet facere aliquid bonum, quod est Dei & a Deo, & num docet fugere aliquid malum quod est diaboli & a Diabolo, prorsus nihil, quia statuit, quod in utroque nihil salutis sit; quid vestra Fides statu, quam vocavisti Fidem procedentem & perscientem, nisi eadem cum Fide actu, quomodo potest hæc perfici, cum excluditis omne bonum ab homine sicut ab ipso, dicendo in Arcanis vestris, quomodo potest homo salvare per aliquid bonum a se, cum salvatio est gratuita, tum quid bonum ab homine, nisi meritorium, & tamen meritum Christi est omne, quare bonum facere salutis causa, foret sibi attribuere quod solius Christi est, sic etiam foret velle semet justificare & salvare; tum quomodo potest quis operari bonum, cum Spiritus Sanctus operatur omnia absque ulla ope hominis; quid tunc opus est aliquo bono accessorio ab homine, cum omne bonum ab homine in se non est bonum, præter plura; nonne hæc sunt Arcana vestra; sed illa in meis oculis sunt meræ argutiae & astutiæ effictæ propter finem ut removeatis bona Opera, quæ sunt bona Charitatis, ad stabiliendum vestram solam fidem; & quia hoc facitis, spectatis hominem quod illam, & in genere quoad omnia spiritualia, quæ Ecclesiae & Religionis sunt,

sunt; sicut stipitem, vel sicut simulachrum inanimatum, & non ut hominem creatum ad imaginem Dei, cui data est & continue datur facultas intelligendi & volendi, credendi & amandi, ac loquendi & faciendi, prorsus sicut a se, imprimis in spiritualibus; quia homo est homo ex illis; si homo in spiritualibus non cogitaret & operaretur sicut a se, quid tunc Verbum, quid tunc Ecclesia & Religio, & quid tunc Cultus: nostis quod facere bonum proximo ex amore sit Charitas, at non nostis quid Charitas, cum tamen Charitas est anima & essentia fidei, & quia Charitas est utraque illa, quid tunc Fides remota Charitate, nisi mortua, & Fides mortua non est nisi quam spectrum; voco illam spectrum, quoniam Jacobus vocat Fidem absque bonis Operibus non solum mortuam, sed etiam Diabolica. Tunc unus ex Praesulibus illis, cum audivit Fidem suam vocari mortuam, diabolicam, & spectrum, in tantum excanduit, ut e Capite suo eriperet Cidarim, & conjiceret super Mensam, dicens, non resumam antequam utus fuero hostes Fidei Ecclesiae nostrae, & movit caput murmurans & dicens. ILLE JACOB, ILLE JACOB: in fronte cidaris erat bractea, cui insculpta fuit SOLA FIDES JUSTIFICANS: & tunc subito apparuit monstrum e terra surgens cum septem capitibus, cui pedes sicut ursi, corpus sicut pardi; & os sicut leonis, prorsus similis bestie, quæ describitur Apoc. Cap. XIII: 1, 2. cuius imago facta & adorata est, Vers; 14, 15. hoc spectrum e Mensa defumisit Cidarim, & dilatavit illam infra, & posuit super septem suis capitibus, quo facto, terra hiabat sub pedibus ejus, & subsidit; hoc viso clamavit Praesul, VIOLENTIA, VIOLENTIA. Tunc abivimus ab illis, & ecce gradus coram oculis nostris, per quos ascendimus, & redivimus super terram, & in conspectum Cœli, ubi fuimus prius; hæc narravit mihi Spiritus ille, qui cum centum aliis ex terra inferiore ascenderat.

390. SEXTUM MEMORABILE: In Plaga septentrionali Mundi spiritualis audiui sicut strepitum aquarum, quare illuc accessi, & cum prope eram, cessavit strepitus, & audiui sonorum sicut ex congregazione, & tunc visa est Domus foramina, circumcincta macerie, e qua auditum est sonorum illud; accessi, erat ibi ostiarius, quem quæsivi, quinam ibi, dixit, quod essent sapientum sapientes, qui inter se concludunt res supranaturales, loquebatur ita ex simplici sua fide; & dixi, liceatne intrare, dixit quod liceat, modo ne aliquid loquaris, quoniam ex venia admitto gentiles, qui in ostio mecum stant: quare intravi, & ecce erat Circus, & in ejus medio Pulpitum, & Cætus sapientum ita dictorum ventilabant arcana fidei eorum; & tunc materia seu propositio ventilationi subjecta fuit, num Bonum, quod homo in STATU JUSTIFICATIONIS per fidem, seu in progressione ejus post ACTUM, facit, sit Bonum religionis, vel non; dixerunt unanimiter, quod per Bonum religionis intelligatur Bonum quod confert ad salutem. Ventilatio acris fuit; sed prævaluerunt, qui dixerunt, quod Bona quæ homo in Statu seu progressione fidei facit, sint modo Bona moralia, quæ ad prosperitatem in Mundo conducunt, sed nihil ad salutem conferunt, ad hanc confert modo Fides; & confirmarunt illud ita: Quomodo potest aliquod Bonum voluntarium hominis conjungi cum gratuito, fitne salvatio gratis: Quomodo potest aliquod Bonum ab homine conjungi cum Merito Christi, estne per id unice salvatio: Et quomodo potest operatio hominis conjungi cum operatione Spiritus sancti, facitne ille omnia absque ope hominis: suntne illa unice salvifica in Actu justificationis per fidem, permanentque illa tria unice salvifica in Statu seu progressione ejus; quare Bonum accessiorum ab homine nequaquam potest vocari Bonum Religionis, quod, ut dictum est, confert ad salutem, sed si quis id facit propter salutem, quoniam ei inest hominis voluntas, & hæc non potest non spectare id, ut meritum, potius vendendum est malum religionis. Stabant duo gentiles juxta ostiarium in vestibulo, & audiverunt hæc, & dicebant inter se, his non est aliqua Religio, quis non videt, quod bonum facere proximo propter Deum, ita cum Deo, & a Deo, sit quod

quod vocatur Religio: & alter dixit, Fides illorum infatuavit illos, & tunc quæ siverunt Ostiarium, quinam sunt illi, dixit Ostiarius, sunt Sapientes Christiani; & responderunt, gañris, mentiris, sunt ludiones, ita loquuntur: & ego abivi. Quod ad illam Domum venerim, & quod tunc deliberaverint de rebus illis, & quod factum sit sicut describitur, sicut ex auspicio Divino Domini.

391. SEPTIMUM MEMORABILE. Qualis desolatio veri & macies Theologica in Christiano Orbe hodie datur, notum mihi factum est ex sermocinatione cum multis ex Laicis, & cum multis ex Clericis in Mundo spirituali; apud hos talis egestas spiritualis est, ut vix sciant quicquam, quām quod sit Trinitas, Pater, Filius & Spiritus Sanctus, & quod Sola fides salvet, & de Domino Christo solum Historica de Ipsi apud Evangelistas; reliqua autem, quæ Verbum utriusque Testamenti de Ipsi docet, ut quod Pater & Ipse unum sint, quod Ipse in Patre sit & Pater in Ipsi; quod Ipsi sit omnis potestas in Cælo & in Terra; quod voluntas Patris sit ut credant in Filium, & quod qui credit in Ipsum, habeat vitam æternam, præter plura, haec illis tam ignota & reposta sunt, sicut illa quæ in fundo oceanii, imo quæ in centro terræ jacent; & cum protrahuntur ex Verbo & leguntur, stant sicut audiunt & non audiant, nec penitus intrant in aures, quam susurrus venti, aut sonus pulsati corii. Angeli, qui a Domino quandoque emittuntur ad Societas Christianas, quæ in Mundo spirituum sunt, ita sub Cælo, ad visitandum, valde lamentantur, dicentes quod talis obesitas & inde caligo in rebus salutis sit, pæne qualis in psittaco loquente; dicunt etiam Docti illorum, quod in spiritualibus & Divinis non plus intelligent quam statuæ. Quondam mihi retulit Angelus, quod cum duobus e Clero loquutus sit, uno qui in Fide separata a Charitate, altero qui in Fide non separata fuit. Quod cum illo qui in Fide separata a Charitate fuit, ita loquutus fit; Amice, quis es, respondit ille, sum Reformatus Christianus: quæ tua Doctrina, & inde Religio, respondit quod sit Fides: dixit, quæ tua Fides, respondit, fides mea est, quod Deus Pater miserit Filium, qui damnationem Génoris humani in se suscepiteret, & quod per id salvemur: interrogavit tunc dicendo, quid scis plus de salvatione, respondit quod salvatio fiat per solam illam fidem: porro dixit, quid scis de Redemptione, respondit quod facta sit per Passionem crucis, & quod meritum Ipsius imputetur per illam fidem: porro, quid scis de Regeneratione, respondit quod fiat per illam fidem: dic quid scis de Amore & Charitate, respondit quod sint illa fides: dic quid cogitas de præceptis Decalogi & de reliquis in Verbo, respondit quod sint in illa fide: tunc dixit, ergo nihil facies, respondit quid faciam, non possum facere bonum, quod bonum est, a me; dixit, num fidem potes habere a te, respondit, in hoc non inquirō, habebo fidem: tandem dixit, omnino scis aliquid præterea de salute, respondit quid præterea, cum per solam illam fidem salvatio. Sed tunc dixit Angelus, responde sicut qui canit uno tono tibiæ, non audio nisi fidem, si illam scis & non aliquid præterea, nihil scis: abi & vide socios, & abivit & offendit illos in deserto, ubi non gramen, quæsivit ibi cur ita, & dictum est, quia illis nihil Ecclesiæ.

Angelus cum illo, qui in Fide conjuncta Charitai erat, ita loquutus est, Amice, quis es, respondit sum Christianus Reformatus, quæ tua Doctrina & inde Religio, respondit Fides & Charitas: dixit, haec sunt duo, respondit non separari possunt: dixit, quid Fides, respondit credere quod Verbum docet; dixit quid Charitas, respondit facere quod Verbum docet; dixit, num solum credideris illa, vel num etiam feceris, respondit etiam feci: Angelus Cæli tunc aspergit illum, & dixit, mi Amice, veni mécum, & habita nobiscum.

CAPUT SEPTIMUM

DE

CHARITATE SEU AMORE ERGA PROXIMUM

ET DE

BONIS OPERIBUS.

392. Actum est de Fide, sequitur nunc de Charitate, quia Fides & Charitas conjunctae sunt, sicut Verum & Bonum, & haec duo sicut Lux & Calor tempore veris; hoc dicitur, quoniam Lux Spiritualis, quæ est Lux quæ procedit a Sole Mundi spiritualis, in sua essentia est Verum, quapropter Verum in illo Mundo, ubi cunque appareret, cum splendore secundum puritatem ejus luceat, & Calor Spiritualis, qui etiam ab illo Sole procedit, in sua essentia est bonum. Haec dicta sunt, quoniam simile est cum Charitate & Fide, sicut est cum Bono & Vero, Charitas enim est complexus omnium Boni, quæ homo facit Proximo, & Fides est complexus omnium Veri, quæ homo cogitat de Deo & de Divinis. Cum itaque Verum fidei est Lux Spiritualis, & Bonum Charitatis est Calor spiritualis, sequitur quod simile sit cum duobus istis, quemadmodum est cum duobus ejusdem nominis in Naturali Mundo; videlicet, quod ex coniunctione illorum florent omnia super Tellure, ita similiter ex coniunctione illorum florent omnia in Mente humana; sed cum discriminis, quod super Tellure efflorescentiam faciant Calor & Lux naturalis, sed quod in Mente humana efflorescentiam faciant Calor & Lux Spiritualis, & quod haec efflorescentia, quia est spiritualis, sit Sapientia & Intelligentia; est quoque correspondientia inter illa; quapropter Mens humana, in qua Charitas conjuncta est Fidei, & Fides Charitati, in Verbo assimilatur Horto, & quoque intelligitur per Hortum Edenis; quod ita sit, in ARCANIS CÆLESTIBUS Londini editis plene ostensum est. Porro sciendum est, quod nisi agatur de Charitate postquam actum est de Fide, non possit comprehendendi quid Fides, quoniam, ut in praecedente Capite dictum & ostensum est, Fides absque Charitate non est Fides, nec Charitas absque Fide est Charitas, ac utraque nisi a Domino non vivit, n: 355 ad 361. Tum, Quod Dominus, Charitas & Fides, unum faciant sicut Vita, Voluntas & Intellectus, & quod si dividuntur, unumquodvis pereat, sicut unio dilapsa in pollinem, n: 362 ad 367. Et insuper, quod Charitas & Fides simul sint in Bonis operibus, n: 373. seq.

393. Consta veritas est, quod Fides & Charitas non possint separari, ut homini Vita spiritualis sit, & inde salus; quod ita sit, cadit ex se in Intellectum cuiusvis hominis, etiam non expolitum per talenta & minas eruditionis; quis non ex interiori quadam perceptione videt, & inde ex intellectu assentit, dum audit ali-

aliquem dicentem, *Quod qui bene vivit, & recte credit, salvetur*: & quis non ex intellectu rejicit, sicut grumum incidentem in oculum, dum audit, *Quod qui recte credit, & non bene vivit, etiam salvetur*, quoniam ex interiore perceptione tunc illico in cogitationem incidit, quomodo potest quis recte credere dum non bene vivit, & quid tunc credere nisi figura pictæ fidei, & non aliqua imago viva ejus; similiter, si quis audiret, *Quod qui bene vivit, tameisi non credit, salvetur*, annon. Intellectus dum hoc volvit & revolvit, seu versat, videt, percipit & cogitat, quod nec hoc cohæreat, quoniam bene vivere est a Deo, omne enim bonum, quod in se bonum est, a Deo est, quid tunc est bene vivere & non credere, nisi sicut lumen in manu figuli, quod non formabile est ad aliquod vas usus in Regno spirituali, sed modo in Regno naturali: & præterea, quis non videt contradictionem in duobus illis, nimirum in hoc, *Quod salvetur qui credit & non bene vivit, tum in hoc, Quod salvetur qui bene vivit & non credit*. Nunc quia Bene vivere, quod est Charitatis, hodie scitur & non scitur, scitur quid naturaliter bene vivere, & non scitur quid spiritualiter bene vicere, ideo de hoc, quia est charitatis, transfigetur, quod distincte fiet in Serie per Articulos.

Quod tres Amores universales sint, Amor Cæli, Amor Mundi, & Amor sui.

394. Exordium fit ex tribus his Amoribus, quia sunt universales & fundamentales omnium, & quia Charitas commune habet cum unoquovis ex illis; nam per AMOREM CÆLI intelligitur amor in Dominum, & quoque Amor erga proximum; & quia uterque illi spectat usum ut finem, vocari potest Amor usum. AMOR MUNDI non solum est Amor opum & possessionum, sed etiam Amor omnium que Mundus suppeditat, & delectat Senus corporis, ut pulchritudo oculos, harmonia aures, fragrantia nares, lautitiae linguam, mulcimira cutem, tum etiam decori amictus, commodæ habitations, consortia, ita omnes jucunditates ex his, & ex pluribus aliis objectis. AMOR SUI non Solum est amor honoris, gloriæ, famæ, eminentiæ, sed etiam amor merendi & ambiendi functiones, & sic regnandi super alios. Quod Charitas commune cum unoquovis ex tribus illis Amoribus habeat, est quia Charitas in se spectata est amor usum, charitas enim vult proximo facere bonum, & bonum est idem cum usu, & quisque ex illis amoribus usus spectat ut suos fines, Amor Cæli usus spirituales, Amor mundi usus naturales qui nuncupari possunt civiles, & Amor sui usus corporeos, qui etiam nuncupari possunt Domestici pro se & suis.

395. Quod tres illi Amores sint in unoquovis homine a creatione & inde nativitate, & quod dum rite subordinati sunt, perficiant hominem, & dum non rite, pervertant illum, in sequente Articulo demonstrabitur; hic solum memorare licet, quod tres illi amores tunc rite subordinati sint, quando Amor Cæli facit caput, Amor mundi pectus & ventrem, & Amor sui pedes & plantas. Mens humana distincta est in tres regiones, ut supra aliquoties dictum est, homo e supra regio- ne spectat Deum, e secunda seu media Mundum, ac e tertia seu infima se netipsum; Mens quia talis est, potest elevari & se elevare sursum, quia ad Deum & Cælum, potest effundi & se effundere ad latera quaquaversum, quia in Mundum & ejus naturam, & potest demitti & se demittere deorsum, quia ad terram & ad infernum; in his visus corporis æmulatur visum mentis, ille quoque potest suspicere, circumspicere, & despicere. Mens humana est sicut Domus trium mansio- num, inter quas est communicatio per scalas, in quarum suprema habitant Angelici Cælo, in media homines e Mundo, & in infima genii; homo, in quo tres illi:

amores rite subordinati sunt, potest ex placito ascendere & descendere, & cum in supremam mansionem ascendit, una est cum Angelis sicut Angelus, & cum inde descendit in medium, est ibi una cum hominibus sicut homo Angelus, & cum ex hac ulterius descendit, est una cum geniis sicut homo mundi, & illos instruit, arguit, & domat. In homine, in quo tres illi Amores rite subordinati sunt, etiam coordinati sunt ita, quod supremus Amor, qui est amor cœli, sit intus in secundo, qui est amor mundi, & per hunc in tertio seu infimo, qui est amor sui, & amor qui intus est, is etiam dirigit illum qui extra est ad suum nutum; quare si amor Cœli est intus in amore Mundi, & per hunc in amore sui, homo agit usus in unoquovis a Deo Cœli. Sunt illi tres amores in operando, sicut Voluntas, Intellectus & Actio, Voluntas influit in Intellectum, & ibi prospicit sibi media, per quæ producit actionem. Sed de his videbuntur plura in sequente Articulo, ubi demonstrabitur, Quod tres illi Amores, si rite subordinati sunt, perficiant hominem, at si non rite subordinati sunt, perversant & invertant illum.

396. Verum enim vero, ut illa quæ sequuntur in hoc Capite, & in succedentibus de Libero Arbitrio, deque Reformatione & Regeneratione, &c: in luce rationis sistantur clare videnda, necessum est, ut præmittantur aliqua de VOLUNTATE ET INTELLECTU; de BONO & VERO: DE AMORE IN GENERE: DE AMORE MUNDI ET AMORE SUI IN SPECIE; DE EXTERNO ET INTERNO HOMINE; ET DE MERE NATURALI ET SENSUALI HOMINE; Hæc detegentur, ne Vetus rationalis hominis in percipiendis illis, quæ ulterius sequuntur, sit velut in nimbo, & in illo quasi currat per plateas Urbis, usque dum non scit viam ad domum; nam quid Theologicum absque intellectu, & nisi hic illustretur dum legitur Verbum, quam sicut Lampas in manu absque accensa candela, qualis fuit in manibus quinque Virginum stultarum, quæ non habebant Oleum. De singulis itaque in suo ordine.

397. I. „ De VOLUNTATE & INTELLECTU. 1. Sunt homini binæ Facultates, quæ faciunt vitam ejus, una vocatur Voluntas & altera Intellectus; illæ inter se distinctæ sunt, sed ita creatæ ut unum sint, & cum unum sunt, vocantur Mens; quare Mens humana illæ sunt, & omnis vita hominis ibi in principiis est, & inde in corpore. 2. Sicut omnia in Universo, quæ secundum Ordinem sunt, se referunt ad Bonum & Verum, ita omnia apud hominem ad Voluntatem & Intellectum, nam Bonum apud hominem est ejus Voluntatis, ac Verum apud illum est ejus Intellectus; sunt enim hæ binæ Facultates, seu hæ binæ Vitæ hominis, receptacula & subjecta illorum, Voluntas est receptaculum & subjectum omnium Boni, ac Intellectus est receptaculum & subjectum omnium Veri; Bona & Vera apud hominem non alibi sunt; & quia Bona & Vera apud hominem non alibi sunt, inde nec Amor & Fides sunt alibi, quoniam Amor est boni & Bonum est amoris, ac Fides est veri & Verum est fidei. 3. Voluntas & Intellectus etiam faciunt Spiritum hominis; nam ejus Sapientia & Intelligentia, & quoque ejus Amor & Charitas, ibi resident, & in genere ejus Vita: Corpus est modo Obedientia. 4. Nihil magis interest scire, quam quomodo Voluntas & Intellectus unam Mentem faciunt; faciunt unam Mentem, sicut Bonum & Verum faciunt unum; est enim simile Conjugium inter Voluntatem & Intellectum, quale est inter Bonum & Verum; quale id Conjugium est, constabit ex illis quæ de Bono & Vero mox adducentur; nempe quod sicut Bonum est ipsum Esse rei, ac Verum est Existere rei inde, ita Voluntas apud hominem est ipsum Esse vitæ ejus, ac Intellectus Existere vitæ inde; nam Bonum quod est Voluntatis se in Intellectu format, & sistit videndum.

398. II. „ De BONO ET VERO. Omnia in Universo, quæ sunt in Divino Ordo, se referunt ad Bonum & Verum; nihil datur in Cælo, & nihil in Mundo, quod non ad duo illa se refert; causa est, quia utrumque tam Bonum quam Verum, procedit a Deo, a Quo omnia. 2. Inde patet, quod necessarium sit ho-

„ homini, ut sciat quid Bonum & quid Verum, & quomodo unum spectat alterum, & quomodo unum conjungitur alteri, maxime autem necessarium est homini Ecclesiæ, nam sicut omnia Cæli se referunt ad Bonum & Verum, ita quoque omnia Ecclesiæ, quia bonum & verum Cæli sunt quoque bonum & verum Ecclesiæ. 3. Secundum Divinum ordinem est, ut Bonum & Verum conjuncta sint, & non separata, ita ut sint unum & non duo; conjuncta enim procedunt a Deo, & conjuncta sunt in Cælo, & ideo conjuncta erunt in Ecclesia, Coniunctio boni & veri vocatur in Cælo Conjugium cælestis, nam in hoc Conjugio sunt omnes qui ibi: inde est, quod in Verbo Cælum comparetur Conjugio, & quod Dominus dicatur Sponsus & Maritus, Cælum autem Sponsa & Uxor, similiter Ecclesia; quod Cælum & Ecclesia ita dicantur, est quia illi qui ibi, recipiunt Divinum Bonum in Veris. 4. Omnis intelligentia & sapientia, quæ est Angelis, est ex illo Conjugio, & non aliqua ex Bono separato a Vero, nec a Vero separato a Bono: simile est hominibus Ecclesiæ. 5. Quoniam Coniunctio boni & veri est instar conjugii, patet quod Bonum amet Verum, & vicissim Verum amet Bonum, & quod unum desideret cum altero conjungi: homo Ecclesiæ, cui non talis amor est & tale desiderium, non est in Conjugio Cælesti, ita non est in illo adhuc Ecclesia, quoniam Coniunctio boni & veri facit Ecclesiam. 6. bona sunt multiplicia; in genere est Bonum spirituale, & Bonum naturale, ac utrumque conjunctum in genuino Bono morali. Sicut sunt bona, ita sunt vera; quia Vera sunt Boni, & sunt Formæ boni. 7. Sicut est cum Bono & Vero, ita ex opposito est cum Malo & Falso; quod namque sicut omnia in Universo quæ sunt secundum Divinum Ordinem se referunt ad Bonum & Verum, ita omnia quæ sunt contra Divinum Ordinem se referant ad Malum & Falsum: tum quod sicut Bonum amat conjungi Vero, ita Malum amet conjungi Falso, & vicissim: ut &, sicut omnis Intelligentia & Sapientia nascitur ex Coniunctione boni & veri, ita omnis Insania & Stultitia ex Coniunctione mali & falsi. Coniunctio mali & falsi interius spectata non est Conjugium, sed Adulterium. 8. Ex eo, quod Malum & Falsum sunt opposita Bono & Vero, patet quod Verum non conjungi possit Malo, nec Bonum Falso mali; si Verum adjungitur Malo, non amplius fit Verum, sed Falsum, quia falsificatum; & si Bonum adjungitur Falso mali, non amplius fit Bonum, sed Malum, quia adulteratum. At Falsum non mali potest conjungi Bono. 9. Nemo, qui ia Malo & inde Falso est ex confirmatione & vita, potest scire quid Bonum & Verum, quoniam Malum suum credit esse Bonum, & inde Falsum suum credit esse Verum; at omnis qui in Bono & inde vero est ex confirmatione & vita, potest scire quid malum & falsum; causa est, quia omne Bonum & ejus Verum in sua essentia est Cælestis, omne autem Malum & inde Falsum est in sua essentia Infernale; ac omne Cælestis est in luce, & omne Infernale in tenebris.

399. III. „ DE AMORE IN GENERE. 1. Ipsa Vita hominis est ejus Amor, & qualis est Amor, talis est Vita, imo talis est totus homo; sed Amor dominans seu regnans est, qui facit hominem. Hic Amor sibi subordinatos habet plures Amores, qui sunt derivationes; hi sub alia specie apparent, sed usque singulis illi insunt Amori dominantis, & cum illo faciunt unum Regnum; Amor Dominans est sicut illorum Rex & Caput; is dirigit eos, & per eos, ut per fines medios, spectat & intendit Finem suum, qui omnium primarius & ultimus est, & hoc tam directe quam indirecte. 2. Id quod est Amoris dominantis, est quod super omnia amat. Quod homo super omnia amat, id jugiter est præsens in ejus cogitatione, quia in Voluntate, & facit ipsissimum Vitam ejus; ut pro exemplo, qui super omnia amat opes, sive sint pecuniae, sive possessiones, is continue animo versat quomodo illas sibi comparet, gaudet intime cum acquirit, dolet intime cum amittit, cor ejus est in illis. Qui super omnia amat Se, is sui

recordatur in singulis, de se cogitat, de se loquitur, propter se agit; vita enim ejus est vita sui. 3. Homo pro fine habet quod super omnia amat, illud spectat in omnibus & singulis; est in Voluntate ejus sicut latens vena fluvii, quæ trahit & aufert, etiam cum aliud agit, nam id est quod animat. Tale est, quod unus homo apud alium explorat, & quoque videt, & per id vel dicit illum, vel agit cum illo. 4. Homo prorsus talis est, quale est ejus vitæ Dominans; per hoc distinguitur ab aliis; secundum hoc fit ejus Cælum si bonus, & fit ejus Infernum si malus; id est ipsa ejus Voluntas, ejus Proprium, & ejus Natura, est enim ipsum Est esse vitæ ejus; hoc post mortem non mutari potest, quia id est ipse homo. 5. Omne jucundum, faustum & felix est cuivis ex Amore ejus dominante, & secundum illum; homo enim id jucundum dicit quod amat, quia sentit; quod autem cogitat & non amat, hoc quoque jucundum dicere potest, sed non est jucundum vitæ ejus. Jucundum amoris est, quod homini est Bonum, ac injucundum, quod ei est Malum. 6. Sunt bini Amores, ex quibus omnia bona & vera, ut ex ipsis suis fontibus, existunt; & sunt bini Amores, ex quibus omnia mala & falsa. Bini Amores, ex quibus omnia bona & vera, sunt Amor in Dominum, & Amor erga proximum; at bini Amores, ex quibus omnia mala & falsa, sunt Amor sui & Amor mundi: hi bini Amores quando dominantur, sunt illis binis Amoribus prorsus oppositi. 7. Bini Amores, qui, ut dictum est, sunt Amor in Dominum, & Amor erga proximum; faciunt Cælum apud hominem, nam illi regnant in Cælo; & quia faciunt Cælum apud hominem, etiam faciunt Ecclesiæm apud illum; Bini Amores ex quibus omnia Mala & Falsa, qui ut dictum est, sunt Amor sui & Amor mundi, faciunt Infernum apud hominem, nam illi regnant in Inferno, consequenter etiam destruunt Ecclesiæm apud illum. 8. Bini Amores, ex quibus omnia bona & vera, qui, ut dictum est, sunt Amores Cæli, aperiunt & formant Internum spiritualem hominem, quia ibi resident: bini autem Amores, ex quibus omnia mala & falsa, qui, ut dictum est, sunt amores Inferni, quando dominantur, claudunt & destruunt Internum spiritualem hominem, ac faciunt ut homo sit Naturalis & Sensualis secundum quantum & quale Domini illorum.

400. IV. DE AMORE SUI ET AMORE MUNDI IN SPECIE. 1. Amor sui est sibi soli bene velle, & non aliis nisi propter se, ne quidem Ecclesiæ, Patriæ, alicui Societati humanæ, aut concivi; ut & illis benefacere solum propter sui famam, honorem, & gloriam, quæ nisi videt in bonis, quæ illis facit, dicit corde, quid refert, cur hoc, & quid inde mihi, & sic omittit; unde patet, quod is, qui in amore sui est, non amet Ecclesiæ, nec Patriam, nec Societatem, nec Conciuem, nec aliquod vere Bonum, sed Solum se & sua. 2. Homo in Amore sui est, quando in illis quæ cogitat & facit, non intuetur proximum, ita non publicum, minus Dominum, sed modo Semet & Suos; consequenter, quando propter Semet & suos omnia facit, & si propter Publicum, sit modo ut appareat, & si propter proximum, sit ut sibi faveat. 3. Propter Semet & Suos dicitur, nam qui amat Se, etiam amat Suos, qui sunt in specie Liberi & Nepotes ejus, & in genere omnes, qui unum cum illo faciunt, quos Suos vocat; hos & illos amare est etiam Se amare, nam illos spectat quasi in se, & se in illis; inter illos, quos Suos vocat, sunt quoque omnes, qui cum laudant, honorant, & colunt. Reliquos quidem spectat oculis corporis ut homines, sed oculis spiritus sui vix aliter quam sicut larvas. 4. Ille homo in Amore sui est, qui proximum contemnit præ se; qui inimicum illum habet, si non sibi favet, & si non se veneratur & colit: magis adhuc in Amore sui est, qui propterea proximum odio habet, & persequitur; & magis adhuc, qui propterea flagrat vindicta contra illum, & cupit ejus perniciem: tales tandem amant fævire. 5. Ex comparatione cum

„ Amore cælesti, constare potest, qualis est Amor sui; Amor cælestis est amare
 „ usus propter usus, seu bona propter bona, quæ homo præstat Ecclesiæ, Patriæ,
 „ Societati humanæ, & concivi; at qui amat illa propter Se, is non amat illa ali-
 „ ter quam famulitia, quia serviunt sibi: inde sequitur, quod qui in Amore sui
 „ est, velit ut Ecclesiæ, Patriæ, Societates humanæ, & concives, serviāt sibi,
 „ & non is illis; ponit se supra illos, & illos infra se. 6. Porro, quantum quis
 „ in Amore cælesti est, qui est amare usus & bona, & affici jucundo cordis cum
 „ illa præstat, tantum dicitur a Domino, quia ille Amor est in quo Ipse, & qui
 „ ab Ipso: at quantum aliquis in Amore sui est, tantum dicitur a semet, & tan-
 „ tum dicitur a Proprio suo, & Proprium hominis non est nisi quam Málum, est
 „ enim Malum ejus hæreditarium, quod est se amare præ Deo, & Mundum præ
 „ Cælo. 7. Amor sui etiam talis est, ut quantum illi laxantur fræna, hoc est, re-
 „ moventur vincula externa, quæ sunt timores pro lege & ejus pænis, proque jac-
 „ tura famæ, honoris, lucri, functionis, & vitæ, tantum ruat, usque ut non mo-
 „ do imperare velit super universum terrarum Orbem, sed etiam super Cælum,
 „ imo super Ipsum Deum; nusquam est ei aliquis terminus seu finis: hoc latet in
 „ unoquovis, qui in Amore sui est, tametsi non patet coram Mundo, ubi eum dicta
 „ fræna & vincula retinent; & quisque talis, ubi obviam fit impossibile, ibi subsi-
 „ sit, usque dum sit possibile; ex his & illis est, quod homo, qui in tali amore
 „ est, non sciat quod ejusmodi vesana absque limite cupido in illo lateat. Quod
 „ tamen ita sit, nemo non potest videre apud Potentes & Reges, quibus non talia
 „ fræna, vincula & impossibilia sunt, qui riunt & subjungant Provincias & Règna,
 „ quantum illis succedit, & adspirant ad potentiam & gloriam ultra limites: &
 „ magis apud illos, qui Dominatum extendunt in Cælum, & omneum Potentiam
 „ Divinam Domini in se transferunt, hi continuè cupiunt ultra. 8. Sunt duo Do-
 „ minii genera, unum Amoris erga proximum, & alterum Amoris sui: hæc duo
 „ Dominia sunt sibi opposita; qui dominatur ex Amore erga proximum, is vult
 „ omnibus bonum, & nihil plus amat quam usus præstare, ita servire aliis, (Ser-
 „ vire aliis est aliis ex bene velle bene facere, & usus præstare), hoc ejus Amor
 „ est, & hoc jucundum cordis ejus est; is quoque, quantum evehitur ad dignita-
 „ tes, tantum quoque lætatur, non propter dignitates, sed propter usus, quos
 „ tunc in pluri copia, & in majori gradu, præstare potest; tale Dominium est in
 „ Cælis: at qui dominatur ex Amore sui, is vult nulli bonum, sed solum sibi &
 „ suis; usus, quos præstat, sunt propter sui honorem & gloriam, quæ ei sunt
 „ soli usus; servire aliis est ei propter finem ut serviatur, honoretur, & domine-
 „ tut; ambit dignitates, non propter bona, quæ præstet; sed ut in eminentia &
 „ gloria sit, & inde in sui cordis jucundo. 9. Amor Domini manet etiam unum
 „ quemvis post vitam in Mundo; sed qui dominati sunt ex Amore erga proximum,
 „ illis concreditur etiam Dominatio in Cælis, & tunc illi non dominantur, sed
 „ usus & bona, quæ amant, & cum usus & bona, dominatur Dominus: Qui au-
 „ tem in Mundo dominati sunt ex Amore sui, illi post vitam in Mundo, abdicantur,
 „ & rediguntur in servitatem. Ex his nunc cognoscitur, quinam in Amore
 „ sui sunt; non refert, quales apparent in externa forma, si vel elati, vel sub-
 „ missi, nam talia sunt in Interno homine, ac Internus homo a plerisque occulta-
 „ tur, & Externus instruitur mentiri illa quæ Amoris Publici & proximi sunt, ita
 „ contraria; & hoc quoque propter se; sciunt enim, quod amare Publicum &
 „ proximum interius afficiat omnes, & quod tantum æstmentur; quod afficiat, est
 „ quia Cælum in illum amorem influit. 10. Mala, quæ apud illos sunt quæ in
 „ Amore sui, sunt in genere, Contemptus aliorum, Invidia, Inimicitia contra illos
 „ qui sibi non favent, Hostilitas inde, Odia varii generis, Vindictæ, Astus, Dèli,
 „ Immisericordia, Crudelitas: & ubi talia Mala sunt, est etiam Contemptus Dei &
 „ Divinorum, quæ sunt vera & bona Ecclesiæ; quæ si honorant, est solum ore

„ & non corde. Et quia talia Mala inde sunt, etiam sunt similia Falsa, nam ex
 „ malis sunt falsa. 11. AMOR MUNDI autem, est velle aliorum Opes ad se deri-
 „ vare quacunque arte, ac in divitiis cor ponere, ac pati, ut Mundus retrahat &
 „ abducat illum ab Amore Spirituali, qui est Amor erga proximum, ita a Cælo.
 „ Illi in Amore Mundi sunt, qui cupiunt aliorum bona in se derivare per varias
 „ artes, imprimis qui per astus & dolos, nihil facientes bonum proximi: illi qui
 „ in eo Amore sunt, concupiscunt aliorum bona, & quantum non timent leges,
 „ & jaetur famæ propter lucrum, deprivant, immo depraedantur. 12. Sed Amor
 „ mundi non in tali gradu est oppositus Amori cœlesti, in quo est Amor sui, quo-
 „ niam non tanta Mala in illo recondita sunt. 13. Amor ille multiplex est; est
 „ Amor opum ut evehantur ad honores: est Amor honorum & dignitatum: ut lu-
 „ crentur opes: est Amor opum propter varios usus, quibus delectantur in Mun-
 „ do: est Amor opum propter solas opes, talis Amor est avaris; & sic porro; si-
 „ nis propter quem opes, vocatur usus, ac finis seu usus est, a quo Amor suum
 „ quale trahit; nam talis est Amor, qualis est finis propter quem, reliqua ei ser-
 „ viunt ut media. 14. Verbo, Amor sui & Amor mundi, sunt prout oppositi
 „ Amori in Dominum, & Amori erga proximum; quare Amor sui & Amor mundi,
 „ quales supra descripti sunt, sunt Amores infernales, regnant etiam in Inferno,
 „ & quoque faciunt Infernum apud hominem. Amor autem in Dominum, & Amor
 „ erga proximum, sunt Amores cœlestes, regnant etiam in Cælo, & quoque fa-
 „ ciant Cælum apud hominem.

401. V. „ DE INTERNO ET EXTERNO HOMINE. 1. Homo ita creatus est, ut si-
 „ mul sit in Mundo spirituali & in Mundo naturali: Mundus spiritualis est, ubi
 „ sunt Angeli, & Mundus naturalis, ubi sunt homines; & quia homo ita creatus
 „ est, ideo datum est ei Internum & Externum; Internum, per quod sit in Mundo
 „ spirituali, Externum, per quod sit in Mundo naturali. Internum ejus est, quod
 „ vocatur Internus homo, & Externus, quod vocatur Externus homo. 2. Uni-
 „ cuique homini est Internum & Externum, sed aliter apud bonos, & aliter apud
 „ malos; Internum apud bonos est in Cælo & ejus luce, & Externum in Mundo
 „ & ejus luce, & haec Lux apud illos illuminatur a luce Cæli, & sic apud illos
 „ Internum & Externum unum agunt, sicut causa & effectus, aut sicut prius &
 „ posterior. At apud malos, Internum est in Inferno, & in ejus luce; & que lux
 „ respective ad lucem Cæli est caligo, & Externum illorum potest esse in luce si-
 „ mili, in qua sunt boni; quare est inversum: inde est, quod mali possint loqui &
 „ docere de fide, de charitate, & de Deo, non autem ex fide, charitate & Deo,
 „ quemadmodum boni. 3. Internus homo est, qui vocatur Spiritualis homo, quia
 „ est in Luce Cæli, quæ Lux est spiritualis, & Externus homo, est qui vocatur
 „ naturalis homo, quia est in Luce Mundi, quæ lux est naturalis: homo, cuius
 „ Internum est in Luce Cæli, & Externum in Luce Mundi, is spiritualis homo
 „ est quoad utrumque, quoniam lux spiritualis ab interiori illuminat lucem natu-
 „ ralem, & facit hanc ut suam: inversum autem est apud malos. 4. Internus spi-
 „ ritualis homo in se spectatus est Angelus Cæli, & quoque dum vivit in corpore,
 „ est in societate cum Angelis, tametsi id nescit, & post solutionem e corpore, in-
 „ ter Angelos venit; homo autem Internus apud malos est Satanás, & quoque
 „ dum vivit in corpore, in societate cum illis est, & quoque post solutionem a
 „ corpore, inter illos venit. 5. Interiora mentis apud illos, qui spirituales homi-
 „ nes sunt, actualiter elevata sunt versus Cælum, spectant enim illud primario;
 „ interiora autem mentis apud illos qui mere naturales sunt, aversa sunt a Cælo &
 „ versa ad Mundum, quia spectant hunc primario. 6. Qui modo communem
 „ ideam de Interno & Extero homine fovent, credunt quod Internus homo sit qui
 „ cogitat & qui vult, & Externus qui loquitur & qui agit, quoniam cogitare &
 „ velle est Internum, ac loqui & agere est Externum: sed sciendum est, quod

, cum

„ cum homo bene de Domino, & de illis quæ Domini sunt, & cùm bene de proximo & de illis quæ proximi sunt, cogitat & vult, tunc cogitet & velit ab Interno spirituali, quia ex fide veri & ex amore boni; at quod cùm homo male de illis cogitar, & male illis vult, tunc cogitet & velit ab Interno infernali, quia ex fide falsi & ex amore mali; verbo, quantum homo in amore in Dominum est, & in amore erga proximum, tantum in Interno spirituali est, & ex eo cogitat & vult, & quoque ex eo loquitur & agit; at quantum homo in amore sui est & in amore mundi, tantum ex Inferno cogitat & vult, tametsi aliter loquitur & agit. 7. Ita provisum & ordinatum est a Domino, ut quantum homo ex Cælo cogitat & vult, tantum aperiatur & formetur Spiritualis homo, aperitio est in Cælum usque ad Dominum, & formatio est ad illa quæ Cæli sunt. Vice versa autem, quantum homo non ex Cælo sed ex Mundo cogitat & vult, tantum clauditur Internus spiritualis homo, & Externus aperitur & formatur, aperitio est in Mundum, & formatio est ad illa quæ Inferni sunt. 8. Illi, apud quos Internus spiritualis homo aperitus est in Cælum ad Dominum, in luce Cæli sunt, & in illuminatione a Domino, & inde intelligentia & sapientia, hi vident verum ex luce veri, & percipiunt bonum ex amore boni. Illi autem, apud quos Internus spiritualis homo clausus est, non sciunt quid Internus homo, nec credunt Verbum, nec vitam post mortem, nec illa quæ Cæli & Ecclesiæ sunt; & quia solum in lumine naturali sunt, credunt Naturam ex se esse & non a Deo, vident falsum ut verum, & percipiunt malum ut bonum. 9. Internum & Externum, de quibus actum est, est Internum & Externum Spiritus hominis; Corpus ejus est mundo Externum superadditum, intra quod illa existunt, corpus enim nihil ex se agit, sed ex spiritu, qui in illo. Sciendum est, quod Spiritus hominis post solutionem a corpore æque cogitet & velit, ac loquatur & agat, cogitare & velle est ejus Internum, ac loqui & facere est tunc ejus Externum.

402. VI., DE MERE NATURALI ET SENSUALI HOMINE. Quoniam pauci sciunt, quinam intelligentur per Sensuales homines, & quales illi sunt, & tamen interest scire, quare describentur. 1. Is Sensualis homo dicitur, qui omnia judicat ex Sensibus corporis, & qui nihil credit nisi quod oculis videre & manibus tangere potest, hæc dicens esse aliquid, reliqua rejiciens: quare sensualis homo est infime naturalis homo. 2. Quod Interiora mentis ejus, quæ vident ex luce Cæli, clausa sint, ut ibi nihil veri, quod Cæli & Ecclesiæ est, videat, quoniam cogitat in extremis, & non interius ex aliqua luce spirituali. 3. Et quoniam in crasso lumine naturali est, interius est contra illa quæ Cæli & Ecclesiæ sunt, & tamen exteriorius potest loqui pro illis, ardenter secundum Dominationem per illa. 4. Quod sensuales homines ratiocinentur acriter & solerter, quia cogitatio illorum est tam prope loquela, ut pene in illa, & sicut in labiis; & quia in loquela ex sola memoria ponunt omnem intelligentiam. 5. Quod quidam ex illis confirmare possint quicquid volunt, & dextre falsa, & quod post confirmationem credant vera esse: sed quod ex fallaciis sensuum ratiocinentur & confirmant, a quibus captatur & persuadetur vulgus. 6. Quod Sensuales homines astuti sint, & malitiosi præ reliquis. 7. Quod Interiora mentis eorum sint fœda & spurca, quoniam per illa communicant cum Infernis. 8. Quod illi, qui in Infernis sunt, sensuales sint, & eo plus, quo profundius: quodque sphæra spirituum infernaliū se conjungat cum sensuibus hominis a tergo. 9. Quoniam sensuales homines non vident aliquod genuinum verum in luce, sed ratiocinantur & altercantur de omni re, num ita sit, & hæ alterationes audiuntur extra illos sicut stridores dentium, qui in se spectati sunt collisiones falsorum inter se, & quoque falsi & veri, patet quid significatur per STRIDOREM DENTIUM in Verbo: causa est, quia ratiocinatio ex fallaciis sensuum correspondet dentibus. 10. Quod Docti & Eruditi, qui se in falsis profunde confirmaverunt, & plus qui contra

„ vera Verbi, præ aliis sensuales sint, tametsi coram Mundo non tales apparent.
 „ Quod Hæretica imprimis profluxerint a talibus qui Sensuales fuerunt. 11. Quod
 „ hypocritæ, dolosi, voluptuosi, adulteri, avari, quoad plurimam partem Sen-
 „ suales sint. 12. Quod illi qui ratiocinati sunt ex solis sensualibus, & contra ge-
 „ nuina vera Verbi & inde Ecclesiæ, ab Antiquis dicti fuerint Serpentes arboris
 „ scientiæ boni & mali.
 „ Quoniam per Sensualia intelliguntur res sensibus corporis objectæ, & per sen-
 „ sus illos haustæ, sequitur. 13. Quod homo per sensualia communicet cum Mun-
 „ do, & per rationalia supra illa cum Cælo. 14. Quod Sensualia subministrant
 „ talia e Mundo naturali, quæ inserviunt interioribus mentis in Mundo spirituali.
 „ 15. Quod sint sensualia subministrantia intellectui, & quod hæc sint varia natu-
 „ ralia quæ vocantur physica, & quod sint sensualia subministrantia voluntati, &
 „ quod hæc sint jucunda sensuum & corporis. 16. Quod nisi cogitatio a sensuali-
 „ bus elevatur, homo parum sapiat: quod homo Sapiens supra sensualia cogitet;
 „ & quod cum cogitatio supra sensualia elevatur, in lumen clarius veniat, & tan-
 „ dem in lucem cæli, inde homini perceptio veri, quæ propriæ est intelligentia.
 „ 17. Quod elevatio mentis supra sensualia, & abductio ab illis, antiquis nota fue-
 „ rit. 18. Quod si Sensualia ultimo loco sunt, per illa aperiatur via pro intellectu,
 „ ac elementur vera per modum extractionis; at quod si Sensualia primo loco sunt,
 „ per illa claudatur illa via, & homo non videat vera nisi sicut in nimbo, aut sicut
 „ in nocte. 19. Quod Sensualia apud hominem Sapientem ultimo loco sint, & sub-
 „ jecta interioribus, at quod apud hominem insipientem primo loco sint, & domi-
 „ nantia: hi sunt qui proprie dicuntur Sensuales. 20. Quod apud hominem sint
 „ Sensualia communia cum bestiis, & quod sint Sensualia non communia cum illis.
 „ Quod quantum quis cogitat supra sensualia, tantum sit homo, sed quod nemo
 „ possit cogitare supra sensualia, & videre vera Ecclesiæ, nisi agnoscat Deum, &
 „ vivat secundum præcepta Ipsi, nam Deus elevat & illustrat.

Quod tres illi Amores, dum rite subordinati sunt, perficiant hominem, at dum non rite subordinati sunt, pervertant & invertant illum.

403. Prius aliquid de Subordinatione trium Universalium illorum Amorum, qui sunt Amor Cæli, Amor Mundi, & Amor sui, dicetur, & postea de influxu & in-
 fertione unius in alterum, & demum de statu hominis secundum subordinationem.
 Tres illi Amores inter se, sunt sicut tres Regiones corporis, quarum suprema est
 Caput, media est Pectus cum Ventre, & tertiam faciunt Genua, Pedes, & Plantæ.
 Quando Amor Cæli facit Caput, Amor mundi pectus cum ventre, & amor sui
 pedes cum plantis, tunc homo est in perfecto statu secundum creationem; quoniam
 tunc duo inferiores Amores inserviunt supremo, sicut Corpus & ejus omnia Capiti:
 cum itaque Amor Cæli facit Caput, tunc influit hic in Amorem Mundi, qui prin-
 cipaliter est Amor opum, & per has facit usus, & mediate per hunc in Amorem
 sui, qui principaliter est amor dignitatum, & per has facit usus; ita tres illi A-
 mores spirant usus ex influxu unius in alterum. Quis non comprehendit, quod dum
 homo ex Spirituali Amore, qui est a Domino, & est qui intelligitur per Amorem
 Cæli, vult facere usus, Naturalis homo faciat illos per opes & per alia bona ejus,
 & Sensualis homo in sua functione, & quod ejus honor sit producere illos. Quis
 etiam non comprehendit, quod omnia opera, quæ homo facit corpore, siant se-
 cundum statum mentis ejus in Capite, & quod si Mens in Amore usuum est, Cor-
 pus

pus per sua membra hos efficiat; & hoc fit, quia Voluntas & Intellectus in suis principiis est in Capite, & in suis principiatis in Corpore, sicut voluntas in factis, & cogitatio in loqueli, & comparative, sicut est prolificum semini in omnibus & singulis arboris, per quæ producit fructus, qui sunt usus ejus: & est sicut ignis & lux intus in vase Chrystallino, quod ex illis calefit & pellucet; & quoque Visus spiritualis in Mente, & simul Visus naturalis in corpore, apud illum, in quo tres illi amores iuste & rite subordinati sunt, ex luce quæ influit per Cælum a Domino, assimilari potest Pomo Africano, quod usque ad medium, ubi est theca seminum, pellucet: simile quid intelligitur per hæc Domini verba, *Lucerna corporis est Oculus, si Oculus simplex, hoc est, bonus est, totum Corpus est lucidum*, Matth. VI: 22. Luc. XI: 34. Nullus homo sane rationis potest damnare opes, sunt enim in communi Corpore sicut fanguis in homine; nec potest damnare honores functionibus addictos, sunt enim Regis manus & Societatis columnæ, modo amores naturales & sensuales illorum subordinati sunt amori spirituali: sunt etiam administrationes in Cælo, & illis dignitates adjectæ, at qui funguntur illis, nihil plus amant quam usus facere, quia spirituales sunt.

404. Sed homo prorsus alium statum induit, si Amor Mundi seu opum facit Caput, hoc est, si ille regnans Amor est, nam tunc Amor Cæli exulat e Capite, & se confert in Corpus; homo, qui in hoc statu est, præfert Mundum Cælo, colit quidem Deum, sed ex Amore mere naturali, qui in omni Cultu ponit meritum, & quoque bonum facit proximo, sed propter retributions; his sunt illa quæ Cæli sunt, sicut velamina, in quibus incedunt splendentes coram oculis hominum, sed fusci coram oculis Angelorum; nam dum Amor Mundi possidet Internum hominem, & amor cæli Externum, tunc ille obscurat omnia Ecclesiæ, & occultat illa sicut sub velo. Verum hic Amor in multa varietate est, deterior eo gradu quo vergit ad avaritiam, in hac Amor Cæli nigrescit: similiter si vergit ad fastum & eminentiam super alios ex amore sui: aliter vero si vergit ad prodigalitatem: minus noxius est, si pro fine spectat splendida Mundi, sicut Palatia, Decoramenta, magnificos Amictus, Famulititia, Equos & Currus in pompa, præter similia alia: qualitas cujusvis Amoris prædicatur ex fine, quem spectat & intendit. Hic Amor assimilari potest Chrystallo nigricanti, qui suffocat lucem, & non variegat illam in colores nisi pullos & evanidos. Et est sicut nimbus & nubes, quæ auferunt radios solis. Est quoque sicut mustum vini fermentati, quod dulce sapit, sed ventrem infestat. Homo talis e Cælo spectatus appetit sicut homo gibbosus, incedens inclino capite spectans terram, & cum id elevat ad Cælum, retrorquet musculos, & cito post in pronum suum relabitur. Hi ab Antiquis in Ecclesia dicti sunt Mamones, & a Græcis Plutones..

405. Si autem Amor sui seu Amor dominandi facit caput, tunc Amor Cæli transit per corpus ad pedes; & ille Amor, quantum increscit, tantum descendit Amor Cæli per talos ad plantas, & si adhuc increscit, transit calceos & proculatur. Datur Amor dominandi ex Amore proximi, & datur Amor dominandi ex Amore sui; Illi qui in Amore dominandi ex Amore preximi sunt, ambiant Dominium propter finem, ut præstent usus Publico & privatis; & his ideo etiam concreditur Dominatio in Cælis. Imperatores, Reges, Duces, qui nati & educati sunt ad Dominia, si humiliant se coram Deo, quandoque minus sunt in illo Amore, quam qui ex vili prosapia sunt, & ex fastu ambiant eminentes gradus super alios. At illis, qui in Amore dominandi ex amore sui sunt, est Amor Cæli sicut subsellium, super quo vulgi causa reponunt pedes, quod tamen, cum non vulgus appetat, aut in angulum, aut extra fores rejiciunt; causa est, quia se solos amant, & inde voluntates & cogitationes mentis fuæ immergunt Proprio, quod in se spectatum est malum hæreditatium, & hoc e diametro oppositum est Amori Cæli. Mala quæ illis, qui in Amore dominandi ex Amore sui sunt, in genere sunt hæc: Con-

temptus aliorum; Invidia; Inimicitia contra illos qui sibi non favent; Hosticitas inde; Odia, Vindictæ, Immisericordia, Sævitia & Crudelitas; & ubi talia Mala sunt, ibi etiam sunt contentus Dei & Divinorum, quæ sunt vera & bona Ecclesiæ, quæ si honorant, est solum ore ne ab Ordine Ecclesiastico diffamentur, & a reliquis vituperentur. Sed hic Amor alius est apud Clericos, & alius apud Laicos; apud Clericos scandit hic Amor, dum fræna ei laxantur, usque ut velint esse Dii; apud Laicos autem usque ut velint esse Reges; phantasia illius Amoris usque eo animos illorum evehit. Cum amor Cæli apud hominem perfectum susprenum locum tenet, & facit reliquorum succendentium sicut Caput, & Amor Mundi est infra illum & est sicut est pectus sub capite, & Amor sui est infra hunc sicut sunt pedes, sequitur quod si hic Amor faceret Caput, prorsus inverteret hominem; & tunc coram Angelis appareret sicut cubans incurvatus capite ad terram, & dorso ad cælum; & quando in cultu est, appareret super manibus & pēdibus saltaret sicut pullus pantheræ: & præterea apparerent sub variis formis bestiarum cum duobus Capitibus, uno supra cui facies ferina, altero infra cui facies humana, quod a superiori continua protruderetur, ac adigeretur osculari terram. Omnes hi sunt homines Sensuales, ac tales quemadmodum descripti sunt supra, a: 402.

*Quod Omnis homo in singulari sit Proximus, qui amandus est,
sed secundam quale boni ejus.*

406. Homo non natus est proprie se, sed propter alios, hoc est, ut non vivat sibi soli, sed aliis, aliquin non foret aliqua cohærens Societas, & in illa aliquod bonum. In communi sermone est, quod quisque sibi proximus sit, sed Doctrina Charitatis docet, quomodo hoc intelligendum est; nempe, quisque sibi prospiciet necessitates vitæ, ut victum, amictum, habitationem, & plura, quæ in vita civili, in qua est, necessario requiruntur; & haec non modo pro se, sed etiam pro suis, nec modo pro tempore præsenti, sed etiam pro venturo, nam nisi quis sibi comparat necessitates vitæ, non est in statu exercendi Charitatem, in omnium enim inopia est. Quomodo autem quisque sibi Proximus esse debet, constare potest ex hoc simili; quisque providere debet corpus suum victu, hoc primum erit, sed ob finem, ut Mens sana sit in Corpore sano; & quisque providere debet Mentem suo victu, nempe talibus quæ sunt intelligentiæ & judicii, sed ob finem ut ille inde sit in statu serviendi concivi, societati, patriæ, Ecclesiæ, & sic Domino; qui hoc facit, ille pròvidet sibi bene in æternum; inde patet, quid primum tempore, & quid primum fine, & quod primum fine sit id quod omnia spectant. Hoc quoque est, sicut qui construit Domum, primo ponet fundamentum, sed fundamentum erit pro domo, & domus pro habitatione; qui credit sibi Proximum esse primo loco seu primario, is similis est ei, qui spectat fundamentum ut finem, non habitationem, cum tamen habitatio est ipse finis primus & ultimus, ac Dominus cum fundamento est modo medium ad finem.

407. Quid amare Proximum dicetur; Amare proximum non modo est velle & faere bonum propinquio, amico, & bono, sed etiam alieno, inimico & malo; verum Charitas exerceatur erga hos & illos diversis modis, erga propinquum & amicum per beneficia directa, erga inimicum & malum autem per beneficia indirecta, quæ fiunt per exhortationes, disciplinas, & paenas, & sic emendationes. Hoc illustrari potest ita; Iudex, qui ex lege & justitia punit malefactorem, is amat proximum, nam sic emendat illum, & consulti civibus, ne illis malefaciat; quisque novit, quod Pater, qui liberos, dum malefaciunt, castigat, amet illos, & vicissim quod qui propterea non castigat illos, amet mala illorum, de quo non prædicari potest Charitas. Porro si quis inimicum insultantem repellit, & ex tu-

tela

tela verberat, aut tradit judici, ut sic dænum a se avertat, animo tamea, ut amicus ejus fiat, is ex vena Charitatis agit. Bella, quæ pro fine tutandi Patriam & Ecclesiam habent, nec contra Charitatem sunt, finis propter quem, declarat, num sit Charitas vel non.

408 Cum itaque Charitas in sua origine est bene velle, ac bene velle residet in Interno homine, patet, quod cum aliquis qui Charitatem habet, resistit inimico, punit spontem, & castigat malos, faciat hoc medio Extero homine, quare postquam id peregit, redit in Charitatem, quæ est in Interno homine, & tunc quantum potest, & prodest, ei bene vult, & ex bene velle bene facit. Illis, quibus est genuina Charitas, est Zelus pro bono, & Zelus ille in Extero homine potest videri sicut ira & ignis flammans, at ille deflammatur & sedetur ut primum adversarius resipiscit; aliter apud illos quibus nulla Charitas ast, horum Zelus est ira & odium, ex his enim Internus eorum homo æstuat ac ignescit;

409. Antequam Dominus in Mundum venit, vix aliquis novit quid Internus homo, & quid Charitas, quapropter tam multis in locis docevit Dilectionem, hoc est Charitatem; & hoc facit disserimen inter Testamentum seu Fædus Vetus & Novum. Quod Adversario & Inimico ex Charitate benefaciendum sit, Docuit Dominus apud Mattheum, *Audivistis quod dictum sit veteribus, Amabis proximum tuum, & odio habebis inimicum tuum, Ego vero dico vobis, Amate inimicos vestros, benedicite maledicentibus vobis, benefacite odio vos habentibus, & orate pro laudentibus & persequenteribus vos, ut sitis filii Patris vestri qui in Cælis, Cap. V: 43. 44. 45: Et Petro interroganti quoties peccanti contra se remitteret, num usque ad Jepieis, respondit, non dico tibi ad septies, sed usque ad septuagies septies*, Math. XVIII: 21. 22; Et audivit Cælo, quod Dominus remittat unicuique peccata ejus, & nusquam vindicet, & ne quidem imputet, quia est ipse Amor & ipsum Bonum, sed quod usque per id peccata non absterfa fint, hæc enim non nisi quam per paenitentiam absterguntur; cum enim dixit Petro, quod remitteret usque ad septuagies septies, quid non Dominus.

410. Quoniam ipsa Charitas residet in Interno homine, in quo est bene velle, & inde in Externo, in quo est benefacere, sequitur quod Internus homo amandus sit, & inde Externus, proinde quod homo secundum quale boni, quod in illo est, amandus sit; quapropter ipsum Bonum est essentialiter Proximus; hoc illustrari potest per hæc; dum quis ex tribus aut quatuor eligit sibi procuratorem domus, aut famulum, numne indagat Internum ejus hominem, ac eligit sincerum & fidelem, & inde diligit illum. Similiter Rex aut Magistratus, quod ex tribus aut quatuor eligat habilem functionis, ac repudiet inhabilem; qualis cunque vultum præferat, & loquatur & agat ad favorem. Cum ergo omnis homo est proximus, ac infinita varietas hominum est, & quisque secundum bonum ejus ut proximus amandus est, patet quod sint genera & species, tum gradus Amoris ergo proximum: nunc quia Dominus super omnia amandus est, sequitur quod metiendi sint gradus illius amoris secundum Amorem in Ipsum, ita quantum Domini aut ex Domino alter possidet in se, nam tantum etiam possidet bonum, quia omne bonum est a Domino. Sed quia hi gradus sunt in Interno homine, & hic raro se manifestat in Mundo, satis est, ut Proximus ametur secundum gradus quos cognoscit; sed hi post mortem clare percipiuntur, nam ibi affectiones voluntatis & inde cogitationes Intellectus faciunt sphæram spiritualem circum illos, quæ sentitur variis modis; at spiritualis illa sphæra in Mundo absorbetur a Corpore materiali, & se includit sphærae naturali, quæ ex homine tunc exundat. Quod gradus Amoris erga proximum sint, constat ex Parabola Domini de Samarita, qui misericordiam fecit vulnerato a latronibus, quem Sacerdos & Levita videntes prætergressi sunt, & cum Dominus quæsivit, quis illorum trium videretur Proximus fuisse, respondebatur, qui fecit misericordiam, Luc. Xj 30 ad 37.

411. Legitur, *Amabis Dominum Deum super omnia, & Proximum sicut te ipsum*, Luc. X: 27. amare proximum sicut seipsum, est illum præ se non contemnere, ac juste cum illo agere, & de illo non malum judicium ferre: Lex Charitatis ab Ipso Domino lata & data est hæc „*Quæcunque volueritis ut faciant vobis homines, sic & vos facite illis; hæc enim est Lex & Prophetæ*, Matth. VII: 12. Luc. VI: 31. 32. Ita amant proximum illi qui in Amore Cæli sunt, at qui in Amore Mundi sunt, illi amant proximum ex Mondo & propter mundum, illi autem qui in Amore sui sunt, amant proximum ex se & propter se.

*Quod Homo in plurali, qui est Societas minor & major, & quod
Homo in composito ex illis, qui est Patria, sit
Proximus qui amandus est.*

412. Illi, qui non sciunt quid Proximus in genuino sensu, opinantur quod non alius sit quam homo in singulari, & quod beneficia ei præstare sit amare proximum; sed proximus & amor in illum se latius extendit, ascendit enim sicut multiplicantur homines: quis non potest comprehendere, quod amare plures homines in congregazione, sit plus amare proximum, quam unum in singulari e Congregatione; quare quod Societas minor & major sit Proximus, est causa, quia illa est homo in plurali, inde sequitur quod qui amat Societatem, amet illos ex quibus Societas consistit, quapropter qui Societati bene vult & bene facit; ille consulit singulis. Societas est sicut unus homo, etiam illi qui intrant illam, componunt sicut unum Corpus, & distinguuntur inter se sicut membra in uno corpore. Dominus & ab Ipso Angeli, cum despiciunt in terram, integrum Societatem non aliter vident, quam sicut unum hominem, ac formam ejus ex qualitatibus illorum; datum etiam est mihi videre Societatem quandam in Cælo prorsus sicut unum hominem, in simili statura in qua homo in Mondo. Quod plenior amor erga proximum sit amor erga Societatem, quam erga hominem separatum aut individuum, se manifestat in eo, quod Dignitates dispensentur secundum Præfecturas super Societas, & illis honores secundum usus quos præstant: sunt enim Officia in Mondo superiora & inferiora in sobordinatione secundum plus & minus universale regimen super Societas, & ille est Rex, cui universalissimum regimen est; & cuivis secundum amplitudinem muneris, & simul bona usus quæ præstat, est remuneratio, gloria, & communis amor. Sed Moderatores hujus faculi possunt usus facere & consulere Societati, & usque non amare proximum; quemadmodum illi, qui usus faciunt & consulunt propter Mundum, & propter se, ut apparent, aut ut mereantur ad dignitates superiores evehi; sed hi tametsi non discernuntur in Mondo, usque discernuntur in Cælo, quare illis qui ex Amore erga proximum præstiterant usus, præficiuntur etiam ut Moderatores Societati cælesti, & ibi in splendore & honore sunt; sed hi usque non in his ponunt eorū, sed in usibus. Cæteri autem, qui ex Amore Mundi & sui fecerunt usus, rejiciuntur.

413. Discrimen amoris erga proximum & ejus exercitii erga hominem in singulari, & erga hominem in plurali seu Societatem, est sicut inter munus civis, munus prætoris, & munus ducis; & sicut inter illum qui negotiatus est per duo Talenta, & illum qui per decem, Matth. XXV: 14 ad 31; & est discrimen sicut inter valorem sicut & valorem talenti; ac inter usum fructum ex vite & ex vinea, seu ex olea & ex oliveto, seu ex arbore & ex horto. Ascendit etiam amor erga proximum interius et interius apud hominem, & sicut ascendit, amat Societatem præ homine in particulari, & Patriam præ Societate. Nunc quoniam Charitas consistit ex bene velle, & inde bene agere, sequitur quod illa pæne similiter exer-

cenda sit erga Societatem ut erga hominem in particulari; verum aliter erga Societatem bonorum, quam erga Societatem malorum, erga hanc Charitas exercenda est secundum æquitatem naturalem, erga illam secundum æquitatem spiritualem; sed de hac & illa æquitate alibi videbitur.

414. Quod Patria sit Proximus præ Societate, est quia illa ex pluribus Societibus consistit, & inde est Amor erga illam amor extensor & superior; & insuper amare patriam, est amare sautem publicam; Quod Patria sit Proximus, est quia illa Parentis instar est, ibi enim natus est, illa nutrit & nutrit illum, illa ab injuriis tutata est & tutatur illum. Patriæ ex Amore benefaciendum est secundum necessitates ejus; quarum quædam sunt naturales, quædam spirituales. Naturales spectant vitam & ordinem civilem, ae Spirituales vitam & ordinem spiritualem. Quod Patria amanda fit, non sicut homo amat seipsum, sed præ se ipso, est Lex inscripta Cordibus humanis, ex qua promulgatum est hoc, quod emuntiatur ab omni justo, quod si imminet exitium ejus ex hoste, aut aliunde, illustre sit pro illa mori, ac militi gloriosum sanguinem pro illa effundere; hoc dicitur, quia illa in tantum amanda est. Sciendum est, quod illi, qui amant Patriam, & ci ex benevelle benefaciunt, post mortem ament Regnum Domini, nam hoc ibi est Patria, & qui amant Regnum Domini, illi amant Dominum, quia Dominus est omne in omnibus sui Regni.

Quod Ecclesia sit Proximus, qui in superiori gradu amandus est, & quod Regnum Domini in supremo.

415. Quoniam homo natus est ad vitam æternam, & in hanc introducitur per Ecclesiam, ideo hæc amanda est ut Proximus in superiori gradu, nam illa docet media, quæ ducunt ad vitam æternam, ac introducit in illam, dicit ad illam per vera doctrinæ, ac introduceit per bona vitæ. Non intelligitur quod Sacerdotium in superiori gradu amandum sit, & ex illo Ecclesia, sed quod Ecclesiæ bonus & verum amandum sit, & propter hæc Sacerdotium, hoc modo inservit, & quemadmodum inservit honorandum est. Quod Ecclesia sit Proximus qui in superiori gradu amandus est, ita quoque supra Patriam, est quoque causa, quia homo ex Patria iniciatur in Vitam Civilem, verum ab Ecclesia in Vitam spiritualem, & hæc vita distinguit hominem a vita mere animali; insuper Vita civilis est temporaria, quæ finem habet, & tunc est sicut non fuerit; at Vita spirituialis, quia finem non habet, æterna est, quare de hac prædicari potest Esse, & de illa non esse; discriben est sicut inter finitum & infinitum, inter quæ non datur ratio, æternum enim est infinitum quoad tempus.

416. Quod Regnum Domini sit Proximus, qui in supremo gradu amandus est, est causa, quia per Regnum Domini intelligitur Ecclesia in toto terrarum Orbe, quæ Communio sanctorum vocatur, & quoque intelligitur Cælum; quare qui Regnum Domini amat, is amat omnes in universo Mundo, qui Dominum agnoscunt, ac fidem in Ipsum, & Charitatem erga proximum, habent, & quoque amat omnes in Cælo. Illi qui amant Regnum Domini, amant Dominum super omnia, proinde præ reliquis in Amore in Deum sunt; nam Ecclesia in Cælis & in Terris est Corpus Domini, sunt enim in Domino & Dominus in illis. Est itaque Amor erga Regnum Domini Amor erga proximum in sua plenitudine; illi enim qui amant Regnum Domini, non modo amant Dominum super omnia, sed etiam amant proximum: ut seipsum; nam Amor in Dominum est Amor universalis, & inde est in omnibus & singulis Vitæ spiritualis, & quoque in omnibus & singulis Vitæ naturalis, residet enim ille amor in supremis apud hominem, ac suprema influent in inferiora, ac vivificant illa, sicut Voluntas in omnia intentionis & inde actionis, ac

Intellectus in omnia cogitationis & inde sermonis; quare dicit Dominus, *Querite primum Regnum Cælorum & ejus Justitiam, tunc omnia adjicientur vobis*, Matth. VI: 33. quod Regnum Cælorum sit Regnum Domini, constat ex his apud Daniellem, *Ecce cum nubibus Cælorum sicut FILIUS HOMINIS veniens fuit;* & *Huic datum est Dæminium, Gloria, & Regnum, ac omnes Populi, Gentes, & Linguæ Ipsum coleant;* *Dominum Ipsijs dominum seculi, quod non transibit,* & *Regnum Ipsius quod non peribit*, Cap. VII: 13. 14.

Quod amare Proximum in se spectatum non sit amare Personam, sed Bonum quod in Persona est.

417. Quis non novit, quod homo non sit homo ex humana facie & ex humano corpore, sed ex sapientia Intelectus & ex bonitate Voluntatis ejus, ascendens qualitas horum facit ut sit plus homo: homo cum nascitur est brutum plus quam ullum Animal, at sit homo per instructiones, que sicut recipiuntar, formatur Mens ejus, ex qua & secundum quam homo est homo. Dantur bestiæ, quarum facies assimilantur humanis, sed illæ nulla facultate intelligendi & ex intellectu aliquid agendi gaudent, sed agunt ex instinctu, quem amor illarum naturalis excitat; discernen est, quod bestia affectiones amoris sui sonet, at homo illas illatas cogitationi loquatur; tum quod bestia prono vultu spectet terram, homo autem erecta facie Cælum undequaque; ex quibus concludi potest, quod homo tantum sit homo, quantum ex ratione sana loquitur, & spectat commorationem suam in Cælo, & quod tantum non sit homo, quantum ex ratione perversa loquitur, & spectat commorationem suam solum in Mūndo: sed usque hi sunt homines, verum non actu sed potentia, unusquisque enim homo gaudet potentia intelligendi vera & volendi bona, sed quantum non vult facere bona est intelligere vera, tantum in externis potest simulare hominem; ac agere ejus simiam.

418. Quod Bonum sit Proximus, est quia Bonum est voluntatis, ac Voluntas est Esse vitæ hominis, Verum Intelectus etiam est proximus, sed quantum id procedit a bono voluntatis, nam bonum voluntatis format se in intellectu, & ibi se sistit videndum in luce rationis. Quod bonum sit proximus, constat ex omni experientia, quis amat personam nisi ex qualitate voluntatis & intellectus ejus, hoc est, en bono & justo in illa; ut pro exemplo. Quis amat Regem, Principem, Ducem, Prætorem, Consulem, ullam Magistratus personam, & ullum Judicem, nisi ex Judicio, ex quibus agunt & loquuntur; quis amat Primatem, aliquem Ministrum Ecclesiæ, aut Canonicum, nisi ex eruditione, integritate vitæ, & zelo pro animarum salute: quis amat Ducem exercitus ac aliquem Praefectum sub illo, nisi ex fortitudine & simul prudentia: quis amat Mercatorem nisi ex sinceritate: quis amat operarium & famulum nisi ex fidelitate: imo quis amat arborem nisi ex fructu, humum nisi ex fertilitate, lapidem nisi ex pretiositate, & sic porro. Et, quod mirum est, non modo probus amat bonum & justum in altero, sed etiam improbus, quia cum illo non est in ullo timore jacturae famæ, honoris & opum; sed amor boni apud improbum, non est Amor proximi, nam improbus non alium interius amat, nisi quantum sibi inservit. Ast amare bonum in altero ex bono in se, est genuinus amor erga proximum, tunc enim Bona osculant se mutuo & se conjungunt.

419. Homo, qui amat bonum quia est bonum, & verum quia est vetum, ille eminenter amat proximum, ex causa, quia ille amat Dominum, qui est ipsum Bonum & ipsum Verum; aliunde non est amor boni & inde veri, & sic proximi; ita formatur amor erga proximum ex origine cælesti. Sive dicatur usus, sive bonum, idem est, quare facere usus est facere bona, & quantum & quale usus est in bonis, tantum & taliter bona sunt bona.

Quod

*Quod Charitas & Bona Opera sunt duo distincta, sicut bene
velle & bene facere.*

420. Apud unumquemvis hominem est Internum & Externum, Internum ejus est quod vocatur Internus homo, & Externum quod vocatur Externus homo: sed qui non scit quid homo internus & externus, potest credere, quod homo internus sit qui cogitat & vult, & externus qui loquitur & agit, hæc quidem sunt Externi hominis & illa Interni, sed usque non essentialiter faciunt Externum & Internum hominem; Mens hominis est quidem in communi perceptiore Internus homo, sed ipsa Mens est divisa in duas Regiones, una Regio, quæ est superior & interior, est spiritualis, altera quæ est inferior & exterior est naturalis; Mens spiritualis spectat principaliter in Mundum spiritualem, & pro objectis habet illa, quæ ibi sunt, sive sunt talia quæ in Cælo, sive talia quæ in Inferno, utrumque enim in Mundo spirituali est, Mens autem naturalis spectat principaliter in Mundum naturalem, & pro objectis habet illa quæ ibi sunt, sive bona sunt sive mala; omnis actio & loquela hominis procedit ex regione inferiore mentis directe, & ex regione superiore ejus indirecte, quoniam regio mentis inferior est proprior sensibus corporis, & regio superior est remotior ab illis: hæc divisio mentis est apud hominem, quia creatus est ut sit spiritualis & simul naturalis, & sic homo & non bestia. Ex his pater, quod homo qui spectat Mundum & se primario, sit Externus homo, quia naturalis non modo corpore sed etiam mente, & quod homo qui spectat ad illa quæ Cæli & Ecclesiæ sunt primario, sit Internus homo, quia spiritualis & mente & corpore; quod etiam corpore, est quia ejus actiones & loquela procedunt a Mente superiore quæ est spiritualis per mentem inferiorem quæ est naturalis; notum enim est, quod e corpore procedant effectus, & e mente causæ quæ illos producunt, & quod causa sit omne in effectu. Quod Mens humana ita divisa sit, patet evidenter ex eo quod homo possit agere simulatorem, assentatorem, hypocritam, ac histrionem, & quod possit annuere alterius dictis, & tamen ridere ad illa, hoc facit ex mente superiore, illud autem ex inferiore.

421. Ex his videri potest, quomodo intelligendum est, quod Charitas & Bona opera distincta sint sicut bene velle & bene facere, videlicet, quod formaliter distincta sint, sicut Mens quæ cogitat & vult, & sicut corpus per quod Mens loquitur & agit; at quod essentialiter distincta sint, quia ipsa Mens est distincta, quæ quod interior ejus regio sit spiritualis, & exterior naturalis, supra dictum est; quare si opera procedunt ex Mente spirituali, procedunt ex ejus bene velle, quod est Charitas, & vero si ex Mente naturali, procedunt ex bene velle quod non est Charitas, tametsi apparere potest tanquam Charitas in forma externa, & tamen usque non est Charitas in forma interna, & Charitas in sola forma externa, quidem speciem Charitatis præfert, sed non essentiam Charitatis possidet. Hoc illustrari potest per comparationem cum seminibus in terra, ex unoquovis semine enascitur virgultum tam utile quam inutile secundum quale seminis; similiter semen spirituale, quod est verum Ecclesiæ ex Verbo, ex hoc formatur Doctrina, utilis si ex genuinis veris, inutilis si ex falsificatis: consimiliter itaque Charitas ex bene velle, sive velle bene sit propter se & mundum, sive sit propter proximum in stricto aut lato sensu, si propter se & mundum, est Charitas spuria, si autem propter proximum, est Charitas genuina. Sed plura de his videantur in Capite de Fide, in specie in Articulo ubi ostensum. Quod Charitas sit bene velle, & quod Bona opera sint benefacere ex bene velle, n. 473. Et quod Charitas & Fides sint modi res mentales & cœduca, nisi dum fieri potest, determinantur in Opera, & in illis coexistant, n. 373. 376.

*Quod ipsa Charitas sit, juste & fideliter agere in officio,
negotio & opere, in quo quisque est, & cum quibus
in aliquo commercio est.*

422. Quod ipsa Charitas sit juste & fideliter agere in officio, & negotio & opere, in quo quisque est, est quia omnia quæ homo ita facit, Societati usui sunt; ac usus est bonum, & bonum in sensu a personis abstracto, est proximus; quod non modo singularis homo, sed etiam societas minor, & ipsa patria sit proximus, supra ostensum est. Ut pro exemplo, Rex qui prædit subditos exemplo in bene agendo, velit ut illi vivant secundum leges justitiae, remunerat illos qui ita vivunt, spectat quemlibet ex merito, tutatur illos contra injurias & invasiones, agit Patrem Regni, & consultit in communis prosperitat populi sui, in corde ejus est Charitas, & facta ejus sunt bona opera. Sacerdos, qui docet vera ex Verbo, & per illa dicit ad bonum vitæ, & sic ad Cælum, is quia consultit animabus hominum Ecclesiæ suæ, eminenter Charitatem exercet. Jūdex, qui ex justitia & lege judicat, & non ex munere, amicitia & affinitate, is consultit societati & homini in singulari, Societati, quia hæc per id tenetur in obedientia legis, & in timore transgressionis ejus, & homini in singulari per id quod justitia triumphet super injustitiam. Negotiator, si ex sinceritate agit, & non ex fraude, consultit proximo cum quo negotium habet; similiter operarius & artifex, si recte & sincere, & non subdole & fallaciter suas operas facit; simile est cum reliquis, ut cum naviarchis & nautes, cumque colonis & famulis.

423. Quod hoc sit ipsa Charitas, est quia hæc definiri potest, quod sit bonum facere proximo quoque & continue, non solum proximo in singulari, sed etiam proximo in plurali, & hoc non fieri potest nisi quam per bonum & justum in officio, negotio & opere, in quo quisque est, & cum quibus in aliquo commercio est; hoc enim quotidie facit, & cum non facit, usque continue insidet menti ejus, & id cogitat ac intendit. Homo qui ita Charitatem exercet, is plus & plus fit Charitas in forma; nam justitia & fidelitas formant mentem ejus, & exercitia corporis ejus, & successive ex forma sua non aliud vult & cogitat, quam talia quæ charitatis sunt. Hi tandem fiant sicut illi, de quibus in Verbo, quod Legem cordibus suis inscriptam habeant. Hi quoque non ponunt meritum in operibus, quoniam non cogitant de eo, sed de debito, quod ita facere deceat civem. Sed homo nequaquam potest ex spirituali justitia & fidelitate agere ex se; omnis enim homo hæreditario trahit a parentibus, ut bonum & justum propter se & mundum agat, & nullus propter bonum & justum; quare qui Dominum colit, & ab Ipso, dum ex se agit, is modo charitatem spiritualem adipiscitur & per exercitia imbuīt.

424. Sunt multi, qui in sua functione juste & fideliter agunt, & tametsi Charitatis opera sic præstant, usque non aliquam Charitatem in se possident; sed hi sunt apud quos prædominatur amor sui & mundi, & non amor cœli, & si forte hic adest, est sub illo sicut servus sub suo Domino, ac sicut gregarius miles sub præfecto, & est sicut janitor stans in porta.

Quod Beneficia Charitatis sint, dare pauperibus & opitulari indigentibus, sed cum prudentia.

425. Distinguendum est inter Charitatis officia, & inter ejus beneficia; per Charitatis officia intelliguntur Charitatis exercitia, quæ ab ipsa Charitate immediate pro-

procedunt, quæ quod primario sint functionis; in qua quisque est, mox supra ostensum est; per Beneficia autem intelliguntur illa auxilia, quæ extra illa fiunt. Beneficia vocantur, quia in hominis libertate & placito est illa facere, & cum fiunt, non aliter spectantur a recipiente, quam sicut beneficia, & hæc dispensantur secundum rationes ac intentiones, quas benefactor mente versat. In communi fide est, quod Charitas non aliud sit, quam dare pauperibus, opitulari indigentibus, curam viduarum & pupillorum gerere, spartas conferre ad ædificandum hospitalia, nosocomia, xenodochia, orphanotrophia, imprimis Tempa, & ad horum ornamenta & redditus; sed plura ex his non sunt propria Charitatis, sed extranea ejus. Illi qui in Beneficiis illis ipsam Charitatem ponunt, non possunt aliter quam in Operibus illis meritum ponere, & hiametis ore faterentur, quod non velint ut sint merita, usque intus latet fides meriti: hoc manifeste patet ab illis post mortem, enumerant tunc opera sua, & salutem ut præmium postulant; sed tunc inquiritur, ex qua origine sunt, & inde ex qua qualitate, & si inveniuntur quod procecerint vel ex fastu, vel ex auctoritate famæ, vel ex nuda munificentia, vel ex amicitia, vel ex inclinatione mere naturali, vel ex hypocrisi, tunc ex origine illa judicantur, nam qualitas originis inest operibus; genuina vero Charitas procedit ex illis, qui imbuerunt illam ex justitia & judicio in operibus, quæ faciunt absque fine remunerationis secundum Domini verba Luc. XIV: 12. 13. 14, hi quoque vocant talia, quæ supra memorata sunt, beneficia, ut & debita, tametsi sunt Charitatis.

426. Notum est, quod aliqui, qui Beneficia illa, quæ coram Mundo sicut imagines charitatis apparent, fecerunt, opinentur & credant, quod Charitatis Opera exercuerint, & quod illa spectent sicut multi in Papatu Indulgentias, propter quæ purificati sunt a peccatis, & sicut regenerati donandi Cœlo, & tamen usque non ut peccata pendunt adulteria, odia, vindictas, defraudationes, & in genere concupiscentias carnis, quibus ex lubitu indulgent; sed quid tunc illa bona opera aliud quam pietæ imagines Angelorum in consortio cum diabolis, aut pyxides ex lapide lazuli in quibus sunt hydræ. Sed prorsus aliter, si beneficia illa fiunt ab illis, qui supradicta mala ut Charitatis odia fugiunt. Verum enim vero, Beneficia illa sunt emolumenta multis modis, imprimis dare pauperibus & mendicantibus, per illa enim initiantur pueri, pueræ, famuli, famulæ, & in genere omnes simplices, in Charitatem, sunt enim externa ejus, per quæ imbuunt Charitatis munia, nam sunt ejus rudimenta, & tunc sicut fructus immaturi; at apud illos qui postea perficiuntur cognitionibus justis de Charitate & Fide, fiunt sicut fructus maturi; & tunc spectant opera illa priora ex simplicitate cordis facta; non aliter quam debita.

427. Quod Beneficia illa hodie credantur propria Charitatis facta, quæ in Verbo intelliguntur per bona opera, est causa, quia Charitas multoties in Verbo per dare pauperibus, opem ferre egenis, propiscere viduis & pupillis, describitur; sed haec tenus ignoratum est, quod Verbum in litera nominet solum talia, quæ extera, immo quæ extrema cultus sunt, & quod spiritualia, quæ interna, per illa intelligantur, de qua re videatur supra in Capite de SCRIPTURA SACRA n: 173 ad 209, ex quibus patet, quod per nominatos pauperes, egenos, viduas, pupilos, non illi ibi intelligantur, sed spiritualiter tales; quod per pauperes intelligantur qui non in cognitionibus veri & boni sunt, videatur APOCALYPSIS REVELATA, n: 209. Quod per viduas illi, qui absque veris sunt, & usque desiderant vera, n: 764; & sic porro.

428. Qui a nativitate miserabundi sunt, & misericordias suas naturales non faciunt spirituales, per quod faciant illos ex genuina Charitate, illi credunt, quod Charitas sit dare cuivis pauperi, & opitulari cuivis indigenti, & non prius inquirunt, num pauper & indigens ille sit bonus aut malus, dicunt enim quod hoc non necessum sit, quoniam Deus spectat solum ad opem & eleemosynam. Sed hi post

mortem probe discernuntur & separantur ab illis, qui Charitatis beneficia fecerunt ex prudentia, nam illi qui ex cæca illa Charitatis idea fecerunt illa, tunc beneficiunt æque malis ac bonis, & mali per illa faciunt mala, & per hæc lædunt bonos, quare benefactores illi in causa læsionis honorum etiam sunt; nam malefico benefacere, est sicut dare panem diabolo, quem vertit in venenum, nam omnis panis in manu diaboli est venenum, & si non est, vertit illum in id, quod facit per benefacta allicere ad mala: & est sicut porrigeret inimico ensem, quo aliquem necet: & est sicut homini lupo tradere baculum pastoritum, ut ducat oves in pascua, cum tamen postquam adeptus est illum, abigit oves a pascuis in deserta, & ibi mactat illas: & est sicut præfecturam dare Latroni, qui modo animum intendit & invigilat prædæ, secundum cujus opimitatem & copiam dispensat jura, & facit judicia.

*Quod sint Debita Charitatis, quædam Publica,
quædam Domestica, & quædam Privata.*

429. CHARITATIS Beneficia & Charitatis Debita inter se distincta sunt, sicut illa quæ ex libero arbitrio fiunt, & illa quæ ex necessitate: at usque per Debita Charitatis, hic non intelliguntur Debita functionum in Regno & Republica, sicut ministri ut ministret, judicis ut judicet, & sic porro, sed intelliguntur Debita cuiusvis in quacunque functione est, quare sunt ex alia origine, & profluunt ex alia voluntate, & ideo fiunt ex Charitate ab illis qui in Charitate sunt, ac vicissim ex nulla Charitate ab illis qui in nulla sunt.

430. DEBITA CHARITATIS PUBLICA, sunt imprimis Tributa & Vestigalia, quæ non cum debitis functionum commisenda sunt, illa pendunt alio corde illi qui spirituales sunt, & alio illi qui mere naturales sunt; Spirituales pendunt illa ex bene velle, quia sunt Collectæ pro Conservatione Patriæ, & pro Tutatione ejus & Ecclesiæ, proque administratione per officarios & præfectos, quibus salario & stipendia ex Publico Ærario impendenda sunt; quare illi, quibus Patria & quoque Ecclesia sunt Proximus, ex Voluntate spontanea & secundante solvunt illa, & pro iniquitate reputant fallere & frustrare; at illi, quibus Patria & Ecclesia non sunt Proximus, voluntate invita & repugnante præstant illa, & quoties datur ansa defraudant & surripunt, apud hos enim Dominus sua & Caro sua sunt Proximus.

431. DERITA CHARITATIS DOMESTICA, sunt Mariti erga Uxorem, & uxoris erga maritum; tum Patris & Matris erga Liberos, & liberorum erga patrem & matrem; ut & Heri & Heræ erga fumulos & famulas, & horum erga illos; hæc Debita, quia sunt educationis & administrationis in domo, sunt tam multa, ut si recenserentur, codicem implerent. Unusquisque homo fertur in hæc debita ex alio amore, quam in debita functionis suæ; Mariti erga Uxorem, & Uxor erga Maritum ex Amore conjugiali & secundum illum; Patris & Matris erga liberos ex Amore cui-vis insito, qui vocatur Storge; & Liberorum erga Parentes ex alio amore & secundum illum, qui arcte se conjungit cum obedientia ex debito. Debita autem Heri & Heræ erga famulos & famulas trahunt ex amore regnandi, & hic ex statu mentis cuiusvis. Sed Amor conjugialis, & amor erga liberos cum eorum debitib⁹ & debitorum exercitiis, non producunt amorem erga proximum, sicut exercitia debitorum in functionibus; nam Amor Storge vocatus datur apud malos æque ac apud bonos, & quandoque fortior apud malos, & quoque datur apud bestias & aves, apud quas nulla Charitas formari potest; quod sit apud ursos, tigrides & serpentes, æque ac apud oves & capras, & apud bubones æque ac apud columbas, notum est. Quod in specie attinet Debita parentum erga liberos, sunt debita intrin-

fecus alia apud illos qui in Charitate sunt, & alia apud illos qui non in Charitate sunt, sed extrinsecus apparent similia; apud illos qui in Charitate sunt, conjungitur amor ille cum amore erga proximum & cum amore in Deum, ab his enim amantur liberi secundum mores, virtutes, studia, & dotes serviendi publico; apud illos autem qui non in Charitate sunt, non est conjunctio Charitatis cum amore storge vocato, quare plures ex his amant Liberos etiam malos, immoratos, astutos, præ bonis, moratis & prudentibus, ita inutiles publico præ utilibus.

432. DEBITA CHARITATIS PRIVATA sunt etiam plura, sicut pensa solvere operariis, usuras pendere, stipulata præstare, hypothecas custodire, & similia alia, quorum aliqua sunt debita ex Lege forensi, aliqua ex Lege civili, & aliqua ex Lege morali. Hæc quoque ex alia mente exhibentur ab illis que in Charitate sunt, & alia ab illis qui non in Charitate sunt, ab illis qui in Charitate sunt, præstantur illa juste & fideliter, nam præceptum Charitatis est, ut quis juste & fideliter agat cum omnibus cum quibus in aliquo negotio & commercio est, de quo supra n: 422 seq. eadem illa autem aliter prorsus præstantur ab illis qui non in Charitate sunt.

*Quod Diversoria Charitatis sint Prandia, Cænæ,
& Consortia.*

433. Notum est, quod Prandia & Cænæ ubivis in usu sint, & quod propter variis fines instituantur, & quod apud plures sint propter amicitias, propter affinitates, propter lætitias, propter lucrationes & remunerations, & quod sint corruptæ ad trahendum in partes; & quod apud Magnates etiam propter honorem, & in Aulis Regum propter splendorem. Sed Prandia & Cænæ Charitatis sunt modo apud illos, qui in mutuo amore ex simili fide sunt. In Primitiva Ecclesia apud Christianos fuerunt Prandia & Cænæ non propter alium finem, & vocata sunt CONVIVIA, instituta ut simul ex corde lœtificarentur, & quoque congererentur: Cænæ apud illos significabant Consociationes & conjunctiones in primo statu instauracionis Ecclesiæ, nam Vespера, in qua fiebant, illum significabat; PRANDIA autem in secundo statu, quando Ecclesia instaurata est, nam Mane & Dies illum significabant. Super Mensis sermones habebantur de rebus variis, tam domesticis quam civilibus, imprimis autem de talibus quæ Ecclesiæ erant; & quia erant Convivia Charitatis, sermonibus de quacunque re inerat Charitas cum ejus gaudiis & lætitiis; sphæra spiritualis regnans in Conviviis illis fuit sphæra amoris in Dominum & amoris erga proximum, quæ exhilarabat eujusvis animum, emolliebat eujusvis loquela sonum, & festivum e corde induxit in omnes fensus; nam ex quovis homine emanat sphæra spiritualis, quæ est affectionis amoris & inde cogitationis ejus, ac interius afficit consocios, imprimis in Conviviis, emanat illa tam per faciem, quam per respirationem. Quoniam per Prandia & Cænas, seu per Convivia tales animorum consociationes significabantur, ideo toties in Verbo nominantur, & per illa ibi non aliud in sensu spirituali intelligitur, & in supremo sensu per Cænam Paschalem apud filios Israelis, & quoque per Epulas in Festis reliquis, ut & per Commessiones ex Sacrificiis juxta Tabernaculum; ipsa conjunctio tunc repræsentabatur per frangere panem & distribuere, & per bibere ex eodem poculo & tradere alteri.

434. Quod CONSORTIA attinet, fuerunt illa in Primitiva Ecclesia inter tales, qui se vocabant Fratres in Christo, quare erant Consortia Charitatis, quia spiritualis Fraternitas; erant quoque consolationes adversitatum Ecclesiæ, lœtificationes pro incrementis ejus, & quoque recreaciones animarum a studiis & laboribus,

& simul confabulationes de rebus variis; & quia ex amore spirituali ut ex fonte fluebant, erant rationales & morales ex origine spirituali. Dantur hodie Consortia amicitiae, quae pro fine spectant jucunda conversationis, exhilarationes mentis per colloquia, & inde pro expansione animi, & manumissione cogitationum inclusarum, & sic refocillatione sensualium corporis, & status eorum integratione. Sed nondum dantur Consortia charitatis, nam dicit Dominus, In Consummatione saeculi, hoc est, in fine Ecclesie, multiplicabitur iniquitas, & frigescet Charitas, Matth. XXIV: 12; causa est, quia Ecclesia nondum agnoverat Dominum Deum Salvatorem pro Deo Celi & Terrae, & Ipsum immediate adiverunt, a Quo unice genuina Charitas procedit & influit. Consortia autem, ubi non amicitia æmulans charitatem conjungit animos, sunt illa non aliter quam simulationes amicitiae, & fallaces testificationes amoris mutui, pellaces insinuationes in favores, & litamina jucundatum corporis, imprimis sensualium, a quibus alteri feruntur sicut Naves a velis & fluctibus secundis, in his Sychophantæ & Hypocritæ in puppi stant, & clavum gubernaculi tenent in manu.

Quod Primum Charitatis sit amovere mala, & Secundum ejus facere bona, quæ usui proximo sunt.

435. In Doctrina Charitatis primas partes tenet hoc, quod primum Charitatis sit non facere malum proximo, & secundas, facere bonum illi; hoc dogmaticum est sicut janua ad doctrinam Charitatis. Notum est, quod cujusvis hominis voluntati a nativitate infideat malum, & quia omne malum spectat hominem prope se & procul a se, & quoque Societatem & Patriam, sequitur quod malum hereditarium sit malum contra proximum in omni gradu. Homo ex ipsa ratione potest videre, quod quantum malum Voluntati insidens non removetur, tantum bonum quod facit, illo malo imprægnatum sit, est enim tunc malum intus in bono, sicut nucleus in crusta, & sicut medulla in osle, quare tametsi bonum, quod sit ab homine tali, apparet ut bonum, usque intrinsecus non est bonum, est enim sicut crusta nitida, intra quam nucleus est erosus a vermis, & est sicut amygdalum album, intra quod est putredo, e qua venæ putres usque ad superficiem prorepunt. Malum velle & bonum facere, sunt in se duo opposita, malum enim est odii contra proximum, & bonum est amoris erga proximum, seu malum est hostis proximi, & bonum est amicus ejus, illa duo non possunt in una mente dari, hoc est, in Interno homine malum, & in Externo homine bonum, si datur, est bonum in Externo sicut vulnus palliative curatum, in quo intus est fantes putrefacti. Homo tunc est sicut Arbor cujus radix est obsoleta, & tamen producit fructus, qui extrinsecus apparent sicut fructus saporis & usus, sed intrinsecus sunt tetri & inutiles; sunt etiam sicut scoriæ rejectæ, quæ extrinsecus politæ & pulchre coloratae pro lapidis pretiosis venditantur, verbo sunt sicut ova bubonis, de quibus inducitur fides quod sint ova columbae. Sciat homo, quod bonum, quod homo facit Corpore, procedat a spiritu ejus, seu ex Interno homine, Internus homo est spiritus ejus qui vivit post mortem, quare dum homo rejicit corpus, quod fecit Externum ejus hominem, tunc totus quantus est in malis, & in his se jucundat, & aversatur bonum sicut infestum vitæ suæ. Quod homo non possit facere bonum, quod in se bonum est, priusquam remotum est malum, docet Dominus multis in locis, Non colligunt de spinis uvam, aut de tribulis ficus, putris arbor non potest fructus bonos facere, Matth. VII: 16. 17. 18. Væ vobis Scribæ & Pharisei, purgatis exterius poculi & patinæ, interiora vero sunt plena rapina & intemperantia: Pharisei cæce, purga prius interius poculi & patinæ, ut fiat etiam exterius mundum, Matth. XXIII: 25: 26. Et apud

apud Esajam, *Lavate vos, removete malitiam operum vestrorum, cessate malum facere; Discite bonum facere, querite judicium, tunc si fuerint peccata vestra sicut coccinea sicut nix albescens, si rubra fuerint sicut purpura, sicut lana erunt*, Cap. I: 16. 17. 18.

436. Hoc porro illustrari potest per has comparationes; non potest aliquis adire alterum, qui leopardum & pantheram in conclavi suo custodit, & quia dat illis edere, securus cum illis habitat, nisi prius feras illas removerit. Quis invitatus ad mensam Regis & Reginæ non prius laverit faciem & manus, antequam accedit. Quis non per ignem purificat mineras, & fecernit a scoriiis, antequam aurum & argentum purum accipit. Quis non Zizania separat a messe tritici, antequam hoc infert in horreum. Quis non despumat Carnem crudam in coctione, antequam illa fit edulis, & apponitur super mensa. Quis non excutit vermes ex foliis arboris in horto, ne consumantur folia, & sic pereat fructus. Quis amat virginem, & cum illa nuptias intendit, quæ malignis inescata est, ac pustulis & varicibus obsita, utcunque illa infucat faciem, splendide se investit, ac amoris illecebras per blanditias oris inferre studet. Quod homo scipsum purificare debeat a malis, est comparative sicut servus incedens facie & veste conspurcatis fuligine aut sternore accederet ad herum suum, ac diceret, Domine, ablue me, annon illi herus dicturus est, serve stulte, quid dicis, ecce ibi aqua, sapo, & linteum, suntne tibi manus, & posse in illis, ablue te ipsum; & Dominus Deus dicturus est, sunt media purificationis a me, & quoque est tuum velle & posse a Me, quare utere illis meis donis & dotibus ut tuis, & purificaberis.

437. Creditur hodie, quod Charitas duntaxat sit bonum facere, & quod tunc non malum faciat, consequenter quod primum Charitatis sit bonum facere, & secundum ejus non malum facere; sed prorsus inversum est, primum Charitatis est amovere malum, & secundum ejus est facere bonum, nam universalis Lex in Mundo spirituali est, & inde quoque in Mundo naturali, quod quantum quis non vult malum, tantum velit bonum, ita quantum se avertit ab inferno, a quo omne malum ascendit, tantum se vertat ad Cælum, e quo omne bonum descendit; proinde etiam, quod quantum quis rejicit diabolum, tantum acceptetur a Domino; non potest quis stare inter utrumque collo versatili, & simul orare ad unum & ad alterum; hi enim sunt de quibus Dominus hæc dicit, *Novi tua opera, quod neque frigidus sis neque calidus, utinam frigidus essem aut calidus; sed quia tepidus es, & neque frigidus neque calidus, exputurus sum te ex ore*, Apoc. III: 15. 16. quis potest inter binos Exercitus velitare cum sua turma, ac utrique favere; quis potest in malo esse contra proximum, & simul in bono erga illum, numne tunc malum se recondit in bono, tametsi malum quod se recondit non appareat in actibus, usque se manifestat in multis, dum super illa rite reflectitur: dicit Dominus, *Nullus servus potest duobus Dominis servire; non potestis Deo servire & Mammonæ*, Luc. XVI: 13.

438. Sed purificare se a malis, nemo ex propria potentia & ex propriis viribus potest, at usque non fieri potest absque potentia & viribus hominis, sicut propriis; quæ nisi forent, non aliquis posset pugnare contra carnem & ejus concupiscentias, quod tamen cuivis injunctum est, imo non cogitaret de aliqua pugna, ita animum relaxaret in omnis generis mala, & solum per Leges justitiae latas in Mundo, & per illarum paenam, retineretur ab illis quoad facta, & sic foret intus sicut tigris, pardus, & serpens, qui nihil reflectunt super amorum suorum crudelia jucunda; ex his patet, quod homo, quia præ feris rationalis est, debeat resistere malis ex potentia & viribus sibi datis a Domino, quæ in omni sensu apparent ei ut propriæ, & hæc apparentia est data cuivis homini a Domino propter Regenerationem, Imputationem, Conjunctionem, & Salvationem.

*Quod homo in exercitiis Charitatis non ponat meritum
in Operibus, dum credit quod omne bonum
sit a Domino.*

439. Meritum ponere in operibus, quæ sunt salutis causa; damnosum est, in illo enim latent mala, de quibus factor nihil scit; latet negatio influxus & operationis Dei apud hominem; fiducia propriae potentiae in rebus salutis; fides in se & non in Deum; justificatio sui; salvatio ex propriis viribus; annihilatione gratiae & misericordiae Divinae; rejectio reformationis & regenerationis per Divina media; in specie derogatio meriti & justitiae Domini Dei Salvatoris, quæ sibi vindicant; præterea continua intuitio mercedis, quam pro fine primo & ultimo spectant; submersio & extincio amoris in Dominum & amoris erga proximum; totalis ignorantia & imperceptibilitas jucundi amoris Cœlestis, quod est absque merito, & sola sensatio amoris sui; nam qui mercedem primo loco ponunt, & salutem secundo, ita hanc propter illam, invertunt ordinem, ac desideria interiora mentis suæ immergunt proprio suo, & in corpore conspurcant illa malis suæ carnis: inde est, quod bonum meriti coram Angelis appareat sicut rubigo, & bonum non meriti sicut purpura. Quod non faciendum sit bonum sine mercedis, docet Dominus apud Lucam; *Si benefacitis illis, qui benefaciunt vobis, quæ vobis gratia est, potius diligite inimicos vestros, & benefacite, atque mutuo date nihil inde sperantes, tunc erit merces vestra multa, & eritis filii Altissimi, quia ille benignus super ingratos & malos, Cap. VI: 33 ad 36.* Quod homo non possit facere bonum, quod in se bonum est, nisi a Domino, apud Johannem, *Manete in Me, & Ego in vobis, quemadmodum palmes non potest fructum ferre a se ipso, nisi manserit in vite; ita neque vos nisi in Me manseritis, quia sine Me non potestis facere quicquam, Cap: XV: 4, 5.* Et alibi, *Non potest homo sumere quicquam, nisi sit datum illi e Cælo, Cap. III: 27.*

440. At cogitare, quod in Cælum veniant, & quod bonum faciendum sit propere, non est spectare mercedem ut finem, ac ponere meritum in operibus, nam id cogitant etiam illi, qui amant proximum ut seipsum, & Deum supra omnia, hi enim cogitant id ex fide in Domini verba. *Quod merces eorum futura sit magna in Cælis, Matth. V: 11, 12: Cap. VI: 1. Cap. X: 41, 42. Luc. VI: 23, 25. Cap. XIV: 12, 33, 14. Joh. IV: 36. Quod qui bona fecerunt, tanquam hereditatem possessuri sint Regnum a fundatione Mundi paratum, Matth. XXV: 34. Quod cuivis retribuatur secundum opera ejus, Matth. XVI: 27. Joh. V: 29. Apoc. XIV: 13. Cap. XX: 12, 13. Jerem. XXV: 14. Cap: XXXII: 19: Hœs. IV: 9. Sach. I: 6. & alibi.* Hi non in fiducia mercedis ex merito sunt, sed in fide promissionis ex gratia: apud hos est jucundum faciendi bonum proximo merces; hoc jucundum est Angelis in Cælo, & est jucundum spirituale, quod est æternum, & immensum excedit omnne jucundum naturale: illi qui in isto jucundo sunt, non volunt audire de merito, nam amant facere, & in eo faustum percipiunt; & hi contristantur si credatur, quod faciant propter retributionem; sunt illi sicut qui bonum faciunt amicis amicitiae causa, fratri fraternitatis causa, uxori & liberis uxoris & liberorum causa, patriæ patriæ causa, ita ex amicitia & amore; illi qui benefaciunt, etiam dicunt & persuadent, quod non propter se sed propter illos.

441. Alter prorsus illi qui mercedem in operibus ut ipsum finem spectant, hi similes sunt illis, qui amicitiam ineunt propter lucrationes, & quoque dona mitunt, officia præstant, amorem testantur sicut ex corde, & cum sperata non obtinent, avertunt se, & amicitiae renuntiant, ac inimicis & osoribus ejus se addicant. Et sunt sunt Nutrices, quæ pro me ercede solum lactant infantes, & in conspectu pa-

ren-

rentum osculantur & palpant illos, at vero ut primum non delicate nutriuntur & ad omnem nutum remunerantur, infantes rejiciunt, duriter tractant & verberant, ridentes ad fletus illorum. Sunt etiam sicut qui spectant Patriam ex amore sui & mundi, & dicunt se velle bona sua & vitam suam pro illa impendere, & tamen si non aucupant honores & opes ut præmia, male de illa loquuntur, & adjungunt se hostibus ejus: sunt quoque sicut Pastores, qui solum propter mercedem pascunt oves, quam si non suo tempore recipiunt, baculo suo a pascuo in desertum abigunt: similes his sunt Sacerdotes, qui sui ministerii debita solum propter census illis addictos præstant; quod hi flocci pendant salutem animarum, quibus ut ductores præfecti sunt, patet. Simile est cum Magistratus personis, qui modo spectant ad dignitatem functionis suæ & ad redditus, hi dum bonum faciunt, non est propter bonum publicum, sed propter jucundum amoris sui & mundi, quod illi ut unicum bonum respirant: parile est cum reliquis; finis enim propter quem, omne punctum fert, & causæ mediae, quæ sunt functionis, si non promovent finem, renuntiantur. Simile est cum illis, qui mercedem ex merito in rebus salutis poscunt, hi post mortem magno animo postulant Cælum, at postquam iuventi sunt, quod nihil amoris in Deum, & nihil amoris erga proximum possideant, remittuntur ad illos qui de Charitate & Fide illos instruant, quorum doctrinalia si repudiant, ablegantur ad similes, inter quos aliqui sunt, qui irascuntur Deo, quia non reportant præmia, & Fidem vocant ens rationis. Sunt illi qui in Verbo intelliguntur per Mercenarios, quibus addicta sunt servitia infimæ fortis in Atriis Templi: apparent e longinquò sicut fidentes ligna.

442. Probe sciendum est, quod Charitas & Fides in Dominum arcte conjunctæ sint, inde qualis est Fides talis est Charitas. *Quod Dominus, Charitas & Fides unum faciant, sicut vita, voluntas & intellectus, & quod si dividuntur, unumquodvis perireat, sicut unio dilapsa in pollinem*, videatur supra n: 362 seqq. Et quod Charitas & Fides simul sint in Operibus bonis, n: 373 rd 377. inde sequitur, quod qualis est Fides talis sit Charitas, & quod qualis est Fides & Charitas simul, talia sunt opera; nunc si fides est, quod omne bonum, quod homo facit sicut ex se, sit a Domino, est homo tunc causa instrumentalis ejus, & Dominus causa principalis, quæ duæ causæ apparent coram homine una; cum tamen causa principalis est omne in omnibus causæ instrumentalis; inde sequitur, quod si homo credit, quod omne bonum, quod in se bonum est, sit a Domino, non ponat meritum in operibus; & in eo gradu, quo hæc fides apud hominem perficitur, a Domino aufertur illi phantasia de Merito. Homo in hoc statu exercitia Charitatis in abundantia absque timore meriti facit, & dèmum percipit jucundum spirituale Charitatis, & tunc incipit aversari meritum ut noxiū vitæ suæ. Meritum a Domino facile abstergitur apud illos qui imbuunt Charitatem per quod justæ & fideliter agant in opere, negotio & officio in quo sunt, & cum quibus in aliquo commercio sunt, de quibus supra n: 422, 423: 424. sed meritum ægre aufertur ab illis, qui credunt Charitatem comparari per eleemosynas & opitulationes indigentium, nam hi dum operantur illa, mente sua primum aperte, & dein tacite, mercedem volunt, & meritum attrahunt.

Quod Vita Moralis dum simul est Spiritualis sit Charitas.

443. Omnis homo a parentibus & magistris discit moraliter vivere, hoc est, civilem personam agere & honestatis officia exhibere, quæ se referunt ad varias virtutes, quæ sunt honestatis essentialia, & producere illa per formalia ejus, quæ vocantur decora, & sicut ætate provchitur, superaddere rationalia, ac moralia vitæ per illa perficere; nam moralis vita apud pueros usque ad primam ad-

lescentiam est naturalis, quæ deinde plus & plus sit rationalis. Qui bene reflectit, potest videre, quod moralis vita sit eadem cum Charitatis Vita, quæ quod sit bene agere cum proximo, & moderari ne sit malis contaminata, sequitur ex illis, quæ supra n: 435 ad 438, ostensa sunt. Sed usque in priua ætatis periodo, Moralis Vita est Charitatis Vita in extremis, hoc est, modo exterior & anterior ejus pars, & non interior. Sunt enim quatuor Periodi vitæ, quas homo ab Infancia ad senectutem pertransit; PRIMA est, in qua agit ex aliis secundum instructiones: SECUNDA est, in qua agit ex se moderante intellectu: TERTIA est, in qua Voluntas agit in Intellectum, & Intellectus modificat illam: QUARTA est, in qua agit ex confirmato & ex proposito. Sed hæc Periodi vitæ, sunt periodi vitæ Spiritus hominis, non similiter ejus corporis, hoc enim potest moraliter agere & rationaliter loqui, & tamen Spiritus ejus potest contraria velle & cogitare; quod homo naturalis sit talis, manifeste patet a simulatoribus, assentatoribus, mendacibus & hypocritis, quod hi gaudeant duplaci mente, seu quod Mens illorum divisa sit in binas discordantes, constat: aliter apud illos, qui bene volunt & rationaliter cogitant, & inde bene agunt & rationaliter loquuntur; hi sunt qui per Simplices spiritu in Verbo intelliguntur; simplices dicuntur quia non sunt duplices. Ex his videri potest, quid proprie intelligitur per Externum & Internum hominem, & quod nemo possit a Moralitate Externi hominis concludere ad moralitatem Interni, quoniam hic potest in contrario versu esse, & se recondere sicut testudo suum caput in concha, & sicut serpens suum caput in spira; est enim talis ita dictus moralis homo, sicut latro in Urbe & in sylva, qui in Urbe agit personam moralem, sed in sylva prædonem: Aliter prorsus illi qui interius seu quoad Spiritum Morales sunt, quod fiunt per regenerationem a Domino, hi sunt qui intelligentur per Morales spirituales.

444. Quod Moralis vita, dum simul est spiritualis, sit Charitatis vita, est quia exercitia Moralis vitæ & Charitatis sunt eadem; Charitas enim est bene velle proximo, & inde bene agere cum illo, hoc etiam est Vitæ moralis; Lex Spiritualis est hæc Domini, *Omnia quæcunque volueritis, ut faciant vobis homines, sic vos facite illis, hæc est Lex & Prophetæ*, Matth. VII: 12, eadem hæc Lex est universalis Vitæ moralis: Sed omnia Charitatis opera recensere, & illa cum operibus Vitæ moralis conferre, est plurium paginarum opus; sint modo illustrationi sex Præcepta Secundæ Tabulæ Legis Decalogi, quæ quod sint præcepta Vitæ moralis, cuivis patet, quæ quod etiam contineant omnia quæ amoris erga proximum sunt, videatur supra, n: 329. 330. 331. Quod Charitas impleat illa omnia, constat ex his apud Paulum, *Amate vos invicem, qui enim amat alterum, Legem implevit; nam illud non macaberis, non occides, non furaberis, non falsus testis eris, non concupisces, & si quid aliud mandatum, in hoc verbo comprehenditur, amabis proximum ut te ipsum; Charitas proximo non malum facit; plenitudo legis est Charitas*, Rom. XIII: 8. 9. 10. Qui ex solo Externo homine cogitat, ille non potest non mirari, quod septem Præcepta Secundæ Tabulæ a Jehovah super monte Sinai cum tanto miraculo promulgata sint, cum tamen eadem illa in omnibus Regnis in terris, proinde etiam in Ægypto, unde filii Israelis nuper venerunt, fuerunt Præcepta Legis justitiae civilis, nam absque illis nullum Regnum subsistit; sed quod a Jehovah promulgata sint, & insuper Tabulis lapideis digito Ipsijs inscripta, fuit causa, ut non solum essent Præcepta Societatis civilis, & sic Vitæ moralis naturalis, sed etiam Præcepta Societatis cœlestis, & sic Vitæ moralis spiritualis, ita quod facere contra illa, non modo esset facere contra homines, sed etiam contra Deum.

445. Si spectatur Vita Moralis in sua essentia, videri potest quod sit Vita secundum Leges humanas & simul Divinas, quare qui secundum binas illas Leges ut Unam vivit, is vere moralis homo est, & ejus vita est Charitas. Quisque potest com-

comprehendere, si vult, ex Vita Morali externa, qualis est Charitas; transcribe modo Vitam moralem externam, qualis est in civilibus consortiis, in Internum hominem, ut in hujus voluntate & cogitatione sit similis & conformis actis in Externo, & videbis Charitatem in suo typo.

*Quod Amicitia amoris ligata cum homine, qualiscunque est
quoad spiritum, post mortem detrimentosa sit.*

446. Per amicitiam amoris intelligitur interior amicitia, quæ talis est, ut non modo ametur Externus ejus homo, sed etiam Internus, & hoc absque scrutinio qualis est quoad Internum seu spiritum, hoc est, quoad mentis affectiones, sive haec sint amoris erga proximum, ac amoris in Deum, ita consociabiles cum Angelis cœli; sive sint Amoris contra proximum ac amoris contra Deum, ita consociabiles cum Diabolis. Talis amicitia apud plures ligatur ex variis causis, & propter varios fines. Distinguitur haec ab amicitia externa quæ solius personæ est, & datur propter varia jucunda corporis & sensuum, & propter varia commercia; haec amicitia cum unoquovis potest sociari, etiam cum hariolo qui ad mensam Ducis joculatur: haec vocatur simpliciter amicitia, illa autem amicitia amoris, quia amicitia est conjunctio naturalis, amor autem est conjunctio spiritualis.

447. Quod amicitia amoris post mortem detrimentosa sit, constare potest ex statu cœli, ex statu inferni, & ex statu spiritus hominis respectivo. Quod Cœli statum attinet, est illud in innumeris Societates secundum omnes varietates affectionum amoris boni distinctum; Infernum vicissim secundum omnes varietates affectionum amoris mali; & homo post mortem, qui tunc est Spiritus, secundum suam vitam in Mundo statim addicitur societati, ubi ejus regnans amor est; societati alicui cœlesti, si amor in Deum & erga proximum fecerat Caput ejus amorum, & alicui societati infernali, si amor sui & mundi fecerat caput ejus amorum. Statim post introitum in Mundum spiritualem, quod fit per mortem & rejectionem corporis materialis in sepulchrum, homo per aliquod tempus ad societatem suam, cui addictus est, præparatur, & præparatio fit per rejections amorum cum principali ejus non concordantium, quare tunc separatur unus ab altero, amicus ab amico, cliens a domino, & quoque parens a liberis, & frater a fratre, & quisque eorum interius adjungitur similibus, cum quibus vitam consortem & proprie suam in æternum victurus est. At primo tempore præparationis convenient, & amice colloquuntur sicut in Mundo, sed paullatim dirimuntur, quod fit insensibiliter.

448. At illi, qui in Mundo ligarunt amicitias amoris inter se, non possunt sicut alii secundum ordinem separari, & addici Societati vitae suæ correspondenti; sunt enim interius quoad Spiritum ligati, nec possunt divelli, quia sunt sicut rami inoculati ramis; quare si unus quoad interiora sua in Cœlo est, alter quoad sua interiora in Inferno, coherent vix aliter quam sicut ovis alligata lupo; aut sicut anser vulpi, aut sicut columba accipitri, & ille, cuius interiora in Inferno sunt, inspirat sua infernalia in illum, cuius interiora in Cœlo sunt; nam inter cognitiones notas in Cœlo etiam haec est, quod mala inspirari possint bonis, non autem bona malis, causa est, quia unusquisque a nativitate in malis est; inde bonis ita coherentibus cum malis occluduntur interiora, & ambo detruduntur in Infernum, ubi bonus dura patitur, & tandem post intervalla temporis eximitur, & tunc prium præparatur ad Cœlum. Datum est mihi videre tales ligationes, præcipue inter fratres & affines, tum etiam inter dominos & clientes, & plurium cum assentatoribus, quibus fuerunt contrariae affectiones & diversi genii, & vidi quosdam sicut hædos cum pardis, & illos tunc se osculantibus, & jurantes in priorem amicitiam,

& percepi tunc bonos insorbentes jucundā malorum, ac tenentes se manibus, & simul intrantes speluncas, ubi catervae malorum visæ sunt in suis tetris formis, sed coram seipso ex illusione phantasiæ invenustis; at post spatia temporis audivi a bonis lamenta timoris sicut pro laqueis, & a malis gaudia sicut hostium ex spoliis; præter tristes alias scenas. Quod boni postea, dum exempti sunt, per media reformationis, sed ægrius quam alii, præparati sunt ad Cælum, audivi.

449. Aliter prorsus sit cum illis qui amant bonum in altero, ita qui amant justitiam, judicium, sinceritatem, benevolentiam ex charitate, imprimis qui fidem & amorem in Dominum; illi quia amant illa quæ intra hominem sunt abstracte ab illis quæ extra illum sunt, quare si non animadvertunt eadem in persona post mortem, illico ab amicitia recedunt, & a Domino associantur illis qui in simili bono sunt. Dici potest, quod nemo possit explorare interiora mentis illorum cum quibus in consortio & coimmersione est, sed hoc non necessarium est, modo caveat sibi ab amicitia amoris cum quocunque; amicitia externa propter varios usus non nocet.

Quod detur Charitas spuria, Charitas hypocritica, & Charitas mortua.

450. Genuina Charitas quæ est viva, non datur nisi quæ unum facit cum fide, & nisi utraque conjunctim spectet ad Dominum, nam hæc tria, Dominus, Charitas & Fides, sunt tria essentialia salutis, quæ dum unum faciunt, Charitas est Charitas, & Fides est Fides, & Dominus est in illis & illi in Domino, videatur supra n: 363 ad 367, & n: 368 ad 372. At vero, ubi Tria illa non conjuncta sunt, est Charitas vel spuria, vel hypocritica, vel mortua. Fuerunt in Christianismo a tempore fundationis ejus diversæ Hæreses, & quoque hodie sunt, in quarum singulis tria hæc Essentialia, quæ sunt Deus, Charitas & Fides, agnita sunt & agnoscuntur, nam absque Tribus illis non est Religio. Quod in specie Charitatem attinet, potest illa adjungi cuivis Fidei Hæreticæ; sicut Fidei Socinianorum, Fidei Enthusiastarum, Fidei Judæorum, imo Fidei Idololatrarum, & ab omnibus illis credi quod sit Charitas, quoniam illa in externa forma appetit similis; sed usque mutat qualitatem secundum fidem cui adjungitur vel conjungitur; quod ita sit videatur in Capite de Fide.

451. Omnis Charitas, quæ non-conjuncta est Fidei in unum Deum, in quo Divina Trinitas est, est SPURIA; quemadmodum Charitas hodiernæ Ecclesiæ, cuius Fides est in tres Personas ejusdem Divinitatis in successivo ordine, in Patrem, Filium & Spiritum sanctum, & quia in tres Personas, quarum unaquævis est Deus subsistens per se, ita in tres Deos; cui Fidei Charitas potest adjungi, sicut etiam a fidei istius assertoribus factum est, sed nusquam conjungi, & Charitas modo adjuncta fidei, est duntaxat naturalis & non spiritualis, quare est Charitas spuria. Similiter Charitas plurium aliarum Hæresium, quemadmodum illorum, qui Divinam Trinitatem negant, & ideo solum Deum Patrem adeunt, vel solum Spiritum sanctum, aut utrumque præter Deum Salvatorem; horum Fidei non potest Charitas conjungi, & si conjungitur vel adjungitur, est Spuria; dicitur Spuria, quia est sicut Proles ex illegitimo toro, velut Filius Hagaris ex Abrahamo, qui e domo ejectus est, Genes. XXI: 9. Talis Charitas est sicut fructus non adnatus arbori, sed ei aq[ue] affixus; & est sicut Currus, ante quem Equi non aliter alligati sunt quam per habenas in manibus Aurigæ, qui cum excurrunt, trahunt Aurigam e fede, relisto curru.

452. Charitas autem HYPOCRITICA est apud illos qui in Templis & Domibus hu-

miliant se pæne ad pavimentum coram Deo, longis precessis devote fundunt, virtus Sanctos præferunt, osculantur imagines crucis, & ossa mortuorum, & nunc ad sepulchra flectunt genua, & ibi missilant ore verba sanctæ venerationis Dei, & tamen corde volvunt cultum sui, & intendunt adorations sicut numinum. Hi sunt similes illis, quos Dominus describit, his verbis, *Quando feceris eleemosynas, ne tuba canas ante te, quemadmodum Hypocrite faciunt in Synagogis & in vicis, ut glorificantur ab hominibus: & si oraveris, non eris sicut Hypocrita, qui amat in Synagogis & in Angulis platearum stantes orare, ut conficiantur ab hominibus,* Matth. Cap. VI: 2. 5. *Vae vobis Scribæ & Pharisæi, hypocrita, quia clauditis Regnum celorum coram hominibus, vos enim non intratis, nec eos, qui intrare volunt, permittitis intrare. Vae vobis Hypocrita, quia circumitis mare & aridam, ut faciatis unum proselytum, & cum factus est, facilis illum filium gehennæ duplo magis quam vos.* *Vae vobis Hypocrita, quia purgatis exterius poeculi & patinae, interiora vero plena sunt rapina & intemperantia,* Matth. XXIII: 14. 15. 25. Recte prophetavit Esajas de vobis Hypocrita, dicens, *hic populus labiis Me honorat, Cor vero eorum procul abest a Me,* Marc. VII: 6. *Vae vobis HYPOCRITÆ, quia estis sicut Monumenta non apparentia, ut homines, qui ambulant super ea, non sciant,* Luc. XI: 44; præter alibi. Sunt illi sicut carnes absque sanguine: sicut corvi & psittaci instructi loqui verba ex aliquo psalmo; & sicut aves edoctæ canere melodiam hymni sancti: sonus loquelæ eorum est sicut sonus fistulæ aucupis.

453. Charitas autem MORTUA est apud illos, quibus Fides mortua est, quoniam qualis est Fides talis est Charitas; quod unum faciant, in Capite de FIDE ostensum est; quod Fides mortua sit illis, qui absque operibus sunt, constat ex Epistola Jacobi Cap. III: 17. 20. Præterea Fides mortua est illis, qui non credunt in Deum, sed in homines vivos & mortuos, & colunt Idola ut in se sancta, sicut olim Gentiles; Donaria illorum, qui in hac fide sunt, quæ salutis causa impendunt Simulacris miraculosis, ut illa vocant, & illa adnumerant inter Charitatis opera, non aliud sunt quam sicut aurum & argentum immixtum urnis & cippis mortuorum, imo sicut offulæ datae Cerbero, & pensa Charonti, ut in Campos Elysios transferantur. Charitas autem illorum, qui credunt quod Deus non sit, sed pro Deo Natura, non est Spuria, nec hypocritica, nec mortua, sed NULLA, quia non est alicui fidei adjuncta, non enim nominari potest Charitas, quia ejus qualitas prædicatur ex fide: Charitas horum e Cælo spectata, est sicut panis ex cinere, collyra ex squamis piscis, & sicut fructus ex cera.

Quod Amicitia amoris inter malos, sit intestinum odium inter illos.

454. Supra ostensum est, quod cuivis homini sit Internum & Externum, & quod Internum ejus dicatur Internus homo, & Externum ejus Externus homo; his adjicetur hoc, quod Internus homo sit in Mundo spirituali, & Externus in Mundo naturali; quod homo talis creatus sit, est causa, ut possit associari spiritibus & angelis in eorum Mundo, & inde analytice cogitare, ac post mortem transferriri a suo in alterum. Per Mundum spiritualem intelligitur & Cælum & Infernum. Quoniam Internus homo una cum spiritibus & Angelis in eorum Mundo est, & Externus cum hominibus, patet quod homo possit consociari spiritibus Inferni, & quoque consociari Angelis Cæli; homo per hanc facultatem & potentiam distinguitur a bestiis. Homo qualis est quoad Internum suum hominem, talis est in se, non autem qualis est quoad Externum, quia Internus homo est ejus Spiritus, qui agit per Externum. Corpus materiale, quo Spiritus ejus in Mundo naturali inve-

stitus est, est accessorium propter Procreationes, & propter formationem Interni hominis; hic enim formatur in Naturali corpore, sicut arbor in terra, & semen in fructu. Plura de Interno & Extero homine videantur supra n: 401.

455. Qualis autem homo malus est quoad Internum suum hominem, & qualis homo bonus quoad suum videri potest ex descriptione hac brevi Inferni & Cæli, nam Internus homo apud malos conjunctus est diabolis in Inferno, & apud bonos est ille conjunctus Angelis in Cælo. Infernum est ex Amoribus suis in jucundis omnium malorum, hoc est, in jucundis odii, vindictæ, necis, in jucundis deprædationis & furti, in jucundis vituperationis & blasphemationis, in jucundis negationis Dei, & prophanationis Verbi: hæc latent in concupiscentiis, super quas homo non reflecit; illis jucundis flagrant sicut Igniti torres; illa sunt quæ in Verbo intelliguntur per Ignem infernalem. At jucunda Cæli, sunt jucunda amoris erga proximum, & amoris in Deum. Quoniam jucunda Inferni sunt opposita jucundis Cæli, est Interstitium magnum inter illa, in quod a superiori influunt jucunda Cæli, & ab inferiori jucunda Inferni; in medio hujus Interstitij est homo dum vivit in Mundo, propter causam ut sit in æquilibrio, & sic in Libero statu convertendi se ad Cælum, vel ad Infernum: Hoc Interstitium est, quod intelligitur per ingentem Hiatum firmatum inter illos qui in Cælo sunt & illos qui in Inferno, Luc. XVI: 26. Ex his constare potest, qualis est amicitia amoris inter malos, quod quoad Externum hominem sit gesticulatoria & mimica, ac simulatoria moralitatis, propter finem expandendi retia sua, & explorandi ubi datur copia fruendi jucundis amorum suorum, ex quibus Internas illorum homo ardet; est solum timor legis, & inde famæ & vitæ, qui retrahit & actus inhibet, quare amicitia illorum est sicut aranea in saccharo, vypera in pane, pullus crocodili in placenta mellis, & serpens in herbis. Talis est Amicitia malorum cum quoçunque; at inter Malos confirmatos, ut inter fures, latrones & piratas, est illa familiaris, quamdiu unâmina mente inhiant prædationibus, tunc enim se osculantur ut fratres, jucundant se epulis, cantu & choreis, & conjurant in perniciem aliorum; imo etiam quisque penitus insepsicet sodalem, sicut hostis hostem, hoc etiam astutus prædo in sodali suo videt, & timet. Ex his patet, quod inter tales non sit amicitia, sed intestinum odium.

455. Omnis homo qui se non aperte addixit malefactoribus, & exercuit prædationes, sed civilem moralem vitam propter varios usus ut fines egit, & tamen concupiscentias residentes in Interno homine non refrænavit, credere potest, quod Amicitia ejus non talis sit, sed quod usque sit in vario gradu apud omnes, qui fidem rejecerunt, & sancta Ecclesiæ aspernati sunt, & pro nihilo reputaverunt pro se, sed modo pro vulgo, ex pluribus exemplis in Mundo spirituali pro certo scire datum est; apud quosdam ex illis jucunda amoris infernalis latuerunt sicut ignes in lignis torridis cortice obductis; apud quosdam sicut prunæ sub favillis; apud quosdam sicut faculae cereæ, quæ admoto igne efflagrant; & apud quosdam aliter; talis est omnis homo, qui e corde suo rejicit illa quæ religionis sunt; horum Internus homo in Inferno est, & quamdiu in Mundo vivunt, & tunc propter moralitatem effigiatam in externis id ignorant, non agnoscunt pro proximo alios quam semet & suos liberos, & reliquos spectant vel ex contemptu, & tunc sunt sicut feles insidiantes avibus in nidis, vel ex odio, & tunc sunt sicut lupi dum vident canes quos devorent. Hæc allata sunt, ut sciatur qualis est Charitas in suo opposito.

De Conjunctione amoris in Deum, & amoris erga proximum.

456. Notum est, quod Lex e Monte Sinai promulgata, inscripta sit binis Tabulis, & quod una harum sit de Deo, & altera de Hominibus, & quod illæ in manu Mosis una Tabula fuerint, a cuius Parte dextra fuit Scriptum de Deo; & a sinistra de hominibus, & quod sic oblata oculis hominum scriptura utriusque Partis simul conspiceretur, ita fuit una Pars in conspectu alterius; sicut Jehovæ loquentis cum Mose & Mosis cum Jehovah facie ad faciem, ut legitur. Hoc ideo factum est, ut Tabulæ sic unitæ repræsentarent conjunctionem Dei cum hominibus, & reciprocum hominum cum Deo; propter quam causam Lex inscripta vocabatur FÆDUS & TESTIMONIUM, Fædus significat conjunctionem, & Testimonium vitam secundum pacta. Ex binis his Tabulis ita unitis videri potest conjunction Amoris in Deum, & Amoris erga proximum; Prima Tabula involvit omnia quæ Amoris in Deum sunt, quæ primario sunt, quod oporteat agnoscere Unum Deum, Divinitatem Humani Ipsiū, & Sanctitatem Verbi, & quod colendus sit per Sancta quæ procedunt ab Ipsiō; quod hæc Tabula involvat illa, constat ex illis, quæ in Capite V^o super Decalogi Præcepta commentata sunt: Secunda Tabula involvit omnia illa quæ Amoris erga proximum sunt, quinque priora ejus præcepta illa quæ facti sunt, & vocantur Opera, & duo posteriora illa quæ voluntatis sunt, ita illa quæ Charitatis sunt in sua origine, in his enim dicitur non Concupisces, & cum homo non concupiscit illa quæ proximi sunt, tunc bene illi vult; *Quod Decem Præcepta Decalogi contineant omnia quæ Amoris in Deum sunt, & omnia quæ Amoris erga proximum sunt*, videatur supra n. 329. 330. 331. Ubi etiam ostensum est, quod conjunctione utriusque Tabulæ sit apud illos, qui in Charitate sunt.

457. Aliter apud illos, qui in solo Cultu Dei sunt, & non simul in Bonis operibus ex Charitate, hi sunt similes illis, qui discindunt fædus; adhuc aliter apud illos, qui dividunt Deum in tres, & unumquemvis separatum colunt: adhuc aliter apud illos, qui Deum non in Humano suo adeunt, hi sunt, *Qui non ingrediuntur per januam, sed ascendunt aliunde*, Joh. X: 9; & adhuc aliter apud illos, qui Divinitatem Domini ex confirmatione negant; apud hos & illos non est conjunctione cum Deo, & inde non salvatio; & Charitas illorum non est alia quam spuria, & hæc non conjungit a facie, sed a latere, aut a tergo. Quomodo Conjunctione fit, etiam paucis dicetur: Deus influit apud omnem hominem cum agnitione Ipsiū in Cognitiones de Ipsiō, & simul influit cum Amore suo erga homines; homo qui recipit modo prius & non posterius, is recipit Influxum illum in Intellectu & non in Voluntate, & manet in cognitionibus absque interiori agnitione Dei, & ejus status est sicut Horti tempore hyemis; at homo qui recipit & prius & posterius, is recipit influxum in Voluntate & inde Intellectu, ita tota Mente, & ei est interior agnitus Dei, quæ cognitiones de Deo apud illum vivificat; hujus status est sicut Horti tempore veris. Quod conjunctione fiat per Charitatem, est causa, quia Deus amat unumquemvis hominem, & quia ei benefacere non potest immediate, sed per homines mediate, ideo iis inspirat suum amorem, sicut inspirat parentibus amorem erga liberos, & homo qui illum recipit, conjungitur Deo, & amat proximum ex amore Dei; apud hunc est Amor Dei intus in Amore hominis erga proximum, qui operatur velle est posse apud illum. Et quia homo nihil boni facit, nisi ei appareat sicut posse, velle, & facere, sint a se, ideo hoc datum est ei, & cum id facit ex libero ut a se, ei imputatur illud, & acceptatur ut reciprocum, per quod fit conjunctione; & hoc se habet sicut activum & passivum, & hujus co-

peratio, quod fit ex activo in passivo; & hoc se habet sicut Voluntas in actionibus & Cogitatio in loqueliis, & Animæ ab intimo operantis in utramque; & se habet sicut Conatus in motu; & quoque sicut Prolificum seminis, quod ab interiori agit in succis, per quos crescit arbor usque ad fructus, & per fructus producit nova semina: & se habet sicut Lux in lapidibus pretiosis, quæ secundum texturas partium reflectitur, unde varii colores, sicut forent lapidum, cum tamen sunt lucis.

458. Ex his patet, unde & qualis est Conjunctio amoris in Deum & amoris erga proximum, quod fit influxus Amoris Dei erga homines, & quod ejus receptio ab homine, & cooperatio apud illum, fit amor erga proximum; in summa, est conjunctio secundum hoc Verbum Domini, *In illa die cognoscetis, quod Ego in Patre meo, & vos in Me, & Ego in vobis*, Joh. XIV: 20. Et secundum hoc Verbum, *Qui habet precepta mea & facit illa, ille est qui amat Me, & Ego amabo illum, & manifestabo illi Me Ipsum; & mansionem apud illum faciam*, Joh. XIV: 21. 22. 23. Praecepta Domini omnia se referunt ad amorem erga proximum, quæ in summa sunt, non facere ei malum, sed facere ei bonum; quod illi ament Deum, & Deus amet illos, est secundum illa verba Domini. Quoniam bini illi Amores ita conjuncti sunt, dicit Johannes, *Qui servat mandata Iesu Christi, in Ipso manet, & Ipse in illo. Si quis dicat, omnino amo Deum, sed fratrem suum oderit, mendax est: qui enim non amat fratrem suum quem videt, Deum, quem non videt, quomodo potest amare; hoc mandatum habemus ab Ipso, ut qui amat Deum, amet etiam fratrem suum*, Epist. III: 24, & Cap. IV: 20. 21.

459. His adjiciuntur hæc MEMORABILIA: PRIMUM. Vidi e longinque quinque Gymnasia, quæ varia luce circumfusa erant, Primum Luce flammæa, Secundum Luce flava, Tertium Luce candida, Quartum Luce media inter meridianam & vespertinam, Quintum vix apparuit, stebat enim sicut in umbra vespere. Et vidi in viis aliquos super equis, aliquos in curribus, & aliquos gradientes, & quosdam currentes & festinantes, & hos ad Primum Gymnasium, quod Luce flammæa circumiectum erat. His visis cepit & adegit me cupido illuc abeundi, & audiendi, quid ibi ventilabatur, quare propere accinxì me, & associavi me festinatibus ad primum Gymnasium, & una cum illis intravi, & ecce ibi erat Cætus magnus, ex quo pars se contulit ad dextrum, & pars ad sinistrum, fessuri super scamnis, quæ ad parietes; anterius vidi humile suggestum, in quo stetit unus, qui Præfidis munus obivit, cui baculus in manu, pileus super capite, & vestimentum luce Gymnasi flammæa tintum. Hic postquam congregati sunt, extulit vocem, & dixit, Fratres, ventilate hodie quid CHARITAS; quisque e vobis scire potest, quod Charitas in sua essentia sit spiritualis, & in exercitiis naturalis; & illico unus e primo scamno ad sinistrum, super quo illi qui reputati sunt sapientes sedebant, surrexit, & exorsus loqui dixit; mea Sententia est, QUOD MORALITAS INSPIRATA FIDE SIT CHARITAS, & confirmavit id ita, quis non scit, quod Charitas sequatur fidem, sicut pedissequa dominam, & quod homo, cui fides est, faciat legem, ita Charitatem tam sponte, ut non sciat quod Lex & Charitas sit, quam vivit, quoniam si sciret & sic faceret, & simul de salute propter id cogitaret, proprio suo inquinaret sanctam Fidem, & sic ejus efficaciam enervaret; nonne hoc secundum nostrarium dogma est; & aspexit ad sedentes ad latera, inter quos erant canonici, & annuerunt. Sed quid Charitas spontanea, nisi Moralitas, in quam quisque ab infante initiatur, quæ ideo in se naturalis est, sed fit dum ei inspiratur fides spiritualis; quis internoscit homines a morali vita illorum, num fides illis sit, vel non, omnis enim moraliter vivit, sed Solus Deus, qui indit & sigillat fidem cog-

cognoscit & distinguit; quare affero, quod Charitas sit Moralitas inspirata fide, & quod hæc Moralitas ex fide in sinu suo sit salvifica, at omnis alia insalutifera, quia meritoria: perdunt itaque omnes oleum, qui commiscent Charitatem & Fidem, videlicet qui conjungunt illas ab intra, & non adjungunt ab extra; nam commiscere & conjungere illas, foret sicut famulum stantem a tergo immittere in currum cum Primate, aut sicut janitorem inducere in cænaculum ad mensam cum Magnate. Post hæc surrexit unus e scanno primo ad dextrum, & loquutus dixit; mea Sententia est, Quod PIETAS INSPIRATA MISERATIONE SIT CHARITAS, & hoc confirmo per hæc, quod non aliud possit propitiare Deum plus quam Pietas ex humili corde, ac Pietas orat continue, ut Deus det Fidem & Charitatem, & Dominus dicit, Orate & dabitus vobis; Matth. VII: 7; & quia datur, est utraque in illa. Dico quod Pietas inspirata miseratione sit Charitas, omnis enim devota Pietas miseretur, nam Pietas movet cor hominis, ut ingemiscat, & quid hoc aliud quam miseratione; hæc quidem recedit post orationem, sed usque redit cum illa, & cum redit, pietas in illa est, & sic in Charitate. Sacerdotes nostri adscribunt omnia, quæ promovent salutem, Fidei, & non aliquid Charitati, quid tunc superest nisi Pietas misere orans de utraque. Cum legi Verbum, non potui aliter videre, quam quod Fides & Charitas essent duo media salutis, sed cum consului Ministros Ecclesiæ, audivi, quod Fides esset unicum medium, & Charitas non aliquid, & tunc mihi visus sum tanquam in mari super nave fluctuante inter binos scopulos, cujus fracturam cum timui, contuli me in cymbam, & navigavi, cymba mea est Pietas; & insuper Pietas ad omnia utilis est. Post hunc surrexit unus e secundo scanno ad dextrum, & loquutus dixit, mea Sententia est, Quod CHARITAS SIT BONUM FACERE CUIQUE TAM PROBO QUAM IMPROBO; & hoc confirmo per hæc; quid Charitas nisi cordis bonitas, & Cor bonum vult bonum omnibus tam probis quam improbis; & dixit Dominus, quod inimicis etiam benefaciendum sit; si ergo subtrahis Charitatem ab aliquo, fitne tunc Charitas quoad illam partem nulla, & sic homo sicut super uno pede subfultim ambulans, ablato altero. Improbus est homo æque ac probus, & Charitas spectat hominem ut hominem, si improbus est, quid hoc ad me. Cum Charitate est sicut cum Calore solis, hic vivificat bestias tam immites quam mites, æque lupos ac oves, & crescere facit arbores tam malas quam bonas, ac spinas æque ac vites: his dictis, cepit in manu uvam recentem, & dixit, cum Charitate est sicut cum hac uva, si dividis illam, difflit omne quod inibi est, ac divisit & diffluxit. Post heujus effatum surrexit alius e secundo scanno ad sinistrum, & dixit; mea Sententia est, Quod CHARITAS SIT OMNI MODO INSERVIRE AGNATIS ET AMICIS, quod confirmo ita; quis non fecit, quod Charitas inchoet a seipso, est enim quisque sibi proximus, quare Charitas a se progreditur per proximitates, primum ad fratres & sorores, & ab his ad cognatos & affines, & sic Charitatis progressio a seipso terminatur; illi qui extra sunt, alieni sunt, & alieni non interius agnoscuntur, ita ab interno homine abalienati sunt; consanguineos autem & agnatos natura conjungit, & amicos consuetudo, quæ est altera natura, & sic fiunt proximus; & Charitas unit sibi alterum ab intra, & sic ab extra, & qui non ab intra uniti sunt, modo hominandi sunt socii; nonne omnes aves cognoscunt cognitionem suam, non ex plūmis, sed ex sono, & cum prope sunt, ex sphæra vitæ exhalata e corporibus illarum; hæc cognata affectio & inde conjunctio, apud aves vocatur instinctus, at eadem apud homines, quæ quando est ad suos & proprios, est vere humanae naturæ instinctus. Quid facit homogeneum nisi sanguis, hoc hominis mens, quæ etiam est ejus spiritus, sentit & sicut odorat, in hoc homogeneo & inde sympathia consistit Charitatis essentia; vice versa autem heterogeneum, ex quo etiam existit antipathia, est sicut non sanguis, & inde non Charitas; & quia consuetudo est altera natura, & hæc quoque facit homogeneum, sequitur quod Charitas sit etiam bonum facere ami-

amicis. Quis qui e mari in aliquem portum venit, & audit quod Terra extranea sit, cuius habitantium linguas & mores non cognoscit, & tunc non est nisi sicut extra se, & nihil ex jucundo amoris erga illos sentit; verum si audit, quod sit Terra patria, cuius habitantium linguas & mores cognoscit, est sicut intra se, & tunc sentit jucundum ex amore, quod etiam est jucundum Charitatis. Postea e scamno tertio ad dextrum unus surrexit, & alta voce loquutus est, dicendo; mea Sententia est, QUOD CHARITAS SIT DARE ELEEMOSYNAS PAUPERIBUS, ET OPEM FERRE INDIGENTIBUS; hoc certe est Charitas, quia hoc Divinum Verbum docet, cuius dictamen non admittit contradictionem; quid est dare divitibus & possidentibus opes, nisi vana gloria, in qua non est Charitas, sed visio remunerationis, & in hac non dabilis est genuina affectio amoris erga proximum, sed affectio spuria, quæ valet in Terris, & non in Cælis; quare egestas & inopia est opitulanda, quia in hanc non intrat idea retributionis. In Urbe commorationis meæ, ubi novi, qui probi & qui improbi sunt, vidi quod omnes probi ad visum pauperem in platea susterent gradum, & darent eleemosynam; at omnes improbi, viso paupere a latere, præterirent, sicut cæci, ad aspectum ejus, & sicut surdi a voce ejus; & quis non scit, quod probis sit charitas, & quod improbis non sit. Ille qui dat pauperibus, & opitulatur indigentibus, similis est Pastori, qui oves famelicas & sitiientes dicit in pascuum & ad potum; at illi qui solum dat divitibus & abundantibus, similis est illi, qui colit deastros, ac cibum & vinum urget in illos qui crapulant. Post hunc surrexit unus e scamno tertio ad sinistrum, & loquens dixit; mea Sententia est, QUOD CHARITAS SIT HOSPITALIA, NOSOCOMIA, ORPHANOTROPHIA ET XENODOCHIA AEDIFICARE, AC DONIS SUSTENTARE; hoc confirmo per hæc, quod talia beneficia & auxilia sint publica, & multis parasangis excedant privata, inde fit Charitas plus opulenta & referta bonis, quæ bona numero multiplicia sunt, ac merces sperata ex promissionibus in Verbo fit plus abundans, nam sicut quis patrat agrum & serit, ita metit; estne hoc in copia dare pauperibus & opitulari egenis: quis non gloriam inde auçupat e Mundo, & simul laudes cum humili gratiarum voce ex alumnis; hocne elevat cor, & simul affectionem, quæ vocatur Charitas, usque ad suum fastigium. Divites, qui non ambulant in plateis, sed vehuntur, non possunt advertere oculos ad sedentes ad latera juxta parietes, & nummulos porrigerere, sed conferunt spartas ad talia, quæ pluribus simul conducunt, minores autem, qui super plateis ambulant, & quibus non tale est penus, faciant alterum. His auditis, subito tunc alias super codem scamno vocem ejus per altiorum sonum suppressit, & dixit, ne usque Divites Charitatis suæ munificentiam & excellentiam præferant stipi, quam pauper dat pauperi, novimus enim, quod omnis qui agit, dignum sua persona agat, Rex dignum sua, Prætor dignum sua Tribunus dignum sua, & Satelles dignum sua; nam Charitas in se spectata non æstimatur secundum excellentiam personæ & inde muneris, sed secundum plenitudinem affectionis, quæ facit illam, & quod sic mediastinus, dum unum nummulum dat, possit ex pleniore Charitate largiri, quam Magnas qui dat aut testatur thesaurum; quod etiam est secundum hæc., *Iesus vidit divites jacientes dona sua in Gazophylacium, videt etiam quandam viduam pauperem injicienter eo duo minuta: dixit, vere dico vobis, quod vidua pauper hæc plus omnibus injecerit*, Luc. XXI. 1. 2. 3. Post hos surrexit unus ex scamno, quarto ad sinistrum, & loquutus est, & dixit, Sententia mea est, QUOD CHARITAS SIT TEMPRA DITARE, ET MINISTRIS ILLORUM BENEFACERE; quod confirmo per hæc, quod qui illa facit, sanctum verset in animo suo, & ex sancto ibi agat, & quoque quod dona sua sanctificet, hoc charitas postulat, quia illa in se sancta est; estne omnis cultus in Templis sanctus, nam Dominus dicit, ubi duo aut tres in Nominе meо congregati sunt, in medio illorum sum, ac Sacerdotes servi Ipsijs ministrant illum; inde concludo quod dona, quæ ad hos & ad Tempa disponuntur, superiora sint donis, quæ ad alios & ad alia dif-

dispensantur; & præterea Ministro data est copia benedicendi, ex qua etiam sanctificat illa; & postea nihil latius expandit mentem, & laetificat, quam videre sua donaria ut totidem sanctuaria. Postea surrexit unus e scanno quarto ad dextrum, & fatus est ita; mea Sententia est, **Quod FRATERNITAS VETVS CHRISTIANA SIT CHARITAS**, & hoc confirmo per hæc, quod omnis Ecclesia, quæ colit verum Deum, inchoet a Charitate, similiter ut vetus Christiana; quæ quia Charitas unit mentes, & facit ex multis unam, ideo se Fratres vocabant, sed in JESU CHRISTO Deo illorum; at quia tunc a barbaris gentium circumiecti erant, a quibus timebant, communionem a suis bonis fecerunt, ex qua simul & unanimiter laetificabantur, & in consortiis quotidie de Domino Deo Salvatore suo Jesu Christo sermocinabantur, ac in prandiis & cœnis de Charitate; inde illorum Fraternitas. At post illorum tempora, quando schismata cœperunt exoriri, & demum nefanda Hæresis Ariana, quæ apud plures sustulit ideam de Divinitate Humani Domini, Charitas obsolevit, & Fraternitas dissipata est. Verum est, quod omnes qui in veritate colunt Dominum, & præcepta Ipsiœ faciunt, Fratres sint, Matth. XXIII: 8, sed fratres spiritu; at quia hodie non cognoscitur aliquis qualis spiritu est, non opus est, ut se mutuo nominent fratres. Fraternitas solius fidei, & minus adhuc Fidei in alium Deum quam in Dominum Deum Salvatorem, non est fraternitas, quia charitas, quæ facit eam, in illa fide non est; quare concludo, quod Fraternitas vetus Christiana fuerit Charitas, sed hæc fuit, & non est; at vaticinor, quod ventura sit. Quando hoc dixit, apparuit lux flammæa trans fenestram ab oriente, & tinxit genas ejus, ex qua visa obstupuit Cætus. Ultimo surrexit unus e scanno quinto ad finistrum, & petiit ut liceret hujus effatis aliquam symbolam adjicere, & post assensum dixit, sententia mea est, **Quod CHARITAS SIT REMITTERE CUIQUE SUA DELICTA**, hanc Sententiam cepi ex solita loquela illorum, qui ad Sanctam Cænam accedunt, aliqui enim tunc dicunt amicis, remittite mihi quæ deliqueram, putantes sic quod omnia Charitatis officia impleverint; sed ego mecum cogitavi, quod hoc sit modo piæta Charitatis figura, & non realis forma essentiæ ejus, dicunt enim hoc tam qui non remittunt, quam qui charitatem non sectantur ullo conatu, & hi non sunt inter illos in Oratione quam ipse Dominus docuit, Pater remitte nobis delicta nostra, sicut nos remittimus delinquentibus contra nos: delicta enim sunt sicut ulceræ, quæ nisi aperiuntur & sanantur, colligitur inibi sanies, quæ corruptit vicinas, ac serpentis instar cinumrepit, & sanguinem undequaque in saniem vertit; simile est cum delictis contra proximum, quæ nisi removentur per pænitentiam, & per vitam secundum præcepta Domini, remanent & inescantur: & illi, qui absque pænitentia solum orant ad Deum ut remittat illis peccata sua, sunt similes civibus urbis contagioso morbo affectis, qui adeunt Consulem, & dicunt, Domine, medere nobis, quibus dicturus est Consul, quid mederi, adite Medicum, & discite medelas, & a pharmacopola comparete vobis illas, ac aslumite, & sanabimini; ac Dominus dicet, qui de remissione peccatorum absque actuali pænitentia supplicant, aperite Verbum, & legite illud quod loquutus sum apud Esajam, **Væ Genti peccatrici, gravi iniquitate, unde quando expanditis manus vestras, occulto oculos meos a vobis, etiam si multiplicaveritis orationem, non Ego audio: lavate vos, removete malitiam operum vestrorum a coram oculis meis, cessate malum facere; discite bonum facere, & tunc peccata vestra removentur ac remittentur**, Cap. I: 4, 15, 16, 17, 18. His peractis, exporrei manum, & rogavi, ut liceret mihi, tametsi peregrimus sum, meam quoque sententiam adducere, quod Præses proposuit, & post consensum, loquutus sum hæc, mea Sententia est, **Quod CHARITAS SIT EX AMORE JUSTITIAE CUM JUDICIO IN OMNI OPERE ET OFFICIO AGERE, SED EX AMORE NON ALIUNDE QUAM A DOMINO DEO SALVATORE: Omnia quæ a Sedentibus super scanno a latere dextro & a latere sinistro, audivi, sunt celebria documenta Charitatis, sed sicut Præses congrégationis hujus præfatus est, Charit-**

tas in sua origine spiritualis est, & in sua dérivatione naturalis, & Charitas naturalis, si intus est spiritualis, apparet coram Angelis diaphana sicut Adamas, at si intus non est spiritualis, & inde mere naturalis, apparet coram angelis sicut Perla similis oculo piscis cocti. Meum non est dicere, num celebria Charitatis documenta, quæ ordine protulisti, sint Charitate spirituali inspirata, vel non, sed meum hic est dicere, quid spirituale quod inesse debet, erit, ut sint Charitatis spiritualis formæ naturales; ipsum spirituale illorum est hoc, ut fiant ex amore justitiae cum judicio, hoc est, ut homo in exercitiis Charitatis perspiciat, num ex justitia agat, & hoc perspicit ex judicio; potest enim homo per benefacta malefacere, & quoque per talia, quæ apparent sicut malefacta benefacere; ut pro exemplo, per benefacta malefacit ille qui latroni egeno suppedit opes ut emat sibi ensem, tametsi hoc non dicit, cum ille supplicat; aut si illum eripit e carcere, & monstrat viam ad sylvam, & dicit secum, non mea culpa est quod ille latrocinetur, suppicias tuli homini: sit etiam aliud exemplum, ut qui alit ignavum, & custodit ne adigatur ad operas laboris, & dicit, intra in conclave domus meæ, & cuba in lecto, cur te fatigabis, ille enim fayet ignaviae: tum etiam, qui agnatos & amicos indolis improbae promovet ad functiones honoris, in quibus multa malevolentiae genera moliri possunt; quis non videre potest, quod talia Charitatis opera non sint ex aliquo amore justitiae cum judicio. Vicissim etiam, quod homo possit per talia, quæ apparent sicut malefacta benefacere, ut pro exemplo, Judex, qui maleficum absolvit, quia lachrymat, & voces pietatis fundit, ac orat ut condonet quia proximus ejus est, cum tamen Judex Charitatis opus præstat, dum illi irrogat pñnam secundum legem, sic enim præmunit, ne ille ulterius malefaciat, ac Societati, quæ in priori gradu proximus est, nocumento fit, ac ne tale Judicium scandalum fit; quis etiam non scit, quod cedat bono famulis si ab heris suis, ac liberis dum a parentibus propter maleficia castigantur: simile est cum illis in Inferno, quibus omnibus amor malefaciendi est, quod carceri inclusi teneantur, & dum mala faciunt, puniantur, quæ Dominus permittit propter emendationem, hoc fit quia Dominus est ipsa Justitia, & ex ipso Judicio facit quicquid facit. Ex his perspici potest, unde est, quod sicut supra dictum est, Charitas spiritualis fiat ex amore justitiae cum judicio, sed ex amore non aliunde quam a Domino Deo Salvatore, causa est, quia omne bonum Charitatis est a Domino, dicit enim, *Qui manet in Me & Ego in illo, hic fert fructum multum, quia sine Me non potestis facere quicquam*, Joh. XV: 4; & *quod Ipsi sit omnis potestas in Cælo & in Terra*, XXVIII: 18; & omnis amor justitiae cum judicio non aliunde est, quam ex Deo cæli, qui est ipsa Justitia, & a quo omne Judicium homini est, Jerem. XXIII: 5. Cap. XXXIII: 25. Ex his conclusum fit, quod omnia illa quæ e subselliis ad dextrum & ad sinistrum de Charitate dicta sunt, quæ sunt, Quod Charitas sit Moralitas inspirata Fide: Quod sit Pietas inspirata miseratione: Quod sit bonum facere tam probo quam improbo; Quod sit omni modo inservire agnatis & amicis: Quod sit dare pauperibus & opitulari indigentibus: Quod sit Nosocomia ædificare, & donis sustentare: Quod sit Templa ditare, & Ministris illorum benefacere: Quod sit Fraternitas vetus Christiana: Quod sit remittere cuique sua delicta; hac omnia sunt egregia Charitatis documenta, dum ex amore justitiae cum judicio sunt, alioquin non sunt Charitas, sed modo sunt sicut rivi separati a suo fonte, ac sicut palmites evulsi a sua arbore; quoniā genuina Charitas est, credere in Dominum, ac juste & recte agere in omni opere & officio. Qui itaque ex Doinino amat Justitiam, & illam cum judicio facit, ille est Charitas in imagine & similitudine ejus. His edictis factum est silentium, quale est illis, qui ex Interno homine vident & agnoscunt aliquid quod ita sit, sed nondum in Extero, hoc animadverti ex faciebus illorum. At subito tunc sublatus sum e conspectu illorum, nam ex spiritu reintravi in maria.

teriale corpus meum, homo enim naturalis, quia indutus est materiali corpore, non appetet alicui spirituali homini, hoc est, spiritui & angelo, nec vicissim.

460. SECUNDUM MEMORABILE, Quondam cum circumspexi in Mundo spirituali, audivi sicut stridorem dentium, & quoque sicut pulsatile, & illis intermixtum sicut raucum, & quæsivi quid illa, & dixerunt Angeli qui apud me erant, sunt Collegia, quæ a nobis vocantur Diversoria, ubi inter se disceptant; Disceptationes illorum ita audiuntur e longinquo, sed prope non audiuntur nisi disceptationes; accessi, & vidi domunculas contextas ex juncis luto conglutinatis, & volui inspicere per fenestram, sed non erat; non enim licuit intrare per januam, quia sic Lux e Cælo influeret, & confunderet: at subito tunc facta est fenestra a dextro latere, & tunc audivi conquestos quod in tenebris essent, sed mox facta est fenestra a latere sinistro, clausa fenestra a latere dextro, & tunc paullatim discussæ sunt tenebrae, & visi sibi in sua luce; & post hæc mihi datum est intrare per januam, & audire. Erat Mensa in medio, & scamna circum circa, omnes tamen mihi visi sunt super scamnis stare, & acriter inter se disputare de FIDE & CHARITATE, ab una parte, quod Fides esset Essentiale Ecclesiæ, ab altera, quod Charitas esset; illi, qui fecerunt Fidem Essentiale, dixerunt, annon Fide agimus cum Deo, & Charitate cum homine, estne inde Fides cœlestis, & Charitas terrestris, annon per Cœlestia salvamur, & non per Terrestria; tum, annon Deus potest dare Fidem e Cælo, quia est Cœlestis, & annon homo sibi datus est Charitatem, quia hæc est terrestris, & quod homo sibi dat, hoc non est Ecclesiæ, & ideo non salvat, num sic aliquis potest ex operibus, quæ vocantur Charitatis, coram Deo justificari; credite nobis, quod per Fidem solam non modo justificemur, sed etiam sanctificemur, si non Fides per Meritoria, quæ sunt ex operibus Charitatis, inquinatur, præter plura. At illi, qui Charitatem faciebant Essentiale Ecclesiæ, acriter refellebant illa, dicendo, quod Charitas salvet, & non Fides, annon Deus charos habet Omnes, & bonum vult Omnibus, quomodo potest Deus hoc facere nisi per homines; num Deus solum dat loqui cum hominibus quæ Fidei sunt, & non dat facere hominibus quæ Charitatis sunt; videtisne, quod absurdè loquuti sitis de Charitate, quod sit terrestris, Charitas est Cœlestis, & quia vos non facitis bonum Charitatis, est Fides vestra terrestris; quomodo accipitis Fidem vestram, nisi sicut truncus aut lapis; dicitis per auditum Verbi, at quomodo potest Verbum modo auditum operari, & quomodo in truncum aut lapidem, forte vivificamini vobis prorsus insciis, sed quæ vivificatio, nisi quod possitis loqui, quod sola Fides justificet & salvet, at quid Fides, & quæ Fides salvans, non scitis. Sed tunc surrexit unus, qui ab Angelo mecum loquente vocabatur Syncretista, hic summis capitulo, & posuit super mensa, sed illud subito reposuit super Capite, quia calvus erat; ille dixit, audite, erratis omnes; verum est, quod Fides sit spiritualis, & Charitas moralis, sed usque conjunguntur, & conjunguntur per Verbum, & tunc per Spiritum sanctum, & per Effectum, qui quidem vocari potest Obedientia, sed in qua homo non aliquam partem habet, quia quando inferritur Fides, homo non scit plus quam statua: de his mecum diu cogitavi, & inveni tandem, quod homo a Deo possit accipere Fidem, quæ spiritualis sit, sed quod non possit moveri a Deo ad Charitatem, quæ sit spiritualis plus quam truncus. His dictis adplaudebant qui in sola Fide erant, sed explodebant qui in Charitate; & hi ex indignatione dicebant, audi socie, tu non scis, quod sit Vita moralis spiritualis, & quod sit Vita moralis mere naturalis, Vita moralis spiritualis apud illos, qui bonum faciunt a Deo, & usque sicut a se, ac Vita moralis mere naturalis apud illos, qui bonum faciunt ex Inferno, & tamen usque sicut a se.

Dictum est, quod Disceptatio audita sit sicut Stridor dentium, & sicut pulsatile, quibus intermixtum erat raucum: Disceptatio audita sicut Stridor dentium, erat ab illis, qui Fidem fecerunt unicum Essentiale Ecclesiæ, ac Pulsatile erat ab illis,

illis, qui Charitatem fecerunt unicum Essentiale Ecclesiæ, & Raucum intermixtum erat a Syncretista; quod soni illorum ita auditu sint a longinquu, erat causa, quia omnes illi in Mundo disceptarunt, & non aliquod malum fugerunt, & ideo non aliquod bonum ex prosapia spirituali fecerunt; & quoque prorsus nesciverunt, quod omne Fidei sit verum, & omne Charitatis bonum; & quod Verum absque bono non sit Verum spiritu, & quod bonum absque vero non sit Bonum spiritu, & quod sic unum faciat alterum.

461. TERTIUM MEMORABILE: Quondam in spiritu provectus sum in Plagam meridionalem in Mundo spirituali, & in quendam Paradisum ibi, ac vidi quod hic excelleret reliquis, quos hactenus lustravi, causa erat, quia Hortus significat Intelligentiam, ac in Meridiem transferuntur omnes, qui præ aliis intelligentia polllent, Hortus Edenis, in quo Adam cum Uxore sua fuit, nec aliud significat, quare quod expulsi ab illo fuerint, involvit, quod ab intelligentia, at sic quoque ab integritate vitæ. Dum in meridionali hoc Paradiso ambularem, animadverti aliquos sedentes sub quadam lauru comedentes ficus, ad illos fecessi, & petivi ab illis ficus, & dederunt; & ecce Ficus in manu mea factæ sunt Uvæ, quod cum miratus sum, dixit mihi Spiritus angelicus, qui juxta me stetit, Ficus in manu tua factæ sunt Uvæ, quia Ficus ex correspondentia significant bona Charitatis & inde Fidei in spirituali seu externo homine, at Uvæ bona Charitatis & inde Fidei in spirituali seu interno homine; & quia amas spiritualia, ideo ita factum est tibi; in nostro enim Mundo omnia fiunt & existunt, & quoque mutantur, secundum correspondentias. Illico tunc supervenit me avidum sciendi, quomodo homo potest facere bonum a Deo, & tamen prorsus ut a se; quare interrogavi comedentes ficus, quomodo illi id comprehendunt; hi dixerunt, quod non possint id aliter comprehendere, quam quod Deus operetur id intus in homine, ac per hominem quando ille id nescit, quoniam si homo id consciret, & sic faceret, non faceret bonum nisi modo apparenſ, quod intus est malum; omnè enim quod ab homine procedit, procedit a proprio ejus, & hoc a nativitate malum est, quomodo potest tunc bonum a Deo, & malum ab homine conjungi, & sic conjunctim procedere in actum; ac proprium hominis in rebus salutis continue spirat meritum, & quantum hoc facit, tantum derogat Domino Ipsius meritum, quod est summa iniquitia & impietas: Verbo, si bonum, quod Deus in homine operatur, in hominis velle & inde facere influeret, id bonum omnino conspurcarietur, & quoque prophanaretur, quod tamen Deus nusquam permitit: potest quidem homo bonum quod facit, cogitare quod sit a Deo, & id vocare bonum Dei per se, at usque, quod sit, non comprehendimus. Sed tunc aperui mentem, & dixi, non comprehenditis, quia cogitatis ex apparentia, & cogitatio ex apparentia confirmata est fallacia; apparentia & inde fallacia vobis est, quia creditis, quod omnia, quæ homo vult & cogitat, & inde facit & loquitur, sint in ipso, & consequenter ex ipso, cum tamen nihil eorum est in illo, præter statum recipiendi quod influit; homo non est vita in se, sed est organum recipiens vitæ, Dominus est Vita in se, ut quoque dicit apud Johannem, *Quemadmodum Pater habet Vitam in Seipso, ita quoque dedit Filio Vitam babere in Seipso*, Cap. V: 26. præter alibi, ut Joh. XI: 25. Cap. XIV: 6, 9. Sunt duo quæ faciunt Vitam, Amor & Sapientia, seu quod idem, Bonum amoris & Verum sapientiae, hæc influunt a Deo, & recipiuntur ab homine sicut forent ejus, & quia sentiantur ita, etiam procedunt ab homine sicut ejus; quod ita sentiantur ab homine, datum est a Domino, ut id quod influit, afficiat illum, & sic recipiatur ac remaneat. Sed quia omne malum etiam influit, non a Deo, sed ab Inferno, & hoc recipitur cum jucunditate, quia homo tale Organum est natus, quare non plus boni recipitur a Deo, quam quantum mali removetur ab homine ut ab illo, quod fit per Pænitentiam, & simul per Fidem in Dominum. Quod Amor & Sapientia, Charitas & Fides, seu communius loquendo,

do, Bonum amoris & Charitatis, ac Verum sapientiæ & fidei, influant, & quod quæ influunt, appareant in homine prorsus sicut ejus, & inde procedant sicut ejus, manifeste videri potest ex visu, auditu, odoratu, gustu, & tactu, omnia quæ in illorum sensuum Organis sentiuntur, influunt ab extra, & sentiuntur in illis; similiter in sensuum internorum Organis; cum sola differentia, quod in hæc influant Spiritualia quæ non apparent, in illa autem Naturalia quæ apparent: verbo, homo est Organum recipiens vitæ a Deo, consequenter est recipiens boni, quantum desistit a malo; posse desistere a malo, dat Dominus cuivis homini, quia dat velle & intelligere, & quicquid homo ex voluntate secundum intellectum; seu quod idem, quicquid ex libero voluntatis secundum rationem intellectus agit, hoc permanet; per id Dominus inducit homini statum conjunctionis Secum, & in hoc illum reformat, regenerat, & salvat. Vita, quæ influit, est Vita procedens a Domino, quæ Vita etiam vocatur Spiritus Dei, in Verbo Spiritus Sanctus, de quo etiam dicitur, quod illustret & vivificet, imo quod operetur in illo; sed Vita hæc variatur & modificatur secundum Organizazionem inductam per amorem. Potestis etiam scire, quod omne bonum amoris & charitatis, & omne verum sapientiæ & fidei influant, & non sint in homine, ex eo, quod qui cogitat quod tale homini insit a creatione, denique non possit aliter cogitare, quam quod Deus infuderit se homini, & sic quod homines quoad partem forent Dii, & tamen qui hoc ex fide cogitant, sunt diaboli, & apud nos putent sicut cadavera. Præterea quid actio hominis nisi Mens agens, quod enim Mens vult & cogitat, hoc agit & loquitur per Corpus suum organum, quare dum Mens ducitur a Domino, ducitur etiam Actio & Loquela, ac Actio & Loquela ducuntur a Domino, cum creditur in Ipsum. Nisi ita foret, dicite si potestis, cur Dominus in Verbo suo millenis in locis mandavit, ut homo amatus sit proximum, operatus sit bona charitatis, ac fructus sicut arbor, ac facturus præcepta, & hoc & illud, ut salvetur; tum cur dixit, quod homo secundum facta seu opera sua judicaretur, qui bona facit ad Cælum & Vitam, & qui mala ad Infernum & Mottem; quomodo potuerat Dominus talia loqui, si omne, quod procedit ab homine, foret meritorium & inde malum. Sciatis itaque, quod si Mens est Charitas, etiam Actio fit Charitas, si autem Mens est sola Fides, quæ etiam est Fides separata a Charitate spirituali, etiam Actio fit illa Fides. His auditis, dixerunt sedentes sub Lauru, comprehendimus quod juste loquutus sis, sed usque non comprehendimus; quibus respondi, comprehenditis quod juste loquutus sim ex communi perceptione, quæ est homini ex influxu lucis e Cælo, cum aliquod verum audit; at non comprehenditis ex propria perceptione, quæ est homini ex influxu lucis e Mundo; binæ illæ perceptiones, nempe interna & externa, seu spiritualis & naturalis, unam faciunt apud sapientes; vos quoque potestis illas unam facere, si spectatis ad Dominum, & removetis mala. Hæc quia intellexerunt, defunsi termites ex quadam Vite, & porrexi illis, & dixi, num creditis quod hoc a me fit, vel a Domino, & dixerunt, quod ex me a Domino; & ecce termites illi in manibus illorum extruserunt uvas. At cum recessi, vidi Mensam cedrinam, super qua erat Liber, sub Olea vidente, cuius truncum circum ligabat Vitis, aspexi, & ecce erat Liber per me scriptus, vocatus ARCANA CÆLESTIA, & dixi, quod in illo Libro plene ostensum sit, quod Homo sit Organum recipiens vitæ, & non vita; & quod hæc non possit creari, & sic creata inesse homini, plus quam lux oculo.

462. QUARTUM MEMORABILE. Prospexi ad Oram maritimam in Mundo spirituali; & vidi magnificum Navale; accessi, & introspexi, & ecce ibi Navigia magna & parva, & in illis merces omnis generis, & super transiris sedentes Pueri & Puellæ distribuentes volentibus: & dixerunt, exspectamus videre pulchras nostras Testudines (Skillepadde), quæ jamjam e mari ad nos exsurgent: & ecce vidi Testudines

dines parvas & magnas, super quarum conchis & squamis sedebant Testudines infantes, quæ spectabant ad Insulas circum. Testudines patres habebant bina Capita, unum magnum, circumductum concha simili conchæ corporis illarum, unde rutilabant, & alterum parvum, quale est testudinibus, quod retrahebant in anterius corporis, & quoque insertabant modo inconspicuo Capiti majori: sed tenebam oculos in Magno Capite rutilo, & vidi quod hoc haberet faciem sicut homo, & loqueretur cum pueris & puellis super transtris, & lamberet manus eorum, & tunc pueri & puellæ palpabant illos, & dabant illis edulia & opipara, & quoque pretiosa, ut holosericum ad vestes, lignum thyinum ad tabulas, purpuram ad decorations, & COCCINUM AD INFUCATIONES. His visis, desiderabam scire, quid illa repræsentabant, quia novi quod omnia quæ in Mondo spirituali apparent, sint Correspondentiae, & repræsentent spiritualia quæ affectio- nis & inde cogitationis sunt; & tunc loquebantur mecum e Cælo, & dicebant, nosti ipse quid repræsentat Navale, tum quid Navigia, ut & quid Pueri & Puellæ super illis, sed non scis quid Testudines; & dixerunt; Testudines repræsentant illos e Clero ibi, qui prorsus separant Fidem a Charitate & ejus bonis operibus, affirmantes apud fe, quod plane non sit aliqua conjunctio, sed quod Spiritus sanctus per Fidem in Deum Patrem propter meritum Filii, intret apud hominem, ac purificet interiora ejus usque ad propriam Voluntatem ejus, ex qua faciunt sicut Planum ovale, & quod cum operatio Spiritus sancti ad illud Planum appropinquat, a parte ejus finistra circum id deflectat se & prorsus illud non tangat, & quod ita Pars interior seu superior ingenii hominis sit pro Deo, & quod Pars exterior seu inferior sit pro homine, & sic quod non appareat eoram Deo aliquid, quod homo facit, neque bonum neque malum; non bonum, quia hoc est meritorium, & non malum, quia hoc est malum, quoniam si illa apparerent coram Deo, homo ex utroque periret: & quia ita est, quod liceat homini velle, cogitare, loqui & facere, quicquid lubet, modo caveat sibi pro Mundo; quæsivi, num etiam asserant, quod liceat cogitare de Deo, quod non Omnipræfens & Omniscius sit, dixerunt e Cælo, quod hoc quoque illis liceat, quia Deus apud illum, qui Fidem adeptus est, & per illam purificatus & justificatus, non videt ad aliquod cogitationis & voluntatis ejus, & quod usque retineat in sinu interiori aut regione superiore mentis suæ seu ingenii Fidem, quam in actu ejus receperat, & quod ille actus quandoque possit redire, homine nesciente. Hæc sunt, quæ repræsentant CAPUT PARVUM, quod in anteriora corporis intrahunt, & quoque insertant CAPUT MAGNO, dum loquuntur cum Laicis; nam ex Parvo Capite non loquuntur cum illis, sed ex Magno, quod antrorsum appetit sicut facie humana præditum, & loquuntur cum illis ex Verbo de Amore, de Charitate, de Bonis operibus, de Præceptis Decalogi, de Pænitentia, & ex Verbo desumunt pæne omnia quæ ibi sunt de illis; sed tunc insertant Caput parvum in Magnum, ex quo intus apud se intelligunt, quod omnia illa non facienda sint propter Deum & salutem, sed modo propter Bonum publicum & privatum. Verum quia loguuntur de illis ex Verbo, imprimis de Evangelio, Operatione spiritus sancti, & Salvatione, suaviter & eleganter, ideo apparent auditoribus sicut homines pulchri, & præ reliquis in terrarum Orbe sapientes; quare etiam vidisti, quod data illis essent a pueris & puellis sedentibus super transtris navigiorum opipara & pretiosa: Hi itaque sunt, quos repræsentatos vidisti ut Testudines. In Mondo tuo parum dignoscuntur ab aliis, solum per id, quod credant se omnibus sapientiores esse, ac rideant alios, & quoque illos qui in simili doctrina quoad Fidem sunt, sed non in illis arcannis: sigillum quoddam secum in veste ferunt, ex quo se faciunt ab aliis internosci. Dixit loquens cum me, non dicam tibi quid sentiunt de cæteris rebus Fidei, ut quid de Electione, de Libero arbitrio, de Baptismo, & de Sacra Cæna, quæ sunt talia, quæ non evulgant, sed nos in Cælo scimus. Verum, quia tales

tales sunt in Mundo, & post mortem non licet alicui loqui aliter, quam cogitat, ideo quia tunc non possunt aliter quam loqui ex insanis cogitationum suarum, reputantur ut insani, ac ejiciuntur e Societatibus, & tandem demittuntur in Putum abyssi, de quo in Apocalypsi Cap. IX: 2, & sunt Spiritus corporei, & apparent sicut Ægyptiorum Mumia; callus enim inductus est interioribus Mentis eorum, quia in Mundo etiam interposuerunt sepem. Societas infernalis ex illis est in confinio ad Societatem infernalem ex Machiavelistis, ac intrant passim ab una in alteram, & vocant se Sodales, sed exeunt, quia diversitas est, ex eo, quod aliquod Religiosum de actu justificationis per fidem apud illos fuerit, sed non aliquod apud Machiavelistas.

Postquam vidi illos ejectos ex Societatibus, & collectos ut dejicerentur, vidi Navigium in aere cum septem velis volans, & inibi naucleros & nautas induitos veste purpurea, habentes super pileis magnificas laurus, clamantes, en nos in Cælo, sumus Doctores purpurati, & præ omnibus laureati, quia sumus Capita sapientum ex omni Clero in Europa. Miratus sum quid hoc, & dictum est mihi quod essent imagines fastus, ac cogitationes ideales, quæ vocantur phantasie, ex illis, qui prius nisi sunt ut Testudines, & nunc ut insani ejecti e Societatibus, & in unum collecti, ac starent simul in uno loco: & tunc desiderabam loqui cum illis, & accessi ad locum ubi stabant, & salutabam illos, & dicebam, estis vos qui separavistis Interna hominum ab Externis illorum, ac Operationem Spiritus sancti sicut in Fide a cooperatione Ejus cum homine extra Fidem, & sic separavistis Deum ab homine; annon vos ita non modo removistis ipsam Charitatem & ejus Opera a fide, sicut multi alii Doctores e Clero, sed etiam ipsam Fidem quoad manifestationem ejus coram Deo ab homine; sed quæso, num velitis, ut de illa re loquar vobiscum ex Ratione, vel num ex Scriptura Sacra; dixerunt, loquere primum ex Ratione; & loquutus sum, dicens; quomodo potest Internum & Externum apud hominem separari; quis non ex communi perceptione videt, aut videre potest, quod omnia Interiora hominis pergent & continentur in Exteriora, & usque in extrema ejus ut efficiant effectus suos, & operentur opera sua; suntne Interna propter Externa, ut desinant in illa, & subsistant in illis, & sic existant, vix alter quam sicut columna super stylobata sua; potestis videre, quod nisi continuatio foret, & sic conjunctio, extrema dissolverentur, ac diffuerent sicut bullæ in aere: quis negare potest, quin interiores operationes Dei apud hominem sint myriades myriadum, de quibus homo nihil scit, & quid juvat illa scire, modo sciat extrema, in quibus cum sua cogitatione & voluntate cum Deo simul est. Sed hoc illustrabit per Exemplum: num scit homo interiores operationes loquela sua, ut quomodo Pulmo attrahit aerem, & illo implet vesiculas, bronchias, & lobos; quomodo illum aerem emitit in Tracheam, & ibi vertit illum in sonum, quomodo sonus ille in glottide ope laryngis modificatur, & quomodo lingua dein articulat illum, & labia articulationem complent, ut fiat loquela; nonne omnes illæ interiores operationes, de quibus homo nihil scit, sunt propter extremum, ut homo possit loqui; remove aut separa unum ex internis illis a suo continuo cum extremitate, num homo potuisset loqui plus quam stipes. Sit adhuc exemplum, binæ Manus sunt ultima hominis, nonne Interiora, quæ illuc continentur, sunt a Capite per Cervicem, tum per Pectus, Scapulas, Brachia & Ulnas, suntque innumeri musculares textus, innumeræ phalanges fibrarum motricium, inumeri manipuli nervorum & vasorum sanguineorum, ac plures ginglymi ossium cum suis ligamentis & membranis, num homo aliquid de illis scit, & tamen operantur Manus ejus ex omnibus & singulis illis: suppone, quod interiora illa circa poplitem manus se sinistrorum aut dextrorum reflecterent, & non per continuum intrarent, annon manus ab ulna decideret, ac sicut aliquod avulsum inanimatum putrescet; imo si vultis credere, foret sicut cum corpore, si homo decollaretur. Pro-

sus simile foret cum Mente humana, ac cum binis ejus Vitis, Voluntate & Intellectu, si Divinæ Operationes, quæ Fidei & Charitatis sunt, desinarent in media via, & non usque ad hominem per continuum tenderent, sane foret tunc homo non modo brutum, sed putris stapes: hæc sunt secundum rationem. Nunc si vultis audire, eadem etiam sunt secundum Scripturam Sacram; annon Dominus dicit, *Manet in Me, & Ego in vobis; Ego sum Vitis & vos palmitæ, qui manet in Me, & Ego in illo, hic fert fructum multum,* Joh. XVI: 4. 5; numne fructus sunt bona Opera, quæ Dominus facit per hominem, & homo ex se a Domino. Dominus etiam dicit, *Quod stet ad ostium & pulset, & quod ad illum qui aperit, ingrediatur, ac cœnet cum illo & ille cum Ipso,* Apoc. III: 20. Annon Dominus dat minas & talenta, ut homo negotietur cum illis, & lucretur, & quod sicut lucrat, det vitam æternam, Matth. XXV: 14 ad 34. Luc. XIX: 13 ad 26. Tum, *Quod mércedem det équivis secundum laborem in Vineâ Ipsijs,* Matth. XX: 1 ad 17: seq hæc pauca sunt, possunt Membranæ impleri ex Verbo, de eo, quod homo facturus sit fructus sicut arbor, operatus sit secundum præcepta, amatus Deum & proximum, & plura. Sed scio, quod propria Intelligentia vestra cum illis quæ ex Verbo sunt, non possest tale commune habere, quale est in se, quæ tametsi loquimini, usque ideæ vestræ pervertunt illa: & vos non potestis aliter, quia removetis omnia Dei ab homine quoad communicationem & inde coniunctionem; quid tunc supereft, nisi etiam omnia Cultus. Postea illi mihi visi sunt in luce Cæli, quæ detegit & manifestat, qualis quisque est; & tunc non visi sicut prius in Navigio in aere quasi in Cælo, nec inibi purpurati quoad vestes, ac laureati quoad caput, sed in loco arinoso, in vestibus ex frustis; ac cincti retibus quasi pectorioris circum lumbos, trans quæ nuditates illorum apparebant; & tunc demissi sunt in Societatem, quæ in confinio ad Machiavelistas erat.



CAPUT OCTAVUM

D E

LIBERO ARBITRIO.

463. Antequam accinetus accedo ad tradendum Doctrinale. Novæ Ecclesiæ de LIBERO ARBITRIO, necessum est ut præmittantur illa quæ Hodie Æcclesia in Libris suis dogmaticis de illo tradit, quoniam nisi hoc fiat, potest homo, cui sana ratio & religio est, credere, quod non operis pretium sit de illo aliquod novum scribere, diceret enim secum, quis non fecit, quod homini Liberum Arbitrium in spiritualibus sit, quid alioquin foret, quod Sacerdotes prædicarent, ut credant in Deum; ut convertant se, ut vivant secundum præcepta in Verbo, ut pugnent contra concupiscentias carnis suæ, utque se parent novam Creaturam, præter similia plura; quare secum non potest aliter cogitare, quam quod illa modo voces venti essent, si non aliquod Liberum Arbitrium in rebus salutis foret, & quod illud negare esset delirum quia contra sensum communem: at quod usque hodie Æcclesia in contrarium ebat, & illud extra Tempa sua ejiciat, constare potest ex Libro FORMULA CONCORDIAE appellato, in quem Evangelici jurant, ex illis ibi quæ sequuntur; quod similis Doctrina & inde fides de Libero Arbitrio sit apud Reformatos, ita similis in Universo Christiano Orbe; proinde in Germania, Svecia, Dania, Anglia & Hollandia, constat ex Libris dogmaticis illorum. Hæc itaque sunt Transumpta ex FORMULA CONCORDIAE, Editionis Lipsiensis Anno 1756.

464. „ I. Doctores Augustanæ Confessionis asserunt homines ex lapsu primorum Parentum ita penitus corruptum esse, ut in rebus Spiritualibus, quæ ad conversionem & salutem nostram spectant, natura cœcus sit, ut Verbum Dei prædicatum neque intelligat, neque intelligere possit, sed illud ut rem stultam jūdicet, & nunquam a seipso ad Deum appropinquet, sed potius inimicus Dei sit & maneat, donec virtute Spiritus Sancti per Verbum prædicatum & auditum, ex mera gratia, sine omni sua propria cooperatione convertatur, fide donetur, regeneretur, & renovetur, pag. 656. II. Credimus quod hominis non renatus intellectus, cor & voluntas in rebus spiritualibus & Divinis ex propriis naturalibus viribus, prouersus nihil intelligere, credere, amplecti, cogitare, velle, inchoare, perficere, agere, operari & cooperari possit, sed quod homo ad bonum prouersus corruptus & mortuus sit, ita ut in hominis natura post lapsum, ante regenerationem, ne scintilla quidem spiritualium virium reliqua manserit, quibus ille ad gratiam Dei præparare se, aut oblatam apprehendere, aut accommodare se, & per se capax esse possit, aut viribus propriis aliquid ad conversionem suam vel toto vel ex dimidia vel ex minima parte conferre, agere, operari aut cooperari ex seipso, aut tanquam ex seipso possit, sed quod homo sit peccati servus & mancipium Satanæ, a quo agitatur, inde adeo naturale ejus Liberum arbitrium ratione corruptarum virium & naturæ sua depravatae dunt taxat ad ea, quæ Deo dispiacent & adversantur, activum & efficax est, p. 656. III. Quod homo in civilibus & naturalibus rebus sit industrius & ingeniosus, sed in spiritualibus & Divinis rebus, quæ ad animæ salutem spectant, sit similis trunco, lapidi, statuæ salis uxori Lothi, quæ neque oculorum, oris aut ullorum

rum sensuum usum habent, pag. 661. IV. Quod homo usque loco motivam
 potentiam exterña membra regere, Evangelium audire, & aliquo modo medi-
 tari possit, sed quod usque id tacitis cogitationibus ut rem stultam spernat, ne-
 que credere possit, & in hac parte deterior est trunco, nisi Spiritus Sanctus in
 illo sit efficax, & fidem aliasque Deo probatas virtutes & obedientiam in illo
 accendat & operetur, pag. 662. V. Quadam ratione dici potest hominem non
 esse lapidem aut truncum, lapis & truncus non reluctatur, nec intelligit aut
 sentit, quid secum agitur, sicut homo Deo sua voluntate reluctatur, donec ad
 Deum conversus fuerit; & tamen verum est, quod homo ante conversionem sit
 creatura rationalis, quae habet intellectum, sed non in rebus Divinis, & vo-
 luntatem, sed non ut bonum salutare aliquid velit, sed tamen ad conversionem
 suam nihil conserre potest, & in hac parte est deterior trunco & lapide, pag.
 672. 673. VI. Quod tota conversio sit operatio, donum & opus solius Spiritus
 Sancti, qui eam virtute & potentia sua, per Verbum, in intellectu, corde &
 voluntate hominis tanquam in subiecto paciente, ubi homo nihil agit, sed tan-
 tum patitur, efficiat atque operetur; quod tamen non eo modo fit, quasi cum
 statua e lapide formatur, aut sigillum in ceram imprimitur, quia cera neque
 notitiam neque voluntatem habet, pag. 681. VII. Secundum dicta quorundam
 Patrum & neotericorum Doctorum est, quod Deus trahat sed volenter, ita quod
 hominis voluntas in conversione aliquid agat; sed haec non sunt analoga Sacro-
 rum verborum, confirmant enim falsam opinionem de viribus Humani Arbitrii
 in conversione, pag. 582. VIII. Quod in externis Mundi rebus, quae rationi sub-
 jectae sunt, relictum sit homini adhuc aliquid intellectus, virium & facultatum,
 et si haec miseræ reliquæ valde sunt debiles, & quidem haec ipsa, quantulacun-
 que sunt, per morbum hæreditarium veneno infecta sunt, atque contaminata;
 ut coram Deo nullius momenti sint, pag. 641. IX. Quod homo in conversio-
 ne, qua ex filio iræ fit filius gratiae, non cooperetur Spiritui Sancto, quippe
 cujus unius & solius opus est hominis conversio, pag. 219. 519 seq. 663 seq.
 app: p. 143. Quod tamen homo renatus per virtutem Spiritus Sancti cooperari
 possit, quamvis multa adhuc infirmitas concurrit; & quod bene operetur, quan-
 tum & quamdiu a Spiritu Sancto dicitur, regitur & gubernatur; sed usque non
 cooperatur cum Spiritu Sancto sicut duo equi una currunt trahunt, pag. 674.
 X. Peccatum originis non est quoddam delictum, quod actu perpetratur, sed
 intime inhaeret infixum naturæ, substantiæ & essentiæ hominis, quod sit scatu-
 rigo omnium actualium peccatorum, ut sunt pravæ cogitationes, colloquiti-
 ones, mala opera, pag. 577. Hæreditarius ille morbus, per quem tota natura
 corrupta est, est horribile peccatum, & quidem principium & caput omnium
 peccatorum, e quo ut radice & scaturigine omnes transgressiones promanant,
 pag. 640. Quod Natura per id peccatum, tanquam per lepram spiritualem to-
 taliter in intimis etiam visceribus & cordis recessibus profundissimis, tota sit
 coram Deo infecta & corrupta, & propter hanc corruptionem persona hominis
 lege Dei accusatur & damniatur, ita ut natura filii iræ, mortis & damnationis
 mancipia simus, nisi beneficio meriti Christi ab his malis liberemur & servemur,
 pag. 639. Quod ex eo sit totalis carentia seu privatio concreta in Paradiso justi-
 tiae originalis seu imaginis Dei, & quod inde sit impotencia, ineptitudo, &
 stupiditas, qua homo ad omnia Divina seu spiritualia prorsus ineptus est. Quod
 loco imaginis Dei amissæ in homine sit intima, pessima, profundissima, inferu-
 tabilis, ineffabilis corruptio totius naturæ, & omnium virium, imprimis super-
 riiorum & principalium animæ facultatum, in mente, intellectu, corde & vo-
 luntate, pag. 640.

465. Hæc sunt hodiernæ Ecclesiæ præcepta, dogmata & sancta de Libero Arbi-
 trio hominis in spiritualibus & in naturalibus, ut & de Peccato originali; haec ad-
 ducta

ducta sunt ob finem ut evidentius apparet præcepta, dogmata & sancta Novæ Ecclesiae de illis, nam ex binis sic appositis formis appetit veritas in luce, sicut fit in Picturis, in quibus Facies deformis a latere apponitur Faciei formosae, ex quibus simul visus formositas unius & deformitas alterius coram oculo clare existant. Sancta Novæ Ecclesiae sunt haec quæ sequuntur.

Quod in Horto Edenis posita sunt due Arbores, una vita & altera scientia boni & mali, significet quod homini Liberum Arbitrium in spiritualibus datum sit.

466. Quod per Adamum & Chayam in Libro Mosis non intelligantur homines primum creati, a multis creditum est, & ad confirmandum adduxerunt argumenta de Praeadamitis ex computis & Chronologiis apud alias Gentes; tum etiam ex effato Caini Primogeniti Adami ad Jehovam, *Vagus & agitatus ero in terra; ut quisquis offenderit me, occidat me; quare posuit Jehovah Caino signum, quod non occidetur si illum quisquis offenderit eum,* Genes. IV: 14. 15. & postquam exiverat e faciebus Jehovæ, habitaverit in terra Nod, & adificaverit urbem, Vers. 16. 17. consequenter quod Terra ante Adamum fuerit inhabitata. Quod autem per Adamum & ejus Uxorem intelligatur Antiquissima Ecclesia in hac Tellure, in ARCANIS CÆLESTIBUS, a me Londini editis, pluribus demonstratum est, & ibi etiam, quod per Hortum Edenis intelligatur Sapientia hominum illius Ecclesiae, & per Arborem vite Dominus in homine & homo in Domino, & per Arborem scientiae boni & mali, homo non in Domino sed in suo proprio, qualis est qui credit quod omnia faciat a se, etiam bonum; & quod per esum ex hac Arbore intelligatur appropriatio mali.

467. In Verbo per Hortum Edenis non intelligitur aliquis Hortus, sed Intelligentia, nec per Arborem aliquis Arbor sed homo: quod Hortus Edenis significet Intelligentiam & Sapientiam, constare potest ex his locis, IN INTELLIGENTIA ET SAPIENTIA TUA feceras tibi opes, in EDEN HORTO DEI fuisti, & in sequentibus ibi, plenus SAPIENTIA, In EDEN HORTO DEI fuisti, omnis lapis pretiosus tegumentum tuum, Ezech. XXVIII: 4. 12. 13. Haec de Principe & de Rege Tyri, de quo prædicitur sapientia, quia per Tyrum in Verbo significatur Ecclesia quoad cognitiones veri & boni, per quas est sapientia; per lapides pretiosos, qui tegumentum ejus, etiam significantur cognitiones veri & boni; non enim Princeps & Rex Tyri in Horto Edenis fuerunt. Et alibi apud Ezechielem, Aschur cedrus in Libano, cedre non occultaverunt illum in HORTO DEI, omnis Arbor in HORTO DEI non par fuit illi in pulchritudine, emulatae sunt illi omnes ARBORES EDENIS IN HORTO DEI, Cap. XXXI: 1. 8. & porro, Cui similis factus es sic in gloria & in magnitudine inter ARBORES EDENIS, Vers. 18; hoc dicitur de Aschure, quia per illum in Verbo significatur Rationalitas & inde Intelligentia. Apud Esajam, Consolabitur Jehovah Zionem, & ponet desertum ejus in EDEN, & soliudinem ejus in HORTUM JEHOVÆ, Cap. LI: 3, Zion ibi est Ecclesia, ac Eden & Hortus Jehovæ est sapientia & intelligentia. In Apocalypsi, Vincenti dabo edere de ARBORE VITÆ, quæ in MEDIO PARADISI DEI, Cap. III: 7. In medio plateæ fluvii hinc & illinc erit Arbor vitæ, Cap. XXII: 2. Ex his patet clare, quod per Hortum in Edene, in quo Adam positus fuisse dicitur, intelligatur Intelligentia & Sapientia, quia similia dicuntur de Tyro, Aschure & Zione. Per Hortum significatur Intelligentia etiam alibi in Verbo, ut Esaj. LVIII: 12. Cap. LXI: 11. Jer. XXXI: 12. Amos IX: 14. Num. XXXV: 6. Hic spiritualis intellectus Horti dicit causam ex representationibus, in Mundo spirituali, ibi Paradisi apparent, ubi Angeli in Intelligentia & Sapientia sunt;

ipsa Intelligentia & Sapientia, quæ illis est a Domino, fistit talia circum illos; & hoc sit ex correspondientia, nam omnia, quæ in Mundo spirituali existunt, sunt Correspondientiæ.

468. Quod Arbor significet hominem, constat ex his locis in Verbo, *Cognoscet omnes Arbores agri, quod Ego Jehovah humiliem Arborem altam, exaltem Arborem humilem, & arefaciam Arborem viridem, & germinare faciam Arborem aridam,* Ezech. XVII: 24. *Beatus cuius in Lege beneplacitum, erit sicut Arbor plantata juxta rivos aquarum, quæ fructum dabit in tempore suo,* Psalm. I: 3. *Jerem. XVII: 8. Laudate Jehovam Arbores fructus,* Psalm. CXLVIII: 9. *Saturantur Arbores Jehovaæ,* Psalm. CIV: 16. *Securis ad radicem Arboris jacet, omnis Arbor non faciens fructum bonum, excindetur,* Matth. III: 10. Cap. VII: 16 ad 21. *Aut facite Arborem bonam & fructum bonum, aut facite Arborem putrem, ex fructu enim cognoscitur Arbor,* Matth. XII: 13. *Luc. VI: 43. 44. Incendam ignem, qui comedet omnem Arborem viridem, & omnem Arborem aridam,* Ezech. XXI: 3. Quoniam Arbor significat hominem, ideo statutam fuit, *Quod fructus arboris in/er viens esui in Terra Canaane præputiaretur,* Levit. XIX: 23. 24. Quoniam Olea significat hominem Ecclesiæ cœlestis, dicitur de binis *Testibus,* qui prophetabant, *Quod essent duæ Oleæ stantes juxta Dominum totius terræ,* Apoc. XI: 4. Similiter Sach. IV: 3. 11. 12. & apud Davidem, *Ego Olea virens in Domo Dei,* Psalm. CII: 10. & apud Jeremiah, *Oleam virentem pulchram fructu vocavit Jehovah nomen tuum,* XI: 16. 17. præter plura, quæ hic propter copiam non afferuntur.

469. Quisque hodie, qui interius sapit, potest percipere aut divinare, quod per illa, quæ de Adamo & ejus Uxore scripta sunt, involvant spiritualia, quæ nemo hactenus novit, quia Sensus spiritualis Verbi non prius quam nunc detectus est: quis non potest e longinquo videre, quod Jehovah non posuisset binas Arbores in Horto, & unam ad ostendiculum, nisi propter spiritualem quandam repræsentationem, & quia ambo ederunt ex aliqua Arbore, maledicti sint, & quod illa Maledictio adhærebat cuivis homini post illos, ita quod totum Genus humanum propter unius hominis culpam, in qua non aliquod malum concupiscentiæ carnis & iniquitas cordis fuit, damnatum sit, num hoc cum Divina Justitia quadrat, imprimis cur Jehovah non abstraxit illum ab esu, cum præsens vidit hoc, & cur Serpentem non dejecit in Orcum antequam persuasit. Sed mi amice, hoc Deus non fecit, quoniam sic Liberum Arbitrium homini ademisset, ex quo tamen homo est homo, & non bestia; cum hoc scitur, patet in evidentia, quod per binas illas Arbores, unam ad vitam & alteram ad mortem, Liberum hominis Arbitrium in Spiritualibus repræsentatum sit. Præterea Malum hæreditarium non est inde, sed ex Parentibus, a quibus in liberos traducitur inclinatio ad malum, in quo ipsi fuerunt; quod ita sit, perspicitur a quovis, qui perlustrat mores, animos, & facies liberorum, imo familiarum ex uno Patre; sed usque pendet ab unoquovis in familia si velit accedere aut recedere, quoniam quisque suò arbitrio relinquitur. Quid autem in specie significat arbor vitæ, & Arbor scientiæ boni & mali, plene expositum est in MEMORABILI supra n: 48, quod videatur.

Quod homo non sit Vita, sed Receptaculum vitæ a Deo.

470. Communiter creditur, quod Vita sit in homine, ejus; ita quod non modo sit receptaculum vitæ, sed etiam Vita; quod ita communiter credatur, est ex apparentia, quia vivit, hoc est, sentit, cogitat, loquitur & agit prorsus ut ex se, quare hoc, quod homo sit Receptaculum vitæ, & non Vita, non potest non vide-

ri, quam ut quoddam nondum auditum, aut sicut paradoxon, sensuali cogitationi, quia apparentiae, advetsum. Causam fallacis hujus fidei, quod homo etiam sit vita, consequenter quod vita homini sit increata, & postea per traducem ingenerata, deduxi ex apparentia, sed causa fallaciae ex apparentia est, quod plerique hodie sint naturales, & pauci spirituales, & naturalis homo judicat ex apparentiis & inde fallaciis, & haec diametro contra hanc veritatem sunt quod homo sit modo receptaculum vitae & non vita. Quod homo non sit vita, sed receptaculum vitae a Deo, constat ex evidenteribus his testimoniois, quod omnia, quae creata sunt, in se finita sunt, & quod homo, quia finitus, non potuerit creari nisi ex finitis; quare in Libro Creationis dicitur, quod Adam ex terra & ejus pulvere factus sit, ex quo etiam nominatus est; Adam enim significat terræ humum; & omnis homo non actualiter consistit, nisi ex talibus quae in terra sunt, & ex terra in atmosphæris, illa quae in Atmosphæris ex terra sunt, homo insorbet per pulmones, & per poros totius corporis, & crassiora per cibos e terrenis confectiones. Quod autem Spiritum hominis concernit, etiam ille a finitis creatus est, quid spiritus hominis nisi receptaculum vitae mentis; finita ex quibus ille, sunt spirituales substantiae, quae in Mondo spirituali sunt, & in terram nostram etiam collatae, & inibi reconditae; quae nisi simul cum materialibus inessent, non aliquod semen potuisset imprægnari ab intimis, & inde mirabiliter excrescere absque ulla deviatione a primo stamine usque ad fructus, & ad nova semina; nec aliqui vermes procrearentur ex effluviis e terra, & ex exspiratione halituum e vegetabilibus, e quibus atmosphæræ imprægnatae sunt. Quis potest ex ratione cogitare, quod Infinitum possit aliud quam finitum creare, & quod homo, quia est finitus, non sit aliud quam forma, quam Infinitum vivificare potest ex vita in se; & hoc intelligitur per haec, *Formavit Jehova Deus hominem, pulverem de terra, & inspiravit in naribus ejus animam vitaram*, Gen. II: 7. Deus, quia Infinitus est, est Vita in Seipso, hanc non potest creare & sic transcribere in hominem, nam hoc foret facere illum Deum; quod hoc factum sit, fuit infania serpentis seu diaboli, & ab illo Chaivæ & Adami, nam dixit Serpens, *Quo die comederitis de fructu hujus Arboris, aperientur oculi vestri, & eritis sicut Deus*, Gen. III: 5. Quod dira haec persuasio, quod Deus se transfuderit & transcripterit in homines, fuerit hominibus Antiquissimæ Ecclesiæ in fine ejus quando consummata est, ex ore illorum audivi, & hi propter horrendam illam fidem, quod sic dii essent, jacent profunde occultati in Caverna, ad quam nemo potest prope accedere, nisi interiore vertigine actus succumbat. Quod per Adamum & ejus uxorem intelligatur & describatur Antiquissima Ecclesia, in præcente Articulo notum factum est.

471. Quis non videt, si ex ratione supra sensualia corporis elevata potest cogitare, quod vita non creabilis sit, nam quid vita, nisi quam intima activitas Amoris & Sapientiae, quae sunt in Deo, & Deus, quae vita etiam vocari potest ipsa vis via; qui hoc videt, ille etiam potest videre, quod illa vita non possit transcribi in aliquem hominem, nisi una cum amore & sapientia; quis negat, aut negare potest, quin omne bonum amoris & omne verum sapientiae, sint unice a Deo, & quod quantum homo illa recipit a Deo, tantum vivat a Deo, & dicatur natus a Deo, hoc est, regeneratus; ac vici sim, quod quantum quis non recipit amorem & sapientiam, seu quod simile, charitatem & fidem, tantum non recipiat vitam, quae in se vita est, a Deo, sed ab inferno, quae non alia vita est, quam vita inversa, quae vocatur mors spiritualis.

472. Ex antedictis percipi & concludi potest, quod sequentia haec non creabilia sint, videlicet. 1. Quod non Infinitum. 2. Non amor & sapientia. 3. Et inde non vita. 4. Nec lux & calor. 5. Imo nec ipsa activitas in se spectata; sed quod Organa recipientia illa sint creabilia & creata. Haec per has comparationes illustrari possunt; quod Lux non creabilis sit, sed ejus organum quod est oculus;

quod sonus qui est activitas atmosphæræ, non creabilis sit; sed ejus organum quod est auris; quod nec calor qui est primarium activum, ad quem recipiendum creata sunt omnia quæ in tribus Regnis naturæ sunt, quæ secundum receptionem non agunt sed aguntur. Ex Creatione est, quod ubi activa sunt, etiam passiva sunt, & quod duo illa ut in unum se conjungant; si activa creabilia forent, sicut passiva, non opus fuisset Sole, & inde calore & luce, sed omnia creata absque illis subsisterent, cum tamen, si illa removerentur, caderet Universum creatum in Chaos. Ipse Sol mundi consistit ex substantiis creatis, quarum activitas producit ignem: hæc illustrationis causa adducta sunt. Simile foret cum homine, si Lux spiritualis, quæ in sua essentia est sapientia, & Calor spiritualis, qui in sua essentia est amor, non influerent in hominem, & recipirentur ab homine; totus homo non aliud est, quam forma organizata ad receptionem duorum illorum, tam e Mundo naturali, quam e Mundo spirituali, correspondent enim sibi. Si negaretur quod homo sit Forma recipiens amoris & sapientiae a Deo, negaretur etiam influxus, & sic quod opne bonum sit a Deo, & quoque negaretur conjunctio cum Deo, & inde vox inanis foret quod homo possit esse habitaculum & templum Dei.

473. Sed quod homo hoc non sciat ex aliqua lucrationis, est quia fallacia ex creditis apparentiis sensuum externorum corporis, adumbrant illam lucem. Quod homo non aliter sentiat, quam quod vivat ex sua vita, est quia instrumentale sentit principale ut suum, & non potest ideo distinguere illa, nam causa principalis & causa instrumentalis unam causam simul agit, secundum theorema notum in Orbe eruditio; causa principalis est vita, & causa instrumentalis est mens hominis. Apparet sicut bestiæ etiam vitam in se creatam possideant, sed est similis fallacia; sunt enim Organa creata ad recipientium lucem & calorem e Mundo naturali & simul e Mundo spirituali, nam unaquævis species est forma alicujus amoris naturalis, & recipit lucem & calorem e Mundo spirituali mediate per cælum & infernum, bestiæ mites per cælum, ac immites per infernum. Solus homo recipit lucem & calorem, hoc est, sapientiam & amorem, immediate a Domino: hæc differentia est.

474. Quod Dominus sit Vita in Seipso, ita ipsa Vita, docet Ipse apud Johannem „Verbum erat apud Deum, & Deus erat Verbum, in Ipo Vita erat & Vita erat Lux hominum; Joh. I: 1. 4. Apud Eundem, „Sicut Pater habet Vitam in Se Ipo, ita dedit Filio vitam habere in Se Ipo, Cap. V: 26. Apud Eundem, „Ego sum Via, Veritas, & Vita, Cap. XIV: 6. Apud Eundem, „Qui Me sequitur habebit Lucem Vitæ, Cap. VII: 12.

Quod homo, quandiu vivit in Mundo, teneatur in medio inter Cælum & Infernum, & ibi in Äquilibrio spirituali, quod est Liberum arbitrium.

475. Ut sciatur, quid & quale Liberum Arbitrium est, necessum est ut sciatur unde illud; ex cognita ejus Origine imprimis noscitur, non modo quod sit, sed etiam quale est. Origo ejus est ex Mundo spirituali, ubi Mens hominis a Domino tenetur, Mens hominis est ejus Spiritus qui vivit post mortem, & Spiritus ejus est continuo in consortio cum sui similibus in illo Mundo, & spiritus ejus per corpus materiale, quo circumcingitur, est cum hominibus in Mundo naturali. Quod homo non sciatur quod in medio spirituum sit quoad Mentem suam, est quia illi spiritus, cum quibus in consortio est in Mundo spirituali, spiritualiter cogitant & loquuntur, spiritus autem hominis, quandiu est in corpore materiali, naturaliter, ac spiritualiter cogitatio & loquela non intelligi nec percipi possunt ab homine naturali, neque vicissim, inde est quod nec videri possint; at cum spiritus hominis in societate

tate cum spiritibus in horum Mundi est, tunc etiam in spirituali cogitatione & loquela cum illis est, quia mens ejus interius spiritualis est, sed exterius naturalis, quare per sua interiora cum illis communicat, at per sua exteriora cum hominibus; per illam communicationem homo percipit res, & analytice cogitat illas; si hoc non foret homini, non plus nec aliter cogitaret quam bestia, ut &, si tolleretur illi omne commercium cum spiritibus, in instanti moreretur. Sed ut possit comprehendti, quomodo homo potest teneri in medio inter Cælum & Infernum, & per id in Aequilibrio spirituali, unde ei Liberum arbitrium est, paucis dicitur. Mundus spiritualis consistit ex Cælo & Inferno, Cælum est supra Caput, & Infernum ibi est infra pedes, non tamen usque in medio Telluris ab hominibus habitatae, sed infra terras istius Mundi, quæ etiam ex origine spirituali sunt, & inde non in extenso, sed in apparentia extensi. Inter Cælum & Infernum est magnum Interstitium, quod illis, qui ibi sunt, appetet sicut integer Orbis; in hoc Interstitium ex Inferno exhalat malum in omni copia, & ex Cælo vicissim illuc influit bonum, etiam in omni copia; hoc Interstitium est, de quo Abraham dixit ad divitem in Inferno „*Inter nos & vos Hiatus ingens firmatus est, ut qui volunt transcedere exhinc ad vos, non possint, neque qui ibi ad nos transire*“ Luc. XVI: 26. In medio hujus interstitii est omnis homo quoad spiritum suum, unice propter causam, ut in libero arbitrio sit. Hoc Interstitium, quia est tam ingens, & appetet illis qui ibi sunt, sicut magnus orbis, vocatur MUNDUS SAIRITUM, est etiam plenus Spiritibus, quia omnis homo post mortem illuc primum venit, & ibi preparatur vel ad cælum vel ad infernum, est ibi inter illos in consortio, sicut prius inter homines in priori Mundi; nec est ibi Purgatorium, hoc est fabula a Romano Catholicis inventa. Sed de illo Mondo in specie actum est in Opere de CÆLO ET INFERNO, Londini An. 1758, edito, n: 536 ad 603.

476. Omnis homo ab infantia, usque ad senectutem mutat loca seu situs in hoc MUNDO, INFANS tenetur in plaga orientali versus septentrione in ibi; & PUER, sicut addiscit rudimenta religionis, successive a septentrione recedit ad meridiem; ADOLESCENS, sicut incipit ex sua mente cogitare, fertur versus meridiem; ac postea quando sui judicij & sui juris factus est, secundum incrementa in talibus, quæ Deum & amorem erga proximum spectant interius, in meridiem ad orientem; at si favet malo, & illud insorbet, progreditur ille versus occidentem: omnes enim in MUNDO spirituali, habitant secundum plagas; in ORIENTE illi qui in bono a Domino sunt, nam ibi est Sol, in cuius medio est Dominus: in SEPTENTRIONE illi qui in ignorantia sunt; in MERIDIE illi qui intelligentia; & in OCCIDENTE illi qui in malo: Ipse homo quoad corpus non tenetur in illo Interstitio seu Meditullio, sed quoad spiritum suum, & sicut hic mutat statum, accedendo ad bonum aut ad malum, ita transfertur ad loca seu situs in hac aut illa plaga, & ibi in consortium venit cum habitatoribus. At sciendum est, quod Dominus non transferat hominem huc aut illuc, sed homo seipsum diversimode; si ille eligit bonum, tunc homo simul cum Domino, aut potius Dominus simul cum homine, transfert spiritum ejus versus Orientem; si autem homo eligit malum, tunc homo una cum diabolo, aut potius diabolus una cum homine, transfert spiritum ejus versus Occidentem. Observandum est, quod ubi hic dicitur Cælum, etiam intelligatur Dominus, quia Dominus est omne in omnibus cæli, & ubi dicitur diabolus, intelligatur Infernum, quia omnes ibi sunt diaboli.

477. Quod homo teneatur in hoc magno Interstitio, & ibi continue in ejus medio, est unice propter causam, ut in libero arbitrio in spiritibus sit, nam aequilibrium hoc est aequilibrium spirituale, quia est inter Cælum & Infernum, ita inter bonum & malum. Omnes, qui in magno illo Interstitio sunt, quoad interiora sua, conjuncti sunt vel cum Angelis cæli, vel cum diabolis inferni; at hodie vel cum Angelis Michaelis, vel cum Angelis draconis: Omnis homo post mor-

tēm ad suos in illo Interstitio se confert, & adsociat se illis, qui in simili amore sunt; nam Amor conjungit unumquemvis ibi cum similibus; & facit ut libere respiret animam, ac sit in statu vitae anteactæ; at successive tunc exuntur externa, quæ non unum faciunt cum internis, quo facto bonus elevatur in Cælum, & malus se confert in infernum, quisque ad tales, cum quibus quoad amorem regnante unum facit.

478. Sed æquilibrium hoc spirituale, quod est Liberum Arbitrium, illustrari potest per æquilibria naturalia. Est sicut æquilibrium hominis: circum corpus aut ad brachia ligati inter binos viros ejusdem roboris, quorum unus trahit hominem medium ad dextrum, & alter ad sinistrum, quod tunc homo medius possit libere se hoc illuc sicut non aliqua vi actus vertere, & si confert se ad dextrum trahit virum ad sinistrum cum violentia ad se, usque ut vir a sinistro cadat in terram. Similiter si aliquis etiam imbellis ligatus foret inter tres viros a dextro, & totidem a sinistro ejusdem potentiae; similiter si inter camelos aut equos. Æquilibrium Spirituale, quod est Liberum arbitrium, comparari potest cum bilance, in cuius unaquavis scala posita sunt pondera æquilibrantia; si tunc parum addatur scalæ unius lateris, axis trubinæ supra vibrat se; simile etiam est cum veste, aut cum magna trabe posita super hypomochlio suo; omnia & singula quæ intra hominem sunt, sicut cor, pulmo, ventriculus, hepar, pancreas, slien, intestina, & reliqua, in tali æquilibrio sunt, inde est quod unumquodvis in summa quiete possit suas functiones obire: similiter omnes musculi, absque tali horum æquilibrio cessaret omnis actio & reactio, & homo non amplius ageret hominem. Cuni itaque omnia quæ in Corpore sunt in tali æquilibrio sunt, etiam omnia quæ in Cerebro, in simili sunt, consequenter omnia quæ in mente ibi; quæ se referunt ad voluntatem & intellectum. Est quoque liberum bestiis, avibus, piscibus & insectis, sed hæ feruntur a sensibus sui corporis, suggeste appetitu ac voluptate; his non assimilis esset homo, si ei liberum faciendi foret sicut est liberum cogitandi, hic quoque ferretur modo a sensibus sui corporis suggeste concupiscentia & voluptate; aliter qui spiritualia Ecclesiæ haurit, & liberum suum arbitrium per illa coerct, is a Domino a concupiscentiis & malis voluptatibus, & harum aviditatibus connatis abducitur, ac bonum affectat, & malum averatur; hic tunc proprius ad orientem & simul ad meridiem in spirituali Mundo a Domino transfertur, & in Liberum caeleste, quod vere est liberum, immittitur.

Quod ex Permissione mali, in qua cuiusvis Internus homo est, evidenter pateat, quod homini Liberum arbitrium in spiritualibus sit.

479. Quod homini Liberum Arbitrium in spiritualibus fit, primum confirmandum est ex Communib, & postea ex particularibus, quæ unusquisque ad primum auditum agnoscat. COMMUNIA sunt hæc, 1. Quod Sapientissimus hominum, Adamus & ejus Uxor, se passi sint a Serpente seduci. 2. Quod primus eorum filius Cainus occiderit fratrem suum Abelem, & Jehovah Deus non abduxerit illos loquendo cum illis, sed modo post facta maledicendo. 3. Quod Gens Israëlitica in deserto coluerit Vitulum aureum, cum tamen Jehovah hoc vidit e monte Sinai, & non præcavit. 4. Quod David numeraverit populum, & propterea immissa sit pestis, e qua tot millia hominum perierunt, & quod Deus non ante, sed post factum ad illum miserit Gadum prophetam, & denuntiaverit pænam. 5. Quod Salomonis permisum fuerit instaurare cultus idololatricos. 6. Et multis regibus post illum prophanare Templum, & Sancta Ecclesiæ. 7. Et demum quod Genti isti

permisum sit crucifigere Dominum. Quod permisum sit Mahumedi instaurare Religiosum in pluribus non conformie Scripturæ Sacrae. 8. Quod Religio Christiana in plures sectas divisa sit, & quævis in hærces. 9. Quod in Christianismo tot impii sint, & quoque gloriaciones ex impietatibus, ut & machinationes & doli, etiam contra pios, justos & sinceros. 10. Quod injustitia quandoque triumphet super justitiam in judiciis & negotiis. 11. Quod etiam impii ad honores evendantur, ac fiant magnates & primates. 12. Quod permittantur Bella, & tunc tot hominum neces, & tot urbium, gentium & familiarum deprædationes, præter plura; num quis talia potest aliunde deducere quam ex Libero Arbitrio apud unumquemvis hominem: Permissio in toto terrarum orbe nota, non ex alia origine est: quod Leges permissionis etiam sunt leges Divinæ Providentiae, videatur in Operे de Divina Providentia Amstelodami An: 1765 impressio, n: 234 ad 274, ubi supra allata etiam explicata sunt.

480. PARTICULARIA quod Liberum Arbitrium in spiritualibus æque sit ac in naturalibus, sunt innumerabilia. Consulat se quisque, si lubet, numne potest intra diem septuagies, aut intra septimanam tercenties cogitare de Deo, de Domino, de Spiritu Sancto, deque Divinis quæ vocantur spiritualia Ecclesiae, num tunc sentit aliquod coactum, si ad id ex aliqua voluptate, imo si ex aliqua concupiscentia fertur, & hoc sive fidem, sive non fidem habeat: explora etiam, in quounque statu sis, num cogitare potes quicquam absque libero arbitrio, tam in loquela tuis, quam in orationibus ad Deum, tum in prædicationibus, & quoque in auscultationibus, numne Liberum Arbitrium in illis fert omne punctum: imo quod absque Libero Arbitrio in singulis imo in singularissimis, nec respirares plus quam statua, nam respiratio sequitur cogitationem & inde loquelas in omni passu; dico non plus quam statua, & non plus quam bestia, quia hæc ex naturali libero arbitrio respirat, homo autem ex Libero Arbitrio in naturalibus & simul in spiritualibus, nam homo non nascitur sicut bestia, bestia cum omnibus ideis pedissequis amoris naturalis sui, in talia quæ nutritionis & proliferationis sunt, homo autem absque ideis connatis solum in facultatem sciendi, intelligendi & sapiendi, & in inclinationem ad amandum se & mundum, & quoque proximum & Deum, quare dicitur si ei Liberum arbitrium auferretur in singulis quæ vult & cogitat, non plus respiraret quam statua, & non dicitur non plus quam bestia.

481. Quod homini sit Liberum Arbitrium in naturalibus, non negatur, sed hoc homini est ex Libero ejus arbitrio in spiritualibus; nam Dominus a superiori seu interiori influit apud omnem hominem cum Divino Bono & Divino Vero, ut prius ostensum est, & per id inspirat vitam homini distinctam a vita bestiarum, & ad recipiendum illa, & ad agendum ex illis, dat ei posse & velle, & hoc nunquam alicui auferit; inde sequitur, quod Domini perpetua voluntas sit, ut homo recipiat verum & faciat bonum & sic fiat spiritualis, ad quod natus est; ac spiritualis fieri absque libero arbitrio in spiritualibus, tam impossibile est, sicut est trudere camelum per foramen acus netoriarum, aut sicut manu tangere aliquam stellam in Cælo. Quod posse intelligere verum & id velle cuivis homini detur, & quoque diabolis, & nusquam auferatur, per vivam experientiam mihi ostensum est; unus ex illis qui in Inferno erant, quondam sublatus est in mundum spirituum, & ibi ab Angelis e Cælo interrogatus, num possit intelligere illa quæ loquebantur cum illo, erant Divina spiritualia, respondit, quod intelligat; & quæsitus cur non receperit similia, dixit, quod non amayerit illa, & inde quod non voluerit; iterum dictum est illi quod potuerit velle, hoc miratus est, & dixit quod non, quare Angeli inspirabant intellectui ejus gloriam famæ cum ejus amæno, quo accepto, etiam voluit, & quoque amavit: sed mox remissus est in statum priorem, in quo fuit deprædator, adulter & blasphemator proximi, & tunc quia non voluit, nec intellexit illa am-

plius. Ex his patet, quod homo sit homo ex libero arbitrio in spiritualibus, & absque eo homo foret truncus, lapis, aut statua uxori lothi.

482. Quod homini non aliquod liberum arbitrium esset in civilibus, moralibus & naturalibus, si illi non foret aliquod liberum arbitrium in spiritualibus, constat ex eo, quod spiritualia, quæ vocantur Theologica, resideant in suprema regione mentis hominis, sicut anima in corpore; quod ibi resideant, est quia ibi est ostium, per quod Dominus ad hominem intrat, sub illis sunt civilia, moralia & naturalia, quæ in homine omnem suam vitam recipiunt a spiritualibus, quæ supra illa sedent, & quia vita a supremis influit a Domino, ac vita hominis est posse libere cogitare, velle, & inde loqui & facere, sequitur quod inde & non aliunde sit liberum arbitrium in politicis & naturalibus: ex spirituali illo Libero est homini perceptio boni & veri, ac justi & recti in civilibus, quæ perceptio est ipse intellectus in sua essentia. Liberum arbitrium hominis in spiritualibus, est comparative sicut aer in pulmone, qui secundum omnes vices cogitationis ejus, attrahitur, detinetur & emittitur, & quod absque eo foret ei pejus quam illi qui incubo, angina & asthmate laborat. Et quod sit sicut sanguis in corde, qui si inciperet deficere, cor primum palpitaret, & post convulsiones omnimode quiesceret. Et foret sicut corpus motum, quod fertur quamdiu ei conatus inest, & una simul cessant; sic etiam est cum libero arbitrio in quo voluntas hominis est; utrumque, simul liberum arbitrium & voluntas, in homine vocari potest conatus vivus, nam cessante voluntate cessat actio, & cessante libero arbitrio cessat voluntas. Si auferretur liberum spirituale homini, etiam comparative foret, sicut auferrentur rotæ a machinis, brachia recipientia aerem a molis, ac vela a navibus. Imo foret sicut cum homine, qui spiritum emitit, cum moritur: vita enim spiritus hominis in libero ejus arbitrio in spiritualibus consistit: Angeli gemunt, dum modo dicitur, quod hoc Liberum arbitrium a multis Ministris Ecclesiæ hodie negetur, & vocant negationem ejus, delirium supra delirium.

Quod absque Libero Arbitrio in spiritualibus, Verbum non foret alicujus usus, consequenter Ecclesia nec aliquid.

483. Notum est in Universo Christiano orbe, quod Verbum sit in lato Sensu Lex, seu Liber legum, secundum quas homo victurus est, ut vitam æternam sortiatur; & quid ibi frequentius dicitur, quam quod homo facturus sit bonum & non malum, & quod crediturus sit in Deum, & non in idola; & est illud plenum mandatis & exhortationibus ad illa, ac benedictionibus ac pollicitis præmiorum pro illis qui faciunt, ac maledictionibus & comminationibus pro illis qui non faciunt; ad quid hæc omnia, si non foret homini aliquod Liberum arbitrium in spiritualibus, hoc est, in talibus quæ salutem & vitam æternam concernunt, nisi quam vacna, quæ nulli usui inservirent; & si homo hæreret in idea, quod nulla ei sit potentia & nulla libertas in spiritualibus, ita abstracte ab aliqua potentia voluntatis in illis, num Scriptura sacra tunc ei aliter appareret, quam sicut charta nuda absque syllabis, aut sicut charta super quam totum atramentarium conjectum est, aut sicut soli apices aut jothæ absque literis, ita sicut codex inanis. Hoc confirmare ex Verbo quidem non opus foret, sed quia Ecclesiæ hodie profundarunt se in inanitatem mentis in spiritualibus, & ad confirmandum illam protulerunt aliqua loca inde, quæ false interpretati sunt, oportet adducere aliqua, quæ mandant homini ut faciat & credat: quæ sint hæc. Auferetur a vobis Regnum Dei, & dabitur genti facienti fructus ejus, Matth. XXI: 43. *Facite fructus dignos penitentia, jam jam*

jam securis ad radicem arboris jacet; omnis igitur Arbor non faciens fructum bonum exscinditur & in ignem conficitur, Luc. III: 8. 9. Jesus dixit, quid Me vocatis Domine, Domine, & non facitis quæ dico; Omnis qui venit ad Me, & audit sermones meos, & facit illos, similis est homini adificanti domum, super petra, qui vero audit & non facit, similis homini adificanti domum super humo abque fundamento, Luc. VI: 46 ad 49. Jesus dixit, Mater mea & fratres mei hi sunt, qui audiunt Verbum Dei, & faciunt illud, Luc. VIII: 21. Scimus quod peccatores Deus non audiat, sed si quis Deum colit, & voluntatem ejus facit, hunc audit, Joh. IX: 31. Si haec scitis, beati estis, si feceritis illa, Joh. XIII: 17. Qui habet præcepta mea, & facit illa, ille est qui amat Me, & Ego amabo illum, Joh. XIV: 15. In hoc glorificatus est Pater meus, ut fructum multum feratis, Joh. XV: 8. Vos amici mei estis, si feceritis quæcumque mando vobis, Ego elegi vos, ut fructum feratis, & fructus vester maneat, Joh. XV: 14. 16. Facite arborem bonam, ex fructu cognoscitur Arbor, Matth. XIII: 12. Facite fructus dignos pænitentia, Matth. III: 12. Qui in terram bonam seminatus est, hic est qui Verbum audit, & fructum fert, Matth. XIII: 23. Qui metit, mercedem accipit, & colligit fructum in vitam æternam, Joh. IV: 36. Lavate vos, purificate vos, removete malitiam operum vestrorum, discite bonum facere, Esaj. I: 16. 17. Venetus est Filius hominis in gloria Patris sui, & tunc reddet unicuique secundum facta ejus, Matth. XVI: 27. Exibunt qui bona sacerunt, in resurrectionem vite, Joh. V: 29. Opera illorum sequuntur cum illis, Apoc. XX: 12. 13. Ecce venio cito, & Merces mea Mecum, ut dem unicuique secundum opus ejus, Apoc. XXII: 12. Jehovah cuius oculi aperiunt sunt, ad dandum civis secundum vias ejus, juxta opera nostra facit nobiscum, Sach. I: 6. Docet etiam idem Dominus in Parabolâ, quarum plures involvunt, quod qui bona faciunt, acceptentur, & qui mala, rejiciantur; ut in Parabolâ de Agricolis in Vineâ, Matth. XXI: 33 ad 44. De Talentis & Minis, cum quibus negotiarentur, Matth. XXV: 14 ad 31. Luc. XIX: 13 ad 25. Similiter de FIDE, Jesus dixit, qui credit in Me, non morietur in aeternum, sed vivet, Joh. XI: 25. 26. Haec est voluntas Patris, ut omnis qui credit in Filium, habeat vitam æternam, Joh. VI: 40. 16. Qui credit in Filium, habet vitam æternam, at vero qui non credit Filio, non videbit vitam, sed ira Dei manet super illo, Joh. III: 36. Adeo dilexit Deus Mundum, ut Filiu suum Unigenitum dederit, ut omnis qui credit in Ipsum, non perireat, sed habeat vitam æternam, Joh. III: 15. 16. Et porro, Amabis Dominum Deum tuum ex toto corde tuo, & in tota anima tua, & in tota mente tua; & amabis proximum sicut te ipsum: ex his duabus mandatis Lex & Prophetæ pendent, Matth. XXII: 35 ad 38. Sed haec sunt per pauca ex Verbo, & sicut aliqui cyathi aquæ ex mari.

484. Quis non videt inanitatem, non volo dicere fatuitatem, in illis, quæ supra 462. ex Libro Ecclesiastico FORMULA CONCORDIAE vocato, adducta sunt, postquam legit illa, & insuper aliqua hinc & illinc in Verbo, numne cogitaret secum, si foret sicut ibi docetur, quod homini nullum Liberum Arbitrium in spiritualibus sit, quid foret religio, quæ est facere bonum, nisi vana vox, & quid Ecclesia absque religione, nisi sicut cortex circum lignum, qui non interficit alii usui, quam ut comburatur; & insuper cogitaret, si non Ecclesia, quia non religio, quid tunc Cælum & Infernum, nisi fabulae ministrorum & præfulum Ecclesiarum ad captandam plebem, & ad se elevandum ad honores superiores: inde est detestabile illud enuntiatum oris apud plures, quis potest bonum facere a se, & quis potest fidem captere a se, & inde omittunt illa, & paganice vivunt.

At mi amice, fuge malum, & fac bonum, & crede in Dominum ex toto corde tuo, & in tota anima tua, & Dominus amabit te, & dabit amorem ad faciendum, & fidem ad credendum, & tunc ex amore facies bonum, & ex fide, quæ est fiducia, credes, & si perseveras ita, fiet coniunctio reciproca, & haec perpetua, quæ est ipsa salus & vita æterna. Si homo ex datis viribus non faceret bonum, & ex sua mente crederet in Dominum, quid foret homo nisi solitudo & desertum, & pro-

prorsus sicut terra sicca, quæ pluviam non recipit, sed repercutit. Aut sicut arenareus campus, ubi oves, quibus non pascuum. Ac foret sicut fons exsiccatus; aut ibi sicut aqua stagnata, obstructa vena; aut sicut habitatio, ubi nulla messis, nec ullus lacus, a quo loco nisi actutum fugeret, & quæreret sedem habitabilem alibi, fame & siti moreretur.

Quod absque Libero Arbitrio in spiritualibus, non foret aliquid hominis, per quod se vicissim conjungat Domino, & inde non Imputatio, sed mera Prædestinatio, quæ detestabilis est.

485. Quod absque Libero Arbitrio in spiritualibus non foret charitas nec fides apud ullum hominem, minus conjunctio duarum illarum, in Capite de Fide, plene ostensum est; ex his sequitur, quod absque Libero Arbitrio in spiritualibus, non foret aliquid hominis, per quod Dominus se conjungeret illi, & tamen absque conjunctione reciproca nulla reformatio & regeneratio, & inde nec salvatio dabilis est. Quod absque reciproca conjunctione hominis cum Domino, ac Domini cum homine, non foret aliqua Imputatio est consequens irrefragabile. Sequelæ ex confirmatione, quod nulla sit imputatio boni & mali, absque Libero Arbitrio in spiritualibus, sunt plures, & illæ enormes, in ultima Parte hujus Operis, ubi de hæresibus, paradoxis & contradictionibus, promanantibus ex hodierna Fide imputativa meriti & justitiae Domini Dei Salvatoris, agendum est, aperiendæ sunt.

486. Prædestinatio est fætus fidei hodiernæ Ecclesiæ, quia nascitur ex fide absolutæ impotentia & nullius arbitrii in spiritualibus; ex illa, & quoque ex conversione sicut inanimata hominis, quod sit sicut truncus, & quod dein ex nulla conscientia sciat, num ipse truncus vivificatus sit ex gratia, vel non, nam dicitur, quod eleæcio sit ex mera gratia Dei exclusa hominis actione, sive ex viribus naturæ, sive rationis, profiscatur; & quod eleæcio fiat ubi & quando Deus vult, ita ex beneplacito: Opera, quæ ut testimonia sequuntur fidem, sunt coram visu reflectente similia Operibus carnis, ac Spiritus, qui operatur illa, non manifestat ex qua origine sunt, sed facit illa gratiæ, seu beneplaciti sicut ipsam fidem. Ex his patet, quod hodiernæ Ecclesiæ dogma de Prædestinatione, indeut ex semine surculus, exiverit; & possum dicere, quod ut Consecatarium vix evitabile ex illa fide effluxerit; quod factum est primum apud PRÆDESTINATIANOS, inde a GODOSHALCO, postea a CALVINO & ejus asseclis, & demum a SYNODO DODRECHTANA valide stabilita, & inde ut Palladium religionis, aut potius, sicut caput Gorgonis aut Medusæ clypeo Palladis insculptum, a SUPRA ET INFRA LAPSIARIIS in Ecclesiam suam exportata. Sed quid damnosius potuit excludi, & quid crudelius de Deo credi, quam quod aliqui ex Humano genere ex prædestinato damnati sint: crudelis enim fides foret, quod Dominus, Qui est Ipse Amor, & Ipsa misericordia, velit ut multitudine hominum nascatur ad Infernum, seu quod myriades myriadum nascantur devoti, hoc est, quod nascantur Diaboli & Satanae; & quod non ex Divina sua Sapientia, quæ est infinita, providerit & provideat, ne illi qui bene vivunt, & agnoscunt Deum, in ignem & cruciatum æternum conjiciantur; est usque Dominus omnium Creator & Salvator, & Ipse Solus ducit omnes, & nullius mortem vult; quid ergo immanius potest credi & cogitari, quam quod Cætus gentium & populorum sub auspicio & sub intuitu Ipsius ex prædestinato traderentur Diabolo in prædam, ac satiaret ingluviem ejus. Sed hoc est fætus fidei hodiernæ Ecclesiæ; at Fides novæ Ecclesiæ illud ut monstrum abhorret.

487. Quoniam cogitavi quod tale cerebrosum nusquam potuerit ab aliquo Christiano decerni, minus ore effundi, & in publicam lucem evulgari, quod tamen fac-

factum est a tot electis ex Clero in Synodo Dordrecti in Hollandia, & postea niti de scriptum, & in publicum emissum; ideo ne dubitarem, aliqui ex illis, qui a decretis illius Synodi fuerunt, ad me arcessiti sunt. Quando visi sunt prope me stare, dixi, quis ex aliqua ratione fana potest concludere Prædestinationem, num potest aliter quam quod crudeles idea de Deo inde profluant, ac flagitosæ de Religione, num qui Prædestinationem per confirmationes cordi suo insculpsit, potest quicquam cogitare de omnibus quæ Ecclesiæ sunt, nisi quod sint vana, similiter de Verbo; & de Deo, quia tot myriades hominum prædestinavit ad Infernum, quam sicut de Tyranno; his dictis satanico vultu me inspexerunt, dicentes, nos fuimus ex electis in Synodo Dodrechtana, ac tunc & adhuc plus postea confirmavimus nos in multis de Deo, de Verbo, & de Religione, quæ non vulgare ausi sumus, sed cum loquuti sumus & docuimus de illa, contexuimus & contorsimus telam ex filiis variorum colorum, & super illam stravimus plumas ex alis pavonum mutuatas; sed quia similiter nunc facere volebant, Angeli ex potentia sibi a Domino data, occluserunt mentis illorum Externa, & aperuerunt ejus Interna apud illos, & ex his adacti sunt loqui: & tunc dixerunt; nostra fides, quam formavimus per conclusiones, unam sequentem ex altera, fuerat & adhuc est hæc 1. Quod non sit aliquod Verbum Jehovæ Dei, sed ventosum quid efflatum ex ore prophetarum: hoc cogitavimus, quia Verbum prædestinat omnes ad Cælum, & quod modo homo sit in culpa si non ambulat vias quæ illuc tendunt. 2. Quod Religio sit, quia oportet esse, sed quod sit sicut procella ferens odorem fragrantem pro Vulgo; quod illa ideo a Ministris tam parvis quam magnis docenda sit, & quod ex Verbo, quia hoc receptum est; hoc cogitavimus, quia ubi prædestinatio, ibi Religio nihil est. 3. Quod Leges iustitiae civiles sint Religio; at quod Prædestinatio non sit secundum vitam ex illis, sed ex puro beneplacito Dei, sicut apud absolutæ potestatis Regem ex sola visa facie. 4. Quod ut vanitates explodenda, ac ut quisquiliæ rejicienda sint omnia quæ Ecclesia docet, præter quod Deus sit. 5. Quod spiritualia, quæ venditantur, non sint plus quam ætherea sub Sole, quæ si alte penetrant in hominem, inducant ei vertiginem & stuporem, & faciant illum detestabile monstrum coram Deo. 6. Interrogati de Fide, ex qua Prædestinationem deduxerunt, num crediderint illam spiritualem esse, dixerunt, quod secundum illam fiat, sed quod cum datur, sint sicut trunci, ex quibus quidem vivificantur, sed non spiritualiter. Post hæc dira effata voluerunt recedere, sed dixi illis, manete aliquantum adhuc, & legam coram vobis ex Esaja, & legi hæc, *Ne keteris Philisthæa tota, quod fracta sit virga percutiens te, nam ex radice serpentis exivit basiliscus, cuius fructus prester volans, Cap. XIV: 29;* & explicui id per sensum spiritualem, quod per Philisthæam intelligatur Ecclesia separata a charitate; quod per basiliscum qui ex radice serpentis exivit, intelligatur doctrina ejus de tribus Diis, & de fide imputativa cuivis singulatim applicata, & quod per fructum ejus qui est prester volans, intelligatur nulla imputatio boni & mali, sed immediata Misericordia sive homo bene sive male vixerit. His auditis dixerunt, sit hoc, sed ex Codice illo, quem vocas Sanctum Verbum, exprome aliiquid de Prædestinatione, & aperui, & apud Eundem Prophetam offendī hoc quod concordabat „*Ova aspidis ponebant, & telas araneæ texebant, qui comedit ex ovis illorum, moriuntur, & quando quis exprimit, excluditur vipera, Cap. LIX: 5;* his auditis non sustinuerunt explicationem, sed aliqui ex illis, qui arcessiti sunt, erant quinque, proripuerunt se in Antrum, circum quod apparuit furve ignitum, signum quod non fides nec charitas illis. Ex his patet, quod Secretum Synodicum illud de Prædestinatione, non modo sit Hæresis insana, sed etiam Hæresis crudelis; quare eradicanda est e Cerebro adeo, ut ne quidem unus apex ejus residuus sit.

488. Immanis fides, quod Deus prædestinet homines ad Infernum, comparari potest cum immanitatem patrum apud quasdam barbaras gentes, qui lactantes & infantes

tes suos ejiciunt in plateas: & cum immanitate quorundam hostium, qui homines interfertos projiciunt in sylvas a belluis devorandos. Comparari etiam potest cum crudelitate tyranni, qui populum sibi subditum dividit in turmas, & ex his quasdam tradit carnificibus, quasdam projicit in profundum maris, & quasdam in ignem. Comparari etiam potest cum rabié quarundam ferarum, quae devorant suos pullos: & quoque comparari potest cum infanía canum, qui involant in imagines suas vias in speculo.

Quod absque Libero Arbitrio in spiritualibus, Deus foret in causa mali, & sic nulla Imputatio.

489. Quod Deus sit causa mali, sequitur a fide hodierna, quae primum exclusa est ab illis qui federunt Concilium in Nicæa urbe; ibi conficta & conflata est hæresis adhuc persistans, quod tres Personæ Divinæ fuerint ab æterno, & quælibet Deus per se; quo ovo excluso asseclæ non potuerunt aliter, quam unamquamvis Personam ut Dœum singulatim adire. Compilarunt fidem imputativam meriti seu iustitiae Domini Dei Salvatoris, & ne quis homo intraret in meritum cum Domino, adempserunt homini omne Liberum arbitrium in spiritualibus, & extremam impotentiam quoad illam fidem induxerunt; & quia omne spirituale Ecclesiæ ex sola illa fide deduxerunt, declaraverunt similem impotentiam quoad omne quod Ecclesia de salute docet; inde enatæ sunt diræ hæreses, una post alteram; super illa fide, & hominis potentia in spiritualibus, fundatae, & quoque damnosissima illa de Prædestinatione, de qua in Articulo præcedente actum est; quæ omnes involvunt, quod Deus sit causa mali, aut quod Deus creaverit & bonum & malum. Sed, mi amice, ne fide alicui Concilio, sed fide Verbo Domini, quod supra Concilia est; quid non excluderunt Concilia Romano Catholica, & quid non Doddætanum, unde Prædestinatio, horrenda illa vipera educta est. Potest cogitari, quod Liberum Arbitrium datum homini in spiritualibus, fuerit causa media mali, consequenter, quod si tale liberum Arbitrium non ei datum fuisset, homo non potuisset prævaricari; sed, mi amice, siste gradum hic, & expende, num aliquis homo, ut sit homo, potuerit creari absque Libero Arbitrio in spiritualibus, si illud adimeretur ei, non amplius foret homo, sed modo statua: quid Liberum Arbitrium nisi posse velle & facere, ac cogitare & loqui in omni apparentia ut a fe; quoniam hoc datum est homini, ut viveret homo, ideo posita fuerunt binæ Arbores in Horto Edenis, Arbor vitæ, & Arbor scientiæ boni & mali, per quod significatur, quod ex Liberum sibi dato posslet edere ex fructu Arboris vitæ, & ex fructu arboris scientiæ boni & mali.

490. Quod omne quod Deus creavit, fuerit bonum, patet a primo Capite Geneseos, ubi dicitur Vers. 10. 12. 18. 21. 25, *videt Deus quod bonum efferit*, & tandem Vers. 31, *vidit Deus omne quod fecit, & ecce bonum valde*, & quoque a primævo statu hominis in Paradiso: at quod malum ortum sit ab homine, patet a statu Adami secundum seu post lapsum, quod ex Paradiso expulsus sit. Ex his patet, quod nisi Liberum Arbitrium in spiritualibus homini datum fuisset, ipse Deus causa mali fuisset, & non homo, & sic quod Deus creavit & bonum & malum, quod etiam malum, nefandum est cogitare. Quod Deus non creaverit malum, quia Liberum Arbitrium in spiritualibus homini indiderat, & quod nusquam inspiret ei aliquod malum, est quia est ipsum Bonum, & in hoc Deus omnipræfens est, ac continue impellit & flagitat ut recipiatur, & quod si non recipitur, usq[ue] non recedat, nam si recederet, homo in instanti moreretur, imo dilaberetur in non ens, nam vita homini, ac subsistensia omnium ex quibus consistit, a Deo est.

Quod

Quod Deus non creaverit malum, sed quod homo illud intulerit, est causa, quia homo vertit bonum, quod a Deo continue influit, in malum, per quod se avertat a Deo, & se convertat ad semet, quod cum fit, remanet jucundum boni, & hoc tunc fit jucundum mali, nam absque remanente jucundo tanquam simili, homo non viveret, nam jucundum facit vitam amoris ejus: sed usque jucunda illa sunt sibi e diametro opposita, verum hoc nescit homo, quamdiu in Mundo vivit, at post mortem id sciturus est, & quoque manifeste percepturus, nam tunc jucundum amoris boni, vertitur in beatum cœleste, at jucundum amoris mali in dirum infernale. Ex allatis constat, quod omnis homo prædestinatus sit ad Cælum, & nullus ad Infernum, sed quod homo se ipsum addiccat Inferno per abusum Liberi sui arbitrii in spiritualibus, ex quo amplectitur talia quæ ex Inferno exhalant; nam, ut supra dictum est, omnis homo tenetur in meditullio inter Cælum & Infernum, ut sit in æquilibrio inter bonum & malum, & inde in Libero arbitrio in spiritualibus.

491. Quod Deus indiderit Liberum non modo homini, sed etiam omni bestiæ, imo etiam analagon ejus inanimatis, cuilibet ad recipiendum illud secundum suam naturam, ut & quod prospiciat omnibus illis bonum, sed quod objecta vertant illud in malum, illustrari potest per comparationes; Atmosphæra dat cuivis homini copiam respirandi, similiter cuivis bestiæ & fere, & quoque cuivis avi, tam buboni quam columbae, & quoque copiam volandi, & tamen atmosphæra non in causa est, quod copia illa recipiatur a contrariis genio & indole. Oceanus dat habitaculum in se, & quoque affert alimoniam omni pisci, sed non in causa est, quod unus ibi deglutiat alterum, & quod crocodilus vertat hanc in venenum, quo occidit hominem. Sol prospicit omnibus luce & calore, sed objecta, quæ sunt varia vegetabilia terræ, recipiunt illa diversimode, aliter Arbor bona, & virgultum bonum, & aliter spina & sentis, aut aliter herba innocua quam toxicata. Pluvia e superiori regione atmosphæra ubivis in terras defluit, & terra subministrat aquas inde cuius arbustculo, herbæ & gramine, & quodlibet horum applicat illas sibi secundum indigentiam, hoc est quod vocatur analogon Liberi arbitrii, quia insorbent illa libere per oscula, poros & meatus, qui tempore caloris stant aperti, & terra modo suggerit & latices & elementa, & virgulta secundum quoddam simile sitis & famis illa adducunt. Simile est cum hominibus, quod Dominus apud unumquemvis hominem influat cum Calore spirituali, qui in sua essentia est bonum amoris, & cum luce spirituali, quæ in sua essentia est verum sapientiae, sed homo recipit illa secundum suam conversionem, vel ad Deum, vel ad Semet; quare dicit Dominus, ubi de amore erga proximum docet, „Ut filii Patris sitis, qui Solem facit exoriri super malos & bonos, & pluviam mittit super iustos & injulos, Matth. V: 45; & alibi, quod velit omnium salutem.“

492. His adjiciam hoc Memorabile, aliquoties audivi e Cælo demissas voces de bono charitatis, quæ pertransibant Mundum Spirituum, & penetrabant in infernum usque ad profundum ejus, & quod illæ voces in progressione verteberentur in talia, quæ plane opposita erant bono charitatis, & tandem in illa quæ odii contra proximum erant; indicium, quod omne quod a Domino procedit sit bonum, & quod a spiritibus in inferno vertatur in malum. Simile factum est cum aliquibus veris fidei, quæ in procedendo vertebantur in falsa veris opposita: ipsa enim forma recipiens vertit incidentia in tale quod sibi concordat.

Quod omne spirituale Ecclesiæ quod in libero intrat, & ex libero recipitur, maneat; non autem quod vicissim.

493. Quod apud hominem maneat, id quod ex libero ab illo recipitur, est quia Liberum est Voluntatis ejus; & quia est Voluntatis, etiam est amoris ejus, nam quod voluntas sit receptaculum amoris, alibi ostensum est; quod omne id liberum sit quod est amoris, & quod hoc etiam sit Voluntatis, quisque intelligit, cum dicitur, Hoc volo quia amo, & quoque vicissim, hoc quia amo etiam volo: sed hominis voluntas est duplex, interior & exterior, seu Interni & Externi hominis, quare potest homo sycophanta aliter agere & loqui coram Mundo, & aliter cum familiaribus; coram Mundo agit & loquitur ex voluntate Externi sui hominis, & cum familiaribus ex Voluntate Interni; sed hic intelligitur Voluntas Interni hominis, ubi est regnans ejus amor. Ex his paucis constat, quod interior Voluntas sit ipse homo, est enim ibi esse & essentia vitæ ejus, Intellectus est forma ejus, per quam Voluntas suum amorem visibilem sistit. Omne quod homo amat, & ex amore vult, est liberum, nam quicquid ex Voluntatis internæ amore procedit, est jucundum vitæ ejus; & quia idem est esse vitæ ejus, est quoque proprium ejus, quæ causa est, quod id quod ex libero hujus Voluntatis recipitur, maneat, addit enim se proprio. Contrarium est, si aliquid in non libero infertur, hoc non ita recipitur; sed de hoc in sequentibus.

494. Sed probe sciendum est, quod Spiritualia Verbi & Ecclesiæ, quæ homo ex amore haurit, ac intellectus confirmat, maneat apud hominem, non autem similiiter civilia & politica, quia spiritualia in supremam mentis regionem scandunt, & ibi se formant; causa est, quia ibi est introitus Domini cum Divinis veris & bonis apud hominem, & sicut templum in quo est; at civilia & politica, quia Mundi sunt, inferiora mentis occupant, & quædam ibi sunt sicut ædicularæ extra templum, & quædam sicut atria, per quæ intrandum est; quod spiritualia Ecclesiæ in suprema regione mentis habitent, est quoque causa, quia illa propria sunt animæ, & spectant ejus vitam æternam, & anima est in supremis, & nutritio ejus non ex aliis cibis quam ex spiritualibus est; quare Dominus se vocat Panem, dicit enim, *Ego sum Panis vivens, qui e Cælo descendit, si quis comederit ex hoc Pane, vivet in aeternum*, Joh. VI: 5; in illa regione etiam residet amor hominis, qui facit ejus beatitudinem post mortem, & ibi etiam principaliter residet ejus Liberum arbitrium in spiritualibus, & ex hoc omne Liberum, quod homini in naturalibus est, descendit, & quia origo ejus ibi est, communicat id cum omnibus liberis Arbitriis in naturalibus; & per illa assumit amor in supremis regnans omne quod sibi conductit; est communicatio sicut venæ fontes cum aquis ejus inde, & sicut ipsum prolificum semen cum omnibus & singulis arboris, imprimis cum fructibus, in quibus se renovat. Si vero quis negat Liberum arbitrium in spiritualibus, & inde rejicit illud, is facit sibi alium fontem, & illuc aperit venam, & commutat Liberum spirituale in Liberum mere naturale, & tandem in infernale: hoc Liberum etiam fit sicut prolificum semen, quod etiam libere transit caudicem & ramos in fructus, qui ex scaturigine sua intus sunt putres.

495. Omne Liberum, quod a Domino est, est ipsum Liberum, at quod ab inferno est & inde apud hominem, est servum; at usque non potest aliter, quam quod Liberum spirituale illi qui in Libero infernali est, appareat ut servum, quia sunt opposita; attamen omnes, qui in Libero spirituali sunt, non modo sciunt, sed etiam percipiunt, quod Liberum infernale servum sit, quare Angeli aversantur hoc sicut nidorem cadaverosum, at Infernales illud idem attrahunt sicut odorem aromaticum. Notum est ex Verbo

Do-

Domini, quod Cultus ex libero sit vere cultus, & quod spontaneum Domino placet, quare dicitur apud Davidem, *Voluntarium sacrificabo Deo*, Psalm LIV: 8: & alibi, *Spontanei populorum congregati sunt, populus Dei Abrahani*, Psalm XLVII: 10; inde apud Filios Israclis erant Sacrificia Spontanea, facer illorum Cultus principaliter consistebat in sacrificiis; propter beneplacitum Dei in spontaneis mandatum est, *Quod omnis vir, quem impulit cor ejus, & omnis, cuius spontaneus spiritus movit illum, adduceret therumam Jehovæ ad opus Tentorii*, Exod. XXXV: 5. 21. 29; & Dominus dicit „*Si vos manseritis in Verbo meo, vere discipuli mei estis; & cognoscetis veritatem, & veritas liberos facit vos; si ergo Filius vos liberos facit, vere liberi eritis; omnis autem faciens peccatum, servus peccati est*“, Joh. VIII: 31 ad 35.

496. Quod id maneat, quod ex libero recipitur, est quia voluntas hominis id sibi adsefecit & appropriat, & quia intrat in amorem ejus, & amor agnoscit id ut suum, & se per id format; sed hoc per comparationes illustrabitur; verum quia hæ afflumuntur ex naturalibus, erit Calor loco Amoris; notum est, quod per calorem & secundum ejus gradum aperiantur fores in omni vegetabili, & quod si cut illæ apertæ sunt, redeat vegetabile intrinsecus in suæ naturæ formam, ac sponte recipiat sua nutrimenta, ac retineat convenientia, & crescat. Simile fit cum bestia, hæc omne id quod ex amore nutritionis, qui vocatur appetitus, eligit & comedit, hoc addit se corpori ejus, & sic manet; quod id quod convenit se jugiter addat corpori, est quia cuncta quæ componunt illud, perpetuo renovantur; quod ita sit, notum est, sed paucis. Calor etiam apud bestias, aperit etiam omnia corporis illarum, & facit ut amor illarum naturalis libere agat; inde est, quod tempore veris & æstatis in instinctum prolificatio[n]is & quoque educatio[n]is prolum suarum veniant & redeant, quod fit ex liberissimo, quia est regnantis amoris a creatione illis inditi, propter conservationem universi in statu creato. Quod liberum amoris illustretur per liberum, quod calor inducit, est quia amor producit calorem, quod evidens est ex effectibus ejus, ut quod homo incendatur, incalescat & inflammetur, sicut amor exaltatur in zelum, aut in excandescientiam iræ; calor sanguinis seu calor vitalis hominum, & in genere animalium non aliunde est; ex hac correspondientia est, quod corporea per calorem adaptentur ad libere recipiendum illa, ad quæ amor spirat. In tali æquilibrio & inde libero sunt omnia quæ intus in homine sunt; in tali libero agit cor sanguinem suum æque sursum ac deorsum, mesenterium chylum suum, hepar sanguificat, renes secerunt, glandulæ percolant, & sic porro; si æquilibrium pateretur, ægrotaret membrum, & paralyxi vel ataxia laboraret; æquilibrium & liberum hic unum sunt. In universo creato non datur substantia, quæ non ad æquilibrium tendit, ut sit in libero.

Quod Voluntas & Intellectus hominis in hoc Libero Arbitrio sunt;
sed quod facere malum in utroque Mundo, Spirituali &
Naturali, per leges coercitum sit, quoniam alioquin
Societas utrinque periret.

497. Quod unusquisque homo sit in Libero arbitrio in spiritualibus, ex sola observatione suæ cogitationis scire potest; quis non ex Libero cogitare potest de Deo, de Trinitate, de Charitate & Proximo, de Fide & ejus operatione, de Verbo & omnibus illis quæ inde sunt; & postquam didicit Theologica, de singulis ejus; & quis non potest cum illis & contra illa cogitare, imo concludere, docere & scribere: si auferret uno momento hoc Liberum homini, numne cogitatio ejus subsisteret, lingua mutesceret, & manus obtorpesceret: quare, mi amice, si libet,

ex sola observatione cogitationis tuæ, potes rejicere & devovere absonam & dannosam illam hæresin, quæ hodie in Christianismo, cælesti Doctrinæ de Charitate & Fide, & inde salute & de vita æterna lethargiam induxit. Quod Liberum illud arbitrium resideat in Voluntate & Intellectu hominis, sunt hæc causæ. 1. Quia duæ illæ facultates primum instruendæ sunt, & reformandæ, & per illas binæ facultates externi hominis, quæ faciunt illum loqui & agere. 2. Quod duæ illæ facultates Interni hominis constituant spiritum ejus, qui vivit post mortem, & non sub alia lege est quam Divina, cuius primarium est, ut homo cogitet legem, faciat illam, & obediatur illi ex se, tametsi ex Domino. 3. Quia homo quoad spiritum suum, est in medio inter Cælum & Infernum, ita inter bonum & malum, & inde in æquilibrio, inde ei Liberum arbitrium est in spiritualibus, de quo æquilibrio videatur supra, n: 445 seq: at quāndiu in Mundo vivit, est quoad Spiritum suum in Æquilibrio inter Cælum & Mundum, & homo tunc pæne nescit, quod quantum e Cælo recedit, & ad Mundum, tantum ad Infernum accedat, hoc nescit & tamen non nescit, ob ea sum, ut etiam quoad hoc in liberò sit, & reformetur. 4. Quia duo illa, voluntas & intellectus, sunt duo receptacula Domini, voluntas receptaculum Amoris & Charitatis, Intellectus receptaculum Sapientiae & Fidei, & Dominus operatur singula illa in pleno libero hominis, ut sit cotijunctio mutua & reciproca, per quam salvatio. 5. Quia omne judicium, quod fit homini post mortem, fit secundum usurpationem ejus Liberi arbitrii in spiritualibus.

498. Ex his resultat hoc, quod ipsum Liberum arbitrium in spiritualibus in anima hominis resideat in omni perfectione, & inde, sicut vena in fontem, influat in mentem ejus, in binas ejus partes, quæ sunt voluntas & intellectus, & per has in sensu corporis, inque loquelas & actiones. Sunt enim tres gradus vitæ apud hominem, Anima, Mens, & Corpus sensuale, omne id quod in superiori gradu est, in perfectione est supra id quod in inferiori gradu est. Hoc hominis Liberum est, per quod, in quo, & cum quo Dominus præsens est in homine, & urget indefinenter sui receptionem, at nusquam emovet & tollit liberum, quoniam, ut supra dictum est, omne quod non ex liberò ab homine in spiritualibus fit, non maneat, quare dici potest, quod hoc Liberum hominis fit, in quo Dominus apud illum in anima ejus habitat. Quod autem facere malum, in utroque Mundo, Spirituali & Naturali, per leges coercitum sit, quoniam alioquin societas nullibi subsisteret, absque explicatione patet; sed usque illustrabitur, quod sine externis illis vinculis, non modo societas non subsisteret, sed etiam totum genus humanum periret; homo enim inescatus est binis amoribus, qui sunt amor dominandi super omnes, & amor possidendi omnium opes; hi amores, si relaxarentur illis fræna, ruunt in infinitum: mala hæreditaria, in quæ homo nascitur, ex binis illis amoribus principaliter exorta sunt: nec Adamo fuit aliud, quam ut vellet fieri sicut Deus, quod malum serpens illi infudit, ut legitur; quare in maledictione ejus dicitur, quod terra germinatura sit ei spinam & tribulum, Gen. III: 5. 18, per quæ intelligitur omne malum & inde falsum; omnes qui illis amoribus emancipati sunt, se solum ut unicum intuentur, in quo & pro quo omnes, alii; talibus non est miseratio, non timor Dei, non amor proximi, & inde est illis immisericordia, immanitas & crudelitas, & infernalis cupiditas & aviditas prædandi & latrocinandi, & in illis efficiendis astus & doli; talia bestiis terra non innata sunt, haec non ex alio amore necant & devorant alias, quam ut patient ventrem, & se tutentur; quare homo malus quoad amores illos spectatus, est immanior, ferocior & pejor omni bestia. Quod homo intus talis sit, manifestat se in turbis seditionis, in quibus vincula legis soluta sunt, & quoque in laniensis & latrociniis, quando sonatur liberum exercendi furorem in victos & obfessos, a quo vix unus abstinet; antequam auditur tympanum, quod desistendum sit; ex his patet, quod si nullus timor pienarum ex legibus couereceret homines, non solum Societas sed totum Genus humanum destruc-

eretur. Sed hæc omnia unice removentur per verum usum Liberi Arbitrii in spiritualibus, qui est intendere animum ad cogitandum de statu vite post mortem.

499. Sed hoc per comparationes adhuc illustrabitur, per has; quod nisi quod-dam Liberum arbitrium esset in omnibus creatis tam animatis quam inanimatis, non potuisset fieri aliqua Creatio, nam absque libero arbitrio in naturalitus quoad bestias, non foret aliqua electio cibi nutritioni illarum conducibilis, nec aliqua prolificatio & prolium conservatio, ita non bestia. Si tale liberum non esset pisces maris, & conchis fundi ejus, non foret pisces & concha. Similiter nisi esset in quovis insectulo, non foret bombyx, ex quo serica, nec apis en quo inella & ceræ, nec aliquis papilio, qui ludat cum conforte in aere, & nutrit se succis in floribus, & repräsentat statum hominis beatum in cælesti aura, postquam exuvias suas sicut vermis depositus. Nisi analogon Liberi arbitrii esset in terræ humo, in semine ei injecto, inque omnibus arboris inde germinatæ, inque ejus fructibus, & iterum in novis seminibus, non foret ullum vegetabile. Si analogon Liberi arbitrii non esset in omni metallo, & in omni lapide nobili & ignobili, non foret metallum; nec lapis, imo ne quidem arenula; nam hæc liberè insorbet ætherem, & expirat sua nativa, & rejicit obsoleta, & novis se redintegrat, inde est sphæra magnetica circum magnetem, ferrea circum ferrum, cuprea circum cuprum, argentea circum argentum, aurea circum aurum, lapidea circum lapidem, nitrofa circum nitrum, sulphurea circum sulphur, ac varia circum omnem pulverem terræ, ex qua sphæra intimum, cuiusvis seminis imprægnatur, prolificum vegetat, nam abique tali expiratione e quovis pulviculo terræ, non foret aliquod initium germinationis & inde perpetuum ejus, quomodo alioquin potuisset terra in intimum centrale grani seminati cum pulvere & aqua, nisi quam per exhalata ex illa penetrare, sicut in granum sinapis, quod minus est omnibus seminibus, cum autem excrevit, magius est oleribus, & fit grandis arbor, Matth. XIV: 32. Marc. IV: 30. 31. 32. Cum itaque omnibus subjectis creatis inditum est Liberum, cuivis secundum suam naturam, quid non homini Liberum arbitrium secundum ejus naturam, quæ est ut sit spiritualis: inde est quod homini datum sit Liberum arbitrium in spiritualibus ab utero usque ad ultimam ejus ætatem in Mundo, & postea in æternum.

*Quod si hominibus non foret Liberum Arbitrium in spiritualibus,
potuissent omnes in universo terrarum orbe intra unum
diem adduci ad credendum in Dominum; sed quod
hoc non fieri possit, est causa, quia id quod non
ex Libero Arbitrio recipitur ab homine,
non maneat.*

500. Quod Deus absque dato hominibus Libero Arbitrio in spiritualibus posset omnes in universo terrarum orbe intra unum diem adducere ad credendum in Se, sequitur ut verum ex non intellecta Omnipotentia Divina; illi qui Omnipotentiam Divinam non intelligunt, opinari posunt, vel quod non sit ordo, vel quod Deus possit facere æque contra ordinem, ac secundum illum, cum tamen absque ordine nulla Creatio dabilis fuit; primarium ordinis est, ut homo sit imago Dei, proinde ut perficiatur amore & sapientia, & sic plus & plus fiat illa; hoc Deus operatur continue apud hominem, sed absque Libero arbitrio in spiritualibus, per quod homo se posit convertere ad Deum, & se vicissim conjungere Ipsi, frustraneum, quia impossibile, foret, nam Ordo est, ex quo & secundum quem totus Mundus cum omnibus & singulis ejus creatus est, & quia ex illo & secundum

dum illum omnis creatio facta est, ideo Deus vocatur ipse Ordo, quare idem est, sive dixeris facere contra Divinum Ordinem, sive dixeris facere contra Deum, imo Ipse Deus non potest facere contra Divinum suum ordinem, siquidem hoc foret facere contra Se Ipsum; quare dicit omnem hominem secundum Se illum, & errantes & elapsos in illum, ac resistentes ad illum. Si homo potuisset creari absque Libero Arbitrio in spiritualibus, quid tunc Omnipotenti Deo facilius foret, quam omnes in universo terrarum Orbe adducere ad credendum in Dominum, numne potuisset cuivis inferre hanc fidem, tam immediate quam mediate, immediate per absolutam suam potentiam, & irresistibilem ejus operationem, quæ continua est, ut homo salvetur; aut mediate per cruciatus conscientia ejus injectos, per lethiferas corporis convulsiones, & graves minas mortis, si non recipit; ac insuper per aperitionem inferni, & inde præsentiam diabolorum tenentium in manibus terrificas faces, aut per evocationem mortuorum, quos cognoverant, inde, sub imagine terribilium spectrorum; sed his respondeatur ex verbis Abrahami ad divitem in Inferno, *si Mōsen & Prophetas non audirent, nec si quis e mortuis resurrexerit, persuaderentur*, Luc. XVI: 31.

501. Quaritur hodie, cur non Miracula fiunt quemadmodum olim, nam creditur, quod si fierent, quisque corde agnosceret: sed quod hodie non fiunt sicut prius, est causa, quia Miracula cogunt, & auferunt liberum arbitrium in spiritualibus, & hominem a spirituali faciunt naturalem; omnes in Christiano orbe post Adventum Domini potest spiritualis fieri, & spiritualis fit unice ab Ipsi per Verbum, & facultas ad hoc periret, si homo per Miracula adduceretur ad credendum, quoniam hæc, ut supra dictum est, cogunt & auferunt ei liberum Arbitrium in spiritualibus, & omne coactum in talibus se infert in naturalem hominem, & occludit sicut ottio spirituale, qui vere est Internus homo, & orbat hunc omni potentia videndi aliquod verum in luce, quare postea de spiritualibus ratiocinaretur ex solo naturali homine, qui omne vere spirituale videt inverse. Quod autem ante Adventum Domini facta sint Miracula, fuit causa, quia tunc homines Ecclesiæ erant naturales, quibus spiritualia, quæ sunt internæ Ecclesiæ, non potuerunt aperiri, nam si aperirentur, prophana vissent illa; quare etiam omnis Cultus illorum consistebat in Ritualibus, quæ Repræsentabant & significabant interna Ecclesiæ, & hi non potuerunt adduci ad illa rite obscunda, quam per Miracula; & quod ne quidem per miracula, quia representativis illis inerat internum spirituale, patet a filiis Israelis in deserto, qui tametsi tot Miracula viderunt in Ægypto, & postea maximum illud super Monte Sinai, usque post mensem dierum absente Moysi, saltaverunt circum Vitulum aureum, ac vociferati quod ille eduxerit illos ex Ægypto; consimilia facta sunt ab illis in terra Canaan, tametsi viderunt excellentia miracula per Eliam & Elisæum facta, & demum ipsa Divina a Domino. Miracula non fiunt hodie, imprimis propter hanc causam, quia Ecclesia omne Liberum arbitrium homini adempsit, & hoc adempsit per hoc, quod fanciverit, quod homo prorsus nihil conferre possit ad accipiendo fidem, nec quisquam ad conversionem, & in genere ad salutem, videatur supra, n: 464; homo qui hæc credit, fit plus & plus naturalis, & naturalis homo, ut supra dictum est, omne spirituale spectat inverse, & inde cogitat contra illud, Regio superior mentis hominis, ubi Liberum arbitrium in spiritualibus primario residet, occluderetur, & spiritualia, quæ per miracula quasi confirmata sunt, Regionem inferiorem mentis, quæ mere naturalis est, occuparent, remanentibus sic supra hanc falsis de fide, conversione & salute, inde fieret, quod Satanæ habitarent supra, ac Angeli infra, sicut vultures super gallinæ, inde post aliiquid tempus satanæ rumperent repagulum, & cum furore erumperent in spiritualia, quæ infra locum fortita sunt; & illa non modo negarent, sed ctiam blasphemarent & prophanarent; inde sors hominis posterior multo peior priori fieret.

502. Homo, qui per falsa de spiritualibus Ecclesiæ factus est naturalis, non potest aliter de Divina Omnipotentia cogitare, quam quod sit supra ordinem, ita de Omnipotentia Divina absque Ordine, quare in vefana hæc faberetur: Cur adventus Domini in Mundum, & cur sic Redemptio, cum Deus ex sua Omnipotentia potuisset idein e Cælo, ut super terra, efficere; cur per Redemptionem non salvavisset totum humanum Genus nullo exempto, & cur diabolus postea possit valere supra Redemptorem apud hominem; cur Infernum; numne Deus ex Omnipotentia sua potuisset & posset id delere; aut omnes inde educere & facere angelos cæli; cur Ultimum Judicium, numne potest omnes hircos e sinistris transferre ad dextrum, & facere illos oves: cur Angelos draconis & ipsum draconem dejecit e Cælo, & non mutavit illos in Angelos Michaelis: cur non his & illis dat fidem, & imputat justitiam Filii, & sic remittit peccata, & illos justificat & sanctificat: cur non bestias terræ, aves cæli, & pisces maris facit loqui, & illis dat intelligentiam, & simul cum hominibus introducit in Cælum: cur non totum orbem terrarum fecerat, aut adhuc facit, Paradisum, in quo nulla esset arbor scientiæ boni & mali, nec serpens, & ubi omnes colles fluenter generosis mustis, & producerent aurum & argentum, utrumque nativum, utque omnes ibi in jubilis & cantibus, & sic in perpetuis festivitatibus & gaudiis, ut imagines Dei, viverent; nonne hæc forent digna Deo Omnipotente; præter similia alia. Sed, mi amice, omnia illa sunt vaniloquia; Divina Omnipotentia non est sine ordine, Ipse Deus est Ordo, & quia ex Deo, etiam ex Ordine, in Ordine, & ad Ordinem, omnia creata sunt; est ordo in quem homo factus est, qui est ut ex Libero Arbitrio in spiritualibus ejus benedictio aut ejus maledictio pendeat; nam, ut supra dictum est, homo absque Libero Arbitrio non potuit creari, ne quidem bestia, avis & pisces, sed Bestiæ in solo Libero Arbitrio naturali, at Homo in Libero Arbitrio naturali & simul spirituali.



503. His adjicientur hæc MEMORIABILIA; PRIMUM: Audivi quod indictum sit Comitium, in quo diliberaturi essent de Libero Arbitrio hominis in spiritualibus, hoc fuit in Mundo spirituali; aderant ex omni plaga docti, qui in Mundo, in quo prius vixerunt, de illo cogitaverant, ac multi ex illis, qui in Consiliis & Conciliabulis tam ante Nicænum, quam post illud fuerant; congregati sunt in quadam Templo rotundo simili Templo Romæ, quod vocatur Pantheon, quod prius fuerat consecratum Cultui omnium deorum, & postea inauguratum Cultui omnium Sanctorum Martyrum a Solio Papali; in hoc Templo ad parietes etiam erant sicut Altaria, sed ad quodlibet subsellia, super quæ congregati se reposuerunt, ac cubitis innitebantur altaribus sicut totidem mensis; non erat designatus aliquis Præses, qui ageret Primatem apud illos, sed singuli, cum lubitus illos afflavit, eruperunt in medium, & ex pectore effuderunt & evulgarunt suum sancitum; & quod miratus sum, omnes, qui in illo Comitio erant, pleni erant confirmationibus pro plenaria hominis impotentia in spiritualibus, ita subsannatores Libri Arbitrii in illis. Quando congregati sunt, en subito erupit unus in medium, & alta voce exspiravit hoc; non est aliquod Liberum Arbitrium homini in spiritualibus, plus quam fuit uxori Lothi, postquam conversa est in statuum salis, si enim homini foret liberum arbitrium plus, sane ex se sibi vindicaret fidem Ecclesiæ nostræ, quæ est, quod Deus Pater illam gratis ex toto Libero & Beneplacito det cui vult & quando vult, hoc beneplacitum & illud gratuitum nullatenus foret Deo, si homo ex quodam libero aut beneplacito illam sibi quoque posset vindicare, sic etenim Fides nostra, quæ est Sidus lucens coram nobis diu &

noctu, dissiparetur sicut stella caduca in aerem. Post hunc alias ex suo subcellio erupit, & dixit, non est homini plus Liberi arbitrii in spiritualibus quam est bestiae, imo cani; quoniam si id foret homini, faceret bonum a seipso, cum tamen omne bonum est a Deo, & homo nihil sibi sumere potest quod non datum sit e Cælo. Post hunc exsiliuit unus e folio suo, & in medio extulit vocem, dicens, quod homini non plus liberi arbitrii sit in spiritualibus, etiam in perspiciendis illis, quam est Noctuæ in die, imo quam est pullo adhuc latenti in ovo, est omnino in illis cæcus sicut talpa, nam si foret lynceus in perspicioendo illa, quæ fidei, salutis & vita æterna sunt, credidisset quod ipse semet posset regenerare & salvare, & quoque conaretur id, & sic cogitata & facta sua meritis & meritis prophanaret. Iterum alias excurrit in medium, ac edidit hoc effatum, quod qui opinatur, se posse velle ac intelligere aliquid in spiritualibus post lapsum Adami, insapaniat & fiat maniacus, quoniam tunc crederet se deastrum aut numen, possidentem partem potentia Divinæ in suo jure. Post hunc anhelavit alter in medium, portans sub ulna Librum, in cuius orthodoxiam, ut illam vocavit, Evangelici hodie jurant, FORMULA CONCORDIE, vocatum, & aperuit illum, & inde legit sequentia, Quod homo ad bonum prorsus corruptus & mortuus sit, ita ut in hominis natura post lapsum ante regenerationem ne scintilla quidem spiritualium virium manferit aut restet, quibus ille ad gratiam Dei preparari, aut oblatam apprehendere, aut ejus gratia ex se per se capax esse, aut in spiritualibus, intelligere, credere, amplecti, cogitare, velle, inchoare, perficere, agere, operari, cooperari, aut se ad gratiam applicare, aut accommodare, aut aliquid ad conversionem, vel ex dimidia, vel ex minima parte ex se potest. Quodque homo in spiritualibus, quæ ad animæ salutem spectant, sit instar statu salis Lothi, ac similis trunco aut lapidi vita carenti, quæ non oculorum, oris, aut ullorum sensuum usum habent. Quod usque loco motivam potentiam habeat, seu externa membra regere, ad Cætus publicos accedere, ac Verbum & Evangelium audire possit. (Hæc in mea Editione, p. 656. 658. 661. 662. 663. 671. 672. 673, leguntur). Post hæc concurrerunt omnes, & simul exclamabant, hoc est vere orthodoxum. Ego adstisti, & illa omnia intense audiui, & quia spiritu meo excandui, alta voce scisicitavi, si in spiritualibus facitis hominem statuam salis, bestiam, cæcum, & insanum, quid tunc Theologica vestra, suntne omnia & singula illa spiritualia; ad hoc post aliquod silentium respondebant; in Universa nostra Theologia nihil quicquam est spirituale, quod ratio capit; Fides nostra ibi unice est spiritualis; sed hanc probe occlusimus, ne quis intraspiciat, & præcavimus ne aliquis radius spiritualis inde effloat, & coram intellectu appareat, & insuper homo ad illam ne particulam ex aliquo suo arbitrio confert: Charitatem etiam ab omni spiritualem removimus, & fecimus illam mere moralē, similiter Decalogum: de justificatione, remissione peccatorum, regeneratione, & inde salvatione, nec aliquid spirituale tradimus, dicimus quod Fides operetur illas, sed quomodo, prorsus non scimus; loco pænitentiae summisimis contritionem, quæ ne credatur spiritualis, removimus illam a fide, quoad omnem tacitum: de Redemptione nec adoptavimus nisi ideas pure naturales, quæ sunt, quod Deus Pater Genus humanum concluserit sub damnatione, & quod Filius Ipsius damnationem illam in se suscepit, & passus se cruce suspendi, & quod sic Patrem suum ad miserationem adegerit, præter similia plura, in quibus non deprehendes quicquam spirituale, sed merum naturale. Sed tunc in excandescencia prius concepta continuavi dicendo, si homini non foret liberum arbitrium in spiritualibus, quid tunc foret homo nisi brutum, eminentem hominem per illud super brutis bestiis; quid Ecclesia absque illo nisi facies fullonis atra, in cuius oculis est gutta alba; quid Verbum absque illo nisi codex inanis; quid frequentius ibi decitur & mandatur, quam quod homo amaturus sit Deum, & quod amaturus sit proximum, & quoque quod crediturus sit, tum quod salus & vita ei sit, quemadmo-

modum amat & credit; quis est cui non est facultas intelligendi & faciendi illa, quæ præcepta sunt in Verbo, & quæ in Decalogo; quomodo potuissest Deus totia homini præscribere & mandare, nisi ei data esset facultas. Dic alicui rusticō, apud quem Mens per fallacias in Theologicis non præstructa est, quod ne hilum plus quare truncus & lapis, possit intelligere & velle in rebus fidei & charitatis, & inde salutis, & ne quidem ad illa se applicare & accommodare, annon tunc ille toto pectore risurus esset, & dicturus, quid insanius, quid mili tunc cum Sacerdote & ejus prædicatione, quid tunc Templum plus quam stabulum, & quid tunc Cultus plus quam aratio, oh quæ dementia ita loqui, est fatuitas supra fatuitatem; quis negat quod omne bonum sit a Deo, nonne homini datum est facere bonum ex se a Deo; simile est credere. His auditis, clamaverunt omnes, nos loquuti sumus ex orthodoxis orthodoxe, tu autem ex rusticis rusticis: at subito tunc fulmen illapsum est ē cælo, quod ne consumeret illos, turmatim eruperunt, & fugerunt inde, quisque ad suam domum.

504. SECUNDUM MEMORABILE: Fui in visu interiori spirituali, in quo sunt superioris Cæli Angeli, at tunc in Mundo spirituum; & vidi duos Spiritus non procul a me, a se tamen distantes, & appercepi, quod unus ex illis amaret bonum & verum, & per id conjunctus Cælo, & quod alter amaret malum & falsum, & per id conjunctus Inferno; accessi & convocavi illos, & ex sonis & responsis illorum collegi, quod unus sicut alter posset veritates percipere, perceptas agnosceret, ita ex intellectu cogitare, & quoque determinare intellectualia sicut placuit, & voluntaria sicut lubuit, proinde quod uterque in simili libero Arbitrio esset quoad rationalia, & insuper observavi, quod ex illo Libero in mentibus illorum appareret lucidum a primo visu qui erat perceptionis, ad ultimum visum qui erat oculi; sed cum ille, qui malum & falsum amavit, sibi relictus cogitaret, animadverti, quod sicut fumus ab Inferno ascenderet, ac lucidum, quod erat supra memoriam, extingveret, unde illi caligo ibi, sicut media noctis, tum etiam quod fumus ille accensus arderet sicut flamma, quæ illuminabat mentis regionem, quæ sub memoria erat, ex quo cogitavit enormia falsa ex malis amoris sui. Apud Alterum autem, qui amavit bonum & verum, cum sibi relictus erat, vidi sicut mitem flammarum desuentem e Cælo, quæ illuminavit regionem mentis ejus supra memoriam, & quoque regionem infra illam usque ad oculum, & quod lumen ex flamma illa splenderet plus & plus, sicut ex amore boni percepit & cogitavit verum. Ex his visis patuit mihi, quod cuivis homini, tam malo quam bono esset Liberum Arbitrium spirituale; sed quod Infernum aliquoties extinguat illud apud malos, & quod Cælum exaltet & accendat illud apud bonos. Post hæc loquutus sum cum utroque, & primum cum illo qui amavit malum & falsum, & post aliqua de sorte ejus, cum nominavi Liberum arbitrium, excanduit, & dixit, ah, quæ vesania est credere, quod homini sit Liberum arbitrium in spiritualibus, quis homo potest fidem sibi assumere, & bonum facere a se, docetne Sacerdotium hodie ex Verbo, quod nemo possit sumere quicquam nisi datum sit e Cælo, & Dominus Christus dixit ad suos Discipulos, sine Me non potestis facere quicquam; quibus hoc addo, quod nemo possit mouere pedem, nec manum ad faciendum aliquid bonum, nec mouere linguam ad loquendum aliquid verum ex bono, quare Ecclesia ex sapientibus suis conclusit, quod homo non possit velle, intelligere, & cogitare aliquid spirituale, & ne quidem se accommodare ad volendum, intelligendum & cogitandum illud, plus quam statua, truncus & lapis; & quod ideo a Deo, cui Soli est Potentia liberrima & illimitata, ex beneplacito inspiretur fides, quæ absque omni opera & potentia nostra, operante Spiritu Sancto, producit omnia, quæ ineruditii addicunt homini. Deinde loquutus sum cum Altero, qui amavit bonum & verum, & post aliqua de sorte ejus, cum nominavi Liberum Arbitrium, dixit ille, quæ vesania est negare Liberum arbitrium in spiritualibus, quis non potest

velle & facere bonum; ac cogitare & loqui verum ex se a Verbo, ita a Domino qui est Verbum; dixit enim, 'Facite fructus bonos, & credite in Lucem, & quoque amate vos invicem, & amate Deum; tum qui audit & facit praecpta mea, ille amat Me, & Ego amabo illum; præter millia similia in toto Verbo: ad quod itaque Verbum, si homo nihil posset velle & cogitare, & inde facere & loqui, quod ibi mandatum est; absque illa potentia apud hominem, quid foret Religio & Ecclesia, nisi sicut navis naufragia, quæ in fundo maris jacet, super cuius mali summitate stat nauclerus, & clamat, non possum quicquam, & videt reliquos nautas in naviculis appensis velis enavigare: nonne datum est Adamo Liberum edendi ex Arbore vitæ, & quoque ex Arbore Scientiæ boni & mali, & quia ex Libero suo edit ex hac Arbore, fumus ex serpente, hoc est, Inferno, intravit mentem ejus, propter quod ejectus est e Paradiso, & maledictus; & tamen non perdidit Liberum Arbitrium, nam legitur quod custodita sit a Cherubo via ad Arborem vitæ, quod nisi factum esset, potuisset adhuc velle ab illâ edere. His editis, Alter qui amavit malum & falsum, dixit, illa quæ audivi relinquo, retineo apud me quæ protuli, sed quis non novit, quod solus Deus sit vivus & inde actius, & quod homo ex se sit mortuus, & inde mere passivus, quomodo talis, qui in se mortuus & mere passivus est, potest sibi assumere aliquod vivum & actuum: ad hoc respondi, homo est Organum vitæ, & Deus Solus est Vita, & Deus infundit suam vitam Organo & singulis ejus, sicut Sol infundit calorem suum Arbori & singulis ejus; & Deus dat ut homo sentiat illam vitam in se ut suam, ac ita sentire, vult Deus, propter causam, ut homo secundum Leges ordinis, quæ totidem sunt quod præcepta in Verbo, sicut ex se vivat, & se disponat ad recipiendum Amorem Dei; at usque Dei perpetuo tenet digito perpendiculari supra libram, & moderatur, at nusquam violat Liberum arbitrium cogendo: non potest Arbor aliquid recipere, quod Calor solis per radicem infert, nisi tepescat ac calefaciat quoad singula fila sua, nec possunt elementa per radicem ex surgere, nisi singula fila ejus ex recepto calore etiam calorem exspirent, & sic conferant ad transitum; similiter homo ex recepto calore vitæ a Deo, sed hic fecus ac Arbor sentit illum ut suum, tametsi non est ejus; at quantum credit quod ejus sit, & non Dei, tantum recipit lucem vitæ, non autem calorem amoris a Deo, sed calorem amoris ab Inferno, qui quia crassus est, obstruit & occludit puriores ramusculos Organi, sicut sanguis impurus vasa capillaria corporis; ita homo se facit a spirituali mere naturalem. Liberum Arbitrium homini inde est, quod sentiat vitam in se sicut suam, & quod Deus relinquat homini ita sentire, ut fiat conjunctio, quæ non dabilis est nisi sit reciproca, ac reciproca sit dum homo ex Libero prorsus ut a se agit: si Deus id homini non reliquisset, homo nec foret homo, neque foret ei vita æterna, nam conjunctio reciproca cum Deo facit ut homo sit homo & non bestia, & quoque quod post mortem vivat in æternum; Liberum Arbitrium in spiritualibus hoc efficit. Hoc auditio, malus ille Spiritus se removit ad distantiam, & tunc vidi serpentem volantem, qui vocatur prester, super quadam arbore, qui porrexit cuidam fructum inde; & tunc in spiritu accessi ad locum, & ibi loco serpentis visus est monstrosus homo, cuius faciem obexit barba adeo, ut non exstaret nisi nasus, ac loco arboreis erat torris ignitus, ad quem stetit ille, cuius mentem prius intravit fumus, & postea Liberum Arbitrium in spiritualibus rejecit; & subito similis fumus exivit ex torre, & circumfudit utrumque; & quia sic subducti sunt a yisu meo, abivi; alter vero, qui amabat bonum & verum, & asseruit, quod homini sit liberum arbitrium in spiritualibus, me comitatus est domum.

505. TERTIUM MEMORABILE: Quondam audivi stridorem sicut duorum lapidum molarium collidentium inter se; accessi ad sonum, & evanescerat, & vidi angustam portam tendentem oblique deorsum ad quandam domum lacunatam, in qua erant plures Cameræ, in quibus cellulæ, in quarum unaquavis sedebant duo, qui ex Verbo colligebant confirmantia pro justificatione per solam fidem, unus colligebat,

gebat, & alter scribebat, & hoc alternis. Accessi ad unam Cellulam, quæ prope oltium erat, & quæsivi, quid vos colligitis & scribitis; dicebant, de Actu JUSTIFICATIONIS seu de FIDE ACTU, quæ est ipsa Fides justificans, vivificans & salvans; & Caput doctrinarum Ecclesiæ in nostro Christianismo; & tunc dixi illi, dic mihi aliquid signum illius Actus, quando Fides illa in cor ac in animam homin's infert; respondit, signum Actus illius est in momento, cum homo percitus dolore quod damnatus sit, & cum in contritione illa est, cogitat de Christo, quod damnationem Legis abstulerit, & hoc meritum Ipsius cum fiducia apprehendit, & cum hoc in cogitatione adit Deum Patrem & orat: tunc dixi, fit ita actus, & est hoc momentum: & quæsivi, quomodo comprehendam, quod dicitur de hoc Actu, quod ad illum non concurrat aliquid hominis, plus quam concurret, si foret stipes aut lapis, & quod homo quoad illum Actum nihil possit inchoare, velle, intelligere, cogitare, operari, cooperari, se applicare & accommodare; dic mihi, quomodo hoc cohæret cum dictis tuis, quod Actus tunc incidat, cum homo cogitat de jure legis, de damnatione ejus a Christo sublata, de fiducia in qua apprehendit id Ipsius meritum, & in cogitatione de hoc adit Deum Patrem & orat, fiuntne omnia illa ab homine; sed dixit, non fiunt active ab homine sed passive; & respondi, quomodo potest quis cogitare, fiduciam habere, & orare passive; aufer homini activum & cooperativum tunc, annon etiam aufers receptivum, ita omne, & cum omni ipsum Actum, quid tunc fit tuus Actus, nisi pure ideale, quod vocatur ens rationis: spero, quod non credas cum quibusdam talem Actum dari solum apud Prædestinatos, qui nihil quicquam de infusione fidei apud se sciunt; hi posflunt ludere talis, & per id inquirere, num eis fides infusa sit vel non: quare, mi Amice, crede quod homo quoad fidem & charitatem operetur ex se a Domino, & quod absque hac operatione tuus actus fidei, quem vocasti Caput Doctrinarum Ecclesiæ in Christianismo, non sit nisi quam statua uxor Lothi, tinniens ex mero sale stricta penna scribæ, aut ungue dacti ejus; Luc. XVI: 32; hoc dixi, quia facitis vosmet ipsos quoad Actum illum similes statuis. Cum hæc dixi, sumis lychnuchum vi manus conjecturus in faciem meam, & subito tunc exstincto lychno conjectit in frontem sodalis, & abivi ridens.

506. QUARTUM MEMORABILE. Visi sunt in Mundo Spirituali duo Greges, unus erat ex Hircis, & alter ex Ovinis: miratus sum, quinam essent, quippe novi, quod Animalia visa in Mundo spirituali, non sint Animalia, sed quod sint Correspondientæ affectionum & inde cogitationum ex illis qui ibi sunt; quare accessi proprius, & sicut accessi, disparatae sunt similitudines animalium, & loco illorum visi sunt Homines; & manifestatum est, quod qui faciebant Gregem hircorum, essent, qui se confirmaverunt in Doctrina Justificationis per Solam Fidem, & qui faciebant Gregem Ovium essent, qui crediderunt, quod Charitas & Fides, unum sint, sicut Bonum & Verum unum sunt. Et tunc loquutus sum cum illis, qui visi sunt sicut Hirci, & dixi, cur ita congregati estis; erant plerique ex Clero, qui gloriati sunt ex fama eruditionis, quia noverunt Arcana justificationis per solam fidem; dixerunt, quod congregati sunt, ut fedeant Concilium, quia audiverunt, quod Dictum Pauli Rom. III: 28, *Quod homo Fide justificetur sine Operibus legis*, non rite intellectum sit, quoniam per Fidem ibi non intellexit Fidem hodiernæ Ecclesiæ, quæ est in Tres Personas Divinas ab æterno, sed Fidem in Dominum Deum Salvatorem Jesum Christum; & per Opera Legis non intellexit Opera Legis Decalogi, sed Opera Legis Mosaicæ quæ pro Judæis, & quod sic ex paucis illis vocibus binas falsitates enormes per sinistram interpretationem concluserint, quæ sunt, quod intellexerint Fidem hodiernæ Ecclesiæ, & quod Opera Legis Decalogi; quod Paulus hæc non intellexerit, sed Opera Legis Mosaicæ, quæ erant pro Judæis, constat clare ex Ipsius verbis ad Petrum, quem increpavit quod Judaizaret, cum tamen seiret, *quod nemo per Opera Legis justificetur, sed per fidem Jesu Christi*, Gal. II:

14. 15; per fidem Jesu Christi, est per fidem in Ipsum & ab Ipso, videatur supra n. 238; & quia per Opera legis intellexit opera Legis Mosaicæ, ideo distinxit inter Legem fidei & Legem operum; ac inter Judæos & Gentes, seu Circumcisionem & Præputium, & per Circumcisionem significatur Judaismus, ut ubivis alibi, & quoque claudit illa per hæc verba, *Ergone Legem abrogamus per Fidem, absit, sed Legem stabilimus*; hæc omnia in una serie dicit, Rom. III: 27. 28. 29. 30. 31.; & quoque dicit in Capite quod præcedit; *Non auditores Legis justificabuntur, a Deo, sed factores Legis justificabuntur*, Rom. II: 13; tum, *Quod Deus reddet unicuique secundum Opera ejus*. Rom. II: 6; & adhuc, *Omnis nos manifestari oportet coram Tribunali Christi, ut reportet quilibet ea, quæ per Corpus fecit, sive bonum sive malum*, II. Cor. V: 10; præter plura apud Illum; ex quibus patet, quod Paulus rejecerit Fidem absque bonis Operibus, æque ac Jacobus, Epist. Cap. II: 17 ad 26. Quod a Paulo intellecta sint Opera Legis Mosaicæ, quæ pro Judæis, insuper confirmati sumus ex eo, quod omnia Statuta pro Judæis apud Mosen dicantur Lex, ita Opera legis, quod vidimus ex his, *Hæc lex Minchæ*, Lev. VII: 7. 11 seq. *Hæc Lex pro Holocausto, pro Minchæ, pro Sacrificio peccati & reatus, pro Impletionibus*, Lev. VII: 38. *Hæc Lex Bestiæ & Avis*, Lev. XI: 46 seq. *Hæc Lex parientis pro filio aut filia*, Lev. XII: 7. *Hæc Lex leprosa*, Lev. XIII: 59. Cap. XIV: 2. 32. 54. 57. *Hæc Lex fluxu affecti*, Lev. XV: 31. *Hæc Lex Zelotypicæ*, Num. V: 29. 30. *Hæc Lex Naziræi*, Num. VI: 13. 21. *Hæc Lex mundationis*, Num. XIX: 14. *Hæc Lex de Vacca rufa*, Num. XIX: 2. *Lex pro Rege*, Deut. XVII: 15 ad 19; *imperius Liber Mosis vocatur Liber Legis*, Deut. XXXI: 9. 11. 12. 26. & quoque Luc. II: 22. Cap. XXIV: 24. Joh. I: 46. Cap. VII: 22. 23. Cap. VIII: 5. His quoque addiderunt, quod viderint apud Paulum, quod Lex Decalogi vivenda sit, & quod impleatur a Charitate, Rom. XIII: 8. 9. 10. 11, tum quod dicat, *quod sint tria, Fides, Spes. & Charitas, & quod harum maxima sit Charitas*, I Cor. XIII: 13, ita non Fides. Dixerunt, quod propter hæc convocati fuerint. Sed ne turbarem illos, recessi; & tunc iterum e longinquo visi sunt sicut Hirci, & quandoque sicut cibantes, & quandoque sicut stantes, sed avertebant se a Grege ovium; sicut Cibantes apparebant cum deliberabant, & sicut Stantes cum concludebant; at visum meum tenui in Cornibus illorum, & miratus sum, quod Cornua in frontibus illorum, nunc apparerent sicut porrecta antrorsum & sursum, nunc incurvata retrorsum versus tergum, & tandem prorsus reflexa; & tunc subito se convertebant ad Gregem Ovium, sed usque apparebant ut Hirci; quare iterum accessi, & interrogavi quid nunc; dixerunt quod conculserint; quod Sola Fides producat Bona Charitatis, sicut Arbor producit Fructus: at tunc auditum est tonitru, & visum est fulmen desuper; & mox apparuit Angelus, stans inter binos illos Greges, & clavavit ad Gregem ovium, ne auscultate, non recesserunt a Fide sua priore, quæ est, quod Sola Fides justificet & salvet, & prorsus nihil actualis Charitas; nec Fides est Arbor, sed homo est Arbor; at paenitentiam agite, & spectate ad Dominum, & habebitis Fidem; Fides ante illud, non est Fides, in qua aliquod vivum est. Voluerunt tune Hirci reflexe cornuti accedere ad Oves; sed Angelus stans inter illos, dividebat Oves in binos Greges; & dixit illis a sinistris, adjungite vos Hircis, sed dico vobis, quod venturus sit Lopus, qui rapiet illos, & vos cum illis.

Sed postquam separati sunt bini Greges ovium, & illi a sinistris audiverunt minacia verba Angeli, inspexerunt se mutuo & dixerunt, colloquamur cum pristinis consociis nostris; & tunc sinister Grex loquebatur ad dextrum, dicens, cur recessistis a Pastoribus nostris, annon Fides & Charitas unum sunt, sicut Arbor & Fructus unum sunt, Arbor enim per ramos continuatur in fructus, divellite aliquid e ramo, per quod arbor per continuum influit in fructum, annon periturus est fructus, & una cum fructu omne semen denuo-nascitur alicujus Arboris; querite nostros Sacerdotes annon ita sit; & tunc quæsiverunt, & circumspicerunt ad

ad reliquos, qui nictabant palpebris, ut dicerent, quod bene loquantur; & post-hac responderunt, bene loquuti estis, at quod attinet continuationem fidei in bona opera, sicut arboris in fructus, multa arcana novimus, quæ propalare non hujus loci est, in vinculo seu filo Fidei & Charitatis, sunt plures noduli, quos nos sacerdotes solum solvere possumus. Et tunc unus ex sacerdotibus, qui erat inter oves a dextris, surrexit & dixit, responderunt ad vos, quod ita sit, sed ad suos quod non ita sit, aliter enim cogitant: quare quæsiverunt, quomodo tunc cogitant, cogitantes sicut docent; dixit ille, non, cogitant quod omne bonum charitatis, quod vocatur bonum opus, quod fit ab homine propter salutem ac vitam æternam, non in minima parte sit bonum, ex causa, quia homo per opus a se vult semet ipsum salvare, vindicando sibi justitiam & meritum unius Salvatoris, & quod ita sit cum omni bono Opere, in quo homo sentit suam voluntatem, quare afferunt quod prorsus nulla conjunctio fidei & charitatis sit, & ne quidem quod Fides per bona opera retineatur & conservetur. Sed dixerunt e Grege sinistro, loqueris mendacia contra illos, prædicantne Charitatem & ejus Opera, quæ vocant Opera fidei, coram nobis manifeste; & ille respondit, non intelligitis Prædications illorum, solum Clericus, qui adest, attendit & intelligit, cogitant modo Charitatem moralem, & Bona ejus civilia & politica, quæ vocant fidei, & prorsus non sunt, homo enim atheus potest illa similiter & sub eadem forma facere; quare unanimiter dicunt, quod nemo per aliqua opera salvetur, sed per solam fidem: verum illustretur hoc per comparationes; Quod Arbor pomifera producat poma, sed si homo facit bona propter salutem, sicut arbor illa poma per continuum, tunc poma illa intus putida sunt, & plena vermis: dicunt etiam quod Vitis producat uvas, sed si homo facturus esset bona spiritualia, sicut vitis uvas, faceret labruscas. At tunc quæsiverunt, qualia illis sunt bona Charitatis seu opera quæ sunt fructus fidei, respondit, quod forte sint inconspicua alicubi prope fidem, cuitamen non coherent, sunt sicut umbra, quæ a tergo sequitur hominem, quando spectat ad folem, quam umbram non animadvertisit, nisi se convertat; imo possum dicere, quod sint sicut caudæ equinæ, quæ hodie pluribus in locis amputantur, dicentes, quid cum illis, ad nihil conducunt, si adhaerent equo, facile inquinantur; his auditis aliquis ex sinistro grege ovium indignatus dixit, omnino est aliqua conjunction, quomodo alioquin possunt vocari opera fidei, forte bona charitatis a Deo insinuantur in opera voluntaria hominis per aliquem influxum, ut per aliquam affectionem, aspirationem, inspirationem, incitationem & excitationem voluntatis, tacitam perceptionem in cogitatione, & inde exhortationem, contritionem & sic conscientiam, & inde adactionem, obedienciam Decalogi & Verbi, sicut infans aut sicut sapiens, aut per aliud quoddam medians illis simile, quomodo alioquin possunt vocari fructus fidei; ad hæc respondit Sacerdos, quod non, & si dicunt quod per tale quid fiat, usque confarciant id in sermonibus cum vocibus, ex quibus resultat, quod non ex Fide; quidam usque tradunt talia, sed UR SIGNA FIDEI, NON AUTEM UT VINCULA EJUS CUM CHARITATE; Aliqui tamen excogitaverunt conjunctionem per Verbum; & tunc dixerunt, annon sic conjunctio, sed respondit, non hoc cogitant, sed modo per auditum Verbi, afferunt enim, quod omne rationale, & omne voluntarium hominis in rebus fidei sit impurum & meritorium, quoniam homo in spiritualibus non potest aliquid intelligere, velle, operari, cooperari, plus quam stipes. Sed unus cum audivit, quod credatur homo talis in omnibus quæ fidei & salutis sunt, dixit, audivi quendam dicentem, plantavi vineam, nunc bibam vinum usque ad ebrietatem, sed quæsivit alter, num biberis es vinum ex tuo schypho per tuam dextram, & dixit, non, sed ex schypho inconspicuo per manum inconspicuum, & respondit alter, certe tunc non inebriaberis; mox idem vir dixit, sed me audite quæso, ego dico vobis, bibite Vinum ex Verbo intellecto; nostisne quod Dominus sit Verbum, estne Verbum ex Domi-

sto, estne sic Ipse in illo, si ergo facitis bonum ex Verbo, facitisne id ex Domino, ex Ipsius ore & voluntate, & si tunc spectatis ad Dominum, etiam Ipse vos ducet & docebit, & vos facietis illud ex vobis a Domino; quis potest dicere, qui facit aliquid a Rege, illius ore & mandato, hoc facio ex meo ore seu mandato, & ex mea voluntate. Post hæc convertit se ad Clerum, & dixit, Ministri Dei, ne seducite Gregem. His auditis, maxima pars Gregis sinistri recessit, & Gregi dextro se adunavit. Aliqui tunc ex Clero dicebant, audivimus quæ non prius, sumus Pastores, non relinquemus Oves, & recesserunt una cum illis; & dicebant, hic Vir loquutus est Verbum verum, quis dicere potest, qui facit ex Verbo, ita ex Domino, Ipsius ore & voluntate, hoc facio ex me; quis dicit, qui facit ex Rege, illius ore & voluntate, hoc facio ex me. Nos videmus nunc Divinam Providentiam, cur non inventa fuit Fidei & bonorum Operum conjunctio, quæ ab Ecclesiastica Societate agnita est; non potuit inveniri, quia non potuit dari, non enim fuit Fides in Dominum, qui est Verbum, & inde nec fuit Fides e Verbo. Sed reliqui Sacerdotes, qui erant ex Grege hircorum, abibant, & vibrabant pileos suos, & clamabant, Sola Fides, Sola Fides, vivet usque.

507. QUINTUM MEMORABILE. Eram in sermone cum Angelis, & denique de Concupiscentia mali, in qua quisque homo est ex nativitate, dixit unus quod in Mundo ubi est, apparet illi qui in concupiscentia sunt, nobis angelis sicut fatui, sed illi sibi ipsis tunc sicut summe sapientes, quapropter ut ex fatuitate sua extrahantur, per vices remittuntur in illam, & per vices in rationale, quod apud illos in externis est, & in hoc statu vident, agnoscunt & confitentur insaniam suam, at usque e statu rationali suo in statum insanum suum discipiunt, & quoque se in hunc immittunt, sicut a coacto & injucundo in liberum & jucundum; ita concupiscentia interius oblectat illos, & non intelligentia. Sunt tres Amores universales, ex quibus a Creatione conflatus est omnis homo, Amor proximi, qui etiam est Amor faciendi usus, hic amor est spiritualis; Amor Mundi, qui etiam est amor possidendi opes, hic amor est materialis; ac Amor sui, qui etiam est amor imperandi super alios, & hic amor est corporeus: Homo est vere homo, dum Amor proximi, seu amor faciendi usus, facit Caput, & Amor Mundi seu amor possidendi opes facit Pectus & Ventrem, ac Amor sui seu amor imperandi facit Pedes & Plantas eorum; at si Amor mundi facit Caput, homo non est homo aliter quam sicut gibbosus; at si Amor sui facit Caput, non est sicut homo stans super pedibus, sed sicut super palmis manuum capite deorsum & clunibus sursum. Quando Amor faciendi usus facit Caput, ac reliqui duo amores faciunt ordine corpus & pedes, apparet ille homo in Cælo facie angelica, cum pulchra iride circum caput; at si amor Mundi seu opum facit Caput, apparet ille e Cælo facie pallida sicut mortui cum circulo flavo circum Caput; si vero amor sui seu imperandi super alios facit Caput, apparet ille e Cælo facie ignitum furva, cum circulo albo circum Caput. Ad hæc quæsivi, quid repræsentant Circuli circum capita, respondebant, repræsentant intelligentiam; circulus albus circum Caput faciei ignitum furvæ, repræsentat, quod intelligentia ejus in externis sit, sive circum illum, at insaniam in internis seu in illo; etiam homo, qui talis, sapit cum in corpore est, at insanit, dum in spiritu; & nullus homo sapit spiritu, nisi a Domino, quod fit cum denuo ab Ipso generatur & creatur. His dictis aperiebatur terra ad sinistrum, & per aperturam vidi assurgentem Diabolum facie ignitum furva cum circulo albo circum Caput, & sciscitavi, quis es, dixit, sum Lucifer filius auroræ, & quia similem me feci Altissimo, dejectus sum, sicut describor Esaj. XIV; at non fuit ille Lucifer, sed credidit se esse illum; & dixi, cum dejectus es, quo nodo potes resurgere ex Inferno, & respondit, sum ibi Diabolus, at hic sum Angelus lucis, videlicet Caput meum cingulo albo cinctum, & quoque, si vis, videbis, quod sim moralis inter morales, ac rationalis inter rationales, imo spiritualis inter spirituales;

Ies; potui etiam concionari; quæsivi, quomodo concionatus es, dixit contra defraudatores, contra adulteros, & contra omnes amores infernales, imo tunc me Luciferum vocavi Diabolum, & pejeravi contra me illum, & propterea laudibus evectus sum ad Cælum, inde est quod vocatus sim filius auroræ; & quod ipse miratus sum, cum super pulpito eram, non cogitavi aliter, quam quod recte & rite loquerer; sed causa mihi detecta est, hæc, quia in externis fui, & hæc tunc separata fuerunt ab internis meis; & tametsi hoc mihi detectum est, usque non potui immutare me, quia supra Altissimum me exxi, & contra Illum me extuli; dein quæsivi, quomodo potuisti ita loqui, cum es ipse defraudator, & ipse adulter, respondit, sum alius dum in externis seu in corpore sum, & alius dum in internis seu in spiritu, in corpore sum Angelus, sed in spiritu Diabolus, in corpore enim sum in intellectu, in spiritu autem sum in voluntate, ac intellectus me fert sursum, at voluntas me fert deorsum; & dum in intellectu sum, Cingulum album circumvelat Caput meum, at dum intellectus se prorsus emancipat voluntati, & fit ejus, quæ est sors nostra ultima, tunc nigrescit cingulum, ac disparatur, quo facto, non possum amplius in lucem hanc ascendere. Sed subito, ut vidit Angelos apud me, inflammatus est facie & voce, & factus est niger, etiam quoad cingulum circum Caput, & per aperturam, per quam surrexit, delapsus est in Infernum. Adstantes ex illis viisis & auditis fecerunt hoc conclusum, quod homo talis sit, qualis est ejus Voluntas, & non qualis est ejus Intellectus, quoniam Voluntas Intellectum facile aufert in suas partes, & emancipat. Tunc quæsivi Angelos, unde rationalitas est diabolis, & dicebant, est ex gloria amoris sui, nam amor sui circumcingitur gloria, est enim hæc splendor ignis ejus, & gloria illa elevat intellectum pæne in lucem Cæli; nam Intellectus apud unumquemvis hominem elevabilis est secundum cognitiones, sed non Voluntas nisi per vitam secundum Ecclesiam & Rationis vera; inde est, quod ipsi Athei, qui in gloria famæ ex amore sui sunt, & inde in fastu propriæ intelligentiæ, gaudeant rationalitate sublimiore, quam multi alii, sed tunc cum in cogitatione intellectus sunt, non autem cum in amore Voluntatis, & amor Voluntatis possidet Internum hominem, at cogitatio intellectus Externum. Porro dixit Angelus causam, cur homo confitatus est ex tribus Amoribus, videlicet ex amore Uſus, ex amore Mundi, & ex amore Sui, causa est, ut homo cogitet a Deo, tametsi prorsus ut ex se; dixit, quod suprema in hominis Mente verfa sint sursum ad Deum, media ibi extrorsum ad Mundum, ac infima ibi deorsum in corpus, & quia hæc verfa sunt deorsum, cogitat homo prorsus ut ex se, cum tamen a Deo.

508. ³ SEXTUM MEMORABILE: Quodam die apparuit mihi Templum magnificum, cum formæ quadratae, cuius Tectum erat instar Coronæ, arcuarum supra, & elevatum circum circa; Parietes ejus erant continua Fenestræ ex Chryſtallis, Porta ex ſubſtantia margaritica; intus ad latus meridionale occidentem versus erat Suggeſtum, ſuper quo ad dextrum jacuit Verbum apertum cinctum sphæra lucis, cuius splendor totum Suggeſtum circuibat & illuminabat; in medio Tempeli erat Adytum, ante quod Velum, ſed nunc ſublatum, ubi ſtetit Cherubus ex auro cum enſe huic illuc ſe vibrante in manu. Hæc dum conſpicatus sum, in meditationem meam, quid ſingula illa ſignificarent, influxit; videlicet, quod Templum illud ſignificaret Novam Eccleſiam; Porta ex ſubſtantia margaritica Introitum in illam; Fenestræ ex Chryſtallis, Veritates, quæ illuſtrabant illam; Suggeſtum Sacerdotium & prædicationes; Verbum ſuper illo apertum, & ſuperiorem partem ſuggeſti illuminans, Senſum ejus internum qui ſpiritualis eſt, revelatum; Adytum in medio Tempeli, coniunctionem illius Eccleſiae cum Cælo angelico; Cherubus ex auro inibi, Verbum in ſenu literæ; Enſis ſe vibrans in manu ejus, significabat quod hic ſenſus huic illuc verti poſſit, modo hoc fit applicate ad quandam Veritatem; quod Velum ante Cherubum eſſet ſublatum, significabat

„ quod nunc patet factum sit Verbum. Postea, cum propius accessil, vidi Scriptu-
 „ ram super Porta, hanc, NUNC LICET, quod significabat, quod nunc liceat in-
 „ tellectualiter intrare in Arcana fidei. Ex hac Scriptura visa incidit in cogitatio-
 „ nem meam, quod valde discriminosum sit intellectu intrare in dogmata fidei,
 „ quae ex propria intelligentia, & inde ex falsis, constata sunt, & plus adhuc illa
 „ ex Verbo confirmare, inde occluditur Intellectus superius, & pedentim infer-
 „ rius, in tantum, ut Theologica non modo fastidiantur, sed etiam obliterentur,
 „ quemadmodum scriptura chartæ tineis, & lana panni blattis, permanente solum
 „ intellectu in politicis quæ spectant vitam suam in dominio ubi est, & in civilibus
 „ quæ functionis ejus sunt, & in domesticis quæ ejus domus sunt, ac in his
 „ & illis continue osculatur naturam, & illam ex illecebris voluptatum ejus a-
 „ mat, sicut Idololatra aureum sculptile in suo gremio. Nunc quia dogmata in
 „ Ecclesiis Christianis hodiernis non ex Verbo, sed ex propria intelligentia, &
 „ inde ex falsis, constata sunt, & quoque per aliqua ex Verbo confirmata, ideo
 „ ex Divina Domini Providentia Verbum apud Romano-Catholicos ademptum est
 „ Laicis, & apud Protestantes illud apertum, sed usque occlusum per commune
 „ oris illorum effatum, quod Intellectus captandus fit sub obedientia fidei illorum.
 „ At in Nova Ecclesia fit inversum, in hac licitum est intellectu ingredi & pene-
 „ trare in omnia ejus Secreta, & quoque per Verbum confirmare illa, causa est,
 „ quia Doctrinalia ejus sunt continua Veritates a Domino per Verbum detectæ,
 „ & confirmationes illarum per rationalia efficiunt, ut Intellectus aperiatur supra
 „ plus & plus, & sic elevetur in lucem, in qua sunt Angeli Cœli, & Lux illa in
 „ sua essentia est Veritas, & in hac Luce agnitus Domini pro Deo Cœli & Terræ
 „ splendet in sua gloria. Hoc intelligitur per Scripturam super porta Templi,
 „ NUNC LICET, & quoque per quod Velum adyti ante Cherubum sublatum fit; Ca-
 „ non enim Novæ Ecclesiae est, quod falsitates occludant intellectum, & quod
 „ veritates aperiant illum. Post hæc vidi sicut Infantem supra caput, tenens in
 „ manu Chartam, ille sicut ad me appropinquit, succrexit in statuam mediocris
 „ hominis, erat Angelus e Cœlo tertio, ubi omnes e longinquo apparent sicut In-
 „ fantes; dum apud me erat, porrexit mihi Chartam, sed quia literis circinnatis,
 „ qualibus in illo Cœlo, scripta erat, restitui, & petui, ut ipsi exprimerent sen-
 „ tum verborum ibi vocibus adæquatis ideis cogitationis meæ, & retulisti, hoc ibi
 „ scriptum est, INTRATE POSTHAC IN MYSTERIA VERBI HACTENUS OCCLUSI, NAM
 „ SINGULÆ VERITATES EJUS SUNT TOTIDEM SPECULA DOMINI.

CAPUT NONUM

D E

PÆNITENTIA.

509. Post transactiones de Fide, Charitate, & de Libero Arbitrio, in nexu sequitur de Pænitentia, quoniam vera Fides & genuina Charitas absque Pænitentia non dabiles sunt, & pænitentiam agere absque Libero arbitrio nemo potest: quod hic de Pænitentia agatur, est quoque causa, quia sequitur de Regeneratione, & nemō potest regenerari, priusquam graviora mala, quae hominem coram Deo detestabilēm faciunt, remota sunt, & hæc per Pænitentiam removentur; quid irregenitus nisi impænitens, & quid impænitens nisi sicut qui in lethargia est, & scit nihil de peccato, & ideo fovet illud in sinu suo, & illud quotidie osculatur sicut adulter scortum in lecto suo. Sed ut sciatur quid Pænitentia, & quid efficit, transactio de illa dispertienda est in Articulos.

Quod Pænitentia sit Primum Ecclesiæ apud hominem.

510. Communio, quæ vocatur Ecclesia, consistit ex totidem hominibus in quibus est Ecclesia; & Ecclesia apud hominem intrat quando regeneratur, & quisque regeneratur per quod abstineat a malis peccati, ac fugiat illa sicut quis dum videt turmas infernales cum facibus in conatu illum adoriendi & super pyram conjiciendi. Sunt plura, quæ hominem progredientem in primas aetates preparant ad Ecclesiā, & introducunt in illam; sed quæ efficiunt illam apud hominem, sunt actus pænitentiæ; actus pænitentiæ sunt omnes illi, qui efficiunt, quod Mala, quæ peccata contra Deum sunt, non velit, & inde non faciat, nam antequam hoc sit, homo stat extra regenerationem, & tunc si aliqua cogitatio subintrat de salute aeterna, vertit se ad illam, sed mox se avertit ab illa, non enim ulterius in hominem intrat quam in ideas ejus cogitationis, & inde exit in voces loquelas, & forte etiam in aliquos gestus loquelas conformes; at vero dum in voluntatem intrat, tunc in homine est, voluntas enim est ipse homo, quia amor ejus ibi habitat, at cogitatio est extra hominem, nisi hæc ex Voluntate ejus procedit, si hoc sit, tunc voluntas & cogitatio unum agunt, & simul faciunt hominem: ex his sequitur, quod pænitentia ut sit pænitentia, & efficiens in homine, oporteat ut sit Voluntatis & inde cogitationis, & non solius cogitationis, proinde ut sit actualis, & non duntaxat oralis. Quod Pænitentia sit Primum Ecclesiæ, constat manifeste ex Verbo, Johannes Baptista, qui fuit præmissus ad præparandum homines ad Ecclesiam, quam Dominus instauratus erat, dum baptizavit, simul prædicavit pænitentiam, quare ejus Baptisma vocabatur Baptisma pænitentiæ, ex causal quia per Baptisma significabatur Lavatio spiritualis, quæ est ablutio a peccatis; hoc fecit in Jordane, quia Jordanus significabat introductionem in Ecclesiam, erat enim primus terminus terræ Canaanis ubi Ecclesia: Ipse Dominus etiam prædicavit Pænitentiam in remissionem peccatorum, per quod docuit, quod Pænitentiæ sit Primum Ecclesiæ, & quod

quantum homo illam agit, tantum apud illum removeantur peccata, quod quantum hæc removentur, tantum remittantur: & insuper Dominus duodecim Apostolis, & quoque Septuaginta quos emisit, mandavit, ut prædicarent Pænitentiam: ex quibus patet, quod primum Ecclesiæ sit Pænitentia.

511. Quod apud hominem non prius Ecclesia sit, quam postquam apud illum remota sunt peccata, quisque potest ex ratione concludere, & hæc potest illustrari per has comparationes; quis potest in campos aut sylvas, in quibus sunt feræ omnis generis, introducere oves, haedos & agnos, antequam feras expulerit: & quis potest aliquam terram, spinis, sentibus & urticis obsitam præparare in Hortum, priusquam illas noxas extirpaverit: quis potest in Urbem ab hostibus posse sam inferre formam administrationis justitiae ex judicio, & civitatem condere, priusquam hostes ejecerit: simile est cum malis apud hominem, quæ sunt sicut feræ, sicut sentes & spinæ, & sicut hostes, cum quibus Ecclesia non cohabitare potest plus quam quis potest habitare in Bestiario ubi sunt tigrides & leopardi; nec plus quam quis potest cubare in lecto, cui herbae toxicatæ sunt substratæ, ac pulvinaribus insertæ; neque plus quam quis potest noctu dormire in Templo, sub cujus pavimento sunt sepulchra in quibus cadaveræ, numine illum ibi spectra sicut furæ infestarent.

*Quod Contritio, de qua hodie dicitur quod præcedat Fidem,
et quam sequitur consolatio Evangelii,
non sit Pænitentia.*

512. In Christiano Reformato Orbe traditur quædam species anxietatis, doloris, & terroris, quam vocant CONTRITIONEM, quæ apud regenerandos præcedit illorum fidem, & quam sequitur consolatio Evangelii; dicunt, quod contritio illa apud eos exoriatur ex timore pro justa ira Dei, & inde æterna damnatione, cuivis ex peccato Adami & inde proclivitate ad mala inhærente, & quod absque illa Contritione, fides, quæ est imputativa meriti & justitiae Domini Salvatoris, non donetur, & quod illi, qui hanc fidem adepti sunt, consolationem Evangelii recipiant, quæ est, quod justificantur, hoc est, innoventur, regenerentur & sanctificantur, absque ulla illorum cooperatione, & quod sic a damnatione transferantur in æternom benedictionem, quæ est vita æterna. Sed de Contritione hac expendendum est.

1. Num sit pænitentia. 2. Num sit alicujus momenti. 3. Num detur.

513. NUM CONTRITIO ILLA SIT PÆNITENTIA, VEL NON, concludi potest a Pænitentia descriptione in sequentibus, quod non dabilis sit, nisi homo non modo universaliter sed etiam singulariter sciat quod peccator sit, quod nemo fecire potest, nisi exploret se, & videat illa apud se, & propterea se damnet. Contritio autem illa, quæ prædicatur necessaria ad fidem, nihil commune tenet cum illis, nam est modo cogitatio & inde confessio, quod in peccatum Adami, & in proclivitatem ad mala inde scaturientia natus sit; & quod propterea ei sit ira Dei, & inde ex merito damnatio, devotio, & mors æterna: ex quibus patet, quod contritio hæc non sit pænitentia.

514. Alterum momentum est; quoniam Contritio illa non est Pænitentia, NUM SIT ALICUJS MOMENTI; dicitur quod illa conferat ad fidem, sicut præcedens ad sequens, sed quod usque non intret illam, & cum illa se conjungat, miscendo se; sed quid fides, quæ sequitur, aliud quam quod Deus Pater imputet justitiam Filii sui, & tunc hominem non alicujus peccati concium declarat justum; novum & sanctum, & sic induat stola per sanguinem Agni lavata & candida facta; in qua stola cum incedit, quid tunc mala vitæ ejus, nisi sicut lapides salphurei projecti in fundum maris, & quid tunc peccatum Adami, nisi tale quod vel teatum, vel

remotum, vel per imputatam Christi justitiam abductum; cum homo ex illa fide in justitia & tunc simul in innocentia Dei Salvatoris, ambulat, quid tunc Contritio illa inservit, nisi ad fiduciam quod sit in sinu Abrahami, & inde spectet non contritos ante fidem, ut miseris in inferno, aut ut mortuos; nam dicitur, quod fides viva non sit in illis, qui contritione carent; quare dici potest, quod illi si se immerserint, aut se immergant damnabilibus malis, non plus attendant ad illa, & sentinat illa, quam catuli porei jacentes in cæno in fossis plateæ graveolentiam. Ex his patet, quod Contritio illa, dum non est Pænitentia, non sit aliquid.

515. Tertium Momentum, quod expendendum, est, NUM CONTRITIO ILLA ABSQUE PÆNITENTIA DETUR; in Mundo spirituali quæsivi multos, qui fidem imputativam meriti Christi apud se confirmaverunt, num aliquam Contritionem habuerint, & responderunt, quid Contritio, cum a pueritia pro certo credidimus, quod Christus passione sua omnia peccata illorum sustulerit; cum hac fide non quadrat contritio, Contritio enim est se conjicere in infernum, & conscientiam cruciare, cum tamen sciunt, quod redempti sint, & sic exempti inferno, & inde indemnes; his addiderunt, quod statutum Contritionis non sit nisi figmentum, quod loco Pænitentiæ, quod toties in Verbo memoratur, & quoque injungitur, acceptatum est; quod forsitan sit aliqua emotio mentis apud simplices qui non sciunt nisi parvum de Evangelio, quando de cruciatis in inferno audiunt aut cogitant; & dixerunt, quod consolatio Evangelii illis a prima adolescentia impressa, amoverit Contritionem ita, ut corde riferint ad illam, cum nominabatur, & quod Infernum non potuerit illis terrorem incutere plus quam potest ignis Vesuvii & Æthnæ illis qui Warsoviæ & Viennæ habitant; nec plus quam basilisci & echidnæ in desertis Arabiae, aut tigrides & leones in sylvis Tartariæ, illis qui in urbe aliqua Europæ in tuto, tranquillo & quieto sunt: & quod ira Dei non plus terruerit & contriverit illos, quam potest ira Regis Persiæ illos qui in Pensylvania sunt. Ex his, & quoque ex rationibus deductis ex traditionibus illorum, confirmatus sum, quod Contritio, nisi sit Pænitentia, qualis describitur in sequentibus, non sit aliud quam iudicium phantasie. Quod Reformati loco pænitentiæ assumserint Contritionem, fuit etiam causa, ut a Romano-Catholicis, qui Pænitentiam, & simul Charitatem, urgent, divellerentur, & postquam confirmaverunt justificationem per solam fidem, allegarunt rationem, quod per Pænitentiam sicut per Charitatem, aliquid hominis quod sapit meritum, in fidem suam intraret, & denigraret illam.

*Quod sola Confessio oralis, quod Pecator sit, non sit
Pænitentia.*

516. De Orali hac Confessione ita tradunt Reformati Augstanæ Confessioni addicti: „ Nemo usquam potest scire sua peccata, quare non possunt enumerari, sunt quoque interiora & recondita, quare confessio foret falsa, incerta, manca & mutila; qui autem confitetur totum se esse merum peccatum, is comprehendit omnia peccata, nullum excludit, & nullius obliviscitur. At usque enumeratio peccatorum, tametsi non necessaria est; non tollenda est, propter teneras & pavidas conscientias, sed hæc est modo puerilis & communis forma confessionis pro simplicioribus & rudioribus ”. FORMULA ONCORDIAE pag. 327. 331. 380. Sed hæc Confessio loco Pænitentiæ actualis a Reformatis, postquam se a Romano-Catholicis separaverant, acceptata est, quia fundatur super Fide imputativa illorum, quæ sola absque Charitate, & sic quoque absque Pænitentia, remissionem peccatorum operatur, & hominem regenerat; & quoque su-

per hoc, quod illius fidei indulsa appendix est, quod nulla sit Cooperatio hominis cum Spiritu sancto in actu justificationis; & super hoc, quod nulli sit Liberum arbitrium in spiritualibus; & super hoc iterum, quod omnia sint immediatae Misericordiae, & non hilum mediatae ab homine & per illum.

517. Quod sola oralis Confessio, quod peccator sit, non sit Pænitentia, inter plures causas est hæc, quod unusquisque homo hoc exclamare possit, & impius & quoque Diabolus, & hoc cum externa devotione, quando cogitat de cruciatis imminentibus & presentibus in inferno; sed quis non videt quod hoc non sit ex aliqua devotione interna, proinde quod sit imaginativum, & inde pulmonicum, non autem voluntarium ab interiori, & inde non cardiacum, nam impius & diabolus usque intus ardente concupiscentiis amoris faciendi malum, ex quibus feruntur sicut molæ procellis actæ, quare talis exclamatio non aliud est, quam machinatio ut fallat Deum, aut decipiatur simplices, propter liberationem: quid enim facilius est, quam adigere labra ad vociferandum, & accommodare ei spiritum oris, ac tollere oculos, & levare manus sursum; hoc idem est, quod Dominus dicit, apud Marcum, *Recte prophetavit Esajas de vobis hypocritis, hic populus labiis Me honorat, cor vero eorum procul abest*, VII: 6. & apud Matthaeum, *Væ vobis Scribae & Pharisæi, quia purgatis exterius poculi & patinæ, interiora vero sunt plena rapina & intemperantia: Pharisæi cace, purga prius interius poculi & patinæ, ut fiat etiam exterius mundum*, Cap. XXIII: 25. 26., & plura in eodem Capite.

518. In simili hypocritico cultu sunt illi qui apud se confirmaverunt Fidem ho- diernam, quod Dominus per Passionem crucis sustulerit omnia peccata Mundi, & per id intelligent eujusvis, modo orent formulas de Propitiatione & Mediatione; quidam ex his possunt super Suggestis elata voce & sicut ardente zelo, effundere multa sancta de Pænitentia & de Charitate, ac utramque opinantur vanam ad salutem, nam pænitentiam non aliam intelligunt, quam Confessionem oralem, & Charitatem non aliam quam forensem; sed illud faciunt populi gratia. Hi sunt, qui per hæc Domini verba intelliguntur, *Multi dicent Mihi in illo die, Domine, Domine, nonne per Nomen tuum prophetavimus, & in Nomine tuo virtutes multas fecimus, sed tunc confitebor illis, non novi vos, discedite a Me operarii iniustitatis*, Matth. VII: 22. 23. Quondam in Mundo Spirituali audivi aliquem orantem ita: Sum plenus scabie, leprosus, fædus ab utero matris, non apud me integrum est a capite ad volam pedis, non dignus sum levare oculos sursum ad Deum, sum reus mortis & damnationis æternæ, miserere mei propter Filium tuum, sanguine ejus purifica me, in beneplacito tuo est salus omnium, imploro misericordiam. Adstantes his auditis quæsiverunt, unde scis quod talis sis, respondit, scio quia audiui; sed tunc missus est ad Angelos exploratores, coram quibus similia loquutus est, & hi post inquisitionem factam, retulerunt, quod veritates de se loquutus fit; sed quod usque non sciat unum malum apud se, quia nusquam exploraverat se, & crediderat, quod mala post oralem confessionem non essent amplius mala coram Deo, tam quia Deus avertit oculos ab illis, quam quia propitiatus est, & quod propterea non resipuerit ab ullo, tametsi esset adulter ex proposito, prædo, dolorus obtrectator, & ardens vindicator, & quod talis esset voluntate & corde, & inde talis foret loquela & factis, nisi timor legis & jaeturæ famæ illum inde retraheret; postquam compertum est, quod talis esset, judicatus est, & ad hypocitas in Inferno rejectus.

519. Quales illi sunt, illustrari potest per Comparationes: sunt sicut Tempa, in quibus sunt modo spiritus Draconis, & illi qui per Locutas in Apocalypsi intelleguntur, congregati; & sunt sicut Pulpita ibi, ubi non est Verbum, quia repositum sub pedibus. Sunt sicut Parietes incrustati, & incrustatio pulchre colorata; intra quos apertis fenestris volitant ululæ, & ditæ noctis aves. Sunt sicut Sepulchra dealbata, in quibus sunt ossa mortuorum. Sunt sicut Monetae ex amur-

eis seu aresfactis simis factæ & auro obductæ. Sunt sicut cortices & codices circum putre lignum: ac sicut vestes filiorum Aharonis circum leprosum corpus: imo sicut ulcera, intra quæ sanies, obducta tenui cute, quæ creduntur sanata. Quis non seit, quod sanctum externum & prophanum internum non una concordent. Tales etiam præ aliis tñnt se explorare; quare non plus sentiunt vitiosa in se, quam nidorosa & granveolenta in ventriculis & in iliis, antequam in latrinam ejecta sunt. Sed tenendum est, quod illi, de quibus hactenus dictum est, non confundendi sint cum illis, qui bene agunt & bene credunt; nec cum illis, qui pænitentiam ab aliquibus peccatis agunt, & ex parili confessione oralij, dum in cultu, & plus dum in temptatione spirituali, secum loquuntur aut orant; nam communis illa confessio & præcedit & sequitur reformatiorem & regenerationem.

*Quod homo nascatur ad omnis generis mala, & quod nisi
removeat illa quoad partem per pænitentiam, ma-
neat in illis, & qui manet in illis, non potest
salvari.*

520. Quod omnis homo nascatur ad mala, ita quod ab utero matris non sit nisi quam malum, in Ecclesia notum est; & notum factum est ex causa, quia a Conciliis & a Præsulibus Ecclesiarum traditum est, quod peccatum Adami traducum sit in omnem posteritatem, & quod hoc unicum sit, propter quod omnis homo post illum una cum illo damnatus sit, & quod hoc sit quod cuivis a nativitate inhæret: præterea super hac assertione fundata sunt plura, quæ Ecclesiæ docent, ut quod Lavacum regenerationis, quod vocatur Baptisma, a Domino institutum sit, ut hoc peccatum removeatur; & quod hoc fuerit causa Adventus Domini, & quod Fides in meritum Ipsijs, sit medium per quod removetur, præter plura, quæ Ecclesiæ super hac assertione fundaverunt. Sed quod ex illa origine non sit aliquid malum hereditarium; constare potest ex illis, quæ supra n: 466 seq. ostensa sunt, quod Adamus non fuerit Primus hominum, sed quod per Adamum & ejus uxorem repræsentatur prima Ecclesia in hoc Orbe, & per Hortum Edenis ejus sapientia, & per Arborem vitae ejus aspectus ad Dominum venturum, & per Arborem scientiæ boni & mali, ejus aspectus ad se & non ad Dominum; quod hæc Ecclesia per prima Capita Geneseos repræsentative descripta sit, in ARCANIS CÆLESTIBUS Londini editis ex multis parallelis locis e Verbo evictum est. Ex his intellectis & assumptis cadit opinio hactenus fota, quod malum homini a parentibus innatum inde sit, cum tamen non inde sed aliunde suam originem trahit. Quod Arbor vitae & Arbor scientiæ boni & mali, sint apud unumquemvis hominem, & quod dicantur posite in aliquo horto, significaverint Liberum arbitrium se vertendi ad Dominum, & se avertendi ab Ipsi, in Capite de LIBERO ARBITRIO plene demonstratum est.

521. Sed, mi amice, malum hereditarium non aliunde est quam ex Parentibus, non quidem ipsum malum, quod homo actualiter committit, sed inclinatio ad illud; quod ita sit, quisque agnoscat, modo rationem adjungat experientiis; quis non seit, quod filii nascantur in communem similitudinem suorum parentum quoad facies, ac mores & animos, & quoque nepotes & pronepotes in avorum & atavorum, & quod inde a multis internoscantur familiæ, & quoque nationes, sicut Africana ab Europæis, Neapolitanæ a Germanis, Angli a Gallis, & sic porro; & quis non cognoscit Judæum a facie; oculis, loqueliis & gestibus; & si potuisse fentire Sphæram vitæ exundantem ex cujusvis nativa indole, potuisses similiter convinci de similitudine animorum & mentium. Ex his sequitur, quod homo non

nascatur in ipsa mala, sed modo in inclinationem ad mala, sed procliviorem plus aut minus ad particularia; quare post mortem nullus judicatur ex aliquo malo hæreditario, sed ex actualibus, quæ ipse commisit; hoc etiam evidens est ex hoc statuto Domini, *Non morietur pater propter filium, & filius non morietur propter patrem, quisque ex peccato suo morietur*, Deuter. XXIV: 16. Hoc mihi certum factum est in Mundo spirituali ex infantibus qui moriuntur, quod modo inclinent ad mala, ita quod velint, at usque non faciunt illa; educantur enim sub auspicio Domini, & salvantur. Supradicta illa inclinatio & proclivitas ad mala a parentibus traducta in liberos & in posteros, unice frangitur per novam nativitatem a Domino, quæ vocatur Regeneratio, absque haec inclinatio illa non modo non interrupta manet, sed etiam a successivis parentibus accrescit, & proclivior ad mala fit, & tandem ad omne genus eorum: inde est, quod Iudei adhuc sint imagines Iudeæ patris eorum, qui Cananitidem in uxorem duxit, & ex adulterio cum Thamare nuru sua tres eorum stirpes genuit; quare hoc hæreditarium successu temporis apud illos ita adauersum est, utique ut non possint amplecti religionem Christianam ex fide cordis: dicitur, quod non possint, quia interior mentis eorum voluntas adversatur, & hæc voluntas dat non posse.

522. Quod omne malum nisi removetur, apud hominem maneat, & quod homo si in suis malis manet, non possit salvari, ex se consequitur; quod non aliquod malum possit removeri nisi a Domino apud illos qui credunt in Ipsum, & amant proximum, ex anteactis evidenter constare potest; imprimis ex his in Capite de FIDE, *Quod Dominus, Charitas & Fides unum faciant, sicut vita, voluntas & intellectus, & si dividuntur, unumquodvis pereat sicut Unio dilapsa in pollinem*. Et ex his ibi, *Quod Dominus sit Charitas & Fides in homine, & quod homo sit Charitas & Fides in Domino*. Sed queritur, quomodo homo in illam unionem intrare potest, respondetur, quod non possit, nisi mala sua quoad partem removeat per pænitentiam: dicitur, ut homo removeat, quia Dominus absque cooperatione hominis non immediate id facit; quod etiam in eodem Capite, & in sequente de LIBERO ARBITRIO, plene ostensum est.

523. Perhibetur, quod nemo possit implere Legem, & eo minus, quoniam qui prævaricatur contra unum præceptum Decalogi, prævaricatur contra omnia: verum hæc loquutionis formula non est sicut sonat; nam hoc ita intelligendum est, quod qui ex proposito aut confirmato agit contra unum præceptum, ille agat contra reliqua, quoniam ex proposito & confirmato agere, est prorsus negare quod peccatum sit, & quod si dicitur quod sit, id ut nihil rejiciat; & qui ita negat & rejicit peccatum, ille nihil pendit omne quod peccatum vocatur. In hoc propositum veniunt illi, qui non volunt audire aliquid de Pænitentia: vicissim autem in propositum credendi in Dominum & amandi proximum veniunt illi, qui per pænitentiam removerunt aliqua mala quæ peccata sunt; hi a Domino in proposito abstinendi a pluribus tenentur; quare si hi ex inscitia aut ex præpollente aliqua concupiscentia peccant, hoc illis non imputatur, quia id sibi non proposuerunt, nec apud se confirmant. Hoc confirmare licet per hæc; in Mundo spirituali offendit plures, qui in Mundo Naturali similes aliis vixerant, splendide se vestiendo, laute epulando, cum fænore sicut alii negotiando, ludos scenicos spectando, de amatoribus sicut ex libidine jocando, præter consimilia alia, & tamen Angeli quibusdam inculabant illa ut mala peccati, & quibusdam non inculpabant illa ut mala, & hos declarabant infontes, illos autem fontes: ad interrogationem cur ita, cum tamen parilia fecerunt, respondebant, quod ex proposito, intentione & fine omnes contemplentur, & secundum illa distinguant, & quod ideo illos, quos finis aut excusat aut damnat, ipsi excusent aut damnent, quoniam finis boni est omnibus in Cælo, & finis mali est omnibus in Inferno.

524. Sed hæc illustrabuntur per Comparationes; cum peccatis retentis apud ho-

minem impænitentem, cum variis morbis apud illum, quibus nisi applicantur medicinæ, & per has auferuntur maligna, homo moritur; imprimis cum morbo gan-græna vocato qui nisi in tempore sanatur, circum spargit se, & lethum non evitabilem inducit: similiter cum apostematibus & abscessibus, nisi solvuntur & aperiuntur, inde enim empyemata seu collectiones puris se effusuræ in vicina, & inde in annexa viscera, & demum in cor, unde mors. Comparari etiam potest cum tigribus, pardis, leonibus, lupis, & vulpibus, quæ nisi teneantur in caveis, aut vinciantur catenis vel funibus, invaderent gregem & armentum, & vulpis gallinas, ac trucidarent: & quoque cum serpentibus venenatis, qui nisi compresisti tenerentur paxillis, aut illis dentes auferrentur, homini lethiferos ictus infligerent; totus grex, si relinqueretur in campis, ubi sunt toxicatæ herbae, periret, nisi a pastore in pascua innocua abduceretur: periret etiam bombyx, & sic omne sericum, nisi alieni vermes ex foliis ejus arboris excuterentur. Comparari etiam potest cum frumentis in hordeis aut domibus, quæ mucilenta & rancida & sic inutilia redderentur, si aeri non daretur copia intermeandi, & dama tollendi. Ignis nisi in primo limine extingueretur, totam urbem aut sylvam depopularetur. Hortus tribulis, carduis & sentibus totus occuparetur, nisi eradicantur. Hortorum magistri sciunt, quoad arbor a semine & radice mala inferat succos suos malos in caudicem arboris bonæ insitæ aut inoculatæ, & quod succi mali, qui subintrant, vertantur in succos bonos, & producant fructus utiles; simile fit homini per remotionem mali media pænitentia, per hanc enim homo inseritur Domino sicut ramus Viti, & fert fructus bonos, Joh. XV: 4. 5. 6.

Quod cognitio peccati, & exploratio alicujus apud se, pænitentiam inchoet.

525. Cognitio peccati nemini in Christiano Orbe deesse potest; quisque enim ibi ab infantia instruitur quid malum, & a pueritia quid malum peccati; hoc discunt omnes ephebi a parentibus & magistris, & quoque ex decalogo, qui est Liber initialis omnibus intra Christianismum, & in progressu postea a prædicationibus in Templis, & ab instructionibus in Domibus; & in plenitudine Verbo; & insuper a legibus justitiae civilibus, quæ similia docent quæ Decalogus, & quæ Verbum alibi: nam malum peccati non aliud est, quam malum contra proximum, & malum contra proximum, est etiam malum contra Deum, quod est peccatum. Sed cognitio peccati non facit quicquam, nisi homo exploret suæ vitæ acta, & videat num tale quid in occulto aut in manifesto fecerit, prius est omne id modo scientia, & tunc id quod concionator profert, est modo sonans quid in aure sinistra, & qua transit in dextram, & aufugit; & tandem fit illud duntaxat cogitativum & devotum pulmonare, & apud plures imaginarium & chimæricum: Sed aliter prorsus, si homo secundum cognitiones, quid peccatum, explorat se, & offendit aliquod apud se, & secum dicit, hoc malum est peccatum, & ex timore pænæ æternæ abstinet ab illo: tunc primum Prædicatio instructiva & oratoria in Templis, recipitur utraque aure, & infertur in cor, & homo ex pagano fit Christianus.

526. Quid notius potest esse in toto Christiano Orbe, quam quod hominem oporteat se explorare, nam ubivis in Imperiis & Regnis tam Romano-Catholicæ quam Evangelicæ Religioni addictis, ante accessionem ad Sanctam Cænam docetur & monetur, ut homo exploret se, ac cognoscat & agnoscat sua peccata, & e novo vivat aliter; & hoc cum horribilibus minis in Dominiis Angliæ, ubi ex Oratione præcedânea ante Communionem ex Altari ab Antistite leguntur & exclamantur hæc,, Hæc est via,

& hoc est medium, ut siat dignus particeps sancte Cænæ: primarium est, ut
 exploret suæ vitæ facta & commercial secundum normam præceptorum Dei, &
 in quibuscumque animadvertisit se offendisse voluntate, loquela aut facto, tunc
 deploret vitiosam suam naturam, & confessionem faciat coram Omnipotente
 Deo, cum plero proposito emendandi vitam; & si animadvertisit offensas tales
 esse, ut non modo sint contra Deum, sed etiam contra proximum, tunc re-
 conciliabit se illi, & promptus erit ad restitucionem & satisfactionem ex omni
 potentia sua, propter injurias & mala alicui facta, & similiter promptus erit
 ad remittendum aliis offensas, quemadmodum vult ut offensæ suæ remittan-
 tur a Deo; alioquin receptio Sanctæ Communionis non aliud facit quam quod
 aggraveret damnationem. Quapropter, si quis vestrum est blasphemator Dei,
 obrectator & fugillator Verbi Ipsijs, aut adulter, aut in malitia vel in male-
 volentia, aut in aliquo alio enormi crimen, pænitentiam a peccato age; si
 non, ad sanctam Communionem ne accedas; alioquin post receptionem ejus,
 diabolus intraturus est in te, sicut intravit in Judam, & impleturus est te om-
 ni iniquitate, & destructurus & corpus & animam".
 527. At usque sunt aliqui, qui non possunt se explorare, sicut infantes, pueri &
 puellæ ante adiectam ætatem dum suæ intuitionis fiunt: pariter simplices, qui
 nullius reflexionis sunt; tum etium cuncti, quibus non timor Dei; & præter hos
 aliqui ægroti animo & corpore: & insuper illi, qui confirmati ex doctrina justifi-
 cationis per solam fidem imputativam mériti Christi, sibi persuaserunt, quod per
 explorationem & inde pænitentiam, aliquid hominis intraret, quod pesum daret
 fidem, & sic salutem extra unicum suum focum ejiceret & projiceret. His & il-
 lis inservit modo confessio oralis, quæ quod non sit pænitentia, supra in
 hoc Capite ostensum est. Sed illi qui sciunt quid peccatum, & magis qui sciunt
 plura ex Verbo, & docent illa, & non explorant se, & inde nullum peccatum in
 se vident, assimilari possunt illis, qui corradiunt opes, & illas reponunt in sceniis
 & arculis, absque alio usu ex illis, quam ut spectentur & numerentur: & illis
 qui in thesauraria colligunt Clenodia auri & argenti, & in cellariis occidunt illa,
 propter solum finem opulentia; qui similes sunt negotiatori, qui talentum suum
 recondidit sub terra, & qui minima suam in sudario, Matth. XXV: 25. Lue.
 XIX: 20. Sunt etiam sicut duræ via & petræ, in quas semen cadit, Matthi.
 XIII: 4. & quoque sicut ficus luxuriantes foliis, & non ferunt fructus, Marc. XI:
 12. Suntque corda adamantina, quæ non fiunt carnea, Sach. VII: 12. Sunt
 sicut perdices, quæ colligunt & non pariunt, faciunt divitias sed non cum judicio, in
 medio dierum suarum deferunt illas, & in postremitate sua sunt stulti, Jerem. XVII:
 11. Sunt sicut quinque virgines, quibus lampades & non bleum, Matth. XXV:
 1 ad 12. Illi, qui ex Verbo hauriunt multa de charitate & de pænitentia,
 & sciunt præcepta in copia, & non vivunt secundum illa, comparari possunt cum
 voracibus, qui cibaria in frustis ingerunt in buceam, & non communica dentibus
 inferunt in ventrem, ubi indigesta morantur, & inde expresa inquinant chylum,
 & inducent lentes morbos, a quibus tandem misere moriuntur. Tales quia sunt
 absque spirituali calore, utecumque in luce, vocari possunt hyemes, terræ frigidæ,
 climata arctica, imo nives & glacies.

Quod

Quod actualis Pænitentia sit explorare se, cognoscere & agnoscere sua peccata, supplicare ad Dominum, & novam vitam inchoare.

528. Quod Pænitentia omnino agenda sit, & quod inde pendeat salus hominis, ex multis locis & evidentibus effatis Domini in Verbo, constat, e quibus hæc in præsenti adducuntur, *Johannes prædicavit baptisma pænitentia, & dixit, facite fructus dignos pænitentiam*, Luc. III: 3. 8. Marc. I: 9. *Incepit Jesus prædicare & dicere, pæniteat vos*, Matth. IV: 17. & dixit, *quia appropinquavit Regnum Dei, pænitentiam agite*, Marc. I: 14. 15. tum, *Nisi pænitentiam egeritis, omnes peribitis*, Luc. XII: 5. *Jesus præcepit discipulis, quod oporteret prædicari in Nominis Ipsijs Pænitentiam & Remissionem peccatorum omnibus gentibus*, Luc. XXIV: 47. Marc: VI: 12. Quare Petrus prædicavit pænitentiam & baptisma in nomine Jesu Christi in remissionem peccatorum, Act. II: 38. & quoque dixit, *Agite pænitentiam, & convertite vos, ut deleantur vobis peccata vestra*, Act. III: 19. Paulus prædicavit omnibus ubivis, ut pænitentiam agerent, Act. XVII: 30. Paulus etiam in Damasco, in Hierosolyma, per totam regionem Iudæa, & gentibus, annuntiavit, ut pænitentiam agerent, & converterent se ad Deum, ac ut digna pænitentia opera facerent, Act. XXVI: 20. Et quoque contestatus & Iudaïs & Græcis pænitentiam ad Deum, & fidem in Dominum Jesum Christum, Act. XX: 21. Dominus dixit ad Ecclesinam Ephesinam, *habeo contra te, quod charitatem primam reliqueris, age pænitentiam, si minus emovebo candelabrum tuum e loco suo, si non pænitentiam egeris*, Apoc. II: 2. 4. 5. Ad Ecclesiam in Pergamo, *Novi opera tua, pænitentiam age*, Apoc. II: 16. Ad Ecclesiam in Thyatiris, *Tradam illam in afflictionem, si non pænitentiam egerit ex operibus suis*, Apoc. II: 19. 22. 23. Ad Ecclesiam Laudicensem, *Novi opera tua, zelum exerce, & age pænitentiam*, Apoc. III: 15. 19. *Est gaudium in Celo super uno peccatore pænitentiam agente*; Luc. XV: 7. præter alibi. Ex his patet, quod Pænitentia omnino agenda sit, sed qualis & quomodo, in sequentibus manifestabitur.

529. Quis non potest ex ratione sibi data intelligere, quod non sit pænitentia solum ore confiteri quod peccator sit, ac enuntiate plura de eo, sicut hypocrita, de quo supra n: 518, memoratum est, nam quid facilius homini cum in angore & agone est, quam ex pulmone exspirare, & inde per labra effundere suspiria & gemitus, & quoque pulsare pectus, & facere se reum omnium peccatorum, cum tamen nullius apud se conscientis est; num simul tunc cum suspirio diabolica turba, quæ amoribus ejus inest, exit, numne hæc potius sibilat ad illa, & remanet in illo ut prius sicut in sua domo. Ex his patet, quod talis pænitentia non intellecta sit in Verbo, sed quod ab operibus malis, ut dicitur.

530. Quæritur itaque quomodo Pænitentia agenda est, respondetur quod actualiter, & hoc est, explorare se, cognoscere & agnoscere sua peccata, supplicare ad Dominum, & novam vitam inchoare: quod Pænitentia non dabilis sit absque exploratione, in Articulo, qui præcedit, ostensum est; sed ad quid exploratio, nisi ut cognoscatur sua peccata, & ad quid cognitione nisi agnoscatur quod illa in illo sint, & ad quid tria illa, nisi ut confiteatur illa coram Domino, & supplicetur de suppeditiis, & ab hoc inchoare novam vitam, quæ est finis propter quem; hæc est actualis pænitentia. Quod ita progrediendum & faciendum sit, scire potest unusquisque homo post primam ætatem, & plus & plus sicut sui juris & suæ rationis sit, ex Baptismo, per cuius lavationem intelligitur Regeneratio, nam in illo patrini pro-

illo sponsonterunt, quod rejecturus sit diabolum, & omnia ejus opera: similiter ex Sancta Cæna, ante cuius accessionem dignati præmonentur omnes, ut a peccatis pænitentiam agant, & se ad Deum convertant, & novam vitam ingrediantur: & præterea ex Decalogo seu Cathechismo, qui in omnium Christianorum manibus est, ubi in sex præceptis Decalogi non aliud mandatur, quam ut non mala faciant; quæ nisi quis per pænitentiam removet, non potest amare proximum, & minus Deum; cum tamen ex duobus his mandatis pendent Lex & Prophetæ, hoc est, Verbum, proinde salus. Actualis pænitentia, si alternis vicibus agitur, nimirum quoties homo ad communionem sanctæ Cænæ se præparat, si postea ab uno seu ultero peccato, quod tunc deprehendit apud se, abstineat, satis est ad initiandum se in actualitatem; in qua cum est, in via est ad Cælum, nam tunc homo incipit a naturali spiritualis fieri, & nasci novus a Domino.

531. Hoc per sequentes Comparationes illustrari potest: Homo ante pænitentiam est tanquam desertum, in quo sunt terribiles feræ, dracones, bubones ululæ, echidnæ & hemorrhoides, & in dumetis ibi ochim & tzium, & saltant satyri; at postquam hæc industria & opera hominum ejecta sunt, desertum illud potest exarari & excoli in arya, & eis inseminari primum avenæ, fabæ & linum, & postea hordea & tritica. Et quoque comparari potest cum malitia, quæ in copia regnat apud homines, nisi malitiosi secundum leges castigantur ac punirentur plagis aut morte, nulla urbs consisteret, pariter nullum regnum: Homo est sicut societas in minima forma, nisi similiter secum ageret spirituali modo, sicut agitur cum malitiosis in magna Societate naturali modo, ille post mortem castigaretur & puniretur; & hoc usque eo dum ex timore pæna malum non facit, tametsi nusquam redigi potest ad bonum faciendum ex amore boni.

*Quod vera Pænitentia sit explorare non modo acta vitæ suæ,
sed etiam intentiones voluntatis suæ.*

532. Quod vera Pænitentia sit explorare non modo acta vitæ suæ, sed etiam intentiones vitæ voluntatis, est quia Intellectus & Voluntas faciunt acta; loquitur enim homo ex cogitatione, & agit ex voluntate, quare loquela est cogitatio loquens, & actio est voluntas agens, & quia inde sunt loquela & actiones, indubie sequitur, quod illa duo sint, quæ peccant quando corpus; & quodque potest homo pænitentiam agere a malis quæ corpore egerat, & usque cogitare & velle malum; sed hoc est sicut amputare truncum arboris malæ, & relinquere radicem ejus in terra, ex qua excrevit eadem arbor mala, & se circum spargit: aliter vero cum etiam radix evellitur, & hoc sit in homine, quando simul intentiones voluntatis suæ explorat, & mala per pænitentiam amoget. Homo explorat intentiones voluntatis suæ, dum explorat cogitationes suas, nam intentiones se in illis manifestant; quemadmodum dum cogitat, vult & intendit vindictas, adulteria, furtæ, & testificationes falsas, & cupiditates ad illa, & quodque blasphemias contra Deum, sanctum Verbum & Ecclesiam, & sic porro; hic si illuc usque intendit animum, & scrutatur num facturus sit illa si non timor legis & famæ obstaret, qui tunc post scrutinium cogitat, quod non velit illa, quia peccata sunt, ille veram & interiorem pænitentiam agit; & adhuc plus dum in jucundo illorum malorum est, & simul in libero faciendo illa, & tunc resistit & abstinet; qui hoc iteratis vicibus exercet, ille jucunda malorum, dum redeunt, ut injucunda percipit, & demum damnat illa ad infernum: hoc est, quod intelligitur per hæc Domini verba; *Qui quis vult invenire animam suam, perdet eam, & quisquis perdiderit animam suam propter Me, inveniet illam, Matth. X: 39.* Ille qui mala voluntatis suæ per hanc

pænitentiam removet, similis est illi, qui zizania a Diabolo inseminata ex agro in tempore evellit, unde semina a Domino Deo Salvatore implantata nanciscuntur liberam humum, & germinant in messem, Matth. XIII: 25 ad 31.

533. Sunt duo amores qui e longævo tempore generi humano irradicati sunt, amor dominandi super omnes, & amor possidendi omnium bona; prior amor, si ei relaxantur fræna, ruit eo usque ut velit esse Deus cæli; & posterior amor, si ei relaxantur fræna, ruit eo usque ut velit esse Deus mundi; his duobus amoribus subordinati sunt omnes reliqui amores mali, qui sunt exercitus: sed illos duos explorare, perquam difficile est, quia intime resident, & se abscondunt, sunt enim sicut viperæ in petra foraminosa occultatae, quæ venenum suum retinent, ut dum quis super petra illa cubat, lethales ictus infligunt, & se retrahunt. Sunt etiam sicut veterum Sirenes, quæ cantu allelectabant homines, & per illum necabant: illi bini amores etiam se exornant illustribus togis & tunicis, sicut diabolus ex magica phantasia inter suos, & inter alios quos vult illudere. Sed probe sciendum est, quod illi bini amores possint plus regnare apud parvos quam apud magnos, apud inopes quam apud opulentos, apud subditos quam apud Reges, hi enim nati sunt ad dominium & ad gazas, quæ tandem illa non aliter aspiciunt, quam sicut alius sua familiaritia & possessionata, prætor sua, administrator sua, navarchus sua, imo sicut pauper colonus sua: aliter vero Reges qui ad dominium super aliorum Règna. Quod intentiones Voluntatis explorandæ sint, est causa, quia in Voluntate residet amor, est enim Voluntas receptaculum ejus, ut supra ostensum est, omnis amor inde exspirat jucunda sua in intellectus perceptiones & cogitationes, nam hæ non agunt quicquam ex se, sed ex Voluntate, favent enim ei, ac contentiunt & confirmant omnia quæ amoris ejus sunt; quare Voluntas est ipsa domus, in qua homo habitat, ac Intellectus est atrium, per quod exit & intrat. Inde est, quod dictum sit, quod intentiones Voluntatis explorandæ sint; quæ cum exploratæ ac remotæ sunt, homo elevatur è naturali Voluntate, cui mala hæreditaria & actualia insident, in Voluntatem spiritualem, per quam Dominus reformat & regenerat naturalem, & hac media sensualia & voluntaria corporis, ita totum hominem.

534. Illi, qui non explorant se, in similitudine sunt sicut ægri, apud quos sanguis ex occulis minimis vasis vitiosus est, unde atrophia, somnolentia membrorum, ac morbi acuti Chronicæ, ex spissitudine, tenacitate, acrimonia & acriditate humorum, & inde sanguinis oriundi; at vero illi qui explorant se etiam quoad intentiones Voluntatis, in similitudine sunt sicut illi, qui a morbis illis fatati sunt, & redeunt in vitam, in qua fuerunt dum juvenes. Illi qui rite explorant se, sunt sicut naves ex Ophiro, auro, argento & pretiosis refertæ, at antequam exploraverunt se, sunt sicut naves onustæ immundis, quibus exportantur platearum cæna & stercore. Illi qui interius explorant se, sunt sicut fodinæ, quarum omnes parietes splendent mineris nobilis metalli, prius autem sicut paludes nidorosæ, in quibus sunt coluri & serpentes venenati, qui coruscant squamis, & infecta noxia quæ nitent alis. Illi qui non explorant se, sunt sicut ossa arida in valle, at postquam exploraverunt se, sunt sicut eadem ossa, super quæ Dominus Jehovih dedit nervos, ascendere fecit carnem, quæ obduxit cute, & in quæ dedit spiritum, & vixerunt, Ezech. XXVII: 1 ad 14.

*Quod etiam Pænitentiam agant illi, qui non explorant se,
sed usque a malis, quia peccata sunt, desistunt : &
quod hæc pænitentia fiat ab illis, qui Chari-
tatis opera ex religione faciunt.*

535. Quoniam Pænitentia actualis, quæ est explorare se, cognoscere & agnoscere sua peccata, supplicare ad Dominum, & novam vitam inchoare, in Christiano Reformato Orbe maxime difficilis est, propter plures causas, de quibus in ultimo hujus Capitis Articulo, ideo facilior species Pænitentiæ adducetur, quæ est, ut quando quis malum versat animo, & illud intendit, sibi dicat, cogito hoc, & intendo hoc, sed quia peccatum est, non faciam illud ; per hoc injecta ab Inferno tentatio infringitur, & ulterior ejus ingressus inhibetur. Hoc mirabile est, quod quisque possit increpare alium, qui malum intendit, & dicere, ne fac illud quia peccatum est, & tamen difficulter ipse sibi id potest dicere, causa est, quia hoc movet voluntatem, illud autem modo cogitationem auditui proximam. Inquisitum est in Mundo spirituali, quinam hoc alterum possunt facere, ac inventi sunt tam pauci, sicut columbae in spatio deserto; & aliqui dixerunt, quod quidem id possint, sed quod explorare se, & peccata sua confiteri coram Deo, non possint; At usque omnes illi, qui bonum faciunt ex religione, evitant actualia mala, at quam rarissime super interiora, quæ Voluntatis sunt, reflectunt, credentes, quod in malis non sint quia in bonis, immo quod bona contingant mala; sed, mi amice! primarium Charitatis est fugere mala, hoc docet Verbum, hoc Decalogus, hoc Baptismus, hoc Sancta Cæna, hoc etiam Ratio, nam quomodo aliquis potest effugere mala, & illa ab alienare absque aliqua intuitione sui, & quomodo bonum potest fieri bonum, nisi interius purificatum est. Scio quod omnes pii, & quoque fani ratione, dum hæc legunt, annuituri sint, & visuri id ut genuinum verum, sed quod usque pauci ita facturi.

536. Sed usque omnes, qui bonum faciunt ex religione, non modo Christiani, sed etiam pagani, accepti sunt Domino, & post mortem adoptantur; nam dixit Dominus „Esurivi, & dedijs Mihi edere; siti vi & potastis Me; peregrinus fui, & induistis Me; ægrotus fui, & visitastis Me, in custodia fui & venistis ad Me & dixit, in quantum fecistis uni ex fratribus meis minimis, Mihi fecistis; venite benedicti, & tanquam hereditatem positiote paratum vobis Regnum a fundatione Mundi, Matth. XXV: 31 seq. His addam hoc Novum; omnes illi, qui bonum faciunt ex religione, post mortem rejiciunt doctrinam hodiernæ Ecclesiæ de Tribus personis Divinis ab æterno, & quoque ejus Fidem applicatam tribus illis in ordine, & se convertunt ad Dominum Deum Salvatorem, & cum voluptate hauriunt illa quæ Novæ Ecclesiæ sunt. Reliqui autem qui non Charitatem ex religione exercuerunt, sunt corda adamantina, ita dura, hi primum adeunt tres Deos, postea Patrem solum, & denique nullum, Dominum Deum Salvatorem ut solum Mariæ filium ex toro cum Josepho natum; & non ut Dei Filium, aspiciunt, & tunc omnia Novæ Ecclesiæ bona & vera excutunt, & mox adjungunt se spiritibus draconis, & cum illis abiguntur in deserta, aut in cavernas, quæ in ultimis terminis orbis nuncupati Christiani sunt, & post tempus, quia separati a Cælo Novo, in facinora ruunt, & ideo demittuntur in Infernum. Talis fors est illis, qui non Charitatis opera ex religione faciunt, ex fide quod nemo possit bonum facere a se nisi sit meritorium, & inde omittunt illa, & se aggregant hircis, qui damnati sunt, & in ignem aeternum paratum diabolo & angelis ejus, conjecti, propterea quia non fecerunt illa, quæ oves, Matth. XXV: 41 seq. non dicitur ibi, quod fecerint mala, sed quod

non

non fecerint bona, & qui bona non ex religione faciunt, illi mala faciunt, quoniam nemo potest servire duobus Dominis, quin unum odio habeat, & alterum amet, & uni adhaereat & alterum negligat, Matth. VI: 24: dicit Jehovah per Esajam, *Lavate vos, purificate vos, removete malitiam operum vestrorum a coram oculis meis, cessate malum facere, discite bonum facere;* & tunc si fuerint peccata vestra sicut coccinea, sicut nix albescens, si rubra fuerint sicut purpura, sicut lana erunt, Cap. I: 16. 17. 18; & ad Jeremiam, *Sta in porta domus Jehovæ, & proclama ibi verbum hoc;* sic dixit Jehovah Zebaoth Deus Iraelis, bonas reddite vias vestras & opera vestra; ne confidite vobis super verbis mendacii, dicendo, *Templum Jehovæ, Templum Jehovæ hic (hoc est, Ecclesia); num furando, occidendo, ac jurando per mendacium, deinde venietis & stabitis coram Me in Domo hac, super qua nominatur Nomen meum, & dicetis, erepti sumus, dum facitis omnes abominationes illas.* Num spelunca latronum facta est Domus hæc: etiam Ego, ecce, vidi, dictum Jehovah, Cap. VII: 2. 3. 4. 9. 10. 11.

537. Sciendum est, quod illi, qui ex sola bonitate naturali bonum faciunt, & non simul ex religione, post mortem non acceptentur, quia solum bonum naturale & non simul spirituale charitati illorum inest, & spirituale est, quod conjungit Dominum homini, & non naturale absque illo. Bonitas naturalis est solius carnis, adnata a parentibus, at Bonitas spiritualis est spiritus e novo nata a Domino. Illi, qui bona Charitatis ex religione faciunt, & inde non mala, antequam Doctrinam Novæ Ecclesiæ de Domino acceptarunt, assimilari possunt arboribus, quæ bonos fructus, tametsi paucos, ferunt, & quoque arboribus quæ fructus nobiles parvos, quæ nihilominis in hortis custodiuntur: & quoque assimilari possunt oleis & sieibus in fylvis: tum etiam herbis fragrantibus & arbustis balsamicis super Collibus: sunt sicut parvæ ædes seu domus Dei, in quibus pius cultus agitur: nam sunt oves a dextris, & arietes quos hirci impugnant, secundum Danielem Cap. VIII: 2 ad 14. In Cælo amicti sunt vestibus coloris rubri, & postquam initianti sunt in bona Novæ Ecclesiæ, amiciuntur vestibus coloris purpurei, quæ, sicut vera etiam recipiunt, pulchre fulvescent.

Quod Confessio coram Domino Deo Salvatore oporteat fieri, & tunc supplicatio de ope & potentia resistendi malis.

538. Quod Dominus Deus Salvator adeundus sit, est quia est Deus Cæli & Terræ, Redemptor & Salvator, cui Omnipotentia, Omniscentia, Omnipræsentia, Ipsa Misericordia & simul Justitia, & quia homo est Ipsi Creatura, & Ecclesia Ipsi Ovile, ac ut Ipsum adeant, colant & adorent, pluries in Novo Fædere mandavit; quod Solus adeundus sit, his verbis injunxit apud Johannem „Amen, amen dico vobis, qui non ingreditur per januam in Ovile, sed ascendit aliunde, is est fur & latro, qui vero ingreditur per januam, pastor est ovium. Ego sum Janua, per Me si quis introiverit, salvabitur, & pascuum inveniet; fur non venit nisi ut furetur, maolet & perdat; Ego veni ut vitam habeant & abundantiam, Ego sum Pastor bonus, Cap. X: 1. 2. 9. 10. 11. Quod homo non aliunde ascendere debeat, est ne ad Deum Patrem, quia Ille est invisibilis, & inde inaccessibilis & inconjungibilis, & ideo Ipse in Mundum venit, & se fecit visibilem, accessibilem, & conjungibilem, quod fuit unice propter finem, ut homo posset salvari; nam nisi Deus ut homo in cogitatione aditur, perit omnis idea de Deo, cadit sicut visus in universum, ita in inane nullum, aut in naturam, aut in obvia intra naturam. Quod Ipse Deus, Qui ab æterno est Unus, in Mundum venerit, patet clare a nativitate Domini Salvatoris,

quod

quod a virtute Altissimi per Spiritum Sanctum conceptus sit, & quod inde Humanum Ipsius a Maria Virgine natum sit, unde sequitur, quod Anima Ipsius fuerit Ipsum Divinum, quod Pater vocatur, est enim Deus individuus, & quod Humanum inde natum, sit Huianum Dei Patris, quod vocatur Filius Dei, Luc. I: 32. 34. 35: ex his iterum sequitur, quod dum Dominus Deus Salvator aditur, etiam Deus Pater adeatur; quare respondit Philippo petenti ut monstraret Patrem „Qui videt Me, videt Patrem, quonodo ergo tu dicis, monstra nobis Patrem, nonne credis quod Ego in Patre, & Pater in Me sit; credite Mihi, quod Ego in Patre, & Pater in Me sit, Joh. XIV: 6 ad 11. Sed de his videantur plura in Capitibus de Deo, Domino, Spiritu Sancto, & de Trinitate.

539. Sunt duo Debita, quæ homini incumbunt facere post explorationem, Supplicatio & Confessio. SUPPLICATIO erit, ut misereatur, det potentiam resistendi malis, quorum pænituit, & suppeditet inclinationem & affectionem faciendi bonum, Quoniam homo sine Ipso non potest facere quicquam, Joh. XV: 5. CONFESSIO erit, quod videat, cognoscat & agnoscat sua mala, & deprehendat se miserum peccatorem. Coram Domino non opus est Enumeratione peccatorum, nec supplicare de Remissione illorum; quod non opus fit Enumeratione peccatorum, est causa, quia illa apud se exploravit & vidiit, & inde illa apud Dominum præsentia sunt quia apud se; Dominus etiam in Exploratione duxit illum, & aperuit illa, & inspiravit maerorem, & unā cum hoc conatum desistendi ab illis, & inchoandi novam vitam. Quod coram Domino supplicatio de Remissione peccatorum non fieri debeat, sunt hæ causæ: Prima, quia peccata non abolentur, sed removentur, & removentur sicut homo postea desistit ab illis, & novam vitam ingreditur; sunt enim innumeræ Cupidientiæ, quæ cuivis malo, ut in globo, inhærent, quæ non possunt momento amoveri, sed successive sicut homo se patitur reformari & regenerari. Altera causa est, quod Dominus, quia est Ipsa Misericordia, remittat omnibus sua peccata, nec unum alicui imputet, dicit enim, non sciunt quid faciunt, sed usque non ideo ablata sunt, nam Petro interroganti, quoties remitteret fratri suo delicta, num usque ad septies, dixit, non dico tibi ad septies, sed usque ad septuagies septies, Matth. XVIII: 21. 22; quid non Dominus. Sed usque non nocet, quod quis gravatus conscientia, ut levetur, coram Ministro Ecclesiæ peccata sua enumaret, causa absolutionis; quia sic introducitur in habitum explorandi se, & super mala quotidiana reflectendi: sed hæc Confessio est naturalis, supra descripta autem est spiritualis.

560. Adorare aliquem Vicarium super terra, aut invocare aliquem Sanctum, ut Deum, non plus valet in Cælo, quam sicut supplicare ad Solem, Lunam, & Astra, & querere Divinatorem de responso, & credere effato ejus, quod vanum est; hoc foret etiam sicut adorare Templum & non Deum in Templo: & foret sicut supplicare servum Régis, portantem manu sceptrum & coronam ejus, de honoribus gloriæ, & non ipsum Régem: & hoc irritum foret, sicut abstracte a subjectis osculari splendorem purpuræ, gloriam, lucem, aureos radios solis, & solum nomen: Pro illis, qui talia faciunt, sint hæc, apud Johannem, *Manemus in veritate in Jesu Christo, Hic est verus Deus & Vita æterna; filioli, cavete vobis ab idolis,* I Epist. V: 20. 21.

Quod

*Quod actualis Pænitentia facilis sit apud illos, qui aliquoties
illam egerunt, sed summe refractaria illis,
qui non egerunt.*

561. Actualis pænitentia est se explorare, cognoscere sua peccata, confiteri se coram Domino, & sic novam vitam inchoare; est illa secundum descriptionem ejus in antecedentibus; hæc in Christiano Reformato Orbe, per quem intelliguntur omnes ab Ecclesia Romano-Catholica separati, & quoque ei addicti, qui non aliquam actualem pænitentiam egerunt; his & illis est Pænitentia actualis summe refractaria; causa est quia aliqui non volunt, & aliqui timent, & desuetudo inveniat hominem, ac inducit noluntatem, & tandem consensum ex intellectu ratione, & apud quosdam mærorum, formidinem & terrorem pro illa. Causa primaria, quod actualis Pænitentia in Christiano Reformato Orbe sit summe refractaria, est Fides illorum, quod pænitentia & charitas nihil conferant ad salutem, sed Fides sola, ex cuius imputatione sequitur remissio peccatorum, justificatio, innovatione, regeneratio, sanctificatio, & salus æterna, præter quod homo ex se, aut sicut ex se cooperatur, hoc vocant dogmatici illorum irritum, ac merito Christi obvium, repugnabile, & injuriosum; & hoc Vulgo, tametsi ignorant mystica istius fidei, inseminatum est per solas has voces, quod sola fides salvet, & quis potest bonum facere a se: inde est quod Pænitentia apud Reformatos, sit sicut nidus cum pullis relictus ab avibus ab aucupe captis ac occisis. Huic causæ accedit hæc, quod homo reformatus ita dictus, quoad spiritum suum non aliis in Mundo spirituali intersit, quam similibus, qui tale inferunt in ideas cogitationum ejus, & abducunt illum a vestigio ad introspiciendum se & explorandum.

562. Quæsivi multos ex Reformatis in Mundo spirituali, cur non pænitentiam actualem egerunt, cum tamen hoc illis injunctum fuit, tam in Verbo, quam in Baptismate, & quoque ante sanctam Communionem in omnibus illorum Ecclesiis; & responderunt varia; QUIDAM, quod satis sit contritio, & tunc oralis Confessio, quod peccator sit. QUIDAM, quod talis pænitentia, quia fit operante hominè ex sua voluntate, non coincidat cum fide universaliter recepta. QUIDAM, quis potest se explorare cum scit quod merum peccatum sit; hoc foret sicut immittere rete in lacum a fundo ad superficiem plenum cæno, in quo vermes noxiæ. QUIDAM, quis potest tam penitus se introspicere, ut videat in se peccatum Adami, ex quo omnia actualia sua mala scaturiverunt, suntne hæc una cum illo per aquas baptismatis abluta, & per meritum Christi abstersa & contecta; quid tunc pænitentia nisi impositio, quæ conscientiosos graviter turbat; sumusne ex Evangelio sub gratia, & non sub dura istius pænitentiæ lege: præter plura. QUIDAM dixerunt, quod dum intendunt se explorare, occupet illos formido & terror, sicut viderent monstrum juxta lectum tempore diluculi. Ex his patet factæ sunt causæ, cur Pænitentia actualis in Christiano Reformato Orbe sit sicut in situ & rejecta. Et quæsivi in praesentia illorum quosdam Romano-Catholicæ religioni addictos de Actuali illorum Confessione coram suis ministris, num illa refractaria fuerit, & responderunt, quod postquam initiati sunt in illam, non timuerint recensionem delictorum suorum coram Confessionario non severo, & quod cum quadam voluptate collegerint illa, & hilariter enuntiaverint leviora, at graviora aliquantum timide; & quod quotannis ad constitutum suum ex more libere redierint, & quod post absolutionem in festivitatem: tum quod omnes aspiciant sicut impuros, qui non aperire cordis sui iniquamenta volunt. His auditis Reformati, qui praesentes erant, aufugerunt, quidam ridentes & cachinnantes, quidam stupescientes & tamen laudantes. Postea

aceesserunt aliqui eidem Ecclesiæ adscripti, sed commorati in Regionibus ubi Reformati, qui ex usu ibi solenni, non specialem, ut fratres illorum alibi, sed modo communem Confessionem coram Clavigero suo ediderunt; hi dixerunt, quod scrutari se, evestigare & evulgare mala sua actualia & sereta cogitationis prorsus non potuerint, & quod sensiverint id ita repugnabile & terrificum, sicut velle transire fossam ad vallum, ubi stat miles armatus & clamat, ne accede. Ex his nunc patet, quod actualis Pænitentia facilis sit apud illos, qui aliquoties illam egerunt, sed fumme refractaria illis qui non egerunt.

563. Notum est, quod Consuetudo faciat alteram naturam, & quod inde facile sit uni, quod alteri difficile, ita quoque explorare se, & explorata confiteri; quid facilius est mercenario, bajulo & colono, quam laborare brachiis a mane ad vesperam, cum vicissim honoratus & delicatus absque laßitudine & sudore idem non potest facere semisse horæ. Facile est præcursori cum baculo & in mollibus calcis carpere viam millenaris, quam affluefactus vehi curru, vix potest lente currere ab una platea in alteram. Omnis artifex assiduus operi suo facile & libenter id peragit, & abiens ab illo avet redire, cum alias ejusdem artificii gnarus, sed focors, vix tandem cogi ad illud potest: similiter omnis qui in aliqua functione aut in aliquo studio est. Quid pietatis studioso facilius est quam orare ad Deum, & quid impietati emancipato difficilius, & vicissim. Quis sacerdos prima vice concionans coram Rege, non timet, at postquam instauratus est, intrepide pergit. Quid facilius est homini Angelo quam elevare oculos ad Cælum, & homini diabolo dejicere oculos ad infernum, at si hic hypocrita fit, potest similiter suspicere ad Cælum, sed averso corde: finis propter quem, & inde habitus unumquemvis imbuīt.

Quod qui Pænitentiam nusquam egit, aut se non introspexit:

& scrutatus est, tandem non sciat quid malum damnable, & quid bonum salutare.

564. Quoniam pauci in Christiano Reformato Orbe pænitentiam agunt, ideo adjectum est hoc, quod qui non se introspexit & scrutatus est, ille tandem non sciat quid malum damnable, & quid bonum salutare; non enim ei Religio est, unde hoc sciat; malum enim, quod homo non videt, cognoscit & agnoscit, manet, & quod manet, radicatur plus & plus, usque dum obstruat interiora mentis ejus, ex quo homo fit primum naturalis, deinde sensualis, & demum corporeus, & hic & ille non scit aliquid malum damnable, nec bonum salutare; fit sicut arbor super dura petra, quæ inter foramina ejus spargit radices, & tandem, quia defieit humor marcescit. Omnis homo rite educatus, est rationalis & moralis, sed ad rationalitatem sunt duas viæ, una e Mundo, altera e Cælo: ille qui rationalis & moralis factus est e Mundo, & non etiam e Cælo, non rationalis & moralis est nisi ore & gestu, ac intus est bestia, imo fera, quia unum agit cum illis qui in Inferno sunt, ubi omnes tales sunt: at qui rationalis & moralis etiam est e Cælo, hic vere rationalis & moralis est, quia simul spiritu, ore & corpore, in his binis est spirituale intus sicut anima, quod actuat naturale, sensuale & corporeum, unum etiam agit cum illis qui in Cælo sunt: quare datur spiritualis rationalis & moralis homo, & quoque mere naturalis rationalis & moralis, & unus ab altero non internoscitur in Mundo, imprimis si hypocrisie exercitio imbuīt, sed ab Angelis in Cælo internoscuntur tam probe, sicut columbae a bubonibus, & sicut oves a tigribus. Mere naturalis homo potest mala & bona videre apud alios, & quoque redarguere illos, sed quia non semet introspicerat & scrutatus est, non videt ali-

quod.

quod malum apud se, & si aliquod ab alio detegitur, medio suo rationali obvelat illud, sicut serpens suum Caput pulvere, ac immergit se illi, sicut craber se fimo. Hoc facit jucundum mali, quod circumfundit illum, sicut nimbus paludem, ac absorbet & suffocat radios lucis; jucundum infernale non aliud est; hoc inde exhalatur & influit in omnem hominem, sed in plantas pedum, tergum & occipitum ejus; sed si hoc recipitur Capite in frontispicio, ac corpore in pectore, homo ille inferno emancipatur; causa est, quia Cerebrum humanum dicatum est intellectui & ibi sapientiae, Cerebellum autem voluntati & ejus amori; inde est quod duo Cerebra sint. Sed illud jucundum infernale unice per Spirituale rationale & morale emendatur, reformatur & invertitur.

565. Sequitur nunc aliqua descriptio mere naturalis rationalis & moralis hominis, qui in se spectatus est sensualis, & si pergit, fit corporeus seu carneus: sed descriptio haec fiet in sciagraphia divisa in partes. Sensuale est ultimum vitæ mentis hominis, adhaerens & cohærens quinque sensibus corporis ejus. Is sensualis homo dicitur, qui omnia judicat ex sensibus corporis, & qui non credit, nisi quod oculis videre, & manibus tangere potest, haec dicens esse aliquid, reliqua rejiciens. Interiora mentis ejus, quæ vident ex luce Cæli, clausa sunt, ut nihil veri, quod Cæli & Ecclesiæ est, videat. Talis homo cogitat in extremis, & non interius ex aliqua luce spirituali, quia in crasso lumine naturali est: inde est, quod interius sit contra illa, quæ Cæli & Ecclesiæ sunt, tametsi exterius potest loqui pro illis, ardenter secundum spem dominationis & opulentiae per illa. Quod Docti & Eruditi, qui se confirmaverunt profunde in falsis, & plus qui contra vera Verbi, præ cæteris sensuales sint. Quod sensuales homines ratiocinentur acriter & solerter, quia cogitatio illorum est prope loquela, ut pæne in illa, & sicut in labiis, & quia in loquela ex sola memoria ponunt omnem intelligentiam: tum quod dextre possint confirmare falsa, & quod post confirmationem credant illa vera esse: sed quod ex fallaciis sensuum ratiocinentur & confirment, a quibus captatur & perfuadetur vulgus. Quod sensuales homines astuti & malitiosi sint præ reliquis. Quod avari, adulteri & dolosi, imprimis sensuales sint, tametsi coram Mundo apparent sicut ingeniosi. Quod interiora mentis eorum sint fæda & spurca; quod per illa communicent cum infernis: quod in Verbo dicantur mortui. Quod illi, qui in Infernis sunt, sensuales sint, & eo plus, quo profundius: quod sphæra spirituum infernalium, conjungat se cum sensuali hominis a tergo; & quod in luce Cæli occipitum eorum appareat excavatum. Quod illi qui ratiocinati sunt ex solis sensualibus, ab antiquis dicti fuerint serpentes Arboris scientiae. Quod sensualia ultimo loco esse debeant, & non primo, & quod apud hominem sapientem & intelligentem ultimo loco sint, & subjecta interioribus, at quod apud hominem insipientem primo loco sint, & dominantia. Si sensualia ultimo loco sunt, quod per illa aperiatur via ad intellectum, ac elementur vera per modum extractionis. Quod sensualia illa proxime extent mundo, & admittant quæ e Mundo alluunt, & quasi cibrent illa. Quod homo per sensualia communicet cum Mundo, & per rationalia cum Cælo. Quod sensualia subministrantia parti intellectuali, & subministrantia parti voluntariae. Quod nisi cogitatio supra sensualia elevatur, homo parum sapiat: quod homo cum cogitatio ejus supra sensualia elevatur, in lumen clarum veniat, & tandem in lucem cœlestem, & tunc percipiat talia quæ defluunt e Cælo. Quod ultimum intellectus sit scientificum naturale, & quod ultimum voluntatis sit jucundum sensuale.

566. Homo quoad naturalem hominem est similis bestiæ, adsciscit imaginem bestiæ per vitam; quapropter circum tales in Mundo spirituali apparent bestiæ omnis generis, quæ sunt correspondentes; nam naturale hominis in se spectatum est mere animale, sed quia spirituale illi superadditum est, potest fieri homo, &

si non sit ex facultate quod possit, potest mentiri hominem, sed usque est bestia loquens; loquitur enim ex rationali naturali, sed cogitat ex mania spirituali, ac agit ex morali naturali, sed amat ex satyria si spirituali, sunt actus ejus a rationali spirituali homine spectati vix aliud quam sicut saltus ejus qui ictus est a tarantula, & vocatur S. Vitis seu Gui. Quis non seit quod hypocrita possit loqui de Deo, latro de sinceritate, adulter de castitate; & sic porro; sed nisi foret homini dos claudendi & aperiendi januam inter cogitationes & loquelas, ac inter intentiones & actiones, & janitor ibi prudentia aut astutia, rueret ferocius omni fera in nefaria & crudelia; sed illa janua aperitur cuivis post mortem, & tunc apparat qualis fuit; verum tenetur in vinculo per pænas & custodias in Inferno. Quapropter, benevolie Lector, introspecta te, & expiscare unum alterumve malum apud te, & averte illud ex Religione, si ex alio proposito aut fine, non illa aliter avertis; quam ut non appareant coram Mundo.

567. His adjicientur sequentia MEMORABILIA: PRIMUM hoc. Subito correptus sum morbo pæne lethali, totum. Caput ingravatum erat, immisus fuit fumus pestilentus ex Hierosolyma, quæ vocatur Sodoma & Ægyptus, Apoc. XI: 8; fui semimortuus cum fævo dolore, exspectavi extremum; ita jacui in meo lecto per tres dies & dimidium; spiritus meus talis factus est, & ex illo corpus meum; & tunc audivi circum me voces dicentium, tenet jacet in platea Urbis nostræ mortuus, qui prædicavit Pænitentiam in remissionem peccatorum, & solum Christum hominem: & interrogabant aliquos e Clero, num ille sepultura dignus sit, dixerunt quod non, jaceat ac spectetur, & abibant, redibant, subsannabant: ex veritate ita mihi contigit, cum explicabatur Caput XI^{mum} Apocalypseos. Auditæ sunt tunc voces subsannantium graves, imprimis hæc; quomodo potest Pænitentia agi absque fide, quomodo potest Christus homo adorari ut Deus; dum gratis salvamur absque ullo nostro merito, quid opus tunc nisi sola fide quod Deus Pater misericordia Filium, qui damnationem Legis auferret, imputaret nobis meritum Ipsi, & sic coram Se justificaret nos, & absolveret nos præcone Sacerdote a peccatis; & tunc daret Spiritum sanctum, qui omne bonum in nobis operetur; annon hæc sunt secundum Scripturam, & quoque secundum rationem; his Cohors adstans adplaudebat. Audiebam hæc, nec potui respondere, quia jacui pæne mortuus: at post tres dies & dimidium Spiritus meus convaluit, & quoad illum exivi e platea in Urbem, & dixi iterum, Pænitentiam agite, & credite in Christum, & remittentur vobis peccata, & salvabimini, & si non, peribitis; annon Ipse Dominus prædicavit pænitentiam in remissionem peccatorum, ac ut crederent in Ipsum; annon mandavit Discipulis ut idem prædicarent; anne plenaria securitas vitæ sequitur vestrae fidei dogma: sed dixerunt, quid garris, Filiusne satisfecit, Paterne id imputat, nos qui credidimus hoc, justificat; ducimur sic spiritu gratiæ, quid tunc in nobis peccatum, quid tunc cum nobis mors; capis hoc Evangelium, præco peccati & pænitentiæ: sed tunc exivit vox e Cælo, dicens, quid fides impænitentis nisi mortua, venit finis, venit finis super vos securos, in oculis vestris inculpatos, in fide vestra justificatos, Satanæ; & subito tunc barathrum aperiebat in medio Urbis, seque dilatavit, & domus super domum cecidit, & absorpti sunt, & mox ex lata voragine ebullivit aqua, & inundavit vastitatem.

Quando ita demersi sunt, & visi inundati, desiderabam scire fortem illorum in profundo, & dictum est mihi e Cælo, videbis & audies; & tunc coram oculis meis disparate sunt aquæ, quibus inundati visi sunt, quia Aquæ in Mundo spirituali sunt Correspondientæ, & inde apparent circum illos qui in falsis sunt; & tunc mihi

mibi visi in Fundo arenoso, ubi strues e lapidibus congestæ, inter quas currebant, & lamentabantur quod ex magna sua Urbe conjecti essent, & vociferabantur & clamabant, cur hoc nobis, annon sumus per Fidem nostram mundi, puri, justi, sancti; annon sumus per Fidem nostram, mundati, purificati, justificati, sanctificati; & alii, annon sumus per fidem nostram tales facti, ut coram Deo Patre appareamus, videamur, reputemur, & coram Angelis declaremus mundi, puri, justi & sancti, sumusne reconciliati, propitiati, expiati, & sic exsoluti, abluti; & absterti a peccatis, sublatane est a Christo damnatio Legis, cur itaque ut dannati huc conjecti sumus; audivimus ab audace præcone peccati in magna nostra Urbe, credite in Christum, & agite pænitentiam, annon credidimus in Christum, cum in Meritum Ipsi; & annon egimus pænitentiam, cum confessi sumus quod sumus peccatores; cur itaque hoc nobis eyenit. Sed tunc audita est vox ad illos a latere, an scitis ullum peccatum in quo estis, an usquam exploravistis vos, an ideo fugistis aliquod malum ut peccatum contra Deum, & qui non fugit illud, est in illo; estne peccatum diabolus, quare estis de quibus Dominus dicit, Tunc incipietis dicere, edimus coram Te & bibimus, & in plateis nostris docuisti, sed dicit, dico vobis, non novi vos unde estis, discedite a Me omnes operarii iniquitatis, Luc. XII: 26, 27, ut & de quibus Matth. VII: 22, 23. abite itaque, quisque in suum locum, videtis aperturas in Cavernas, intrate illuc, & dabitur ibi cuique vestrum suum opus ad faciendum, & tunc cibus ad mensuram operis, si non, usque fames urget vos ad intrandum.

Postea vox e Cælo facta est ad quosdam super terra, qui extra Urbem illam magnam fuerunt, de quibus etiam Cap. XI: 13, dicens alte, cavete vobis, cavete vobis a consociatione cum similibus; annon potestis intelligere, quod mala, quæ vocantur peccata & iniquitates, immundum & impurum reddant hominem, quomodo potest homo ab illis mundari & purificari, quam per actualem pænitentiam, & per fidem in Dominum Jesum Christum; actualis pænitentia est, explorare se, cognoscere & agnoscere sua peccata, se reum facere, confiteri illa coram Domino, implorare opem & potentiam resistendi illis, & sic desistere ab illis, & novam vitam agere, & hæc omnia sicut a vobis; facite ita semel aut bis in anno, quando acceditis ad Sanctam Communionem, & postea cum peccata, quorum reos vos fecistis, recurrent, tunc vobiscum dicatis, non volumus illa, quia sunt peccata contra Deum; hæc est Pænitentia actualis. Quis non potest intelligere, quod qui non explorat & videt sua peccata, maneat in illis, omne enim malum a nativitate jucundum est, jucundum enim est, vindicare, scortari, defraudare, blasphemare, imprimis dominari ex amore sui, annon jucundum facit ut non videantur, & si forte dicitur quod peccata sint, annon ex jucundo illorum excusatis illa, imo per falsa confirmatis quod peccata non sint, & sic manetis in illis, & facitis illa postea plus quam prius, & hoc eousque, dum non scitis quid peccatum, imo num sit peccatum. Aliter fit cuiyis, qui Pænitentiam actualiter egit, ille mala sua, quæ cognovit & agnovit, vocat peccata, ac ideo incipit illa fugere & eversari, & tandem jucundum illorum sentire injucundum; & quantum hoc sit, tantum videt & amat bona, & tandem sentit horum jucundum, quod est jucundum Angelorum Cæli; verbo, quantum quis rejicit diabolum ad tergum, tantum adoptatur a Domino, & ab Ipso docetur, ducitur, detinetur a malis, & tenetur in bonis; hæc via est, & non alia ab Inferno ad Cælum. Hoc mirabile est, quod quædam insita renuentia, tergiversatio & aversatio pro Pænitentia actuali sit Reformati, quæ tanta est, ut non possint adigere semet ad explorandum se, & ad videndum sua peccata, & ad confitendum ea coram Deo; est sicut horror invadat illos dum id intendunt; quæsivi permultos in Mundo spirituali de eo; & dixerunt omnes, quod hoc sit supra vires illorum: cum audiverunt quod Pontificu-

usque hoc faciant; hoc est, quod explorent se, & palam confiteantur peccata sua coram Monacho, valde mirati sunt; & insuper quod Reformati non possint id facere in occulto coram Deo, tametsi id illis æque injunctum est antequam ad Sacram Cænam accedunt; & quidam ibi inquisiverunt cur hoc, ac inventerunt quod sola Fides talem impænitentia statum & tale cor induxit: & tunc datum est illis videre, quod illi ex Pontificiis, qui adorant Christum, & non invocant Sanctos, salventur.

Post hæc auditum est sicut tonitru, & vox loquens e Cælo, dicens, miramur; dic ad Cætum Reformatorum, credite in Christum, & agite Pænitentiam, & salvabimini: & dixi, & insuper; estne BAPTISMUS Sacramentum Pænitentia, & inde Introductio in Ecclesiam, quid aliud Patrini pro Baptizando spondent, quam ut abdicet diabolum & ejus opera. Estne SACRA CÆNA Sacramentum pænitentia, & inde Introductio in Cælum; dicitur ad Communicantes, ut omnino ante accessionem pænitentiam agant. Estne CATECHISMUS Doctrina Universalis Ecclesiæ Christianæ docens pænitentiam, dicitur ibi in sex Præceptis Secundæ Tabulæ, hoc & illud Malum non facies, & non dicitur, hoc & illud Bonum facies: inde potestis scire, quod quantum quis Malum abdicat & aversatur, tantum Bonum affectet & amet, & quod prius non sciat quid Bonum, imo nec quid Malum.

568. SECUNDUM MEMORABLE. Quis pius & sapiens non vult scire forte in vita suæ post mortem, quare manifestabo communia ut sciat. Omnis homo post mortem, cum sentit quod adhuc vivat, & quod in alio Mundo sit, ac audit quod supra illum sit Cælum ubi æterna gaudia, & infra illum sit Infernum, ubi æterni dolores, primum remittitur in externa sua in quibus fuit in Mundo priori, & tunc credit quod certe in Cælum venturus sit, ac loquitur intelligenter & agit prudenter; & dicunt aliqui, moraliter viximus, honesta sectavimus, ex proposito non fecimus malum; & alii dicunt, frēquentavimus tempora, missas auscultavimus, sancta sculptilia osculati sumus, super genubus fudimus preces; & quidam dicunt, pauperibus dēdimus, opitulati sumus egenis, libros pietatis legimus, & quoque Verbum, præter plura similia; at postquam hæc dixerunt, adstant Angeli, & dicunt, illa omnia quæ memoravistis, fecistis in Externis, sed ne scitis adhuc, qualés estis in Internis, nunc estis Spiritus in Corpore substantiali, ac Spiritus est Internus vester homo, est hic in vobis qui cogitat quod vult, & vult quod amat, & hoc est jucundum vitæ ejus, omnis homo ab infântia inchoat vitam ab Externis, ac discit moraliter agere, ac intelligenter loqui, & cum ideam Cæli & beatitudinis ibi cœpit, inchoat orare, frequentare tempora, & solennia cultus obire, & usque mala, dum e suo fonte nativo scaturiunt, in sinu mentis suæ recondere, & quoque ingeniose circumvelare ratiocinii ex fallaciis, usque adeo, ut ipse non sciat quod malum sit malum; & tunc mala quia circumvelata sunt & contesta sicut pulvere, non amplius cogitat de illis, cavendo solum ne appareant coram Mundo; ita modo studet vitæ morali in externis, & sic fit homo duplex, fit ovis in externis, & lupus in internis; & sicut pýxis aurea in qua intus est venenum, & fit sicut fæde respirans aromaticum in ore tenens ne ab adstantibus sentiatur; & fit sicut pellis müris quæ balsamice olet. Dixistis, quod moraliter vixeritis, & quod studia pietatis sectaveritis, sed quero, num usquam exploravistis Internum vestrum hominem & percepistis alias concupiscentias vindicandi usque ad necem, libidinandi usque ad adulterium, defraudandi usque ad furtum, mentiendi usque falsum testimonium, in quatuor Décalogi Præceptis dicitur illa non facies, & in duobus ultimis dicitur illa non concupisces, num creditis, quod Internus vester homo in his similis fuerit Extero vestro, si hoc creditis, sorte fallimini. Sed ad hæc responderunt, quid Internus homo; estne hic & Externus unus idem; audivimus a Ministris nostris, quod Internus homo non a liud

Iud sit quam Fides, & quod pietas oris & moralitas vitæ signum ejus sit, quia operatio ejus; ad quæ responderunt Angeli, Fides salyifica est in Interno homine, pariter Charitas, & inde est Fidelitas & Moralitas Christiana in Extero homine, at si concupiscentiae supradictæ in Interno homine, ita in voluntate & inde in cogitatione manent, proinde si interius amat illas, & tamen aliter in externis agitis & loquimini, tunc apud vos in alium est supra bonum, & bonum est infra malum, quapropter utcumque sicut ex intellectu loquimini, & ex amore agitis, interius est malum, & hoc ita circumvelatum; & tunc estis sicut Fingæ astuta, quæ fingunt actus similes humanis, sed cor eorum longe abest. Sed qualis Internus vester homo est, de quo nihil scitis, quia non exploravisti vos, & post explorationem non pænitentiam egistis, post tempus visuri estis, quando exuenimi Extero hominem, ac intromittemini in Internum, & cum hoc sit, non amplius agnoscemini a consociis vestris, nec a vobis ipsis; vidi morales malos tunc sicut feras, intuentes proximum truculentis oculis, flagrantes odio internecimo, & blasphemantes Deum, quem in Extero homine adoraverunt: his auditio recesserunt, & Angeli tunc dicebant, videbitis sortem vitæ vestræ posthac, nam brevi auferetur vobis Externus homo, ac intrabitis in Internum, qui nunc est Spiritus vester.

569. TERTIUM MEMORABILE. Omnis Amor apud hominem exspirat jucundum, per quod se facit sentiri, & exspirat id proxime in spiritum, & inde in corpus, & jucundum amoris ejus una cum amæno cogitationis facit vitam ejus: illa jucunda & amæna non sentiuntur nisi oscure ab homine, quamdiu vivit in Corpore naturali, quia hoc Corpus absorbet & hebet illa, at post mortem, cum Corpus materiale ablatum est, & sic experimentum seu indumentum spiritus remotum, tunc jucunda amoris & amæna cogitationis ejus plene sentiuntur & percipiuntur, & quod mirabile, quandoque sicut odores; inde est, quod omnes in Mundo Spirituali conscientur secundum amores suos, in Cælo secundum suos, in Inferno secundum suos; odores, in quos vertuntur jucunda amorum in Cælo, sentiuntur omnes sicut tales fragrantiae, suaveolentiae, amæna spirations, & deliciosa perceptiones, quales sentiuntur in hortis, floretis, agris & sylvis in matutinis, tempore veris; odores autem in quos vertuntur jucunda amorum illorum, qui in Inferno sunt, sentiuntur ut nidores, fætores & putores, quales e latrinis, caderibus, & stagnis quisquiliis & sterquilinis oppletis; & quod mirabile, diaboli & satanae ibi sentiunt illa ut balsama, aromata & thura, quæ naræ & corda illorum refocillant. In Mundo naturali datum etiam est bestiæ, avibus & vermis consociari secundum odores, sed non hominibus tunc, priusquam deposituerint corpora ut exuvias. Inde est, quod Cælum distinctissime ordinatum sit secundum omnes varietates amoris boni, ac Infernum ex opposito secundum omnes varietates amoris mali; propter hanc oppositionem est, quod inter Cælum & Infernum sit Hiatus, qui transiri non potest; illi enim qui in Cælo sunt non sustinent aliquem odorem Inferni, excitat enim naufragam & vomitum, & minatur deliquium, si attrahunt; simile fit illis qui in Inferno sunt, si meditullium istius Hiatus transcendunt. Quondam vidi aliquem diabolum apparentem e longinquio ut Pardum, qui ante aliquot dies inter Angelos ultimi Cæli visus est; & calluit artem se Angelum lucis facere, transeuntem Meditullium, & stantem inter binas oleas, & non sentientem aliquem odorem vitæ suæ infestum; causa erat, quia Angeli non aderant; at vero ut primum aderant, convolutionibus actus est, ac decidit quoad omnes artus contractus, & tunc visus est sicut magnus Serpens se contorques in volvulos, & tandem se per Hiatum devolvens, & exceptus a suis, & deportatus in Cavernam, ubi a graveolente odore sui Jucundi revixit. Quondam etiam vidi quendam Satanam punitus a suis, quæsivi causam; & dicebatur, quod ille obturatis naribus accesserit ad illos qui in odore Cæli erant, & quod redierit, & odorem illum super vestibus

suis secum tulerit. Aliquoties contigit, quod ex Caverna aliqua Inferni aperta putor sicut cadaveris strinxerit nares meas, & civerit vomitum. Ex his constare potest, unde est, quod in Verbo Olfactus significet perceptionem, nam dicitur sapientius, quod Jehovah ex Holocaustis odoratus sit odorem gratum; tum quod Oleum unctionis, & quod Thura parata sint ex fragrantibus: & vicissim, quod mandatum sit filiis Israelis, ut iminunda e castris eorum exportarentur extra castra, & quod excrementa alvi defoderent & contigerent, Deuter. XXIII: 14. 15; causa erat, quia Castra Israelis repræsentabant Cælum, ac Desertum extra castra repræsentabat Infernum.

570. QUARTUM MEMORABILE. Quondam loquutus sum cum Spiritu novitio, qui dum fuit in Mundo, de Cælo & Inferno multum meditatus est; per Spiritus novitios intelliguntur homines noviter defuncti, qui quia tunc sunt homines spirituales, vocantur Spiritus. Ille, ut primum intravit in Mundum spiritualem, cœpit de Cælo & Inferno similiter meditari, & sibi visus, cum de Cælo, in lætitia, & cum de Inferno in tristitia. Ille cum animadverit se in Mundo spirituali esse, statim quæsivit, ubi Cælum & ubi Infernum, tum quid & quale unum & alterum; & responderunt, Cælum est supra Caput tuum, & Infernum est infra pedes tuos, nunc enim es in Mundo spirituum, qui est medius inter Cælum & Infernum; sed quid & quale Cælum & quid & quale Infernum est, non possumus paucis describere: & tunc quia flagrabat desiderio cognoscendi, projectit se super genua, & oravit devote ad Deum, ut instrueretur: & ecce apparuit Angelus ad dextram ejus & elevavit illum, & dixit, supplicavisti ut instruereris de Cælo & Inferno, INQUIRE ET DISCE QUID JUCUNDUM ET COGNOSCES, & Angelus his dictis sublatuſ est: tunc Spiritus novitus secum dixit, quid hoc, Inquire & disce quid Jucundum, & cognosces quid & quale Cælum & Infernum est: mox e loco illo abiens circumvagatus est, & obvios alloquitus dixit, dicite quæſo, si placet, quid Jucundum; & dicebant aliqui, quæ qualis hæc quæſtio, quis non scit quid Jucundum, estne gaudium & lætitia, quare jucundum est jucundum, unum sicut alterum, non scimus discrimen; alii dicebant, quod Jucundum esset risus mentis, dum enim mens ridet, est facies hilaris, loqua jocularis, gestus ludens, & totus homo in jucundo; aliqui autem dicebant, Jucundum nihil aliud est, quam epulari & edere lauitias, ac bibere & generoso vino ineibriari, & tunc confabulari de rebus variis, imprimis de ludis Veneris & Cupidinis: his auditis, Spiritus novitus indignatus secum dixit, hæc Responsa sunt rusticalia & non civilia, hæc Jucunda non sunt Cælum nec Infernum, utinam convenientiam Sapientes, & abivit ab illis & quæſivit ubi sapientes; & tunc visus est a quadam Spiritu angelico, qui dixit, percipio quod accensus sis desiderio sciendi id quod est universale Cæli, & Universale Inferni, & quia hoc est Jucundum, deducam te super Collem, ubi quotidie convenient illi, qui rimantur Effectus, & illi qui investigant Causas, & illi qui explorant Fines, illi ibi qui rimantur Effectus vocantur Spiritus scientiarum, & abstracte Scientiæ, & illi qui investigant Causas, vocantur Spiritus intelligentiæ, & abstracte Intelligentiæ; & illi qui explorant Fines, vocantur Spiritus Sapientiæ, abstracte Sapientiæ; directe supra illos in Cælo sunt Angeli, qui ex finibus vident causas, & ex causis effectus; ex his Angelis est tribus illis Cætibus illustratio. Ille tunc Spiritum novitium prehendens manus duxit super Collum, & ad Cætum, qui erat ex illis, qui explorant Fines & vocantur Sapientiæ; his dixit, ignoscite quod ad vos ascenderim, causa est, quia a pueritia mea meditatus sum de Cælo & Inferno, & in hunc Mundum nuper veni, & quidam mihi tunc associati dixerunt, quod hic Cælum sit supra caput meum, ac Infernum sub pedibus meis, sed non dixerunt quid & quale unum & alterum, quare ex constante cogitatione de illis anxius factus oravi ad Deum, & tunc adstitit

stit Angelus, & dixit, INQUIRE ET DISCE QUID JUCUNDUM ET COGNOSCES, inquisi-
 vi, sed adhuc in vanum; peto itaque, ut si libet, doceatis me quid Jucundum:
 ad hæc Sapientia respondebant, Jucundum est omne vitae omnibus in Cælo, &
 omne vitae omnibus in Inferno; illis qui in Cælo sunt, est Jucundum boni & ve-
 ri, illis autem qui in Inferno sunt, est Jucundum malii & falsi; omne enim Ju-
 cundum est amoris, & Amor est Este vita hominis, quare sicut homo est homo
 secundum quale sui Amoris, ita est homo secundum quale sui Jucundi; activitas
 amoris facit sensum jucundi, activitas ejus in Cælo est cum sapientia, & activi-
 tatis ejus in Inferno est cum insaniam, utraque in suis Subjectis sistit Jucundum; sunt
 autem Cæli & Inferni in oppositis Jucundis, Cæli in Amore boni & inde Jucundo
 beneficiendi, Inferni autem in amore mali, & inde in Jucundo malefaciendi, si
 itaque cognoscis quid Jucundum, cognosces quid & quale est Cælum & Infernum.
 Sed inquire & disce adhuc quid Jucundum ab illis, qui investigant causas, & vo-
 cantur Intelligentæ, sunt abhinc ad dextrum & abivit, & accessit, & dixit cau-
 sam adventus, & petiit, ut instruerent quid Jucundum, & hi gavisi ab interrogati-
 one dixerunt, verum est, quod qui cognoscit Jucundum, cognoscat quid & quale
 est Cælum & Infernum; Voluntas, ex qua homo est homo, ne quidem punctu-
 lum fertur, nisi a Jucundo, nam Voluntas in se spectata, non est nisi quam af-
 fectio alicujus amoris, ita jucundi, est enim aliquod volupe & inde placitum,
 quod facit velle; & quia Voluntas agit Intellectum ad cogitandum, non datur mi-
 nimum cogitationis, nisi ab influxo voluntatis jucundo; quod ita sit est causa, quia
 Dominus per influxum a se actuat omnia animæ, & omnia mentis apud Angelos,
 spiritus & homines, & actuat per influxum amoris & sapientiae, & hic influxus
 est ipsa activitas, ex qua omne jucundum est, quod in origine sua vocatur bea-
 tum, faustum & felix, & in derivatione jucundum, æmænum, & volupe, & in
 universalis sensu Bonum: sed Spiritus Inferni invertunt apud se omnia, ita Bonum
 in Malum, & Verum in Falsum, permanente jugiter Jucundo, nam absque perma-
 nentia Jucundi non foret illis Voluntas, nec Senatio, ita non vita; ex his patet,
 quid & quale, & unde Jucundum Inferni, tum quid, quale, & unde Jucundum
 Cæli est. His auditis, deductus est ad Tertium Cælum, ubi erant qui rimantur
 Effectus, & vocantur Scientiae, & hi dicebant, descendere in Terram inferiorem,
 & ascende in Terram superiorem, in his percepturus & sentitus es Jucundates & Cæli & Inferni. Sed ecce tunc ad distantiam ab illis hiabat terra, & per
 hiatus ascendebant tres Diaboli, apparentes igniti ex jucundo amoris illorum, &
 quia Angeli consociati cum novitio Spiritu percipiebant, quod illi Tres ex Pro-
 viso ex Inferno ascenderint, clamabant ad diabolos, ne accedite proprius, sed e
 loco ubi estis, narrate aliquid de Jucundis vestris; & respondebant, scitote quod
 unusquisque, sive bonus sive malus dicatur, in suo Jucundo sit, Bonus ita dictus
 in suo, & Malus ita dictus in suo; & quæsiverunt, quid vestrum Jucundum, di-
 cebant, quod esset Jucundum scortandi, vindicandi, defraudandi, blasphemandi;
 & iterum quæsiverunt, qualia sunt vobis Jucunda illa, dicebant quod sentiantur
 ab aliis sicut factores ex stercoribus, & sicut putores ex cadaveribus, & sicut ni-
 dores ex urinis stagnatis; & quæsiverunt, sunt illa vobis jucunda, dicebant, sunt
 jucundissima, & dixerunt, tunc estis sicut immundæ bestiæ, quæ in illis degunt;
 & responderunt, si sumus sumus, sed talia sunt deliciæ narium nostrarum; & quæ-
 siverunt, quid plura; dicebant, quod cuivis liceat in suo Jucundo esse, etiam
 immundissimo, ut illud vocant, modo non infestet bonos Spiritus & Angelos; sed
 quia ex Jucundo nostro non potuimus aliter, quam illos infestare, conjecti sumus
 in Ergastula, ubi dura patimur; inhibitio & retractio Jucundorum nostrorum ibi,
 est quod vocatur cruciatus Inferni, est quoque interior dolor; & quæsi erunt, cur
 infestavistis bonos, dicebant quod non potuerint aliter, est sicut furor nos inva-
 dat,

dat, dum videmus aliquem Angelum; & sentimus sphærām Divinam Domini circum illum; ad quod diximus, tunc estis etiam sicut feræ: & mox cum viderunt novitium Spiritum cum Angelis, supervenit diabolos furor, qui apparuit sicut Ignis odii, quare ne damnum inferrent, in Infernum rejecti sunt. Post hæc apparebant Angeli qui ex finibus videbant Causas, & per Causas effectus, qui in Cælo supra tres illos Cætus erant; & hi visi sunt in candida luce, quæ per spirales flexus se devolvens, fecum tulit rotundum Sertum ex floribus, & posuit super Caput novitii Spiritus; & tunc ad illum facta est vox inde, hæc Laurea tibi datur propter causam, quia a pueritia meditatus es de Cælo & Inferno.



CAPUT DECIMUM

D E

REFORMATIONE ET REGENERATIONE.

571. Postquam de Pænitentia actum est, sequitur in suo ordine de Reformatione & Regeneratione, quia hæ Pænitentiam sequuntur, & per Pænitentiam promovent gradus. Sunt duo Status, quos homo ingressurus & subiturus est, dum a Naturali fit Spiritualis, Primus Status vocatur REFORMATIO, & Alter REGENERATIO; homo in Primo statu a Naturali suo spectat ad Spiritualem, & hunc desiderat, in altero statu fit Spiritualis naturalis; Primus status formatur per vera quæ erunt fidei, per quæ spectat ad Charitatem, Alter status formatur per bona charitatis, & ab his intrat in vera fidei; seu quod idem est, Primus status est cogitationis ex intellectu, Alter autem est Amoris ex Voluntate; quando hic status inchoat & progreditur, fit mutatio in Mente, nam fit versura, quia tunc Amor voluntatis influit in Intellectum, ac agit & dicit illum ad cogitandum concorditer & congrue suo amori; quare quantum tunc Bonum amoris primas partes agit, & vera fidei secundas, tantum est homo spiritualis, & est nova Creatura, & tunc ex Charitate agit, & ex fide loquitur, & sentit bonum charitatis, & percipit verum fidei, & est tunc in Domino, inque Pace, & sic Regeneratus. Homo, qui in Mundo Primum statum inchoavit, ille post mortem potest introduci in Alterum, at qui non in Primum statum in Mundo intravit, ille post mortem non potest in Alterum introduci, ita non regenerari. Duo hi Status comparari possunt cum progressione Lucis & Caloris in diebus tempore veris, Primus cum diluculo seu gallinaceo, Alter cum manz & aurora, & progressio hujus status cum progressione diei ad meridiem, & sic in Lucem & Calorem. Comparari etiam potest cum Messe, quæ primum est herba, deinde crescit in aristas & spicas, & postea in his fit frumentum. Tum etiam cum Arbore, quæ primum ex semine e terra excrescit, postea fit caulis, e quo exeunt rami, & hi exornant foliis, & dein efflorescit, & ex intimo florum initiat fructus, qui sicut maturescunt, nova semina, sicut novas proles, producunt. Status primus, qui est Reformationis, etiam comparari potest cum Statu bombycis, quando extrahit ex se & evolvit stamina serici, & post industrium suum laborem evolat in aerem, & se, non ut prius ex foliis, sed ex succis in floribus, nutrit.

*Quod homo nisi denuo generatur, & sicut e novo creatur,
non possit ingredi in Regnum Dei.*

572. Quod homo nisi denuo generatur, non possit ingredi in regnum Dei, est Doctrina Domini apud Johannem, ubi hæc „Jesus dixit Nicodemo, amen, amen, dico tibi, nisi quis generetur denuo, non potest videre regnum Dei: & iterum „amen, amen,

amen dico tibi, nisi quis generatus fuerit ex aqua & spiritu, non potest ingredi in Regnum Dei; quod natum est ex carne. Caro est, & quod generatum est ex spiritu. Spiritus est, Cap. III: 3. 5. 6. per Regnum Dei intelligitur & Cælum & Ecclesia, nam Regnum Dei in terris est Ecclesia, similiter alibi ubi nominatur regnum Dei, ut Matth. XI: 11. Cap. XII: 28. Cap. XXI: 43. Luc. IV: 43. Cap. VI: 20. Cap. VIII: 1. 10. Cap. IX: 11. 60. 62. Cap. XVII: 21, & alibi: generari per aquam & spiritum, significat per vera Fidei, & per vitam secundum illa; quod aqua significet vera, videatur in Apocalysi Revelata, n: 50. 614. 615. 685. 932: quod spiritus significet vitam secundum Divina vera, patet a Domini verbis apud Iohannem Cap. VI: 63: per amen, amen, significatur, quod sit veritas, & quia Dominus fuit ipsa veritas, ideo toties id dixit; Ipse vocatur etiam Amen, Apoc. Cap. III: 14. Regenerati in Verbo vocantur Filii Dei, & Nati a Deo; ac Regeneratio describitur per novum cor & novum spiritum.

573. Quoniam creari etiam significat regenerari, ideo dicitur qui denuo generatur & sicut e novo creatur; quod creari id in Verbo significet, constat ex his locis „Cor mundum CREA mihi Deus, & spiritum firmum innova in medio mei, Psalm LI: 12. Aperis manum, saturantur bono, emittis spiritum, Creantur. Psalm: CIV: 28. 30. Populus, qui Creabitur, laudabit Yah, Psalm CII: 19. Ecce Ego Creaturus sum Hierosolymam exultationem, Esaj. LXV: 18. Sic dixit Jehovah, Creator tuus Jacob, Formator tuus Israel, redemi te, omnem vocatum a nomine meo, in gloriam meam Cœavi eum, Esaj. XLIII: 1. 7. Ut videant, cognoscant, attendant & intelligant, quod Sanctus Israels Creaverit hoc, Esaj. XLI: 19; præter alibi, & ubi Dominus vocatur Creator, Formator & Factor. Inde patescit, quid intelligitur per hæc Domini ad discipulos „Euntes in Mundum Universum praedicate Evangelium omni Creature, Marc. XVI: 15; per Creaturas intelliguntur omnes qui regenerari possunt, pariter Apoc. III: 14, II Cor. V: 16. 17. corporis 1916

474. Quod homo regenerandus sit, patet ex omni ratione; nascitur enim in materia omnis generis a parentibus, & hæc insident naturali ejus homini, qui ex se diametro est contra spiritualiæ hominem; & tamen natus est ad Cælum, & ad Cælum non venit, nisi spiritualis fiat, quod unice fit per regenerationem: inde necessario sequitur, quod naturalis homo cum suis concupiscentiis sit dominus, subjugandus, & invertendus, & quod alioquin nullo passu appropinquaret ad Cælum possit, sed plus & plus se in infernum demittat: quis hoc non videt, qui credit quod in mala omnis generis natus sit, & qui agnoscit quod bonum & malum sint, & quod unum sit contra alterum; & si credit vitam post mortem, ac infernum & cælum, quod mala faciant infernum, & bona Cælum. Naturalis homo in se spectatus quoad naturam suam ne hilum differt a natura bestiarum, est similiter ferus, sed talis est quoad voluntatem; at differt a bestiis quoad intellectum, hic potest elevari supra concupiscentias voluntatis, & non modo videre illas, sed etiam moderari illas; inde est, quod homo possit ex intellectu cogitare, & ex cogitatione loqui, quæ bestiae nequeunt. Qualis homo est a nativitate, & qualis foret si non regeneraretur, videri potest ab omnis generis bellujs, quod foret tigris, panthera, pardus, porcus sylvestris, scorpius, tarantula, vipera, crocodilus, etc; quare nisi per regenerationem transformaretur in ovem, quid aliud esset quam diabolus inter diabulos in inferno: annon, tunc, si non leges regni coercerent tales, a ferocitatibus connatis, irrueret unus in alterum, & se mutuo trucidarent, aut usque ad femoralia despoliarent. Quot ex humano genere sunt, qui non nati sunt satyri & priapi, aut quadrupedes lacerti, & quis non ex his & illis, nisi regeneretur, sit simia; moralitas externa, quæ addiscitur causa operiendi interna sua, hoc facit.

575. Qualis homo non regeneratus est, ulterius describi potest per comparationes & similitudines has, apud Esajam „Possidebunt illum platea & anataria, & noctua, ac corvus, ibi habitabunt, extendet super illum lineam inanitatis, &

„Per-

„ perpendicula vastitatis; unde ascendent altaria ejus spinae, carduus & sentis in munitionibus ejus, & sit habitaculum draconum; atrium filibus noctis: occurseruntque ziim cum iijim, & satyrus socio suo obviabit, imo quiescat ibi lilith; ibi nidificabit merula, & ponet, & colliget, & excludet in umbra ejus, imo ibi congregabuntur milvi, unus cum socio suo; Cap. XXXIV: 11. 13. 14. 15.

Quod nova Generatio seu Creatio fiat a Solo Domino per Charitatem & Fidem, ut duo Media, cooperante homine.

576. Quod Regeneratio fiat a Domino per Charitatem & Fidem, sequitur ex demonstratis in Capp. de Charitate & de Fide, & in specie ab hoc ibi, Quod Dominus, Charitas & Fides unum faciant, sicut vita, voluntas & intellectus, & quod si dividuntur, unumquodvis ex illis pereat, sicut unio dilapsa in pollinem. Hæc duo, Charitas & Fides, vocantur media, quia conjungunt hominem cum Domino, & faciunt, quod charitas sit charitas, & quod fides sit fides, & hoc fieri non potest, nisi homo etiam partem habeat in Regeneratione, quare dicitur cooperante homine. In Transactionibus, quæ præcedunt, aliquoties de cooperatione hominis cum Domino, actum est; sed quia Mens humana talis est, ut non aliter percipiat id, quam quod homo ex suamē potentia id efficiat, quare id iterum illustrabitur. In omni motu, & inde in omni actione, est activum & passivum, hoc est, quod agens agat, ac patiens agat ex agente, inde ex utroque sit una actio; comparative sicut mola a rota, currus ab equo, motus a conatu, effectus a causa, vis mortua a viva; in genere; sicut instrumentale a principali, quod hæc duo simul faciant unam actionem, quisque novit: quoad Charitatem & Fidem, Dominus agit, & homo agit ex Domino, est enim activum Domini in passivo hominis; quare potentia bene agendi est a Domino, ac inde voluntas agendi est sicut hominis, quia est in libero arbitrio, ex quo potest una agere cum Domino, & sic se conjungere, & potest ex potentia inferni, quæ est extra, agere, & sic se separare. Actio hominis concors cum actione Domini est quæ hic intelligitur per Cooperationem; ut hoc evidenter percipiatur, illustrabitur adhuc per comparationes infra.

577. Ex his sequitur etiam hoc, quod Dominus continue sit in actu regenerandi hominem, quia continue est in actu salvandi illum, & nullus salvari potest, nisi regeneretur, secundum ipsa Domini verba apud Johannem; *Quod qui non generatur denuo, non posse videre regnum Dei*, Cap. III: 3. 5. 6: est itaque Regeneratio medium salvationis, ac Charitas & Fides sunt media regenerationis. Quod Regeneratio sequatur fidem hodiernæ Ecclesiæ, quæ est absque cooperatione hominis, est vanitas vanitatum. Actio & cooperatio qualis descripta est, videri potest in omni re, quæ in aliqua activitate & mobilitate est: talis actio & cooperatio est cordis & omnis ejus arteriæ, Cor agit & Arteria ex suis involucris aut tunicis cooperatur, inde circulatio: simile est cum Pulmone, aer ex incumbentiâ secundum altitudinem suis atmosphæræ agit, & costæ cum pulmone primum cooperantur, & mox postea pulmo cum costis; inde respiratio omnis membranæ in corpore; ita meningæ cerebri, pleura, peritonæum, diaphragma, & reliqua, quæ viscera tegunt, & quæ intus componunt, agunt & aguntur, & sic cooperantur, sunt enim elasticæ, inde existentia & subsistentia; simile est in omni fibra & nervo, inque omni musculo, imo in cartilagine, quod in singulis illis sit actio & cooperatio, notum est. Talis cooperatio est quoque in omni sensu, nam sensoria sicut motoria corporis, ex fibris, membranis & musculis consistunt, sed cuiusvis cooperationem describere, supervacaneum est; scitur enim quod lux agat in oculum, sonus in aures,

rem, odor in narem, & sapor in linguam, & quod organa illis se adaptent, unde sensatio: quis non inde potest percipere, quod nisi talis actio & cooperatio cum influa vita in spirituali organisino Cerebri foret, non posset existere cogitatio & voluntas; vita enim a Domino in organismum illum influit, qui quia cooperatur, percipitur id quod cogitatur, similiter id quod ibi expenditur, concluditur, & in actu determinatur; si sola vita ageret, & non homo cooperaretur sicut ex se, non posset plus cogitare quam truncus, aut quam templum, cum concionatur Miniliter, hic quidem ex repercussione soni e valvis ejus potest sentire sicut echo, sed nihil sermonis: talis foret homo nisi cooperaretur cum Domino quoad charitatem & fidem.

578. Illustrari per comparationes etiam potest, qualis homo foret, si non cooperaretur cum Domino, foret dum percipit & sentit aliquid spirituale Cæli & Ecclesiæ, sicut antipathicum aut discors quid influeret, & sicut putidum in nasum, dissonum in aurem, monstrosum in oculum, ac tetrūm in linguam; si jucundum charitatis & amænum fidei, influerent in spiritualem organismum mentis illorum, qui in jucundo malo & falsi sunt, hi si jucunda & amæna illa intruderentur, angerentur & cruciarentur, & tandem caderent in deliquium; organismus ille quia ex perpetuis helicibus consistit, hic apud tales se involvcret in spiras, & torqueretur sicut serpens super acervo formicarum. Quod ita sit, ex multa experientia in Mundo spirituali mihi testatum factum est.

*Quod omnes, quia omnes redempti sunt, regenerari possint,
quisque secundum suum statum.*

579. Ut hæc intelligantur, præmittendum est aliquid de Redemptione; Dominus in mundum venit, principally propter hæc duo, ut removeret infernum ab angelo & ab homine, ac ut glorificaret Humanum suum, nam ante adventum Domini, infernum succrevit, usque ut infestaret angelos cæli, ut & per interpositionem inter cælum & mundum interciperet communicationem Domini cum hominibus telluris, ex quo non potuit aliquid Divinum Verum & Bonum a Domino ad homines pertransire: inde totalis Damnatio imminuit universo Generi humano, & quoque nec Angeli cæli in integritate sua potuerunt diu subsistere. Ut itaque submoveretur infernum, & sic imminens illa damnatio tolleretur, Dominus in Mundum venit, & removit infernum, & subjugavit illud, & sic aperuit Cælum, ut postea posset præsens esse apud homines telluris, & salvare illos, qui secundum præcepta Ipsius viventer, consequenter illos regenerare & salvare, nam salvantur qui regenerantur: ita intelligitur hoc, quod omnes, quia omnes redempti sunt, regenerari possint, & quia regeneratio & salvatio unum faciunt, quod omnes possint salvari: hoc itaque, quod Ecclesia docet, quod absque adventu Domini nemo potuerit salvari, ita intelligendum est, quod nemo absque adventu Domini regenerari potuerit. Quod alterum finem, propter quem Dominus in mundum venit, attinet, qui est, ut glorificaret Humanum suum, fuit, quia sic factus est Redemptor, Regenerator & Salvator in æternum; nam non credendum est, quod per Redemptionem semel factam in Mundo, omnes post illam redempti sint, sed quod perenniter redimat illos, qui in Ipsum credunt, & verba Ipsius faciunt. Sed plura de his videantur in Capite de Redemptione.

580. Quod quisque secundum suum statum regenerari possit, est quia aliter simplices quam doctri, aliter qui in diversis studiis sunt, & quoque in diversis officiis, aliter qui in scrutiniis de Verbi externis, & de ejus internis, aliter qui a parentibus in bono naturali sunt, quam qui in malo, aliter qui ab infantia in Mundi vanitates se intulerunt, & aliter qui citius aut seriu ab illis se removerunt; verbo, aliter qui externam

Do-

Domini Ecclesiam constituunt, & aliter qui internam; est hæc varietas infinita, sicut est facierum & animorum; sed usque unusquisque secundum suum statum regenerari & salvare potest. Quod ita sit, constare potest ex Cælis, in quos omnes regenerati veniunt, quod sint tres, Supremus, Medius, & Ultimus, & in Supremum veniunt illi, qui per regenerationem recipiunt amorem in Dominum, in Medium qui amorem erga proximum, in Ultimum, qui modo operantur Charitatem externam, & simul agnoscunt Dominum pro Deo Redemptore & Salvatore. Omnes hi salvati sunt, sed diversimode. Quod omnes possint regenerari & sic salvari, est quia Dominus cum Divino suo Bono & Vero est præsens apud omnem hominem, inde est vita cujusvis, & inde est facultas intelligendi & volendi, & his Liborum arbitrium in spiritualibus; hæc nulli homini desunt; & quoque data sunt media, Christianis in Verbo, & Gentilibus in cujusvis religione, quæ docet quod Deus sit, & præcepta de bono & malo. Ex his sequitur hoc, quod quisque possit salvari; consequenter quod Dominus non in culpa sit, sed homo si non salvatur, & homo in culpa, quod non cooperetur.

581. Quod Redemptio & Passio crucis sunt duæ res distinctæ, & prorsus non confundenda, & quod Dominus per utramque, se miserit in potentiam regenerandi & salvandi homines, in Capite d **REDEMPTIONE** ostensum est. Ex fide hodiernæ Ecclesiæ recepta de Passione crucis, quod fuerit ipsa Redemptio, obortæ sunt phalanges horribilium falsitatum, de Deo, de Fide, de Charitate, & de resiliis quæ ab illis tribus in continente catena pendent; ut de Deo, quod damnationem generis humani concluserit, & quod ad misericordiam reduci voluerit per damnationem Filio impositam, aut a Filio in se receptam, & quod salventur solum, quibus meritum Christi vel ex præviso, vel ex prædestinato donatur; ex illa fallacia etiam exclusum est hoc illius fidei, quod illi qui illa fide donati sunt, insimul regenerati sint, præter quod aliquid cooperati sint, imo quod sic a legis damnatione absoluti sint, & quod amplius non sub lege sint, sed sub gratia, & hoc tametsi Dominus dixit, *quod ne quidem apicem legis sustulerit*, Matth. V: 18. 19. Luc. XVI: 17.: tum quod mandaverit discipulis, *ut prædicarent pænitentiam in remissionem peccatorum*, Luc. XXV: 47. Marc. VI: 12; & quoque Ipse dixerit, *Appropinquavit Regnum Dei, pænitentiam agite, & credite Evangelio*, Marc. I: 15; per Evangelium intelligitur, quod possint regenerari & sic salvari; quod non potuit fieri, nisi Dominus Redemptionem fecerit, hoc est, nisi potentiam Inferno per pugnas contra illud, & per victorias super illud, adempserit, & nisi Humanum suum glorificaverit, hoc est, Divinum fecerit.

582. Dicite ex rationali cogitatione, quale foret universum Genus humanum, si perfstaret fides hodiernæ Ecclesiæ, quæ est, quod sint redempti per solam Passiōnem crucis, & quod qui illo Domini merito donati sunt, non sint sub legis damnatione; tum, quod fides illa, de qua homo ne hilum scit num inest, remittat peccata, ac regeneret, & quod cooperatio hominis in actu ejus, qui est dum datur & intrat, perfundaret fidem illam, & cum illa auferret salutem, quoniam suum meritum merito Christi commiseret; dicite inquam ex cogitatione rationali, annon ita totum Verbum rejectum fuisset, ubi principaliter docetur Regeneratio per spiritualem lavationem a malis; & per exercitia charitatis: quid tunc Decalogus, principium reformationis, plus quam charta, quæ venditur in cauponis, & formatur in volvulos circum aromata: quid tunc Religio, nisi quædam lamentatio quod peccator sit, & supplicatio, ut Deus Pater misereatur propter passionem Filii sui, ita solius oris ex pulmone, & nihil facti ex corde: & quid tunc Redemptio nisi indulgentia papalis; aut plus quam flagellatio monachi pro toto Cætu, ut fit. Si sola illa fides regeneraret hominem, ac nihil Pænitentia & Charitas, quid tunc internus homo, qui est spiritus ejus vivens post mortem, nisi sicut urbs incensa, cuius rudera fi ciunt extérnum hominem; aut sicut ager vel campus ab erucis & locustis devasta-

tus. Talis homo coram Angelis non appareat aliter, quam sicut gremio foveret serpente, & superinduceret vestem ne appareat: tum etiam sicut qui dormit ut ovis cum lupo, aut sicut qui cubat sub pulchro velamento in induso ex telis araneæ contexto: & quid tunc vita post mortem, quando omnes distinguuntur secundum discrimina regenerationis in Cælo, & secundum discrimina rejectionis ejus in Inferno, nisi quam vita carne, & sic qualis vita pisces aut caneri.

*Quod Regeneratio fiat ad instar sicut homo concipitur, gestatur
in utero, nascitur, & educatur.*

583. Apud hominem est perpetua correspondentia inter illa quæ naturaliter fiunt, & quæ spiritualiter, seu quæ fiunt corpore, & quæ spiritu; causa est, quia homo natus est spiritualis quoad animam, & induitur naturali quod facit ejus materiale Corpus; quare cum hoc deponitur, anima ejus induita spirituali corpore, in Mundum, in quo omnia spiritualia sunt, venit, & ibi consociatur sui similibus. Nunc quia Spirituale corpus formandum est in materiali corpore, ac formatur per vera & bona, quæ influunt a Domino per spiritualem Mundum, ac recipiuntur ab homine intus in talibus ejus quæ sunt e naturali Mundo, quæ vocantur civilia & moralia, patet qualiter formatio ejus fit; & quia, ut dictum, est perpetua correspondentia apud hominem inter illa quæ naturaliter fiunt, & quæ spiritualiter, consequitur quod sit sicut conceptio, gestatio in utero, partus & educatio. Ex illa causa est, quod in Verbo per Nativitates naturales intelligantur Nativitates spirituales, quæ sunt boni & veri, nam quicquid in sensu literæ Verbi, qui est naturalis, exstat, involvit & significat spirituale: quod in omnibus & singulis sensu literæ Verbi sit Sensus spiritualis, in Capite de SCRIPTURA SACRA, plene ostensum est. Quod Nativitates naturales in Verbo nominatae involvant Nativitates spirituales, manifeste constat ex his ibi „Concepimus, parturivimus, quasi peperimus, salutes non fecimus, Esaj. XXVI: 16. A coram Domino parturit terra, Psalm CXIV: 7: Num parturivit terra die uno, num Ego frangam & non generem, & generari faciam, & non conculserim, Esaj. LXVI: 7 ad 10. Parturit Sin. & non erit ad perrumpendum, Ezech. XXX: 15. 16. Dolores parturientis venient Ephraimo, ille filius non sapiens, quia tempus non stat in utero filiorum, Hosch. XIII: 12. 13; pariter alibi multoties. Quoniam naturales generationes significant spirituales in Verbo, & haec sunt a Domino, inde Ipse vocatur Formator & Educator ab utero, quod patet ex his „Fehovah Factor tuus, & Formator ab utero, Esaj. XLIV: 2. Educator meus ab utero, Psalm XXII: 10. Super Te impositus sum ab utero, e visceribus matris meæ Tu educitor meus, Psalm LXXI: 6. Attende ad Me, portati ab utero, lati a vulva, Esaj. XLVI: 3; præter alibi. Inde est quod Dominus dicatur Pater, ut Esaj. IX: 5. Cap. LXIII: 16. Joh. X: 30. Cap. XIV: 8. 9; & quod illi, qui in bonis & veris sunt ab Ipsi, dicantur filii & nati a Deo, & inter se fratres, Matth. XXIII: 8; tum quod Ecclesia dicatur Mater, Hosch. II: 2. 5. Ezech. XVI: 45.

584. Ex his nunc patet, quod Correspondentia sit inter Generationes naturales & Generationes spirituales; & quia Correspondentia est, sequitur quod de nova Generatione non modo prædicari possint conceptio, gestatio in utero, partus & educatio, sed etiam quod actualiter sint, quales autem sunt, in suo ordine in hoc Articulo de Regeneratione videndum exhibetur. Hic solum, quod semen hominis concipiatur interius in intellectu, ac formetur in voluntate, & inde transferatur in testem, ubi induit se velamine naturali; & sic effertur in uterum, ac intrat Mundum. Præterea est correspondencia regenerationis hominis cum omnibus quæ in Regno vegetabili sunt; quare etiam in Verbo homo describitur per Arborem, verum ejus per

per semen; & bonum ejus per fructum. Quod mala arbor possit ē novo sicut generari, & postea ferre bonū fructū & bonū semen, constat ex infestationib⁹ & inoculationib⁹, quod tunc tametsi idem succus e radice per stupidem usque ad insitum aut inoculatum ascendit, usque ille vertatur in succum bonum, & faciat arborem bonam. Simile est in Ecclesia cum illis qui inseruntur Domino, quod Ipse docet his verbis „*Ego sum Vitis, vos palmites, qui maneat in Me, & Ego in illo, hic fert fructum multum: nisi quis manjerit in Me, ejectus est foras sicut palmes, & arefactus conjicitur in ignem,* Joh. XV. 5. 6.

585. Quod vegetations non modo arborum, sed etiam omnium virgultorum, correspondant proliferationibus hominum, a multis Eruditis traditum est, quare coronidis loco de his aliquid adjiciam. In arboribus & in omnibus reliquis subjectis Regni vegetabilis, non sunt duo Sexus, masculinus & femininus, sed unumquodvis ibi est masculinum, sola Terra seu humus est communis Mater, ita sicut Fæmina; haec enim recipit omnium fruticum semina, aperit illa, gestat illa sicut in utero, & tunc alit illa, & parit illa, hoc est, in diem educit, & postea vestit illa, & sustentat illa. Terra quando primum aperit semen, inchoat a radice, quæ est instar cordis, ex illa succum, sicut sanguinem, emitit & transmittit, & sic facit sicut corpus instructum membris; corpus ejus est ipse caudex, ac rami & horum termites sunt ejus membra; folia, quæ statim post partum educit, sunt loco pulmonis, nam sicut cor absque pulmone non producit motum & sensum, & per hos vivificat hominem, ita non radix vegetat arborem aut virgultum absque foliis: flores qui præcedunt fructum, sunt media decantandi succum, ejus sanguinem, & separandi crassiora ejus a prioribus; & pro influxu horum in sinu suo formandi novum caudicillum, per quem succus decantatus influit, & sic initiet & successive conformat fructum, qui comparari potest testi, in quo femina perficiuntur: anima vegetativa, quæ intime in omni particula succi regnat, seu essentia prolifica ejus, non aliunde est, quam ex calore Mundi spiritualis, qui quia est ex spirituali Sole ibi, non spirat aliud quam generationem, & per hanc creationis continuationem, & quia essentialiter spirat generationem hominis, ideo quocunque generat, ei quandam similitudinem hominis inducit. Ne quis miretur, quod dictum sit, quod subjecta Regni vegetabilis non sint nisi masculina, & quod sola Terra seu humus sit sicut communis Mater, seu sicut fæmina, illustrabitur hoc per simile in Apibus, illis secundum autopiam SWAMMERDAM in ejus BIBLIIS NATURÆ, est modo una communis mater, ex qua omnis progenies totius alvearis producitur; cum his animaleulis non datur nisi una communis mater, quid non omnibus fruticibus. Quod Terra sit communis mater etiam spiritualiter illustrari potest, & illustratur per hoc, quod Terra in Verbo significet Ecclesiam, & Ecclesia est communis Mater, ut quoque illa vocatur in Verbo; quod Terra significet Ecclesiam, consule APOCALYPSIN REVELATAM, n: 285. 902; ubi id ostensum est. Quod autem terra seu humus possit intrare in intimum seminis usque ad prolificum ejus, & hoc educere & circumferre, est quia unusquisque pulviusculus seu pollen ex essentia sua exspirat aliquod subtile sicut effluvium, quod penetrat; hoc fit ex vi activa caloris e spirituali Mundo.

586. Quod homo non possit regenerari nisi successively, illustrari potest ab omnibus & singulis, quæ in Mundo naturali existunt; Arbor non potest in arborem crescere intra unum diem, sed primum ex semine, postea ex radice, & deinde ex surculo, ex quo fit caudex, & ex hoc procedunt rami cum foliis, & demum flores & fructus: nec surgit triticum ac hordeum in messem uno die; non ædificatur domus una die; nec assurgit homo in statuam uno die, minus in sapientiam: nec Ecclesia instauratur & perficitur uno die; nec datur aliqua progressio ad finem; nisi sit initium a quo. Qui aliter concipiunt Regenerationem, non sciunt aliquid de Charita-

te & Fide, & de crescentia utriusque secundum cooperationem hominis cum Domino. Ex his patet, quod Regeneratio fiat, adinstar sicut homo concipitur, gestatur in utero, nascitur & educatur.

*Quod primus actus novae generationis dicatur Reformatio,
qui est intellectus, & quod secundus actus dicatur
Regeneratio, qui est voluntatis & inde intellectus.*

587. Quoniam hic & in sequentibus agitur de Reformatione & de Regeneratione, ac Reformatio adscribitur Intellectui, & Regeneratio Voluntati, necessarium est ut sciantur discrimina qua sunt inter Intellectum & Voluntatem, & illa descripta sunt supra n: 397, quare consultum est, ut illa primum legantur, & postea quæ in hoc Articulo: Quod mala, in quæ nascitur homo, Voluntati naturalis hominis ingenerata sint, & quod Voluntas ferat intellectum ad favendum sibi, cogitando congrue, ibi etiam ostensum est, quapropter ut homo regeneretur, necessarium est, ut hoc fiat per Intellectum, ut per causam medium, & hoc sit per informationes, quas Intellectus recipit, quæ sunt primum a parentibus & magistris, postea ex lectione Verbi, prædicationibus, libris & colloquiis; illa, quæ intellectus inde recipit, vocantur vera; quare idem est, sive dicatur, quod Reformatio fiat per Intellectum, sive dicatur quod fiat per Vera, quæ intellectus recipit; vera enim docent hominem, in quem, & quid credendum, tum quid faciendum, ita quid volendum, nam quod quis facit, hoc ex voluntate secundum intellectum facit. Cum itaque ipsa Voluntas hominis a nativitate mala est, & quia Intellectus docet quid malum & bonum, ac unum potest velle & alterum non velle, sequitur quod homo per Intellectum reformandus sit; sed quādiū quis videt & agnoscit mentis quod malum sit malum, & bonum bonum, & cogitat quod bonum eligendum sit, tamdiu status ille vocatur Reformatio; at quando vult fugere malum & facere bonum, inchoat status Regenerationis.

588. Propter hunc finem data est homini facultas elevandi intellectum pâne in lucem, in qua sunt Angeli cæli, ut videat quid illum oportet velle & inde facere, ut prosper sit in Mundo ad tempus, & beatus post mortem in æternum; prosper & beatus fit, si comparat sibi sapientiam, ac voluntatem sub ejus obedientiam tenet; at improsper & infelix, si intellectum suum mittit sub obedientiam voluntatis: causa est, quia Voluntas a nativitate inclinat ad mala, etiam enormia, quare nisi illa refrænetur per intellectum, homo libero voluntatis suæ relictus rueret in nefaria, & ex insita ferina natura depopularetur & trucidaret sui causa quoscunque, qui sibi non favent & cupiditatibus ejus indulgent. Præterea nisi Intellectus separatim potuisset perfici, & Voluntas per illum, homo non foret homo, sed bestia, non enim absque separatione illa, & absque ascensi intellectus supra voluntatem, potuisset cogitare, & ex cogitatione loqui, sed solum sonare suam affectionem; nec potuisset ex ratione agere, sed ex instinctu; minus potuisset cognoscere illa quæ Dei sunt, & per illa Deum; & sic conjungi Ipsi, & vivere in æternum; cogitat enim & vult homo sicut a se, & hoc sicut a se, est reciprocum conjunctionis, nam conjunctio absque reciproco non dabilis est, sicut non conjunctio activi cum passivo absque adaptatione seu applicatione; solus Deus agit, & homo se patitur agi, & cooperatur in omni apparentia sicut a se, tametsi interiorius a Deo. Sed ex his rite perceptis videri potest, qualis est auctor voluntatis hominis, si elevatur per intellectum, tum qualis est si non elevatur, ita qualis est homo.

589. Sciendum est, quod facultas elevandi intellectum usque ad intelligentiam in qua sunt Angeli Cæli, a creatione cuivis homini insit, tam malo quam bono, immo etiam omni diabolo in inferno, nam omnes qui in inferno sunt fuerunt homines; hoc mihi per vivam experientiam saepius ostensum est; at quod non sint in intelligentia, sed in infania in spiritualibus, est quia non volunt bonum sed malum, inde aversantur scire & intelligere vera, nam vera sunt pro bono, & contra malum. Ex his etiam patet; quod Primum novæ generationis sit receptio veritatum intellectu, & quod Secundum ejus sit, quod velit facere secundum veritates, & tandem facere illas. Verum enim vero non potest aliquis dici reformatus per solas cognitiones veritatum, nam homo ex facultate elevandi intellectum supra amorem voluntatis potest apprehendere illas, & quoque loqui, docere & prædicare illas; sed ille Reformatus est, qui in affectione veritatis est propter veritatem, nam hæc affectio conjungit se cum voluntate, & si pergit, conjungit voluntatem intellectu; & tunc incipit Regeneratio: quomodo autem Regeneratio postea proceditur & perficitur, in sequentibus dicetur.

590. Sed hoc, qualis homo est, cujus intellectus elevatus est, & non per hunc amor voluntatis, illustrabitur per comparationes: est sicut aquila volans in alto, sed ut primum videt escas infra, ut gallinas, pullos olerum, immo catulos ovium, momento se dejicit, & devorat. Est etiam sicut adulter, qui inferius in cella recondit scortum, & per vices surgit in supremam regionem domus; & cum comorantibus ibi in praesentia uxoris suæ loquitur sapienter de castitate, ac alternis ex consorts se proripit, & lasciviam suam infra satiat eum scorto. Est quoque similis muscis paludis, quæ in columna volant super Capite equi currentis, quæ quiescente equo decidunt, & immergunt se paludi suæ; talis est homo, qui in elevatione est quoad intellectum, at amor voluntatis infra ad pedem subsistit immersus immundis naturæ, & libidinosis sensuum. At quia lucent sicut ex sapientia quoad intellectum, & voluntas est contra illam, possunt assimilari etiam serpentes qui lucent squamis, & cantharidibus quæ fulgent sicut ex auro, tum etiam, ignibus fatuis in paludibus, lignis putribus lucentibus, & phosphoris: inter illos sunt, qui possunt mentiri angelos lucis, tam inter homines in Mundo, quam post mortem apud angelos cæli, sed hi post brevem explorationem depravantur vestibus, & nudi dejiciuntur; simile tamen non fieri potest in Mundo, quia ibi non apertus est spiritus illorum, sed superinductus vultu, qualis est cominadis super theatro quod facie & ore mentiri possint angelos lucis; est causa & quoque indicium quod intellectum possint elevare pene ad sapientiam angelicam, supra amorem voluntatis, ut dictum est; nunc quia internum & externum hominis possunt ita in contrarium abire, & quia corpus projicitur & spiritus manet, constat quod furvus spiritus possit habitare sub candida facie, & igneus sub blando ore; quare, imitamice, cognoscite hominem non ex ejus ore sed ex ejus corde, hoc est, non ex sermone, sed ex factis; nam dicit Dominus, *Cavete vobis a pseudoprophetis, qui veniunt ad vos in indumentis ovium, intrinsecus autem sunt lupi rapaces; e fructibus eorum cognoscite eos,* Matth. VII: 15. 16.

Quod Internus homo primum reformandus sit, & per hunc Externus, & quod homo sic regeneretur.

591. Quod Internus homo primum regenerandus sit & per illum Externus, in Ecclesia hodie communiter dicitur, sed per Internum hominem non aliud cogitur, quam fides, quæ est, ut Deus Pater imputet meritum & justitiam Filii sui, & mittat Spiritum sanctum; hanc fidem credunt facere Internum hominem, & ex illo

illo profluere Externum, qui est moralis naturalis homo; & quod hic sit appendix ejus, comparative sicut cauda equi aut bovis, aut sicut cauda pavonis vel avis paradisiacæ, quæ continuatur volis ejus, præter quod cohæreat, nam dicitur, quod charitas sequatur fidem illam, sed si charitas ex voluntate hominis intrat, fides illa pereat. Verum quia non alius Internus homo in Ecclesia hodie agnoscitur, non est alius Internus homo, nam nemo scit, num fides illa ei donata sit; quod etiam non dabilis sit, & inde imaginaria, supra ostensum est: inde sequitur, quod hodie apud illos, qui se in fide illa confirmaverunt, non sit alius Internus homo, quam naturalis ille, qui a nativitate scatet malis in omni copia; accedit, quod regeneratio & sanctificatio sequatur fidem illam ex se; & quod cooperatio hominis, per quam unice fit regenerationis, excludenda sit; inde est, quod Regeneratio non sit scibilis in Ecclesia hodierna, cum tamen Dominus dicit, quod qui non regeneratur, non videre possit regnum Dei.

592. Sed Internus & Externus homo novæ Ecclesiæ sunt prorsus alii: Internus homo est ejus Voluntatis, ex qua cogitat, dum sibi relictus est, quod fit domi; at Externus homo est ejus actio & loquela, quæ ab illo fiunt in Cætu, ita foris; proinde Internus homo est charitas, quia hæc est voluntatis, & simul fides quæ est cogitationis: uterque ille ante regenerationem facit naturalem hominem, qui sic est divisus in internum & externum, hoc patet ex eo, quod non liceat homini agere & loqui in Cætu aut foris, sicut dum sibi relictus est, seu domi; causa divisionis hujus est, quia Leges civiles præscribunt punitiones pro illis qui male agunt, & remuneraciones pro illis qui bene, & sic cogunt ad separandum Externum hominem ab Interno, nam nullus vult puniri, & unusquisque vult remunerari, quod fit per opes & honores; utrumque hoc non assèquitur homo, si non secundum illas leges vivit; inde est, quod detur moralitas & benevolentia in externis, etiam apud illos, quibus nulla moralitas & benevolentia est in internis; ex hac origine est omnis hypocrisis, assentatio & simulatio.

593. Quod divisionem naturalis hominis in duas formas attinet, est actualis divisione tam voluntatis quam cogitationis ibi, nam omnis actio hominis proficietur a voluntate ejus, & omnis loquela a cogitatione, quare alia voluntas ab homine formata est infra priorem, similiter alia cogitatio, sed usque utraque hæc constituit naturalem hominem; hæc voluntas quæ ab homine formatur, vocari potest voluntas corporea, quia agit corpus ad gesticulandum se moraliter, & illa cogitatio, vocari potest cogitatio pulmonaris, quia agit linguam & labra ad loquendum talia quæ intellectus sunt. Hæc cogitatio & illa voluntas simul comparari possunt philyræ quæ intus adhæret cortici arboris, ac membranæ quæ testæ ovi, inter quas est internus naturalis homo, qui si malus, comparari potest ligno arboris putris, circum quod dictus ille cortex cum sua philyra appareat integer, & quoque ovo putido intra testam albam. Qualis autem internus naturalis homo est a nativitate, dicetur; voluntas ejus inclinat ad mala omnis generis, & cogitatio inde ad falsa, etiam omnis generis; hic itaque internus homo est, qui regenerandus est, nam nisi hic regeneratur, non est nisi odium contra omnia quæ charitatis sunt, & inde excandescentia contra omnia quæ fidei sunt. Inde sequitur, quod primum regenerandus sit naturalis internus homo, & per hunc externus, hoc enim secundum ordinem est, at regenerare internum per externum contra ordinem est; internum enim est sicut anima in externo, non modo in communi, sed etiam in omni particulari, proinde in singulis quæ loquitur, inest illis, præter quod homo id sciat; inde est, quod Angeli ex una actione hominis percipiunt qualis ejus voluntas est, & ex una loquela ejus, qualis ejus cogitatio, sive infernalis sive cœlestis sit, inde noscunt totum hominem, ex sono percipiunt affectionem ejus, cogitationis, & ex gestu seu forma actionis amorem ejus voluntatis; illa percipiunt, utcunque simulat Christianum & civem moralem.

594. Regeneratio hominis describitur apud Ezechielem per Ossa arida, super quæ inducebantur nervi, postea caro, & cutes, & demum inspiratus est spiritus, per quæ revixerunt; Cap. XXXVII: 1 ad 14, quod per illa repræsentata sit Regeneratio, patet clare ab his ibi, *Ossa hæc sunt tota domus Israelis*, Vers. 11. Comparatur etiam ibi cum sepulchris, nam legitur, *quod aperturus sit sepulchra, & ascendere facturus ossa inde, & daturus spiritum in illis, & collocaturus illos super terra Israëlis*, Vers. 12. 13. 14; per terram Israëlis intelligitur ibi & alibi Ecclesia. Quod repræsentatio regenerationis facta sit per ossa & sepulchra, est quia homo non regeneratus vocatur mortuus, & regeneratus vivus, in hoc enim est vita spiritualis, in illo autem mors spiritualis.

595. In omni creato in Mundo tam vivo quam mortuo est Internum & Externum, non datur unum ubi non alterum, sicut non effectus absque causa, & omne creatum æstimatur secundum bonitatem internam, & vilipenditur ex malignitate interna, similiter bonitas externa in qua est malignitas interna; omnis sapiens in Mundo, & omnis Angelus in Cælo ita judicat, sed qualis homo non regeneratus est, & qualis regeneratus, illustrari potest per comparationes; homo non regeneratus, qui simulat civem moralem & hominem Christianum, comparari potest cadaveri, quod aromaticis involvitur, quod usque spargit putorem, quo aromatica inficit, & in naribus se insinuat, & laedit cerebrum: & quoque comparari potest cum Mumia inaurata, aut in cippo Argenteo locata, qui cum introspicitur, in aspectum venit corpus deformiter nigrum. Comparari potest cum ossibus seu sceletis in sepulchro ex lapide lazuli & pretiositatibus aliis exornato: comparari etiam potest diviti, qui induebatur purpura & byssio, cuius tamen internum fuit infernale, Luc. XVI. Comparari ulterius potest veneno saccharini saporis; cicutaeflōrēscēti; fructibus in crustis nitentibus quorum nuclei a vermis eroſi sunt; & quoque ulceri obducto emplastro & postea levi cute, in quo non nisi quam sanies est. Internum potest ab externo æstimari in Mundo, sed modo ab illis quibus non internum bonum est, & qui ideo judicant ex apparentia; aliter vero in Cælo; nam cum corpus versatile circum spiritum, & flexible a malo ad bonum, per mortem separatur, tunc manet internum, hoc enim facit Spiritum ejus, & tunc apparet & e longinquō sicut serpens depositis exuviis, aut sicut lignum putre nudatum libro seu cortice, in quo splenduit. Altero vero regeneratus, hujus Internum est bonum, & Externum simile externo alterius, hujus externum a prioris, differt sicut cælum ab inferno, quoniam anima boni inest, & nihil refert, sive sit magnas, & habitet in palatio, ac incedat cinctus satellitiis, sive habitet in casa, & serviatu r a puerō: imo sive sit Primas incinctus pallio ex purpura, & cidari duorum graduum, sive sit pastor aliquot ovium in sylva, & integatur toga laxa rusticā, & quoad caput testus capapello. Aurum usque est aurum, sive admotum igni fulgeat, sive super fumo quoad superficiem denigratum sit; tum sive fusum sit in formam pulchram sicut infantis, sive in formam impulchram sicut muris; mures ex auro facti, & juxta arcām positi, etiam acceptabantur & placabant, I Sam. VI: 3. 4. 5. seq. Aurum enim significat internum bonum. Adamas & Rubinus, in quacunque matrice; calcaria & lutea, exempti, ex bonitate sua interna similiter æstimantur, sicut illa in collario Reginæ, & sic porro; ex his patet, quod externum æstimetur ab interno, & non viceversa.

Quod cum hoc sit, pugna inter Internum & Externum hominem oriatur, & tunc qui vincit, dominatur super alterum.

596. Causa, quod pugna tunc oriatur, est quia Internus homo reformatus est per vera, & ex his videt quid malum & falsum est, & hæc sunt adhuc in Extero seu naturali homine, quare primum oritur dissensio inter voluntatem novam, quæ est suprà, & inter voluntatem veterem, quæ est infra, & quia est inter voluntates, est inter jucunda utriusque, nam notum est, quod caro sit contra spiritum, & spiritus contra carnem, & quod caro cum ejus concupiscentiis domanda sit, antequam spiritus potest agere, & homo novus fieri; post hanc dissensionem voluntatum, exoritur pugna, quæ est quæ vocatur Tentatio spiritualis; sed hæc tentatio seu pugna non sit inter bona & mala, sed inter vera boni & falsa mali; bonum enim non potest ex se pugnare, sed pugnat per vera, nec malum ex se sed per sua falsa, sicut nec voluntas potest pugnare ex se sed per intellectum, ubi ejus vera sunt. Homo non sentit pugnam illam aliter quam in se, & sicut mortuus conscientiae; attamen est Dominus & diabolus, hoc est infernum, qui in homine pugnant, & pugnant de dominio super hominem, seu quis possidebit illum; diabolus seu infernum aggreditur hominem & evocat ejus mala, & Dominus tutatur illum, & evocat ejus bona. Sed tametsi illa pugna sit in spirituali Mundo, usque tamen sit in homine inter vera boni & falsa mali, quæ in illo sunt, quare homo pugnaturus est prorsus ut a se, est enim in libero arbitrio agendi pro Domino, & quoque agendi pro diabolo; pro Domino est, si in veris ex bono manet, & pro diabolo si in falsis ex malo: Ex his sequitur, quod qui vincit, sive internus homo sive externus, dominetur super alterum; prorsus sicut duo hostes, qui pugnant, quis futurus est Dominus alterius regni, qui vincit accipit regnum, & omnes ibi mittit sub suam obedientiam; hic itaque, si Internus homo vincit, imperat & omnia mala externi hominis subjugat, & tunc continuatur regeneratio; at si externus homo vincit; imperat ille, & omnia bona Externi hominis dissipat, & tunc perit regeneratio.

597. Hodie quidem scitur, quod dentur Tentationes; sed vix aliquis scit, unde & quales sunt, & quid boni producunt; unde & quales sunt, mox supra ostensum est, tum etiam quid boni producunt; scilicet, quod dum Internus homo vincit, subjugetur Externus, quo subjugato discutiuntur concupiscentiæ, & loco illarum implantantur affectiones boni & veri, & ordinantur ita, ut bona & vera, quæ homo vult & cogitat, etiam faciat illa, & ex corde loquatur illa: præter hæc, homo per victoriæ super externum hominem, fit spiritualis, & a Domino tunc consociatur Angelis Cæli, qui omnes sunt spirituales. Quod Tentationes haec non notæ fuerint, & quod vix aliquis sciverit, unde & quales sunt, & quid boni producunt, est causa, quia Ecclesia haec tenus non in veris fuit, in veris nemo est, nisi qui immediate adit Dominum, & fidem priorem rejicit, & novam amplectitur, inde est, quod non aliquis in quandam spiritualem tentationem a faculis numeratis a sæculo, quando Synodus Nicæna introduxit fidem trium Deorum, admissus sit, nam si admissus fuisset, illico succubuisse, & sic in infernum se profundius præcipitavisset: Contritritio quæ perhibetur præcedere hodiernam Fidem, non est Tentatio, quæsivi permultos de illa, & dixerunt, quod sit vox & præterea nihil, nisi forte sit aliqua timida cogitatio de igne inferni apud simplices.

598. Homo post transactam Tentationem est quoad Internum hominem in Cælo, & per Externum in Mundo, quare per tentationes apud hominem fit conjunctio Cæli

Cæli & Mundi, & tunc Dominus apud illum secundum ordinem regit ejus mundum e Cælo. Contrarium fit, si homo manet naturalis, tunc discupit ille regere Cælum e Mundo; talis fit omnis qui in amore dominandi ex amore sui est, hic si intrinsecus exploratur, non credit in aliquem Deum sed in se; & post mortem credit illum Deum esse, qui potentia super alios valet; talis insania est in inferno, quæ eo usque se profundavit, ut aliqui se dicant Deum Patrem esse, aliqui Deum Filium, & aliqui Deum spiritum sanctum, & inter Judæos aliqui se esse Messiam. Inde patet, qualis homo fit post mortem, si naturalis homo non regeneratur, proinde qualis fieret in phantasia, si non nova Ecclesia a Domino instauraretur, in qua genuina vera docentur: tale intelligitur per hæc Domini verba „*In consummatione saeculi, hoc est, in fine Ecclesie hodiernæ; talis afflictio erit, qualis ab initio Mundi non fuit, nec fiet: quare nisi abbreviarentur dies illi, non conservaretur ulla caro*“ Matth. XXIV: 21. 22.

599. Dominus in pugnis seu temptationibus hominum agit Redemptionem particularem, sicut totalem cum fuit in Mundo, Dominus in Mundo per pugnas & tentationes glorificavit Humanum suum, hoc est, Divinum illud fecit; similiter nunc in particulari apud hominem, dum in temptationibus est, in his pro illo pugnat, & vincit spiritus infernales, qui illum infestant, & illum post temptationem glorificat, hoc est, spiritualem reddit. Dominus post universalem suam Redemptionem, omnia in Cælo & in Inferno, in ordinem redigit; similiter cum homine post temptationem facit, videlicet redigit in ordinem omnia quæ Cæli & Mundi sunt apud illum. Dominus post Redemptionem novam Ecclesiam instauravit, similiter etiam instaurat illa quæ Ecclesiæ sunt apud hominem, & facit ut sit Ecclesia in particulari. Dominus post redemptionem illos qui crediderunt in Ipsum donavit Pace, nam dixit, *Pacem meam relinquo vobis, Pacem meam do vobis, non sicut Mundus dat, do vobis* Joh. XIV: 27, similiter dat homini post temptationem sentire pacem, hoc est, lœtias animi, & solatiæ. Ex his patet, quod Dominus Redemptor sit in æternum.

600. Internus homo regeneratus & non simul externus, comparari potest avivolanti in aere absque sede in terra sicca, sed solum in palude, ubi a serpentibus & ranis infestatur, quare avolat & moritur. Comparari etiam potest olori in medio mari natanti, qui non potest attingere litus, & nidum ponere, quare ova quæ parit, immergit aquis, ubi a piscibus devorantur. Comparari etiam potest militi super muro, qui hoc sub pedibus ejus subruto cadit deorsum, & in ruina exspirat. Comparari etiam potest cum Arbore pulchra translata in terram putidam, ubi vermes in caterva exedunt radicem, ex quo illa emarcescit & perit. Comparari etiam potest domui absque fundamento, & quoque columnæ absque stylobata: Talis est Internus homo solum reformatus, & non simul externus, nam nulla est ei determinatio ad faciendum bonum.

Quod Homini regenerato sit nova Voluntas & novus Intellectus.

601. Quod homo regeneratus sit homo innovatus seu novus, scit Ecclesia hodierna tam ex Verbo, quam ex ratione, ex VERBO ex his, *Facite vobis cor novum, & spiritum novum quare moriemini domus Israelis*, Ezech. XVIII: 31. *Dabo vobis cor novum, & spiritum novum in medio vestri, & remevebo cor lapidis e carne vestra, & dabo vobis cor carnis, & spiritum meum dabo in medio vestri*, Ezech. XXXVI: 27. Ex nunc neminem novimus secundum carnem; quare si quis in Christo est, nova Creatura est, II Cor. V: 16. 17; per cor novum ibi intelligitur voluntas

nova, & per spiritum novum intellectus novus, nām Cor in Verbo significat voluntatem, & spiritus, dum conjungitur cordi, intellectum. Ex RATIONE, quod homini regenerato sit nova voluntas & novus intellectus, est quia hæ duæ facultates faciunt hominem, & hæ sunt quæ regenerantur; quare omnis homo talis est, qualis est quoad illas, malus cui voluntas mala est, & plus malus, si intellectus illi favet; vicissim autem bonus. Sola religio renovat & regenerat hominem, hæc suprēmam sedem in mente humana sortitur, & sub se videt civilia quæ mundi sunt, & quoque transcendit per hæc sicut purus succus per Arborem usque in apicem ejus, & ex altitudine illa prospicit naturalia, sicut qui e turri aut monte prospicit campestria infra.

602. At sciendum est, quod homo quoad intellectum assurgere possit pñne in lucem, in qua sunt Angeli Cæli, sed si non etiam assurgit quoad voluntatem, usque est vetus homo, & non nōvus: quomodo autem intellectus elevat voluntatem in altitudinem secundum plus & plus, prius ostensum est; quare regeneratio primario prædicatur de voluntate, & secundario de intellectu: nām intellectus apud hominem est sicut lux in Mndo, & voluntas sicut calor ibi, quod lux absque calore non vivificet & vegetet, sed lux conjuncta calori, notum est; intellectus etiam quoad inferiorem regionem in mente, est etiam actualiter in luce Mundi, & in luce cæli quoad superiorem, quare nisi voluntas elevetur e regione inferiore in superiore, & ibi conjungitur intellectui, manet in Mndo, & tunc intellectus volat sursum & deorsum, at omni nocte ad voluntatem infra, ac ibi cubat, & se conjungunt sicut vir & scortum, & pariunt fætus bicipites. Ex his etiam patet, quod nisi homini nova voluntas & novus intellectus sit, non regeneratus sit.

603. Mens humana distincta est in tres regiones, infima vocatur naturalis, media spiritualis, & suprema cælestis, homo per regenerationem elevatur ab infima regione, quæ est naturalis, in superiorem quæ est spiritualis, & per hanc in Cælestem: quod tres regiones mentis sint, in sequente Articulo demonstrabitur: inde est, quod homo non regeneratus dicatur naturalis, & homo regeneratus spiritualis; ex quo patet, quod mens hominis regenerata sit elevata in regionem spiritualem, & ibi e superiori videat illa quæ in mente inferiori seu naturali versantur. Quod in Mente humana sit Regio inferior & superior, quisque potest ex levi attentione ad suas cogitationes videre & agnoscere; videt enim quid cogitat, quare dicit, quod hoc aut illud cogitaverit ac cogitet, hoc non dari potest, nisi interior cogitatio sit quæ vocatur perceptio, quæ introspicit in inferiorem, quæ vocatur cogitatio. Index cum audivit aut legit causas in longa serie ab advocate collatas, congregat illas in unum intuitum in superiore mentis suæ regione, ita in universalem ideam, & postea inde demittit visum in inferiore regionem, quæ est cogitationis naturalis, & ibi argumenta disponit in ordinem, & secundum superiorem profert sententiam & judicat: quis non scit, quod homo possit uno momento aut duobus cogitare & concludere, quæ non potest per cogitationem inferiorem tempore horulæ eloqui. Hæc allata sunt, ut sciatur, quod Mens humana in regiones inferiores & superiores distincta fit.

604. Quod novam Voluntatem attinet, est illa supra veterem voluntatem, in regione spirituali, similiter novus Intellectus, hic cum illa, & illa cum hoc; in regione illa se conjungunt, ac conjunctim inspiciunt in veterem seu naturalem, & disponunt omnia ibi, ut obtémperent. Quis non videre potest, quod si in Mente humana foret modo una Regio, & ibi committerentur & commiscerentur mala & bona, ac falsa & vera simul, fieret confictio sicut in unam caveam committerentur lupi & oves, tigrides & vituli, & accipitres & columbae simul, quid tunc fieret ibi nisi crudelis Ianiena, & immanes feræ discinderent mansuetas bestias; quare provisum est, ut bona cum suis veris colligantur in superiore regionem, ut in tuto possint subsistere, ac inhibere assultum, & quoque per catchas & alia

media subjugare, & postea discutere mala cum suis falsis. Hoc itaque est, quod in superiore Articulo dictum est, quod Dominus per Cælum regat illa quæ Mundii sunt apud hominem regeneratum. Superior seu spiritualis Régio mentis humanæ est quoque in minima effigie Cælum, ac inferior seu naturalis Regio est in minima effigie Mundus, quare homo ab antiquis dictus est microcosmus, & quoque vocari potest microurancos.

605. Quod homo regeneratus, hoc est, quoad voluntatem & intellectum renovatus, sit in calore Cæli, hoc est, in amore ejus, & simul in luce Cæli; hoc est, in sapientia ejus, & vicissim, quod homo non regeneratus sit in calore inferni, hoc est, in amore ejus, & simul in tenebris inferni, hoc est, in insaniis ejus, est hodie notum & usque ignotum; causa est, quia Ecclesia, quæ hodie est, regenerationem fecit appendicem fidei suæ, in quam non aliqua ratio immittenda est, consequenter nec in aliquid quod est appendicis ejus, quod, ut dictum, est regeneration & renovatio, hæ cum ipsa fide sunt illis sicut domus, cuius januæ & fenestræ clausæ sunt, quare nescitur quid intus in domo illa est, num modo vacuum, vel num plenum geniis ab inferno aut angelis e Cælo. Accedit, quod fallacia hoc confuderit, quæ est, quod quia homo intellectu ascendere potest, pæne in lucem Cæli, & inde ex intelligentia cogitare & loqui de spiritualibus, qualiscunque Amor voluntatis ejus sit; ex hujus veritatis ignorantia etiam ignotum factum est omne quod regenerationem & renovationem concernit.

606. Ex his concludi possunt hæc, quod homo non regeneratus sit sicut qui videt phasmata in nocte, & credit esse homines, & deinde cum regeneratur sicut idem qui illa quæ videt in nocte, in primo mane videt quod fuerint ludibria, & postea dum regeneratus est, & in die est, ut deliria. Homo non regeneratus est sicut qui somniant, & homo regeneratus est, sicut qui vigilat, in Verbo etiam vita naturalis assimilatur somno, & vita spiritualis vigiliæ. Homo non regeneratus intelligitur per Virgines stultas, quæ habebant lampades, & non oleum, & regeneratus per Virgines prudentes quæ habebant lampades & simul oleum; per lampades intelliguntur talia quæ intellectus sunt, & per oleum quæ amoris sunt. Regenerati sunt sicut Lucernæ candelabri in Tabernaculo; suntque sicut Panes facierum cum thure super illis ibi: & sunt qui splendebunt sicut splendor expansi, & lucebunt sicut stellæ in sæculum & æternitatem, apud Danielem Cap. XII: 3. Homo non regeneratus est sicut qui in horto Edenis est, ac edit ex Arbore scientiæ boni & mali, & propterea ex horto ejectus, imo est ipsa illa Arbor; at homo regeneratus est sicut qui in horto illo est, ac edit ex Arbore vitæ, quod detur ex illa edere, constat ex his in Apocalysi „*Vincenti dabo edere ex Arbore vitæ, que in medio Paradisi Dei*„, Cap. II: 7., per hortum Edenis intelligitur intelligentia in spiritualibus ex Amore veri, videatur APOCALYPSIS REVEL: n: 90. Verbo, non regeneratus est Filius mali, & regeneratus est Filius Regni, Matth. XIII: 38, filius mali ibi est filius diaboli, & filius Regni ibi est Filius Domini.

*Quod Homo regeneratus sit in communione cum Angelis
cæli, & non regeneratus in communione cum Spiriti-
tibus inferni.*

607. Quod omnis homo sit in communione, hoc est, in consociatione cum Angelis Cæli, aut cum Spiritibus inferni, est causa, quia natus est ut fiat spirituālis, & hoc non possibile est, nisi ut cum illis, qui spirituales sunt, in quadam coniunctione sit; quod homo in utroque Mundo, naturali & spirituali, quoad mentem sit, in Libro de CÆLO ET INFERNO, ostensum est; sed de hac coniunctio-

ne non Homo, nec Angelus ac Spiritus scit, ex causa, quia homo, quamdiu vivit in Mundo, est in statu naturali, ac Angelus & Spiritus in statu spirituali, & propter discrimen inter naturale & spirituale, non apparet unus alteri, hoc discrimen, quale est, descriptum est in Libro de AMORE CONJUGIALI In Memorabili ibi, n: 326 ad 329; ex quo patet, quod non sint conjuncti quoad cogitationes, sed quoad affectiones, & super his vix aliquis reflectit, quia non sunt in luce, in qua est intellectus & inde ejus cogitatio, sed in calore in quo est voluntas & inde amoris ejus affectio; conjunctio per affectiones amoris inter homines ac inter Angelos & Spiritus, tam arcta est, ut si scinderetur, & illi inde separarentur, homines actutum caderent in deliquium, & si non resarciretur, & illi conjungerentur, homines exspirarent. Quod dictum sit, quod homo per regenerationem fiat spiritualis, non intelligitur quod fiat spiritualis qualis est Angelus in se, sed quod fiat spiritualis naturalis, hoc est, quod intus in ejus naturali sit spirituale, ad similitudinem sicut cogitatio est in loquela, & sicut voluntas in actione, nam cessante una cessat altera; similiter est Spiritus hominis in singulis quæ sunt in corpore, & hic est qui agit naturale ad faciendum quod facit; naturale in se spectatum est passivum seu vis mortua, spirituale autem est activum seu vis viva, passivum seu vis mortua non potest agere ex se, sed agendum est ab activo seu vi viva. Quoniam homo in communione cum indigenis Mundi spiritualis continue vivit, ideo etiam, cum e Mundo naturali excedit, statim inferitur similibus, cum quibus fuerat in Mundo; inde est, quod unusquisque post mortem videatur sibi sicut adhuc viveret in Mundo, nam tunc cum similibus quoad affectiones suæ voluntatis, in consortium venit, quos tunc agnoscit, similiter ut propinqui & affines agnoscunt suos in Mundo: & hoc est, quod in Verbo dicitur de illis qui moriuntur, quod congregati & collecti sint ad suos. Ex his nunc constare potest, quod homo regeneratus sit in communione cum Angelis Cæli, & non regeneratus cum spiritibus inferni.

608. Sciendum est, quod tres Cæli sint, & illi inter se distincti secundum tres gradus amoris & sapientiae, & quod homo secundum regenerationem sit in communione cum Angelis ex tribus illis cælis; & quia ita est, quod Mens humana distincta sit in tres gradus seu regiones secundum cælos; sed de tribus his cælis, & de distinctione illorum secundum tres gradus amoris & sapientiae, videatur in Libro de CÆLO ET INFERNO, n: 29. seq. & quoque in Codicillo de COMMERCIO ANIMÆ ET CORPORIS, n: 16. 17. Hic solum per aliquam similitudinem illustrandum est, quales tres gradus sunt, secundum quos Cæli illi distincti sunt; sunt sicut in homine suat caput, corpus & pedes, supremum Cælum facit Caput, medium facit Corpus, ac Ultimum facit Pedes; nam est Universum Cælum coram Domino sicut unus Homo: quod ita sit, detectum est mihi per autopsiam; datum enim est mihi videre unam Societatem Cæli, quæ ex myriade constabat, sicut unum hominem simul, quid non universum Cælum coram Domino; de hac viva Experiencia videatur in Libro de CÆLO ET INFERNO, n: 59 seq. Inde etiam patet, quomodo intelligitur hoc notum in Christiano Orbe, quod Ecclesia faciat Corpus Christi, & quod Christus sit vita ictius corporis: per id etiam illustrari potest hoc, quod Dominus sit omne in omnibus Cæli, nam est vita in illo corpore; similiter est Dominus Ecclesia apud illos qui Ipsum Solum pro Deo Cæli & Terræ agnoscunt, & in Ipsum credunt; quod Ipse sit Deus Cæli & Terræ, docet Ipse apud Matthæum XXVIII: 18. & quod in Ipsum credendum sit, Joh. III: 15. 15. 36. Cap. VI: 40. Cap. XI: 25. 26.

609. Tres illi gradus in quibus Cæli sunt, consequenter in quibus Mens humana, potest etiam aliquatenus illustrari per comparationes cum materialibus in Mundo; illi tres gradus sunt sicut nobilitate inter se sunt Aurum, Argentum & Cuprum, eum quibus Metallis itiam fit comparatio in Statua Nebuchadnezaris,

Dan.

Dan. II: 31. seq. Tres illi gradus etiam inter se distincti sunt, sicut inter se puritate & bonitate, Rubinus, Sapphirus & Achates: & quoque sicut Olea, Vitis & Ficus, & sic porro; etiam Aurum, Rubinus & Olea in Verbo significant bonum cælestis, quod est bonum supremi cæli, & Argentum, Sapphirus & Vitis significant bonum spirituale, quod est bonum medii Cæli; & cuprum, Achates & Ficus bonum naturale, quod est bonum ultimi Cæli; quod sint tres gradus, cælestis, spiritualis, & naturalis, supra dictum est.

610. Supradictis adjicetur hoc; quod Regeneratio hominis non fiat uno momento, sed quod successivæ a principio ad finem vitæ in Mundo, & quod post hunc continuetur & perficiatur; & quia homo per pugnas & victorias super mala carnis suæ reformatur, ideo dicit Filius hominis ad quamlibet e septem Ecclesiis, quod qui vicerit ei datus sit dona; ut ad Ecclesiam Ephesinam, *qui vicerit, dabo ut comedat de Arbore vita*, Apoc. II: 7. Ad Ecclesiam Smyrnæorum, *Qui vicerit, damnum non patietur in morte altera*, Vers. 11. Ad Ecclesiam in Pergamo, *Qui vicerit, dabo ut comedat de manne abscondito*, Vers. 17. ad Ecclesiam in Thyatiris, *Qui vicerit, dabo potestatem super gentes*, Vers. 25. Ad Ecclesiam in Sardibus, *Qui vicerit, induetur vestibus albis*, Cap. III: 5. Ad Ecclesiam in Philadelphia, *Qui vicerit, eum dabo columnam in Templo Dei*, Vers. 12. Ad Ecclesiam Laodicenij, *Qui vicerit, illi dabo ut sedeat Mecum in Throno meo*, Vers. 21. Ultimo addetur hoc, quod quantum homo regeneratur, seu quantum regeneratio apud illum perficitur, tantum non sibi trahat aliquid boni & veri, hoc est, charitatis & fidei, sed Domino; vera enim quæ successive haurit, illud manifeste docent.

*Quod quantum Homo regeneratur, tantum removeantur peccata,
Et quod remotio illa sit Remissio peccatorum.*

611. Quod quantum homo regeneratur, tantum peccata removentur, est quia regeneratio est compescere carnem ne dominetur, ac veterem hominem cum ejus concupiscentiis domare ne exsurgat, & intellectuale perdat, quo deperditio homo non amplius est reformabilis; quæ reformatio non potest fieri, nisi spiritus hominis, qui supra carnem est, instruatur & perficiatur. Quis, cui intellectus adhuc integer est, ex illis non potest concludere, quod talia non possint uno momento fieri, sed quod successivæ, sicut homo concipitur, gestatur in utero, nascitur & educatur, secundum illa quæ supra ostensa sunt; nam illa, quæ carnis seu veteris hominis sunt, inhærent a nativitate, & construunt primam ejus mentis domum, in qua concupiscentiae habitant, sicut ferae in suis caveis, ac inhabitant primum in atris, ac subintrant per vices sicut in istius domus mansiones sub terra, & postea per scalas afflurgunt, & cameras sibi formant; quod fit successivæ sicut infans crescit, fit puer, & dein adolescens, & tunc ex proprio intellectu incipit cogitare, & ex propria voluntate agere: quis non videt, quod hæc domus in mente huic usque exstructa, in qua concupiscentiae, ut ochim, ghoim & satyri junctis manibus ludunt choreas, posit uno momento destrui, & nova domus loco ejus exstrui; numne concupiscentiae tenentes se manibus, & sic ludentes, prius removendæ sunt, ac nova desideria quæ sunt boni & veri, loco cupiditatum, quæ sunt mali & falsi, introducenda sunt; quod hæc non possint momento fieri, potest omnis sapiens videre, ex hoc solo, quod omne malum conflatum sit ex innumeris concupiscentiis, & quod sit sicut fructus intra superficiem plenus vermibus albis ac capite nigris, & quoque quod mala sint numerosa, & inter se conjuncta, sicut est progenies araneæ ex ventre ejus primum exclusa, quare nisi unum malum post alerum educitur, & hoc usque dum liga perrupta est, homo non potest novus fieri.

Hæc allata sunt ob causam, ut sciatur, quod quantum quis regeneratur, tantum removeantur peccata.

612. Homo a nativitate inclinat ad omnis generis mala, & ex inclinatione concupiscit illa, & quantum in libero est etiam facit illa; nam a nativitate concupiscit dominari super alios, & possidere bona aliorum, quæ duo discindunt amorem erga proximum, & tunc odio habet quemcunque qui fe opponit, & ex odio spirat vindictam, quæ intus foveat necem; inde quoque est, quod nihil faciat adulteria, nihil deprædationes quæ sunt clandestina furta, & nihil blasphemias quæ etiam sunt falsa testimonia, & qui hæc & illa nihil facit, ille etiam corde atheus est; talis est homo a nativitate; ex quibus patet, quod ex hac sit in minima effigie infernum. Nunc quia homo quoad interiora mentis suæ natus est spiritualis, fecus ac bestiæ, consequenter natus ad cælum, & tamen naturalis seu externus ejus homo, est ut dictum est, in minima effigie infernum, sequitur quod cælum non implantari possit inferno, nisi hoc removeatur.

613. Qui novit, quomodo Cælum & Infernum inter se sunt, & quomodo removetur unum ab altero, ille nosse potest quomodo homo regeneratur, ut & qualis homo regeneratus est; ut hoc intelligatur, in summario propalabitur hoc, quod omnes qui in Cælo sunt, aspiciant Dominum a facie, & omnes qui in Inferno sunt, avertant faciem a Domino, quare dum e Cælo inspicitur infernum, apparent modo occipitio & tergo; imo etiam apparent sicut inversi ut antipodes pedibus sursum & capitibus deorsum, & hoc tametsi ambulant super pedibus, & facies circumvertunt, nam est directio opposita interiorum mentis eorum, quæ illum visum producit; hæc mirabilia ex autopsia refero. Ex his mihi detectum est, quomodo fit regeneratio, quod siat prorsus sicut Infernum removetur & sic separatur a Cælo, nam, ut supra dictum, homo quoad primam naturam, quam trahit ex nativitate, in minima effigie est Infernum, & quoad alteram naturam, quam trahit ex secunda nativitate, in minima effigie est Cælum. Ex his sequitur, quod mala apud hominem similiter removeantur & separentur sicut Infernum & Cælum in magna effigie, & quod mala sicut removentur avertant se a Domino, & se successively invertant, & quod hoc fiat in eo gradu, quo implantatur Cælum, hoc est, sicut homo sit novus. His illustrationis gratia adjicietur hoc, quod unumquodvis malum apud hominem conjunctionem habeat cum talibus in inferno, qui in simili malo sunt, & vicissim quod unumquodvis bonum apud hominem conjunctionem habeat cum talibus in Cælo qui in simili bono sunt.

614. Ex adductis constare potest, quod peccatorum remissio, non sit illorum extirratio & abstercio, sed quod sit illorum remotio & sic separatio; tum quod omne malum, quod homo actualiter fibi appropriavit, remaneat; & quia remissio peccatorum est illorum remotio & separatio, sequitur, quod homo a Domino detineatur a malo, & contineatur in bono; & quod hoc sit quod datur homini per regenerationem. Quondam audiui quandam in Ultimo Cælo diceat, quod immunitis a peccatis sit, quia illa abstensa sunt, adjecit per sanguinem Christi; sed quia intra Cælum ille erat, & ex ignorantia in illo errore, immensus est in sua peccata propria, quæ sicut redierunt, agnovit illa; ex quo fidei novam acceptavit, quæ erat, quod omnis homo, sicut omnis Angelus, ex Domino detineatur a malis, & teneatur in bonis. Ex his patet, quid Remissio peccatorum, quod non sit instantanea, sed quod sequatur regenerationem, secundum ejus progressus. Remotio peccatorum, quæ vocatur remissio eorum, comparari potest cum ejecione sordium e Castris filiorum Israelis in deserto, quod circum illa erat, nam Castra illorum repræsentabant Cælum, & Desertum Infernum. Comparari etiam potest cum remotione gentium a filiis Israelis, in terra Canaane, & Iudeorum a Hierosolyma, quæ non ejectæ sunt sed separatae. Comparari potest cum Dagoni Deo Philistæorum, quod cum introducta est Arca, primum jacuerit super fa-

faciebus suis in terra, & postea cum capite & volis manuum ejus abscissis super limine, ita non ejectus, sed remotus. Comparari potest cum dæmonibus missis in porcos a Domino, qui se postea immerserunt mari, per mare hic & alibi in Verbo significatur infernum. Comparari atiam potest cum turba draconis, quæ separata e Cælo primum invasit terram, & postea dejecta est in infernum. Compatri etiam potest sylvæ, ubi sunt multiplices feræ, qua abscissa aufugiunt feræ in Dumeta circum circa, & tunc terra complanata in medio excolitur in agrum.

*Quod Regeneratio non dabilis sit absque Libero arbitrio
in spiritualibus.*

615. Quis præter stupidum non potest videre, quod homo absque Libero arbitrio in spiritualibus non possit regenerari, num absque illo potest Dominum adire, & Ipsum agnoscere Redemptorem & Salvatorem, & pro Deo. Cæli & Terræ, sicut Ipse docet Matth. XXVIII: 18. Quis absque Libero Arbitrio illo potest Credere, hoc est, ex fide aspicere & colere Ipfum, & se applicare ad recipienda media & beneficia salutis ab Ipsi, & ad illa recipienda ex Ipsi coöperari: quis absque Libero arbitrio potest facere aliquod bonum proximo, & exercere Charitatem, præter plura, quæ Fidei & Charitatis sunt, inferre in cogitationem & voluntatem, & exprimere illa, & emittere in actum; quid alioquin Regeneratio nisi mera vox elapsa ex ore Domini, Joh. III; quæ vel in aure subsistit, vel in ore ex cogitatione proxima loquelæ elapsa fit sonus articulatus ex solis undecim literis, qui sonus per aliquem sensum non potest in aliquam superiore mentis regionem elevari, sed cadit in aerem ubi dissipatur.

616. Dicite si potestis, num usquam dari possit stupiditas cæcior de Regeneratione, quam qualis est apud illos, qui se in hodierna Fide confirmant, quæ est, quod fides infundatur homini cum est sicut truncus aut lapis, & quod tunc illam infusam sequatur justificatio, quæ est, remissio peccatorum, regeneratio, præter plura dona; & quod operatio hominis prorsus excludenda sit, propter caufam, ne merito Christi aliquam vim inferat; quod dogma ut adhuc firmius stabiliretur, homini omne liberum arbitrium in spiritualibus præipuerunt, inducendo plenariam impotentiam in illis; & tunc sicut Deus solum operaretur a sua parte, & nulla potentia data foret homini cooperandi a sua, & sic se conjungendi; quid tunc homo quoad regenerationem, nisi sicut vincitus quoad manus & pedes, similis vincitis in navibus, galeres, vocatis, qui si manicis & pedicis se exsolverent, similiiter ut illi puniretur & morti damnaretur, hoc est, si ex libero arbitrio bonum faceret proximo, & ex se crederet in Deum, salutis causa. Quid foret homo in talibus confirmatus, & tamen in pio desiderio Cæli, nisi sicut larva stans in visione, num fides illa cum suis beneficiis infusa sit, aut si non, num infundatur, proinde num Deus Pater misertus sit, aut num Filius Ipsius intercesserit, aut num Spiritus sanctus alibi occupatus non operetur; & tandem ex plenaria ignorantia de hoc recederet, & se consolaretur per hoc, quod forte gratia illa moralitati vitæ meæ, in qua sum & maneo sicut prius, insit, & sic illa in me sancta, at in illis, qui fidem illam non adepti sunt, prophana; quare ut sanctitas in moralitate mea remaneat, cavebo posthac ne ex me operer fidem, nec charitatem; præter plura; talis larva, aut si mavis, talis statua salis fit omnis, qui cogitat de Regeneratione absque Libero arbitrio in spiritualibus.

617. Homo, qui credit Regenerationem dari absque ullo libero arbitrio in spiritualibus, ita absque cooperatione, fit quoad omnia vera Ecclesiæ frigidus sicut fa-

saxum, & si calidus, est sicut torris in foco ignitus, qui flagrat ex combustibili bus in illo, quia ex concupiscentiis. Ille comparative fit sicut palatum subsidens in terram usque ad tectum ejus, & inundatur aquis lutulentis, & post hoc habitat super nudo tecto, & ibi sibi facit tentorium ex canis palustribus, & demum etiam tectum subsidet, & ipse subniergitur. Est quoque similis navi, in qua omnis generis pretiosae merces ex Verbo ut thesaurario sunt, quæ vel a muribus & blattis corroduntur, vel a nautis projiciuntur in mare, & sic mercatores defraudentur suis bonis. Eruditi seu opulenti ex fidei istius arcanis sunt similes institutis in Cauponis, qui vendunt statuas idolorum, fructus & flores cereos, conchilia, viperas in phialis, & similia alia. Illi, qui ex nulla spirituali potentia homini applicata & data a Domino, non volunt spectare sursum, sunt actualiter sicut bestiæ, quæ Capite spectant deorsum, & modo pascua in sylvis querunt, & si in hortos veniunt, sunt sicut vermes qui folia arborum consumunt, & si fructus oculis vident, & plus si manibus palpant, implent illos vermicosis: & tandem fiunt sicut serpentes squamosi, quorum fallacie sonant & fulgent, sicut illorum squamæ, & sic porro.

Quod Regeneratio non dabilis sit absque veris, per quæ formatur Fides, & cum quibus se conjungit Charitas.

618. Sunt tria per quæ homo regeneratur; Dominus, Fides & Charitas, hæc tria laterent sicut celissimæ pretiositates infossa terræ; si non Divina vera ex Verbo aperient illa, imo laterent coram illis, qui negant cooperationem, si vel centies vel millies legerent Verbum, tametsi ibi in clara luce existant. Quod Dominum attinet, quis confirmatus in hodera fide, aperto oculo videt hæc ibi, quod Ipse & Pater unum sunt, & quod Ipse sit Deus Cæli & Terræ, & quod Voluntas Patris sit, ut credant in Filium, præter innumera similia de Domino in utroque Fædere; causa est, quia non in veris sunt, & inde non in luce, ex qua hujuscemodi possunt videri; & si daretur lux, usque falsa extinguerent illam, & tunc præterirentur sicut talia, quæ lituris deleta sunt, aut sicut subterraneæ fossæ, quæ calcantur & transeuntur: hæc dicta sunt, ut sciatur, quod absque veris hoc primarium regenerationis non videatur. Quod Fidem attinet, nec illa absque veris potest dari, fides enim & verum faciunt unum rem; est enim bonum fidei sicut anima, & vera faciunt ejus corpus; quare dicere quod creditur seu fidem habeat, & nulla vera ejus scire, est sicut animam ex corpore extrahere, & cum illa inconspicua loqui: præterea omnia vera, quæ fidei corpus faciunt, lucem a se emittunt, & illustrant, & sicut faciem ejus videndum. Simile est cum charitate, hæc a se emittit calorem, cum quo lux veri se conjungit, sicut facit calor cum luce tempore veris in Mundo; ex quorum conjunctione animalia & vegetabilia terræ in sua prolifica redeunt: simile est cum Calore & Luce spirituali, hæc se similiiter conjungit in homine, dum hic in veris fidei & simul in bonis charitatis est; nam ut supra in Capite de Fide dictum est, ex singulis veris fidei effluit lux quæ illustrat, & ex singulis bonis charitatis effluit calor qui accendit; tum quod Lux spiritualis in sua essentia sit Intelligentia, & Calor spiritualis in sua essentia sit Amor, & quod Solus Dominus conjugat illa duo apud hominem, cum regenerat illum; dixit enim Dominus, *Verba quæ Ego loquor, spiritus & vita sunt;* Joh. VI: 63. *Credite in Lucem, ut filii lucis sitis,* Ego Lux in Mundum veni, Joh. XII: 36. Dominus est Sol in Mundo spirituali; inde omnis lux & calor spiritualis est ac lux illa illustrat, & calor ille accendit, & per conjunctionem utriusque hominem vivificat & regenerat.

619. Ex his constare potest, quod absque veris non sit cognitio Domini, tum quod absque veris non sit Fides, & sic non Charitas, consequenter quod absque veris non sit aliqua Theologia, & ubi hæc non est, nec est Ecclesia: talis est Cætus populorum hodie, qui se vocant Christianos, & se dicunt in luce Evangelii esse, cum tamen in ipsa caligine sunt; vera enim sub falsis ita abscondita latent, tanquam aurum, argentum, & lapides pretiosi sepulta inter ossa in valle hinno-mi: quod ita sit, patuit mihi clare a Sphæris in Mundo spirituali, quæ ex ho-diero Christianismo efflunt & se propagant. Una Sphæra est de Domino, hæc e Plaga meridionali, ubi sunt docti e Clero, & eruditæ e Laicis, exspirat & se ef-fundit; hæc ubicunque vadit, subintrad ideas; & fidem de Divinitate Humani Do-mini apud plures afferit, apud plures infirmat, & apud plures infatuat, causa est, quia simul in infert fidem trium Deorum, & sic confunditur. Altera Sphæra, quæ affert fidem, est sicut atra nubes tempore hyemis, quæ inducit tenebras, vertit pluvias in nives, denudat arbores, & congelat aquas, & omne pascuum ovibus afferit; hæc sphæra conjuncta priori insinuat sicut lethargiam de Deo uno, deque Règénératione, & de Salutiferis. Tertia sphæra est conjunctionis fidei & charitatis, quæ tam valida est, ut ei non resisti possit, sed hodie nefanda est, & sicut pestis quemcunque aspirat, inficit, & divellit omne vinculum inter bina ille salutis me-dia a creatione Mundi constabilita, & a Domino integrata; hæc sphæra invadit etiam homines in Mundo naturali, & extinguit tædas conjugiales inter vera & bona; hanc sphæram sensi, & tunc cum cogitavi de Conjunctione fidei & charitatis, se interposuit inter illa, ac violenter conata est separare: de his Sphæris conque-runtur Angeli, & orant ad Dominum ut dissiperent, sed responsum tulerunt, quod dissipari nequeant, quamdui Draco est super terra, quoniam a Draconicis est illa; nam dicitur de Dracone, quod projectus sit in terram, & tunc ita, propter hoc gaudete Cæli, & vobis habitantibus terram, Apoc. XII. Tres illæ sphærae sunt sicut atmosphæra tempestate æstæ ex spiraculis Draconum oriundæ, quæ, quia spiritu-ales sunt, invadunt mentes & adiungunt. Sphærae veritatum spiritualium ibi adhuc paucæ sunt, dumtaxat in Novo Cælo, & apud illos sub Cælo, qui separati a Dra-conicis sunt: quæ causa est quod Veritatem illæ hodie in Mundo apud homines tam inconspicuæ sint, quemadmodum Naves in mari Orientali sunt Navarchis & Nau-claris, qui in mari Occidentali navigant.

620. Quod Regeneratio absque veris, per quæ formatur fides, non dabilis sit, illustrari potest per has comparationes; non plus dabilis est quam Mens humana absque intellectu, intellectus enim formatur per vera, & ideo docet quid creden-dum, & quid faciendum est, & quid Regeneratio, & quomodo fiat. Regeneratio absque veris nec plus dabilis est, quam vivificatio animalium & vegetatio arbo-rum absqne luce e sole, nam nisi sol simul daret lucem sicut dat calorem, fieret sol, sicut describitur in Apocalypsi, tanquam saccus pilosus, Cap. VI: 12. ac atratus Joel III: 11. & sic meræ tenebræ forent super terra, Joel IV: 15, similiter foret cum homine absque veris, quæ lucem a se emittunt, Sol enim a quo luces veritat-um profluunt, est Dominus in Mundo spirituali, nisi inde spiritualis lux in men-tes humanae influerent, foret Ecclesia in meris tenebris, aut in umbra ex per-pe-tua Ecclipsi. Regeneratio, quæ fit per fidem & charitatem, absque veris quæ docent & ducunt, foret sicut navigatio in magno Oceano absque gubernaculo, aut absque cysti nautica & mappis: ac foret sicut equitatio in opaca sylva tem-pore noctis. Visus internus mentis apud illos, qui non in veris sunt, sed in falsis, & hæc credunt esse vera, comparari potest cum visu illorum, apud quos nervi optici obstructi sunt, & oculus usque appareat integer & videns, tametsi nihil videt, quæ cæcitas a Medicis vocatur Amaurosis & Gutta serena; est enim rationale seu in-tellectuale apud illos superioris obstructum, & modo inferius apertum, ex quo lux ra-tionalis fit sicut lux ocularis, & inde omnia iudicia modo imaginatio, & ex meris ful-

fallaciis connexa: & tunc homines starent sicut in foris Astrologi cum longis tubis opticis, & vanaranticia edunt; tales fierent omnes studiosi Theologiarum, nisi genuina Vera ex Verbo a Domino aperirentur.



621. His adjicientur haec MEMORABILIA. PRIMUM; Vidi Cætum Spirituum, omnes super genibus, orantes ad Deum; ut mitteret ad se Angelos, cum quibus loquantur ore ad os, & quibus aperiant cordis sui cogitata; & cum surrexerunt, visi sunt tres Angeli in byssino stantes in conspectu illorum, & dixerunt, audivit Dominus Jesus Christus preces vestras, & ideo nos misit ad vos, aperite nobis cordis vestri cogitata, & responderunt; dixerunt nobis Sacerdotes, quod in rebus Theologicis non valeat Intellectus sed Fides, & quod Fides Intellectualis in illis non conduceat, quia haec trahit & sapit ex homine & non a Deo. Nos sumus Angli, & audivimus plura ex Sacro nostro Ministerio, quæ credidimus, sed cum loquuti sumus cum aliis, qui etiam se vocabant Reformatos, & cum aliis qui se vocabant Romano-Catholicos, & porro cum Sectariis, apparebant omnes docti, & tamen in rebus multis non unus consensit cum altero, & usque omnes dixerunt. CREDITE NOBIS, & aliqui, SUMUS MINISTRI DEI ET SCIMUS: at quia novimus, quod Divinæ Veritates, quæ vocantur fidei & sunt Ecclesiæ, non sint alicui ex Solo natali, nec ex hæreditario, sed e Cælo a Deo; & quia illæ monstrant viam ad Cælum, ac intrant vitam una cum bono charitatis, & sic ducunt ad vitam æternam, anxi facti sumus, & super genibus oravimus ad Deum. Tunc responderunt Angelii, legite Verbum, & credite in Dominum, & videbitis Veritates, quæ fidei & vitæ vestrae erunt, omnes in Christiano Orbe ex Verbo ut ex unico Fonte hauriunt sua Doctrinalia; at duo ex Cætu dixerunt, legimus sed non intelleximus; & responderunt Angelii, non adiuvistis Dominum, qui est Verbum, & quoque prius confirmavistis vos in falsis: & porro dixerunt Angelii, quid fides absque luce, & quid cogitare absque intelligere, hoc non est Humanum, corvi & picæ etiam possunt discere loqui absque intellectu; possumus vobis asseverare, quod unusquisque homo, cuius anima desiderat, possit videre veritates Verbi in luce; non datur animal, quod non scit suæ vitæ cibum, dum videt illum, & homo est Animal rationale & spirituale, hic videt suæ vitæ, non ita corporis, sed animæ cibum, qui est verum fidei, si esurit illum, & petit illum a Domino; quicquid etiam non recipitur intellectu, hoc nec inhæret memoriæ quoad rem, sed solum quoad voces; quare cum despeximus e Cælo in Mundum, non vidimus quicquam, sed modo audivimus sonos, plerosque disharmonicos: sed enumerabimus aliqua, quæ Docti e Clero removerunt ab intellectu, non scientes quod binæ viae ad Intellectum sint, una e Mondo & altera e Cælo, & quod Dominus subducet intellectum e Mondo, dum illustrat illum; at si Intellectus clauditur ex Religione, clauditur ei via e Cælo, & tunc homo non plus videt in Verbo quam cæcus; vidimus plures tales cedisse in foveas, e quibus non surrexerunt. Sint Exempla illustrationi, annon intelligere potestis quid Charitas & quid Fides, quod Charitas fit bene cum proximo agere, & quod Fides fit recte de Deo, & de effentialibus Ecclesiæ cogitare, & inde quod qui bene agit & recte cogitat, hoc est, qui bene vivit & recte credit, salvetur; ad haec dixerunt quod intelligent. Porro dixerunt Angelii, quod Pænitentia a peccatis agenda sit, ut homo salvetur, & quod nisi homo pænitentiam agit, maneat in peccatis, in quæ natus est, & quod pænitentiam agere, sit non velle mala quia sunt contra Deum, ac semel aut bis in anno scrutari se, videre sua mala, confiteri illa coram Domino, implorare opem, desistere ab illis, & vitam novam inire, & quantum hoc facit, & credit in Do-

Dominum, tantum peccata remittantur; tunc dixerunt e Cætu, hæc intelligimus, & sic etiam quid Remissio peccatorum. Et tunc rogarerunt Angelos ut informarent illos amplius, & quidem nunc de Deo, de Immortalitate animæ, de Regeneratione, & de Baptismo; Angeli ad hæc respondebant, non dicemus quicquam nisi quod intelligitis, alioquin cadit sermo noster, sicut pluvia in arenam, & in semina ibi, quæ utcunq; e Cælo irrigata, usque emarcescunt & pereunt. Et dixerunt de Deo; omnes qui in Cælum veniunt, ibi sortiuntur locum, & inde æternum gaudium secundum ideam Dei, quia hæc idea universaliter regnat in omnibus Cultus; idea de Deo ut Spiritu, dum spiritus creditur sicut æther aut ventus, est idea inanis; at idea de Deo ut Homine, est idea justa; Deus enim est Divinus Amor & Divina Sapientia, cum omni quali eorum, & horum Subjectum est Homo, & non æther aut ventus; idea Dei in Cælo est idea Domini Salvatoris, Ipse est Deus Cæli & Terræ, ut ipse docuit; sit vestra idea Dei similis nostræ, & consociabimur; cum hæc dixerunt, exsplenderunt facies illorum. De IMMORTALITATE ANIMÆ dixerunt; homo vivit in æternum, quia potest conjungi Deo per amorem & fidem, hoc potest unusquisque, quod hoc posse faciat immortalitatem animæ, potestis intelligere, si aliquantum altius de eo cogitatis. De REGENERATIONE, quis non videt, quod sit cuivis homini liberum cogitare de Deo, & non cogitare de Illo, modo instructus est, quod Deus sit, ita liberum cuivis est in spiritualibus æque ut in civilibus & naturalibus; Dominus hoc dat continue omnibus, quare reus fit si non cogitat; homo est homo ex posse hoc, at bestia est bestia ex non posse hoc; quare homo se potest reformare & regenerare sicut a se, modo corde agnoscat, quod sit a Domino; omnis qui pænitentiam agit, & credit in Dominum, reformatur & regeneratur, utrumque faciet homo sicut a se, sed Sicut a se est a Domino. Verum est, quod homo ex se ad id non quicquam possit conferre, ne hilum, attamen non creati estis statuæ, sed creati estis Homines, ut faciatis id a Domino sicut a vobis; hoc unicum reciprocum amoris & fidei est, quod Dominus omnino vult ut fiat Ipsi ab homine; verbo, facite a vobis, & credite quod a Domino, sic faciatis sicut a vobis: at tunc quæfiverunt, num facere sicut a se, fit inditum homini a creatione, respondit Angelus, non inditum est, quia facere a se est Solius Dei, sed datur continue, hoc est adjungitur continue, & tunc quantum homo facit bonum & credit verum sicut a se, est Angelus Cæli, at quantum facit malum & inde credit falsum, quod etiam est sicut a se, tantum est Spiritus Inferni; quod hoc etiam sit sicut a se, miramini, sed usque videtis hoc, dum oratis ut a diabolo custodiamenti ne vos seducat, ne intret in vos sicut in Judam, impleat vos omni iniquitate, ac destruat & animam & corpus; sed omnis reus fit, qui credit quod faciat a se, sive sit bonum sive sit malum, sed non reus fit qui credit quod faciat sicut a se; nam si credit quod bonum sit a se, vindicat sibi id quod Dei est; & si credit quod malum sit a se, attribuit sibi id quod diaboli est. De BAPTISMO dixerunt, quod sit Lavatio spiritualis, quæ est Reformatio & Regeneratio, & quod Infans reformatur & regeneretur, dum adultus factus facit illa, quæ Patrini pro illo spondenterunt, quæ sunt duo, Pænitentia & Fides in Deum; nam PRIMUM spondent, ut abdicet diabolum & omnia ejus opera; SECUNDUM, ut credat in Deum; omnes Infantes in Cælo in illa duo initiantur, sed his diabolus est infernum, ac Deus est Dominus: præterea Baptismus est signum coram Angelis, quod homo sit ab Ecclesia: his auditis dixerunt e Cætu, hæc intelligimus, Sed tunc audita est vox a latere, clamans, non intelligimus, & alia vox, non volumus intelligere; & inquisitum a quibus illæ voces, & compertum quod ab illis, qui apud se confirmaverunt falsa fidei, & qui voluerunt credi ut oracula, & sic adorari; dixerunt Angeli, ne miremini, tales sunt hodie permulti, apparent nobis e Cælo sicut Sculptilia tali arte facta, ut possint mouere labia, ac sonare sicut organa, & non sciunt, num halitus, ex quo sonant, ex Inferno sit, vel num e

Cælo, quia non sciunt num falsum sit, vel num verum, ratiocinantur & ratiocinantur, tum confirmant & confirmant, nec vident quicquam num ita sit: sed sciat is quod Ingenium humanum possit confirmare quicquid vult, usque ut appareat sicut ita sit, quare hoc possunt hæretici, hoc impi, imo athei quod Deus non sit sed Natura sola. Post hac Cætus ille ex Anglis accensus desiderio sapiendi, dixit ad Angelos, loquuntur tam varia de SACRA CÆNA, dicite nobis quid Veritas; responderunt Angelii, Veritas est, quod homo, qui spectat ad Dominum, & pænitentiam agit, per sanctissimum illud conjungatur Domino, ac introducatur in Cælum; sed dixerunt e Cætu, hoc mysterium est, & responderunt Angelii, est mysterium, sed usque tale, ut possit intelligi; Panis & Vinum hoc non faciunt, non aliquid sanctum est ab illis, sed correspondent sibi mutuo Panis Materialis & Panis spiritualis, ac Vinum materiale & Vinum spirituale, & Panis spiritualis est Sanctum amoris, & Vinum spirituale est Sanctum fidei, utrumque a Domino, & utrumque Dominus, inde conjunctio Domini cum homine, & hominis cum Domino, non cum pane & vino, sed cum amore & fide hominis qui pænitentiam egredit, & conjunctio cum Domino est quoque introductio in Cælum; & postquam Angelii docuerunt illos aliquid de Correspondentia, dixerunt e Cætu, nunc primum etiam hoc possumus intelligere; & cum hoc dixerunt, ecce flammeum e Cælo cum luce descendens consociavit illos cum Angelis, & amaverunt se mutuo.

622. SECUNDUM MEMORABILE. Omnes qui ad Cælum præparati sunt, quod fit in Mundo spirituum, qui est medius inter Cælum & Infernum, post exactum tempus, desiderant cum suspirio Cælum, & mox aperiuntur oculi illorum, & vident viam, quæ tendit ad aliquam Societatem in Cælo, hanc viam intrant & ascendunt: & in ascensi est porta, & ibi custos, hic aperit portam, & sic ingrediuntur; tunc obviam fit eis Inquisitor, qui illis a Moderatore dicit, ut penitus intrent & inquirant, num alicubi Domus sint, quas agnoscant ut suas, nam pro quovis novitio Angelo est nova domus, & si inveniunt, remuniant hoc, & manent ibi; at si non inveniunt, redeunt, & dicunt, quod non viderint; & tunc a quadam Sapiente ibi exploratur, num Lux quæ in illis est, concordat cum luce quæ in societate est, & imprimis num Calor; Lux enim Cæli in sua essentia est Divinum Verum, & Calor Cæli in sua essentia est Divinum Bonum, utrumque procedens a Domino ut Sole ibi; si alia Lux & alius Calor, quam Lux & Calor illius Societatis in illis sunt, hoc est, si aliud Verum & Bonum, non recipiuntur, quare abeunt inde, & per vias inter Societas in Cælo apertas vadunt, & hoc usque dum inventiunt Societatem affectionibus illorum prorsus congruam, & ibi fit habitatio illorum in æternum; sunt enim ibi inter suos, quemadmodum inter affines & amicos, quos, quia in simili affectione sunt, ex corde amant, & ibi sunt in vita suæ fuitate, & in totius pectoris sui ex pace animæ jucunditate, est enim in Calore & Luce Cæli delitium ineffabile, quod communicatur; ita fit cum illis qui Angelii sunt. Sed qui in malis & falsis sunt, illis ex venia licet ascendere in Cælum, sed cum intrant, incipiunt trahere animam, & respirare cum lucta; & mox obscuratur visus illorum, & caligat intellectus, & cessat cogitatio, ac sicut lethus obversatur oculis, & sic stant sicut stipites; & tunc incipit cor pulsare, pectus angustari, & mens corripi angore, & plus & plus cruciari, & in eo statu se contorquent sicut serpentes admoti foco, quare devolvunt se inde, & per præcipitum, quod tunc apparet, se dejiciunt, nec quiescent, quam in Inferno apud fui similes, ubi possunt animam trahere, & ubi cor illorum libere vibratur. Postea odio habent Cælum, & rejiciunt Verum, ac corde blasphemant Dominum, credentes quod cruciatus & tormenta illorum in Cælo ab Ipso fuerint. Ex his paucis videri potest, qualis fors illorum est, qui floccipendunt Veritates quæ fidei sunt, quæ tamen faciunt lucem in qua sunt Angelii Cæli, & qui floccipendunt Bona, quæ amoris & Charitatis sunt, quæ tamen faciunt calorem vitæ in quo sunt Angelii Cæ-

Cæli: tum ex his videri potest, quantum errant, qui credunt, quod quisque possit frui beatitudine Cælesti, modo admittatur in Cælum; Fides enim hodie est, quod in Cælum recipi, sit ex sola Misericordia; & quod receptio in Cælum sit, sicut qui in Mundo in Domum Nuptiarum venit, & tunc simul in gaudia & letitias ibi; at sciant, quod communicatio affectionum amoris & inde cogitationum sit in Mundo spirituali, quoniam Homo tunc Spiritus est, & Vita Spiritus est affectio amoris & inde cogitatio; & quod affectio homogenea conjungat, & affectio heterogenea separat, & quod heterogeneum cruciet, diabolum in Cælo, & angelum in Inferno; quamobrem separati sunt juste secundum diversitates, varietates, & differentias affectionum quæ amoris sunt.

623. TERTIUM MEMORABILE. Quondam datum est videre Trecentos ex Clericis & simul Laicis, omnes doctos & eruditos, quia sciverunt solam Fidem confirmare usque ad justificationem, & quidam ultra; & quia apud illos erat fides, quod Cælum sit modo admissio ex gratia, data est illis venia ascendendi in unam Cæli Societatem, quæ tamen inter superiores non erat; & cum ascenderunt, tunc e longinquo visi sunt sicut Vituli, & cum intrabant Cælum, recepti sunt ab Angelis civiliter, sed cum colloquebantur, occupavit illos tremor, postea horror, & demum cruciatus sicut mortis, & tunc dejeckerunt se præcipites, & in dejectione visi sunt sicut Equi mortui. Quod apparuerint sicut Vituli in ascensu, erat quia affectio naturalis videndi & sciendi exultans apparet ex correspondentia sicut Vitulus; & quod in dejectione apparuerint sicut Equi mortui, erat quia Intellectus veri apparet ex correspondentia sicut Equus, ac Intellectus nullus veri, quod Ecclesiæ est, sicut Equus mortuus.

Erant Pueri infra, qui videbant illos descendentes, ac in desceasu visos ut Equos mortuos; & tunc avertiebant facies, & dicebant Magistro suo, qui cum illis erat, quid hoc portentum, vidimus homines, & nunc pro illis Equos mortuos; quos quia non potuimus aspicere, avertimus facies; Magister, ne moremur in hoc loco, sed abeamus, & abiverunt. Et tunc Magister in via illos instruxit, quid Equus mortuus, dicens, Equus significat Intellectum veri ex Verbo, omnes Equi quos vidistis, illum significaverunt; quando enim homo vadit meditans ex Verbo, tunc Meditatio ejus e longinquo apparet sicut Equus, generosus & vivus sicut spiritualiter meditatur, ac vicissim miser & mortuus, sicut materialiter: tunc pueri quærebant, quid est spiritualiter & materialiter meditari ex Verbo; & respondit Magister, illustrabo hoc per exempla; quis dum sancte legit Verbum, non interius in se cogitat de Deo, de Proximo, & de Cælo; omnis qui cogitat de Deo solum ex Persona & non ex Essentia, is materialiter cogitat: tum qui cogitat de Proximo solum ex forma extéerna, & non ex qualitate, is materialiter cogitat; & qui cogitat de Cælo solum ex loco, & non ex amore & sapientia, ex quibus Cælum est Cælum, is quoque materialiter cogitat: sed dixerunt pueri, nos cogitavimus de Deo ex Persona, de Proximo ex Forma quod sit homo, & de Cælo ex Loco quod supra nos sit, num ideo cum legimus Verbum, apparuimus tunc alii sicut Equi mortui; dixit Magister, non, estis adhuc pueri, ac non potestis aliter; at percepisti affectionem sciendi & intelligendi apud vos, quæ quia est spiritualis, cogitavistis etiam spiritualiter, latet enim spiritualis aliqua cogitatio intus in vestra materiali, quod adhuc nescitis. Sed redibo ad priora quæ dixi, quod qui cogitat materialiter, dum legit Verbum, aut meditatur ex Verbo, appareat e longinquo sicut Equus mortuus, at qui spiritualiter, sicut Equus vivus; & quod materialiter cogitet de Deo, qui solum ex Persona & non ex Essentia; sunt enim Attributa Divinae Essentiae plura, ut Omnipotentia, Omnis scientia, Omnipræsenzia, Æternitas, Amor, Sapientia, Misericordia & Gratia, & alia; & sunt Attributa procedentia ex Divina Essentia, quæ sunt Creatio & Conservatio, Redemptio & Salvatio, Illustratio & Instructio; omnis qui de Deo ex Persona cogitat, facit

tres Deos, dicens, quod unus Deus sit Creator & Conservator, alter Redemptor & Salvator, ac tertius, Illustrator & Instructio, at omnis qui de Deo ex essentia cogitat, facit Unum Deum, dicens, Deus nos creavit, & idem nos redemit & salvat, & quoque illustrat & instruit; inde causa, quod qui de Trinitate Dei cogitant ex Persona, & sic materialiter, non possint aliter ex ideis cogitationis suæ, quæ materialis est, quam facere ex uno Deo Tres, sed usque contra cogitationem suam tenentur dicere, quod Trium illorum sit Unio per Essentiam, quia sicut per transennam etiam cogitaverunt de Deo ex Essentia; quare, mei Discipuli, cogitate ex Essentia, & ex hac de Persona; cogitare enim ex Persona de Essentia, est materialiter cogitare etiam de Essentia, at cogitare ex Essentia de Persona, est spiritualiter cogitare etiam de Persona: Gentiles Antiqui, quia materialiter cogitaverunt de Deo, & sic etiam de Attributis Dei, non modo fecerunt tres Deos, sed plures usque ad centum, ex unoquovis enim Attributo fecerunt unum Deum: sciatis quod materiale non intret in spirituale, sed spirituale in materiale. Simile est cum cogitatione de Proximo ex forma externa & non ex qualitate ejus; ut & cum cogitatione de Cælo ex loco, & non ex Amore & Sapientia, ex quibus est Cælum. Simile est cum omnibus & singulis, quæ in Verbo sunt; quare qui materialem ideam de Deo fovet, & quoque de Proximo, & de Cælo, non potest quicquam ibi intelligere, est illi Verbum litera mortua, & ipse appareat et longinquò, dum legit illud, aut meditatur ex illo, sicut Equus mortuus: illi, quos vidisti descendentes e Cælo factos coram oculis vestris sicut Equos mortuos, fuerunt qui ocluserunt visum rationalem quoad Theologica seu spiritualia Ecclesia apud se & apud alios per peculiare dogma, Quod Intellectus captandus sit sub obdientia fidei eorum; non cogitantes, quod Intellectus a Religione oclusus sit cæcus sicut talpa, & in illo mera caligo, & talis caligo, quæ rejicit a se omnem lucem spiritualem, obstat in fluxum ejus a Domino & e. Cælo, & ponit pro illo obicem in sensuali corporeo, longe infra rationale in rebus fidei, hoc est, ponit illum juxta nasum, & figit illum in Cartilagine ejus, ex quo postea ne quidem odorari potest spiritualia; unde quidam tales facti sunt, ut dum sentiunt odorem ex spiritualibus, cadant in deliquium; per odorem intelligo perreptionem: Hi sunt qui faciunt Deum Tres, dicunt quidem ex Essentia, quod Deus Unus sit, at usque dum ex Fide sua orant, quæ est ut Deus Pater miscreatur propter Filium, & mittat Spiritum Sanctum, manifeste faciunt tres Deos; non possunt aliter, orant enim ad Unum, ut miscreatur propter Alterum, & mittat Tertium; & tunc Magister illorum docuit illos de Domino, quod Ille Deus Unus sit, in Quo Divina Trinitas.

624. QUARTUM MEMORABILE. In media nocte experitus e somno, vidi in aliqua altitudine versus Orientem Angelum tenentem in manu dextra Chartam, quæ ex Sole apparuit in illustri candore, in cuius medio erat Scriptura ex literis aureis, & vidi scriptum CONJUGIUM BONI ET VERI; ex Scriptura emicuit splendor, qui abivit in latum circulum circum Chartam, circulus ille seu ambitus apparuit inde sicut apparet aurora verno tempore. Post hæc vidi Angelum cum Charta in manu descendenter, & sicut descendit, apparuit Charta minus & minus lucida, & Scriptura illa, quæ erat CONJUGIUM BONI ET VERI, conversa a colore aureo in argenteum, & deinde in cuprum, postea in ferreum, & demum in ferruginosum & aeruginosum; ac ultimo visus est Angelus intrare in Nimbum obscurum, & trans Nimbum super Terram, & ibi Charta illa, tametsi in manu Angeli adhuc tenebatur, non visa est; fuit hoc in Mundo spirituum, in quem omnes homines post obitum primo convenient; & tunc Angelus loquutus est ad me, dicens, quare illos, qui huc veniunt, num videant me, vel aliquid in manu mea; venit multitudo, cætus ab oriente, cætus a meridie, cætus ab occidente, cætus a septentrione, & quæsivi advenientes ex Oriente & Meridie, qui erant qui in Mundo studuerunt eruditio, num videant hic apud me aliquem, aut aliquid in manu ejus, dixerunt om.

omnes, quod prorsus nihil; quæsivi dein illos qui advenierunt ex Occidente & Septentrione, qui erant qui in verba eruditorum in Mundo crediderant, hi dixerunt, quod nec aliquid: attamen ultimi ex his, qui in Mundo fuerant in simplici fide ex charitate, seu in aliquo vero ex bono, postquam abiverunt priores, dixerunt, quod videant Virum cum Charta, Virum in habitu decoro, & Chartam super quæ literæ exaratae, & cum admoverunt oculos, dicebant quod legerent CONJUGIUM BONI ET VERI; & hi alloquebantur Angelum, rogantes ut diceret, quid hoc; & dixit, quod omnia quæ in Universo Cælo sunt, & omnia quæ in Universo Mundo, a creatione non sint nisi quam Conjugium boni & veri; quoniam omnia & singula, tam quæ vivunt & animant, quam quæ non vivunt & animant, ex Conjugio boni & veri, & in illud creata sunt; non datur quicquam creatum in solum Verum, nec quicquam in solum Bonum, hoc & illud solitarium non est aliquid, sed existunt & sunt per Conjugium tale aliquid, quale est conjugium: In Domino Dœo Creatore est Divinum Bonum & Divinum Verum in ipsa sua Substantia, Substantiæ Ipsius Est esse est Divinum Bonum, & Substantiæ Ipsius Existere est Divinum Verum, & quoque sunt in ipsa sua Unione, nam in Ipso infinite unum faciunt; quoniam duo illa in Ipso Dœo Creatore unum sunt, ideo etiam in omnibus & singulis creatis ab Ipso unum sunt; per id quoque Creator cum omnibus a se creatis æterno fædere sicut Conjugii coniunctus est. Porro dixit Angelus, quod Scriptura Sacra, quæ a Domino dictata est, sit in communī & in parte Conjugium boni & veri, videatur supra n: 248 ad 253; & quia Ecclesia, quæ formatur per Vera Doctrinæ, & Religio, quæ formatur per Bona vitæ secundum Vera Doctrinæ, apud Christianos unice est ex Scriptura Sacra, constare potest, quod etiam Ecclesia in communī & in parte sit Conjugium Boni & Veri. Idem hoc quod supra dictum est de Conjugio Boni & Veri, dictum etiam est de CONJUGIO CHARITATIS ET FIDEI, quoniam Bonum est Charitatis, & Verum est Fidei. Postquam hæc dicta sunt, Angelus extulit se e terra, & vestus trans nimbū ascensit in Cælum, & tunc Charta secundum gradus ascensus, fulgebat sicut prius; & ecce tunc Circulus, qui prius appariuit sicut aurora, se demisit, & dispulit Nimbū, qui tenebras induxit Terræ, & factum est apricum.

625. QUINTUM MEMORABILE. Quondam cum de Secundo Adventu Domini meditabar, subito apparuit jubar lucis fortiter stringens oculos meos, quare suspesi, & ecce totum Cælum super me apparuit luminosum, & ab Oriente in Occidentem ibi in longa serie audita est GLORIFICATIO, & adstitit Angelus, & dixit, Glorificatio illa est Glorificatio Domini propter Adventum Ipsius, que fit ab Angelis Cæli Orientalis & Occidentalibus: e Cælo Meridionali & Septentrionali non audiebatur nisi facetum murmur; & quia Angelus audivit omnia, dixit mihi primum, quod Glorificationes & Celebrations illæ Domini fiant ex Verbo; & mox dixit, nunc in specie glorificant & celebrant Dominum per hæc, quæ apud Danielem Prophetam dicta sunt, *Vidisti ferrum mixtum cum argilla luti, sed non cohærebunt: verum in diebus illis surgere faciet Deus Cælorum Regnum, quod in secula non peribit; conteret & consumet omnia illa Regna, ipsum autem stabit in secula,* Dan. II: 43. 44. Post hæc audiui sicut vocem cantus, & penitus in Oriente vidi coruscum lucis priori splendidius; & quæsivi Angelum, quid ibi glorificant, dixit quod per hæc apud Danielem, *Videns fui in visionibus noctis, & ecce cum Nubibus Cæli Filius HOMINIS veniens fuit; & Huic datum est Dominium & Regnum, & omnes populi & gentes Ipsum colent; Dominium Ipsius Dominium seculi, quod non transibit; & Regnum Ipsius quod non peribit,* Dan. VII: 13. 14. Præter illa celebrant Dominum ex his in Apocalypsi, *Iesu Christo sit gloria & Robur; ecce venit cum Nubibus; Ipse est Alpha & Omega, Principium & Finis, Primus & Ultimus, Qui Est, Qui Fuit, & Qui Venturus est, Omnipotens: Ego Iohannes audiri hoc ex FILIO HOMINIS e medio Septem Candelabrorum,* Apoc. I: 5. 6. 7. 10. 11. 12. 13. Cap. XXII: 13: tum ex

Match. XXIV: 30. 32. Spestavi iterum in Cælum Orientale, & illuxit a latere dextro, & Luminosum intravit in Expansum Meridionale, & audivi sonum suavem; & quæsivi Angelum, quid Domini ibi glorificant, dixit quod per hæc in Apocalypsi, *Vidi Cælum Novum & Terram Novam*, & vidi Urbem Sanctam Hierosolymam Novam descendenter a Deo e Cælo, paratam sicut SPONSAM MARITO SUO; & audivi vocem magnam e Cælo, dicentem, ecce Tabernaculum Dei cum HOMINIBUS, qui habitabit cum illis. Et loquutus est mecum Angelus, & dixit, veni ostendam tibi SPONSAM AGNI UXOREM; & abstulit me in spiritu super Montem magnum & altum, & ostendit mihi Urbem Sanctam Hierosolymam; Apoc. XII: XXI: 1. 2. 9. 10. Etiam per hæc verba, *Ego Jesus sum Stella splendida & matutina*; ac *Spiritus & Sponsa dicent, VENI, & dixit VENIO CITO: Amen etiam, VENI DOMINE JESU*, Apoc. XXII: 16. 17. 20. Post hæc & plura, audita est communis Glorificatio ab Oriente in Occidentem Cæli, & quoque a Meridie in Septentrionem; & quæsivi Angelum, quid nunc, & dixit, sunt ex Prophetis hæc. *Sciat omnis Caro, quod Ego JEHOVAH SALVATOR TUUS ET REDEMPTOR TUUS*, Efaj. XLIX: 26. Sic dixit *Jehovah Rex Israelis, & REDEMPTOR ejus JEHOVAH ZEBAOTH, Ego Primus & ULTIMUS, ET PRÆTER ME NON DEUS*, Efaj. XLIV: 6. Dicitur in die illo, *ECCE DEUS NOSTER HIC, quem exspectavimus ut liberet nos, HIC JEHOVAH QUEM EXSPEC-TAVIMUS*, Efaj. XXV: 9. *Vox clamantis in deserto, parate viam Jehovah, ECCE DOMINUS JEHOVIH IN FORTI VENIT, sicut PASTOR gregem suum pascet*, Efaj. XL: 3. 5. IO. II. *Puer natus est nobis, Filius datus est nobis, cuius Nomen Mirabilis, Consiliarius, Deus, Heros, PATER AETERNITATIS, Princeps pacis*, Efaj. IX: 5. Ecce dies venient, & suscitabo Davidi Germen justum, qui regnabit Rex, & hoc Nomen *Iphus, JEHOVAH JUSTITIA NOSTRA*, Jer. XXIII: 5. 6. Cap. XXXIII: 15. 16. *Jeho-val Zebaoth Nomen Iphus, & REDEMPTOR TUUS SANCTUS ISRAELIS, Deus totius TERRÆ VOCABITUR*, Efaj. LIV: 5. In die illo erit JEHOVAH IN REGEM SUPER TOTAM TERRAM, IN DIE ILLO ERIT JEHOVAH UNUS, ET NOMEN IPSIUS UNUM; Sach. XIV: 9. Ex his auditis ac intellectis exultavit cor meum, & in gudio ivi domum, & ibi e statu spiritus redii in statum corporis, in quo hæc, quæ visa & audita sunt, conscripsi.

CAPUT UNDECIMUM

DE IMPUTATIONE.

*Quod Fides hodiernæ Ecclesiæ, quæ perhibetur sola
justificare, & Imputatio, unum faciant.*

626. Quod Fides hodiernæ Ecclesiæ, quæ perhibetur sola justificare, sit Imputatio, seu quod fides & imputatio in hodierna Ecclesia unum faciant, est quia unum est alterius, seu unum ingreditur alterum mutuo & vicissim, & facit ut sit, si enim dicitur fides & non adjicitur imputatio, fides est mere sonus, & si dicitur imputatio, & non adjicitur fides, est quoque mere sonus, at si duo illa dicuntur conjunctim, sit articulatum quid, sed adhuc absque intellectu, quare ut intellectus percipiat aliquid, necessario adjicietur tertium, quod est meritum Christi, inde fit sententia, quam homo potest eloqui cum aliqua ratione: fides enim hodiernæ Ecclesiæ est, quod Deus Pater imputet justitiam Filii sui, & mittat spiritum Sanctum ad operandum effectus ejus.

627. Sunt itaque illa tria; Fides, Imputatio, & Meritum Christi, in hodierna Ecclesia unum, & vocari possunt triunum, nam si auferatur unum ex illis tribus, fieret Theologia hodierna non aliquid, nam haec a tribus illis ut unum perceptis pendet sicut longa catena ab Unco fixo; prout si auferretur vel fides, vel imputatio, vel meritum Christi, fierent omnia quæ dicuntur de Justificatione, de remissione peccatorum, de vivificatione, innovatione, regeneratione, sanctificatione, deque evangelio, de libero arbitrio, de charitate & bonis operibus, imo de vita æterna, sicut urbes desolatae, aut sicut rudera Templi, & ipsa fides antesignana non aliquid, & sic universa Ecclesia foret desertum & desolatio. Ex his patet, super qua columna Domus Dei hodie fundata est, quæ si avelleretur, subrueret illa sicut Domus, in qua fuerunt Satrapæ Philisthæorum & populus ad tria millia ludentes, cuius binas columnas simul Schismos evulsit, qui tunc mortui & occisi sunt, Judic. XVI: 29. Hoc dicitur, quia in antecedentibus ostensum est, & in Appendice ostendendum est, quod Fides illa non sit Christiana, quia dissidet a Verbo, & quod imputatio illius fidei sit vana, quia meritum Christi non est imputabile.

*Quod Imputatio, quæ est hodiernæ fidei, sit duplex, una
Meriti Christi, & altera Salutis inde.*

628. In universa Ecclesia Christiana traditur, quod justificatio & inde salvatio fiat a Deo Patre per imputationem meriti Christi Filii sui, & quod imputatio fiat ex gratia QUANDO ET UBI VULT, ita ex arbitrio, & quod illi, quibus meritum Christi imputatur, adoptentur in numerum filiorum Dei; & quia duees Ecclesiæ non

non ultra Imputationem illam promoverunt pedem, aut supra illam elevarunt mentem, ex statuta Electione Dei ex arbitrio lapsi sunt in enormes & fanaticos errores, & tandem in detestabilem de Prædestinatione, & quoque in abominabilem hanc, quod Deus non attendat ad facta vita hominis, sed modo ad fidem interioribus mentis ejus inscriptam; quapropter nisi abolet erroris Imputatione, totum Christianismum invaderet Atheismus, & tunc regnaret super illos Rex abyssi, cuius nomen hebraice *Abaddon*, & in Greca nomen habet *Apollyon*, Apoc. IX: 11; per Abaddon & Apollyon significatur perditor Ecclesia per falsa, & per Abyssum ubi illa falsa sunt, videatur APOCALYPsis REVEL: n: 421. 440. 442. ex quibus patet, quod illud falsum & inde sequentia falsa in extensa serie sint, super quæ Perditor ille regnat, nam, ut supra dictum est, ex illa Imputatione hodie universum systema Theologicum pendet sicut longa catena ex unco fixo, & sicut homo cum omnibus suis membris a Capite; & quia Imputatio illa ubivis regnat, est sicut Esajas dicit,, *Exscindet Dominus ex Iudele caput, & caudam, honoratus est caput, & doctor mendacii cauda*, Cap. IX: 13. 14.

629. Dicitur, quod Imputatio hodierna fidei sit duplex, sed non ita duplex sicut Deus & Misericordia erga omnes, sed sicut Deus & Misericordia erga quosdam; aut non sicut parentes & ejus amor erga omnes a se progenitos, sed sicut parentes & ejus amor erga unum alterumve a se genitum; aut non sicut Lex Divina & ejus mandatum ad omnes, sed sicut Lex Divina & ejus mandatum ad paucos, quare una duplicitas est extensa & inseparata, altera est restricta & separata, & haec est duplicitas, illa autem unitas; nam docetur, quod Imputatio meriti Christi sit ex arbitraria electione, & quod his sit imputatio salutis, ita quod quidam adoptentur, & reliqui rejiciantur; quod foret, sicut Deus quosdam in sinum Abrahami elevaret, & quosdam sicut offas diabolo traderet; scilicet tamen veritas est, quod Dominus neminem rejiciat & tradat, sed quod homo seipsum.

630. Accedit, quod Imputatio hodierna auferat homini omnem potentiam ex libero aliquo arbitrio in spiritualibus, & ne quidem relinquat tantillum, ut possit ignem ex vestibus excutere, & corpus suum indemnissare; aut domum suam incensam per aquas extinguere, & familiam suam eripere, cum tamen Verbum a principio ad finem docet, ut quisque fugiat mala, quia sunt diaboli & a diabolo, & faciat bona quia sunt Dei & a Deo, & quod illa facturus sit a se, operante Domino. Sed Imputatio hodierna proscriptit potentiam ad ita faciendum sicut internecinum fidei & inde saluti, propter causam, ne aliquid hominis intret imputationem, & sic meritum Christi, ex qua stabilita profluxit satanicum hoc, quod homini absoluta impotentia sit in spiritualibus, quod simile est, sicut diceretur, progredere, tametsi non tibi sunt pedes, ne quidem unus; lava te, & tamen ambae manus sunt amputatae; aut fac bonum sed dormi; aut nutrita sed absque lingua; & quoque simile est, sicut data sit voluntas quæ non est voluntas, potestne dicere, non possum plus quam statua salis luxor Lothi, nec plus quam Dagon Deus Philistæorum, quum in fanum ejus introducta est arca Dei, timeo ne mihi sicut illi evelatur caput, & volæ manuum projiciantur super limen, I Sam. V: 4. nec plus quam Beelschebub Deus Ekronis, qui ex significatione nominis sui solum potest abigere muscas. Quod talis impotentia in spiritualibus hodie creditur, ex Collectis supra de Libero Arbitrio n: 464. videatur.

631. Quod primam partem duplicitatis istius Imputationis de Salvatione hominis attinet, quæ est Imputatio meriti Christi ex arbitrio, & Imputatio salutis inde, dogmatici in diversum eunt, quidam tradunt, quod Imputatio illa sit absoluta ex libera potestate, & fiat illis, quorum forma externa aut interna beneplacet; aut quod Imputatio fiat ex præscientia illis, quibus gratia infusa est, & fides illa applicari potest: sed usque duæ illæ opiniones collimant ad unam metam, & sunt sicut bini oculi, qui pro objecto habent unum lapidem, aut sicut binæ aures, quæ

pro objecto habent unum cantum: ad primum visum appetit sicut a se mutuo abeant, sed usque in fine se conjungunt, & colludunt; nam cum utrinque plenaria impotentia in spiritualibus traditur, & omne hominis excluditur a fide, sequitur quod gratia illa receptrix fidei, ex arbitrio aut ex præscientia, infusa, sit similis electio, nam si gratia illa, quæ vocatur præveniens, foret universalis, accederet applicatio hominis ex aliqua sua potentia, quæ tamen ut lepra rejicitur. Inde est, quod nemo sciat, num fides illa sit ex gratia ei donata, plus quam truncus aut lapis, qualis fuit cum insufsa est, non enim datur signum testificans illam, quando charitas, pietas, studium novæ vitæ, & libera facultas faciendi bonum sicut malum, homini denegatur: signa testificantia fidem illam in homine, quæ traduntur, sunt omnia ludicra, & non alia quam auguria veterum ex volatilium, aut dignostica astrologorum ex astris, aut ludislatorum ex talis. Hujusmodi, & ludicriora adhuc sequuntur ex imputata justitia Domini, quæ una cum fide, quæ vocatur illa justitia, electo homini infertur.

Quod Fides, quæ est imputativa meriti & justitiae Christi Redemptoris, primum exorta sit a decretis Synodi Nicenæ de Tribus Personis Divinis ab æterno, quæ Fides a tempore illo ad præsens a toto Christiano Orbe recepta est.

632. Quod ipsam Synodum Nicenam attinet, illam Imperator Constantinus magnus suasu Alexandri Episcopi Alexandrini ex omnibus Episcopis in Asia, Africa & Europa convocatis, in Regia sua Niceæ urbis Bithyniæ habuit, ut hæresin Arii presbyteri Alexandrini, qui Divinitatem Jesu Christi negabat, ex sacris literis convincerent & damnarent; hoc factum est Anno Christi 318. Quod convocati illi concluserint, quod tres Personæ Divinæ, Pater, Filius & Spiritus Sanctus, ab æterno fuerint, apprimis constare potest a duobus Symbolis, Nicenum & Athanasianum, dictis; in Niceno legitur „*Credo in unum Deum Patrem, Omnipotentem, Factorem Cœli & terra; & in unum Dominum, Jesum Christum, Filium Dei unigenitum a Patre, natum ante omnia sæcula, Deum de Deo, consubstantialem Patri, qui descendit de Celis, & incarnatus est de Spiritu sancto ex Maria Virgine; & in Spiritum Sanctum, Dominum & Vivificantem, qui ex Patre Filioque procedit, qui cum Patre Filioque simul adoratur & glorificatur.*“ In Symbolo Athanasiano sunt hæc „*Fides Catholica est hæc, ut unum Deum in Trinitate, & Trinitatem in Unitate veneremur, neque confundentes Personas, neque Substantiam separantes. Sed quia singulatum unamquamque Personam Deum & Dominum confiteri Christiana veritate compellimur, ita tres Deos aut tres Dominos dicere Catholica Religione prohibemur,*“ hoc est, quod confiteri tres Deos & Dominos, sed non dicere liceat, & quod hoc sit quia religio vetat, illud autem quia veritas dicit: Symbolum hoc Athanasianum statim post Concilium Niceæ habitum, ab uno aut pluribus, qui Concilio interfuerant, conscriptum est, & quoque ut Oecumenicum seu Catholicum acceptatum. Ex his patet, quod tunc decretum fuerit, quod tres Personæ Divinæ ab æterno agnoscendæ sint, & quamvis unaquævis Persona singulatum per se esset Deus, quod usque non dicendi sint tres Dii & Domini, sed Unus.

633. Quod fides trium Personarum Divinarum ab illo tempore recepta sit, & ab omnibus Episcopis, Hierarchis, Dynastis Ecclesiæ, & Presbyteris usque ad præsens tempus confirmata & prædicata sit, in Christiano Orbe notum est; & quia inde emanavit persuasio mentalis de tribus Diis, non potuit alia Fides excludi, quam

quæ Tribus illis in suo ordine applicata esset, quæ est, quod Deus Pater adeundus sit, & implorandus, ut imputet justitiam Filii sui, aut ut misereatur propter passionem crucis Filii, & mittat Spiritum Sanctum ut operetur salutis effectus medios & ultimos. Hæc fides est fætus ex duobus illis Symbolis enatus; sed dum fasciæ evolvuntur, in conspectum non venit unus sed tres, primum conjuncti sicut amplexu, at mox separati, statuunt enim, quod Essentia conjugat illos, sed proprietates, quæ sunt creatio, redemptio, operatio, seu imputatio, justitia imputata & effectuatio, separent illos: quæ causa est, quod tametsi ex tribus unum Deum composuerunt, usque tamen ex tribus Personis non fecerint unum, propter causam, ne idea trium Deorum obliteraretur; nam quamdiu unaquævis Persona singulatim creditur Deus; ut in Symbolo dicitur, si tunc consequenter tres Personæ fierent una, tota Domus super tribus sicut columnis fundata in acervum decederet. Quod Synodus illa introduxit tres Personas Divinas ab æterno, fuit causa, quia non rite scrutati sunt Verbum, & inde non aliud azylum contra Arianos invenerunt. Quod postea tres illas Personas, quarum quælibet est Deus per se, contulerint in unum Deum, fuit ex timore, ne ab omni rationali religioso in tribus Orbis Partibus inculparentur Fidei trium deorum, & blasphemarentur: Quod tradiderint fidem applicatam tribus in ordine, fuit causa, quia non alia ex illo principio profluit: huic accedit, si unus ex tribus præteriretur, non mitteretur tertius, & sic omnis operatio Divinæ gratiæ incasium iret.

634. Sed propalabitur veritas; quando Fides in tres Deos in Christianas Ecclesiæ introducta est, quod factum est a tempore Synodi Nicenæ, ohne bonum charitatis & omne verum fidei exulaverunt, illa duo enim nullatenus consistunt cum cultu mentali trium deorum, & simul cum cultu orali unius Dei, Mens enim negat quod os loquitur, & os negat quod mens cogitat, inde fit, quod nec sit fides trium Deorum, neque fides Unius. Ex hoc patet, quod Templum Christianum ab eo tempore non modo rimas duxerit, sed collapsum sit in ruder; & quod ab eo tempore apertus sit puteus abyssi, ex quo ascendit fumus sicut fornacis magna, & obscurus est Sol & aer, & e quo locustæ exiverunt in terram, Apoc. Cap. IX: 2. 3; videatur Explicatio illorum in APOCALYPSI REVELATA; imo ab illo tempore incepta est & increvit Desolatio prædicta a Daniele, Matth. XXIV: 15; & ad fidem illam & ejus imputationem congregatae sunt aquila, Vers. 28. ejusdem Capitis; per aquilas ibi intelliguntur Primores Ecclesiæ sicut lyncei. Si dicitur, quod Concilium, in quo confederunt tot Episcopi ac viri laureati, unanimis suffragiis illud decreverint, sed quid fidendum est Conciliis, cum Concilia Romano Catholica etiam unanimis suffragiis concenserunt Vicariatum Papalem, invocationem sanctorum, venerationem simulachrorum & ossium, divisionem Sanctæ Eucharistiae, purgatorium, indulgentias, & plura. Et quid fidendum est Conciliis, cum Dodrechanum etiam unanimis suffragiis decrevit detestabilem Prædestinationem, & extulit illam ut Palladium religionis. Sed mi Lector! ne crede Conciliis, sed sancto Verbo, & adi Dominum, & illustraberis; Ille enim est Verbum, hoc est, Ipsum Divinum Verum ibi.

635. Ultimo detegetur hoc Arcanum: in Septem Capitibus in Apocalypsi describitur Consummatio hodiernæ Ecclesiæ, similiter sicut describitur devastatio Ægypti, ac utraque per similes plagas, quarum unaquævis spiritualiter significat aliquod falsum, quod promovit devastationem ejus usque ad interitum, quare etiam hæc Ecclesia, quæ hodie deperdita est, vocatur Ægyptus spiritualiter intellecta, Apoc. XI: 8. Plagæ in Ægypto fuerunt hæc, quod aquæ versæ sint in fanguinem, unde mortuus est omnis pisces, & fætuit flumen, Exod. VII: similiter dicitur in Apocalypsi Cap. VIII: 8. Cap. XVI: 3.; per sanguinem significatur Divinum Verum falsificatum, videatur APOCALYPSIS REVELATA, n: 379. 404. 681. 687. 688; & per pisces, qui tunc mortui, vera in naturali homine similiter, n: 290. 405.. In Ægypt-

Ægypti terram productæ sunt ranæ, Exod. VIII: aliud de ranis etiam dicitur in Apocalypsi Cap. XVI: 13. per ranas significantur ratiocinationes ex cupiditate falsificandi vera, videatur APOC. REVEL. n: 702. In Ægypto ulceræ noxia facta sunt super homine & bestia, Exod. IX: similiter in Apocalypsi Cap. XVI: 2; per ulceræ significantur interiora mala & falsa destructiva boni & veri in Ecclesia, videatur APOC. REVEL. n: 678. In Ægypto facta est grando mixta igne, Exod. IX: similiter in Apocalypsi, Cap. VIII: 7. Cap. XVI: 21; grando significat falsum infernale, videatur APOC. REVEL. n: 399. 714. In Ægyptum immissa est locusta, Exod. X: similiter in Apocalypsi Cap. IX: 1 ad 11., locustæ significant falsa in extremis, videatur APOC. REVEL. n: 424. 430. In Ægyptum graves tenebrae inductæ sunt, Exod. X: similiter in Apocalypsi, Cap. VIII: 12. tenebrae significant falsa oriunda vel ex ignorantia, vel ex falsis religionis, vel ex malis vitæ, videatur APOC. REVEL. n: 110. 413. 695. Quod tandem Ægyptii perierint in Mar Suph, Exod. XIV: in Apocalypsi autem Draco & Pseudopropheta in stagno ignis & sulphuris, Cap. XIX: 20. Cap. XX: 10; utrumque, mare Suph & Stagnum illud, significat Infernum. Quod de Ægypto & de Ecclesia, cuius consummatio & finis describitur in Apocalypsi, similia dicantur, est quia per Ægyptum intelligitur Ecclesia, quæ in principio suo fuit præstans, quare Ægyptus, antequam Ecclesia ejus devastata est, æquiparatur horto Edenis, & horto Jehovæ, Genes. XIII: 10. Ezech. XXXI: 8. & quoque vocatur Lapis angularis tribuum, Filius sapientum, & regum antiquitatis, Esaj. XIX: 11. 13. plura de Ægypto in statu primævo ejus, & in statu devastato, videatur APOCALYPSIS REVELATA, n: 503.

Quod Fides imputativa meriti Christi non fuerit nota in Ecclesia Apostolica, quæ præcessit; & nullibi intellecta in Verbo.

636. Ecclesia, quæ Synodum Nicænam præcessit, vocata est Ecclesia Apostolica, quæ quod fuerit ampla, & in tres partes Orbis, Asiam, Africam & Europam propagata, constat non modo ex Imperatore Constantino magno, & ejus Monarchia super plura Regna Europæ postea divisa, sed etiam super viciniora extra Europam, quod fuerit Christianus, ac Zelotes pro religione; quare, ut supra dictum est, convocabat Episcopos ex Asia, Africa & Europa in Regiam suam Nicaeæ urbis Bithyniæ, ut Arii scandala ex Imperio suo ejiceret. Hoc factum est ex Divina Domini Providentia, quoniam si negatur Divinitas Domini, Ecclesia Christiana emoritur, & fit sicut sepulchrum ornatum Epitaphio hoc, hic jacet. Ecclesia, quæ fuit ante hoc tempus, vocata est Apostolica; & Scriptores insignes istius Ecclesiæ dicti sunt Patres, ac veri Christiani a latere fratres. Quod hæc Ecclesia non agnoverit tres Personas Divinas & inde nec Filium Dei ab aeterno, sed modo Filium Dei natum in tempore, constat ex Symbolo, quod ab Ecclesia illorum vocatum est Apostolicum, ubi hæc leguntur „*Credo in Deum Patrem Omnipotentem, Creatorem Cæli & Terræ. Et in Jesum Christum Filium Ejus unicum, Dominum nostrum, qui conceptus de Spiritu Sancto, natus ex Virgine Maria. Credo in Spiritum sanctum; sanctam Ecclesiam Catholicam, sanctorum communionem.*” Ex quo patet, quod non alium Filium Dei agnoverint, quam conceptum de spiritu sancto, & natum ex Maria Virgine; & prorsus non aliquem Filium Dei natum ab aeterno. Hoc Symbolum, sicut duo altera, pro sincero Catholico ab universa Ecclesia Christiana ad hodiernum diem, agnatum est.

637. Quod in primævo illo tempore, omnes in Christiano isto Orbe agnoverunt, quod Dominus Iesus Christus esset Deus, Cui data est omnis potestas in Cælo & in

Terra, & potestas omnis carnis, secundum ipsissima Ejus verba, Matth. XXVII: 18. Joh. XVII: 2; & quod crediderint in Ipsum, secundum mandatum Ipsius ex Deo Patre, Joh. III: 15. 16. 36. Cap. VI: 40. Cap. XI: 25. 26. idem hoc etiam manifeste patet ex convocatione omnium Episcoporum ab Imperatore Constantino magno, propter causam, ut Arium & ejus asseclas, qui negabant Divinitatem Domini Salvatoris a Maria Virgine nati, ex sacris literis convincerent & damnarent; quod quidem factum, sed hi vitaturi lupum inciderunt in leonem, aut sicut dicitur in proverbio, cupiens vitare charybdin incidit in scyllam; fingendo Filium Dei ab æterno, qui descendit & assumptus Humanum, credentes quod sic vindicaverint & restituerint Domino Divinitatem; non scientes quod Ipse Deus Creator universi descenderit, ut fieret Redemptor, & sic e novo Creator, secundum hæc manifesta in Veteri Testamento, Esaj. XXV: 9. Cap. XL: 3. 5. 10. II. Cap. XLIII: 24. Cap. XLIV: 6. 24. Cap. XLVII: 4. Cap. XLVIII: 17. Cap. XLIX: 7. 26. Cap. LX: 16. Cap. LXIII: 16. Jerem. L: 34. Hosch. XIII: 4. Psalm. XIX: 15. his addit. Joh. IX: 15.

638. Ecclesia illa Apostolica, quia coluit Dominum Deum Jesum Christum, & simul tunc in Ipso Deum Patrem, potest assimilari Horto Dei, & Arius, qui tunc surrexit, serpenti emissio ex Inferno, & Concilium Nicænum Uxori Adami quæ porrexit fructum marito suo & persuasit, post cuius esum apparuerunt sibi nudi, & texerunt nuditatem foliis fucus; per nuditatem illorum intelligitur innocentia in qua prius fuerunt, & per folia fucus vera naturalis hominis, quæ successive falsificata sunt. Primitiva illa Ecclesia etiam æquiparari potest diluculo & matutæ, ex qua dies processit ad decimam horam, sed tunc densa nubes intervenit, sub qua dies processit ad vesperam, & post hanc in noctem, in qua pro quibusdam exorta est Luna, ex cuius lumine aliqui aliquid viderunt ex Verbo, & reliqui in caliginem nocturnam progressi sunt eo usque, ut nihil Divinitatis in Humanitate Domini viderent, tametsi Paulus dicit, quod in *Jesu Christo omnis plenitudo Divinitatis habitat corporaliter*, Coloss. II: 9.; & Johannes, quod *Filius Dei missus in Mundum sit verus Deus & vita æterna*, i Epist. V: 20. 21. Ecclesia primitiva seu Apostolica, nusquam potuit ominari, quod successura sit Ecclesia, quæ plures Deos corde, & unum ore coleret; quæ separaret charitatem a fide; remissionem peccatorum a pænitentia & studio novæ vita; quæque induceret totalem impotentiam in spiritualibus; & minime, quod aliquis Arius elevaret caput, & quando est mortuus, resuferet, & dominaretur clanculum usque ad finem.

639. Quod non aliqua Fides imputativa meriti Christi intellecta sit in Verbo, patet clare exinde, quod illa fides in Ecclesia prius non nota fuerit, quam postquam Nicæna Synodus tres Personas Divinas ab æterno introduxit; & cum hæc fides introducta est, & pervasit totum Orbem Christianum, rejecta est omnis alia fides in tenebras; quare quicunque tunc legit Verbum, & videt fidem, imputationem, & meritum Christi, ex se incidit in illud, quod creditit unicum; sicut qui scripturam unius paginae videt, & ibi subsistit, & non vertit illam, & videt aliud. Aut sicut qui perluadet sibi, quod hoc sit verum, tametsi falsum, & id solum confirmat, tunc videt falsum ut verum, & verum ut falsum, hic postea comprimeret dentes, & sibilaret ore ad omnem qui id impugnat, & diceret non intelligens es; mens ejus tota est in illo, circumducta callo, qui sicut heterodoxa rejicit omnia quæ cum suis orthodoxis ita vocatis non consonant; est enim memoria ejus sicut tabula, cui unicum hoc Theologicum dominans inscriptum est; si intrat aliquid aliud, non locum habet ubi inseratur, quare id ejicit sicut os spumam. Pro exemplo, dic ad confirmatum Naturalistam, qui vel credit, quod Natura seipsum creaverit, vel quod post naturam exstiterit Deus, vel quod Natura & Deus unum sint, quod prorsus contrarium sit, numne ille aspiceret te vel sicut a fabulis presbyterorum delusum, vel ut simplicem, vel ut hebetem, vel ut demen-

tem;

tem; simile est cum omnibus, quæ persuasio & confirmatio fixant, quæ apparent demum sicut picti tapetes parieti ex lapillis obsoletis conglutinato multis clavis affixi.

Quod Imputatio meriti & justitiae Christi sit impossibilis.

640. Ut sciatum quod Imputatio Meriti & Justitiae Jesu Christi sit impossibilis, necesse est scire, quid Meritum & Justitia Ipsi sunt; Meritum Domini nostri Salvatoris est Redemptio, quæ qualis fuit, in suo Capite supra n: 114 ad 133, videatur, quæ quod fuerit subjugatio Inferorum & ordinatio Cælorum, & postea restauratio Ecclesiæ, ibi describitur, & sic quod Redemptio fuerit Opus pure Divinum: ibi etiam ostensum est, quod Dominus per Redemptionem se miserit in potentiam regenerandi & salvandi homines, qui credunt in Ipsum, & faciunt praecpta Ipsi; & quod absque Redemptione illa nulla Caro salvari potuerit. Quoniam nunc Redemptio fuit Opus pure Divinum, & solius Domini, ac illa est Meritum Ipsi, sequitur quod hoc nulli homini applicabile, addicabile, & imputabile sit, non plus quam Creatio & Conservatio Universi, Redemptio etiam fuit quædam Creatio Cæli Angelici e novo, & quoque Ecclesiæ. Quod Ecclesia hodierna attribuat illud meritum Domini Redemptoris illis, qui ex gratia Fidem adipiscuntur, patet ex dogmatibus illorum, inter quæ hoc principale est, nam dicitur ab Ecclesiæ istius Hierarchis & ab illorum Clientibus, tam in Ecclesia Romano-Catholica, quam in Ecclesiis Reformatorum, quod per Imputationem Meriti Christi, illi qui Fidem adepti sunt, non modo justi & sancti reputentur, sed etiam quod sint, & quod peccata illorum non sint peccata coram Deo, quia remissa, & illi justificati, hoc est, reconciliati, innovati, regenerati, sanctificati, & Cælo adscripti. Quod universa Ecclesia Christiana eadem illa hodie doceat, manifeste constat ex-Synodo Tridentina, Confessionibus, Augustana & Augsburgensi, & a commendationibus allegatis & simul receptis. Quid aliud ex supradictis, & in fidem illam translatis, fluit, quam quod possessor istius fidei, sit illud meritum, & illa justitia Domini, consequenter quod possessor ejus sit Christus in alia persona, nam dicitur quod Ipse Christus sit Justitia, & quod fides illa sit justitia, & quod imputatio, per quam etiam intelligitur addicatio & applicatio, faciat ut non modo justi & sancti reputentur, sed quod sint. Adde modo imputationi, applicationi & addicationi. TRANSCRIPTIONEM, & eris vicarius Papa.

641. Cum itaque Meritum & Justitia Domini sunt pure Divina, & pure Divina sunt talia, ut si applicarentur & addicarentur, homo in instanti emoretetur, & sicut stipes injectus nudo soli, consumeretur ita, ut vix remaneret favilla de illo; quare Dominus cum suo Divino accedit ad Angelos & ad homines per lucem temperatam & moderatam ad facultatem & qualitatem cuiusvis, ita per adæquatum & accommodatum; similiter per calorem. In Mundo spirituali est Sol, in enjus medio est Dominus; ex illo Sole influit Ille per lucem & calorem in totum Mundum spiritualem, & in omnes qui ibi sunt, omnis lux & omnis calor ibi inde est; Dominus ab illo Sole cum eadem luce & eodem calore influit etiam in animas & mentes hominum; calor ille in sua essentia est Divinus Ipsi Amor, & Lux illa in sua essentia est Divina Ipsi Sapientia, hanc lucem & illum calorem adaptat Dominus ad facultatem & qualitatem angeli & hominis recipientis, quod fit per auras seu atmospheras spirituales, quæ vehunt & transferunt illa: ipsum Divinum immediate ambiens Dominum facit illum Solem. Hic Sol distat ab Angelis, sicut Sol Mundi naturalis ab hominibus, propter causam, ne nude & sic immediate tangeret illos, nam sic consumerentur, sicut stipes injectus nudo soli, ut dictum est. Ex his

his constare potest, quod meritum & justitia Domini, quia sunt pure Divina, haud quaque possint per imputationem in aliquem angelum aut hominem inferri, imo si aliqua stilla ejus non ita moderata, ut dictum est, tangeret illos, illico sicut laborantes cum morte torquerentur, luxando pedibus, divaricando oculos, & exanimarentur. Hoc in Ecclesia Israelitica notum factum est per hoc, quod nemo possit videre Deum & vivere. Describitur etiam Sol Mundi spiritualis, qualis est postquam Jehovah Deus astumis Humanum, & Huic adjectis Redemptionem & Justitiam novam, his verbis apud Esajam „*Lux Solis erit septupla, sicut Lux septem dierum, in die quo Jehovah obligabit fracturam populi,* Cap. XXX: 26; in quo Capite a principio ad finem agitur de adventu Domini. Describitur etiam quid fieret, si Dominus descenderet, & appropinquaret ad aliquem impium, per hæc in Apocalypsi „*Absconderunt se in speluncis & petris montium, & dicebant montibus & petris, abscondite nos a facie Sedentis super Throno, & ab ira Agni,* Cap. VI: 15. 16; ira Agni dicitur, quia illis ita appareret terror & cruciatus appropinquante Domino. Hoc adhuc evidenter concludi potest ex hoc, quod si aliquis impius intromittitur in Calum, ubi charitas & fides in Dominum regnant, invadat oculos ejus caligo, mentem ejus vertigo & insania, corpus ejus dolor & cruciatus, & fiat sicut exanimis; quid tunc si Ipse Dominus cum Divino suo merito, quod est Redemptio, & cum Divina sua Justitia, hominem intraret. Ipse Johannes Apostolus nec sustinuit præsentiam Domini, nam legitur, quod *cum vidi Filium Hominis in medio septem Candelabrorum, ceciderit ad pedes Iesus sicut mortuus*, Apoc. I: 17.

642. Dicitur in Decretis Conciliorum & in Articulis Confessionum, in quos Reformati jurant, quod Deus per meritum Christi infusum justificet impium, cum tandem impio ne quidem communicari, minus conjungi potest bonum alicuius Angeli, quin rejiciatur & resiliat sicut globus elasticus conjectus in parietem, aut absorbeatur sicut adamasc immissa in paludem, imo si aliquid vere bonum intruderetur, foret sicut margarita alligaretur naribus porci; nam quis non scit, quod clementia non possit injici in immisericordiam, innocentia in vindictam, amor in odium, concordia in discordiam, quod foret sicut commiscere Cælum & Infernum: homo non renatus est quoad spiritum suum sicut panthera aut sicut bubo, & assimilari potest fenti & urticæ, at homo renatus est sicut ovis aut sicut columba, & assimilari potest oleæ aut viti; cogitate, quæso, si libet, quomodo potest homo panthera converti in hominem ovem, aut bubo in columbam, aut fentis in oleam, aut urtica in vitæ, per aliquam imputationem, addicationem, applicationem Divine justitiae, quæ potius illum damnaret, quam justificaret; a non ut conversio fiat, ferinum pantheræ & bubonis, aut noxiū fentis & urticæ, prius auferendum est, & loco ejus vere humanum & innocuum implantandum est: quomodo hoc fit, etiam docet Dominus apud Johannem Cap. XV: 1 ad 7.

Quod sit Imputatio, sed boni & mali, & simul fidei.

643. Quod sit Imputatio boni & mali, quæ in Verbo, ubi nominatur, intelligitur, constat ex innumeris locis ibi, quæ quidem prius ad partem allata sunt, sed ut quisque certus fiat, quod non alia Imputatio detur, aliqua etiam hic ex Verbo afferentur, quæ sunt, *Veniturus est Filius hominis, & tunc reddet unicuique secundum facta ejus*, Matth. XVI: 27. *Exibunt qui bona fecerunt in resurrectionem vite, qui vero mala fecerunt in resurrectionem judicii*, Joh. V: 29. *Liber apertus est qui est vite, & judicati sunt omnes secundum Opera illorum*, Apoc. XX: 12. 13. *Ecce venio cito, & merces mea Mecum, ut dem unicuique secundum Opus ejus*, Apoc. XXII: 12. *Visitabo secundum vias ejus, Opera ejus retribuam illi*, Hofsch. IV: 9. Sach. I: 6. Jerem. XXV: 14. Cap. XXXII: 19. *Deus in die iræ & justi Judicii sui, reddet uni-*

cui-

cuique secundum Opera ejus , Rom. II: 5. 6. Omnes nos manifestari oportet coram Tribunal Christi , ut reportet illa , quæ per corpus prout ea fecit , sive bonum sive malum , II Cor. V: 10. Non alia Lex imputationis fuit in principio Ecclesiæ ; nec alia futura est in fine ejus ; quod in principio Ecclesiæ , patet ex Adamo & ejus Uxor , quod quia malum fecerunt , comedendo ex Arbore Scientiæ boni & mali , damnati sunt , Gen. II. & III; & quod nec alia futura sit in fine Ecclesiæ , patet ex his Domini verbis , Quando venerit Filius hominis in gloria Patris sui , tunc sedebit super Throno gloria sue , & dicet Ovibus a dextris , venite benedicti , & tanquam hereditatem possidete paratum vobis Regnum a fundatione Mundi ; Nam esurivi , & dedistis Mihi edere , suivi & potastis Me ; Peregrinus fui & collegistis Me . Nudus fui & induistis Me . Agrotus fui & visitastis Me . In Custodia fui & venistis ad Me . At vero Hircis a sinistris , quia non fecerunt bona , dixit , discedite a Me maledicti , in Ignem æternum paratum diabolo & angelis ejus , Matth. XXV: 33 seqq. Ex his quisque apertis oculis videre potest , quod sit Imputatio boni & mali . Quod etiam sit Imputatio Fidei , est quia Charitas quæ est boni , & Fides quæ est veri , una sunt in bonis Operibus , & quod nisi una sunt , Opera non sint bona , videatur supra , n: 373 ad 377; quare dicit Jacobus , Abraham Pater noster nonne ex Operibus justificatus est , cum obculit Filium suum super altare , videsne quod Fides cooperata sit Operibus , & ex Operibus Fides pro perfecta cognita sit , ac impleta est Scriptura , quæ dicit , credidit Abraham Deo , & imputatum est illi in justitiam , Epist. II: 21. 22. 23.

644. Causa , quod Præsules Ecclesiarum Christianarum , & inde subalterni illorum per Imputationem in Verbo intellexerint imputationem Fidei , cui Justitia & Meritum Christi inscripta sunt , & sic homini adscripta , est quia non de alia fide per quatuordecem Sæcula , hoc est , a tempore Synodi Nicenæ , voluerunt scire ; quare illa sola insedit memoria & inde menti illorum , sicut organizata , quæ ab eo tempore faenerata est lucem , qualis est ex incendio tempore noctis , ex qua luce illa fides visa est tanquam ipsum verum Theologicum , ex qua pendent omnia reliqua in serie concatenata , quæ dilaberentur , si illud caput , seu illa columna amoveretur : quare si aliam Fidem , quam imputativam illam cogitarent , cum legerunt Verbum , lux illa una cum omni Theologico illorum , extingueretur , & oborirentur tenebrae , e quibus tota Ecclesia Christiana evanesceret , quare relicta est illa , sicut stirps radicum in terra , excisa & desperdita arbore , usque dum septem tempora transirent , Dan. IV: 20; quis inter confirmatos antistites Ecclesiæ hodie , dum impugnat illa fides , non obturat aurem sicut gossypio ad audiendum aliquid contra illam . Sed , mi Lector , aperi aures , & lege Verbum , & clare percipies aliam fidem & aliam imputationem , quam hactenus tibi persuaseras .

645. Mirabile est , quod tametsi Verbum a principio ad finem plenum est testimonis & confirmationibus , quod cuivis imputetur ejus bonum aut malum , usque dogmatici Religionis Christianæ obturaverint sicut cera aures , ac inunixerint sicut collyrio oculos , ut non audiverint aut viderint , nec audiant aut videant aliam Imputationem quam suæ Fidei supra memoratae ; & tamen Fides illa rite comparari potest cum Morbo oculi , qui vocatur GUTTA SERENA , imo merito nominanda ita , quæ est absoluta oculi cæcitas , oriunda ex obstructione Nervi optici , & tamen Oculus apparet sicut plenarie videns ; similiter illi qui in fide ista sunt , vadunt sicut apertis oculis , & apparent coram aliis sicut omnia videant , cum tamen nihil vident , quoniam homo nihil scit de illa dum intrat , est enim tunc sicut truncus , nec deinde scit num inest , neque scit num aliquid in illa est ; ac postea illi quoque sicut claris oculis vident Fidem illam parturientem & gignentem nobiles fætus Justificationis , videlicet Remissionem peccatorum , Vivificationem , Innovationem , Regenerationem , Sanctificationem , cum tamen non ullius illarum signum viderunt , nec videre possunt .

646. Quod bonum quod est charitas , & malum quod est iniquitas , post mortem

imputentur, ex omni experientia de forte illorum, qui ex hoc Mundo in alterum transeunt, testatum mihi factum est, quisque postquam aliquot dies ibi moratus est, exploratur qualis est, ita qualis fuit in priori Mundo quoad religionem, quo facto, exploratores renuntiant hoc ad Cælum, & tunc transfertur ad similes, ita ad suos, ita fit Imputatio. Quod imputatio boni sit omnibus qui in Cælo sunt, & imputatio mali omnibus qui in inferno, patuit mihi ex ordinatione utriusque a Domino; Universum Cælum ordinatum est in Societates secundum omnes varietates amoris boni, & Universum Infernum secundum omnes varietates amoris mali. Similiter ordinatur Ecclesia in terris a Domino, hæc enim correspondet Cælo; ejus religio est bonum. Præterea quære quemcumque libet religione & simul ratione prædictum, sit ex hac aut ex binis alteris partibus Orbis, quem credit venturum in Cælum, & quem in Infernum, & respondebunt consentienter, quod illi qui bonum faciunt in Cælum, & quod qui malum in infernum. Insuper quis non scit, quod omnis verus homo amet hominem, Cætum ex pluribus, Civitatem, & Regnum ex bono eorum, imo non modo homines, sed etiam bestias, & quoque inanimata, ut domus, possessiones, agros, hortos, arbores, sylvas, terras; imo metalla & lapides, ex bonitate & usu illorum, bonum & usus unum sunt; quid non Dominus amaret hominem & Ecclesiam ex bono.

Quod Fides & Imputatio Novæ Ecclesiæ nequaquam possint una esse cum fide & imputatione prioris Ecclesiæ, & quod, si una sunt, fiat collisio & conflictio talis, ut perreat amne Ecclesiæ apud hominem.

647. Quod Fides & Imputatio novæ Ecclesiæ non possit una esse cum fide & imputatione prioris seu adhoc persistantis Ecclesiæ, est causa, quia non in uno tercio, ne quidem in uno decimo conveniunt: Nam fides prioris Ecclesiæ docet, quod ab æterno existent tres Personæ Divinæ, quarum unaquævis singulatim seu per se esset Deus, totidem etiam Creatores; fides autem novæ Ecclesiæ est, quod modo una Persona Divina, ita unus Deus ab æterno fuerit, & quod præter Ipsum non aliis Deus sit: quare fides prioris Ecclesiæ tradidit Divinam Trinitatem divisam in tres Personas; at fides novæ Ecclesiæ tradit Divinam Trinitatem unitam in una Persona. Fides prioris Ecclesiæ fuit in Deum invisibilem, inaccessibilem & inconjungibilem, de quo idea fuit qualis est de Spiritu, quæ est sicut est de æthere aut vento; at fides novæ Ecclesiæ est in Deum visibilem, accessibilem, & conjungibilem, in quo ut anima in corpore est Deus invisibilis, inaccessibilis & inconjungibilis, de quo est idea hominis, quia Deus unus, qui fuit ab æterno, factus est homo in tempore. Fides prioris Ecclesiæ tribuit Deo invisibili omnem potentiam, & hanc Deo visibili derogat, nam tradit quod Deus Pater imputet fidem, & per illam donet vitam æternam, & quod visibilis modo intercedat, & quod uterque, aut secundum Græcam Ecclesiam, Deus Pater Spiritui Sancto, qui est tertius in ordine Deus per se, det omnem potentiam operandi istius fidei effectus; at fides novæ Ecclesiæ tribuit Deo visibili, in quo invisibilis, omnipotentiam imputandi, & quoque operandi effectus salutis. Fides prioris Ecclesiæ est primario in Deum Creatorem, & non simul in Illum ut Redemptorem & Salvatorem; at fides novæ Ecclesiæ est in unum Deum, qui simul est Creator, Redemptor & Salvator. Fides prioris Ecclesiæ est, quod fidem donatam & imputatam sequantur ex se Pænitentia, Remissio peccatorum, Renovatio, Regenerationis, Sanctificatio, & Salus, præter quod aliquid hominis illis commiscetur aut

aut conjungatur; at fides novæ Ecclesiæ docet pœnitentiam, reformationem, regenerationem, & sic remissionem peccatorum, cooperante homine. Fides prioris Ecclesiæ tradit imputationem meriti Christi, quam donata fides amplectitur; at fides novæ Ecclesiæ docet imputationem boni & mali, & simul fidei, & quod hæc imputatio sit secundum Scripturam facram, illa autem contra eam. Prior Ecclesia tradit donationem fidei in qua meritum Christi, quando homo est sicut truncus & lapis, & quoque tradit totalem impotentiam in spiritualibus; Nova autem Ecclesia docet prorsus aliam fidem, quæ non est in meritum Christi, sed in Ipsum Jesum Christum Deum Redemptorem & Salvatorem, & liberum arbitrium tam ad applicandum se ad receptionem, quam ad cooperandum. Prior Ecclesia fidei suæ adjungit charitatem ut appendicem, sed non ut salvificam, & sic facit Religionem; Nova autem Ecclesia conjungit fidem in Dominum & charitatem erga proximum, ut duo inseparabilia, & sic facit Religionem; præter plures alias discordantias.

648. Ex brevi illa recensione discordantiarum seu dissensuum, patet quod fides & imputatio Novæ Ecclesiæ nequaquam possit una esse cum fide & imputatione prioris seu adhuc perstantis Ecclesiæ, & quia talis discordia & dissensus est inter utriusque Ecclesiæ fidem & ejus imputationem, est plena heterogeneitas, quare si una essent in mente hominis, fieret collisio & conflictio talis, ut periret omne Ecclesiæ, & homo in spiritualibus caderet vel in delirium vel in deliquium, unde non sciret quid Ecclesia, & num Ecclesia; num tunc sciret aliiquid de Deo, aliiquid de fide, & aliiquid de charitate. Fides prioris Ecclesiæ, quia excludit omne lucis ex ratione, assimilari potest noctuæ; at fides novæ Ecclesiæ assimilari potest columbæ, quæ diu volat, & videt ex luce cæli; quare conjunctio illarum in una mente foret sicut conjunctio noctuæ & columbæ in uno nido, ubi noctua poneret sua ova, & columba sua, & post incubatum excluderentur pulli, & tunc noctua pullos columbæ discerperet, & suis pullis daret in escam; est enim noctua avis vorax. Quia fides prioris Ecclesiæ describitur in Apocalypsi Cap. XII, per draconem, & fides novæ Ecclesiæ per mulierem circumdatam sole, super cuius Capite corona duodecim stellarum, potest ex comparatione concludi, qualis status mentis hominis foret, si simul essent in una domo, scilicet quod draco adstaret mulieri pariturae animo devorandi fætum ejus, & quod postquam illa avolavit in desertum, persequeretur illam, & conjiceret aquam ut flumen in illam, ut absorberetur.

649. Simile eveniret, si quis amplecteretur fidem novæ Ecclesiæ, & fidem prioris Ecclesiæ de Imputatione meriti & justitiae Domini retineret, ex hac enim ut radice omnia prioris Ecclesiæ dogmata, ut propagines, exsurrexerunt: si hoc fieret, comparatio foret, sicut quis se eriperet ex quinque cornibus draconis, & se intricaret in quinque reliquis ejus; aut si quis fugeret lupum, & incideret in tigridem; aut sicut exiens e fovea ubi non aqua, caderet in foveam ubi aqua, qua submergeretur; nam sic facile rediret in omnia prioris fidei, quæ qualia sunt, supra expositum est, & tunc in hoc damnabile, quod imputaret & applicaret sibi ipsa Divina Domini, quæ sunt Redemptio & Justitia, quæ adorari & non applicari possunt; nam si homo sibi illa imputaret & applicaret, consumeretur sicut conjectus in nudum solem, a cuius tamen luce & calore videt & corpore vivit: quod Meritum Domini sit Redemptio, & quod Redemptio Ipsius & Justitia Ipsius, sint duo Divina, quæ homini non conjungi possunt, supra ostensum est. Caveat itaque sibi quisque a transcriptione imputationis prioris Ecclesiæ in imputationem novæ, quoniam inde oritura sunt tragica, quæ obstarent saluti ejus.

Quod Dominus omni homini imputet bonum, & quod Infernum omni homini imputet malum.

650. Quod Dominus imputet homini bonum, & non aliquid malum, & quod diabolus, per quem intelligitur Infernum, imputet homini malum, & non aliquid bonum, est novum in Ecclesia; quod sit novum, est quia in Verbo plures legitur, quod Deus irascatur, ulciscatur, odio habeat, damnet, puniat, conjiciat in infernum, tentet, quæ omnia sunt mali, & inde mala: sed quod sensus literæ Verbi ex talibus, quæ vocantur apparentiæ & correspondentiæ, conscriptum sit, propter causam, ut sit conjunctio Externæ Ecclesiæ cum Interna ejus, ita Mundi cum Cælo, in Capite de SCRIPTURA SACRA ostensum est; & ibi etiam, quod cum talia in Verbo leguntur, ipsæ apparentiæ veri, dum transeunt ab homine ad Cælum, vertantur in genuina veræ, quæ sunt; quod Dominus nusquam irascatur, ulciscatur, odio habeat, damnet, puniat, conjiciat in infernum, tentet, proinde quod nulli homini faciat malum; hanc transmutationem & versuram in Mundo Spirituali sèpius animadverti.

651. Ipsa ratio adstipulatur, quod Dominus non possit alicui homini malum facere, proinde nec ei imputare, est enim Ipse Amor, Ipsa Misericordia, ita Ipsum Bonum, & hæc sunt Divinæ Essentiæ Ipsius, quare malum, aut aliquid mali tribuere Domino, forent contraria Divinæ Ipsius Essentiæ, & sic contradictionia, & hoc foret ita nefandum, licet est conjungere Dominum & diabolum, ac Cælum & Infernum, cum tamen inter haec hiatus ingens firmatus est, ut qui volunt transcendere abhinc ad illud, non possint, neque abinde huc transire, Lyc. XVI: 26. Ne quidem Angelus Cæli potest alicui malum facere, quia essentia boni a Domino illi inest; & vice versa, spiritus inferni non potest nisi quam malum alteri facere, quia natura mali a diabolo illi inest; essentia seu natura, quam aliquis in Mundo sibi appropriavit, post mortem non potest mutari. Cogita quæso, qualis Dominus foret, si malos ex ira, & bonos ex clementia aspiceret, sunt mali myriades myriadum, ac boni myriades myriadum numero, & hos ex gratia salvaret, & illos ex vindicta damnaret, ac hos & illos tam dissimili oculo, leni & duro, ac miti & immitti, intueretur; quid tunc Dominus Deus? Quis non a prædicatiōnibus in Templis instruetus scit, quod omne bonum quod in se bonum est, sit a Deo, & vicissim quod omne malum quod in se malum est, sit a diabolo, si itaque quis homo reciperet & bonum & malum, bonum a Domino, & malum a diabolo, utrumque voluntate, nonne ille fieret nec frigidus nec calidus, sed tepidus qui exspueretur; secundum Domini verba in Apocalypsi Cap. III: 15. 16.

652. Quod Dominus omni homini imputet bonum, & non alicui malum, consequenter quod non judicet aliquem ad Infernum, sed omnes, quantum homo sequitur, elevet ad Cælum, constat ex his Ipsius verbis, Jesus dixit, dum exaltatus sum e terra, omnes traham ad Me ipsum, Joh. XII: 32. Non misit Deus Filium suum in Mundum ut judicet Mundum, sed ut salvetur Mundus per Ipsum; qui credit in Ipsiū non judicatur, qui autem non credit fam judicatus est; Joh. III: 18. Si quis mea verba audiverit, & tamen non crediderit, Ego non judico illum, non enim veni ut judicem Mundum, sed ut salvem Mundum; qui spernit Me, & non accipit mea verba, habet quod judicet illum, Verbum quod loquutus sum, judicabit illum in extremo die, Joh. XII: 47. 48. Jesus dixit, Ego judico neminem, Joh. VIII: 15. per Judicium hic & alibi in Verbo, intelligitur judicium ad Infernum, quod est damnatio, at de Salvatione non prædicatur judicium, sed resurrectio ad vitam, Joh. V: 24. 29. Cap. III: 18. per Verbum quod judicabit, intelligitur Veritas, ac veritas

tas est, quod omne malum sit ab Inferno, & sic quod unum sint; quare dum malus elevatur a Domino versus Cælum; tunc malum ejus detrahit illum, & quia amat malum, sequitur ipse sua sponte: est quoque veritas in Verbo, quod Bonum sit Cælum, quare dum Bonus a Domino elevatur versus Cælum, ascendit ille sicut sponte sua; ac introducitur; hi dicuntur scripti in Libro vitæ, Dan: XII: 1. Apoc. XII: 8. 12. 23. Cap. XVII: 8. Cap. XXI: 6. Est actualiter Sphæra elevans omnes ad Cælum, quæ continue procedit a Domino, ac implet universum Mundum Spiritualem & universum Mundum naturalem, & illa est sicut fortis vena in Oceano, qui occulæ trahit navem, omnes illi quæ credunt in Dominum & vivunt secundum præcepta Ipsiœ, intrant illam sphæram seu venam, ac elevantur, at illi qui non credunt, non volunt illam intrare, sed removent se ad latera, & ibi abripiuntur a flumine quod tendit in Infernum.

653. Quis non scit quod Agnus non possit aliter agere quam sicut agnus, ac ovis non aliter quam sicut ovis, & vicissim lupus non aliter quam sicut lupus, ac tigris sicut tigris, si illæ bestiæ commiserentur, nonne lupus devoraret agnum, & tigris ovem, quare custodiæ pastorum sunt. Quis non scit quod fons dulcis aquæ non possit ex vena sua expromere aquas amaras; & quod arbor bona non possit producere fructus malos; quodque vitis non possit pungere sicut spina, flos lilii urere sicut sentis, & hyacinthus vellicare sicut carduus, & vice versa, quare mala illa virgulta extirpantur ex agris, vineis & hortis, & collecta in cumulos conjiciuntur in ignem; simile fit cum malis in Mundum Spiritualem alluentibus, secundum Domini verbæ, Matth. XIII: 30. Joh. XV: 6. Dominus etiam dixit ad Judæos; *Progenies viperarum, quomodo potestis bona loqui, cum mali sitis; bonus homo ex bono thesauro cordis sui emittit bona, & malus homo ex malo thesauro emittit mala,* Mæth. XIII: 34. 35.

Quod Fides cum quo se conjungit, faciat sententiam, si fides vera se conjungit cum bono, fit sententia pro vita æterna, at si fides se conjungit cum malo, fit sententia pro morte æterna.

654. Opera charitatis, quæ fiunt a Christiano & quæ ab Ethnico, in externa forma apparent similia, nam unus sicut alter facit bona civilitatis & moralitatis consocio, quæ quoad partem similiaria sunt bonis amoris erga proximum, imo potest dare pauperibus, opitulari egenis, in templis auscultare conciones; sed quis potest inde judicare, num bona illa externa sint similia in interna forma, seu naturalia sint etiam spiritualia; de hoc non potest concludi nisi ex fide, nam fides qualificat illa, fides enim facit ut Deus sit in illis, & conjungit illa secum in interno homine, inde fiunt bona naturalia interius spiritualia. Quod ita sit, plenius videri potest ex transactionibus in Capite de Fide, ubi demonstrantur sequentia hæc; *Quod fides non vivat antequam charitati conjuncta est. Quod Charitas ex fide, & fides ex charitate spiritualis fiat. Quod fides absque charitate, quia non est est spiritualis. non sit fides, & quod charitas absque fide, quia non vivit, non sit charitas. Quod fides & charitas se applicent & conjungant mutuo & vicissim. Quod Dominus, Charitas & Fides unum faciant, sicut vita, voluntas & intellectus, at si dividuntur, unumquodvis pereat, sicut unio dilapsa in pollinem.*

655. Ex allatis videri potest, quod fides in unum & verum Deum faciat ut bonum sit bonum etiam in interna forma, & vicissim, quod fides in falsum Deum faciat ut bonum sit bonum dunttaxat in externa forma, quod non est bonum in se, sicut fides gentilium olim in Jovem, Junonem & Apollinem, Philistæorum in Dagonem, ac aliorum in Baalem & Baalpeorim, ac Bileami Magi in suum Deum, ac Ægyptio.

tiorum in plures. Profsus aliter fides in Dominum, qui est verus Deus & Vita æterna, secundum Johannem in Epist. V: 21, & in quo omnis plenitudo Divinitatis habitat corporaliter, secundum Paulum in Epist. ad Coloss. II: 9. Quid fides in Deum nisi aspectus ejus, & inde præsentia, & simul fiducia quod juvet, & quid vera fides, nisi illa & simul fiducia quod omne bonum sit ab Ipso, & faciat quod suum bonum-sit salvificum; quare si haec fides se conjungit cum bono, sit sententia pro vita æterna, aliter profsus si illa se non conjungit cum bono, & plus si cum malo.

656. Qualis conjunctio charitatis & fidei est apud illos qui credunt in tres Deos, & tamen dicunt se credere in unum, supra ostensum est, scilicet quod Charitas se conjungat cum fide solum in externo naturali homine, causa est, quia mens ejus in idea trium deorum est, & os ejus in confessione unius Dei, quare si mens illo momento infunderet se in confessionem oris, expungeret enuntiationem unius Dei, & aperiret labra & excuteret suos tres Deos.

657. Quod malum & fides in unum & verum Deum non possint simul esse, quisque potest ex ratione videre, nam malum est contra Deum, & fides est pro Deo, ac malum est voluntatis & fides est cogitationis, ac voluntas influit in intellectum & facit eum cogitare, non autem vicissim, intellectus modo docet quid volendum & faciendum est; quare Bonum, quod talis homo facit, in se est malum; est sicut os nitidum cuius medulla est putris; est sicut histrio super theatro, qui personat magnatem; estque sicut venusta facies meretricis obsoletæ; & est sicut papilio volans argenteis alis ponit ovula super foliis arboris bone, ex quibus omnis fructus ejus perit; est sicut fragrans fumus ex herba toxicata; imo est sicut moralis latro, & pius sychophanta; quare ejus bonum, quod in se est malum, est intus in camera, at ejus fides in vestibulo ambulans & ratiocinans, est mera chimæra, larva & bulla. Ex his patet veritas propositionis quod fides faciat sententiam de bono & malo, quod ei conjungitur.

Quod nulli imputetur Cogitatio, sed Voluntas.

658. Omnis Eruditus scit, quod duas facultates seu partes Mentis sint, Voluntas & Intellectus, sed pauci sciunt juste discernere illas, & proprietates illarum singulatim lustrare, & has deinde conjungere; qui hoc non possunt, nec possunt aliquam notionem nisi obscurissimam de Mente sibi comparare; quare nisi prius proprietates cuiusvis per se describuntur, non comprehenditur hoc, quod nulli imputetur cogitatio, sed voluntas. Proprietates utriusque in compendio, sunt haec: 1. Quod ipse amor, & quæ amoris sunt, resideant in voluntate, & quod scientia, intelligentia, & sapientia in intellectu, & quod his voluntas inspiret suum amorem, ac operetur favorem & assensum; inde est, quod qualis amor & inde intelligentia, talis homo. 2. Ex hoc etiam sequitur, quod omne bonum & quoque omne malum sit voluntatis, nam quicquid ex amore procedit, vocatur bonum, tametsi foret malum, nam jucundum quod facit vitam amoris, producit hoc: Voluntas per hoc jucundum intrat intellectum, & producit consensum. 3. Est itaque Voluntas esse seu essentia vitae hominis, Intellectus autem est existere seu existentia inde: & quia essentia non est aliquid nisi in quadam forma, ita voluntas nisi in intellectu; quare voluntas se format in intellectu, & sic in lucem prodit. 4. Amor in Voluntate est finis, & in intellectu conquirit & invenit causas, per quas se moveat ad effectum; & quia finis est propositum, & hoc intendit, est quoque propositum voluntatis, & per intentionem intrat intellectum, & hunc agit ad versandum & volvendum media, & ad concludendum talia quæ tendunt ad effectus. 5. Omne proprium hominis inest voluntati, & hoc est malum

à prima nativitate, & fit bonum ex altera; prima nativitas est ex parentibus, alia tera autem ex Domino. Ex his paucis videri potest, quod alia proprietas sit Voluntatis, & alia Intellectus, & quod ex creatione conjunctæ sicut sicut esse & existere; consequenter, quod homo sit homo primario ex voluntate, & secundario ex intellectu; inde est quod homini imputetur voluntas, non autem cogitatio, proinde malum & bonum, quia hæc, ut dictum est, in voluntate, & inde in intellectus cogitatione resident.

659. Quod non aliquod malum imputetur homini quod cogitat, est quia homo ita creatus est, ut possit intelligere & inde cogitare bonum aut malum, bonum ex Domino, & malum ex Inferno, est enim in medio, & in facultate eligendi unum aut alterum ex libero arbitrio in spiritualibus, de quo in suo Capite actum est; & quia in facultate eligendi ex libero est, potest velle & non velle, & quod vult, hoc recipitur a voluntate & appropriatur, at quod non vult, non recipitur, & sic non appropriatur. Omnia mala, ad quæ homo inclinat a nativitate, inscripta sunt voluntati naturali ejus hominis, illa, quantum defumit ex illis, influunt in cogitationes, similiter bona cum veris defuper in illas a Domino, & ibi librantur sicut pondera in scalis bilancis, si tunc homo adoptat mala, recipiuntur illa a voluntate veteri, & addunt se illis; at si adoptat bona cum veris, formatur a Domino nova voluntas & novus intellectus supra veterem, & ibi Dominus nova bona per vera successive implantat, & per hæc subjugat mala quæ infra sunt, & removet illa, ac disponit omnia in ordinem. Ex his etiam patet, quod Cogitatio sit purificatorium & excretorium malorum a parentibus insidentium; quare si mala, quæ homo cogitat, imputarentur, non fieri posset reformatio & regenerationis.

660. Quoniam bonum est voluntatis & verum est intellectus, & multa in Munde correspondent bono, sicut fructus & usus, ac ipsa imputatio aestimationi & pretio, sequitur quod illa quæ de imputatione hic dicta sunt, possint cum omnibus creatis comparari, nam sicut prius hic & ibi ostensum est, omnia in universo se referunt ad bonum & verum, & e contra ad malum & falsum. Comparatio itaque fieri potest cum Ecclesia, quod illa reputetur ex charitate & fide, & non ex ritualibus, quæ adjunguntur. Comparatio etiam fieri potest cum ministro Ecclesie, quod aestimetur ex ejus voluntate & amore, & simul ex ejus intellectu in spiritualibus, & non ex affabilitate & amictu. Comparatio etiam datur cum cultu & cum templo in quo ille sit, ipse cultus sit in voluntate, ac in intellectu sicut in suo templo, & hoc sanctum vocatur non ex se, sed ex Divino quod ibi doceatur; & quoque comparatio datur cum Imperio, ubi bonum regnat & simul verum, quod adamatur, non autem ubi verum & non bonum. Quis de Rege judicat ex satellitiis, equis & curribus, & non ex Regio, quod sciunt apud illum, Regium est amoris & prudentiae gubernandi. Quis in triumpho non aspicit Victorem, & ab illo pompam, & non ex hac illum; consequenter ab essentiali formale, & non vicissim; voluntas est essentialie, & cogitatio est formale, & nemo potest imputare formalis, nisi id quod trahit ex essentiali, ita huic & non illi.



661. His adjiciam hæc MEMORABILIA; PRIMUM hoc. In Plaga septentrionali superiore prope ad Orientem in Mundo Spirituali, sunt loca instructionis pro pueris, sunt que pro adolescentibus, & sunt pro viris, & quoque pro senibus; in hæc loca mittuntur omnes qui Infantes mortui sunt, & educantur in Cælo; similiter in illa omnes qui e Mundo noviter adveniunt, & cognitiones de Cælo & Inferno desiderant: Tractus ille est prope Orientem, ut omnes instruantur per in-

fluxum a Domino, Dominus enim est Oriens, quia est in Sole ibi, qui ab Ipsi est purus Amor; inde Calor ex illo Sole in sua essentia est Amor, & Lux ex illo in sua essentia est Sapientia; haec inspirantur illis a Domino e Sole illo, ac inspirantur secundum receptionem, & receptio est secundum amorem sapiendi. Post tempora instructionis emituntur inde illi, qui Intelligentes facti sunt, & hi vocantur discipuli Domini; emituntur inde primum in Occidentem, & illi qui ibi non manent, in Meridiem, & quidam per Meridiem in Orientem, & introducuntur in Societas, ubi mansiones illorum erunt. Quondam, cum meditatus sum de Cælo & Inferno, cæpi desiderare cognitionem universalem de statu utriusque; sciens quod qui universalia scit, postea possit comprehendere singularia, quia haec sunt in illis, sicut partes sunt in communi. In hoc desiderio spectavi ad Tractum illum in plaga septentrionali prope ad Orientem, subi Loca instructionis erant, & per viam mihi tunc apertam illuc ivadi, ac intravi in unum Collegium, ubi erant viri juvenes; & adivi ibi Archididascalos qui instruebant, & quæsivi illos, num sciant universalia de Cælo & Inferno; & responderunt, quod sciant aliquid parum; sed si spectamus versus Orientem ad Dominum, illustrabimur & sciemus; & fecerunt ita, & dixerunt, Universalia Inferni sunt tria, sed Universalia Inferni sunt e diametro opposita Universalibus Cæli; Universalia Inferni sunt hi tres Amores, Amor dominandi ex amore sui; Amor possidendi aliorum bona ex amore mundi; & Amor scortatorius: Universalia Cæli illis opposita sunt hi tres amores, Amor dominandi ex amore usus; Amor possidendi bona mundi ex amore faciendi usus per illa; & Amor vere Conjugialis. His dictis post votivum pacis abii & redii domum. Quum domi eram, dictum mihi est e Cælo, lustra illa tria Universalia supra & infra, & postea videbimus illa in manu tua; dicebatur in manu quia omnia quæ homo intellectu lustrat, apparent Angelis sicut inscripta manibus. Quare dicitur in Apocalypsi, quod Characterem acceperint super fronte & super manu, Cap. XIII: 16. Cap. XIV: 9. Cap. XX: 14.

Post haec lustravi Primum Amorem universalem Inferni, qui erat Amor dominandi ex amore sui, & postea illi correspondentem amorem universalem Cæli, qui erat Amor dominandi ex Amore usum; non enim mihi licuit unum Amorem absque altero lustrare, quia Intellectus non percipit amorem unum absque altero, sunt enim oppositi; quare ut uterque percipiatur, sistentur in opposito, unus contra alterum; facies enim pulchra & formosa eluet ex opposita illi facie impulchra & deformi. Cum ventilavi Amorem dominandi ex amore sui, datum est percipere, quod hic Amor esset summe infernalis, & inde apud illos qui in profundissimo Inferno sunt; & quod Amor dominandi ex amore usum, esset summe cælestis, & inde apud illos qui in supremo Cælo sunt. Quod Amor dominandi ex amore sui summe infernalis sit, est quia dominari ex amore sui, est ex proprio, ac proprium hominis a nativitate est ipsum malum, & ipsum malum est e diametro contra Dominum; quapropter illi, quo plus in illud malum progrediuntur, eo plus negant Deum & Sancta Ecclesiæ, & adorant se & naturam; illi, qui in illo malo sunt, explorent quæsto id in se, & videbunt: Amor etiam hic talis est, ut quantum ei relaxantur fræna, quod fit dum impossibile non obstat, tantum ruat e gradu in gradum, & usque ad summum; & ibi nec terminatur, sed si non datur gradus superior, dolet & gemit. Hic Amor apud Politicos ascendit usque ut velint esse Reges & Imperatores, & si possibile, ut dominantur super omnia mundi, & vocari reges regum & imperatores imperatorum; at idem Amor apud Canonicos ascendit, usque ut velint esse dii, & quantum possibile, ut dominantur super omnia Cæli, & vocari dii. Quod hi & illi corde non agnoscent aliquem Deum, videbitur in sequentibus. At vicissim illi, qui volunt dominari ex amore usum, hi non volunt dominari ex se, sed ex Domino, quoniam Amor usum est ex Domino, & est Ipse Dominus; hi dignitates non aliter spectant, quam media ad facien-

dum usus, hos ponunt longe supra dignitates; at priores ponunt dignitates longe supra usus.

Cum hæc meditatus sum, dictum mihi est per Angelum a Domino, jam jam videbis & confirmaberis ex visu qualis infernalis ille Amor est: & tunc subito aperuit se terra ad sinistrum, & vidi ascendentem ex Inferno diabolum, cui super capite erat pileus quadratus depresso super frontem usque ad oculos, facies plena pustulis sicut ardentis febris, oculi truces, pectus tumens in rhombum; ex ore eructabat fumum sicut furnus, lumbi ei erant plane igniti, loco pedum erant tali ossa absque carne; & ex corpore ejus exhalabatur calor putidus & immundus. Illo viso territus sum; & clamavi ad illum, ne accede, dic unde es; & respondit rauce, sum ex inferis, & ibi in Societate cum ducentis, quæ omnium societatum supereminentissima est; ibi omnes sumus imperatores imperatorum, reges regum, duces ducum, & principes principum; non aliquis ibi est nude imperator, neque nude rex, dux & princeps; sedemus ibi super thronis thronorum, & inde mandata in universum orbem, & ultra, emittimus: tunc dixi illi, videsne quod ex phantasia supereminentiae insanias; & respondit, quomodo potes ita loqui, quia nobis proorsus videmur, & quoque agnoscimur a consociis, tales; hoc audito, non volui adhuc dicere, insanis, quia ex phantasia insanivit: & datum est mihi cognoscere, quod ille diabolus, cum in mundo vixit, fuerit modo curator alicujus domus; & quod tunc in tantum elatus spiritu fuerit, ut pra se omne Genus humandum spreverit, ac indulserit phantasiam, quod dignior esset rege, & quoque imperatore; ex quo fastu negaverat Deum, ac reputaverat omnia sancta Ecclesiæ ficti nihil pro se, sed aliquid pro stupidis plebe. Tandem quæsivi illum, vos ducenti ibi, quamdiu gloriamini ita inter vos; dixit in æternum, sed quod illi e nobis, qui cruciant alios propter negatam supereminentiam, subsidant; licet enim nobis gloriari, sed non alicui malum inferre; quæsivi iterum, scisne qualis fors est subsidentibus, dixit, quod subsidant in quandam carcerem, ubi vocantur viliiores vilibus seu vilissimi, & laborant; tunc dixi ad diabolum illum, cave itaque tu, ne etiam subsidas.

Post hæc iterum aperuit se terra, sed ad dextrum, & vidi exsurgentem alium Diabolum, super cuius capite erat sicut Cidaris, circumvoluta spiris tanquam colubri, cuius caputq; vertice eminuit, facies ei erat leprosa a fronte ad mentum, & quoque utraque manus, lumbi erant nudi & atri sicut fuligo, per quam ignis sicut foci furve transparuit, & tali pedum sicut duæ vipefæ: prior Diabolus hoc viso conjectit se super genua, & adoravit illum; quæsivi, cur ita, dixit, est ille deus cæli & terræ, estque omnipotens; & tunc quæsivi hunc, quid tu dicis ad hoc, respondit, quid dicam, est mihi omnis potestas super Cælum & Infernum, fors omnium animarum est in mea manu; & quæsivi iterum, quomodo potest ille, qui est imperator imperatorum, ita se submittere, & tu adorationem recipere; respondit, est usque in te servus, quid imperator coram Deo, est in dextra mea fulmen excommunicandi: & tunc dixi illi, quomodo potes ita insanire, fueras in Mundo solum Canonicus, & quia phantasia laborasti, quod tibi fuerint claves, & inde potestas ligandi & solvendi, spiritum tuum in hunc gradum insanias evexeras, ut nunc credas, quod sis ipse Deus: ad hæc indignatus juravit quod sit, & quod Domino non sit aliqua potestas in Cælo, quia omnem transtulerat in nos; non opus habemus, quam ut mandemus, ac Cælum & Infernum reverenter obediunt; si mittimus aliquem in infernum, diaboli statim recipiunt illum, similiter Angelorum illum, quem mittimus in Cælum. Quæsivi porro, quod estis in Societate vestra, dixit, trecenti, & omnes ibi sumus dei, ego autem deus deorum. Post hæc aperuit se terra sub pedibus utriusque, & subsiderunt profunde in sua inferna; & datum est videre, quod sub Infernis illorum essent ergastula, in quæ deciderent illi, qui damna aliis inferunt; cuivis enim in Inferno relinquitur sua

sua phantasie, & quoque gloriatio in illa; sed non licet malum facere alteri: quod tales sint ibi, est quia homo tunc est in suo spiritu, ac spiritus, postquam separatus est a corpore, venit in plenam libertatem agendi secundum ejus affectiones & inde cogitationes. Postea datum est inspicere in illorum inferna, ac Infernum, ubi erant imperatores imperatorum ac reges regum, erat plenum omni immundicie, ac illi visi sunt sicut variae ferae truculentis oculis: similiter in altero inferno, ubi erant dii & deus deorum, & in hoc apparuerunt dirae aves noctis, quae vocantur ochim & lym, volantes circum illos; imagines fantasie illorum ira mihi visae sunt. Ex his patuit, qualis est Amor sui Politicus, & qualis est Amor sui Ecclesiasticus, quod hic sit ut velint esse dii, ille autem ut velint esse imperatores; & quod ita velint, & quoque affectent, quantum fræna amoribus istis relaxantur.

Postquam haec tristia & atrocia mihi visa sunt, circumspexi, & vidi duos Angelos non procul a me stantes & colloquentes, unus amictus erat toga lanae fulgente ex flammea purpura, & tunica ex splendente bysso sub illa; alter similibus ex coccino cum cidari, cui aliqui pyropi a dextro latere inserti erant; ad hos accessi, & ex pace salutavi; & reverenter quæsivi, cur vos hic infra estis; & respondebant, demisimus nos huc e Cælo ex mandato Domini ad loquendum tecum de beata sorte illorum, qui volunt dominari ex amore usum; nos sumus cultores Domini, ego Princeps societatis, alter summus Sacerdos ibi; & dixit Princeps, quod esset servus suæ societatis, quia inserviret illi faciendo usus; & alter dixit, quod esset minister Ecclesiae ibi, quia inserviendo illis ministraret sancta ad usus animarum illorum; & quod ambo in perpetuis gaudiis sint ex felicitate æterna, quæ a Domino in illis est; & quod omnia in Societate illa sint splendida & magnifica, splendida ex auro & lapidibus pretiosis, & magnifica ex palatiis & paradisiis; causa est, quia amor noster dominandi non est ex amore sui, sed ex amore usum, & quia amor usum est a Domine, ideo omnes usus boni in Cælis splendent & fulgent; & quia omnes in nostra Societate in hoc amore sumus, ideo atmosphæra ibi appetit aurea, ex luce ibi quæ trahit ex flameo Solis, ac flameum Solis correspondet isti amori: his dictis apparuit etiam mihi similis sphæra circum illos, & sentitum est aromaticum ex illa, quod etiam dixi illis, & petii, ut aliquid plus adjiciant dictis de amore usus; & continuabant dicendo; dignitates, in quibus sumus, quidem ambivimus, sed propter nullum alium finem, quam ut possemus plenus facere usus, & latius extendere illos; & quoque circumfundimur honore, & acceptamus illum, non propter nos, sed propter bonum societatis; confratres enim & consocii, qui ex vulgo ibi sunt, vix sciunt aliter quam quod honores dignitatum nostrarum sint in nobis, & inde quod usus quos facimus, sint e nobis; sed nos aliter sentimus, sentimus quod honores dignitatum sint extra nos, & quod sint sicut amictus quibus investimur, sed quod usus, quos præstamus, sint ex amore illorum intra nos a Domino, & hic amor beatitudinem suam accipit ex communicatione per usus cum aliis; & ab experientia scimus, quod quantum facimus usus ex amore illorum, tantum increbat amor ille, & cum amore sapientia, ex qua fit communicatio; at quod quantum retinemus usus in nobis, & non communica-mus, tantum pereat beatitudo; & tunc usus fit sicut cibus reconditus in ventri culo, & non circumsparsus nutrit corpus & ejus partes, sed manet indigestus, ex quo fit nausea: verbo, totum Cælum non est nisi quam continens usus a primis ad ultima: quid usus nisi actualis amor proximi, & quid continet caelos nisi hic amor. His auditis interrogavi, quomodo potest aliquis scire, num usus faciat ex amore sui, vel num ex amore usum; omnis homo tam bonus quam malus facit usus, & facit usus ex quodam amore; ponatur quod in Mundo sit Societas composita ex meritis diabolis, & societas composita ex meritis Angelis; & opinor quod diaboli in sua societate ex igne amoris sui, & ex splendore gloriæ suæ, facturi sint tot usus, quot Angeli in sua; quis ergo potest scire ex quo Amore, & ex qua

qua origine sunt usus: duo angeli ad hæc responderunt, diaboli faciunt usus propter se & propter famam, ut evehantur ad honores, aut lucentur opes; at Angeli non faciunt usus propterea, sed propter usus ex amore illorum; homo non potest discernere illos usus, sed Dominus discernit illos; omnis qui credit in Dominum, & fugit mala ut peccata, ille facit usus ex Domino; at omnis qui non credit in Dominum, nec fugit mala ut peccata, facit usus ex se & propter se: hoc disserimen est inter usus a diabolis, & inter usus ab Angelis. Duo Augeli his dictis abiverunt, & e longinquo visi sunt vesti in curru igneo sicut Elias, & in Cælum suum sublati.

662. ALTERUM MEMORABILE. Post aliquod temporis spatium intravi quendam Lucum, & ibi ambulavi in meditatione de illis, qui in concupiscentia & inde phantasia possidendi illa quæ Mundi sunt; & tunc ad aliquam distantiam a me vidi binos Angelos inter se colloquentes, & per vices me aspicientes; quare accessi proprius, & me appropinquanter alloquuti dicebant, percipimus in nobis, quod mediteris quod nos loquimur, seu quod nos loquamur quod tu meditaris, quod est ex communicatione affectionum reciproca; quæsivi itaque quid loquerentur, dicebant de Phantasia, de Concupiscentia, & de Intelligentia; & nunc de illis, qui delectant se ex visione & imaginatione possessionis omnium Mundi; & tunc rogavi, ut mentem suam expromerent de tribus illis, de Concupiscentia, Phantasia & Intelligentia; & exorsi sermonem dicebant, quod unusquisque in Concupiscentia sit interius ex nativitate; sed in Intelligentia exterius ex educatione; & quod nemo in Intelligentia, minus in sapientia sit interius, ita quoad spiritum, nisi a Domino; omnis enim detinetur a concupiscentia mali, ac tenetur in intelligentia secundum aspectum ad Dominum, & simul conjunctionem cum Ipsi; absque eo homo non est nisi quam concupiscentia; at usque hic in externis seu quoad corpus est in intelligentia ex educatione; homo enim concupiscit honores & opes, seu eminentiam & opulentiam; & hæc duo non assequitur nisi appareat moralis & spiritualis, ita intelligens & sapiens; ac ita apparere dicit ab infantia; quæ causa est, quod ut primum inter homines seu in cætus venit, invertat spiritum suum, ac removeat illum a concupiscentia, & ex decoris & honestis, quæ ex infantia dicit, & in memoria corporis retinet, loquatur & agat; & quam maxime caveat, ne aliquid ex concupiscentiæ vesania, in qua est ejus spiritus, emanet: inde est omnis homo, qui non interius a Domino ducitur, simulator, sycophanta, hypocrita, & sic aprens homo, & tamen non homo; de quo potest dici, quod ejus crux seu corpus sapiat, ac ejus nucleus seu spiritus insaniat; tum quod externum ejus sit humanum ac internum ferinum; tales occipitio spectant sursum, & frontispicio deorsum, ita ambulant sicut gravedine obseSSI capite pendente cum vultu prono ad terram; illi dum exuunt corpus, & fiunt spiritus, & tunc manumittuntur, fiunt suæ concupiscentiæ vesanæ; nam illi qui in amore sui sunt, cupiunt dominari super universum, imo extendere ejus limites illuc ad amplificandum dominum, nusquam vident finem; illi qui in amore mundi sunt, cupiunt possidere omnia ejus, ac dolent & incident, si aliqui thesauri apud aliquos latent reconditi; quare tales ne mere concupiscentiæ fiant, & sic non homines, datur illis in Mundo spirituali cogitare ex timore jacturæ famæ, & sic honoris & lucri, ut & ex timore legis & ejus pænæ, & quoque datur impendere mentem in aliquod studium seu opus, per quæ tenentur in externis & sic in statu intelligentiæ, utcunque interius delirant & insaniunt. Post hæc quæsivi, num omnes illi qui in concupiscentia sunt, etiam in ejus phantasia sint; respondebant quod illi in phantasia suæ concupiscentiæ sint, qui interius in se cogitant, & nimium indulgent suæ imaginationi, loquendo secum; hi enim separant spiritum suum pæne a nexu cum compore, & ex visione inundant intellectum, & fatue oblectant se sicut ex possessione universali: in hoc delirium immittitur homo post mortem, qui spiritum suum a corpore abstractum,

xit, & non ex delitio delirii voluit recedere; cogitando aliquid ex religione de malis & falsis, & minime aliquid de effræno amore sui, quod sit destructivus amoris in Dominum, ac de effræno amore mundi, quod sit destructivus amoris erga proximum.

Post hæc supervenit binos Angelos & quoque me desiderium videndi illos, qui in concupiscentia visionaria seu phantasia possessionis omnium opum ex amore mundi sunt; & percepimus quod desiderium illud inspiraretur ob finem ut cognoscerentur: Domicilia illorum erant sub terra pedum nostrorum, at supra infernum; quare aspeximus nos mutuo, & diximus, eamus; ac visa est apertura, & ibi scala, per hanc descendimus, & dictum est, quod Adeundi sint ab oriente, ne intremus in nimbum fantasæ illorum, ac inumbreniur: quoad intellectum, & tunc simul quoad visum; & ecce visa est Domus structa ex calamis, sic rimosa, stans in nimbo, qui sicut fumus continue effluxit per rimas trium parietum; intravimus, & visi sunt quinquaginta hic & quinquaginta ibi sedentes super scamnis, & aversi ab Oriente & Meridie prospiciebant ad occidentem & septentzionem; ante quemlibet erat mensa, & super mensa crumenæ distentæ, & circum crumenas copia numerorum aureorum; & quærebamus, sunt illa opes omnium Mundi, dicebant, non omnium Mundi, sed omnium Regni; sonus loquæ illorum erat sibilans, & ipsi apparebant facie rotunda, quæ rutilabat sicut squama cochlearæ, ac pupilla oculi in plano viridi quasi fulgurabat, quod erat ex luce phantasæ: stetimus in medio illorum, & diximus, creditis quod omnes opes Regni possideatis, & responderunt, possidemus; dein quæsivimus, quis vestrum; dicebant, quisque, & quæsivimus, quomodo quisque, estis multi, dicebant, quisque ex nobis scit, quod omnia ejus mea sint, non licet alicui cogitare, minus dicere, mea non sunt tua, sed licet cogitare & dicere, tua sunt mea: nummi super Mensis apparebant sicut ex auro puro, etiam coram nobis; sed cum immensus lucem ab oriente, erant granula auri, quæ per communem unitam phantasiam ita magnificerunt; dicebant quod oporteat quicunque qui intrat, secum ferre aliquid auri, quod in frustula, & hæc in granula secant, & per vim phantasæ unanimam in nummos grandioris formæ amplificant: & tunc diximus, fuisse nati homines rationis, unde ista fatuitas visionaria vobis est; dixerunt, scimus quod vanitas imaginaria sit, sed quia jucundat interiora mentis nostræ, intramus hic, & delitiamur sicut ex possessione omnium; at hic non moramur nisi per aliquot horas, quibus exactis egredimur, & toties mens sana nobis redit; sed usque oblectamentum visionarium nostrum alternis supervenit, ac facit ut per vices reinternemus, & per vices egrediamur; sic alternis sapimus & insanimus. Scimus etiam quod dura sors maneat illos, qui astutripiunt aliis sua bona; quæsivimus quæ fors, dicebant, absorbentur, ac nudi intruduntur in aliquem infernalem carcerem, ubi tenentur laborare pro ueste & pro cibo, ac postea pro aliquibus obulis, quos colligunt, in quibus ponunt gaudium cordis sui; sed si malum faciunt sodalibus, dabunt partem obulorum suorum in mulctam.

663. TERTIUM MEMORABILE. Quondam fui in medio Angelorum; & audivi sermonem illorum; sermo illorum erat de Intelligentia & Sapientia, quod homo non fentiat & percipiatur aliter, quam quod utraque sit in se, & sic quod quicquid vult & cogitat, sit ex se, cum tamen ne hilum illarum ex homine est, præter quam facultas recipiendi illas; inter plura, quæ loquebantur, erat etiam hoc, quod Arbor scientiæ boni & mali in Horto Edenis significaverit fidem quod Intelligentia & Sapientia essent ab homine, & quod Arbor vita significaverit quod Intelligentia & Sapientia essent a Deo; & quia Adamus ex suauitate serpentis comedit ex priore Arbore, sic credens quod esset aut fieret sicut Deus, ideo expulsus est ex Horto & damnatus. Angeli dum in hoc sermone erant, venerunt duo Sacerdotes, unum cum Viro, qui in Mundo fuerat Legatus Regni, & illis retuli quæ ab Angelis au-

audiveram de Intelligentia & Sapientia, quibus auditis cœperunt tres illi disceptare de utraque illa, & quoque de Prudentia, num sint a Deo, vel num ab homine, ardens erat disceptatio; tres illi crediderunt similiter, quod sint ab homine, quia ipsa sensatio & inde perceptio id confirmant, sed Sacerdotes, qui tunc erant in zelo Theologico, instabant, quod nihil Intelligentiae & Sapientiae, & sic nihil prudentiae sint ab homine, & hoc confirmabant ex his in Verbo, *Non potest homo sumere quicquam, nisi sit datum illi e Cælo*, Joh. III: 27. Et ex his, Iesus dixit ad Discipulos, *sine Me non potestis facere quicquam*, Joh. XV: 5; sed tunc quia perceptum erat ex Angelis, quod útcunque Sacerdotes ita loquebantur, usque corde crederent simile quod Legatus Regni, quare Angeli dicebant ad illos, exuite vestes vestras, ac induite vestes Ministrorum Politicorum, & credite quod illi sitis, ac fecerunt ita, & tunc cogitaverunt ex interiori se, ac loquuti ex argumentis quæ intus foverunt, quæ erant, quod omnis intelligentia & sapientia habitent in homine, & quod sint ejus, dicentes, quis adhuc sensit, quod illæ influxerint a Deo, ac inspectabant se mutuo, & se confirmabant; peculiare est in Mundo spirituali, quod Spiritus cogitet se tales esse, qualis super illum est vestis, causa est, quia Intellectus vestit unumquemvis ibi. Eo momento apparuit Arbor juxta illos, & dicebatur illis, est Arbor scientiae boni & mali, cavete vobis ne edatis ab illa, at usque illi infatuati propria Intelligentia arserunt cupiditate edendi ex illa, & dicebant inter se, cur non, etsne bonus fructus, & accesserunt & comedenterunt; cum Legatus Regni hoc animadvertisit, coiverunt, & amici cordis facti sunt, & viam propriae intelligentiae, quæ in Infernum tetendit, tenentes se manibus, simul iverunt; sed usque illos vidi reduces inde, quia nondum erant præparati.

664. QUARTUM MEMORABILE. Quondam prospexi in Mundum spiritualem ad dextrum, & animadverti aliquos ex ELECTIS inter se loquentes, & accessi ad illos, & dixi, vidi vos e longinquæ, & circum vos sphæram lucis cœlestis, ex qua cognovi, quod vos sitis ex illis, qui in Verbo vocantur Electi, quare accessi audiendi causa, quid Cœleste inter vos loquimini; & respondebant, cur vocas nos Electos, ac retuli, quia in Mundo, ubi sum corpore, non sciunt aliter, quam quod per Electos in Verbo intelligentur illi, qui a Deo antequam nati sunt, aut postquam nati, eliguntur & prædestinantur ad Cælum, & quod illis solis donetur Fides ut tessera Electionis, & quod reliqui reprobentur, ac sibi relinquuntur, ut vadant quamcunque viam velint ad Infernum; cum tamen ego scio, quod nulla Electio fiat ante nativitatem, nec post illam, sed quod omnes sint electi & prædestinati, quia omnes vocati sunt, ad Cælum, & quod Dominus post mortem eligat illos, qui bene vixerunt ac rite crediderunt, & hos postquam explorati sunt: quod ita sit, ex multa experientia mihi scire datum est, & quia vos vidi quoad capita sphæra lucis cœlestis incinctos, percepi quod vos sitis ex Electis, qui præparantur ad Cælum; ad hæc responderunt, refers non prius audita, quis non scit; quod non nascatur aliquis homo, qui non vocatus est ad Cælum, & quod ex illis post mortem elegantur illi, qui crediderant in Dominum, & vixerant secundum præcepta Ipsiis, & quod aliam Electionem agnoscere sit Ipsum Dominum non modo impotentiae salvandi sed etiam injustitiae arguere.

665. Post hæc audita est vox e Cælo ex Angelis qui immediate supra nos erant, dicens, ascendite huc, ac interrogabimus unum ex vobis, qui adhuc in Mundo naturali est quoad corpus, quid ibi sciunt de CONSCIENTIA; & ascendimus, & post introitum, aliqui sapientes in occursum venerunt, & quæsiverunt me, quid sciunt in tuo Mundo, de Conscientia, & respondi, si placet descendamus & convocabimus & e Laicis & e Clericis numerum ex illis, qui creduntur sapientes, & stabimus in perpendiculari sub vobis, ac interrogabimus, & vos ita vestris auribus audituri estis quid responsuri sunt; & factum est ita, & unus ex Electis summis tubam, & sonuit illa ad Meridiem, Septentrionem, Orientem & Occidentem, &

tunc post horulæ tempus aderant tam multi, ut pæne implerent spatum stadii; at Angeli desuper omnes ordinabant in quatuor Cætus, ex quibus unus constabat ex Politicis, alter ex Eruditis, Tertius ex Medicis, & Quartus ex Clericis; ad quos ita ordinatos diximus, ignoscite quod convocati sitis, causa est, quia Angeli qui e diametro supra nos sunt, ardent scire, quid in Mundo, in quo prius fuistis, cogitavistis de Conscientia, & inde quid adhuc de illa cogitatis, quoniam ideas priores de talibus adhuc retinetis; relatum enim est Angelis, quod Cognitio de Conscientia in Mundo inter cognitiones desperditas sit. Post hæc, exorsi sumus, & primum convertimus nos ad Cætum, qui constabat ex Politicis, & rogavimus ut ex corde dicarent, si placet, quid cogitaverant, & quid inde adhuc cogitant de CONSCIENTIA, ad hæc responderunt, unus post alterum, quorum responsa in unum collecta erant, quod non sciant aliud quam quod Conscientia sit secum scire ita consciere quid intendit, cogitavit, egit, & loquutus est; sed diximus illis, non quæsivimus de etymologia vocis Conscientiæ, sed de Conscientia, & respondebatur, quid Conscientia aliud quam dolor ex præconcepto timore discriminum honoris aut opum, & quoque famæ propter illa duo, at ille dolor discutitur per epulas & per cyathos nobilis vini, & per sermocinationes de ludis Veneris & ejus pueri; ad hæc diximus, joculamini, dicite si lubet, num aliquis e vobis sentiverit aliquod anxiū aliunde, respondebant, quid aliunde, estne totus Mundus sicut Theatrum, super quo quisque agit suam scenam, quemadmodum comædi super suo; eludimus & circumvenimus quoscunque ex sua concupiscentia, hos ludibriis, hos assentationibus, hos astutiis, hos simulata amicitia, hos facta sinceritate, & hos alia politica arte & pellacia, inde nobis nullus dolor mentis est, sed e contra, hilaritas & lætitia, quas expanso pectore tacite & usque plene exspiramus; audivimus quidem ex aliquibus e nostro sadalitio, quod illos alternis supervenerit anxietas & angustia sicut cordis & pectoris, & inde sicut contractio mentis, sed de his dum quæsiverunt pharmacopolas, inetructi sunt, quod sint ex humore melancholico oriundo ex indigestis in Ventriculo, aut ex ægro statu lienis, sed de quibusdam ex his audivimus hilaritatibus suis prioribus per pharmaca restitutos. Postquam hæc audivimus, convertimus nos ad Cætum, qui constabat ex Eruditis, inter quos etiam erant plures physicæ artis gnari, & alloquuti illos diximus, vos qui Scientiis studiistis, & inde crediti estis sapientiæ Oracula, dicite, si placet, quid Conscientia, & responderunt, quæ qualis hæc propofitio, audivimus quidem, quod apud quosdam sit tristitia, mæror & anxietas, infestans non modo gastricas regiones corporis, sed etiam habitacula mentis, nos enim credimus quod duo Cerebra sint illa habitacula, & quia hæc ex continentibus fibris consistit, quod sit aliquis humor acris, qui fibras ibi vellicat, mordet & rodit, & sic sphæram cogitationum mentis ita comprimit, ut non possit in aliqua oblectamenta ex varietatis bus effundi, inde fit, quod homo solum uni rei intendat, ex qua perit fibrarum illarum tensibilitas & elasticitas, unde illarum obnoxitas & rigiditas, ex quibus oboritur motus irregularis spirituum animalium, qui a Medicis vocatur Ataxia, & quoque defectus in functionibus suis qui vocatur Lipothamia; verbo Mens tunc sedet sicut turmis infestis obsessa, nec se plus potest hoc illuc vertere, quam potest rota clavis affixa, & quam potest navis hærens super Syrtibus: Tales Mentis & inde Pectoris angustiæ oboriuntur illis, apud quos regnans Amor patitur jacaturam, qui si impugnatur, contrahunt se fibræ Cerebri, & contractio illa inhibet, ne Mens libere excurrat, ac delicias captet in variis formis; hos, quemque secundum suum temperamentum, cum in hac crisi sunt, invadunt diversi generis phantasie, dementiae & deliria, & quosdam cerebrofitates in religiosis, quas hi vocant Conscientiæ morbus. Post hæc convertimus nos ad Tertium Cætum, qui constabat ex Medicis, inter quos etiam erant Chirurgi & Pharmacopolæ, & diximus, vos fortassis scitis quid Conscientia, num est infestus dolor qui corripit & Ca-

Caput & parenchyma Cœdoris, & inde Régiones substratas, Epigastricam & Hypogastricam; aut aliquid aliud; & hi responderunt, Conscientia non est nisi talis dolor, nos præ aliis scimus ejus origines, sunt enim contingentes Morbi, qui infestant organica corporis & quoque organica Capitis, consequenter etiam Mentem, quoniam hæc in organis Cerebri sedet sicut aranea in centro filorum suæ telæ, per quæ excurrit & currit similiter, hos morbos vocamus Morbos organicos, & qui illorum per vices redeunt, Morbos Chronicos; at talis dolor, qualis ab ægrotis coram nobis describitur per dolorem Conscientiae, non aliud est quam Morbus hypocondriacus, qui primario Lienem, & secundario Páncreatem & Mesenterium germanis suis functionibus deprivat; inde derivantur Morbi Stomachales, ex quibus Cachochymiæ; fit enim compressio circa orificio stomachi, qua Cardialgia nuneupatur, ex his derivantur humores bile atra, flava aut viridi imprægnati, ex quibus vascula minima sanguinis, quæ vocantur capillaria, obstipantur, unde cachexia, atrophia, & symphesis, & quoque Peripneumonia notha ex pituita lenta, ac lympha ichorosa & rodente in tota massa sanguinis: Similia etiam profluunt ex elapsu puris in sanguinem & ejus serum ex solutis empyematibus, abscessibus & apostematibus in corpore, qui sanguis cum per carotides in caput asurgit, medullaria, corticalia & meningea Corebri terit, rôdit & mordet, & sic excitat dolores, qui vocantur Conscientiae: his auditis diximus ad illos, loquimini lingua Hippocratica & Galeniana, illa nobis sunt græca, non intelligimus, nos non quæsivimus de his Morbis, sed de Conscientia quæ est solius Mentis; & dixerunt, Morbi mentis & morbi capitatis sunt iidem, & hi ascendunt ex corpore, cohærent enim sicut duæ mansiones unius domus, inter quas est scala, per quam fit ascensus & descensus; quare novimus, quod status mentis individuè pendeat a statu corporis; sed nos gravedines seu Cephalalgias illas quas, captavimus vos intelligere per conscientias, sanavimus, quasdam per emplastra & vesicatoria, quasdam per infusa & emulsa, & quasdam per condimenta, & per anodyna. Cum ergo similia adhuc audivimus ab illis, avertimus nos, & convertimus ad Clericos, & diximus, vos scitis quid Conscientia, dicite ergo, & instruite præsentes; & responderunt, quid Conscientia, novimus & non novimus, credimus quod sit CONTRITIO, quæ præcedit Eleætionem, hoc est, momentum quo homo donatur fide, per quam ei novum cor & novus spiritus fit, ac regeneratur; sed apperceperimus, quod Contitio illa paucis obvenerit, solum quibusdam pavore & inde auxetas pro igne infernali, & vix alicui pro peccatis & inde justa ira Dei; sed illos nos codfessionarii sanavimus per Evangelium quod Christus per Passiōnem crucis sustulerit damnationem, & sic ignem infernalem extinxerit, & aperuerit Cælum illis, qui fide, cui imputatio meriti Filii Dei inscripta est, beantur. Præterea dantur Conscientiosi ex varia Religione, tam vera quam fanatica, qui sibi scrupulos faciunt in rebus salutis, non modo essentialibus, sed etiam formalibus, & quoque in adiaphoris; quare, ut supra diximus, novimus quod sit Conscientia, sed quid & qualis vera, quæ omnino spiritualis erit, non novimus.

666. Hæc omnia, quæ a quatuor Cætibus edita sunt, Angeli, qui supra illos erant, exaudierunt, & dixerunt inter se, percipimus quod non aliquis in Christianismo sciat, quid Conscientia, quare demitemus ex nobis unum, qui instruet, & actutum tunc in medio illorum adstitit Angelus in veste alba, circum cuius Caput apparuit cinctura lucida, in qua minutæ stellæ erant, & hic alloquutus quatuor Cætus dixit; audivimus in Cælo, quod in ordine protuleritis sententias de CONSCIENTIA, ac autumaveritis omnes, quod sit aliquis dolor mentis, qui gravedine infestat Caput & inde Corpus, aut Corpus & inde Caput; sed Conscientia in se spectata non est aliquis dolor, sed est spiritualis Volentia faciendi secundum illa quæ Religionis & Fidei sunt; inde est, quod illi qui Conscientia gaudent, in tranquillitate pacis & in beatitudine interna sint, cum faciunt secundum conscientiam,

& in quadam tranquillitate dum faciunt contra illam; dolor autem mentis, quem vos credidistis esse Conscientia, non est Conscientia, sed est Tentatio, quae est pugna spiritus & carnis, & hæc dum spiritualis est, venam trahit ex conscientia; at si modo est naturalis, originem trahit ex morbis, quos Medici nuper recensuerunt. Quid autem Conscientia, illustrari potest per exempla; Sacerdos, cui est spiritualis voluntas docendi vera propter finem ut Grex ejus salvetur, ille conscientiam habet, at qui propter quamcunque aliam causam ut finem, ille conscientiam non habet; Judex, qui unice spectat Justitiam, & hanc cum judicio facit, ille conscientiam habet; at qui primario spectat munus, amicitiam & favorem, ille conscientiam non habet: adhuc, omnis homo qui alterius bona apud se habet, nesciente altero, & sic absque timore legis, ac jacturae honoris & famæ, potest lucrari illa, si usque alteri reddit, quia sua non sunt, ille conscientiam habet, nam facit justum propter justum. Sit quoque, qui potest venire ad functionem, sed scit, quod alter, qui etiam ambit, Societati utilior sit, ille si cedit alteri locum propter bonum societatis, is bonam conscientiam habet; similiter in reliquis. Omnes illi qui conscientiam habent, ex corde loquuntur quæ loquuntur, & ex corde faciunt quæ faciunt, habent enim illi Mentem non divitam, nam secundum id quod intelligunt & credunt verum & bonum esse, loquuntur & faciunt. Exinde sequitur quod Conscientia perfectior possit dari apud illos, qui in veris fidei sunt præ aliis, & qui in clara perceptione præ aliis, quam apud illos qui minus illustrati sunt, & in obscura perceptione. In vera Conscientia est ipsa Vita spiritualis hominis, est enim ibi ejus Fides conjuncta Charitati, quapropter facere ex Conscientia est illis facere ex Vita sua spirituali, & facere contra Conscientiam, est illis facere contra illam suam Vitam. Præterea, quis non ex communi sermone scit, quid Conscientia, ut cum dicitur de aliquo, hic Conscientiam habet, nonne etiam tunc intelligitur, hic justus homo est; ac vicissim cum dicitur de aliquo, hic non conscientiam habet, nonne tunc etiam intelligitur, hic injustus est. Angelus dum hæc edixerat, subito sublatus est in suum Cælum, & quatuor Cætus coiverunt in unum, & postquam aliquantum inter se colloquuti sunt de effatis Angeli, ecce iterum divisi sunt in quatuor Cætus, sed in alios quam prius, in unum ubi illi qui comprehenderunt verba Angeli, & assenserunt; in alterum ubi illi, qui non comprehenderunt, sed usque faverunt; in tertium ubi illi, qui non voluerunt comprehendere, dicentes quid nobis cum Conscientia, & in quartum ubi illi qui irridebant, dicentes quid Conscientia nisi Flatus; & vidi illos secedentes a se invicem, & tunc duos Cætus priores abeuntes ad dextrum, & duos Cætus posteriores ad sinistrum, & hos descendentes, illos autem ascendentes.

CAPUT DUODECIMUM

D E

BAPTISMO.

*Quod absque cognitione de Sensu spirituali Verbi nemo possit
scire, quid Duo Sacraenta, Baptismus & Sancta Cæna,
involvunt & efficiunt.*

667. Quod in omnibus & singulis Verbi sit Sensus spiritualis, & quod ille Sensus hactenus ignotus fuerit, & quod hodie apertus sit propter Novam Ecclesiam, quæ a Domino instauranda est, in Capite de SCRIPTURA SACRA, ostensum est: qualis ille Sensus est, non modo ibi, sed etiam in Capite de DECALOGO, qui secundum illum Sensum etiam explicatus est, videri potest. Nisi ille Sensus apertus foret, quis de duobus illis Sacramentis, Baptismo & Sancta Cæna, cogitaret aliud, quam secundum sensum naturalēm, qui est sensus literæ, ac inde diceret aut missitaret secum, quid Baptismus nisi superius aquæ super Caput infantis, & quid hæc ad salutem; tum quid Sancta Cæna, nisi assumptio panis & vini; & quid hæc ad salutem; & præterea, ubi est Sanctum in illis, nisi ex eo, quod ex Ordine Ecclesiastico ut Sancta Divina recepta & mandata sint, & quod in se non sint aliud quam Ceremonia, de quibus Ecclesia dicunt, quod dum accedit Verbum Dei ad illa Elementa, sicut Sacraenta: provoco ad Laicos, & quoque ad Clericos, num aliud de duobus illis Sacramentis spiritu & corde percepérunt, & quod illa ut Divina coluerint propter varias causas & rationes: cum tamen duo illa Sacraenta in Sensu Spirituali spectata, sunt Sanctissima cultus: quod talia sint, constabit ex sequentibus, ubi Usus illorum tradentur. Sed quia horum Sacramentorum usus in alicuius mentem nequaquam venire possunt, nisi illos Sensus spiritualis detegat & evolvat, sequitur, quod absque illo Sensu nemo possit scire aliud quam quod essent Ceremonia, quæ Sanctæ quia ex Mandato instituta sunt.

668. Quod Baptismus mandatus sit, constat manifeste ex Baptismate Johannis: in Jordane, ad quod universa Iudea & Hierosolyma accessit, Matth. III: 5. 6. Marc. I: 4. 5. Tum quod Ipse Dominus Salvator noster a Johanne baptizatus sit, Matth. III: 13. ad 17. & insuper quod mandaverit discipulis, ut baptizarent omnes Gentes, Matth. XXVIII: 19. Quis non videt, qui vult videre, quod in illa Institutione sit Divinum quod hactenus latuit, quia Sensus spiritualis Verbi non prius revelatus est; & hic revelatus est hodie, quia Ecclesia Christiana, qualis in se est, nunc primum inchoat, prior Ecclesia modo nomine tenus fuit Christiana, sed non re & essentia.

669. Duo Sacraenta, Baptismus & Sancta Cæna, sunt in Ecclesia Christiana sicut duo Crenodia in Sceptro Regis, quorum usus si nesciuntur, sunt modo sicut duas formæ ex ebeno in scipione. Duo illa Sacraenta in Ecclesia Christiana comparari etiam possunt cum duobus Rubinis seu Carbunculis in Chlamyde Imperato-

ris,

ris, quorum usus si nesciuntur, sunt sicut duo carneoli aut chrystalli in aliqua toga. Absque Usibus duorum illorum Sacramentorum per Sensum spiritualem revelatis, spargerentur modo de illis conjecturæ, quales sunt apud illos qui ex Astris divinant, imo quales fuerunt apud illos olim, qui ex avium volatu aut ab extis augurati sunt. Usus duorum illorum Sacramentorum comparari possunt Templo, quod ex vetustate in terram subsiderat, & usque ad tectum ruinis circum obsitum jacet, super quo juvenes & senes gradiuntur, curribus vehuntur, & equitant, nescientes quod tale Templum sit sub pedibus & absconditum, in quo sunt Altaria ex auro, parietes intus ex argento, & decoramenta ex lapide pretioso, quæ non effodi & in lucem expromi possunt, nisi per sensum spiritualem, qui detectus est hodie pro Nova Ecclesia, propter usum in Cultu Domini. Sacraenta illa etiam comparari possunt duplicato Templo, quorum unum est infra, alterum supra, & in quorum inferiori prædicatur Evangelium de Novo Adventu Domini, & quoque de Regeneratione & inde salvatione ab Ipso; ex hoc Templo circa Altare est ascensus in Templum superius, in quo Sancta Cæna celebratur, & inde est transitus in Cælum, ubi Dominus illos excipit. Comparari etiam possunt Tabernaculo, in quo post introitum apparet Mensa, super qua in suo ordine dispositi sunt panes facierum, & quoque Altare aureum pro suffitu, & in medio Candelabrum eum lucernis accensis, ex quibus omnia illa in conspectum veniunt; & tandem pro illis qui illuminari se patiuntur, aperitur Velum ad Sanc-tum Sanctorum, ubi loco Arcæ, in qua fuerat Decalogus, repositum est Verbum, supra quod datum est Propitiatorium cum Cherubis ex Auro. Hæc sunt Repræsentationes duorum illorum Sacramentorum cum Usibus illorum.

Quod per Lavationem, quæ vocatur Baptismus, intelligatur La-vatio spiritualis, quæ est Purificatio a malis & falsis, & sic Regeneratio.

670. Quod filiis Israëlis mandatae sint Lavationes, notum est ex Statutis per Mosen latè, ut quod Aharon se lavaret, antequam indueret vestes ministerii, Levit. XVI: 4. 24. & antequam accederet ad Altare ad ministrandum, Exod. XXX: 18 ad 21, Cap. XL: 30. 31. pariter Levitæ, Num. VIII: 6. 7. & quoque alii, qui per peccata immundi facti sunt; & quod dicantur sanctificati per Lavationes, Exod. XXIV: 9. Cap. XL: 12. Levit. VIII: 6. Quare ut se lavarent, Mare æneum & plura Lavacula posita fuerunt juxta Templum, i Reg. VII: 23 ad 39. imo quod laverint vasa & utensilia, sicut mensas, scamna, lectos, patinas, & pocula, Lev. XI: 32. Cap. XIV: 8. 9. Cap. XV: 5 ad 12. Cap. XVII: 15. 16. Mattb. XXIII: 28. 27. Sed Lavationes & plura similia, injuncta & mandata fuerunt filiis Israëlis, ex causa, quia Ecclesia apud illos instituta fuit Ecclesia repræsentativa, & hæc talis fuit ut figuraret Ecclesiam venturam Christianam; quapropter cum Dominus in Mundum venit, abrogavit Repræsentativa, quæ omnia erant externa, & instituit Ecclesiam, cujus omnia essent interna, ita Dominus figuræ discussit, & ipsas effigies revelavit, sicut quis velum aufert aut januam aperit, & facit ut interiora non modo videantur, sed etiam adeantur: Dominus ex cunctis illis retinuit solum duo, quæ omnia Ecclesiæ internæ in uno complexu continerent, quæ sunt Baptismus loco Lavationum, & Sancta Cæna loco Agni, qui quovis die sacrificabatur, & plene in Festo Pascatis.

671. Quod Lavationes supra memoratae figuraverint & adumbraverint, hoc est, repræsentaverint Lavationes spirituales, quæ sunt purificationes a malis & falsis, constat manifeste ex his; *Cum laverit Dominus excrementum filiarum Sionis, & san-*

*Angunes abluerit, in spiritu judicii, & in spiritu expurgationis, Esaj. IV: 4. Si laveris te nitro, & multiplicaveris tibi smegma, usque maculas retinebit iniq[ue]itas tua, Jerem. II: 22. Hiob IX: 30. 31. Lava me ab iniq[ue]itate mea, & præ nive albus ero. Psalm LI: 4. 9. Lava a malitia cor tuum, Hierosolyma, ut salveris, Jerem. IV: 14. Lavate vos, mundate vos, removete malitiam operum vestrorum ab oculis meis, cessa te malum facere, Esaj. I: 16. Quod lavatio spiritus hominis intellecta sit per lavationem corporis ejus, & quod Interna Ecclesiæ representata sint per Externa, qualia fuerunt in Ecclesia Israelitica, patet manifeste ex his Domini verbis, *Pharisei & Scribae videntes quod Discipuli Ipsius illotis manibus comedenter panes, fugillarunt; nam Pharisei & omnes Iudei, nisi pugnotenus laverint manus, non comedunt; præter alia multa, qua acceperunt tenere, ut lavationes poculorum & testaceorum, & aeneorum, & lectorum, ad quos & ad turbam Dominus dixit, audite Me omnes, & intelligite, nihil est extra hominem intrans in illum, quod potest illum immundum reddere, sed executa ex illo immundum reddunt illum,* Marc. VII: 1. 2. 3. 4. 14. 15. Matth. XV: 2. 11. 17. 18. 19. 20, & alibi, ut, *Vae vobis Scribae & Pharisei, quia purgatis externum poculi & patinæ, interna vero sunt plena rapina & intemperantia; Pharisee cæce, purga prius Internum poculi & patinæ, ut fiat etiam Externum mundum,* Matth. XXIII: 25. 26. Ex his evidens est, quod per Lavationem, quæ vocatur Baptismus, intelligatur Lavatio spiritualis, quæ est Purificatio a malis & falsis.*

672. Quis homo sanæ rationis non videre potest, quod lavatio faciei, manuum & pedum, omniumque artuum, imo totius corporis in balneo, non efficiat aliud, quam quod abluantur sordes, ut coram hominibus in forma humana mundi appareant; & quis non potest intelligere, quod aliqua lavatio non intret in spiritum hominis, & hunc æque mundum reddat; potest enim omnis furcifet, prædo & latro, se lavare usque ad nitorem, num sic furciferum, prædonicum & latronicum abstergitur; nonne internum influit in externum, & operatur suæ voluntatis & intellectus effectus, non autem externum in internum, hoc enim est contra naturam, quia est contra ordinem, illud autem secundum naturam, quia est secundum ordinem.

673. Ex his sequitur, quod Lavationes, & quoque Baptismata, nisi Internum hominis purificetur a malis & falsis, nihil plus efficiant, quam paropsides & patinæ mundatae a Iudeis, ac ut ibi quoque sequitur, quam ut sepulchra quæ foris apparent pulchra, intus vero plena sunt ossibus mortuorum & omni immundicie, Matth. XXIII: 25 ad 28. Quod adhuc patet ex eo, quod Inferna sint plena Sathanis ex hominibus tam baptizatis quam non baptizatis. Quid autem præstat Baptismus, videbitur in sequentibus; quare absque usib[us] & fructibus ejus, non plus ad salutem conductus, quam Cidaris triplicata supra caput Papæ, & Signum crucis super calceis ejus, ad Pontificiam ejus supereminentiam; nec plus quam purpurea vestis, circum Cardinalem ad ejus dignitatem; aut pallium circum Episcopum ad veram ministerii ejus functionem; neque plus quam Thronus, Corona, Sceptrum & Chlamys apud Regem, ad Regiam ejus potestatem; nec plus quam Pilus fericatus super capite Doctoris laurea insigniti ad ejus intelligentiam; neque plus quam vexilla ante turmas equitum, ad fortitudinem illorum in bello: imo adhuc potest dici, quod non plus purificet hominem, quam lavatio apud ovem & agnum ante tonsionem, nam naturalis homo separatus a spirituali homine, est mere animalis, imo, ut prius ostensum est, est plus fera, quam fera sylva, quapropter si lavaris aqua pluviae, aqua roris, aquis fontium excellentissimorum, seu, ut prophetæ dicunt, si mundaris nitro, hyssopo, smegmate, seu sapone quotidie, usque non purificaris ab iniq[ue]itatibus nisi per media regenerationis, de quibus in Capitibus de Pænitentia, ac de Reformatione & Regeneratione, actum est.

Quod loco Circumcisionis institutus sit Baptismus, quia per Circumcisionem præputii repræsentata est circumcisio cordis, propter finem, ut Ecclesia interna succederet Ecclesie externæ, quæ in omnibus & singulis figurabat Ecclesiam Internam.

674. In Orbe Christiano notum est, quod sit Internus & Externus homo, & quod Externus sit idem cum Naturali homine, & Internus idem cum Spirituali homine, quia in hoc est spiritus ejus; & quia Ecclesia consistit ex hominibus, quod detur Ecclesia Interna & Externa; & si indagantur successiones Ecclesiarum in suo ordine ab antiquis temporibus ad hodiernum, videbitur, quod Ecclesiæ priores fuerint Ecclesiæ externæ, hoc est, quod Cultus illarum constituerit in Externis, quæ repræsentabant interna Ecclesia Christianæ, quæ a Domino, cum fuit in Mundo fundata est, & nunc primum ab Ipso ædificatur. Primarium, quod distinxit Ecclesiam Israeliticam a reliquis in Asiatico Orbe, & postea a Christiana, fuit Circumcisio; & quia, ut dictum est, omnia Ecclesiæ Israeliticæ, quæ fuerunt Externa, figurabant omnia Ecclesiæ Christianæ, quæ sunt Interna, ideo primarium signum illius Ecclesiæ fuit interius simile cum signo Ecclesiæ Christianæ. Circumcisio enim significabat rejectionem concupiscentiarum carnis, & sic purificationem a malis; simile etiam significat Baptismus: ex quo patet, quod Baptismus loco Circumcisionis mandatus sit, propter finem, tam ut Ecclesia Christiana distingueretur ab Ecclesia Iudaica, quam ut Ecclesia interna sic proprius cognosceretur, & hoc cognoscitur ex Usibus Baptismi, de quibus sequitur.

675. Quod Circumcisio fuerit instituta, in signum, quod homines Ecclesiæ Israeliticæ essent ex posteritate Abrahami, Isaci & Jacobi, constat ex his, „Dixit Deus ad Abramum, hoc sœdus Mecum, quod observabitis inter Me & inter vos, & inter semen tuum post te; circumcidere vobis omnem masculum, & circumcidetis carnem præputii vestri, ut sit in signum fæderis inter Me & vos, Genes. XVII: 10. 11. Quod sœdus seu ejus signum postea confirmatum est per Moysen, Levit. XII: 1. 2. 3. Et quia Ecclesia illa per illud signum a reliquis distinguebatur, ideo antequam filii Israelis transgressi sunt Jordanem, mandatum erat, ut iterum circumciderentur, Jof. V: causa fuit, quia Terra Canaan tepræsentabat Ecclesiam, & Jordanus fluvius introductionem in illam: & insuper ut in ipsa terra Canaane illius signi recordarentur, mandatum est hoc, „Quando veneritis in Terram, & plantaveritis quamcunque Arborem cibi, præputiabitis præputium fructus ejus; tribus annis erit vobis præputiatus, non comedetur, Levit. XIX: 23. Quod Circumcisio repræsentaverit & inde significaverit rejectionem concupiscentiarum carnis, & sic purificationem a malis, simile quod Baptismus, constat ex locis in Verbo, ubi dicitur, quod circumcidet Cor, ut in his, „Moses dixit, circumcidite præputium cordis vestri, cervicem vestram ne indurare, Deuter. X: 16. Circumcidet Jehovah Deus cor tuum, & cor seminis tui, ut diligas Jehovahem Deum tuum, ex toto corde tuo, ex tota anima tua, quo vivas, Deuter. XXX: 6. Et apud Jeremiam, „Circumcidite vos Jehovah, ut removeat præputia cordis vestri, vir Jehovah & habitatores Hierosolymæ, ne exeat sicut ignis ira mea propter malitiam operum vestrorum, Cap. IV: 4. & apud Paulum, „In Jesu Christo neque Circumcisio aliquid valet, neque Præputium, sed Fides per Charitatem operans, & nova Creatura, Gal. V: 6. Cap. VI: 15. Ex his nunc patet, quod loco circumcisionis institutus sit Baptismus, quia per circumcisionem carnis repræsentata est circumcisio cordis, quæ etiam significat purificatione-

tionem a malis, nam mala omnis generis asflurgunt ex carne, ac præputium significat spurcos amores ejus; quoniam circumcisio & baptismi lavatio simile significant, ideo dicitur apud Jeremiam „*Circumcidite vos Jēhovæ, ut renoveat propria cordis vestri*, Cap. IV: 4; & paulo post, *Lavate a malitia cor tuum, Hierosolyma, ut serviris*, Ver. 14. Quid Circumcisio & Lavatio cordis, docet Dominus apud Matthæum, Cap. XV: 18. 19.

676. Fuerunt plures apud filios Israelis, & hodie sunt apud Judæos, qui credunt, quod præ omnibus electi sint, quia circumcisi, & inter Christianos, quia baptizati sunt; cum tamen ambæ, Circumcisio & Baptizatio, sunt modo datæ in Signum & in Memoriale, ut purifcentur a malis, & sic fiant electi: quid Externum absque Interno apud hominem, nisi sicut Templum absque Cultu, quod non alicui usui est, nisi inserviat pro stabulo: & porro, quid Externum absque Interno, nisi sicut Ager ex meris cannis & calamis absque segete; nisi sicut Vineæ ex meris palmitibus & foliis absque uvis: nisi sicut ficus absque suo fructu, cui Dominus maledixit, Matth. XXI: 19. nisi sicut lampions in manibus virginum stultarum absque oleo, Matth. XXV: 3. imo, nisi sicut habitatio in Mausoleo, ubi cadavera sub pedibus, ossa circum parietes, & nocturnæ larvæ volantes sub techo: aut sicut currus tractus a pardis, super quo lupus auriga, & vectus in illo fatuus: Homo enim externus non est homo, sed modo figura hominis, Internum enim, quod est sapere a Deo, facit hominem; similiter circumcisus & baptizatus, nisi circumcidat aut lavet cor suum.

Quod primus Uſus Baptismi sit Introductio in Ecclesiam Christianam, & simul tunc insertio inter Christianos in Mundo spirituali.

677. Quod Baptismus sit Introductio in Ecclesiam Christianum, constat ex multis, ut ex his. I. Quod Baptismus loco Circumcisionis institutus sit, & quod sicut Circumcisio fuit signum quod essent ab Ecclesia Israelitica, ita Baptismus signum quod sint ab Ecclesia Christiana, ut in superiori Articulo ostensum est; & signum non facit aliud quam ut cognoscantur, tanquam fasciæ diversi coloris adpositæ infantibus duarum matrum, ut dignoscantur & ne mutantur. II. Quod modo sit signum introductionis in Ecclesiam, constat manifeste ex Baptizatione infantum, qui prorsus nullius rationis participes sunt, & ad aliquid fidei recipiendum nondum plus habiles sunt, quam palmites novi in aliqua Arbore. III. Quod non modo baptizentur Infantes, sed etiam omnes alienigenæ proselytæ, qui ad religionem Christianam convertuntur, tam parvi quam magni, & hoc antequam instructi sunt, modo ex confessione quod velint Christianismum amplecti, ad quem per Baptismum inaugurarunt; quod etiam Apostoli fecerunt, secundum Domini verba, *ut discipulos facerent omnes gentes, & baptizarent illos*, Matth. XXVIII: 19. IV. Quod Johannes Baptizaverit omnes ad jē venientes ex Judea & Hierosolyma in Jordane, Math. III: 6. Marc. I: 9.; quod in Jordane, fuit causa, quia per illum fluvium fuit ingressus in terram Canaanem, & per terram Canaanem significabatur Ecclesia, quia ibi erat, & inde per Jordanem! Introductio in illam; quod Terra illa significaverit Ecclesiam, & Jordanes Introductionem in illam, videatur in Apocalypsi Revelata, n: 285. Sed hoc fit in terris. In Cælis autem Infantes per Baptismum introducuntur in Cælum Christianum, & a Domino assignantur illis Angeli ibi, qui curam illorum gerant; quare ut primum Infantes baptizati sunt, præficiuntur illis Angeli, a quibus tenentur in statu recipiendi.

fidem in Dominum; at sicut adolescentur, ac sui juris & sue rationis sunt, relinquunt illos Angeli tutores, & ipsi adsciscunt sibi tales spiritus, qui unum faciunt cum vita & fide illorum; ex quibus patet quod Baptismus sit insertio inter Christianos etiam in Mundo spirituali.

678. Quod non modo infantes, sed & cuncti per Baptismum inferantur Christiani in Mundo spirituali, est quia Populi & Gentes in illo Mundo secundum Religionem sua distincti sunt; Christiani in medio sunt, Mahomedani circum illos, Idololatrorum varii generis post illos, & Judaei ad latera. Insuper omnes ex eadem Religione dispositi sunt in Societas, in Cælo secundum affectiones amoris in Deum & erga proximum, in Inferno in congregations secundum affectiones binis illis Amoribus oppositas, ita secundum concupiscentias mali. In Mundo spirituali, per quem intelligimus & Cælum & Infernum, omnia distinctissime ordinata sunt in communis & in omni parte, seu in genere & in omni specie; a distincta ordinatione ibi penderit conservatio totius universi; & distinctio illa non dabilis est, nisi unusquisque, postquam natus est, ex aliquo signo noscatur, ad cuius religionis cætus pertineat: nam absque signo Christiano, quod est Baptismus, potuisset aliquis Spiritus Mahomedanus, aut aliquis ex Idololatria, se ad infantes Christianos recens natos, & quoque ad pueros applicare, & illis insufflare inclinationem pro sua religione, & sic distractabre animum illorum & abalienare illos a Christianismo, quod foret ordinem spiritualem distorquere & destruere.

679. Quisque qui indagat effectus usque ad causas, scire potest, quod omnium consistentia pendeat ab ordine, & quod Ordines sint multiplices, communes & particulares, & quod sit unus qui est Universalissimus omnium, & quo perdant communis & particulares in continua serie, & quod Universalissimus intret in omnes sicut ipsa essentia in formas, & quod sic non aliter unum faciant; hæc unitas est, quæ facit conservationem totius, quod alioquin dilaberetur, & non modo recideret in primum chaos, sed in nihilum. Quid foret cum homine, nisi in ejus corpore omnia & singula distinctissime ordinata essent, & non penderet communitas eorum ab uno Corde & Pulmone, quid alioquin nisi confusum quid; num tunc Ventriculus ageret suas functiones, Hepar & Pancreas suas, Mesenterium & Mesocolon suas, Renes & Intestina suas; ex ordine in illis & inter illa est, quod omnia & singula illa coram homine appareant ut unum. Quid absque distincto ordine in Mente seu Spiritu hominis foret, nisi communitas ejus penderet a Voluntate & Intellectu, quam confusum & indigesum quid; num absque illo ordine homo potuisset plus cogitare & velle, quam pictura ejus super tabula, aut sculptura ejus in domo. Quid homo absque ordinatissimo influxu e Cælo, & ejus receptione: & quid hic influxus absque Universalissimo, a quo totius & omnium ejus partium regimen pendet, ita nisi a Deo, & nisi in Ipso & ab Ipso omnia sint, vivant & moveantur. Hæc coram homine naturali illustrari possunt per innumera, ut per hæc, quid Imperium aut Regnum absque Ordine, nisi Caterva prædonum, quorum plures congregati interficerent millia, & tandem pauci hos plures: quid Civitas absque ordine, imo quid Domus absque ordine; & quid regnum, civitas, domus, nisi in uno quovis aliquis supremum agat.

680. Preterea, quid Ordo absque distinctione, & quid distinctio absque indicis, & quid indicia absque signis, per quæ cognoscantur qualitates, nam absque notitia qualitatum ordo non cognoscitur ut ordo: signa seu signaturæ in Imperiis & in Regnis, sunt Tituli dignitatum, & Jura administrationis illis addicata, inde subordinationes, per quas coordinantur omnes sicut in unum; hoc modo Rex regiam suam potestatem secundum ordinem inter plures distributam exercet, ex quo Regnum fit Regnum. Simile in plurimis rebus aliis, ut in Exercitibus, quid valoris foret illis, nisi illi ordinate distincti essent in phalanges, hæc in cohortes, & hæc in turmas, & singulis præfecti sint minores duces, & omnibus unus qui supremus; & quid

quid Ordinationes illæ absque signis, quæ vocantur Vexilla, quæ indicent in qua statione quisque erit; per talia omnes in præliis sicut unum agunt, & absque illis ruerent contra hostem non aliter quam sicut catervæ canum cum rictibus aper-tis, cululatu & furore inani, & tunc omnes absque fortitudine ab hoste in justas acies composito, trucidarentur, nam quid divisi contra unitos. Per hæc illustratur primus hic usus baptismi, qui est signum in Mundo spirituali, quod sit ex Christianis, ubi quisque inseritur societatibus & congregationibus ibi secundum qualitatem Christianismi in illo aut extra illum.

*Quod secundus Uſus Baptismi ſit, ut Christianus cognoscat
& agnoscat Dominum Iesum Christum Redemptorem
& Salvatorem, & ſequatur Ipfum.*

681. Alter hic usus Baptismi, qui est ut cognoscat Dominum Redemptorem & Salvatorem Iesum Christum, inseparabiliter sequitur Primum, qui est quod fit introductio in Ecclesiam Christianam, ac insertio inter Christianos in Mundo spirituali, & quid primus ille usus absque sequenti hoc altero, quam folium nomen, & tam non est nisi sicut subditus, qui addicit se Regi, & tamen leges ejus seu patriæ repudiat, ac addicit se Regi barbaro & ei servit; aut nisi sicut famulus, qui emancipat ſe alicui Domino, ac vefte ut insignia ejus accipit, & aufugit, & in vestibus ejus servit alteri: aut nisi sicut signifer, qui cum vexillo abit, & id diffecat, ac frusta ejus vel projicit in aerem, vel ſub pedes militum ut proculceretur. Verbo nomen quod Christianus fit, hoc eft, quod Christi fit, & non agnoscere Ipfum & ſequi Ipfum, hoc eft, vivere secundum mandata Ipsiſus, eft tam inane, ſicut umbra, ſicut fumus, ac ſicut pictura atrata, nam dicit Dominus, *Quid Me vocatis Domine, & non faciis quæ dico*, Luc. VI: 46 seq. *Multi dicent Mihi in die illo, Domine, Domine, ſed tunc confebor illis, non novi vos*, Matth. VII: 22. 23.

682. Per Nomen Domini Iesu Christi, non aliud in Verbo intelligitur, quam agnitus Ipsiſus & vita secundum præcepta Ipsiſus; quod nomen Ipsiſus illa significet, videas causam in Explicatione Secundi præcepti in Decalogo, *Non feres Nomen Dei in vanum*. Non aliud per Nomen Domini intelligitur in his locis, *Iesus dixit, eritis ex oſi omnibus gentibus proprie Nomen meum*, Matth. X: 22. Cap. XXIV: 9. 10. *Ubi ſunt duo aut tres congregati in Nomen meo, ibi ſun in medio eorum*, Matth. XVIII: 20. *Quotquot Ipfum receperunt, dedit illis potestatem, ut filii Dei effent, credentibus in Nomen Ipsiſus*, Joh. I: 12. *Multi crediderunt in Nomen Ipsiſus*, Joh. II: 23. *Qui non credit, jam judicatus eft, quia non credidit in Nomen Unig-niti Filii Dei*, Joh. III: 17. 18. *Credentes vitam habebunt in Nomen Ipsiſus*, Joh. XX: 31. *Proprie Nomen meum laboraſti, & non defecisti*, Apoc. II: 3, & alibi: quis non videre potest, quod per Nomen Domini in illis locis non intelligatur ſolum Nomen, ſed agnitus Ipsiſus, quod fit Redemptor & Salvator, & ſimil obedientia, & tandem fides in Ipfum; in Baptismo enim Infans accipit ſignum crucis ſuper fronte & pectore, quod eft ſignum inaugurationis in agnitionem & cultum Domini. Per Nomen etiam intelligitur qualitas alicujus, cauſa eft, quia in spirituali Mundo omnis secundum qualitatem ejus nominatur, quare per Nomen quod Christianus fit, intelligitur qualitas ejus quod fidem in Christum, & quod charitatem erga proximum, a Christo habeat; hoc intelligitur per Nomen in Apocalypſi, *Inquit Filius hominis, habeo pauca Nomina in Sardibus, qui non inquinaverunt vefimenta ſua, & ambulabunt Mecum in albis, quia digni ſunt*, Cap. III: 4; per ambulare cum Filio hominis in albis, ſignificatur ſequi Dominum, & vivere secundum vera Verbi Ipsiſus. Simile per Nomen intelligitur apud Johannem, *Iesus dixit, Ove-*

vocem meam audiunt, & proprias oves, voco Nomine tenus, & educo illos, coram illis incedo, & oves Me sequuntur, quia sciunt vocem meam; alienum autem non sequuntur, quia non sciunt alienorum vocem, Cap. X: 3. 4. 5; nomine tenus, est qualitate tenus, qua Christiani sunt, & sequi Ipsum est audire vocem Ipsius, hoc est, obedire mandatis Ipsius; hoc Nomen accipiunt omnes in Baptismo, est enim in signo.

683. Quid nomen absque re, nisi vanum quid, & nisi sonus, qualis resilit ex arboribus sylvæ seu laquearibus, & vocatur echo; aut sicut sonus fere inanimis ex somniantibus, aut sicut sonus venti, maris aut machinæ, cui nihil usus ineſt; imo quid nomen quod Rex, quod Dux, quod Consul, quod Episcopus, quod Abbas, quod Monachus, absque functione quæ Nomini adhæret, nisi vanitas; ita quid Nomen quod Christianus sit, & tamen barbare vivit, & contra præcepta Christi, nisi sicut intuitio signi Satanæ loco signi Christi, cujus nomen tamen aureis staminibus in baptismo intextum est. Quid illi qui postquam receperunt signaturam Christi, postea rident ad cultum Ipsius, oggianunt ad Nomen Ipsius, & profitentur Illum non ut Filium Dei, sed ut Filium Josephi, nisi rebelles & regicidae, & voices illorum nisi blasphemie contra Spiritum sanctum, quæ non remitti possunt in hoc saeculo, nec in futuro; hi quasi canes rictibus mordent Verbum, ac dentibus dilaniant illud; apud hos contra Christum & Ipsius Cultum, sunt omnes mensæ plena vomitu egestonis, Esaj. XXVIII: 8. Jerem. XLVIII: 26; cum tamen Dominus Jesus Christus est Filius Dei Altissimi, Luc. I: 32. 35, Unigenitus; Joh. I: 18. Cap. III: 16. Verus Deus, & Vita æterna, Joh. V: 20. 21.; In Quo omnis plenitudo Divinitatis habitat corporaliter, Coloss. II: 9. Et quod non sit filius Josephi, Matth. I: 25; præter millia alibi.

Quod Tertius usus Baptismi, qui est finalis, sit ut homo regeneretur.

684. Hic usus est ipse Uſus propter quem Baptismus, ita finalis, causa est, quia vere Christianus cognoscit & agnoscit Dominum Redemptorem, Jesum Christum; Qui quia est Redemptor, etiam est Regenerator; quod Redemptio & Regeneratione unum faciant, videatur in Capite de Reformatione & Regeneratione, Art. III: tunc quia Christianus possidet Verbum, in quo media Regenerationis exstant descripta, & media ibi sunt Fides in Dominum, & Charitas erga proximum: hoc idem est cum hoc quod dicitur de Domino, quod *Ipse baptizet Spiritu sancto & Ignem*, Matth. III: 11. Marc. I: 9 ad 11. Luc. III: 16. Joh. I: 33; per Spiritum sanctum intelligitur Divinum Verum fidei, & per Ignem Divinum Bonum amoris seu Charitatis, utrumque procedens a Domino; quod per Spiritum sanctum intelligatur Divinum Verum fidei, videatur in Capite de SPIRITU SANCTO; & quod per Ignem intelligatur Divinum Bonum amoris, in APOCALYPSI REVELATA, n: 468. 395; & per hæc duo fit omnis Regeneratio a Domino. Quod Ipse Dominus a Johanne baptizatus sit, Matth. III: 13 ad 17. Marc. I: 9. Luc. III: 21. 22, fuit causa, ut non modo in futurum institueret Baptismum, & præiret exemplo; sed etiam quia glorificavit Humanum suum & Hoc Divinum fecit, sicut regenerat hominem, & hunc spiritualem facit.

685. Ex ante & nunc dictis, videri potest, quod tres Usus baptismi cohærent ut unum, quemadmodum causa prima, causa media quæ efficiens, & causa ultima quæ est effectus, & ipse finis propter quæm priores; primus enim usus est ut nominetur Christianus, secundus ex hoc sequens est, ut cognoscat & agnoscat Dominum Redemptorem, Regeneratorem & Salvatorem, & tertius est ut regeneretur ab Ipso, quod dum sit, est redemptus & salvatus. Quoniam hi tres usus sequuntur

tur ordine, & in ultimo se conjungunt, & inde in idea Angelorum coherent ut unum, ideo cum Baptismus peragitur, legitur in Verbo, & nominatur, Angeli qui adsunt, non intelligunt baptismum, sed Regenerationem; quare per hæc verba Domini, *Qui crediderit & baptizatus fuerit, salvabitur. at qui non crediderit, condemnabitur*, Marc. XVI: 16, hoc in Cælo ab Angelis intelligitur, quod qui agnoscit Dominum & regeneratur, ille salvetur. Inde quoque est, quod Baptismus ab Ecclesiis Christianis in terra, vocetur **LAVACRUM REGENERATIONIS**; sciat itaque Christianus, quod qui non credit in Dominum, non possit regenerari, tametsi baptizatus est, & quod baptizatio absque fide in Dominum, prorsus nihil faciat, videatur supra in hoc Capite Art. II: n: 4. Quod Baptismus involvat purificationem a malis, & sic regenerationem, notissimum potest esse omni Christiano, nam dum ut Infans baptizatur, sacerdos Crucem, ut memoriale Domini, dígito signat in fronte & super pectore, & postea convertit se ad patrinos, & quærít, num abdicet diabolum, & omnia ejus opera; & num fidem recipiat, ad quæ loco infantis responderet a patrinis, imo etiam; abdicatione Diaboli, hoc est, malorum quæ ex inferno sunt, & fides in Dominum perficiunt regenerationem.

686. In Verbo dicitur, quod Dominus Deus noster Redemptor baptizet spiritu sancto & igne, quod per id intelligatur, quod Dominus regeneret hominem per Divinum Verum fidei, & per Divinum Bonum amoris seu charitatis, videatur supra in hoc Art. n: 1. Illi qui regenerati sunt per Spiritum sanctum, hoc est, per Divinum Verum fidei, in Cælis distincti sunt ab illis qui regenerati sunt per Ignem, hoc est, per Divinum Bonum amoris. Illi qui per Divinum Verum fidei regenerati sunt, in Cælo incedunt in vestibus albis byssinis, & vocantur Angeli spirituales; at qui regenerati sunt per Divinum Bonum amoris, incedunt in vestibus purpureis, & vocantur Angeli cælestes: illi qui incedunt induiti vestibus albis, intelliguntur per hos „*Sequuntur Agnum vestiti byssino albo & mundo*”, Apoc. XIX: 14. *Ambulabunt Mecum in albis & splendentibus*, Matth. XXVIII: 3. Luc. XXIV: 4; fuerunt ab hoc genere; nam Byssinum significat justias sanctorum, Apoc. XIX: 8, ubi hoc aperte dicitur: quod Vester in Verbo significant vera, ac Vester albæ & byssinæ Divina vera, videatur Apoc. Revel. n: 379, ubi id ostensum. Quod illi, qui etiam regenerati sunt per Divinum Bonum amoris, sint in vestibus purpureis, est quia purpura est color amoris, quem trahit ex igne Solis & ejus rubidine, per quem significatur amor, videatur APOCALYPSIS REVELATA, n: 468. 725. Quoniam vester significant vera, ideo ille, qui inter vocatos inventus est non induitus vestibus nuptiarum, ejectus est & conjectus est in tenebras exteriores; Matth. XXII: 11. 12. 13.

687. Præterea Baptismus ut Regeneratio repræsentatur tam in Cælo quam in Mundo per multa; in Cælo, ut, nunc dictum est, per Vester albas & purpureas: & præterea per nuptias Ecclesiæ cum Domino; tum per Novum Cælum & Novam Terram, & inde descendenter Novam Hierosolymam, de qua dixit Sedens super Throno, *ecce omnia nova faciam*, Apoc. XXI: 1 ad 4. 5. & per Fluvium aquæ vivæ exirentem Throne Dei & Agni, Apoc. XXII: 1. 2. Et quoque per quinque Virgines prudentes, quæ habebant lampades & oleum, & ingressæ sunt cum Sponso ad nuptias, Matth. XXV: 1. 2. 10. Baptizatus, hoc est, regeneratus, intelligitur per Creaturam, Marc. XVI: 15. Rom. VIII: 19. 20. 21; & per novam Creaturam, II. Cor. V: 17. Galat. VI: 15; nam Creatura dicitur a Creati, per quod etiam significatur regenerari, videatur APOCALYPSIS REVELATA, n: 254. In MUNDO repræsentatur Regeneratio per varia, ut per efflorescentias omnium telluris tempore veris, & per successiva illarum incrementa usque ad fructificationes; similiter per cujusvis arboris, fruticis & floris a primo mense caloris usque ad ultimum ejus; repræsentatur etiam per omnium fructuum progressivas maturationes a primo stamine ad plenum; repræsentatur tunc per pluvias matutinas & serotinas, perque rotas,

ores, ad quorum adventus aperiunt se flores, & ad noctis tenebras se contrahunt; tum per fragrantias ex hortis & agris: & quoque per arcum Irideum in nube, Gen. IX: 14 ad 17: ut & per splendidos colores Aurora: & in genere per continuam renovationem omnium in Corporibus per chylum & per spiritum animalem, & inde sanguinem, cuius purificatio ab obsoletis, & renovatio & quasi regeneratione est perpetua. Si ad vilissimam in terris attenditur, imago regenerationis fistitur in mirabili transformatione bombycum & plurimum vermium in nymphas & papilioes, & aliorum qui tempore insigniuntur alis; quibus adhuc leviora licet addere, per cupidinem quarundam avium se immergendi aquis lavandi & mundandi causa, postquam ut oscines ad suos cantus redeunt: Verbo, totus Mundus a primis ad ultima ejus, est plenus regenerationis representationibus & typis.

Quod per Baptisma Johannis præparata sit via, ut Jehovah Dominus in Mundum posset descendere, & Redemptionem peragere.

688. Apud Malachiam legitur, *Ecce Ego mitto Angelum meum, qui parabit viam ante Me, & subito veniet ad Templum suum Dominus, Quem vos queritis, & Angelus fæderis, quem vos desideratis, quis sustinebit diem adventus Ipsius, & quis confisetur cum apparuerit*, Cap. III: 1. ac iterum, *Ecce Ego mittam vobis Eliam Prophetam, antequam venit dies Jehovæ magnus & terribilis, ne veniam & percutiam terram anathematæ*, Cap. III: 23. 24. Et Zacharias pater prophetans de filio suo Johanne, *Tu puer propheta Altissimi vocaberis, præbis ante faciem Domini, ad parandum vias Ipsius*, Luc. I: 26. Et Ipse Dominus de illo Johanne, *Hic est, de quo scriptum est, ecce Ego mitto Angelum meum ante faciem meam, qui præparabit viam tuam coram Te*, Luc. VII: 27. Ex his evidens est, quod Johannes ille fuerit propheta, qui missus est ad parandum viam Jehovæ Deo, qui descenderet in Mundum, & Redemptionem perageret, & quod paraverit illam viam per Baptisma, & tunc annuntiationem Adventus Domini, & quod absque illa præparatione omnes ibi anathemate percussi fuissent, & periissent.

689. Quod præparata sit via per Baptisma Johannis, erat causa, quia per illud, ut supra ostensum est, introducuntur in Ecclesiam futuram Domini, & in Cælo inserti sunt illis ibi, qui exspectaverunt & desideraverunt Messiam, & sic custodiuti ab Angelis, ne Diaboli ab Inferno erumperent, & perderent illos; quare dicitur apud Malachiam, *Quis sustinebit diem aduentus Ipsius, & ne Jehovah veniat, & percutiat terram anathematæ*, III: 24. Similiter apud Esajam, *Ecce dies Jehovæ venit crudelis, & indignationis & excandescientia & ira: commovebo Cælum, & trepidabit terra e loco suo, in die excandescientia iræ Ipsius*, XIII: 6. 9. 13. 22. Cap. XXII: 5. 11. Item apud Jeremiam, *Ille dies vocatur dies vastationis, ultionis & exitii*, Cap. IV: 9. Cap. VII: 32. Cap. XLVI: 10. 21. Cap. XLVII: 4. Cap. XLIX: 8. 26. Apud Ezechielem, *Dies iræ, nubis & caliginis*, Cap. XIII: 5. Cap. XXX: 2. 3. 9. Cap. XXXIV: 11. 12. Cap. XXXVIII: 14. 16. 18. 19. Pariter apud Amosum, Cap. V: 13. 18. 20. Cap. VIII: 3. 9. 13. Apud Joelem, *Magnus dies Jehovæ, & terribilis, & quis sustinebit illum*, Cap. II: 1. 2. 11. Cap. III: 2. 4. Et apud Sachariam, *In die illo erit vox clamoris, propinquus dies Jehovæ magnus, dies excandescientia dies hic, dies angustiæ & coarctationis, dies vastationis & devastationis; in die excandescientia Jehovæ comedetur tota terra, & consummationem faciet cum omnibus habitatoribus terræ*. Cap. I: 7 ad 18; præter aliis in locis: ex quibus patet, quod nisi præparata esset via Jehovæ descendedent in Mundum per Baptisma, cuius effectus in Cælo fuit, ut occluderentur Inferna, & custodirentur Judæi

a totali interitu: dicit etiam Jehovah ad Mosen „*Momento uno, si ascenderem in medio tui, consummerem Populum*“, Exod. XXXIII: 5. Quod ita sit, patet clare a verbis Johannis ad turbas exentes ut baptizarentur ab illo „*Progenies viperarum, quisnam monstravit vobis effugere a futura ira*“, Matth. III: 7. Luc. III: 7. Quod Johannes etiam docuerit Christum & Ipsius adventum, cum baptizabat, videatur Luc. III: 16. Joh. I: 25. 26. 31. 32. 33. Cap. III: 26. Ex his patet, quomodo Johannes præparavit viam.

690. Quod Baptisma Johannis attinet, repræsentabat illud mundationem Externi hominis, at Baptismus, qui hodie apud Christianos est, repræsentat mundationem Interni hominis, quæ est Regeneratio; quare legitur quod Johannes baptizaverit aqua, at quod Dominus baptizet spiritu sancto & igne, & ideo baptisma Johannis vocatur Baptisma pænitentiae, Matth. III: 11. Marc. I: 4 seq. Luc. III: 3. 16. Joh. I: 25. 26. 33. Act. I: 22. Cap. X: 37. Cap. XVIII: 25. Judæi, qui baptizabantur, erant mere Externi homines, & externus homo absque fide in Christum, non potest fieri internus; quod illi qui baptizati sunt baptismati Johannis facti sint interni homines, dum receperunt fidem in Christum, & tunc baptizati in Nomine Jesu, videatur in Actis Apost: Cap. XIX: 3 ad 6.

691. Dixit Moses ad Jehovahm, *Ostende mihi gloriam tuam, cui dixit Jehovah, non potes videre facies meas, quia non videbit Me homo & vivet; & dixit, ecce locum ubi stabis in petra, & ponam te in foramine petræ, & obtegam manum meam super te, usque dum præterivero, & dum removero manum meam, videbis posteriora mea, at facies meæ non videbuntur*, Exod. XXXIII: 18 ad 23. Causa, quod homo non possit videre Deum & vivere, est, quia Deus est Ipse Amor, & ipse Amor seu Divinus Amor in Mundo spirituali coram Angelis apparet ut Sol, distans ab illis sicut Sol nostri mundi distat ab hominibus, quare si Deus, qui in medio illius Solis est, prope appropinquaret ad Angelos, hi perirent sicut homines si Sol mundi appropinquaret ad illos, est enim æque ardens; quapropter perpetuæ temperaturæ sunt, quæ modificant & moderantur ardorem amoris istius, ne influat sicut in se est in Cælum, inde enim consumerentur Angeli; quapropter cum Dominus se sistit præsentem in cælo, impii qui sub cælo sunt, incipiunt lamentari, cruciari & exanimari, quare aufugiant in speluncas & in fissuras montium, clamantes cadite super nos, & absconde nos a faciebus Sedentis super Throno, Apoc. VI: 16. Esaj. II: 19. 21: Ipse Dominus non descendit, sed Angelus cum sphæra amoris a Domino circum se: aliquoties vidi impios ex descensu illo terrifieri, sicut ipsam mortem viderent ante oculos suos, quosdam qui se præcipitarent in infernum profundius & profundius, & quosdam actos in furias. Inde erat, quod filii Israelis per Tres dies se præparent ante descensum Jehovah Domini super montem Sinai, & quod Mons circumspiretur, ne quis accederet & moreretur, Exod. XIX. Simile erat cum Sanctitate Jehovah Domini in Decalogo tunc promulgato, & binis Tabulis digito Dei inscripto, & deinde in Arca reposito; super qua in Tabernaculo Propitiatorium locatum est, & super hoc Cherubi, ne quis immediate Sanctitatem illam manu aut oculo tangeret; ad quam nec Aharon potuit accedere, nisi semel in Anno, postquam expiaverat se per Sacrificia & Suffitum. Inde erat, quod Ekronitæ & Beethscemitæ ad plura millia mortui sunt, solum quia oculis suis viderunt Arcam, 1 Sam. V: 11. 12. Cap. VI: 19; & quoque Usa, quia tetigit illam, II Sam. VI: 6. 7. Ex his paucis illustratum est, quali anathemate & strage percussi fuissent Judæi, nisi præparati per Baptisma Johannis ad recipiendum Messiam, qui fuit Jehovah Deus in Humana forma; & nisi Humanum assumserit, & sic se revelaverit; & quod præparati sint per id, quod in Cælo adscripti & adnumerati sint illis, qui corde exspectaverunt & desideraverunt Messiam, ex quo tunc Angeli missi sunt & facti illorum custodes.

* * * * *

692. His adjiciam hæc MEMORABILIA; PRIMUM. Dum ex Ludo sapientiæ abirem domum, in via vidi Angelum in veste hyacinthina; hic adjunxit se lateri meo, & dixit, video quod e Ludo sapientiæ exiveris, & quod ex auditis ibi lætificatus sis; & quia percipio, quod non plenus sis in hoc Mundo, quia simul in Mundo naturali es, & ideo nescis nostra Gymnasia Olympiaca, ubi veteres Sophi conveniunt, & ex advenis e tuo Mundo hauriunt, quas status mutationes & successiones subiverat & adhuc subit Sapientia: si vis deducam te ad locum, ubi plures ex vetustis Sophis, & illorum filiis, hoc est, discipulis, habitant; & deduxit me in confinium inter Septentrionem & Orientem, & dum e loco edito illuc prospexi, ecce visa est Urbs, & ad unum ejus latus duo Clivi, & propior urbi humilior altero; & dixit mihi, Urbs illa vocatur Athenæum, Clivus humilior Parnassium, & altior Heliconeum; ita vocantur, quia in Urbe & circum illam commorantur Veteres sapientes in Græcia, ut Pythagoras, Socrates, Ariippus, Xenophon, cum discipulis & tyronibus; & quæsivi de Platone & Aristotle, dixit, quod illi & illorum asseclæ in alia regione habitent, quia hi docuerunt rationalia quæ intellectus sunt, illi autem moralia quæ vitae sunt. Dixit, quod ex Urbe Athenæo frequenter ablegentur studiosi ad literatos ex Christianis, ut narrant quid hodie cogitant de Deo, de Creatione Universi, de Immortalitate animæ, de Statu hominis relativo ad statum bestiarum, ac de rebus aliis quæ interioris sapientiæ sunt; & dixit, quod præco hodie annuntiaverit conventum, indicium, quod emissarii novos Advenas e Terris offenderint, a quibus audiverunt curiosa; & viderimus multos exeentes ex urbe & a viciniis, quosdam habentes laureas super capitibus, quosdam tenentes palmas in manibus, quosdam cum libris sub ulnis, & quosdam cùm calamis sub sinistri temporis crinibus. Nos inferimus nos illis, & una ascendimus, & ecce super Clivo Palatum octogonum, quod vocaverunt Palladium, ac intravimus; & ecce ibi octo insinuationes sexangulares, in quarum unaquavis erat Librarium, & quoque Mensa, ad quas considererunt laureati, & in ipso Palladio visa sunt Sedilia ex saxo exsculpta, super quæ reliqui se demiserunt, & tunc aperta est janua ad sinistrum, per quam duo Advenæ e terra introducti sunt, & postquam salutati, unus ex laureatis quæsivit illos, QUID NOVI E TERRA; & dixerunt, novum est, quod in sylvis invenerint homines sicut bestias, aut bestias sicut homines, at quod ex facie & corpore cognoverint natos esse homines, ac secundo aut tertio ætatis anno amissos aut omissos in Sylvis; dixerunt quod non possint sonare aliquid cognitionis, nec discere articulare sonum in aliquam vocem; quod nec scirent cibum sibi convenientem sicut bestiæ, sed quod Sylvestria tam munda quam immunda injicerent in buccam; præter similia plura; ex quibus aliqui Eruditi apud nos divinarunt, & aliqui concluserunt plura de Statu hominum relativo ad statum bestiarum; his auditis, quæsiverunt aliqui ex vetustis Sophis, quid ex illis divinant & concludunt; & duo Advenæ responderunt, quod plura, quæ tamen ad hæc possunt referri. 1. Quod homo ex sua natura, & quoque ex nativitate, omni bestia stupidior & inde vilior sit; & quod similiter fiat si non instruitur. 2. Quod instrui posse quia didicit articulate sonare, & inde loqui, & quod per id inceperit expromere cognitiones, & hoc successive plus & plus, usque ut possit exprimere leges Societatis, quarum plures tamen bestiis a nativitate impressæ sunt. 3. Quod Rationalitas fit bestiis æque ac hominibus. 4. Quare si bestiæ potuissent loqui, tam solerter ratiocinarentur de omni re sicut homines; cuius rei indicium est, quod cogitent ex ratione & prudentia æque ac homines. 5. Quod Intellectus fit solum modificatio lucis e Sole, cooperante calore, medio æthere, ita ut modo sit activitas interioris naturæ, & quod hæc possit exaltari,

eo usque ut appareat sicut sapientia. 6. Quod ideo vanum sit credere, quod homo post mortem plus vivat quam bestia, nisi quod forte possit per aliquot dies post obitum ex exhalatione vitae corporis apparere sicut nimbus sub specie larvarum, antequam dissipatur in naturam; vix aliter quam sicut virgultum ex cinere exfuscatum appareret in similitudine suæ formæ. 7. Consequenter quod Religio, quæ docet vitam post mortem, sit inventum, ut simplices teneantur intrinsecus in vinculo per ejus leges, sicut tenentur extrinsecus per Civitatis leges. His addiderunt, quod mere ingeniosi ita ratiocinentur, non autem Intelligentes; & quæsiverunt quid Intelligentes, dixerunt quod non audiverint, sed quod sic opinentur.

His auditis dixerunt omnes qui ad Mensas sedebant, oh qualia nunc in Terris tempora; heu Sapientia quas vices subiit, versane est in ingeniositatem fatuam, Sol occidit, & sub terra est e diametro oppositus suæ meridiei; quis non ex documento ex relictis & inventis in sylvis scire potest, quod homo non instrutus talis sit, estne sicut instruitur, nascitur in ignorantia præ bestiis, discetne gradiri & loqui, si non disceret gradiri, num se super pedes erigeret, & si non disceret loqui, num mutaret aliquid cogitationis; estne omnis homo ficitur instruitur, insaniens ex falsis, ac sapiens ex veris, & insaniens ex falsis in omni phantasia quod sit sapientior sapiente ex veris; dantur homines fatui & vesani, qui non plus homines sunt, quam inventi in sylvis; nonne caffi memoria his similes sunt. Nos ex his & illis conclusimus, quod homo absque instructione non sit homo, nec bestia, sed quod sit forma, quæ recipere potest in se id quod facit hominem, & sic quod non nascatur homo, sed quod fiat homo; & quod homo talis forma nascatur, ut sit organum recipiens vitæ a Deo, propter finem ut sit subjectum, in quod Deus omne bonum posset inferre, & per unionem secum beatificare in æternum. Percipimus ex sermone vestro, quod sapientia hodie in tantum extincta aut infatuata sit, ut de statu vitae hominum relativo ad statum vitae bestiarum, prorsus nihil sciant; inde est, quod nec sciant statum vitae hominis post mortem; at illi qui hunc scire possunt, sed non volunt scire, & inde illum negant, ut faciunt multi ex vestris Christianis, assimilare possumus Inventis in sylvis; non quod ex privatione instructionis ita stupidi facti sint, sed quod per fallacias sensuum, quæ sunt tenebræ veritatum, semetipsos ita stupidos fecerint.

Sed tunc quidam in medio Palladij stans, in manu tenens palmarum, dixit, evolvite quæso hoc arcanum, quomodo homo forma Dei creatus, mutari potuit in formam diaboli; scio quod Angeli Cæli sint formæ Dei, & quod angeli inferni sint formæ diaboli, & duæ formæ sunt sibi oppositæ, hæ Insanæ, illæ Sapientiæ; dicite itaque, quomodo homo forma Dei creatus a die in tales noctem potuit transire, ut potuerit negare Deum, & vitam æternam: ad hæc respondebunt Didascali in ordine, primum Pythagorei, dein Socratici, & postea reliqui; sed Inter illos erat quidam Platonicus, hic ultimo loquutus est, & hujus sententia prævaluit, quæ erat; quod homines Ævi Saturnini seu Sæculi aurei, scirebunt & agnoverint quod essent Formæ recipientes vitæ a Deo, & quod ideo sapientia animabus & cordibus illorum inscripta fuerit, & inde, quod ex luce veri viderint verum, & per vera perceperint bonum ex jucundo amoris ejus: at sicut Humanum Genus in sequentibus Sæculis recesserat ab agnitione, quod omne verum sapientiæ & inde bonum amoris apud illos, continue influeret a Deo, cesserunt esse habitacula Dei, & quoque tunc cessavit loquela cum Deo, & consociatio cum Angelis; interiora enim mentis illorum a directione sua, quæ fuerat sursum elevata ad Deum a Deo, inflexa est in directionem obliquam plus & plus, extorsum in Mundum, & sic ad Deum a Deo per Mundum, & tandem inversa in directionem oppositam, quæ est deorsum ad Semet; & quia Deus non potest spectari ab homine interiorius inverso & sic averso, homines se separaverunt a Deo, & facti sunt formæ Inferni, & sic diaboli. Ex his sequitur, quod Primis

Ævis agnoverint corde & anima, quod omne bonum amoris, & inde verum sapientiae illis essent a Deo, & quoque quod illa essent Dei in illis, & sic quod illi essent mera receptacula vitæ a Deo, & inde vocati Imagines Dei, Filii Dei, & Nati a Dco: sed quod in succedentibus Ævis illud non corde & anima, sed quadam fide persuasiva, & dein fide historica, & demum solum ore, agnoverint; & agnosceré tale solum ore, est non agnoscere, imo est id negare corde. Ex his, videri potest, qualis hodie est sapientia in terra apud Christianos, tametsi illi ex Revelatione scripta inspirari possunt a Deo, dum non sciunt discrimen inter hominem & bestiam; & inde multi credunt, quod si homo vivit post mortem, etiam bestia vixitura sit, aut quia bestia non vivit post mortem, nec homo vixtus sit; annon lux nostra spiritualis, quæ illuminat visum mentis, apud illos facta est caligo, & lux illorum naturalis, quæ solum illuminat visum corporis, facta est illis splendor.

Post hæc converterunt se omnes ad duos Advenas, & illis gratias propter adventum & narrationem agebant, & orabant, ut hæc, quæ audiverant, suis fratribus renuntiarent: & responderunt advenæ, quod confirmatur sint fuos in hac veritate, quod quantum attribuunt omne bonum charitatis & verum fidei Domino, & non sibi, tantum sint homines, ac tantum fiant Angeli Cæli.

3694/

+493. SECUNDUM MEMORABILE. Post aliquot Septimanias audivi vocem e Cælo dicente, en iterum Conventus in Parnassio, accede, monstrabimus viam; accessi, & cum prope eram, vidi quandam super Heliconeo cum tuba, qua annuntiavit & indixit Conventum. Et vidi ex Urbe Athenæo & confiniis ejus ascendentes ut prius, & in medio illorum tres Novitios e Mundo; erant illi tres ex Christianis, unus Sacerdos, alter Politicus, & tertius Philosophus; hos in via vario sermone oblectabant, imprimitis de Sapientibus Antiquis, quos nominabant; quæsiverunt num illos visuri sint, dixerunt quod visuri, & si vellent, salutaturi, quoniam sunt affabiles; quæsiverunt de Demosthene, Diogene & Epicuro, dixerunt, Demosthenes non hic est, sed apud Platonem, Diogenes cum suis scholaribus sub Heliconeo commoratur, ex causa quia mundana sicut nihil reputat, & modo cælestia animo volvit; Epicurus ad occidentem in termino habitat, nec intrat ad nos, quia nos distinguimus inter affectiones bonas & affectiones malas, & dicimus affectiones bonas una esse cum sapientia, & affectiones malas esse contra sapientiam. Quando ascenderunt collem Parnassium, aliqui custodes ibi apportabant aquam ex fonte ibi in scyphis chrystillinis, & dicebant, est aqua ex fonte, de quo vetusti confabulati sunt, quod perruptus sit ab ungula Equi Pegasi, & postea consecratus novem Virginibus; at per Equum alatum Pegasum, intellexerunt Intellectum veri per quem sapientia; per ungulas pedis ejus, intellexerunt experientias per quas intelligentia naturalis; & per novem Virgines, intellexerunt cognitiones & scientias omnis generis; hæc vocantur hodie Fabulæ, sed fuerunt Correspondentiae, ex quibus Primævi loquuti sunt: comites dixerunt ad tres Advenas, ne miremini, custodes ita loqui instructi sunt, & nos per bibere aquam ex fonte intelligimus instrui de veris, & per vera de bonis, & sic sapere. Post hæc intraverunt Palladium, & cum illis tres Novitii e Mundo, Sacerdos, Politicus, & Philosophus; & tunc Laureati, qui sedebant ad mensas, quæsiverunt, Quid novi e TERRA; & responderunt, hoc novum est, quod quidam perhibeat se loqui cum Angelis, ac visum habere apertum in Mundum spiritualem, æque sicut apertum habet in Mundum naturalem, & ille nova inde affert plura, inter quæ sunt hæc; quod homo vivat homo post mortem, sicut vixit prius in Mundo; quod videat, audiat, loquatur sicut prius in Mundo; quod vestiatur & ornetur sicut prius in Mundo; quod esuriat & sitiatur, edat & bibat, sicut prius in Mundo; quod delitio conjugiali fruatur sicut prius in Mundo; quod dormiat & evigilet sicut prius in Mundo; quod ibi sint terræ & lacus, montes & colles, planities & valles,

les, fontes & fluvii, paradisi & luci; tum quod ibi sint palatia & domus, ac urbes & villæ, sicut in Mndo naturali; ut & quod sint scripturæ & libri, & quod sint functiones & negotiations, tum lapides pretiosi, aurum & argentum; verbo quod ibi sint omnia & singula quæ in terris, & illa in Cælis infinite perfectiora, cum sola differentia, quod omnia quæ in Mndo spirituali sunt, ex origine spirituali sint, & inde spiritualia, quia sunt ex Sole ibi qui est purus Amor; & quod omnia quæ in Mndo naturali sunt, ex origine naturali sint, & inde naturalia & materialia, quia sunt ex Sole ibi qui est purus ignis; verbo, quod homo post mortem sit perfecte homo, imo perfectius homo quam prius in Mndo; prius enim in Mndo fuit in corpore materiali, in hoc autem est in corpore spirituali. His dictis, quæsiverunt Sapientes antiqui, quid de illis cogitant in terra; dixerunt illi tres, nos scimus quod vera sint, quia hic sumus, ac lustravimus & exploravimus omnia, quare dicemus. quid de illis loquuti & ratiocinati sunt in terra: & tunc SACERDOS dixit, quod illi qui ex nostro ordine sunt, primum dum audiverunt illa, vocaverint visiones, dein commenta, postea quod viderit larvæ, & demum hæserint, & dixerint, crede si vis: nos hæc tenus docuimus, quod homo non futurus sit in corpore post mortem, prius quam die ultimi judicii: & quæsiverunt, annon aliqui Intelligentes inter illos sint, qui possunt demonstrare & convincere illos de veritate, quod homo vivat homo post mortem; dixit Sacerdos, quod sint qui demonstrant, sed non convincunt; illi qui demonstrant, dicunt, quod contra sanam rationem sit credere, quod homo non vivat homo nisi quam die ultimi Judicij, & quod interea sit Anima absque corpore; quid Anima, & ubi illa interea, num halitus, aut aliquid venti volitans in aere, vel ers reconditum in medio terræ, ubi est Pu ejus: num animæ Adami & Evæ, & omnium post illos, nunc per sex millia annorum seu sexaginta sæcula adhuc volitent in universo, aut teneantur inclusæ in meditullio terræ, & exspectent ultimum judicium; quid anxius & miserabilius tali exspectatione, nonne fors illorum potest comparari forti vincitorum catenis & pedicis in carceribus; annon si talis fors homini post mortem foret, satius foret nasci afinus quam homo: numine etiam contra rationem est credere, quod anima possit reindui suo corpore, estne corpus exsum a vermis, muribus, & pescibus; ac isti novo corpori induci sceleton osseum exustum sole, vel dilapsum in pulverem; quomodo cadaverosa & putida illa colligentur, & animabus unientur. Sed ad talia, cum audiunt, non quicquam ex ratione respondent, sed inhærent fidei suæ, inquietes, captamus rationem sub obedientia fidei; ad collectionem omnium ex sepulchris die ultimi Judicij, dicunt, hoc Omnipotentiæ opus est, & cum nominant Omnipotentiam & Fidem, exultat ratio, & possum dicere, quod tunc sana ratio sit sicut nihil, & quibusdam sicut spectrum; imo possunt dicere ad sanam rationem, insanis: His auditis dixerunt Sapientes Græciae, nonne illa paradoxa sicut contradictionia dissipantur a seip- sis, & tamen hodie in Mndo non dissipari possunt a sana ratione; quid paradoxius credi potest quam id quod narratur de Ultimo Judicio, quod tunc Universum peritum sit, & quod tunc Stellæ cæli delapsuræ sint super terram, quæ minor stellis est; & quod corpora hominum tunc vel cadavera, vel mumia ab hominibus exesa, vel flocci, coalitura sint cum suis animabus; nos dum fuimus in Mndo, credidimus immortalitatem animarum hominum, ex inductionibus quæ ratio nobis subministravit, & quoque designavimus pro beatis loca, quæ vocavimus Campos Elysios, & credidimus illas esse effigies seu species humanas, sed tenues quia spirituales. Postquam hæc dicta sunt, converterunt se ad alterum Adventum, qui in Mndo fuerat POLITICUS; hic confessus est, quod non crediderit vitam post mortem; & quod cogitaverit de novis quæ audiverat de illa, quod es- sent figmenta & inventa; meditans de illa dixi, quomodo possunt animæ corpora esse, annon omne hominis jacet mortuum in sepulchro, estne oculus ibi, quo-

modo potest videre, estne auris ibi quomodo potest audire, unde illi os quo loquatur; si aliquid hominis viveret post mortem, num foret id aliud, quam simile larvæ, quomodo potest larva edere & bibere, & quomodo potest delitio conjugiali frui, unde ei vestes, domus, cibi, & sic porro; & larvæ, quæ sunt citigies aereæ, apparent sicut sint, & tamen non sunt: hæc & similia de vita hominum post mortem cogitavi in Mundo; at nunc cum vidi omnia, ac tetigi manibus meis omnia, convictus sum per ipsos sensus, quod sim homo sicut in Mundo, adeo ut non sciam aliud, quam quod vivam sicut vixi, cum differentia, quod ratio nunc mihi sanior sit; aliquoties puduit me cogitationum priorum. Similia de se narravit PHILOSOPHUS; attamen cum hac differentia, quod retulerit nova illa, que audiverat de vita post mortem, inter opiniones & hypotheses, quas ex Antiquis & Hodiernis collegerat. His auditis obstupuerunt Sophi; & illi qui e Schola Socratica erant, dixerunt, quod ex Novis his e terris percipient, quod interiora mentium humanarum successive occlusa sint, & quod nunc in Mundo fides falsi juecat sicut veritas, ac ingeniositas fatua sicut sapientia, & quod lux sapientiae a nostris temporibus se demiserit ab interioribus Cerebri in os sub nasum, ubi illa coram oculis appareat sicut splendor labri, ac loquela oris inde sicut sapientia. His auditis quidam ex tyronibus ibi dixit, & quam stupidæ mentes terricolarum hodie; utinam adessent discipuli Heracliti & Democriti, qui rident ad omnia, & qui flent ad omnia, & audiremus magnum risum & magnum fletum. Postquam peractus est hic conuentus, dederunt tribus Novitiis e terra sua ditionis insignia, quæ erant lamellæ cupreæ, super quibus aliqua Hieroglyphica exarata sunt; cum quibus abiverunt.

694. TERTIUM MEMORABILE. Post aliiquid tempus spectavi ad urbem Atheneum, de qua in priori Memorabili aliiquid dictum est, & audivi inde clamorem insolitum, erat in illo aliiquid risus, in hoc aliiquid indignationis, & in hac aliiquid mæstitia; at usque clamor ille non inde erat dissonus, sed consonus, quia unum non erat simul cum altero, sed unum intra alterum; in Mundo spirituali percipitur in sono distincte varietas & commixtura affectionum. Quæsivi e longinquo, quid rei; & dixerunt, venit nuntius e loco, ubi advenæ e Christiano Orbe primum apparent, dicens, quod a Tribus ibi audiverit, quod in Mundo, unde yenerunt, cum reliquis ibi crediderint; quod beatis & felicibus post mortem futura sit omnimoda requies a laboribus; & quia administrationes, officia & operæ sunt labores, quod requies ab illis futura sit: & quia tres illi ab Emissario nostro nunc adducti sunt, & stant ante portam & exspectant, factus est Clamor, & ex consulo statuerunt, quod non in Palladium in Parnassio, ut priores, sed in magnum Auditorium ibi introducerentur, ut aperiant Nova sua e Christiano Orbe; & ablegati sunt aliqui, qui solemniter illos introducerent. Quia eram in spiritu, & spiritibus distantiæ sunt secundum status affectionum illorum; & quia tunc mihi affectio videndi & audiendi illos erat, visus mihi sum præsens ibi, & vidi introductos, & audivi loquentes. Sederunt in Auditorio Seniores seu Sapientiores ad latera, ac reliqui in medio; & ante hos erat elevatum solum; huc tres Advenæ cum nuntio in solenni comitatu a minorenibus per medium Auditorii deducti sunt; & post silentium factum, salutati sunt a quodam Majorenne ibi, & quæsiti, QUID Novi e TERRA; & dixerunt, sunt multa Nova, sed dic quæso de qua re, & respondit Majorenne, QUID Novi e TERRA DE NOSTRO MUNDO ET DE CAELO; & responderunt, quod cum recentes in hunc Mundum venimus, audivimus, quod ibi & in Cælo sint Administrationes, Ministeria, Functiones, Negotiationes, Studia omnium disciplinarum, & mirabiles Operæ; & tamen credidimus quod post migrationem seu translationem e Mundo naturali in hunc Spiritualem, in æternam requiem a laboribus venturi simus; & quid functiones nisi labores: ad hæc Majorenne dixit, num per æternam requiem a laboribus intellectis æternum otium, in quo continue federetis & cubaretis, attrahentes delitias peccato-

re, & sorbentes gaudia ore; ad hæc tres Advenæ blande ridentes dixerunt, quod aliquid tale autumaverint; & tunc responsum est illis, quid gaudia, & delitiae, & inde felicitas, commune habent cum otio; ex otio collabitur mens & non expanditur, seu mortificatur homo & non vivificatur; pone aliquem sedentem in pleno otio, remissis manibus, dejectis aut subductis oculis, & pone ut ille simul circumfundatur aura lætitiae, numne Veterus occuparet & caput & corpus ejus, ac vitalis expansio faciei concideret, & tandem ille relaxatis fibris nutaret & nutaret, usque dum caderet in terram; quid in expansione & tensione tenet totius corporis systema, quam intensio animi; & unde intensio animi, nisi ex administratura & operis, dum fiunt ex jucundo; quare dicam vobis Novum e Cælo; quod ibi sint administrationes, ministeria, judicia majora & minora, tum artificia & operæ. Tres advenæ, cum audiverunt, quod in Cælo essent Judicia majora & minora, dicebant, cur illa, annon omnes in Cælo inspirantur & ducuntur a Deo, & inde sciunt quid justum & rectum; quid tunc opus judicibus; & respondit Vir majorenus, in hoc Mundo instruimur & discimus quid bonum & verum, tum quid justum & æquum, similiter ut in Mundo naturali, & hæc discimus non immediate a Deo, sed mediate per alios; & omnis Angelus, sicut omnis homo, cogitat verum, & facit honum sicut a se, & hoc secundum statum Angeli est mixtum, & non purum; & quoque inter Angelos dantur simplices & sapientes, & sapientes judicabunt, dum simplices ex simplicitate & ex ignorantia ambigunt de justo, aut abeunt ab illo. Sed vos, quia recentes adhuc in hoc Mundo estis, si sit beneplaciti vestri, sequimini me in Urbem nostram, & monstrabimus omnia; & exiverunt Auditorio, & aliqui ex Senioribus etiam illos comitati sunt; & primum in Bibliothecam magnam, quæ secundum scientias distincta erat in Libraria minora: tres illi Advenæ, visis tot libris, obstupefacti sunt, & dixerunt, sunt etiam in hoc Mundo Libri, unde membranæ & chartæ, unde calami & atramentum; ad hæc dixerunt Seniores, percipimus quod credideritis in Mundo priori, quod hic Mundus vacuus sit, quia spiritualis; & quod hoc credideritis, est quia ideam de spirituali fovistis abstractam a materiali; & abstractum a materiali appa- ruit vobis sicut nihilum, ita sicut vacuum; cum tamen hic est plenitudo omnium; sunt hic omnia SUBSTANTIALIA & non materialia, & materialia suam originem ducent ex substancialibus; nos qui hic sumus, homines spirituales sumus quia substanciales, & non materiales; inde est, quod hic dentur omnia quæ in Mundo naturali in sua pefectione, etiam libri & scripturæ, & multo plura; tres Advenæ cum audiverunt nominari SUBSTANTIALIA, cogitaverunt quod ita sit, tam quia vi- derunt Libros scriptos, quam quia audiverunt dictum, quod materiæ originitus sint ex substancialiis. Ut adhuc de his confirmarentur, delati sunt ad Domicilia scriba- rum, qui exscribebant exemplaria a sapientibus urbis conscripta, & inspiciebant scripturas, & mirati sunt, quod tam nitidæ & politæ essent. Post hæc deducti sunt ad Musæa, Gymnasia & Collegia, & ubi erant Ludi illorum literariorum, quo- rum aliquos vocabant Heliconidum, aliquos ludos Parnassidum, aliquos ludos Atheneidum, & aliquos ludos Virginum fontis; dicebant quod hi ita appellantur, quia Virgines significant affectiones scientiarum, & secundum affectionem scien- tiarum est cuivis intelligentia; Ludi ita vocati, erant exercitationes & palæstræ spirituales. Postea circumducti sunt in urbe ad Moderatores, Administratores, & horum Officiarios, & per hos ad mirabiles Operas, quæ ab artificiis spirituali modo fiunt. Postquam hæc visa sunt, iterum cum illis loquutus est Vir majorenus de Requie æterna a laboribus, in quam veniunt beati & felices post mortem; & dixit, Requies æterna non est otium, quoniam ex otio est mentis & inde totius corporis languor, torpor, stupor & sopor, & hæc sunt mors & non vita, & minus vita æterna, in qua sunt Angeli Cæli; quare Requies æterna est requies quæ discutit illa, & facit ut homo vivat; & hoc non aliud est, quam tale quod el-

elevat mentem; est itaque aliquid studium & opus, ex quo excitatur, vivificatur, & delitiatur mens; & hoc sit secundum usum; ex quo, in quo, & ad quem operatur; inde est, quod Universum Cælum spectetur a Domino ut continens usum, & quisque Angelus est Angelus secundum usum; jucundum usum fert illum, sicut secunda vena navem, & facit ut in æterna pace, & pacis requie sit; ita intelligitur Æterna requies a laboribus. Quod Angelus sit vivus secundum studium mentis ex usu, patet manifeste ex eo, quod cuivis sit Amor conjugialis cum ejus virtute, potentia & delitiis, secundum studium genuini usus in quo est. Postquam tres illi Advenæ confirmati sunt, quod Æterna requies non sit otium, sed jucundum alicujus operis quod usui est; venerunt aliquæ Virgines cum acupictis & netis, operibus manuum suarum, & donaverunt illis; & Virgines, cum abiabant novitii illi spiritus, cecinerunt oden, qua affectionem operum usus cum æmæni ejus, melo angelico exprimebant.

695. QUARTUM MEMORABILE. Plerique hodie qui credunt vitam post mortem, etiam credunt, quod in Cælo Cogitationes illorum non aliæ futuræ sint quam Devotiones, Loquelæ quam Orationes, ac haec illæ una cum vultibus facierunt & actibus corporis quam Glorificationes Dei, & sic Dominus illorum quam totidem Dominus cultus seu Ædes sacrae, & sic quod omnes futuri sint Sacerdotes Dei. Sed possum asséverare quod ibi Sancta Ecclesiæ non plus occupent Mentes & Domos quam in Mundo, ubi Deus cultu celebratur, tametsi purius & interius, sed quod ibi variæ quæ sunt Prudentia civilis, & variæ quæ sunt Eruditionis rationalis, in sua excellētia sint. Quodam die eyectus sum in Cælum, & perductus in unam Societatem, ubi erant Sophi, qui in Sæculis antiquis excelluerunt eruditione ex lucubratione & meditatione in talibus, quæ rationis & simul usus fuerunt, & jam in Cælo, quia crediderunt in Deum, & nunc in Dominum, & amaverunt proximum ut seipso; & deinde introductus sum in Conventum eorum, & ibi interrogatus, unde sum, & aperui, i quod Corpore in Mundo naturali sim, at Spiritu in Mundo vestro Spirituali; his auditis lœtitiantur sunt Angeli illi, & sciscitabant, quid in Mundo, ubi es corpore, sciunt & intelligunt de INFLUXU, & tunc postquam recollegi quid de illo ex sermonibus & ex scriptis famigeratorum hauseram, respondi, quod non sciunt adhuc aliquem Influxum e Mundo spirituali in Mundum naturale, sed de Influxu Naturæ in naturata, ut de Influxu Caloris & Lucis e Sole in Corpora animata, ut & in Arbores & frutices, unde horum & illorum vivificatio, & vicissim frigoris in eadem, unde illorum mortificatio; & præterea de Influxu lucis in Oculos unde visus, de Influxu soni in aures unde auditus, deque Influxu odoris in nares unde olfactus, & sic porro. Præter hæc Eruditi hujus sæculi ratiocinantur diversimode de Influxu Animæ in Corpus & hujus in Animam, & de hoc in tres partes abeunt, scilicet num Influxus sit Animæ in Corpus, quem vocant Occasionalem, ex occasione incidentium in sensus corporis; vel num sit Influxus corporis in Animam, quem Physicum appellant, quia objecta incident in Sensus, & ab his in Animam; vel num sit Influxus simultaneus & instantaneus in Corpus & simul in Animam, quem Harmoniam præstabilitam nuncupant; attamen quisque de suo Influxu cogitat dari intra Naturam; quidam credunt Animam esse Ætheris particulam aut stillam, quidam illam esse Caloris & Lucis glomulum aut micam, quidam esse aliquod ens se recondens in Cerebro; sed hoc & illud, quod illis est Anima, quidem vocant spirituale, sed per spirituale intelligent purius naturale, non enim sciunt quicquam de Mundo spirituali, & de hujus Influxu in Mundum naturale, quare manent intra sphæram Naturæ; & in illa ascendunt & descendunt, & in illam se extollunt sicut aquilæ in aërem; & illi qui morantur in Natura, sunt sicut indigenæ alicujus Insulæ in mari, qui non sciunt aliquam Terram dari extra illos, & quod sint sicut pisces in fluvio, qui non sciunt dari aërem supra aquas illorum; quam ob rem ad mentionem, quod detur Mun-

Mundus distinctus ab illorum, ubi habitant Angeli & Spiritus, & quod inde sit omnis Influxus in homines, & quoque interior in arbores, stant mirabundi sicut audirent visionaria de spectris, aut nugas ex Astrologis. Præter Philosophos nostrates in Orbe, ubi sum corpore, non de alio Influxu cogitant & loquuntur, quam de Influxu vini in cynthos, de Influxu cibi & potus in ventrem, & gustus in linguam, & quoque forsan de Influxu aeris in pulmonem, & sic porro; at hi si aliquid auditint de Influxu Mundi spiritualis in Naturalem, dicunt, influat si influat, quid juvat & cui usui est hoc scire, ac abeunt, & postea dum loquuntur de auditis de Influxu illo, ludunt cum illo, sicut quidam ludunt cum cochlicis inter digitos.

Postea loquutus sum cum Angelis illis de Mirabilibus, quæ ex Influxu Mundi Spiritualis in Naturalem existunt; ut de Vermibus dum fiunt papillones, tum de apibus & fucis, & mirabilia de bombycibus, & quoque de Araneis, & quod incolæ telluris addicant illa luci & calori Solis, & sic Naturæ; & quod saepius miratus sum, per illa confirmant se pro Natura, & per confirmationes pro Natura somnum & lethum inducunt mentibus, & fiunt Atheti. Post hæc narravi mirabilia de Vegetabilibus, quod omnia illa a semine usque ad nova semina in justo ordine succedant, prorsus sicut terra sciret commodare & accommodare sua elementa prolifico feminis, & ex hoc educere germen, & hoc dilatare in caudicem, & ex hoc emittere ramos, & hos investire foliis, & postea insignire floribus, & ab interioribus horum initiare & producere fructus, & per hos, ut renascatur, semina ut proles: sed hæc quia per continuum aspectum, & perennem recursum solita, sueta & communia facta sunt, non ut mirabilia aspectant, sed ut meros effectus naturæ; & hoc opinantur unice ex causa, quia ignorant quod Mundus aliquis spiritualis sit, & quod hic ab interiori operetur & actuet omnia & singula, quæ in Mundo naturæ, & super Tellure ejus, existunt & formantur, & operatur sicut Mens humana in Corporis Sensus & Motus, & quod singula naturæ sint sicut tunicae, vaginae & industria, quæ incingunt spiritualia, & proxime producunt effectus fini Dei Creatoris correspondentes.

696. QUINTUM MEMORABILE. Quondam precatus sum ad Dominum, ut daretur loqui cum Discipulis ARISTOTELIS, & simul cum Discipulis CARTESII, & cum Discipulis LEIBNITZII, propter sinem, ut opiniones mentis eorum de Commercio Animæ & Corporis haurirem: post præcationem aderant novem Viri, tres Aristotelici, tres Cartesiani, & tres Leibnitziani, & steterunt circum me, a latere sinistro adoratores Aristotelis, ad dextrum sectatores Cartesii, & a tergo fautores Leibnitzi: et longinquo ad distantiam, & per intervalla inter se, visi sunt sicut tres laureati, & ex perceptione, quæ e Cælo influxit, cognovi quod essent ipsi Antesignani seu Archididascalii; post Leibnitzium stabat unus manu teniens alam vestis ejus, & dicebatur quod esset Wollfius. Novem illi Viri, cum intuerentur se mutuo, faceta voce se primum salutabant & affabantur. Sed mox tunc ex Inferis exsurgebat Spiritus cum facula in manu dextra, & vibrabat illam ante facies illorum, inde facti sunt inimici tres contra tres, & torvo vultu se aspiciebant; invasit enim libido altercandi & litigandi; & tunc exorsi sunt Aristotelici, qui quoque erant Scholastici, dicentes, quis non videt quod objecta per Sensus influant in animam, sicut quis per fores intrat in concclave, & quod Anima cogitet secundum Influxum; nonne dum Amator videt pulchram Virginem aut Sponsam, oculus ejus scintillat, & fert amorem ejus ad animam; nonne Avarus cum videt crumenas in quibus nummi, ad illas ardet omni Sensu, & inde hoc infert in animam, & excitat cupidinem possidendi illas; nonne cum aliquis Superbus audit laudes de se ab altero, arrigit aures, & haec perferunt illas ad animam; suntne Sensus corporis sicut atria, per quæ ad Animam unice fit ingressus; quis ex his & innumeris similibus aliter potest concludere, quam quod Influxus e natura seu physicus

sit. Ad hæc dicta Sectatores Cartesii tenentes digitos sub fronte, & nunc retinacientes illos respondebant, dicendo, heu, loquimini ex apparentiis; nonne scitis, quod non oculus amet Virginem aut Sponiam sed Anima; pariter quod nec Sensus corporis cupiat nummos in crumena ex se, sed ex Anima; pariter quod nec aures arripiant laudes afferantium aliter; nonne perceptio est quæ facit sentire, & perceptio est animæ, & non organi; dicite, si potestis, quid aliud facit linguam & labia loqui quam cogitatio, & quid aliud facit manus operari quam voluntas, ac cogitatio & voluntas sunt Animæ; ita quid facit oculum videre, & aures audire, ac reliqua organa sentire, attendere & advertere ad objecta, quam Anima; ex his & ex innumeris similibus aliis, unusquisque, qui supra sensualia corporis sapit, concludit, quod non sit Influxus corporis in animam, sed animæ in corpus; quem nos vocamus Influxum occasionalem, & quoque spiritualem. His auditis, tres Viri, qui post triades priores steterunt, qui erant fautores Leibnitzii, extulerunt vocem, dicentes, audivimus argumenta ab utraque parte, & contulimus illa, & percepimus, quod in multis prævaleant hæc illis, & in multis his illa, quare, si licet, componemus lites; & ad interrogacionem quomodo, dixerunt; Non est alius quis Influxus Animæ in Corpus, nec Corporis in Animam, sed est unanim & instantanea operatio utriusque simul, quam celebris Auctor pulchro nomine insignivit, vocando Harmoniam præstabilitam. His peractis, rursus apparuit Spiritus cum fascula in manu, sed nunc sinistra, & vibravit illam ad occipitia illorum, inde confusa factæ sunt ideæ omnium, & conclamabant, non scit anima nostra nec corpus, in quam partem transeamus, quare dirimamus has lites per Sortem, & Sorti, quæ primum exit, favebimus; & sumserunt tres schedulas, & uni illarum inscripserunt INFLUXUS PHYSICUS, alteri INFLUXUS SPIRITALIS, & tertiam HARMONIA PRÆSTABILITÀ, & miserunt tres illas in cævum pilei, & elegerunt unum qui expromeret, & hic immissa manu apprehendit illam, super qua scriptum fuit, INFLUXUS SPIRITALIS: qua visa & lecta, dixerunt omnes, quidam tamen claro & fluente sono, quidam obscuro & intracto, faveamus huic, quia primum exivit. At subito tunc adstitit Angelus, & dixit, ne credatis, quod Chartula pro INFLUXU SPIRITALI exiverit fortuito, sed ex proviso: vos enim, quia in confusis ideis estis, non videtis veritatem ejus, sed ipsa veritas obtulit se illam manui ut ei faveatis.

697. SEXTUM MEMORABILE. Quondam non procul a me vidi Meteoron, vi di Nubem divisam in nubeculas, quarum aliquæ cæruleæ, & aliquæ opacæ; & vidi illas inter se quasi collidentes; radii striatim transmicabant illas, qui nunc visi sunt acuti sicut mucrones, nunc obtusi sicut enses fracti; striæ illæ nunc excurrebant obviam, nunc retrahebant se in se, plane sicut pugiles; ita diversicolores illæ nubeculæ apparebant quasi inter se dimicarent, sed ludebant. Et quia hoc Moteoron non procul a me visum est, sustuli oculos, ac intendi aciem; & vidi pueros, juvenes & senes intrantes in Domum, quæ erat exstructa ex marmore, & substructa ex porphyrite; super hæc Domus erat illud phænomenon; & tunc unum ex intrantibus alloquitus quæsivi, quid ibi; & respondit, est Gymnasiū, ubi juvenes initiantur in varia quæ sapientiae sunt: hoc audito, intravi cum illis, eram in spiritu, hoc est, in simili statu in quo sunt homines Mundi Spirituales, qui vocantur Spiritus & Angeli; & ecce in Gymnasio illo anterius visa est Cathedra, in medio scaena, ad latera circum circa sedilia, & supra introitum Orchestra; Cathedra erat pro juvenibus qui ad Problema illa vice proponendum responderent, scaena pro auditoribus, sedilia ad latera pro illis qui prius sapienter responderunt, & Orchestra pro Senioribus, qui essent arbitri & judices; in medio Orchestræ erat Suggestum, ubi sedet vir sapiens, quem vocabant Archididascalum, qui proposuit problemata, ad quæ juvenes e Cathedra responderent; & postquam congregati sunt, surrexit Vir ex suggesto, & dixit, respondete nunc quæso-

ad hoc Problema; & solvite illud si potestis; Quid ANIMA, ET QUALIS ILLA. His auditis obstupescabant omnes; & murmurabant, & aliqui e Cætu super scandulis, exclamabant, quis hominum usque a Saturnino ævo ad hoc nostrum ulla rationis cogitatione videre & assequi potuit, quid Anima, & adhuc minus qualis illa; estne hoc supra omnium intellectus Sphæram; sed ad hæc retulerunt ex Orchestra, hoc non est supra Intellectum; sed in illo & coram illo, respondete modo; & surrexerunt Jūvenes illo die electi, qui ascenderent Cathedram, & ad Problema responderent; erant quinque, qui a Senioribus explorati ac inventi sagacitate pollentes, & tunc ad latera cathedralæ super toris sedentes; & hi postea in ordine, in quo se-debant, ascenderunt; & quisque eum ascenderet in duebat tunicam ex serico opalini coloris, & super illa togam ex molli lana, cui flores erant intexti, & insuper pileum, super cuius vertice erat rosarium incinctum parvis saphiris. Et vidi Primum ita induitum ascendentem, qui dixit, Quid anima & qualis illa, a die Creationis non revelatum est ulli, est arcana in thesauris solius Dei; sed hoc detectum est, quod Anima in hominē sicut Regina residet; verum ubinam ejus aula est, eruditus Vates divinarunt; quidam quod sit in parvo tuberculo inter Cerebrum & Cerebellum, quod vocatur Glandula pinealis; in hac finixerunt sedem Animæ; ex causa, quia totus homo regitur ex binis illis Cerebris, & illud tuberculum disponit illa; quare quod disponit cerebra ad nutum, hoc etiam disponit totum hominem a capite ad calcem: & dixit, hoc inde sicut verum aut verosimile apparuit multis in Mundo, sed post sæculum hoc ut figmentum est rejectum. Postquam hæc dixerat, exuit togam, tunicam & pileum, quæ Secundus ex electis assumisit, ac intravit cathedralē; hujus enuntiarum de Anima erat; quod in universo Cælo & in universo Mundo nesciatur quid Anima & qualis illa; hoc scitur quod sit, & quod in hominē sit, sed ubi, divinatur; hoc certum est quod sit in Capite, quoniam Intellectus ibi cogitat, & Voluntas ibi intendit, & antrorum in Capitis facie sunt quinque hominis Sensoria; his & illis non aliud dat vitam quam Anima quæ iutus in Capite residet; at ubinam ejus Curia est ibi, non ausim effari, sed consensi cum illis, qui ei assignarunt sedem in tribus Ventriculis Cerebri; nunc cum illis qui in Corporibus striatis ibi, nunc cum illis qui in Substantia medullari utriusque Cerebri, nunc cum illis qui in Substantia corticali, nunc cum illis qui in Dura matre; non enim defuerunt calculi sicut albi ex confirmationibus pro unaquavis sede. Calculi pro tribus Ventriculis in Cerebro, fuerunt, quod illi sint receptacula spirituum animalium & lympharum omnium Cerebri: calculi pro corporibus striatis fuerunt, quod hæc faciant Medullam per quam exèunt nervi, & per quam utrumque Cerebrum continuatur in Spinam, & ex hac & ex illa emanant fibræ ex quibus totum Corpus contextum est: calculi pro Substantia medullari utriusque Cerebri fuerunt, quod illa sit collectio & congeries omnium fibrarum, quæ sunt initia menta totius hominis: calculi pro substantia corticali fuerunt, quod ibi sint fines primi & ultimi, & inde principia omnium fibrarum, & sic sensuum & motuum: calculi pro dura Matre fuerunt, quod illa sit tegumentum commune utriusque Cerebri, & inde per quoddam continuum extendat se super cor & super viscera corporis. Quod me attinet, non arbitror plus de uno quam de altero, vos, quæso, arbitramini & eligite quid potius. His dictis e Cathedra descendit, & tradidit Tertio tunicam, togam, & pileum, qui scandens Cathedram loquutus est hæc; Quid mihi Jūveni cum tam sublimi theorematे; provocò ad Eruditos, sedentes hic ad latera, provocò ad Sapientes vos in Orchestra, imo provocò ad supremi Cæli Angelos, num quisquam ex tua rationali luce potest aliquam de Anima idealm sibi sumere; at de Sede ejus in hominē possum ego sicut alii vaticinari; & vaticinor quod sit in Corde & inde in Sanguine; & hoc meum vaticinium est, quia Cor sanguine suo regit & Corpus & Caput; emittit enim magnum vas Aorta vocatum in Universum Corpus, ac emittit vasa Carotides vocata in universum Caput; inde universalis consensus est, quod

quod Anima ex Corde per sanguinem sustentet, nutrit, vivificet universum systema organicum & Corporis & Capitis: ad fidem hujus assertiois accedit, quod in Scriptura Sacra toties dicatur Anima & Cor, ut quod amatus sis Deum ex tota Anima & ex toto Corde; & quod Deus creet in homine novam Animam & novum Cor, Deuter. V: 5. Cap. X: 11. Cap. XI: 14. Cap. XXVI: 16. Jerem. XXXII: 41. Matth. XXII: 3. Marc. XII: 30, 33. Levit. X: 27. & alibi, ac aperte, quod Sanguis sit Anima carnis, Levit. XVI: 11, 14. His auditis aliqui extulerunt vocem, dicentes, docte, docte, erant ex Canoniciis. Post haec Quartus hujus vestibus induitus, & ingressus Cathedram, dixit; suspicor etiam ego, quod non quis tam subtili & limato ingenio sit, ut despiceret possit, quid Anima, & qualis illa; quare arbitror, quod apud illum, qui vult rimari illam, subtilitas supervacuis teratur; sed usque a puertia permansi in fide sententiae, in qua fuerunt Antiqui, quod Anima hominis sit in ejus toto, & in hujus omni parte, & sic quod tam in Capite & in singulis ejus, quam in Corpore & in singulis ejus, & quod vanum a Neotericis inventum fuerit, designare ei sedem alicubi, & non ubivis; est quoque Anima substantia spiritualis, de qua non praedicatur extensio nec locus, sed habitatio & impletio: quis etiam non intelligit vitam, dum nominat animam, estne vita in toto & in qualibet parte; his dictis favebant multi in Auditorio. Post hunc surrexit Quintus, ac iisdem insignibus ornatus, e Cathedra edidit hoc: Non moror dicere, ubi est Anima, num in aliqua parte, vel numerubivis in toto; sed ex meo promoto & condo aperiamentum de hoc, quid Anima & qualis illa; Anima non cogitat ab aliquo, nisi sicut purum quid, quod assimilari potest aetheri aut aeri aut vento, in quo vitale est ex rationalitate, quae homini est prae bestiis: opinionem hanc fundavi super hoc, quod homo dum expirat, dicatur efflare seu emittere Anima seu spiritum; inde etiam Anima post mortem vivens creditur esse talis halitus, in quo est vita cogitativa, quae vocatur Anima; quid aliud potest anima esse. Sed quia audiri ex Orchestra dicentes, quod problema de Anima, quid illa & qualis illa est, non sit supra intellectum, sed in illo & coram illo, rogo & precor, ut aeternum hoc Arcanum vos ipsi aperiatis: & Seniores in Orchestra inspexerunt Archidascalum, qui illud problema proponuerat, qui ex nutibus intellexit, quod vellent ut descenderet & doceret; & actuatum ille ex Suggesitu descendit, pertransivit Auditorium, & ingressus est Cathedram, & ibi exporrigenus manum dixit; ausculate queso; quis non credit Aniam esse intimam & subtilissimam Essentiam hominis, at quid Essentia absque Forma aliud quam ens rationis, quare Anima est Forma, sed qualis forma dicetur; est forma omnium amoris & omnium sapientiae; omnia amoris vocantur affectiones, & omnia sapientiae vocantur perceptions; haec ex illis & sic cum illis faciunt unam formam, in qua innumerabilia in tali ordine, serie & cohærentia sunt, ut vocari possint unum; & vocari possunt unum, quia non potest inde aliquid auferri, nec ad illud aliquid addi, ut sit talis; quid Anima humana nisi talis forma, suntne omnia Amoris & omnia Sapientiae essentialia illius formae, & haec apud hominem sunt in Anima & ex Anima in Capite & corpore: vos vocamini Spiritus & Angeli, & credidistis in Mundo, quod Spiritus & Angeli sunt sicut venti aut aetheres, & sic Mentes & Animi; & nunc clare videtis, quod vere, realiter & actualiter sitis homines, qui in Mundo ivixistis & cogitavistis in materiali corpore, & scivistis quod Corpus materiale non vivat & cogitet, sed Substantia spiritualis in illo corpore, & haec vocavistis Aniam, cuius formam nescivistis, & tamen nunc vidistis & videtis illam; vos omnes estis Anima, de quarum immortalitate tam multa audiuitis, cogitauistis, dixistis & scripsistis; & quia estis Formae amoris & sapientiae a Deo, non potestis mori in aeternum: Anima itaque est forma humana, de qua ne hilum potest auferri, & ad quam ne hilum potest addi, ac est intima forma omnium formarum universi corporis; & quia formae, quae extra sunt ab intima accipiunt.

piunt & essentiam & formam, ideo estis, sicut apparetis coram vobis & nobis, Animæ; verbo Anima est ipse homo, quia est intimus homo, quare ejus forma est plene & perfecte forma humana; verum non est vita, sed est proximum receptaculum vitæ a Deo, & sic habitaculum Dei. His dictis adplaudebant multi, sed aliqui dicebant, expendemus. Ego tunc abivi domum; & ecce super Gymnasio illo, loco prioris Meteori apparuit Nubes candida absque striis seu radiis inter se dimicantibus; quæ Nubes penetrans tectum intravit, ac illustravit parietes; & audiui, quod viderint Scripturas, ac inter alias etiam hanc „*Jehovah Deus inspiravit in narres hominis ANIMAM VITARUM, & factus est Homo in ANIMAM VIVENTEM,* Gen. II: 7.



CAPUT DECIMUM TERTIUM

D E

S A N C T A C Æ N A.

Quod absque notitia de Correspondentiis naturalium cum spiritualibus nemo scire possit usus fructus Sanctæ Cenæ.

698. Hæc quoad partem explicata sunt in Capite de BAPTISMO, ubi ostensum est, Quod absque cognitione de Sensu spirituali Verbi, non possit sciri, quid duo Sacramenta, Baptismus & Sancta Cæna, involvunt & efficiunt, quæ videantur : n: 667 ad 669. Hic dicitur, quod absque notitia de Correspondentiis naturalium cum spiritualibus, quod idem est, quia Sensus naturalis Verbi vertitur in spiritualem per Correspondentias in Cælo ; inde est, quod duo illi Sensus sibi mutuo correspondent, quare qui novit Correspondentias, nosse potest Sensus spiritualem. Quid vero & quales Correspondentiæ sunt, videri potest in Capite de SCRIPTURA SACRA a principio ad finem, & quoque in EXPLICATIONE DECALOGI a primo Præcepto ad ultimum, & singulariter in APOCALYPSI REVELATA.

699. Quis vere Christianus non agnoscit, quod duo illa Sacraenta sint sancta, immo quod sint sanctissima cultus in Christianismo, sed quis novit ubi illorum sanctitas residet, aut unde illa est : in Institutione Sanctæ Cenæ ex sensu naturali, non plus scitur, quam quod Christi Caro ad manducandum, & Ipsius Sanguis ad bibendum dentur, & quod pro illis sint Panis & Vinum ; quis inde aliter potest cogitare, quam quod Sancta sit solum propter mandatum e' Domino, quare sagacissimi ab Ecclesia tradiderunt, quod dum accedit Verbum ad Elementum fiat Sacramentum : sed quia hæc origo sanctitatis ejus non cadit in intellectum, nec appetit in elementis seu symbolis ejus, sed modo in memoriam, quapropter quidam ex fiducia, quod peccata per illam remittantur, obeunt illam, quidam quia credunt quod sanctificet, quidam quia fidem corroborat, & sic etiam promovet salutem ; illi autem qui leve de illa cogitant, ex sola consuetudine a pueritia frequentant illam, & quidam quia nihil rationis de illa vident, omitunt illam ; impii vero avertunt se ab illa, & secum dicunt, quid illa, nisi quædam Ceremonia, pro qua Sanctitas impressa est a Clero, nam quid ibi nisi Panis & Vinum, & quid nisi quam segmentum, quod Corpus Christi, quod pependit super cruce, & quod Sanguis Ipsius qui tunc effusus est, una cum Pane & Vino Communicantibus distribuantur, præter alia.

700. Tales ideaæ de Sanctissimo hoc Sacramento in toto Christianismo hodie foventur, unice, quia coincidunt cum sensu literæ Verbi, & sensus spiritualis hactenus latuit, & non prius quam hodie detectus est, in quo solo usus fructus Sanctæ Cenæ conspicitur in sua veritate. Quod hic Sensus nunc primum detectus sit, est causa, quia non prius fuit Christianismus nisi nomine tenus, & apud quosdam aliqua umbra ejus; non enim hactenus immediate Ipsum Salvatorem, ut unicum Deum, in Quo Divina Trinitas est, adiverter & coluerunt, sed solum mediate, quod non est adire & colere, sed modo venerari, ut causam propter quam homini est

est salus, quæ non est causa essentialis sed media, quæ est infra & extra illam. At vero quia nunc primum ipse Christianismus exoritur, Nova Ecclesia, quæ per Novam Hierosolymam in Apocalypsi intelligitur, a Domino nunc instauratur, in qua Deus Pater, Filius & Spiritus Sanctus ut unum, quia in una Persona, agnoscuntur, placuit Domino revelare Sensem spiritualem Verbi, ut hæc Ecclesia in ipsum usum fructum Sacramentorum, Baptismi & Sanctæ Cœnæ, veniat, quod fit, cum vident oculis spiritus fui, hoc est, intellectu, Sanctitatem, quæ inibi latet, & hanc sibi applicant per media, quæ Dominus in Verbo suo docuit.

701. Sanctitas Sacramenti, de quo hic agitur, absque Sensu spirituali Verbi aperto, seu quod idem, absque Correspondentiis naturalium cum spiritualibus reuelatis, non plus interius agnoscere potest, quam thesaurus reconditus in agro, qui non plus æstimatur quam ager vulgaris, at cum detegitur quod in agro illo sit thesaurus, æstimatur ager ille magno pretio, & emtor tunc opulexiam sibi inde appropriat; & plus adhuc, quando cognoscitur, quod in illo sit thesaurus omni auro pretiosior. Absque Sensu spirituali est illud Sacramentum, sicut Dominus occclusa, plena cimeliis & gazophysiaciis, quæ præteritur sicut domus alia in platea; at quia a Clero quoad parietes ædificata est ex marmore, & quoad tectum obducta est laminis auri, attrahitur visus prætereuntiam ad spectandum, laudandum & æstimandum; aliter, cum Domus illa aperta est, & cuivis datur copia intrandi, & custos suppeditat aliquibus inutuum inde, aliquibus donum inde, singulis secundum dignitatem; dicitur donum inde, quia pretiosa ibi sunt inexhausta, & supplerent continue; ita est cum Verbo quoad spiritualia ejus, & cum Sacramentis quoad cœlestia illorum. Sacramentum, de quo hic agitur, absque revelata fanicitate ejus, quæ intus lateat, apparet sicut arena fluvii, in qua granula auri inconspicua in multa copia sunt, at cum revelata est, est sicut aurum inde collectum, & fusum in massam, & hæc fabricata in pulchras formas. Sacramentum hoc absque Sanctitate ejus detecta & visa, est sicut arca & theca ex fago aut populo, in qua adamantes, rubini, & plures alii lapides pretiosi in loculis ordine dispositi jacent, quis non arcam & thecam illam æstimat, qui novit quod talia intus lateant, & plus cum videt illa, & quoque cum distribuuntur gratis. Sacramentum illud absque revelatis correspondentiis ejus cum Cælo, & sic non visis cœlestibus, quibus correspondet, est sicut Angelus viñus in Mundo in veste vulgari, qui modo secundum vestem honoratur; aliter prorsus cum noscitur, quod sit Angelus & auditur angelicum ex ore ejus, ac videntur mirabilia ex factis ejus. Qualis est Sanctitas solum prædicata, & qualis est Sanctitas visa, illustrare licet per exemplum hoc vivum & auditum in Mundo spirituali: lecta fuit Epistola a Paulo scripta tempore quo peregrinatus est in Mundo, sed non evulgata, præter quod ullus sciret, quod a Paulo; hæc primum ab auditoribus vilipensa est, at cum detectum est, quod una ex Epistolis Paulinis est, recepta est cum gaudio, ac omnia & singula ibi adorata sunt. Ex quibus patuit, quod sola prædicatio sanctitatis de Verbo & de Sacramentis, dum fit a Primitibus e Clero, quidem imprimat sanctitatem, sed aliter, quando ipsa sanctitas detegitur, & coram oculis fistitur videnda, quod fit per revelationem Sensus spiritualis; ex hoc Sanctitas externa fit interna, ac prædicatio ejus fit agnitio ejus. Simile est cum sanctitate Sacramenti Cœnæ.

Quod ex notis Correspondentiis sciatur, quid per Carnem & Sanguinem Domini intelligitur, & quod simile per Panem & Vinum, videlicet, quod per Carnem Domini & per Panem intelligatur Divinum Bonum Amoris Ipsijs & quoque omne Bonum charitatis, & quod per Sanguinem Domini & per Vinum, Divinum Verum Sapientiae Ipsijs, & quoque omne verum Fidei, & per Manducationem appropriatio.

702. Quoniam hodie Sensus spiritualis Verbi detectus est, & simul cum illo Correspondentiæ, quia hæ mediant; ideo solum adducentur loca e Verbo, ex quibus clare videri potest, quid per Carnem & Sanguinem, & per Panem & Vinum, in Sancta Cæna intelligitur; sed illis præmittetur ipsa Institutio Sacramenti istius a Domino; & quoque Doctrina Ipsijs de sua Carne & suo Sanguine, deque Pane & Vino.

703. INSTITUTIO SANCTÆ CÆNAE A DOMINO. Jesus fecit Pascha cum Discipulis, & cum vespera facta discubuit cum illis; & Jesus edentibus illis, accipiens PANEM, & benedicens, fregit & dedit Discipulis, & dixit, accipite, comedite, hic est CORPUS MEUM. Et accipiens POCULUM, & gratias agens dedit illis, dicens, bibite ex eo omnes, hoc est SANGUIS MEUS, ille Novi Testamenti, qui pro multis effunditur. Matth. XXVI: 26. 27. 28. Marc. XIV: 22. 23. 24. Luc. XXII: 19. 20.

DOCTRINA DOMINI DE SUA CARNE ET SUO SANGUINE, DEQUE PANE ET VINO. Operamini cibum, non qui perit, sed cibum, qui manet in vitam æternam, quem Filius hominis vobis dabit. Amen, amen, dico vobis, non Moses dedit vobis panem e Cælo, sed Pater meus dat vobis panem e Cælo. verum: Panis namque Dei est, Qui descendit de Cælo, & vitam dat Mundo. Ego sum Panis vitæ, qui venit ad Me, non esuriet, & qui credit in Me, non sitiет unquam. Ego sum Panis, qui descendit de Cælo. Amen, amen dico vobis, qui credit in Me, habet vitam æternam: Ego sum Panis vitæ. Patres vestri comederunt Manna in deserto, & mortui sunt: Hic est Panis, qui e Cælo descendit, ut quis ex eo comedit vivat & non moriatur. Ego sum Panis vivens, qui e Cælo descendit; si quis comederit ex hoc Pane, vivet in sæculum; Panis, quem Ego dabo, Caro mea est, quam Ego dabo pro Mundi vita. Amen, amen dico vobis, nisi comederitis Carnem Filii hominis, & biberitis Ejus Sanguinem, non habebitis vitam in vobis. Qui manducat meam Carnem, & bibit meum Sanguinem, habet vitam æternam, & Ego resuscitabo illum in extrema die: nam Caro mea est vere Cibus, & Sanguis meus est vere Potus. Qui manducat meam Carnem, & bibit meum Sanguinem, in Me manet, & Ego in illo. Joh. VI: 27. 32. 33. 35. 41. 47. 48. 49. 50. 51. 53. 54. 55. 56.

704. Quod per Carnem ibi non intelligatur caro, nec per Sanguinem sanguis, quis que e Cælo illustratus in se percipere potest: sed quod per utrumque in SENSU NATURALI intelligatur Passio crucis, cuius recordarentur; quare dixit, cum hanc Ultimi Paschatis Judaici, & Primi Paschatis Christiani Cænam instituit, *hoc facite in Mei recordationem*, Luc. XXII: 19. 1 Corinth. XI: 24. 25. Similiter, quod per Panem non intelligatur panis, nec per Vinum vinum, sed in NATURALI SENSI simile quod per Carnem & Sanguinem, videlicet Passio crucis Ipsijs, nam legitur, *Iesus Panem fregit, at dedit discipulis, & dixit, hoc est Corpus meum; & accipiens Poculum, & dedit illis, dicens, hoc est Sanguis meus*, Matth. XXVI. Marc. XIV: Luc.

Luc. XX: quare etiam Passionem crucis vocavit Poculum, Matth. XIV. 36. Joh. XVIII: 11.

705. Quod per quatuor illa, Carnem, Sanguinem, Panem & Vinum, intelligantur Spiritualia & Cælestia, quæ illis correspondent, constare potest ex locis in Verbo, ubi nominantur. Quod per CARNEM in Verbo intelligatur Spirituale & cælestis, constare potest ex his locis ibi „Venite & congregamini ad CÆNAM MAGNI DEI, ut comedatis Carnes regum, & Carnes chiliarchorum, & Carnes fortium, & Carnes equorum, & sedentium super illis, & Carnes omnium liberorum & servorum, & parvorum & magnorum, Apoc. XIX: 17. 18. Et apud Ezechielem „Congregate vos a circuitu super SACRIFICIUM MEUM, quod sacrificio vobis, SACRIFICIUM MAGNUM super montibus Iraelis, ut comedatis Carnem, & bibatis Sanguinem: Carnem fortium comedetis, & Sanguinem principum terræ bibetis; & comedetis adipem ad satietatem, & bibetis Sanguinem usque ad ebrietatem de Sacrificio meo; & satiabitimi super mensa mea, equo & curru, forti & omni viro belli. Sic dabo gloriam meam inter gentes. Cap. XXXIX: 17 ad 21. Quis non videt, quod in illis locis per Carnem non intelligatur Caro, nec per Sanguinem Sanguis, sed spiritualia & cælestia, quæ correspondent; quid alioquin, nisi vanæ & mirabiles expressiones forent, quod co-mederent carnes regum, chiliarchorum, fortium, equorum, & sedentium super illis, & quod satiarentur super mensa, equo, curru, forti & omni viro belli; & quod biberent sanguinem principum terræ, & sanguinem usque ad ebrietatem. Quod hæc dicta sint de Sancta Cæna Domini, clare patet, nam nominatur Cæna Magni Dei, & quoque Sacrificium magnum. Quoniam omnia spiritualia & cælestia unice se referunt ad bonum & verum, sequitur quod per Carnem intelligatur Bonum charitatis, & per Sanguinem verum fidei, & in supremo sensu Dominus quoad Divinum Bonum amoris & quoad Divinum Verum sapientiae. Bonum spirituale per Carnem etiam intelligitur per hæc apud Ezechielem „Dabo illis Cor unum, & spiritum novum dabo in medio vestri, & removebo Cor lapidis, & dabo illis Cor carnis, Ezech. XI: 19. Cap. XXXVI: 26; per Cor in Verbo significatur amor, inde per Cor carnis, amor boni. Præterea, quod per Carnem & Sanguinem, intelligatur bonum & verum, utrumque spirituale, amplius constat ex significatione Panis & Vini in nunc sequentibus, quoniam Dominus dicit, quod Caro Ipsius sit Panis, & quod Sanguis Ipsius sit Viam, quod e Poculo bibeatur.

706. Quod per Sanguinem Domini intelligatur Divinum Verum Ipsius & Verbi, est quia per Carnem Ipsius spiritualiter intelligitur Divinum Bonum amoris; & hæc duo in Domino unita sunt. Notum est, quod Dominus sit Verbum, ac duo sunt, ad quæ omnia Verbi se referunt, Divinum Bonum & Divinum Verum, quare si Verbum pro Domino assumitur, patet, quod illa duo per Carnem & Sanguinem Ipsius intelligantur. Quod per Sanguinem intelligatur Divinum Verum Domini seu Verbi, constat ex pluribus locis, ut quod Sanguis dictus fuerit Sanguis fæderis, & fædus est conjunctio, & hæc fit a Domino per Divinum Verum Ipsius, ut apud Sachariam, Per SANGUINEM FÆDERIS tui emittam vincos e fovea, IX: 11. & apud Mosen „Moës postquam legerat Librum legis in auribus populi, sparsit dimidium Sanguinis super populum, & dixit, ECCE SANGUIS FÆDERIS, quod pepigit Jehovah cum vobis super omnia verba hæc, Exod. XXIV: 3 ad 11. Et Jesus accipiens poculum, & dedit illis, dicens, hoc est Sanguis meus, ille Novi Fæderis, Matth. XXVI: 27. 28. Marc. XIV: 24. Luc. XXII: 20: per Sanguinem Novi Fæderis seu Testamenti, non aliud significatur, quam Verbum, quod vocatur Fædus & Testamentum, Ve-tus & Novum, ita Divinum Verum ibi: Quoniam per Sanguinem id significatur, ideo Dominus dedit illis Vinum, dicens, hoc est Sanguis meus, & Vinum significat Divinum Verum; quare id etiam vocatur Sanguis uvarum, Genes. XLIX: 11. Deut. XXXII: 14. Hoc patet adhuc ex Domini verbis „Amen, amen dico vobis, nisi comederitis Carnem Filii hominis, & biberitis Ipsius Sanguinem, non habebitis

bitis vitam in vobis, nam Caro mea est vere Cibus, & Sanguis meus est vere Potus: qui comedit meam Carnem, & bibit meum Sanguinem, ille in Me manet, & Ego in illo, Joh. VI: 50 ad 58: quod per Sanguinem hic intelligatur Divinum Verum Verbi, patet manifeste, quia dicitur, quod ille qui bibit habeat Vitam in se; ac maneat in Domino & Dominus in illo; quod hoc faciat Divinum Verum, & Vita secundum illud, & quod Sancta Cæna confirmet illud, notum potest esse in Ecclesia. Quoniam Sanguis significabat Divinum Verum Domini, quod etiam est Divinum Verum Verbi, & hoc est ipsum Fædus & Testamentum Vetus & Novum, ideo fuit Sanguis Sanctissimum Repræsentativum Ecclesiæ apud Filios Israelis, in qua omnia & singula fuerunt Correspondentiae naturalium cum spiritualibus „Ut quod sumerent de Sanguine Paschali, & darent super postes & superliminaria Domum, ne veniret super illos plaga; Exod. XII: 7. 13. 22. Quod Sanguis holocausti spargeretur super Altare, ad fundamenta ejus, & super Aharonom, Filios ejus, & Vestes eorum, Exod. XXIX: 12. 16. 20. 21. Levit. I: 5. 11. 15. Cap. III: 2. 8. 13. Cap. IV: 25. 30. 34. Cap. VIII: 15. 24. Cap. XVII: 6. Cap. VIII: 8. Deut. XII: 27. Tum super Vénum quod super Arca, super Propitiatorium ibi, & super cornua Altaris suffitus, Lev. IV: 6. 7. 17. 18. Cap. XVI: 12. 13. 14. 15. Per Sanguinem Agni simile significatur in Apocalysi, Hi laverunt stolas suas, & dealbaverunt illas in Sanguine Agni, Cap. VII: 14. & per hæc ibi, „Factum est bellum in Cælo, Michael & Angeli ejus pugnarunt contra Draconem, & vicerunt illum per Sanguinem Agni, & per Verbum testimonii sui, Cap. XII: 7. 11. Non enim cogitari potest, quod Michael & Angeli ejus per aliud vicerint Draconem, quam per Divinum Verum Domini in Verbo; nam Angeli in Cælo non cogitare possunt de aliquo Sanguine, nec cogitant de Passione Domini, sed de Divino Vero, & de Resurrectione Ipsius; quare cum homo cogitat de Sanguine Domini, Angeli percipiunt Divinum Verum Verbi Ipsius, & cum de Passione Domini, percipiunt glorificationem Ipsius, & tunc solum Resurrectionem; quod ita sit, datum est per multam experientiam nosse. Quod Sanguis significet Divinum Verum, patet etiam ex his apud Davidem, Deus animas egenorum servabit, pretiosus erit Sanguis illorum in oculis Iphus, & vivent, & dabit illis ex auro Schebae, Psalm LXXII: 13. 14. 15. 16; Sanguis pretiosus in oculis Dei pro Divino Vero apud illos; Aurum Schebae est sapientia inde; & apud Ezechielem „Congregate vos ad Sacrificium magnum super montibus Israelis, ut comedatis Carnem & bibatis Sanguinem, Sanguinem principum terra bibetis, & bibetis Sanguinem usque ad ebrietatem; sic dabo gloriam meam inter gentes, XXXIX: 17 ad 21. agitur ibi de Ecclesia quam Dominus apud Gentes instauratus est; quod per Sanguinem hic non possit intelligi Sanguis, sed Verum ex Verbo apud illos, videatur mox supra.

707. Quod per PANEM simile intelligatur quod per Carnem, constat clare ex Domini verbis „Jesus accipiens PANEM, fregit & dedit, dicens, hic est Corpus meum, Matth. XXVI: Marc. XIV: Luc. XXII. tum, PANIS, quem Ego dabo, Caro mea est, quam Ego dabo pro Mundi vita; Joh. VI: 51. & quoque dicit, quod Ipse sit PANIS VITÆ, qui manducat ex hoc PANE, VIVET IN ÆTERNUM, Joh. VI: 48. 51. 58. Hic Panis etiam est, qui intelligitur per Sacrificia, quæ vocantur Panis in sequentibus locis; Illa adolebit Sacerdos super Altari, PANIS IGNITI JEHOVÆ, Levit. III: 11. 16. Filii Aharonis sancti erunt Deo suo, neque prophanabunt Nomen Dei sui, quia IGNITA JEHOVÆ, PANEM DEI SUI illi offérentes. Sauctificabis illum, quia PANEM DEI TUI ille offerens. Vir de Semine Aharonis, in quo fuerit macula, non accedet ad offerendum PANEM DEI SUI, Levit. XXI: 6. 8. 17. 21. Præcipe filii Israëlis, & dicas ad eos, Oblationem meam, PANEM MEUM, IN IGNITA ODORIS QUIETIS, observabis, ut offeratis Mihi in statu tempore, Num. XXVIII: 2. Qui tergerit immundum, non comedet de sanctificatis, sed lavabit carnem suam in aqua, & postea comedet de sanctificatis, QUA PANIS EJUS HOC, Levit. XXII: 6. 7, comedere ex

ex sanctificatis erat Carnem ex sacrificiis, quæ hic quoque vocatur Panis; præter apud Malachiā, Cap. I: 7. Per MINCHAS in sacrificiis, quæ erant ex simila tritici, ita Panis, nec aliud significabatur, Levit. II: 1 ad 11. Cap. VI: 6 ad 14. Cap. VII: 9 ad 13, & alibi. Nec aliud per PANES super Mensa in Tabernaculo, qui vocabantur Panes facierum ac propositionis, de quibus Exod. XXV: 30. Cap. XL: 23. Levit. XXIV: 5 ad 10. Quod non panis naturalis per Panem intelligatur, sed Panis cœlestis, patet ex his „*Non per Panem solum vivit homo, sed per omne quod exit ex ore Jehovæ vivit homo*”, Deut. XVIII: 2. 3. *Immittam famem in terram, non famem ad panem, neque fitim ad aquos, sed ad audiendum verba Jehovæ*, Amos VIII: 11. Præterea per Panem intelligitur omnis Cibus, Levit. XXIV: 5 ad 9. Exod. XXV: 30. Cap. XL: 23. Num. IV: 7. 1 Reg. VII: 48. Quod etiam Cibus spiritualis, patet ab his Domini verbis „*Operamini Cibum, non qui perit, sed Cibum, qui manet in vitam aeternam, quem Filius hominis vobis dabit*”, Joh. VI: 27.

708. Quod per VINUM simile intelligatur quod per Sanguinem, patet clare a Domini Verbis „*Jesus sumens poculum dicens, hoc est Sanguis meus*”, Matth. XXVI: Marc. XIV. Luc. XXII. tum ex his „*Lavat in VINO vestimentum suum, & in SANGUINE UVARUM velamen suum*”, Genes. XLIX: 11, hæc de Domino. *Faciet Jehovah Zebaoth omnibus populis convivium pinguedinum, convivium fecum seu VINI SUAVIS*, Cap. XXV: 6; hæc de Sacramento Sanctæ Cænæ a Domino instituendæ. Apud Eundem „*Omnis sitiens ite ad aquas, & cui non argentum, ite, emite, & comedite, & emite sine argento VINUM*”, Cap. LV: 1. Per GENIMEN VITIS, quod novum bibituri sunt in Regno Cœlesti, Matth. XXVI: 29. Marc. XIV: 22. Luc. XXII: 17. 18, non aliud intelligitur quam Novæ Ecclesiæ & Cœli Verum; quare etiam Ecclesia multis locis in Verbo vocatur VINEA, ut Esaj. V: 1. 2. 4. Matth. XX: 1 ad 13. & Dominus se vocat VITEM VERAM, & homines qui inseruntur illi, PALMITES, Joh. XV: 1. 5. præter plura alibi.

709. Ex his nunc constare potest, quid per Domini Carnem & Sanguinem, per que Panem & Vinum, in triplici Sensu, Naturali, Spirituali & Cœlesti intelligitur. Omnis homo imbutus religione in Christianismo, potest scire, & si non scit, potest discere, quod detur Nutritio naturalis & Nutritio spiritualis, & quod Nutritio naturalis sit pro Corpore, at Nutrito spiritualis pro Anima, nam dicit Jehovah Dominus apud Mosen „*Non per panem solum vivit homo, sed per omne quod exit ex ore Jehovæ vivit homo*”, Deut. XVIII: 2. 3. Nunc quia Corpus moritur, & Anima post mortem vivit, sequitur, quod Nutritio spiritualis sit pro salute æterna: quis deinde non videt, quod binæ illæ Nutritiones minime confundendæ sint, & quod si quis confundit illas, non possit aliter de Domini Carne & Sanguine, deque Pane & Vino, quam ideas naturales & sensuales, quæ sunt materiales, corporeæ & carnales, sibi afflumere, quæ ideas spirituales de Sanctissimo hoc Sacramento suffocant. Si autem quis ita simplex est, ut non cogitare possit aliud ex intellectu, quam videt oculo, suadeo ut de Sancta Cæna, dum sumit Panem & Vinum, ac audit tunc nominari Carnem & Sanguinem Domini, cogitet secum, quod sit Sanctissimum Cultus, ac recordetur Passionis Christi, & Ipsius Amoris pro salute hominis, nam dicit, *Hoc facite in Mei recordationem*, Luc. XXII: 19. tum, *Filius hominis venit ut det Animam redēptionem pro multis*, Matth. XX: 28. Marc. X: 4. *Ego Animam meam pono pro ovibus*, Joh. X: 15. 17. Cap. XV: 13.

710. Hoc quoque illustrari potest per Comparationes: Quis non recordatur ejus & amat illum, qui ex zelo amoris pro Patria pugnat cum hoste usque ad mortem, ut per id liberat illam a jugo servitutis. Et quis non recordatur ejus & amat illum, qui dum videt concives in extrema egestate, ac mortem illorum ex ingravescente fame ante oculos, & tunc ex miseratione omne suum Argentum & Aurum e domo sua educit, & gratis distribuit: & quis non recordatur ejus & amat il-

illum, qui ex amore & amicitia sumit unicum agnum quem possidet, & hunc mactat & apponit convivis: & sic porro.

*Quod ex his intellectis comprehendendi possit, quod Sancta Cæna
universaliter & singulariter contineat omnia Ecclesia
& omnia Cæli.*

711. In Articulo præcedente ostensum est, quod in Sancta Cæna sit Ipse Dominus, & quod Caro & Panis sint Ipse quoad Divinum Bonum Amoris, & quod Sanguis & Vinum sint Ipse quoad Divinum Verum Sapientiæ, quare Tria sunt quæ Sancta Cæna involvit, nempe Dominum, Divinum Ipsiæ Bonum & Divinum Ipsiæ Verum. Cum itaque Sancta Cæna hæc Tria includit, & continet; sequitur quod etiam includat & continet Universalia Cæli & Ecclesiæ: & quia omnia singularia ab Universalibus dependent, sicut contenta a suis continentibus, sequitur etiam, quod Sancta Cæna includat & continet omnia singularia Cæli & Ecclesiæ. Ex his primum constat, quod quia per Domini Carnem & Sanguinem, & similiter per Panem & Vinum, intelligitur Divinum Bonum & Divinum Verum, utrumque a Domino & Dominus, Sancta Cæna continet universaliter & singulariter omnia Cæli & Ecclesiæ.

712. Notum etiam est, quod Essentialia Ecclesiæ sint Tria, nempe Deus, Charitas & Fides, & quod omnia ibi se referant ad Tria illa, ut ad sua Universalia: hæc eadem sunt cum supra dictis, nam Deus in Santa Cæna est Dominus, Charitas est Divinum Bonum, & Fides est Divinum Verum; quid Charitas aliud quam bonum quod homo facit a Domino, & quid Fides nisi verum quod homo credit a Domino. Inde est, quod Tria sint in homine quoad Internum ejus, nempe Anima seu Mens, Voluntas & Intellectus, hæc Tria sunt Receptacula trium illorum universalium, ipsa Anima seu Mens est Receptaculum Domini, inde enim vivit, Voluntas est receptaculum amoris seu boni, ac Intellectus est receptaculum sapientiæ seu veri, quare omnia & singula in Anima seu Mente, non modo se referunt ad tria illa universalia Cæli & Ecclesiæ, sed etiam procedunt ex illis; dic quicquam quod procedit ex homine, in quo non Mens, Voluntas & Intellectus sunt, si auferretur unum ex illis, num homo plus esset, quam quoddam inanime. Similiter sunt tria in homine quoad externum ejus, ad quæ etiam omnia & singula se referunt & a quibus dependent; videlicet Corpus, Cor, & Pulmo: hæc tria Corporis etiam correspondent tribus Mentis, Cor Voluntati, & Pulmo seu Respiratio Intellectui: quod talis Correspondentia sit, in anteactis plene ostensum est. Ita nunc omnia & singula in homine tam universaliter quam singulariter formata sunt: ut receptacula trium illorum universalium Cæli & Ecclesiæ. Causa est, quia homo creatus est imago & similitudo Dei, proinde ut sit in Domino & Dominus in illo.

713. E contra sunt tria Universalibus illis opposita, quæ sunt Diabolus, Malum & Falsum; Diabolus per quem intelligitur Infernum, est in opposito contra Dominum, Malum est in opposito contra Bonum, & Falsum contra Verum, hæc tria unum faciunt, nam ubi diabolus est, ibi etiam malum & inde falsum est. Hæc tria etiam universaliter & singulariter continent omnia Inferni, & quoque omnia Mundi, quæ contra Cælum & Ecclesiam sunt. Sed quia opposita sunt, ideo prorsus separata sunt, sed usque continentur in nexu per mirabilem subiectiōnem totius inferni sub Cælo, mali sub bono, & falsi sub vero, de qua subiectiōne in Opero de CÆLO ET INFERNO actum est.

714. Ut Singulalia continantur in suo ordine & nexu, necessum est, ut sint Uni-

Universaliā a quibus existunt, & in quibus subsistunt; & quoque necessum est, ut Singularia in quadam imagine referant sua Universalia, alioquin periret totum cum partibus; hæc Relatio facit, ut omnia universi conservata sint in sua integritate a primo Creationis die huc usque & ulterius; quod omnia in Universo se referant ad bonum & verum, notum est; causa est quia omnia a Deo ex Divino Bono amoris per Divinum Verum Sapientiæ creata sunt. Sume quocunque libet sive animal, sive fruticem, sive lapidem, sunt illa tria universalissima in quadam relatione illis inscripta.

715. Quoniam Divinum Bonum & Divinum Verum sunt universalissima omnium Cæli & Ecclesiæ, ideo etiam Malkizedeck, qui repræsentavit Dominum, eduxit ad Abramum Panem & Vinum, & benedixit illi; de Malkizedeck ita legitur „*Malkizedeck Rex Schalemi eduxit ad Abramum Panem & Vinum, & hic Sacerdos Deo Altissimo, & benedixit illi*, Genes. XIV: 18. 19. Quod Malkizedeck repræsentaverit Dominum, constat ex his apud Davidem, *Tu Sacerdos in æternum juxta modum Malkizedeki*, Psalm CX: 4. quod hæc de Domino, videatur Hebr. 5. 6. 8. 10. Cap. VI: 20. Cap. VII: 1. 10. 11. 15. 17. 21. Quod eduxerit Panem & Vinum fuit causa; quia illa duo omnia Cæli & Ecclesiæ, ita omnia Benedictio- nis includunt, similiter ut Panis & Vinum in Sancta Cæna.

Quod in Sancta Cæna sit totus Dominus, & tota Ipsius Redemptio.

716. Quod in Sancta Cæna sit totus Dominus tam quoad Humanum glorificatum, quam quoad Divinum ex Quo Humanum, evidens est ex iplissimis Ipsiis verbis. Quod Humanum Ipsiis in Sancta Cæna præsens sit, ex his „*Iesus accipiens Panem, ac fregit & dedit discipulis, & dixit, Hic est Corpus meum: & accipiens Poculum dedit illis, dicens, Hoc est Sanguis meus*”, Matth. XXVI: Marc. XIV: Luc. XXII. Tum apud Johannem „*Ego sum Panis vitiæ, si quis comederit ex hoc Pane, vivet in æternum; Panis quem Ego dabo, Caro mea est; amen, amen dico vobis, qui manducat meam Carnem, & bibit meum Sanguinem, in Me manet, & Ego in illo, & vivit in æternum*”, Joh. VI: ex his evidenter constat, quod Dominus quoad Humanum suum glorificatum, in Sancta Cæna sit. Quod etiam totus Dominus quoad Divinum suum, a Quo Humanum, præsens in Sancta Cæna sit, evidens est ex his, Quod Ipse sit Panis, qui e Cælo descendit, Joh. VI: e Cælo descendit cum Divino, nam dicitur, *Verbum erat apud Deum, & Deus erat Verbum, omnia per Ipsum facta sunt; & Verbum Caro factum est*, Joh. I: 1. 3. 14. & porro ex his, quod Pater & Ipse unum sint, Joh. X: 30. Quod omnia Patris sint Ipsiis, Joh. III: 35. Cap. XVI: 15. Quod Ipse in Patre & Pater in Ipso sit, Joh. XIV: 10. 11. &c. & porro, quod Divinum Ipsiis non plus separari possit ab Humano Ipsiis, quam Anima a Corpore; quare cum dicitur, quod totus Dominus quoad Humanum Ipsiis in Sancta Cæna sit, sequitur quod Divinum Ipsiis a Quo, simul etiam ibi sit. Nunc quoniam Caro Ipsiis significat Divinum Bonum amoris Ipsiis, & Sanguis Divinum Verum sapientiæ Ipsiis, patet quod totus Dominus tam quoad Divinum, quam quoad Humanum glorificatum, Omnipræsens in Sancta Cæna sit; consequenter quod sit Mandatio spiritualis.

717. Quod in Sancta Cæna tota Domini Redemptio sit, consequitur ex nunc dictis, nam ubi totus Dominus est, ibi quoque tota Ipsiis Redemptio est; Ipse enim quoad Humanum est Redemptor, proinde etiam ipsa Redemptio; non potest quicquam Redemptionis absesse, ubi Ille totus est; quapropter omnes illi, qui digne Sanctam Communionem obeunt, fiunt Redempti Ipsiis: & quia per Redemp-

tionem intelliguntur Liberatio ab Inferno, Coniunctio cum Ipso, & Salvatio, de quibus infra in hoc Capite, & plenius in Capite de Redemptione, ideo illi fructus addicantur homini; non vero quantum Dominus vult, quia ex Divino suo Amore vult addicare omnia, sed quantum homo recipit, & qui recipit, ille est redemptus in eo gradu, quo recipit. Ex quibus constat, quod effectus & fructus Redemptionis Domini ad illos, qui digne accedunt, redeant.

718. Apud unumquemque hominem sapum, est facultas recipiendi sapientiam a Domino, hoc est, multiplicandi Vera, a quibus sit illa, in æternum; & quoque recipiendi amorem, hoc est, fructificandi bona, ex quibus est ille, similiter in æternum: perpetua hæc fructificatio boni & inde amoris, & perpetua illa multiplicatio veri & inde sapientiae, datur apud Angelos, & quoque datur apud homines, qui fiunt Angeli: & quia Dominus est ipse Amor & ipsa Sapientia, consequitur quod homini sit facultas conjungendi se Domino, & Dominum sibi in perpetuum; sed usque quia homo finitus est, non potest ei conjungi Ipsum Divinum Ejus, sed solum adjungi; sicut, pro illustratione, non potest Lux solis conjungi Oculo, nec Sonus aeris conjungi Auri, sed modo eis adjungi, & sic dare facultatem videndi & audiendi; homo enim non est Vita in se, sicut Dominus etiam quoad Humanum, Joh. V: 26., sed est receptaculum vitae, & ipsa Vita est, quæ homini adjungitur, sed non conjungitur. Hæc addita sunt propter finem, ut intelligatur quia ratione totus Dominus & tota Ipsiſus Redemptio in Sancta Cæna adest.

Quod Dominus præsens sit, & aperiat Cælum illis, qui ad Sanctam Cænam digne accedunt, & quod etiam præsens sit apud illos qui indigne, sed quod his non aperiat Cælum: consequenter quod sicut Baptismus est introductio in Ecclesiam, ita Sancta Cæna sit introductio in Cælum.

719. Quinam sunt, qui ad Sanctam Cænam digne accedunt, agitur in duobus subsequentibus Articulis, & simul tunc de illis qui indigne; nam ex uno quod affirmatur, cognoscitur alterum ex oppositione. Quod Dominus tam apud dignos, quam apud indignos præsens sit, est quia est Omnipræsens, tam in Cælo quam in Inferno, & quoque in Mundo, proinde apud malos æque ac apud bonos; sed apud bonos, hoc est, regeneratos, est universaliter & singulariter præsens, est enim Dominus in illis & illi in Domino, & ubi Dominus ibi Cælum; Cælum etiam facit Corpus Domini, quare in Corpore Ipsiſus esse, est simul in Cælo.. Sed præsentia Domini apud illos qui indigne accedunt, est præsentia Ipsiſus universalis, non autem singularis, seu quod idem, est præsentia externa, non simul interna; & præsentia Ipsiſus universalis seu externa facit, ut homo vivat homo, & gaudeat facultate sciendi, intelligendi, & ex intellectu rationaliter loquendi, est enim homo natus ad Cælum, & ideo etiam spiritualis, non autem, sicut bestia, solum naturalis; gaudet etiam facultate volendi & faciendi illa, quæ intellectus potest scire, intelligere, & inde rationaliter loqui; sed si Voluntas renuit ad Intellectus vere rationalia, quæ etiam intrinsecus spiritualia sunt, tunc homo fit Externus, quare apud illos, qui solum intelligunt quid verum & bonum, est præsentia Domini universalis seu externa; at apud illos qui etiam volunt & faciunt verum & bonum, est præsentia Domini & universalis & singularis, seu & interna & externa. Illi qui solum intelligunt & loquuntur vera & bona, comparative sunt Virgines stultæ, quæ habebant lampades sed nom oleum; at qui non modo intelligunt & loquuntur vera & bona, sed etiam volunt & faciunt illa, sunt Virgines prudentes, quæ intromissæ sunt in nuptiis, at priores foris steterunt & pulsarunt, sed non intro-

mis-

missæ, Matth. XXV: 1 ad 12. Ex his constat, quod Dominus præsens sit, & aperiat Cælum illis, qui ad Sanctam Cænam digne accedunt, & quod etiam præsens sit apud illos, qui indigne, sed quod apud hos non aperiat Cælum.

620. Sed usque non credendum est, quod Dominus illis qui indigne accedunt, claudat Cælum, hoc non facit ulli homini usque ad extremum vitæ ejus in Mundo, sed quod homo sibi ipsi illud claudat; quod facit per rejectionem fidei & per malum vitæ; sed usque homo jugiter tenetur in statu possibili pœnitentiae & conversionis; nam Dominus perpetuo adeat & urget ut recipiatur, dicit enim, *consisto ad januam & pulsō, si quis audiverit vocem meam, & aperuerit, ingrediar, & cænabo cum illo et ille tecum*, Apoc. III: 20: quare in culpa est ipse homo, qui non aperit januam. Alter sit post mortem, tunc Cælum clausum est, & non apertibile illis, qui usque ad finem vitæ indigne ad Sanctam Mensam accesserunt, nam tunc interiora mentis illorum fixata & constabilita sunt.

721. Quod Baptismus sit introductio in Ecclesiam, in Capite de Baptismo ostendit; quod autem Sancta Cæna sit introductio in Cælum, ex supradictis & perceptis constat. Duo illa Sacraenta, Baptismus & Sancta Cæna, sunt sicut duæ Portæ ad vitam æternam, omnis homo Christianus per Baptismum, qui est Prima porta, intramittitur & introducitur in illa, quæ Ecclesia ex Verbo de Vita altera docet, quæ omnia sunt media, per quæ homo præparari & duci potest ad Cælum. Altera porta est Sancta Cæna, per illam intromittitur & introducitur omnis homo, qui præparari & duci se passus est a Domino, in Cælum: universales Portæ plures non dantur. Hæc duo comparari possunt cum Principe nato ad regnum, quod priimum introducatur in cognitiones quæ gubernationis sunt, alterum est Coronatio ejus & regimen. Comparari etiam possunt cum Filio nato ad magnam hæreditatem, qui primum discet & imbuet talia, quæ ad justam dispositionem possessionum & opum pertinent, alterum est possessio & administratio. Comparari etiam possunt cum ædificatione domus, & cum ejus habitatione: & quoque cum instructione hominis ab infantia, usque ad ætatem dum sit sui juris & judicij, & cum ejus rationali & spirituali vita postea; una Periodus necessario præcedet, ut altera obtineatur, nam hæc absque illa non dabilis est. Per hæc illustratum est, quod Baptismus & Sancta Cæna sint sicut duæ Portæ, per quas homo ad vitam æternam introducitur, & quod post primum Portam sit campus, quem percurret, & quod altera sit meta, ubi adorea ad quam cursum direxit; non enim datur palma, nisi quam post velitationem, nec præmium nisi quam post decertationem.

Quod illi ad Sanctam Cænam digne accedant, qui in fide in Domum & in charitate erga proximum sunt, ita qui regenerati sunt.

722. Quod Deus, Charitas & Fides, sint tria universalia Ecclesiæ, quia sunt universalia media salutis, scitur, agnoscitur & percipitur a quovis Christiano, qui studet Verbo. Quod Deus aguoscendus sit, ut alicui sit Religio, & in illo aliquid Ecclesiæ, ipsa Ratio in qua aliquid spirituale est, dictat; quare qui ad Sanctum Cænam accedit, & Deum non agnoscit, illam prophanat, oculo enim videt Panem & Vinum, & lingua gustat illa, at mens cogitat, quid hoc nisi adiaphoron, & quid differunt a similibus super mea mensa, quod tamen facio, ne a Sacerdotio, & inde a vulgo infamiæ, quod atheus sim, inculper. Quod post agnitionem Dei, Charitas sit alterum medium, quod facit ut quis digne accedat, constat tam ex Verbo, quam ex orationibus prælectis ante accessionem in toto Christiano Orbe; ex VERBO, *Quod primarium mandatum & præceptum sit, ut Deum super*

super omnia ament, & proximum sicut seipsum; Matth. XXII: 34 ad 39. Luc. XI: 25 ad 28. Tum apud Paulum, quod sint tria, quae conferunt ad salutem, & quod illorum maxima sit Charitas, I. Cor. XIII: 13, ut & ex his, Scimus quod peccatores Deus non audiatur, sed si quis Deum colit, & voluntatem ejus facit, hunc audiatur, Joh. IX: 31. Omnis qui non facit fructum bonum, exscinditur & in ignem conjicitur, Matth. VII: 19. 20. Luc. III: 8: 9: ex ORATIONIEBUS PRÆLECTIS ANTE ACCESIONEM AD SANCTAM CÆNAM IN TOTO CHRISTIANO ORBE; in illis ubivis ferio admonentur, ut sint in charitate per reconciliationem & pænitentiam, ex quibus hic solum transcribam hæc ex Oratione ad communicantes in Anglia., Hæc est via, & hoc est medium, ut quis fiat dignus particeps Sanctæ Cænæ: primarium est, ut explorat suæ vitæ facta & commercia secundum normam præceptorum Dei; & in quibuscumque animadvertisse offendisse voluntate & loquela, aut factis, tunc deploret vitiosam suam naturam, & confessionem faciat coram omnipotente Deo, cum pleno proposito emendandi vitam; & si animadvertisse offendas ejus esse tales, ut non modo sint contra Deum, sed etiam contra proximum, tunc reconciliabit se illi, & promptus erit ad restitutionem & satisfactionem ex omnni potentia sua, propter injurias & mala alicui facta, & finaliter promptus erit ad remittendum aliis offensas, quæcumadmodum vult ut offensæ suæ remittantur a Deo; alioquin receptio Sanctæ Cænæ non facit nisi quam aggravet damnationem. Quapropter si quis vestrum est blasphemator Dei, obrectator & fugillator Verbi Ipsiœ, aut in malitia vel in malevolentia, aut in alio enormi crimen, pænitentiam a peccatis age; si non, ad Sanctam Cænam ne accedas: alioquin post receptionem Sanctæ Cænæ diabolus intraturus est in te, sicut intravit in Judam, & impetrurus te omni iniustitate, & destrukturus & corpus & animam. Quod Fides in Dominum sit tertium Medium dignæ fruitionis Sanctæ Cænæ, est quia charitas & fides unum faciunt, sicut calor & lux tempore veris, ex quibus duobus conjunctis renascitur omnis arbor; similiter ex calore spirituali, qui est charitas, & ex luce spirituali, quæ & veritas fidei, vivit omnis homo. Quod fides in Dominum hoc faciat constat ex his locis, Qui credit in Me, non morietur in æternum, sed vivet, Joh. XI: 25. 26. Hec est voluntas Patris, ut omnis qui credit in Filium, habeat vitam æternam, Joh. VI: 40. Adeo dilexit Deus Mundum, ut Filium suum unigenitum dederit, ut omnis qui credit in Ipsum habeat vitam æternam, Joh. III: 15. 16. Qui credit in Filium, habet vitam æternam, qui vero non credit Filio, non videbit vitam, sed ira Dei manet super illo, Joh. III: 36. Sumus in veritate, in Filio Dei Jesu Christo, Hic est verus Deus & vita æterna, I. Joh. V: 20. 21.

723. Quod per tria hæc, Dominus, Charitas & Fides, ut unum, regeneretur homo, & quod nisi quis regeneratur, non venire possit in Cælum, in Capite de REFORMATIONE ET REGENERATIONE ospensum est, quare Dominus non aliis quam regeneratis potest aperire Cælum, & post mortem naturalem non aliis in illud datur introductio. Per Regeneratos, qui digne accedunt, intelliguntur qui interius in tribus illis Essentialibus Ecclesiæ & Cæli sunt, non autem illi qui duntaxat exterius, hi enim non anima sed solum lingua confitentur Dominum, & non corde sed solum corpore exercent charitatem erga proximum; tales sunt omnes, qui operantur iniustitatem, secundum hæc Domini verba, Tunc incipietis dicere, Domine, edimus coram Te & bibimus, sed dicam vobis, non novi vos unde estis, discedite a me omnes operari iniquitatis, Luc. XXIII: 26. 27.

724. Hæc sicut priora illustrati possunt per varia quæ concordant, & quoque quæ correspondent, sicut per hæc Quod ad Mensam Imperatoris & Regis non admittantur alii, quam qui in honorifica functione & dignitate sunt, & quod hi quoque, antequam accedunt, amiciant se decoris vestibus, & exhortent insignibus, ut accepti accedant & faveantur; quid non ad Mensam Domini, qui est Dominus dominorum, & Rex regum, Apoc. XVII: 14, ad quam omnes vocati & invitati sunt,

sunt; at solum illi qui spiritualiter digni sunt, & in honorifico vestitu, postquam resurgunt e mensa, intromittuntur in palitia cæli, & in gaudia ibi, & honorantur ut principes, quia sunt Maximi Regis filii, & postea quotidie discubunt cum Abrahamo, Isaco & Jacobo, Matth. VIII: 11, per quos intelligitur Dominus quoad Divinum Cælestis, Divinum Spirituale, & Divinum Naturale. Eadem illa etiam comparari possunt cum Nuptiis in terra, ad quas invitantur solum consanguinei, propinqui & amici sponsi & sponsæ, si alius intrat, quidem admittitur, sed quia non habet locum ad mensam, recedit; simile est cum illis qui ad nuptias Domini ut Sponsi cum Ecclesia ut Sponsa, vocati sunt, inter quos sunt propinqui, cognati & amici illi, qui trahunt stemma per regenerationem a Domino. Præterea quis in Mundo initiatur in amicitiam alterius, nisi qui sincero corde ei fidel, & ejus voluntatem facit, hunc & non alios inter suos numerat, & ei sua bona concredere.

Quod illi, qui ad Sanctam Cænam digne accedunt, sint in Domino, & Dominus in illis, proinde quod per Sanctam Cænam fiat conjunctio cum Domino.

725. Quod illi ad Sanctam Cænam digne accedant, qui in fide in Dominum & in charitate erga proximum sunt; & quod veritates fidei sistant præsentiam Domini, & bona charitatis una cum fide conjunctionem, in pluribus Capitibus supra demonstratum est: ex quibus sequitur, quod illi qui digne ad Sanctam Cænam accedunt, conjungantur Domino, & qui conjuncti sunt Domino, sint in Ipsi & Ipse in illis; quod hoc fiat illis qui digne accedunt, declarat Ipse Dominus apud Johannem, his verbis, *Qui manducat meam Carnem, & babit meum Sanguinem, in Me manet & Ego in illo*, VI: 56; quod hoc sit conjunctio cum Domino, docet etiam alibi apud Eundem „*Manete in Me, etiam Ego in vobis, qui manet in Me & Ego in illo, hic fert fructum multum*”, XV: 4. 5. & Apoc. III: 20. Quid Conjunctionis cum Domino aliud, quam esse inter illos, qui in Corpore Ipsius sunt, & Corpus Ipsius faciunt illi, qui credunt in Ipsum, & faciunt voluntatem Ipsius; Voluntas Ipsius est exercitium Charitatis secundum vera fidei.

726. Quod absque conjunctione cum Domino, non dari possit Vita æterna & Salus, est, quia Ipse est utraque; quod sit VITA ÆTERNA, constat clare ex locis e Verbo; & ex hoc apud Johannem „*Iesus Christus est Verus Deus & Vita æterna*”, I Joh. V: 21. Quod sit SALUS, est quia hæc & vita æterna unum sunt; Nomen Ipsius JESUS etiam significat Salutem, & inde in toto Christiano Orbe nominatur SALVATOR. Sed usque non alii digne accedunt ad Sanctam Cænam, quam qui interius conjuncti sunt Domino, ac interius conjuncti sunt, qui regenerati sunt; at quinam regenerati sunt, in Capite de REFORMATIONE ET REGENERATIONE, ostensum est. Præterea sunt multi, qui confitentur Dominum, & qui bonum faciunt proximo, sed si hoc non faciunt ex amore erga proximum, & ex fide in Dominum, non sunt regenerati, nam bonum faciunt proximo solum propter causas, quæ spectant mundum & semet, non autem proximum ut proximum; horum opera sunt mere naturalia, quæ intus in se non aliquid spirituale recondunt, nam iidem confitentur Dominum solum ore & labiis, a quibus Cor longe abest: ipse amor erga proximum, & ipsa fides, sunt ex Solo Domino, & utraque datur homini, dum hic ex libero suo arbitrio naturaliter facit proximo bonum, & rationaliter veritates credit, & ad Dominum spectat, & tria illa propter mandata in Verbo, tunc Dominus in medio ejus implantat charitatem & fidem, & utramque facit spiritualem: sic Dominus sibi conjungit hominem, & homo se Domino, nam

Coniunctio, nisi fiat reciproce, non datur. Sed hæc in Capitibus de CHARITATE & FIDE, de LIBERO ARBITRIO, & de REGENERATIONE, plene ostensa sunt.

727. Quod per invitationes ad mensas, & per epulationes, fiant coniunctiones & consociationes in Mundo, notum est, nam per id invitator aliquid intendit, quod confert ad aliquem finem, qui spectat consensum aut amicitiam; multo magis invitationes, quæ pro fine habent spiritualia: Convivia in Antiquis Ecclesiis fuerunt convivia charitatis, similiter in primitiva Ecclesia Christiana, in quibus confirmabat unus alterum, ut in Cultu Domini ex sincero corde manerent. Commessiones filiorum Israels ex sacrificiis juxta Tabernaculum, non aliud quam unanimitatem in cultu Jehovæ significabant; quare Caro, quæ comedebatur, vocabatur Sancta, Jerem. XI: 15. Hagg. II: 12, & multoties alibi, quia ex sacrificio; quid non Panis & Vinum, & Caro Paschalis super Cœna Domini, qui se sacrificium obtulit pro totius Mundi peccatis. Præterea Coniunctio cum Domino per Sanctam Cœnam, illustrari potest, per Coniunctionem familiarum ex uno Patrefamilias; ex hoc descendunt consanguinei, & in ordine affines & cognati, & omnes illi trahunt aliquid ex prima stirpe; at vero non trahunt ita Carnem & Sanguinem, sed ex carne & sanguine, ita animam & inde inclinationem ad similia, per quæ coniuncti sunt; ipsa coniunctio etiam appareat communiter in faciebus & quoque in moribus, & inde vocantur una Caro, ut Genes. XXIX: 14. Cap. XXXVII: 27. II Sam. V: 1. Cap. XIX: 12. 13, & alibi. Simile est cum coniunctione cum Domino, qui est omnium fidelium & beatorum Pater; Coniunctio cum Illo fit per amorem & fidem, per quæ duo vocantur una Caro; inde est, quod dixerit, *Quod qui manducat Carnem meam & bibit Sanguinem meum, in Me maneat & Ego in illo.* Quis non videt, quod Panis & Vinum, hoc non faciant, sed quod bonum amoris, quod per Panem intelligitur, ac verum fidei quod per Vinum, quæ sunt propria Domini, & ex Ipso Solo procedunt & communicantur; omnis etiam coniunctio fit per amorem, & amor non est amor absque fiducia. Illi, qui credunt, quod Panis sit Caro, & Vinum Sanguis, & non ultra possunt elevare cogitationem, maneat in illo, sed non aliter, quam quod sanctissimum, quod coniunctivum est cum Domino, sit quod attribuitur & appropriatur homini scut ejus, tametsi jugiter manet Domini.

*Quod Sancta Cœna sit illis, qui digne accedunt, sicut obsignatio
& sigillum quod filii Dei sint.*

728. Quod Sancta Cœna sit illis, qui digne accedunt, sicut obsignatio & sigillum quod filii Dei sint, est, quia ut supra dictum est, tunc Dominus præsens est, intromittit in Cælum illos, qui ab Ipso nati sunt, hoc est, regenerati: quod Sancta Cœna hoc faciat, est quia Dominus tunc etiam quoad Humanum suum adest, nam supra ostensum est, quod in Sancta Cœna totus Dominus præsens sit, & tota Ipsius Redemptio; dicit enim de Pane, hic est Corpus meum, & de Vino, hoc est Sanguis meus; proinde admittit illos tunc in suum Corpus, & Ecclesia & Cælum faciunt Corpus Ipsiū. Quando homo regeneratur, quidem Dominus præsens est, & per Divinam suam operationem præparat hominem ad Cælum, verum ut actualiter intret, homo actualiter se sistet Domino, & quia Dominus actualiter se sistit homini, homo actualiter recipiet Ipsum, ast non sicut pendit in cruce, sed sicut est in suo Humano glorificato, in Quo est præsens, & Hujus Corpus est Divinum Bonum, & Sanguis est Divinum Verum, hæc dantur homini, & per hæc homo regeneratur, & est in Domino & Dominus in illo; nam, ut supra ostensum est, manducatio, quæ exhibetur in Sancta Cœna, est manducatio spiritualis. Ex his

his rite perceptis, constat, quod Sancta Cæna sit sicut obsignatio & sigillum, quod illi, qui digne accedunt, sint filii Dei.

729. Illi autem qui in infantia aut pueritia decedunt, & sic non attingunt ætatem, ut digne possint ad Sanctam Cænam accedere, a Domino introducuntur per Baptismum, nam, ut in Capite de Baptismo ostensum est, *Baptismus est introductio in Ecclesiam Christianam, & simul tunc insertio inter Christianos in Mundo spirituali;* ac Ecclesia & Cælum ibi unum sunt, quare pro illis ibi introducuntur in Ecclesiam, est quoque in Cælum, & hi, quia sub auspicio Domini educantur, plus & plus regenerantur, & fiunt filii Ipsiœ; non enim alium Patrem norunt. Infantes autem & pueri, nati extra Ecclesiam Christianam, per aliud medium, quam per Baptismum, in Cælum Religioni illorum designatum, post receptionem fidei in Dominum, introducuntur, sed non commiscentur illis, qui in Cælo Christiano sunt. Non enim datur ulla gens in universo terrarum orbe, quæ non salvari potest, si agnoscit Deum, & bene vivit; Dominus enim redemit omnes hos, & homo natus est spiritualis, per quod illi est facultas recipiendi donum redemptionis. Illi qui Dominum recipiunt, hoc est, fidem in Ipsum habent, & non in malis vitæ sunt, vocantur **FILII DEI, & NATI a Deo**, Joh. I: 12. 13. Cap. XI: 52; tum **FILII REGNI**, Matth. XIII: 38: & quoque **HÆREDES**, Matth. XIX: 29. Cap. XXV: 34. **DISCIPULI DOMINI** etiam vocantur **FILII**, Matth. XIII: 33; & præterea **OMNES ANGELI**, Hiob I: 6. Cap. II: 1.

730. Cum Sancta Cæna simile est ut cum Fædere, quod post pacta conventa pangitur, & demum sigillo obsignatur. Quod Sanguis Domini sit fædus, docet Ipse; dixit enim, cum summis poculum, & dedit, *Bibite ex eo omnes, hoc est Sanguis meus, ille Novi Testamenti*, Matth. XXVI: 28. Marc. XIV: 24. Luc. XXII: 20. Novum Testamentum est Novum Fædus; quare Verbum ante Domini adventum per Prophetas conscriptum vocatur Vetus Testamentum ac Fædus, & Verbum post Ipsiœ adventum per Evangelistas & Apostolos, Novum Testamentum seu Fædus: quod Divinum Verum Verbi intelligatur per Sanguinem & similiter per Vinum in Sancta Cæna, videatur supra in Artic. II: n: 7. 10: & Verbum est ipsum Fædus, quod Dominus pepigit cum homine, & homo cum Domino, nam Dominus descendit ut Verbum, hoc est, ut Diviuum Verum; & quia hoc est Sanguis Ipsiœ, ideo Sanguis in Ecclesia Israëlitica, quæ fuit repræsentativa Ecclesie Christianæ, dictus est **SANGUIS FÆDERIS**, Exod. XXIV: 7. 8. Sach. IX: 11; ac **DOMINUS FÆDUS POPULI**, Esaj. XLII: 6. Cap. XLIX: 8: Jerem. XXXI: 31 ad 34. Psalm CXI: 9. Quod omnino obsignatio débeat esse, ut sit aliqua certitudo, & quod illa sequatur post acta deliberata, est quoque secundum ordinem in Mundo: quid Legatio & Testamentum absque obsignatione: quid Judicatio absque Sententia subscripta, ut judicium ratum sit: quid eminentis administratio in Regno absque diplomate: quid promotio ad aliquod officium absque confirmatione: quid possessio Domus absque emtione, aut conventione cum possessore: quid progressio ad aliquem finem, aut cursitatio ad aliquam metam, & sic ad præmium, si non aliquis finis aut meta est, ubi præmium reportabit, & nisi Prætor sponzionem suam aliquo modo stabilivit. Sed ultima hæc solum illustrationis causa adjecta sunt, ut a simplici etiam percipiatur, quod Sancta Cæna sit sicut obsignatio, sigillum, tessera, ac legationis testificatio etiam coram Angelis, quod filii Dei sint, & insuper sicut clavis ad domum in Cælo, ubi in æternum habitabunt.



731. Quondam mihi visus est Angelus sub Cælo Orientali volans, cui tuba erat in manu & ad os, qui clanxit versus Septentrionem, versus Occidentem, & versus

sus Meridiem: indutus erat chlamyde, quæ ex volatu fluebat retrorsum, & cinctus erat fascia ex pyropis & sapphiris sicut flammante & lucente; pronus volabat, & demisit se lente in terram, quæ mihi continens erat: ut tetigit terram, erekts super pede vadit huc illuc, & tunc me viso direxit gressum ad me, eram in spiritu, & in hoc stabam super colle in Plaga meridionali; ac cum prope erat, alloquutus illum quæsivi, quid rei nunc, audivi clangorem tubæ tuæ, & vidi descensum tuum per aerem; Angelus respondit, missus sum ad convocandum celebratissimos eruditione, perspicacissimos ingenio, ac eminentissimos nomine sapientiae, qui e Regnis Christiani Orbis super continentem hac terra sunt, ut in hunc Collem, ubi tu commoraris, conveniant, & ex pectore expromant mentes, quid in Mundo cogitaverant, intellexerant, & sapuerant de GAUDIO CÆLESTI, & de FELICITATE ÆTERNA. Causa legationis meæ fuit hæc, quod aliqui novi advenæ e Mundo, in Cælestem nostram Societatem, quæ in Oriente est, admitti retulerint, quod nequidem unus in Universo Christiano Orbe sciat, quid Gaudium Cæleste, & Felicitas æterna, ita quid Cælum: hoc fratres & confocii mei valde mirati sunt, & mihi dixerunt, descendere, conclama & convoca sapientissimos in Mundo spirituum, in quem primum colliguntur omnes Mortales post excessum e Mundo naturali, ob finem, ut ex plurim ore certi reddamus, num veritas sit, quod talis caligo seu tenebrosa ignorantia sit Christianis de futura vita: & dixit, exspecta paulum, & videbis cohortes Sapientum hoc alluentes, Dominus præparabit pro illis Ædem conventus. Exspectavi, & ecce post semihorium vidi duas Turmas a Septentrione, duas ab Occidente, & duas a Meridie, & sicut venerunt, ab Angelo tubæ introductory sunt in Ædem præparatum, & ibi occupabant loca illis designata secundum plagas. Erant sex Turmæ seu Cohortes, septima erat ab Oriente, quæ præluce reliquis non visa est. Post congregationem aperuit Angelus causam convocationis, & rogavit, ut Cohortes in ordine expromerent suam sapientiam, de GAUDIO CÆLESTI, & de FELICITATE ÆTERNA: & tunc unaquævis Cohors se glorieravit in orbem, faciebus ad facies conversis, ut illam rem ex ideis in priori Mundo captis revocarent, & nunc iustrarent, ac iustratam post consultationem expromerent.

732. Post Consultationem PRIMA COHORS, quæ e Septentrione erat, dixit, quod Gaudium Cæleste, & Felicitas æterna, sint unum cum ipsa vita Cæli; quare unusquisque, qui intrat Cælum, quoad vitam intrat in festivitates ejus, non aliter quam qui intrat in nuptias, intrat in harum festivitates; estne Cælum coram visu nostro supra nos, ita in loco, ac ibi & non alibi sunt faustitates supra faustitates, ac voluptates supra voluptates; in has infertur homo quoad omnem perceptionem mentis, & quoad omnem sensationem corporis, ex plenitudine gaudiorum loci istius, cum in Cælum: quare felicitas cælestis, quæ etiam est æterna, non aliud est quam intromissio in Cælum, ac intromissio ex Divina Gratia. His dictis, ALTERA COHORS ex Septentrione ex sua sapientia expromit hoc augurium; Gaudium Cæleste & Felicitas æterna non aliud sunt, quam lætissima Confortia cum Angelis, & suavissimæ Confabulationes cum illis, ex quibus Facies continue expansæ tenentur in lætitiis, & ora totius consortii in rifibus amænitatis ex blandiloquij & facetiis; & quid gaudia cælestia quam talium variationes in æternum. TERTIA COHORS, quæ erat Prima ex sapientibus e Plaga occidental, ex suarum affectionum cogitationibus edidit hoc: quid Gaudium Cæleste & Felicitas æterna aliud, quam Epulationes cum Abrahamo, Isaco, & Jacobo, super quorum Memphis erunt Edulia delicata & opipara, ac Vina generosa & nobilia, & post epulas Ludi ac Choræ virginum & juvenum saltantium ad modos symphoniarum & tibiarum, interjectis cantibus odarum suavissimis: & demum ad vesperam erunt Spectacula ex personatis; & post hæc iterum Epulæ, & sic quovis die in æternum. His dictis, QUARTA COHORS, quæ erat Secunda e plaga occidental, enuntiavit suam

suam sententiam, dicens, nos fovimus plures ideas de Gaudio Cælesti, & de Felicitate æterna, & exploravimus varia Gaudia & contulimus illa inter se, & conculfimus quod Gaudia Cælestia sint Gaudia Paradisiaca, quid aliud Cælum quam Paradisus, Cujus extensio est ab Oriente in Occidentem, & a Meridie in Septentrionem, & in illo arbores fructuum & flores deliciarum, in quarum medio est magnifica Arbor vitæ, circum quam sedebunt beati, vescentes fructibus saporis delicati, ac ornati fertis florum odoris suavissimi; & quod hæc aspirante perpetuo vere indies cum infinita varietate enascantur & renascantur; & quod ex horum ortu & flore perpetuo, & simul ex temperie jugiter verna, animi continue renovati non possint aliter quam Gaudia indies nova attrahere & respirare, & inde in florentem ætatem, & per hanc in primitivum statum, in quem Adamus & ejus uxor creati sunt, reduci, & sic in Paradisum illorum, e terra translatum in Cælum, remitti. QUINTA COHORS, quæ erat Prima ex ingeniosis e Plaga meridionali, effata est hoc; Gaudia cælestia & Felicitas æterna non aliud sunt, quam supereminētia Dominia, & opulentissimæ Gazæ, & inde superregia Magnificentia ac superillustris splendor: quod Gaudia Cæli, & horum fruitio continua, quæ est æterna felicitas, illa sint, perspeximus ex illis in Mundo priori, qui potiti sunt illis; & insuper ex eo, quod felices in Cælo regnaturi sint cum Domino, ac futuri reges & principes, quia sunt filii Ipsiœ, Qui est Rex regum & Dominus dominorum, & quod festi sunt super thronis, & quod Angeli illis ministraturi sunt: magnificentiam Cæli perspeximus ex hoc, quod Nova Hierosolyma, per quam describitur gloria Cæli, habitura sit Portas, quarum unaquævis erit una Margarita, & Plateas ex puro auro, & Murum fundatum super lapidibus pretiosis; consequenter quod cuivis in Cælum recepto sit sua Aula ex auro & pretiositatibus splendens, ac Dominium ordine ab uno in alterum successurum: & quia novimus, quod talibus innata sint gaudia, ac insita felicitas, & quod sint sponsiones Dei irrefragabiles, non potuimus aliunde statum felicissimum vitæ cælestis deducere. Post hanc, SEXTA COHORS, quæ erat Secunda e Plaga meridionali, extulit vocem, & dixit, Gaudium Cæli & ejus Æterna felicitas, non aliud est, quam perpetua Glorificatio Dei, Festum perennans in æternum, ac beatissimus Cultus cum cantibus & jubilis; & sic constans elevatio cordis ad Deum, cum plena fiducia acceptationis precum & laudum propter Divinam munificantiam beatitudinis illorum. Aliqui ex Cohorte adjecerunt, quod Glorificatio illa futura sit cum magnificis lumenaribus, cumque suffitibus fragrantissimis, & cum processionibus pompæ, Pontifice maximo præcente cum Buccina magna, sequentibus illum Primatibus & Clavigeris, magnis & parvis, & post hos Viris cum palmis, & Mulieribus cum aureis simulachris in manibus.

733. SEPTIMA COHORS præ luce non reliquis visa, erat ex Oriente Cæli; erant Angeli ex eadem Societate, e qua fuit Angelus tubæ: illi cum in Cælo audirent, quod ne quidem unus in Christiano Orbe sciat, quid Gaudium Cæli, & Felicitas æterna, inter se dixerunt, nequaquam hoc veritas est, non potest tanta caligo, & talis stupor mentium Christianis esse, descendamus etiam nos, & audiamus num veritas sit, & si veritas est, sane est prodigiun. Tunc Angeli illi dixerunt ad Angelum tubæ, nosti quod unusquisque homo, qui desideraverat Cælum, & aliquid certi cogitaverat de gaudiis ibi, post mortem introducatur in imaginationis suæ gaudia; & quod postquam experti sunt, qualia illa gaudia sunt, quod sint secundum vanas ideas mentis, & secundum deliria phantasie illorum, educantur ab illis & instruantur; hoc fit plerisque in Mundo Spirituum, qui in priore vita meditati sunt de Cælo, & conculserunt aliquid de gaudiis ibi usque ad horum desiderium. His auditis, Angelus tubæ dixit ad sex Cohortes ex Sapientibus Orbis Christiani convocatas, sequimini me, & introducam vos in Gaudia verstra, ita in Cælum.

734. His dictis, Angelus præivit, & primum comitata est illum Cohors ex il- lis, qui sibi persuaserant, quod Gaudia Cælestia essent solum lætissima consortia, & suavissimæ confabulationes: hoc Angelus introduxit ad Cætus in Plaga Septen-trionali, quibus Gaudia Cæli in Mundo priori non alia fuerant. Erat ibi spatiofa Domus in quam tales congregati sunt; in Domo erant plus quam quinquaginta Cameræ, distinctæ secundum varia genera Confabulationum; in his Cameris lo- quebantur de talibus quæ viderant & audiverant in foro & in plateis: in illis lo- quebantur varia amabilia de sexu pulchro, interspersis facetiis, adauctis usque ad expansionem facierum omnium in consortio in risus hilaritatis: in aliis Cameris loquebantur Novellas de Aulis, de Ministeriis, de Statu politico, de variis quæ e secretis Consiliis emanaverunt, una cum ratiociniis & conjecturis de eventibus; in aliis de Negotiatione; in aliis de Rebus literatis; in aliis de talibus quæ sunt Prudentiæ civilis, & Vitæ moralis; in aliis de Ecclesiasticis & de Sectis, & sic porro: datum mihi est inspicere in illam Domum, & vidi discurrentes a Cameris in Cameras, inquirentes consortia suæ affectionis & inde gaudii; & in consortiis vidi tria genera, quosdam sicut anhelos ad loquendum, quosdam cupidos ad sciscitandum, & quosdam avidos ad audiendum. Erant quatuor portæ Domus, una ad quamlibet plagam, & observavi quod plures solverent consortia, & properarent ad ex-eundum; sequutus sum quosdam ad portam Orientalem, & vidi aliquos juxta illam sedentes facie tristi, & accessti & quæsivi, cur ita tristes federent; & respon- derunt, portæ hujus Domus tenentur clausæ pro exituris, & nunc tertius dies est, a quo intravimus, & exegimus vitam desiderii nostri in consortiis & collo- quiijs, & a continuis feruocinationibus defatigati sumus in tantum, ut vix susti- neamus audire sonorum murmur ex illis; quare ex tædio contulimus nos ad hanc portam, & pulsavimus, sed responsum nobis est, quod portæ hujus Domus non ape- riantur exituris, sed intraturis, manete & fruimini gaudiis Cæli; ex quibus re- sponsis conclusimus, quod hic in æternum permansuri simus; inde tristitia inva- sit mentes nostras, & nunc incipit pectus contrahi, & oboriri anxietas. Tunc al- loquutus est illos Angelu, & dixit, hic status est lethus gaudiorum vestorum, quæ credidistis unice cælestia esse, cum tamen non sunt nisi quam accessoria Cæ- lestium: & quæsiverunt Angelum, quid ergo est Gaudium Cælestis; & Angelus respondit hæc pauca; est jucundum faciendi aliquid quod est sibi & aliis usui; & jucundum usus trahit suam essentiam ex Amore & existentiâ ex Sapientia; ju- cundum usus oriundum ex Amore per Sapientiam est anima & vita omnium gau- diorum Cælestium. Sunt in Cælis lætissima Consortia, quæ Angelorum mentes exhilarant, animos oblecant, pectora jucundant, & corpora recreant; sed hæc illis sunt, postquam usus in functionibus suis & in operibus suis fecerunt; ex his est anima & vita in omnibus lætiis & oblectamentis illorum; at si illam animam seu vitam auferas, accessoria gaudia facessive non fiunt gaudia, sed primum fiunt adiaphora, deinde sicut nauci, & demum tristia & anxia. His dictis aperiebatur porta, & assidentes exsiluerunt; & aufugerunt domum, quisque ad suam functio- nem, & ad suum opus, & refocillati sunt.

735. Post hæc Angelus alloquutus est illos, qui induxerant sibi ideam de Gau- diis Cæli, & de Felicitate æterna, quod forent Epulationes cum Abramo, Isaco & Jacobo; & post epulas Ludi & Spectacula, ac iterum Epulæ, & sic in æter- num: & dixit illis, sequimini me, & introducam vos in gaudiorum vestrorum felici- tates; & introduxit illos per nemus in planitiem stratum asperibus, super qua- positæ erant Mensæ, quindecim ab uno latere, & quindecim ab altero; & quæsi- verunt, cur tot mensæ, & respondit Angelus, quod prima mensa sit Abrami, se- cunda Isaci, tertia Jacobi, & juxta has in serie mensæ duodecim Apostolorum; ab altero latere totidem mensæ Uxorium illorum, & tres primæ mensæ sunt Saræ uxoris Abrami, Rebeccæ uxoris Isaci, ac Leæ & Rachelis uxorum Jacobi; ac du-

duodecim reliquæ sunt uxorum dodecim Apostolorum. Post aliquam moram, apparebant omnes Mensæ plenæ ferculis, & spatiola inter hæc ornata parvis pyramidibus cum condituri. Epulaturi stabant circum illas in exspectatione videndi Præsules mensarum; qui pauculum exspectati visi sunt in ordine processionis ab Abramo ad ultimum Apostolorum intrantes; & mox quisque ad suam mensam accedens se reposuit super toro ad caput ejus; & inde dixerunt ad circumstantes, discubite etiam vos nobiscum; & discubuerunt viri cum Patribus illis, & faminæ cum Uxoribus illorum, & comederunt & biberunt in lætitia, & cum veneratione. Post prandium exivit illi Patres; & tunc instituti sunt ludi, choreæ virginum & juvenum, & post has spectacula: quibus finitis invitabant iterum ad Epulas, sed cum statuto, quod primo die comederent cum Abramo, altero cum Isaco, tertio cum Jacobo, quarto cum Petro, quinto cum Jacobo, sexto cum Johanne, septimo cum Paulo, & cum reliquis in ordine usque ad quindecimum diem; a quo iterum in simili ordine commissationes renovarent variando sedes, & sic in æternum. Post hæc Angelus convocavit viros cohortis, & dixit illis, hi omnes, quos vidistis ad mensas, in simili cogitatione imaginaria de Gaudiis Cæli, & inde Felicitate æterna cum vobis fuerant; & propter finem, ut ipsi videant vanitates idearum suarum, & ab illis abducantur, institutæ sunt, & a Domino permisæ tales epulares Scenæ. Primores illi, quos vidistis ad capita mensarum, erant personati Senes, plerique ex rustica gente, qui barbati, & ex quadam opulentia præ cæteris fastuosi, quibus inducta est phantasia, quod vetusti illi Patres essent. Sed sequimini me in vias exitus e palæstrâ hac, & sequuti sunt, & videbant quinquaginta hic & quinquaginta ibi, qui farciverant ventres cibariis usque ad naufeas, & concupiverunt redire ad familiaria domum suarum, quidam ad sua munia, quidam ad sua negotia, & quidam ad suas operas: at multi a custodibus nemoris retenti & interrogati de diebus epulationis illorum, & num adhuc ad mensas cum Petro & cum Paulo comederint, & si prius exirent, hoc, quia, indecens est, futurum illis pudori: sed plerique respondebant, explevimus gaudia nostra, cibi facti sunt nobis insipidi, ac gustus torridus, fastidit illos stomachus, non sustinemus libare illos, protraximus aliquot dies & noctes in luxurie illa, impense rogamus ut emittamur; ac dimissi, anhelo spiritu & festino cursu aufugerunt domum. Post hæc Angelus vocavit viros cohortis, & in via docuit illos hæc de Cælo: in Cælo æque sicut in Mundo sunt Cibi & Potus, sunt Commissationes & Convivia; & apud Primores ibi sunt Mensæ super quibus sunt optimæ dapes, cupediæ & lautitiæ, quibus exhilarantur & recreantur animi; & sunt quoque Ludi & Spectacula; & sunt Musicalia & Cantica; & omnia illa in summa perfectione; talia sunt illis etiam in gaudia, sed non in felicitatem, hæc erit in gaudiis, & inde ex gaudiis; felicitas in gaudiis facit ut sint gaudia, optimat illa, & sustentat ne vilescant & fastidiantur; & hæc felicitas est cuius ex usu in sua functione. Est aliqua vena in affectione voluntatis cuiusvis Angeli latens, quæ attrahit mentem ad aliquid faciendum, mens per hoc tranquillat se, & satisfacit sibi; hæc satisfactio & illa tranquillitas faciunt statum mentis receptibilem amoris usus a Domino; ex receptione hujus est Felicitas cælestis, quæ est vita illorum gaudiorum, quæ prius memorata sunt. Cibus cælestis in sua essentia nec aliud est quam amor, sapientia & usus simul, hoc est, usus per sapientiam ex amore; quamobrem unicuius in Cælo datur cibus pro corpore secundum usum, quem præstat, magnificus illis qui in eminenti usu sunt, modicus sed exquisiti saporis illis qui in mediis gradus usu sunt, & vilis illis qui in vili usu sunt, at nullus socordibus.

736. Post hæc ad se vocavit Cohortem Sapientum ita dictorum, qui Gaudiæ cælestia, & ex his Felicitatem æternam, in supereminentibus Dominiis, ac opulentissimis Gazis, inque superregia magnificentia, & super-illustri splendore, posuerant; ex causa, quia in Verbo dicitur, quod futuri sint reges & principes, & quod

quod regnaturi sint cum Christo in æternum, & quod ministrandi sint ab Angelis, præter plura: Angelus ad hos dixit, sequimini, & introducam vos in vestra gaudia; & introduxit in Porticum constructum ex Columnis & Pyramidibus: antrosum erat humile Palatum, per quod patuit ingressus in Porticum; per hoc introduxit illos; & ecce vii sunt viginti ibi, & exspectabant: & subito tunc aderat quidam personatus Angelus, & dixit illis, per hunc Porticum est via ad Cælum, manete aliquantisper, & præparate vos, quia majorennæ ex vobis futuri sunt Reges, ac minorennæ futuri Principes. His dictis, juxta quamlibet Columnam apparuit Thronus, & super throno chlamys ex serico, & super chlamyde sceptrum & corona; & juxta quamlibet Pyramidem apparuit Solium tres cubitos a terra elevatum, & super solio catena ex unculis auri, & equestris ordinis fasciæ, colligatae ad fines adamantinis orbiculis. Et tunc clamatum est, ite nunc, amicite vos, sedete & exspectate: & actum Majorennes accurrebant ad thrones, & Minorennes ad folia, & amiciverunt se, & reposuerunt se: at tunc apparuit sicut nimbus ex inferis ascendens, ex quo attracto sedentes super thronis & soliis cæperunt tumescere facie, & elevari pectore, & impleri fiducia, quod nunc reges & principes sint; nimbus ille erat aura phantasie, qua inspirati sunt: & subito advolarunt juvenes sicut ex Cælo, & constiterunt duo post quemlibet thronum, & unus post quodlibet solium, ministraturi; & tunc per vices a quodam præcone acclamatum est, vos reges & principes, exspecta adhuc parum, apparantur nunc in Cælo aulae vestrae, jamjam venturi sunt aulici cum satellitiis, & vos introducturi; exspectabant & exspectabant, usque ut spiritus illorum anhelarent, & defatigarentur desiderio. Post trihorium aperiebat Cælum supra caput illorum, & despexerunt Angelii, & miserti illorum, dixerunt, quare sedetis ita fatui, & agitis histriones, luserunt ludibria vobiscum, & ab hominibus mutaverunt vos in idola, ex causa quia induxitis in corda vestra, quod regnaturi sint cum Christo sicut reges & principes, & quod vobis tunc Angelii ministraturi sint: num obliiti estis verborum Domini, quod in Cælo qui vult magnus esse, fiat fervus: discite ergo, quid per reges & principes, & quid per regnare cum Christo, intelligitur, quod sit sapere & facere usus; Regnum enim Christi, quod est Cælum, est Regnum usuum; nam Dominus amat omnes, ac inde vult omnibus bonum, ac bonum est usus, & quia Dominus bona seu usus facit mediate per angelos, & in Mundo per homines, ideo illis, qui fideliter usus faciunt, dat amorem usus, & ejus mercedem, quæ est beatitudo interna, & hæc est felicitas æterna. Sunt in Cælis, sicut in terris, supereminentia Dominia, & opulentissimæ Gazæ; sunt enim regimina & regiminum formæ, & ideo sunt majores & minores potestates & dignitates; & illis qui in supremis sunt, sunt Palatia & Curiæ, quæ magnificientia & splendore excedunt palatia & curias Imperatorum & Regum in terris, & ex numero aulicorum, ministrorum, & satellitum, & ex horum magnificis investimentis, circumfluit illos honor et gloria: sed Supremi illi sunt electi ex illis, quorum cor est in salute publica, & solum sensus corporis in amplitudine magnificientiae própter obedientiam: & quia salutis publicæ est, ut quisque sit aliquis usus in societate, ut in communi corpore, & quia omnis usus est a Domino, & fit per angelos & per homines sicut ab illis, patet quod hoc sit regnare cum Domino. His auditis e Cælo, personati illi reges & principes descenderunt e thronis & soliis, & abjecerunt sceptræ, coronas, & chlamydes; & recessit ab illis nimbus, in quo fuit aura phantasie, & obvelavit illos nubes candidæ, in qua erat aura sapientia, ex qua rediit sanitas mentibus illorum.

737. Post hæc Angelus rediit ad Domum conventus sapientum ex Christiano Orbe, & ad se vocavit illos, qui sibi induxerant fidem, quod gaudia Celi & Felicitas æterna essent deliciae Paradisiacæ: his dixit, sequimini me, & introducam vos in Paradisum, Cælum vestrum, ut exordiamini beatitudines felicitatis æternæ vestræ;

træ; & introduxit illos per excelsam Portam, ex ramis & propaginibus nobilium arborum compaginatis exstructam: post introitum circumduxit illos per ambages a plaga in plagam; erat actualiter Paradisus in primo ingressu ad Cælum, in quem immittuntur illi, qui in Mundo crediderant quod universum Cælum sit unus Paradisus, quia vocatur Paradisus; ac qui impresserant sibi ideam, quod post mortem sit plenaria requies a laboribus, & quod requies hæc non aliud esset, quam animas delitarum trahere, super rosis ambulare, ex mustis delicatissimis uivarum læticari, ac festiva repotia celebrare; & quod hæc vita non detur nisi in Cælesti Paradiſo. Ducti ab Angelo videbant ingentem multitudinem tam senum quam juvenum, & puerorum, & quoque mulierum & puellarum; triades & triades, ac decades & decades, sedentes super Roseti flectentes ferta, quibus ornarent capita senum, brachia juvenum, ac fasciatim pectora puerorum; alias exprimentes mustum ex uvis, cerasis & acinis in cyathos, & genialiter bibentes; alias attrahentes naribus fragrantias ex floribus, fructibus ac odoriferis foliis exhalatas & circumsparsas; alias canentes dulces odas quibus mulciebant præsentium auditus; alias sedentes ad fontes, & aquas salientis venæ derivantes in varias formas; alias ambulantes, confabulantes, & spargentes facetias; alias ingredientes domunculas hortulanas, ut super spondis cubarent; præter plures alias læticias paradisiacas. Postquam hæc visa sunt, duxit Angelus comites suos per circuitus huc illic, ac ultimo ad sedentes in pulcherimo Roseto circumcincto arboribus olivæ, aurantii, & citri, qui nutantes tenebant manus sub genis, lugentes, & lachrymantes; hos alloquuti sunt comites Angeli, & dixerunt, cur ita sedetis; & responderunt, est nunc septimus dies a quo in hunc Paradisum venimus; cum intravimus, visa est mens nostra sicut elevata in Cælum, ac immissa in intimas ejus gaudiorum faustitates; sed post triduum cæperunt faustitates illæ hebescere, & in mentibus nostris aboleri, ac fieri insensibiles, & sic nullæ; & cum ita exspirarunt imaginaria nostra gaudiæ, timebamus jaeturam omnis jucunditatis vitæ nostræ, & facti sumus ambigui de felicitate æterna, num sit aliqua; & postea vagati sumus per vias & areas, quæsturi portam per quam intravimus; sed vagati sumus per gyros & gyros, ac interrogavimus obvios, ex quibus aliqui dixerunt, quod porta non inveniatur, quia Paradisiacus hic hortus est spatiösus Labyrinthus, qui talis est, ut qui vult exire, penitus intret; quare non potestis aliter quam hic manere in æternum; vos estis in medio ejus, ubi omnes delitiae sunt in suo centro: & porro dixerunt ad comites Angeli, hic nunc per unum diem & diuidium sedimus, & quia absque spe inveniendi exitum sumus, reposuimus nos super Roseto hoc, & spectamus circum nos in copia olivas, uvas, aurantia & citros; sed quo plus illa spectamus, eo plus delassatur visus videndo, odoratus odo-rando, & gustus gustando; hæc causa est mæstriae, luctus, & lachrymationis, in quibus vos videtis nos. His auditis, Angelus cohortis dixit illis, est hic Labyrinthus Paradisiacus vere introitus in Cælum, novi exitum, & educam vos; his dictis, sedentes surrexerunt, & amplexi Angelum, & una cum cohorte ejus comitati sunt illum; & Angelus in via docuit illos, quid Gaudium cæleste & inde Felicitas æterna, quod non sint Delitiae paradisiacæ externæ, nisi simul cum illis sint Delitiae paradisiacæ internæ; delitiae paradisiacæ externæ sunt modo delitiae sensuum corporis, at delitiae paradisiacæ internæ sunt delitiae affectionum animæ, hæc nisi in illis sint, non est vita cælestis, quia non est anima in illis: & omne delitium absque sua correspondente anima, ex continuo elangescit & torpescit, & plus delassat animum quam labor. Sunt ubi vis in Cælis Horti paradisiaci, & ex his etiam sunt gaudia Angelis, & quantum in illis est delitium animæ, tantum sunt illa gaudia illis gaudia. His auditis, quæsiverunt omnes, quid est delitium animæ, & unde hoc, respondit Angelus, delitium animæ est ex amore & sapientia a Domino, & quia amor est efficiens, & est efficiens per sapientiam, ideo est utriusque

que sedes in effectu, & effectus est usus: hoc delitium a Domino influit in animam, & descendit per superiora & inferiora mentis in omnes sensus corporis, & implet se in illis, inde gaudium fit gaudium, & fit aeternum ab Aeterno a Quo. Vidistis Paradisiaca, & assevero vobis, quod non aliquid ibi sit, ne quidem folium, quod non est ex conjugio amoris & sapientiae in usu, quare si homo in hoc est, est in Paradiſo Caelesti, ita in Cælo.

738. Post haec Angelus ductor rediit in Aedem, ad illos, qui firmiter sibi persuaserant, quod Gaudium cæleste & Felicitas aeterna sit perpetua Glorificatio Dei, ac in aeternum perennans Festum; ex causa, quia in Mundo crediderant, quod tunc visuri sint Deum; & quia vita Cæli ex cultu Dei vocatur perpetuum Sabbathum. His Angelus dixit, sequimini me, & introducam vos in gaudium vestrum, & introduxit illos in parvam urbem, in cuius medio erat Templum, & omnes domus vocabantur aedes sacræ. In illa urbe viderunt affluentiam ex omni angulo terræ circumiacentis, & inter illos numerum Sacerdotum, qui venientes suscipiebant, salutabant, & prehensos manibus dueabant ad portas Templi, & inde in alias aedes circum Templum, & initiaabant illos in perennem cultum Dei, dicentes, quod haec urbs sit atrium ad Cælum, & quod hujus urbis Templum sit introitus ad magnificum & amplissimum Templum quod in Cælo est, ubi Deus precibus & laudibus ab Angelis glorificatur in aeternum: statuta hic & ibi sunt, quod primum intraturi sint Templum, & commemoraturi ibi tres dies & tres noctes, & quod post hoc initium ingressuri sint in hujus urbis domus; quæ sunt totidem a nobis sanctificate aedes, & ab æde in ædem, & in communione cum congregatis ibi, oraturi, clamaturi, & recitaturi concionata: omnino cavete vobis, ne aliud in vobis cogitetis, & cum consociis loquamini, quam sancta, pia & religiosa. Post haec introduxit Angelus comitatum suum in Templum, quod erat plenum & constipatum multis, qui in magna dignitate in Mundo fuerant, & quoque multis ex plebe, & praesidia ad portas collocata erant, ne cuiquam ante commemorationem trium dierum liceret exire; & dixit Angelus, est hodie secundus dies, a quo hi ingressi sunt, lustrate illos, & glorificationem Dei illorum videbitis; & lustrabant, & viderunt plerosque dormientes, & qui evigilati sunt, oscitantes & oscitantes, & quosdam ex continua elevatione cogitationum ad Deum, & ex nullo relapsi illarum in corpus, sicut facies reclusas a corpore, ita enim sibi apparabant, & inde etiam aliis; quosdam deliros oculis ex perpetua subtractione illorum; verbo, omnes compressos pectore, & lassos spiritu ex tædio, & aversos a pulpito, & clamantes, stupescunt aures nostræ, finite conciones, non auditur amplius vox, & incipit fastidiri sonus: & tunc surrexerunt, & in globo concurserunt ad portas, effregerunt illas, & urgebant in praesidia, & abigebant illa: His visis, Sacerdotes sequiti sunt illos, & adjunixerunt se lateribus illorum, docentes & docentes, orantes, suspirantes, dicentes, celebrate Festum, glorificate Deum, sanctificate vos, in atrio hoc Cæli inaugurarabimus vos in aeternam Glorificationem Dei in magnifico & amplissimo Templo, quod in Cælo est, & sic ad fruitionem aeternæ felicitatis. Sed haec ab illis non intellecta, & vix audita sunt, propter hebetudinem ex duorum dierum suspensione mentis, & retentione a domesticis & forensibus. Sed cum se a Sacerdotibus avellere conati sunt, sacerdotes apprehendebant brachia illorum, & quoque vestes, urgentes ad aedes, ubi concionata recitarentur, sed frustra, & clamabant, relinquente nos, sentimus in corpore sicut deliquum. His dictis, ecce nisi sunt quatuor Viri in candidis vestibus, & in tiarais; unus ex illis fuerat in Mundo Archi Episcopus, & tres reliqui fuerant Episcopi, nunc facti Angeli: hi convocabant Sacerdotes, & alloquuti illos dixerunt, vidimus vos e Cælo cum ovibus his, quomodo vos pascitis illos, pascitis illos usque ad insanias; nescitis quid per Glorificationem Dei intelligitur, intelligitur fructus amoris ferre, hoc est, fideliter, sincere, & fedule suæ functionis opus fa-

cere, hoc enim est amoris Dei, & amoris proximi, & hoc est vinculum Societatis, & bonum ejus; per hoc glorificatur Deus, & tunc per cultum statis temporibus; annon legistis hæc Domini verba, *In hoc GLORIFICATUR PATER MEUS, ut fructum multum feratis, & reddamini discipuli mei*, Joh. XV: 8. Vos Sacerdotes potestis in cultus glorificatione esse, quia hoc est vestrum munus, & inde est vobis honor, gloria & remuneratio, sed usque vos non potestis plus quam illi in ea glorificatione esse, nisi honor, gloria, & remuneratio una cum vestro munere sint. His dictis Episcopi mandabant custodibus portæ, ut intromitterent omnes, & emitterent omnes, est enim multitudo, qui non aliud gaudium Cælesti, quam perpetuum cultum Dei, potuerunt cogitare, quia non sciverunt aliquid de statu Cæli.

739. Post hæc Angelus cum suis comitibus rediit ad locum conventus, a quo cohortes Sapientum nondum recesserunt, & ibi ad se vocavit illos, qui crediderunt, quod gaudium cælesti & felicitas æterna, sit modo intromissio in Cælum, ac intromissio ex Divina gratia; & quod tunc gaudium sit illis, similiter ut in Mūndo est illis, qui in aulas Regum diebus festivitatis, aut in nuptias invitati, ingrediuntur: his dixit Angelus, manete hic aliquantis per, & sonabo tuba, & hoc venient incluti fama sapientiæ in spiritualibus Ecclesiæ: post aliquot horas aderant novem viri, quisque insignitus lauru, adorea famæ suæ; hos Angelus introduxit in Aedem conventus, in qua omnes prius convocati aderant; in horum præsentia Angelus alloquitus novem laureatos, dixit, scio quod vobis ex voto vestro secundum ideam vestram, datum sit ascendere in Cælum, & quod redieritis in inferiorem hanc seu subcælestem terram, cum plena scientia de statu Cæli; commemorat itaque, quale vobis visum est Cælum: & responderunt in ordine, & dixit PRIMUS; idea mea de Cælo a prima pueritia usque ad finem vitæ in Mūndo, fuerat, quod esset locus omnium beatitudinum, faustitatum, jucunditatum, amænitatum, & voluptatum, & quod si intromitterer, talium felicitatum aura circumfunderer, & pleno pectore haurirem illa, sicut sponsus cum celebrat nuptias, ac cum intrat thalamum cum sponsa; in hac idea ascendi in Cælum, & transivi primas custodias, & quoque secundas, at cum ad tertias veni, alloquebatur me custodiarum præfectus, & dixit, quis es amice, & respondi, estne hic Cælum, huc ex voto desiderii mei ascendi, intromitte quæso, ac intromisit; & vidi Angelos in vestibus albis, & hi me circumibant, & lustrabant, & murmurabant hoc, en novum hospitem non indutum veste Cæli, & ego hæc audivi, & cogitavi, hoc apparet mihi simile cum illo, de quo Dominus dicit, quod absque veste nuptiali intraverit in nuptias; & dixi, date mihi tales vestes; at riserunt; & tunc accurrunt unus ex Cutia cum mandato, exuite illum nudum, ejicite illum, & projicite vestes ejus post illum; & sic ejectus sum. SECUNDUS in ordine dixit, ego credidi sicut ille, quod si modo intromitterer in Cælum, quod supra caput meum est, circumfluerent me gaudia, & animarem illa in æternum; optato etiam potitus sum; at Angeli, me viso aufugerunt, & inter se dixerunt, quid hoc portentum, quomodo huc venit Avis noctis; & actualiter sensi mutationem ab homine, tametsi non mutatus sum, hoc mihi erat ex attractione cælestis atmosphæræ: at mox accurrunt unus ex Curia cum mandato, ut duo famuli educerent me, & reducerent per viam ascensus, usque ad domum meam; & cum domi eram, apparui aliis & mihi sicut homo. TERTIUS dixit, idea Cæli constans mihi fuit ex loco, & non ex amore, quare cum in hunc mundum veni, cupivi cupiditate magna Cælum, & vidi ascendentes, & sequutus sum illos, & admissus, sed non ultra aliquot pasus; at cum volui lætificare animum meum ex idea gaudiorum & beatitudinum ibi, ex luce Cæli, quæ erat candida sicut nix, cuius essentia dicitur esse sapientia, invasit mentem meam stupor, & inde oculos meos calligo, & cæpi insanire; & mox ex calore Cæli, qui correspondebat candori lucis

istius, cuius essentia dicitur esse amor, palpavit mihi cor, occupavit me anxietas, & cruciabar dolore interiori, & projeci me supinum super humum ibi; & cum jacui, venit satelles e Curia cum mandato, ut me cum lentore deportarent in meam lucem & in meum calorem, in quæ cum veni, rediit mihi spiritus meus & cor meum. QUARTUS dixit, quod etiam ipse in idea loci, & non in idea amoris de Cælo fuerit, & quod ut primum in Mundum spiritualem veni, quæsiverim sapientes, num in Cælum liceat ascendere, qui mibi dixerunt, quod cuivis liceat, sed ut sibi caveant, ne dejiciantur: ad hæc risi, & ascendi, credens ego sicut alii, quod omnes in uniuerso Mundo receptibiles essent gaudiorum ibi in sua plenitude; sed sane cum intus eram, pæne exanimatus sum, & ex dolore & inde cruciatu in capite & in corpore, prostravi me humi, & convolvi me sicut serpens admotus igni, & repsi usque ad præcipitium, & per id me dejeci; & postea sublatus sum ab adstantibus infra, & delatus in diversorum, ubi rediit sanitas mihi. RELIQUI QUINTU ETIAM narraverunt mirabilia de suis ascensibus in Cælum; & comparabant mutationes statuum suæ vitæ, cum statu piscium dum elevantur ab aquis in aerem, & cum statu avium in æthere; & dixerunt, quod post duras illas fortæ, non concupiverint amplius cælum, sed modo confortem vitam cum sui similibus ubicunque sunt; & quod sciant, quod in Mundo spirituum, ubi nos sumus, omnes prius præparentur, boni ad Cælum, & mali ad Infernum, & quod cum præparati sunt, videant vias sibi apertas ad Societates sui similium, cum quibus in æternum mansuri sunt, & quod has vias tunc intrént cum jucundo, quia sunt viæ amoris illorum. Omnes ex prima Convocatione audientes hæc, etiam fassí sunt, quod nec illis alia idea de Cælo fuerit, quam sicut de loco, ubi pleno ore circumflua gaudia in æternum sorberent. Post hæc Angelus tubæ dixit illis, videtis nunc quod gaudia Cæli & felicitas æterna non sint loci, sed quod sint status vita hominis; ac status vitæ cælestis est ex amore & sapientia; & quia usus est duorum illorum continens, est status vitæ cælestis ex coniunctione illorum in usu: idem est, si dicatur Charitas, Fides & Bonum Opus, quoniam Charitas est Amor, Fides est Veritas ex qua Sapientia, & Bonum Opus est Usus: præterea in Mundo nostro Spirituali sunt loca sicut in Mundo naturali, alioquin non forent habitaciones & distinctæ mansiones, at usque locus ibi non est locus, sed est apparentia loci secundum statum amoris & sapientiae, seu charitatis & fidei. Omnis, qui fit angelus, intus in se portat suum cælum, quia sui Cæli amorem, nam homina creatione est minima effigies, imago & typus Cæli magni; forma humana non aliud est; quare quisque venit in societatem Cæli, cuius forma in singulari effigie est; idcirco cum intrat in illam societatem, intrat in correspondentem sibi formam, ita sicut a se in se illam, & sicut ab illa in illam in se, ac trahit vitam ejus ut suam, ac suam ut ejus; est unaquævis societas sicut Commune, ac Angeli ibi sunt sicut partes similares, ex quibus Commune coexistit. Ex his nunc sequitur, quod qui in malis & inde falsis sunt, in se formaverint effigiem Inferni, & hæc cruciatur in Cælo ex influxu & violentia activitatis oppositi in oppositum; amor enim infernalis est oppositus amori Cælesti, & inde jucunda duorum amorum illorum collidunt inter se sicut hostes, & necant se cum congregiuntur. 740. His peractis audita est vox e Cælo ad Angelum tubæ, clige decem ex omnibus convocatis, & introduc illos ad nos; audivimus a Domino, quod præparaturus sit illos, ne calor & lux, seu amor & sapientia nostri Cæli, per tres dies inferant illis aliquam noxam; & electi sunt decem, & sequuti Angelum; & ascenderunt per tramitem clivosum in quendam collem, & ab hoc in Montem, super quo erat illorum Angelorum Cælum, quod prius ad distantiam apparuerat illis sicut Expansum in nubibus: & aperiebantur pro illis portæ, & postquam transverunt tertiam, Angelus introductor cucurrit ad Principem Societatis seu Cæli illius, & annuntiavit adventum illorum; & Princeps respondit, assume aliquos ex

satellitio meo, & renuntia illis, quod adventus illorum mihi sit acceptus, & introduc illos in Anticuriam meam, & distribue cuivis suum conclave cum suo cubiculo; & ex aulicis meis desume aliquos, & ex famulis qui ministrant illis, & qui serviant illis ad nutus; & factum est ita. At cum introducti sunt ab Angelo, quæsiverunt num liceat adire & videre Principem; & respondit Angelus, est nunc mane, & non licet ante tempus meridie; sunt omnes eousque in suis in officiis & suis operis; sed invitati estis ad prandium; & tunc ad mensam cum Principe nostro sedebitis: interea introducam vos in illius Palatium, ubi videbitis magnifica & splendida:

Cum adducti sunt ad Palatium, primum viderunt illud ab extra, erat amplum, structum ex porphyrite, & substructum ex jufide, & ante portam sex columnas altæ ex lapide lazuli, tectum ex laminis auri, fenestræ altæ ex pellucidissimo chrystallo, harum postes etiam ex auro. Post hoc, introducti sunt intus in Palatium, & circumducti a conclavi in conclave, & viderunt ornamenta ineffabiliis decoris, sub tectis decoramenta cælaturæ inimitabilis; juxta parietes positas mensas ex argento conflato cum auro, super quibus erant varia utensilia ex lapidibus pretiosis, & ex integris gemmis in formis cælestibus; & plura, quæ non aliquis oculus in terris viderat, & inde nec aliquis sibi fidem inducere potuerat, quod talia in Cælo sint. Cum in stupore ex visis magnificis illis erant, dixit Angelus, ne miremini, hæc quæ videtis, non sunt aliqua manu angelica facta & fabricata, sed sunt condita ab Opifice Universi, & muneri data Principi nostro; quare hic est Ars architectonica in ipsa sua arte, & ex hac sunt omnes hujus artis regulæ in Mundo. Porro dixit Angelus, vos potestis autumare, quod talia fascinent oculos nostros, ac infatuent illos, usque ut credamus illa nostri Cæli gaudia esse; sed quia corda nostra non in illis sunt, sunt modo accessoria gaudiis cordiun nostrorum, ideo quantum contemplamur illa ut accessoria, ac ut opificia Dei, tantum contemplamur Divinam Omnipotentiam & Clementiam in illis.

741. Post hæc Angelus dixit illis, nondum est Meridies diei, venite mecum in Principis nostri Hortum, Palatio huic contiguum, & iherunt, ac in introitu dixit, en Hortus magnificus præ hortis in Cælesti-hac Societate; at responderunt, quid dicas, non hie est Hortus, videmus modo unam Arborē, ac in ramis & in vertice ejus sicut fructus ex auro, & sicut folia ex argento, & horum oras exornatas smaragdis; & sub illa Arbore infantes cum alumnis illorum. Ad hæc Angelus vox inspirata dixit; hæc Arbor est in medio Horti, & a nobis vocatur Arbor nostri Cæli, & a quibusdam Arbor vitæ. Sed pergit, & appropinquat, & aperientur oculi vestri, & videbitis Hortum; ac fecerunt ita, & aperti sunt oculi, & videbant Arbores uberrimas fructibus faporis, circumligatas vitibus pampineis, quarum vertices cum fructibus nutabant versus Arborē vitæ in medio. Arbores haec in continua serie consitæ erant, quæ exhibat & pergebat in perenni orbes seu gyros sicut perpetua helicis, erat perfecta Helix arborea, in qua species post species continue secundum nobilitates fructuum sequebantur: principium circumgyrationis distabat ab Arbore in medio insigni intervallo, ac intervallum coruscabat jubare lucis, ex quo arbores gyri splendebant splendorè successivo & continuato a primis ad ultimas: primæ arbores erant omnium præstantissimæ, fructibus opimis luxuriantes, vocatae Paradisiacæ, nusquam visæ quia non datæ nec dables in terris Mundi naturalis; post has excipiebant arbores olei; post has arbores vini; post has arbores fragrantia; ac ultimo arbores ligni utiles ad fabricas. Hic & ibi in hac Helice arborea seu in hoc gyro erant Sedilia formata ex adductis & complicatis propaginibus arbórum a tergo, ac opimata & exornata fructibus illarum. In perpetuo illo Orbe arboreo erant ostia, quæ patebant in floreto, & ab his in verteta, distincta in areas & toros. Comites Angeli his visis exclamabant, en Cælum in forma; quoque vertimus acies oculorum nostrorum, influit aliqd Cæ-

lestè Paradisiacum, quod est ineffabile. His auditis Angelus gavisus est, & dixit, omnes Horti nostri Cæli sunt Formæ repræsentativæ seu Typi beatitudinum cælestium, in suis originibus, & quia influxus harum beatitudinum elevavit mentes vestras, clamavistis, en Cælum in forma; at illi, qui non recipiunt illum influxum, spectant Paradisiaca hæc non aliter quam sylvestria; & omnes illi recipiunt influxum, qui in amore usus sunt, at illum non recipiunt, qui in amore gloriæ sunt, & non ex usu. Postea exposuit & docuit, quid singula Horti istius repræsentabant & significabant.

742. Cum in his erant, venit nuntius a Principe, qui invitavit illos ad comedendum panem secum; & simul tunc duo satellites aulæ apportabant vestes byssi, & dixerunt, induite has, quia nemo ad mensam Principis admittitur nisi indutus vestibus Cæli; & accinxerunt se, & comitati sunt Angelum suum, & introducebantur in Hypethrum, ambulatorium Palatii, & exspectabant Principem; & ibi Angelus insertabat illos confortiis cum Magnatibus & Moderatoribus, qui etiam præstolabantur Principem: & ecce post horulam apertæ sunt fores, & per unam latiorem ab Occidente viderunt Ejus introitum in ordine & pompa processionis: præbant illum Consiliarii a latere, post hos Consiliarii a cameris, & post hos Primarii ex aula: in horum medio fuit Princeps, & post illum aulici variae distinctionis, & ultimo satellites; omnes connumerati ad centum & viginti. Angelus stans ante decem novos advenas, ex vestitu tunc apparentes ut inquiliini; accessit cum illis ad Principem, & reverenter adduxit illos; & Princeps in procedendo non moratus, dixit illis, Venite mecum ad panem, & sequuti sunt in Triclinium, & viderunt Mensam magnifice apparatam, in medio ejus excelsam Pyramidem ex auro cum centum scutellis in triplici ordine super formis suis, super quibus erant panes sacharini, & musta vinorum concreta, cum aliis lauitis ex pane & vino confectis; ac per medianam Pyramidem scaturivit sicut fons saliens cum vino nectareo, cuius vena ex summitate Pyramidis dispersit se, & cyathos implevit. Ad latera hujus excelsæ Pyramidis erant variae formæ cælestes ex auro, super quibus erant patinæ & patellæ cibis omnis generis refertæ: formæ cælestes, super quibus patinæ & patellæ, erant formæ artis ex sapientia, quæ in Mundo non aliqua arte exarari, nec voce describi possunt: patinæ & patellæ erant ex argento, circumcælatæ similibus formis in plano cum sustentaculis suis; cyathi erant ex gemmis pellcentibus: talis erat apparatus Mensæ.

743. Amictus autem Principis & ejus Ministrorum erat hic: Princeps indutus erat Talari coloris purpurei, insignito stellis acupictis coloris argentei; sub talari cinctus erat tunica ex serico lucente coloris hyacinthini; hæc erat circa pectus aperta, ubi anterior pars cujusdam zonæ cum Insigni suæ Societatis visa est; Insigne erat Aquila super pullis in vertice arboris cubans; hoc erat ex fulgente auro circumcincto adamantibus. Consiliarii a latere erant non dissimiliter amicti, sed absque illo Insigni, loco ejus erant sculpti sapphiri e collo ex aureo torque pendentes. Aulici erant in togis coloris badii, quibus intertexti erant flores circum aquilinos pullos; tunicae sub illis ex serico coloris opalini; similiter femoralia & tibialia. Talis erat Vestitus illorum.

744. Circumstabant mensam Consiliarii a latere, & Consiliarii a cameris, & Moderatores, & ex iussu Principis complicabant manus, & simul susurrabant laudem votivam ad Dominum, & post hanc ex nutu Principis se super toris ad mensam reposuerunt; & dixit Princeps ad decem advenas, discubite etiam vos necum, ecce ibi sedes vestræ; & discubuerunt; & aulici prius a Principe missi ad ministrandum illis, adstabant illis a tergo; & tunc dixit illis Princeps, sumite quisque patellam ex orbibus suis, & postea quisque scutellam ex Pyramide; & desumserunt; & ecce illico novæ patellæ & scutellæ loco illarum superimpositæ apparebant; ac cyathi illorum ex fonte saliente e magna Pyramide vino implebantur; & come-

debant. Post medium satietatem alloquebatur Princeps decem invitatos; & dixit, audivi quod in terra, quæ sub hoc Cælo est, convocati fueritis ad aperiendum cogitationes vestras de Gaudiis cæli & inde Felicitate æterna, & quod protuleritis illas diversimode, quisque secundum jucunda sensuum corporis sui; sed quid jucunda sensuum corporis absque jucundis animæ, est anima quæ jucundat illa, jucunda animæ in se sunt beatitudines imperceptibiles, sed sunt plus & plus perceptibiles, sicut descendunt in cogitationes mentis, & ab his in sensationes corporis; in cogitationibus mentis percipiuntur sicut faustitates, in sensationibus corporis sicut jucunditates; & in ipso corpore sicut voluptates; ex his & illis simul est Felicitas æterna; at ex solis posterioribus illa Felicitas non est æterna, sed tempora, quæ finitur, & transit, & quandoque fit infelicitas. Vidistis nunc quod omnia gaudia vestra etiam sint gaudia cæli, & excellentiora quam usquam cogitare potuistis, sed usque hæc non interius afficiunt animos nostros. Sunt tria, quæ ut unum influunt a Domino in animas nostras; hæc tria ut unum, seu hoc trinum, sunt amor, sapientia, & usus, at amor & sapientia non existunt nisi idealiter, quia solum in affectione & cogitatione mentis, sed in usu realiter, quia simul in actu & opere corporis; & ubi realiter existunt, ibi etiam subsistunt; & quia amor & sapientia existunt & subsistunt in usu, est unus qui nos afficit, ac unus est fideliter, sincere & fedule obire suæ functionis opera; amor unus, & inde studium in usu, continet mentem ne diffatuat, & ne circumvagetur, & hauriat omnes cupiditates, quæ e corpore & e mundo per sensus cum illecebris influunt, ex quibus vera Religionis & vera Moralitatis cum suis bonis dissipantur in omnes ventos; at studium mentis in usu continet & colligat illa, & disponit mentem in formam receptibilem sapientiæ ex veris illis; & tunc a lateribus exterminat & falsitatum & vanitatum Iudibria & Iudrica. Sed plura de his audietis ex sapientibus nostræ Societatis, quos post meridiem hanc mittam ad vos. His dictis surrexit Princeps, & una cum illo convivæ, ac pacem dixit, & mandavit Angelo illorum ductori, ut reduceret illos in sua conclavia, & illis omnes honores civilitatis exhiberet; & quoque ut vocaret viros urbanitatis & affabilitatis, qui illos sermone de variis gaudijs hujus Societatis oblectarent.

745. Cum redierunt, factum est ita, & votati ex urbe, qui sermone de variis gaudijs Societatis oblectarent illos, venerunt, & hi post salutationes ambulando loquebantur elegancias cum illis: sed Angelus ductor illorum dixit, quod decem viri invitati sint in hoc Cælum, ut videant Gaudia ejus, & inde novam idem de Felicitate æterna recipient; commemorate ergo aliqua de gaudiis ejus, quæ afficiunt sensus corporis; postea venturi sunt Sapientes; qui memorabunt aliqua, quæ illa gaudia reddunt fausta & felicia; his auditis votati ex urbe commemo-rabant hæc. Sunt hic dies festivitatis indicti a Principe, ut animi relaxentur a defatigatione, quam cupiditas æmulationis aliquibus induxerat; his diebus sunt Harmoniæ musicæ & Cantus in foris, & extra urbem Ludi & Spectacula; in Foris tunc sunt elevatae Orchestrae circumductæ cancellis consertis ex vitibus, e quibus pendent botri, intra quos in tribus elevationibus sedent Musici cum instrumentis chordæ, & cum instrumentis soni, vocis altae & vocis humilis, ac vocis strenuae & vocis blanda, & ad latéra sunt Cantores & Cantrices, & cum amoenissimis jubilis & cantibus, mixtis & solis, per intervalla quoad species variatis, cives oblectant; hæc ibi diebus illis festivitatis a mane ad meridiem, & post hanc ad vesperam, persistunt. 2. Præterea unoquovis mane e domibus circum Fora audiuntur suavissimi Cantus virginum & puellarum, ex quibus tota urbs personat, est una affectio amoris spiritualis, quæ quovis mane cantatur, hoc est, per modificationes vocis canoræ seu modulationes sonatur, & affectio illa in cantu percipitur sicut ipsa foret; influit in audientium animas, & excitat illas ad correspondentiam; talis est cantus cælestis; dicunt cantrices, quod sonus cantus illarum se-

sicut inspiret & animet ex interiori, & jucunde exaltet, secundum receptionem ab audientibus: hoc finito, clauduntur fenestrae domuum Fori, & simul domuum platearum, & quoque januae, & tunc silet tota urbs, nec ullibi auditur clamor, nec apparent vagabundi, omnes tunc accincti obeunt munia suorum officiorum.

3. At tempore meridie aperiuntur januae, & post meridiem etiam alicubi fenestrae, & spectantur ludi puerorum & puellarum in plateis, moderantibus illos, alumnis & magistris illorum, sedentibus in porticibus domuum.

4. Ad latera urbis in ejus extremis, sunt varii ludi puerorum & adolescentium; sunt ludi cursorii, sunt ludi cum pilis; sunt ludi cum pilaminibus repercussis, rachets, vocatis; sunt certamina palæstrica inter pueros, quis impigrior & quis pigrior loquendo, agendo & percipiendo; & pro impigrioribus aliqua folia laurus in præmium; præter plura alia, quæ sunt excitatoria habitatum in pueris latentium.

5. Insuper extra urbem sunt Spectacula comædorum super theatris, representantium varias vitæ moralis honestates & virtutes, inter quos etiam sunt histriones propter relationes; & quæsivit unus ex decem, quid propter relationes, & responderunt, non potest aliqua virtus cum ejus honestis & decoris sisti ad vivum, nisi per relativa ab illorum maximis ad minima, histriones representant minima illorum usque dum fiunt nulla; sed lege sancitum est, ne aliquid oppositi, quod vocatur in honestum & indecorum, nisi figurate & sicut e longinquæ exhibeant: quod ita sancitum sit, est causa, quia non aliquid honestum & bonum alicujus virtutis per successivas progressiones transit ad in honestum & malum, sed ad minima ejus usque dum perit, & cum perit inchoat oppositum; quare Cælum, ubi omnia honesta & bona sunt, nihil commune habet cum inferno, ubi omnia in honesta & mala sunt.

746. Inter loquendum famulus accurrit & nuntiavit, quod octo Sapientes ex iusatu Principis adsint, & velint intrare, quo auditio Angelus exiit, & exceptit illos, & introduxit; & mox Sapientes post consociationis solennia & decora, primum loquebantur cum illis de sapientiae initiis & incrementis, quibus immiscuerunt varia de ejus successu, & quod sapientia apud angelos nusquam finem habeat & desinat, sed quod crescat & augeatur in æternum. His auditis Angelus cohortis dixit illis, Princeps noster ad mensam loquutus est cum illis de sapientiae sede, quod sit in usu, loquamini, si placet, cum illis etiam de eo: & dixerunt, homo primum creatus, imbutus est Sapientia & ejus amore, non propter se, sed propter communionem ejus cum aliis a se: inde sapientia sapientum inscriptum est, ut non quisquam sibi soli sapiat & vivat nisi simul aliis; inde Societas, quæ aliquin non foret; vivere aliis est usus facere; usus sunt vincula ejus, quæ totidem sunt quot usus boni, ac usus sunt numero infiniti; sunt usus spirituales qui sunt amoris in Deum, & amoris erga proximum; sunt usus morales & civiles, qui sunt amoris societatis & civitatis in qua homo est, ac sociorum & civium cum quibus est; sunt usus naturales, qui sunt amoris mundi & ejus necessitatum; & sunt usus corporei, qui sunt amoris conservationis sui propter superiores usus. Omnes hi usus inscripti sunt homini, & sequuntur in ordine, unus post alterum, & cum simul sunt, unus est in altero: illi qui in primis usibus sunt, qui sunt spirituales, etiam in sequentibus sunt, & hi sunt sapientes; illi autem qui non in primis, & usque in secundis & inde sequentibus sunt, non ita sapientes sunt, sed solum ex moralitate & civilitate externa apparent sicut sint; illi qui non in primis & secundis sunt, sed in tertis & quartis, nihil minus quam sapientes sunt, nam sunt satane, amant enim solum mundum, & se ex mundo; at illi qui modo in quartis sunt, omnium minime sapientes sunt, sunt enim diaboli, quia sibi solis vivunt, & si aliis, est unice propter se. Præterea cuiusvis amori est suum jucundum, vivit enim amor per hoc, ac jucundum amoris usum est jucundum cæleste, quod sequentia jucunda ordine intrat, & secundum ordinem successionis exaltat illa, ac æternat illa: post hæc enumeraverunt Delicias cælestes procedentes ex amore usus,

sus, & dixerunt quod sint myriades myriadum, & quod in illas intrent qui in Cælum: & porro de amore usus per sermones sapientiae protraxerunt diem cum illis usque ad vesperam.

Sed circa vesperam venit cursor amictus linteo ad decem advenas comites Angelii, ac invitavit illos ad Nuptias sequente die celebrandas; & advenae valde latati sunt, quod etiam visuri sint nuptias in Cælo. Post hoc, ducti sunt ad quendam Consilium a latere, & cœnaverunt cum illo, & post cœnam redierunt, & secesserunt ab invicem, quisque in suum cubiculum, & dormiverunt usque ad mane; & tunc evigilati audiebant Canticum virginum & puellarum e domibus circum Forum, de quo supra; canebatur tunc affectio amoris conjugialis; ex cuius suavitate penitus affecti & perciti, percipiebant beatam amænitatem insitam gaudiis suis, quæ elevabat illa, & innovabat illa. Cum tempus erat, dixit Angelus, accingite vos, & induite vestes Cæli, quas Princeps noster ad vos miserat; ac induerunt, & ecce vestes splendebant sicut ex luce flammæ; & quæsiverunt Angelum, unde hoc, respondit, quia ad nuptias ituri estis, apud nos tunc splendent vestes, & fiunt nuptiales.

747. Post hæc duxit Angelus illos ad Domum nuptiarum, & janitor aperuit fores; & mox intra limen recepti & salutati ab Angelo misso a Sponso, ac introducti sunt, & adducti ad sedes pro illis designatas; & mox invitati in Antithalamum, ubi viderunt in medio Mensam, super qua positum erat magnificum Candelabrum instructum septem calamis & schyphis ex auro; & ad parietes pendebant Lychnaria ex argento; ex quibus accensis apparuit atmosphæra sicut aurea: & viderunt ad latera Candelabri binas Mensas, super quibus in triplici ordine repositi erant Panes; & in quatuor angulis Mensas, super quibus erant Cyathi chrystillini. Dum illa lustrabant, ecce aperiebatur janua e conclavi juxta thalamum, & viderunt sex Virginés exeentes, & post illas Sponsum & Sponsam, tenentes se manibüs; & ducentes se ad Solium, quod e regione Candelabri positum erat, super quo se reposerunt, Sponsus ad sinistram, & Sponsa ad dextram ejus, & sex virgines constiterunt ad latus solii juxta Sponsam. Sponsus indutus erat Pallio ex purpura luctante, & Tunica ex bysso splendente, cum Ephodo, super quo erat bractea aurea adamantibus circumobsita; & bractæ insculptus erat Pullus aquilæ, insigne nuptiale hujus societatis cæli; & Sponsi caput tegebat cedaris: Sponsa autem amicta erat chlamyde coccinea, & sub illa toga acupicta, continua a collo ad pedes, & sub pectore zona aurea, & super capite corona ex auro cum insitis rubinis. Cum ita considerunt, convertit se Sponsus ad Sponsam, ac impofuit digito ejus annulum aureum, & deprompsit armillas & collarium ex unionibus, & alligabat armillas super poplites manuum ejus, & collarium circum collum ejus, & dixit, accipe hæc pignora; & dum illa accepit, osculatus est illam, & dixit, nunc mea es, & vocavit illam suam uxorem. Hoc facto clamaverunt invitati, sit Benedictio; hoc clamavit quisque per se, & dein omnes simul; unus a Principe missus vice ejus etiam acclamavit; & eo momento implebatur Antithalamus illo fumo aromatico, quod erat signum benedictionis e cælo: & tunc ministri ex duabus mensis juxta Candelabrum sumserunt Panes, & ex mensis in angulis Cyathos nunc vino impletos, & dederunt cuivis invitato suum panem & suum cyathum, ac ederunt & biberunt. Post hæc surrexerunt Maritus & ejus Uxor, sequentibus sex virginibus cum argenteis nunc accensis lampadibus in manibus usque ad limen; ac Conjuges intraverunt Thalamum; & clausa est janua.

748. Postea loquutus est Angelus ductor cum invitatis de decem comitibus suis, quod ex mandato introducerit illos, & monstaverit illis magnifica Palatii Principis, & mirifica ibi, & quod epulati sint ad mensam cum illo; & quod postea loquuti sint cum Sapientibus nostris; ac petiit, ut liceat illis etiam vobiscum sociale aliquem sermonem; & accesserunt, & colloquuti sunt; & unus sapiens ex viris

nuptiarum dixit, intelligitis quid significant illa quæ vidistis? dixerunt quod parum; & tunc quæsiverunt illum, cur Sponsus nunc Maritus in tali vestitu fuit; respondit, quod Sponsus nunc Maritus repræsentaverit Dominum, ac Sponsa nunc Uxor repræsentaverit Ecclesiæ, quia Nuptiæ in Cælo repræsentant Conjugium Domini cum Ecclesia; inde est quod super Illius capite esset Cidaris, & ille induit pallio, tunica, & ephodo, sicut Aharon; & quod super Sponsæ nunc Uxoris capite esset Corona, & illa induita Chlamyde sicut Regina; sed cras erunt aliter amicti, quia Repræsentatio hæc modo perfstat hodie. Quæsiverunt iterum, quia Ille repræsentavit Dominum, & Illa Ecclesiæ, cur Illa ad dextram Ejus fedit; respondit sapiens, quia duo sunt quæ faciunt Conjugium Domini & Ecclesiæ, Amor & Sapientia, ac Dominus est Amor, & Ecclesia est Sapientia, & Sapientia ad dextram amoris est; sapit enim homo Ecclesiæ sicut a se, & sicut sapit, recipit amorem a Domino; dextra etiam significat potentiam, & potentia amori est per Sapientiam: sed ut dictum est, post nuptias mutatur repræsentatio, nam tunc Maritus repræsentat Sapientiam, & uxor sapientia ejus Amorem, verum hic Amor non est amor prior, sed est amor secundarius, qui est a Domino uxori per sapientiam mariti; amor Domini, qui est amor prior, est amor sapiendi apud maritum, quare post nuptias, ambo simul, maritus & ejus uxor, repræsentant Ecclesiæ. Quæsiverunt denuo, cur non vos Viri stetistis ad latus Sponsi nunc Mariti, sicut sex Virgines steterunt ad latus Sponsæ nunc Uxoris; respondit sapiens, causa est, quia nos hodie numeramur inter virgines, ac numerus sex significat omnes & completum; at dixerunt, quid hoc, respondit, Virgines significant Ecclesiæ, & Ecclesia est ex utroque sexu, quare etiam nos quoad Ecclesiæ sumus Virgines; quod ita sit, constat ex his in Apocœlypsi „Hi sunt, qui cum mulieribus non inquinati sunt, VIRGINES enim sunt, & sequuntur Agnum quocunque vadit” Cap. XIV: 4. Et quia Virgines significant Ecclesiæ, ideo Dominus assimilavit illam decem VIRGINIBUS invitatis ad nuptias, Matth. Cap. XXIV: 1 seq. & quia per Israelem, Zionem & Hierosolymam, significatur Ecclesia, ideo toties in Verbo dicitur VIRCO ET FILIA ISRAELIS, ZIONIS ET HIEROSOLYMÆ: Dominus, etiam describit Conjugium suum cum Ecclesia his verbis apud Davidem „REGINA AD DEXTRAM TUAM in auro opimo ophiris, de implexis auri vestis ejus, in ACUPICTIS adducetur Regi, VIRGINES POST ILLAM amicæ ejus vident in palatum Regis” Psalm XLV: 10 ad 16. Postea dixerunt, numne conveniens est, ut aliquis Sacerdos adsit & ministret in his, respondit sapiens, hoc in terris est conveniens, non autem in cælis, propter repræsentationem Ipsiœ Domini & Ecclesiæ; hoc in terris non sciunt; at usque apud nos administrat Sacerdos Desponsationes, & Consensum audit, recipit, confirmat & consacrat, Consensus est esseentiale conjugii, & reliqua, quæ sequuntur, sunt ejus formalia.

749. Post hæc Angelus ductor accessit ad sex Virgines, & quoque narravit illis de comitibus suis, & petiit, ut dignarentur illos suo confortio; & accesserunt, sed cum prope erant, subito recesserunt, & ingressæ sunt gynæcum, ubi etiam virgines amicæ illarum erant: hoc viso, Angelus ductor sequutus est illas, & quæsivit, cur absque loquendo cum illis tam subito recesserint; & responderunt, non potuimus appropinquare, & dixit cur hoc, & responderunt, non scimus, sed percepimus aliquid quod repulit & retroduxit nos, ignoscant: & Angelus rediit ad fuos comites, & dixit responsum, & addidit, auguror quod vobis non sit amor sexus castus; in Cælo amamus virgines ex illarum pulchritudine & elegantia morum, & impense amamus illas, sed caste; ad hoc riserunt ejus comites, & dixerunt, recte auguraris, quis potis est videre tales pulchritudines prope, & non aliquid cupere.

750. Post hoc festivum Sodalitum omnes invitati ad nuptias abiverunt, & quoque decem illi Viri cum suo Angelo, erat sera Vespera, & cubitum ibant. In di-

luculo audiverunt Proclamationem, HODIE SABBATHUM, & surrexerunt, & interrogaverunt Angelum, quid illud, respondit, quod sit ad Cultum Dei, qui statim temporibus redit, & a Sacerdotibus proclamatur; peragitur ille in Templis nostris, & perstat circiter binas horas; quare, si lubet, ite mecum, & introducam; & accinxerunt se, & comitati sunt Angelum, & intraverunt: & ecce Templum erat amplum, capax circiter trium millium, semitotundum, scama seu sedilia continua secundum figuram Templi in rotundum circumducta. Pulpitum ante illa paulo retractum a centro; janua post pulpitum a sinistro. Intraverunt decem Viri advenæ cum Angelo ductore suo, & Angelus addixit illis loca ubi federent, dicens illis, quisque qui intrat in Templum, scit suum locum, hoc scit ex insito, nec potest sedere alibi; si alibi, nihil audit & nihil percipit, & quoque turbat ordinem, a quo turbato Sacerdos non inspiratur.

751. Postquam congregati sunt, ascendit Sacerdos pulpitum, & concionabatur sermonem plenum spiritu sapientiae: Concio erat de sanctitate Scripturæ sacræ, & de coniunctione Domini cum utroque Mundo, Spirituali & Naturali, per illam; in illustratione, in qua erat, plene convicit, quod Sanctus ille Liber dictatus sit a Jehovah Domino, & quod inde Ipse sit in illo, adeo ut Ipse sit Sapientia ibi; sed quod Sapientia, quæ est Ipse inibi, sub sensu literæ jaceat recondita, & non aperiatur nisi illis, qui in veris doctrinæ, & simul in bonis vitæ sunt, & sic in Dominio & Dominus in illis: Concioni subjunxit votivam orationem, & descendit. Exeuntibus auditoribus Angelus rogavit Sacerdotem, ut aliqua verba pacis cum decem suis comitibus loqueretur; & accessit ad illos, & colloquebantur per se missæ horæ, & loquebatur de Divina Trinitate, quod illa in Jesu Christo sit, in Quo Plenitudo omnis Divinitatis corporaliter habitat, secundum edictum Apostoli Pauli; & postea de Unione Charitatis & Fidei, sed dixit, de Unione Charitatis & Veritatis, quia Fides est Veritas.

752. Post gratiarum dictionem, abiverunt domum; & ibi dixit illis Angelus, est hodie Tertius dies ab ascensu vestro in hujus Cæli Societatem, & in tres dies præparati estis a Domino ad manendum hic, quare tempus est ut separemur: exuite itaque vestes missas a Principe, ac induite vestras; & cum in his erant, inspirabantur desiderio secedendi, & fecesserunt, & descenderunt, Angelo comitante illos usque ad locum conventus; & ibi Domino gratias egerunt, quod dignatus sit illos beare scientia & inde intelligentia de Gaudiis Cælestibus & de Felicitate æterna.

CAPUT DECIMUM QUARTUM

D E

CONSUMMATIONE SÆCULI: DE ADVENTU DOMINI: ET DE NOVO CÆLO ET NOVA ECCLESIA.

Quod Consummatio sæculi sit ultimum tempus seu finis Ecclesie.

753. In hac Tellure fuerunt plures Ecclesiæ, & omnes successu temporis consummatæ sunt, & post consummationem earum novæ exstiterunt, & sic usque ad hodiernum tempus; consummatio Ecclesiæ fit quando non aliquid Divinum verum supereit, nisi falsificatum aut rejectum, & dum non aliquid genuinum verum est, non potest aliquid genuinum bonum dari, quoniam omne quale boni formatur per vera, est enim bonum essentia veri, & verum est forma boni, & absque forma non datur quale; bonum & verum non possunt plus separari, quam voluntas & intellectus, seu quod idem, quam affectio amoris & cogitatio inde; quapropter dum consummatur verum in Ecclesia, etiam consummatur bonum ibi, & cum hoc fit, tunc Ecclesia finem habet, hoc est, consummatio ejus est.

754. Ecclesia consummatur per varia, imprimis per talia, quæ faciunt ut falso appareat ut verum, & cum illud appareret Verum, tunc Bonum quod in se bonum est, & vocatur bonum spirituale, non amplius datur; bonum, quod tunc creditur bonum, est modo bonum naturale, quod moralis vita producit. Causa, quod verum & una cum illo bonum consummentur, sunt imprimis duo Amores naturales, qui e diametro oppositi sunt binis amoribus spiritualibus, qui vocantur Amor sui & Amor mundi, amor sui dum regnans est, oppositus est amori in Deum, & amor mundi, dum regnans est, oppositus est amori erga proximum; amor sui est sibi Soli bene velle, & non alteri nisi propter se, similiter amor mundi; & illi amores, ubi inescati sunt, se dilatant sicut caro morticina per corpus, & successive consumunt omnia ejus: quod talis amor invaserit Ecclesias, manifeste constat ex Babylonia & ejus descriptione, Gen. XI: 1 ad 9. Esaj. XIII: XIV: XLVII: Jerem. L: & apud Danielem, Cap. II: 31 ad 47. Cap. III: 1 ad 7. seq. Cap. V: Cap. VI: 8 ad fin. Cap. VII: 1 ad 14. Et in Apocalypsi Cap. XVII: & XVIII, utrumque a principio ad finem; quæ se tandem extulit in tantum, ut non modo Divinam Potestatem Domini in se transfulerit, sed etiam summō studio omnes gazas Mundi in se conferre allaboret. Quod similes amores e multis Primoribus Ecclesiæ extra Babyloniam, erumperent, nisi potestas illorum limitata & sic refrænata foret, ex auguriis & apparentiis non ita vanis concludi potest; quid tunc aliud, quam quod homo talis se spectet ut Deum, & Mundum ut Cælum, & quod omne verum Ecclesiæ pervertat; nam ipsum verum quod in se verum est, non cognosci & agnosci potest ab homine mere naturali, nec potest dari illi a Deo, quia eadit in inversum, & fit falsum. Præter hos binos amores sunt adhuc plura

res causæ consummationis veri & boni, & inde consummationis Ecclesiæ, sed hæ causæ sunt secundariæ, & binis illis subordinatæ.

755. Quod Consummatio Sæculi sit ultimum tempus Ecclesiæ, constat ex locis in Verbo, ubi nominatur, ut ex his, CONSUMMATIONEM & DECISIONEM audiri a eum Jehovah super universam terram, Esaj. XXVIII: 22. CONSUMMATIO definita, inundata justitia, nam CONSUMMATIONEM ET DECISIONEM Dominus Jehovih Zebaot faciens in tota terra, Esaj. X: 22. 23. In igne Zeli Jehovæ comedetur tota terra, quia CONSUMMATIONEM festinatam faciet cum omnibus habitatoribus terre, Zephani. I: 18. per Terram in his locis significatur Ecclesia, quia intelligitur terra Canaan, ubi Ecclesia fuit; quod Ecclesia per Terram significetur, ex plurimis locis e Verbo confirmatum videatur in APOCALYPSI REVELATA, n: 285. 902. Tandem super avem abominationum DESOLATIO, & usque ad CONSUMMATIONEM ET DECISIONEM stillabit super DEVASTATIONEM, Dan. IX: 27. quod hæc a Daniele de fine hodier næ Ecclesiæ Christianæ dicta sint, videatur Matth. XXIV: 15. VASTITAS erit tota Terra, CONSUMMATIONEM tamen non faciam, Jerém. IV: 27. Nondum CONSUMMATA est iniqüitas Emoræorum, Gen. X: 22. 23. Dixit Jehovah, descendam & videbo, num juxta clamorem, qui venit ad Me, fecerint CONSUMMATIONEM, Genes. XVII: 21, de Sodoma. Ultimum tempus Ecclesiæ hodier næ Christianæ etiam per Consummationem sæculi a Domino intelligitur in his locis, Discipuli interrogarunt Jesum, quodnam signum tui Adventus & CONSUMMATIONIS SÆCULI, Matth. XXIV: 3. Tempore messis dicam Messoribus, colligite primum Zizania ad comburendum; Triticum colligite in horrea, sic erit in CONSUMMATIONE SÆCULI, Matth. XIII: 40. In CONSUMMATIONE SÆCULI exhibent Angeli, & separabunt malos e medio justorum, Matth. XIII: 49. Jesus dixit Discipulis, ecce Ego vobis cum sum usque ad CONSUMMATIONEM SÆCULI, Matth. XXVIII: 20. Sciendum est, quod Vastatio, Desolatio, Decisio simile significant quod Consummatio; sed Desolatio consummationem veri, Vastatio coconsummationem boni, & Decisio consummationem utriusque plenariam; & quod Plenitudo temporis, in qua Dominus in Mundum venit, & in qua venturus est, etiam sit Consummatio.

756. Consummatio Sæculi illustrari potest per varia in Mundo naturali, in hoc enim omnia & singula, quæ super Tellure sunt, antiquantur & consumuntur, sed per vices alternas, quæ vocantur Circuli rerum, hos percurrunt tempora in communi & in parte; in Communi, transit Annus a vere in æstatem, & per hanc in autumnum, & definit in hyemem, & ab hac redit in ver, sed hic circulus est calorius; in Parte, transit Dies a mane in meridiem, & per hanc in vesperam, & definit in noctem, & ex hac redit in mane, at hic circulus est lucis. Omnis etiam homo percurrit naturæ circulum, inchoat vitam ab infantia, e qua progreditur in adolescentiam & juventutem, & ab hac in senectam, & moritur: consimiliter omnis avis cæli, & omnis bestia terræ. Omnis etiam arbor incipit a germine, procedit ad staturam plenam, & successive denascitur, usque dum cadit. Simile fit cum omni arbusto & cum omni virgulto, imo cum omni folio & flore, & quoque cum ipsa humo, quæ tempore sterilis fit; ut & cum omni aqua quiescente, quæ successive putreficit. Omnia hæc sunt Consummationes alternæ, quæ naturales & temporariæ, sed usque periodicæ, nam dum unum a sua origine ad finem transivit, simile alterum exoritur, ita unumquodvis nascitur & denascitur, ac iterum nascitur; propter finem ut continuetur creatio. Quod simile fiat cum Ecclesia, est quia homo est illa, & in communi facit illam, ac una generatio sequitur alteram, & omnium animorum varietas est, & iniquitas semel irradicata quoad inclinationem ad illam traducitur in posteritatem, & illa non extirpatur nisi quam per regenerationem, quæ a solo Domino fit.

Quod hodie sit ultimum tempus Ecclesiæ Christianæ, quod a Domino apud Evangelistas & in Apocalypsi prædictum & descriptum est.

757. Quod Consummatio sæculi significet ultimum tempus Ecclesiæ, in Articlelo præcedente ostensum est, inde patet, quid per Consumptionationem sæculi, de qua Dominus apud Evangelistas, Matth. XXIV: Marc. XIII: Luc. XXI:, loquutus est, intelligitur; nam legitur, *Confidente Iesu super Monte olivarum acceſſerunt ad Ipsum Discipuli seorsim, dicentes, quodnam ſignum tui Adventus & Conſumptionis ſæculi,* Matth. XXIV: 3; & tunc exorsus Dominus prædixit & descripsit Consumptionationem, qualis successive futura est usque ad suum Adventum, & quod tunc venturus in nubibus Cæli cum virtute & gloria, & congregaturus electos suos, præter plura, Vers. 30. 31., quæ nullatenus contigerunt in destructione Hierosolymæ. Hæc ibi Dominus sermone prophetico descripsit, in quo singula verba sunt totidem pondera; quid singula ibi involvunt, explicatum est in ARCANIS CÆLESTIBUS, n: 3353 ad 3356. 3486 ad 3489. 3650 ad 3655. 3751 ad 3757. 3898 ad 3901. 4057 ad 4060. 4229 ad 4231. 4332 ad 4335. 4422 ad 4424.

758. Quod omnia illa, quæ Dominus cum Discipulis loquutus est, de ultimo tempore Ecclesiæ Christianæ dicta sint, manifeste patet ex Apocalypsi, ubi similia de Consumptionatione sæculi & de Adventu Ipsius, prædicuntur, quæ omnia in APOCALYPSI REVELATA Anno 1766 edita, singulatim explicata sunt: nunc quia illa, quæ Dominus de Comsummatione sæculi & de Adventu suo coram Discipulis dixit, coincidunt cum illis, quæ postea in Apocalypsi per Johannem de iisdem revelavit, patet clare, quod non aliam Consumptionationem, quam Ecclesiæ hodiernæ Christianæ, intellexerit. Præterea de hujus Ecclesiæ fine etiam apud Danielem prophetatum est, quare dicit Dominus, *Cum videritis abominationem desolationis, prædictam a Daniele Propheta, stantem in loco sancto, qui legit probe notet,* Matth. XXIV: 15. Dan. IX: 27. similiter etiam apud reliquos Prophetas. Quod talis Abominatione desolationis hodie sit in Ecclesia Christiana, adhuc patet ex Appendice, in qua videbitur, quod non unicum genuinum verum in Ecclesia residuum sit, & quoque quod nisi Nova Ecclesia loco hodiernæ exsuscitetur, Nulla caro salvari posse, secundum Verba Domini apud Matthæum Cap. XXIV: 22. Quod Ecclesia Christiana, qualis est hodie, in tantum consummata & valfata sit, non videri potest ab illis in terra, qui se in falsis ejus confirmaverunt, causa est, quia confirmatio falsi est negatio veri, quare ponit sicut velum sub intellectu, & per id custodit, ne quid aliud subintret, quod convellit ejus funes & palos, per quos systematicum suum sicut tentorium firmum ædificavit & conformavit. Accedit, quod Rationale naturale confirmare possit quicquid lubet, ita æque falsum ac verum, & quando confirmatum est, appareat utrumque in simili luce, & non cognoscitur num lux fatua sit, qualis datur in somnio, vel num sit lux vera, qualis datur in die: sed aliter prorsus Rationale spirituale, in quo sunt illi qui spectant ad Dominum, & ab Ipsi in Amore veri sunt.

759. Ex hoc est, quod omnis Ecclesia ex Videntibus per confirmationes constabilita, appareat sicut unica sit in luce, & quod omnes reliquæ, quæ dissentunt, sint in tenebris; nam videntes per confirmationes, sunt non absimiles noctuis, quæ vident lucem in umbra noctis, ac interdiu solem & ejus radios sicut caliginem; talis fuit & quoque est omnis Ecclesia quæ in falsis, quando ab Antesignanis sibi visis ut lyncei semel fundata est, qui matutinam lucem sibi fecerunt ex propria

pria intelligentia, & vespertinam ex Verbo; numne Ecclesia Judaica, quando prorsus vastata est, quod erat cum Dominus noster in Mundum venit, ex suis Scribis & Legisperitiis, alte clamavit, quod quia habebat Verbum, sola in lumine cælesti eslet, cum tamen Messiam seu Christum, qui erat ipsum Verbum & omne in omnibus ejus, crucifixerunt. Quid aliud clamat Ecclesia, quæ per Babyloniam apud Prophetas & in Apocalypsi intelligitur, quam quod sit Regina & Mater omnium Ecclesiarum, & quod reliquæ, quæ recedunt, sint proles spuriæ, quæ excommunicandæ; & hoc tametsi Dominum Salvatorem ex Solio & Altari detrusit, & se super imposuit. Numne omnis Ecclesia usque ad summe hæreticam, quando semel recepta est, clamore implet regiones & urbes, quod sola sit Orthodoxa, & Oecumenica, & quod apud se sit Evangelium, quod Angelus volans in medio cæli annuntiavit, Apoc. XIV: 6., & quis non audit echo vocis illorum ex vulgo, quod ita sit. Numne universa Synodus Dodrechtana vidit Prædestinationem alter quam sicut Stellam e Cælo cadentem super Capita illorum, & illud dogma osculati sunt, sicut Philistæ idolum Dagonis in fano Eban Eser Asdodi, & sicut Græci palladium in templo Minervæ, nam illud Palladium religionis vocaverunt, non scientes quod stella cadens sit meteoron ex luce fatua, quæ dum incidit in cerebrum, confirmare potest omne falsum, quod fit per fallacias, usque ut credatur lux vera, ac decretum ut stella fixa, & tandem ut juretur quod sit sidus siderum. Quis persuasius loquitur de certitudine suæ phantasiæ, quam Naturalista atheus, numne ad Divina Dei, Cælestia Cæli, & ad Spiritualia Ecclesiæ toto pectori ridet. Quis Lunaticus non credit fatuitatem suam esse sapientiam, & sapientiam esse fatuitatem. Quis ex visu oculari dignoscit fatuam lucem ligni putris a luce lunæ. Quis qui balsamica aversatur, ut faciunt uterino morbo affectæ, non illa repellit a naribus, & malevolentia illis præfert: & sic porro; Hæc adducta sunt, illustratio-
nis causa, ad sciendum, quod a solo naturali lumine non cognoscatur, quod Ecclesia consummata sit, hoc est, quod in meritis falsis sit, priusquam veritas e Cælo in sua luce affulget; quia falsum non videt verum, sed verum videt falsum; & omnis homo talis est, quod possit videre & comprehendere verum, dum id audit, sed confirmatus in falsis, non potest inferre illud in intellectum ut maneat, quoniam non aliquem locum invenit, & si forte intrat, turma falsitatum congregata illud ut heterogenum ejicit.

*Quod Ultimum hoc tempus Ecclesiæ Christianæ, sit ipsa Nox,
in quam desierunt Ecclesiæ priores.*

760. Quod in hac Tellure post Creationem ejus fuerint quatuor Ecclesiæ in Communi, quarum una successit alteri, constare potest ex Verbo tam Historico quam Prophetico, imprimis apud Danielem, apud hunc quatuor illæ Ecclesiæ describuntur per Statuam Nebuchadnezari visam in somnio, Cap. II; & postea per quatuor Bestias e mari ascendentes, Cap. VII: Prima Ecclesia, quæ vocanda est Antiquissima, ante diluvium extitit, cuius Consummatio seu exitus describitur per Diluvium: Altera Ecclesia, quæ vocanda est Antiqua, fuit in Asia, & quoad partem in Africa, quæ Consummata est & periit per Idololatrias. Tertia Ecclesia erat Israelitica, incepta a promulgatione Decalogi super Monte Sinai, & continua per Verbum a Moysi & Prophetis conscriptum, & consummata seu finita per prophanationem Verbi, cuius plenitudo fuit tempore, quo Dominus in Mundum venit, quare Ipsum, qui fuit Verbum, crucifixerunt. Quarta Ecclesia est Christiana a Domino per Evangelistas & Apostolos restaurata; hujus bina Epochæ fuerunt, una a tempore Domini usque ad Concilium Nicænum, & altera ab illo
Cœn-

Concilio usque ad hodiernum diem; verum hæc in progressu tripartita est, in Græcam, Romano-Catholicam, & Reformatam; attamen omnes hæc vocatae sunt Christianæ. Præterea intra quamvis Ecclesiam communem fuerunt plures particulares, quæ tametsi recesserunt, usque nomen a Communi retinuerunt, sicut hæreses in Christiana.

761. Quod ultimum tempus Ecclesiæ Christianæ, sit ipsa Nox, in quam desierunt priores, constat ex Domini Prædictione de illa apud Evangelistas & apud Danielem; apud Evangelistas ex his „Quod visuri sint Abominationem desolationis, & quod futura sit afflictio magna, qualis non fuit ab initio Mundi, usque nunc, nec fiet: & quod nisi abbreviarentur dies illi, nulla caro salvari posset: & denique, Sol obscurabitur, Luna non dabit lumen suum, & Stelle cedent de Cælo, Matth. XXIV: 15. 21. 22. 29. Illud tempus vocatur Nox etiam alibi apud Evangelistas, ut apud Lucam „In nocte illa erunt duo super lecto uno, unus acceptabitur, alter vero deseretur, XVII: 34; & apud Johannem, Me oportet operari opera Ipsi⁹ qui misit Me, veniet Nox, quando nemo poterit operari, IX: 4. Quoniam omnis Lux in media nocte abit, & Dominus est vera Lux, Joh. I: 4. seq. Cap. VIII: 12. Cap. XII: 35. 36. 46; ideo ad Discipulos, cum ascendit in Cælum, dixit, Ego vobis⁹ sum usque ad Consummationem sæculi, Matth. XXVIII: 20, & tunc ab illis ad Novam Ecclesiam abit. Quod ultimum hoc tempus Ecclesiæ sit ipsa Nox, in quam desierunt Ecclesiæ priores, constat etiam apud Danielem ex his, Tandem super avem abominationum Desolatio, & usque ad Consummationem & Decūm stillabit super Devastationem, Cap. IX: 27, quod hoc de Ecclesiæ Christianæ fine prædictum sit, patet clare a Domini verbis, Matth. XXIV: 18: tum ex his apud Danielem de quarto Regno seu de quarta Ecclesia repræsentata per statuam Nebuchadnezaris „Quod vidisti ferrum mixtum cum argilla luti, commiscebunt se per semen hominis, sed non cohærebunt unum cum altero, quemadmodum ferrum non cum argilla, Cap. II: 43, semen hominis est verum Verbi. Et quoque ex his de quarta Ecclesia repræsentata per quartam Bestiam ascendentem ex mari „Videns fui in visionibus noctis, & ecce Bestia quarta, terribilis & formidabilis, comedet universam terram, & concuticabit eam, & conteret eam, Cap. VII: 7. 23. per quæ intelligitur, quod consummatura sit omne verum Ecclesiæ; & tunc erit Nox, quia verum Ecclesiæ est lux. Similia de hac Ecclesia prædicuntur plura in Apocalypsi, imprimis Cap. XVI, ubi agitur de plenis iræ Dei, effusis in terram, per quas significantur falsitates, quæ tunc Ecclesiam inundabunt & perdent. Similiter multis in locis apud Prophetas, ut in his „Nonne tenebra dies Jehovah & non lux, caligo & non splendor, Amos V: 18. 20. Zeph. I: 15. tum, In die illo despiciet Jehovah in terram, quæ ecce tenebrae, & lux obtenebret in ruinis suis, Efaj. V: 30. Cap. VIII: 22; dies Jehovah est dies adventus Domini.

762. Quod quatuor Ecclesiæ post Creationem Mundi in hac Tellure exstiterint, est secundum ordinem Divinum, qui est, quod principium sit & ejus finis, antequam novum principium exsurgit: inde est, quod omnis dies inchoet a mane, & progrediatur, & desinat in noctem, & post hanc e novo inchoet: tum quod omnis annus exordiatur a vere, & per æstatem progrediatur ad autumnum, & desinat in hyemem, & post hanc iterum exordiatur; ut hæc fiant, est quod Sol surgat in Oriente, & exinde per meridiem progrediatur in Occidentem, & desinat in septentriōnem, e qua rursus exoritur. Simile est cum Ecclesiis, Prima illarum quæ antiquissima, fuit sicut mane, ver & oriens; Altera seu antiqua fuit sicut dies, æstas & meridies; Tertia sicut vespera, autumnus & occidens; & Quarta sicut nox, hyems, & septentrio. Ex his progressionibus secundum ordinem, sapientes Antiqui concluserunt quatuor Ætates Mundi, quarum primam vocabant auream, secundam argenteam, tertiam cupream, & quartam ferream, cum quibus metallis etiam ipsæ Ecclesiæ repræsentatae sunt per statuam Nebuchadnezaris. Præterea Ecclesia

clesia coram Domino appetet sicut unus homo, & Maximus hic Homo transibit ætates suas sicut parvus homo, videlicet ab infantia ad adolescentiam, & per hanc ad juventutem, & tandem in senectam, & tunc cum moritur, resurget: dicit Dominus, *Nisi granum tritici cadens in terram moriatur, manet, at vero si moritur, multum fructum fert*, Joh. XIV: 24.

763. Quod secundum ordinem sit, ut primum procedat ad suum ultimum in Communi & in Particulari, est ut omnium varietas existat, & per varietates omnis qualitas, nam qualitas per differentias relativas ad plus & minus opposita perficitur; quis non potest videre quod Verum suum quale accipiat, per quod detur Falsum, similiter Bonum quod detur Malum, similiter ut lux quod detur caligo, & calor quod detur frigus. Quid color, si modo daretur album & non nigrum, aliunde non est colorum intermediorum qualitas nisi imperfecta. Quid Sensus absque relatione, & relatio nisi ad opposita, numne visus oculi infuscatur ex solo albo, & vivificatur ex colore, qui intus aliquid trahit ex nigro, qualis est color viridis; numne Auris surdescit ex uno tono continue stringente organa ejus, & excitatur ex modulamine, quod variatur per relations. Quid pulchrum absque relatione ad impulchrum, quare ut pulchritudo alicujus virginis ad vivum sistatur, in quibusdam picturis ad latus apponitur imago deformis. Quid jucundum & faustum absque relatione ad injucundum & infauustum. Quis non delirat ex una constante idea, nisi varietas ex talibus quæ vergunt ad opposita, interpolet illam. Simile est in spiritualibus Ecclesiæ, quoram opposita se referunt ad malum & falsum; quæ tamen non sunt ex Domino, sed ex homine, cui liberum arbitrium est, quod ad bonum usum & ad malum usum potest flectere; comparative sicut est cum caligine & frigore, hæc non sunt ex Sole, sed ex Tellure, quæ per circumvolutiones successive se subducit & vertit, & tamen absque versione & subductione ejus, non foret dies nec annus, & inde non aliquid, nec aliquis super terra. Audivi, quod Ecclesiæ, quæ in differentibus bonis & veris sunt, modo bona illorum se referunt ad amorem in Dominum, & vera ad fidem in Dominum, sint veluti totidem Clenodia in Corona Regis.

Quod post hanc Noctem sequatur Mane, & quod Adventus Domini sit illud.

764. Quoniam Status successivi Ecclesiæ in communi & in particulari, per quatuor tempora Anni, quæ sunt ver, ætas, autumnus & hyems, & per quatuor tempora Diei, quæ sunt mane, meridies, vespera & nox, in Verbo describuntur, & quia hodierna Ecclesia in Christianismo est Nox, sequitur, quod nunc instet Mane, hoc est, Primum Ecclesiæ novæ. Quod successivi status Ecclesiæ, per quatuor status lucis diei in Verbo describantur, constat ex his locis ibi, *U/que ad VESPERAM & MANE, bis mille trecenta, tunc justificabitur Sanctum; visio VESPERÆ & MANE, veritas est*, Dan. VIII: 14. 16. *Ad Me clamans e Seir custos, custos quid de NOCTE, dixit custos, venit MANE, etiamque Nox*, Esaj. XXI: 11. 12. *Venit finis, venit MANE super te, habitator Terræ; ecce DIES venit, exivit MANE*, Ezech. VII: 6. 7. 10. *Jehovah in MANE, in MANE judicium suum dabit in lucem, nec deerit*, Zeph. III: 5. *Deus in medio ejus, adjuvabit eum Deus cum spectat MANE*, Psalm XLVI: 6. *Exspectavi Jehovahm, exspectat anima mea Dominum a custodientibus MANE, custodientes MANE, quia plurima cum Ipsi Redemptio, & Ille redimet Israelem*, Psalm CXXX: 5 ad 8. In his locis per Vesperam & Noctem intelligitur ultimum tempus Ecclesiæ; & per Mane primum ejus: *Ipse Dominus etiam vocatur Mane in his locis,, Dixit Deus Israelis, mihi loquuta est*

Petra *Israelis*, Ille sicut LUX MANE, MANE sine mibibus, II Sam. XXIII: 3. 4. Ego sum radix & genus Davidis, STELLA splendida & MATUTINA, Apoc. XXII: 16. Ex utero AURORÆ tibi ros juventutis tuae, Psalm CX: 3, hæc de Domino. Quoniam Dominus est Mane, ideo etiam e seculro surrexit primo Mane, inchoaturus Novam Ecclesiæ, Marc. XVI: 2. 9. Quod Adventus Domini expectandus sit, constat manifeste ex prædictione de illo a Domino, apud Matthæum, *Concedente Iesu super Monte olivarum, accesserunt ad Ipsum Discipuli, dicentes, dic nobis, quodnam SIGNUM TUI ADVENTUS & Consummationis seculi*, Cap. XXIV: 3. Post afflictionem dierum istorum Sol obscurabitur, & Luna non dabit lumen suum, & Stellæ cadent de Cælo, & virtutes Calorum commovebuntur: & tunc apparebit SIGNUM FILII HOMINIS, & videbunt FILIUM HOMINIS VENIENTEM IN NUBIBUS CÆLI CUM VIRTUTE ET GLORIA, ibid. Vers. 29. 30. Marc. XIII: 26. Luc. XXI: 27. Sicut dies Noe, sic etiam erit ADVENTUS FILII HOMINIS; Propterea vos estote parati, quia qua hora non putatis, FILIUS HOMINIS VENIET, ibid. Vers. 37. 39. 44. 46. Apud Lucam, FILIUS HOMINIS VENIENS num inveniet fidem super terram, Cap. XVIII. 8. Apud Johannem, *Iesus dixit de Johanne, si illum volo manere DONEC VENIO*, Cap. XXI: 22. 23. In Actis Apostolorum, Dum viderunt Iesum sublatum in Cælum, viri duo stabant apud illos in vestitu albo, & dicebant, *Iesus, qui sublatus est a vobis in Cælum, sic VENIET, QUEMADMODUM VIDISTIS IPSUM EUNTEM IN CÆLUM*, Cap. I: 9. 10. 11. In Apocalypsi, Dominus Deus Sanctorum Prophetatum, misit Angelum suum ad monstrandum servis suis, quæ oportet fieri, Ecce VENIO, beatus, qui servat mandata Libri hujus, & ECCE VENIO, & merces mea Mecum, ut dem unicuique secundum opus ejus, Cap. XXII: 6. 7. 12. Et adhuc, *Ego JESUS misi Angelum meum ad testandum vobis hæc in Ecclesiæ*. Ego sum Radix & Genus Davidis, Stella splendida & matutina: Spiritus & Sponsa dicunt, VENI, & qui audit, dicit VENI; & qui sicut, VENITO, & qui vult, sumito aquam vita gratus, ibid. Vers. 16. 17. Et adhuc, Dicit, qui testatur hæc, ETIAM VENIO; Amen, ETIAM VENI DOMINE JESU. GRATIA DOMINI JESU CHRISTI CUM OMNIBUS VOBIS, Amen, ibid. Vers. 20. 21.

766. Dominus apud omnem hominem est præsens, ac urget & instat ut recipiat, & dum homo recipit illum, quod fit cum agnoscit Ipsum pro suo Deo Creatore, Redemptore, & Salvatore, est primus adventus Ipsius, qui vocatur Disculsum; ex hoc tempore incipit homo quoad intellectum in spiritualibus illustrari, & progredi in sapientiam plus & plus interiorum, & sicut illam a Domino recipit, ita progreditur per mane in Diem, & hic dies perstat apud illum in senium usque ad mortem, & post hanc in Cælum ad Ipsum Dominum venit, & ibi tametsi senex mortuus est, reducitur in mane suæ ætatis, ac inchoamenta sapientiae in Mundo naturali implantatae continuat in æternum.

767. Homo qui in fide in Dominum est, & in charitate erga proximum, est Ecclesia in particulari, Ecclesia in communione ex similibus componitur. Hoc mirabile est, quod omnis Angelus aspiciat Dominum, in quacunque conversione corporis & faciei sit, ante fe; est enim Dominus Sol Cæli Angelici, hic est qui coram oculis eorum, dum in spirituali meditatione sunt, apparet; simile sit apud hominem in Mundo, in quo est Ecclesia, quoad visum ejus spiritus; sed quia hic obvelatur visu naturali, cui ad blandiuntur reliqui Seni, quorum objecta sunt talia quæ corporis & mundi sunt, ignoratur hic Status spiritus ejus; hic aspectus Domini in quacunque conversione, trahit originem ex eo, quod omne verum, ex quo sapientia & fides, & omne bonum, per quod amor & charitas, sunt a Domino, & quod sunt Domini apud illum, & inde unumquodvis verum sapientiae est sicut speculum in quo Dominus, & omne bonum amoris est imago Domini; inde hoc mirabile est. Spiritus autem malus perpetuo se avertit a Domino, & jugiter spectat ad suum amorem, & hoc quoque in omni conversio-

ne corporis & faciei ejus; causa eadem est, sed vice versa; nam omne malum est in quadam forma imago amoris regnantis ejus, & falsum inde sistit illam imaginem ut in speculo. Quid tale quid etiam implantatum sit naturæ, concludi potest a quibusdam germinationibus inter herbacea, quibus circumstipantur, quod emituntur super illa in altum, ut aspiciant solem; tum quod aliquæ ab oriente ad occasum Diei se vertant ad illum, ut sic sub ejus auspicio maturescant; nec in dubio sum, quin omni termiti & palmiti cujusvis arboris similis conatus & nitus insit, sed quia illis non elasticum flexionis & conversionis est, subsistit actus: quod etiam omnes gurgites aquæ & syrtes oceanii sponte sua circumferantur secundum communem Solis progressum, patet inquisitori. Quid non homo, qui ad imaginem Dei creatus est, nisi insitum illum conatum & nisum a Creatore per dotem liberi sui arbitrii aliunde vertat. Hoc quoque assimilari potest sponsæ, quod aliquid imaginis sponsi visu spiritus sui jugiter ferat, & in ejus donis, sicut in speculis, illum videat, ac adventum illius discipiatur, & quod venientem excipiat gaudio, in quod amor pectoris ejus exultat.

Quod Adventus Domini non sit Adventus Ipsius ad delendum Cælum aspectabile & Terram habitabilem, & ad creandum Novum Cælum & Novam Terram, sicut haecenus multi ex non intellecto sensu spirituali Verbi opinati sunt.

768. Sententia hodie vigens in Ecclesiis est, quod Dominus, cum ad ultimum judicium veniet, apparitus sit in nubibus Cæli cum Angelis & clangore tubarum, & congregatur omnes qui super Tellure habitant, & simul qui defuncti sunt, ac separatur malos a bonis, sicut pastor hircos ab ovibus, & quod tunc conjecturus sit malos seu hircos in infernum, ac bonos seu oves elevaturus in Cælum: & quod tunc simul creaturus sit Novum Cælum aspectabile, & Novam Terram habitabilem; & super hanc demissurus sit Urbem, quæ vocabitur Nova Hierosolyma, cujus structura erit secundum descriptionem in Apocalypsi Cap. XXI, videlicet ex jaspide & auro, & ejus muri fundamenta ex omni lapide pretioso, ac ejus altitudo, latitudo & longitudo æquales, unaquævis 12000 Stadiorum; & quod in hanc Urbem congregarentur omnes electi, tam qui vivunt, quam qui ab initio Mundi obiverunt; & quod hi tunc reddituri in sua corpora, ac æterno gaudio in magnifica illa Urbe, ut in suo Cælo, fruituri. Hæc Sententia de adventu Domini, & de Ultimo judicio, est hodie regnans in Ecclesiis Christianis.

769. De Animarum statu post mortem universaliter & singulariter hodie creduntur hæc; quod Animæ humanæ post mortem, sint Pneumata; de quibus ideam fovent sicut de halitu venti, & quod quia tales, ad diem ultimi judicij reserventur vel in medio terræ, ubi est Pu eorum, vel in Limbo patrum, sed dissident in his, quidam opinantur quod sint formæ æthereæ vel aereæ, & sic quod sint sicut larvæ & spectra, & quod quædam ex his habitent in aere, quædam in sylvis, quædam in aquis; quidam autem opinantur quod animæ defunctorum transferantur in planetas, vel in stellas, & ibi illis dentur habitacula; & quidam quod post millia annorum redent in corpora; plerique autem, quod reserventur ad tempus, dum universum Firmamentum una cum Orbe Terraquo peritum est, quod fiet per ignem vel eruptum ex Centro terræ, vel dejectum e Cælo sicut fulmen universale; & quod tunc sepulchra aperientur, & animæ reservatae reinduerentur suis corporibus, & transferrentur in Sanctam illam Urbem Hierosolymam, & sic super terra

alia in Corporibus illustratis cohabitarent, quidam inferius ibi, quidam superius, quia altitudo ejus futura est 12000 Stadiorum, sicut ejus latitudo & altitudo, Apoc. Cap. XXI: 16.

770. Cum interrogatur Clericus & Laicus, num omnia illa firmiter credant, ut quod Antediluviani una cum Adamo & Eva, & Postdiluviani una cum Noe-cho & ejus filiis, tum Abrahamus, Isacus & Jacobus una cum omnibus Prophetis & Apostolis, similiter ac reliquorum hominum Animæ, adhuc reserventur in meditullio terræ, aut volent in æthere aut aere; tum etiam num credant, quod Animæ reinduituræ sint corpora sua, & cum his coalituræ, quæ tamen sunt cadavera exesa a vermis, muribus & piscibus, & Ægyptiaca ut mumia ab hominibus exesa, & quædam modo sceleta exusta sole & dilapsa in pulverem; & quoque num credant, quod stellæ Cæli tunc delapsuræ sint super terram, quæ tamen minor una illarum est; numne talia sunt paradoxa, quæ ipsa ratio diffusat, sicut solet contradictoria. Sed ad hæc quidam nihil respondent, quidam quod illa sint fidei, sub cuius obedientia captamus intellectum; quidam quod non modo hæc, sed etiam supra rationalia plura sint Divinæ Omnipotentiae; & cum nominant Fidem & Omnipotentiam, exultat ratio, & tunc sana ratio vel dispartatur, & fit sicut nihil, vel fit sicut spœctrum, & vocatur insania; addunt, suntne illa secundum Verbum, quis non ex illo cogitabit & loquetur.

771. Quod Verbum in litera per Apparentias & Correspondentias conscriptum sit, & quod ideo in singulis ejus sit Sensus spiritualis, in quo veritas est in sua luce, & Sensus literæ in umbra, in Capite de Scriptura Sacra ostensum est. Ne itaque homo Ecclesiæ novæ, sicut homo Ecclesiæ veteris, erret in umbra, in qua est Sensus literæ Verbi, imprimis de Cælo & Inferno, deque Vita sua post mortem, & hic de Adventu Domini, placuit Domino aperire visum spiritus mei, & sic intromittere in Mundum spiritualem; & non modo dare loqui cum spiritibus & angelis, cumque cognatis & amicis, imo cum regibus & principibus, qui fata sua in Mundo naturali obiverunt, sed etiam videre stupenda Cæli, & miseranda Inferni, & sic quod homo non degat in aliquo Pu terræ, nec circumvolitet cæcus & mutus in aere aut in inani, sed quod vivat homo in corpore substantiali, in multo perfectiori statu, si inter beatos venit, quam prius cum in corpore materiali vixit. Ne itaque homo se ulterius profundet in Opinione de interitu Cæli aspectabilis & Terræ habitabilis, & sic de Mundo spirituali, ex ignorantia, ex qua naturalismus & simul tunc atheismus, qui hodie inter Eruditos in mente rationali interiore cæptus est radicari, latius, sicut morticinium in carne, etiam in Mentem ejus externam, ex qua loquitur, se circumspargat, injunctum a Domino mihi est, varia ex viis & auditis promulgare, tam de CÆLO ET INFERO, quam de ULTIMO JUDICIO; & quoque APOCALYPSIN, ubi de Adventu Domini, & de Cælo priori, & de Cælo novo, deque Sancta Hierosolyma, agitur, explicare; a quibus lectis & intellectis, quisque vide potest, quid ibi per Adventum Domini, perque Novum Cælum, & per novam Hierosolymam, intelligitur.

Quod hic adventus Domini, qui est Secundus, existat propter causam, ut separentur mali a bonis, ac ut salventur illi, qui crediderunt & credunt in Ipsum, ac ut ex his formetur Novum Cælum Angelicum, & Nova Ecclesia in terris, & quod absque eo, non posset ulla Caro conservari, Matth. XXIV: 22.

772. Quod Secundus hic Adventus Domini, non existat ad delendum Cælum aspectabile & Terram habitabilem, in antecedente Articulo monstratum est: quod non ad destruendum aliquid, sed ad aedificandum, proinde non ad condemnandum, sed ad salvandum illos, qui a primo Adventu Ipsius crediderunt in Ipsum, & postea crediti sunt, constat ex his Domini verbis „*Non nisit Deus Filium suum in Mundum, ut judicet Mundum, sed ut salvetur Mundus per Ipsum, qui credit in Ipsum, non judicatur, qui autem non credit, jam judicatus est, quia non credidit in Nomen Unigeniti Filii Dei*, Joh. III: 17: & alibi, *Si quis mea audiverit verba, non tamen crediderit, Ego non judico illum, non enim veni, ut judicem Mundum, sed ut salvem Mundum; qui contemnit Me, & non recipit mea verba, habet quod judicat illum, Verbum quod loquutus sum, illud judicabit illum*, Cap. XII: 47. 48. Quod ultimum Judicium factum sit in Mundo spirituali Anno 1757, in Opusculo de ULTIMO JUDICIO, Londini Anno 1758 edito, & porro in CONTINUATIONE DE I.L.O, Amstelodami 1763, evulgatum est; quod testor, quia oculis meis in plena vigilia illud vidi.

773. Quod Adventus Domini sit ad formandum novum Cælum ex illis qui crediderunt in Ipsum, & ad instaurandum novam Ecclesiam ex illis qui posthac in Ipsum credunt, est quia illa duo sunt fines Adventus Ipsius: ipse finis creationis Universi nec fuit alius, quam ut ex hominibus formaretur Cælum Angelicum, in quo omnes qui in Deum credunt, victuri sint in beatitudine æterna, Divinus enim Amor, qui est in Deo & essentialiter Deus, non aliud potest intendere, & Divina Sapientia, quæ etiam est in Deo & Deus, nec aliud potest producere. Quoniam Creatio universi pro fine habuit Cælum Angelicum ex Humano Genere, & simul Ecclesiam in terris, nam per hanc transibit homo in Cælum, & quoniam Salvatio hominum, quæ fit ex hominibus nascituris in Mundo, sic est continuatio creationis, ideo passim in Verbo dicitur Creare, & per id intelligitur formare ad Cælum, ut in his locis „*Cor mundum CREA mihi Deus, & spiritum firmum in nova in medio mei*, Psalm LI: 12. *Aperis manum, saturantur bono, emittis spiritum, CREATUR*, Psalm CIV: 28. 30. *Populus, qui CREATUR, laudabit Fäh*” Psalm CII: 19. *Sic dixit Jehovah CREATUR TUUS Jacob, FORMATOR tuus I'rael, redemi te, vocavi nomine meo tu, omnem vocatum a Nomine meo, in gloriam meam CREATI EUM*, Efaj. XLIII: 1. 7. *In die, quo CREATUS es, preparata sunt; perfectus tu in viis tuis in die quo CREATUS es, donec inventa est perversitas in te*, Ezech. XXVIII: 13. 15, hæc de Rege Tyri. *Ut videant, cognoscant, attendant & intelligent, quod manus Jehovah fecerit hoc*; „*& Sanctus I'sraelis CREAVERIT hoc*”, Efaj. XLI: 19. 20. Ex his constare potest, quid per Creare intelligitur in sequentibus his „*Jehovah CREATUR Cælos, extendens Terram, dans animam populo super illa, & spiritum ambulantibus in illa*”, Efaj. XLII: 5. Cap. XLV: 12. 18. *Ecce Ego CREATUR Cælum novum et Terram novam, lætamini in æternum, quæ Ego CREATUR: ecce Ego CREATURUS SUM HIEROSCLYMAM exultationem*, Efaj. LXV: 17. 18.

774. Præsentia Domini perpetua est apud unumquemvis hominem tam malum quam bonum, nam absque præsentia Ipsius non vivit ullus homo; sed Adventus

Ipsius est solum apud illos, qui Ipsum recipiunt, qui sunt qui credunt in Ipsum & faciunt mandata Ipsius: Præsentia Domini perpetua facit, ut homo fiat rationalis, & quod fieri possit spiritualis; hoc facit Lux procedens a Domino ut Sole in Mundo spirituali, quam homo recipit intellectu, & Lux illa est veritas, per quam ei est rationalitas; Adventus autem Domini est apud illum, qui luci isti calorem conjungit, hoc est, veritati amorem, calor enim ex eodem illo Sole procedens, est amor in Deum, & erga proximum. Sola præsentia Domini, & inde illustratio intellectus, comparari potest cum præsentia Lucis solaris in Mundo, quæ nisi conjungitur cum calore, desolantur omnia super tellure; ast adventus Domini comparari potest cum adventu caloris, qui fit tempore veris, & quia tunc calor se conjungit luci, emollescit terra, egerminant semina, & ferunt fructus; talis paralelismus est inter spiritualia, in quibus est spiritus hominis, & inter naturalia, in quibus est corpus ejus.

775. Simile est cum homine Ecclesiæ in concreto seu in composito, quemadmodum est cum homine individuo seu in particulari; homo in concreto seu composito, est Ecclesia inter plures, & homo in individuo seu particulari, est Ecclesia in unoquovis inter illos plures. Secundum ordinem Divinum est, ut communia sint & particularia, & ut utraque simul in unaquavis re sint, & quod particularia alioquin non existant & subsistant; sicut non quicquam particulare intus in homine, nisi communia sint, quibus circumdantur; particularia in homine sunt viscera & horum partes, & communia sunt involucra, quæ non solum sunt circum totum hominem, sed etiam circum singula viscera, & circum singulas partes eorum: simile est in omni bestia, aye, & verme; & simile in omni arbore, frutice, & femine; nec potest Sonus dari ex fidibus & per flatum, nisi communissimum sit, ex quo singula modulaminis trahunt suum commune, ut existant; simile etiam est cum omni Sensu corporis, ut cum visu, auditu, olfactu, gustu & tactu, & quoque simile est cum omni Sensu interno, qui sunt mentis. Hæc illustrationis causa adducta sunt, ut sciatur quod etiam in Ecclesia sint Communia & Particularia, & quoque Communissima, & quod inde sit, quod quatuor Ecclesiæ præcesserint in ordine, ex qua progressione ortum est Communissimum Ecclesiæ, & successive commune & particulare cujusvis. In homine etiam sunt duo Communissima, ex quibus omnia communia & singula particularia ejus trahunt suam existentiam; duo illa Communissima in corpore sunt Cor & Pulmo, in spiritu ejus Voluntas & Intellectus, ex his & illis pendent omnia vitae ejus tam in communi quam in particulari, quæ sine illis dilaberentur & emorerentur: simile foret cum universo Cælo Angelico, & cum universo Genere humano, imo cum universo Mondo Creato, nisi a Deo, Ipsius Amore & Sapientia, omnia in communi, & singula in particuli, penderent.

Quod Secundus hic Adventus Domini non sit in Persona, sed quod sit in Verbo, quod est ab Ipso, & Ipse.

776. Legitur multis in locis, quod Dominus venturus sit in nubibus Cæli, ut Matth. XVII: 5. Cap. XXIV: 30. Cap. XXVI: 64. Marc. XIV: 61, 62. Luc. IX: 34, 35. Cap. XXI: 27. Apoc. I: 7. Cap. XIV: 14. Dan. VII: 13. Sed hactenus nemo novit, quid per Nubes Cæli intellectum est, crediderunt, quod in illis in Persona apparitus sit. Quod autem per Nubes Cæli intelligatur Verbum in Sensu literæ, & per Gloriam & Virtutem, in quibus etiam tunc venturus, Matth. XXIV: 30, intelligatur Sensus spiritualis Verbi, hactenus latuit, quia nemo huc usque ne quidem conjectura asequutus est, quod aliquis Sensus spiritualis, qualis hic

t hic in se est, in Verbo sit. Nunc quia a Domino mihi apertus est Sensus Verbi spiritualis, & mili datum est una cum Angelis & Spiritibus in Mundo eorum sicut unus ex illis esse, detectum est, quod per Nubem Cæli intelligatur Verbum in Sensu naturali, & per Gloriam Verbum in Sensu spirituali, & per Virtutem potentia Domini per Verbum. Quod nubes Cæli illud significet, videri potest ex his locis in Verbo „*Non sicut Deus Jeshurun, equitans in Cælo, & in magnificentia super NUBIBUS*“, Deuter. XXXIII: 26. 27. *Cantate Deo, laudate nomen Ipsius, extollite equitantem super NUBIBUS*, Psalm LXVIII: 5. *Jehovah equitans super NUBE LEVI*, Esaj. XIX: 1. Equitare significat instruere in Divinis veris ex Verbo, Equus enim significat intellectum Verbi; videatur Apoc. rev. n: 293. quis non videt, quod Deus non equitet super nubibus. Porro, *Dens equitavit super Cherubis, & posuit tentorium suum NUBES CÆLORUM*, Psalm XVIII: 11 ad 13; Cherubi etiam significant Verbum, videatur APOCALYPSIS REVELATA, n: 239. 672. *Jehovah ligat aquas in Nubibus suis, & expandit super solium NUBEM SUAM*, Hiob XXVI: 8. 9. *Date robur Jehovah, robur super NUBIBUS*, Psalm LXVIII: 35. *Creavit Jehovah super omne habitaculum Zionis NUBEM interdui*, nam super omni gloria obtegumentum, Esaj. IV: 5; Verbum in Sensu literæ etiam repræsentabatur per NUBEM, in qua descendit Jehovah super Montem Sinai, cum Legem promulgavit, illa Legis, quæ tunc promulgata sunt, fuerunt primitiæ Verbi. Ad confirmationem etiam addenda sunt hæc; in Mundo spirituali sunt Nubes æque sicut in Mundo naturali, sed ex alia origine; in Mundo spirituali sunt Nubes lucidæ quandoque supra Cælos Angelicos, at Nubes furvæ super Inferna; Nubes lucidæ super Cælos Angelicos, significant obscuritatem ibi ex Sensu literali Verbi, at cum dissipantur illæ nubes, significant quod in Charitatè ejus sint ex Sensu spirituali; at Nubes furvæ super Inferna significant falsificationem & prophanationem Verbi. Quod Nubes in Mundo spirituali talia significant, est origo, quia Lux, quæ procedit a Domino ut Sole ibi, significant Divinum Verum, quare Ipse vocatur Lux, Joh. I: 9. Cap. XII: 35. inde est, quod Ipsum Verbum, quod in adytis templorum ibi reservatur, candida luce circumcinetur appareat; & obscuritas ejus inducitur per Nubes.

777. Quod Dominus sit Verbum, manifeste constat ex his apud Johannem „*In principio erat Verbum, & Verbum erat apud Deum, & Deus erat Verbum, & Verbum Caro factum est*“, Cap. I: 1. 14. Quod Verbum ibi sit Divinum Verum, est quia Divinum Verum Christiani non aliunde est, quam ex Verbo, quod est Fons, a quo omnes Ecclesiæ a Christo nominatae aquas vivas hauriunt in sua plenitudine, tametsi sicut in nube, in qua Sensus ejus naturalis est, ast in gloria & virtute in qua Sensus spiritualis & cœlestis ejus est; quod in Verbo sint tres Sensus, Naturalis, spiritualis & Cœlestis, unus interior altero, in Capite de SCRIPTURA SACRA, & in Capite de DECALOGO seu CATECHISMO, ostensum est; inde patet quod per Verbum apud Johannem intelligatur Divinum Verum; idem etiam adhuc testatur Johannes in sua Prima Epistola „*Scimus quod Filius Dei venerit, & dederit nobis INTELLECTUM, ut cognoscamus VERUM, & sumus in VERO, in Filio Ipsius Iesu Christo*“, Cap. V: 20. Et ideo Dominus toties dixit AMEN dico vobis, & Amen in Lingua Hebreæ est Veritas, & quod Ipse sit AMEN, videatur Apoc. III: 14, ac VERITAS, Joh. XIV: 6. Dum etiam consuluntur Eruditæ Sæculi hujus, quid per Verbum apud Johannem, Cap. I: 1, intelligunt, dicunt quod Verbum in supereminentia, & quid aliud Verbum in supereminentia quam Divinum Verum. Ex his patet, quod Dominus etiam nunc apparitus sit in Verbo; quod non in Persona, est causa quia post ascensum Ipsius in Cælum, est in Humano glorificato, & in hoc non potest apparere ulli homini, nisi prius aperiat oculos Spiritus ejus, & hic non potest aperiri apud ullum, qui in malis & inde falsis est, ita non apud ullos hircos, quos statuit ad sinistrum; quare cum manifestavit se discipulis, prius aperuit oculos illorum, nam legitur „*Et illorum aperiit sunt oculi, & cognoverunt Ipsum, at Ipse invisibilis factus est ab*

illis, Luc. XXIV: 31. Simile factum est cum Mulieribus juxta Sepulchrum post resurrectionem, quare etiam tunc viderunt Angelos in sepulchro sedentes, & loquentes cum illis, quos nec ullus homo materiali oculo videre potest. Quod nec Apostoli ante resurrectionem Domini in Humano glorificato oculis corporis Dominum viderint, sed in spiritu, quod apparet post evigilationem sicut in somno, constat ex transformatione Ipsiis coram Petro, Jacobo & Johanne, quod tunc gravati sint somno, Luc. IX: 32. Quare vanum est credere, quod Dominus apparaturus sit in nube Cæli in Persona, sed quod in Verbo, quod est ex Ipsi, ita Ipse.

778. Unusquisque homo est suus amor & sua intelligentia, & quicquid procedit ex illo, trahit essentiam ex duobus illis essentialibus seu propriis vitæ ejus; quapropter Angeli cognoscunt hominem, qualis essentialiter est, ex brevi Commercio cum illo, ex Sono amorem ejus, & ex Sermone intelligentiam ejus, causa est, quia duo universalia vitæ cuiusvis hominis sunt, voluntas & intellectus, ac Voluntas est receptaculum & habitaculum amoris ejus, ac Intellectus est receptaculum & habitaculum intelligentiae ejus; quare omnia quæ procedunt ex homine, sive sit actio sive sermo, faciunt hominem, & sunt ipse homo. Simili modo, sed in supereminente gradu, est Dominus Divinus Amor & Divina Sapientia, seu quod idem, Divinum Bonum & Divinum Verum, nam Voluntas Ipsiis est Divini amoris, ac Divinus Amor est Voluntatis Ipsiis, & Intellectus Ipsiis est Divina Sapientia, ac Divina Sapientia est Intellectus Ipsiis, Forma humana est continens illorum; ex his cogitari potest, quomodo Dominus est Verbum. E contrario autem qui est contra Verbum, hoc est, contra Divinum Verum ibi, proinde contra Dominum & Ipsiis Ecclesiam, est suum malum & suum falsum, tam quoad mentem, quam quoad hujus effectus e corpore, qui se referunt ad actiones & loquelas.

Quod Secundus hic Adventus Domini fiat per hominem, coram quo in Persona Se manifestavit, & quem implevit suo spiritu, ad docendum Novæ Ecclesiæ Doctrinas per Verbum ab Ipsi.

779. Quoniam Dominus non in Persona se manifestare potest, ut nunc supra ostensem est, & tamen prædictum Se Venturum esse, & novam Ecclesiam, quæ est Nova Hierosolyma, conditum, sequitur, quod id per hominem, qui hujus Ecclesiæ Doctrinas non solum intellectu recipere, sed etiam illas typis evulgare potest, facturus sit. Quod Dominus coram Me Ipsiis seruo Se manifestaverit, & miserit ad hoc munus, & quod post hoc aperuerit visum Spiritus mei, & sic me in Mundum spiritualem intromiserit, & dederit videre Cælos & Inferna, & quoque loqui cum angelis & spiritibus, & hoc nunc continenter per plures Annos, testor in veritate; pariter, quod a primo illius vocationis die, non quicquam, quod Ecclesiæ illius Doctrinas attinet, ex aliquo Angelo, sed a Solo Domino, dum legi Verbum, acceperim.

780. Propter finem, ut Dominus jugiter adesse posset, detexit mihi Sensem spiritualem sui Verbi, in quo Divinum Verum est in sua luce, & in hac continue est præsens; nam præsentia Ipsiis in Verbo non aliunde est, quam per Sensem spiritualem, per hujus lucem transit in umbram, in qua est Sensus literæ; comparative sicut fit cum Solis luce tempore diei per interpositam nubem; quod Sensus literæ Verbi sit sicut nubes, & Sensus spiritualis sit gloria, & Ipse Dominus Sol ex quo Lux, & quod sic Dominus sit Verbum, supra demonstratum est. Quod Gloria, in qua Venturus est, Matth. XXIV: 30, significet Divinum Verum in sua luce,

luce, in qua est Sensus spiritualis Verbi, constat clare ex his locis „*Vox clāmantis in deserto, parate viam Jehovæ, revelabitur gloriæ JEHOVÆ, & videbunt omnis caro*“, Efaj. XL: 3. 5. *Illuminare, quia venit LUX TUA, & GLORIA JEHOVÆ*. *Super Te exorta est*, Efaj. LX: 1 ad fin. *Dabo Te in fædus populo, in LUCEM GENIUM, & GLORIAM MEAM non alteri dabo*, Efaj. XLII: 6. 8. Cap. XLVIII: 12. *Erumpet sicut Aurora LUX TUA, GLORIA JEHOVÆ colligit Te*, Efaj. LVIII: 8. *Implebitur GLORIA JEHOVÆ universa Terra*, Num. XIV: 8. Efaj. VI: 1. 2. 3. Cap. LXVI: 18. *In principio erat Verbum, in Ipso Vita erat, & Vita erat LUX HOMINUM*, erat LUX VERA, & Verbum Caro factum est, & vidimus GLORIAM IPSIUS, GLORIAM UT UNIGENITI A PATRE, Joh. I: 1. 4. 9. 14. *Cæli narrabunt GLORIAM DEI*, Psalm XIX: 2. GLORIA DEI illustrabit Sanctam Hierosolymam, & Lucerna ejus Agnus, & Gentes, quæ Salvantur, in LUCE IPSIUS ambulabunt, Apoc. XXI: 23. 24. 25. præter multis aliis in locis. Quod Gloria significet Divinum Verum in sua plenitudine, est quia omne magnificum in Cælo, est ex Luce, quæ procedit ex Domino, & LUX procedens ab Ipso ut Sole ibi, in essentia sua est Divinum Verum.

*Quod hoc per Novum Cælum & Novam Terram, & inde
descendentem novam Hierosolymam in Apoca-
lypsi, intelligatur.*

781. Legitur in Apocalypsi, *Vidi Novum Cælum & Novam Terram, quia prius Cælum & prior Terra transit*. Et ego Johannes vidi Urbem Sanctam Hierosolymam novam descendenter a Deo e Cælo, paratam sicut Sponsam ornatam Marito suo, Cap. XXI: 1. 2. Simile etiam legitur apud Efajam „Ecce Ego creans Cælum novum & Terram novam, lætemini & exultate in æternitates, & ecce Ego creaturus sum Hierosolymam exultationem, & populum ejus lætitiam“, LXV: 17. 18. Quod Novum Cælum ex Christianis, qui in Mundo agnoverunt, & post excessum e Mundo agnoscere potuerunt, quod Dominus sit Deus Cæli & Terræ, secundum Ipsius verba apud Matthæum, Cap. XXVIII. 18, a Domino hodie formetur, supra in hoc Capite detectum est.

782. Quod Nova Ecclesia per Novam Hierosolymam descendenter a Deo e Cælo, Apoc. XXI, intelligatur; est quia Hierosolyma fuit Metropolis in Terra Canaane, & ibi erat Templum, Altare, Sacrificia siebant, ita ipse Cultus Divinus, ad quem tribus vicibus in Anno omnis masculus totius terræ mandatus est venire. Tum quia Dominus in Hierosolyma fuit, & docuit in suo Templo, & postea ibi glorificavit Humanum suum; inde est, quod per Hierosolymam significetur Ecclesia. Quod per Hierosolymam intelligatur Ecclesia, constat perspicue ex Propheticis in Veteri Testamento de Ecclesia Nova a Domino instauranda, quod illa ibi dicatur Hierosolyma. Ipsa loca solum adducentur, ex quibus quisque ratione interiore prædictus videre potest, quod per illam ibi intelligatur Ecclesia. Sint modo hæc loca inde „Ecce Ego creans CÆLUM NOVUM ET TERRAM NOVAM, non commemorabuntur priera; ecce Ego CREATURUS HIEROSOLYMA exultationem, & populum ejus lætitiam, ut exultem super HIEROSOLYMA, & læter super populo meo. Tunc lupus & agnus pascent simul: non malum facient in toto Monte sanctitatis meæ“, Efaj. XLV: 17, 18, 19, 25. Propter Zionem non tacebo, & propter HIEROSOLYMA non quiescam, usque dum exeat sicut splendor Justitiae ejus, ac Salus ejus sicut lampas ardeat. Tunc videbunt Gentes justitiam tuam, & omnes Reges gloriam tuam; & vocabitur tibi Nomen novum, quod os Jehovæ enuntiabit; & eris Corona decoris, & Cidaris Regni in manu Dei tui: beneplacabit Jehovah in te, & terra tua maritabitur. Ecce Salus tua veniet, ecce merces Ejus cum Ipso: & vocabunt

bunt illos, *Populus sanctitatis, Redempti Jehovæ; & tu vocaberis quæsta Urbs, non deserta,* Efaj. LXII: 1, ad 4, 11, 12. *Excitare, excitare, indue robur tuum Zion, indue vestes decoris tui HIEROSOLYMA, Urbs Sanctitatis; quia non addet ut in te veniat amplius præputiatus & immundus: excute te e pulvere, surge, sede HIEROSOLYMA.* Cognoscet *Populus Nomen meum in die illo; nam Ego Ille qui loquor, ecce Me: consolatus Jehovah populum suum, redemit HIEROSOLYMA,* Efaj. LII: 1, 2, 6, 9. *Jubila filia Zionis, latare ex omni corde filia HIEROSOLYMA; Rex Israelis in medio tui; ne time malum amplius; latabitur super te cum gaudio, acquiescat in amore tuo, exultabit super te cum jubilo; dabo vos in nomen & laudem omnibus populis terræ,* Zephan. III: 14, ad 17, 20. *Sic dixit Jehovah Redemptor tuus, dicens HIEROSOLYMA, habitaberis,* Efaj. XLIV: 24, 26. *Sic dixit Jehovah; revertar ad Zionem, & habitabo in medio HIEROSOLYMA; unde vocabitur HIEROSOLYMA Urbs veritatis, & Mons Jehovæ Zebaoth Mons sanctitatis.* Sach. VIII: 3, 20 ad 23. *Tunc cognoscentis, quod Ego Jehovali Deus tuus, habitans in Zione Monte sanctitatis, & erit HIEROSOLYMA Sanctitas: & fiet in die illo, stillabunt montes mustum, & colles fluent lacte;* & HIEROSOLYMA sedebit in generationem & generationem, Joel IV: 17 ad 21. *In die illo erit germanus Jehova in decus & gloriam; & fiet, relictus in Zione, & residuus in Hierosolyma, Sanctus dicetur, omnis scriptus ad vitam in HIEROSOLYMA,* Efaj. IV: 2, 3. *In extremitate dierum erit Mons domus Jehovæ constitutus in Caput montium, nam e Zione exèbit Doctrina, & Verbum Jehovæ ex HIEROSOLYMA,* Mich. IV: 1, 2, 8. *In tempore illo vocabunt HIEROSOLYMA Thronum Jehovæ, & congregabuntur omnes gentes ob Nomen Jehovæ HIEROSOLYMA, neque ibunt amplius post confirmationem cordis sui mali,* Jerem. III: 17. *Specta Zionem urbem Festi stati nostri, oculi tui videant HIEROSOLYMA, Habitaculum tranquillum, Tabernaculum quod non dissipabitur, non removebuntur ciuii ejus in perpetuum, & funes ejus non avellentur,* Efaj. XXXIII: 20. *præter etiam alibi, ut Efaj. XXIV: 3. Cap. XXXVII: 32. Cap. LXVI: 10 ad 14. Sach. XII: 3, 6 ad 10. Cap. XIV: 8. 11, 12, 21. Malach. III: 2, 4. Psalm CXXII: 1 ad 7. Ps. CXXX: 4, 5, 6.* Quod per Hierosolymam ibi intelligatur Ecclesia a Domino instauranda, & non Hierosolyma a Judæis habitata, patet ex singulis descriptionis ejus in locis allatis; ut quod Jehovah Deus creatus Cælum Novum & Terram Novam, & quoque tunc Hierosolymam; & quod hæc futura sit Corona decoris & Cidaris regni; quod vocanda sit Sanctitas, & Urbs veritatis, Thronus Jehovæ, Habitaculum tranquillum, Tabernaculum quod non dissipabitur; quod ibi lupus & agnus pascent simul; & dicitur quod ibi montes stillabunt mustum, & colles fluent lacte, & illa sedebit in generationem & generationem; præter plura, etiam de Populo ibi, quod Sanctus, omnis Scriptus ad vitam, quod dicendi Redempti Jehovæ. Præterea in omnibus illis locis agitur de Adventu Domini, imprimis de Adventu Ipsius Secundo, quando Hierosolyma talis erit, qualis ibi describitur; prius enim non marita est, hoc est, facta Sponsa & Uxor Agni, sicut de Nova Hierosolyma in Apocalypsi dicitur. Prior Ecclesia seu hodierna intelligitur per Hierosolymam, apud Danielem, & initium ejus ibi describitur per hæc „*Scito & percipito, ab exitu Verbi, at usque restituendum & ad ædificandum HIEROSOLYMA, usque ad Messiam Principem, Septimanæ septem; postea Septimanis sexaginta & duabus restituetur & ædificabitur platea & fossa, sed in angustia temporum,* Cap. IX: 25; at Finis ejus describitur ibi per hæc „*Tandem super Avem abominationum desolatio, & usque ad consummationem & decisum stillabit super devastationem,* Vers. 27, ibi; ultima hæc sunt quæ intelliguntur per hæc Domini verba apud Matthæum „*Cum videritis abominationem desolationis prædictam a Daniele Propheta, stantem in loco sancto, qui legit, probe notet,* Cap. XXIV: 15. Quod per Hierosolymam in supra allatis locis non intellecta sit Hierosolyma a Judæis habitata, constare potest a locis in Verbo, ubi de hac dicitur quod prorsus deperdita sit, & quod destruenda, ut Jerem. V: 1. Cap.

Cap. VI: 6, 7. Cap. VII: 17, 18 seq. Cap. VIII: 6, 7, 8, seq. Cap. IX: 10, 11, 13, seq. Cap. XIII: 9, 10, 14. Cap. XIV: 16. Thren. I: 8, 9, 17. Ezech. IV: 1 ad fin. Cap. V: 9 ad fin. Cap. XII: 18, 19. Cap. XV: 6, 7, 8. Cap. XVI: 1 ad 63. Cap. XXIII: 1 ad 40. Matth. XXIII: 37, 38. Luc. XIX: 41 ad 44. Cap. XXI: 20, 21, 22. Cap. XXIII: 28, 29, 30; præter multis aliis in locis; & quoque ubi vocatur Sodoma, Esaj. III: 9. Jerem. XXIII: 14. Ezech. XVI: 46, 48, & alibi.

783. Quod Ecclesia sit Domini, & quod ex Conjugio Spirituali quod est Boni & Veri, Dominus dicatur Sponsus & Maritus, & Ecclesia Sponsa & Uxor, notum est Christianis ex Verbo, apprimis ex his ibi „Johannes de Domino dixit, Qui habet SPONSAM SPONSUS est, amicus autem SPONSI est, qui stat & audit Ipsum, gaudet ob vocem SPONSI, Joh. III: 29. Jesus dixit, quamdiu cum illis est SPONSUS, non possunt FILII NUPTIARUM jejunare, Matth. IX: 15. Marc. II: 19, 20. Luc. V: 35. Vidi Urbem sanctam Hierosolymam novam descendentem a Deo e Cælo, paratam sicut SPONSAM ORNATAM MARITO SUO, Apoc. XXI: 2. Angelus dixit ad Johannem, veni & ostendam tibi SPONSAM AGNI UXOREM, & e Monte ostendit illi Urbem Sanctam Hierosolymam, Apoc. XXI: 9. Venit tempus NUPTIARUM AGNI, & UXOR IPSIUS paravit se; beati qui ad CÆNAM NUPTIARUM AGNI vocati sunt, Apoc. XIX: 7, 9. Ego sum Radix & Genus Davidis, Stella splendida & matutina, SPIRITUS ET SPONSA dicunt, veni; & qui sitit, venito; & qui vult, sumite aquam vite gratias, Apoc. XXII: 16, 17.

784. Quod Novum Cælum prius formetur, quam nova Ecclesia in terris, est secundum Divinum Ordinem; est enim Ecclesia Interna & Externa, & Ecclesia Interna, unum facit cum Ecclesia in Cælo, ita cum Cælo, ac Internum prius formandum est quam Externum, ac postea Externum per Internum, quod ita sit, apud Clerum in Mundo notum est. Quemadmodum Cælum hoc novum, quod facit Internum Ecclesiæ apud hominem, crescit, tantum ex Cælo illo descendit nova Hierosolyma, hoc est, nova Ecclesia; quare hoc non fieri potest momento, sed sit sicut falsa prioris Ecclesiæ removentur; novum enim non potest intrare, ubi falsa prius ingenerata sunt, nisi hæc eradicentur, quod fiet apud Clerum, & sic apud Laicum; dixit enim Dominus, Nemo mittit vinum novum in utres veteres, quin rumpantur utres, & vinum effunditur; sed mittunt vinum novum in utres novos, & utraque conservantur una, Matth. IX: 17, Marc. II: 22. Luc. V: 37, 38. Quod hæc non fiant quam in Consummatione sæculi, per quam intelligitur finis Ecclesiæ, constat ex his Domini Verbis, Dixit Jesus, simile est Regnum Cælorum homini seminanti bonum semen in agro suo; sed dum dormiverunt homines, venit ejus inimicus & seminavit Zizania, & abivit; quum vera germinavit herba, tunc apparuerunt etiam Zizania; acceperunt servi, & dixerunt illi, visne ut abeamus & colligamus Zizania, ipse vero dixit, non, ne forte colligentes Zizania, eradicetis cum illis Triticum; finite una, crescere utraque usque ad messem, & tempore messis dicam messiscribus, colligite prius Zizania, & colligate ea in fasciculos ad comburendum; Triticum vero congregate in horreum meum. Messis est Consummatio sæculi; quemadmodum colliguntur Zizania, & igne comburuntur, sic erit in Consummatione sæculi, Matth. XIII: 24 ad 30, 39, 40. Per Triticum ibi intelliguntur vera & bona novæ Ecclesiæ, & per Zizania falsa & mala prioris; quod per Consummationem sæculi intelligatur finis Ecclesiæ, videatur in Articulo primo hujus transactionis.

785. Quod in omni re Internum & Externum sit, & quod externum pendeat ab interno, sicut corpus a sua anima, constat ex singulis in Mundo rite iustratis: apud hominem hoc manifestum est, universum ejus corpus ex mente ejus, & inde in singulis, quæ procedunt ab homine, est internum & externum, in omni actione ejus est Voluntas mentis, & in in omni loquela est Intellectus mentis, similiter in omni ejus Sensu. In omni ave & bestia, imo in omni insecto & verme, est internum & externum; tum etiam in omni arbore, planta & germine, imo in omni la-

pide & pulvisculo humi; ad illustrandum hoc, sufficiunt aliqua, de bombyce, ape & pulvere; internum bombycis est, ex quo fertur externum ejus ad concinandum sericum, & postea ad evolandum ut papilio. Internum apis est, ex quo fertur externum ejus, ad fugendum mel ex floribus, & ad struendum cellas in mirabiles formas: Internum pulvisciuli humi, ex quo fertur externum ejus, est ejus nisus ad fæcundandum semina, exhalat ex sinu suo aliquod, quod se infert in intima feminis, & hoc producit, & illud internum sequitur vegetationem ejus usque ad novum semen. Simile fit in oppositis, in quibus etiam est internum & externum, sicut in aranea, cuius internum, ex quo fertur externum ejus, est facultas & inde inclinatio ad struendum telam artificiosam, e cuius medio insidetur muscis involantibus, quas comedit; parile est in omni alio verme noxius, tum in omni serpente, & quoque in omni fera sylvæ: similiter in omni homine impi, astuto & doloſo.

*Quod Nova hæc Ecclesia sit Corona omnium Ecclesiarum,
quæ buc usque in terrarum Orbe fuerunt.*

786. Quod quatuor Ecclesiæ in communī a principio in hac Tellure fuerint, una ante Diluvium, altera post Diluvium, tertia Israelitica, & quarta nominata Christiana, supra ostensum est; & quia omnes Ecclesiæ pendent a cognitione & agnitione Unius Dei, cum quo homo Ecclesiæ potest conjungi, & omnes quatuor Ecclesiæ non in illa veritate fuerint, sequitur quod una Ecclesia illis quatuor successura sit, qui unum Deum cognoscet & agnoscat: Divinus Amor Dei non aliud pro fine habuit, cum creavit Mundum, quam ut hominem conjugat Sibi, & Se homini, & sic habitet cum homine. Quod Ecclesiæ priores non in veritate fuerint, est quia Antiquissima Ecclesia, quæ fuit ante diluvium, coluit Deum invisibilem, cum quo nulla conjunctio dabilis est; Antiqua Ecclesia, quæ fuit post diluvium, similiter; Ecclesia Israelitica coluit Jehovah, qui in se est Deus Invisibilis, Exod. XXXIII: 18 ad 23, sed sub forma humana, quam Jehovah Deus per Angelum induit, in qua viuis est Mosi, Abrahamo, Saræ, Hagari, Gudeoni, Josuæ, & quandoque Prophetis, quæ Humana forma fuit repræsentativa Domini venturi, & quia hæc fuit repræsentativa, ideo etiam omnia & singula Ecclesiæ illorum facta sunt repræsentativa; quod Sacrificio & reliqua Cultus illorum repræsentaverint Dominum venturum, & quod illa abrogata sint, dum venit, notum est. Quarta autem est Ecclesia, quæ vocata est Christiana, quidem oretenus agnovid Deum unum, sed in tribus personis, quarum unaquævis singulatim seu per se, esset Deus, & sic Trinitatem divisam, & non in una Persona unitam, inde hæsit in mente idea trium Deorum, tametsi in labiis vox unius Dei; & insuper Doctores Ecclesiæ, ex ipsa sua Doctrina, quam post Concilium Nicænum concinnarunt, docent quod credendum sit in Deum Patrem, Deum Filium, & Deum Spiritum sanctum, omnes invisibles, quia ante Mundum in simili Essentia Divina existentes; & tamen cum Deo invisibili, ut supra dictum est, non dabilis est conjunctio; adhuc nescientes, quod Deus unus, qui invisibilis, in Mundum venerit, & assūmerit Humanum, non modo ut redimeret homines, sed etiam ut visibilis fieret, & sic conjungibilis, nam legitur, *Verbum erat apud Deum, & Deus erat VERBUM, & VERBUM CARO FACTUM EST*, Joh. I: 1-14; & apud Eſajam „*Puer natus est nobis, & Filius datus est nobis, cuius Nomen, Deus, Heros, PATER ÆTERNITATIS*”, Cap. IX: 5. & apud Prophetas plures, quod Ipse Jehovah in Mundum venturus sit, & futurus Redemptor, quod etiam factus est in Humano, quod assumit.

787. Quod Nova hæc Ecclesia sit Corona omnium Ecclesiarum, quæ huc usque in terrarum Orbe fuerunt, est quia colet Deum unum Vifibilem, in quo est Deus invisibilis, sicut anima est in corpore, quod sic & non aliter conjunctio Dei cum homine dabilis fit, est quia homo est naturalis, & inde naturaliter cogitat, & conjunctio erit in cogitatione, & sic in affectione amoris ejus, & hoc sit cum homo cogitat de Deo ut homine. Conjunctio cum Deo invisibili est sicut conjunctio visus oculi cum expanso universi, cuius finem non videt; ut & sicut visus in medio Oceano, qui cedit in aerem & in mare, & perit; at vero conjunctio cum Deo visibili, est sicut visus hominis in aere seu mari expandentis manus ac invitantis in ulnas suas; nam omnis conjunctio Dei cum homine, erit quoque reciproca hominis cum Deo, & alterum hoc reciprocum non dabile est, nisi cum Deo visibili. Quod Deus ante assumptum Humanum, non vissibilis fuerit, docet & Ipse Dominus apud Johannem, *Non vocem Patris audivisti unquam, neque speciem Ipsius vidisti*, Cap. V: 37; & apud Mosen, *Quod nemo videre possit Deum, & vivere*, Exod. XXXIII: 20. Quod autem videatur per Humanum Ipsius, apud Johannem „*Deum nemo vidit unquam, Unigenitus Filius, qui in sinu Patris est, Ille exposuit*”, Cap. I: 18: & apud Eundem, *Jesu dixit Ego sum via, veritas & vita, nemo venit ad Patrem nisi per Me; qui cognoscit Me cognoscit Patrem, & qui videt Me, videt Patrem*, Cap. XIV: 6. 7. 9. Quod conjunctio sit cum Deo invisibili per Ipsum vissibilem, ita per Dominum, docet Ipse in his locis „*Jesus dixit, manete in Me, etiam Ego in vobis, qui manet in Me, & Ego in illo, hic fert fructum multum*”, Joh. XV: 4. 5. *In illa die cognoscetis, quod Ego in Patre, & vos in Me, & Ego in vobis*, Joh. XIV: 20. *Ego gloriam, quam dedisti Mihi, dedi illis, ut sint unum, sicut nos unum sumus. Ego in illis & Tu in Me, ut amor, quo amasti Me, in illis sit, & Ego in illis*, Joh. Cap. XVII: 21. 22. 23. 26. & quoque Cap. VI: 56. Tum quod Pater & Ipse unum sint; & quod credendum sit in Ipsum ut quis vitam æternam habeat. Quod salus pendeat a conjunctione cum Deo, supra multis ostensum est.

788. Quod hæc Ecclesia successura sit Ecclesiæ, quæ a principio Mundi existierunt, & quod duratura sit in sæcula sæculorum; & quod sic futura sit Corona omnium Ecclesiarum, quæ antea fuerunt, prophetavit Daniel; primum dum enarravit & explicuit Nebuchadnezari somnium ejus de quatuor Regnis, per quæ intelliguntur quatuor Ecclesiæ per Statuam ei visam repræsentatae, dicens, *In diebus horum surgere faciet Deus Cælorum Regnum, quod in sæcula non peribit, & consumet omnia illa Regna, illud autem stabit in sæcula*, Cap. II: 44, & quod hoc fiet per *Lapidem factum in Petram magnam impletum omnem Terram*, Vers. 35; per Petram in Verbo intelligitur Dominus quoad Divinum Verum. Et idem Propheta alibi „*Vident fui in visionibus noctis, & ecce cum Nubibus Cælorum sicut Filius hominis, & Huic datum est Dominium, & Gloria, & Regnum, & omnes populi, gentes & linguae Ipsum colent; Dominium Ipsius dominium sæculi, quod non transibit, & Regnum quod non peribit*”, Cap. VII: 13. 14; & hæc dicit, postquam vidit quatuor Bestias magnas e mari ascendentibus, Vers. 3; per quas etiam quatuor Ecclesiæ priores repræsentatae sunt; quod hæc a Daniele prophetata sint de hoc tempore, constat a verbis ejus Cap. XII: 4. tum a Domini verbis, Matth. XXIV: 15. 30, Similia dicuntur in Apocalypsi „*Septimus Angelus clamxit, tunc factæ sunt voces magnæ e Calo, facta sunt Regna Domini nostri & Christi Ipsius, & regnabit in sæcula sæculorum*”, Cap. XI: 15.

789. Præterea de hac Ecclesia, qualis futura est, reliqui Prophetæ multis in locis prædixerunt, ex quibus hæc pauca adducentur; apud Sachariam, *Erit dies unus, qui notus Jehovæ, non dies nec nox, quia circa tempus vesperæ erit lux: in die illo exibunt aquæ vivæ ex Hierosolyma, & Jehovah erit in Regem super totam terram, in die illo erit Jehovah unus, & nomen Ipsius unum*, XIV: 7. 8. 9. Apud Joe

Joelem „ Fiet in die illo, stillabunt montes mustum, & colles fluent lacte, & Hierosolyma sedebit in generationem & generationem, IV: 17 ad 21. Apud Jeremiam; Tempore illo vocabunt Hierosolymam Thronum Jehovæ, & congregabuntur omnes Gentes ob Nomen Jehovæ Hierosolymam; neque ibunt amplius post confirmationam cordis sui mali, III: 17. Apoc. XXI: 24. 26. Apud Esajam „ Oculi tui videant Hierosolymam, Habitaculum tranquillum, Tabernaculum, quod non dissipabitur, non removebuntur clavi ejus in perpetuum, & funes ejus non avellentur, XXXIII: 20. in his locis per Hierosolymam intelligitur Sancta Hierosolyma nova, descripta in Apocalypsi, Cap. XXI:, per quam intelligitur Nova Ecclesia; iterum apud Esajam, Exibit Virga de trunko Fisjhai, & erit Justitia cingulum lumborum Ipsius, & Veritas cingulum feminum ejus; quare commorabitur lupus cum agno, & pardus cum hædo, vitulus & leo juvenis & saginatum una, puerque parvus ducet eos: juvenca & ursus pascent, una cubabunt fætus eorum; quin ludet fugens super foramine viperæ, & super speluncam basilisci ablactatus manum suam impellet; non facient malum, neque corrumpent se in toto monte Sanctitatis meæ; quia plena erit terra scientia Jehovæ. Fiet in die illo, Radicem Fisjhai, quæ stans in signum populorum, Gentes querent, & erit quies Ipsius gloria, XI: 1. 5 ad 10.; quod talia nondum in Ecclesiis, & minus in ultima, existiterint, notum est. Apud Jeremiam „ Ecce dies venientes, quibus pangam fædus novum, & hoc erit fædus; dabo legem meam in medio eorum, & super cor scribam illam, eroque illis in Deum, & illi erunt Michi in populum, omnes cognoscant Me a minimo eorum usque ad maximum eorum, XXXI: 31 ad 34. Apoc. XXI: 3. quod hæc in Ecclesiis antehac non data sint, etiam notum est; causa fuit quia non adiverunt Deum visibilem, quem omnes cognoscent, & quia Ipse est Verbum, seu Lex, quam ponet in medio eorum, & super cor scribet illam. Apud Esajam „ Propter Hierosolymam non quiescam, usque dum exeat sicut splendor justitia ejus, ac salus ejus sicut lampas ardeat; & vocabitur tibi nomen novum, quod os Jehovæ enuntiabit, & eris CORONA DECORIS & CIDARIS REGNI in manu Dei tui: beneplacebit Jehovah in te, & terra tua MARITABITUR. Ecce Salus tua veniet, ecce Merces Ejus cum Ipsi, & vocabunt illos, populus sanctitatis, redempti Jehovæ, & tu vocaberis quæsita Urbs, & non deserta.

790. Qualis futura hæc Ecclesia, describitur ample in Apocalypsi, ubi agitur de fine Ecclesiæ prioris & ortu Novæ; hæc nova Ecclesia describitur per Novam Hierosolymam, & per magnifica ejus, & quod futura sit Sponsa & Uxor Agni, Cap. XIX: 7. Cap. XXI: 2. 9. Præterea ex Apocalypsi transumam duntaxat hæc, quando nova Hierosolyma visa est descendere e Cælo, dicitur, Ecce Tabernaculum Dei cum hominibus, qui habitabit cum illis, & illi populi Ipsius erunt, Ipse erit cum illis Deus illorum, & gentes quæ salvantur, in luce Ejus ambulabunt, & nox non erit ibi. Ego Jesus misi Angelum meum ad testandum vobis hæc in Ecclesiis; Ego sum radix & Genus Davidis, Stella splendida & matutina; Spiritus & Sponsa dicunt, veni, & qui audit, dicitu veni, & qui fit, venito, & qui vult, sumito aquam vite gratis. Imo veni Domine Jesu, amen, Cap. XXI: 3. 24. 25. Cap. XXII: 16. 17. 20.

Memorandum.

791. Postquam finitum est hoc Opus, convocavit Dominus duodecim suos Discipulos, qui Ipsum in Mundo sequuti sunt; & post diem emisit omnes in Universum MUNDUM SPIRITUALEM, ad prædicandum EVANGELIUM, quod DOMINUS DEUS JESUS CHRISTUS regnet, cuius Regnum erit in Sæcula sæculorum, secundum prædictionem a Daniele Cap. VII: 14. 14. & in Apocalypsi Cap. XI: 15., & quod beatitudini,

, i sint, qui ad Cænam nuptiarum Agni accedunt; Apoc. XIX: 9, hoc factum est Mensis Junio, Die 19, Anno 1770. Hoc intellectum est per hæc Domini verba, Mitter Angelos suos, & congregabunt electos Ipsius a terminis cælorum usque ad terminos eorum, Matth. XXIV: 31.



792. De Mundo Spirituali actum est in singulari Operे de CÆLO & INFERNO, in quo descripta sunt plura istius Mundi; & quia omnis homo post mortem in illum Mundum venit, descriptus etiam est Status hominum ibi. Quis non novit, aut nosse potest, quod homo post mortem vivat, quia natus est homo, creatus imago Dei, & quia Dominus in Verbo suo id docet; sed qualis Vita ei futura est, haec tenus ignotum fuit, creditum est, quod tunc esset Anima, de qua non aliam ideam foverunt, quam sicut de æthere aut aere, ita quod sit Pneuma, quale homo ex ore exspirat dum moritur, in quo tamen vitale ejus residet, sed quod sit absque visu qualis est oculi, absque auditu qualis est auris, & absque loquela qualis est oris; cum tamen homo post mortem æque est homo, & talis homo, ut non sciat aliter, quam quod adhuc sit in priori Mundo; videt, audit, loquitur, sicut in priori Mundo; ambulat, currit, sedet, sicut in priore Mundo; cubat, dormit, & evigilat sicut in priori Mundo; edit & bibit sicut in priori Mundo; delitio conjugali fruitur sicut in priori Mundo; verbo, est homo quoad omnia & singula. Ex quibus patet, quod Mors non sit extincio, sed continuatio vitæ, & quod sit modo transitus.

793. Quod homo sit æque homo post mortem, tametsi tunc coram oculis materialis corporis non appetet, constare potest ex Angelis visis Abrahamo, Hagarri, Giudeoni, Danieli, & quibusdam Prophetis, ex Angelis visis in Sepulchro Domini, & postea multoties Johanni, de quibus in AROCALYPSI; cum primis ex Ipso Domino, qui quod esset Homo, ostendit per tactum & per esum, & tamen coram oculis illorum inconspicuus factus est; quis potest ita delirare, ut non agnoscat, quin, tametsi inconspicuus, æque homo fuerit: Quod viderint Ipsum, erat causa, quia tunc aperti sunt oculi Spiritus illorum, & cum hi aperiuntur, apparent illa, quæ in Mundo spirituali sunt, æque clare, quemadmodum illa, quæ in Mundo Naturali. Differentia inter hominem in Mundo naturali, & hominem in Mundo spirituali est, quod hic homo Corpore substantiali induitus sit, ille autem Corpore materiali, in quo intus est corpus ejus substantiale, & homo substantialis videt hominem substancialem æque clare, ut homo materialis videt hominem materialem: sed non potest homo substantialis videre hominem materialem, nec homo materialis hominem substancialem, propter differentiam inter materiale & substancialę, quæ qualis est, describi potest, sed non paucis.

794. Ex visis per tot annos; possum sequentia referre, quod in Mundo spirituali sint æque Terræ sicut in Mundo naturali, quodque sint Planities & Valles, tum Montes & Colles, & quoque Fontes & Fluvii; quod sint Paradisi, Horti, Luci & Sylvæ; quod sint Urbes, & inibi Palatia & Domus; tum quod sint Scripturæ & Libri; quodque sint Functiones & Negotiationes; & quod sint Aurum, Argentum & Lapi des pretiosi; verbo, quod sint omnia & singula, quæcunque in Mundo naturali, sed illa in Cælo immensum perfectiora. Sed differentia est, quod omnia quæ in Mundo spirituali spectantur, sint momento creata a Domino, sicut Domus, Paradisi, Cibi, & reliqua, & quod creentur ad correspondentiam cum interioribus Angelorum & Spirituum, quæ sunt affectiones & inde cogitationes illorum; at quod omnia quæ in Mundo naturali spectantur, ex semine existant & crescant.

795. Quoniam ita est, & indices ibi loquutus sum cum Gentibus & Populis hujus Mundi, ita non solum cum illis qui in Europa sunt, sed etiam cum illis qui in Asia & in Africa, ita cum illis, qui ex varia Religione sunt; Coronidis loco ad hoc Opus adjiciam brevem descriptionem de Statu quorundam ex illis. Tenendum est, quod cujusvis tam Gentis & Populi in communi, quam singulorum in particulari, Status in Mundo spirituali sit secundum agnitionem Dei & cultum Ipsius, & quod omnes qui corde agnoscunt Deum, & post hoc tempus qui agnoscunt Dominum Jesum Christum Deum Redemptorem & Salvatorem, in Cælo sint, & quod qui Ipsum non agnoscunt, sub Cælo sint, & ibi instruantur, & quod qui recipiunt, in Cælum eleventur, & quod qui non recipiunt, in Infernum deiciantur; inter hos etiam illi veniunt, qui sicut Sociniani solum Deum Pātrem adiuerunt, & qui sicut Ariani Divinitatem Humani Domini negaverunt; nam dixit Dominus, EGO SUM VIA, VERITAS ET VITA; NEMO VENIT AD PATREM NIÑ PER ME; & ad Philippum, qui voluit videre Patrem, QUOD QUI ME VIDET ET COGNOSCIT, VIDEAT ET COGNOSCAT PATREM, Joh. XIV: 6 seq.

DE LUTHERO, MELANCHTHONE, ET CALVINO, IN MUNDO SPIRITALI.

796. Cum Tribus his Antesignanis, qui Reformatores Ecclesiæ Christianæ fuerunt, saepius loquutus sum, & inde instructus, qualis fuit Status vitæ illorum a principio usque ad hodie. Quod LUTHERUM attinet, a primo tempore, cum in Mundum spirituale alluit, acerrimus propagator & defensor suorum dogmatum fuit, & sicut succrevit multitudo consentiens & favens e Terra, increvit ejus Zelus pro illis; ibi data ei fuit Domus, qualis ei fuerat in vita corporis, Eislebiæ; & ibi in medio erexit Solium parum elevatum, in quo confedit, & per apertam portam admisit auscultatores, & hos in Ordines disposuit, in proximum sibi adscivit faventiores, & post illos collocavit minus faventes, & tunc in tenore loquutus est, & per vices permisit interrogations, propter finem ut telam sermonis finiti ex aliqua origine iterum exorsurus esset. Ex communi hoc favore tandem imbuuit PERSUASIONEM, quæ in Mundo spirituali talis efficaciam est, ut non ab ullo possit resisti, nec contra id quod dicitur loqui; verum quia hoc erat species incantationis ab antiquis in usu, ex Persuasione illa amplius loqui serio interdictum est, & postea sicut prius ex Memoria & simul Intellectu docuit: talis Persuasio, quæ species incantationis est, scaturit ex amore fui, ex quo tandem talis fit, ut dum quis contradicit, non modo impugnet rem quæstionis, sed etiam ipsam Personam. Hic fuit Status vitæ ejus usque ad Ultimum Judicium, quod in Mundo spirituali Anno 1757 factum est, at tunc post annum e Domo sua prima in aliam translatus, & simul tunc in alium statum: & quia hic audivit, quod ego, qui in Mundo naturali sum, loquerer cum illis qui in Mundo spirituali, inter plures accessit ad me, & post alias interrogations & responsiones, percepit, quod hodie finis prioris Ecclesiæ sit, & principium Novæ, de qua prophetavit Daniel, & Ipse Dominus prædictit apud Evangelistas, & quod Nova hæc Ecclesia intelligatur per Novam Hierosolymam in Apocalypsi, & per Evangelium aeternum quod Angelus volans in medio Cæli Evangelizavit habitantibus super Terra, Cap. XIV: 6 ibi, valde indignatus est, & objurgavit; verum sicut percepit, quod Novum Cælum, quod factum est & sit ab illis, qui solum Dominum pro Deo Cæli & Terræ, secundum Ipsius Verba Matth. XXVIII: 18, agnoscunt, & sicut animadverxit Cætus quotidie ad se congregatos, diminui, objurgatio cessavit, & tunc proprius ad me accessit, & caput familiarius mecum loqui; & postquam convictus est, quod

quod principale Dogma de Justificatione per solam fidem non ex Verbo, sed ex propria Intelligentia assumerit, passus est se instrui de Domino, de Charitate, de vera Fide, de Libero Arbitrio, & porro de Redemptione, & hoc unice ex Verbo; tandem post convictionem incepit favere, & deinde plus & plus semet confirmare in Veritatibus, ex quibus Nova Ecclesia constabatur; hoc tempore apud me erat quotidie, & tunc quoties recollegit Veritates illas, incepit ad priora sua Dogmata sicut ad talia quæ e diametro contra Verbum sunt, ridere; & audivi illum dicentem, ne miremini quod Ego arripuerim Fidem solam justificantem, & excluderim Charitatem a spirituali sua essentia, & quoque omne Liberum Arbitrium in spiritualibus hominibus ademerim, praeter plura quæ a sola Fide semel accepta, sicut unci a catena, pendent, quoniam finis meus fuit divelli a Romano-Catholicis, quem finem non aliter potui assequi & obtinere, quapropter non minor quod Ego aberraverim, sed miror quod unus delirans tot deliros potuerit producere; & inspexit a latere aliquos Scriptores dogmaticos suo tempore fama celebres, suæ doctrinæ fideles sectatores, quod non viderint oppositiones in Scriptura Sacra, quæ tamen exstantes sunt. Dictum est mihi ab Angelis exploratoribus, quod Præsul ille præ multis aliis, qui se in Justificatione per solam fidem confirmaverunt, in Statu conversionis sit, quoniam in pueritia sua, antequam ingressus est Reformationem facere, imbuavit Dogma de præminentia Charitatis, quapropter etiam tam in Scriptis quam in Sermonibus suis tam egregie de Charitate docuit; ex quibus profluit, quod fides justificationis apud illum implantata fuerit in Externo naturali ejus homine, non autem radicata in Interno spirituali homine. Aliter vero fit cum illis, qui in pueritia sua se confirmingant contra spiritualitatem Charitatis; quod etiam ex se fit, dum justificatio per solam fidem per confirmationes stabilitur. Loquutus sum cum Principe Saxonæ, cum quo Lutherus in Mundo fuerat, ille mihi retulit, quod saepius obloquutus sit, imprimis quod Charitatem separaverit e Fide, & hanc salvificam & non illam declaraverit, cum tamen Scriptura Sacra non modo illa duo universalia Media salutis conjungit, sed etiam Paulus Charitatem fidei præfert, dicendo, *quod sint tria, Fides, Spes, & Charitas, & quod harum maxima sit Charitas*, I Cor. XIII: 13; sed quod Lutherus toties responderit, quod non possit aliter propter Romano-Catholicos. Hic Princeps est inter felices.

797. Quod MELANCTONEM attinet, de Sorte ejus, qualis haec fuit dum primum in Mundum Spiritualem venit, & qualis postea, plura scire datum est, non solum ab Angelis, sed etiam ab Ipso, nam cum illo aliquoties loquutus sum, sed non ita saepè & prope ut cum Luthero; quod non tam saepè & prope, erat causa, quia non similiter accedere potuit, quoniam tandemmodo Justificationi per solam Fidem studium impendit, non autem Charitati, & circumdatus sum Spiritibus angelicis qui in Charitate sunt, & hi accessum ad me intercluserunt. Audivi, quod ut primum Mundum Spiritualem intravit, parata illi esset Domus similis domui, in qua commoratus est in Mundo; hoc fit etiam plerisque novis advenis, ex quo non aliter sciunt, quam quod adhuc in Mundo naturali sint, & quod tempus a Morte præterlapsum fuerit modo sicut somnus; in Conclavi ejus etiam omnia similia erant, similis Mensa, simile Chartaphylacium cum loculamentis, & quoque Librarium; quare at primum illuc venit, illico sicut evigilatus a somno, adposuit se Mensæ, & continuavit scribere, & tunc de Justificatione per solam Fidem, & similiter per aliquot dies, & prorsus nihil de Charitate; hoc percepto ab Angelis, quæsusitus est per nuntios, cur non etiam scriberet de Charitate, respondit, quod in Charitate nihil Ecclesiæ esset, nam si illa ut quoddam essentialia Ecclesiæ attributum recipetur, homo etiam sibi meritum justificationis & inde salvationis addicaret, & sic quoque Fidem essentia sua spirituali orbaret; quando hoc percepserunt Angeli, qui supra Caput ejus erant, & hoc audierunt Angeli,

qui illi, dum extra domum suam erat, adsoiciati fuerunt, recesserunt, nam cuivis Advenæ in principio assificantur Angeli; hoc facto, post aliquot septimanas, incepunt illa quæ usui illi erant in Conclavi, obscurari & demum evanescere, & tandem usque eo, ut ibi nihil præter Mensam, Chartas, & Atramentarium remaneret, & insuper Conclave ejus quoad parietes apparuit incrustatum calce, & pavimentum materia lateritia flava obductum, & ipse in rudiore veste; quod cum miratus est, & circum se quæsivit, cur illa, responsum tulit, quia Charitatem ab Ecclesia removit; quæ tamen ejus Cor est, sed quia toties contradixit, & perirexit scribere de Fide, ut unico essentiali Ecclesiæ, ac medio salutis, ac plus & plus removere Charitatem, subito sibi visus est sub terra in quodam Ergastulo, ubi similes erant; & dum voluit inde exire, retentus est, & ei defunctum, quod non alia fors maneat illos, qui Charitatem & bona Opera extra fores Ecclesiæ ejiciunt; at quoniam unus inter Reformatores Ecclesiæ erat, ex mandato Domini inde exemptus est, & remissus in Conclave suum prius, ubi solum Mensa, Charta & Atramentarium erant, at usque ex ideis confirmatis illevit chartas simili errore, quare non potuit custodiri, quin alternis demitteretur ad captivos sodales, & alternis emitteretur; cum emislaus est, apparuit induitus pelle hirsuta, quoniam Fides absque Charitate est frigida. Narravit mihi ipse, quod alia Camera a parte postica sua, adjuncta esset, in qua erant tres Mensæ, quibus affidebant ei similes, qui Charitatem etiam in exilium ejecerunt, & quod ibi etiam quarta Mensa quandoque apparuerit, super qua Monstrosa in variis formis visa sunt, a quibus ramen non deterrcacti sunt, dixit quod cum his loquutus sit, & quod ab illis indices confirmatus. At vero post aliquod tempus percitus timore, cœpit aliiquid de Charitate exarare, sed quod uno die inscripsit chartæ, altero non vidit; hoc enim sit unicuique ibi, dum aliiquid ex solo Extero homine immittit chartæ, & non simul ab Interno, ita ex coacto & non ex libero, ex se oblitteratur. At postquam Novum Cælum a Domino cæptum est instaurari, ex luce ex hoc Cælo exorsus est cogitare, quod forte in errore esset, quare ex anxietate propter sortem suam, alias ideas interiores sibi impressas de Charitate sensit, in quo statu consuluit Verbum, & tunc aperti sunt ejus oculi, & vidit, quod illud totum plenum esset AMORE IN DEUM, ET AMORE ERGA PROXIMUM, ita quod esset ut Dominus dicit, quod ex duabus illis Mandatis pendeant Lex & Prophetæ, hoc est, totum Verbum; ex hoc tempore translatus est interius in Meridiem versus Occidentem, & sic in aliam Domum, e qua mecum loquutus est, dicens, quod nunc Scriptura ejus de Charitate non evanescat sicut prius, sed quod postero die obscure apparet. Hoc miratus sum, quod cum ambulat, gressus ejus audiantur pulsatiles, sicut qui ferreis calceis induti super plano lapideo incedunt. His adjiciendum est, quod cum aliqui vovitii e Mundo cum illo loquendi & illum videndi causa Conclave ejus intraverunt, advocaverit unum ex spiritibus magicis, qui per phantasias potuerunt inducere varias species decoras, qui tunc exornaverunt Conclave ejus decoramentis, & tapetibus rosaceis, & quoque tanquam Librario in medio; at vero ut primum illi abiverunt, disparatae sunt species illæ, ac prior incrustatio calcaria ac inanitas rediit: sed hoc dum in priori Statu fuit.

798. De CALVINO sequentia hæc audivi, I. Quod cum primum in Mundum spiritualem alluit, non crediderit aliter, quam quod adhuc in Mundo, ubi natus, esset, & tametsi ab Angelis illi in primordio associatis audit, quod nunc in eorum Mundo esset, & non in suo priori, dixit, idem mihi corpus est, eadem manus, & similes sensus, sed instruebant illum Angeli, quod nunc in corpore substanciali esset, & quod prius non modo in eodem, sed etiam in materiali, quod circum induit substanciali, & quod materiale corpus rejectum sit, permanente substanciali, ex quo homo est homo; hoc primum intellexit, sed post diem rediit in priorem fidem, quod adhuc esset in Mundo ubi natus; causa erat, quia Sensualis ho-

homœ fuit, nihil credens, nisi quod ex objectis sensuum corporis hauriret, inde factum est, quod omnia fidei suæ Dogmata ex propria Intelligentia concluderit, & non ex Verbo; quod citaverit Verbum, fecerit plebis causa, ut affensu faverent. II. Quod post primam hanc periodum, relictis Angelis circumvagatus sit, & inquisiverit, ubi illi, qui ab Antiquis temporibus PRÆDESTINATIONEM crediderunt, & dictum est illi, quod sint remoti ab hinc, & inclusi & superinducti, & quod ad illos non pateat ingressus nisi a parte postica sub terra; sed quod usque discipuli Godoskalchi adhuc libere circumeant, & quandoque congregentur in loco, qui vocatur Lingua spirituali Pyris; & quia illorum consortium cupivit, deductus est ad Cætum; ubi aliqui ex illis stabant; & cum inter illos venit, in jucundo sui cordis erat, & cum illis interiorem amicitiam ligavit. III. At postquam sectatores Godoskalchi ad fratres suos in Caverna abducti sunt, tæduit illum, quare quæsivit hic & ibi azylum, & tandem receptus est in quadam Societate, ubi mere simplices, & inter illos etiam religiosi erant, & cum animadvertisit, quod nequicquam scirent, nec capere possent de Prædestinatione, contulit se in unum Angulum istius Societatis, & ibi delituit per multum tempus, nec aperuit os de aliqua re Ecclesiæ; hoc provisum est, ut recederet ab errore suo de Prædestinatione, ac ut implerentur ceteræ illorum, qui post Dodrestanam Synodum detestabili isti hæresi adhæserunt, qui omnes successive in Cavernam ad consocios relegati sunt. IV. Demum cum ab hodiernis Prædestinationis quæstum est, ubi Calvinus, & post indagationem inventus est in extremis alicujus Societatis, quæ ex mere simplicibus constabat, quare inde evocatus est, & deductus ad quendam Prætorem, qui simili fæci inescatus erat, hic ideo accepit illum in suam Domum, & custodivit, & hoc usque dum Novum Cælum a Domino cæptum est instaurari, & tunc quia Prætor custos ejus una cuim sua turba ejectus est, Calvinus se contulit in quandam domum meretriciam, & ibi moratus per aliquod tempus. V. Et quia tunc fruitus est liberate circumvagandi, & quoque proprius ad commorationem ubi eram, accedendi, datum est loqui cum illo, & primum de Novo Cælo, quod hodie conditur ab illis, qui Dominum solum pro Deo Cæli & terræ agnoscunt, secundum verba Ipsius apud Matthæum Cap. XXVIII: 18; & quod hi credant, quod Ipse & Pater unus sint, Joh. X: 30; & quod Ipse sit in Patre & Pater in Ipso; & quod qui videt & cognoscit Ipsum, videat & cognoscat Patrem, Joh. XIV: 6 ad 11: & quod sic unus Deus sit in Ecclesia sicut in Cælo: ad quæ a me dicta primum, sicut soluit, obmutescerat, sed post semistem horæ solvit silentium, & dixit; fuitne Christus Homo, filius Mariæ nuptræ Josepho, quomodo potest homo adorari ut Deus; & dixi, estne Jesus Christus Redemptor & Salvator noster, Deus & Homo, ad quod respondit, est Deus & Homo, attamen Divinitas non est ejus sed est Patris; & quæsivi, ubinam tunc est Christus, dixit, est in infimis Cæli, quod confirmavit per humiliationem ejus coram Patre, & quod passus sit se crucifigi; his adjecit dictaria in Cultum Ipsius, quæ tunc in memoriam ejus e Mundo irruperunt, quæ in summa erant, quod Cultus ejus non aliud sit, quam Idolatria, & voluit adjicere infanda de illo cultu, verum Angeli, qui apud me erant, compresserunt labia ejus; ego vero ex Zelo convertendi illum, dixi, quod Dominus Salvator noster non modo sit Deus & Homo, sed etiam quod in Ipso Deus sit Homo & Homo Deus, & hoc confirmavi ex Paulo, Quod in Ipso omnis plenitudo Divinitatis habitat corporaliter, Coloss. II: 9; & ex Johanne, Quod sit verus Deus & Vita æterna, I Epist. V: 20. 21; tum ex his Ipsius Domini Verbis, Quod voluntas Patris sit, ut omnis qui credit in Filium, habeat vitam æternam, & quod qui non credit, non visurus sit vitam, sed ira Dei super illo maneat; Joh. III: 36. Cap. VI: 40.; ac insuper, quod Fides symbolica, quæ Athanasiana vocatur, dicit, quod in Christo Deus & Homo non sint duo, sed unum, & quod sint in una Persona, sicut anima & corpus in homine. His auditis respondit, quid

omnia illa, quæ protulisti ex Verbo, nisi inania, estne Verbum Liber omnium hæresium, & sic est sicut Index venti super tectis & navibus, qui huc illuc circumrotatur secundum flatum, est SOLA PRÆDESTINATIO, quæ concludit omnia Religionis, est hæc omnium Religionis Habitaculum & Tentorum conventus, & Fides, per quam fit Justificatio & Salvatio, est ibi Adytum & Sanctuarium; num est ulli homini Liberum Arbitrium in spiritualibus, suntne omnia salutis gratuita, quare argumenta contra hæc, & sic contra Prædestinationem, non aliter audio & percipio quam sicut ructus ex ventre, & sicut boribogmos; & quia ita est, cogitavi tecum, quod Templum ubi docetur de alia re, & ex Verbo, ac Cætus congregatus tunc, sit tanquam Bestiarium, in quo sunt oves & lupi simul, sed hi capistrati per Leges Iustitiae civiles ne irruant in oves, per oves intelligo prædestinatos; & quod Prædicationes orationes ibi tunc, non sint nisi singultus ex pectore: sed dabo meam Confessionem, quæ hæc est „Est Deus, & ille Omnipotens, & non est falsus alius, quam illis qui a Deo Patre electi & prædestinati sunt, & quisque alius adscriptus est suæ sorti, hoc est, suo fato. His auditis in excandescencia regessi, loqueris nefanda, abi male spiritus; scisne quia in Mundo spirituali es, quod sit Cælum & quod sit Infernum, & quod Prædestinatione involvat, quod aliqui adscripti sint Cælo, & aliqui Inferno, num sic aliam ideam de Deo poteris tibi formare, quam sicut de Tyranno, qui Clientes in Urbem admittit, & reliquos ejicit in Carnificinam; quare pudeat te. Postea prælegi coram illo, quæ in Libro Evangelicorum dogmatico, FORMULA CONCORDIÆ, appellato, de erronea Doctrina CALVINISTARUM, de Cultu Domini, & de Prædestinatione, scripta sunt: de CULTU DOMINI, hæc „Quod damnabilis Idolatria sit, si fiducia & fides cordis in Christum non solum secundum Divinam, sed etiam secundum Humanam Ipsius Naturam collocetur, & honor adorationis ad utramque dirigatur“. Et de PRÆDESTINATIONE, hæc „Christum non pro omnibus hominibus, sed pro solis Electis mortuum esse. Deum potissimum partem hominum ad damnationem æternam creasse, & nolle ut potissima pars convertatur & vivat. Electos & Regenitos non posse fidem & Spiritum sanctum amittere, quamvis omnis generis grandia peccata & flagitia committant. Eos vero, qui Electi non sunt, necessario damnari, nec posse pervenire ad salutem, etiam si millies baptizarentur, & quotidie ad Eucharistiam accederent, præterea vitam tam sancte atque inculpate ducerent, quantum unquam fieri potest“, p. 837. 838, Editionis Lipsiens: Anno 1756. Post prælectionem, quæsivi illum, num illa quæ in Libro isto scripta sunt, sint ex ipsius Doctrina, vel non, & respondit, quod ex sua, sed quod non reminiscatur, num ipsa illa verba ex suo calamo tametsi ex suo ore, profluxerint. His auditis recesserunt ab illo omnes servi Domini, & ille propere se contulit in viam tendentem ad speluncam, ubi sunt, qui Prædestinationis execrabile Dogma apud se confirmaverunt. Cum quibusdam ex incarceratis in Spelunca illa postea loquutus sum, & quæsivi sortem illorum, & dixerunt, quod sint adacti laborare propter victimum, & quod omnes inter se inimici sint, & quod quisque querat causam malum faciendi alteri, & quod etiam faciant, dum aliquam levem deprehendunt, & quod hoc sit jucundum vitæ illorum. Præterea de Prædestinatione & Prædestinationis videantur quæ supra n: 485 ad 488, scripta sunt.

799. Cum pluribus aliis tam Sectatoribus Trium illorum, quam cum Hæreticis loquutus sum, & de omnibus concludere mihi datum est, quod quicunque ex illis Charitatis vitam egerunt, & plus qui amaverunt Verum quia est Verum, in Mundo spirituali se patiantur instrui, & acceptent Novæ Ecclesiæ Doctrinalia: at vero illi qui se confirmaverunt in falsis religionis, & quoque illi qui malam vitam egerunt, non patiantur se instrui, & quod hi pedetentim se removeant e Novo Cælo, & se confocient cum similibus, qui in Inferno sunt, ubi plus & plus contra Cultum Domini se confirmant & obstinant, & usque eo, ut non sustineant

neant audire Nomen Jesu; at vicissim in Cælo, ubi omnes unanimiter Dominum pro Deo Cæli agnoscunt.

DE HOLLANDIS IN MUNDO SPIRITUALI.

800. In Opere de CÆLO ET INFERO, relatum est, quod Christiani, apud quos Verbum legitur, ac cognitio & agnitus Domini Redemptoris & Salvatoris est, in Medio Gentium & Populorum totius Mundi spiritualis sint, ex causa, quia maxima Lux spiritualis, apud illos est, & Lux inde sicut a Centro propagatur in omnes peripherias usque ad ultimas, secundum illa, quæ in Transactio de SCRIPTURA SACRA supra n: 267 ad 272, ostensa sunt. In hoc Medio Christiano Reformati sortiti sunt loca secundum receptionem Lucis spiritualis a Domino; & quia Hollandi Lucem illam lumini naturali suo penitus & plenius injunctam possident, & inde sunt aliis receptibiores talium quæ rationis sunt, ideo in Meditullio illo Christiano habitationes nocti sunt in Oriente & Meridie, in Oriente ex facultate recipiendi Calorem spiritualem, & in Meridie ex facultate recipiendi Lucem spiritualem. Quod Plagæ in Mundo spirituali non sint sicut Plagæ in Mundo naturali; & quod habitationes secundum Plagas sint habitationes secundum receptionem Fidei & Amoris, & quod in Oriente sint qui praestant Amore, & in Meridie qui praestant Intelligentia, videatur in Opere de CÆLO ET INFERO, n: 141 ad 153.

801. Causa, quod Hollandi in illis Meditullii Christiani Plagis sint, est quoque quia Negotiatio est Amor finalis illorum, ac Pecunia Amor medius inserviens, & ille Amor est spiritualis; at ubi Pecunia est Amor finalis, & Negotiatio amor medius inserviens, quemadmodum apud Iudeos, est ille Amor naturalis, & trahit ex avaritia. Quod Amor negotiandi dum est finalis, sit spiritualis, est ex usu ejus, quod inserviat communi bono, cum quo proprium bonum quidem cohæret, & hoc præ illo appetat, quia homo ex naturali suo homine cogitat; sed usque dum Negotiatio est finis, est quoque ille amor, & quisque secundum amorem finalem spectatur in Cælo; Amor enim finalis est sicut Dominus Regni, aut sicut herus Domi, & reliqui amores sunt sicut ejus subditi & famuli; & quoque Amor finalis in supremis ac intimis mentis residet, & amores mediis sunt infra & extra illum, & serviunt ei ad nutum; in spirituali hoc amore sunt Hollandi præ aliis: at Judæi in Amore inverso, quare Amor negotiandi illorum est mere naturalis, in quo nihil ex communi bono, sed solum ex proprio, intus latet.

802. Hollandi principiis suæ Religionis firmius inhærent quam alii, nec dimoventur ab illis, & si convincuntur, quod hoc aut illud non concors sit, usque non affirment, sed vertunt se retro, & permanent immoti; ita quoque amovent se ab intuitione veri interiore; Rationale enim suum concludunt sub obedientia. Quoniam tales sunt, ideo illi post mortem, dum in Mundum spiritualem veniunt, peculiari modo præparantur ad recipiendum spiritualia Cæli, quæ sunt Divina Vera: non docentur, quia non recipiunt, sed describitur illis Cælum, quale est, & deinde datur illis ascendere illuc, ac videre illud, & tunc quicquid concordat cum genio illorum, infunditur, sic demissi redeunt ad suos cum pleno desiderio Cæli: si tunc non recipiunt hoc Verum, quod Deus unus fit Persona & Essentia, & quod ille Deus sit Dominus Redemptor & Salvator, & quod in Ipso sit Divina Trinitas; tum hoc Verum, quod Fides & Charitas cognitione & sermone non faciant quicquam absque vita illarum, & quod illæ dentur a Domino dum post explorationem pænitentiam agunt. Si ab illis, cum docentur, se avertunt, & usque cogitant de Deo, quod sint tres quoad Personas, & de Religione solum quod sit, rediguntur in miserias, & aufertur illis Negotiatio, usque dum vident se ad incitas redactos: & tunc perducuntur ad illos, qui, quia in Divinis Veris sunt, abundant

omnibus, & apud quos Negotiatio floret, ac ibi insinuatur illis e Cælo cogitatio, unde est, quod tales sint, & simul reflexio super Fidem illorum, & super Vitam illorum, quod aversentur mala ut peccata; parum etiam inquirunt, & percipiunt concordiam cum propria cogitatione & reflexione; hoc fit per vices: tandem ex seinet cogitant, quod ut exeat a miseriis, similiter credendum, & similiter vivendum sit, & tunc sicut recipiunt illam Fidem, & vivunt illam Charitatis vitam, datur illis opulentia, & faustitas vitae. Hoc modo illi, qui in Mundo aliquam vitam Charitatis egerunt, emendantur a se, ac preparantur ad Cælum. Hi postea Constantiores fiunt aliis, adeo ut dici queant Constantiae, nec se ab aliqua ratione, fallacia, obscuritate inducta per sophistica, & ex visione præpostera a solis confirmationibus, abduci patiuntur; fiunt enim perspicaces plus quam prius.

803. Doctores Didascali in Lyceis illorum maximopere student mysticis fidei ho- diernæ, imprimis illi ibi qui vocantur Coccejani, & quia ex mysticis illis inevitabiliter enascitur dogma Prædestinationis, & hæc insuper a Synodo Dodrechtna consta- bilita est, inseminatur etiam illa, ac implantatur, sicut semen ex fructu cuius- cunque arboris desumum, agro. Inde est, quod Laici de Prædestinatione inter se multum loquuntur, sed diversimode, quidam illam ambabus manibus amplectuntur, quidam solum una manu, & arrident, quidam illam abjiciunt sicut anguum lacertum; ignorant enim mystica fidei, ex quibus Vipera illa exclusa est; quod hæc igno- rent, est causa, quia Negotiis suis intenti sunt, & mystica fidei istius, quidem tangunt intellectum illorum, sed non penetrant in illum; quare Prædestinationis dogma apud Laicos, & quoque apud Clericos, est sicut Simulachrum in forma humana positum super Scopulo in mari cum magna Concha, quæ fulget sicut ex auro, in manu, ad quod visum aliqui Navarchæ præternavigantes demittunt velum mali, honorandi & venerandi causa, aliqui modo ad illud nictant oculis & salutant, & aliqui ad id sibilant ut ad ludicrum quid. Et est sicut Avis ignota ex India posita super alta turri, quam aliqui jurant esse Turturem, aliqui divinant esse Gallum, & aliqui dejerant & clamant, certe est ulula.

804. Hollandi dignoscuntur probe ab aliis in Mundo spirituali, quia in similibus vestibus apparent, in quibus in Mundo naturali, cum discrimine, quod in nitidioribus illi, qui receperunt Fidem & Vitam Spiritualem. Quod in similibus Vesti- bus apparent, est causa, quia in principiis Religionis suæ constanter manent, & omnes in Mundo spirituali vestiuntur secundum illa: quare Vestimenta alba, & ex bysso, sunt illis ibi qui in Divinis Veris sunt.

805. Urbes, in quibus Hollandi habitant, sunt singulari modo custoditæ, omnes Plateæ in illis sunt testæ, & in plateis sunt Portæ, propter caufam, ne spec- tentur e petris & collibus circum; hoc fit illis propter insitam prudentiam occul- tandi sua consilia, & non divulgandi suas intentiones; nam talia in Mundo spiri- tuali per inspectiones protrahuntur. Cum aliquis animo explorandi statum illo- rum venit, ille dum exiturus est, ducitur ad Portas platearum clausas, & sic re- ducitur & dicitur ad plures, & hoc usque ad sumمام molestiam, & tunc e- mittitur; hoc ob finem ne redeat. UXORES, quæ imperium super Maritos affectant, habitant ad unum latus Urbis, nec saepius cum Maritis conveniunt, quam cum invitantur, quod sit civili modo; & tunc illas etiam deducunt ad Domos, ubi Con- juges absque imperio unius super alterum vivunt, & ostendunt quam ornatae & mundæ illorum Domus sunt, & quam jucundum vitæ illis est, & quod hæc sint illis ex mutuo & conjugali amore: illæ, quæ ad hæc attendunt, & afficiuntur, desistunt a dominio, & una vivunt; & tunc nanciscuntur habitationem proprius ad Medium, & vocantur Angeli: causa est, quia Amor vere conjugalis est Amor Cælestis, qui est absque imperio.

DE ANGLIS IN MUNDO SPIRITALI.

806. Sunt duo Status cogitationis apud hominem, Externus & Internus ; homo in Externo est in Mundo naturali, in Interno est in Mundo spirituali; hi Status unum faciunt apud bonos ; sed non unum apud malos ; qualis homo quoad Internum suum est, raro patet in Mundo, quoniam ab infantia didicit moralis & rationalis esse , & amat videri ; sed in Mundo spirituali clare appetet qualis est, est enim tunc homo spiritus, ac spiritus est Internus homo. Nunc quia mihi datum est in illo Mundo esse, & ibi videre, quales Interni homines sunt ab uno Regno & ab altero, me oportet, quia interest, id manifestare.

807. Quod ad Gentem Anglicam; meliores ex illis in Centro omnium Christianorum sunt, ex causa, quia illis Lux intelleætualis interior est; hæc non appetet alicui in Mundo naturali, sed appetet conspicue in Mundo spirituali; hanc lucem trahunt ex libertate loquendi & scribendi, & per id cogitandi: apud alios, qui in tali libertate non sunt, lux illa, quia non habet exitum, offunditur. Verum Lux illa non est activa ex se, sed fit activa ab aliis, imprimis a viris famæ & auctoritatis; ut primum ab his aliquid dicitur, Lux illa exsplendescit. Propter hanc causam illis in Mundo spirituali præficiuntur Moderatores, ac dantur Sacerdotes incluti fama, & præpollente ingenio, in quorum judiciis ex illa sua indole acquiescent.

808. Est similitudo animorum inter illos, ex qua cum amicis, qui ex Patriæ eorum sunt, ligant familiaritem, & raro cum aliis; mutuam opem etiam ferunt; ac sinceritatem amant: Sunt amantes Patriæ, & Zelotes ejus gloriæ; & spectant Alienigenas, sicut quis ex tecto Palatii sui per tubum opticum spectat ad habitantes & palantes extra urbem. Politica Regni sui occupant mentes & possident corda illorum, quandoque in tantum, ut abstrahant spiritus eorum a studiis sublimioris judicij, per quæ superior intelligentia comparatur; hæc quidem in juventute illi, qui talibus in Lyceis intendunt, hauriunt; sed transeunt sicut phænomena; at usque ex illis rationalitas eorum fit viva, & micat luce, ex qua formant pulchras imagines, sicut Prisma Chrystallinum obversum foli format irides, & planum objectum fulvis coloribus tingit.

809. Sunt binae Urbes magnæ similes Londino, in quos plerique Angli post mortem veniunt; priorem Urbem datum est videre, & quoque perambulare. Medium illius Urbis est, ubi in Londino est Conventus Mercatorum, qui vocatur Exchange, ibi habitant Moderatores; supra illud Medium est Oriens; infra illud est Occidens; a latere dextro est Meridies, a latere sinistro est Septentrio. In Plaga orientali habitant, qui vitam Charitatis præ reliquis egerunt, ibi sunt Palatia magnifica; in Plaga meridionali habitant Sapientes, apud quos plura Splendida sunt; in Plaga septentrionali habitant, qui præ cæteris amaverunt libertatem loquendi & scribendi: in Plaga occidentali habitant, qui Justificationem per solam fidem venditant; ad dextrum ibi in hac Plaga, est introitus in hanc Urbem, & quoque est exitus ab illa; illi, qui male vivunt, emittuntur ibi: Presbyteri qui in Occidente sunt, & solam illam Fidem docent, non audent per plateas magnas, sed per vicos angustiores intrare Urbem, quoniam non alii habitatores in ipsa Urbe tolerantur, quam qui in Fide Charitatis sunt. Audivi conquestos de Prædicatoriis ab Occidente, quod sermones suos tali arte & eloquio concinnent, & ignotam illis Justificationem per fidem involvant, ut nesciant num bonum faciendum sit vel non; prædicant fidem ut bonum intrinsecum, & hoc separant a bono Charitatis, quod vocant meritorium, & sic non acceptum Deo. Sed cum illi, qui in

Plaga Urbis Orientali & Meridionali habitant, tales sermones audiunt, exeunt Templus: & Prædicatores postea deprivantur sacerdotio.

810. Audivi postea plures causas, cur Prædicatores illi deprivantur sacerdotio, dixerunt quod primaria sit, quod non ex Verbo & sic ex Spiritu Dei Sermones suos conforment, sed ex rationali suo lumine & sic ex Spiritu proprio; primordia quidem sicut præludia ex Verbo depromunt, sed hæc modo tangunt labijs, & sicut non sapida deferunt, & mox eligunt quoddam sapidum ex propria intelligentia, quod ut laetitias ore volvunt & super lingua versant, & sic docent: dixerunt, quod inde non plus spirituale insit concionibus illorum, quam quod inest cantibus oscinum; & quod sint allegorica exornata sicut sunt capillamenta pulchre cincinnata & farina hordei dealbata super Capite calvo: mystica sermonum illorum de Justificatione per solam fidem æquiparabant Coturnicibus e mari conjectis super castra filiorum Israelis, ex quibus ad plura millia mortui sunt, Num. XI; at Theologica de Charitate & Fide simul æquiparabant Mannæ e Cælo. Quondam audivi Presbyteros illorum de sola Fide inter se loquentes; & vidi quoddam Simulachrum ab illis formatum, quod solam Fidem illorum repræsentabat; hoc apparuit in lumine eorum, quod erat phantasie, sicut magnus Gigas; sed cum immissa est lux e Cælo, apparuit illud superius sicut monstrum, & inferius sicut serpens; quo viso recesserunt, & ab adstantibus conjectum est in stagnum.

811. Altera magna Urbs Londonum etiam nuncupata, non est in meditullio Christiano, sed dissipata ab illa ad septentrionem: in illam post mortem veniunt, qui interiori mali sunt. In medio ejus est aperta communicatio cum Inferno, a quo etiam per vices absorbentur.

812. Ex illis, qui ex Anglia in Mundo spirituali sunt, perceptum est, quod illis sit duplex Theologia, una ex Doctrina fidei illorum, & altera ex Doctrina Charitatis; ex Doctrina fidei illis, qui sacerdotio initiantur, & ex Doctrina Charitatis plures e Laicis, imprimis illi, qui in Scotia & in confiniis ejus commorantur; cum his Solifidiani timent movere lites, quoniam hi pugnant cum illis tam ex Verbo quam ex Ratione; Doctrina, hæc Charitatis exstat in Oratione quovis die Sabbathi prælecta in Templs coram illis qui Sacramentum Cænæ obeunt, in qua aperte dicitur, quod si non in Charitate sunt, & mala ut peccata non fugiunt, se in damnationem æternam conjiciant, & quod alioquin, si ad Sanctam Communio- nem accederent, Diabolus in illos intraturus esset sicut in Judam.

DE GERMANIS IN MUNDO SPIRITALI.

813. Notum est, quod Incolæ cujusvis Regni divisi in plures Provincias, non simili genio sint, & quod inter se differant singulariter, sicut universaliter habitatores Climatuum in terrarum Orbe; sed quod usque communis Genius regnet inter illos qui sub uno Rege & inde sub una statuta Lege sunt. Quod Germaniam attinet, est illa præ Regnis circum illam divisa in plures Ditiones; est ibi Imperium, sub cuius universalis auspicio sunt omnes, sed usque Princeps cujusvis ditionis jure despoticō gaudet in particulari, sunt enim ibi Ducatus maiores & minores, & quisque in suo est tanquam Monarcha: & insuper est ibi Religio Divisa, in quibusdam Ducatibus sunt Evangelici ita nominati, in quibusdam sunt Reformati, & in quibusdam sunt Pontificii; cum talis diversitas Auspiciorum & simul Religionum est, possunt Germani ægrius quoad animos, inclinationes & vitas ex ysis in Mundo spirituali describi, quam Gentes & Populi alibi: Sed quia usque Communis Genius regnat ubivis inter Populos ejusdem Linguæ, potest ille ex ideis in unum collectis aliquatenus videri & describi.

814. Quoniam Germani sub Regimine desposito in particulari in quovis Ducatu sunt,

sunt, ideo non sunt in Libertate loquendi & scribendi sicut Batavi & Britanni, & cum Libertas loquendi & scribendi coercita est, etiam finul Libertas cogitandi, hoc est, perspiciendi res in sua amplitudine coercita tenetur; est enim sicut Cisterna fontis circum vallata, ex quo inibi aqua elevatur usque ad orificium Venæ, unde ipsa Vena non salit amplius, Cogitatio est sicut vena, & Loquela inde est sicut cisterna; verbo influxus se adaptat effluxui, similiter Intellectus a superiori ad rationem libertatis eloquendi & egerendi cogitata: quapropter nobilis illa Gens parum litat rebus judicii, sed rebus memoriae; quæ causa est quod Historiae Literariae imprimis dediti sint, & in Libris suis fidant Viris famæ & eruditionis inter illos, & horum judicia allegent in copia, & subscriptibant alicui: status hic illorum repræsentatur in Mundo spirituali per Virum, qui sub ulnis portat libros, & cum aliquis contendit de aliqua re judicii, inquit, dabo tibi responsum, & illico deponit aliquem librum sub ulna, & prælegit.

815. Ex hoc illorum statu procedunt plura, & inter illa hoc; quod spiritualia Ecclesiæ inscripta memoriae teneant, & raro elevent illa in Intellectum superiore, sed modo immittant illa in Intellectum inferiorem, e quo de illis ratiocinantur, ita prorsus aliter quam Nationes liberæ; hi quoad spiritualia Ecclesiæ, quæ vocantur Theologica, sunt sicut Aquilæ, quæ se evehunt in quamvis altitudinem, at Nationes non liberæ sunt sicut Olores in fluvio. Et quoque Nationes liberæ sunt sicut Cervi grandiores cum altis cornibus, qui percurrent campos, lucos & sylvas in plena licentia, at Nationes non liberæ sunt sicut Cervi in Vivariis detenti ut serviant Principi. Porro Populi libertatis sunt sicut Equi volantes ab Antiquis vocati Pegasi, qui non modo super Maria, sed etiam super Colles qui nuncupantur Parnassii, & quoque super Musæa infra illos, volant; at Populi non manumissi sunt sicut generosi Equi pulchre phalerati in Stabulis Regum. His similia sunt discrimina judiciorum in rebus mysticis Theologiae; Clerici ibi, dum discipuli sunt, ex ore Didascalorum in Lyceis exscribunt dictamina, & hæc custodiunt sicut auctoramenta eruditionis, & cum inaugurati sunt sacerdotio, aut constituti Lectores in Gymnasiis, hi e cathedris, & illi e suggestis, canonicas suas loquelas, ex dictatis, de quibus nunc supra, ut plurimum hauriunt. Sacerdotes illorum, qui non ex orthodoxia docent, communiter Spiritum Sanctum, ac mirabiles ejus operaciones & excitations sanctitatum in cordibus prædicant; at illi, qui ex hodierna Orthodoxia de Fide docent, apparent Angelis sicut laurea ex foliis æsculi ligata insigniti; at illi, qui ex Verbo de Charitate & ejus operibus docent, apparent Angelis sicut laurea ex foliis odoriferis e lauro contexta ornati. Evangelici ibi in contentionibus cum Reformatis de veritatibus apparent sicut lacerent vestes, ex causa quia vestes significant veritates.

816. Quæsvi ubinam Hamburgenses in Mundo spirituali inveniuntur, ac dictum est, quod nullibi apparent collecti in unam Societatem, & minus in aliquam Civitatem, sed quod sint circumsparsi & intermixti Germanis in variis plagis; & dum inquisita est causa, dicta est hæc, quod sit ex continua mentium illorum inspectionibus & quasi peregrinationibus extra suam Urbem, & perparum intra illam: nam qualis est status Mentis hominis in Mundo naturali, talis est ejus status in Mundo spirituali; Mens enim hominis est ejus Spiritus, seu posthumus homo post excessum ejus e materiali corpore vivens.

DE PONTIFICIIS IN MUNDO SPIRITALI.

817. Pontifici in Mundo spirituali apparent circum & infra Protestantes, & per intervalla distincti sunt, quæ transire interdictum est; sed usque Monachii per clandestinas artes parant sibi communicationem, & quoque per

semitas ignotas ablegant emissarios ut seducant, sed indagantur, & postquam perniti sunt, vel remittuntur ad suos, vel dejiciuntur.

818. Post Ultimum Judicium, quod in Mundo spirituali factum est Anno 1757, Status omnium, & sic etiam illorum, ita mutatus est, quod non licet se congregare in Cætus, sicut prius; sed cuivis Amori tam bono quam malo, ordinatæ sint viæ, quas illi, qui e Mundo alliunt, illico intrant, ac vadunt ad Societas Amoribus illorum correspondentes; sic feruntur mali ad Societas, quæ in Inferno sunt, ac boni ad Societas quæ in Cælo sunt: sic cautum est, ne sicut prius artificiales Cælos sibi forment. Tales Societas in Mundo spirituum, qui est medius inter Cælum & Infernum, sunt multiplices, sunt enim totidem, quot sunt Genera & Species affectionum Amoris boni & mali; ac interea antequam vel in Cælum elevantur, vel in Infernum dejiciuntur, sunt in coniunctione spirituali cum hominibus Mundi, ex causa, quia hi etiam in medio sunt inter Cælum & Infernum.

819. Pontificii Synedrium quoddam habent in Plaga Meridionali versus Orientem, in quo illorum Primores convenient, & consultant de variis quæ Religionis eorum sunt, imprimis quomodo Vulgus tenendum est in cæca obedientia, & quomodo Dominatus eorum ampliandus: sed non in illud admittitur aliquis qui in Mundo fuerat Pontifex, ex causa quia insidet animo ejus instar Auctoritatis Divinæ, ex eo quod arrogaverit sibi potestatem Domini in Mundo: nec permittitur alicui Cardinali in Synedrium illud intrare, & hoc propter supereminentiam; hitemen in amplio Conclavi sub illis se colligunt, at post aliquot dierum commorationem auferuntur, sed non datum est scire, quo. Alius etiam Conventus est in Plaga meridionali versus Occidentem; negotium ibi est credulum vulgus intromittere in Cælum; disponunt ibi circum se plures Societas, quæ in variis Jucundis extensis sunt, in quibusdam sunt Choræ, in quibusdam Harmoniae musicæ, in quibusdam Processiones, in quibusdam Theatra & ludi scenici, in quibusdam sunt qui per phantasias inducunt varias species magnificentiarum, in quibusdam modo hauriolantur & jocantur; in quibusdam loquuntur inter se amice, alicubi de religiosis, alicubi de civilibus, etiam alicubi de lasciviis; & sic porro: in aliquam ex his societatibus secundum cujusvis voluntatem immittunt credulos, vocantes id Cælum; sed omnes post diem unum aut alterum, cum ibi fuerunt, tædio afficiuntur & abscedunt, quia Jucunda illa sunt externa & non interna; ita quoque plures abducuntur a frivolis fidei de potestate intromittendi in Cælum. Quod Cultum eorum in specie attinet, est ille pæne similis Cultui illorum in Mundo, consistit ille similiter in Missis, quæ fiunt in Lingua non communی spirituum, sed constata ex vocibus alte sonantibus, quæ Sanctum externum & Tremotem incutunt, quæ prorsus non intelligunt.

820. Omnes qui in Mundum spiritualem e Terris veniunt, in Confessione fidei, & in Religione Patriæ suæ in principio tenentur; ita quoque Pontificii; quare semper aliquem representativum Pontificem sibi præpositum habent; quem etiam simili ritu adorant, quo in Mundo. Raro aliquis Papa in Mundo, post excessum inde, illis præponitur; sed usque Ille qui ante 30 & 40 annos Pontificali Munere functus est, illis præfectus est, ob causam, quia Ille corde suo fœvit, quod Verbum sanctius esset, quam creditur, & quod Dominus colendus esset. Datum est loqui cum illo, & dixit, quod Dominum solum adoraret, quia Ipse est Deus, cui omnis potestas est in Cælo & in Terra, secundum Ipsius verba, Matth. XXVIII: 18; & quod invocationes Sanctorum sint ludibria: tum quod in Mundo intenderit restaurare illam Ecclesiam, sed quod non potuerit, propter causas quas dixit. Vidi illum, quando Urbs magna septentrionalis, in qua fuerunt Pontificii & simul Reformati, die Ultimi Judicii destruebatur, in lectica exportatum, & in locum securum translatum. Ad latera Societatis magnæ, in qua Pontificem agit, instituta sunt

sunt Gymnasia, ad quæ illi qui in ancipiis de Religione hærent, abeunt, & ibi sunt Monachi conversi, qui illos docent de Deo Salvatore Christo, & quoque de sanctitate Verbi, ac Monachi illi arbitrio illorum relinquunt avertere animos a sanctificationibus in Ecclesiam Romano-Catholicam introducatis, illi qui recipient, introducuntur in amplam Societatem, ubi illi qui e Cultu Papæ & Sanctorum recesserunt, & cum in illam veniunt sunt sicut qui expergefacti a sopore in vigilia sunt; & sicut qui ex injucundis brumæ in amæna primi Veris veniunt; & sicut Navigans dum portum tangit; & tunc ab illis qui ibi sunt, invitantur ad convivia, & datur illis e cyathis Chryſtallinis bibere nobile Vinum; & andivi, quod Angeli e Cælo ad hospitem demittant patinam, super qua est Manna in simili forma, & ex simili sapore, qualis demissa est super Caſtra filiorum Israelis in deferto, quæ patina ad Convivas circumfertur, & cuivis datur liberum gustandi illam.

821. Omnes illi ex Catholica Religione, qui dum animadvertisse post mortem vivere, & in priori Mundo plus cogitaverunt de Deo, quam de Papatu, & Charitatis opera ex simplici corde fecerunt, postquam instructi sunt, quod Ipſe Dominus Salvator Mundi hic regnet, facile abducuntur a superstitionis istius Religionis; his est transitus a Papismo ad Christianismum tam facilis, sicut est per fores apertas intrare in Templum; & sicut est transfire Satellitia, quæ in atriis sunt, in Aulam, mandante Rege; & sicut est attollere vultum & suspicere ad Cælum, dum inde audiuntur voces: at vicissim, tam difficile est a superstitionis Religionis istius abducere illos, qui in vita suæ curriculo in Mundo raro si usquam cogitaverunt de Deo, ac Cultum illum modo propter festivitates ejus dilexerunt, sicut est intrare in Templum per fores clausas; & sicut est per Satellitia in atriis transfire in Aulam, prohibente Rege; & sicut angui in herba extollere oculos ad Cælum. Mirabile est, quod omnes, qui ex Religioso illo Catholico in Mundum spiritualem alluant, non videant ibi Cælum, ubi sunt Angeli, est sicut Nubes obscura super illos, quæ terminat visum; at vero ut primum aliquis conversus ad conversos venit, aperitur Cælum, & quandoque vident Angelos ibi in Vestibus albis, ad quos etiam post exactum tempus præparationis, elevantur.

DE SANCTIS PONTIFICIORUM IN MUNDO SPIRITALI.

822. Notum est, quod homini a Parentibus sit malum insitum seu hæreditariam, sed paucis notum est in quo illud in sua plenitudine habitat, habitat in amore possidendi omnium aliorum bona, & in amore dominandi, posterior enim hic amor talis est, ut quantum ei laxantur fræna, tantum erumpat, usque ut flagret cupidine dominandi super omnes, & tandem ut velit invocari & coli sicut Deus: hic Amor est Serpens, qui decepit Chaivam, & Adamum, dixit enim ad Mulierem, *Novit Deus, quo die comederitis de fructu illius Arboris, aperientur oculi vestri,* ET TUNC ERITIS SICUT DEUS, Gen. III: 4. 5; quantum itaque homo relaxatis frænis in hunc Amorem ruit, tantum se avertit a Deo, & convertit ad semet, & fit adorator sui, & tunc potest invocare Deum ore calido ex amore sui, sed corde frigido ex contemptu Dei; & quoque tunc possunt Divina Ecclesiæ inservire pro mediis, sed quia finis est dominium, media non plus cordi sunt, quam prout inferunt. Talis, si ad supremos honores evehitur, est in sua imagine sibi sicut Atlas portans Globum terraueum super scapulis suis; ac sicut Phœbus solem equis suis ferens circum orbem.

823. Quoniam homo ex hæreditario talis est, ideo omnes, qui per Bullas Papales sanctificati sunt, in Mundo spirituali removentur ab oculis aliorum, & reconducentur, & aufertur illis omne commercium cum cultoribus illorum, causa est

ne radix illa malorum pessima exciteatur apud illos, & in deliria phantastica, quae sunt apud dæmones, inferantur: in talia deliria veniunt illi, qui dum in Mundo vivunt, Sanctos fieri post mortem ut invocentur, studio affectant.

824. Multi ex Pontificia Gente, imprimis Monachi, cum in Mundum spiritualem adveniunt, querunt Sanctos, imprimis Sanctum sui Ordinis, sed non inventant, quod mirantur, sed postea instruuntur quod sint intermixti vel illis qui in Cælo sunt, vel illis qui in Infera Terra, & quod utrobivis nihil sciant de cultu & invocatione sui, & quod illi qui sciunt, & volunt invocari, cadant in deliria, & fatue loquantur. Cultus Sanctorum est talis abominatio in Cælo, ut dummodo audiunt illum, horrescant, quoniam quantum alicui homini addicatur Cultus, tantum Cultus derogatur Domino; sic enim non solus potest coli; & si Dominus non solus colitur, fit discriminatio, quæ tollit communionem, & fluentem ex illa felicitatem vitae. Ut scirem, quales Sancti Pontificiorum sunt, propter causam ut notum facerem, educuti sunt ex inferiore Terra usque ad centum, qui neverunt de Sanctificatione sua; ascenderunt a tergo, modo aliqui ante faciem, & cum uno ex his loquutus sum, quem dixerunt esse Xaverium; hic dum mecum loquebatur, erat sicut fatuus; narrare tamen potuit, quod in loco suo ubi cum aliis inclusus est, non fatuus fit, sed quod fatuus fiat, quoties cogitat quod Sanctus fit & vult invocari: simile murmur audivi ab illis, qui a tergo erant. Aliter est cum Sanctis ita dictis in Cælo, hi prorsus nihil sciunt de eo quod in terris fit, nec datur illis loqui cum quibusdam e Gente Pontifica qui in illa superstitione sunt, ne aliqua idea de illa re apud illos intret.

825. Ex hoc illorum statu quisque concludere potest, quod Invocationes illorum sint modo ludibria; & insuper asseverare possum, quod Invocationes suas in Terris non plus audiant quam Simulachra eorum juxta vias, nec plus quam parietes Templi; neque plus quam aves nidificantes in turribus. Dicitur a servis illorum in Mundo, quod Sancti una cum Domino Iesu Christo regnent in Cælo, sed hoc est figmentum & commentum; non enim plus regnant cum Domino, quam fabularius cum Rege, quam janitor cum Magnate, ac quam cursor cum Pri-mate; dixit enim Johannes Baptista de Domino, quod non dignus sit solvere corrigiam calcei Ipsi, Marc. I: 27, quid tunc illi, qui tales.

826. Apparet quandoque Parisiensibus qui in Mundo spirituali in Societate sunt, quedam Mulier in media altitudine, in vestitu splendido, & in facie tanquam sancta, & dixit se esse GENOVEVAM: sed cum quidam incipiunt adorare illam, tunc illico mutatur ejus facies, & quoque vestis, & sit similis Fæminæ vulgari, & reprehendit illos, quod velint adorare fæminam, quæ apud socias suas non plus in æstimatione est quam sicut ancilla, mirans quod homines Mundi talibus nugis captentur.

827. His adjiciam hoc dignissimum: Quondam praeteriit MATER DOMINI MARIA, & visa supra Caput in Vestitu albo; & tunc paulum morata dixit, quod Mater Domini fuerit, & quidem ab illa natus, sed quod factus Deus exuerit omne Humanum ex illa, & quod ideo nunc adoret Ipsum ut suum Deum, & quod nolit ut quisquam Ipsum pro suo Filio agnoscat, quoniam in Ipsa omne Divinum est.

DE MAHUMEDANIS IN MUNDO SPIRITUALI.

828. Mahomedani in Mundo spirituali apparent post Pontificios in Occidente, & faciunt sicut ambitum: quod apparent proxime post Christianos, est quia Dominum nostrum agnoscunt, pro Maximo Propheta, Sapientissimo omnium, qui missus est in Mundum ut doceret homines, & quoque pro Filio Dei. Quisque in illo Mundo habitat ad distantiam a Meditullio, ubi sunt Christiani, secundum Confes-

fectionem Domini & Unius Dei; nam illa conjungit animos Cælo; & facit distantiam ab Oriente, super quo est Dominus.

829. Quoniam Religio in supremis apud hominem residet, & ex supremis vivunt & lucent inferiora ejus, & quia Mahumedes versatur in animis illorum una cum Religione, ideo semper aliquis Mahumedes in conspectu illorum ponitur, ac ut vertant facies suas ad Orientem, super quo est Dominus, ponitur ille infra Meditullium Christianum: non est ipse Mahumedes, qui Alcoranum conscripsit, sed alius qui munere ejus fungitur; nec est idem semper, sed mutatur: quondam fuit unus ex Saxonia, qui captus ab Algiriensibus factus est Mahumedianus, is quia Christianus etiam fuerat, aliquoties actus est ad loquendum cum illis de Domino, quod non fuerit Filius Josephi, sed Filius Ipsius Dei. Iste Mahumedi succederunt postea alii. In loco ubi repræsentativus ille Mahumedes sedem habet, apparet ignis sicut faculae, ut noscatur; sed ille ignis non conspicuus est aliis, quam Mahumedianis.

830. Ipse Mahumedes, qui scripsit Alcoranum, non in conspectum hodie venit; dictum mihi est, quod primis temporibus præfuerit illis, sed quia voluit dominari super omnia Religionis illorum ut Deus, quod e se dea sua, quam sub Pontificiis habuit, ejectus sit, & ad latus dextrum juxta meridiem demissus. Quondam aliqua Societas ex Mahumedianis excitata est a malitiosis ad agnoscendum Mahumedem pro Deo, ut sedatio sedaretur, sublatus est Mahumedes ab infera terra, & ostensus, & tunc quoque mihi visus est: apparuit similis Spiritibus corporeis, quibus non perceptio interior est, facie ad nigrum vergente, & audivi illum loquenter hæc verba, Ego sum Mahumedes vester; & mox quasi subsidens.

831. Mahumedani infesti sunt Christianis primario propter fidem trium Personarum Divinarum, & inde cultum trium Deorum, totidem Creatorum, ac Chatolico-Romanis insuper propter genuflexiones coram simulachris, & inde hos vocant Idololatras, & illos fanaticos, dicentes quod faciant Deum Tricopitem, & quod dicant unum ac missent tres, proinde quod scindant Omnipotentiam, & ex una & unius faciant tres; & quod ita sint sicut Fauni cum tribus cornibus, uno pro quovis Deo, & insimul tres pro uno, & quod sic orent, sic psallant, & sic e suggestibus sonent.

832. Est Mahumedianus, sicut omnibus Gentibus quæ agnoscunt Deum unum, ac amant justum, & faciunt bonum ex Religione, suum Cælum, sed extra Christianum: ast Cælum Mahumedianum in duos est distinctum, in Inferiori vivunt honeste cum pluribus uxoribus, sed inde non alii in Cælum superius elevantur, quam qui abdicant pellices, & agnoscunt Dominum Salvatorem nostrum, & simul Ipsius Dominium super Cælum & Infernum. Audivi quod illis impossibile sit cogitare Deum Patrem & Dominum nostrum esse unum, sed quod illis possibile sit credere, quod dominetur super Cælos & Inferna, quia Filius Dei Patris est: hæc Fides apud illos est, per quam ascensus in superius Cælum illis a Domino datur.

833. Quod Religio Mahumedana recepta sit a pluribus Regnis, quam Religio Christiana, potest scandalum esse illis, qui de Divina Providentia cogitant, & simul credunt, quod non quis salvari possit, quam qui Christianus natus est: at Religio Mahumedana non est scandalum illis, qui credunt quod omnia sint Divinæ Providentiae; hi inquirunt, in quo est, & quoque inveniunt. Est in hoc, quod Mahumedana Religio agnoscat Dominum pro Maximo Prophetam, Sapientissimum omnium, & quoque pro Filio Dei; at quia modo Alcoranum Librum religionis suæ fecerunt, & inde Mahumedes, qui illum conscripsit, cogitationibus illorum infudit, & aliquo cultu illum prosequuntur, ideo parum de Domino nostro cogitant. Ut plene sciatur, quod illa Religio ex Divina Domini Providentia exfusciata sit, ad delendum Idololatrias plurium Gentium, in aliquo ordine dicetur, sed primum de origine Idololatriarum. Ante illam Religionem fuit Cultus idololatri-

cus in perplurima Regna terrarum Orbis, effusus, causa fuit, quia Ecclesiæ ante Adventum Domini, fuerunt omnes Ecclesiæ repræsentativæ; talis etiam fuit Ecclesia Israelitica, ibi Tabernaculum, Vestes Aharonis, Sacrificia, Omnia Tempoli Hierosolymitani, & quoque Statuta repræsentabant: & apud Antiquos fuit scientia Correspondentiarum, quæ etiam est Repræsentationum, ipsa Scientia scientiarum, imprimis exculta ab Ægyptiis, inde horum Hieroglyphica. Ex illa Scientia sciverunt, quid significabant omnis Generis Animalia, tum quid omnis Generis Arbores, ut & quid Montes, Colles, Fluvii, Fontes; ut & quid Sol, Luna & Stellæ; per illam Scientiam fuit illis etiam cognitio Spiritualium, quoniam illa quæ repræsentabantur, quæ sunt talia quæ sapientia spiritualis est apud Angelos in Cælo, erant origines. Nunc quia omnis Cultus illorum erat Repræsentativus, consistens ex meris Correspondentiis, ideo super Montibus & Collibus, & quoque in Lycis & Hortis, habuerunt Cultus; & ideo Fontes sanctificabant, & insuper Sculptiles Equos, Boves, Vitulos, Agnos, immo Aves, Pisces, Serpentes fecerunt, & hos posuerunt juxta Templæ, & in horum Atrijs, & quoque Domi, in ordine secundum spiritualia Ecclesiæ quibus correspondebant, seu quæ repræsentabant, & inde significabant. Post tempus, quando scientia Correspondentiarum oblitterata fuit, cœpit Posteritas colere ipsa Sculptilia ut in se sancta, nescientes quod Antiqui Parentes illorum non viderint aliquid sancti in illis, sed solum quod secundum correspondentias repræsentarent Sancta. Ex his ortæ sunt Idolatriæ, quæ impleverant tot Regna Orbis. Ut illæ Idolatriæ extirparentur, ex Divina Domini Providentia factum est, ut Nova Religio geniis Orientalium accommodata auspicaretur; in qua aliquid ex utroque Testamento Verbi etiam esset, & quæ doceret, quod Dominus in Mundum venerit, & quod Ille esset Maximus Propheta, Sapientissimus omnium, & Filius Dei: hoc factum est per Mahumetum, a quo Religio illa vocata est. Ex his patet, quod hæc Religio ex Divina Domini Providentia exsuscitata sit, ac geniis Orientalium, ut dictum est, accommodata, ob finem, ut deleret idolatrias tot Gentium, & daret aliquam cognitionem de Domino, antequam in Mundum spiritualem, quod fit post mortem, venirent: quæ Religio non recepta fuisset a tot Regnis, & potuisset Idolatrias ibi extirpare, nisi conveniens ideis cogitationum illorum facta esset: imprimis nisi Polygamia permissa fuisset, etiam ex causa, quia Orientales absque illa permissione præ Europæis flagravissent in spurca Adulteria, & periissent.

834. Quondam datum est percipere, qualis est Calor amoris Polygamici illorum; loquutus sum cum uno, qui vicem Mahumedis obivit, & Vicarius ille post aliquam loquela ad distantiam cum illo, transmisit ad me cochleare ebenum, & alia, quæ erant indicia quod ab illo; & simul tunc aperta est communicatio e variis locis pro calore amoris Polygamici illorum, qui sentitus est e quibusdam locis. sicut calor in Balneis post lavationes; e quibusdam sicut calor in Culinis ubi lixantur carnes; e quibusdam sicut calor in Popinis ubi esculenta fætida veno existant; ex quibusdam sicut in Cellariis apud Pharmacopolas, ubi emulsa & similia parantur; e quibusdam sicut calor in Iupanariis & ganeis; & e quibusdam sicut in Tabernis, ubi pelles, coria & calcei venduntur; Calori isti etiam inerat sicut rancidum, austерum & urens ex Zelotypia. Calor autem in Cælis Christianis, dum Jucundum amoris illorum sentitur ut Odor, est fragrans sicut in Hortis & Vinea, & sicut in Rosetis, & alicubi sicut in Aromotopoliis, & alicubi sicut in Torcularibus, & in Cellis vinariis. Quod Jucunda Amorum in Mundo spirituali multoties sentiantur ut Odores, in MEMORIALIBUS meis post Capita, passim ostensum est:

DE AFRICANIS IN MUNDO SPIRITALI; ET QUOQUE ALI-
QUID DE GENTIBUS.

835. Gentes, quæ non aliquid norunt de Domino, in Mundo spirituali appa-
rent extra illos, qui norunt; usque ita, ut ultimas peripherias faciant non alii,
quam qui prorsus Idololatræ sunt, ac Solem & Lunam in Mundo priori adorave-
runt. Illi autem, qui Unum Deum agnoscunt, ac Præcepta, qualia sunt in De-
calogo, religionis & inde vitæ faciunt, immediatus communicant cum Christianis in Meditullio; nam communicatio sic non intercipitur a Mahumedianis & Pontifi-
ciis. Gentes etiam distinctæ sunt secundum genios & facultates recipiendi luce-
per Cælos a Domino: sunt enim ex illis Interiores & Exteriores, quod trahunt
partim ex Climate, partim ex Stirpe e qua, partim ex Educatione, & partim ex
Religione. Africani reliquis sunt Interiores.

836. Omnes qui unum Deum Creatorem Universi agnoscunt & colunt, ideam
Hominis de Deo fovent, dicunt, quod nemo aliam de Dœo possit habere: cum
audiunt, quod plures de Deo foveant ideam sicut Ætheris aut Nubis, querunt
ubinam illi sunt, & cum dicunt, quod sint inter Christianos, negant quod dabile
sit; sed respondetur, quod sit illis talis idea ex eo, quod Deus in Verbo dicatur
Spiritus, & de spiritu non aliter cogitant, quam sicut de substantia Ætheris, aut
de aliqua forma Nubis, non scientes quod omnis Spiritus & omnis Angelus sit Ho-
mo; at usque exploratum est, num spiritualis illorum idea sit similis ideæ illorum
naturali, & compertum est, quod non similis sit apud illos, qui Dominum Salvato-
rem pro Deo Cæli & Terræ interius agnoscunt. Audivi quandam Presbyterum di-
centem, quod nemo possit habere ideam Divini Humani, & vidi illum translatum ad
varias Gentes ad interiores & interiores, & quoque ad Cælos illorum, & tandem ad
Cælum Christianum, & ubivis data est communicatio perceptionis interioris illorum
de Deo, & animadvertisit, quod non alia illis idea Dei esset quam idea Divini Ho-
minis, & quod non ab alio potuisse creari homo, qui imago & similitudo.

837. Quoniam Africani præ reliquis interiori judicio pollent, cum illis commer-
cium sermonis habui de rebus altioris indaginis, & nuper de Deo; de Domino Re-
demptore; deque Interiori & Exteriori homine; & quia delectabantur illo sermo-
ne, afferam aliqua, quæ de Tribus illis ex interiori visu, percepérunt: DE DœO
DIXERUNT, quod omnino descenderit, & se videndum hominibus obtulerit, quia
est Creator, Tutor & Ductor illorum, & quia Genus-humanum Ipsius est; & quod
videat, lustret & provideat omnia & singula quæ in Cælis & in Terris sunt, ac
bona illorum sicut in Se, & Se in illis; causa est, quia est Sol Cæli Angelici, qui
tam alte supra Mundum spiritualem sicut Sol terræ supra Mundum naturalem
conficitur, & qui est Sol, is videt, lustrat & provideret omnia & singula quæ in-
fra sunt; & quia Divinus Amor Ipsius est qui appetet ut Sol, sequitur quod pro-
spiciat maximis & minimis talia quæ vitæ sunt, & hominibus talia quæ amoris
& sapientie sunt, illa quæ Amoris sunt per calorem inde, & illa quæ sapientiae
per lucem inde. Si itaque formatis vobis ideam de Deo, quod sit Sol Universi,
omnino ex illa idea videbitis & agnosceritis Ipsius Omnipræsentiam, Omniscientiam
& Omnipotentiam.

838. Ulterius SERMO CUM ILLIS FUIT DE DOMINO SALVATORE; & dictum est, quod
Deus in essentia sua sit Divinus Amor, & quod Divinus Amor sit sicut purissimus
Ignis; & quia Amor in se spectatus non intendit aliud quam ut unum fiat cùm al-
tero quem amat, ac Divinus Amor, quam ut uniat se homini & hominem sibi,
usque adeo ut Ipse in illo sit & ille in Ipso; & quia Divinus Amor est sicut pu-
rissimus Ignis, patet, quod Deus, quia talis, minime potuerit in homine esse, &
fa-

facere ut homo in Ipso sit, nam sic redigeret totum hominem in tenuissimum fumum: sed quia Deus ex sua essentia arsit amore uniendi se cum homine, necessum fuit ut se circumvelaret corpore accommodato ad receptionem & conjunctionem; quare descendit & assumptus Humanum secundum Ordinem ex se a Creatione Mundi constabilium, qui erat, ut a Virtute a Se propagata conciperetur, gestaretur in utero, nasceretur, & deinceps cresceret sapientia & amore, & sic appropinquaret ad unionem cum Divina sua Origine, & quod sic Deus factus sit Homo, ac Homo Deus; quod ita sit, Scriptura de Ipso, quæ apud Christianos est, & vocatur Verbum, manifeste docet & testatur, & Ipse Deus, qui in Humano suo vocatur Jesus Christus, dicit, quod Pater in Ipso sit, & Ipse in Patre, & quod qui videt Ipsum, videat Patrem, præter plura ejusdem rei. Quod Deus, cuius Amor est sicut purissimus Ignis, non aliter potuerit unire Se homini & hominem Sibi, videt etiam Ratio; num potest Ignis Solis, qualis in se est, tangere hominem, minus inire illum, nisi circumvelet radios suos atmosphæris, & sic per temperatum calorem se accommodatum ficit: Num potest purus Aer circumfundere hominem, & minus influere in bronchias pulmonum ejus nisi stipatus aere, & sic se adaptare: ne quidem potest Piscis vitam trahere in aere, sed in Elemento vita ejus applicato: imo ne quidem potest Rex in terris in sua persona seu immediate administrare omnia & singula in suo Regno, nisi per Praefectos superiores & inferiores, qui simul Regium Ipsius Corpus constituant. Neque potest Anima hominis se sistere videndum alteri, consortium inire cum illo, & amoris sui documenta communicare, nisi quam per Corpus; quomodo tunc Deus nisi per Humanum, quod Ipsius est. His auditis, Africani præ reliquis, quia interius rationales sunt, percepérunt; & quisque secundum suam perceptionem favit.

839. Postremo consociatus est sermo de INTERIORE ET EXTERIORE HOMINE; & dictum est, quod homines, qui interius res percipiunt, sint in luce veri, quæ est lux Cæli, & quod homines qui exterius res percipiunt sint in nulla luce veri, quia solum in luce Mundi; quod sic homines Interiores sint in intelligentia & sapientia, Exteriores autem in vefania & in visione præpostera: quod homines Interiores sint spirituales, quia ex spiritu elevato supra corpus cogitant, quare vident vera in luce; at quod Exteriores homines sint Naturales sensuales, quia ex fallacijs sensuum corporis cogitant; quare vident vera sicut in nimbo, & cum apud se versant illa, vident falsa ut vera: quod Interni homines sint sicut qui stant super Monte in campo, aut super Turri in urbe, aut super Specula in mari; at Externi homines sunt sicut qui stant in valle sub monte, aut in crypta sub turri, aut in cymba sub specula, qui non vident nisi quam proxima: & porro, Interni homine sunt sicut qui habitant in secunda aut tertia mansione Domus seu Palatii, cuius parietes sunt continentes fenestræ ex vitris chrystallinis, qui in Urbe perspicunt circum circa in amplitudine, & cognoscunt quævis aediculam ibi; at Externi homines sunt sicut qui in infima mansione habitant, cuius fenestræ sunt ex papyris conglutinatis, qui ne quidem aliquam plateam extra domum vident, sed solum illa quæ intra domum sunt, & hæc non nisi quam ex candela aut foco: Interni homines etiam sunt sicut Aquilæ in alto, & vident late omnia sub se; & vicissim Externi homines sunt sicut Galli, qui super stupide alta voce coram gallinis, quæ humi gradiuntur, canunt: & insuper Interni homines percipiunt quod illa quæ sciunt ad illa quæ non sciunt, sint modo sicut aquæ in urna ad aquas in lacu; at Externi homines non aliter percipiunt, quam quod sciunt omnia. Ex his dictis lætati sunt Africani, quia ex interiori visu, quo præpollent, agnoverunt quod ita sit.

840. Quoniam Africani tales sunt, ideo apud illos hodie fit Revelatio, quæ incepta vadit e Regione sua circum, sed non usque ad Mariam; spernunt Advenas ex Europa, qui credunt hominem salvari per solam fidem, & sic per solum cogitare,

&

& loqui, & non simul per velle & facere; dicentes quod nullus homo sit, cui aliquis Cultus, qui non vivit secundum Religionem suam, & si non, quod non possit aliter quam fieri stupidus & malus, quia tunc non recipit aliquid e Cælo; malitiam ingeniosam vocant etiam stupiditatem, quia non vita sed mors est in illa. Loquutus sum aliquoties cum Augustino, qui in tertio Sæculo fuerat Episcopus in Hippo in Africa, dixit quod hodie ibi sit, ac inspiret illis cultum Domini, & quod spes propagationis hujus Novi Evangelii in circumiacentes Regiones ibi sit. Audivi Angelorum gaudium super illa Revelatione, quod per eam aperiatur illis communicatio cum Rationali humano, haſtenus per Universale Dogmaticum, quod Intellectus sub obedientia fidei Ecclesiasticorum, occluso.

DE JUDÆIS IN MUNDO SPIRITUALI.

841. Judæi ante Ultimum Judicium, quod factum est Anno 1757, ad latus instrumentum Meditullii Christiani in Valle ibi apparuerunt; post illud translati sunt in Septentrionem, & interdiētum est illis commercium cum Christianis, nisi cum vagis extra Urbes. Sunt in illa Plaga duæ magnæ Urbes, in quas Judæi post mortem translati sunt, quas ante Judicium vocaverunt Hierosolymas, sed post illud alio nomine, quia post Judicium per Hierosolymam intelligitur Ecclesia quoad Doctrinam, in qua Dominus solus colitur. Præficiuntur illis in suis Urbibus Judæi conversi, qui monent illos, ne contumeliose loquantur de Christo; & puniunt illos qui usque id faciunt. Plateæ Urbium illorum oppletæ sunt Cæno usque ad talos, & Domus immundis, a quibus etiam olent, propter quæ non adiri possunt. Postmodum animadverti, quod plures ex illa Gente sedem commorationis etiam nasciunt in Plaga Meridionali, & dum quæsivi, quinam illi, dictum est, quod sunt qui parvifecerunt Cultum reliquorum, & hæserunt animis de Messia num unquam venturus sit, tum qui de variis rebus in Mundo cogitaverunt ex ratione, & secundum illam vixerunt; horum plurimam partem constituunt Judæi qui nuncupantur Portugisi.

842. Apparet Judæis aliquoties Angelus supra in media altitudine cum Baculo in manu, & dat credere quod sit MOSES, ac hortatur ut desistant a vesania de expectatione Messiae etiam ibi, quia Messias est Christus, qui illos & omnes regit, & quod ille id sciat, & quoque de Ipso sciverit, dum in Mundo fuit: quibus auditis recedunt, & maxima pars obliviscuntur, & pauci retinent. Qui retinent, illi mittuntur in Synagogas, quæ sunt ex Conversis, ac instruuntur, & illis, dum instructi sunt, dantur novæ Vests pro laceris, & datur Verbum nitide scriptum, tum Habitatio in Urbe non indecora: illi autem qui non recipiunt, dejiciuntur, ac multi in Sylvas & Deserta, ubi agunt inter se latrocinia.

843. Judæi negotiantur in illo Mundo sicut in priori cum variis, imprimis cum Lapidibus pretiosis, quos sibi per vias incognitas comparant e Cælo, ubi Lapidès pretiosi in copia sunt. Quod Negotiatio illis cum Lapidibus pretiosis sit, est causa, quia Verbum in sua originali Lingua legunt, & Sensum literæ ejus Sanctum habent, ac Lapidès pretiosi Sensui literæ correspondent; quod spiritualis origo illorum Lapidum sit Sensus literæ Verbi, & quod inde sit correspondentia illorum, supra in Capite de SCRIPTURA SACRA, n: 217. 218, videatur. Possunt etiam arte parare similes ac phantasiam inducere, quod genuini sint; sed hi a suis Præfectis severè mulctantur.

844. Judæi præ aliis non sciunt quod in Mundo spirituali sint, sed credunt se adhuc in Mundo naturali esse; causa est, quia prorsus Externi homines sunt, & non aliquid de Religione cogitant ex interiori; quare etiam loquuntur similiter de Messia sicut prius, & quidam quod venturus sit cum Davide, & fulgens diadema-

tibus præstiterunt illis, ac introducti sumus illos in Terram Canaanem, & in via elevatione Baculi exsiccaturus fluvios quos transibunt, & quod Christiani, quos inter se etiam Gentes vocant, tunc alas vestium illorum arrepturi, suppliciter orantes ut liceat comitari, & quod recepturi Divites secundum copias, & quod hi quoque illis servituri sint: in his confirmant se per illa quæ leguntur apud Sachariam Cap. VIII: 23. & apud Esajam Cap. LXVI: 20.: & de Davide, quod venturus sit, & futurus illorum Rex & Pastor, ex Jeremia Cap. XXX: 9; exque Ezæchiele Cap. XXXIV: 23 ad 25. Cap. XXXVIII: 23 ad 26. prorsus non volentes audire, quod per Davidem ibi intelligatur Dominus noster Jesus Christus; & quod per Judæos ibi intelligantur illi qui ab Ecclesia Ipsijs erunt.

845. Dum interrogantur num firmiter credant, quod omnes in Terram Canaanem venturi sint, dicunt quod tune omnes, & quod tune Judei defuncti resurrecti sint, & quod ex sepulchris suis intratur Terram illam; cum regeatur, quod nequam possint exire sepulchris, quoniam ipsi post mortem vivunt; respondent quod tune descensuri sint, ac intratur sua corpora, & sic vivent. Cum dicitur; quod Terra illa non possit capax esse omnium, respondent quod tune ampliabitur. Cum dicitur, quod Regnum Messiae, quia Filius Dei est, non futurum sit super Terra, sed in Cælo, respondent quod Terra Canaan tunc futura sit Cælum. Cum dicitur, quod non sciant ubi Bethlehem Ephræta, ubi Messias nascetur, secundum prædictionem apud Micham Cap. V: 1. & apud Davidem Psalm CXXXII: 6., respondent quod Mater Messiae usque ibi paritura sit; & aliqui, quod ubi illa parit, ibi sit Bethlehem. Cum dicitur, quomodo potest Messias habitare cum tam malis, & hoc confirmatur per plura loca ex Jeremia, & imprimis ex Cantico Mosis, Deutr. XXXII: , quod pessimi sint, respondent quod inter Judæos tam boni quam mali sint, & quod mali ibi intellecti sint. Cum dicitur, quod ortus illorum sit ex Cananitide, & ex scortatione Judæ cum sua nuru, Genes. XXXVIII: ; respondent quod non fuerit scortatio; at cum regeatur, quod usque Judas mandaverit; ut illa propter scortationem educeretur, & combureretur, abundent consultaturi, & post consultationem dicunt, quod modo fuerit Leviratus, quem non secundus ejus filius Onan, nec tertius ejus filius Schelah præstitit; & his addunt, quod perplurimi ex illis ex Tribu Levi sint, cui fuit presbyterium; sufficit, quod omnes simus ex lumbis Abrahami. Cum dicitur illis, quod interius in Verbo sensus spiritualis sit, in quo multum agitur de Christo seu Messia, respondent quod non ita sit; at quidam ex illis dicunt, quod interius in Verbo, seu in fundo ejus, non sit nisi quam aurum: Præter similia alia.

846. Quondam quoad Spiritum meum evenitus sum in Cælum Angelicum, & in unam Societatem ibi: & tunc accesserunt ad me aliqui ex Sapientibus ibi; & dixerunt, Quid Novum e TERRA; dixi illis, hoc Novum est quod Dominus revelaverit Arcana, quæ excellentia excedunt Arcana ab initio Ecclesiæ huc usque revelata; quæsiverunt, quæ sunt illa, dixi, quod hæc sint. I. Quod in Verbo in omnibus & singulis sit SENSUS SPIRITUALIS: correspondens Sensui naturali, & quod Verbum per illum Sensum sit conjunctio hominum Ecclesiæ cum Domino, & quoque consociatio cum Angelis, & quod Sanctitas Verbi in illo Sensu resideat. II. Quod CORRESPONDENTIA, ex quibus Sensus spiritualis consistit, detecta sint: & quæsiverunt Angeli, anne habitatores Orbis de Correspondentiis prius sciverunt; dixi, quod prorsus nihil, & quod latuerint nunc per millia Annorum, nempe, usque a Hiobi tempore; & quod apud illos, qui eo tempore, & ante illud vixerunt, Scientia Correspondiarum fuerit Scien-

„ tia scientiarum, ex quia illis fuit Sapientia, quia Cognitio de Spiritualibus, quæ
 „ Cæli & Ecclesiæ sunt; sed quod Scientia illa, quia versa est in Idololatricam,
 „ ex Divina Domini Providentia ita oblitterata & perdetta sit, ut nemo viderit
 „ aliquid signum de illa: sed quod usque nunc a Domino detecta sit, ut fiat con-
 „ junctio hominum Ecclesiæ cum Ipso & consocieatio cum Angelis; & hæc sunt
 „ per Verbum, in quo omnia & singula Correspondentiae sunt. Angeli valde ga-
 „ visi sunt, quod placuerit Domino revelare hoc magnum Arcanum, per millia
 „ Annorum tam alte reconditum; & dixerunt, quod hoc factum sit propter finem,
 „ ut Ecclesia Christiana, quæ fundatur super Verbo, & nunc in suo fine est, ite-
 „ rum revivat, & trahat Spiritum per Cælum a Domino. Quæsiverunt, num per
 „ illam Scientiam hodie detectum sit, quid BAPTISMUS & quid SANCTA CÆNA signi-
 „ ficant, de quibus tam varia huc usque cogitaverunt, & respondi, quod detectum sit.
 „ III. Porro dixi, quod hodie a Domino revelatum sit de VITA HOMI-
 „ NUM POST MORTEM; dixerunt Angeli, quid de Vita post mortem, quis non scit,
 „ quod homo vivat post mortem; respondi, sciunt & non sciunt, dicunt, quod
 „ non homo, sed Anima ejus, & quod hæc vivat spiritus, & de spiritu fovent
 „ ideam sicut de vento aut æthere, & quod non vivat homo, quam post diem ul-
 „ timi Judicii, & quod tunc corporea, quæ reliquerant in Mundo, tametsi a ver-
 „ mibus, muribus & piscibus exesa, recolligerentur, & rursus coaptarentur in
 „ Corpus, & quod homines sic resurrecturi sint; dixerunt Angeli, quid hoc, quis
 „ non scit, quod homo vivat homo post mortem, cum sola differentia, quod tunc
 „ vivat Homo substantialis, & non materialis, ut prius, & quod Homo substan-
 „ tialis videat hominem substantialiem, æque sicut Homo materialis materialem,
 „ & quod non sciant unum discrimen, præter quod in statu perfectiori sint.
 „ IV. Quæsiverunt Angeli, quid sciunt de nostro Mundo, ac de CÆLO & IN-
 „ FERNO; respondi, quod nihil sciverint; at quod hodie a Domino detectum sit,
 „ qualis est Mundus in quo Angeli & Spiritus vivunt, ita quale est Cælum &
 „ quale est Infernum; tum etiam quod Angeli & Spiritus sint in coniunctione cum
 „ hominibus; præter multa Mirabilia de illis; Angeli lætati sunt, quod Domino
 „ placuerit talia detegere, ne homo amplius ex ignorantia in ambiguitate sit de
 „ sua Immortalitate. V. Amplius dixi, quod hodie a Domino revelatum sit,
 „ quod in vestro Mundo sit alius SOL, quam in nostro, & quod Sol vestri Mundi
 „ sit purus Amor, & quod Sol nostri Mundi sit purus Ignis, & quod ideo omne
 „ quod procedit ex Vestro Sole, quia est purus Amor, trahat ex Vita, & quod
 „ omne quod a nostro, quia est purus Ignis, nihil ex vita trahat; & quod inde sit
 „ discrimen inter SPIRITUALE & NATURALE, quod discrimen hactenus ignotum e-
 „ tiam detectum est: ex quibus notum factum est, unde est Lux quæ illuminat
 „ sapientia Intellectum humanum, & unde est Calor, qui accendit amore Volun-
 „ tatem humanam. VI. Insuper detectum est, quod sint Tres Gradus vita, &
 „ quod inde sint tres Cæli, & quod in illos Gradus distincta sit Mens hominis; &
 „ quod inde Homo corresponteat tribus Cælis: dixerunt Angeli, annon sciverunt
 „ hoc prius, respondi quod sciverint de Gradibus inter plus & minus, sed nihil
 „ de Gradibus inter prius & posterius. VII. Interrogaverunt Angeli, num præter
 „ illa revelata sint plura, dixi, quod plura; quæ sunt de ULTIMO JUDICIO; de
 „ DOMINO quod sit Deus Cæli & Terræ; quod Deus sit unus & Persona & Essen-
 „ tia, in Quo Divina Trinitas, & quod Ille sit Dominus: tum de NOVA ECCLE-
 „ SIA ab Ipso instauranda, & de DOCTRINA illius Ecclesiæ: de SANCTITATE SCRIP-
 „ TURÆ SACRÆ; quod etiam APÓCALYPSIS revelata sit: & insuper de INCOLIS PLÄ-
 „ NETARUM; ac de TELLURIUS in Universo: præter multa Memorabilia & Mirab-
 „ lia e Mundo spirituali, per quæ plura, quæ sapientiae sunt, e Cælo detecta
 „ sunt.

847. Posthæc loquutus sum cum Angelis, quod adhuc aliiquid revelatum sit in

„Mundo a Domino, quæsiverunt quid hoc, dixi, de AMORE VERE CONJUGALI,
 „& de spiritualibus ejus Delitiis; & dixerunt Angeli, quis non scit, quod deli-
 „cias Amoris conjugalis excedant delicias omnium amorum; & quis non potest
 „cogitare, quod in aliquem Amorem collatae sint omnes beatitudines, faustita-
 „tes; & jucunditates, quæ usquam conferri possunt a Domino, quoniam corres-
 „pondet Amori Domini & Ecclesiæ, & quod Receptaculum illarum sit Amor
 „vere Conjugialis, qui ad plenum Sensum potest illas recipere & percipere;
 „respondi, quod hoc non sciant, quia non adiverunt Dominum, & ideo non
 „fugerunt Concupiscentias carnis, & sic non regenerari potuerunt, & Amor
 „vere conjugalis est unice a Domino, & datur illis qui ab Ipsò regenerantur; &
 „hi quoque sunt, qui recipiuntur in Novam Domini Ecclesiam, quæ in Apoca-
 „lypsi per Novam Hierosolymam intelligitur. His addidi, quod in dubio sim,
 „num velint in Mundo hodie credere, quod ille Amor in se sit spiritualis, & inde
 „ex Religione, ex causa, quia de illo fovent modo idem corpoream: proinde
 „quod quia secundum Religionem, sit spiritualis apud spirituales, naturalis apud
 „naturales, & mere carnalis apud adulteros.

848. Angeli ex his & illis auditis valde gavisi sunt, sed percipiebant tristitiam
 „in me; & sciscitabant, unde tibi tristitia, dixi, quod Arcana illa hodie a Do-
 „mino revelata, tametsi excellentia & dignitate excedunt Cognitiones hactenus
 „evulgatas, usque in Terris reputentur sicut non alicujus pretii: hoc mirati sunt
 „Angeli, & petierunt a Domino, ut liceret illis despircere in Mundum, & dei-
 „pexerunt, & ecce meræ tenebræ ibi: & dictum illis est, ut scriberentur Arca-
 „na illa super Charta, & Charta demitteretur in Terras, & viderent portentum;
 „& factum est ita, & ecce Charta, cui Arcana illa inscripta erant, demissa est e
 „Cælo, & in progressu, dum adhuc erat in Mundo spirituali, lucebat sicut Stel-
 „la, at dum illa illapta est in Mundum naturalem, lux disparata est, & sicut dé-
 „cidit, obtenebrata est: & dum ab Angelis demissa est in Cætus, iubi docti &
 „eruditæ ex quibusdam Clericis & Laicis, auditum est murmur a multis, in quo
 „erant haec voces, quid hoc, num aliquid, quid refert si illa scimus vel non sci-
 „mus, nonne sunt fatus Cerebri; & apparebat, sicut aliqui sumerent Chartam,
 „ac plicarent, volverent, & revolverent illam digitis, & quoque sicut aliqui
 „disciperent, & vellent proculcare pedibus; sed a Domino arcebantur ab illo
 „facinore, & mandatum est Angelis, ut retraherent illam & custodirent; & quia
 „Angeli tristes facti sunt, & cogitaverunt quousque-hoc, dictum est, USQUE AD
 „TEMPUS ET TEMPORA, ET DIMIDIUM TEMPORIS, Apoc. XII: 14.

849. Posthæc audivi infestum murmur ex Inferis, & simul has voces, FAC MI-
 „RACULA ET CREDEMUS, & retuli, numne illa sunt Miracula, & responsum est,
 „non sunt: & quæsivi, quæ ergo Miracula, & dictum est, manifesta & revela-
 „sutura, & fidem habebimus, sed respondi, talia a Domino non dantur, quo-
 „niam quantum homo scit futura, tantum ejus ratio & intellectus cum pruden-
 „tia & sapientia cadit in otium, torpet & labefactatur: & iterum quæsivi, quæ
 „alia Miracula faciam, & tunc clamatum est, fac similia que Moses in Ægypto,
 „& respondi, forte ad illa obduraturi estis corda vestra sicut Pharao & Ægyptii,
 „& responsum est, quod non; & iterum dixi, asseverare mihi, quod non saltati-
 „turi sitis circum Vitulum aureum, & adoraturi illum, sicut posteri Jacobi,
 „quod fecerunt a Menis spatio postquam viderunt totum Montem Sinai arden-
 „tem, & audiverunt Ipsam Jehovam ex igne loquenter, ita post Miraculum,
 „quod erat omnium maximum; *Vitulus aureus in spirituali Sensu est Voluptas car-
 „nis;* & responsum est ex Inferis, non erimus sicut posteri Jacobi. At tunc au-
 „divi hoc e Cælo illis dictum, si non creditis Mosen & Prophetas, hoc est, Ver-
 „bum Domini, non credetis ex Miraculis plus quam posteri Jacobi in deserto,

„ nevè plus quā illi crediderunt; dujn suis oculis viderunt Miracula ab Ipso Do-
 „ mino, cūm fuit in Mūndo; facta. r. b. l. o. p. t. g. i. l. / q. 3. c. 1. q. n. o. t.
 „ 850. Post hæc vidi quosdam ex Inferis, unde auditæ sunt illa, ascendentæ, qui
 „ me. tono gravi alloquuti dixerunt, quām obrem Dominus tuus Arcana, quæ in
 „ longa serie modo enumerauit, revelavit tibi qui es Laicus, & non alicui èt
 „ Clero; ad quæ respondi, quod hoc in p̄benē placito Domini sit, qui me ad hōc
 „ munus a prima juventute p̄paravit; attamen quætam retro vobis, cur Domi-
 „ nus dum in Mūndo fuit, elegit Piseatores in Discipulos, & non aliquos ex
 „ Legisperitis, Scribis, Sacerdotibus, seu Rabbinis; ventilate hoc inter v̄s, &
 „ ex judicio concludite, ac invenietis caufam; his auditis factum est murmur, &
 „ post hoc silentium.

851. Prævideo, quod multi qui legunt Memorabilia post Capita, credituri sint,
 „ quod sint imaginationis inventa, sed aſſertero in veritate quod non sint inventa,
 „ sed vere visa & audita, non visa & audita in quodam Statu Mentis sopitæ, sed
 „ in statu plenæ Vigilie: placuit enim Domino Se Ipsum mihi manifestare, & me
 „ mittere ad docendum illa, quæ erunt Novæ Ipsiſus Ecclesiae, quæ per Novam
 „ Hierosolymam in Apocalypſi intelligitur; propter quem finem interiora Mentis
 „ seu Spiritus mei aperuit, ex quo mihi datum est in Mūndo spirituali cum Ange-
 „ lis esse, & simul in Mūndo naturali cum hominibus, & hoc nunc per Viginti
 „ ſeptem Annos. Quis in Christiano Orbe aliquid ſcivisſet de CÆLO & INFERNO,
 „ niſi placuerit Domino aperire alicui Viſum ſpiritus ejus, ac monſtrare & docere.
 „ Quod talia, quæ in MEMORIABILIBUS deſcripta ſunt, appearant in Cælis, con-
 „ ſtat manifeſte a ſimilibus, quæ viſa & deſcripta ſunt in Apocalypſi a JOHANNE,
 „ ut & quæ viſa & deſcripta ſunt in Verbo Veteris Testamenti a PROPHETIS. In
 „ APOCALYPSI ſunt hæc, Quod viderit FILIUM HOMINIS in medio ſeptem Candelab-
 „ brorum: quod viderit Tâbernaclum, Templum, Arcam, Altare in Cælo:
 „ Librum obſignatum: ſeptem ſigilliſ, illum apertum, & inde exeunteſ Equoſ:
 „ quatuor Animalia circum Thronum: diuodecim millia Electoſ ex unaquavis Tri-
 „ bu: Locuſtaſ aſcendenteſ ex Abysſo: Mulierem parienteſ filium maſculum, ac
 „ fugientem in deſertum propter Draconem: duas Bestiaſ unam aſcendentem ex
 „ mari, alteram e terra: Angelum volanteſ in medio Cælo habenteſ Evangelium
 „ æternu: Mare vitreum igne mixtu: Angelos ſeptem habenteſ plagaſ ſeptem
 „ ultimas; Phialas ab illis effuſaſ in terram, in mare, in fluvioſ, in ſolem, in
 „ thronu: bestia, in Euphratem, & in Aerem: Mulierem ſedenteſ ſuper Bestia
 „ coccinea: Draconem ejectu: in ſtagnu ignis & ſulphuris: Equum album:
 „ Cænam magnam: Cælu: novum & Terram novam: Sanctam Hierosolymam
 „ deſcendentem e Cælo, deſcriptam quoad portas, murum & hujus fundamentoſ;
 „ tum Fluvium aquæ vitæ, & Arbores vitæ facienteſ fructuſ quoviſ menſe; præ-
 „ ter plura, quæ omnia viſa ſunt JOHANNI, ac viſa dum quoad ſpiritum ſuum
 „ fuit in Mūndo ſpirituali & in Cælo. Præter quæ viſa ſunt Apostoliſ poſt reſur-
 „ rectionem Domini, ut quæ deinde PETRO, Act. Apost. Cap. XI; tum quæ viſa
 „ & audita PAULO. Præterea quæ PROPHETIſ in Veteri Testamento; ut EZECHIE-
 „ LI, quod viderit quatuor Animalia, quæ erant Cherubi, Cap. I & X: quod
 „ Novum Templu: & Novam Terram, & Angelu: metienteſ illa, Cap. XL
 „ ad XLVIII: quod abductu: Hierosolymam, & viderit ibi abominationes, &
 „ quoque in Chaldæam, Cap. VIII: & XI. Simile factu: ſt cum SACHARIA;
 „ quod viderit Virum equitantem inter myrtos, Cap. I: 8 ſeq: quod viderit qua-
 „ tuor Cornua; & deinceps Virum cum funiculo mensuræ in manu, Cap. III: quod
 „ viderit Volumen volans, & Epham, Cap. V: 1. 6. quod viderit quatuor Currus
 „ inter duos montes & Equos, Cap. VI: 1 ſeq. Pariter cum DANIELE, quod vi-
 „ derit quatuor Bestiaſ aſcendentem e Mari, Cap. VII: 1 ſeq: quod viderit Filium

hominis venientem in nubibus Cæli, Cujus dominium non transibit, & Regnum non peribit, Cap. VII. 13. 14: quod videris pugnas Arietis & Hirci, Cap. VIII.; & seq. quod viderit Angelum Gabrialem, & cum illo loquutus sit, Cap. IX. Quod Puer Elisæi viderit Currus & Equos igneos circum Elisæum, & quod illos viderit, cum oculi ejus aperti sunt, li Reg. VI. 17. Ex his & pluribus aliis in Verbo, constat, quod illa, quæ in Mundo spirituali existunt, apparet multis ante & post Domini adventum: quid mirum, quod etiam nunc inchoante Ecclesia, seu descendente Nova Hierosolyma e Cælo.



INDEX GENERALIS CONTENTORUM

FIDES NOVI CÆLI ET NOVÆ ECCLESIAE IN FORMA
UNIVERSALI ET SINGULARI, n: 1 ad 3.

CAPUT I^{num} DE DEO CREATORE

U N I T A T E D E I F I

1. Quid tota Scriptura sacra, & inde omnes Doctrinæ Ecclesiæ in Christiano Orbe doceant, quod Deus sit, & quod Unus sit, n: 5 ad 7.
2. Quod universalis Influxus a Deo in animas hominum sit, quod Deus sit, & quod Unus, n: 8.
3. Inde est, quod in universo Mundo non detur Gens, cui Religio & sana Ratio est, quæ non agnoscit Deum, & Deum unum esse, n: 9. 10.
4. Quod qualis Ille Deus unus est, Gentes & Populi abiverint & abeant in diuersum, ex pluribus causis, n: 11.
5. Quod Ratio humana ex multis in Mundo percipere ac concludere possit, si vult, quod Deus sit, & quod unus sit, n: 12 ad 13.
6. Quod nisi Unus Deus foret, non potuisset Universum creari & conservari, n: 13.
7. Quod homo, qui non agnoscit Deum, ab Ecclesia sit excommunicatus, & damnatus, n: 14.
8. Quod apud homines, qui non agnoscunt Unum Deum, sed plures, nihil Ecclesia coheret, n: 15.

DE DIVINO ESSE, QUOD EST JEHOVAH

1. Quod Unus ille Deus dicatur Jehovah ex Esse, ita ex eo, quia Solus Est & Erit, & quia est Primus & Ultimus, Principium & Finis, Alphah & Ome-gah, n: 19.
2. Quod Unus ille Deus sit ipsa Substantia & ipsa Forma, & quod Angeli & Homines sint substantia & formæ ex Ipso, & quod quantum hi in Ipso sunt & ipse in illis, tantum sint Imagines & Similitudines Ipsius, n: 20.
3. Quod Divinum Esse sit Esse in Se, & simul Existere in Se, n: 21. 22.
4. Quod Divinum Esse & Existere in Se, non possit producere aliud Divinum, quod sit Esse & Existere in Se, consequenter quod Deus alias ejusdem Es-sentiae non dabilis sit, n: 23.
5. Quod pluralitas Deorum in Saeculis antiquis, & quoque hodiernis, non aliud de exsisterit, quam ex non intellecto Divino Esse, n: 24.

DE

INDEX GENERALIS MATERIALE CONVENTORUM

DE DEI INFINITE, SEU IMMENSITATE ET ÆTERNITATE.

- Quod Deus, quoniam Est & Existit in Se, & omnia in Universo sunt & existunt ex Ipsò, Infinitus sit, n: 28.
- Quod Deus, quoniam ante Mundum fuit, ita antequam Tempora & Spatia orta sunt, Infinitus sit, n: 29.
- Quod Deus, postquam Mundus factus est, sit in Spatio absque spacio, & in Tempore absque tempore, n: 30.
- Quod Infinitas Dei respective ad Spatia, dicatur Immensitas, & respective ad Tempora dicatur Æternitas, & quod tametsi hi respectus sunt, usque nihil spatii sit in Ipsius Immensitate, & nihil temporis in Ipsius Æternitate, n: 31.
- Quod illustrata Ratio ex permultis in Mundo videre possit Infinitatem Dei, n: 32.
- Quod omne Creatum sit Finitum, & quod Infinitum sit in finitis, ut in Receptaculis, & quod in Hominibus ut in suis Imaginibus, n: 33. 34.

DE DEI ESSENTIA, QUÆ EST DIVINUS AMOR ET DIVINA

- ### SAPIENTIA.
- Quod Deus sit ipse Amor & ipsa Sapientia, & quod illa duo faciant Essentiam Ipsius, n: 37.
 - Quod Deus sit ipsum Bonum & ipsum Verum, quia Bonum est Amoris, & Verum est Sapientiae, n: 38.
 - Quod Deus, quia est ipse Amor & ipsa Sapientia, sit ipsa Vita in se, n: 39. 40.
 - Quod Amor & Sapientia in Deo unum faciant, n: 41. 42.
 - Quod Essentia amoris sit amare alios extra se, velle unum cum illis esse, & beatificare illos ex se, n: 43. 44. 46.
 - Quod hæc Amoris Divini fuerint causa Creationis Universi, & quod sint causa Conservationis ejus, n: 46. 47.

DE DEI OMNIPOTENTIA, OMNISCIENTIA ET OMNIPRÆSENTIA.

- Quod Divina Sapientia ex Divino Amore sit Omnipotentia, Omniscientia & Omnipræsentia, n: 50. 51.
- Quod Dei Omnipotentia, Omniscientia & Omnipræsentia, non possint cognosci, nisi sciatur quid Ordo, & nisi sciantur hæc, quod Deus sit Ordo, & quod una cum Creatione introduxerit Ordinem, tam in Universum, quam in omnia & singula ejus, n: 52 ad 55.
- Quod Dei Omnipotentia tam in Universo quam in omnibus & singulis ejus, secundum Leges sui ordinis procedat & operetur, n: 56. 57. 58.
- Quod Deus Omnisciens sit, hoc est, percipiat, videat, & sciat omnia & singula usque ad minutissima, quæ fiunt secundum Ordinem; & ex illis etiam quæ fiunt contra Ordinem, n: 59 ad 62.
- Quod Deus Omnipræsens sit a Primis ad Ultima sui Ordinis, n: 63. 64.
- Quod Homo creatus sit forma Divini Ordinis, n: 65. 66. 67.
- Quod Homo tantum in potentia contra malum & falsum ex Divina Omnipotentia sit, quodque tantum in sapientia de Bono & Vero ex Divina Omniscientia sit, & quod tantum in Deo ex Divina Omnipræsentia sit, quantum secundum Divinum Ordinem vivit, n: 68. 69. 70.

DE CREATIONE UNIVERSI.

Quod nemo possit aliquam justam ideam de Creatione Universi sibi comparare, nisi aliquæ universales cognitiones præmissæ Intellectum in statum perceptionis immittant, de quibus, n: 75.
Describitur Creatio Universi per quinque MEMORABILIA, n: 76. 77. 78. 79. 80.

CAPUT II^{dum}, DE DOMINO REDEMPTORE.

1. Quod Jehovah Deus descenderit & assumserit Humanum, ut redimeret & salvaret homines, n: 82. 83. 84.
2. Quod Jehovah Deus descenderit ut Divinum Verum, quod est Verbum, & tam non separaverit Divinum Bonum, n: 85 ad 88.
3. Quod Deus assumserit Humanum secundum Divinum suum Ordinem, n: 89. 90. 91.
4. Quod Humanum, per quod Deus se misit in Mundum, sit Filius Dei, n: 92. 93. 94.
5. Quod Dominus per actus Redemptionis se Iustitiam fecerit, n: 95. 96.
6. Quod Dominus per eosdem actus Se univerit Patri & Pater se Ipsi, n: 97 ad 100.
7. Quod sic Deus factus sit Homo, & Homo Deus in una Persona, n: 101. 102. 103.
8. Quod progressio ad unionem fuerit status Exinanitionis Ipsi, & quod ipsa Unio sit status Glorificationis Ipsi, n: 104. 105. 106.
9. Quod posthac nullus ex Christianis in Cælum veniat; nisi qui in Dominum Deum Salvatorem credit, n: 107. 108.
10. Corollarium, de Statu Ecclesiæ ante Adventum Domini, & de Statu ejus post illum, n: 109.

D E R E D E M P T I O N E.

1. Quod ipsa Redemptio fuerit subjugatio Inferorum, & ordinatio Cælorum, & per illa præparatio ad Novam Ecclesiam spiritualem, n: 115. 116. 117.
2. Quod absque illa Redemptione nullus homo salvari potuerit, nec Angeli in statu integratæ subsistere, n: 118. 119. 120.
3. Quod Dominus sic non modo homines, sed etiam Angelos redemerit, n: 121. 122.
4. Quod Redemptio fuerit Opus pure Divinum, n: 123.
5. Quod ipsa hæc Redemptio non fieri potuerit, quam per Deum incarnatum, n: 124. 125.
6. Quod Passio crucis fuerit ultima Tentatio, quam Dominus ut Maximus Prophetæ sustinuit, & quod fuerit medium Glorificationis Humani Ipsi, & non Redemptio, n: 126 ad 131.
7. Quod Passio crucis credatur fuisse ipsa Redemptio, sit fundamentalis error Ecclesiæ; & quod ille error una cum errore de tribus Personis Divinis ab æterno, perverterit totam Ecclesiam, adeo ut non aliquid residuum spirituale in illa superfit, n: 132. 133.

CAPUT III^{um}, DE SPIRITU SANCTO, ET DE DIVINA
OPERATIONE.

1. Quod Spiritus sanctus sit Divina Veritas, & quoque Divina Virtus & Operatio procedens a Deo Uno, in quo est Divina Trinitas, ita a Domino Deo Salvatore, n: 139. 140. 141.
2. Quod Divina Virtus & Operatio, quæ intelligitur per Spiritum sanctum, sint in genere Reformatio & Regeneratio, & secundum has Innovatio, Vivificatio, Sanctificatio, & Justificatio, & secundum has Purificatio a malis, & Remissio peccatorum, & tandem Salvatio, n: 142 ad 145.
3. Quod Divina illa Virtus & Operatio, quæ intelligitur per missionem Spiritus sancti, apud Clericos in specie fit Illustratio & Instructio, n: 146. 147. 148.
4. Quod Dominus operetur illas Virtutes in illis, qui credunt in Ipsum, n: 149. 150. 151.
5. Quod Dominus operetur ex Se a Patre, & non vicissim, n: 153. 154. 155.
6. Quod spiritus hominis sit ejus Mens, & quicquid ex illo procedit, n: 156. 157. Corollarium, quod nullibi in Veteri Testamento dicatur, quod Prophetæ loquunti sint ex Spiritu sancto, sed ex Jehovah Deo; aliter vero in Novo, n: 158.

DE DIVINA TRINITATE.

1. Quod Divina Trinitas sit, quæ est Pater, Filius, & Spiritus sanctus, n: 164. 165.
2. Quod Tres illi, Pater, Filius, & Spiritus sanctus, sint tria Essentialia unius Dei, quæ faciunt unum, sicut Anima, Corpus, & Operatio apud hominem, n: 166 ad 169.
3. Quod ante Mundum creatum non fuerit hæc Trinitas, sed quod post Mundum creatum, quando Deus incarnatus est, provisa & facta sit, & tunc in Domino Deo Redemptore & Salvatore Jesu Christo, n: 170. 171.
4. Quod Trinitas Divinarum Personarum ab æternō, sic ante Mundum creatum, sit in ideis cogitationis Trinitas Deorum, & quod hæc non possit aboliri per Confessionem oralem unius Dei, n: 172. 173.
5. Quod Trinitas Personarum ignota fuerit in Ecclesia Apostolica, sed quod exorta sit a Concilio Nicæno, & inde introducta in Ecclesiam Romano-Catholicam, & ab hac in Ecclesiæ separatas ab illa, n: 174 ad 176.
6. Quod ex Trinitate Nicæna & simul Athanasiana exorta sit Fides in tres Deos, quæ totam Ecclesiam Christianam perverterat, n: 177. 178.
7. Quod inde sit illa Abominatio desolationis, & Afflictio qualis non futura est, quas Dominus apud Daniëlem & Evangelistas, & in Apocalypsi, prædictar, n: 179. 180. 181.
8. Tum hoc, quod nisi Novum Cælum & Nova Ecclesia a Domino conduntur, non conservaretur ulla earo, n: 182.
9. Quod ex Trinitate Personarum, quarum unaquævis singulatim est Deus, secundum symbolum Athanasianum, plures absconse & heterogeneæ ideæ de Deo existent, quæ sunt phantasie & abortus, n: 183. 184.

CAPUT IV^{um}, DE SCRIPTURA SACRA, SEU VERBO DOMINI.

1. Quod Scriptura sacra seu Verbum sit ipsum Divinum Verum, n: 189 ad 192.
2. Quod

C O N T E N T O R U M

507

2. Quod in Verbo Sensus spiritualis sit, hactenus ignotus, n: 193.
 - Quid Sensus spiritualis, n: 194.
 - Quod a Domino procedat Divinum Cæleste, Divinum Spirituale & Divinum Naturale, n: 195.
 - Quod Sensus spiritualis in omnibus & singulis Verbi sit, ostensum, n: 196. 197. 198.
 - Quod Dominus cum in Mundo fuit, loquutus sit per Correspondentias, ita spiritualiter cum naturaliter, n: 199.
 - Quod ex Sensu spirituali sit, quod Verbum Divinitus inspiratum sit, & in omni voce sanctum, n: 200.
 - Quod Sensus spiritualis hactenus ignotus fuerit; sed apud Antiquos nostros, & de Correspondentis apud hos, n: 201 ad 207.
 - Quod Sensus spiritualis Verbi, non alicui posthac detur, nisi qui in genuinis Veris a Domino est, n: 208.
 - Mirabilia de Verbo ex Sensu spirituali ejus, n: 209.
3. Quod Sensus literæ Verbi sit Basis, Continens, & Firmamentum Sensus Spiritualis & Cælestis ejus, n: 210 ad 213.
4. Quod Divinum Verum in Sensu literæ Verbi, sit in suo Pleno, in suo Sancto, & in sua Potentia, n: 214. 215. 216.
 - Quod Vera Sensus literæ Verbi intelligantur per Lapidem pretiosos, ex quibus constabant fundamenta Novæ Hierosolymæ de qua in Apocalysi, & hoc ex Correspondentia, n: 217.
 - Quod Bona & Vera Sensus literæ Verbi corresponeant Urim & Thummim in Ephodo Aharonis, n: 218.
 - Quod Vera & Bona in ultimis, qualia sunt in Sensu literæ Verbi, significantur per Lapidem pretiosos in Horto Edenis, in quo Rex Tyri dicitur fuisse, apud Ezechielem, n: 219.
 - Quod eadem repræsentata sint per Aulæam, Vela & Columnas Tabernaculi, n: 220.
 - Quod pariter per Externa Templi Hierosolymitanæ, n: 221.
 - Quod Verbum in sua Glorio repræsentatum sit in Domino cum transformatus, n: 222.
 - Quod potentia Verbi in ultimis repræsentata sit per Naziræos, n: 223.
 - De ineffabili Potentia Verbi, n: 224.
5. Quod Doctrina Ecclesiæ ex Sensu literæ Verbi haurienda sit, & per illum confirmanda, n: 225. 229. 230.
 - Quod Verbum absque Doctrina non intelligatur, n: 226. 227. 228.
 - Quod genuinum Verum, quod Doctrina erit, in Sensu literæ Verbi, non appareat aliis, quam qui in illustratione sunt a Domino, n: 231. 232. 233.
6. Quod per Sensum literæ Verbi sit conjunctio cum Domino, & consociatio cum Angelis, n: 234 ad 239.
7. Quod Verbum in omnibus Cælis sit, & quod inde Sapientia Angelica, n: 240. 241. 242.
8. Quod Ecclesia sit ex Verbo, & quod talis sit apud hominem, qualis ei est intellectus Verbi, n: 243 ad 247.
9. Quod in singulis Verbi sit conjugium Domini & Ecclesiæ, & inde conjugium Boni & Veri, n: 248 ad 253.
10. Quod Hæreses ex Sensu literæ Verbi captari possint, sed quod confirmare illas damnosum sit, n: 254 ad 260.
 - Quod plura in Verbo sint apparentiae veri, in quibus vera genuina latet, n: 257.
 - Quod per confirmare apparentias veri, existant fallaciæ, n: 258.

- Quod Sensus literæ Verbi sit Custodia pro genuinis veris, quæ intus latent, n: 260.
- Quod Sensus literæ Verbi per Cherubos repræsentatus sit, & in Verbo significetur, n: 260.
11. Quod Dominus in Mundo impleverit omnia Verbi, & per id factus sit Verbum, hoc est, Divinum Verum, etiam in ultimis, n: 261. 262. 263.
 13. Quod ante hoc Verbum, quod hodie est in Mundo, fuerit Verbum quod deperditum est, n: 264. 265. 266.
 14. Quod per Verbum etiam sit Lux illis, qui extra Ecclesiam sunt, & non habent Verbum, n: 267 ad 272.
 15. Quod nisi Verbum foret, nemo sciret Deum, Cælum & Infernum, & Vitam post mortem, & minus Dominum, n: 273 ad 276.

CAPUT Vth, CATHECHISMUS SEU DECALOGUS, QUOAD SENSUM
EJUS EXTERNUM ET INTERNUM EXPLICATUS.

1. Quod Decalogus fuerit ipsa Sanctitas in Ecclesia Israelitica; ibi de sanctitate Arcæ in qua Lex, n: 283 ad 286.
2. Quod Decalogus in Sensu literæ contineat communia præcepta fidei & virtutum, in Sensu autem spirituali & cœlesti universaliter omnia, n: 287 ad 290.
3. PRIMUM PRÆCEPTUM: Non erit Deus alius coram faciebus meis, n: 291 ad 296.
4. SECUNDUM PRÆCEPTUM: Non sumes Nomen Dei tui in vanum, quia non insontem habebit Jehovah, qui sumferit Nomen Ipsius in vanum, n: 297 ad 300.
5. TERTIUM PRÆCEPTUM: Memento diei Sabbathi ut sanctifices eum: sex dies laborabis & facies omne opus tuum, at Dies septimus Sabbathum Jehovah Deo tuo, n: 301 ad 304.
6. QUARTUM PRÆCEPTUM: Honora Patrem tuum & Matrem tuam, ut prolongentur dies tui, & ut bene tibi sit super terra, n: 305 ad 308.
7. QUINTUM PRÆCEPTUM: Non Occides, n: 309 ad 312.
8. SEXTUM PRÆCEPTUM: Non Mæchaberis, n: 313 ad 316.
9. SEPTIMUM PRÆCEPTUM: Non Furaberis, n: 317 ad 320.
10. OCTAVUM PRÆCEPTUM: Non respondebis contra proximum tuum falsus testimonio, n: 321 ad 324.
11. NONUM ET DECIMUM PRÆCEPTUM: Non concupisces Dominum proximi tui, non concupisces Uxorem proximi tui, non Servum ejus & Ancillam ejus, & Bovem ejus & Afinum ejus, & omne quod Proximo tuo, n: 325 ad 328.
12. Quod Decem Præcepta Decalogi contineant omnia quæ amoris in Deum, & omnia quæ amoris erga proximum sunt, n: 329 ad 331.

CAPUT VIth, DE FIDE.

- PRÆFATIO: Quod Fides sit primum tempore, at quod Charitas sit primum fine, n: 336.
1. Quod Fides salvifica sit in Dominum Deum Salvatorem Jesum Christum: n: 337 ad 339.
 2. Quoniam est Deus visibilis, in quo invisibilis, n: 339.
 2. Quod Fides in summa sit, quod qui bene vivit & rite credit, a Domino salvetur, n: 340 ad 342.
- Quod

- Quod Primum fidei in Ipsum, sit Agnitio quod F I L I U S D E I sit, n: 342.
- 3. Quod homo fidem accipiat, per quod adeat Dominum, Veritates ex Verbo discat, & secundum illas vivat, n: 343 ad 348.
 - De Fidei Esse; de Fidei Essentia, de Fidei Statu, & de Fidei Forma, n: 344. seq.
 - De Fide mere naturali, quod sit persuasio mentiens fidem, n: 345. ad 348.
- 4. Quod Copia Veritatum sicut in fasce cohærentium exaltet & perficiat fidem, n: 349 ad 354.
 - Quod Veritates fidei sint multiplicabiles in infinitum, n: 350.
 - Quod dispositio Veritatum fidei sit in series, ita sicut in fasciculos, n: 351.
 - Quod secundum copiam & cohærentiam Veritatum perficiatur fides, n: 352. 353.
 - Quod Veritates fidei, utcunque numerosæ sunt, & diversæ apparent, a Domino unum faciant, n: 353.
 - Quod Dominus sit Verbum, sit Deus Cæli & Terræ, Deus omnis carnis, Deus Vineæ seu Ecclesiæ, Deus fidei, & ipsa Lux, Veritas, & Vita æterna, ostensum ex Verbo, n: 354.
- 5. Quod Fides absque Charitate non sit fides, & quod Charitas absque Fide non sit charitas, & quod utraque nisi a Domino non vivat, n: 355 ad 361.
 - Quod homo sibi possit comparare fidem, n: 356.
 - Quod homo sibi possit comparare Charitatem, n: 357.
 - Quod etiam homō sibi comparare possit vitam fidei & Charitatis, n: 358.
 - Quod tamen usque nihil fidei, & nihil charitatis, & nihil vitae utriusque, sit ab homine, sed a solo Domino, n: 359.
 - Disserimen inter Fidem naturalem, & Fidem spiritualem, & quod hæc sit intus in illa a Domino, n: 360. 361.
- 6. Quod Dominus, Charitas, & Fides, unum faciant, sicut Vita, Voluntas & Intellectus in homine; & quod si dividuntur, unumquodvis pereat, sicut unio dilapsa in pollinem, n: 362 ad 367.
 - Quod Dominus cum omni Divino suo Amore, cum omni sua Divina Sapientia, ita cum omni sua Divina Vita, influat apud omnem hominem, n: 364.
 - Proinde quod Dominus cum omni essentia Fidei & Charitatis apud omnem hominem influat, n: 365.
 - Quod illa quæ influunt a Domino, recipientur ab homine secundum e-ius statum & formam, n: 366.
 - Quod autem homo, qui devidit Dominum, Charitatem & Fidem, non sit Forma recipiens, sed forma destruens, n: 367.
- 7. Quod Dominus sit Charitas & Fides in homine, & quod homo sit Charitas & fides in Domino, n: 368 ad 372.
 - Quod conjunctio cum Deo sit, per quam homini salus & vita æterna, n: 369.
 - Quod non dabilis sit conjunctio cum Deo Patre, sed cum Domino, & per Ipsum cum Deo Patre, n: 370.
 - Quod conjunctio cum Domino sit reciproca, quæ est quod homo sit in Domino & Dominus in homine, n: 371.
 - Quod hæc reciproca conjunctio Domini & hominis fiat per Charitatem & Fidem, n: 372.
- 8. Quod Charitas & Fides simul sint in bonis Operibus, n: 373 ad 377.
 - Quod Charitas sit bene velle, & quod bona Opera sint bene facere, bene velle, n: 374.

- Quod Charitas & Fides sint modo mentales, & caducæ, nisi, dum fieri potest, determinentur in actus, & in illis coexistant, n: 375. 376.
- Quod sola Charitas non producat bona Opera, minus adhuc sola Fides, sed quod Charitas & Fides simul, n: 377.
- 9. Quod sit Fides vera, Fides spuria, & Fides hypocritica, n: 378 ad 381.
- Quod Ecclesia Christiana ab incunabulis suis incepit a Schismatibus & Hæresibus infestari & descendit, de quibus, n: 378.
- Quod Fides vera sit unica, & quod sit in Dominum Deum Salvatorem Jesum Christum, & quod sit apud illos, qui credunt Ipsum esse Filium Dei, Deum Cæli & Terræ, ac Unum cum Patre, n: 379.
- Quod Fides spuria sit omnis Fides, quæ recedit a vera, quæ est unica, & quod sit apud illos qui aliunde ascendunt, & Dominum non ut Deum, sed solummodo ut Hominem spectant, n: 380.
- Quod Fides hypocritica sit nulla fides, n: 381.
- 10. Quod nulla Fides sit apud malos, n: 382 ad 384.
- Quod malis nulla fides sit, quia malum est Inferni, & Fides est Cæli, n: 383.
- Quod omnibus illis in Christianismo nulla fides sit, qui reprobant Dominum & Verbum, tametsi moraliter vivunt, ac rationaliter, etiam de fide, loquuntur, docent, & scribunt, n: 384.

CAPUT VII^{um}: DE CHARITATE, SEU AMORE ERGA
PROXIMUM: ET DE BONIS OPERIBUS.

- 1. Quod tres Amores universales sint, Amor Cæli, Amor Mundi, & Amor sui, n: 394. 395. 396.
- De Voluntate & Intellectu, n: 397.
- De Bono & Vero, n: 398.
- De Amore in genere, n: 399.
- De Amore sui, & de Amore Mundi in specie; n: 400.
- De Extero & Interno homine, n: 401.
- De mere Naturali & Sensuali homine, n: 402.
- 2. Quod tres illi Amores, dum rite subordinati sunt, perficiant hominem; at dum non rite subordinati sunt, pervertant & invertant illum, n: 403. 404. 405.
- 3. Quod omnis homo in singulari sit Proximus, qui amandus est, sed secundum quale boni ejus; n: 406 ad 411.
- 4. Quod Homo in plurali, qui est Societas minor & major, & quod Homo in composito ex illis, qui est Patria, sit Proximus qui amandus est, n: 412. 413. 414.
- 5. Quod Ecclesia sit Proximus, qui in superiori gradu amandus; & quod Regnum Domini in supremo, n: 415. 416.
- 6. Quod amare Proximum in se spectatum, non sit amare Personam, sed Bonum quod in Persona est, n: 417. 418. 419.
- 7. Quod Charitas & bona Opera sint duo distincta, sicut bene velle & bene facere, n: 420. 421.
- 8. Quod ipsa Charitas sit, juste & fideliter agere in Officio, Negotio, & Operre, in quo quisque est, & cum quibus in aliquo commercio est, n: 422. 423. 424.
- 9. Quod

9. Quod BENEFICIA Charitatis sint, dare pauperibus, & opitulari indigentibus, sed cum prudentia, n: 425 ad 428.
10. Quod sint DEBITA charitatis, quædam Dólestica, & quædam Privata, n: 429 ad 432.
11. Quod DIVERSORIA charitatis, sint Prandia, Cænæ & Consortia, n: 433. 434.
12. Quod Primum Charitatis sit amovere mala, & Secundum ejus sit facere bona, quæ usui proximo sunt, n: 435 ad 438.
13. Quod homo in Excercitiis Charitatis non ponat meritum in Operibus, dum credit quod omne bonum sit a Domino, n: 439 ad 442.
14. Quod Vita moralis, dum simul est spiritualis, sit Charitas, n: 443. 444. 445.
15. Quod Amicitia amoris ligata cum homine, qualiscunque est quoad spiritum, post mortem detrimentosa sit, n: 446 ad 449.
16. Quod detur Charitas spuria, Charitas hypocritica, & Charitas mortua, n: 450 ad 453.
17. Quod Amicitia amoris inter Malos, sit intestinum Odium inter illos, n: 454. 455.
18. De coniunctione amoris in Deum, & amoris erga Proxiuum, n: 456. 457. 458.

CAPUT VIII^{um}, DE LIBERO ARBITRIO.

1. Hodiernæ Ecclesiæ Præcepta & Dogmata de Libero Arbitrio, n: 463. 464. 465.
2. Quod in Horto Edenis positæ sint duæ Arbores, una Vitæ & altera Scientiæ boni & mali, significet quod homini Liberum Arbitrium in spiritualibus datum sit, n: 466 ad 469.
3. Quod homo non sit Vita, sed Receptaculum vitæ a Deo, n: 470 ad 474.
4. Quod homo, quamdiu vivit in Mundo, teneatur in medio inter Cælum & Infernum, & ibi in Aequilibrio spirituali, quod est Liberum Arbitrium, n: 475 ad 478.
5. Quod ex Permissione mali, in qua cujusvis Internus homo est, evidenter patet, quod homini Liberum arbitrium in spiritualibus sit, n: 478 ad 482.
6. Quod absque Libero Arbitrio in spiritualibus, Verbum non foret alicujus utsus, consequenter Ecclesia non aliquid, n: 483. 484. 485.
7. Quod absque Libero Arbitrio in spiritualibus, non foret aliquid hominis, per quod se vicissim conjungat Domino, & inde non Imputatio, sed mera Prædestinatio, quæ detestabilis, n: 485.
- Detestabilia de Prædestinatione evulgantur, n: 486. 487. 488.
8. Quod absque Libero Arbitrio in spiritualibus, Deus foret in causa mali, & sic nulla Imputatio charitatis & fidei, n: 489 ad 492.
9. Quod omne spirituale Ecclesiæ, quod in Libero intrat, & quod ex Libero recipitur, maneat; non autem quod vicissim, n: 493 ad 496.
10. Quod Voluntas & Intellectus hominis in hoc Libero Arbitrio sint; sed quod facere malum, in utroque Mundo, Spirituali & Naturali, per leges coercitum sit, quoniam aliquin Societas utrinque periret, n: 497. 498. 499.
11. Quod si hominibus non foret Liberum Arbitrium in spiritualibus, potuissent omnes in universo terrarum Orbe intra unum diem adduci ad credendum in Dominum; sed quod hoc fieri possit, est causa, quia id, quod non ex Libero arbitrio recipitur, non maneat, n: 500. 501. 502.
- Quod Miracula hodie non fiant, quia auferunt Liberum Arbitrium in spiritualibus, & cogunt, n: 501.

CAPUT IX^{um}. DE PÆNITENTIA.

1. Quod Pænitentia sit primum Ecclesiæ apud hominem, n: 510. 511.
2. Quod Contritio, de qua hodie dicitur, quod præcedat Fidem, & quam sequitur consolatio Evangelij, non sit Pænitentia, n: 512 ad 515.
3. Quod sola Confessio oralis, quod Peccator sit, non sit Pænitentia, n: 516 ad 519.
4. Quod homo nascatur ad omnis generis mala, & quod nisi removeat illa quoad partem per Pænitentiam, maneat in illis, & qui manet in illis, non potest salvare, n: 520 ad 524.
— Quid impletio Legis, n: 523. 524.
5. Quod cognitio peccati, & exploratio alicujus apud se, pænitentiam inchoet, n: 525. 526. 527.
6. Quod actualis Pænitentia fit explorare se, cognoscere & agnoscere sua peccata, supplicare ad Dominum, & Novam vitam inchoare, n: 528 ad 531.
7. Quod vera Pænitentia fit non modo explorare acta vitae suæ, sed etiam intentiones voluntatis suæ, n: 532. 533. 534.
8. Quod etiam Pænitentiam agant illi, qui non explorant se, sed usque a malis, quia peccata sunt, desistunt: & quod hæc Pænitentia fiat ab illis, qui Charitatis Opera ex religione faciunt, n: 535. 536. 537.
9. Quod Confessio coram Domino Deo Salvatore oporteat fieri, & tunc suppliatio de ope & potentia resistendi malis. n: 538. 539. 560.
10. Quod actualis Pænitentia facilis fit apud illos, qui aliquoties illam egerunt, sed refractaria illis, qui non egerunt, n: 561. 562. 563.
11. Quod qui Pænitentiam nūquā egit, aut se introspexit & scrutatus est, tandem non sciat quid malum damnable & quid bonum salutare, n: 564. 565. 566.

CAPUT X^{um}. DE REFORMATIONE ET REGENERATIONE.

1. Quod homo nisi denuo regeneratur, & sicut e novo creatur, non possit ingredi Regnum Dei, n: 572 ad 575.
2. Quod Nova Generatio seu Creatio fiat a solo Domino per Charitatem & Fidem, ut duo Media, cooperante homine, n: 576. 577. 578.
3. Quod omnes, quia omnes redempti sunt, regenerari possint, quisque secundum suum statum, n: 579 ad 582.
4. Quod Regeratio fiat ad instar sicut homo concipitur, gestatur in utero, nascitur, & educatur, n: 583 ad 586.
5. Quod Primus actus novæ generationis dicatur Reformatio, qui est Intellectus, & quod Secundus actus dicatur Regeneratio, qui est Voluntatis & inde Intellectus, n: 587 ad 590.
6. Quod Internus homo primum reformatus sit, & per hunc Externus, & quod homo sic regeneretur, n: 591 ad 595.
7. Quod dum hoc fit, pugna inter Internum & Externum hominem oriatur, & tunc qui vincit, dominatur super alterum, n: 596 ad 600.
8. Quod Homini regenerato sit nova Voluntas & novus Intellectus, n: 601 ad 606.
9. Quod Homo regeneratus sit in communione cum Angelis Cæli, & non regeneratus in communione cum spiritibus Inferni, n: 607 ad 610.
10. Quod

10. Quod quantum homo regeneratur, tantum removeantur peccata, & quod remissio illa sit Remissio peccatorum, n: 611 ad 614.
11. Quod Regeneratio non dabilis sit absque Libero Arbitrio in Spiritualibus, n: 615. 616. 617.
12. Quod Regeneratio non dabilis sit absque Veris, per quæ formatur Fides, & cum quibus se conjungit Charitas, n: 618. 619. 620.
— Aliqua de Sexu masculino & feminino in Regno vegetabili, n: 585.

C A P U T X I ^{m u m}. D E I M P U T A T I O N E.

1. Quod Fides hodiernæ Ecclesiæ, quæ perhibetur sola justificare, & Imputatio, unum faciant, n: 626. 627.
2. Quod Imputatio, quæ est hodiernæ Fidei, sit duplex, una Meriti Christi, & altera Salutis inde, n: 628 ad 631.
3. Quod Fides, quæ est imputativa meriti & justitiae Christi Redemptoris, primum exorta sit a Decretis Synodi Nicenæ de tribus Personis Divinis ab æterno, quæ Fides tempore illo ad præsens a toto Christiano Orbe recepta est, n: 632 ad 635.
4. Quod Fides imputativa meriti Christi non fuerit nota in Ecclesia Apostolica, quæ præcessit; & nullibi intellecta in Verbo, n: 636 ad 639.
5. Quod Imputatio meriti & justitiae Christi sit impossibilis, n: 640. 641. 642.
6. Quod sit Imputatio, sed boni & mali, n: 643 ad 646.
7. Quod Fides & Imputatio Novæ Ecclesiæ nequaquam possint una esse cum Fide & Imputatione prioris Ecclesiæ; & quod si una sunt, fiat collisio & conflictio talis, ut pereat omne Ecclesiæ apud hominem, n: 647. 648. 649.
8. Quod Dominus omni homini imputet bonum, & quod Infernum omni homini imputet malum, n: 650 ad 653.
9. Quod Fides, cum quo se conjungit, faciat sententiam, si Fides vera se conjungit cum bono, fit sententia pro Vita æterna, at si Fides se conjungit cum malo, fit sententia pro Morte æterna, n: 654 ad 657.
10. Quod nulli imputetur Cogitatio, sed Voluntas, n: 658. 659. 660.

C A P U T X I I ^{m u m}. D E B A P T I S M O.

1. Quod absque cognitione de Sensu spirituali Verbi, nemo possit scire, quid Duo Sacraenta, Baptismus & Sancta Cæna, involvunt & efficiunt, n: 667. 668. 669.
2. Quod per Lavationem, quæ vocatur Baptismus, intelligatur Lavatio spiritualis, quæ est Purificatio a malis, & sic Regeneratio, n: 670 ad 673.
3. Quod loco Circumcisionis institutus sit Baptismus, quia per Circumcisionem præputii repræsentata est circumcisio cordis, propter finem, ut Ecclesia Interna succederet Ecclesiæ Externæ, quæ in omnibus & singulis figurabat Ecclesiam Internam, n: 674. 675. 676.
4. Quod Primus usus Baptismi sit Introductio in Ecclesiam Christianam; & simul tunc Insertio inter Christianos in Mundo spirituali, n: 677 ad 680.
5. Quod Secundus usus sit, ut Christianus cognoscat & agnoscat Dominum Iesum Christum Redemptorem & Salvatorem, & sequatur Ipsum, n: 681. 682. 683.
6. Quod Tertius usus Baptismi, qui est finalis, sit, ut homo regeneretur, n: 684 ad 687.

T t t

7. Quod

7. Quod per Baptisma Johannis præparata sit via, ut Jehovah Deus in Mundum posset descendere, & Redemptionem peragere, n: 688.

CAPUT XIII^{rum}. DE SANCTA CÆNA.

1. Quid absque notitia de Correspondentiis naturalium cum spiritualibus, nemo scire possit Usus fructus Sanctæ Cænæ, n: 698 ad 701.
2. Quod ex notis Correspondentiis sciatur, quid per Carnem & Sanguinem Domini intelligitur, & quod simile per Panem & Vinum; videlicet, quod per Carnem Domini & per Panem intelligatur Divinum Bonum Amoris Ipsius, & quoque omne bonum Charitatis; & quod per Sanguinem Domini & per Vinum, intelligatur Divinum Verum Sapientiae Ipsius, & quoque omne verum Fidei; & per Manducationem appropriatio, n: 702 ad 710.
- Ostensum ex Verbo, quid intelligitur per Carnem, n: 704. 705.
- quid per Sanguinem, n: 706.
- quid per Panem, n: 707.
- quid per Vinum, n: 708.
3. Quod ex his intellectis comprehendendi possit, quod Sancta Cæna universaliter & singulariter contineat omnia Ecclesia & omnia Cæli, n: 711 ad 715.
4. Quod in Sancta Cæna sit totus Dominus, & tota Ipsius Redemptio, n: 716. 717. 718.
5. Quod Dominus præsens sit, & aperiat Cælum illis, qui ad Sanctam Cænam digne accedunt; & quod etiam præsens sit apud illos qui indigne, sed quod his non aperiat Cælum: consequenter quod sicut Baptismus est Introductio in Ecclesiam, ita Sancta Cæna sit Introductio in Cælum, n: 719. 720. 721.
6. Quod illi ad Sanctam Cænam digne accedant, qui in Fide in Dominum & in Charitate erga proximum sunt, ita qui Regenerati sunt, n: 722 ad 724.
7. Quod illi, qui ad Sanctam Cænam digne accedunt, sint in Domino & Dominus in illis; proinde quod per Sanctam Cænam fiat: coniunctio cum Domino, n: 723. 726. 727.
8. Quod Sancta Cæna sit illis, qui digne accedunt, sicut obsignatio & sigillum, quod filii Dei sint, n: 728. 729. 730.

CAPUT XIV^{rum}. DE CONSUMMATIONE SÆCULI. DE ADVENTU DOMINI. ET DE NOVA ECCLESIA.

1. Quod Consummatio Sæculi, sit Ultimum tempus seu finis Ecclesiæ, n: 753 ad 756.
2. Quod hodie sit Ultimum tempus Ecclesiæ, quod a Domino apud Evangelistas, & in Apocalypsi, prædictum & descriptum est, n: 757. 758. 759.
3. Quod ultimum hoc tempus Ecclesiæ Christianæ, sit ipsa Nox, in quam defierunt Ecclesiæ priores, n: 760 ad 763.
4. Quod post hanc noctem sequatur Mane; & quod Adventus Domini sit illud, n: 764 ad 767.
5. Quod Adventus Domini, non sit Adventus Ipsius ad delendum Cælum aspettabile & Terram habitabilem, & ad creandum novum Cælum & novam Terram, sicut hactenus multi ex non intellecto Sensu spirituali Verbi opinati sunt, n: 768 ad 771.
6. Quod hic Adventus Domini, qui est Secundus, existat propter causam, ut

separentur mali a bonis, ac ut salventur illi, qui crediderunt & credunt in Iplum, ac ut ab his formetur Novum Cælum Angelicum & Nova Ecclesia in Terris: & quod absque eo non posset ulla caro conservari, Matth. XXIV: 22; n: 772 ad 775.

7. Quod Secundus hic Adventus Domini non sit in Persona, sed quod sit in Verbo, quod est ab Ipso & sic Ipse, n: 776. 777. 778.
8. Quod Secundus hic Adventus Domini fiat per hominem, coram quo Dominus in Persona Se manifestavit, & quem implevit suo spiritu ad docendum Novæ Ecclesiæ Doctrinas per Verbum ab Ipso, n: 779. 780.
9. Quod hoc per Novum Cælum & Novam Hierosolymam in Apocalypsi Cap. XXI, intelligatur, n: 781 ad 785.
10. Quod Nova hæc Ecclesia sit Corona omnium Ecclesiarum, quæ huc usque in Terrarum Orbe fuerunt, n: 786 ad 791.

A D D I T A M E N T U M:

1. De MUNDO SPIRITUALI, qualis ille, n: 792 ad 795.
2. De LUTHERO in Mundo spirituali, n: 796.
3. De MELANCTONE in Mundo spirituali, n: 797.
4. De CALVINO in Mundo spirituali, n: 798. 799..
5. De HOLLANDIS in Mundo spirituali, n: 800 ad 805.
6. De ANGLIS in Mundo spirituali, n: 806 ad 812.
7. De GERMANIS in Mundo spirituali, n: 813 ad 816.
8. De PONTIFICIS in Mundo spirituali, n: 817 ad 821.
9. De SANCTIS PONTIFICIORUM in Mundo spirituali, n: 822 ad 827.
10. De MAHUMEDANIS in Mundo spirituali, n: 828 ad 834.
11. De AFRICANIS in Mundo spirituali: & quoque aliquid de GENTIBUS, n: 835 ad 840.
12. De JUDÆIS in Mundo spirituali, n: 841 ad 845.



INDEX MEMORABILIA.

- I. Audivi quosdam novos Advenas loquentes inter se de tribus Personis Divinis: ab æterno, & tunc quidam, qui in Mundo fuerat Primus, ideas cogitationis suæ de mysterio illo aperuit, dicens, quod sua Mens fuerit & adhuc sit, quod Tres in Cælo sedent super altis Thronis, Deus Pater super Throno ex obryzo auro cum Sceptro in manu; Deus Filius ad dextram super Throno ex purissimo argento, cum Corona super capite; & Deus Spiritus Sanctus super Throno ex splendido Chrystallo, tenens Columbam in manu, in qua apparuit cum Christus baptizatus est; & quod circum circa illos in triplici ordine pensiles lampades ex lapidibus pretiosis coruscarent; & quod e longinquu in Circu starent innumerabiles Angeli adorantes & glorificantes; & insuper loquutus est de Spiritu sancto, quomodo infert fidem, purificat & justificat: dixit, quod plures ex suo Ordine his ejus ideis favent; credens quod ego etiam, quia laicus, illis fidem haberem: at tunc data mihi copia loquendii inquit, quod a pueritia mea foverim ideam, quod Deus unus sit, quare explicui coram illo, quid involvit Trinitas, & quid significant Thronus, Sceptrum & Corona, ubi illa in Verbo prædicantur de Deo: quibus addidi, quod omnes qui credunt tres Personas Divinas ab æterno, non possint aliter quam credere tres Deos, & insuper, quod Divina Essentia non sit partibilis, n: 16.
- II. Angelorum sermo de Deo, quod Divinum Ipsius sit Divinum Esse in se, & non a se, & quod sit Unum, Idem, Ipsum, & Individuum: tum quod Deus non sit in loco, sed apud illos, qui in loco sunt: & quod Divinus Ipsius Amor appareat Angelis ut Sol, & quod Calor inde sit in essentia sua Amor, & Lux inde in sua essentia Sapientia, n: 25.
- Quod Attributa Divina præcedentia, quæ sunt Creatio, Redemptio, & Regeneratio, sint unius Dei, & non Trium, n: 26.
- III. Quoniam percepit, quod ingens multitudo hominum sit in persuasione, quod omnia Naturæ sint, & inde quod Natura sit Creatrix universi, in quodam Gymnasio, ubi erant tales, loquutus sum cum quodam Ingenioso, de his Tribus: 1. Num Natura sit vitæ, vel num Vita sit naturæ. 2. Num Centrum sit expansi, vel num Expansum sit centri. 3. De Centro & Expanso Naturæ & Vitæ; & quod Centrum naturæ sit Sol mundi naturalis, & hujus Expansum ipse ejus Mundus, & quod Centrum vitæ sit Sol mundi spiritualis, & hujus Expansum ipse ejus Mundus; quæ ab utraque parte ventilata sunt, & demum ostensum quid verum, n: 35.
- IV. Quod in quoddam Theatrum sapientiae perductus sim, ubi congregati erant Spiritus angelici ex quatuor plagiis, quibus e Cælo injunctum erat ventilare tria Arcana, 1. Quid Imago Dei & quid Similitudo Dei. 2. Cur homo non nascitur in scientiam ullius amoris, cum tamen bestiæ & aves nascuntur in scientiam omnium suorum amorum. 3. Quid significat Arbor vitæ, & Arbor scientiæ boni & mali; & insuper quod conjungerent illa Tria in unam sententiam, & hanc referrent ad Angelos cæli; quibus factis Sententia relata est, & ab Angelis acceptata, n: 48.
- V. Quod a malis Spiritibus mox supra Infernum auditus sit sicut strepitus maris, qui erat tumultus, qui inter illos exstetit, quia audiverunt super se, quod Deus Omnipotens se adstrinxerit ordini, & quod quidam inde ascenderint, & mede ea re acriter alloquuti sint, dicendo, quod Deus, quia Omnipotens est, non ad-

- adstrictus sit alicui Ordini; ac interrogatus de Ordine, dixi, 1. Quod Deus sit ipse Ordo. 2. Quod hominem ex Ordine, in Ordine, & ad Ordinem creaverit. 3. Quod Mentem ejus rationalem creaverit secundum Ordinem Mundi spirituallis, & Corpus ejus secundum Ordinem Mundi naturalis. 4. Quod inde Lex ordinis sit, quod homo ex suo Mundulo spirituali seu microurano resturus sit suum mundulum naturalem seu microcosmum, sicut Deus ex suo Macrourano seu Mundo spirituali regit suum Macrocosmum seu Mundum naturalem. 5. Quod inde plures Leges ordinis profuant, quæ quoad partem adjectæ sunt: quid postea spiritibus illis evenit, descriptum est, n: 71.
- VI. De Ratiocinatione quorundam ex Batavia & Britannia in Mundo spirituali de Imputatione & Prædestinatione: ab una parte, cur Deus, quia est Omnipotens, non omnibus imputat Justitiam Filii sui, & sic facit illos Redemptos, cum tamen, quia est Omnipotens, potest omnes Satanæ Inferni facere Angelos Cæli, imo si ei beneplacet, potest Luciferum, Draconem, & cunctos Hircos facere Archangelos, & quid opus nisi verbulo ad hoc: ab altera parte, quod Deus sit ipse Ordo, & quod nihil possit contra Leges sui Ordinis facere, quia hoc foret facere contra Seipsum: præter plura, per quæ de hac re inter se ludebant, n: 72.
- VII. Quod postea cum aliis, qui in fide Prædestinationis erant, loquutus sim, qui illam ex Dei absoluta potentia seu Omnipotentia deduxerunt, & quod alioquin Deo minor potestas foret, quam Regi Monarchæ in Mundo, qui potest leges Justitiae vertere sicut suas palmas, ac agere absolute sicut Octavius Augustus & quoque absolute sicut Nero; ad quæ responsum est, quod Deus creaverit Mundum, ac omnia & singula ejus ex Se ut Ordine, & sic illis indiderit Ordinem, & quod Leges ordinis Ipsius sint totidem, quot Veritates in Verbo: & tunc recensitæ sunt aliquæ Leges Ordinis, ac quæ & quales sunt a parte Dei, ut & quæ & quales sunt a parte hominis; & quod illæ mutari nequeant, quia Deus est Ipse Ordo, & quod homo creatus sit imago Ipsius ordinis, n: 73.
- VIII. Quod loquutus sim cum congregatis ex Clericis & Laicis de Divina Omnipotentia, qui dixerunt quod Omnipotentia sit illimitata, & quod Omnipotentia limitata sit contradic̄tio: ad quæ responsum est, quod non sit contradic̄tio Omnipotenter agere secundum leges Justitiae cum Judicio, dicitur etiam apud Davidem, quod Justitia & Judicium sint fulcrum Throni Dei, Psalm LXXXIX: 15, & quod non sit contradic̄tio omnipotenter agere secundum leges Amoris ex Sapientiae, sed quod Contradic̄tio sit, quod Deus possit agere contra leges Justitiae & Amoris, & quod hoc foret ex non Judicio & Sapientia: & quod talem Contradic̄tionem involvat Fides hodiernæ Ecclesiæ, quod Deus possit injustum facere justum, ac impium omnibus salutis donis & vitæ præmiis insignire: præter plura de hac Fide, & de Omnipotentia, n: 74.
- IX. Quondam cum in meditatione de Creatione Universi a Deo eram, abductus sum spiritu ad quosdam sapientes, qui primum conquesti sunt de ideis apud se captis in Mundo, quæ fuerunt de Creatione universi ex Chao, & de Creatione ex nihilo, quia illæ meditationem de Creatione universi a Deo obscurant, pessimandæ & pervertunt; quare ad interrogationem quid mea mens, expromsi hoc, quod vatum fit concludere aliud quam phantasticum de Creatione Universi, nisi sciatur quod duo Mundi sint, Spiritualis & Naturalis, & quod in utroque sit Sol; & quod Sol Mundi spiritualis sit purus Amor, in cuius medio est Deus, & quod ex illo sint omnia spiritualia, quæ in se sunt substantialia; & quod Sol Mundi naturalis sit purus Ignis, & quod ex illo sint omnia naturalia, quæ in se sunt materialia; & quod ex his cognitis concludi possit de Creatione Universi quod sit a Deo; & quomodo; quod etiam parum delineatum est, n: 76.

518 INDEX MEMORABILIA.

X. Quod aliqui Satanæ Inferni cupiverint loqui cum Angelis Cæli, ex proposito ut convicerent illos, quod omnia sint ex Natura, & quod Deus sit modo vox nisi intelligatur natura; ac permisum est ut illi ascenderent; & tunc quidam Angeli e Cælo se demiserunt in Mundum spirituum ut audirent illos; quibus visis Satanæ furiose accurrebant, dicentes, vos vocamini Angeli, quia creditis quod Deus sit, & quod Natura non aliquid respective, & tamen illa creditis tametsi est contra omnes Sensus, quis Sensus ex quinque vestris aliud sentit quam Naturam; his & pluribus aliis acerbe dictis, Angeli in reminiscentiam illorum revocaverunt, quod nunc vivant post mortem, & quod ne quidem hoc prius crediderint, & tunc fecerunt illis videre pulchra & splendida Cæli, & dixerunt, quod hæc sint ibi, quia omnes ibi credunt in Deum; & postea fecerunt illis videre turpia & immunda Inferni, dicentes quod hæc sint ibi, quia credunt in Naturam: Satanæ ex illis visis primum convicti sunt quod Deus sit, & quod creaverit Naturam; at sicut descenderunt, rediit amor mali, & oclusus intellectum illorum a superiori, quo oculo crediderunt ut prius; quod omnia sint Naturæ, & nihil Dei, n: 77.

XI. Typus Creationis Universi ad vivum mihi ab Angelis ostensus est: perductus sum in Cælum, & datum est videre ibi omnia quæ Regni animalis, omnia quæ Regni vegetabilis, & omnia quæ Regni mineralis erant, quæ prorsus similia erant objectis trium illorum Regnorum in Mundo naturali, & tunc dixerunt, omnia illa in Cælo momento creaturæ a Deo, & subsistunt, quamdiu Angeli interiori in statu amoris & fidei quoad cogitationem sunt; & quod momentanea illa Creatio evidenter testetur Creationem similium, imo similem, in Mundo naturali, cum solo discriminé, quod Naturalia investiant spiritualia, & quod investitio illa a Deo provisa sit propter generationes unius ab altera, per quas Creatio perpetuatur: consequenter quod Creatio Universi similiter facta sit, sicut fit omni momento in Cælo. At vero, quod omnia, quæ in tribus Regnis naturæ noxia & tetra sunt, quæ enumerantur, non a Deo creata sunt, sed una cum Inferno exorta, n: 78.

XII. Colloquium cum quibusdam, qui in Mundo Celebres eruditione fuerunt, de Creatione Universi, qui ex iisdem ideis, quas prius foverunt, loquuti dixerunt; Unus, quod Natura seipsum creaverit: Alter, quod Natura sua elementa in vortices conglomeraverit, & quod ex collisione illorum confusa sit Tellus: & Tertius, quod ex Chao, quod magnitudine æquavit multam partem Universi, & quod primum inde eruperint purissima, ex quibus Sol & Stellæ, & quod postea minus pura, ex quibus Athmosphæræ, & quod demum crassa, ex quibus Globus terraquens: ad interrogationem, unde Animæ humanæ, dixerunt, quod æther se contulerit in parvos glomos discretos, & quod hi se infundant in natituros, & faciant animas, & quod post mortem evolent ad agmen prius in æthere, & inde redeant in alios, secundum veterum Mathempychosin. Post hæc quidam Sacerdos per solidas rationes pro Creatione Universi a Deo rededit omnia illa quæ dicta sunt in insulsam farraginem, & illos in pudorem, sed usque retinuerunt priora sua deliria, n: 79.

XIII. Cum quodam Satana de Deo, de Cælo Angelico, & de Religione, qui quia non scivit aliter, quam quod adhuc in priori Mundo esset, dixit, quod Deus sit Universum, quod Cælum Angelicum sit firmamentum athmosphæricum, & quod Religio sit fascinum plebis; præter plura fatua; sed cum in reminiscentiam ejus reproductum est, quod nunc post mortem vivat, & quod illam vitam non prius crediderit, eo momento fassus est quod insaniverit, sed ut primum se convertit & recessit, consimiliter insanivit ut prius, n: 80.

XIV. Quod in nocte viderim Ignem fatuum, defluentem in terram, qui a multis

vocatur Draco, observavi locum ubi decidit, erat ibi terra sulphurea mixta pulvere ferreo; & cum mane spectavi illuc, vidi ibi duo Tentoria; & tunc mox e Cælo delapsus est Spiritus, ad quem accessi & quæslivi, cur e Cælo delapsus est, respondit, quod ab Angelis Michaelis dejectus sit, quia dixi, quod Deus Pater & Ipsius Filius sint duo & non unum, & dixit quod totum Cælum Angelicum credit, quod Deus Pater & Ipsius Filius sint unum, sicut anima & corpus unum sunt, & quod hoc per multa confirmat ex Verbo, & præterea ex ratione, quod anima filii non sit nisi ex Patre, & quod illa & inde in Corpore sit instar patris: & addidit, quod quidem in Cælo confessus sit, sicut prius in terris, quod Deus unus sit, sed quia confessio oris & cogitatio mentis in hoc dissidabant, dixerunt quod non crederem in aliquem Deum, quia una dissipat alteram; & dixit, quod hæc fuerit causa dejectionis ejus. Post diem redux ad eundem locum, vidi duas Statuas ex simili pulvere, quæ erat miscela sulphuris & ferri, loco duorum tentiorum, quarum una repræsentabat hodiernæ Ecclesiæ Fidem & altera ejus Charitatem, utramque pulchre vestitam, sed vestes inductæ erant per phantasias; at quia ex illo pulvere erant, ex demissa pluvia e Cælo, ambæ cæperunt ebullire & desflagrare, n: 110.

XV. Quod in Mundo spirituali non aliscui liceat loqui quam cogitat, alioquin hypocriticum manifeste auditur; & quod ideo in Inferno nemo possit nominare Iesum, quia Jesus significat Salutem: per hoc ibi expertum est, quot in Christiano Orbe hodie credunt, quod Christus etiam quoad Humanum suum sit Deus; quare ubi congregati erant plures ex Clericis & Laicis, propositum est illis, ut edicerent DIVINUM HUMANUM; sed usque vix aliqui has binas voces simul potuerunt extrahere ex cogitatione, & sic illas enuntiare: confirmabatur coram illis per plura ex Verbo, quod Dominus quoad Humanum etiam esset Deus, ut per illa quæ Matth. XXVIII: 18. Joh. I: 1. 2. 14. Cap. XVII: 2. Coloss. II: 9. 1 Ep. Joh. V: 21, & quoque alibi, sed usque non potuerunt eloqui Divinum Humanum; & quod mirati sunt, quod nec Evangelici, tametsi Orthodoxya illorum docet, quod in Christo Deus sit Homo & Homo Deus; & adhuc plus quod nec Monachi, qui tamen sanctissime adorant Corpus Christi in Eucharistia. Ex his compertum est, quod Christiani hodie quoad plurem partem interius sint vel Ariani vel Sociniani, & quod hi si adorant Christum ut Deum, sint hypocritæ, n: 111.

XVI. Alteratio de Codicillo, Summaria Expositio Doctrinæ Novæ Ecclesiæ, a me Amstelodami edito, & de hoc ibi impræmis, quod non Deus Pater, sed Dominus Deus Redemptor adeundus & adorandus sit; argumentantes quod usque dicatur in Oratione Dominica, *Pater noster qui es in Cælis, sanctificetur Nomen tuum, adveniat Regnum tuum,* consequenter quod Deus Pater adeundus sit; ad quam item dirimendam arcetitus sum, & tunc demonstravi, quod Deus Pater in Divino suo non possit adiri, sed in Humano suo; & quia Divinum & Humanum in. Ipso una Persona sunt, quod Dominus sit ille Pater; quod etiam ex Verbo confirmatum est, tam ex Verbo Veteris Testamenti, ubi Filius Dei vocatur Pater æternitatis, & multis in locis. Jehovah Redemptor, Jehovah Justitia, & Deus Israël, quam ex Verbo Novi Testamenti pluries; & sic quod cum Dominus Deus Redemptor aditur, adeatur Pater, & quod tunc sanctificetur Nomen Ejus, & adveniat Regnum Ejus, præter plura, n: 112.

XVII. Quod viderim Exercitum super Equis rufis & nigris, omnes in illo versos quoad facies ad caudas equorum, & quoad occipitia ad capita illorum, clamantes ad pugnam contra Equitantes super Equis albis; & quod ludicer ille Exercitus erupuerit ex loco qui vocatur Armageddon, Apoc. XVI: 16, & quod constituerit ex illis qui in juventute imbuerunt dogmata de Justificatione per solam fidem, & qui postea, dum promoti sunt ad eminentia officia rejecerunt illa-

quæ

quæ fidei & religionis sunt ab internis mentis ad externa corporis eorum, ubi denique evanuerunt. Descripti quales apparuerunt in Armageddon, & auditum est inde, quod vellent congregri cum angelis Michaelis, quod etiam datum, sed ad aliquam distantiam abinde; & quod hic inter illos pugnatum sit de intellectu verborum in Oratione Dominica, *Pater noster qui es in Cælis, sanctificetur Nomen tuum, adveniat Regnum tuum*, & tunc ab angelis Michaelis dictum est, quod Dominus Redemptor & Salvator omnibus in Cælis sit Pater, quoniam Ipse docuit, Quod Pater & Ipse unum sint; Quod Pater in Ipsi sit & Ipsi in Patre; Quod qui videt Ipsum, videat Patrem; Quod omnia Patris in Ipsi sint; tum quod voluntas Patris sit, ut credant in Filium, & quod qui non credunt Filio, non visuri sint vitam, sed quod ira Dei mansura sit super illos; tum quod Ipsi sit omnis potestas in Cælo & in Terra; & quod Ipsi sit potestas omnis carnis; & insuper quod nemo viderit nec videre possit Deum Patrem, sed solus Filius qui in sinu Patris est, præter plura. Post hanc pugnam Armageddoni convicti, quoad partem coniecti sunt in Abyssum, de qua in Apocalypsi Cap. IX, & quoad partem emissi in desertum, n: 113.

XVIII. Quod fuerim in Templo, in quo non fenestræ, sed magna apertura in testo, & quod congregati ibi colloquuti sint de REDEMPTIONE, dicentes unanimiter quod Redemptio facta sit per Passionem crucis; at cum in illo sermone erant, atra Nubes obduxit aperturam testi, unde tenebrae factæ sunt in Templo, sed quod paulo post Nubes illa discussa sit ab Angelis qui e Cælo descenderunt, qui tunc Unum ex se demiserunt in Templum, qui instrueret illos de Redemptione, hic dixit, quod Passio crucis non fuerit Redemptio, sed quod subjugatio Inferorum, ordinatio Cælorum, & sic restitutio omnium quæ tam in Mando spirituali quam in Mundo naturali collapsa sunt, & quod absque eo nulla Caro conservari potuerit: & de Passione crucis dixit, quod per illam completa sit unitio intima cum Patre; & quod dum illa aslumitur pro Redemptione, multa indigna Deo, imo nefanda, consequantur, ut quod super totum Genus humanum concluserit damnationem, & quod Filius illam in se suscepit, & quod sic Patrem propitiaverit, & per intercessionem redegerit in Divinam suam Essentiam, quæ est Amor & Misericordia, præter plura, quæ Deo attribuere, scandalosa sunt; n: 134.

XIX. Quod visus sit Sol Mundi spiritualis, in quo Jehovah Deus in suo Humano est; & tunc e Cælo auditum est hoc, QUOD DEUS UNUS sit; sed cum hoc delapsum est in Mundum spirituum, secundum formas mentium ibi versum est, & tandem in tres Deos; quod etiam unus ibi ratiocinans confirmavit per hæc, quod Unus sit qui creavit omnia, Alter qui redemit omnes, ac Tertius qui operatur omnia, tum quod Unus sit qui imputat, Alter qui mediat, & Tertius qui illa homini inscribit, & sic indit fidem, per quam illum justificat. At quia Fides trium Deorum perverterat totam Ecclesiam Christianam, ex data perceptione detexi illis quid apud unum Deum intelligitur per Mediationem, Intercessionem, Propitiationem, & Expiationem, videlicet, quod illa quatuor sint attributa Humani Jehovah Dei, quod quia Jehovah Deus absque Humano non adire potest hominem, nec ab homine adiri, Mediatio significet quod Humanum sit intermedians, quod Intercessio significet quod perpetuo mediet, quod Propitiatione significet quod benignus accessus sit cuivis homini ad Deum; & quod Expiatio significet quod etiam peccatoribus, & hæc omnia per Humanum, n: 135.

XX. Quod intraverim in Gymnasium, ubi ventilabatur quomodo intelligendum est, quod dicitur de Filio Dei, quod SEDEAT AD DEXTRAM PATRIS; de hoc variæ erant opiniones, omnium tamen quod Filius actualiter ita sedeat; sed ventilabant, cur id, tunc quidam credebant quod id fiat propter Redemptionem, quidam quod ex amore, quidam ut Consiliarius esset, quidam ut Illi honor sit ab

Angelis, quidam quia datum est Illi regnare vice Patris, quidam ut dextra aure audiatur pro quibus intercedit: insuper etiam ventilabant, num Filius Dei ab æterno ita sedeat, vel num Filius Dei natus in Mundo. His auditis, sustuli palam, rogans ut liceat aliquid loqui, & dicere quid intelligitur per sedere ad dextram Dei, & dixi, quod intelligatur Omnipotens Dei per Humanum quod assumis, per hoc enim Redemptio fecit, hoc est, subjugavit Inferna, crevit Novum Cælum Angelicum, & instauravit Novam Ecclesiam; quod hoc per sedere ad dextram intelligatur, confirmavi ex Verbo, in quo per Dextram significatur Potentia, & postea confirmatum est e Cælo per apparentiam Manus Dextræ super illos, ex cuius potentia & inde terrore omnes pæne examinati sunt, n: 136.

XXI. Quod in Mundo spirituali perductus sim in quoddam Synedrium, in quo congregati erant Celebres qui ante Concilium Nicenum vixerunt, & vocati sunt Patres Apostolici, & quoque Incluti, qui post illud Concilium: & vidi, quod aliqui ex his apparerent Mento calvo, & in Capellitiis ex crine muliebri cincinnatis, sed omnes priores in Mento barbato, & in Capillis nativis. Ante illos stetit Vir judex & arbiter scriptorum hujus saeculi, qui exorsus est per quandam lamentationem, dicens, Vir e Laicis surrexit, qui Fidem nostram e sanctuario suo detraxit, quæ tamen est stella lucens diu noctuque coram nobis, at hoc ex causa, quia vir ille caecutit in mysteriis istius fidei, & non vidit in illa justitiam Christi, & sic non Justificationis ejus mirabilia, cum tamen illa Fides est in tres Personas Divinas, & sic in totum Deum; & quia fidem suam transtulit in Secundam Personam, & non in hanc sed in Humanum Ipsius, non potest aliter quam ut inde scaturiat Naturalismus: hujus effato faverunt illi, qui post Concilium Nicenum vixerunt, dicentes quod impossibile sit, ut fides alia & aliunde sit. Sed Patres Apostolici, qui vixerunt ante illud saeculum, indignati narrabant plura quæ de Fide Nicena & Athanasiana in Cælo dicuntur, quæ videantur. Sed quia Præsul Synedrii cum Scriptore illo in Lipsia quoad spiritum consociatus erat, alloquutus sum illum, & demonstravi ex Verbo, quod Christus etiam quoad Humanum Deus sit, tum etiam ex Libro dogmatico Evangelicorum, Formula Concordiae, vocato, quod in Christo Deus sit Homo & Homo Deus, ut & quod Augustana Confessio Cultum Ipsius maxime probet, præter plura, ad quæ siluit, & se avertit. Postea loquutus sum cum quoddam Spiritu, qui consociatus erat cum Viro eminente in Gothoburgo, qui Cultum Domini fædavit adhuc majori convitio: at demum duo illa convitia declarata sunt pro mendaciis astu inventis, ad avertendum voluntates, & ad deterrendum a Sancto cultu Domini, n: 137.

XXII. Quod apparuerit Fumus ab inferiore Terra ascendens, & dictum est, quod fumi non aliud sint quod falsa in congerie: & tunc quosdam Angelos invasit desiderium explorandi, quæ falsa essent, quæ sic fumarent, ac descenderunt, & offenderunt quatuor Turmas spirituum, quarum duæ erant ex doctis & indoctis a Clericis, ac duæ ex eruditis & ineruditis a Laicis, qui omnes inter se confirmabant, quod Deus invisibilis colendus sit, & quod Cultoribus tunc sanctitas & auditio, aliter si Deus visibilis coleretur: sanctitas & auditio a Deo invisibili confirmabant per varia, & quod ideo agnoscant tres Deos ab æterno; qui invisibles sunt; sed ostensum est quod Cultus Dei invisibilis, & plus Trium invisibilium sit nullus cultus; ad confirmandum hoc ex Inferis educti sunt Socinus & Arius cum aliquibus illorum asseclis, qui omnes Divinitatem invisibilem coluerant; qui cum ex naturali seu externa mente loquuti sunt, dixerunt quod Deus, tametsi invisibilis, sit; at cum externa mens illorum occludebatur, ac interna aperiebatur, & ex hac adacti sunt confessionem suam de Deo edere, dixerunt, quid Deus, non vidimus speciem Ipsius, nec audivimus vocem Ipsius, quid ergo Deus nisi ens rationis, aut natura; sed instructi sunt, quod Deo placuerit descen-

cendere, & assumere Humanum, ut speciem Ipsius viderent, & vocem Ipsius audirent; verum hoc in auribus illorum incassum fuit, n: 159.

XXIII. Primum de Stellis in Mundo naturali, quod forte essent simili numero quo Societates angelicæ in Cælo, quoniam unaquævis Societas ibi lucet quandoque sicut Stella. Postea loquutus sum cum Angelis de quadam via, quæ apparer innumeris spiritibus constipata, & quod sit via, per quam omnes, qui e Mundo naturali decedunt, transeunt in Mundum spiritualem; ad hanc viam in consortio cum Angelis accessi, & duodecim viros e via illa evocavimus, & interrogavimus quid de Cælo & Inferno, & de Vita post mortem, credunt, & quia recentes e Mundo erant, & non sciebant aliter quam quod adhuc in Mundo naturali essent, respondebant ex idea quam secum tulerint: **PRIMUS**, Quod illi qui moraliter vivunt, in Cælum veniant, & quod nemo in Infernum, quia omnes moraliter vivunt. **SECUNDUS**, Quod Deus regat Cælum, ac diabolus Infernum, & quia oppositi sunt, unus dicat bonum quod alter malum, & quod homo simulatur, quia ab utriusque parte stat, possit æquè sub unius ac sub alterius dominio vivere. **TERTIUS**, Quod non sit Cælum, nec Infernum, quis inde venit & narravit. **QUARTUS**, Quod nemo potuerit inde redire & narrare, quia homo cum moritur est vel larva vel ventus. **QUINTUS**, Quod exspectandum sit ad diem ultimi Judicii, & quod tunc narraturi sint, ac securi sitis omnia, sed cum haec dixit, risit corde. **SEXTUS**, Quomodo potest anima hominis quæ est modo ventus reingredi suum corpus a vermis exesum, ac reindui sceleto vel exusto vel in pulvrem dilapso. **SEPTIMUS**; Quod homines post mortem non plus possint vivere, quam bestiae & aves, suntne æque rationales. **OCTAVUS**, Credo Cælum, sed non credo Infernum, quia Deus est Omnipotens & potest omnes salvare. **NONUS**, Quod Deus quia est gratiosus non possit aliquem mittere in ignem aeternum. **DECIMUS**, Quod nemo possit venire in Infernum, quia Deus misit Filium suum, qui expiavit omnes, & sustulit omnium peccata, quid diabolus valet contra id. **UNDECIMUS**, qui erat Sacerdos, quod illi soli salventur, qui adepti sunt fidem, & quod Electio sit in Omnipotentis arbitrio. **DUODECIMUS**, qui erat Politicus, non quicquam dico de Cælo & Inferno, sed finite Sacerdotes concionari de illis, ut mentes vulgi invisibili vinculo teneantur adiunctæ legibus & duabus. His auditis obstupuerunt Angeli, sed evigilabant illos per quod instruerent illos quod nunc vivant post mortem; ac introducebant illos in Cælum, sed ibi non diu morati sunt, quia inventi quod essent mere naturales, & quod inde occipitia illorum essent incavata; de qua incavatione & ejus causa, ultimo aliud dicitur, n: 160.

XXIV. Quod auditus sit sonus sicut molæ, & quod sonum sequutus viderim domum rimosam, in quam introitus patuit sub terra, & in illa Virum colligentem ex Verbo & Libris plura de JUSTIFICATIONE PER SOLAM FIDEM, & quod Scribæ a latere collectanea ejus inscriberent Chartæ; & ad interrogationem quid nunc colligeret, dixit hoc, quod Deus Pater exciderit gratia pro genere humano, & quod ideo miserit Filium qui expiaret & propitiaret; ad quæ respondi, quod hoc sit contra Scripturam & contra rationem, quod Deus potuerit excidere gratia, sic etiam excidisset essentia sua, & sic non esset Deus; & cum hoc usque ad convictionem demonstravi, excanduit, & mandavit scribis ut me ejicerent; at cum sponte egressus sum, post me conjectis librum, quem forte manus ejus apprehendit, & liber ille erat Verbum, n: 161.

XXV. Disceptatum est inter Spiritus, num quisquam possit videre aliquod genuinum Verum in Verbo, nisi immediate adeat Dominum, qui est ipsum Verbum; sed quia erant qui contradicebant, factum est experimentum, & tunc qui adiverunt Deum Patrem, non viderunt ullum verum, sed omnes qui adiverunt Dominum, viderunt. Hac lite perstante ascenderunt aliqui Spiritus ex Abysso, de qua

qua Apoc. IX , ubi ventilant arcana justificationis per solam fidem , dicentes quod ipsi adeant Deum Patrem , & videant arcana sua in clara luce , sed responsum est , quod videant illa in luce fatua , & quod illis non sit ne quidem unicum Verum ; ex quo indignati , expromebant plura ex Verbo , quæ vera erant , sed dictum est illis , quod vera sint in se , sed in illis falsificata ; quod ita esset , comprobatum est per quod deducti sint in domum , ubi erat Mensa , in quam Lux e Cælo directe influxit , & dictum est illis , ut vera illa quæ protulerunt ex Verbo , scriberent super Charta , & hanc ponerent super illa mensa , quod cum factum est , Charta illa , cui vera inscripta erant , lucebat sicut Stella , at vero cum accesserunt , ac intuitum fixerunt in illa , Charta apparuit atrata sicut a fuligine : & postea deducti sunt ad aliam Mensam similem , super qua jacuit Verbum circumscriptum iride , quod cum quidam Antesignanus doctrinæ de sola fide manu sua tetigit , facta est explosio sicut e sclopeto , & ille conjectus est in angulum Cameræ , & jacuit sicut mortuus per semihorium . Ex his convicti sunt , quod omnia vera quæ apud illos ex Verbo erant , essent vera in se , sed falsificata in illis , n: 162.

XXVI. Quod in Mundo spirituali sint Climata sicut in Mundo naturali ; & quod inde etiam sint Zonæ boreales , ubi nives & glacies ; quandam illuc in spiritu perductus intravi Templum tunc nive obductum , lampadibus intus illuminatum , ubi post Altare visa est Tabula , super qua scriptum erat hoc , TRINITAS DIVINA , PATER , FILIUS ET SPIRITUS SANCTUS , QUI ESSENTIALITER UNUS SUNT , SED PERSONALITER TRES ; & audivi Sacerdotem concionantem de quatuor Mysteriis fidei , de quibus captandis est intellectus sub obedientia fidei , quæ videantur : post Concionem Auditores gratias egerunt Sacerdoti propter ejus tam uberem sapientia sermonem ; at cum interrogavi illos num aliquid intellexerint , responderunt , captavimus omnia plenis auribus , quid quæris num intellaxerimus , stupetne intellectus in talibus ; his Sacerdos præsens addidit , quia audivisti & non intellexisti , beati estis , quoniam inde vobis salus , præter plura , n: 185.

XXVII. Quod MENS HUMANA distingua sit in tres Regiones , sicut Cælum in quo sunt Angeli , & quod Theologica apud illos , qui amant vera quia vera sunt , in suprema Mentis regione resideant , & quod sub illis in media regione moralia , sub his autem seu in ultima , politica , & quod variæ scientiæ faciant januam . At quod Theologica apud illos , qui non amant vera , in infima regione sedent , & se ibi commisceant cum propriis hominis , & sic cum fallaciis sensuum ; & quod inde sit , quod quidam Theologica non quicquam possint percipere , n: 186.

XXVIII. Quod perductus sum ad locum , ubi erant qui per PSEUDOPROPHETAM in Apocalypsi intelliguntur , & ab illis ibi invitatus sum ad videndum Fanum illorum , ac sequutus sum & vidi illud , & in illo imaginem Mulieris induitæ veste coccinea , tenentis in dextra manu nummum aureum , & in sinistra catenam ex unionibus , sed hæc inducta erant per phantasiam ; at dum a Domino aperta sunt interiora mentis , loco Fani visa est domus rimosæ , & loco mulieris visa est bestia , qualis describitur in Apocalypsi Cap. XIII: 2 ; & sub solo ibi palus , in qua jacuit Verbum penitus reconditum : at mox spirante Vento orientali , sublatum est Fanum , & exsiccata est palus , & patuit Verbum ; & tunc per lucem e Cælo ibi apparuit TABERNACULUM , quale fuit Abrahamo , quando tres Angeli venerunt , & annuntiaverunt de Isaco nascituro : & postea luce emissâ e Cælo secundo , loco Tabernaculi apparuit TEMPLUM , quale fuerat Hierosolymæ : post hæc Lux e Cælo tertio affulxit , & tunc disparatum est Templum , & visus est DOMINUS SOLUS , stans super Lapide fundi , ubi erat Verbum ; sed quia nimia sanctitas tunc implevit mentes , subtracta est hæc lux , & loco ejus immissa est

lux e Cælo secundo; ex qua rediit prior aspectus Templi, & intus in illo Ternaculi, n: 187.

XXIX. Quod visum sit magnificum Palatum, in quo Templum, & in hoc solia posita erant in triplici Ordine: in illud Convocatum est Concilium a Domino, in quo deliberarent de DOMINO SALVATORE, & de SPIRITU SANCTO, & cum aderant totidem ex Clero, quot erant solia, iniebant Concilium; & quia de Domino, prima Propositio fuit, *Quis assumisit HUMANUM IN MARIA VIRGINEM*; & tunc Angelus ad Mensam stans legit coram illis, quæ Angelus Gabriel dixit ad Mariam, *SPIRITUS SANCTUS VENIET SUPER TE, ET VIRTUS ALTISSIMI OBUMBRABIT TE, ET SANCTUM QUOD NASCETUR EX TE, VOCABITUR FILIUS DEI*, *Luc. I: 35;* & quoque ex Matth. Cap. I: 20. 25; & insuper plura ex Prophetis, quod ipse Jehovah venturus esset in Mundum, & quoque quod ipse Jehovah dicatur Salvator, Redemptor, & Justitia, ex quibus conclusum est, quod ipse Jehovah assumserit Humanum. Altera deliberatio de Domino erat, *ANNON SIC PATER ET DOMINUS JESUS CHRISTUS UNUM SINT, SICUT ANIMA ET CORPUS UNUM SUNT*, & hoc confirmatum est ex pluribus locis in Verbo, & quoque ex hodiernæ Ecclesiæ Fide symbolica; ex quibus conclusum est, quod Anima Domini esset ex Deo Patre, & inde quod Humanum Ipsius sit Divinum, & quod hoc audeundum sit ut adeatur Pater, quoniam Jehovah Deus per id se misit in Mundum, & se fecit visibilem oculis hominum, & secretam accessibilem. Sequebatur Tertia deliberatio, quæ erat de SPIRITU SANCTO; & tunc primum discussa est idea de tribus Personis Divinis ab æterno, & constabilitum ex Verbo, quod Sanctum Divinum, quod vocatur Spiritus sanctus, procedat ex Domino a Patre. Tandem ex deliberatis in hoc Concilio factum est hoc Conclusum, *Quod in Domino Salvatore sit Divina Trinitas, quæ est Divinum a quo quod vocatur Pater, Divinum Humanum quod vocatur Filius, ac Divinum Procedens quod vocatur Spiritus sanctus, & quod ita sit unus Deus in Ecclesia*. Post finitum Concilium date sunt illis qui federunt illud Vestes splendidæ; & deducti sunt in Novum Cælum, n: 188.

XXX. Quod viderim in quodam præsepi magnas Crumenas, in quibus erat Argentum in multa copia, & juxta illas Juvenes custodes, in Camera proxima Virgines modestas cum Uxore casta, & quoque in alia Camera binos Infantes; & denique Scortum & Equos mortuos: & postea instruebar, quid illa singulatim significabant, & quod per illa repræsentatum & descriptum sit Verbum, quale id in se est, & quale est hodie, n: 277.

XXXI. Quod visa sit scriptura, qualis est in supremo seu tertio Cælo, quæ constabat ex literis inflexis cum corniculis sursum vergentibus, & dictum est, quod illis literis quoad partem similes fuerint literæ Hebraicæ in antiquissimo tempore, quando magis inflexæ erant quam hodie sunt; & quod Vocalis H, qui adjec-tus est nominibus Abrami & Saræ, significet Infinitum ac Æternum. Explicabant coram me sensum aliquot Verborum in Psalm: XXXII: 2, ex solis literis seu syllabis ibi, qui est, *quod Dominus etiam sit misericors illis qui malefaciunt*, n: 278.

XXXII. Quod ante Verbum Israeliticum fuerit Verbum, cuius Libri Prophetici vocati sunt ENUNTIATA, & Historici BELLA JEHOVAE, & præter hos etiam Liber JASCHAR dictus, qui tres etiam nominantur in nostro Verbo; & quod Antiquum illud Verbum fuerit in Terra Canaane, Syria, Mesopotamia, Arabia, Assyria, Chaldæa, Ægypto, Tyro, Zidone & Ninive; at quod Hoc, quia plenum erat talibus Correspondentiis, quæ remote significant cælestia & spiritualia, quæ ansam dederunt Idololatriis, ex Divina Providentia evanuerit. Audivi, quod Moses ex illo Verbo exscriperit illa quæ de Creatione, Adamo &

Chai-

Chaiya, Diluvio, &c de Noacho; & de tribus ejus Filiis, memoravit, sed non ulterius. Quod idem illud Verbum apud populos in TARTARIA MAGNA adhuc reservatum sit, & quod ex illo hauriant præcepta suæ fidei & vitæ, in Mundo spirituali ex Angelis inde mihi relatum est, n: 279.

XXXIII. Quod illi qui in spirituali Mundo sunt, non possint apparere illis qui in Naturali, nec vicissim, ita non Spiritus & Angeli hominibus, nec hi illis, propter DISCRIMEN INTER SPIRITUALE ET NATURALE, seu quod idem, inter substantiale & materiale: ex hac origine est, quod spiritibus & angelis prorsus alia Lingua, alia Scriptura, & quoque alia Cogitatio sit, quam quæ est hominibus: quod ita sit, detectum est per vivam experientiam, quæ facta est quod per vi-ces intraverint ad suos & redierint ad me, & sic contulerint: inde compertum est, quod ne quidem una vox Linguæ spiritualis detur similis alicui voci Linguæ naturalis; & quod Scriptura illorum constaret ex syllabis, quarum unaquævis in-volvit sensum alicujus rei; & quod Ideæ cogitationis illorum non cadant in ideas cognitionis naturalis: causa horum discriminum est, quia spiritus & an-geli sunt in principiis, homines autem in principiatis, seu quod illi in prioribus sunt, ex quibus ut causis sunt posteriora, & homines in posterioribus ex illis. Dictum est, quod simile discrimen sit inter linguas, scripturas & cogitationes Angelorum tertii Cæli & Angelorum secundi, n: 280.

XXXIV. De STATU HOMINUM POST MORTEM in genere; & de statu illorum, qui se in falsis Doctrinæ confirmaverunt in specie: de his & illis observata sunt hæc, 1. Quod homines ut plurimum tertio die post mortem resuscitati sint, & quod tunc non sciant aliter, quam quod adhuc in Mundo priori vivant. 2. Quod omnes alluant in Mundum, qui medius est inter Cælum & Infernum, qui vo-catur Mundus spirituum. 3. Quod ibi transferantur in varias Societates, & sic explorentur quales sunt. 4. Quod ibi boni & fideles præparentur ad Cæ-lum, at mali & infideles ad Infernum. 5. Quod post præparationem, quæ per-stat aliquot annis, aperiatur via bonis ad societatem quandam in Cælo, ubi in-æternum victuri sunt; malis autem via in infernum; præter multa plura. Postea describitur Infernum, quale est; & quod ibi Satanae dicantur qui in falsis ex confirmatione sunt, ac Diaboli qui in malis vitæ, n: 281.

XXXV. Quod ex Terra inferiore, quæ proxime est supra Infernum, audiverim vociferationes, o QUAM JUSTI, o QUAM ERUDITI, o QUAM SAPIENTES, & quia miratus sum, quod ibi etiam darentur Justi, Eruditi & Sapientes, descendit, & primum accessi ad illum locum ubi clamabant, o QUAM JUSTI; & vidi ibi sicut Tribunal, & in eo Judices injustitiae, qui dextre potuerunt pervertere leges; & vertere judicia ad cuiuscunque favorem; & quod sic judicia illorum essent modo arbitria; & cum sententiæ exportabantur ad clientes, tunc hi clamaabant longa via, o quam Justi: de his postea dixerunt Angeli, quod tales ne quidem hilum justi possint videre; post tempus Judices illi in Infernum conjecti sunt, & libri legum eorum conversi sunt in chartas lusorias, & loco judicandi datum est illis munus parandi fucos, quibus oblinierent facies meretricum, & sic verterent illas in pulchritudines, n: 332.

XXXVI. Postea petrexì ad locum, ubi clamabatur, o QUAM ERUDITI, & vidi Cætum ex illis, qui ratiocinabantur, Num sit vel non sit, & non cogitabant, quod ita sit, & inde subsistebant in primo vestigio de quacunque re, & sic illam modo tangebant ab extra, & non intrabant, ita quoque de Deo, num Deus sit; ut pro certo scirem, num tales essent, proposui illis, Qualis erit Religio per quam homo salvatur, responderunt, quod 1. ventilandum sit, num Religio sit aliquid. 2. Num una Religio plus efficiat quam altera. 3. Num sit vita ætera, & sic num sit aliqua Salvatio. 4. Num Cælum & Infernum sint;

& tunc cæperunt ventilare Primum, Num Religio sit aliquid, & dixerunt, quod illud egeat tam multa inquisitione, ut non possit finiri intra annum, & unus inter illos dixit, quod non possit intra centum annos; ad quæ retuli, quod interea essent absque religione; at usque Primum illud tam solerter ventilabant, ut Cohors adstans clamaret, o quam Eruditæ; dictum mihi est ab Angelis, quod tales apparent sicut sculptilia; & quod postea emittantur in deserta, ubi inter se garriunt & loquuntur modo vana, n: 333.

XXXVII. Accessi porro ad tertium Cætum, unde audivi clamorem, o QUAM SAPIENTES, & compertus sum quod ibi congregati essent, qui non videre possunt, num verum sit verum, sed usque facere, ut quodcunque volunt, appareat ut verum, & inde vocantur CONFIRMATORES; quod tales essent, etiam ex variis responsis ad propositiones animadverti, ut quod facerent verum quod Fides sit omne Ecclesiæ, & postea quod Charitas sit omne Ecclesiæ, & quoque quod fides & charitas simul sint omne Ecclesiæ, & quia quodlibet ex illis confirmabant & exornabant apparentiis ita, ut licerent sicut vera, ideo adstantes clamabant, o QUAM SAPIENTES. Postea aliqua ludicra etiam illis proposita sunt, ut facerent ut illa sint vera, nam dicunt quod non detur verum nisi id quod homo facit verum; Ludicra erant hæc; quod lux sit caligo & caligo lux; tum etiam quod corvus sit albus & non niger, quæ duo fecerunt ut prorsus apparent sicut veræ, confirmationes illorum videantur ibi. De illis ab Angelis mihi dictum est, quod tales ne quidem granum intellectus possideant; quoniam omne id quod supra rationale apud illos est, occlusum est, & quod omne quod infra rationale, apertum, & hoc potest confirmare quicquid lubet, sed non videre aliquod verum esse verum; quapropter hoc non intelligentis est, sed quod posse videre, quod verum sit verum, ac falsum falsum, & id confirmare, sit intelligentis. n: 334.

XXXVIII. Loquutus sum cum Spiritibus, qui in Mundo naturali fama eruditio-
nisi incluti fuerunt, qui tunc inter se disceptarunt de IDEIS CONNATIS, num aliquæ essent hominibus sicut bestiis; & tunc quidam Spiritus angelicus se intru-
sit, & dixit, disceptatis de lana caprina, sunt nullæ ideæ connatae hominibus,
nec sunt ullæ connatae bestiis; ad quæ dicta excanduerunt omnes, sed post da-
tam copiam loquendi, primum fatus est de bestiis, quod illis nullæ ideæ connat-
æ sint, causa est, quia non cogitant, sed modo operantur ex instinctu, qui illis est
ex amore illorum naturali, qui facit analogon voluntatis apud illos, immediate
in sensu corporis illorum influit, & excitat id quod concordat & favet amori,
& tamen Ideæ prædicantur de sola cogitatione; quod bestiis sit modo sensatio,
& nulla cogitatio, confirmavit per varia, imprimis per mirabilia quæ nota sunt
de araneis, apibus, & bombycibus, dicens, num Aranea in pusillo suo capite
cogitat, dum format telam, quod ita connectenda sit propter hos aut illos usus:
num Apis in pusillo suo capite cogitat, ex his floribus ex sugam mel, & his ce-
ram, ex hac struam cellulas in continua serie, & in his ponam mel in copia ut
quoque sufficiat pro hyeme, præter plura: num Bombyx vermis in pusillo suo
capite cogitat, nunc me conferam ad nendum sericum, & cum nevi tunc e-
volabo, ac ludam cum consociis, & prospiciam mihi prosperitatem, præter si-
milia apud Bestias & Aves. De hominibus dixit, quod quævis mater & alumna,
& quoque pater novit, quod infantibus recens natis prorsus nullæ ideæ connat-
æ sint, & quod non aliquæ prius quam dum didicerunt cogitare, & quod tunc
exoriantur ideæ, & fiant secundum omnem qualitatem cogitationis, quam per
instructionem häuserant; & quod hoc fiat, quoniam homini non aliud connat-
etur, quam facultas ad sciendum, intelligendum & sapiendum, & inclinatio
ad amandum non solum se & mundum, sed etiam proximum & Deum: Hæc
LEIB.

INDEX MEMORABILIUM. 527

LEIBNITIUS & WOLFIUS ad distantiam audiverunt, ac Leibnitius favit, aliter Wollfius n: 335.

XXXIX. Quondam aliquis Spiritus angelicus illustravit QUID FIDES ET CHARITAS, & quid coniunctio illarum efficit; illustravit id per comparationem cum Luce & Calore, quæ in uno tertio conveniunt, quia Lux in Cælo in essentia sua est Verum fidei, & Calor ibi in essentia sua est Bonum charitatis, proinde quod sicut Lux abique calore, qualis est tempore hyemis in Mundo, denudat arbores a foliis, & fructibus, ita fides absque charitate; & quod sicut Lux conjuncta calori, qualis est tempore veris, vivificat omnia, ita fides conjuncta charitati, n: 385.

XL. Quod duo Angeli descenderint, unus e Cælo Orientali ubi in amore sunt, & alter e Cælo meridionali ubi in sapientia sunt, ac loquuti de essentia Cælorum num esset Amor vel num Sapientia, & convenerunt, quod sit Amor & inde Sapientia; proinde quod Cæli a Deo creati sint ex Amore per Sapientiam, n: 386.

XLI. Quod post illud intraverim quandam Hortum, ubi a quoddam Spiritu circumductus sum, & tandem ad Palatum, quod vocabatur TEMPLUM SAPIENTIAE, quod erat quadrangulare, parietes ex chrystrallo, tectum ex jaspide, substratio ex variis lapidibus pretiosis; & dixit, quod nemo in illud possit intrare, nisi qui credit, quod id quod scit, intelligit & sapit, ad id quod non scit, intelligit & sapit, sit respective tam parum ut vix aliquid, & quia ego id credebam, datum est intrare, & visum est quod totum illud constructum esset ad formam lucis. In Templo illo retuli, quæ nuper audivi ex binis Angelis de Amore & Sapientia, & quæ sive sunt, annon etiam loquuti sunt de Tertio, quod est Uſu, & dixerunt, quod Amor & Sapientia absque Uſu sint modo entia idealia, sed quod in Uſu fiant realia: & quod simile sit cum Charitate, Fide & Bonis Operibus, n: 387.

XLII. Quod unus ex Draconis spiritibus invitaverit me ad videndum jucunda amoris sui, & deduxit me ad quoddam simile AMPHITHEATRO, super cuius scandenis sedebant Satyri & Meretrices, & tunc dixit nunc videbis Ludum nostrum, ac aperuit portam, & immisit sicut juvencos, arietes, hædos & agnos, & mox per aliam portam immisit leones, pantheras, tigrides & lupos, qui irruerant in gregem, & illum dilaniabant & mactabant; sed omnia illa quæ visa sunt, inducta erant per phantasias; hoc viso dixi ad Draconem, post tempus videbis hoc theatrum versum in Stagnum ignis & sulphuris. Ludo peracto, exivit draco stipatus suis satyris & meretricibus, & vidit gregem ovium, ex quo comprehendit, quod una Urbs ex Hierosolymitanis in propinquio esset, qua visa invasit illum cupido capiendi illam, ac ejiciendi habitatores; sed quia cincta erat muro, intendit illam capere per dolum, & tunc misit unum gnarum incantationis, qui immisus cum Urbanis calide loquutus est de Fide & Charitate, imprimis quæ illarum est primaria, & num Charitas aliquid conferat ad salutem; sed draco iratus ex responsu exivit urbe & congregavit multos ex sua turba, & cepit obsidere Urbem, at cum in conatu capiendi & invadendi illam erat, ignis e Cælo consumpsit illos, secundum illa quæ in APOCALYPSI Cap. XX: 8. 9., prædicta sunt, n: 388.

XLIII. Quondam Charta demissa erat e Cælo, in qua fuit exhortatio ut agnoscerent Dominum Salvatorem pro Deo. Cæli & Terra, secundum Ipsius verba Matth. XXVIII: 18. sed consultati sunt Duo Episcopi, qui ibi erant, quid facerent, qui dixerunt, ut Chartam remitterent ad Cælum unde venit; quod cum factum est, Societas illa subsedit, sed non profunde: post diem ascenderunt aliqui inde, & narrabant qualem sortem ibi subiverunt, tum quod ibi adiverint Episcopos & arguerint illos propter suasum illorum, & quod plura cum illis lo-

qui-

quæ sint de statu Ecclesiæ hodie, & increpaverint Doctrinam illorum de Trinitate, de Fide justificante, de Charitate, & de aliis, quæ ex Orthodoxia Episcoporum erant, & rogaverint ut ab illis desisterent quia contra Verbum, sed incassum; & quia Fidem illorum vocaverunt mortuam, & quoque diabolicam secundum Jacobum in Epistola sua, unus ex Episcopis defumpsit Cidarim e-capite suo, & reposuit super mensa, dicens quod illam non resumeret, antequam ultus fuerit dictoria de sua Fide; verum tunc apparuit monstrum ex inferis ascendens simile bestiæ descriptæ in Apocalypsi Cap. XIII: 1. 2., quod Cidarim defumpsit & deportavit, n: 389.

XLIV. Quod accesserim ad quandam Domum, ubi congregati inter se ventilabant, num bonum, quod homo in statu justificationis per fidem facit, sit bonum religionis vel non, consensus fuit, quod per bonum religionis intelligatur bonum quod confert ad salutem; sed prævaluit sententia illorum, qui dixerunt, quod omne bonum quod homo facit, non aliquid conferat ad salutem, quoniam non potest aliquid bonum voluntarium hominis conjungi cum gratuito, quia salvatio fit gratis: quod nec aliquid bonum ab homine conjungi cum Merito Christi, per quod unice datur salvatio: quod nec operatio hominis cum Operatione Spiritus Sancti, qui omnia absque ope hominis facit; ex quibus conclusum est, quod bona opera etiam in statu justificationis per fidem nihil ad salutem conferant, sed sola Fides: Ad hæc auditæ duo Gentiles, qui steterunt in ostio, inter se dixerunt, his non est aliqua religio, quis non scit, quod bonum facere proximo propter Deum, ita a Deo, & cum Deo, sit religio, n: 390.

XLV. Audivit Angelos lamentantes, quod talis EGESTAS SPIRITUALIS hodie in Ecclesia sit, ut nihil plus sciant, quam quod tres Personæ Divinæ sint, & quod sola fides salvet, & de Domino duntaxat Historica, & quod alte ignorant, quæ de Domino, Ipsijs Unitate cum Patre, Divinitate & Potestate, in Verbo memorantur; & dixerunt, quod quidam Angelus ab illis demissus sit, ad explorandum talis egestas hodie apud Christianos esset, & quod ille quæsiverit quendam, quæ ejus Religio, responderit quod sit Fides, & quod dein quæsiverit illum de Redemptione, Regeneratione & Salvatione, responderit quod omnia illa sint Fidei; & quoque de Charitate, quod sit in fide, & quod potest facere bonum a se: ad quem postea Angelus dixit, responderas sicut qui canit uno tono tibiæ, non audio nisi fidem, at si non aliud præter illam scis, nihil scis; & tunc deduxit illum ad consocios in deserto, ubi ne quidem gramen erat: præter plura, n: 391.

XLVI. Quod viderim quinque Gymnasia varia luce circumiecta, & quod cum multis intraverim in Primum, quod visum est sicut in luce flammea; erant ibi plures congregati; & Præses proposuit ut sententias suas proferrent de CHARITATE, & postquam exorsi sunt, PRIMUS dixit quod sententia ejus sit, quod Charitas esset Moralitas inspirata fide: SECUNDUS, quod esset Pietas inspirata miseratione: TERTIUS, quod esset bonum facere cuiuscunque tam probo quam improbo: QUARTUS, quod esset omni modo inferyire agnatis & amicis: QUINTUS, quod esset eleemosynas dare pauperibus, & opitulari indigentibus: SEXTUS, quod esset ædificare Hospitalia, Nosocomia, Orphanotrophia: SEPTIMUS, quod esset Templum ditare, & Ministris illorum benefacere: OCTAVUS, quod esset Fraternitas vetus Christiana: NONUS, Quod esset remittere cuique sua delicta: quisque ex illis sententiam suam ample confirmavit, quæ quia plura sunt, huc non possunt transferri, quare videantur in ipso MEMORABILI. Post hæc, data etiam est mihi copia expromendi sententiam meam, & dixi, quod Charitas sit ex Amore Justitiae cum judicio in omni opere & officio agere, sed ex Amore non calunde quam ex Domino Salvatore; & postquam hoc demonstratum est, adje-

ci, quod omnia illa, quæ supra e novem celebribus Viris de Charitate dicta sunt, sint egregia Charitatis documenta, modo fiant ex justitia cum judicio; & quia Justitia & Judicium non aliunde sunt, quam ex Domino Salvatore, ut fiant ex homine ab Ipso: hoc approbatum est a plerisque in Interno illorum homine, sed nondum ita in Externo, n: 459.

XLVII. Quod e longinquo auditus sit sicut stridor dentium, & ei intermixtum sicut pulsatile; & ad sonos accessi, & vidi domunculum ex juncis conglutinatis structam, & loco stridoris dentium & soni pulsatilis audivi intus in domuncula altercationes de Fide & Charitate, quænam illarum esset essentiale Ecclesiæ; & illi qui pro Fide erant, protulerunt sua Argumenta, dicentes, quod Fides sit spiritualis quia a Deo, sed Charitas naturalis quia ab homine; vicissim illi qui pro Charitate erant, dixerunt quod Charitas sit spiritualis, & Fides naturalis nisi conjuncta sit Charitati. His quidam Syncretista volens dirimere litem adjectit, confirmans quod Fides sit spiritualis, & Charitas modo naturalis; sed dicum est, quod vita moralis sit duplex, spiritualis & naturalis, & quod in homine, qui vivit a Domino, sit spiritualis moralis, at in homine, qui non vivit a Domino, sit naturalis moralis, qualis datur apud malos, & quandoque apud spiritus in Inferno, n: 460.

XLVIII. Quod in spiritu perductus sim in quendam Hortum in Plaga meridionali, & quod ibi viderim sedentes sub quadam lauro comedentes ficus, quos quæsivi, quomodo intelligunt, quod homo possit facere bonum a Deo, & tamen usque sicut a se; qui responderunt, quod Deus operetur bonum intus in homine, sed si homo id facit ex sua voluntate & ex suo intellectu, quod conspurget illud ita ut non sit bonum amplius; sed ad illa dixi, quod homo sit modo organum vitæ; & quod si credit in Dominum faciat bonum ex se ab Illo, at si non in credit in Dominum, & plus si non in aliquem Deum, bonum faciat ex se ab Inferno; & porro, quod Dominus dederit homini Liberum Arbitrium faciendi ab uno aut ab altero: quod Dominus hoc Liberum dederit, confirmatum est ex Verbo, quod mandaverit homini amare Deum & proximum, operari bona charitatis sicut arbor fructus, ac facere præcepta Ipsi ut salvetur, & quod quisque secundum facta sua judicaretur; & quod hæc & illa non mandata fuissent, si homo non posset facere bonum ex se a Domino. Postquam hæc dicta sunt, dedi illis termites ex quadam vite, & termites in manibus illorum protrusserunt uvas; præter alia, n: 461.

XLIX. Quod viderim MAGNIFICUM NAVALE, & inibi Navigia magna & parva, & super transversis pueros & puellas, qui exspectabant TESTUDINES, quæ e mari exsurgerent, quæ dum emergerunt, vidi quod haberent Duo Capita, unum quod ad lubitum retrahebant in conchas corporis eorum, & alterum quod apparebat in forma sicut homo, & ex hoc loquebantur cum pueris & puellis, & hi propter elegantes sermones illorum mulcebant illos, & quoque illis dederunt munera. His visis explicatum est ab Angelo, quid illa significabant, quod nempe sint homines in Mundo, & inde totidem Spiritus post mortem, qui dicunt, quod Deus apud illos qui Fidem adepti sunt, non videat aliquid quod cogitant & faciunt, sed solum spectet ad fidem, quam in interioribus mentis illorum recondit: & quod iidem illi coram Cætibus in Templis proferant Sancta ex Verbo, proorsus sicut alii, sed hæc ex Capite majore apparente sicut homo, cui tunc insertant parvum, aut hoc intrahunt in corpus. Quod iidem postea visi sint in aere in navigio cum septem velis volante, & illi inibi in laureis, inque vestibus purpureis, clamantes quod sint Capita sapientum ex omni Clero, sed visa illa erant imagines fastus, profuentes ex ideis mentis eorum; & cum super terra erant, loquutus sum cum illis primum ex Ratione, & postea ex Scriptura Sæ-

cra, & per plura demonstravi, quod illa eorum Doctrina esset insana, & quia contra Scripturam sacra in ex Inferno; sed Argumenta, per quæ demonstravie illa, propter prolixitatem, hoc transferri non possunt, quare videantur in ipso MEMORABILI; tum quod postea visi sint in loco arenoso in vestibus ex frustis, ac cincti retibus quasi pectoriis circum lumbos, trans quæ nuditates illorum apparet; & demum demissi sunt in societatem, quæ in confinio ad Machiavellistas est, n: 462.

L. Quod convocatum sit Comitium, quod sedit in Templo rotundo, in quo ad latera erant Altaria, juxta quæ comitiales sedebant, sed non erat ibi Primus, quare quisque ex se erupit in medium & exclamabat sensa sui animi; & incepimus est sermo de LIBERO ARBITRIO IN SPIRITALIBUS; & PRIMUS crumpebat clamavit, quod non plus Liberi Arbitrii in illis esset homini quam uxori Lothi dum versa est in statuam salis. SECUNDUS, quod non plus quam bestiæ & cani. TERTIUS, quod non plus quam talpæ, & quam noctuæ in luce diei. QUARTUS, Quod si homini foret Liberum Arbitrium in spiritualibus fieret maniacus, & crederet se esse sicut Deus, qui semetipsum possit regenerare & salvare. SEXTUS legit ex Libro Evangelicorum FORMULA CONCORDIE vocato, quod non plus Liberi Arbitrii in spiritualibus homini sit quam trunco & lapidi; & quod non possit hilum de illis intelligere, cogitare, velle, & ne quidem ad spirituale recipiendum se applicare & accommodare, præter plura, de quibus supra n: 464. Post hæc dicta, data etiam est mihi copia loquendi, & loquutus dixi, quid homo absque Libero arbitrio in spiritualibus aliud quam brutum; & ad quid absque illo serviant omnia Theologica; sed a hoc responderunt, lege nostra Theologica, & non inibi reprehendes quicquam spirituale, & quod hoc intus in illa ita reconditum sit, ut ne quidem apparcat umbra ejus, quare lege quæ nostra Theologia docet de Justificatione, hoc est, de remissione peccatorum, regeneratione, sanctificatione, & salvatione, non videbis ibi quicquam spirituale, quia influunt per fidem absque ulla hominis conscientia; charitatem etiam procul removit a spirituali, & quoque pænitentiam a contactu ejus; & præterea, quoad Redemptionem, attribuit Deo proprietates pure humanas naturales, ut quod Genus humanum sub damnatione universaliter concluserit, quod Filius illam in se suscepit, & quod sic Patrem propitiaverit, & quid intercessio & mediatio apud Patrem aliud. Ex his patet, quod in universa Theologia nostra nihil spirituale sit, & ne quidem rationale, sed mere naturale infra illa. At subito tunc fulmen e Cælo auditum est, & comitiales inde terrefacti eruperunt, & quisque fugit in suam domum, n: 503.

LI. Quod loquutus sim cum duobus spiritibus, quorum unus amavit bonum & verum, & alter malum & falsum, & deprehendi, quod uterque simili facultate cogitandi rationaliter gauderet, at cum ille qui amavit malum & falsum sibi relicitus erat, vidi sicut fumus ex inferno ascenderet, ac lucidum, quod ei erat supra memoriam, extingueret; at cum ille qui amabat bonum & verum sibi relicitus erat, vidi quod tanquam mitis flamma e Cælo descenderet, ac illuminaret regionem mentis ejus supra memoriam; & inde quoque illa quæ infra illum erant. Postea cum illo, qui malum & falsum amabat, loquutus de LIBERO ARBITRIO IN SPIRITALIBUS, & hic modo ad nominationem ejus excanduit, & clamavit, quod nemo possit mouere pedem & manum ad faciendum aliquod bonum spirituale, nec linguam & os ad loquendum aliquod verum spirituale, & sic quod ne quidem possit se applicare & accommodare ad aliquod tale recipiendum; estne homo in talibus mortuus & mere passivus, quonodo potest mortuum & mere passivum facere bonum & loqui verum ex se; nonne Ecclesia nostra etiam ita loquitur. Alter vero, qui amavit bonum & verum de Libero arbitrio in spiritualibus ita fatus est, quid totum Verbum absque illo, & quid

- Ecclesia, quid Religio, quid Cultus Dei, ita quid Ministerium absque illo; & ex intellectus mei luce scio, quod homo absque Libero illo spirituali non esset homo, sed bestia, nam quod homo sit & non bestia, est ex illo Libero; ac insuper quod homini absque Libero arbitrio in spiritualibus non foret vita post mortem, ita non vita æterna, quia non aliqua conjunctio cum Deo; quare illud negare non est nisi illorum, qui in spiritualibus insanunt. Postea visus est sicut prester super arbore, qui inde fructum porrexit illi qui Liberum Arbitrium in spiritualibus negavit, quo cōmēsō apparuit famus ex inferno ascendens, qui superiorem partem mentis ejus rationalis quoad lumen extinxit, n: 504.
- LII. Auditus est stridor sicut duorum lapidum molarium inter se collidentium, & accēsū ad initium soni, & vidi Domum, in qua plures cellulæ erant, in quibus sedebant Eruditæ hujus saeculi, & confirmabant Justificationem per solam fidem, & accedens ad unam qæsivi, quid nunc lucubratur, respondit de Acre JUSTIFICATIONIS, qui est caput omnium Doctrinæ in nostra Orthodoxy, & interrogavi, num sciat aliquid signum dum Fides justificans intrat & dum intravit, & dixit quod hoc fiat passive & non active, ad quæ respondi, quod si aufers activum in eo, etiam auferas receptivum, & sic foret actus ille modo pure ideale, quod vocatur ens rationis, & sic non nisi quam statua uxori Lothi timiens ex mero sale, stricta penna scribæ, aut ungue digiti ejus: vir ille exandescens summis lychnuchum conjecturus in me, sed tunc exstincto lychno conjectit in sôdalem, n: 505.
- LIII. Visi sunt duo Greges, unus ex hircis, alter ex ovibus, at cum spectati sunt in propinquio, pro hircis & ovibus visi sunt homines, & perceptum est, quod grex hircorum constaret ex illis, qui solam Fidem salvificam faciunt, & Grex ovium ex illis, qui Charitatem & simul Fidem; ad interrogationem cur ibi, dicebant illi, qui visi sunt sicut hirci, quod federent Concilium, quoniam illis detectum est, quod dictum Pauli, *Quod homo fide justificetur sine operibus legis*, Rom. III: 28., non rite intellectum sit, quoniam per Fidem ibi non intelligitur hodierna fides, sed fides in Dominum Salvatorem, & per Opera legis non intelliguntur Opera legis Decalogi, sed opera legis Mosaicæ, quæ erant ritualia, quod etiam demonstratum est; & dixerunt, quod conculserint, quod Fides producat bona opera sicut Arbor fructus: his illi, qui constituebant Gregem Ovium faverunt, sed tunc Angelus stans inter binos Greges, clamavit ad Gregem ovium, ne auscultate, quia non recesserunt à Fide sua priore, ac divisit Gregem Ovium in Duos; & dixit illis a sinistris, adjungite vos hircis, sed prædicto vobis, quod venturus sit lupus, qui rapiet illos, & vos cum illis. Sed tunc inquisitio facta est, quomodo intelligunt, quod Fides producat bona opera sicut Arbor fructus, & compertum est, quod perceptio illorum de conjunctione fidei & charitatis abeat prorsus in diversum ab illa comparatione, & sic quod esset loquutio fallax; quibus intellectis greges ovium se in Unum, ut prius, reuniverunt, cui adjunxerunt se aliqui ex hircis, confitentes, quod charitas sit essentia fidei, & quod sic fides separata ab illa sit modo naturalis, at conjuncta illi fiat spiritualis, n: 506.
- LIV. Sermo cum Angelis de tribus Amoribus, qui universales sunt, & inde apud unumquemvis hominem, qui sunt AMOR PROXIMI SEU AMOR USUUM, qui in se est spiritualis, AMOR MUNDI SEU AMOR POSSIDENDI OPES, qui in se est MATERIALIS; ET AMOR SUI, SEU AMOR IMPERANDI SUPER ALIOS, qui in se est corporeus; & quod cum tres illi Amores rite subordinati sunt apud hominem, homo sit vere homo, & quod tunc rite subordinati sint, dum amor proximi facit caput, Amor mundi corpus, & amor sui pedes; aliter prorsus, dum contra ordinem sedent apud hominem; & ostensum est, qualis homo est, dum amor Mundi facit

cit caput, & qualis dum amor sui, quod tunc sit homo inversus, quoad interiora mentis suæ ferus, & quoad exteriora ejus & inde corporis, histrio. Post hæc visus est quidam diabolus ex inferis ascendens facie furva cum circulo albo circum caput, & dixit, quod esset Lucifer, tametsi non erat ille, & quod in internis suis sit diabolus, sed in externis suis Angelus lucis; ac retulit, quod dum in externis est, sit moralis inter morales, rationalis inter rationales, imo spiritualis inter spirituales, & quod cum fuit in Mundo, concionatus fit, & quod tunc pejeraverit contra meleficos omnis generis, & quod inde vocatus sit filius Aurora; & quod ipse miratus, quod dum super pulpito esset, non aliter percepit quam quod ita esset sicut loquutus; aliter vere dum extra Templum erat; dixit causam, quia in Templo erat in Externis suis, & tunc solum in Intellectu, at extra Templum in Internis suis, & tunc in Volunta te, & sic quod Intellectus elevaverit illum in Cælum, at Voluntas detrahat illum in infernum; at quod Voluntas valeat super Intellectum, quia hunc illa disponit ad favorem & nutum: post hæc diabolus mentiens Luciferum delapsus est in Infernum, n: 507.

LV. Visum est Templum rotundum, cuius Tectum erat instar Coronæ, Parietes continuæ Fenestræ ex Chrystallis, Porta ex substantia margaritica, in illo erat suggestus super quo erat Verbum cinctum sphæra lucis, in medio Templi Adytum ante quod Velum, sed nunc sublatum, in quo stetit Cherubus cum ense vibrante in manu: post hæc visa, explicabantur coram me singula quæ significabant, quæ videantur; super Porta erat Scriptura hæc, NUNC LICET, quod significabat, quod nunc liceat intellectualiter intrare in Mysteria fidei, & datum est percipere, quod valde discriminosum esset intellectu intrare in dogmata fidei, quæ ex propria intelligentia sunt, & inde in falsis, & plus adhuc illa ex Verbo confirmare, & quod ideo ex Divina Providentia Verbum ademptum sit Romano-Catholicis, & quod apud Protestantes occlusum sit per eorum dogmata, quod Intellectus captandus sit sub obedientia fidei eorum. At quia Dogmata, quæ Novæ Ecclesiæ sunt, omnia ex Verbo sunt, quod in illa liceat Intellectu intrare, quia sunt continuae Veritates ex Verbo, quæ etiam coram intellectu lucent. Hoc erat, quod per Scripturam super Porta, NUNC LICET, intelligitur, & per quod Velum Adyti sublatum sit, intra quod stetit Cherubus. Post hæc allata est mihi charta ex infante, qui erat Angelus in tertio Cælo, in qua scriptum erat; INTRATE POSTHAC IN MYSTERIA VERBI HACTENUS OCCLUSI, NAM SINGULÆ VERITATES EJUS SUNT TOTIDEM SPECULA DOMINI, n: 508.

LVI. Quod gravi morbo sim correptus ex illapso fumo e Hierosolyma, quæ in Apocalypsi XI: 8. vocatur Sodoma & Ægyptus, & quod visus sim ab illis qui in Urbe illa erant, sicut mortuus, dicentes tunc inter se, quod non sepultura dignus essem, similiter ut de duobus Testibus in eodem Capite in Apocalypsi dicitur, & interea audivi blasphemias in copia ab Urbanis propterea quod prædicaverim pænitentiam, & fidem in Dominum Jesum Christum; sed quia judicium super illos instabat, vidi quod tota illa Urbs decideret, & inundaretur aquis, & postea, quod discurrerent inter strues lapidum, & lamentarentur de sorte sua, cum tamen crediderint, quod per fidem Ecclesiæ suæ, essent renati, & sic justi; sed dictum illis est, quod nihil minus quam tales essent, quoniam nusquam aliquam pænitentiam egerant, & quod inde non sciant unum malum damnabile apud se: postea dictum illis e Cælo est, quod fides in Dominum ac pænitentia, sint duo Media regenerationis & salvationis, & quod hoc notissimum sit ex Verbo, & insuper ex Decalogo, Baptismo, & Sancta Cæna, de quibus videantur in MEMORABILI, n: 567.

LVII. Quod omnes, qui post mortem in Mundum spiritualem veniunt, primo tempore teneantur in Externis, in quibus fuerunt in Mundo naturali, & quia plerique, dum in Externis sunt, moraliter vivunt, frequentant Templa, & orant ad Deum, credunt quod certe in Cælum venturi sint, sed instruuntur, quod omnis homo post mortem successive exuat Externum hominem, & aperiatur Internus homo, & quod tunc noscatur homo qualis est in se, quoniam homo est homo ex Voluntate & Intellectu, & non solum ex Aetione & Loquela, & quod inde sit, quod homo possit in Externis apparere sicut Ovis, tametsi in Internis est sicut Lopus; & quod talis sit in Interno suo homine, nisi exploreat mala suæ voluntatis & inde intentionis, & ab his pænitentiam agat; præter plura, n: 568.

LVIII. Quod unusquisque Amor exspiret jucundum, sed quod JUCUNDA AMORUM in Mundo naturali parum sentiantur, sed quod in Mundo spirituali manifeste, & quod in hoc aliquoties vertantur in odores, & quod tunc percipiatur qualia sunt jucunda, & cuius amoris sunt; & quod percipientur jucunda amoris boni, qualia in Cælis sunt, sicut fragrantiae in hortis & floretis, & vicissim jucunda amoris mali, qualia sunt in Infernis, sicut nidores & fætores ex stagnis & latrinis; & quod quia ita oppositi sunt, diaboli crucientur dum sentiunt aliquem odorem suaveolentem cæli, ac vicissim angeli dum aliquem graveolentem Inferni: quod ita sit, per duo exempla confirmatum est. Ex hac causa est, quod Oleum unctiois ex aromaticis paratum sit, & quod dicatur de Jehovah, quod ex holocaustis odoratus sit odorem gratum; & vicissim, quod mandatum sit filiis Isralis, ut exportarent immunda extra castra, & quod excrementa alvi defoderent; castra enim illorum repræsentabant Cælum, ac defertum extra repræsentabat Infernum, n: 569.

LIX. Quod quidam novitus spiritus, qui in Mundo multum meditatus est de Cælo & Inferno, desideraverit scire quale est unum & alterum, & quod e Cælo ei dictum sit, INQUIRE QUID JUCUNDUM ET COGNESCES, quare abiens inquisivit, sed apud spiritus mere naturales in vanum; at deductus est ad tres Cætus in ordine, ad unum ubi explorabant Fines, & inde dicti sunt Sapientiae, ad alterum ubi rimabantur Causas, & inde dicti sunt Intelligentiae, & ad tertium ubi Iustrabant Effectus, & inde dicti sunt Scientiae; & ab his & illis instructus est, quod vita cuivis angelo, spiritui & homini sit ex Jucundo amoris ejus, & quod voluntas & cogitatio non possint movere paslum, nisi a jucundo cujusdam auctoris, & quod hoc sit cuique id quod vocatur Bonum; & insuper quod Jucundum Cæli sit jucundum faciendi bonum, & quod jucundum Inferni sit jucundum faciendi malum. Ut adhuc instrueretur, ex proviso ascendit diabolus, & coram illo descripsit jucunda Inferni, quod essent jucunda vindicandi, scortandi, deprædandi, & blasphemandi, & quod illa, dum sentiuntur ibi ut odores, sentiantur ut balsama, unde vocavit illa delicias narium suarum, n: 570.

LX. Quod visus sit Cætus spirituum orantium ad Deum, ut mitteret Angelos, qui instruerent illos de varijs quæ fidei sunt, quia in plerisque hæsitant, quoniam Ecclesiæ inter se ita discrepant, & omnes illarum ministri dicunt, CREDITE NOBIS, SUMUS MINISTRI DEI, ET SCIMUS: & apparuerunt Angeli, quos interrogaverunt de Charitate & Fide, de Pænitentia, de Regeneratione, de Deo, de Immortalitate animæ, deque Baptismo & Sancta Cæna, ad quæ singula responderunt Angeli ita, ut caderent in intellectum illorum, dicentes porro, quod omne id quod non cadit in intellectum, sit sicut seminatum in arena, quod utcumque pluvia irrigatur, usque emarcescit; & quod Intellectus oclusus ex religione, non amplius videat quicquam in Verbo ex luce, quæ inibi est a Domino, imo quod si illud legit plus & plus in rebus fidei & salutis cœcutiat, n: 621.

LXI. Quomodo homo, dum præparatus est ad Cælum, intrat illud, videlicet quod post præparationem videat viam, quæ ad Societatem in Cælo, in qua vixturus est in æternum, tendit, & quod juxta societatem sit porta, quæ aperitur, & quod post introitum inquiratur num in illo sit similis lux & similis calor, hoc est, simile verum & bonum, quæ apud Angelos istius societatis, quod dum deprehenditur, circumvadit & inquirit ubinam sua domus est, nam pro unoquovis novitio Angelo est nova domus, qua inventa recipitur & numeratur ut unus inter illos. At vero illis, in quibus non est lux & calor, hoc est, verum & bonum Cæli, hæc dura fors est, quod dum intrant, misere crucientur, & ex cruciatio se præcipites dejiciant deorsum, hoc fit illis ex sphæra lucis & caloris Cæli in quorum opposito sunt, & hi postea non amplius cupiunt Cælum, sed consociantur similibus in Inferno: inde patet, quod vanum sit cogitare, quod Cælum sit modo admissio ex gratia, & quod admitti fruantur gaudii ibi, sicut qui in Munde in domum nuptiarum intrant, n: 622.

LXII. Quod multi, qui crediderunt quod Cælum modo esset admissio ex gratia, & post admissionem gaudium æternum, ex venia ascenderint in Cælum, sed quod quia non sustinuerunt lucem & calorem, hoc est, fidem & amorem ibi, se præcipites dejicerint, & quod tunc ab illis qui infra steterunt, visi sint sicut Equi mortui: inter illos qui infra steterunt & viderunt illos ita, fuerunt pueri cum magistro, & hic instruxit illos quid significabat apparitio sicut Equi mortui, & tunc quinam sunt, qui e longinquo ita apparent, dicens quod sint, qui dum legunt Verbum, materialiter & non spiritualiter de Deo, de Proximo & de Cælo cogitant, & quod illi materialiter cogitent de Deo, qui ex Persona de Essentia, de Proximo ex facie & loquela de qualitate, & de Cælo ex loco de statu amoris ibi; at quod illi spiritualiter cogitent, qui de Deo ex Essentia & inde de Persona, de Proximo ex qualitate & inde de facie & loquela, ac de Cælo ex statu anioris ibi & inde de loco: & postea docuit illos, quod Equus significet intellectum Verbi, & quia Verbum apud illos, qui spiritualiter cogitant, dum legunt illud, est Litera viva, quod ideo illi e longinquo appareant sicut Equi vivi, & vicissim, quia Verbum apud illos, qui materialiter cogitant, dum legunt illud, est Litera mortua, quod hi ideo e longinquo appareant sicut Equi mortui, n: 623.

LXIII. Quod visus fit Angelus cum Charta in manu, super qua scriptum erat CONJUGIUM BONI ET VERTI, descendens e Cælo in Mundum, ac visum est, quod Charta illa in Cælo liceret, in descensu autem pedetentim minus & minus, usque dum non Charta nec Angelus appareret, solummodo coram aliquibus ineruditis qui in simplici corde erant, coram his Angelus explicabat, quid Conjugium boni & veri involvit, videlicet quod omnia & singula in universo Cælo ac universo Mundo contineant utrumque simul, ex causa quia bonum & verum in Domino Deo Creatore unum faciunt, ac ideo quod non detur alicubi quicquam quod duntaxat est bonum, nec quicquam quod duntaxat est verum, consequenter quod in omnibus & singulis sit Conjugium boni & veri; & in Ecclesia Conjugium Charitatis & Fidei, quoniam Charitas est boni, & Fides est veri, n: 624.

LXIV. Quod cum eram in profunda cogitatione de Secundo Adventu Domini, viderim Cælum ab Oriente ad Occidentem luminosum, & audiverim ab Angelis Glorificationem & Celebrationem Domini, sed ex Verbo tam Prophetico Veteris Testamenti, quam ex Apostolico Novi; ipsa loca e Verbo, per quæ Glorificationes fiebant, videantur in MEMORABILI, n: 625.

LXV. Quod in Plaga septentrionali orientali sint Loca INSTRUCTIONIS, & quod illi qui instructiones interius recipiunt ibi nominentur discipuli Domini. Quondam dum in spiritu eram, quæsivi didascalos ibi, num sciant universalia Cæli & Universalia Inferni, & responderunt, quod Universalia Cæli sint tres Amores, Amor usuum, Amor pos-

possidēdibona Mundi ex amore faciēdi usus, & Amor vere conjugialis; & quod universalia Inferni sint tres Amores illis tribus oppositi, qui sunt Amor imperandi ex amore sui, Amor possidendi bona aliorum ex amore Mundi, & Amor scortatorius. Describitur postea qualis primus INFERNALIS AMOR EST QUI EST AMOR DOMINANDI EX AMORE SUI, quod talis apud Laicos sit; ut dum relaxantur ei fræna, velint dominari super omnia Mundi, & apud Clericos ut velint dominari super omnia Cæli. Quod talis phantasia sit apud illos qui in eo amore sunt, confirmatum est per similes in Inferno, ubi tales in quadam Valle simul sunt, qui jucundant animos suos per fantasias quod sint imperatores imperatorum aut reges regum; & alibi, quod sint Dii, & visum est quod ad horum aspectum priores, qui tam elato animo erant, caderent super genua & adorarent. Quod postea loquutus sum cum duobus, quorum unus erat Princeps cuiusdam societatis in Cælo, & alter qui erat summus Sacerdos ibi, qui dixerunt, quod apud illos in societate illa sint magnifica & splendida, quia amor illorum non est ex amore sui sed ex amore usum, & quod circumfundantur honoribus, & quod acceptent illos non propter se, sed propter bonum obedientiæ. Quæsivi tunc illos, quomodo potest aliquis scire, num usus faciat ex amore sui aut mundi, aut ex amore usum, quoniam omnes tres faciunt usus; ponatur, quod fit Societas composita ex meritis satanis, & societas composita ex meritis Angelis, & possum augurari, quod Satanæ ex amore sui & mundi in sua Societate facturi sint tot usus quot Angeli in sua, quis ergo scire potest ex quo amore sunt usus; ad hæc responderunt Princeps & Sacerdos, quod Satanæ faciant usus propter famam ut evanescant ad honores & luerentur opes; Angeli autem faciunt usus propter usum, sed hi discriminantur ex illis imprimis per hoc, quod omnis qui credit in Dominum, & fugit mala ut peccata, a Domino faciat usus, & sic ex amore usum, at quod omnis qui non credit, nec fugit mala ut peccata, faciat usus ex se & propter se, ita ex amore sui aut mundi, n: 661.

LXVI. Quod intraverim quandam Lucum, & viderim duos Angelos inter se loquentes, accessi, & loquebantur de CONCUPISCENTIA POSSIDENDI OMNIA MUNDI, & quod plures, qui in actionibus apparent morales, & in loquelis rationales, in vesania istius Concupiscentiæ sint, & quod illa Concupiscentia vertatur in fantasias apud illos, qui ideis suis de illa indulgent; & quia cuique licet se delitiari in phantasia sua in Mundo spirituali, modo non malum faciat alteri, quod siā etiam congregations ex talibus in Terra inferiore; & quia innotuit ubi erant, descendimus & intravimus ad illos, & vidimus quod federent ad mensas, super quibus erat ingens copia Nummorum aureorum, dicentes quod illi essent opes omnium Regni; sed erat modo visio imaginaria, quæ vocatur phantasia, per quam fecerunt apparentiam illam: at cum dicebatur illis, quod insinarent, aversi a mensis fasti sunt, quod ita sit, sed quia visio illa summopere oblectat illos, quod non possint aliter quam per vices intrare, & favere illecebribus sensuum suorum: his addiderunt, quod si quis surripit alteri sua, aut aliud malum facit, decidat in aliquem carcerem sub illis, & ibi teneatur laborare pro cibo, veste, & aliquibus obulis; & si etiam ibi malum faciunt, depravit illis & puniuntur, n: 662:

LXVII. Audita est disceptatio inter quandam Legatum Regni & duos Sacerdotes, NUM INTELLIGENTIA ET SAPIENTIA, ET SIE QUOQUE PRUDENTIA, ESSENT A DEO, VEL NUM AB HOMINE; Legatus instabat quod ab homine, Sacerdotes autem quod a Deo: sed perceptum est a quibusdam Angelis, quod Sacerdotes interius in se crederent similiter ac Legatus, videlicet, quod Intelligentia & Sapientia, & inde Prudentia essent ab homine; quare ut id pateretur, rogabatur Legatus ut exueret vestes Muneris sui, ac indueret vestes Ministerii sacerdotalis, quo facto

incepit Legatus multis confirmare, quod omnis Intelligentia & quoque Prudentia fit a Deo: & postea etiam rogabantur Sacerdotes ut exuerent vestes suas, ac induerent vestes Ministrorum politicorum, quo facto, loquebantur Sacerdotes ex interiori se, dicentes, quod omnis Intelligentia & Prudentia sit ab homine: causa quod ita loquuti sint, erat, quia Spiritus cogitat se talem esse qualis est super illo vestis: post haec, Tres illi amici cordis facti sunt, & inter loquendum simul iverunt viam, quæ tetendit deorsum; sed postea vidi illos reducere, n: 663.

LXVIII. Agitur primum de illis qui in Verbo vocantur ELECTI, & quod sint, qui post mortem inveniuntur vitam Charitatis & Fidei vixisse, & separantur ab illis qui illam vitam non vixerunt, & sic qui tunc ELIGUNTUR, & præparantur ad Cælum; quapropter credere modo aliquos ante nativitatem vel post illam eligi & prædestinari ad Cælum, & non omnes quia omnes vocati sunt, foret Deum impotentia salvandi, & quoque injustitiæ arguere, n: 664.

LXIX. A quodam advena dictum est in Cælo, quod non aliquis in Christiano Orbe sciat quid CONSCIENTIA, quod quia Angeli non crediderunt, dixerunt ad aliquem Spiritum, ut tuba convocaret Intelligentes, quos sciscitaret num sciunt quid Conscientia; & factum est ita, & advenerunt, & inter illos erant Politici, Eru-diti, Medici, & Sacerdotes, & tunc primum sciscitabantur Politici, quid Conscientia, responderunt, quod sit dolor ex præconcepito aut postea capto timore discriminum honoris vel opum, vel quod sit ex humore melancholico oriundo ex indigestis in Ventriculo, praeter plura. Postea percontati sunt ERUDITOS, quid sciunt de Conscientia, responderunt, quod sit mæror & anxietas infestans corpus & inde caput, aut caput & inde corpus, ex variis causis, imprimis ex hac, quod animum intenderint uni rei solum, quod sit imprimis dum regnans amor patitur, unde quandoque phantasie & deliria, & apud quosdam cerebrostites in Religiosis, quæ vocantur morsus conscientiæ. Post hos interrogati sunt MEDICI, quid Conscientia, & dixerunt, quod sit modo dolor oriundus ex variis morbis, quos in copia enumeraverunt, & quod illi plures per pharmaca sanaverint: morbi ex quibus dolores, qui Conscientiæ vocantur, derivantur, enumerati videantur in MEMORABILI. Demum quæsiti sunt SACERDOTES, quid Conscientia, inquierunt, quod sit eadem cum Contritione, quæ præcedit Fidem, & quod illam sanaverint per Evangelium: & insuper, quod dentur Conscientiosi ex omni Religione, tam vera quam fanatica, qui sibi faciunt scrupulos in rebus salutis, etiam adiaphoris. Angeli ex his auditis percepérunt veritatem, quod non aliquis sciat quid Conscientia, quare demiserunt Angelum a se, qui doce-ret, hic adstans in medio illorum dixit, quod Conscientia non sit aliquis dolor, sicut omnes vos autumavistis, sed quod sit vita secundum Religionem, & quod illa vita imprimis apud illos sit, qui in fide Charitatis sunt, & quod illi qui conscientiam habent, ex corde loquantur quæ loquuntur, & ex corde faciant quæ faciunt, quæ etiam per exempla illustravit; quare cum dicitur de aliquo quod Conscientiam habeat, intelligitur quod justus sit, & vicissim. His dictis, diviserunt se convocati in quatuor phalanges, in unam transiverunt illi, qui intellexerunt verba Angeli & faverunt, in alterum qui non intellexerunt, sed usque faverunt, in tertium qui non voluerunt intelligere, dicentes inter se, quid nobis cum Conscientia, & in quartum qui irridebant, dicentes, quid Conscientia nisi flatus; post haec viæ sunt duas posteriores phalanges secedere ad sinistrum, & duas priores ad dextrum, n: 665.

LXX. Quod deductus sim ad locum, ubi veteres Sophi, qui fuerunt in Græcia, commorabantur, quem locum illi vocabant Parnassium; & dicebatur mihi quod per vices ablegent quosdam arcessendi gratia aliquos Advenas e Mundo, & in-

qui-

INDEX MEMORABILIUM. 537

quirendi aliquid de sapientia, qualis est hodie in terris; & tunc inventi sunt duo ex Christianis, & adducti, qui mox interrogati sunt, QUID NOVI E TERRA; & hi responderunt, quod hoc ibi Novum sit, quod invenerint homines in sylvis, forte in prima pueritia ibi omisso, & quod illi ex facie quidem appareant ut homines, sed quod usque non essent homines; & quod ex illis conluserint in Mundo, quod homo non plus esset quam bestia, solum quod posset articulare sonum & sic loqui, & quod bestia similiter posset sapere, si imbueretur articulate sonare, præter plura. Sophi ex his auditis conluserunt plura de Sapientia, quas vices ab illorum temporibus subiverat, imprimis ex eo, quod non sciant discrimen inter statum hominis & statum bestiæ, & ne quidem quod homo modo nascatur forma hominis, & quod per instructiores fiat homo, ac talis homo qualiter instructiones recipit, & quod fiat sapiens ex veris, insaniens ex falsis, ac interius fera ex malis, & quod modo nascatur facultas ad sciendum, intelligendum & sapiendum, propter finem, ut sit subiectum, in quod Deus posset sapientiam à primo ejus gradu ad supremum inspirare: dicentes porro, quod ex Advenis comprehendenterint, quod sapientia, quæ suo tempore in oriente fuit, hodie in occidente sit. Postea instruxerunt Advenas, unde est, quod homo forma Dei creatus potuerit inverti in formam diaboli: sed de his & illis videatur **MEMORABILE**, n: 692.

LXXI. Quod iterum indictus sit Conventus in loco ubi erant veteres Sophi, quoniam ab emissariis audiverant, quod offenderint tres novos Advenas e terris, unum qui fuit Sacerdos, alterum qui fuit Politicus, & tertius qui fuit Philosophus, qui adducti, mox quæsiti, QUID NOVI E TERRA, & responderunt, hoc Novum est, quod audiverint, quod quidam dicat se loqui cum Angelis & Spiritibus, & quod ille plura de statu illorum memoret, & inter illa, quod homo sit æque homo post mortem, cum sola differentia, quod tunc corpore spirituali inducitur sit, prius autem corpore materiali: quibus auditis, interrogant SACERDOTEM, quid de illis cogitaverat in Terra, respondit, quod quia crediderat quod homo non victurus sit iterum homo prius quam die Ultimi Judicii, ille cum reliquis ex suo Ordine, putaverit, ejus relata fuisse visiones, & postea commenta, & quod denique hæserit; ad interrogationem, annon incolæ telluris potuerunt ex Ratione videre quod homo vivat homo post mortem, & sic paradoxa de statu animarum interea dissipare, quæ sunt, quod animæ interea sicut venti volitarent in Universo, & continuæ exspectarent Ultimum Judicium, ut cum corporibus suis coalescant, quæ fors foret peior sorte cuiusvis bestiæ; ad quæ Sacerdos respondit, quod dicant sed non convincant, & quod coalitionem seu reunionem animarum cum suis cadaveribus & sceletis in sepulchro adscribant Omnipotentiæ Dei, & cum nominant Omnipotentiam & quoque Fidem, exulat omnis ratio. Postea interrogatus est Politicus de auditis illis, respondit, quod in Mundo non potuerit credere, quod homo victurus sit homo post mortem, quoniam omne hominis jacet mortuum in sepulchro, & sic quod ille homo viderit Larvas, & crediderit quod illæ essent angeli & spiritus: sed quod nunc primum convictus sit ab ipsis sensibus, quod vivat homo sicut prius, & quod ideo illum pudeat cogitationum priorum. Pæne similia de se & de quibusdam e sua Schola narravit PHILOSOPHUS; & præterea quod illa quæ audierat de visis & auditis ab illo homine, retulerit inter Opiniones & Hypotheses, quas ex Antiquis & Hodieernis collegerat. Sophi his auditis obstuپerunt, imprimis quod Christiani, qui in luce præ reliquis ex Revelatione sunt, in tali caligine de Vita sua post mortem essent, cum tamen nos, & sapientes nostri temporis, illam vitam sciverunt & crediderunt: dicentes porro, quod animadverterant, quod Lux sapientiæ ab illo sæculo ab interioribus Cerebri se demiserit us.

usque ad os sub naso, ubi illa apparet sicut splendor labri, & inde loquela oris sicut sapientia. His quidam ex tironibus adjecit hoc, oī quam stupidae Mentes Terricolarum hodie sunt, utinam adeissent discipuli Heracliti qui ridebat ad omnia, & discipuli Democriti qui flebat ad omnia, & audiremus magnum risum & magnum fletum. Post hæc datae sunt Adveniæ lamellæ cupreæ, super quibus Hieroglyphica exarata erant, & abiverunt, n: 693.

LXXII. Quod inventi sint novi Adveniæ e Mundo, & adducti sint ad Urbem sub Parnassio, ac interrogati, QUID NOVI E TERRA, & responderunt, quod in Mundo crediderint, quod post mortem futura sit omnimoda Requies a laboribus, & tamen audiverunt, cum huc veniebant, quod hic sint Administratio-nes, Functiones, & Operæ sicut in priori Mundo, & sic quod non sit Requies ad hæc Sapientes ibi responderunt, sic credidistis quod nunc victuri sitis in mero otio, cum tamen ex otio fit Mentis & inde totius Corporis languor, torpor, stupor & sopor, quæ sunt Mors, & non Vita: & tunc circumducti sunt in Urbe, & ad Administratores & Operarios; quibus visis mirati sunt, quod talia dentur, cum tamen etiam crediderint, quod futurum quoddam ina- ne, in quo victuræ sunt Animæ, antequam Novum Cælum & Nova Terra exi- stent: & instructi sunt, quod omnia, quæ hic coram oculis apparent, sint sub-stantialia, & dicantur spiritualia, & quod omnia in priori Mundo sint materialia & dicantur naturalia; & quod hoc discrimen sit, quia ex alia origine sunt, vi- delicit, quod omnia quæ in hoc Mundo sunt, existant & subsistant ex Sole qui est purus Amor, & quod omnia quæ in illo Mundo sunt, existant ex Sole qui est purus Ignis: & insuper instructi sunt, quod non modo in hoc Mundo sint Administratio-nes, sed etiam Studia omnis Generis, & quoque Scripturæ & Libri. Adveniæ ex his instructionibus lætificati sunt, & cum abiarent, venerunt quædam Virgines cum Acupictis & Netis, operibus manuum suarum, & do- naverunt illis; & coram illis cœcinerunt Oden, quæ affectionem operum usus cum amænis ejus melo angelico exprimebant, n: 694.

LXXIII. Quod introductus sim in Conventum, ubi aliqui ex vetustis Philosophis etiam aderant, ac interrogatus sum, quid in meo Mundo sciunt de INFLUXU, ad quæ respondi, quod non de alio sciant, quam de Fluxu lucis & caloris sui Solis in illa quæ naturæ sunt, tam in illa ibi quæ animata sunt, quam quæ inanimata, & quod prorsus non sciant aliquid de Fluxu Mundi spiri-tualis in Naturalem, cum tamen ex illo Fluxu sunt omnia mirabilia, tam quæ conspiciuntur ibi in Regno animali, quam quæ in Regno vegetabili, quæ quoad partem recensentur; & quia hunc Fluxum non sciunt, confirmant se pro-Natura, & fiunt Naturalistæ, & tandem Atheti, n: 695.

LXXIV. Quod loquutus sim cum sectatoribus Aristotelis, Cartesii, & Leibnitii, de INFLUXU PHYSICO, de INFLUXU OCCASIONALI, & de HARMONIA PRÆSTABILITA, & audivi, quomodo quisque suam Hypothesin confirmavit; & quoniam non potuerunt inspicere illam rem intellectu supra confirmationes, sed modo infra illas, dirimebant litem per sortem, quæ exivit pro Fluxu spirituali, quæ quoad par-tem cum Fluxu Occasionali coincidit, n: 696.

LXXV. Quod perductus sim in quoddam Gymnasium, in quo Juvenes initiabantur in varia quæ sapientia sunt, quod fiebat per ventilationem alicujus objec-ti, quod a Præsule ibi proponebatur, & obiectum ventilationis tunc erat, QUID ANIMA, ET QUALIS ILLA; erat Cathedra, in quam ascendebant responsori; & mox UNUS ascendit dicens, quod nemo a Creatione Mundi potuerit indagare, quid Anima & qualis illa; at quia sciverunt, quod Anima esset in homine, in-quisitum est, ubinam illa, & quod fuerit, qui opinatus est, quod apud homi-nem resideat in quadam Glandula, quæ vocatur Pinealis, & sedet inter duo Ce-

Cerebra in Capite; & quod hoc primum crediderit, sed quia a multis rejectum est, post etiam ipse recesserit. Post hunc SECUNDUS ascendit, & dixit, quod credat quod sedes Animæ in Capite sit, quoniam Intellectus ibi est, sed quia non potuit divinare ubi illa ibi, accesserit nunc ad sententiam illorum, qui dixerunt quod sedes ejus esset in tribus Cerebri Ventriculis, nunc ad illorum qui dixerunt illam esse in Corporibus striatis ibi, nunc ad illorum qui dixerunt in Substantia medullari aut corticali, & nunc ad illorum qui dixerunt in Dura Matre, quibus addidit, quod relinquat cuique arbitrari, quod libet. TERTIUS ascendens dixit, quod Sedes animæ esset in Corde & inde in Sanguine, & hoc confirmavit ex Verbo, ubi dicitur Cor & Anima. QUARTUS postea ascendens dixit, quod a pueritia cum Antiquis crediderit, quod Anima non esset in parte, sed in Toto, quia est substantia spiritualis de qua non praedicari potest locus, sed impletio, tum quia per animam etiam intelligitur vita, ac vita est in toto. QUINTUS ascendens dixit, quod credat Animam esse purum quid simile ætheri aut aeris, & quod hoc crediderit quia opinati sunt, quod Anima talis foret, postquam separata est a corpore. Sed quia Sapientes in Orchestra perceperunt, quod nullus ex illis sciret quid Anima, rogabant Praesulem, qui id problema proposuerat, ut descendenter & doceret, hic itaque descendens dixit, quod Anima sit ipsa Essentia hominis, & quia Essentia absque forma non est aliquid, quod Anima sit Forma formarum hominis, & quod haec forma sit Forma vere humana, in qua sapientia cum ejus perceptionibus, & Amor cum ejus affectionibus universaliter resident; & quia credidistis in Mundo, quod vos futuri sitis Animæ post mortem, estis vos nunc Animæ, præter plura: & hoc confirmatum est per hoc effatum in Libro Creationis, *Jehovah Deus inspiravit in nares Adami ANIMAM VITARUM, & factus est homo in ANIMAM VIVENTEM*, Genes. II: 7.

LXXVI. Quod visus sit Angelus cum tuba, per quam convocavit Celebres eruditione inter Christianos, ut proferrent quid in Mondo prius crediderant de GAUDIIS CÆLI, ET DE FELICITATE ÆTERNA, hoc siebat, quia dictum est in Cælo, quod nemo in Christiano Orbe sciat, aliquid de illis: & post horulam visæ sunt ex Christianis eruditis adesse sex Cohortes, qui quæsiti, quid sciverant de Gaudiis Cæli, & de Felicitate æterna, dixit PRIMA COHORS, quod crediderint fore modo Intromissionem in Cælum, & tunc in ejus festiva Gaudia, sicut quis intrmittitur in domum nuptiarum & in ejus festivitates. ALTERA COHORS dixit, quod crediderint esse lætissima Consortia, ac suavissimas Confabulationes cum Angelis. TERTIA COHORS dixit, quod crediderint esse Epulations cum Abrahamo, Isaco & Jacobo. QUARTA COHORS dixit, quod crediderint esse Delicias Paradisiacas. QUINTA COHORS, quod essent supereminentia Dominia, opulentissimæ Gazæ, & superregia Magnificentia. SEXTA COHORS, quod esset Glorificatio Dei, & Festum perennans in æternum. Ut ergo Eruditi illi scirent, num illa quæ crediderant esse Gaudia cæli, datum est illis intrare in illa sua Gaudiis, & cuivis cohorti per se, ob causam, ut per vivam experientiam disserent, num Gaudia imaginaria vel num realia essent; hoc fit cum plerisque qui e Muncto naturali allunt in spiritualem, n: 731. 732. 733.

Et mox tunc illa Cohors, quæ putaverat Gaudia Cælestia esse lætissima Consortia & suavæ Confabulationes cum Angelis, immissa est in imaginationis suæ gaudia; sed quia erant gaudia externa, & non interna, post aliquot dies tædio affecti sunt, & recesserunt, n: 734.

Postea illi, qui crediderant, quod Gaudia Cælestia essent Epulations cum Abrahamo, Isaco & Jacobo, in similia illis intromissi sunt, sed quia perceperunt, quod Gaudia illa essent modo externa, & non interna, tædui illos, & abiverunt, n: 735.

- Similiter factum est cum illis, qui crediderant Gaudia Cæli & Felicitatem æternam consistere in supereminentibus Dominiis, opulentissimis Gaziis, & in superregia Magnificentia, n: 736.
- Similiter etiam cum illis, qui crediderant Gaudia cælestia & inde Felicitatem æternam esse Delicias Paradisiacas, n: 737.
- Similiter postea cum illis, qui crediderant Gaudia Cælestia & Felicitatem æternam esse perpetuam Glorificationem Dei, ac Festum perennans in æternum: hi tandem instructi sunt, quid in Verbo per Glorificationem Dei intelligitur, n: 738.
- Similiter demum factum est cum illis, qui crediderant se in Gaudia Cælestia & in Felicitatem venire, modo intromittantur in Cælum, & quod illis tune similiter Gaudia forent, quemadmodum est illis qui intrant in domum nuptiarum & simul tunc in festivitates; at quia illis per vivas experientias ostensum est, quod in Cælo non sint Gaudia nisi illis, qui vitam cæli, hoc est, vitam charitatis & fidei vixerunt, & quod vicissim Cælum illis, qui contrariam vitam egerunt, sit cruciatus, recesserunt, & cum similibus se consociaverunt, n: 739.
- Quoniam perceptum est ab Angelis, quod adhuc nullus in Mundo naturali sciret qualia sunt Gaudia Cæli, & inde qualis est Felicitas æterna, dictum est ad Angelum tubæ, ut eligeret ex convocatis decem, ac introduceret illos in unam Societatem Cæli, ut suis oculis viderent & mentibus perciperent quid Cælum, & qualia ibi gaudia sunt, & factum est ita; & post intromissionem, primum datum est illis: videre magnificum Palatum Principis ibi, n: 740. Tum Paradisum juxta illud, n: 741: Postea ipsum Principem, & ejus Magnates in vestibus splendidis, n: 742: Deinde invitati ad Mensam Principis viderunt apparatus, quos aliquis oculus in terris non viderat; & ad Mensam audiverunt Principem instruentem illos de Gaudiis Cælestibus & de Felicitate æterna, quod essentialiter consistenter in Beatitudine interna, & ex hac in Jucunditatibus externis, & quod beatitudo interna suum essentiam ducat ex affectione usus, n: 743. Post prandium ex mandato Principis arcessiti sunt quidam sapientes Societatis, qui plene illos instruebant quid & unde beatitudo interna, quæ est Felicitas æterna, & quod hæc faciat, ut Jucunditates externæ sint Gaudia, præter plura de his & illis, n: 745. ad 746. Post hæc datum est illis videre Nuptias in illo Cælo, de quibus, n: 747 ad 749. Et demum auscultare Prædicationem n: 750. 751. Quibus omnibus visis & auditis, pleni cognitione de Cælo, & læti corde, descendederunt, n: 752.
- LXXVII. Agitur ibi de REVELATIONE; quod placuerit Dōmino Se manifestare mihi, & aperire interiora Menti meæ, & sic dare videre quæ in Cælo & Inferno sunt, & quod sic detexerit Arcana, quæ excellentia & dignitate excedunt Arcana hactenus detecta, quæ sunt, I. Quod in omnibus & singulis Verbi sit SENSUS SPIRITUALIS; qui non appareat in sensu literæ; & quod ideo Verbum per Correspondentias Spiritualium cum Naturalibus conscriptum sit. II. Quod ipsæ CORRESPONDENTIAE, quales sunt, manifestatae sunt, III. Et quoque de VITA HOMINUM POST MORTEM. IV. De CÆLO & INFERNO, quale unum & qualc alterum; & quoque de BAPTISMO & SANCTA CENA. V. De SOLE in Mundo Spirituali; quod sit purus Amor a Domino, qui in medio ejus est, ex quo procedens Lux est sapientia, & procedens Calor est Amor, & sic quod inde sit Fides & Charitas, & quod inde omnia quæ procedunt, sint Spiritualia; & sic viva; & quod Sol Mundi naturalis sit purus ignis, & inde quod omnia quæ ex hoc Sole, sint naturalia; & sic mortua. VI. Quod tres Gradus sint, hactenus ignoti. VII. Et præterea de ULTIMO JUDICIO; Quod DOMINUS SALVATOR SIT Deus Cæli ET TERRÆ: de Nova ECCLESIA, & ejus Doctrina; de INCOLIS PLANETARUM; & de

de TELLURIBUS in Universo; n: 846. VIII. Insuper de AMORE CONJUGIALI, & quod sit spiritualis apud spirituales, naturalis apud naturales, & carnalis apud adulteros, n: 847. IX. quod ab Angelis per autopsiam compertum sit, quod tametsi Arcana illa excellentiora sunt Arcanis hactenus detectis, usque a multis hodie floccipendantur, n: 848. Quod auditum sit murmur a quibusdam in Infera terra, quod illis fidem non adjungant, nisi MIRACULA fiant, sed quod tulerint responsū, quod per Miracula non plus credituri essent quam Pharaon & Ægyptii, nec plus quam posteri Jacobi dum saltaverunt circum Vitulum Aureum in deserto; nec plus quam ipsi Iudei dum viderunt Miracula ab ipso Domino facta, n: 849. XI. Demum Cum Dominus Arcana illa, revelavit mihi, & non potius alicui ex Ordine Ecclesiastico, n: 850.

— Quod illa, quæ in MEMORABILIBUS quæ post Capita sunt, vera sint, & quod similia Prophetis ante adventum Domini, & similia Apostolis post adventum Ipsiis, ut Petro, Paulō, & imprimis Johanni in Apocalysi, visa & audita sint, quæ recensentur, n: 851.

THEOREMA PROPOSITUM A QUODAM DUCE ELECTORE IN GERMANIA, CUI ETIAM SUMMA DIGNITAS ECCLESIASTICA FUIT.

Quondam in Mundo spirituali vidi quendam Ducem Electorem in Germania, cui etiam summa Dignitas in Ecclesiasticis fuerat, & juxta illum duos Episcopos, & duos etiam Ministros, & ad distantiam audiui quid inter se loquebantur: interrogavit Dux Elector quatuor adstantes, num scirent quid facit Caput Religionis in Christianismo, responderunt Episcopi, caput Religionis in Christianismo, est FIDES SOLA JUSTIFICANS ET SALVANS; interrogavit iterum, num scitis quid intus in illa Fide reconditum latet, recludite illam, introspicite, & dieite; responderunt, quod intus in illa non aliud reconditum lateat, quam MERITUM ET JUSTITIA DOMINI SALVATORIS; ad hæc dixit dux Elector, lateatne tunc in illa Dominus Salvator in Humano suo, in quo vocatur JESUS CHRISTUS, quia Ipse in Humano suo Solutus Justitia fuit; ad hæc dicebant, hoc certe & indivise sequitur; instabat Dux Elector, dicens, aperite Fidem illam, & introspicite adhuc, ac investigate bene, num quippiam aliud inibi est, & dixerunt Ministri, later etiam inibi GRATIA DEI PATRIS; ad quod Dux Elector dixit, eonecipite & percipite rite, & videbitis, QUOD SIT GRATIA FILII APUD PATREM, Ille enim petit & intercedit: quare dico vobis, quoniam confitemini, veneramini, & osculamini Fidem illam vestram Solam, omnino confitebimini, venerabimini & osculabimini Dominum Salvatorem in Humano suo Solum, nam, ut supra dictum est, Ipse in Humano suo fuit & est JUSTITIA; quod Ipse in Hoc etiam sit JEHOVAH & DEUS, vidi in Sacris Literis, ex his, „Ecce Dies venient, cum suscitabo Davidi Germen justum, qui regnabit Rex, & prosperabitur, & hoc Nomen quod vocabunt Ipsum, JEHOVAH JUSTITIA NOSTRA, Cap. XXXIII: 15. 16. Apud Paulum, In Jesu Christo OMNIS PLENITUDO DIVINITATIS habitat corporaliter, Coloss. II: 9. Et apud Johannem, Jesus Christus est VERUS DEUS, & Vita aeterna; I. Epist. V: 20. 21. Quare etiam vocatur DEUS FIDEI, Philipp. III: 9.

ERRORES TYPOGRAPHICI.

Pag. 7. lin. 7. Unis, lege unus. pag. 8. lin. 17, bastiam, lege bestiam. pag. 18.
lin. 10, substans, lege subsistens. pag. 21. 3, magnifica, l. magnifici. p. 24.
40, quord l. quoad. p. 32. 22, expensum l. expansum. p. 42. 38, elævatio-
nes l. elevationes. p. 47. 45. renatione l. reactione. p. 54. 33. cravit l. crea-
vit. p. 55. 39. Deus, l. & dixit Deus. p. 56. 25. 26. inferno l. inferno. 59.
8, simius l. similis. 70. 26. vertilator l. ventilator. p. 78: 19. Filias l. Filius.
p. 98. 39. Domius l. Dominus. pag. 104. 26. circonfudit l. circumfudit. p.
118. 8. Bezaleet &, l. Bezaleel est. 128. 28, missururus l. missurus. p. 130.
11. Divitatis l. Divinitatis. p. 133. 20. miseratur l. misereatur. p. 143. 27.
suæ l. sum. p. 162. 28, crucatur l. cruciatur. 174. 43, amydalum l. amygda-
lum. p. 176. 43. Mæcum l. mecum. p. 189. 22. Sanctitus l. sanctitas. p. 208.
32, vindictu l. vindicta. p. 209. 10. camem l. carnem. p. 209. 17. espectat
l. exspectat. p. 213. 47, ubet l. lubet. p. 227. 12. propugari l. propagari. p.
231. 18, fructurus l. facturus. p. 238. 16. receproca l. reciproca. p. 244. 17.
produat l. producat. p. 244. 22. intellectas l. intellectus. p. 247. 24, rupta
l. nupta. p. 259. 41. charita l. charitati. p. 270. 8, suprenuin l. supremum.
p. 272. 23, forman l. formam. p. 275. 45, valle l. velle. p. 275. 45, provi-
num l. proximum. p. 280. 28, amydalum l. amygdaluin. p. 289. 45, velle
est l. velle &. p. 293. 33, cīnumrepit l. circumrepit, p. 296. 30, mearitum l.
meritum. Præter plura levidensia.

**PLEASE DO NOT REMOVE
CARDS OR SLIPS FROM THIS POCKET**

UNIVERSITY OF TORONTO LIBRARY

Not wanted in RB&L

Dce 13/88

